





C.V. 497.





# MICHAELIS BAIL,

CELEBERRIMI IN LOVANIENSI

ACADEMIA THEOLOGI,

O P E R A:

Cum Bullis Pontificum, & aliis ipsius causam  
spectantibus, jam primum ad Romanam Ec-  
clesiam ab convitiis Protestantium, simul ac  
ab Arminianorum cæterorumque hujusce  
temporis Pelagianorum imposturis vin-  
dicandam collecta, expurgata, &  
plurimis quæ hactenus delituerant  
opusculis aucta: studio

A. P. THEOLOGI.



COLONIÆ AGRIPINÆ

---

Sumptibus BALTHASARIS AB EGMONT &  
Socioyvm. M. DC. XCVI.

MICHAEL DALL

OF THE UNIVERSITY OF TORONTO

AND OF THE UNIVERSITY OF ALBERTA

O. P. R. A.

THE UNIVERSITY OF TORONTO  
LIBRARY  
100 ST. GEORGE STREET  
TORONTO, CANADA  
M5S 1A5



UNIVERSITY OF ALBERTA

UNIVERSITY OF ALBERTA  
LIBRARY  
EDMONTON, CANADA  
T6E 6E6

# P R Æ F A T I O.



N novissimis de Christi gratia disputationibus nihil frequentius auditur, quàm Michaelis Baii nomen & Baianorum: ac simul dicere ausim nihil minùs viris etiam eruditis esse notum, quàm quid Michael Baius senserit ac scripserit, & quid posteriori ævo in ejus causâ fuerit peractum: adedò rara sunt in bibliothecis ejus opera, ac adedò neglecta est causæ tam insignis Theologi inquisitio. Fulminibus Vaticanis, quæ in quosdam articulos, ipsi perperam adscriptos, à Pio V. & Gregorio XIII. vibrata creduntur, Virum hunc cum suis libris non perculsum modò ac perculsum, sed & penitus attritum, absque ulla veri disquisitione censent Theologi ferè omnes, in ipsâ etiam Acadèmia Lovaniensi.

Qui Jansenii Episcopi Iprensis *Augustinum* primi impetivere, ac pro ejus Censura institere vehementius, eo potissimum titulo ipsam ab Urbano VIII. obtinuerunt, quod à Jansenio ibi renovatas dicerent sententias, quæ ex Michaelis Baii libris, si ipsis fides est, collectæ, à præfatis Pontificibus prohibita fuerant ac damnata. Id norunt omnes qui legerunt Bullam, quâ Urbanus VIII. Cornelii Jansenii Augustinum proscripsit; vel ea, quæ Ludovici Molinæ schola contra Jansenium ab anno 1640. ad annum 1653. evulgavit.

Qui autem à Jansenii partibus firmius steterunt, sic ejus susceperunt vindicias, ut suæ causæ satis esse judicarent ostendisse quàm procul à vero sit quod Jansenius vel unum ex damnatis his articulis asseruerit; nullatenus discutientes, an isti articuli Michaeli Baio jure attributi sint, & an in sensu Michaelis Baii erronei sint vel hæretici: ut contendebant Theologi è Societate, ac præ cæteris P. Ripalda, qui ingens volumen contra Baium & Baianos typis dedit. Hæc enim prima est machina, quâ præfati Molinæ Schola Augustinianam de gratia sententiam conatur evertere.

Interim verò primum caput, ex quo Protestantæ arguunt Ecclesiam Romanam à prisca fide deflexisse ad Pelagianismum: & ex quo Arminiani, Sociniani, alique horumce temporum Pelagiani jactitant ac gloriantur Romanam Ecclesiam idem cum ipsis sentire, illud est, quod Pius V. non satis se præcavens à malevolentia æmulorum Michaelis Baii, qui ex ejus scriptis varias sententias collegisse se dicebant, instantes ut Censurâ Pontificiâ configerentur, Bullam confecerit anno 1567. quâ omnes illas indiscri-

minatim veluti hæreticas & erroneas prohibuit ac damnavit. Et quòd Gregorius XIII. cùm prior censura tumultuantibus minùs profecisse videretur, eam novo diplomate, ut falsò ferunt, confirmaverit.

Unum sufficiat super hæc audivisse Leydeckerum, in Ultrajectina Academia Theologum Protestantem, qui in secunda Disputatione historico-Theologica de vario Jansenistarum fato, postquam plures ex memoratis sententiis adduxisset: subjungit: *Ecce invisus Roma propositiones &c. Deinde Pontificia Censuræ conclusionem sic refert: quas quidem sententias stricto coram nobis examine ponderatas, quæquam nonnullæ aliquo pæto sustineri possent, in rigore ac proprio verborum sensu ab assertoribus intento, hæreticas, erroneas, suspectas, temerarias, scandalosas, & in pias aures offensionem immitcentes, respectivè, & quæcunque super his verbo scriptore emissa, præsentium auctoritate damnamus, circumscribimus & abolemus, &c.* Post hæc addit: *Pium V. secutus est Gregorius XIII. suum Prædecessorem. Vidi enim non defuisse suo tempore Theologos & Professores qui articulos in præcedenti Constitutione damnatos asserere & defendere pergerent. Igitur eorum temeritatem & audaciam, ad totius Ecclesiæ scilicet periculum pertinentem, minimè dissimulandam censuit; sed verò ad coercenda hujusmodi ingenia, quarto Cal. febru. 1570. (per errorem, puto, Typographi, loco 1579.) editam Pii Bullam, articulosque ibidem notatos iterato confirmavit, referente Urbano VIII. in suo contra Jansenistas seu Baianos Decreto.*

His ita enarratis, ut in Urbani VIII. Bulla legerat, Romanos istos Pontifices sic insilit: *Atqui non sic Pius egit ex devota in veritatem, gratia gloriam, & Christi merita, pietate: non se ostendit Gregorius pastorem verè propositorum pro sancta fide, resurgente suas vires in dies Pelagianismo... Sed & datus erat Ecclesiæ Romana jam libellus repudiij; ET DEBUIT ILLA DESERTA PALAM FACERE SE PLANE EXCIDISSE EX GRATIA, PELAGIANISMUM AMPLEXAM, QUI ANTICHRISTI FIDES ESSE DEBUIT, UTI SUBRUIT CHRISTIANISMI FUNDAMENTA.*

Tum ex historia demonstrat Bullam Pontificiam Minoritarum ac Jesuitarum consilio consecratam esse atque evulgatam, *Moris ergo, ait, per M. Baium controversus, acta omnia ferè per Jesuitas. Franciscanorum sectos vestigia, Dominicanis æmulos atque invisos.*

Ac postquam retulit (ex quorum fide nescio) quòd missus sit Lovanium Bellarminus magnus Jesuita, qui de quæstionibus cognosceret, remve omnem componeret vel ad Papale Tribunal deferret; sic concludit: *Confiatur ergo Decretum Michaelis Baii &c.*

In Dispu-  
tar. tertia:  
Thesi 24.

Denique totis viribus contendit certum esse Baianas propositiones quovis modo ut scandalosas, falsas & erroneas, eoque condemnatas in Ecclesia Romana

Romana esse habitas. Et earum Censuræ opponit assertiones in libro Domini Bossuet cui titulus: *Exposition de la doctrine Catholique &c. à Cardinalibus & ab ipso Papa anno 1679. die quarto Januarii approbatas.* Deinde insert quòd istæ *Bullæ contra Baium reddant evanidam, & Papæ hæc horrorem regant, &c:* non tamen, ait, adeò ut injustam demonstrent Protestantium ab Ecclesia Romana secessionem. Immo iterum vehementiori impetu instat Leydeckerus his verbis: *Adhuc dico iusta fuit Patrum nostrorum ex Babele secessio: æquum manebit nostrum in Romam odium: frustra urgemur ad regressum, qui novimus Pontificia Curia solius artes, dolos, fraudes. Si hæc (quæ in libro Domini Bossuet habentur) Romana Ecclesiæ fides est; condemnentur antè evulgata Bullæ contra Baium &c.*

Ex quibus liquet, quòd sicut Arminiani, Sociniani & alii novi Pelagiani gloriari non desinunt & jactare Romanam Ecclesiam pro hæretica habere Augustini doctrinam de gratia & prædestinatione; & nullum esse doctrinæ caput quod ipsa acrius oppugnet: ita ex alia parte Protestantes ex his Censuris, quibus priscam germanamque Ecclesiæ fidem in Baio proscriptam volunt, multo zelo demonstrare conantur quòd Ecclesia Romana à fide defecerit & in Pelagianismum sit prolapsa, ut hac arte suos in eorum à nobis secessione foveant.

Arminius  
in Declaratione  
suz sententiz.

Ut ergo quivis boni & æqui arbiter judicet quàm vanus sit iste Remonstrantium aliorumque hujusce ætatis Pelagianorum triumphus; quantæque injuriæ alii in Ecclesiam Romanam insurgant: & quàm merito jure qui Ecclesiæ Romanæ firmius adhærent, contendunt genuinam Apostoli & Augustini doctrinam, in Michaelis Baio nihil detrimenti per Pontificum Bullas esse passam, sed illæsam atque inconcussam hæctenus permansisse: operæ pretium fuit, ipsa Michaelis Baïi opera & quicquid eorum occasione patratum est, in lucem proferre. Eâ igitur mente novam hanc omnium operum Baïi, simulque eorum quæ circa hæc gesta sunt, editionem adornavimus: & in duas partes distinximus. Prior Michaelis Baïi opera concludit. Altera Bullas & alia quæ causam ejus spectant, complectitur. Ea inter, plurima sunt quæ hæctenus inedita manserant ac ignota. Alia erant nonnullis in locis corrupta, quæ ad Codicum MSS. fidem emendavimus. Porro nihil ex nobis, sed vel ex authenticis instrumentis, vel ex Codicibus, eo tempore quo res relatæ contigerunt, manu exaratis, protulimus.

Præter hæc, quæ in hac editione prodeunt, habentur Michaelis Baïi Commentarii in Magistrum Sententiarum, ac ejus explicationes in psalmos. Quandoquidem verò magnum volumen implerent, quod multarum impensarum foret; ideò eorum editionem distulimus, donec ea legendi cupido



cupido studiosos invadat , & ad ea publici juris facienda invitet ac compellat.

Interim his utere ; nec falsâ te decipi patiaris eorum opinione qui sibi imaginantur , ac contra omne verum spargunt , libros Michaelis Baii à Summis Pontificibus fuisse prohibitos. Eos liberè libenterque lege , & quò plus cos legeris , eò pluris facies , & plus ingermana sanctorum Patrum , & maximè Augustini , doctrina proficies.

PETRI OPMERI, BATAVI,

D E

MICHAELE BAIO

T E S T I M O N I U M :

I N O P E R E S U O

C H R O N O L O G I C O ,

A D . A N . 1589.

**M**ICHAEL BAIUS, Atho Hannoniæ ortus , vir ingenio facili , & Sacrarum Litterarum eruditâ notitiâ exornato ; in quo nescias an doctrina modestiæ , probitati morum facilitas comitalque cesserit. Quibus virtutibus insignitus , omnium hominum , Principum etiam virorum studia , magnetis instar , ad se attraxit , summâque cum laude divinarum rerum mysteria per annos quâdraginta in alma Lovaniensi Universitate , ubi lauream in eadem Facultate consecutus fuerat , interpretatus est. Dein illustri etiam ejusdem Academiæ Magistratu , quem Cancellariatum vocant , annis quindecim perfunctus , & ad S. Synodum Tridentinam Regio jussu missus , egregium ingenii , eruditionis , modestiæque testimonium præbuit. Sed & Philippum Marnixium , S. Aldegundi Dominum , alterum nostri ævi solique Tanchelinum , si opiniones ejus in fidei rebus spectes , SS. Eucharistiam ore sacrilego proscindentem , edito libello prostravit. Dumque adhuc magna & posteritate digna meditatur , morbus ante diem irrepit , qui septuaginta & sex annos habentem sustulit. Ejus laudes insigni encomio pro-



prosecutus est Jacobus Baius, fratris filius, Doctor itidem Theologus, qui & monumentum eidem, in Sacello Collegii auspiciis Adriani VI. Pont. erecti, cui ille præsuerat, poni curavit. Quique ut gradu, ita & nunc Cancellarius fastigio par suo Patruo, non exigua quoque eruditionis suæ testimonia seræ posteritati transmittit, æternum victurus.

E X

ATHENIS BELGICIS

S E U

NOMENCLATORE INFERIORIS

GERMANIÆ SCRIPTORUM:

A U T O R E

FRANCISCO SUVERTIO

ANTUERPIÆ 1628.

**M**ICHAEL BAIUS, Melini in territorio Atheni nascitur anno Incarnationis Dei 1513. quo nihil doctius, aut nihil etiam humilior sæculum istud habuit: quod de illo elogium Cardinalis Tolæti aliquando tulit. Sacræ Theologiæ in Lovaniensi Academia Doctor, & per quadraginta annos Professor Regius, eximie virtutis ac maturi consilii fuit. Ad Oecumenicam Synodum Tridentinam (cujus & finem spectavit) unâ cum Cornelio Janzenio & Joanne Hesselio à Philippo Hispaniarum Rege missus, egregiam ingenii, doctrinæ, ac pietatis, in celeberrimo illo Christiani Orbis teatro, testificationem dedit. Facultates suas moriens pauperibus legavit, Collegio Lovanii excitato sub patrocinio B. Augustini, cujus Opera cum novies perlegisset, invenit tamen semper quid ruminaretur. Joannes Bernartius Mechliniensis J. C. reliquas ejus virtutes funebri oratione est prosecutus. Jacobus Baius, fratris filius, Doctor itidem Theologus, illi monumentum in sacra sede Collegii Pontificii, cui annis multis præsuit, posuit, ex quo varias præstantissimi viri functiones licet cognosce-  
re.

re. Siquidem virtutum ejus & omnigenæ eruditionis decora nulla ætas conticescet, ut quæ in nepotes suos singulari providentiâ transfudit, & eandem Academiam per illos etiam hodie sustentat, dum paulò antè in Jacobo nepote, modò in Ægidio abnepote videndum se & imitandum exhibet. Monumentum verò quod ei obtigit, est tale:

*Hic jacet sepultus*

*Egregius vir D. ac M. N. Michael de Bay  
Athenſis, Eccleſiæ Collegiatæ D. Petri Decanus,  
Univerſitatis Cancellarius & Conſervator, Generalis  
per Belgium Inquiſitor, Regius S. Theologiæ  
Profeſſor, & Collegii Pontificii Præſes,  
Deceſſit 16. Septembris anno 1589.  
Decanatus anno 14. Profeſſionis 40.  
Præſidentia 39. ætatis annum agens 77.  
Anima quietem, Lector, precare.*

## TESTIMONIUM

AUBERTI MIRÆI

I N

ELOGIIS BELGICIS,

D E

MICHAELE BAIO.

**Q**Uæ res in unum eundemque hominem rarè admodum convenire solent, præstans ingenium, & summa animi modestia; eæ ambæ in Michaele Baio ita enituerunt, ut de illo ornando certasse inter se videantur. Nam & in Philosophiæ studiis, quibus primos annos Porcenû in gymnasio Lovanii dedit, ita excelluit, ut superiorum ætatum Philosophis ingenio doctrinâque par haberetur. Quam eximiam laudem cumulabant singularis morum facilitas, & hilaris naturæ comitas. Quibus quidem virtutibus, cum penitiorè Sacrarum Litterarum, quas annos quadraginta Regius Professor publicè interpretatus est, cognitione conjunctis, voluntates & studia hominum ita ad se attrahebat, ut Principibus etiam viris, in his Joanni Austrio, Belgicæ Proregi, hospitio à se idemtidem in Pontificio Lovanii Collegio cui præerat, excepto, gratus semper extiterit. Et virum tantis ingenii doctrinæque præditiis ad maxima quæque munera Reipublicæ obeunda instructum, privatæ vitæ otium ambitiosæ cupiditati anteposuisse, & tranquillam in studiis ætatem perpetuè egisse, summæ moderationis, excelsumque animi præclarum specimen fuit. Quamquam illustrem ac perpetuum Academiæ Lovaniensis Magistratum (vulgò Cancellarium vocant) ultrò oblatum declinare non potuit: in quo obeundo annos quatuordecim summâ omnium gratiâ versatus, eximiam sibi laudem peperit.

Ad Tridentinum Concilium, cujus & finem spectavit, unâ cum Cornelio Jansenio, & Joanne Hesselio, à Principe nostro missus, egregiam ingenii, doctrinæ ac pietatis in celeberrimo Christiani orbis theatro testificationem dedit. Omitto quæ cum Philippo Marnixio Sanct-Aldegondio de SS. Eucharistia, pro Romana Ecclesia subtilissimè disputavit. Sacris tam sanctè virpius quotidie operabatur, ut inter sacrificandum & lacrymas effunderet frequenter, & easdem aliis excuteret. Facultates suas moriens pauperibus

An. 1561.

\* \*

testa-

testamento legavit, Collegio Lovanii, sub patrocinio B. Augustini, quem religiose semper coluit, excitato. Reliquas ejus virtutes funebri oratione Joannes Bernardus Mechliniensis IC. est prosecutus. Jacobus Baius, fratris filius, Doctor item Theologus, illi monumentum in æde sacra Collegii Pontificii ab Hadriano VI. exædificati, posuit.

# TESTIMONIUM

VALERII ANDRÆ

IN

BIBLIOTHECA BELGICA,

ANNO 1643.

SECUNDUM EDITA,

DE

MICHAELE BAIIO.

**M**ICHAEL BAIUS, Melini in territorio Atheniensi, anno 1513. natus, cum primum per ætatem licuit litteris & studiis melioribus se dedit; & puer admodum Lovanium veniens, in Porcensi ibidem gymnasio biennali cursu decurso, inter Philosophiæ candidatos anno 1535. tertium locum obtinuit. Hinc Collegii Pontificii alumnus, eâ modestiæ morumque gravitate inter contubernales suos per totum quinquennium vixit, ut qui Standonicæ Domui præesset dignior inventus sit nemo. Hic triennio rexit; solidoque inde sexennio Philosophiam docuit pari fructu & laude.

Anno 1545. Theologiæ laureâ insignitum, Pontificium Adriani VI. Collegium Præsidem accepit. Cæsar Sacrarum Litterarum Professore constituit: Academia Doctorali purpurâ, anno Do. 1550. quinto Cal. Julias donavit: Philippus Rex Catholicus Tridentum unâ cum Cornelio Jansenio,

& Joanne Hesselio an. 1563. misit. Hic ad illum velut ad oraculum itum est, quâ erat ingenii celeritate, judicii profunditate, doctrinæ excellentiâ. Lovanium absoluto Concilio reversus, anno 1575. Joanne Molinæo vitâ functo in D. Petri (*ecclesia*) Decanus, & triennio post Privilegiorum Academicorum Conservator eligitur. Qua in dignitate constituto, de morum modestiâ puero ingeniâ; de victûs temperantiâ, quæ in eo semper vixit; de pietate, quæ pia meditati, & sacris quotidie operanti lacrymas frequenter excussit, nihil decessit. Sibi semper similis, vultu gravitatem, sed urbanitati mixtam præferebat: in colloquiis lepidus & facetus, in facetiis gravis & eruditus: omnibus affabilis, benignè audiebat omnes, comiter respondebat omnibus. In sacrarum Litterarum Professione Patrumque lectione assiduus erat; è quibus cum clarissimum illud Ecclesiæ Sydus, D. Augustinum, nonies totum attentè legisset, invenit tamen semper quod ruminaretur. *Scriptis:*

*De meritis operum, libros 2.*

*De prima hominis justitia, & virtutibus impiorum, libros 2.*

*De Sacramentis in genere contra Calvinum.*

*De forma Baptismi. Lovanii simul edita 1565. 8. apud Joannem Bogardum.*

*De libero hominis arbitrio, lib. 1.*

*De Charitate, Justitia & Justificatione, libros 3.*

*De Sacrificio, lib. 1.*

*De Peccato Originis, l. 1.*

*De Indulgentiis, lib. 1.*

*De Oratione pro Defunctis, lib. 1.* Omnia ibid. 1566. Atque hæc Lovanii excusa, recudi Auctor postea noluit, postquam intellexit in iis quædam Pio V. Pont. Max. displicuisse.

*Responsionem ad Questiones Philippi Marnixii, De Ecclesia Christi & Sacramento Altaris. Ibid. typis Petri Zangrii. 1579. 8.*

*Apologiam pro Responsione, contra objectiones ejusdem de veritate corporis Christi in Eucharistia. Ibid. 1581. 8. & cum aliis pro eadem Responsione Apologiis, Colonix 1583. 8. Lovanii 1590. 4.*

*Epistolam ad Ambrosium Lootsium, Abbatem Paricensem, De Statuum inferioris Germaniæ unione cum iis, qui se desertores Romanæ Ecclesiæ vocant: & De Juramento, quod eorum jussu à Clero & Monachis exigitur. Lovanii 1578. & Colonix, 1579. 8.*

*Epistolam ad Doctorem P. Castillo, De juramento, jussu Ducis Alexponii, Antuerpiæ in Prætorio concepto & comprobato (die 12. Apr. 1582.)*

Obiit anno Dom. 1589. 16. Cal. Octobris, annos natus 77. Defunctum pro funere laudarunt Joan. Bernartius J. C. & Jacobus Baius, Doctor Theologus, patrum nepos: qui eidem patruo suo in sacello Collegii, ubi sepulturam elegerat, monumentum sepulchrale posuit.



## SYNOPSIS CHRONOLOGICA

## V I T Æ

## MICHAELIS DE BAY.

**A** Nno 1513. Michael de Bay, sive Baius, natus est Melini, quod est oppidum Belgii in Atheniensi ditione.  
 1533. Lovanii ad Philosophiæ studium in Collegio Porcensi admissus est.

1535. Magister Artium renunciatus est.

1541. Assumptus est in Præsidem Domûs Standonicæ, in qua ipse nutritus fuerat.

1544. Ex Facultate Artium in Consilium Universitatis adscitus est: ac Philosophiam docere incepit.

1545. Ad sacræ Theologiæ licentiâ, ut vocant, est promotus.

1550. Sacræ Theologiæ purpurâ fuit insignitus, ac inter Theologiæ Magistros annumeratus: & delectus in Collegii Pontificii Præsidem.

1551. Sacrarum Litterarum interpres in eadem Academia Lovanienti à Carolo V. institutus est: quod munus per quadraginta annos non integros, sed inchoatos, exercuit.

1552. In Michaelis Baii sententias, qui cum Scriptura ac Sanctis Patribus, magis quàm cum recentioris scholæ Magistris, loquendum ac sentiendum ducebat, palam invehi cœpit Ruardus Tapperus, in eadem Academia Doctör Theologus, quem ipse Baius in Theologia audierat, sed cujus opiniones à Pelagianismo minùs abhorrentes non sectabatur.

1560. Octodecim articuli, quos nonnulli Michaeli Baio tribuebant, & de quibus multa maximè inter Fratres Minores Belgii erat contentio, à Guardiano Conventûs Nivellensis simul & à Guardiano Conventûs Athenfis deferuntur Sorbonæ, quæ in eas Censuram tulit. Ipsam Baius, mox ut accepit, suis annotationibus expunxit: ac sic expunctam ad P. Antonium Sablonium, FF. Minorum in Flandria Provincialem, misit.

1561. Plures articuli confinguntur, & Michaeli Baio adfinguntur. Exhibentur Cardinali Granvellano, omnia tum temporis in Belgio regenti: & ipse eos tradidit Michaeli Baio, qui statim ad singulos respondit: & suâ responsione os æmulatorum occlusit.

Eodem anno Cardinalis Commendonus, qui per Belgium transiens multa de Michaeli Baio intellexerat, de eo & de Joanne Hesselio, altero

Acade-

hanc Censuram cum M. Baii annotationibus hæcenus ineditis habes in 2. parte hujus operis.

Academiz Lovanienſis Doctore Theologo; ſcripſit ad Cardinalem à Man-  
tua, ei expendendum proponens, an expediret ut duo iſti Theologi ad Syno-  
dum Tridentinam mitterentur. Quandoquidem verò negotium huiusmodi  
Theologorum non diſcuſſerat; prudenter adjecit ſe nolle infaſtum præſa-  
gium de iſtis præcinere.

1563. Michael Baius priora ſua opuscula *de libero arbitrio, de Juſtificatione, &c. de Sacrificio*, publici juris fecit Lovanii cum Approbatione Doctorem ac Regia Privilegio. Tum à Rege Catholico delegatus ivit Tridentum, ac Synodo interfuit.

1564. Abſolutà Synodo Tridentinà Michael Baius Lovanium reverſus. Libros *De meritis operum; De prima hominis juſtitia; &c. De virtutibus impio- rum*: nec non *De Sacramentis in genere, ac De forma baptiſmi*, typis dedit.

Eodem anno Judocus Raveſtyn à Tileto, ſive Tiletanus vulgò nuncupa-  
tus, multa contra Michaelẽ Baium clanculum ſuſcepit; ac Hiſpaniarum  
Academias ipſumque Regem in eum commovere per litteras ſategit.

1567. Michael Baius ivit cum Cornelio Janſenio, ac præſato Judoco Ti-  
letano ad Conventum Cameracenſem.

Eodem anno Pius V. Michaelẽ Baio nihil ſciente, Bullam condidit, quã  
ſeptuaginta ſex propoſitiones, quæ ex Michaelis Baii libris dicebantur col-  
lectæ, velut hæreticas, erroneas, ſuſpectas, temerarias, ſcandalofas & of-  
fenſivas, reſpectivè damnavit, ſimul declarans nonnullas earum in proprio  
verborum ſenſu ab aſſertoribus intento poſſe defendi.

Hæc Bulla nuſquam Romæ aſſixa eſt aut promulgata: ſed duntaxat Lo-  
vanii hoc anno prælecta à Maximiliano Morillon, Vicario Generali Car-  
dinalis Granvelli, Archiepiſcopi Mechlinienſis, cui iſtiſ Bullæ executio  
à Romano Pontifice fuerat demandata. Nullum exemplar Bullæ, ſed duntaxat  
Articulorum, dare voluit Morillon, quantumvis requiſitus.

1568. Michael Baius cum memorato Judoco Raveſtyn, & Cunero Petri,  
juniore Academiz Lovanienſis Doctore Theologo, collationem de Sacrifi-  
cio per litteras habuit.

Eodem anno FF. Minores in ſuis Comitibus Nivellenſibus præſatos ſep-  
tuaginta ſex articulos ejuraverunt.

1569. Michael Baius Pio V. ſcripſit litteras, quibus conqueritur quòd nul-  
lum Bullæ, quã proſcripti ſeptuaginta ſex articuli paſſim circumferebantur,  
exemplar obtineri poſſet neque Romæ neque Lovanii: ſimulque ſuam Apo-  
logiam miſit, in qua luce clariùs demonſtrat quàm falſo iſti articuli ipſi ad-  
ſcribantur: & quo ſenſu plerique ipſorum veriſſimi ſint, & ad mentem Au-  
guſtini.

Papa reſcripſit juxta recentiorẽ Romanæ Curiz ſtylum, cauſam ma-  
turè fuiſſe diſcuſſam; ac Baium hortatur ut ſe Cenſuræ ſubjiciat.

Eodem anno quidam P. Julianus à Quercu, Miniſter Minoritarum Pro-  
vinciæ Flandriæ, Decretum dedit, quo ſibi ſubditis mandat ut memoratos  
articulos abjurent, ac omnia Michaelis Baii ſcripta à ſe dimittant; & ipſiſ  
met Sororibus, ut omni ſuper hæc querelà abſtineant: libri tamen aut ſcripta  
Michaelis Baii nullibi damnata vel prohibita reperiuntur.

1570. Cunerus Petri in Sabbathinis exercitationibus, & F. Godefridus Leodius, Minorita, in Concionibus quas Lovanii habebat, Michaelen Baium coeperunt exagitare.

*Hanc Mich. Baii explicationem, habentem interdictum, Vide in 2. parte. Litteras Ryshovii Et. primimeditas Vide in 2. parte.*

Ipsæ, qui hæcenus silentio se continuerant, consilio ac suavis trium Episcoporum, videlicet, Sylvæ-Ducensis, Iprensis ac Gandavenis, mentem suam circa hujusmodi Articulos in scholis publicis aperuit, ostendens quâ arte conficti fuerint.

Dux Albanus, Belgii Præfectus, ab æmulis Baii circumventus, instat apud Episcopos, qui Synodo Mechliniensis hoc anno habitæ intererant, ut Pii V. Bulla Lovanii ritu solemniori promulgaretur: quod & præstitum die decimâ sextâ Novembris hujus anni. Rector istius Academiæ Formulam professionis fidei circa hæc præscripsit: verum à Decano & ab aliis Theologis Magistris rejecta est. Hinc majores motus: & graviore in ipsum Morillonium querelæ.

*Istius Commentarii valde prolixi idem habet in 2. parte.*

1571. Cunerus Petri, qui ex Doctore Theologo Lovanienſi primus Leuwardiæ Episcopus factus fuerat, Commentarium scripsit in recensitas septuaginta sex sententias, quas dicit damnatas, QUAMQUAM EARUM NONNULLÆ ALIQUO FACTO IN RIGORE ET PROPRIO VERBORUM SENSU AB ASSERTORIBUS INTENTO SUSTINERI POSSENT: Quæ una præcipui ex Baii æmulis declaratio omnem de famoso commate quæſtionem dirimit.

1575. Tot calumniis nihil obstantibus, Michael Baius renunciatus est Cancellarius Academiæ Lovanienſis, & Ecclesiæ Collegiatæ Sancti Petri Lovanii Decanus.

Eodem anno ipse duas singulares Orationes habuit: alteram de Jurisdictione Episcoporum: alteram de infallibilitate Romani Pontificis. Utraque habetur in 1. parte.

1577. Cœpit Disputatio per Litteras inter Michaelen Baium & Philippum Marinxium Sanct-Aldegondium, Calvinianum, circa quæſtiones de Ecclesiâ, & de Eucharistia.

1578. Michael Baius in Conservatorem Privilegiorum Academiæ Lovanienſis assumptus est.

Cum sub anni 1577. finem Belgæ Confœderati tam Catholici quàm Acolici arctioris unionis fœdus adversus Joannem Austriacum, Belgii Præfectum inivissent; hoc anno 1578. Ordines Belgii edixerunt ut singuli etiam Monachi & de Clero jurare compellerentur fidem ac obedientiam Mathiæ Archiduci, & defectionem à Joanne. Michael Baius id intelligens scripsit Ambrosio Lootſio, Abbati Parcensi, prope Lovanium, litteras, quibus eum Christianâ libertate corripiebat quod isti unioni ac sacramento consensisset; ostendebatque quantum fidei Deo ac Regi debita adversaretur hæc unio & istius jurisjurandi exactio.

1579. Gregorius XII. Constitutionem edidit, in qua declarat se in sui Prædecessoris Pii V. Registro invenisse Bullam, quæ 76. articulos damnaverat; ac vult illius exemplo, quod suæ huic Constitutioni inserit, integram fidem haberi. At ne verbum quidem habet, quo Bullam istam confirmet aut Articulos in ea expressos iterum damnet. Unde stupeas id vulgò ab ipsismet Lovanienſibus assertum.

Ista-



Ista autem Gregorii XIII. Bulla nec Romæ quidem affixa est: sed solummodo in scholis Lovaniensibus promulgata: à P. Francisco Tolet, Jesuita; quem Papa ad id Lovanium delegavit. Sed nec ullum ipsis Lovaniensibus Theologis concessum est istius Bullæ exemplum.

Denique P. Toletus, criminationibus; quæ in Michaellem Baium factæ fuerant, diligentius excussis, & earum veritate penitus disquisitâ, auditoque Michaelle Baio, comperit mera esse mendacia, putasque calumnias, quæ de eo Pontifici ac Regi Catholico scripta & dicta fuerant, summamque tanti viri modestiam, profundamque eruditionem miratus dixit se Michaelle Baio humiliorem aut doctiorem neminem vidisse. Imo pollicitus est se curaturum ut Pontifex meliora & æquiora de illo non modò sentiat, sed etiam inspi-  
ret Regi Catholico. Ipse Baius litteras per eundem P. Toletum Gregorio XIII. scripsit, qui ei statim rescripsit cum multis Paternæ dilectionis testi-  
moniis, ac unum suæ Bullæ exemplum misit, quod hætenus obtineri non potuerat.

*Gregorius  
XIII. epi-  
scola pri-  
mum edita  
est in 2.  
parte.*

1582. Michael Baius, suo Regi ad mortem usque fidelissimus, argumen-  
ta dissolvit, quibus Antuerpienses suadere satagebant Belgis esse licitum ju-  
rejurando se obstringere ad obediendum Duci Alençonio, abdicatâ, quæ  
Regi Hispaniarum debebatur, obedientiâ. Eam in rem litteras scripsit Do-  
ctori Petro Castillo, qui istius Juramenti formulam cum argumentis Antuer-  
piensium ad ipsum transmiserat.

1585. Joannes Franciscus Bonomus, Episcopus Vercellensis, à Gregorio  
XIII. ob alia negotia in Belgium delegatus, Lovanium venit. Ibique apud  
ipsum eadem institutæ sunt adversus Michaellem Baium criminationes, quas  
Cornelius Reyneri, Decanus Sacræ Facultatis, anno 1580. in Facultate  
frustrâ proposuerat. Et ad contentiones omnes componendas, animorum-  
que concordiam in Academia Lovaniensi stabiliendam, iste Legatus jussit  
ut Theologica Facultas suam circa memoratos 76. Articulos mentem clarè  
exponeret, quo omnes istius Academiæ Theologi idem sentirent ac loque-  
rentur. Hæc Expositio à Joanne Lensæo, Doctore Theologo concepta;  
postquam cæteris Magistris prælecta ac probata est, fuit Pontificis legato  
tradita.

*Hæc expo-  
sitis in 2.  
parte ex-  
sa habetur.*

1589. Michael Baius annos natus 77. per tot labores ad beatam quietem  
pervenit, vitâ functus die decimâ sextâ septembris.

# INDEX OPERUM

## PRIMÆ PARTIS.

- De peccato originis, liber unus. pag. 1.  
 De meritis operum, libri duo. pag. 25.  
 De prima hominis iustitia, & virtutibus Impiorum, libri duo. p. 45.  
 De libero hominis arbitrio, liber unus. pag. 74.  
 De charitate, iustitia & justificatione, libri tres. pag. 89.  
 De Sacrificio, liber unus. pag. 153.  
 Collatio Michaelis Baii cum Iudoco Raveſtyn, & Cunero Petri, de  
 Sacrificio Miſſæ. pag. 168.  
 De Indulgentiis Tractatus. pag. 196.  
 De oratione pro Defunctis Tractatus. pag. 205.  
 De Sacramentis in genere contra Calvinum Tractatus. pag. 212.  
 De forma Baptiſmi Tractatus. p. 221.  
 Michaelis Baii Reſponſa ad Conventus Cameracenſis deliberationes.  
 pag. 229.  
 Michaelis Baii Epiſtola Archiepiſcopo Cameracenſi. p. 231.  
 Quæſtiones Michaeli Baio propoſitæ à Philippo Marnixio. p. 235.  
 Michaelis Baii ad Quæſtiones de Eccleſia Reſponſio. pag. 238.  
 Philippi Marnixii Epiſtola Michaeli Baio, de ejus reſponſione. p. 242.  
 Michaelis Baii ad Quæſtiones de Sacramento Altaris Reſponſio. p. 245.  
 Philippi Marnixii Objectiones adverſus Michaelis Baii Reſponſionem de  
 Sacramento Altaris. pag. 255.  
 Michaelis Baii Reſponſio ad Objectiones Marnixii. p. 272.  
 Philippi Marnixii Epiſtola Michaeli Baio in ejus reſponſionem ad Ob-  
 jectiones. p. 286.  
 Franciſci Horantii Epiſtola Michaeli Baio, de Eccleſia. p. 314.  
 M. Baii Epiſtola Apologetica adverſus F. Horantiũ reprehentiones.  
 pag. 339.  
 M. Baii Apologia pro ſua ad Marnixii objectiones Reſponſione. p. 350.  
 Philippi Marnixii Reſponſio ad M. Baii Apologiam. p. 379.  
 Apologiæ M. Baii adverſus Marnixii Reſponſionem Deſenſio. p. 414.  
 Verba juramenti quod Fœderati Antuerpiæ conſtituerant. p. 445.  
 Argumenta, quibus Antuerpienſes quidam juramentum Duci Alençonio  
 præſtari poſſe ſuadebant. p. 446.  
 M. Baii Epiſtola Petro Caſtillo, de Juramento Fœderatorum. p. 447.  
 M. Baii Epiſtola Ambroſio Lootſio, Abbati Parcenſi, de unionem cum  
 eis qui ſe Romanæ Eccleſiæ deſertores vocant; & de Juramento.  
 pag. 451.  
 M. Baii Tractatus de Eccleſia. p. 459.

M. Baii Oratio, an Episcopi omnes immediate sint à Deo. p. 471.	primùm edita.
M. Baii Tractatus Apologeticus de Pontificis Romani Infallibilitate. p. 471.	primùm edita.
M. Baii Responso Laurentio Westerhove de eodem argumento. p. 488.	primùm edita.
Michaëlis Baii Epistola Academice Lovaniensis. pag. 491.	edita.

## I N D E X O P E R U M

### S E C U N D Æ P A R T I S.

<u>Censura Facultatis Theologicæ Parisiensis, in octodecim sententias Michaeli Baio perperam adhiectas. pag. 3.</u>	
M. Baii Annotationes in Sorbonæ Censuram. p. 8.	primùm edita.
Philippi II. Epistola Cardinali Granvellano. p. 32.	primùm edita.
Cardinalis Granvellani Philippo II. Regi Hispaniarum Epistola. p. 33.	primùm edita.
<u>Censuræ Academicarum Hispaniæ in novem Articulos Michaeli Baio perperam adhiectas. p. 37.</u>	primùm edita.
Pa. V. Bona in 70. sententias. p. 49.	primùm edita.
Cardinalis Granvellani Epistolæ Maximiliano Morillon. n. 50.	primùm edita.
Maximiliani Morillon Epistola Cardinali Granvellano. p. 64.	primùm edita.
Cornelii Jansenii Atteratio de Bullæ Pii V. intimatione. p. 66.	primùm edita.
Maximiliani Morillon Epistolæ dux Cardinali Granvellano. p. 69.	primùm edita.
In præmissas Epistolas Animadversiones Collectoris. p. 76.	primùm edita.
M. Baii Apologia Pio V. Sum. Pontifici. p. 79.	primùm edita.
M. Baii Epistola Cardinali Simonetæ. p. 124.	primùm edita.
Maximiliani Morillon Epistola Cardinali Granvellano. p. 128.	primùm edita.
Extractum alterius Epistolæ Morillon. p. 130.	primùm edita.
Brevis altera M. Baii Apologia. p. 131.	primùm edita.
Breve Pii V. Michaeli Baio. p. 140.	primùm edita.
Decretum P. Juliani de Quercu. p. 147.	primùm edita.
Epistola Sacre Facultatis Lovaniensis. p. 149.	primùm edita.
Bulla Gregorii XIII. pag. 151.	primùm edita.
Constitutio Michælis Baii. pag. 152.	primùm edita.
Breve Gregorii XIII. Michaeli Baio. p. 154.	primùm edita.
Epistola D. in S. T. Licentiati Francisco Sonnio Episcopo Sylvæ-Ducenli. p. 154.	primùm edita.
Narratio brevis verborum quæ intercesserunt inter Michaelem Baium, & Goudanum. pag. 157.	primùm edita.
Ex Actis Universitatis Lovaniensis. p. 160.	primùm edita.





Illustrissimo Domino Varmienti; an verbis illi duntaxat commendare petitionem nostram, ne fortè Illustrissimus Dominus Moronus suspicaretur nos de sua diligentia aut favore erga nostram Universitatem diffidere, si hæc secunda supplicatio ad ejus nostram perveniret: commodè cecidit ut Oratores Principum in dictis quindecim Capitibus quædam animadverterent suis Dominis præjudiciaria, de quibus eos prius certiores reddere volebant, quàm proponerentur in deliberationem. Hæc ubi Dominis Legatis proposuisset Illustrissimus D. Moronus, habitâ ad Patres oratione, petivit ut hæc quindecim Capita in aliam sessionem differrentur, ne fortè proxima sessio ob hanc injectam difficultatem moram aliquam pateretur. Consenserunt Patres, inter quos quidam deliberans addidit se consentire in dilationem salvo quòd non protraheretur usque ad diem Universalis Judicii: ad quod verbum protrusi M. N. Hessels mihi assidentem, ac illi in aurem insusurravi, quòd hic Episcopus subodoratus esset id quod mihi agi videbatur, nempe ut sub prætextu dilationis hæc Capita in totum supprimerentur, eò quòd nec sine offensione Principum id concludi, nec conclusa ad executionem facillè possent deduci.

Hæc Dominis meis prolixius retuli, ut intelligerent quomodo non nostrâ industriâ, sed divinâ providentiâ per Oratores Cæsareæ Majestatis, & aliorum Principum à concepto metu magna ex parte liberati simus. Exhibuimus nihilominus postea Oratori Regis nostri Litteras Magnificentie vestræ Reverendissimo Domino Iprensi missas, juncto nobis quatuor Domino Doctore Cosma Fonteo Hispano, qui omnia hispanicè exposuit Domino Oratori, cui etiam tradidimus brevem supplicationem hispanicam, quæ eadem cum litteris continebat. Si quid amplius moveatur, Deo juvante, pro viribus sollicitabimus; experimurque tantum Patrum favorem erga nostram Universitatem, ut omnino speremus quòd nostra privilegia per eos nihil detrimenti accipient. Deus Magnificentiam eximisque Paternitates vestras diu Ecclesiæ suæ servet incolumes, quibus nos omnes ex animo commendamus, offerentes quodcumque obsequium præstare poterimus. Datum Tridenti primâ Novembris 1563.

Magnificentie & eximiarum Dominationum  
Discipulus & alumnus MICHAEL DE BAY.

# P R Æ F A T I O

I N

L I B R U M

D E

P E C C A T O O R I G I N I S.

**M**IRABERIS forsitan, studiosè Lector, quid  
 mihi in mentem venerit: ut post tot tractatus,  
 disputationes & controversias de peccato origi-  
 nis, non ab Augustino tantum: sed etiam à re-  
 centioribus scriptoribus editas, rursus idem argumentum  
 aggrediar, maximè pullulantibus quotidie tot novis hereti-  
 corum erroribus, contra quos potius videri queat acuendus  
 scribentium stilus. Dicam paucis quid me impulerit. In De peccato  
originis. c.  
24.  
 duorum hominum causa, inquit Augustinus, quorum  
 per unum venundati sumus sub peccato, per alterum  
 redimimur à peccatis, propriè fides christiana consistit.  
 Quàmobrem non minus operæ ponendum esse putavi, ut quis-  
 que fidelis suæ originis corruptionem, in qua omnes mortui  
 delictis, & filii iræ nati sumus; & à qua nos Christus, Ephes. 2.  
Titum 3.  
 non ex operibus justitiæ quæ fecimus nos, sed secundum  
 suam misericordiam salvos fecit, probè intelligeret: &  
 secundum Apostoli præscriptum cum gratiarum actione se- Philip. 2.  
 pius ad memoriam revocaret: quàm in refellendis eorum er-  
 roribus, qui jam olim sepultas hæreses, & à nostris majo-  
 ribus clarissimè confutatas & damnatas, quotidie resusci-  
 tant,

P R Æ F A T I O.

*Dispositio-*  
*nis operis.*

D E



D E  
P E C C A T O  
O R I G I N I S  
E T  
E J U S R E M I S S I O N E ,  
L I B E R U N U S .

C A P U T I .

*Quodd circa peccatum originis apud Pelagianos  
duplex error extiterit.*



IRCA peccatum originis apud Pelagianos duplex error extitit. Alter eorum qui Adæ peccatum ipsi soli nocuisse asserabant, ejusque posteros, qui ex illo nati sunt, neque peccatum neque mortem generationetraxisse, sed prorsus tales natos esse, qualis ipse à Deo creatus est moriturus videlicet non pœna culpæ, quam postea commisit, sed necessitate naturæ quam mortui obnoxiam in sua creatione acceperit. Contra quem errorem propriè dirigitur, quod in Concilio Milevitano definitum est. Ut quicumque Cap. 1.  
dicit Adam primum hominem, mortalem factum, ita ut si ve peccaret, si ve non peccaret, moreretur in corpore, hoc est, de corpore exiret, non peccati merito, sed necessitate naturæ, Anathema sit. Item: placuit ut quicumque parvulos recentes ab Cap. 2.  
uteris matrum baptizandos negat, aut dicit in remissionem quidem peccatorum eos baptizari, sed nibilex Adam trahere originalis peccati, quod regenerationis lavacro expietur,



pietur, unde sit consequens, ut in eis forma baptismatis in remissionem peccatorum, non vera, sed falsa intelligatur, Anathema sit. Cæterum, quia hic error à divo Augustino aliisque catholicis scriptoribus nimia evidentia revincebatur, ideo alii nonnihil à Pelagio recedentes, alium errorem excogitaverunt, dicentes mortem duntaxat corporis, quæ pœna peccati est, non autem & peccatum, quod mors est animæ, per unum hominem in omne genus hominum transiisse; quem propriè damnavit Concilium Arausicanum secundum, ubi

Cap. 3. ait: Si quis soli Adæ prævaricationem suam, non & ejus propagini asserit nocuisse, aut certè mortem tantum corporis, quæ pœna peccati est: non autem & peccatum, quod mors est animæ, per unum hominem in omne genus humanum transiisse testatur,

Rom. 5. injustitiam Deo dabit, contradicens Apostolo dicenti: Per unum hominem peccatum intravit in mundum, & per peccatum mors in omnes homines pertransiit, in quo omnes peccaverunt. De quo Augustinus: Sed Pelagiani quomodo dicunt solam mortem ad nos transiisse per Adam? Si enim propterea morimur, quia ille mortuus est, ille autem mortuus est, quia peccavit, pœnam dicunt transire sine culpa,

Contra 3. epistol. Pel. lib. 4. cap. 4. & innocentes parvulos injusto judicio puniri, trabendam mortem sine meritis mortis; quod de uno solo mediatore Dei & hominum homine Christo Jesu, catholica fides novit, qui pro nobis mortem, hoc est, peccati pœnam, sine peccato subire dignatus est.

Contra Cef. 6. 10. Et infra: Hanc singularem mediatoris prærogativam, Pelagiani evacuare conantur, ut hoc jam non sit in Domino singulare, si Adam ita propter culpam, mortem passus est debitam, ut parvuli ex illo nullam trabentes culpam, mortem patientur indebitam.

Prosper quoque: Quid peccato læsum est, si id læsum non est, unde peccatum est? Nisi fortè dicatur in Adæ posteros pœnam transiisse non culpam, quod omni modo falsò dicitur. Et ob hoc fortè non dicitur, nimis enim impium est hoc de Dei sentire justitia, quod à prævaricatione liberat, cum reis voluerit esse damnatos. Patet ergo culpa, ubi non latet pœna, & societas peccati convincitur de communione supplicii. Fulgentius quoque: Si qui ergo mortem solam & non etiam peccatum ex homine primo transiisse in genus humanum nituntur asserere, mirum si non intelligunt quibus sententia suæ laqueis obligentur. Primò quia Deum dicunt injustum, in eo quod mori facit parvulos, quos nulla volunt istius originalis peccati contagione pollutos, quosque manifestè constat infantili ætate, aliquid actualis peccati, proprià non posse voluntate contrahere. Et infra: Quà justitià parvulus subicitur peccati stipendio, si nulla est in eo peccati pollutio? vel quomodo videmus morte punctum, si non sensit aculeum? Et cum non sit iniquitas apud Deum, qui fecit hominem ad imaginem suam; quæ justitia est, ut imago Dei quæ nihil potuit per seipsam delinquere, si non redimatur sanguine filii Dei, in regnum Dei non permittatur intrare? Hæc ne est Creatoris benignitas, ut imaginem suam creet, eamque sine ulla iniquitate condemnet, cum non sit iniquus Deus qui infert iram? Cum itaque duo isti errores ante annos mille manifestissimè confutati sunt & damnati: certà fide credendum est, & humiliter confitendum, omnem hominem qui de viri mulierisque concubitu nascitur, in iniquitatibus concipi, & iræ filium nasci: Quia per unum hominem peccatum in hunc mundum intravit, & per peccatum mors, & ita (merito videlicet peccati, quod omnes ex uno contraxerunt) mors in omnes pertransiit. Qualem enim se primus homo peccando fecit, tales & genuit, ut quod in illo factum erat proprià actione, in cæteris transiret generatione. Quod enim natum est ex carne,

De incar. cap. 14.

Rom. 9.

Rom. 3.

Rom. 5.

Jean. 3.

ne, caro est: Et quod ex immundo semine concipitur, necessum est ut immundum & in iniquitate concipiatur.

## C A P U T I I.

*Quid sit peccatum originis.*

**S**ED quid illud sit quod Adam propriâ peccati actione contraxit, & in cæteros generatione propagavit, quod nos maliciam naturalem quia nobiscum natam, & peccatum originis quia ex parentibus contractum nuncupamus, à multis studiosè quæritur, & non ab omnibus invenitur, quia de illo diversa sentiuntur. Alii enim asseruerunt peccatum hoc, esse nudam justitiæ originis, in qua naturaliter à Deo conditi sumus, privationem. Alii verò diffiniunt esse vitium quo caro concupiscit adversus spiritum, existimantes peccatum hoc nudam privationem non esse, sed actum quandam habitualement vitiosum, originali justitiæ contrarium, à quo naturaliter mali, & ad malum semper intenti sumus. Nam licet omne peccatum, imo omne malum à privatione dicatur: quia nihil est aliud quod dicitur malum, quàm naturalium privatio bonorum: Attamen peccatorum alia in actu vitioso consistunt, quæ nos commissionis peccata vocamus, ut fornicatio sive in actione sive in habitu: Alia vero in nuda privatione, absque omni actu, quæ dicuntur peccata omissionis, ut non subvenire indigenti, non honorare parentes. Quæritur igitur primum, utri horum generum connumerari debeat originale peccatum. Si enim nuda originalis justitiæ privatio est: igitur connumerandum est peccatis commissionis, quæ actum nullum habent. Si verò actum aliquem habeat originali justitiæ contrarium, tunc connumerandum est peccatis commissionis, quæ in actu vitioso consistunt, ut fornicatio in concubitu cum ea muliere, cum qua concumbi non debuit. Scripturæ sacræ, quæ peccatum originis commemorant, fere actum aliquem insinuant, quia tribuunt illi operationem, quæ nudæ privationi non competit, ut: *Quare me posuisti contrarium tibi, & factus sum mihi in eis ipsi gravis?* Et: *Manifesta sunt opera carnis, quæ sunt fornicatio.* Et: *Peccatum operatum est in me omnem concupiscentiam.* Et: *Caro concupiscit adversus spiritum.* Et: *Qui secundum carnem sunt, quæ carnis sunt sapiunt.* Quibus planè consonat, quod toties repetit Augustinus, peccatum originis quando remittitur, manere actum, & præterire reatu: quia actum manere non posset, si actum non haberet. Igitur peccatum originis non in nuda aliqua privatione, sed in actu vitioso, & inordinato consistit, cum quo omnes nascimur. Qui etsi in infante non appareat quâmdiu neque in bono, neque in malo, cogitatione versatur, quia utrumque in illo consopitum vacat, & bonum naturale rationis, & malum originale peccati: attamen temporis progressu se prodit, quando puer crescendo vana cupit, vana sapit, & contra semetipsum pugnare incipit. Sine lege enim peccatum mortuum est in infante, & quasi non sit, latet occultum, sed cum venit lex, id est, cum accedente mentis iudicio, lex illi innotescit: tunc peccatum vivendo, atque mala operando se prodit; & quale fuerit, etiam tunc cum veluti profunda ebrietate, in

Ang. En-  
chir. c. 11.

Job. 7.

Galat. 5.

Rom. 7.

Galat. 5.

Rom. 8.

Deump.

h<sup>o</sup>. 1. c. 27.

Contra Iu-  
lia lib. 6.

cap. 8.

Rom. 7.

Rom. 7.

infante sopitum jacebat, ostendit. Nam *peccatum ut appareat peccatum*, inquit Apostolus, *per bonum operatum est mihi mortem, ut fiat supra modum peccans peccatum, per mandatum*. Hoc igitur est quod nos peccatum originis dicimus, propter quod baptizantur infantes, vitium in quo nascimur, quo crescendo vana cupimus, vana sapimus, & nisi misericordia Domini spiritu mentis, saltem aliquo usque renovati, ab ejus dominatu liberemur, etiam innumera mala committimus.

## CAPUT III.

*Quòd originalis vitii quatuor sint partes.*

Rom. 7.

1 Cor. 2.

Rom. 5.

HUjus vitii plures sunt partes. Ignorantia in mente, malicia in voluntate, inobedientia inferiorum partium animæ erga superiores, & rebellio membri genitalis contra imperium voluntatis, quod alio nomine lex peccati & lex membrorum nuncupatur. Ignorantiam intelligo, non quâ fit, ut aliquid simpliciter nesciatur: sed vitium quo cum ad annos discretionis pervenimus, impedimur, ne de Deo, & legitimo ejus cultu veritatem recipiamus, id est, quo fit, ut terrena sapiamus, & non percipiamus ea quæ sunt spiritus Dei, nisi ipse mentes nostras illuminet. Quâ enim lege jubemur Deum colere, & mandatis ejus obedire, eâdem jubemur veram ejus notitiam, & mandatorum ejus, non repellere. Porro voluntatis maliciam ex eo maxime cognoscimus, quòd Deum & justitiam ejus, etiam cognitam non amemus, nisi charitas Dei diffundatur in cordibus nostris per Spiritum Sanctum qui datus est nobis; ut amor mundi cum quo nascimur, in Dei amorem commutetur. Inferiorum verò partium animæ, erga superiores inobedientia, & rebellio membri genitalis, contra imperium voluntatis, tantæ evidentie vitium est, ut etiam ab impiis idolorum cultoribus improbetur: licet enim natura non postulet, ut sine genitalium motu filii seminentur; attamen quemadmodum oculi, labia, lingua, manus, pedes, ad opera sibi congrua, non proprio jure, sed imperante voluntate rapiuntur: sic & genitalia in opere sibi congruo, ad nutum voluntatis moveantur, nisi ex prima transgressione, inobedientie vitium contraxissent, quo sic suâ lege, ad opus proprium concitantur: ut neque cum mens voluerit, exurgant; neque cum mens voluerit quiescant: sed semper suo jure ferantur, etiam si tunc moveantur aut quiescant, quando id poscit volentis intentio.

## CAPUT IV.

*Quòd ob vitia, alieno opere contracta, nascantur omnes iræ filii.*

Ephes. 2.

OB hæc igitur vitia, cum quibus post lapsum concipitur, quisquis ex viri mulierisque congressu concipitur, nascuntur omnes iræ filii, & æternæ damnationi obnoxii, etiam si hæc vitia in se non fecerint, sed ea tantum ex

sua

sua generatione contraxerint. Quia sicut Adam suæ creationis initio Deo acceptus erat, quia rectus erat & iustus, etiamsi se rectum non fecerat: (sicut adhuc hodie Deo accepti sunt infantes recenter baptizati, qui tamen nullâ suâ operatione sunt iusti) sic etiam Deo displicet infans recenter genitus: quia est Deo, & legibus ejus ex innato vitio contrarius, etiamsi non propria operatione, sed parentum duntaxat generatione talis sit. Quia sicut equum, aut servum quærentes, non tam intuemur quis eum genuerit, aut fecerit; quàm intuemur qualis sit: sic & Deus hominem judicans, non tantum intuebitur quis eum bonum aut malum fecerit: sed etiam an bonus an malus sit, sive proprio, sive etiam alieno opere talis sit. Adeò ut inter sententias ad fidem Catholicam pertinentes, constanter dicat Augustinus. *Scimus etiam parvulos secundum ea quæ per corpus gesserunt, recepturos bonum vel malum. Gesserunt autem non per seipsos, sed per alios eo tempore quo in corpore fuerunt.*

*Epist. 117.  
Sentent. 3.  
ad Vitalen.  
2 Cor. 5.*

## C A P U T V.

*Quare concupiscentia & lex membrorum potius in homine quàm in brutis sit culpa.*

S E D hic multiplex difficultas exoritur. Prima est: Quomodo concupiscentiæ habitus, quo appetitus inferior citra voluntatis imperium, ad concupiscendum movetur, & lex membri genitalis, quæ veluti suo jure, ad opus sibi congruum concitatur, ad peccatum originis pertinere dicantur; cum hæc eadem etiam in brutis naturaliter reperiantur, in quibus non sunt vitia, sed natura.

*Prima  
difficultas.*

*Responsio.*

Quemadmodum coitus masculi cum qualibet sui generis foemina, in brutis est natura; in hominibus verò est culpa, & fornicatio, aut adulterium dicitur: Sic etiam quòd appetitus sensitivus, citra cujusquam superioris potentiae gubernaculum aut imperium, suo jure in quodvis objectum sibi delectabile concupiscendo feratur, inhiando ex sensu percipere voluptatem; & quod membrum genitale, in imperio voluntatis, sed cæstro libidinis ad opus sibi congruum excitetur in bestiis, quæ sic à deo institutæ sunt ut rationem non habeant cui cætera parère debeant, est natura: in hominibus verò, qualiter à Deo conditi sunt, & à quibus juxta naturæ suæ leges exigitur, ut inferiora superioribus obsequantur, est culpa. Unde Augustinus de peccato originali contra Pelagium, explicans quomodo homo dicatur comparatus jumentis insipientibus: *Et si homo, inquit, in honore positus, & non intelligens comparatur pecoribus, eisque similis sit, non tamen usque adeò similis sit, ut pecus sit. Comparatur namque per vitium, non pecoris vitio, sed naturæ. Tantæ namque excellentiæ in comparatione pecoris est homo: ut vitium hominis, natura sit pecoris. Nec tamen ideo natura hominis, in naturam vertitur pecoris; ac per hoc Deus hominem damnat, inquit, propter vitium quo natura debonestatur, non propter naturam, quæ vitio non aufertur.* Et in Psalmum 103. concione 4. *Quod equo natura est, homini crimen*

*Aug. contra Julian.  
libr. 4.  
cap. 2.*

*De pecc.  
orig. c. 40.  
Psalm. 103.*

*men*



*men est.* Idem habet contra Julian. libro 4. cap. 14. in fine. Cum itaque natura pecoris crimen & vitium sit hominis, propter quod Deus hominem damnat, satis clarè ostenditur, à concupiscentia bestiarum, quæ illis est natura, non rectè duci argumentum, ad concupiscentiam hominum, quasi videlicet etiam ipsis sit natura & non vitium, nisi simul præsupponatur (quod absurdissimum est) hominem peccando in naturam transiisse bestiarum, & jam non amplius esse hominem, sed bestiam, eandem scilicet cum brutis animalibus naturam habentem. Ex quo etiam intelligi potest, quid responderi debeat ad id quod objici solet ex lib. 3. Augustini de libe. arb. cap. 20. Ubi licet non asserat hominem ab initio talem à Deo creati potuisse, qualis nunc nascitur: Sed quòd si talis conditus fuisse dicatur (sicut postea dixerunt Pelagiani) tamen vincuntur Manichæi, qui voluerunt duas, boni scilicet & mali cœternas esse naturas, sicut apud Augustinum docetur lib. 1. retract. cap. 9. Et lib. de bono perseverantiæ cap. 11. & 12. ubi etiam expressè testatur Augustinus se lib. 3. de lib. arb. secundum utrumque sensum, Pelagianum videlicet & nostrum, id est, catholicum, restituisse Manichæis, licet unum duntaxat teneret. Attamen etiam si talis quispiam homo à Deo creati posse fingatur, quales nunc nascimur, sicut finxit Julianus (ut est apud Augustinum libro 3. contra Julianum cap. 12.) nihilominus quia quisque id natura est, quod à Deo conditus est: ideo concupiscentia, in tali homine natura esset non culpa, non pœna, imò nec vitium, quod semper naturalium est ablatio bonorum; sed naturæ donum, nulli verecundiæ, nulli reprehensioni obnoxium, in quo non propter aliquod vitium improprie aut vituperatione dignum, sed propter naturæ bonum brutis compareretur: sicut nunc ob visum & auditum illis comparari possumus, quos naturaliter cum eis communes habemus. Cæterum in nobis qui aliam à Deo naturam sortiti sumus, non potest non esse vitium, quòd caro concupiscit adversus spiritum: & quòd aliquod corporis membrum, citra voluntatis imperium, suo jure ad opus sibi congruum concitetur, id quod nobis non solum justè improprieatur: sed etiam ad æternam damnationem imputatur, nisi ante hujus vitæ terminum ex aqua & Spiritu Sancto renascamur in Christo. Et ideo, sicut superius ostendimus, quòd concupiscentia, quæ brutorum natura est, vitium & crimen est hominum: sic etiam dicendum est, de illius ficti hominis concupiscentia, cum qua naturaliter creatus esse fingitur, sicut novimus creatas esse bestias; quòd concupiscentia illi quidem homini esset natura, nobis autem & pœna est & culpa, sicut subiecta ratione ostenditur. Omnes enim uno ore fatemur ipsum concupiscere, quod in malo ponitur, & quo illicitum aliquid appetitur, sic ex sua ratione malum esse, ut si voluntas accefferit non possit non esse peccatum, sed concupiscentia habitualis, quæ peccatum originis est, & per se nihil aliud parit, quam hujusmodi motus illicitos, quos etiam nobis nolentibus producit, non potest melioris esse conditionis aut naturæ, quam sit naturalis ejus effectus: Igitur habitualis concupiscentia, sic est ex sua ratione mala, ut si po natur esse voluntaria, non possit non agnosci esse peccatum. Jam verò in infante qui recens nascitur, concupiscentia sic est voluntaria, quemadmodum voluntarium est quicquid dici potest originale peccatum, & quo voluntaria

*Di/mto  
objectio. ex  
lib. 3. Aug.  
de lib. arb.*

*In rh: hi-  
rid. c. 11.*

*Galat. 5.*

*Joan. 3.*

taria

caria esse dicitur, originalis iustitiæ privatio (quam plerique formale vocant in peccato originis:) Igitur concupiscentiæ in sua ratione aliquid complectitur, ratione cuius recte peccatum nuncupatur, & infanti recens nato ad damnationem imputatur.

## C A P U T V I.

*Qua ratione peccatum originis sit in omnibus æquale.*

**A**ltera difficultas est, quod peccatum originis sit in omnibus nascentibus *Secunda* æquale. Sed concupiscentia, & libido carnis, non est in omnibus nascentibus æqualis, sed in aliis major in aliis minor, sicut temporis progressu in infantibus manifestissimo experimento comperitur: Igitur concupiscentia, & carnis libido non sunt partes peccati originis. *diffinita.*

*Responsio.*

Simili planè ratione doceretur, quod nec privatio iustitiæ originalis dici possit esse peccatum originis: quia pro ratione indolis, qua præditi nascuntur infantes, in aliis major, in aliis minor invenitur. Neque enim dubitari potest, eos plus de rectitudine naturali perdidisse, qui feroces, iracundi, crudeles, immites, avari, rapaces, & aliis similibus vitiis nascuntur infecti: quàm qui placidi, mites, mansueti, liberales, & misericordes reperiuntur, idque non instituto, aut disciplinâ, sed naturâ. Quia (sicut contra ingratos testatur Prosper) universa hæc munera, quibus destituti sunt priores, ex primo naturæ habentur honore, & supersunt de magnis illis opibus, quas in creatione acceptas, per primam transgressionem perdidimus, de quibus Augustinus; *non usque adeò, inquit, in anima humana imago Dei terrenorum affectuum labe detrita est, ut nulla in ea velut lineamenta extrema remanserint. Unde merito dici possunt ipsi infideles, in ipsa impietate vitæ suæ, facere aliqua legis vel sapere, quia non omni modo deletum est, quod ibi per imaginem Dei, cum crearetur, impressum est.* Porro quod de his divinæ imaginis reliquiis in alio plus, in alio minus naturaliter inest, ostendit non tantum diversorum puerorum eadem diligentia institutorum diversissima, imò planè adversa conversatio: Sed etiam Sapiens, cum ait: *Puer eram ingeniosus, & sortitus animam bonam.* Similiter Job dicens: *Ab infantia mea crevit mecum miseria, & de utero matris meæ egressa est mecum.* Quia cum multis ex utero matris non egreditur miseria: sed feritas, & quædam animi crudelitas, quæ se prodit, accedente mentis iudicio. Cum igitur neque concupiscentia mala, neque iustitiæ originalis privatio, neque aliud quidvis, quod quis suspicetur esse peccatum originis, in omnibus nascentibus reperiatur æquale, sed in aliis minus & in aliis majus: manifestum est dici non posse peccatum originis in omnibus actu esse æquale, sed solum reatu, & demerito. *Peccatum originale in omnibus est æquale non actu, sed demerito.* Quod licet non immerito quis admiretur, quia ex inæqualibus actibus malis videntur nasci debere inæquales reatus: attamen quomodo fieri possit (quantum Deus adjuverit) paucis conabor aperire: sicut plus boni operis est in eo qui voluit facere bonum & fecit, quam in eo qui voluit, & Deo dispo-

1 Cor. 3.  
Rom. 2.

nente, facere non potuit: quia in hoc tantum est velle bonum, in illo verò etiam ipsum facere bonum, & tamen æquale est meritum: quia diversitas ex sola Dei dispositione provenit, non ex volentium studio, & electione: ex quibus tamen penditur omnis mensura meriti. *Unusquisque enim recipiet secundum suum laborem*, Et: *Deus reddet unicuique secundum opera sua*: Item sicut plus mali operis est in eo, qui voluit facere malum & fecit, quam in eo qui voluit & non potuit: & tamen idem est demeritum, & reatus æqualis: quia diversitas etiam ex sola Dei providentia contigit, qui alterum permisit consummare quod voluit, alterum verò non permisit. Sic in eo qui perverissimam indolem nascitur, longe plus est vitiorum & privationis originalis iustitiæ, quàm in eo qui Deo misere sortitus est animam bonam: & tamen apud Deum sunt æqualiter rei, quia diversitas vitiorum quæ in eis reperitur, non provenit ex genitorum, aut generantium studio, & opere: sed tantum ex Dei miserentis dispositione, qui collatis uni bonis animi dotibus, non permisit eum tantum vitiorum nascendo contrahere, quantum contraxit alter, & quantum ex vi primæ transgressionis etiam à generante contraxisset, nisi Deus corrupti feminis actionem, data meliori indole misericorditer in eo non nihil correxisset. Sicut enim Deus secundum altitudinem sapientiæ suæ, quosdam valde malos nasci permittit, per quos ostendat, quanta fuerit virtus primæ transgressionis, etiam ad subversionem totius posteritatis. Sic etiam quibusdam naturaliter utcumque bonam indolem tribuit, ut ex his veluti primæ integritatis vestigiis cognoscatur, & quanta initio fuerit humanæ conditionis excellentia, cujus tam præclara sunt vestigia, & quàm multiplex sit conditoris benevolentia, qui creaturam à se fugientem, etiam in reprobis hominibus, præclaris naturæ dotibus ornare non cessat.

## CAPUT VII.

*Quod peccatum originis possit infanti imputari, etiam si non sit ex propria ejus voluntate profectum.*

Tertia difficultas.

Cont. Juli.  
lib. 3. c. 5.

TERTIA difficultas est, quomodo infanti possit imputari quod non ex ejus voluntate profectum, cum peccatum omne debeat esse voluntarium. Quam difficultatem etiam suo tempore movit Julianus, cui breviter respondit Augustinus. *Frustrà putas ideo in parvulis non esse delictum, quia sine voluntate, quæ in eis nulla est, esse non potest. Hoc enim rectè dicitur, propter proprium cuiusque peccatum, non propter primi peccati originale contagium, quod tamen & ipsum à mala voluntate primorum hominum sumpsit exordium.* Quod ut plenius intelligatur considerandum est, quæstionem qua quæritur: Utrum omne peccatum debeat esse voluntarium, non esse definitionis quæstionem, sed causæ & originis, cui impertinens est, Utrum id quod peccatum esse dicitur, sit ab ejus voluntate profectum cui inest, an ab alterius cuiuspiam; quia à quacunque voluntate sit, semper verum est, quod neque ex Deo sit, neque ex æterna aliqua natura mala Deo contraria. Sed sicut peccati origo, voluntas mala est, inquit Augustinus, ita nisi voluntas mala, non est cuiusquam origo peccati. Cæ-

Cont. Jul.  
lib. 3. c. 5.

terum

terum quemadmodum de abortivo differentes, homo ne sit an non, non inquirimus, an à Deo ducat originem, (quanquam homo esse non possit nisi quod à Deo sit;) sed an animam habeat rationalem, quod ad ejus definitionem propriè pertinet. Sic de actu aliquo differentes, an ex suo genere sit peccatum; non hoc inquirere debemus, an sit à voluntate, vel à qua sit voluntate profectum; sed an ex suo genere sit divinorum inobedientia mandatorum, quæ peccati propria definitio est. Quia quicquid ejusmodi est, undecunque sit hoc, sine ambiguitate ex sua ratione peccatum est. Sed si ulterius inquiratur, cui peccatum hoc debeat imputari: tum demum rectè quæritur, à qua voluntate ducat originem: quia peccatum suæ origini jure imputatur, nisi fuerit illi dimissum; sicut Adæ dimissum esse credimus, quicquid propriâ voluntate in se malificet, & in posteros generando trajecit. Cæterum quia videtur cum quo infans concipitur, ratione suæ originis non ipsi infanti, sed vel generanti, vel primo duntaxat parenti imputaretur. Ideò sciendum est, omne id quod re verâ secundum propriam rationem peccatum est, undecunque ducat originem, tantum quia inest, veraciter illi imputari, si vel actu, vel habitu ei dominetur: sicut non gerat contrarium mentis affectum. Quapropter *concupiscentiæ malum, tantum quia inest, inquit Augustinus, infantem tenet in morte, & pertraheret in ultimam mortem, nisi ejus vinculum in illa que sit in baptismo remissione peccatorum omnium solveretur.* Infans igitur ex hoc nascitur filius iræ, quia nascitur cum vitio ex sua ratione divinæ legi contrario, quod illi, non quidem actu, sed habitu dominatur, etiam si illud vitium propriâ voluntate sibi non fecerit, sed nascendo duntaxat, ex seminis corruptione, contraxerit.

*Ambrosius cap. 8. libri de paradi-  
si simili  
seri modo  
definit pec-  
catum.*

*Vide D.  
Aug. lib. 2.  
de peccat.  
mer. c. 34.  
Et Ire. lib.  
3. cont. ha-  
res. cap. 34.*

*De peccat.  
originis  
cap. 39.  
Contra Ju-  
lia. lib. 6.  
cap. 5.*

## C A P U T V I I I.

*Quod vitia animi à parentibus in filios traducantur,  
sive anima sit ex traduce, sive non.*

Sed hinc rursus nova difficultas emergit. Quomodo mentis ignorantia, & malicia voluntatis, quæ propriè ad animam pertinent, à parentibus per generationem transeant in filios, cum in Ecclesia Christi, verisimilior habeatur opinio, quæ dicit animam à parentibus in filios cum corpore non traduci, sed à Deo immediatè novam corpori infundi. Cui responder Augustinus quòd quemadmodum rerum corporalium qualitates, mirabili modo affectis nostris sensibus, ad memoriam & animam transeunt, rursus ab anima ad corpus: sicut colores virgarum quas variavit Jacob, afficiendo transierunt in animas pecorum matrum, atque inde rursus, eadem affectione transeundo apparuerunt in corporibus filiorum: id quod & in fœtibus humanis aliquando contigisse legimus: sic etiam fieri potest, ut vitia quæ animæ parentis adhæserunt, per generationem, non migrando de subjecto in subjectum, sed afficiendo, mirabili modo in animam filii transeant, etiamsi anima filii non trahatur à parentibus, sed immediatè infundatur à Deo, quia quomodolibet illi accidat, attamen experientiâ comperimus, filios non tantum corpore, sed etiam ingenio,

*Quarta  
difficultas.*

*Contra Ju-  
lia. lib. 5.  
cap. 9.*

*Genes. 30.*



Libro 5.  
contr. Iulii.  
cap. 3.

& aliis animæ qualitatibus quâdam lege naturæ perentibus nasci similes, sive animam trahant à parentibus sive non. Dicimus igitur, non tantum corporis, sed etiam animæ vitia, à parentibus per generationem transire in filios, *quia aut utrumque vitiatum, anima videlicet & corpus, ex parente trahitur*, inquit Augustinus, *aut alterum in altero tanquam in vitiatio vase corrumpitur*. Quid autem horum sit verum, inquit, libentius disco quam dico, ne audeam dicere quod nescio. Hoc autem scio, id horum esse verum, quod fides vera, antiqua, catholica, qua creditur & asseritur originale peccatum, non esse, convicerit falsum.

## CAPUT IX.

*Quòd infantes etiam à parentibus baptizatis  
peccatum originis trahant.*

De pecc.  
no v. lib. 2.  
cap. 28.

Quæritur etiam, quomodo proles peccatum originis ab illis parentibus trahant, qui per sacramentum fidei sunt ab omni peccato liberati? neque enim videntur parentes in proles posse transmittere, quod ipsi non habent. Quibus respondendum, quòd in baptizatis peccatum originis prætereat reatu, sed maneat actu. Manet enim lex illa concupiscentialis, quæ illi membro dominatur, quo fit ipsa generatio. Ex illa autem manente lege, quod nascitur, renasci indiget ut sanetur, inquit Augustinus, quia parentibus duntaxat qui baptizati sunt, & renovari jam cœperunt dimissa est, non etiam filiis, qui illam à parentibus contraxerunt, & ab ejus dominatu liberati non sunt, quia igitur parentes Christiani nos mente gignunt, quæ renovari cœperunt, sed corpore, quo adhuc vetusti sunt, ideo vetustos tam mente quàm carne non novos filios gignunt. Nam si de eo bono gignerent quo novi sunt, & adversus carnem concupiscunt, tunc novos & spirituales filios gignerent, quod fide catholica scimus non fieri. Sive igitur à Christianis, sive ab Ethnicis parentibus, ad generationem filiorum semen decidatur, semper immundum est quod gignitur, & mundari indiget, quia de immundo semine concipitur quod fuit corruptum ab initio. Sed quemadmodum manens, sed non dominans carnis iniquitas parentibus dimissa est per baptismum: sic etiam potest recentior natus dimitti, si in fide ecclesiæ sacramenta salutis percipiant, sed nisi eis etiam dimittatur, nihil eis proderit parentibus prius facta dimissio.

## CAPUT X.

*Quòd errant, qui habitus, nec merita, nec  
demerita esse posse existimant.*

Lib. 1. c. 2.

Existimant etiam quidam, in infante nihil reperiri quod ad meritum, vel demeritum illi iure possit imputari: quia quicquid in ipso est, id non secundum operationem, sed secundum habitum duntaxat in ipso est, quem neque meritum, neque demeritum esse posse arbitrantur, eò quòd Aristoteles in Ethicis asserat, quòd

quod in olympia, non hi, qui sunt elegantissimi formâ, præstantissimi que robore, sed qui decertant, coronis afficiuntur, atque ex eo colligat, summum hominis bonum non in habitu, sed in operatione virtutum debere constitui. Cæterum vehementer hallucinatur. Primò quidem, quia longè aliud est meritum, aliud summum hominis bonum, quod tantum merces est, & meriti finis, non meritum. Deinde cum actiones tam vitiorum quam virtutum (quæ propriè merita sunt) per se ex habitibus orientur, quomodo non est meritum, quod per se est causa meriti. Maximè cum Apostolus non tam ebriis, quam ebriosis comminetur, quod regnum Dei non possidebunt. Cui consonat Augustinus dicens, quod avaritia vitium est, id est, qualitas secundum quam malus est animus, etiam quando nihil agit, unde avaritiæ vel rapinæ serviat. Quia id, quo in hac vita malus est animus, jure meritum esse dicitur. Similiter contra Julianum: *Sed ne fortè dicas*, inquit, *contra hoc potius pugnare baptizatos, quod sibi ipsis prius vitæ mala consuetudine fecerunt, quamquam si hoc dicis*, inquit, *jam procul dubio cernis, atque concedis, esse in homine aliquid mali, quod non ipsum, sed reatus qui ex illo contractus fuerat, auferatur in baptismo*. Nam si ex habitu qui consuetudine paratur, contrahitur reatus, qui auferitur baptismo: igitur habitus reum facit, & est iusti supplicii meritum. Sed omnium apertissimum est, quod ait in libro de bono conjugali, ubi æquiparans continentiam Abrahæ, quæ tantum in habitu fuit, continentiam virginum nostri temporis, quæ est in opere, & meritum patientiæ sanctorum martyrum, quæ in opere apparuit, merito patientiæ aliorum æquè sanctorum, quæ tantum fuit in habitu: quocirca, inquit, sicut non est impar meritum patientiæ in Petro, qui passus est, & in Joanne qui passus non est: sic non est impar meritum continentiam in Joanne, qui nullas expertus est nuptias, & in Abraham, qui filios generavit: illius enim coelibatus, & hujus connubium pro temporum distributione Christo militaverunt: Sed continentiam Joannis in opere, Abraham in solo habitu habebat. Quod igitur insinuat Aristoteles non habitibus, sed actibus virtutum præmia digna retribui, apud homines verum est, qui ceteri habitus etiam in honore habeant: attamen quia merita ferè ex utilitate, damno, voluptate, aut tristitia metiuntur, quæ magis percipiunt ex actibus, quam ex habitibus: ideò non habitibus, sed actibus præmia digna decernunt. Sed apud Deum, qui merita ex propria cuiusque qualitate iustâ lance perpendit, non minoris meriti sunt habitus, quam actus, si modo tales sint habitus, ut tempore congruo suos actus proferant.

1. Cor. 9.

De perfectione  
iusti  
tit. c. 4.Libro 2.  
cap. 5.

Cap. 21.

## C A P U T XI.

*Quod non tantum actus, sed etiam habitus vitiorum  
divinâ lege prohibeantur.*

**D**Ubitant etiam nonnulli: utrum habitus vitiorum, divinâ lege prohibeantur. Existimant enim, quod quemadmodum homines non habitus, qui sensu percipi non possunt, sed actus duntaxat, eosque externos & sensibiles percipiunt, vetant, judicant, remunerantur, aut puniunt: sic

Exod. 20.  
Rom. 7.

De Para.  
cap. 8.

De pecc.  
mer. lib.  
2. cap. 16.

De civi.  
De lib.  
16. cap. 27.

De pra-  
cep. &  
dispens.

etiam Deus. Sed multum hallucinantur, quia homines vident quæ parent, Deus autem intuetur cor: & ideo homines propriè & per se non de habitibus, sed tantum de actibus iudicant, qui subiunguntur sensibus. Sed Deus qui omnia intuetur, habitus qui per se desideria peccatorum operantur, iisdem omnino legibus prohibet, & iudicat, quibus ipsa peccatorum desideria. Quia causa per se non est effectui suo melior. Sicut igitur, lege: *Non concupisces*, prohibentur illicita desideria: sic & ipsa concupiscentia, quæ per se & propriè, etiam nobis invitis nihil gignit, nisi ejusmodi desideria. Deinde quomodo concupiscentiæ habitus, cum quo infans nascitur, verum peccatum esset, si eum nulla lex prohiberet? *Non enim confiteret peccatum*, inquit Ambrosius, *si interdictio non fuisset*. Nam ubi non est lex, nec prævaricatio. Et Augustinus: *Neque negandum est hoc Deum jubere, ita nos in facienda justitia esse debere perfectos, ut nullum habeamus omnino peccatum*. Nam neque peccatum erit si quid erit, si non divinitus jubeatur, ut non sit. Et infra: *Quomodo non vetatur per Dei justitiam, si peccatum est?* Et alibi. *Omnes legis alienius prævaricata sunt rei, qui aliquo peccato tenentur obstructi*. Quamobrem etiam parvuli (quod vera fides habet) nascuntur, non propriè sed originaliter peccatores; unde illis gratiam remissionis peccatorum necessariam confitemur; profecto eo modo quo sunt peccatores, etiam prævaricatores illius legis quæ in Paradiso data est, agnoscuntur. Et super Psalmum 118. Concione 25. nullum est, nisi in lege peccatum. Similiter Bernardus: *Omne peccatum contra Dei mandatum præsumitur*: Et rursus: *Deus prohibet omne peccatum*. Sicut igitur illicita desideria, etiam quæ nobis invitis fiunt divină lege prohibentur (ut docet Augustinus libro primo Retract. cap. 15. & de natura & gratia cap. 17.) Sic & ipse habitus concupiscentiæ, qui nihil aliud operatur quam peccandi desideria; quia in effectu simul prohibetur quicquid per se est illius effectus causa.

## C A P U T XII.

*Quo sensu verum sit, quòd Deus homini nihil impossibile præceperit.*

Sed à plerisque objicitur. Communis animi conceptio est, Deum homini nihil impossibile præcepisse, quam etiam definitivā hanc sententiā expressit Augustinus. *Nec impossibile potuit aliquid imperare Deus, quia justus est; nec damnaturus est hominem, pro eo quod non potuit vitare, quia pius est*. Sed infanti, imò & adulto, impossibile est carere habitu concupiscentiæ; nec concupiscentiæ habitus, neque prava ejus desideria, divină lege prohibentur, nisi quatenus humano subjacent arbitrio.

### *Responsio.*

Quamquam communis animi conceptio, quā dicitur Deus homini nihil impossibile præcepisse, sensu aliquo legitimo, quem statim explicabimus, verissima sit: atramen definitiva sententia quæ divo Augustino ascribitur, Augustini non est: sed Pelagii in epistola ad Demetriadem virginem, quam

Beda Juliano tribuit, sed Augustinus de gratia Christi cap. 22. 26. 37. & sequentibus Pelagii esse ostendit. Nam Augustini non esse, vel ex eo pater, quod Tomo 4. Operum divi Hieronymi, in quo hæc epistola primum locum tenet, statim ei subjungitur epistola Augustini & Alipii ad Paulinam, quæ adversus eam ex professo dñserit. Dico igitur communem animi conceptionem, quæ dicitur: Deum homini nihil impossibile præcepisse, de homine recto, qualiserat, cum Deus ab initio mandata, & præcepta illi apposuit, esse verissimam, quia in illo statu, ex viribus sibi in sua creatione donatis, absque omni impedimento, & difficultate, præstare poterat quicquid Deus illi præceperat, & quod vetuerat vitare; sicut etiam significat scriptura, quæ dicit: *Si volueris mandata servare, conservabunt te.* Nihil enim aliud fuit ei, mandata servare, quam velle servare. Nobis autem post lapsum irreprehensibiliter vivere velle non sufficit, inquit Prosper, nisi ipsum velle nostrum, quod languidâ possibilitate deficit, divina virtus adjuverit, quia illum ad non peccandum juvare poterat etiam sana natura, nos autem impedit vitiata; & illum peccare fecit sola peccandi voluntas, nos etiam cogit plerunque peccati jam facta necessitas. Propter quod Deo clamamus, & dicimus: *De necessitatibus meis libera me.* Hinc Apostolus: *Quod impossibile erat legi in quo infirmabatur per carnem.* Et Propheta Hieremias cap. 10. *Non enim est hominis via ejus, nec viri ut dirigat gressus suos.* Et: *Linguam nullus hominum domare potest.* Quod igitur de homine recto, & in naturæ suæ integritate constituto rectissime dicitur, hoc Pelagius de omnibus qui post lapsum ex Adam nati sunt, quos etiam rectos nasci contendebat, dicendum esse voluit, asserens Deum homini nec impossibile aliquid imperare potuisse, quia justus est, nec damnaturum hominem pro eo quod non potuit vitare, quia pius est. Cui respondet Beda, quod qui dicit Dominum homini (corrupto videlicet) non impossibile aliquid præcepisse, quia justus est, verum profecto dicit, si ad ejus respicit auxilium; si verò viribus animi sui fidit, resellit eum veridica sententia, quæ dicit: Sine me, nihil potestis facere. Qui dicit eum qui pius est non damnaturum esse hominem (lapsum videlicet) pro eo quod vitare non potuit, contradicit pii redemptoris & justii judicis sententiæ, quæ etiam de parvulis ait: *Nisi quis renatus fuerit ex aqua & Spiritu sancto, non intrabit in regnum Dei.* Quod igitur consideratione primæ integritatis, & respiciendo ad vires homini in sua creatione collatas, verissimè dicitur: Deum nihil homini præcepisse impossibile: Hoc de homine corrupto dici non potest, nisi respiciendo ad divinum auxilium, quo sanctis Dei possibile, imò facile efficitur, quod per lapsum viribus humanis factum est impossibile. Idem enim post lapsum sanctis possibile est quicquid præcipitur, quia Deo ad opitulandum, quo fiat quod jubet, nihil est impossibile, inquit Augustinus. Et rursus: *Deus non impossibilia jubet, sed jubendo admonet, & facere quod possis, & petere quod non possis:* & de perfect. justitiæ, ratioci. 9: *per arbitrii libertatem factum est, ut esset homo cum peccato: sed jam pœnalis vitiositas subsequuta, ex libertate fecit necessitatem; unde ad Deum fides clamat: De necessitatibus meis educ me: sub quibus positi, vel non possumus quod volumus intelligere; vel quod intellexerimus, volumus, nec valeamus, implere.* Et infra: *Quia peccavisti voluntas, secuta est peccantem peccatum habendi*

Sup. Cant.  
lib. 1. ca. 5.

Ecclesi. 15.

Ecclesi. 15.

De vita  
contempl.  
lib. 3. ca. 2.

Psal. 24.

Rom. 8

Jaco. 1.

Libro 1.

Sup. cant.  
cap. 6. ad  
10. objec.  
Juliani.

Joan. 15.

Joan. 3.

De peti.

mer. lib.

2. cap. 6.

De nota

& gra. 43.

Psal. 24.

*habendi dura necessitas.* Sed quia suam corruptionem, & lapsum, non facile agnoscit humana præsumpcio: hinc facile imaginatur, quodd quemadmodum suæ creationis initio, nullum impossibile præceptum accipere potuit: sic & post lapsum, datis semel præceptis teneri non possit, nisi implendi facultatem adhuc in suis viribus habeat, quod à ratione prorsus alienum est. Quia Deus legem, quam homini recto, & ad eam implendam idoneo posuit, non ideo postea mutare, imò potiùs tollere debuit, quia homo voluntariè peccando, suo vitio sibi obediendi facultatem ademit. Sed homo potiùs qui suæ infirmitatis sibi causa est, facultatem quam in sua natura non invenit, quærere debet ex gratia, ut quod ex propriis viribus sibi jam sentit impossibile, ex divino adjutorio fiat ei suave & facile.

## CAPUT XIII.

*Quare solum Adæ peccatum, generatione transeat in posteros.*

Exod. 20.

Quærent etiam, quare unicum primi hominis peccatum, in posteros transire putetur? Cùm etiam de aliis parentibus dicatur, quodd Deus vindicet peccata patrum in filios? Quibus respondendum. Longè aliud esse, peccatum patris transire in filium, aliud peccatum patris in filium vindicari, quia peccatum patris tunc in filium transit, quando filius ex sua conceptione illud peccatum contrahit, quod prius in patre fuit, ut si filius superbus ex superbo, & libidinosus nascatur ex libidinoso. Sed peccatum patris tunc vindicatur in filium, quando filius, ob peccatum quod tantùm in patre fuit, poenâ aliquâ à Deo afficitur, quâ affectus non fuisset, si pater ejus peccatum illud non admisisset. Dico igitur etiam posteriorum parentum scelera frequenter in filios vindicari, quia Deus parentum sceleribus provocatus, sæpè filiis infert supplicium propriis ipsorum peccatis alioquid debitum, quod tamen illis non inferret, nisi peccatis parentum ad id provocatus esset. Sed quia solum Adæ peccatum humanam naturam sic immutat, & corrumpit, ut suam corruptionem in omnes posteros generando transfundat. Ideo etiam solum illud peccatum in postero transire dicitur, quod generando in filios traducitur. Cæterùm si ulterius roges: cur posteriora scelera, suis autoribus non talem maliciam statim ingenerent, quam in suos posteros transmittant, qualem primo homini ingeneravit prima transgressio quæ generatione decurrit in posteros; videtur respondendum: Omne quidem scelus ejus esse conditionis, ut suum autorem, & totam ejus posteritatem eo modo inficiat, quod infecit prima hominis transgressio. Quia, qui facit peccatum, meretur servus peccati fieri. Et servus factus non nisi servos sibi similes generare. Quod enim nascitur ex carne, caro est. Sed quemadmodum Deus vindictam primæ transgressioni debitam sic temperat, ut ex lapsu parentibus multos non tam perverfos filios sinat generari, quam justo judicio nascerentur, nisi eis misericorditer indolem meliorem indulgeret: sic etiam Deus vindictam posteriorum parentum sceleribus debitam sic temperat, ut frequenter neque parentes ipsos

Jam. 1.

Jam. 3.

suis



his peccatis ita corrumpi sinat, sicut eorum meretur transgressio, neque corruptionem scelerum usu contractam in filios traduci sinat. Et si quando ex sceleratis parentibus etiam filii naturaliter valde scelerati nascantur; attamen quia omnis ea malitia, iusto Dei iudicio, ex sola prima transgressione trahi poterat, sicut etiam interdum ab iis parentibus trahitur, qui nulla propriæ actionis peculiaris scelera commiserunt: ideo qualiscunque sit ea malicia cum qua infans quispiam nascitur, ea propriè non propinquorum parentum sceleribus, sed tantum primæ transgressioni ascribitur. Licet tamen negari non debeat, quin occasione scelerum quæ à propinquis parentibus committuntur, nonnunquam proles & deteriores & miseres nascantur, quàm alioqui natæ fuissent, si propinqui ipsorum maiores ejusmodi scelera non commisissent; quia hoc modo visitat Deus peccata parentum in filios usque ad tertiam & quartam generationem, non tantum faciendū eos miseres, sed etiam sinendū nasci deteriores quàm alioquin nati fuissent si parentes eorum talia non perpetrassent. Sed hæc de peccato ipso dicta sufficiant. Nunc de ejus remissione & qualitate reliquiarum, quæ in baptizatis usque ad finem vitæ hujus remanent, pauca dicamus &c.

## C A P U T XIV.

*Quodd peccatum originis prius solvatur reatu,  
quàm transeat actu.*

**S**icut alibi diximus, in peccato duo continentur: Actus & Reatus: Actus, ut adulterium, siue foris in opere, siue intus in voluntate: Reatus verò, ut obligatio quæ adulter nondum peccato remisso adhuc æternæ damnationi obnoxius invenitur, etiam si adulterium opere deseruerit & voluntate. Nam si quisquam verbigratiâ, inquit Augustinus, fecerit adulterium, etiam si deinceps De nup. lib. 1. c. 26. nunquam facias, reus est adulterii, donec reatus ipsius indulgentiâ remittatur. Habet ergo peccatum, quamvis illud quod admisit jam non sit, quia cum tempore quo factum est præterit. Nam si à peccando desistere, hoc esset non habere peccatum, sufficeret ut hoc nos moneret Scriptura: *Fili peccasti, non adjicias ultra.* Non autem sufficit, sed addidit: *Et de pristinis deprecare, ut tibi remittantur.* Manent ergo nisi remittantur: Sed quomodo manent si præterita sunt? nisi quia præterierunt actu, manent reatu. Peccatum autem nulum dimitti potest, nisi peccatoris animus prius per poenitentiam ab illo avertatur. *Nisi enim conversi fueritis, inquit Christus, & efficiamini sicut parvuli, non intrabitis in regnum cælorum.* Et: *Nisi poenitentiam habueritis, omnes Luc. 13. similiter peribitis.* Et in Actis: *Pœnitementi igitur & convertimini, ut deleantur peccata vestra.* Quia igitur pleraque peccata in actionibus consistunt, quæ cum fiunt transeunt, nec possunt remanere cum displicent, neque foris in opere, neque intus in voluntate, ut perjurium, homicidium, furtum, & similia: Hinc fit, ut ejusmodi peccata, semper prius actu transeant, quàm possint per poenitentiam solvi reatu. In his enim abolendis, servatur ordo quem designat Sapiens, cum ait: *Fili peccasti, non adjicias ultra, sed de præteri-* Eul. 11.



*tis deprecate Dominum, ut tibi dimittantur.* Cæterum peccata quæ etiam nolentibus & invitis adhærent, nec statim abolentur cum displicent, sed, ut extirpentur, indigent tempore & exercitio, ut habitus vitiorum, quos supra & peccata esse diximus, & divinâ lege prohiberi, ut ebriositas, jurandi consuetudo, & similia: Hæc, inquam, peccata, prius per baptismum, aut reconciliationis sacramentum reatu solvuntur, quàm transeant actu. Quibus omnino connumerari debet originale peccatum; quia quantumlibet in hac mortali vita odio habeatur, & ne regnet, etiam mortificetur: attamen (nisi forte miraculo ineffabili creatoris) in nemine prorsus extinguitur ut non sit, sed primum superatur, ne dominetur & regnet in nostro mortali corpore, ad obediendum concupiscentiis ejus, deinde reatu ejus per baptismum soluto, interimitur ne damnationi obnoxios teneat, & denique jejuniis, vigiliis, orationibus, & aliis piis exercitiis castigatur, donec in corporis morte, aut potius in corporis resurrectione simul cum morte prorsus absorbeatur in victoria.

1 Cor. 15.  
De pecc.  
mer. lib. 2.  
cap. 28.  
Rom. 7.

Unde Augustinus: *Lex peccati, quod etiam peccatum appellat Apostolus, non sic manet in membris eorum qui ex aqua & spiritu renati sunt, tanquam non sit ejus facta remissio, ubi omnino plena, & perfecta sit remissio peccatorum, omnibus inimiciis intersectis, quibus separabamur à Deo, sed manet in vetustate carnis, tanquam superatum (quia videlicet non amplius dominatur) & peremptum, quia non amplius facit reum.* Moritur enim in baptismo, eo reatu quo prius tenebat. Et infra: *Quandiu manet lex concupiscentialis in membris, manente ipsâ, reatus ejus solvitur.* Et rursus: *Sicut facta, & dicta, & cogitata iniqua, quantum ad ipsos motus animi & corporis pertinet, jam præterierunt & non sunt; eis tamen præteritis, & non jam existentibus, reatus eorum manet, nisi peccatorum remissione solvatur: Sic contrâ, in hac non jam præterita, sed adhuc manente lege concupiscentiæ reatus ejus solvitur, & non erit, cum sit in baptismo plena remissio peccatorum.* Et alibi:

De imp.  
lib. 1. c. 25.

*Queritur quomodo concupiscentia carnis manet in regenerato, in quo universorum facta est remissio peccatorum? Respondetur, inquit, dimitti concupiscentiam carnis in baptismo, non ut non sit, sed ut in peccatum non imputetur; quamvis autem reatu suo jam soluto, manet tamen, donec sanetur omnis infirmitas nostra. Patet igitur primæ originis vitium, primum in nobis spiritu Dei superari ne regnet, deinde baptismo interimi ut reatu non teneat. Sed tamen durante hac vitæ miseriâ ad lucem relinquere, ut continuò mortificetur, donec mors cum suo stimulo absorbeatur in victoria.*

1 Cor. 15.

## C A P U T X V.

*Quod lex membrorum, quæ est libido carnis, in Sanctis non tantum sit mala quia pœna, sed etiam quia divinæ legis est inobedientia.*

Cæterum de his originalis vitii reliquiis, quæ adhuc in baptizatis remanent, quæritur à nonnullis: utrum in bonis an in malis debeant numerari? quibus satis apertè respondet Apostolus, cum ait: *Scio quia non habitat in me,*

Rom. 7.

me,

me, hoc est, in carne mea, bonum. Et: Mibi malum adjacet, condelector enim legi Dei secundum interiorem hominem; video autem aliam legem in membris meis, repugnantem legi mentis meæ, & captivantem me in lege peccati, quæ est in membris meis; cui consonat quod ait Augustinus, Eum qui licite concumbit, malo bene uti. Utitur enim lege membrorum, & carnis libidine, quæ in baptizatis adhuc superest ex vitio originis, quæ quoniam mala est, ideo virgines & viduæ melius illam non utuntur. Sed cum ulterius quæritur: Quare libido carnis, & lex membrorum, in Sanctis sit mala, an tantum quia est pœna: an etiam, quia est divinæ legis inobedientia? major difficultas exoritur, quia à plerisque non satis intelligitur, quomodo possit esse divinæ legis inobedientia, & peccatum non esse. Pœnam esse non dubitat, quisquis attentè considerat, ei inobedientiæ, quæ animus erga creatorem suum intumuit, justo Dei judicio retributam esse carnis inobedientiam, quæ membra illa quæ generationi serviunt, & ob rebellionem atque inobedientiam pudenda sunt, non tam imperio voluntatis, quàm ardore libidinis commoventur. Sed quòd ex eo etiam dicenda sit mala, quia divinæ legis est inobedientia, multis argumentis convincitur. Hoc enim manifestè significat Apostolus, rationem reddens cur adhuc sibi malum adjaceret, quando subdit: *Condelector enim legi Dei secundum interiorem hominem, video autem aliam legem in membris meis, repugnantem legi mentis meæ.* Quia nihil aliud est lex mentis, quàm lex Dei, cui si lex carnis propterea mala sit, quia repugnat: igitur ideo est mala, quia divinæ legis est inobedientia. Sicut etiam ostendit Augustinus, quando ait, Concupiscentiam, cujus reatus baptismo solutus est, jam non esse peccatum, sed sic vocari non tantum quia peccato facta est, & quia peccatum facit si vincit, sed etiam quia peccandi delectatione movetur, etsi ei vincente delectatione justitiæ non consentiatur; nam peccandi delectatione moveri, legi Dei reluctari est. Nec his testimoniis satisfacit quod ajunt quidam, concupiscentiam legi Dei reluctari, non quòd sit legis transgressio, sicut nec ipse homo qui legi Dei effectivè repugnat: sed solum quòd transgressionem legis effectivè operetur. Quia quæcunque lege prohibetur aliqua operatio, eadem prorsus lege inhihetur, quicquid illam actionem per se operatur. Verbi gratia: In eo quod prohibetur fornicatio, simul etiam prohibetur fornicationis cogitatio, desiderium, voluntas, aspectus ad fornicandum, & quicquid per se ad hanc actionem inducit. Homo verò non per se, sed per accidens duntaxat est fornicationis causa. Et ideo lex prohibens nos esse fornicatores, non prohibet nos esse homines, sed prohibet nos esse in verbis lubricos, lascivos in factis, & alia hujusmodi quæ per se ad fornicationem provocant, sicut & ipsum concupiscentiæ malum.

Tertiò idem probat Augustinus lib. 2. contra Jul. cap. 5. Ubi legem peccati (cujus manentis reatus in sacro fonte remissus est) propterea vocasse dicit Ambrosium iniquitatem, quia iniquum est ut caro concupiscat adversus spiritum, sicut justum est ut spiritus concupiscat adversus carnem. Id quod repetit libro 5. capite 5. Et libro 6. capite 8. Igitur quomodo legis obedientia est, quòd spiritus concupiscit adversus carnem; sic legis Dei inobedientia est, quòd caro concupiscit adversus spiritum.

De nup.  
lib. 2. c. 21.  
Contr. Jul.  
lib. 3. c. 21.

Rom. 7.

Contra 2.  
epist. Pel.  
lib. 1. c. 13.

Quartò, idem probat quod ait lib. 6. contra Julia. cap. 5. *Quis tam impudens, qui cum peccata mala esse fateatur, neget esse malam concupiscentiam peccatorum, etiam si adversus eam concupiscentiæ spiritum peccata concipere ac parere non sinatur?* Sed ne quis fortè suspicetur, peccata propter inobedientiam, peccatorum verò concupiscentiam propter pœnam duntaxat ab Augustino malum dici, audiamus quæ statim sequuntur: *Tale porrò ac tam magnum malum, tantum quia inest, quomodo non teneret in morte & pertraheret in ultimam mortem, nisi & ejus vinculum in illa quæ fit in baptismo remissione peccatorum omnium solveretur? Nam quod tantum pœna est, & non divinæ legis inobedientia, vinculum habere non potest, quod nisi baptismo solvatur in ultimam mortem pertrahet.*

Quintò: concupiscentia quæ in baptizatis remanet, displicet Deo, sicut expressè testatur Augustinus super Psalmum 35. tractans illud: *Malitiam non odiri*, his verbis: *Si non potes non habere malitiam, vel oderis illam, quando incipit non esse? cum corruptibile hoc induerit incorruptionem. Antequam hoc fiat, vince peccatum, & voluptatem ejus; peccatum & iniquitatem ejus oderis, ut jungas te Deo, qui tecum illud odit. Juxta illud Jude Apostoli: Odientes eam quæ carnalis est maculatam tunicam.* Igitur concupiscentia est divinæ legis inobedientia.

Sextò: A pœna tantum dicimur miseri, sed à concupiscentia dicimur etiam mali, juxta illud Evangelii: *Si vos cum sitis mali, nostis bona data dare filiis vestris, &c.* sicut verbis Hilarii ostendit Augustinus lib. 2. con. Jul. cap. 8. quæ sic habent: *Ipsis Apostolis, verbo licet fidei emendatis atque sanctificatis, non deesse tamen maliciam per conditionem communis nobis originis docuit Christus dicens: Si vos cum sitis mali nostis bona data dare filiis vestris.* Igitur concupiscentia etiam in baptizatis est divinæ legis inobedientia.

Septimò: Omnis pœna quæ justa est, ex Deo est, siquidem non est malum in civitate quod non fecerit Deus, sed concupiscentia carnis ex Deo non est, sicut expressè testatur Joannes: *Igitur non tantum pœna est, sed etiam divinæ legis inobedientia.*

Octavò: ejus desideria etiam si nobis nolentibus fiant, sunt illicita: sicut testatur Augustinus de nupt. & concupif. lib. 1. cap. 27. *Igitur ipsa concupiscentia est contra Dei legem & illicita.*

Nonò: Sicut adulterii prætereuntis reatus manet, donec baptismi aut reconciliationis sacramento solvitur, sic contrà manentis concupiscentiæ reatus baptismi solvitur, sed adulterium, soluto reatu, adhuc rectè intelligitur divinorum inobedientia mandatorum. Igitur concupiscentia, soluto reatu, adhuc rectè dicitur divinæ legis inobedientia.

Decimò: Nulla est hujus vitæ pœna, quæ ob finem bonum expeti non possit, adèd ut Apostolus cuperet dissolvi, ut esset cum Christo, & optaret anathema esse Christo, pro fratribus suis secundum carnem, sed concupiscentia carnis non potest ob aliquem bonum finem expeti, ne ob prolem quidem, quæ tamen sine ipsa non potest generari; ait enim Joannes: *Nolite diligere mundum, neque ea quæ in mundo sunt. Si quis diligit mundum, non est charitas patris in eo. Quoniam omne quod est in mundo, concupiscentia carnis est, concupiscentia oculorum, & superbia vitæ, quæ non est ex patre, sed ex mundo est.* Igitur

tur concupiscentia carnis non tantum est poena, sed etiam divinae legis inobedientia.

Denique, Christus ut per omnia fratribus assimilaretur, per omnia tentari voluit, & omnes totius naturae humanae communes miseriae in se suscipere; sed non suscepit in se carnis concupiscentiam: Igitur non tantum est miseria, sed etiam inobedientia, quae in eum cadere non potuit, qui omnem iustitiam implevit; de qua Augustinus: *Hanc concupiscentiam, inquit, diabolus in Domino non invenit, quia Dominus homo non per ipsam ad homines venit.* Unde dicit etiam ipse: *Ecce venit princeps huius mundi, & in me nihil invenit;* nihil utique peccati, nec quod à nascente trahitur, nec quod à vivente additur: nam ut nobis praeberet patiendi exemplum, non habuit ille mala sua, sed pertulit aliena, in doloribus pro nobis, non in cupiditatibus fuit.

ad Heb. 2.  
& 4

Lib. 2. de  
nup. cap. 5.

Joan. 14.

Libr. 5.  
contr. Jul.  
cap. 9.

## C A P U T X V I.

*Quomodo concupiscentia carnis, in Sanctis, legis inobedientia esse possit, & damnatio ac proprii nominis peccatum non esse.*

SED contra praedicta objicitur: Concupiscentia carnis, & prava ejus desideria, quae nobis nolentibus fiunt, non sunt in Sanctis damnatio: quia nihil est damnationis in iis qui sunt in Christo Jesu, qui non secundum carnem ambulabant; nec sunt peccata, sicut ostendit D. Jacobus, peccatum non in eo ponens, quod quisque tentetur à concupiscentia sua abstractus & illectus, sed in eo quod concupiscentia, aut animum oblectando concipiat, aut plenum consensum extorquendo, peccatum consummet. Ait enim sic: *Unusquisque tentatur à concupiscentia sua, abstractus & illectus;* deinde: *Concupiscentia cum conceperit, parit peccatum; peccatum vero cum consummatum fuerit, generat mortem.* Super quem locum Venerabilis Beda: *Tribus modis, inquit, tentatio agitur, suggestione, delectatione, consensu.* Quod si hoste suggerente, delectari, aut consentire nolumus, tentatio ipsa nobis ad victoriam provenit, quā coronam vitae meremur accipere. Si nolumus delectari, inquit, ut etiam illam delectationem à peccato vindicet, & ad victoriam pertinere ostendat, quam casti conjuges in legitimo suo congressu, & pudicae virgines in violenta oppressione, animo reclamante patiuntur: sicut etiam testatur Augustinus de civitate Dei. Unde Prosper: *Non concupiscentiam in nobis sentiendo, inquit, sed consentiendo peccamus.* Et similiter Augustinus de peccatorum merito: *Concupiscentia cum parvulis nascitur, in baptizatis à reatu solvitur, in grandibus ad agomen manet, non sibi ad illicita consentientibus, nihil omnino nocitura.* Et de Genes. contra Manichaeos: *Aliquando ratio commotam cupiditatem refrenat, quod cum fit, non labimur in peccatum, sed cum aliquanta luctatione coronamur.* Et alibi saepius, ut lib. 1. de civitate Dei cap. 18. de Genesi ad litteram lib. 2. cap. 15. de nupt. & concup. lib. 1. cap. 23. lib. 2. cap. 34. super Psal. 118. concione. 3. in expositione quarundam propositionum ad Romanos 7. in ver-

Obiectio  
cont. praedicta.  
Rom. 8.  
Jacob. 1.

Beda in 2.  
cap. Jacob.  
bi.

Libro 1.  
cap. 16. De  
vita con-  
tem. lib. 3.  
cap. 2. lib.  
2. cap. 4.

Libro 2.  
cap. 14.



bo: *captivantem*: Sed nullo modo fieri posse videtur ut in homine subsistat divinæ legis inobedientia quin damnatio sit, & iusto Dei iudicio reum facere possit; quia odio sunt Deo impius & impietas ejus. Igitur concupiscentia carnis in baptizatis manens, in quibus nihil est damnationis, non potest dici divinæ legis inobedientia.

### Responsio.

Odibilis Deo est adulter & adulterium ejus, etiam tunc quando adulterium opere & voluntate pertransiit, donec fuerit reatu solutum. Sed non similiter quia adulter solutus adulterii reatu, Deo reconciliatur: ipsum verò adulterium, quod est legi Dei contrarium, irreconciliabile permanet. Eodem modo Deo odibilis est Cathecumenus & concupiscentia ejus, sed non similiter: Quia Cathecumenus per baptismum solutus concupiscentiæ reatu, Deo reconciliatur, & hoc etiam placet quod contra suam iniquitatem sævit. Ipsa verò concupiscentia quæ divinis legibus adversatur, nunquam reconciliatur Deo, sed semper illi displicet. Et ideo ipsa odibili permanente, homo odibilis esse definit: si modo se Deo conjungat, & concupiscentiam semper oderit, quam Deus nunquam odisse definit. Nam si irreconciliato adulterio, potest is qui adulterium volens commisit, Deo & hominibus reconciliari; cur irreconciliatâ concupiscentiâ, non potest homo qui eam generatione contraxit, & invitus patitur, Deo reconciliari, sic ut illi omnino imputari non possit? Non quòd naturâ aut qualitate mutata sit, aut divinæ legis inobedientia esse desierit, (sicut existimant quidam) sed quòd ejusdem maliciæ permanens, superata tamen & imminuta, à legitimo Iudice remissa, veluti nunquam extiterit habeatur. Id enim quotidie etiam in humanis judiciis cernimus, in quibus scelera, ob id duntaxat suis authoribus ad poenam imputari non possunt, quia prius à legitimo iudice, aut punita convenienter, aut simpliciter dimissa fuerint. Hanc rationem expressit Augustinus de nupt. & concup. cum ait: *Quamvis in omnibus gratia regeneratis sit ista carnalis concupiscentia repugnans legi mentis; tamen quia remissa est, jam non illis in peccatum imputatur.* Item contra 2. epist. Pelagia. dicens: *Ipsa carnis concupiscentia in baptismo sic dimittitur, ut insit nihil obfutura vitæ futuræ: quoniam reatus ejus generatione tractus, regeneratione dimissus est: Et ideo jam non est peccatum &c.* Idem habetur libro 6. contra Julianum cap. 5. Et clariùs cap. 6. per totum. Tamen de peccat. merit. dicit istud peccatum manere non solum remissum, sed etiam superatum & peremptum: & sic ideo peccatum non est, quia superatum & remissum est, sicut etiam docet Magister in Sententiis suis. Nec potest in eo diversitas assignari inter adulterium & concupiscentiam quorum reatus solvitur, quòd adulterium priusquam solvatur ejus reatus, præterierit, concupiscentia verò manet: Quia sicut apud Deum non magis perit aut mercede fraudatur Sanctorum patientia quæ præterit, quàm bona voluntas quæ manet: sic nisi reatu solvatur, non minus puniuntur iniquitates quæ in actione consistunt, & cum fiunt prætereunt, quàm mala quæ permanent. Quia sive existant, sive non existant, ea tamen semper in memoria iudicis perseverant, quæ

Libro 2.  
cap. 24.

Libro 1.  
cap. 13.

Libro 2.  
cap. 28.

Libro 2.  
sententia.  
distin. 32.  
litt. B.



quæ disponit æternis suppliciis vindicare, nisi ea contigerit misericorditer Christi sanguine relaxari.

Dico igitur concupiscentiam malam & prava ejus desideria quæ nobis nolen-  
 tibus insurgunt, veras quidem esse legis inobedientias totis viribus fugiendas; Rom. 7.  
 damnationes tamen, & veri nominis peccata post baptismum in Sanctis non  
 esse, quamdiu illis non dominantur, sed cum Apostolo veraciter dicunt: Jam  
 non ego operor illud, sed quod habitat in me peccatum; quia illos coram  
 Deo reos non faciunt: propriè enim peccatum non dicitur nisi divinæ legis  
 inobedientia quæ reum facit, aut reatus ipse quem facit, qui salutaribus sacra-  
 mentis diluitur. Nam baptismo aut sacerdotis absolute proprie non actus  
 peccati, sed reatus duntaxat tollitur. Sicut eleganter ostendit Augustinus de  
 verbis Domini sermone 8. Et super Psalmum 87. docens solum Deum intus  
 per semetipsum, animam peccatricem vivificare, ut ab operibus mortuis res-  
 piciat, deinde per confessionem foras prodeuntem ministerio sacerdotum à  
 peccatorum vinculis, id est, à reatu solvere. Unde Tertullianus: *Non ideo* Libro de  
Jan.  
*abluimur, inquit, ut delinquere desinamus; sed quia desivimus, quia jam loti cor-*  
*desumus.* Nomine peccati, solum reatum intellexit Apostolus, cum ait:  
*Quod si Christus non resurrexit à mortuis, vana est fides vestra; adhuc enim estis in* 1. Cor. 15.  
*peccatis vestris.* Neque enim significare voluit, quod adhuc essent in fornicationibus  
 & illicitis idolorum cultibus, quibus ante serviebant, & quos tunc  
 opere & voluntate se reliquisse noverant, sed in reatibus duntaxat, quos ba-  
 ptismo solutos esse credebant. Eo videlicet sermonis genere, quo dicimus  
 in baptismo peccata omnia dimitti, id est, omnium peccatorum reatus, sive  
 actu præterierint, sive maneant, ut concupiscentiæ malum, de quo Augu-  
 stinus: *Si queritur quomodo ista concupiscentia carnis maneant in regenerato, in quo* De univ.  
*universorum facta est remissio peccatorum? Respondetur, inquit, dimitti concupis-* & con.  
*centiam carnis in baptismo, non ut non sit, sed ut in peccatum non imputetur, quam-* li. 1. ca. 25.  
*vis autem reatu suo jam soluto, manet tamen.* Et rursus: *In eis qui regenerantur in* Eodem  
*Christo, cum remissionem accipiunt prorsus omnium peccatorum, utique necesse est,* libro 2. ca. 20.  
*ut reatus etiam hujus, licet adhuc manentis concupiscentiæ, remittatur, ut in pecca-*  
*tum (sicut dixi) non imputetur.* Nam sicut eorum peccatorum, quæ manere non  
 possunt, quoniam cum sunt prætereunt, reatus tamen manet: sic illius quando re-  
 mittitur, reatus auferitur. Hoc enim non habere peccatum, reum non esse pecca-  
 cati. Nam si quisquam (verbi gratiâ) fecerit adulterium; etiam si nunquam dein-  
 ceptus faciat, reus est adulterii, donec reatus ipsius indulgentiâ remittatur: Habet ergo  
 peccatum, quamvis illud quod admisit, jam non sit. Sic itaque fieri contrario po-  
 test, ut etiam illud maneat actu, prætereat reatu. Quam sententiam contra Ju-  
 lianum postea defendens. Dixi sanè, inquit, quomodo manent peccata reatu, Cont. Jul.  
*que prætereunt actu: sic contrario fieri potest, ut concupiscentia maneat actu, &* li. 6. ca. 8.  
*prætereat reatu.* Et infra: Nullo pacto, inquit, fieri potest ut maneat actu &  
 abscedat reatus: hoc de sacrificio, inquit Augustinus, idolis oblato verissimè dicis.  
 Et paulò post: Quapropter sicut idolis immolatio quæ jam nec in actione est, quia  
 præteriti, nec in voluntate, quia error quæ fiebat absumptus est, manet tamen rea-  
 tus ejus, donec in lavacro regenerationis peccatorum omnium remissione solvatur: sic  
 contrario, quamvis reatus malæ concupiscentiæ eodem baptismate sit solutus, manet  
 tamen

tamen ipsa, donec medicina perficiente sanetur. Et rursus respondens calumniæ quam veritati struebat Julianus dicens, quod si mala esset concupiscentia post baptismum manens, tunc baptismus non auferret crimina, sed raderet: *Tu autem qui putas*, inquit, quod si malum esset concupiscentia, careret ea qui baptizatur, multum erras; *omni enim peccato caret, non omnimalo*. Quod planius ita dicitur: *Omni reatu omnium malorum caret, non omnibus malis*. Quando verò peccata vocamus eas legis inobedientias quæ reos non faciunt, sive quia remissæ sunt, ut concupiscentiæ malum in fidelibus baptizatis, sive quis nunquam placuerunt, ut prava desideria quæ nobis omnino nolentibus insurgunt, tunc de peccato impropiè loquimur: sicut locutus est Apostolus sanctificatis fidelibus, cum ait: *Non ergo regnet peccatum in vestro mortali corpore; sed neque exhibeatis membra vestra arma iniquitatis peccato*. Et: *Peccatum vobis non dominabitur*. Et: *Non ego operor illud, sed quod habitat in me peccatum*. Nam licet concupiscentia, quam peccatum vocat Apostolus, per baptismum sanctificata non sit, nec legis inobedientia esse desierit, hoc enim si dicerem, inquit Augustinus, non eam malam esse dicerem, sed fuisse: Attamen quia superata est & dimissa, idèd peccatum propriè dici non potest. Unde nec propter ipsam, nec propter prava ejus desideria, quibus non consentimus, fateamur nos sine peccato non esse, ut quotidie dicimus: dimitte nobis debita nostra; sed tantum propter ea quæ cum aliquo consensu quotidie incautis obrepunt, sicut docet Augustinus contra duas epist. Pelag. lib. 1. cap. 13. contr. Julia. lib. 2. cap. 10. super Psal. 118. concione 3. quia in pravis illis desideriis quæ nos non operamur, sed quod habitat in nobis peccatum, nos satis excusat quod ait Apostolus, *Nunc autem jam, non ego operor illud, sed quod habitat in me peccatum*.

## CAPUT XVII.

*Cur illicitus concupiscentiæ motus Christianis dissentientibus non imputetur.*

Verum an huic excusationi locum faciat ipsa peccatorum remissio, quæ facta est in baptismo, sic ut baptizatis non imputentur, sed tantum infidelibus, an potius ipsa rei natura, quæ non patitur, ut Deus justo judicio cuiquam imputet, quod invitus patitur, non est hujus loci differere: illud tamen non absurdè dici posse videtur, proprios & necessarios habitualis concupiscentiæ motus, quos homo in se non operatur, sed quod habitat in ipso peccatum, à sua causa non debere separari, sed sicut proprios fructus, cum arbore debere conjungi, eo modo quo actum exteriorem cum interiori jungimus voluntate, atque unum & idem peccatum esse dicimus; ac proinde ante baptismum universa mala desideria quæ ex habituali concupiscentia contra voluntatis imperium oriuntur, unà cum ipsa unum peccatum originis efficere, quod totum ab eo reatu peccati rationem & appellationem accipiat, quem habitualis concupiscentia pariebat, quando homini dominabatur (si enim nunquam dominatà fuisset nunquam illum fecisset: quia Dei iustitia non patitur, ut quis

ob id sit reus, quod omnino patitur invitus.) Sed hoc reatu soluto per baptismum, sicut habitualis concupiscentia quam voluntas odit, neque reatum aliquem parit, quia nullo modo dominatur, neque à præterito reatu peccatum dici potest, quia jam solutus est: sic & ejus desideria, quæ nobis nolentibus insurgunt, neque nos reos faciunt, quia nobis non dominantur, neque ab eo reatu peccata dici possunt, quem in causa sua aliquando habuerunt, quia ille prius baptisinate solutus est, quam hæc in nobis orirentur. Hinc Augustinus, *Super Psal. 218. concio. 3. Math. 6.* cum rogasset, quæ petamus dimitti nobis, cum dicimus: *Dimitte nobis debita nostra*, utrum quæ nos operamur, quando peccati desiderii obediunt, an ipsa desideria nobis dimitti volumus, inquit, quæ nos non operamur, sed quod habitat in nobis peccatum? Respondet: *Quantum ego sapere possum, inquit, languoris illius & infirmitatis, unde illicita desideria commoventur, quod peccatum vocavit Apostolus, universus reatus sacramento baptismatis solutus est. Nec deinceps languor iste nobis obesset, quamvis inesset, si desiderii ejus illicitis nullis unquam obedientiam præberemus.* Quibus verbis duo manifestissimè significat. Prius est quod universus reatus, quo languor ille, unde illicita desideria commoventur, nos ante baptismum reos tenebat, sacramento baptismatis solutus est; posterius, quod languor iste deinceps nunquam nobis obesse potest, aut reos constituere, nisi desiderii ejus obedientiam aliquam præbeamus; quia quod nullo modo voluntati dominatur non potest facere reum. Ex quibus rectissimè sequitur, quod in oratione dominica, non pro hujus languoris aut desideriorum ejus, quibus non consentimus, remissione dicimus: *Dimitte nobis debita nostra*: sed solum pro remissione eorum quibus aliquo modo consentimus, & consentiendo rei sumus; quia nemo remissione indiget, nisi qui aliquo modo reus est. His desideriiis quæ inviti patimur admodum simile est homicidium ab invito commissum, quod tamen ex voluntaria aut multum culpabili turba traxit originem: quia si reatus hujus originis non sit antè per legitimam poenitentiam solutus, tunc homicidium etiam ab invito commissum, ab illo reatu peccatum est, quem prius voluntariè peccando contraxit in origine homicidii, sed si ante perpetratum homicidium solutus fuerit reatus originis ipsius, tunc homicidium peccatum dici non poterit, neque ab eo reatu quo reum faciat homicidam, quia quod omnino involuntarium est, non potest patere reatum, neque ab eo reatu quem prius in causa sua contraxerat. Quia per legitimam poenitentiam antè solutus esse ponitur, quam homicidium opere perpetraretur. Illud tamen observandum, quod licet justo Dei judicio reum facere non possit, quod est propriæ voluntati contrarium: attamen benè reum constituit, quod non est à propria voluntate perfectum, si modo voluntati saltem habitu dominetur. Sicut de peccato originis manifestissimum est, quod propterea originis esse dicitur, quia non proprio sed alieno opere contrahitur. Unde etiam D. Thomas: Licet à peccato excusent ea quæ ab invitis contra legem Dei fiunt, attamen quæ à non volentibus, qui non sunt inviti, contra divinam legem fiunt, excusanda non putat. Quia saltem habitu dominantur rationi. Id quod non immeritò approbandum existimo, quia hæc peccato originis simillima sunt, quod justo Dei judicio imputatur

etiam parvulis, qui neque ad volendum neque ad nolendum habere possunt propriæ voluntatis arbitrium, sed tantum ex eo rei sunt, quia alieno opere legis inobedientiam contraxerunt, quæ ipsis saltem habitu dominatur, ut dictum est: quia non gerunt contrarium voluntatis arbitrium.



MICHAELIS BAIL,  
DE  
MERITIS  
OPERUM.  
LIBER PRIMUS.

CAPUT I.

*Quodd in malis operibus nemo saltem hoc seculo  
meritum neget, sed tantum in bonis.*

**C**UM adversus nostri temporis hæreticos de meritis operum differitur, non est necessum operosa disputatione laborare, ut ea peccata, de quibus scriptum est, quodd qui talia agunt regnum Dei non consequentur, justo Dei judicio æternâ morte damnari monstrantur: quia inter eos nemo adhuc tam impudens extitit, ut negare auderet aut crimina esse mortis æternæ merita, aut æternam mortem esse justum peccati stipendium. Nam quisquis id negaret, is futurum Dei judicium, quod nobis Scripturæ sacræ prænunciant, apertissimè damnaaret. Sed cum ex adverso quæritur: anne bona opera Sanctorum etiam justo Dei judicio vitam mereantur æternam, tunc plerique eorum retributionis magnitudinem, quam in malis operibus dissimulant, admirantur, & meriti nomen quod in malis operibus negare non audent, in bonis tanquam sinceritati fidei perniciosum abominantur, contententes quodd quemadmodum in suppliciis peccatorum Domino tantum cantamus judicium, sic in præmiis bonorum operum non nisi misericordiam aut gratiæ donum cantare debeamus. Ad quodd ostendendum non tantum illis utuntur argumentis quæ contra lapsi hominis opera militare videntur, sed etiam illis ex quibus eodem jure sequeretur, quodd nec beati angeli suæ perseverantiæ merito vitam consequuti sunt æternam, nec primus homo hanc justo judicio consequutus fuisset, etiam si usque in finem hujus animalis vitæ in justitia perseverasset. Quantum igitur Deus dederit primo loco conabimur ostendere, quodd quemadmodum dæmonibus æterna damnatio justum peccati stipendium fuit: sic etiam stantibus angelis æterna foelicitas fuerit justa merces meriti. Deinde quodd eadem foelicitas eodem prorsus modo homini non gratia, sed merces

*Distributio  
operis.*





meriti fuisset, si in bono quod acceperat usque in finem animalis vitæ constans perstitisset. Et denique, quodd non tantum in homine si steterisset, sed etiam in eo qui post lapsum Christi sanguine reparatur vera credenda sunt merita, ob quæ iusto Dei iudicio vita reddatur æterna; licet inter hominem integrum & eum qui reparatur hæc sit agnoscenda diversitas, quodd vita æterna homini integro permagenti, sicut facta est angelis, tantum merces meriti fuisset, ei verò qui reparatur simul merces & gratia. Quibus expeditis, sumpto alio initio, ad ea transibimus quæ inter scriptores catholicos salvâ fidei unitate de eodem argumento disputantur.

## CAPUT II.

*Quâ ratione, Beatitudinis plenitudo angelis  
iusta retributio fuerit.*

Sicut in bene constituta republica non tantum iustitia est quando unaquæque res humanis usibus accommoda tanti venditur quanti vir prudens æstimaverit aux lex iusta statuerit, sed etiam quando scelera iis multantur suppliciiis quæ lex iusta transgressoribus comminatur, & obsequia reipublicæ præstita illis præmiis compenſantur quæ publicis legibus sunt proposita: sic etiam in curia cœlesti vera iustitia fuit quodd angelis in iustitia persistentibus æterna felicitas, & ab illa recedentibus æterna damnatio retributa sit. Nam utrumque illis in sua creatione lege naturali à Deo constitutum fuit, ut si per liberum arbitrium, quod acceperant rectum, in data sibi iustitia persistenter, hujus perseverantiæ merito tantam beatitudinis plenitudinem acciperent, ut & deinceps cadere non possent & hoc certissime scirent, si verò per idem liberum arbitrium ab accepta iustitia recederent æternâ morte mulctarentur. Sed qui damnationem impiorum iusto Dei iudicio deputant, Sanctorum verò scelicitatem non nisi muneri gratuito, hoc videntur attendere, quodd impii suam iniustitiam ob quam damnantur à semetipsis habeant: iusti verò suam iustitiam ob quam glorificantur non nisi ex Dei adiutorio; quasi verò ad commutationis aut distributionis iustitiam requiratur, ut id quod commutatur aut ob quod præmium aliquod decernitur, non sit alieno munere, consilio, aut auxilio partum, sed solum illius industria qui aliud quippiam pro illo, iusto iudicio consequitur. Certè in commutationibus evidentissimum est, ibi etiam exactissimam iustitiam inveniri, ubi ea commutantur quæ gratuito munere sunt accepta. Ex quo intelligimus nihil obſtare quominus sit iusta retributio, etiam si ob illud fiat, quodd alieno munere seu auxilio partum est, dummodò illius verè sit cui retributio fit. Sicut absque dubio sunt bona opera quæcunque vel angelo, vel etiam homini tam lapso, quàm integro sunt divino munere collata: quia optimo jure nostrum dicimus quodd nobis est legitime datum. Sed obijciunt; Deus statim ab initio potuit ab angelis absque omni spe, aut obligatione mercedis, exigere quicquid illi unquam obsequii præstiterunt: igitur æternæ beatitudinis retributio non potest illis dici iustitia, sed gratia. *Responsio:* sicut carnalis dominus quamdiu servum in servitutis conditione reliquit,

*Objeccio.*

*Responsio.*

quit, suo jure absque omni mercedis retributione potest ab eo quodvis obsequium servitutis exigere; & tamen postquam illum libertate donavit pro voluntario & legitimo ministerio sibi ab illo præstito justam debet mercedem: sic Deus licet angelum initio ita naturaliter servum creare potuerit, ut absque omni retributionis debito quodvis obsequium ab illo exigere potuerit; attamen quia illum naturaliter liberum condidit, & conditum in sua potestate relinquit, apponens illi ignem & aquam, ut vel divinis legibus sponte obediens vitam consequeretur æternam, vel proprio arbitrio resistens æternâ morte damnaretur. Ideo finito cursu ministerii pro sua voluntaria obedientia, non tanquam gratiæ donum, sed tanquam meriti mercedem, æternam felicitatem adeptus est, quia Deus sic eum naturaliter liberum considerat, ut cum eo non quasi cum servo, sed tanquam cum libero agere deberet, sicut etiam cum illo debet carnalis dominus agere quem voluntate propriâ fecit ex servo liberum.

Objicitur secundò: sicut angelis legem Dei servantibus promissa est æterna felicitas; sic etiam credentibus & pœnitentibus hominibus promittitur venia peccatorum: sed in peccatorum venia non est agnoscenda retributio justitiæ: igitur neque in vita æterna quæ bonis operibus redditur, sed tantum gratiæ beneficium. Responsio. Inter has promissiones magna distantia est, non tantum in hoc quòd illa pertinet ad legem naturæ, hæc verò ad propositum divini gratiæ, sed etiam in hoc quòd vita æterna angelo & homini in sua creatione tantum intuitu bonorum operum promissa sit, eò quòd bona opera ex lege naturæ ad illam consequendam per se sufficiant: ea verò promissio, quæ remissio peccatorum credentibus & pœnitentibus promittitur, longè magis respicit illud pietatis sacramentum in quo sanctificamur, quàm fidem ipsam quâ illud sacramentum creditur, aut pœnitentiam per quam ad remissionem peccatorum pervenitur, quia sine Christi merito hæc nullo modo ad remissionem peccatorum sufficerent. Et ideo in illa promissione continetur naturalis justitiæ constitutio, quâ pro bonis operibus sine alio respectu vita æterna justis promittitur; in hac verò promissione magis commendatur gratuita Salvatoris redemptio, cujus intuitu credentibus & pœnitentibus datur peccatorum remissio, omnisque ea reparatio, quâ nos in Christo renovamur, ut virtutes, imminutio concupiscentiæ malæ, & perseverantia, quâ usque in finem in justitia perseveratur, quia fides & pœnitentia ex se secundum justitiæ regulam nihil tale promerentur. Quod verò addunt quidam, opera bona non posse apud Deum esse merita, quia Deo nihil utilitatis adferunt, planè ridiculum est. Primo quidem, quia nec opera mala quicquam illi damni adferunt, quæ tamen nemo negat æternæ damnationis esse merita. Deinde, quia nec apud homines qui ob indigentiam aut avaritiam fere lucra sectantur semper meritum ex lucro metimur, sed frequenter ex eo duntaxat quòd eorum voluntati servitur à quibus operanti merces proponitur, sive opus ipsum utilitatem illis adferat, sive etiam damno afficiat; & denique Christus, qui apud patrem tanti meriti fuit, ut de illo dixerit: hic est filius meus dilectus in quo mihi bonè complacui; & cujus redemptio apud Deum copiosa describitur; Deo tamen nihil utilitatis attulit, sed ejus duntaxat gloriam quæsit & promovit, sicut etiam quærunt

2. *Objectio**Responsio.*

& promovent qui ejus vestigia secuti Deum in sua fide & conversatione glorificent.

## CAPUT III.

*Quod æterna felicitas non aliter homini contigisset, quam beatis angelis contigit, si homo etiam in accepta justitia perstitisset.*

Quod de æterna felicitate sanctorum angelorum diximus, qui perseverantes in accepta justitia merito hujus perseverantiæ immarcessibilem coronam adepti sunt, hoc etiam de hominis beatitudine dicendum fuisset, si in accepta justitia perseverans ad vitam immortalem sine peccato interveniente transitus fuisset: siquidem hoc illi etiam naturali lege constitutum fuit, ut si suo conditori per obedientiam constanter adhereret, ad eam vitam pertransiret in qua mori non posset, si verò ab ea recederet morte æternâ muldaretur. Hoc enim expressissimè testatur Sapiens cum ait: *Deus ab initio constituit hominem, & reliquit eum in manu consilii sui, adjecit mandata & præcepta sua; si volueris mandata servare conservabunt te, & in perpetuum finem placitam servare, apposuit illi ignem & aquam, ad quod volueris porrige manum tuam; ante hominem vita & mors, bonum & malum, quodcunque placuerit dabitur illi, nempe vita pro justitia, & mors pro iniquitate: sicut in Genesi dicitur. Quodcunque horâ comederis morte morieris.* Quapropter sicut bonis angelis merces meriti fuit, quod æternam beatitudinem & æternæ beatitudinis certitudinem ac securitatem sunt adepti, sic etiam homini fuisset si in sua rectitudine absque peccato usque in finem vitæ animalis perstitisset, sicut apertissimis verbis testatur Augustinus dicens: *Quideris liberius libero arbitrio quando non poterit servare peccato? quæ futura erat & homini, sicut facta est angelis merces meriti. Nunc autem per peccatum perdit bono merito, in his qui liberantur factum est donum gratiæ, quæ merces meriti futura erat.*

Eccles. 15.

Cap. 2.

De corrupt.  
gratiæ.  
cap. 11.

## CAPUT IV.

*Quare vita æterna, quæ futura erat homini sicut facta est angelis merces meriti, per peccatum facta est in his qui liberantur donum gratiæ.*

CÆterum in eo quod Augustinus, vitam in qua liberum arbitrium peccare non poterit, per peccatum perdit bono merito, in his qui liberantur factam esse donum gratiæ, quæ merces meriti futura erat & homini, sicut facta est angelis, si homo in justitia perseverasset, ad eam diversitatem aspexit quæ est inter merita angelorum, seu quæ homo habuisset si in justitia perstitisset, & inter merita hominis jam à peccati servitute liberati. Quia enim priora illa merita

fue-

fuerunt primæ creationis munera, non quidem aliquorum præcedentium operum meritis reddita, sed nec mali quippiam merentibus in sua creatione donata. Ideo juxta modum loquendi Scripturæ sacræ non rectè vocantur gratia, quòd sit ut tantum meriti non etiam gratia debeat nuncupari. Sed in iis qui per redemptionis gratiam reparantur, nullum inveniri potest bonum meritum quod non sit gratis indigno collatum, & ideo sicut ejusmodi merita rectissime gratia nuncupantur, sic & ipsa vita æterna cum his meritis redditur, etiam juxta modum loquendi Scripturæ sacræ non tantum meriti merces sed etiam donum gratiæ dicitur. Dico juxta modum loquendi Scripturæ sacræ, quia quæcunque angelis aut homini in sua creatione nullis præcedentibus meritis à Deo donata sunt forsitan non improbandâ ratione possent dici gratiæ munera, sicut profequitur Augustinus epist. 95. & de verbis Apostoli serm. 11. Sed quia Scriptura sacræ, sicut ibidem dicit Augustinus, nomine gratiæ non nisi ea munera intelligit, quæ per Jesum Christum male merentibus & indignis conferuntur: idèd neque merita neque merces quæ illis redditur gratia dici debet, nisi in eo & illi cui merita indigno & malè merenti conferuntur. Unde Augustinus: *O homo si accepturus es vitam æternam, justitiæ quidem stipendium est, sed tibi gratia est, cui gratia est & ipsa justitia: tibi enim tanquam debita redderetur, si ex te tibi esset justitia cui debetur.* In angelo igitur, & in homine si nunquam peccasset, vita æterna quæ meritis redditur tantum merces est meriti, sed in illis qui à peccati servitute liberantur, quia ipsa merita sunt dona gratiæ malè prius merentibus indulta, ideo vita æterna quæ his redditur, non tantum merces meriti & stipendium justitiæ, sed etiam donum gratiæ efficitur, ut dictum est.

Epi. 104.

## CAPUT V.

*Quòd sicut merita per peccatum perditæ fuerunt: sic Christi beneficio homini sunt reddita.*

**C**Æterum quod hæcenus distulimus, an homini post lapsum reparato etiam merita tribuenda sint, videamus. De hoc clamat Psalmista. *Omnes declinaverunt, simul inutiles facti sunt; non est qui faciat bonum, non est usque ad unum.* Unde etiam jubet Christus, ut quantumcunque in obedientia mandatorum profecerimus, attamen recolentes nativitatis & miseriæ nostræ primordia, quibus juxta veteris hominis formam huic sæculo & sub diaboli potestate nascimur, semper dicimus quòd servi inutiles sumus, quia videlicet ex nostra origine ad omne opus bonum & ad omne bonum meritum inidonei sumus & reprobi. Unde Augustinus: *non gloriatur caro de meritis, quæ quidem potuit habere, sed perdidit; & per quod habere potuit, per hoc perdidit, hoc est, per liberum arbitrium: & rursus: humana merita conticescant, quæ perire per Adam; merita, inquam, quæ homo ex semetipso habere posset, & dona Dei non essent, sicut docet Augustinus de grat. & lib. arb. cap. 6. Sed si veraciter credimus, & salubriter confitemur promissionem Abraham factam & gratiam Dei per Jesum dominum nostrum non tantum ad remissionem valere peccatorum; sicut docuit*

Lut. 17.

De corrept. cap. 12.

lagus,



*De prædest. Sancti.* *lagius, sed etiam ad operationem bonorum operum, in quibus per Christum creati sumus, & quæ præparavit Deus ut in illis ambulemus; tunc sicut in Adam omnia hominum merita periisse fatemur, sic etiam in Christo eadem reparata esse necessum est fateamur; juxta illud quod per Malachiam promissit Dominus, quoddam purgabit filios Levi, & erunt Domino offerentes sacrificium in justitia, & placebit Domino sacrificium Juda & Jerusalem, sicut dies sæculi, inquit, & sicut anni antiqui, quia opus verè bonum & Deo acceptum non potest non esse meritum.*

*Cap. 15.* *Unde in Genesi, Nolite mere Abraham, ait, ego protector tuus & merces tua magna nimis: & secundo Paralipomenon: Non dissolvantur manus vestre, erit enim merces operi vestro: & apud Esaiam: Ecce merces ejus cum eo: de qua etiam in Evangelio: Beati estis, inquit Christus, cum maledixerint vobis homines, & persecuti vos fuerint, & dixerint omne malum adversum vos, mentientes propter me; gaudete & exultate quoniam merces vestra copiosa est in celis: & rur-*

*Matth. 10.* *sus: Qui recipit prophetam in nomine prophetæ, mercedem prophetæ accipiet: item: Matth. 20.* *Voca operarios, & redde eis mercedem; &: Quicumque potum dederit uni ex minimis istis calicem aquæ frigide tantum in nomine discipuli, non perdet mercedem suam:*

*Matth. 10.* *& Apostolus: Unusquisque propriam mercedem accipiet secundum suum laborem: & rursus: Si volens hoc ago, mercedem habeo, si in virtus dispensatio mihi credita est: & ad Hebræos: Nolite itaque amittere confidentiam vestram, quæ magnam habet remunerationem: & rursus: Aspiciebat enim in remunerationem: & ad Colossenses: Quodcumque facitis ex animo operamini sicut Domino & non hominibus, scientes quoddam Domino accipietis retributionem hæreditatis: & Joannes in Canonica sua: Videte vosmetipsos, ne perdati quæ operati estis, sed ut mercedem plenam accipiat. Sed quibus propositum est adversus veritatem contentiosa exercere certamina, & omnem fallendi occasionem querere, etiam si diffiteri non possint quin Scriptura sacra dicens, quoddam impii in corruptione sua peribunt accipientes mercedem injustitiæ, & quoddam omnis prævaricatio accipiet justam mercedis retributionem, nominibus mercedis & retributionis palam significet, mala opera esse justæ damnationis merita, attamen cum passim de bonis operibus loquens, eisdem vocibus utitur, palam asserens bonis operibus mercedem, retributionem, remunerationem, fieri, adhuc audent negare bona opera esse alicujus mercedis merita, & diligenter cavendum monent, ne ubi ejusmodi quippiam in Scripturis sacris legitur, correlatio aliqua mercedis & meriti cogitetur, sed omnis intentio ad eum scopum dirigatur quem ipsi sibi præfixerunt, nempe quoddam fides, quæ se quisque justum esse statuit, sola sine operum meritis sine sacramentorum subordiis, ad vitam ducat æternam. Cæterum qui Scripturis sacris veraciter credunt, non minus in bonis operibus quam in malis inter mercedem & meritum correlationem intelligunt. Sciunt enim quoddam Deus justus judex reddet unicuique secundum opera sua, iis quidem qui secundum patientiam boni operis gloriam & honorem & incorruptionem quærunt, vitam æternam, iis verò qui sunt ex contentione & qui non acquiescunt veritati, iram & indignationem. Nec aliter intelligunt vitam esse bonorum operum mercedem, quam mortem esse stipendium peccati; nisi in hoc duntaxat quoddam quia peccatum tantum ab homine est, idè mors non nisi stipendium est; quia verò bona opera in iis qui liberantur sunt Dei dona, & prius indignis col-*

lata,



lata, idèd vita æterna quæ his redditur non tantùm merces meriti, sed etiam gratia nuncupatur, quia videlicet peccatoribus non deberetur nisi eis priùs merita donarentur.

## CAPUT VI.

*Quomodo vita æterna simul sit merces & gratia.*

**E**X quo manifestè solvitur ea objectio quæ adversùs regeneratorum merita solet ex Apostolo confici: Gratia Dei vita æterna; igitur non est merces. *Objectio. Responsio.* Utrumque enim in Scripturis sacris continetur, & utrumque respectu diversorum verissimè dicitur. Nam vita æterna est gratia peccatori, quales omnes huic sæculo nascimur; & est merces benè operanti, qualis quisque ex Dei munere efficitur: de qua re Augustinus: *Ipsa vita æterna, quæ utique in fine Epi. 105. sine fine habebitur, & idèd præcedentibus meritis redditur; tamen quia eadem merita, quibus redditur, non à nobis parata sunt per nostram sufficientiam, sed in nobis facta sunt per gratiam, etiam ipsa gratia nuncupatur, non ob aliud nisi quia gratis datur: nec idèd quia meritis non datur, sed quia data sunt & ipsa merita quibus datur: & infra: Cum enim dixisset stipendium peccati mors est, quis non congruentissimè & consequenter addere judicaret; stipendium autem justitia, vita æterna? & verum est, quia sicut merito peccati tanquam stipendium redditur mors, ita merito justitia tanquam stipendium vita æterna. Sed B. Apostolus adversùs elationem vigilantissimè militans: Stipendium, inquit, peccati mors. Deinde ne justitia de humano se extolleret merito, sicut humanum meritum malum non dubitatur esse peccatum; non à contrario resulit dicens, stipendium justitia vita æterna; sed gratia, inquit, Dei vita æterna: & de gratia & libero arbitrio: Si vita æterna bonis operibus red- *Cap. 8.* ditur, sicut apertissimè dicit Scriptura, quoniam Deus reddit unicuique secundùm opera sua; quomodo gratia est vita æterna, cum gratia non pro operibus reddatur, sed gratis detur? &c. *Cap. 11.* Ista quæstio, ait, nullo modo mihi videtur posse dissolvi nisi intelligatur & ipsa opera bona quibus æterna redditur vita ad Dei gratiam pertinere. Si- militer de correptione & grat. Quia & ipsa vita æterna, quam certum est bonis operibus debitam reddi à tanto Apostolo, gratia Dei dicitur, cum gratia non operibus reddatur, sed gratis detur, sine ulla dubitatione confitendum est, idèd gratiam vitam æternam vocari, quia his meritis redditur quæ gratia contulit homini.*

## CAPUT VII.

*Quomodo servi inutiles & quomodo utiles sint dicendi.*

**O**bjicitur secundò: Cum feceritis omnia quæ præcepta sunt vobis, dicite, servi *Objectio. Luc. 17. Responsio.* inutiles sumus: sed servus inutilis nihil meretur à Domino: igitur apud Deum nullum possumus obtendere meritum. Respondeo: Homo & angelus naturaliter quidem servi Dei sunt, sed non eo modo quo servos dicimus qui sine ulla mercedis obligatione totà vità dominis carnalibus serviunt. Verùm eo modo quo liberi & suæ potestati relicti promptà voluntate pro condita mercede

- Eccli. 15.* cede liberaliter serviunt. *Deus enim reliquit hominem in manu consilii sui: cui*  
*Matt. 20.* etiam consummato opere dicit: *Nunc ex denario convenisti mecum? Tolle quod tuum est, & vade.* Et ideo servitutis modus quo angelus & homo servi Dei conditi sunt, non excludit rationem meriti, sed potius includit. Quod verò addit Christus, ut nos etiam inutiles agnoscamus; ad id respicere jubet quod peccando facti sumus; *omnes enim declinaverunt, simul inutiles facti sunt, non est qui faciat bonum, non est usque ad unum.* Sed si quis ab his se emundaverit, inquit  
*1 Tim. 2.* Apostolus, *erit vas in honorem sanctificatum & utile Domino ad omne opus bonum paratum.* Idem enim quisque Domino servus utilis est, quia ad bene operandum est idoneus. Quapropter licet quantumcunque in obedientia mandatorum Dei profecerimus, recolentes nativitatē nostræ primordia, nos semper inutiles servos, & ad opus bonum in idoneos agnoscere debemus: sicut Apostolus, recolens quid esset antequam in Christo fuisset, se minimum Apostolorum  
*1 Cor. 15.* imo Apostolico nomine indignum agnoscebat, eò quod persecutus esset Ecclesiam Dei; attamen Dei munera contemplantes, quæ nos in isto consequimur, non solum nos utiles, sed etiam meritis fecundos dicere possumus: sicut se dicit Apostolus cum ait: *Plus omnibus laboravi, non ego, sed gratia Dei mecum.* Unusquisque enim accipiet secundum suum laborem; & alibi probono certamine dicit sibi repositam coronam justitiæ, *quam reddet mihi Dominus, inquit, in illa die, justus iudex.*

## CAPUT VIII.

*Quòd vita æterna etiam particularibus operibus debita reddatur.*

- Objectio.* Objiciunt etiam: Deus vitam aut salutem non promittit nisi perfecti  
*Responsio.* Scripturæ sacræ quæ legis observationi vitam aut salutem pollicentur æternam variis loquuntur modis. Aliæ enim totam legem generaliter commemorant & nullam mercedis ingerunt mentionem, ut, *si vis ad vitam ingredi*  
*Matt. 19.* *serva mandata:* & *qui perseveraverit usque in finem, hic salvus erit.* Aliæ verò particularia opera commemorant quibus sic vitam promittunt æternam, ut illam etiam nomine mercedis appellent; ut, *beati estis cum maledixerint vobis homines, &c. gaudete & exultate quoniam merces vestra copiosa est in cælis: & rur-*  
*Matt. 24.* *sus: quicumque potum dederit uni ex minimis istis calicem aquæ frigidæ tantum in nomine discipuli, amen dico vobis, non perdat mercedem suam: & qui recipit prophetam in nomine prophetæ, mercedem prophetæ accipiet.* Ex prioribus igitur illis Scripturis, ad quas solas respexisse videntur qui hoc argumentum conficiunt, non satis clarè statui potest in quolibet bono opere ratio meriti, tum quia generaliter de legis observatione loquuntur, tum etiam quia nudam promissionem sine ulla mentione mercedis continent; sed quemadmodum ex eo quod  
*Matt. 5.* scriptum est: *qui dixerit fratri suo, fatue, reus eris gehennæ ignis;* certò statui-  
 mus hoc crimen etiam si solum esset, æternæ damnationis esse meritum: sic

sic ex posterioribus illis Scripturis satis manifestè ostenditur, ea opera quibus particulariter etiam sub nomine mercedis regnum cœleste promittitur, esse vitæ æternæ merita, licet mercedem suam non consequantur, si ex aliorum mandatorum transgressionibus aliquod superveniat impedimentum.

## CAPUT IX.

*Quid Christi & quid nostris meritis propriè debeat ascribi.*

Nonnulli etiam sic colligunt, nemo justum suæ iniquitatis pretium Deo *Objectio.* persolvit, sed quisquis à peccatis liberatur illius pretio redimitur qui tactus est nobis sapientia, & justitia, & sanctificatio, & redemptio: igitur *1 Cor. 1.* nemo etiam ullum vitæ æternæ meritum Deo offert, quo justo Dei judicio illam consequatur, sed quisquis illam adipiscitur, illius tantum merito adipiscitur qui sanctos suos salvos facit in regnum suum cœleste. *Responsio;* Quic- *2 Tim. 4.* quid ad humani generis reparationem pertinet, id non nostris meritis propriè, *Responsio.* neque justo Dei judiciotribuendum est, quia alioqui saltem ex parte essemus nostri redemptores, sed tantum proposito gratiæ Dei, per redemptionem quæ facta est in sanguine Christi. Et ideo fides, oratio, pœnitentia, remissio peccatorum, abolitio pœnæ temporalis quæ peccatis per sacramentum pœnitentiæ remissis quandoque relinquitur, conversatio sancta & perseverantia usque in finem vitæ hujus temporalis, imò & ipsa corporis resurrectio, propriè non nisi Christi meritis ascribenda sunt. Quia licet ad remissionem peccatorum, abolitionem pœnæ post sacramentum pœnitentiæ restant, mortificationem concupiscentiæ, & perseverantiam in obedientia mandatorum Dei, juxta promissiones Christi ex parte nostra requirantur fides, pœnitentia, oratio, satisfactio, & similia; attamen hæc per se nullo modo sufficiunt, ut justo Dei judicio jam dicta Dei dona consequamur, nisi illis suffragetur pretium sanguinis Christi, sine cujus merito nulla omnino sit hominis reparatio. Si enim per se sufficerent, tunc his acceptis ad cætera consequenda non esset passio Christi necessaria. Cæterum quod piè & justè in hac vita mortali usque in finem conversati vitam consequuntur æternam, id non proposito gratiæ Dei, sed ordinationi naturali statim initio creationis humani generis constitutæ, & justo Dei judicio deputandum est, sicut suprà satis diximus. Nec in hac retributione bonorum ad Christi meritum aspicitur, sed tantum ad primævam institutionem generis humani, in qua lege naturali constitutum est, ut justo Dei judicio obedientiæ mandatorum vita, sicut inobedientiæ mors æterna redderetur. Licet igitur universa generis humani reparatio solis Christi meritis tribuenda sit, ne si qua ejus pars alterius cujuspiam meritis propriè tribuatur, is saltem ex parte redemptor esse statuatur; attamen quoddam operibus bonis, quæ præparavit Deus ut in illis ambulemus, vita reddatur æterna, id non Christi meritis, sed naturali institutioni hominis ascribendum est, ut diximus. Quod verò ad Timot. scribit Apostolus: *Liberavit me Dominus ab omni opere malo, & salvum faciet in regnum suum cœleste:* non sic accipiendum est, quasi utrumque Christi meritis ascribi debeat, nempe quodd

*2 Tim. 4.*

Apostolus ab omni opere malo liberatus sit, & quòd pro fide servata coronam gloriæ sit consecutus: sed tantum quòd hæc duo ex Christi meritis adeptus sit, videlicet quòd in præteritis tentationibus sit ab omni opere malo custoditus, & quòd usque in finem vitæ temporalis in obedientia mandatorum Dei perseveraverit ut salvus esse possit; qui enim perseveraverit usque in finem, hic salvus erit. Unde Apostolus volens ostendere quomodo in hac mortali vita ex Christi meritis salvi facti sumus: *Spe*, inquit, *salvi facti sumus*; quando videlicet peccatorum remissionem accepimus, & Dei mandatis obedimus. Quòd igitur in hac vita iusti, pii, & apti regno cœlorum, seu spe salvi efficiamur, non nisi proposito gratiæ Dei deputandum est, quâ restauratur quod per peccatum in nobis perierat: sed quòd iustitiæ & pietatis merito regnum cœleste consequimur, iusto Dei iudicio. Sed quantum dedit Deus, expedita quæstione de qua dubitare fas non est, nempe: Utrum bona opera sint vitæ æternæ merita; sumpto alio exordio ad eas transeamus, de quibus inter fideles, salvâ pace catholicâ, variè disputatur.



MICHAELIS BAIL,  
DE  
MERITIS  
OPERUM.  
LIBER SECUNDUS.

C A P U T I

*Quod alii fundamentum meriti statuunt divinæ naturæ  
consortium, alii verò totam ejus rationem ex  
obedientia præcepti metiantur.*



Nter eas quæstiones, quæ de meritis operum etiam à Catholicis variè disputantur, prima occurrit: An bonis operibus, id est, ex objecto, fine & reliquis circumstantiis per omnia divinæ legi consentaneis, ex sua qualitate & natura, quia videlicet sunt divinæ legis obedientia, an solum ex prævia operantis dignitate, vita debeatur æterna. Sunt enim qui meritum non ex operis integritate, sed ex operantis dignitate meriendum existimant; aded ut si quis imaginetur angelum aut hominem sic naturaliter conditum, ut sine inhabitatione ac directione Spiritus sancti totam Dei legem illibate servaret, juxta horum sententiam nullum omnino vitæ æternæ meritum haberet, donec per inhabitantem Spiritum Sanctum supra naturæ suæ conditionem sublimatus, & in Dei filium adoptatus, divinæ naturæ consortium accepisset: sic enim accipiendum existimant quod in Canonica Petri dicitur, Deum nobis per Christum maxima & pretiosa donasse promissa, ut per hoc efficiamur divinæ consortes naturæ. Verum licet Scriptura sacra inter promissa nobis per Christum donata, etiam enumeret divinæ naturæ consortium, quo fugimus eam quæ in mundo est concupiscentiæ corruptionem; neque enim tales naturâ facti sumus, ut sine divino adjutorio ac consortio bonum facere valeamus: nusquam tamen addit in bonis operibus hanc esse meriti rationem, quod non sine divino consortio fiant. Nisi quis fortè ed spectare existimet, quod ait Apostolus: *Si linguis hominum loquar* 2 Petr. 2. *angelorum, charitatem autem non habuero, &c. nihil mihi prodest.* Sed quia 1 Cor. 13.  
pleni-



- Joan. 14.* plenitudo legis est. charitas; & qui non diligit me, inquit Christus, sermones meos non servat: idè forsitan non absurdè intelligi potest Apostolus docere, nullius esse meriti quæcunque sine charitate fiunt; non quòd in hac vita mortali esse queat aliqua vera & integra legis obedientia, quæ nullius apud Deum sit meriti: sed quia quæcunque sine charitate fiunt, etiam si apud homines speciosa videantur, tamen apud Deum simulata tantùm & non verà sunt legis obedientia. Quicumque enim faciebant quod lex jubebat non adjuvante spiritus gratiæ, inquit Augustinus, timore pœnæ faciebant, non amore justitiæ, ac per hoc coram Deo non erat in voluntate. quod coram hominibus apparebat in opere. Igitur jam dictum Apostolorum testimonium nihil prohibet, quominus vera meriti ratio non in excellentia operantis, sed in vera obedientia divinx legis esse dicatur: sicut Dominus in Genesi docere videtur, cum ait Abrahæ: *Benedicentur in semine tuo omnes gentes terræ, quia obedisti voci meæ: & rursus ad Isaac: Benedicentur in semine tuo omnes gentes terræ, eo quòd obedierit Abraham voci meæ, & custodierit mandata mea.* Quapropter eorum sententia, qui in bonis operibus totam meriti rationem ex eo metiuntur, quòd sint obedientia mandatorum Dei, his rationibus ostendi posse videtur.
- De spiritibus & litera cap. 8.*
- Cap. 22.*

## CAPUT II.

*Quòd sicut opus malum ex natura sua est mortis æternæ meritum: sic bonum opus ex natura sua est vitæ æternæ meritum.*

- Rom. 11.* Peri malo, non ex prævia aliqua peccantis indignitate, sed ex deformitate operis quæ qualitatem facit operantis, hoc est quia divinx ordinationi resistit, mors debetur æterna; qui enim resistunt, inquit Apostolus, ipsi sibi damnationem acquirunt. Igitur bono operi, non ex prævia aliqua dignitate operantis, sed ex natura & qualitate boni operis quæ qualitatem facit operantis, quia videlicet Dei ordinationi consentit, vita debetur æterna. Deus enim personam hominis non accipit, sed uniuscujusque opus justà lance perpendit, ut tam bonis quàm malis unicuique secundùm opera sua retribuatur. Nam in omni gente, inquit Petrus, qui timet Deum & operatur justitiam acceptus est illi: &: Debetur merces bonis operibus si fiant, inquit Concilium Araus. 2. sed gratia, quæ non debetur, præcedit ut fiant. Idem & Augustinus epist. 106. Bona opera piâ retributione non frustrantur, cum reddat Deus unicuique secundùm opera ejus; sitque gloria & honor & pax omni operanti bonum. Sed in perpensione meritorum, forsitan nonnullos fallit solius externi operis consideratio: quia dum legunt quòd respexit Dominus ad Abel & ad munera ejus, ad Cain autem & ad munera ejus non respexit, significari existimant boni operis meritum necessariò proficisci debere à bona qualitate operantis. Id quod verissimè existimant, si per operantis qualitatem, bonam ejus voluntatem, bonamque ejus intentionem atque internam devotionem intelligant, sine qua nullum est externi operis meritum: sed si qualitatem operantis intelligant, quæ omnem internam præcedit
- Abel. 10.*
- Genes. 4.*

cedit actionem, à qua videlicet operans prius supra naturæ suæ conditionem extollatur, quam ullum etiam internum meritum possit operari, tunc omnino consequens esse videtur, ut ante omnem mali meriti rationem, in peccante etiam qualitas aliqua requiratur, per quam infra naturæ suæ conditionem deiciatur, ut per opus peccati tam horrendo stipendio dignus inveniatur; quia Scripturæ sacræ bona & mala opera apud Deum æquâ lance perpendi significant, nec aliter legis suæ transgressoribus mortem comminantur, quam factoribus vitam promittunt æternam. *Deus ab initio constituit hominem, inquit Sapiens, & reliquit illum in manu consilii sui, adiecit mandata & præcepta: Si volueris mandata servare conservabunt te: ante hominem vita & mors, bonum & malum, quod placuerit ei, dabitur illi.* Non enim ait, si ex filio hominis, seu ut nonnulli loquuntur, ex homine in puris naturalibus constituto, in filium Dei per sublimantem te gratiam adoptatus, modo quodam deifico mandata Dei servaveris, conservabunt te, scilicet ad vitam æternam, sicut dicendum fuisse significant, qui nullum vitæ æternæ meritum agnoscunt, nisi in eis qui per Dei gratiam ex filiis hominum in Dei filios sublimati sunt: sed simpliciter, si volueris mandata servare, conservabunt te. Si volueris, inquit, ut intelligamus homini recens condito & in statu primæ suæ creationis constituto, (sive absque Spiritu Sancto creatus esse dicatur, sicut nonnulli doctorum scholasticorum errantes autumant, sive cum Spiritu Sancto, ut veritas habet) non aliud fuisse velle mandata servare, quam servare. Quia sicut peccare in libera ejus potestate erat si vellet, sic etiam mandata Dei servare: nobis autem irreprehensibiliter vivere velle non sufficit, inquit Prosper, nisi ipsum velle nostrum, quod languidâ possibilitate deficit, divina virtus adjuverit: quia in multis verissimè dicimus, velle adjacet mihi, perficere autem non invenio; &: Spiritus quidem promptus est, caro autem infirma. Quapropter Christus in Evangelio hanc eandem primæ constitutionis cum humano genere initum pactationem repetens, non ait: Si vis mandata servare vitam consequeris æternam: sed ait: Si vis ad vitam ingredi, serva mandata; hoc interim insinuans, quod quemadmodum æternæ morti omnes addicti sumus, quia primum Domini pactum cum humano genere initum, aut in primo parente duntaxat, aut etiam in proprio opere irritum fecimus: sic etiam vitam consequeremur æternam, si in primæ creationis nostræ statu persistentes Dei mandata illibatè servaremus.

Ecli. 15.

De vita  
contempl.  
lib. 3. cap. 3.

Matt. 19.

## CAPUT III.

*Quod natura humana, etiam Spiritu Sancto destituta, si Dei mandata illibatè servaret esset de præmio secura.*

Sed & Augustinus differens de natura humana jam Spiritu Sancto destituta, satis manifestè ostendit, opera hominis etiam Spiritu Sancto destituti, & nondum per Christi gratiam in filium Dei sublimati, non posse non esse vitæ æternæ merita, si essent verè bona, & omni ex parte facta secundum præscriptum divinæ legis; ait enim sic: *Natura humani generis ex unius illius prævia-* De natur.  
vica- & gen. c. 2.

ricatoris carne procreata; si potest sibi sufficere ad implendam legem, perficiendamque iustitiam, de præmio debet esse secura, hoc est, de vita æterna, etiamsi fides eam lateat sanguinis Christi: non enim injustus est Deus, qui justos fraudet mercede iustitiæ. Nam si talis natura humana legem implens non potest fraudari præmio, mercede vitæ æternæ: igitur impletio legis est vitæ æternæ meritum, etiamsi ab eo fieret qui per Christi fidem nondum sublimatus est in Dei filium. Verum si quem fortè movet, quòd naturam humanam ex unius illius prævaricatoris carne procreatam, etiamsi ad implendam totam legem sibi sufficeret, adhuc tamen à vitæ æternæ secluderet primæ originis noxa, quam nascendo contraxisset, nisi per fidem Christi renascendo in aqua baptisni deleta foret; ac proinde non posse verum esse quod ait divus Augustinus: *Quòd si natura humani generis ex unius illius prævaricatoris carne procreata, possit sibi sufficere ad implendam legem, de præmio debet esse secura, hoc est, de vitæ æternæ*: is intelligat ex originali noxa esse quòd natura humana, qualis nunc est, ad legem implendam sibi non sufficit; ac proinde divum Augustinum per naturam humanam ex primi prævaricatoris carne procreatam (quæ ad implendam legem sibi sufficeret) talem hominem intelligere, quales omnes nos nasci contendebat Pelagius, nempe ab omni culpa immunem, & ad servandam totam Dei legem ex intelligentia rationis sibi sufficientem, quin non egeat remissione peccati, neque ad implendam Dei legem auxilio Christi: sed solum per Christi fidem, & renovationis lavacrum adoptione ex filio hominis in filium Dei, ut juxta Evangelium, possit videre regnum Dei. Hæc enim fuit Pelagii sententia, docentis infantes sine peccato nasci, & ad totam legem Dei perfectè implendam ex innata sibi virtute idoneos, modo doctrinâ legis adjuvèntur, quâ revocentur ab imitatione malorum. Contra quam dicit Augustinus, quòd si homo ex illius unius prævaricatoris carne procreatus, talis esset, qualem eum assererat esse Pelagius, nempe ab omni peccato immunis, & ad implendam Dei legem sibi sufficiens, etiamsi Christum ignoraret, & per ejus fidem ac baptismum in filium Dei sublimatus non esset, & divinæ naturæ consortium adeptus, attamen deberet de vitæ æternæ præmio esse securus: quia talis homo justus esset, nec injustus est Deus, ut justum fraudet mercede iustitiæ. Deus namquæ erit injustus, inquit, si ad ejus regnum verum non admittatur justus: cùm & ipsius ejus regnum iustitia sit, sicut scriptum est: Non est regnum Dei esca & potus, sed iustitia, & pax, & gaudium in Spiritu Sancto. Huic etiam consonat quod idem Augustinus toties inculcat, quòd justus Deus imagines suas ob omni peccato immunes (quales eas in primo suo ortu assererat Pelagius) nunquam excluderet à regno Dei: quia has etiam non docebat Pelagius divinæ confortes naturæ. Nam si tales imagines cùm nihil boni egissent non possent alienari à regno Dei: igitur multò magis dignæ essent regno Dei, cùm factæ rationis compotes, illibatè Dei legem observassent, etiam si per adoptionis gratiam ad sublimiorem statum translata non essent.

*Contra Jul.  
lib. 4. c. 3.  
Rom. 14.*

## CAPUT IV.

*Quòd Pelagii sententia sit, opera bona citra gratiam adoptionis facta non esse regni cœlestis merita.*

**N**ec qui ita sentiunt ea in re Pelagio consentiunt, (sicut quidam imperitè clamitant) sed hi potius qui contrà asserunt: Opera bona non esse regni cœlestis merita, nisi ab eis facta qui priùs in filios Dei adoptati, digni sunt regno Dei. Nam Pelagius docuit infantes (quos ab omni peccato immunes assererat) non propter remittendum peccatum percipere baptismum, sed ut spiritali procreationem non habentes creentur in Christo, & ipsius regni cœlorum participes, fiant eo modo filii & hæredes Dei, cohæredes autem Christi, inquit Augustinus, hoc est, ut de bono in melius translati admitterentur ad regnum Dei. Ex quo manifestè efficitur, quòd etiamsi usque in finem vitæ hujus mortalis divinam legem ita completerent, ut in nullo prorsus offenderent: attamen regnum Dei consequi non possunt, nisi per fidem Christi & baptismum adoptarentur in filios Dei. Quod nihil aliud diceret, quàm bona opera etiamsi iusta sint & secundum legem Dei facta, non esse tamen regni cœlestis merita, nisi ab illo fiant, qui per fidem & baptismum adoptatus est in filium Dei. Sicut etiam apertè dixisse legitur Julianus, asserens multos sine lege, sine Christi fide, ex solis naturæ donis benè vixisse, & multa ac magna virtutum opera præstitisse, nec tamen nisi steriliter bonos fuisse, eò quòd regni cœlestis præmio frustrati sint.

*Lib. 1. de peccat. meritis, cap. 18.*

## CAPUT V.

*Quòd ex lege ideò non sit iustitia, quia non ex lege, sed ex gratia est legis obedientia.*

**Q**uem Juliani errorem videntur nonnulli catholici in iis Scripturis intellexisse quibus dicitur, quòd in lege nemo justificatur apud Deum, & quòd ex lege non sit hæreditas. Has enim sic acceperunt, quasi docere voluerit Apostolus, quòd decalogus, & tota institutio verus non justificaret obediētes coram Deo, nec eos cœlo dignos faceret, nisi priùs per fidem in sanguine Christi ex filiis hominum translati essent, & adoptati in filios Dei, eò quòd obedientia legis non placeat Deo nisi in reconciliatis; nec animadvertunt hunc eundem errorem olim à Pelagianis apud D. Augustinum etiam catholicis fuisse objectum. Quia enim catholici defendebant, quòd ex lege nemo justificetur apud Deum: inferebant Pelagiani eos dicere legem veteris testamenti non ob hoc datam fuisse, ut justificaret obediētes, sed ut gravior fieret causa peccati. Quibus respondens Augustinus: *Prorsus non intelligunt quid de lege dicamus*, inquit, *quia id quod dicit Apostolus (quem non intelligunt) dicimus. Quis enim dicat non justificari eos qui sunt legi obediētes, quando si non justificarentur non possent esse obediētes: Sed dicimus lege fieri, ut quid Deus fieri velit audiat: gra-*

*Galat. 3.*

*Contra epistolas Pelag. lib. 3. cap. 2.*



*tiā verò fieri, ut legi obediat.* In quibus divi Augustini verbis duo manifestissime continentur. Prius est: non ideo dictum ab Apostolo, quod nemo in lege justificetur, quasi possit aliqua esse legis obedientia, quæ non sit vera iustitia, sed quia per legem tantum est cognitio peccati, non etiam legis obedientia, quam sola præstat gratia. Posterius est, quod lex usque adeo iustificet obedientes, ut nemo veraciter in externis operibus legi obediat, nisi prius intus iustitiam & rectitudinem cordis habeat: quia fructum bonum non facit nisi arbor bona & vera cordis iustitia. Unde etiam lex in Psalmis toties nomine justificationis intelligitur: quia videlicet quisquis illi veraciter obtemperat, is coram Deo justificatur. Nam quod ea legis obedientia, quæ vel in impiis gentilibus, vel in Judæis ex lege viventibus apparuit, non fuit iustitia, non ex eo accidit, quod possit aliqua esse vera legis obedientia, quæ non sit vera iustitia, etiam celestis præmio digna: sed quia obedientia illa tantum coram hominibus apparuit in opere, & coram Deo obedientia non fuit in corde. *Sine fide enim impossibile est Deo placere.* Et: *Quicquid non est ex fide, peccatum est:* quia coinquinatis & infidelibus nihil est mundum: sed inquinatæ sunt eorum mens & conscientia, habentium sapientiam non spiritalem, quâ diligant cœlestia, sed terrenam & animaleam, quâ nihil nisi mundum sectantur. Hunc eundem errorem in locis suis communibus de promissione legalium nobis insinuat Philippus, cum ait: Bona opera tunc mereri præmia, cum sunt ab iis qui fide jam consecuti sunt remissionem peccatorum: quia supra dictam humanæ naturæ exaltationem in remissione peccatorum & reconciliatione fieri intelligit.

Hebr. 11.  
Rom. 14.  
Titum 1.

## CAPUT VI.

*Quod opera pœnitentium non absurdè dici queant  
regni cœlestis merita.*

Obiectio.

Sed obicitur: Licet impij qui ab omni bono merito sunt immunes, nullum opus bonum faciant: attamen negari non potest, quin fides & pœnitentia catechumenorum ac pœnitentium, bona sint opera & Dei dona, quæ tamen nemo dixerit esse regni cœlestis merita: quia regnum celorum obtineri non potest sine prævia remissione peccatorum. Igitur opera bona, ratione suæ qualitatæ, quia videlicet sunt vera divinæ legis obedientia, non sunt regni cœlestis merita, nisi ab iis facta sint, qui acceptâ peccatorum remissione ad regnum Dei translati sunt. Responsio: Nemo Catholicus dubitat, quin sancti fideles bonis suis operibus mereantur coronam iustitiæ: & tamen illam non consequentur, si se averterint à iustitia sua; propter legitimum impedimentum quod peccando interponunt. Unde etiam dicitur: *Tene quod habes, ut nemo accipiat coronam tuam*, tibi videlicet debitam, & non immerito speratam: *Qui enim perseveraverit usque in finem, hic salvus erit.* Eodem modo de bonis catechumenorum operibus dici potest, quod sunt quidem regni cœlestis merita, sicut de Valentiniani virtutibus dicit Ambrosius. Nam qui-

Objectionis  
diminutio.

Apoc. 3.

Matth. 10.

Matth. 10.

amen



*amen dico vobis*, inquit Christus, *non perdet mercedem suam*: sed tamen hanc justissimam mercedem non consequentur, nisi & præcedentium delictorum impedimenta tollantur, & subsequencia non addantur, quia si ad eventum respicias, solam perseverantiam pro merito reputabis. Nemo enim salvus fiet nisi merito perseverantiæ.

## CAPUT VII.

*Quod personæ operantis sublimitas in opere bono non auget rationem meriti: nisi quantum auget rationem virtutis & boni,*

Objicitur etiam à quibusdam, quod humillima Christi obedientia tantò majoris fuit meriti, quantò major erat qui se per obedientiam humiliabat. Igitur personæ sublimitas plurimum confert ad rationem meriti, ac proinde à ratione alienum non erit, si dicatur quod vitæ æternæ meritum non invenitur nisi in operibus eorum qui adoptati sunt in filios Dei. Responsio: Personæ dignitas tantum auget rationem meriti, quæ boni operis proprietates est, quantum auget rationem virtutis & operis boni: sicut in obedientia & humilitate contingit, quæ tantò majorem habent virtutis & boni operis rationem, quantò major est qui veluti suæ dignitatis oblitus, pro rerum necessitate sese ad abjectissima quæque demittit. Sed in operibus aliarum virtutum, ut justitiæ, temperantiæ & similium, sicut personæ sublimitas nihil addit ad virtutis rationem, sic nec ad meritum quicquam adjicit, sicut cuiusvis considerare facillimum est. Imò forsitan tantò cuiquam plus collatum est, tantò minoris est meriti, nisi plus operetur quàm qui minus acceperunt, quia quantum plus illi datum est, tantò plus exigitur ab eo.

*Ad objectionem  
responsio.*

## CAPUT VIII.

*Utrum peccata quæ dicuntur venialia, naturâ suâ talia sint, an tantum divinâ misericordiâ.*

Disputant etiam catholici: utrum peccata leviora, (quæ nos vulgò venialia dicimus, eò quod in hac vita solo pacto dominicæ orationis, & in futura merito hîc benè actæ vitæ, precibus vivorum condonantur) naturâ suâ ejusmodi sint, ut à regno cælorum non secludant, nec in mortem secundam præcipitent; an tantum divinâ misericordiâ. Nam licet Lutherus & alii quidam posteriores hæretici hanc quæstionem suis assertionibus inferuerint, dicentes omne peccatum naturâ suâ mortem mereri; nec desint Catholici qui hanc eorum sententiam tanquam hæreticam damnare præsumpserint, eò quod Deus in futuro sæculo, ubi etiam datur horum peccatorum remissio, sine acceptione personarum judicet, secundum uniuscujusque opus; attamen eruditiores illam non inter dogmata fidei contraria, sed potius inter opiniones

*Joannes  
Reff. art.  
32.*

- numerandam existimant, eò quòd videatur multis non improbandis rationibus posse defendi. Nam omne opus verè bonum, etiam si exiguum sit, naturà suà est vitæ æternæ meritum: *Quicumque enim dederit calicem aquæ frigide tantum in nomine discipuli, non perdet mercedem suam.* Igitur omne peccatum etiam leve, & exiguum naturà suà est meritum æternæ mortis. *Stipendium enim peccati, mors est,* inquit Apostolus: &: *Anima quæ peccaverit, ipsa morietur;* &: *Maledictus omnis qui non permanferit in omnibus, quæ scripta sunt in libro legis hujus;* &: *Qui solverit unum de mandatis istis minimis, & docuerit sic homines, minimus, imò nullus vocabitur in regno cælorum;* &: *Quicumque totam legem servaverit, offendat autem in uno, factus est omnium reus.* Nam offensio non tantum in criminibus, sed etiam in levioribus peccatis intelligitur, de quibus etiam scriptum est: *In multis offendimus omnes.* Igitur non tantum per crimina, sed etiam per leviora peccata, meretur quisque perdere quæ operaturus est, & à cælorum regno separari.

De peccatorum meritis lib. 2. cap. 3.

Unde Augustinus: quis cum aliqua spe adipiscendæ salutis æternæ de hac vita migraret, manente illà sententià, quòd quicumque totam legem servaverit, offendat autem in uno, factus est omnium reus: nisi post paululum sequeretur; sic loquimini & sic facite, tanquam per legem libertatis incipientes judicari. Judicium enim sine misericordia illi, qui non facit misericordiam; superexaltat autem misericordia judicium. Si enim sola crimina suà naturà à regno cælorum excluderent, tunc omnes Sancti, qui de hac vita sine criminibus exeunt, cum certissima salutis spe demigrarent, etiam manente illà sententià: Quòd quicumque totam legem servaverit, offendat autem in uno, factus est omnium reus; quia non nisi de criminibus posset intelligi.

Joan. 13.

Huic sententiæ etiam consonum esse videtur, quod pro defunctis qui sine criminibus exierunt orat Ecclesia: Ne absorbeat eas tartarus, ne cadant in obscurum; quia absurdum esse videtur apud justum judicem pro reo pœnam deprecari, quæ scitur illi justo Dei judicio non posse irrogari. Præterea de peccatis levioribus, ait Dominus Petro, *si non laverò te, non habebis partem mecum.* Igitur nisi sanguis Jesu Christi etiam ab his peccatis nos emundaret, secluderemur à regno Dei: quod non ex alia causa nasci videtur, quàm quòd hæc peccata naturà suà à regno Dei secludant, in quod nihil potest coinquinarum introire. Igitur non est improbanda opinio, quâ dicitur, quòd etiam levia peccata, secluso Christi sanguine, ex natura sua secludunt à regno Dei. Forsitan imaginantur quidam eos qui in hac vita à criminibus abstinent, suis bonis operibus promereri ut post hanc vitam, justo Dei judicio, leviorum peccatorum veniam consequantur. Sed ut apparet non bene imaginantur; tum quia sic falsum esset quod ait B. Jacobus: *Quicumque totam legem servaverit, offendat autem in uno, factus est omnium reus:* nam qui totam legem servasset, & in uno duntaxat leviorum offendisset, non esset omnium quæ bene egisset reus, sed potius ob illa dignus qui hujus unius transgressionis justo Dei judicio veniam acciperet; tum etiam quia sanguis Jesu Christi non esset necessarius, ut nos ab hujusmodi peccatis emundaret, nec verum fuisset quod de ejusmodi peccatis ait Christus Petro: Si non laverò te non habebis partem

mecum: sed illi sufficisset sic Dei mandata custodire, ut à criminibus abstinere, & hujus abstinentiæ merito, justo Dei judicio, leviorum peccatorum veniam acciperet. Ad id ergo quod pro opinione contraria dicitur: Deum in futuro sæculo (ubi etiam leviorum peccatorum datur remissio) reddere unicuique secundum opera sua, videtur respondendum, id quidem verum esse, sed eos qui hîc sanctè conversati sunt, & in Christi corpore usque in finem mortalis vitæ hujus fideliter permanserunt, hoc etiam suis bonis operibus, justo Dei judicio, meruisse, ut ad quorundam peccatorum veniam (quæ tamen alioqui mortem inferrent) posset eis sanguis Jesu Christi, cum orationibus Sanctorum in futuro sæculo imò etiam in extremo judicio suffragari. Ad quam veniam justo Dei judicio consequendam, propria eorum merita per se nullo modo sufficerent, si ex illis solum tanquam à Christi corpore & meritis alieni judicaretur, quia bona opera quæ fecerunt non sunt justum pretium pro peccatis ipsorum, sed quia in vitæ tanquam palmite vivi usque in finem permanserunt, & hujus permansionis merito à vitæ immobiles effecti sunt. Idèd ad horum peccatorum veniam etiam meritis ejus participant, qui est sufficientissima propitiatio pro peccatis totius mundi, & sic accedente pretio sanguinis Christi, fideles pro iis operibus quæ per corpus gesserunt, non tantum vitam, sed etiam leviorum peccatorum indulgentiam justo judicio consequuntur; neque enim novum est aut inauditum, etiam in civilibus causis, ratione societatis aliquid cupiam justo deberi judicio, quod illi nullatenus deberetur, si per se tanquam ab illa societate alienus judicaretur; sunt enim penè singulorum societatum certa quædam privilegia, quibus non ob aliud gaudere debemus, quàm quòd ejusmodi societatibus inferi meruimus. Non igitur tam ex propriis meritis, quàm ex societate vitæ, in futuro sæculo justo Dei judicio Sanctis datur leviorum peccatorum remissio, ut dictum est.

1 Joh. 2.

## CAPUT IX.

*Utrum bona opera Sanctorum in die Judicii ampliorem mercedem accipiunt, quàm justo Dei judicio mereantur accipere.*

**D**ubitant etiam nonnulli, utrum bona opera Sanctorum in die judicii ampliorem mercedem accipient quàm justo Dei judicio mereantur; sic enim loqui videtur B. Fulgentius cum ait: *Vita æterna etiam non injustè gratia dicitur, quia non solum donis suis Deus dona sua reddit, sed quia tantum etiam ibi gratia divina retributionis exuberat, ut incomparabiliter atque ineffabiliter omne meritum, quamvis bonæ & ex Deo datæ humanæ voluntatis atque operationis, excedat.* Quamvis enim non solum credendi in Christum lumen, sed etiam pro illo patiendi virtutem, à Deo nobis donari Beatus Apostolus ostendit, illam tamen futuræ vitæ gratiam omnibus præsentis temporis passionibus anteponebat, dicens: *Non sunt condignæ passionibus hujus temporis ad futuram gloriam, quæ revelabitur in nobis.* Et alio loco: *Id enim quod in præsentem est momentaneum,*

De duplici præd. lib. 1.

Philip. 1. Rom. 8. 2 Cor. 4.

& leve tribulationis nostræ, supra modum in sublimitate æternæ gloriæ pondus operatur in nobis. Cui consentire videtur B. Bernardus sermone primo de annunciatione, dicens: *Quid enim sunt merita omnia ad tantam gloriam?* &c. Verum juxta hunc modum vita æterna non tantum in hominibus qui post lapsum reparantur, sed etiam in angelis & homine, si steterit, donum gratiæ fuisset: id quod negat tamen Augustinus dicens, quod vita æterna futura erat & homini, sicut facta est angelis merces meriti, quæ per peccatum in iis qui liberantur facta est donum gratiæ. Præterea sicut cœlestis gloria, in iis qui liberantur, incomparabiliter justorum tribulationes exuperat: sic in iis qui damnantur, acerbitas supplicii etiam incomparabiliter excedit jucunditatem delicti. Sed in his dici non potest, quod modus supplicii excedit mensuram delicti, quia iniquitas esset apud Deum, qui infert iram. Igitur in iis qui liberantur gloriæ magnitudo non sufficienter ostendit, quod modus præmii excedat mensuram meriti; præsertim quia non desunt qui peccatorum supplicia usquæ ad eam non putent esse meritis majora, ut etiam impios omnes in inferno non tantâ quantâ digni sunt atrocitate cruciandos existiment, sed mitioribus & levioribus quàm merita eorum requirant: eò quod non obliviscetur misereri Deus. Sed hoc dictum Psalmistæ ad vasa misericordiæ pertinet, & ad ipsos filios promissionis, inquit Augustinus, nam judicium sine misericordia illi qui non fecit misericordiam: & qui ab adversario in carcerem mittitur, non exiet inde, inquit Christus, donec reddat novissimum quadrantem. Sicut igitur in impiis non est verisimile, supplicium futuri sæculi fore infra delicti mensuram: sic in justis minus verisimile est quod retributio præmii exuperet mensuram meriti, etiam si forsitan humanis sensibus aliud apparet.

*De corrupt.*  
*6. 11.*

*Psal. 76.*

*Acti. Dei*  
*libro 21.*  
*cap. 24.*  
*Jacob. 2.*  
*Matt. 5.*



MICHAELIS BAILL,  
SACRARUM  
LITERARUM

IN

ACADEMIA  
LOVANIENSI,

PROFESSORIS REGII,

DE

PRIMA HOMINIS

*Justitia & virtutibus impiorum, libri duo.*



LETTERARUM  
SACRARUM  
MUSEUM

REV. PATRI

JOHANNI DOMINICO

DE WITTE

# P R Æ F A T I O

I N

## LIBROS DE PRIMA

## HOMINIS JUSTITIA,

E T

## VIRTUTIBUS IMPIORUM.

**Q**Uanquam in omni quæstione catholicam fidem concernente, summâ semper ope niti oporteat, ut (quantum res ipsa patitur) vitetur error, & veritas teneatur: attamen id in iis quæstionibus in primis conandum est, sine quibus non satis intelligi queunt prima & præcipua fidei Christianæ fundamenta, quia & ritè cognita magnum ad cæteras lumen adferunt, & ignoratæ multos inducunt errores. Tales autem quæstiones semper esse judicavi, quibus quæritur: Qualis ab initio fuerit naturalis hominis integritas, & quid sentiendum sit de virtutibus impiorum, qui nullâ unius veri Dei fide imbuti, multa honesta & apud homines laudabilia fecisse leguntur. Nam sine his quæstionibus non satis potest intelligi, neque prima humanæ naturæ corruptio, neque ejusdem per Christi gratiam reparatio; in quibus tamen duobus (si divo Augustino credimus) propriè fides Christiana consistit: neque enim aliud est corruptio quàm quod vulgò dicimus malum.

*De peccato  
orig. c. 24.*

G

Quo-

## P R Æ F A T I O.

in Ench.  
cap. II.

Quomodo autem discerni potest quid sit homini malum, nisi prius intelligatur quid ab initio fuerit naturaliter ejus bonum? cum nihil aliud sit quod dicitur malum, quàm naturalium privatio bonorum. Et rursus: *Quomodo dijudicabitur quid redemptio gratiæ homini jam christiano contulerit, nisi cognoscatur quid prima transgressio à prævaricatore abstulerit, & quid adhuc in impiis & à Christi redemptione alienis ex prima integritate supersit?* De his igitur duabus quæstionibus, sine quibus non satis intelliguntur fidei nostræ fundamenta, quantum Deus adjuverit deinceps pauca disserere conabimur.

MICHAELIS BAII,  
DE  
PRIMA HOMINIS  
JUSTITIA.  
LIBER PRIMUS.

CAPUT I.

*Quod primi hominis reſtitudo non fuerit ſine  
inhabitante Spiritu Sancto.*

**P**rimum hominem, in quo omnium hominum natura con-  
creata eſt, initio fuiſſe conditum rectum negare nemo po-  
teſt: quia id teſtatur Scriptura ſacra dicens, quod fecerit Deus Eccl. 7.  
hominem rectum; ſed quatenus intelligenda ſit hæc primæ  
creationis integritas, quam Scriptura ſacra reſtitudinem nun-  
cupat, à quibuſdam dubitatur. Non enim defuerunt qui di-  
cerent, eum in ſua prima creatione, ſicut cætera animantia, ſortitum eſſe ani-  
mam, quæ ciborum adjuta præſidio, motum & ſenſum corpori præſtaret, &  
per ſumptionem ligni vitæ, ſenectam & mortem excluderet, ſed non quâ  
polleret juſtitia, ſapientia, manſuetudine, bonitate, & cæteris virtutibus,  
quibus quotidie per inhabitantem Spiritum Sanctum ſecundum imaginem Dei  
reformamur. Id quod ſignificatum exiſtimant in eo quod ait Scriptura ſacra:  
*Factus eſt primus homo Adam in animam viventem, noviffimus Adam in Spiritum* 1 Cor. 15.  
*vivificantem.* Etrurſus: *Primus homo de terra terrenus, ſecundus homo de cælo*  
*cæleſtis.* Sed hunc ſenſum maniſeſtiſſimè reſellit quod in Geneſi legitur: *Fa-*  
*ciamus hominem ad imaginem & ſimilitudinem noſtram.* Quia licet imago Dei poſ-  
ſit in naturalibus potentiis intelligi; quæ ſine virtutibus poſſunt exiſtere, aut  
(ut Chryſoſtomus ait) in domini ſimilitudine: attamen ſimilitudo non niſi in  
vera ſapientia, & aliis virtutibus accipitur, quibus quotidie operante Spiri-  
tu Sancto ſecundum imaginem Dei reformamur. Nam quantum accedis  
ad ſimilitudinem Dei, inquit Auguſtinus, tantum proficis in charitate. Et  
Chryſoſtomus: *Sicut imaginem dixit ob principatus rationem: ita & ſimilitudi-* in Pſal. 99.  
*nem dixit, ut pro viribus humanis ſimiles ſiamus Deo manſuetudine, inquam,* Super Ge-  
ne. Ho. 9.  
Super Ge-  
ne. Ho. 9.

*lenitate & virtutibus: quod & Christus dicit: Similes estote patri vestro qui est in  
 2 Joan. 1. cælis; & filiis Dei non aliud promittit Joannes, quàm quodd cum apparuerit  
 quid nunc sint, Deo similes erunt, quoniam videbunt eum sicuti est. In eo  
 igitur quodd homo rectus ad imaginem & similitudinem Dei creatus legitur,  
 debet intelligi conditus esse sapiens, iustus, bonus, cæteriisque virtutibus  
 præditus, quibus quotidie in interiori homine renovamur, sicut etiam om-  
 nes veteres Scriptores intellexerunt. Irenæus. Adam eam, quam habuit à  
 Spiritu Sancto sanctitatis stolam amisit per inobedientiam. Et rursus: Quod  
 Lib. 3. perdidimus in Adam, id est, secundum imaginem & similitudinem Dei esse:  
 cap. 17. hoc in Christo Jesu recipimus. Et lib. 5. ante medium lib. Cum spiritus commixtus  
 contra he- animæ unitur plasmati, propter effusionem spiritus, spiritualis & perfectus homo  
 reses, lib. dem c. 20. factus est, & hic est qui secundum imaginem & similitudinem factus est Dei: si au-  
 tem defuerit animæ spiritus, animalis est verè, & carnalis, derelictus, imperfectus  
 erit, imaginem quidem habens in plasmate, similitudinem verò non assumens per spiri-  
 tum. Et iterum eodem libro: Qui infructuosi sunt iustitiâ, si diligentiam perci-  
 piant, & veluti insertionem accipientes verbum Dei, in pristinam veniunt hominis  
 naturam, eam quâ secundum imaginem & similitudinem factus est Dei. Cypria-  
 nus quoque: Perfectos, inquit, dixit fieri Dei filios, si similitudo, quam peccato  
 Ser. 1. de Adam perdidit, manifestetur & luceat in altibus nostris. Et rursus: Adam  
 patient. contrapreceptum cæleste, cibi lebalis impatiens in mortem cecidit, nec acceptam di-  
 vinitus gratiam patientiâ custodervavit. Similiter Ambrosius: Illa anima benè  
 Lib. 6. pingitur, quæ habet in se virtutum gratiam renitentem, splendoremque pietatis; se-  
 quam c. 7. cundum hanc imaginem erat Adam ante peccatum: sed ubi lapsus est, deposuit ima-  
 ginem cælestis. Et rursus: Adam cum in paradiso esset, cælestis erat. Et tractans  
 Super Psal. 118. illud: Jordani convexus est retrorsum (sicut citat divus Augustinus) Jordani,  
 Lib. 1. con- inquit, convexus est retrorsum, significavit salutaris lavacri futura mysteria, per  
 tra Jul. quæ in primordia nature suæ, qui baptizati fuerint parvuli, à malitia reformantur.  
 capite 3. Et rursus super Lucam, tractans illud: Homo quidam ex Hierusalem descende-  
 bat: Angeli noctis & tenebrarum, inquit, ante despoliant quæ accepimus indumenta  
 Hom. 16. gratiæ, & sic vulnera inferre consueverunt. Chrysostomus etiam super Gene-  
 sim, primum hominem sapiens terrestrem angelum vocat sapientiâ plenum, &  
 spiritu prophetiæ præditum, cui summum honorem, eminentem gloriam,  
 supernam gratiam, & angelicum statum tribuit ante peccatum. Et Hilarius  
 (sicut citat Augustinus): Tanta & tam admirabilis, inquit, in nos misericordia  
 Dei bonitas est, ut per quem in Adâ offensa generositas primæ & beata illius  
 Lib. 2. con- creationis amisimus, per eum rursus id quod amisimus obtinere mereamur. Similiter  
 tra Julia, cap. 18. Cyrillus super Joannem: Sanctificationem in spiritu & per spiritum ad nos derivabat,  
 Lib. 11. & quod erat ab initio, quando à Deo creati fueramus, id ipsum renovat. Et infra: A limo  
 cap. 25. terræ formatum hominem à Deo Moyses scripsit, & quomodo animatus fuit, docens:  
 Inspiravit, ait, in faciem ejus spiraculum vitæ; ita non absque sanctificatione  
 spiritus animam homini datam significat. Et rursus: Renovari ergo ac reformari  
 quodammodo ad imaginem primam participatione spiritus naturam hominis rogat, ut  
 primam illam gratiam induti, peccatum superare possimus: & infra: Breviter repe-  
 tamus priscum humani generis donum, id est, quomodo sanctificationem spiritus ad  
 vos revocat. Et eodem capite: Reformemus nos ad justitiam, ad sanctificationem,*



ad imaginem primam. Et lib. 12. cap. 56. Deus pater per proprium verbum de limo terræ (ut scribitur) hominem formavit, animā decoravit, & sui Spiritus participatione munivit: & rursus: Ut ergo ipsum esse discamus, qui ab initio naturam nostram creavit, & Spiritu Sancto signavit, rursus in ipso initio renovande naturæ, sufflatione Spiritum discipulis largitur: ut quemadmodum creati ab initio sumus, renovemur; & quemadmodum ad imaginem factus est tunc homo, similiter etiam nunc participatione Spiritus ad imaginem creatoris renovetur. Et lib. 2. cap. 3. Ab eodem, scilicet Mose, didicimus Spiritu ad imaginem divinam sigillatum hominem fuisse: Et insufflavit in faciem, ait, spiraculum vitæ; & fuit in paradyso, quousque gratiam Creatoris Spiritu Sancto inhabitante servavit. Et lib. 1. Adam Cap. 9.  
non tempore, quemadmodum nos, prudentiam didicit: sed statim à sui creatione perfectè sapiens fuit. Et de incarnatione unigeniti, cap. 1. Propter Adæ prævaricationem Spiritus ab humanitate discesserat, ob eamque causam in malis omnibus illa fuerat constituta. Et lib. 6. dialo. cum Herma. Ignoras, ait, quod humana natura, principio quidem ubertim recepit, ut particeps esset doni Spiritus. Et lib. de ador. in spiritu: Quod conditum est, ineffabili virtute animabatur, donoque Spiritus statim ornabatur; non enim aliter divinæ imaginis capaces sumus. Augustinus etiam: Fecit itaque Deus (sicut scriptum est) hominem rectum, ac per hoc Lib. 14. de bonæ voluntatis; non enim rectus esset bonam non habens voluntatem. Et rursus: cap. 17.  
Cognoverunt quia nudi erant; nudati, scilicet, eā gratiā, quā fiebat ut nuditas corporis, nullā eos lege peccati menti eorum repugnante confunderet. Et de spiritu & litera: Hoc agit Spiritus gratiæ, ut imaginem, in qua naturaliter facti sumus, in- Cap. 27.  
statuerit nobis. Et delibero arb: Quamquam enim credamus hominem tam perfectè conditum à Deo, & in beata vita constitutum, ut ad ærumnas mortalis vitæ ipse inde propriā voluntate delapsus sit, tamen hoc cum firmissimā fide teneam, intelligentiā nondum affectus sum. Et de civ. Dei lib. 13. Fides Christiana prædicat primos ho- Cap. 19.  
mines ita fuisse conditos, ut si non peccassent, nullā morte à suis corporibus solverentur: sed pro meritis obedientiæ custoditæ immortalitate donati, cum eis viverent in æternum. Similiter Leo primus: Ut fideliter atque sapienter creationis nostræ De jesu. decimi mensis sermo. 1.  
intelligamus exordium, inveniemus hominem ideo ad imaginem Dei conditum, ut imitator sui esset auctoris, & hanc esse naturalem nostri generis dignitatem, si in nobis, quasi in quodam speculo, divinæ bonitatis forma resplendeat, ad quam quotidie nos utique reparat gratia Servatoris, dum quod cecidit in Adam primo, erigitur in secundo. Et rursus: Primus homo carnis substantiam accepit è terra, & rationali spiritu per insufflationem creantis animatus est, ut ad imaginem & similitudinem sui auctoris vivens, formam Dei bonitatis atque iustitiæ, in splendore imitationis, tanquam in speculi nitore servaret, quam naturæ suæ speciosissimam dignitatem, si per observantiam legis datæ perseveranter excoleret, ipsam illam terreni corporis qualitatem ad cælestem gloriam mens incorrupta perduceret. Idem docet Dionysius de ecclesiast. hierar. cap. 3. parte 3. & Prosper responsione 8. ad capitula Gallorum, cum ducentis quatuordecim sacerdotibus, quorum Constitutionem contra inimicos gratiæ totus mundus amplexus est veraci professione (quemadmodum ipsorum habet sermo;) Dicamus, inquit, gratiam Dei per Jesum Christum dominum nostrum non solum ad cognoscendam, verum etiam ad faciendam iustitiam nos per actus singulos adjuvare; ita ut sine illa nihil veræ sanctæque pietatis ha- De nati. Domini sermo. 4.  
bere,

bere, cogitare, dicere, agere valeamus. Neque hæc dona ita à Deo esse opinemur, ut quia ipse naturæ nostræ author est, per conditionem jam hæc contulisse videatur, quia dedit quidem ab initio hanc homini facultatem, sed omnes eam in illo amisimus, in quo omnes peccavimus. Idem docet Augustinus, seu potius Fulgentius de fide ad Petrum cap. 25. & de incarnatione capite 6. Credimus itaque bonum & sine ulla carnis impugnatione à Deo creatore factum Adam, magnaquo prædium libertate, ita ut & bonum facere in propria facultate haberet, & malum si vellet posset admittere. Item: Quisquis, ait, Christianæ religionis non vult inaniter inò damnaviliter portare vocabulum, credat firmissimè Deum nostrum primo homini non solum bonæ voluntatis donum, quin etiam ad habendam custodiendamque justitiam integrum sanumque creasse libertatis arbitrium, ut si juvantem se gratiam Dei non desereret, præmium vitæ æternæ tribueret Dei bonitas homini. Similiter Gregorius Magnus lib. 5. epistoliarum cap. 114. & lib. 6. cap. 195. Item Celestinus dicit in prævaricatione Adæ omnes homines naturalem possibilitatem & innocentiam perdidisse. Ex quo intelligitur, omnes homines in illo naturalem possibilitatem & innocentiam habuisse. Et Concilium Arafricanum secundum dicit in Adam datum fuisse naturæ bonum, per quod collata erat fides. Ex quibus omnibus manifestissimè patet, omnibus veteribus patribus non tantum visum esse primum hominem conditum esse plenum sanctificatione Spiritus, sed etiam multos id firmâ fide credidisse, hancque fuisse naturalem ejus dignitatem. Sed de hac parte plura infrâ dicenda sunt.

De incarnatione  
cap. 12.

Epistola ad  
Episcopos  
Gal. cap. 4.

## C A P U T II.

*Quid fieri in spiritum vivificantem sit per resurrectionem  
carnis deponere corporis mortalitatem.*

1 Cor. 15.

**Q**UOD igitur ait Apostolus: Factus est primus homo Adam in animam viventem; novissimus Adam in spiritum vivificantem. Et rursus: Primus homo de terra terrenus, secundus homo de cælo cælestis; non ita accipiendum est, quasi significare voluisset, primum hominem in sua creatione Spiritu Sancto caruisse, aut non nisi sensibilia & terrena sapuisse, sicut prætereundè videtur apocrypha quædam & imperita quæstio scripta ab aliquo doctrinæ Augustini ac veritatis ignaro, & ejus operibus fraudulenter ac mendaciter inserta; sed quod more cæterorum animalium adhuc cibo & potu ad motum & sensum indigeret, nec adhuc talis esset, quales in resurrectione futuri sumus, quando corpus ita spiritui subdetur; ut sine ulla corporalium alimentorum indigentia solo spiritu vivificetur. Idè enim dicitur secundus Adam, id est, Christus factus in spiritum vivificantem, quia post hujus vitæ cursum, in quo terrenum & animale corpus habuit, quod in sua morte & sepultura seminavit, per resurrectionem immortale corpus accepit, cui jam pro vita sufficit sola animæ præsentia, sicut apertissimè interpretatur Augustinus de Genes. ad litteram, his verbis: Imaginem cælestis hominis nunc ex fide portamus, habitum in resurrectione quod credimus. Et rursus: Corpus quod futurum est in resurrectione Sanctorum, spiritale appellat Apostolus, eò quod miris modis ad omnem facilitatem

In quæst.  
maximè  
utroque  
testamento  
quæst. 123.

Lib. 6.  
cap. 19.

Lib. 12.  
cap. 7.

& incorruptionem spiritui subdetur, & sine ulla indigentia corporalium alimentorum solo vivificetur spiritu. Et Epistola 146. Christus per animale, id est, per mortale corpus nobis apparuit, qui utique si voluisset, cum corpore immortali primitus advenisset; anima quippe in corpore animali vivit quidem, sed non vivificat usque ad auferendam corruptionem: in corpore verò spiritali, quoniam perfecte adherens Domino unus spiritus est, sic vivificat ut spiritalis corpus efficiat, absumentes omnem corruptionem, nullam metuens separationem. Et infra: Quid est, qualis terrenus talis terreni, nisi mortalis ex mortali? Et quid est, qualis cœlestis talis & cœlestes, nisi immortales per immortalem? illud per Adam, hoc per Christum. Dominus enim ad hoc terrenus factus est, cum esset cœlestis, ut eos qui terreni erant, faceret cœlestes. Item lib. 13. de civitate Dei: Sicut spiritus carni serviens non incongrue carnalis, ita caro spiritui serviens rectè appellatur spiritalis, non quòd in spiritum convertetur, sed quia spiritui summâ & mirabili obtemperandi facilitate subdetur, usque ad implendam immortalitatis indissolubilis securissimam voluntatem. Et rursus: In eo quod scriptum est, factus est primus homo in animam viventem, voluit Apostolus intelligi corpus hominis animale: spiritalis autem quemadmodum intelligendum esse ostendit, addendo, novissimus Adam in spiritum vivificantem, procul dubio Christum significans, quia jam ex mortuis ita resurrexit, ut mori deinceps omnino non possit. Similia etiam habet lib. 1. retract. cap. 12. & in Enchir. cap. 91. Cùm igitur non tantum primus homo Adam cùm crearetur, sed etiam novissimus cùm nasceretur, factus sit in animam viventem, & animale fœs terrenum corpus, factus ex cœlesti terrenus, acceperit, manifestissimum est non rectè colligi: factus est primus homo Adam in animam viventem: igitur suæ creationis initio Spiritu Sancto caruit; sed multò rectius sic colligitur: formavit Deus hominem de limo terræ, & inspiravit in faciem ejus spiraculum vitæ, & factus est in animam viventem: igitur in sua creatione accepit Spiritum Sanctum, eo modo quo apud Joannem Spiritum Sanctum accepisse leguntur Discipuli, cùm Christus insufflavit, & dixit eis: Accipite Spiritum Sanctum. Nam hoc ipsum intellexit Cyrillus in spiraculo vitæ, quod apud Joannem à Christo factum legitur, sicut ex verbis ejus suprapositis est manifestum. Sed & Augustinus in libris de civitate Dei, differens de eadem Scriptura Genesis, illorum sententiam improbat, qui in hac scriptura intellexerunt animam prius homini datam, ac deinde eam quæ jam inerat Spiritu Sancto vivificatam; quia licet animarum præsentia sit corporum vita, attamen animæ rationales sine Spiritu Sancto, inquit, mortuæ deputandæ sunt. Ex quo manifestè sequitur, quòd si Deus primo homini animam sine Spiritu Sancto dedisset, tunc non viventem, sed mortuam animam illi dedisset: licet interim non negemus intelligi posse, quòd Deus fecerit hominem in animam viventem, quia dedit illi animam cibi & potus subsidio corpus vegetantem, (ut dictum est.) Sed non potest intelligi dedisse homini animam Spiritu Sancto destitutam, ne sic corpus vegetasse putetur, ut ipsa in se mortua fuisse credatur.

## CAPUT III.

*In quibus consistat primæ rectitudinis integritas.*

CONSISTEBAT autem primæ rectitudinis integritas, quam initio homini datam credimus, non tantum in hoc, quod mente per integram legis notitiam, & voluntate per plenam obedientiam suo creatori adhærebat, dicens cum Psalmista: Mihi autem adhærere Deo bonum est, & ponere in Deo spem meam: sed etiam in eo, quod inferiores animæ partes superioribus, & omnia corporis membra voluntatis imperio ad nutum serviebant; quod ex eo intelligitur, quia Scriptura sacra non tantum hominem naturaliter in eo vitiatum arguit, quod fide & charitate perditâ sese à Deo elongavit, de quo Psalmista: *Qui elongant se à se peribunt: perdes omnes qui fornicantur abs te;* sed etiam in eo quod caro concupiscit contra spiritum, & quod in uno membro voluntatis imperio subtracto, lex carnis repugnet legi mentis. *Iniquum est enim,* inquit Augustinus, *ut caro concupiscat adversus spiritum.* Et rursus: *Si prudenter hic sapieres,* inquit, *profecto esse iniquitatem videres, quâ pars inferior hominis repugnat superiori, atque meliori.* Et iterum: *Neque enim nulla est iniquitas, cum in uno homine vel superiora inferioribus turpiter serviunt, vel inferiora superioribus contumaciter reluctantur, etiamsi vincere non sinantur.* Et nisi iniquum esset quod pars aliqua corporis resistat imperio voluntatis, inhonestâ & pudenda membra non essent, quæ magis fuo jure quam voluntatis imperio moventur in homine. Neque enim nos in eis aliud pudet, quàm quod imperio nostro caro non servit. Hinc beatus Job hujus rectitudinis jacturam deplorans: *Quare posuisti me contrarium tibi,* inquit, *& factus sum mihi metipsum gravis?* In hoc enim Deo contrarii sumus, quod vel judicio mentis, vel consensu voluntatis ejus mandatis obstitimus, & nos nobis in hoc graves experimur, quia & membra quædam voluntati, & inferiores animæ partes superioribus, non sine nostra molestia reluctantur. De qua lucta & Apostolus: *Non enim quod volo bonum hoc ago, sed quod odi malum, illud facio.* Et iterum: *Condelector enim legi Dei secundum interiorem hominem; video autem aliam legem in membris meis, repugnantem legi mentis meæ, & captivantem me in lege peccati, quæ est in membris meis.* Infelix ego homo, quis me liberabis de corpore mortis hujus? Unde Augustinus de peccatorum meritis lib. 2. cap. 23. *Primorum illorum hominum prima justitia fuit obedire Deo, & hanc in membris, adversus legem mentis suæ, legem concupiscentiæ non habere.* Hæc lex in membris nostris habitans, & repugnans legi mentis, baptismate quidem dimittitur, sed in hac vita non finitur; & ideo in omnes posteros transmittit noxam originis, etiamsi à Christianis & sanctis parentibus generentur; quia eis qui baptizantur, & renovari jam cæperunt, dimittitur, non etiam illis qui ex eis nascuntur, nisi & ipsi similiter baptismate renoventur: sicut eleganter docet Augustinus de peccatorum meritis lib. 1. cap. 28. de nuptiis & concup. lib. 1. cap. 25. & lib. 2. contra Jul. cap. 6.



## CAPUT IV.

*Quòd primæ creationis integritas non fuerit indebita naturæ humanæ exaltatio, sed naturalis ejus conditio.*

**V**ERùm licèt plerique recentiores, hominem in initio absque Spiritu Sancto creatum putaverint: attamen quia divus Thomas (quem multi sequuntur) rei absurditate & veterum Scriptorum testimonio permotus, ab eorum sententia recessit, docens ipsum cum Spiritu Sancto fuisse conditum: forsitan plerique non difficulter adducuntur, ut supradictis Veterum testimoniis adherentes, à communi recentiorum opinione discedant, fatentes hominem sic initio conditum esse rectum, ut justitiâ, pietate, & cæteris Spiritus Sancti charismatibus repletus fuerit. Cæterum quòd hæc fuerit naturalis ejus conditio, cujus semper necessario sit absentia malum, & non potiùs indebita quædam humanæ naturæ exaltatio, quâ ex bona melior facta sit, (sicut Pelagius per Christi fidem & baptismum adhuc quotidie fieri prædicabat) non facillè persuaderi sibi patientur. Quapropter de hac parte diligentius discernendum est. D. Augustinus in libris de civitate Dei, considerans quòd nihil aliud esset quod dicitur malum, quàm naturalium privatio bonorum: *Malum enim nulla natura est, inquit, sed amissio boni mali nomen accepit.* Idèò volens ostendere, quæ sit naturalis angelorum hominumque conditio, ante omnia jubet intueri, quid juxta Scripturæ sacræ testimonium sit utrique naturæ malum. Nam sicut cæcitas oculi vitium est, inquit, & idem ipsum indicat ad lumen videndum oculum esse creatum; ac ex hoc ipso vitio suo excellentius ostenditur cæteris membris, membrum capax luminis; non enim alia causa esset vitium ejus, carere lumine. Ita etiam natura quæ fruebatur Deo, optimam se institutam docet, etiam ipso vitio, quo idèò misera est, quia non fruitur Deo; non enim vitium esset recedere à Deo, inquit, nisi naturæ, cujus id vitium est, potiùs competeret esse cum Deo. Cujus enim rectè vituperatur vitium, procul dubio natura laudatur, inquit: Nam recta vitii vituperatio est, quòd illo debonestatur natura laudabilis. Sicut ergo cùm vitium oculorum dicitur cæcitas, id ostenditur, quòd ad naturam oculorum pertinet visus; & cùm vitium aurium dicitur surditas, ad earum naturam pertinere demonstratur auditus: ita cùm vitium creaturæ angelicæ dicitur, quòd non adhæret Deo, hinc apertissimè declaratur ejus naturæ, ut Deo adhæreat, convenire. Sed non minùs hominum, quàm angelorum vitium est quod ait Psalmista: *Qui elongant se à te peribunt, perdes omnes qui fornicantur abs te.* Igitur non minùs naturæ hominum quàm angelorum est, quod apud eundem Psalmistam subditur: *Mihi autem adherere Deo bonum est, & ponere in domino Deo spem meam.* Et eadem est de reliquis primæ integritatis partibus demonstratio. Quia enim vitium est hominis, quòd caro concupiscit adversus spiritum, & quòd lex carnis repugnat legi mentis, idèò manifestè intelligitur naturæ hominis esse, ut utrumque ad nutum pareat imperio rationis, quin nisi id ad hominis naturam pertineret, tunc ejus privatio malum non esset, præsertim in filio & cæteris posteris, in quibus ejusmodi qualitas nunquam

*De civit.  
Dei lib. 11.  
cap. 9.  
Enchir.  
c. 11.*

*De civit.  
Dei, l. 22.  
cap. 1.*

*De civit.  
Dei lib. 11.  
cap. 17. lib.  
12. cap. 1.*

*Psal. 72.*



Objectio.

extitisset. Sed ajunt quidam universa hæc, quæ ad originis vitium pertinent; eo modo in nobis mala esse, quomodo filio malum est carere dominio quod patri non tantum pro se datum fuerat, licet gratuito, sed etiam pro tota posteritate. Quibus respondeo, quod ejusmodi privatio domini, patri quidem mala esset, quia esset vera spoliatio temporalis boni; similiter forsitan mala esset filio jam genito, qui ad ejusmodi dominium jus aliquod habuisset: sed ei filio qui post ejusmodi justam spoliationem gigneretur, non magis posset mala dici, quam si pater ejusmodi dominium nunquam habuisset: quia quantum ad hunc filium attinet, pater perinde se habet, quasi ejusmodi dominium nunquam accepisset, nec in eo plus juris competit aut unquam competiit filio, quam si pater illum nunquam habuisset. Quare filius post ejusmodi domini ablationem genitus, non est dicendus in illa ablatione læsus aut aliquo malo affectus esse, nisi forte secundum imaginationem quâ existimaret sibi aliquod jus in eo dominio adhuc competere, aut saltem aliquando competitivisse.

Responsio.

## CAPUT V.

*Quod naturale, sive secundum naturam ex eo aliquid dicitur, quia ex nativitate trahitur.*

Duplex  
nativitas.

SED ut hæc res plenius intelligatur, sciendum est, naturale sive secundum naturam idem aliquid dici, quia ex nativitate sive origine trahitur; & natura, quod ita sit nata (ut ait Athanasius.) Nativitas autem in humano genere duplex invenitur: altera secundum conditionem primæ institutionis, in qua primus homo sine vitio conditus est, omnesque nascituri eramus nisi peccatum intervenisset: altera verò secundum corruptionem primæ transgressionis, in qua peccato & morte astricti nascuntur quotquot secundum peccati legem generantur. Quapropter duobus modis etiam aliquid ei naturale dicitur: altero simpliciter & propriè, quia videlicet ad primam illam, non sensu cognitam, sed Scripturis sacris nobis traditam divinæ institutionis nativitatem pertinet, ut anima, corpus & cætera quæ nobis in prima creatione donata sunt, sine quibus aut omnino esse non possumus, aut malo non caremus: altero improprie & analogicè, quia ad posteriorem hanc nativitatem ex transgressione præcepti corruptam pertinet, ut libido, mors, & reliqua mala, quæ per peccatum in naturam humanam invecita generatione trahuntur in posteros; de quibus duobus modis eleganter Augustinus: *In eo quod dixi, inquit, nullum est malum naturale, possunt Pelagiani latebram quærere, nisi hoc dictum ad naturam talem referatur, qualis sine vitio condita est: ipsa enim verè ac propriè natura hominis dicitur; translato autem verbo utimur, ut naturam dicamus etiam quali nascitur homo, secundum quam dixit Apostolus: Fuimus enim & nos aliquando naturâ filii iræ. Et rursus: In eo quod dixi, inquit, naturâ esse male animæ nullo modo queunt; si quæratur quomodo accipitur quod ait Apostolus: Fuimus & nos naturâ filii iræ sicut & cæteri: Respondemus, inquit, naturam, in his verbis meis, me intelligere voluisse illam quæ propriè dicitur natura, in qua* sine

Lib. 1. de  
tracl. c. 10.

Cap. 15.

Ephes. 2.

sine vitio creati sumus; nam ista propter originem natura appellatur, quæ origo utique habet vitium quod est contra naturam. Et infra retractans illud: *Spiritualia diligere; & iustitiâ iubemur, & naturâ possumus: quæri potest, inquit, cur naturâ, & non gratiâ potius dixerim: sed contra Manichæos de natura quæstio versabatur; & utique id agit gratia, ut sanata natura, quod vitiosa non potest, possit per eum qui venit querere & saluum facere quod perierat.* Et rursus, de natura & gratia: *Ip[s]am naturam (inquit) aliter dicimus, cum propriè naturam loquimur hominis, in qua primum in suo genere inculpabilis factus est; aliter istam, in qua ex illius damnati pœna, & ignari & carni subiecti nascimur.* *Juxta quem modum dixit Apostolus: Fuimus & nos (inquit) naturaliter filii iræ; & Sapiens: naturalis est malitia eorum.*

Lut. 19.

Cap. 67.

Ephef. 2.  
Sapiens.  
12.

## CAPUT VI.

*Quid vera iustitia fuerit primo homini naturalis.*

Cùm itaque constet iustitiam, de qua differimus, sic primo homini in sua creatione fuisse collatam, ut & in illo esset, ut in omnes ejus posteros generatione transfret, cum cæteris animi ejus corporisque dotibus, eo modo quo peccatum originis cum suis effectibus tranſit in omnes Adæ posteros, ob quod naturâ filii iræ dicimur: Mirum est quomodo quisquam dubitare queat, an sit homini naturale, quod tam evidenti ratione comprobatur ad primam ejus nativitatem debere pertinere: maximè cùm id expresse asserat D. Prosper contra Culsianum, dicens primum hominem tale accepisse liberum arbitrium, ut si auxiliantem Dominum non defereret, possent in nobis quæ naturaliter acceperat perseverare. Et Leo primus, sermone primo de junio: *Si fideliter creationis nostræ intelligamus exordium, inquit, inveniemus hominem ad imaginem Dei conditum, & hanc esse naturalem nostri generis dignitatem, si in nobis, quasi in quodam speculo, divinæ benignitatis forma resplendeat; & rursus, de pass. ser. 13. Libertatem innocentie naturalis, quam primorum parentum prævaricatione perdidimus, nulla per se Sanctorum præcedentium merita receperunt. Similiter Fulgentius, de incarnatione & gratia D. N. Jesu Christi cap. 23. Potest igitur Deo donante, homo in Deum naturaliter credere: contra naturam quippe hominis est quod in Deum non credit; id quod repetit cap. 24. & 25. Quibus planè consonat Apostolus ad Rom. 2. docens quod gentes, quæ ad Christi fidem conversæ, per veram iustitiam ad primæ suæ creationis imaginem reformatur, non supernaturaliter, sed naturaliter ea quæ legis sunt, faciunt. Quam expositionem latè prosecutus Augustinus de spiritu & littera cap. 26. tandem initio capitis 27. Nec moveat, inquit, quod naturaliter dicit eos quæ legis sunt facere, non spiritu Dei, non fide: hoc enim agit spiritus gratiæ, ut imaginem Dei, in qua naturaliter facti sumus, instauret in nobis. Audi quod ait, nos in imagine Dei, quæ spiritu Dei instauratur, non supernaturaliter, sed naturaliter esse factos, & facile intelliges primæ creationis imaginem, non supernaturalem & indebitam fuisse humanæ naturæ dignitatem: (sicut nonnulli ex Aristotele & Pelagianis autumant,) sed potius naturalem hominis sanitatem.*

Prosper.

Leo 1.

Rom. 1.

ad integritatem ejus pertinentem. Nam quemadmodum sanitas corporis, primarum est proportio qualitatum, quæ quando contra naturam vitatur, statim nascitur infirmitas: sic naturalis animæ sanitas, legitima est omnium partium ejus obedientia, quæ si vel in una, vel pluribus partibus aliquo affectu malo perturbetur, is affectus rectissimè passio, perturbatio, & animi ægritudo dicitur, naturalis ejus sanitati contraria, quæ (ut dixi) consistit in legitima omnium ejus partium obedientia. Unde etiam dixit Apostolus eos, qui spiritu gratiæ renovati divinæ legi obediunt, non supernaturaliter, sed naturaliter quæ legis sunt facere: quia nihil tam est homini naturale quàm mente legi Dei servire, & inferioribus animi partibus ipsisque corporis membris, menti Deo servienti obedire. Et contrà, nihil tam naturæ contrarium, quàm vel mente à Deo recedere, vel aliquà inferiorum partium menti Deo servienti reluctari: hoc est, nihil est homini tam naturale, quàm legi sibi à Deo præscriptæ obedire, & nihil tam contra naturam, quàm à præscripta lege recedere. Sunt tamen qui cum Pelagio existiment, jam dictum Apostoli testimonium de iis gentibus debere intelligi, quæ à gratia Christiana prorsus alienæ, ex primæ imaginis reliquiis ad similitudinem bonorum operum quædam laudabilia, proprio judicio, faciebant: sed hunc sensum non recipit Fulgentius; (sicut patet de incarnatione Domini nostri Jesu Christi cap. 25.) nec immerito, quia licet externum officium, in quo lex servari videtur, satis appareat humanæ naturæ consonum: attamen oculus, quo mens etiam in ejusmodi officiis probitatis à Deo suo fornicatur, prorsus est humanæ naturæ contrarius; & ideo impii quibus nihil mundum, sed inquinatæ sunt eorum mens & conscientia, non naturaliter, sed vitiosè, simulatè, & mendaciter quæ legis sunt faciunt.

Ad Tit. 1.

## CAPUT VII.

*Quòd, justitiam esse naturalem, etiam ostendant  
pænæ pro primo peccato relictæ.*

Genes. 1.

HUjus rei etiam manifestum argumentum complecti videtur ipsa pœnarum, pro peccato primæ transgressionis, ordinatissima retributio, quæ & serpens super pectus suum graditur, & mulier in doloribus parit, & terra in opere viri maledicatur, ut tribulos pariat, & vir in sudore vultus sui vescatur pane suo; quia hæc pœnæ, non in ablatione doni supernaturalis, sed in privatione bonorum naturalium consistunt. Nisi quis fortè tam absurdè sentiat: ut putet statim initio creationis rerum, non tantùm hominem dono quodam supernaturali & gratuito, supra naturæ suæ conditionem fuisse exaltatum, ut fide, spe, & charitate Deum supernaturaliter coleret, sed etiam serpentem, ut sublimis erectus pedibus insistens graderetur, (ut ait D. Basiliius in homilia de paradiso to. 1.) & terram, ut sine laboris molestia, suâ fecunditate fruges humano victui necessarias ultrò produceret: sicut adhuc hodie producit fœnum servituti hominum, & fructiferas arbores (quas nunc videmus, ad vindicandam significandamque humani seminis corruptionem, ex suo semine

ne non nisi surculos degeneres parere, qui fructus producant acerbos & humano victui ineptos) ut sui generis & fecunditatis semina proferrent, quæ sine institutione ramusculi melioris in primitivæ suavitatis germina fructusque adolescerent. Quod si mulierem forsan contendant, non nisi supernaturali dono, initio suæ creationis esse consecutam, ut non doloris gemitu, sed maturitatis impulsu ad pariendum viscera sua relaxasset, si ante peccatum peperisset, quia tantam illam viscerum extensionem, quæ partui necessaria est, sine dolore fieri potuisse non putant, nisi mediante quodam supernaturali dono; statim obijciuntur eis gallinæ & anseres, quos quotidie videmus, mirâ intestinorum dilatatione, dura & pro corporis quantitate ingentia ova, non dono supernaturali, sed proprietate naturali sine omni dolore parere. Ex quibus facile intelligent, quod quemadmodum os, quod cibo sumendo destinatum est, pro ratione hujus muneris, ubi & quando volumus naturaliter, sine ulla molestia aut astringimus aut dilatamus: sic etiam mulier matricem & reliqua viscera quæ generationi & partui serviunt, pro ratione hujus muneris naturaliter & sine molestia, aut astrinxisset, aut dilatasset, nisi ob peccatum hac in parte damnata fuisset.

## CAPUT VIII.

*Quod ii qui Philosophiam sequuntur, non rectè sentiunt de prima institutione naturæ humanæ.*

**V**erum qui Philosophorum insipientiam sequentes, nihil aliud quàm consuetudinem naturæ jam currentis attendunt, neglectâ Scripturâ sacrâ, quæ primæ creationis nostræ (cujus nunc nullum videmus exemplum) describit puritatem, id solum homini naturale putant, quod jam nascentes ex parentibus trahunt; cætera verò quæ ex Scripturis sacris discimus nos in Adam accepisse, justoque Dei judicio in prima ejus transgressione perdidisse, & nunc, si electi sumus, solâ Dei misericordiâ in Christo recuperare, non ad humanam naturam, aut primam ejus institutionem, sed ad superadditam postea creatoris liberalitatem referunt; putantes primum hominem ex inferiore quadam conditione, in qua creatus erat, largitate creatoris per dona naturæ superaddita, fuisse sublimatum & in Dei filium adoptatum; eo modo quo imaginantur Pelagiani, suos infantes sine peccato nasci, & per baptismum à nullo peccato liberari: sed tantum beneficio creatoris, ex filiis hominum vitæ cuidam inferiori destinatis, in Dei filios adoptari, qui regnum possiderent æternum, (ut patet ex Augustino lib. 2. contra duas epist. Pelag. c. 6. & l. 4. c. 2.) Quasi videlicet homo non fuerit naturaliter ad hoc conditus, ut soli Deo serviret, & postea beatitudinem possideret: sed ut in naturali quadam vivendi ratione, quæ neque peccatum esset, neque regni cœlestis meritum, vitæ suæ cursum transgens, tandem naturalem quamdam beatitudinem acciperet, cujus neque locus, neque ratio in Scripturis sacris invenitur, sed à vanis & otiosis hominibus (juxta Pelagii sensum) ex Philosophia confingitur. Pelagius enim talem beatitudinem infantibus suis sine baptismo ex hac vita decedenti-

*Vide de peccat. meritis lib. 2. cap. 18.*

bus assignabat, secludens eos & à regno celorum, & ab inferno damnatorum, & locum quemdam medium eis præscribens, in quo non regnarent, sed vitâ fruerentur æternâ. Quem errorem refellit Augustinus lib. 1. *de peccatorum meritis* cap. 26. dicens nullum esse locum medium, ut non posset esse nisi cum diabolo, qui non est cum Christo; nam (sicut sæpe repetit contra Julianum) quomodo Deus iustus, nulli obnoxiam peccato imaginem suam privare vitâ posset æternâ? Unde Christus volens auferre de cordibus malè credentium istam nescio quam medietatem, definitam protulit sententiam, ubi ait: qui non est mecum, contra me est. Nec huic veritati fraudi esse debet, quod ait D. Augustinus lib. 3. de libero arbitrio cap. 23. ubi videtur sententiam quamdam mediam tribuere huiusmodi infantibus, quâ in die iudicii neque præmium accipiant, neque supplicium patiantur; quia hunc locum sibi ab Hilario objectum diluit in li. de bono perseverantiæ cap. 11. & 12. dicens, nolle sibi de librorum illorum antiquitate præscribi, quos laicus Romæ incepit, & in Africa presbyter explicavit, in quibus tam secundum eam sententiam quam prætendebat Pelagius, quàm secundum eam quam docebat populus catholicus, manifestè refellitur Manichæus, &c. quæ ibi clariùs poteris intueri.

*Lucia 11.  
Objectio ex  
verbis Au-  
gustini.*

*Sæntio.*

## C A P U T I X.

*Quibus rebus attribui debeat appellatio supernaturalis,  
& quomodo.*

Sed & illud intueamur, quibus in rebus ponenda sit illa supernaturalis appellatio, ut etiam ex hac parte eluceat, quatenus hæc nuncupatio primæ hominis justitiæ possit attribui. Augustinus lib. 9. de Gen. ad lit. elegantissimè docet, universa quidem effecta Dei providentiâ fieri atque gubernari, sed quorundam causas atque rationes rebus ipsis creatis ab initio fuisse inditas, ut quòd ex grano tritici, non faba, sed triticum oriatur: quorundam verò non, sed in Deo fuisse absconditas, quæ ubi & quando vult, non secundum communem naturæ cursum, sed secundum suum beneplacitum ad esse producit, longè aliud & aliter operans, quàm consuetudo naturæ currentis habeat, ut quòd petra, ad hominis justum, aquæ fontem proferat, & lignum aridum atque politum sine ulla radice frondescat; hæc nos supernaturaliter & mirabiliter, illa verò naturaliter fieri dicimus, quamvis eadem Dei sapientiâ eademque providentiâ ea fieri atque gubernari non ambigamus. Quæro igitur, in utris numeranda sit primi hominis justitia, quam nisi peccasset generatione propagasset in filios? an in iis, quæ mirabiliter secundum rationes in Deo absconditas, nobisque ignotas, rarissimè & cum omnium admiratione fiunt? an potius in iis, quæ secundum causas rebus creatis inditas, regulariter & modo nobis quotidiano, usu manifesto generantur? Ego sanè non nisi in posterioribus his effectibus eam ponendam esse sentio. De qua etiam non video quis unquam dubitare potuisset, si Adam in sua integritate permanens, huic subtili distinctioni naturalium à supernaturalibus in primo homi-

*Questio.*

*Questio  
reposita.*



ne, imò aperto errori peccando occasionem non dedisset. Ponatur enim (disputandigratiâ) Adam cum sua posteritate talis permanfisse, qualis initio conditus est, atque pari facilitate Deum agrosque coluisse, quis nunc conjectaret alterum essenobis naturale, id est, ex ipsa generatione atque nativitate concessum, alterum verò supernaturale, id est naturæ nostræ indubitum, & creatoris munificentia nostræ integritati ad ornatum liberaliter adjectum?

## CAPUT X.

*Quâ ratione nunc dicatur justitia donum homini  
supernaturale.*

Quando tamen justitia semel peccato perdita, secundum dispensationem sacramenti à sæculis in Deo absconditi, per Christum nobis misericorditer redditur, tunc quod alioqui naturale est, non naturaliter secundum vires in humana natura sitas, sed mirabiliter secundum rationes in Deo absconditas nobis redditur: sicut docet Divus Prosper dicens, quod quamvis secundum naturam sit homini ut bonæ sit voluntatis, vitium tamen, quod per malam voluntatem irruit in naturam, non naturæ superatur virtute, sed gratiæ. Et Fulgentius de incarnatione & gratia: Natura humana sanari potest, sed illius gratia sanitatis accepit donum, ex quo creationis sumpsit initium. Nam si homo naturaliter sanari nullatenus posset, ad sanandum eum cœlestis medicus non venisset. Et eâ ratione nunc justitia nostra supernaturalis dici potest, sicut etiam à Cyrillo dicitur, cum ait: Creatura cum servasit, voluntate patris ad supernaturalia vocatur; & rursus: Ascendamus ad supernaturalem dignitatem per Christum, quia videlicet facultatem naturæ jam languentis exuperat. Nam licet posse habere fidem, posse habere charitatem, seu esse reparabilem, naturæ sit hominum, (sicut habet Augustinus de prædestinatione Sanctorum cap. 5. & Prosper de vocatione gentium lib. 2. cap. 2. & contra Cæsarianum; & Fulgentius de incarnatione & gratia cap. 23.) tamen habere fidem, habere charitatem, & ad pristinam justitiam esse reparatum, est gratiæ fidelium, eo modo quo sanitas corporis gratiæ est, cum neque viribus naturæ neque operâ medici reparari potest, sed solâ creatoris beneficentiâ redditur: non quod res sit supernaturalis, aut naturali hominis integritati superaddita, sicut prophetia, gratia sanitarum, & alia multa, quibus sine malo caremus; sed quod ipse efficiendi modus atque ratio, secundum nativam operandi consuetudinem, in rebus creatis non invenitur, sed ex superiori quodam & insolito atque occulto divinæ sapientiæ consilio proveniat, ut dictum est; nam bonum meritum animæ sequentis, naturæ prioris est.

*Lib. 2. de  
voca. gen-  
tium c. 4.  
Cap. 22.*

*Lib. 1. com-  
ment. sup.  
Joannem  
cap. 13.*

*De libero  
arbit. l. 3.  
cap. 20.*

## CAPUT XI.

*Qudd non oporteat ea quæ naturalia dicuntur, semper  
ex internis rei principiis esse exorta.*

*Obiectio.*

Sed prædictis obijcitur: Naturalis qualitas dicitur quæ ex naturæ principiiis oritur: sed nemo dixerit Adæ justiciam, quæ tantæ excellentiæ fuit ut eum divinæ naturæ consortem faceret, ex anima ejus & corpore naturaliter tanquam ex efficiente causa exortam: igitur non est illi dicenda fuisse naturalis, quasi ex naturæ viribus orta, sed supernaturalis & divino munere data.

*Responsio.*

Responsio: Naturale non causæ aut originis suæ comparatione dicitur, sed rei cui sic inest, ut ad naturalem ejus integritatem pertineat, sitque ejus absentia malum, sive ex ejus principiis tanquam efficientibus causis oriatur, sive aliunde accedat, sicut manifestè patet de visu, auditu, sanitate corporis, aliisque qualitatibus ad hominis integritatem necessariis, quas quibuscumque natura non contulit, sed Christi gratia reparavit; has enim nemo supernaturales vocat, aut naturales esse negat, sed earum duntaxat generationes. Quapropter sive ex naturæ principiiis tanquam efficientibus causis orta fuerit primi hominis justitia, sive à Deo immediatè illi collata, (sicut plerique de anima rationali tradunt, quam tamen nemo supernaturalem esse arbitratur) adhuc tamen illi naturalis fuit, quia sic ad ejus integritatem pertinebat, ut sine ea non posset salva consistere, miseriâque carere, sicut de Angelica natura docet Augustinus lib. 12. de civit. Dei cap. 1. & 19. de utraq; tam angelicâ videlicet, quam humanâ naturâ lib. 12. de civit. cap. 1. Utrique enim Deo per justitiam adherere bonum est, & non adherere malum, quod nihil aliud est, quàm naturalium privatio bonorum, sicut docet Augustinus in Ench. cap. 11. Unde

*Cap. 2.*

Basiliius in regulis latius disputatis: *Charitate carere, ait, malum est, & malorum omnium gravissimum.* Sed & ipse Aristoteles (ex cujus Philosophia desumpta putatur hæc objectio) non ea tantùm naturalia sive secundùm naturam esse putavit, quæ ex internis principiis tanquam efficientibus causis oriuntur, quia & ipsa principia secundùm naturam esse dicit, quæ necesse est aliunde existere, & gravitatem levitatemque elementorum, quas quidam ejus sectatores non internis elementorum principiis, sed generantibus tribuunt: sed generaliter quæcunque ad rei integritatem pertinent, sic ut sine illis aut omnino esse non posset, aut bene esse non posset taloque carere. Porro quod ex Aristotele vulgò dicitur, omnia naturalia ex natura esse orta, non hûc spectat, ut nihil naturale dicatur, nisi quod ab internis principiis oritur, sicut de ipsis principiis ostenditur, quæ licet non nisi ab externis fieri possint, tamen ab Aristotele naturalia dicuntur: sed ut, juxta infidelitatis errorem quo ex hoc inferiori mundo omnem Dei providentiam sustulit, (sicut testatur Gregorius Nyssenus in libro de providentia) alia à natura, alia à voluntate, alia verò à fortuna & casu, sine ulla Dei cooperatione fieri intelligantur. Cæterum nobis, qui certâ fide credimus Deum, non tantùm naturalium, sed & voluntariorum, & fortuitarum omnium actionum esse principium, prorsus

sus impertinens est: utrùm ea quæ rebus naturalia dicuntur, à Deo immediate fiunt, an ab aliqua causa creata, siue extrinseca, siue intrinseca: quæ quicquid ad rei integritatem pertinet, sic ut sit ejus absentia malum, à quacumque causa fiat, id omnino à Deo fieri, & naturale esse dicendum est: ab ea scilicet nativitate in qua Deus bona cuncta creavit, nihil omnino in eis mali instituens, sed universa ad rerum integritatem pertinentia illis in sua nativitate tribuens, aut in opere, ut tactum sentientibus, aut in origine, ut quorundam animalium catulis visum: quæ nascendi ratio adhuc hodie in rebus omnibus inveniretur, si sine ullo impedimento primæ creationis institutio servaretur. Sed quia per malam voluntatem vitium in humanam naturam irruit, factumque est nobis quodammodo hæreditarium, hinc contra naturam, & contra primæ institutionis nativitatem, nobiscum mala multa nascuntur, ut superbia, libido, mors, & morbi quidam corporales, de quibus apud medicos, quæ licet prorsus nostræ sunt inimica naturæ & præter naturam, quia Deus non ea creavit, (ut ait Athanasius in tractatu de dñs. Tom. 4.) tamen secundum analogiam & improprie naturalia dicuntur, quia nunc secundum naturæ corruptionem nobiscum nascuntur ex parentibus, ut dictum est.

## DE VIRTUTIBUS IMPIO RUM.

### LIBER SECUNDUS.

#### CAPUT I.

*An defendendæ sint virtutes descriptæ à Philosophis.*

**M**Etiā movet, quod à Divo Thoma & aliis quibusdam recentioribus, non ea tantum virtus defenditur & explicatur, quam Deus per Christum in nobis operatur, sanctificans nos per omnia & ad unius veri Dei cultum revocans: sed etiam illæ virtutes, quas Stoici & Peripatetici non dico præstiterunt, (quia si quis scrupulosè discutiat, quo fine ac præmiis infideles omnes suas honestas actiones perfecerunt, forsitan vix ullos reperiat, qui etiam juxta illorum præceptiones debitam virtutis laudem meruerint, cum ipsi retulerint penè omnia ad gloriam & honorem, sicut docet Augustinus lib. 5. de civ. Dei cap. 12.) sed quas in libris suis præceperunt, temperantiam, dico, liberalitatem, justitiam, & reliquas virtutes in ethicis ab Aristotele descriptas.

#### CAPUT II.

*Quod aliud sit differere de virtutibus, quàm de virtutum officiis.*

**N**E mihi nunc quæstio est de honestatis officiis, qui bus aut Deum colendo benè utimur, aut mundum diligendo malè, quæque apud sapientes, & vulgares Christianos, & gentiles penè eadem commendantur, exceptâ  
I humi-

humilitate, patientiâ, & virginitate, quarum cognitio fidelibus propria est; quia ex divinæ providentiæ, peccatique originis fide dependet. Neque enim aut in prosperis humilitatem, aut in adversis patientiam, laudare possemus, nisi nos unius Dei potentiæ subijci, & cunctæ ejus nutu justissimâ ratione fieri cognosceremus: virginalem verò pudicitiam, quæ libidini non modum sed interitum molitur, etiam naturæ corruptionem putaremus, nisi didicissemus ex fide catholica, omnem carnis libidinem vitium esse naturæ. Non itaque de officiis mihi quæstio est, quæ aliqua ex parte post lapsum in natura humana remanserunt integra, sed de virtutibus, quæ etiam finibus distinguuntur à vitiis.

## C A P U T I I I.

*Quòd Gentiles sua honestatis officia non in eosdem fines referenda putaverunt, ut virtutes dicerentur.*

**H**Æc officia, alii ad voluptatem, alii ad honores, alii ad divitias, alii denique ad seipsa referenda esse præceperunt, nec pro virtutibus, sed pro vitiis ipsa habuerunt, nisi eum finem spectarent quem ipsi toti vitæ humanæ præficiendum esse putabant. Quod secutus Julianus, & nullius ipsorum error contentus; omnium simul blasphemias uno sermone complexus est, sicut patet apud Augustinum lib. 4. contra Julianum; docuit enim virtutes, cum ad æterna aut temporalia diriguntur, non in eo quod sunt, sed in eo variare quod merentur: *Nec nominis sui, inquit, possunt, nec generis sustinere dispendium, sed solius quod appetierunt præmii vel amplitudine ditantur, aut exilitate frustrantur.* Ex quo palam efficitur non modò omnes Philosophorum sectas, sed etiam plerosque vulgarij errores, veras habere virtutes, quia eas ad temporalia bona dirigunt, nempe ad voluptatem, divitias, honores aut aliud hujusmodi, veramque virtutem esse avarorum temperantiam, quæ tota divitiis incumbit, & ab Apostolo idolorum servitus nuncupatur; similiter ambitiosorum fortitudinem, comitatemque ebriosorum, quorum tamen Deus venter, & gloria in confusione ipsorum est: quia cum ad temporalia bona dirigantur (si Juliano credimus) non possunt nominis, nec generis sustinere dispendium, sed solius, quod appetiverunt, præmii exilitate frustrantur. Hic error etiam quibusdam divi Thomæ sectatoribus arridet, aded ut eum etiam suo doctore ascribere non erubescant, eò quòd in 2. 2. Peripateticorum virtutes ex eo à peccato vindicet, & virtutes esse contendat, quia ad aliquod bonum particulare referuntur, quod ad bonum universale sit referibile. Ex quibus verbis sic colligitur: quæcunque virtutum officia ad divitias, honores, aut simile bonum referuntur, ad bonum aliquod particulare referuntur, quod ad bonum universale sit referibile: igitur rectè à peccato vindicantur, & virtutes appellantur, licet vitam non mereantur æternam, sed præmii exilitate frustrentur.

## CAPUT IV.

*Quodd honestatis officia cū in Deum non referuntur non sint virtutes, sed vitia virtutes imitantia.*

**C**Æterū quia sententia hæc paucioribus placet, sublatisque Stoicorum & Peripateticorum virtutibus, quæ propter se expetuntur, simul ultrò corruet: idcō præsentī instituto satis fore putamus, (quantū Deus adjuverit) ostendere virtutes eas quæ ab Aristotele describuntur, id est virtutum officia, quæ non ob aliud sed propter semetipsa expetuntur, non rectè à peccato vindicari, virtutesque non esse, sed virtutum simulationes & vitia virtutes imitantia, sicut ex professo ostendit D. Prosper lib. 3. de vita contemplativa cap. 1. Ad quod ostendendum nihil opus esse duxi refellere duplicem illum cultum Dei, qui nescio ex qua Scriptura aut veterum traditione desumptus, à quibusdam solet quæstionibus huiusmodi dissolvendis adhiberi, quorum videlicet altero Christiani ex supernaturali charitate Deum, tanquam objectum beatitudinis & remuneratorem meritorum pro regno cælorum consequendo, fructuosè & meritoriè colunt; altero verò nescio qui ex naturæ viribus solū tanquam naturæ authorem, pro accepto beneficio creationis tantò sterilius colunt, quantò minorem in suo cultu remunerationem spectant: quia neque Philosophorum quisquam ad ullum Dei cultum suas virtutes esse referendas præcepit, id quod tamen valdè mirum esset, in tanta ingeniorum varietate studiorumque contentione, si ex solis naturæ viribus non solū nosci, sed etiam præstari potuisset. Neque etiam D. Thomas in sua disputatione id prætendit, (ut patet 21. 22.) sed ex eo putat esse virtutes, quia ad verum aliquod bonum particulare referuntur, quod ad bonum universale sit referibile, etiam si in iis reperiatur, qui unum verum Deum aut cœcitate nesciunt, aut elatione contemnunt. Sed illi planè similes sunt de quo ait Psalmista, *dixit insipiens in corde suo, non est Deus.* Ubi in primis mirandum occurrit, quomodo D. Thomas hanc proximi finis ad universale bonum referibilitatem, ad rationem virtutis sufficere existimet: cū ejusmodi referibilitas etiam illi particulari bono competat, quod ab impiis præ universali bono & cum expresso ejus contemptu expetitur. Sed ne nostris rationibus impliciti huic disputationi pondus detrahamus, videamus quid de ea senserit Augustinus. Is igitur lib. 4. contra Julianum cap. 3. in principio, sic contra virtutes infidelium differit: *Corpus non verà ratione pudicum asseritur, quando à vero Deo ipse animus fornicatur, sed infidelis animus fornicari à Deo nemo potest negare, nisi qui se palam sacrarum literarum profiteatur adversarium: igitur non potest pudicus veraciter dici, qui non propter Deum fidem connubii servat uxori.* Quam rationem de omni virtute, quā Deo non servitur, sic generaliter instituendam esse intelligo. Homo ad hoc conditus est, & hoc debet, ut Deum ex omnibus suis viribus diligat, & illi soli serviat: sed qui secundum virtutem vivit, quod debet facit, & ad quod conditus est: igitur qui Deo non servit etiam virtutum officia non ob aliud, sed propter semetipsa expetit, is non secundum virtutem

Quæst. 13.  
art. 7.

Psal. 13.

Aug. contra Julianum de virtutibus infidelium.



vivit, sed simulat duntaxat, fornicans à Deo suo, & per honestatis officia quæ soli debuerunt creatori famulari, in cogitationibus & inanibus desideriis evanescit. Deinde post multam de virtute disputationem veluti concludens, ait: *absit ut virtutes veræ cuiquam serviant nisi illi, vel propter illum, cui dicimus: Deus virtutum convertet nos.* Proinde virtutes quæ carnalibus delectationibus vel quibusvis commodis serviunt, veræ prorsus esse non possunt: quæ autem nulli rei servire volunt, nec ipsæ veræ sunt. *Veræ quippe virtutes, Deo serviunt in hominibus, à quo donantur hominibus.* An non tibi videtur Augustinus his verbis non tantum avarorum, ambiciosorum, Epicureorum & similibus, sed etiam Stoicorum & Peripateticorum virtutes abjecisse? quando nec eas veras esse dicit, quæ nulli rei servire volunt, sed propter semetipsas expetuntur?

Psal. 79.

## CAPUT V.

*Quod virtutes impiorum, quæ in Deum non referuntur, non ideo ab Augustino negantur esse veræ, quia non salvant, sed quia vitia sunt & damnant.*

VERUM forsitan tacitus animo respondes, prædictas virtutes ob id ab Augustino non dici veras, quia steriles sunt & ad regnum cælorum consequendum inutiles, non autem quia vitia sunt & peccata digna supplicio. Audi rogo quod sequitur: *Quicquid autem boni fit ab homine, & non propter hoc fit propter quod fieri debere veræ sapientia præcipit, etsi officio videatur bonum, ipso non recto fine peccatum est.* Quæro enim à te, utrum virtus, quæ propter semetipsam expetitur, propter id fit propter quod eam fieri debere veræ sapientia præcipit? Fit propter se, præcipitque id Aristotelis sapientiâ quam Apostolus stultitiâ vocat: quia veræ sapientia nos soli Deo servire præcipit, ut patet ex Enchy. Augustini: *Tu igitur veram profer sapientiam, quæ virtutem propter semetipsam fieri debere præcipit, aut certe mecum fatere, eam non tantum non esse virtutem fructuosam, sed vanitatem manifestam, & ut minimum stipulam igne comburendam.* Maxime cum eo capite rejiciat Augustinus virtutes, quas steriles vocabat Julianus. Nam bonum, inquit, non sumus quicquid sterilitate sumus: & infra, eodem capite, rogatus à Juliano, si gentilis nudum operuerit, numquid quia non ex fide peccatum est? Prorsus, (ait) in quantum non est ex fide, peccatum est. Non quia per se ipsum factum, quod est operire nudum, peccatum est; sed de tali opere non in Domino gloriari, solus impius negat esse peccatum. Quæro enim ex te, utrum infidelis de tali opere bono in Domino gloriatur? Nam si non gloriatur, aut eum peccare fateris, & mecum sentis aut negas, & ab Augustino non solum erroris argueris, sed etiam inter impios numeraris. Deinde considera quid tibi respondendum sit ad illud Apostoli, quod toties urget Augustinus: *quicquid non est ex fide, peccatum est*: non eo sensu quem præterdunt quidam recentiorum, sed per fidem intelligens quod alibi passim in Scripturis intelligitur. Imò in lib. de grat. Christi & lib. 4. contra Julianum circa finem

1 Cor. 7.  
cap. 2. &  
lib. 2. re-  
tracti. c. 63.

Rom. 14.

cap. 16.

finem 3. capitis palam asserit, quòd quicquid non est ex fide per dilectionem operante peccatum est: *Omnis enim amor creaturæ rationalis aut est amor mundi, aut amor Dei*, hoc est (sicut ait Augustinus super illud Psalmi 9. in laqueo isto quem absconderunt comprehensus est pes eorum:). *Omnis amor noster aut pravus est, & dicitur cupiditas vel libido*, aut rectus, & dicitur charitas sive dilectio. Fides autem quæ benè operatur, non per timorem aut cupiditatem, sed per dilectionem benè operatur, ut habet Augustinus de verbis Apostoli sermone 13. circa principium, & de gratia Christi cap. 26. Et idèd quicquid non fit ex fide per dilectionem operante, sed per cupiditatem aut timorem, ipso non recto fine peccatum est. Quod autem aiunt quidam, Augustinum verbis illis Apostoli nihil aliud voluisse intelligi, quàm quòd quicquid fit ex infidelitate peccatum est, quantum ad præsentem quæstionem attinget, in eandem redit sententiam; quia magnæ infidelitatis vitium est existimare, quòd in aliqua nostrâ actione non oporteat nos Deo servire, sed mundo, sicut clarè demonstrat Scriptura, quæ dicit: *Dominum Deum tuum adorabis, & illi soli servies.* Præterea Augustinus lib. 19. de civitate Dei, tam apertè virtutes has inter peccata numerat, ut nullâ videatur tergiversatione aliò posse torqueri; nam post multa tandem concludens: *Proinde virtutes* (inquit) *quas sibi animus videtur habere, per quas imperat corpori & vitis ad quodlibet adipiscendum vel tenendum, nisi ad Deum tulerit, etiam ipsæ vitia potius sunt quàm virtutes. Nam licet à quibusdam tunc veræ & honestæ putentur, cum ad seipsas referuntur nec propter aliud expetuntur, etiam tunc inflatæ & superbæ sunt, & ideo non virtutes sed vitia judicanda sunt. A quibusdam, inquit, veræ & honestæ putantur, cum ad seipsas referuntur.* Hos ergo Stoicos vel Peripateticos, & post eos Pelagianos intelligo, nec video qui alii possint convenientius intelligi.

Deuter. 6.

## CAPUT VI.

*Quare Stoicorum & Peripateticorum virtutes sint superbæ.*

Sed licet fortassis tanti doctoris auctoritati succumbas, tacitus tamen in animo tuo miraris, cur Augustinus virtutes, quæ juxta illorum præceptiones rectæ rationi serviunt, superbæ arguat, placet ut mireris dicentem, modò dictis fidem adhibeas. Sed ne difficultate permotus ejus verba aliò torquere coneris, si Deus id largiri dignabitur, conabor efficere ut non tantum cedas auctoritati, sed etiam rationi consentias. Augustinus igitur prædicto lib. 4. contra Julianum cap. 3. probat quidem hanc virtutis definitionem à philosophis traditam: Virtus est habitus animi naturæ, modo atque rectæ rationi consentaneus: sed quæ sit ratio recta ab ipsis ignoratum esse contendit. Nam Epicurus rectam rationem prædicabat, quæ totam hominis vitam carnis voluptati, tanquam summo bono, jubebat inservire. Stoicus verò & Peripateticus eam rectam esse contendebant, quæ totam hominis vitam non carni, sed menti supremæ hominis parti subiciebat: quasi videlicet hominis summa felicitas in hoc consisteret. Sed utrumque reprehendit Christianus dicens, quòd

Recta ratio  
cui serviat.

recta ratio neque voluptati, neque sibi tanquam summo bono, sed uni serviendum esse præcipiat conditori, juxta illud: *Dominum Deum adorabis, & illi soli servies*: quia summum super hominem principatum, neque propter suas illecebras carni tribuit, sicut Epicurus, neque menti propter suam super reliquas partes eminentiam, sicut Stoici & Peripatetici: sed soli conditori, propter suam sempiternam virtutem, bonitatem & potentiam. Nam licet ordo postuler, ut & corpus animæ, & partes inferiores superioribus pareant: tamen ante omnia requirit, ut mens suo pareat creatori, quia mens partibus sibi subditis non rectè imperat, nisi prius, ut rectè imperet, se suo creatori subjiciat, fiatque obediendo similis Angelis, ut eas partes rectè sibi subdat, quas habet homo communes cum bestiis. In Stoicis autem & Peripateticis mens usque adeo non fuit de sui creatoris honore sollicita, ut scriptis ingentibus voluminibus quibus explicaret, quid ab inferioribus partibus sibi deberetur, ne verbum quidem addiderit, quo se creatori servire debere testaretur, quin potius divinas partes sibi arroganter per rapinam usurpans, totum hominem, vel ex hoc fore beatum judicavit, si sibi tanquam summæ Dominæ pareat, & se tanquam Deam quandam nulli subiectam adoret. De qua re Augustinus: *Cum ad urbem Atheniensem, inquit, ubi philosophorum disciplinæ, studio & contentione fervebant, venisset Apostolus, (sicut in Actibus Apostolorum legitur) contulerunt cum illo quidam Philosophorum Epicureorum secundum carnem viventes, contulit cum illis Paulus secundum Deum vivens; dicebat Epicurus: Mibi frui carne meâ bonum est; dicebat Stoicus: Mibi frui mente meâ bonum est; dicebat Apostolus: Mihi adhærere Deo bonum est: & cætera quæ sequuntur in eandem sententiam. Vides igitur qualem principatum super reliquas hominis partes sibi usurparit Stoica seu Peripatetica ratio, nempe ut tanquam earum Deus, omnibus ex arbitratu præesset, præsidendoque fœlicitatem impartiret, ipsa verò nulli serviret, nullius imperio subjaceret, quod quantæ superbix sit, jam opinor intelligis. Unde nec mirari debes quòd Augustinus ausus sit eas virtutes superbas appellare, quas vides non ex recto, sed ex tam superbo mentis judicio prodiiisse. Insuper si prædictas Philosophorum virtutes agnoscas, vide quâ ratione dissolvas, quod & sermone prædicto & lib. 14. de civitate Dei cap. 2. & sequentibus docet Augustinus, nempe quòd non tantum Epicurei, qui omnem suam vitam ad sensuum oblectamenta referunt, sed etiam Stoici (sicut etiam Scriptura loquitur) secundum carnem vivere monstrantur; quia Scripturâ sacra non patitur ut secundum carnem vivere, sit steriliter benè vivere, sed potius malè vivendo mortem sibi fructificare, sicut dicit Apostolus: *Si secundum carnem vixeritis, moriemini*. Habes etiam de his virtutibus claram atque definitam sententiam D. Prosperi, lib. 3. de vita contemplativa cap. 1. & aliis locis innumeris, quam longè totius est sequi, quàm reprobendam sapientium sapientiam.*

Ser. 13. de  
verbis A-  
postoli.

Rom. 8.

## CAPUT VII.

*Quantum ad fidem & religionem referat scire: utrum virtutes liberi arbitrii viribus acquiri possint, an tantum ex dono Dei.*

VERUM his omnibus auditis, forsitan ita existimas, utcunque res habeat, parum tamen fidei atque religionis Christianæ interesse, quid in hac quæstione asseratur aut defendatur; sic enim putant quidam quæstionem hanc speculationis esse & opinionis, non religionis aut morum. Non lubens Catholicorum quempiam erroris aut impietatis arguo: illud tamen audeo dicere, hanc quæstionem & ad veram sapientiam, & ad vitam Christianam rectè instituendam tantum habere momenti, ut non satis idoneum sentiam ad formandos Christianorum mores qui in ea turpiter hallucinetur; cur autem ita sentiam jam paucis accipe. Habes ebriosum, incontinentem, contumeliosum, detractorem, aut similis vitii consuetudine depravatum, à sua turpitudine revocandum, quæ tu viâ id præstabis? Præcipit Philosophus ut spe præmiorum, timore poenarum, odio turpitudinis, amore honestatis, & aliis id genus humanis præfidiis ipsum ad bonas actiones excites. Quæro igitur an tu exhortationem hanc satis putes esse Christianam, quæ captivum & vinculis impietatis colligatum spem docet in se ponere, & sine liberatore, per solam peccati cognitionem, sua vincula rumpere posse? an potius Gentilem, aut Judæorum in sua lege gloriantium quemdam esse clamitabis? Quod si fortè eam perfici debere putes, addendo aliquid de Christo invocando, ut infirmo peccatori, & cum magna difficultate resurgenti, manum auxilii sui porrigat, videsne quàm apertè in Pelagii sententiam concedas, qui pudore magis quàm judicio tandem ed compulsus est ut non tantum in remissione peccatorum, sed etiam in vita rectè instituenda Christi gratiam agnosceret, non quidem eo modo quo veri consentitur Christiani, audientes vocem pastoris sui dicentis: *Sine me nihil potestis facere*, sed ut quod ex nobis cum labore possumus, Christi auxilio freti facilius impleamus; de qua re Augustinus de verbis Apostoli sermone 13. *Sed hic fortiter vigilate*, inquit, *ne dicat spiritus vester: si subtraxerit se cooperatio Dei & adjutorium Dei, spiritus meus facit hoc, etsi cum labore, etsi cum difficultate, potest tamen implere; non sicut adjutorium Christi: prorsus si defuerit, nihil boni agere poteris. Agis illo non adjuvante, liberâ voluntate, sed malè: cum dico tibi, sine adjutorio Dei nihil agis; nihil boni dico, nam ad malè agendum habes sine adjutorio Dei liberam voluntatem.*



## CAPUT VIII.

*Quòd liberum arbitrium sine Dei adjutorio, non nisi ad peccandum va'eat.*

Non ait Augustinus: Ad benè agendum moraliter & steriliter habes sine adjutorio Dei liberam voluntatem, (sicut docet Philosophia) sed ad malè agendum, inquit; nempe ut & falsas impiorum virtutes è medio tolleretur, & illud simul in animis fidelium confirmaret, quod alibi sæpius inculcat ac repetit, liberum arbitrium sibi derelictum non nisi ad peccandum valere, & tantò citius propinquare iniquitati, quantò acrius intenditur actioni: sicut ait Prosper lib. 1. de vocatione gentium cap. 2. Unde responsione 6. ad objectiones Vincentianas dicit multorum hominum talem esse malitiam, qualis est dæmonum, nec aliud discrimen invenit inter liberum arbitrium dæmonum & impiorum hominum qui sibi derelicti sunt, quàm quòd his superest, si Deus misereatur, reconciliatio, dæmonibus autem in æternum nulla servatur conversio. Similiter Augustinus in lib. de spiritu & litera, cap. 3. *Nam neque liberum arbitrium quicquam nisi ad peccandum valet*, inquit, *si lateat veritatis via*, &c. Et contra duas epistolas Pelagianorum lib. 3. *Liberum arbitrium captivatum, non nisi ad peccatum valet*: & epistola 89. quæstione secundâ contra Pelagium: *liberum arbitrium*, inquit, *desertum à divino adjutorio, quàmlibet scientia legis excellat, nullo modo habebit justitiæ soliditatem, sed inflationem impie superbie*. Similiter de verbis Apostoli: *Nostrium nihil nisi peccatum est. Quid enim habes quod non accepisti?* Hoc ipsum aliis quidem verbis, sed sensu eodem repetit lib. 1. Retract. cap. 15. dicens: *voluntas in tantum libera, quia in tantum liberata est, & in tantum appellatur voluntas*, alioqui tota cupiditas, quæ voluntas propriè nuncupanda est, quæ non est alienæ naturæ additamentum, sed nostræ vitium: quia si voluntas nondum liberata tota cupiditas est, quæ vitium est: igitur non nisi vitiosa cupiditate operatur, quicquid operatur, & sic non nisi ad peccandum movetur; quam sententiam usque adeò urget Augustinus epist. 106. ad Paulinum, ut oppositam errori Pelagii connumeret, dicens de ipso Pelagio, quòd interdum ita paribus momentis potestatem voluntatis æquâ lance pendat, ut aliquantulum etiam ad non peccandum valere definiat. *Quod si ita est*, inquit, *nullus locus adjutorio gratiæ reservatur, sine qua nos dicimus ad non peccandum nihil voluntatis arbitrium valere*. Nos, inquit: igitur Pelagianorum vox est, potestatem voluntatis aliquantulum ad non peccandum valere, quod sine dubio dicunt qui virtutes steriles illi tribuunt. Christianorum verò professio est, sine adjutorio gratiæ ad non peccandum nihil valere voluntatis arbitrium. Docet hoc, inquit Augustinus epist. 89. *ipsa dominica oratio. Frustra enim rogantes Deum, dicimus: Ne nos inferas in tentationem; si hoc in nostra sit potestate, ut nullo illius adjutorio valeamus implere*. Dictum est enim: Ne nos inferas in tentationem; quod intelligitur, ne nos inferri deferendo permittas. Unde jam dicta epistola 106. inter ea dogmata quæ Augustinus duodecim Pelagii assertionibus opponit, quas nisi Pelagius in Concilio Palæstino damnasset,

Cap. 1.

Serm. 10.

1 Cor. 4.

Quæst. 2.



set, ipse damnatus exisset. Sic habet undecimum: *Fateatur, quando contra tentationes concupiscentiasque illicitas dimicamus, quamvis & illic habeamus voluntatem, non tamen ex illa, sed ex adjutorio Dei nostram provenire victoriam.* Id quod etiam repetit Cælestinus Pontifex cap. 10. his verbis ex Cathaginensi & Milevitano Concilio desumptis: *Quicumque dixerit gratiam Dei, in qua justificamur per Jesum Christum Dominum nostrum, ad solam peccatorum remissionem valere quæ jam commissa sunt, non etiam ad adjutorium ut non committantur, anathema sit.* Nam ut ait Apostolus de temptatione differens, *si quis existimat se aliquid esse cum nihil sit, ipse se seducit.*

## CAPUT IX.

*Quid temptationem vincere sit ab ea in peccatum non induci.*

ET ne quis fortè respondeat, victoriam temptationum requirere ut is qui evincit opus salutiferum operetur, non autem sufficere ut declinet à malo & peccatum evitet; in primis dominicam orationem opponimus, in qua fideles non tantum Deo supplicant ut fiat voluntas ejus, quod est operari bonum, sed etiam ne in temptationem inducantur, quod nihil aliud est quam declinare à malo & vitare peccatum; sicut expressè testatur Augustinus epist. 95. dicens: *Qui autem orat, ne nos inducas in temptationem, orat ut non peccet, hoc est, ne quid mali faciat; idem habet in lib. 50. homiliarum.* Secundò objicimus id quod Augustinus sub nomine fidelium suprà tam constanter asserit: sine adjutorio gratiæ ad non peccandum nihil valere voluntatis arbitrium; quia si sine ullo gratiæ adjutorio sic posset singulos ejus motus per morales actus temperantiæ comprimere, ut nullum omnino peccatum pareret, sine dubio si non ad bene & meritorie vivendum, certè ad non peccandum plurimum valeret: id quod tamen invenitur sententiæ fidelium prorsus contrarium. Quibus tertio adjungimus quod docet Cyprianus in sermone de oratione dominica, etiam sceleribus non committendis nostram non sufficere voluntatem: (sicut citat Augustinus lib. 4. contra duas epistolas Pelagianorum cap. 9.) Insuper Cælestinus Pontifex cap. suo 6. refert & comprobat verba Innocentii primi, quibus ait in epistola 91. apud Augustinum: *Necesse est ut quo auxiliante vincimus, eo iterum non adjuvante vincamur; sed quando vincimus, tunc malum facimus.* Igitur juxta horum Pontificum definitionem necessum est, ut quo auxiliante vincimus, eo rursus non auxiliante non tantum bonum omittamus, sed etiam malum operemur & peccemus. Id quod etiam satis testatur Ecclesiæ quoridie per singulas horas clamans: *Deus in adjutorium meum intende; Domine ad adjuvandum me festina, dans gloriam Deo non solum in singulis operibus bonis quæ facit, sed etiam in singulis temptationibus, quibus declinat à malo; quia si Dominus manum suam avertat, nulla omnino existit tentatio nec magna, nec parva, quæ militem Christi non conturbet:* sicut expressissimè testatur Chrysostomus tractans illud primæ Corinth. 10. Sed faciet etiam cum temptatione proventum dicens: *Suntne ergo temptationes, quas sustinere non possumus? & quænam sunt illæ?* Omnes, ut ita dicam inquit: possibilitas enim divino nutu est. Quare,

Rom. 42.

ut certò cognoscas, non solum illas, quæ virtutem nostram exuperant, non posse nos sine divino auxilio superare, sed ne has quidem humanas, addidit: sed faciet cum tentatione proventum, ut possitis sustinere. Neque enim mediocres illas quas dixi, inquit, propriâ virtute sustinebimus, sed in his etiam divino opus habemus auxilio, ut eas pertranscamus, & priusquam pertranscamus, feramus. Unde Augustinus de verbis Apostoli: *Si Deus ipse non adjuvat, non dico vincere, sed nec pugnare poterimus, quia opera carnis non humano, sed divino spiritu mortificamus; & non solum faciendo bonum se nihil esse testatur Apostolus, sed etiam de tentatione differens statim subjicit: nam si quis existimat se aliquid esse, scilicet ex seipso, ipse se seducit, nempe ut non tantum ad operandum bonum, sed etiam ad declinandum à malo pertinere ostendat quod ait Christus in Evangelio: Sine me nihil potestis facere. Ex quibus omnibus talis ratiocinatio conficitur: Fides Christiana postulat ut fateamur, nos sine divino adiutorio nullam omnino tentationem posse sustinere quin peccemus, & in omnibus debere orare: Ne nos inducas in tentationem; nam (ut ait divus Prosper contra collatorem) quisquis in tribulatione non deficit, ab illo se non dubitet adjuvari, ad quem quotidie corda univerforum fidelium clamant: Ne nos inferas in tentationem: sed is qui per moralem actum temperantiæ aut continentiae, illicita-carnis desideria comprimit, tentationem aliquam sustinet à qua non vincitur, nec peccat: igitur fides Christiana postulat ut fateamur id sine divino adiutorio non posse præstari. Ex quo ulterius sequitur, quoddam hi soli fures sint & latrones, qui Christum viam & ostium veritatis & vitæ negant, sed etiam quicumque aliunde quam per ipsum in viam iustitiæ conscendi posse docent, aut tentationes ullas sine ipsius adiutorio superari posse contendunt.*

## C A P U T X.

*Quâ ratione peccatores docendi sint vitam mutare, & vitiis superatis ad virtutes aspirare.*

*Ang. de  
nativâ &  
gratia,  
cap. 68.  
Sapient. 8.*

QUAM diversâ verò ratione Sapiens, ex summa sibi data sapientia, morum mutationem & contra tentationes carnis victoriam nos doceat, obsecro diligenter attende: Ut scivi, inquit, quod non possum esse continens nisi Deus daret, & hoc erat sapientia scire cujus hoc esset donum; adii Dominum, & deprecatus sum ex imis præcordiis. Nam de semetipso loquens sic nostris auribus videtur insonare: Quisquis incontinentiæ vitio laboras, (laborant autem adolescentes innumeri qualis tunc eram cum istud primum intendi) non id sapias quod Epicurus, Stoicus, Peripateticus, aut Pelagianus, qui sapientiâ hujus mundi inflatus, se ex incontinente continentem, ex ebrioso sobrium, ex malo bonum, à semetipso fieri putat: sed illud tibi persuasum habe, quoddam neque sobrius, neque continens, non dico fieri, sed nec perseverare possis, etiam si jam talis sis, nisi Deus dederit; quod ubi cognoveris, etiam pro hac data tibi sapientia Deo gratias age, ac deinde prostratus ex imis Deum precare præcordiis, ut incontinentiâ & ebrietate sublatis, continentiæ & sobrietatis vir-

virtutem tibi largiatur. Et vide anne idipsum manifestissimè doceat Apostolus, cum ait: *Nam quod impossibile erat legi, in quo infirmabatur per carnem, Deus filium suum mittens in similitudinem carnis peccati & de peccato, damnavit peccatum in carne, ut justificatio legis impleteretur in nobis, qui non secundum carnem ambulamus, sed secundum spiritum; nam si legis justificatio & impletio mandatorum Dei, non nisi in illis impletur qui secundum spiritum ambulant, id est, qui spiritu Dei aguntur, (sicut interpretatur Augustinus princ. lib. 3. contra duas epistolas Pelagianorum) profectò non rectè sapiunt qui ad id aspirantes, non in adjutorio spiritus, sed in mandato legis & propriæ voluntatis arbitrio spem vitæ melioris constituunt.* Quapropter Augustinus de natura & gratia: *Si volumus, in-* Cap. 68.  
*quit, animos ad rectè vivendum frigidos & pigros Christianis exhortationibus excitare, verberentur terroribus, & præmiorum laudibus erigantur, ita sane ut non solum ad bonas actiones, verum etiam ad pias orationes eos exhortari meminerimus, atque instruere hæc sanitate doctrinæ ut & illi gratias agant cum instruerint bene vivere.* Quanquàm igitur ad rectè vivendum non parùm juvent Ephes. 6.  
 pia monita, spes tamen vitæ melioris, semper in Domino & in potentia virtutis ejus, adversus omnes hujus vitæ tentationes est constituenda.

MICHAELIS BAII,  
 DE  
 LIBERO HOMINIS  
 ARBITRIO,  
 ET  
 EJUS POTESTATE.  
 LIBER UNUS.

---

C A P U T I.

*Quod de libero arbitrio plures existant quæstiones.*

**I**N Christiana religione vix ullum reperitur argumentum, in quo jam inde ab initio nascentis Ecclesiæ, diversis temporum successibus, contra fidem Catholicam plures diuturnioresque quæstiones extiterunt, quàm de libero hominis arbitrio. Nam ut Stoicos præteream, qui prætextu inevitabilis fati sui, liberum hominis arbitrium labefactare conati sunt: quis Manichæos ignorat nugatoriis rationibus æternam & immutabilem quamdam mali naturam fabulantes, à qua malum omne necessariam ducat originem? Quibus an connumerari debeant nostri temporis hæretici, contententes omnia, non tantum bona, sed etiam peccata, non ex libero hominis arbitrio, sed ex necessitate divinæ prædestinationis evenire: an potius Stoicis, non immerito quispiam dubitarit. Certè Manichæis in hoc deteriores sunt, quod illi conficto nescio quo malorum omnium principio, naturali quâdam reverentiâ & æquitate, Deum non nisi bonorum aurorem statuerunt, nec ex eodem bonitatis fonte dulcem simul & amarum aquam emanare posse putaverunt; hi verò, contra naturæ leges & omnis bene constitutæ mentis judicium, ed proruperunt insanix, ut eum, qui justitiæ & bonitatis est author, cujusque leges omnes & præcepta contra peccatum sunt, asserant suâ prædestinatione peccandi necessitatem reprobis injicere, à qua tamen neque exini  
 p of-



possint, neque peccando excusari; quoddamque Deus in suis creaturis iusto iudicio ea in æternum puniat, in quæ illas per potentiam impellit; id enim expressè dicit Calvinus, secutus Lutheri & similium hæreticorum principia. His ex adverso occurrunt Origenes, Pelagius, ac horum sectatores, qui gratiæ Dei, (quæ prædestinatis in adoptionem filiorum per Jesum Christum in ipsum, & quæ eruiuntur de potestate tenebrarum, ut in eum credamus atque in regnum ejus transferamur) in tantum, inquit Augustinus, inimici fuerunt, *De her.*  
*ut sine hac posse hominem crediderint facere omnia divina mandata. Et addit: Deni-*  
*que Pelagius à fratribus increpatus, quod nihil tribueret adjutorio gratiæ Dei, ad*  
*ejus mandata facienda, correptioni eorum hactenus cessit, ut non eam libero arbitrio*  
*præponeret, sed infideli calliditate supponeret: dicens ad hoc eam dari hominibus, ut*  
*quæ facere per liberum jubentur arbitrium, facilius possint implere per gratiam; tan-*  
*quam etsi difficilius, tamen possint homines sine gratia facere jussa divina. Nos igitur,*  
*quantum Deus donabit, breviter explicare conabimur, primum quid*  
*sit voluntas: deinde quibus modis libera esse seu liberum arbitrium consti-*  
*tuere dicatur: postremo, tum quid ex se, tum quid ex divinæ gratiæ adjuto-*  
*rio possit.*

## C A P U T II.

*Quid sit voluntas, & quomodo ab appetitu sensitivo distingatur.*

**V**oluntatem definit Augustinus, animi motum cogente nullo ad aliquid vel non amittendum, vel adipiscendum; qualis motus non tantum in iis qui ratione utuntur, sed etiam in amentibus, pueris & brutis reperitur. Nam quod hic motus aliquo etiam pacto voluntas sit, non tantum auctoritate Aristotelis ostenditur, ubi ait, spontaneum seu voluntarium ad plura se extendere quàm electionem: est enim cum pueris, inquit, & animalibus cæteris nobis commune: sed etiam Scripturæ sacræ testimonio: *Quotquot enim receperunt eum, inquit Joannes, dedit eis potestatem filios Dei fieri, his qui non ex sanguinibus, neque ex voluntate carnis, neque ex voluntate viri, sed ex Deo nati sunt.* Et Apostolus Paulus: Cum mortui esseris, inquit, delictis & peccatis vestris, in quibus aliquando ambulasti secundum seculum mundi hujus, secundum principem potestatis aeris hujus, spiritus qui nunc operatur in filiis dissidentiae, in quibus & nos omnes conversati sumus aliquando in desideriis carnis nostræ, facientes voluntatem carnis & cogitationum, &c. Nam in his duobus testimoniis nihil aliud est voluntas carnis, quàm appetitus sensitivæ voluntatis, qui nobis cum brutis est communis. Unde Prosper: *Omni, inquit, animæ humanæ, quantum intelligere atque experiri datur, naturaliter qualiscunque inest voluntas, quæ aut appetitur quod placet, aut declinatur quod displicet.* Hujus voluntatis (quantum ad naturalem pertinet motum ex vitio primæ prævaricationis infirmum) genera sunt duo, secundum quæ voluntas hominis aut sensualis, aut animalis est: sed cum adest gratia Dei, accedit ei per donum spiritus tertium genus, ut possit fieri spiritalis, & per hunc excellentiorem motum omnes affectus undecun-



que nascentes supernæ rationis lege dijudicet. Sensualis igitur voluntas, inquit, quam & carnalem possumus dicere, non erigitur suprâ eum motum, qui de corporis sensibus nascitur; qualis est in animis parvulorum, qui licet nullo iudicio rationis utantur, ostendunt tamen aliquid se velle, cum videndo, audiendo, gustando, odorando, tangendo, & ea quibus delectantur amant, & ea quibus offenduntur oderunt. Quid est autem amare, nisi velle? aut quid est odîsse, nisi nolle? Habent ergo etiam ipsi voluntatem suam, quæ ei sibi providendi & consulendi impos atque ignara sit, in his tamen amat agere quæ carnis sensibus blandiuntur, donec vigor rationalis iugis per maturiora ministeria corporis excitetur, & ad famulantium sibi membrorum usum, non alieno motu, sed suâ lege moveatur. Ab hoc ergo sensuali appetitu, in quo remanent hi, quos etiam in animis maioribus excorder videmus & fatuos, ad animalem surgitur voluntatem: hætenus D. Prosper. Cæterum cum voluntatem à motu sensuali, qui alioqui etiam voluntas est, distinguimus, tum per voluntatem eum tantum intelligimus motum qui ex rationis iudicio nascitur, quem Damascenus Aristotelem secutus definit esse, cuius principium est in ipso agente, sciente singula per quæ & in quibus est actus.

Libri 2.  
cap. 24.

### C A P U T III.

*Quodd rationalis motus voluntas dici possit, etiamsi non sit contingens, sed necessarius.*

PORRò quemadmodum sensualis motus rectè appetitus dicitur, siue malus sit siue bonus, siue contingens siue necessarius: sic etiam motus rationalis rectè voluntas appellatur, siue in volentis potestate situm sit, ut eo relicto in diversum quippiam feratur, siue non: quia esse contingens aut necessarium, neque in sensualis, neque in rationalis voluntatis definitione comprehenditur. Hinc non tantum dicimur velle ambulare, velle iustitiam colere & similia, quæ & velle possumus & nolle: sed etiam dicimur velle esse beati, nolle esse miseræ, licet hos rationales motus non possumus abjicere. Similiter: Pater diligit filium, inquit Christus: Et, hic est filius meus dilectus, in quo mihi bene complacui, inquit Pater: cum tamen hanc sanctissimam voluntatem nunquam possit deponere. Sancti quoque angeli & homines beati, rectissimâ voluntate iustitiam diligunt, & dæmones impiissimâ voluntate eam oderunt: & tamen neutri hanc suam voluntatem deponere possunt.

Joan. 3.  
Luc. 9.

### C A P U T IV.

*Quæ sit libertas à necessitate.*

CÆTERUM eum voluntas libera esse dicitur, iuxta duplicem libertatis rationem duobus modis potest intelligi. Altero & usitatissimo, quia qui vult quippiam, habet in sua potestate ut quod vult etiam possit nolle, aut contrà quod non vult, velle; quomodo liberâ voluntate vult Deus quæcunque foris operatur, ut novas hominum animas condere, pios de tentatione eripere, impios

impios æternis cruciatibus reservare. Et, sicut apud Matthæum legimus, potuit filius patrem rogare ut exhiberet sibi plusquam duodecim legiones angelorum, quod tamen non rogavit. Sed pater non liberâ voluntate diligit filium, ut qui illum non possit non diligere. Angeli quoque liberâ voluntate pro his aut illis hominibus apud Deum intercedunt: sed sæpeli quâdam necessitate contracti Deum atque iustitiam immobiliter diligunt: sicut dæmones miserâ necessitate eam semper oderunt, licet in tentationibus, & aliis multis quæ adversus homines moluntur, liberâ voluntate ferantur. Et idè neque angeli sancti neque dæmones circa iustitiam hoc modo sunt liberi, sed solum circa ea quæ & velle possunt & nolle. Homines quoque in hac vita hoc modo in rebus plurimis liberâ utuntur voluntate, quia aut boni sunt, & Deo juvante bonum præ malo seu præ alio bono eligunt, aut si sibi relictî Deo servire non possunt, attamen in vitæ istius bonis appetendis & malis eligendis sunt liberi: bonis, inquam, quæ de bonis naturæ oriuntur, ut velle laborare in agro, velle manducare & bibere, & cætera quæ apud Augustinum lib. 3. Hypog. enumerantur. Possunt tamen mali homines ex hoc etiam dici liberi, quod cum propriâ voluntate malum faciant, Deo tamen adjuvante bonum amplecti possint: id quod de dæmonibus dici non potest, quia ad benevolentium nullum eis sperari potest divinum auxilium. Sed in eo quod homines sibi bene esse volunt, & miseriam fugiunt, non ducuntur liberâ voluntate: quia hos rationales motus necessariò retinent aut in actu, aut saltem in habitu, & virtute. Hæc libertas vulgò à necessitate dicitur, quia videlicet necessitati opponitur: cui libertati etsi cum electione commune sit, quod in iis tantum versetur quæ in agentis sunt potestate, & cum fiunt omitti possunt, attamen multò latius patet quàm electio; quia electio in iis tantum invenitur, in quibus meditatio consultatioque præcessit, hæc verò libertas etiam in iis reperitur, quæ ex consuetudine aut quæ repente fiunt sine ulla deliberatione, quia hæc sic ab agente fiunt, ut tamen omitti possint si cura diligens adhibeatur.

## C A P U T V.

*Quid sit libertas à servitute.*

**A**Ltero modo dicitur voluntas libera, quia in eis quæ vult aut facit nulli servituti est obnoxia, sicut vulgò liber dicitur qui nullius servitutis iugo constringitur. Servitutem constituit aut involuntaria necessitas, quomodo servi sunt etiam qui bonum timore faciunt, aut noxia & insipiens animi propeusio à qua se quis eximere non potest; nam in Scripturis sacris etiam servi dicuntur, qui libenter & pronâ voluntate iniquitati serviunt, à qua se eximere non possunt. *Omnis enim qui facit peccatum, inquit Christus, servus est peccati.* Joan. 8. Et: *Cum servi essetis peccati, inquit Apostolus, liberi suistis iustitiæ.* Et rursum: *Sicut exhibuistis membra vestra servire immunditiæ & iniquitati ad iniquitatem, ita nunc exhibete membra vestra servire iustitiæ in sanctificationem.* Rom. 6. Et in Epistola Petri, servi corruptionis appellantur, qui tam sunt in corruptionem præ-  
proni,

proni, ut suis sectatoribus illam pro libertate polliceantur. Quapropter ad veram libertatem (de qua apud Joan. dicitur: *Si vos filius liberaverit, verè liberi eritis*,) duo requiruntur, nimirum vera & sincera in id quod eligitur aut agitur animi propensio, & veri boni electio seu, ut ait Augustinus, rectè facti lætitia. Sincera quidem animi propensio & lætitia, ut non necessitate aut timore, sed spontè obediatur legitimæ potestati. Boni verò seu rectè facti electio, ne pro naturali & legitima potestate, hostili aut alienæ voluntati pareatur: hoc est, vera libertas est, Deo legitimè servire, sicut testatur Petrus, cum ait: *Quasi liberi, non quasi velamen habentes malitiæ libertatem, sed sicut servi Dei*. Nam quantumlibet quis peccato voluntariè serviat, tamen quia diaboli laqueis irretitus, ad ipsius voluntatem captivus detinetur, donec à fortiore superveniente liberetur, servus non liber dicendus est, nisi improprie & secundum analogiam: quia videlicet hoc habet cum eo qui verè liber est commune, ut quomodo ille lubens & spontè servit justitiæ, sic iste injustitiæ; hoc modo servos peccati non simpliciter liberos, sed liberos justitiæ vocat Apostolus, quia videlicet à justitia sunt alieni. Sed quomodo servire justitiæ servitus est impropria & libertas vera, quia erga legitimam potestatem vera & spontanea obedientia: sic etiam voluntariè & liberaliter peccato servire, est libertas impropria & servitus vera, quia erga hostilem potestatem stulta & noxia captivi obedientia. *Qui* autem verè liberi sunt, hi & legitimè potestati & voluntariè obediunt, excepto unico Deo, qui quoniam nulli potestati subjicitur, solus ex eo liber esse dicitur, quod sit sibi regula vitæ, & sine alieno præscripto omnia quæcunque vult faciat. Quem libertatis modum, primùm diabolus, deinde etiam homo peccando appetivit, quando voluit esse sicut Deus: sed quia hoc appetendo naturæ suæ modum per superbiam incomparabiliter excessit, iustissimo Dei iudicio perditâ libertate, quam in facili & prompta Dei servitute habebat, in miserrimam malæ suæ voluntatis dejectus est servitutem, à qua nemo liberari potest, nisi illius auxilio de quo scriptum est: *Si vos filius liberaverit, verè liberi eritis*.

## CAPUT VI.

*Quòd Sancti in hac vitæ nunquam sint perfectè liberi.*

**C**Æterùm quia in hac vitæ miseria etiam sanctissimis quibusque competit quod ait Apostolus: *Igitur ego ipse mente servio legi Dei, carne autem legi peccati: &c.* Velle adjacet mihi, perficere autem bonum non invenio: Spiritus enim promptus est, ait Christus, *caro autem infirma*: idèò quamdiu hîc vivunt nunquam potiuntur libertate perfectâ, sed semper habent unde ad Deum clament: *Infelix ego homo, quis me liberabit de corpore mortis hujus? Gratia Dei per Jesum Christum Dominum nostrum. Nam quæ ex parte servimus Deo, inquit Augustinus, liberi sumus: ex qua parte servimus legi peccati, adhuc servi sumus. Prima ergo libertas est, inquit, carere criminibus: sed ista inchoata est, non perfectâ libertas. Habemus enim ex ista infirmitate, ex qua parte accipimus libertatem. Tunc autem erit plena libertas, quando erit perfectâ sanitas, ac totius boni consummatio* victo

omni ex parte peccato. Juxta hunc libertatis modum in omnibus quæ vult & facit liberrimæ voluntatis est Deus: quia neque invitus, neque spontè captivus quoquam trahitur, neque etiam in aliqua sua voluntate impeditur, sed omnia quæcunque vult facit. *Subest enim ei cum voluerit posse*, inquit Sapiens. *Sap. 12.* Liberrimi sunt & angeli & homines beati, etiam in eo quòd justitiam diligunt, quia sanguine Christi liberati, & sine servitute servi Deo facti, in hac sanctissima voluntate nullis malis desideriis aut reguntur aut impediuntur, sed aguntur à spiritu Dei, cui naturali ordine sunt sine servitute subiecti. Verùm dæmones in omnibus suis actionibus & desideriis miserrimi sunt suæ iniquitatis & malæ voluntatis, quam deponere non possunt, servi. *Similiter & impii homines, quandiu non sunt à peccati dominio per filium liberati, servi sunt peccati: quia in omnibus suis actibus dominanti peccato serviunt, à cujus dominio sese eximere non possunt, nisi eos liberaverit filius.* Adcò ut & ipsa lex quæ est odor vitæ spirans ad vitam, efficiatur eis odor mortis in mortem, & peccato dominanti majores vires tribuendo, servitutem efficiat & molestiorem & deterriorem. *Virtus enim peccati lex*, inquit Apostolus, & *sine lege peccatum mortuum* *1 Cor. 15.* erat: sed cùm venisset mandatum, peccatum revixit, & occidit. Sed si vos filius *Rom. 7.* liberaverit, inquit Christus, verè liberi eritis. Gratias igitur agamus Deo, *Joan. 8.* qui dedit nobis victoriam per Jesum Christum Dominum nostrum, per quem liberati à peccato, servi autem facti Deo, habemus fructum in sanctificatione *Rom. 6.* spiritus, & tantò liberiorem sumus, quantò minùs peccato servimus, tunc futuri omnino liberi, quando in nobis nihil ampliùs retinebitur captivum sub dominio peccati.

## C A P U T V I I.

*Quòd libertati à servitute sit impertinens, utrùm actio sit in volentis potestate.*

**H**Uic libertatis modo impertinens est, utrùm id quod liberè fieri dicitur, etiam possit non fieri. Quia voluntas juxta hunc modum ob id duntaxat libera dicitur, quia neque invitis quoquam trahitur, neque sub aliqua hostili potestate spontè captiva tenetur, sed promptè & liberè id quod debet facit, & cui subesse debet libens obsequitur.

Hinc Augustinus: Sic oportebat hominem priùs fieri, ut bene velle posset & *Enchir. cap. 105.* malè; nec gratis si bene, nec impudè si malè. Postea verò sic erit ut malè velle non possit, nec ided libero carebit arbitrio. Multò quippe liberius erit arbitrium, quod omnino non poterit servire peccato. Neque enim culpanda est voluntas, aut voluntas non est, aut libera dicenda non est, quâ beati esse sic volumus, ut esse miseri non solum nolumus, sed nequaquam prorsus velle possimus. Sicut ergo nunc anima nostra nolle infelicitatem, ita tunc nolle iniquitatem semper erit habitura: sed ordo prætermittendus non fuit. In eo quod ait, hominem priùs sic factum ut & bene velle posset & malè, prioris modi libertatem significat, videlicet à necessitate, de cujus tamen ratione non est posse bene & malè velle, seu posse peccare, ut *De lib. arbitrio. c. 1.* rectè ait Anselmus: sed solum flecti ex uno in aliud, sive id fiat ex bono in



malum, sive ex bono in bonum aut melius, sive ex malo in malum aut pejus. Sed in eo quod subdit: *quòd nec libero carebit arbitrio, quando sit erit ut malè velle non possit: multò quippe liberius erit arbitrium, quod omnino non poteris servire peccato:* ad posteriorem libertatis modum aspexit, *videlicet a servitute peccati:* quæ voluntatis libertas sola sub hoc nomine in Scripturis sanctis invenitur, ut

*cap. 1.* apud Joannem: *Si vos filius liberaveris, verè liberi eritis.* Ea verò libertas voluntatis de qua priore loco diximus, quæ videlicet necessitati opponitur & idèd libertas à necessitate dicitur, non sub hoc nomine, sed alio quodam sermonis genere in Scripturis sacris expressa reperitur: ut cùm de homine recens condito dicitur, quòd Deus reliquit illum in manu consilii sui, manifestè significatur, quòd Deus illi voluntatem dederit, quâ & mandata Dei facere posset & omittere. Similiter ubi de homine iusto dicitur, quòd potuit transgredi & non est transgressus, manifestè datur intelligi, utrumque in ejus potestate fuisse, nempe transgredi & non transgredi; & idèd licèt hic libertatis modus in Scripturis sacris non inveniatur hoc nomine expressus, non tamen propterea negandus est aut contemnendus, sed potiùs adversùs hæreticos (qui contra Scripturas sacras omnia ex necessitate evenire contendunt) religiosè suscipiendus & defendendus, ne sub prætextu externi nominis rem eam negemus, quam sine impietate etiam sub quocunque nomine negare non possumus.

## C A P U T V I I I.

*Quòd liberum arbitrium idem sit quod libera voluntas.*

PORRò quod de libera voluntate diximus, hoc etiam de libero arbitrio intelligendum putamus: quia quamvis liberum arbitrium à ratione potiùs quàm ab appetitu nuncupetur, attamen re ipsà prorsus idem est quod libera voluntas, potestque iisdem modis intelligi quibus suprà liberam voluntatem distinximus. Nam licèt doctores catholici adversùs hæreticos liberum arbitrium sæpius in eo intellexerint, quòd possit omittere id quod facit, hoc est, in eo quòd in suis actionibus nullà sit necessitate constrictum, sicut etiam intellexerunt Philosophi, qui posteriorem libertatis modum, qui nobis non nisi per Christum contingit, ignoraverunt: attamen Augustinus secutus Evangelium, etiam liberum arbitrium in eo intellexit, quòd nullius extraneæ potestatis servituti esset obnoxium, sive in potestate haberet id quod agit omittere, sive non. Nam pluribus locis asserit, liberum arbitrium tunc liberius fore cùm non poterit servire peccato: nempe liberius quàm sit in hac vita, ubi sic adhæret justitiæ ut etiam possit servire iniquitati; quod juxta priorem libertatis modum dici non potest, quia in futura vita diligendo justitiam, nostrum arbitrium non erit priore modo liberum, sed solùm posteriori.

*Ench. cap.  
105. de  
corr. &  
gra. l. 11.  
de civit.  
Dei, l. 22.  
cap. ult.*



## C A P U T IX.

*Quodd aliud sit ; quærere quid liberum arbitrium poterat  
cùm adhuc esset sanum : aliud quid nunc possit  
postquam à sua integritate decidit.*

**S**Ed postquam diximus quid sit voluntas, & quibus modis libera esse seu liberum arbitrium constituere dicatur, restat paucis explicemus quid ex se possit, & quid ex adjutorio divinæ gratiæ. Voluntas, inquam, non qualis ab initio condita est, cùm homo per illam omnia Dei mandata perfectè & sine ulla difficultate poterat implere, ac omnibus animi & corporis partibus sic imperare, ut in seipso nullum omnino sentiret dissidium. In quo statu recto & sine vitio si homo per liberum arbitrium manere voluisset, inquit Augustinus, <sup>De cor. & gratia, cap. 10.</sup> profectò sine ullo mortis & infœlicitatis experimento, merito hujusmodi per-  
manfionis, acciperet illam beatitudinis plenitudinem quâ & sancti angeli sunt beati, id est, ut cadere non posset ulterius, & hoc certissimè sciret. <sup>Rectum</sup> <sup>Contra</sup>  
namque, inquit Prosper, & omni vitio carentem creatum esse hominem primum, in quo omnium hominum concreatâ natura est, dubitare fas non est, eumque tale accepisse liberum arbitrium, ut si auxiliantem sibi Dominum non desereret, possent in nobis quæ naturaliter acceperat perseverare, quia vellet, & merito perseverantia in eam beatitudinem perveniret, ut nec vellet decidere in pejus, nec posset. Sed ipso libero arbitrio, quo quamdiu voluit bonus mansit, à proposita sibi lege discessit, & omnium virtutum decore, fraude invidentis exutus est. perditisque per quæ ad eternam atque inamissibilem corporis animæque incorruptionem poterat pervenire, quid ei remansit, nisi quod ad temporalem pertinet vitam, quæ tota est damnationis & pœnæ? & quia omnes in illo peccaverunt, ideò quidquid ille perdidit perdiderunt. Perdidit autem primis fidem, perdidit continentiam, perdidit charitatem, spoliatus est sapientiâ & intellectu, caruit consilio & fortitudine, & impie altiora sectando, à veritatis scientia & obedientia pietate dejectus est, nec ipso saltem timore sibi reliquo, ut ab interdictis metu caveret pœnæ, qui abstinebat amore justitiæ. Liberum ergo arbitrium ubi usum bonorum quæ acceperat fastidivit, & vilescitibus sibi felicitatis suæ præsidii, insanam cupiditatem ad experientiam prævaricationis intendit, bibit omnium vitiorum venenum, & totam naturam hominis intemperantiæ suæ ebrietate madesecit. Inde priusquam edendo carnem filii hominis & bibendo sanguinem ejus, lethalem digerat crudelitatem, labitur memoriâ, errat judicio, nutat incessu, neque ullo modo idoneum est ad illud bonum eligendum & concupiscendum, quo se sponte privavit. Non igitur quærimus, quid liberum arbitrium ex sua virtute poterat cùm adhuc sanum erat & integrum, quia tunc poterat non concupiscere & ab omni peccato tantum quia vellet abstinere, quod nulli Sanctorum nunc in hac vita tribuitur: sed quærimus, quid nunc ex sua virtute possit, postquam delinquendo à sua integritate decidit; nam quemadmodum aliud est quærere, quid sapiat homini sano, & quid sapiat aut sapere possit jam lethali febre correptò, sic longè aliud est quærere, quid homo rectus & sanus

amabat, & amando sine ulla difficultate præstabat, aliud verò quærere, quid jam velle aut præstare possit ægrotus, faucius & semivivus, cum ad eum statum pervenit ut cum Psalmista dicere debeat: *Percussus sum ut sænum, & aruit cor meum, quia oblitus sum comedere panem meum.* Et, ego dixi, Domine miserere mei, sana animam meam, quia peccavi tibi. Et rursus: *Miserere mei Domine, quoniam infirmus sum sana me Domine, quoniam conturbata sunt omnia ossa mea.*

## CAPUT X.

*Quodd liberum hominis arbitrium, quale nunc est, ex se neque bonum facere possit, neque tentationem ullam superare.*

**P**elagius docuit, liberum hominis arbitrium exteriori prædicatione atque exhortatione adjutum, ex innata sibi virtute adhuc posse universa præstare, quæ in sua primæva institutione poterat, necaliter à seipso quale tunc erat differre, quàm quòd tunc nullas expertum peccati illecebras, sine omni impedimento ad omne opus bonum promptum esset & paratum, nunc verò peccandi consuetudine atque illecebris corporis paulatim vitiatum & corruptum, sic nos ex vitiis corporis malis desideriis obligatos teneat & adstrictos, ut hæc consuetudo vim quandam videatur habere naturæ, nec quòd bonum est nisi cum difficultate operari permittat; sic tamen, ut si ex ingenuitate sibi virtute fortiter & constanter bono insistere velit, exercitio & consuetudine tandem ad eam vitæ innocentiam & bene agendi facilitatem redeat, in qua primùm est conditum, hoc est, ad apathiam, quâ sine his affectionibus vivat quæ contra rationem accidunt mentemque perturbant, ut ait Augustinus. Sic enim colligebat Pelagius: Deus præcepit ut non concupiscamus, & ut Deum ex toto corde, ex tota anima, ex tota mente, & ex omnibus viribus diligamus: sed nihil impossibile potest imperare qui iustus est: igitur licet cum difficultate & molestia, attamen ex nostris viribus possumus hæc universa præstare. Verùm hanc Pelagii collectionem manifestè refellit Christus in Evangelio, cum ait: *Sine me nihil potestis facere.* Similiter Apostolus dicens: *Non quòd sufficientes simus cogitare aliquid à nobis, quasi ex nobis, sed sufficientia nostra ex Deo est.* Et rursus: *Omnia possum in eo qui me confortat, omnia videlicet quæ possum.* Non enim simpliciter omnia poterat Apostolus, quia alibi dicit: *Velle adjacet mihi, perficere autem non invenio: sed quæcunque se posse sentiebat, hæc se non nisi in Deo posse & humiliter agnoscebat, & ingenuè profitebatur. Quid enim boni operari potest perditus, inquit Augustinus, nisi quantum fuerit à perditione liberatus?* Unde Cælestinus pontifex: *Illud etiam, inquit, quod intra Carthaginensis synodi decreta constitutum est, quasi proprium Apostolicæ sedis amplectimur, quod scilicet tertio capitulo definitum est, ut quicunque dixerit gratiam Dei, quâ justificamur per Jesum Christum Dominum nostrum, ad solam peccatorum remissionem valere quæ jam commissa sunt, non etiam ad adiutorium*

14. de civitate Dei, cap. 9.

Joan. 15.

2 Cor. 3.

Philip. 4.

Rom. 7.

Ench. 30.

Epistola ad Episcopos Gallie, cap. 10.

rium

rius ut non committantur, anathema sit. Et in quinto capitulo: ut quisquis dixeris, ideo nobis gratiam justificationis dari, ut quod facere per liberum arbitrium jubemur, facilius implere possimus per gratiam, tanquam si gratia non daretur, non quidem facile, sed tamen etiam possimus sine illa implere divina mandata, anathema sit. De fructibus enim mandatorum Dominus loquebatur, ubi non ait: Sine me difficultius potestis facere; sed ait: Sine me nihil potestis facere; hactenus Cælestinus. *Joan. 15.* De qua re etiam Prosper ad capitula Gallorum ex plenario Concilio totius Africae: Cum ducentis quatuordecim sacerdotibus, inquit, quorum constitutionem contra inimicos gratiae Dei totus mundus amplexus est, veraci professione (quemadmodum ipsorum habet sermo) dicamus, gratiam Dei per Jesum Christum Dominum nostrum, non solum ad cognoscendam, verum etiam ad faciendam justitiam nos per actus singulos adjuvare, ita ut sine illa nihil vera sanctaeque pietatis habere, cogitare, dicere, agere valeamus. Neque ita haec dona ex Deo esse opinemur, ut quia ipse naturae nostrae author est, per conditionem jam hæc contulisse videatur, quia dedit quidem ab initio hanc homini facultatem, sed omnes eam in illo amisimus, in quo omnes peccavimus. Unde alia creatione alioque principio renovari egemus in Christo, in quo sumus nova creatura: novumque signum; hactenus Prosper. Ex quibus verbis manifestè intelligitur, divina testimonia, quibus per præcepta & mandata liberum hominis convenitur arbitrium, non sic accipienda esse, quasi liberum hominis arbitrium sine Dei adjutorio ad vitam piam aut conversationem sanctam aliquid valere possit: sed ut intelligatur, quod Deus id quod bonum est in nobis non sine nobis operetur, (sicut imaginabantur Manichæi) sed cooperantibus nobis. Nam quemadmodum omnis exhortatio & doctrina pietatis (si desit spiritus vivificans qui aures audiendi tribuat) litera est occidens & odor mortis in mortem: sic etiam justitiæ lex, quæ vel libris continetur vel mentibus hominum inscribitur, si spiritus sanantis gratiæ desit, nihil aliud quam prævaricationem & iram operatur. Lex enim auditores justitiæ facit, gratia factores, inquit Augustinus. Et rursus: Lex subintravit ut abundaret delictum, ut homo eo modo convictus atque confusus videret, non tantum doctorem sibi esse necessariam, verum etiam adjutorem Deum, à quo ejus itinera dirigantur; ne dominetur ei omnis iniquitas. Et Leo Pontifex: Deus ideo dat præceptum, ut excitet desiderium. & præstet auxilium. Quanquam igitur homini lapsò imperatur vera & ab omni peccato libera justitia, quæ ab initio data & impetrata fuit recto, ut ex ipso præcepto, quo ei hoc quod accepit indicitur, intelligat quid suo creatori debeat: attamen existimandum non est, quod ad reddendum quod debet jam ex se sit idoneus, sed quod per præceptum admoneatur, ut à litera occidente confugiat ad spiritum vivificantem, & facultatem quam non invenit in natura quaerat ex gratia, hoc est, hominijam lapsò ad hoc lex justitiæ indicitur, ut ex eâ intelligat quid in sua prima creatione acceperit, ac proinde quid suo creatori debeat, ut expertus se reddere non posse quod debet, ex sua infirmitate admoneatur medicum quaerere, & facultatem quam peccando perdidit, orando & nomen Domini humiliter invocando, à Deo misericorditer recuperare; quia ex se nec incipere, nec velle, nec cogitare potest quod bonum est: sed in singulis actibus, cogitationibus, motibus auxilio Dei indiget, non tantum ad faciendum bonum quando nullâ tentatio-

Cano. 8.  
cuius concilii meminit Augustinus  
epist. 47.

Contr. 2.  
epistolæ  
Pela. lib. 3.  
cap. 2. Et  
de spirit.  
& lit. c. 6.  
Serm. 5.  
de gnatione  
drag.

ne impugnatur, sed multò magis declinando à malo & quotidianis tentationibus resistendo; hoc est, homolapsus, non tantùm in singulis operibus bonis quæ nemine adversante facit, divino eget auxilio, sed etiam in singulis tentationibus superandis, quibus ad malum provocatur: sicut ex Dominica oratione ostenditur, in qua non minùs petimus, ne inducamur in tentationem, id est, ne à tentatione superati mali quippiam faciamus, quàm ut voluntatem Dei faciamus, id est, ut bonum operemur. Nam ex hac posteriori petitione, quâ dicimus: *Fiat voluntas tua*; rectissimè colligitur, divinum adiutorium in singulis operibus bonis, quibus voluntatem Dei facimus, esse necessarium, sicut nemine dubitante ante annos mille contra Pelagium universa collegit Ecclesia: igitur ex eo quodd petimus ne inducamur in tentationem, etiam rectè conficitur, in singulis tentationibus sufferendis, ut peccatum evitemus, divinum auxilium nobis esse necessarium, dicente Psalmistâ:

Psal. 26.

*Adjutor meus esto, ne derelinquas me: &, Deus in adiutorium meum intende: Do-*

Psal. 69.

*mine ad adjuvandum me festina. Quod etiam quotidie per singulas horas fre-*

Psal. 29.

*quentat Ecclesia, sciens quodd Dominus in voluntate sua præstet decori nostro*

Rom. 8.

*virtutem, & quodd si avertat faciem suam à nobis, statim efficiamur contur-*

Ibidem.

*bati. Non enim carne, sed spiritu facta carnis mortificamus, & tentationes*

Cap. 35.

*omnes non propriâ virtute superamus, sed propter illum qui dilexit nos; aded*

Ephes. 6.

*ut Prosper contra Cassian. dicere audeat, quodd quisquis in tentatione non deficit,*

1 Cor. 10.

*ab illo se non dubitet adjuvari, ad quem quotidie corda univèrsorum fidelium clamant:**Ne nos inferas in tentationem. Hinc Apostolus: Confortamini in Domino, in-**quit, & in potentia virtutis ejus; nam si quis existimet se aliquid esse cum nihil sit,**ipse se seducit: Deus est enim qui facit cum tentatione proventum, ut possimus sustine-**re. Quem locum Apostoli tractans Chrysostomus: Suntne ergo tentationes quas**sustinere non possimus, inquit, & quanam sunt illæ? Omnes ut ita dicam, inquit,**possibilitas enim in divino nutu est. Quare ut certò cognoscas, non solum illas quas**virtutem nostram exuperant, non posse nos sine divino auxilio superare, sed ne hæc qui-**dem humanas, addidis: sed faciet cum tentatione proventum, ut possitis susti-**nere. Neque enim mediocres illas quas dixi propriâ virtute sustinebimus, sed in his**etiam divino opus habemus auxilio ut eas pertranseamus, & priusquam pertranssea-**mus, feramus. Nam ut ait Augustinus: Si Deus ipse non adjuvat, non dico vin-**cere, sed nec pugnare poterimus. Unde lib. 22. de civit. Dei, cap. 23. enume-**rans proprios iustorum labores, quibus adversus vitia militant: Vigiliis conti-**nuis excubare oportet, inquit, ne in hoc bello laborum periculorumque plenissimo, vel**de viribus nostris speretur facienda victoria, vel viribus nostris facta tribuatur, sed**ejus gratia: de quo ait Apostolus: Gratias autem Deo, qui dedit nobis victoriam**per Dominum nostrum Jesum Christum; qui & in alio loco: In his, inquit,**omnibus superamus per eum qui dilexit nos. Quod igitur contra Pelagium**Carthaginensi & Milevitano Concilio placuit: ut quicumque dixerit gratiam**Dei, quâ justificamur per Jesum Christum Dominum nostrum, ad solam pec-**catorum remissionem valere quæ jam commissâ sunt, non etiam ad adjuto-**rium ut non committantur, anathema sit; non tantùm ad universas tenta-**iones quibus impugnamur, sed etiam ad singulas referendum est: sicut etiam**retulit Augustinus, ubi à Pelagio exegit ut fateretur, quodd quando contra*

ten-

De verb.  
Apostoli  
serm. 13.

1 Cor. 15.

Rom. 8.

Cap. 3.

Ephes. 6.

propositi-  
onem

31.



tentationes concupiscentiasque dimicamus, quamvis & illic habeamus propriam voluntatem, non tamen ex illa, sed ex adiutorio Dei nostram provenire victoriam. Et Epistola 95. *Anathemet ergo Pelagius, inquit, scripta sua, ubi contra gratiam disputat possibilitatem defendendo naturæ ad vincenda peccata & implenda mandata.* Hinc Cælestinus Pontifex: *Nemo etiam baptismatis gratiâ renovatus, inquit, idoneus est ad superandas diaboli insidias & ad evincendas carnis concupiscentias, nisi per quotidianum adiutorium Dei perseverantiam bonæ conversationis acceperit.* Neesse est enim ut quo auxiliante vincimus, eo iterum non adjuvante vincamus. Et rursus ex Zosimo: *Quod ergo tempus, ait, intervenit, quo ejus non egeamus auxilio? In omnibus igitur actibus causisque, cogitationibus, motibus, adiutor & protector orandus est.* Superbum est enim ut quicquam sibi humana natura præsumat, clamante Apostolo: *Non est nobis colluctatio adversus carnem & sanguinem, sed contra principes & potestates aëris hujus.* Si tantum dixisset Zosimus: *In omnibus actibus adiutor orandus est:* tunc facile fuisset suspicari, non in singulis tentationibus superandis, sed solum in singulis operibus bonis faciendis, Dei adiutorium nobis esse necessarium: sed quando addidit, quod in omnibus motibus adiutor & protector orandus est, quia non est nobis colluctatio adversus carnem & sanguinem, manifestè significavit, non solum in singulis operibus bonis faciendis, sed etiam in singulis motibus pravis superandis, necessarium esse divinum auxilium. *Divini enim muneris est, inquit Concilium Arausicum 2. cum & rectè cogitamus, & pedes nostros a falsitate & injustitia tenemus.* Manifestum est igitur, liberum hominis arbitrium, quale nunc est, etiam in regeneratis ex se non sufficere, neque ad bonum opus faciendum, neque ad tentationem malam superandam, sed horum potestatem nobis dari gratiâ Dei, per Jesum Christum Dominum nostrum, dicente Evangelio: *Quotquot autem receperunt eum, dedit eis potestatem filios Dei fieri.* Liberum enim arbitrium & ad malum & ad bonum faciendum consistendum est nos habere, inquit Augustinus, sed in malo faciendo liber est quisque justitiæ servusque peccati, in bono autem liber esse nullus potest, nisi fuerit liberatus ab eo qui dixit: *Si vos filius liberaverit, verè liberi eritis.* Nec ita ut cum quisque fuerit a peccati damnatione liberatus, jam non indigeat sui liberatoris auxilio: sed ita potius ut ab illo audiens: *Sine me nihil potestis facere; dicat ipse:* Adjutor meus esto, ne derelinquas me. Sed objicitur: *Qui tentatur ad fornicandum, is ex amore gloriæ, principatus, aut divitiarum sæpe ab hoc pernicioso affectu, sine ullo Dei adiutorio, revocatur: igitur mala tentatio potest sine ullo Dei adiutorio superari.* Responsio. Quanquam timor pœnæ non nisi opus externum comprimit, ipsum verò internum peccandi affectum & consensum animi potius auget quàm minuit, tamen inter tentationes malas potest tanta diversitas atque pugnancia reperiri, ut simul menti non dominantur, sed altera ab altera sic comprimitur, ut neque opus externum, neque etiam mentis consensum obtineat. Quapropter dicendum non est, quod is qui Dei auxilio destitutus tentatione aliquâ pulsatur, semper in illud peccati genus inducatur ad quod tentatione provocatur, quia fieri potest ut contrariis cupiditatibus agitetur quæ simul consistere non possunt: sed tamen quisquis tentatur ad peccandum, is necessariò in aliquam tentationem inducitur ac subjicitur peccati

Epist. ad  
Episcop.  
Gal. c. 6.

Ibidem.

Ephes. 6.

Cap. 9, 10.

Aug. contra duas  
epist. Pelag. lib. 1.  
cap. 2.

De cor. &  
Gal. c. 3.  
Joan. 8.

Objectio.

Responsio.



*Psal. 29.  
De civit.  
Dei, l. 21.  
cap. 16.*

cati dominio, nisi à Domino protegatur: sicut de semetipso ait Psalmista: *Avertisti manum tuam & factus sum conturbatus*; quia vel hujus vel alterius malæ cupiditatis dominio subicitur. Quapropter docet Augustinus vitia non veraciter vinci nisi verâ delectatione justitiæ, licet aliquando sint apertissima vitia, quæ aliis vitiis vincuntur occultis quæque putantur esse virtutes, in quibus regnat superbia & quædam sibi placendi altitudo ruinosa. *Tunc itaque vitia deputanda sunt*, inquit, *cum Dei amore vincuntur*. Nam à quocunque vitia sic vincuntur, is in nullam malæ cupiditatis tentationem inducitur, quod propriè tentationem superare est: sed qui malam unam tentationem aliâ forsitan deteriori comprimit, is non est dicendus tentationem illam vicisse, sed mutasse: sicut nec servitutem evasisse dicendus est, qui mutavit dominum, sed quem ex servo contingit fieri liberum.

## CAPUT XI.

*Quid liberum hominis arbitrium nunc adhuc possit ex innata sibi virtute.*

Cùm itaque liberum arbitrium sine Dei adjutorio, neque bonum aliquod facere possit, neque à malo declinare, hoc est, neque ullam tentationem superare, sic ut in tentatione positum omne peccatum evadat; videndum est quid tandem possit. Hoc eleganter exponit liber tertius hypognosticon his verbis: *Esse fatemur liberum arbitrium omnibus hominibus, habens quidem judicium rationis, non per quod sit idoneum quæ ad Deum pertinent sine Deo aut inchoare aut certè peragere, sed tantum in operibus vitæ præsentis tam bonis quam malis. Bonis dico quæ de bono naturæ oriuntur, id est, velle laborare in agro, velle manducare & bibere, velle habere amicum, velle habere indumenta, velle fabricare domum, uxorem velle ducere, pecora nutrire, artem discere diversarum rerum bonarum, velle quidquid bonum ad præsentem pertinet vitam. Malis verò dico, ut velle idolum colere, velle homicidium, velle adulterium facere. Nam voluntas humana, inquit Prosper, sine sui auctoris participatione in terrenis occidisque versatur. Si enim nec ad ista ordinanda rationalis animi vigeret ingenium, inquit, non vitata esset sed extincta natura. Et Maxentius vir Dei, in libello suo fidei: Liberum autem naturale arbitrium, inquit, ad nihil valere credimus, nisi ad discernenda tantum & desideranda carnalia seu secularia, quæ non apud Deum, sed apud homines possunt fortassis videri gloriosa; ad ea verò quæ ad vitam æternam pertinent, nec cogitare, nec velle, nec desiderare, nec perficere posse, nisi per infusionem & inoperationem intrinsecus Spiritus Sancti. Patet igitur, liberum hominis arbitrium, quale nunc est, ex semetipso nec bonum velle posse, nec tentationem ullam verè superare, sed mala duntaxat & carnalia, quale est adulterium, aut ea bona quæ ad utilitatem hujus temporalis vitæ pertinent.*

*De voca.  
Grut. l. 2.  
cap. 2.*

*Contr. Col.  
lat. c. 22.*

## C A P U T X I I.

*Quid liberum arbitrium possit ex adjutorio divinæ gratiæ.*

POSTQUAM diximus quid liberum hominis arbitrium ex se possit, jam dicamus quid possit ex adjutorio divinæ gratiæ. Atque in primis illud observandum est quod ait Augustinus: nullo modo dicendum esse, Deo deesse possibilitatem, quā voluntas sic adjuvetur humana, ut non solum justitia ista quæ ex fide est omni ex parte modò perficiatur in homine, verum etiam illa secundum quam postea in æternum in ipsa ejus contemplatione vivendum est. Quandoquidem si nunc velit etiam hoc corruptibile induere incorruptionem, atque hîc inter homines morituros eum jubere vivere minimè moriturum, ut totā penitus vetustate consumptā, nulla lex in membris ejus repugnet legi mentis, Deumque ubique præsentem ita cognoscat, sicut Sancti postea cognituri sunt, quis demens audeat affirmare non posse? Sed quare non faciat quærunt homines, nec qui quærunt se attendunt esse homines. Sed licet omnibus mortalibus etiam quantumlibet impiis, hanc possit Deus conferre potestatem, ut non tantum credant & graviora Dei mandata observent, sed etiam ab omni peccato abstineant & omnem justitiam sic impleant, ut non sint inferiores angelis Dei: attamen secundum altitudinem divini consilii sui, quibusdam ne hoc quidem tribuit ut possint credere; quales fuerunt de quibus ait Joannes, quod propterea non poterant credere, quia iterum dixit Isaias: *Excæcavit oculos eorum, & induravit cor eorum, ut non videant oculis, & non intelligant corde;* hoc est, quia juxta Isaiæ vaticinium, sic à Deo erant deferendi, ut ne credendi quidem munus acciperent. Nam licet subinde dicat Augustinus, id esse in nostra potestate quod cum volumus facimus, quale sine dubio videtur esse credere, credimus enim si credere volumus: attamen quia voluntatem credendi per nostram sufficientiam habere non possumus, sed solum ex divino munere præparatam; idè de illis quibus eam Deus dare non statuit, rectissimè dixit Joannes, quod non poterant credere, quia juxta Isaiæ vaticinium illis decreverat non dare credendi voluntatem, sine qua nullam habemus credendi potestatem. Aliis verò tribuit quidem in hac vita credendi potestatem, sed non tribuit eis potestatem continendi ab omni concubitu; cujusmodi sunt fideles virgines, quæ non sunt de earum numero de quibus ait Christus: *Qui potest capere capiat;* sed potiùs de earum numero de quibus ait Cyprianus, quod si nolunt aut non possunt in continentia perseverare, meliùs est ut nubant, quàm in ignem delitiis suis cadant. Qui igitur potest continere, contineat: si verò non potest, oret ut possit: quia si verè fidelis est, certissimā fide credit, quod non possit esse continens nisi Deus dederit. Aliis verò tribuit Dominus ut & credere possint & continere, & omnia hujus temporalis vitæ bona relinquere: tamen non tribuit eis, ut pro justitia & veritate possint hanc vitam temporalem contemnere, & Christum sequi morientem; cujusmodi fuit Petrus, cum illi dixit Dominus: *Non potes me sequi modò, sequeris autem postea,* cum videlicet tan-

*De spiritu  
& lit. cap.  
ultimo.*

*Rom. 7.*

*Isaia 12.*

*Lib. 2. retract. c. 1.  
& maximè  
lib. 2. c. 22.*

*Joan. 12.  
Esa. 6.*

*Lib. 1.  
Epist. 11.*

*Sapient. 2.*

*Joan. 13.*

ti boni dederò tibi potestatem; quæ potestas nihil aliud est quàm magna & robusta voluntas. *Qui enim vult facere Dei mandatum, inquit Augustinus, & non potest, jam quidem habet voluntatem bonam, sed adhuc parvam & invalidam; poterit autem cum magnam habuerit & robustam. Quando enim martyres magna illa mandata fecerunt, magnâ utique voluntate, hoc est, magnâ charitate fecerunt. Hanc charitatem Petrus nondum habuit, quando timore Dominum ter negavit; & tamen quamvis parva & imperfecta, non deerat quando dicebat Domino: Animam meam pro te ponam: putabat enim se posse, quod se velle sentiebat. Qui igitur robustissimam atque ardentissimam charitatem non acceperunt, hi Christum pro iustitia morientem nondum sequi possunt: qui verò acceperunt, sicut acceperat Petrus quando pro Christi nomine crucifixus est, magna quidem & miranda possunt; de quibus cum Apostolo humillimâ confessione dicunt: Omnia possum in eo qui me confortat. Attamen in hac mortali vita, nunquam eò proficiunt ut ampliùs non concupiscant, aut dicere non debeant: Dimitte nobis debita nostra, sicut & nos dimittimus debitoribus nostris: licet ad id quotidie summâ nitantur instantiâ. Sed cur is qui dat eis credere, dat continere, imò animam pro iustitia ponere, non etiam in hac vita tribuat ut possint contra legem Dei non concupiscere, aut certè ab omni peccato prorsus abstinere, in addito iudiciorum Dei positum est; de quo nihil aliud possumus quàm cum Hier. dicere: Scio, Domine, quia non est in homine via ejus, nec viri est ut ambulet & dirigat gressus suos. Qui continuò subjunxit: Corripe, Domine, veruntamen in iudicio, & non in furore. Tanquam diceret, inquit Augustinus: Scio ad correptionem meam pertinere, quòd minus abs te adjuvor ut perfectè dirigantur gressus mei: veruntamen hoc ipsum noli mecum sic agere, tanquam in furore, quo iniquos damnare statuisti, sed tanquam in iudicio, quo doces tuos non superbire. Quis enim cognovit sensum Domini, aut quis consiliarius ejus fuit? Delicto tamen & merito nostro fit, inquit Cyprianus, ut laboremus, ut Dei opem in omnibus sentiamus. Hoc igitur veraciter agnoscere & humiliter confiteri debemus, quòd liberum hominis arbitrium sibi dimissum, neque bonum facere possit, neque tentationem ullam sic vincere ut omne peccatum evadat, sed malum duntaxat aut bonum, quod ad ornamentum & subsidium præsentis vitæ pertinet; adjutum verò à Deo tantùm potest, quantum placet Deo adjuvare, licet in hac mortali vita nullus Sanctorum sic adjuvetur, ut aut non concupiscat aut peccatum nullum habeat, sicut ex Epistola Joannis discimus, quòdque id ad correptionem nostram pertineat, quòd à Deo minùs adjuvemur quàm necessarium est ut gressus nostri in via iustitiæ perfectè dirigantur. Ideò tamen, inquit Augustinus, quisque nostrum bonum opus suscipere, agere, implere, nunc scit, nunc nescit; nunc delectatur, nunc non delectatur; ut noveris non suæ facultatis, sed divini muneris esse, vel quòd scit, vel quòd delectatur, ac sic ab elationis vanitate sanetur, & sciat quàm verè non de terra ista, sed spiritaliter dictum sit: Dominus dabit suavitatem, & terra nostra dabit fructum suum. Tantò autem magis delectat opus bonum, quantum magis diligitur Deus summum atque incommutabile bonum, & auctor qualiumcunque bonorum omnium. Ut autem diligitur Deus, charitas ejus diffusa est in cordibus nostris, non per nos, sed per Spiritum sanctum qui datus est nobis.*

MICHAELIS BAILL,  
 D E  
 C H A R I T A T E,  
 J U S T I T I A,  
 E T  
 J U S T I F I C A T I O N E,  
 L I B R I T R E S.  
 D E  
 C H A R I T A T E,  
 L I B E R P R I M U S.

---

C A P U T I.

*Ad intelligendam justificationem necessaria est  
 charitatis cognitio.*



E Justificatione differenti, si bene & utiliter discernere velit, magno studio querenda est vera charitatis cognitio, quâ Deum diligimus & proximum, quia charitas aut justitia est, quam adipisci studet is qui justificatur: sicut docet Augustinus in fine libelli de natura & gratia, dicens quod charitas inchoata, inchoata justitia est, charitas magna, magna justitia est; aut certè usque adeò justitiæ conjuncta, ut quamvis sine ea possit simulari, non tamen haberi aut acquiri: sicut docet Apostolus cùm ait: *Si linguis hominum loquar & angelorum, charitatem autem non habuero, nihil mihi prodest.* Et beatus Jacobus dicens, fidem quæ per dilectionem non  
 1 Cor. 13. Jacob. 2.



operatur, usque adeo non præstare iustitiam, ut etiam impietati dæmonum conjuncta reperiat. Ut igitur & iustitiæ rationem & justificationis modum deinceps investigare possimus, nunc quantum Deus adjuverit, inquiramus quid sit charitas quam Scriptura tantopere commendat; unde sit homini charitas, à Deo an à seipso; & denique utrum in istantùm reperiat, quibus per baptismum aut salutaris pœnitentiæ remedium dimissæ sunt iniquitates, sic ut Dei vivit templum effecti sint, an etiam in Catechumenis & pœnitentibus, qui iustitiam Dei esurientes & mandata ejus diligenter observantes, ad gratiam mysterii salutaris aspirant. Sic enim existimant quidam, ante peccatorum remissionem ne principium quidem aut vestigium ullum charitatis iis inesse qui sanctè vivunt, sed tum demum in momento accedere cùm ipsis peccata remittuntur.

## CAPUT II.

*Quot modis dicitur charitas, & quid sit.*

**D**Ivus Bernardus circa finem libelli de diligendo Deo, juxta morem loquendi Scripturæ sacræ duplicem nobis insinuat charitatem, dicens: Lex Dei charitas est, quæ trinitatem in unitate quodammodo cohibet. Nemo tamen me existimet charitatem hic accipere qualitatem vel aliquod accedens, sed substantiam illam divinam; quod utique non novum nec inusolitum, dicente Joanne: *Deus charitas est*. Dicitur ergo charitas & Deus & Dei donum. Itaque charitas dat charitatem, substantiva accidentalem; ubi dantem significat, nomen substantiæ est, ubi donum qualitatis. Ex quibus verbis manifestè patet charitatem uno modo divinam dici substantiam, seu propriè ipsum Spiritum sanctum, qui & à Patre Filioque procedit & sanctæ dilectionis motum diffundit in cordibus nostris; ob quam causam & donum & charitas propriè nuncupatur, sicut latè ostenditur primo sentent. distinct. 17. Hoc modo de charitate loquitur Joannes primâ suâ epist. sicut testatur Augustinus libro 15. de trinit. cap. 18. cùm ait: *Dilectio qua ex Deo est & Deus est, propriè Spiritus sanctus est, per quem diffunditur in cordibus nostris Dei charitas per quam nos tota inhabitat Trinitas. Quocirca rectissimè Spiritus sanctus, cùm sit Deus, vocatur etiam donum Dei, quod donum propriè quid nisi charitas intelligenda est, quæ perducit ad Deum. Nam quod quidam existimant Joannem ab Augustino sic accipi, quasi de ea duntaxat charitate loquatur, quâ Deus nos diligit, non autem quâ nos sui dilectores facit, vanum esse videtur; tum quia Spiritus Sanctus eadem ratione dicitur charitas quâ donum, quod dici non potest nisi eâ ratione quâ in nobis esse dicitur: tum etiam quia id ex aliis Augustini locistam clarè refellitur, ut videatur nullam admittere tergiversationem. Ait enim de verbis Domini sermone 13. *Charitas usque adeo donum Dei est, ut & Deus vocetur*. Item in epistola ad Julianum 143. *Ipsa charitas in omnibus Dei donis ita excelsis ut Deus dicta sit, quâ unâ impletur in nobis si quid divinæ legis aut monitionis implemus*. Et de gratia & lib. arbit. cap. 19. *Deus dilectio est*. Et Pelagiani (inquit) etiam ipsum Deum ex semetipsis habere se dicunt; & alibi sæpius, sicut*

sicut citat Magister lib. 1. sent. distinct. 17. Altero modo dicitur charitas, ipse animi motus quo Deum diligimus & proximum, qui accidens est & qualitas, de quo ait Apostolus: *Charitas Dei diffusa est in cordibus nostris per Spiritum sanctum qui datus est nobis.* Et Christus in Evangelio: *Remittuntur ei peccata multa, quia dilexit multum.* Hanc charitatem definit Augustinus libro 3. de doctrina Christi. cap. 10. dicens. *Charitatem voco animi motum, ad fruendum Deo propter seipsum, & proximo propter Deum;* de qua re vide Augustinum, lib. 83. quæstionum, quæst. 36. Et super Psal. 9. *Pes animæ amor est, qui si pravus est, dicitur cupiditas vel libido; si rectus, dicitur charitas.* Similiter Psalmo 3. *Amor Dei, amor proximi, charitas dicitur; amor mundi, amor sæculi, cupiditas.* Item lib. 9. de Trini. cap. 8. *Amor mundi cupiditas, amor Dei charitas.* Et libro 11. de Genesi ad lit. cap. 15. *Hi duo amores, quorum alter sanctus est, alter immundus, &c.* Item libro 14. de civitate Dei cap. 7. *Cujus propositum est amare Deum, & non secundum hominem, sed secundum Deum amare proximum sicut etiam seipsum; propter hunc amorem dicitur voluntatis bonæ, quæ usitatus in Scripturis charitas appellatur, sed amor quoque secundum easdem sacras literas dicitur. Nam & ipse Dominus Petrum interrogans, cum dixisset: Diligis me plus his? Ille respondit: Domine tu scis quia amo te.* Hoc propterea commemorandum putavi (inquit) quia nonnulli arbitrantur aliud esse dilectionem sive charitatem, aliud amorem, sed Scripturas sacras non aliud dicere amorem, aliud dilectionem vel charitatem insinuandum fuit. Quemadmodum igitur concupiscentia vel libido, quando in Scripturis sacris animi motum significat, nihil aliud est quam amor mundi seu amor creaturæ, qui ad Deum non refertur, de quo 1 Joan. 2. *Nolite diligere mundum, neque ea quæ in mundo sunt:* sic etiam charitas hoc posteriori modo, nihil aliud est quam amor vel dilectio Dei, quæ eadem etiam arbor bonæ & voluntas bonæ dicitur, sicut supra ostendimus ex libro 14. de civitate Dei cap. 7. ubi dicitur, quod propter amorem Dei & proximi dicitur quis voluntatis bonæ, quæ usitatus in Scripturis (inquit) charitas appellatur. Unde etiam idem Augustinus libro 50. Homeliarum, homeliâ octavâ. *In dimidio rerum suarum Zachæus, si bonam voluntatem non haberet, (inquit) nihil dedisset. Bona enim voluntas ipsa est charitas.* Et de gratia Christi capite vigesimo primo. *Cum dicat Scriptura, inquit: Ecce qualem charitatem dedit nobis pater; quare contendit Pelagius quod bonam voluntatem bonamque actionem habeamus ex nobis, quasi verò aliud sit bona voluntas quam charitas, quam Scriptura clamat nobis esse ex Deo.* Idem habet de gratia & libero arbitrio cap. 17. Et contra duas epistolas Pelagianorum lib. 2. cap. 9. vocat eam boni cupiditatem. An verò præter hunc animi motum qui charitas dicitur, alia quædam habitualis atque accidentalis qualitas in voluntate ponenda sit quæ etiam charitas nuncupetur, non magnopere contendendum existimo; quia faciliè intelligi potest, non tantum animi motum, sed etiam conformem aliquem habitum diffundi posse in cordibus nostris, per Spiritum sanctum qui datus est nobis: sed an in Scripturis sacris reperiri queat distincta & aperta hujus habitus mentio sub nomine charitatis, alia quæstio est, quam nihil opus esse duxi hoc loco discutere, quia actu cognito, facile est in habitus cognitionem venire. Nunc dicamus de origine charitatis quæ in animi motu consistit. Nam charitatem

quæ Deusest, nemo forſitan ex ſemetipſo, ſed ex Deo duntaxat ſe habere putabit, quanquam tamen Spiritus ſanctus non niſi propter hunc motum, quem in nobis præſens operatur, charitas nuncupatur.

## CAPUT III.

*Unde nobis ſit is animi motus qui charitas nuncupatur.*

PROPRIUM Pelagii dogma fuit, ſcientiam quidem legis nobis ex Deo eſſe, dilectionem verò ſeu bonam voluntatem ex nobis, ſicuti manifeſtè patet ex Auguſtini de gratia & lib. arbit. cap. 19. ubi ait. *In Joanne lux ait: Ecce qualem dilectionem dedit nobis pater. Et in Pelagianis tenebræ dicunt: dilectio nobis ex nobis eſt; quam ſi veram, id eſt, chriſtianam dilectionem haberent, ſcirent & unde haberent, ſicuti ſciebat Apoſtolus, qui dicebat: Nos autem non ſpiritum hujus mundi accepimus, ſed ſpiritum qui ex Deo eſt, ut ſciamus quæ à Deo data ſunt nobis.* Joannes dicit, *Deus dilectio eſt; & Pelagiani etiam ipſum Deum ex ſemetipſis habere ſe dicunt, & cum ſcientiam legis ex Deo nobis eſſe fateantur, charitatem ex ſeipſis volunt.* Similiter de gratia Chriſti cap. 19. Alio loco, inquit, cum diu aſſeruiſſet Pelagius, non adjutorio Dei, ſed ex nobiſiſ in nobis effici voluntatem bonam, oppoſuit ſibi illud Apoſtoli: Deus enim eſt qui operatur in nobis velle. Item cap. 21. Cum dicat Scriptura: Charitas ex Deo eſt, vel quod eſt amplius, Deus charitas eſt; cum apertiſſimè dicat Joannes: Ecce qualem charitatem dedit nobis Pater, quare contendis quoddam bonam voluntatem bonamque actionem habeamus ex nobis? *quasi verò aliud ſit bona voluntas quàm charitas.* Unde in commentario Epistolarum Pauli, qui falſò inter ſcripta Hieronymi numeratur, cum ſit Pelagii aut ſaltem alicujus Pelagiani, ſuper caput 13. prioris Epistolæ ad Corinth. Charitas ex nobis eſt, inquit, & omnem poſſides fructum. Cæterum hunc errorem clariſſimè reſellit Auguſtinus, non tantum in locis jam adductis, ſed etiam in aliis innumeris, libro 21. de civitate Dei cap. 16. Tunc itaque *vicia victa deputanda ſunt* (inquit) *cum Dei amore vincuntur, quem niſi Deus ipſe non donat, nec aliter niſi per mediatorem Dei & hominum Jeſum Chriſtum.* Similiter contra Julianum libro 5. cap. 5. hoc totum rectè ſit quando ſit propter ipſum, id eſt, quando gratis amatur ipſe, qualis amor nobis eſſe non poſſet niſi ex ipſo. Similiter Epistolæ 107. liberum arbitrium ad diligendum Deum primi peccati gravitate perdidimus. Id quod etiam clarè definitum eſt in Concilio Arauſicano capite ultimo, ubi dicitur, quoddam per peccatum primi hominis ita inclinatum & attenuatum fuerit liberum arbitrium, ut nullus poſtea aut diligere Deum ut oportuit, aut operari propter Deum quod bonum eſt poſſit, niſi gratia eum & miſericordia præveniat. Idem definit Coeleſtinus Pontifex in epistolâ ad Episcopos Galliarum cap. 9. & 10. Unde Proſer libro primo de vocatione gentium cap. 2. *Voluntas humana* (inquit) *ſine ſui authoris participatione in terrenis occidiſque verſatur.* Et Maxentius in libello fidei, liberum arbitrium ad nihil valere credimus, niſi ad diſcernenda tantum & deſideranda carnalia ſive ſecularia, quæ non apud Deum, ſed apud homines forſitan poſſunt videri glorioſa. Similiter Petrus Diaconus, in libello de incarnatione & gratia Chriſti ad Fulgentium cap. 6. *Homo ſine gratia poſſet quidem*

*cogitare aut desiderare humana, non autem potest cogitare, velle seu desiderare divina: sicut enim per febrem aut aliam corporis ægritudinem interdum efficitur, ut saluberrimos quosdam cibos extreme abominemur, sic etiam ab iis quæ salutis nostræ sunt, per peccatum originis, usque adeo aversi sumus, ut teste Apostolo, ne ad cogitandum 2 Cor. 3. quidem aliquid ex nobis quasi ex nobis sufficientes sumus; nam inquantum cum Christo surreximus, quæ sursum sunt quærimus, inquantum verò per peccatum corrupti sumus, non nisi quæ super terram.*

## CAPUT IV.

*Quòd non tantum dilectio Dei tanquam beatificatoris, sed etiam tanquam creatoris nobis ex Deo sit.*

**E**X quibus etiam manifestum evadit, quàm vana sit eorum distinctio, qui ut Scripturis sacris & jam dictis aliisque pluribus Veterum testimoniis illudant, sine ulla traditione contendunt duplicem esse Dei dilectionem; alteram quâ Deum tanquam futuræ beatitudinis largitorem diligimus, quæ per Spiritum sanctum diffundatur in cordibus nostris, & charitas nuncupetur; alteram verò, quâ Deum tanquam creatorem amamus, quæ ortum ducat ex libero hominis arbitrio: quia si voluntas humana sine auctoris sui participatione quæ super terram sunt sapiat, & in terrenis occiduisque versetur, nec valeat nisi ad cogitanda & desideranda carnalia, secularia & humana, sicut prædictis testimoniis ostensum est: igitur sine auctoris sui participatione & munere, non potest suum creatorem diligere, sed id à Deo debet accipere. Quin & ipse Augustinus verum Dei amorem, quo ad Deum pervenitur quique non nisi à Deo Patre per Jesum Christum accipitur, pluribus locis amorem creatoris nuncupans, manifestissimè ostendit creatoris amorem, quem nonnulli errantes ex nobis esse putant, non re aut origine, sed solo duntaxat nomine distinguere ab amore beatificatoris. Unde libro 4. contra Julianum cap. 3. *Amor Dei, quo pervenitur ad Deum, non est nisi à Deo patre per Jesum Christum cum Spiritu sancto; per hunc amorem creatoris, inquit, bene quisque utitur etiam creaturis; sine hoc amore creatoris nullus bene utitur creaturis.* Et libro 9. de Trinitate capite 7. & 8. *verbum amore concipitur, sive creaturæ, sive creatoris: ergo aut cupiditate aut charitate, non quòd non sit amanda creatura, sed si ad creatorem refertur ille amor, jam non cupiditas, sed charitas erit.* Item libro 50. Homiliarum, homil. 34. *amor mundi adulterat animam, amor fabricatoris mundi sanctificat animam.* Nec mirum videri debet, juxta Augustinum, amorem creatoris non minùs diffundi per Spiritum sanctum in cordibus nostris, atque in Scripturis sacris charitatem nuncupari, quàm amorem beatificatoris; quia quemadmodum Deus non aliâ re creator, aliâ verò beatificator est, sed unâ & eadem, nempe suâ substantiâ: sic nec est alia creatoris, alia verò beatificatoris dilectio, sed una & eadem, licet fere hæc nominum diversitas diversa Dei beneficia insinuet, quibus ad Dei amorem provocemur.



## CAPUT V.

*Quòd experientia nihil eis patrocinetur, qui aliquam Dei dilectionem soli tribuunt libero hominis arbitrio.*

Quin & hi qui creatoris amorem solis liberi arbitrii viribus ascribunt, quem acquisitam vocant charitatem, imprimis fatentur quòd hæc charitas nec ex Scripturis sacris, nec ex Conciliorum autoritate, nec etiam ex traditione Veterum ullum habeat testimonium, sed ex Philosophia duntaxat & ipsà rerum experientià, cui in ejusmodi rebus necessum est innitatur Philosophia. Deinde etiam adjiciunt, quòd quemadmodum actus fidei ac spei acquisitæ & actus infusæ aded sibi vicini sunt & similes, ut ne à credentibus quidem aut sperantibus possint inter se discerni, sic etiam actus charitatis acquisitæ & charitatis infusæ. Ex quibus ipsorum placitis sic adversus eos colligitur: Habitum charitatis secundum se non cognoscimus, sed actum duntaxat, ex quo per experientiam cognito de ipso habitu conjicitur: at etiam juxta eos, inter actum charitatis acquisitæ & actum charitatis infusæ experientià discernere non possumus: igitur charitas acquisita non solum sine Scriptura sacra, generalibus Conciliis, & traditione Veterum asseritur, sed etiam sine experientiæ testimonio; quia experientià comperire non possumus, an in nobis existat ullus fidei, spei, aut charitatis motus, quem non operetur Spiritus sanctus: sed dum nos credere, sperare, aut Deum diligere sentimus, etiam juxta eorum placita semper dubitare possumus, utrùm id ex Spiritu sancto proveniat, (sicuti Scriptura sacra testatur, dicens: *Charitas diffusa est in cordibus nostris, per Spiritum sanctum, qui datus est nobis*; & sicut sine ulla hæsitacione agnoscunt, qui non Spiritum hujus mundi acceperunt, sed Spiritum qui ex Deo est, ut sciant quæ à Deo donata sunt) an verò ex solo libero arbitrio, sicut juxta mundi hujus sapientiam, sub nomine philosophiæ, nostræ elationi persuadet humana præsumptio, præsertim si nostris conjecturis plus satis incumbamus, quæ fere in hoc propendent ut crucis Christi doctrinam subvertant, & Scripturas sacras negligenter attendamus, ex quibus solis discitur quid à Deo petere & per Christum obtinere possimus: igitur sub prætextu philosophiæ naturalis, circa ea quæ Dei sunt, nullus est agnoscendus fidei, spei, aut dilectionis motus qui de libero consurgat arbitrio, sed quicquid in quocùnque homine ejusmodi reperitur, id juxta Scripturas sacras absque ulla ambiguitate fatendum est, per Jesum Christum descendere à patre luminum, à quo est omne datum optimum & omne donum perfectum, sicut de Latronis, Cornelii centurionis & Zachæi fide definit Concilium Arausicanum 2. cap. ultimo.

Rom. 5.

1 Cor. 2.

Jasob. 3.

## CAPUT VI.

*Quod omnis amor creaturæ rationalis sit charitas,  
aut vitiosa cupiditas.*

**I**Mò si quis diligenter supradicta Augustini testimonia consideret, forsitán comperiet juxta ipsius sententiam, omnem amorem creaturæ rationalis, aut vitiosam esse cupiditatem quâ mundus diligitur, quæ à Joanne prohibetur dum ait: *nolite diligere mundum, neque ea quæ in mundo sunt*; aut laudabilem charitatem, quâ Deus amatur, quam nisi Deus ipse non donat, nec aliter nisi per mediatorem Dei & hominum Jesum Christum, sicut supra dixit Augustinus: *Regnat enim carnalis cupiditas, ubi non est charitas*, ut ait in enchiridio cap. 117. & libro 1. retract. cap. 15. *Voluntas in tantum libera est* (inquit) *quia in tantum liberata est, & in tantum appellatur voluntas, alioqui iustus cupiditas, quàm voluntas propriè nuncupanda est, quæ non est alienæ naturæ additamentum, sed nostræ vitium, à quo non sanamur nisi gratiâ salvatoris.* Nam dum ait voluntatem, dum liberata non est, totam esse cupiditatem, quid aliud significat quàm voluntatem, dum charitas non est, totam esse cupiditatem? neque enim aliud est voluntas liberata quàm charitas, quâ solâ à mala concupiscentia liberatur voluntas; ac proinde quid aliud dicit quàm voluntatis amorem, si charitas non est, semper esse vitiosam cupiditatem? Id quod adhuc expressius testari videtur lib. 2. de peccatorum meritis cap. 18. dicens: *Mirum si voluntas potest in medio quodam ita consistere, ut nec bona nec mala sit; aut enim justitiam diligimus, & bona est; & si magis diligimus, magis bona.* Quis verò dubitet dicere, voluntatem nullo modo justitiam diligentem non modò esse malam, sed etiam pessimam voluntatem? Si ergo voluntas, aut bona aut mala est, & utique malam non habemus à Deo, restat ut bonam voluntatem habeamus ex Deo. In quo Augustini testimonio, per voluntatem bonam & voluntatem malam, non rectè à quibusdam accipitur ipsa naturalis potentia, quâ & benè & malè volumus, tum quia paulò antè eodem capite dicit Augustinus, voluntatem bonam in iis bonis esse, quorum esse usus non potest malus, quod de ipsa potentia intelligi non potest, quia ipsa in iis bonis est, quibus benè & malè vivitur, (sicut habet idem Augustinus lib. 1. Retract. cap. 9.) sed solùm de actu, tum quia statim post jam dictum testimonium, ostendens quid per bonam & malam voluntatem intellexerit: quod à Deo nos avertimus, inquit, nostrum est & hæc est voluntas mala, quòd verò ad Deum nos convertimus, nisi ipso excitante atque adjuvante non possumus, & hæc est voluntas bona. Igitur cùm ait Augustinus, voluntatem in medio consistere non posse, ut nec bona nec mala sit, nihil aliud significare voluit, quàm omne voluntatis desiderium aut ad bonam dilectionem quæ charitas est pertinere, aut ad malam quæ est cupiditas. Id quod etiam apertissimè docet Leo sermone 5. de jejunio septimi mensis, his verbis: *Duo namque amores sunt, ex quibus omnes prodeunt voluntates; rationalis enim animus, qui sine dilectione esse non potest, aut Dei amator est, aut mundi, &c.* Similiter Christus in Evangelio, ubi ait: *Qui non est mecum, con-*

1 Joan. 2.

Mat. 12.

*ira me est*, quia sicut contra Christum nemo esse potest nisi per cupiditatem malam, sic cum illo nemo esse potest nisi per charitatem & voluntatem bonam. Sed jam videamus in quibus reperiri possit charitas.

## C A P U T V I I.

*Quòd is animi motus, qui charitas dicitur, remissionem peccatorum precedere possit.*

Cùm quæritur: utrùm charitas etiam in iis reperiatur qui nondum consecuti sunt remissionem peccatorum propter longum alterius partis præjudiciũ; & quia plerique per charitatem, non nisi habitum quemdam intelligunt, quo homini insensibiliter infuso fiat peccatorum omnium remissio, & qui sine remissione peccatorum infundi non possit, res quædam absurdissima quæri putatur; quia apud ejusmodi homines tanquam certum habetur quod primùm in quæstionem venire debuit, nempe an in Scripturis sacris, nomine charitatis talis quisquam habitus sit intelligendus, an potius boni animi motus. Sed qui suprapositam divi Augustini definitionem diligenter attendunt, quã ait: *Charitatem voco animi motum ad fruendum Deo propter seipsum & proximo propter Deum*; cum aliis testimoniis quibus manifestè testatur, charitatem nihil aliud esse quàm bonam voluntatem, quã ad Deum convertimur, de qua ait Apostolus: quòd Deus operetur in nobis velle; facillè intelligunt, nomine charitatis non tam habitum quàm motum quemdam debere intelligi à quo boni esse dicimur, ac proinde non immeritò dubitari, utrùm charitas in iis tantùm reperiatur qui jam consecuti sunt remissionem peccatorum, an etiam in catholicis & aliis poenitentibus, qui ante remissionem peccatorum præveniuntur à Deo multis bonis motibus; nam quòd charitas etiam ante remissionem peccatorum in multis inveniatur, sic videtur ostendi.

1. In Scripturis sacris eadem sunt charitas, dilectio & amor, quando in bono ponuntur, sicut ostendit Augustinus de Civit. Dei, lib. 14. cap. 7. nam tria hæc in Scripturis novi testamenti à Latinis interpretibus indifferenter usurpantur: sed *qui non diligit me*, inquit Christus, *sermones meos non servat*: igitur catholici & poenitentes, qui ante remissionem peccatorum sermones Domini diligenter observant, diligunt Dominum & habent eum animi motum qui rectè charitas nuncupatur.

2. Christus eodem loco apud Joannem, hunc ponit ordinem: *Si quis diligit me sermonem meum servabit, & pater meus diligit eum, & ad eum veniemus, & mansionem apud eum faciemus*: sed in hoc ordine, primo loco ponitur diligere Dominum: secundo mandata Dei servare, quia plenitudo legis dilectio est: tertio, Pater meus diligit eum, seu diligitur à Patre meo, in quo significatur peccatorum remissio, sicut etiam patet ex parte sequenti, quæ habet: Et ad eum veniemus, & mansionem apud eum faciemus. Natì Deus ad nos inhabitandum censetur venire, quando per remissionem peccatorum propitius efficitur, sicut docet Augustinus in epist. 57. ad Dardanum: igitur dilectio Dei & mandatorum ejus observatio præcedunt remissionem peccatorum.

3. Eun-

De doct.  
christ. lib.  
3. cap. 10.

Philip. 2.

Joan. 14.

3. Eundem ordinem ostendit Christus in Maria Magdalena, cum ait: *Dimittuntur ei peccata multa, quia dilexit multum*; sic ut etiam interpretatur Augustinus lib. 50. Homiliarum, homil. 23. Similiter Hugo de sancto Victore lib. 2. de sacramentis Christianæ fidei, parte 14. cap. 6. Nam quod ait Calvinus cap. 9. suæ institutionis, parag. 57. *Dimittuntur ei peccata multa, id est, Lnc. 7. dimissa esse monstrantur*: parum textui consonat, præsertim quia verbis Christi tunc Magdalene dimissa fuisse peccata etiam intellexerunt qui accumbebant, dicentes: Quis est hic qui etiam peccata dimittit? Unde Ambrosius in Apologia David. cap. 9. *Charitas, inquit, remittit etiam ipsa peccata, sicut scriptum est de iuliere quæ super Dominum fudit unguentum, remissa sunt ei peccata multa, quia dilexit multum.*

4. Similem ordinem præscribit Augustinus in Enchiridio cap. 76. docens quemque, ex dilectione secundo præcepto sibi ipsi præcepta, eleemosynam facere dum se præparat ad peccatorum veniam.

5. *Si quis non amat Dominum nostrum Jesum Christum, sit anathema*, inquit Apostolus: sed impium esset execrari cachecumenum aut pœnitentem ad gratiam remissionis peccatorum anhelantem, etiamsi illam nondum sit consecutus: igitur tales cathecumeni & pœnitentes amant Dominum nostrum Jesum Christum, per quem sperant consequi remissionem peccatorum. 1 Cor. 16.

6. Qui non diligit manet in morte, inquit Joannes: sed cathecumeni & pœnitentes, qui Christi fide imbuti præteritos suos confitentur errores, surrexerunt à mortuis & vivunt, etiamsi nondum habeant peccatorum remissionem, quia à mortuo, inquit Sapiens, tanquam qui non est perit confessio: igitur tales diligunt Deum. Quod autem tales dicendi sint vivere docet Augustinus tractatu 8. super Joan. & super Psal. 67. tractans illud. similiter eos qui exasperant, de verbis Domini ferm. 88. de verbis Apost. ser. 44. & super Psal. 101. tract. 2. Et Gregorius homilia 26. 1 Joan. 4. Eccl. 17.

7. Cathecumeni & pœnitentes ante remissionem peccatorum vivunt, (ut dictum est) igitur non habent fidem mortuam sed vivam, fides autem non dicitur vivere nisi per charitatem: igitur habent charitatem.

8. *Si habuero omnem fidem, si distribuero in cibos pauperum omnes facultates meas, 1 Cor. 13. inquit Apostolus, & si tradidero corpus meum ita ut ardeam, charitatem autem non habeam, nihil mihi prodest*: sed impium esset dicere, quod Cathecumenis nihil proderet sua fides per quam salvi fiunt, nec pœnitentibus suæ eleemosynæ quibus juxta Danielis consilium sua peccata redimunt, nec martyribus qui non percepto regenerationis lavacro pro Christi confessione moriuntur, sua martyria, per quæ peccatis eorum abolitis ad regnum Dei transeunt; tantum enim eis valent ad abolenda peccata (inquit August. lib. 13. de civi. Dei cap. 7. quæ tantum si abluerentur fonte baptismatis: igitur tales habent charitatem, quæ magna Dei præcepta facientes ad vitam pertingunt æternam.

9. Jam dictæ Scripturæ similis est illa quæ dicit: *In Christo Jesu, neque circumcisio valet, neque præputium, sed fides quæ per dilectionem operatur*: quia si ad pietatem quæ per Christum est, nihil valet nisi fides quæ per dilectionem operatur: igitur fides quæ valet ad peccatorum remissionem, de qua sæpius ait Christus: Fides tua te salvum fecit; per dilectionem etiam operatur, sicut etiam Galat. 5.



docet Augustinus toto libro de fide & operibus, & præcipuè cap. 10. ubi redarguit eos, qui à baptizandis Dei dilectionem duntaxat exigendam censebant, à baptizatis verò etiam dilectionem proximi, quâ continentur mores conversationis humanæ, qui alibi manifeste contendit, utrumque charitatis præceptum ab eo qui baptizandus est antequam baptizaretur esse exigendum, & quoddam alterum non possit sine altero consistere.

10. Scientia sine charitate inflat, sed Cathecumenos legitime institutos, ad baptismi gratiam humiliter anhelantes, scientia sua ad profectum & remissionem peccatorum ædificat: igitur in eis est charitas, quæ facit ut scientia non inflat, sed ædificet.

11. Concilium Arausicanum 2. cap. ultimo sic habet. *Deus enim nullis præcedentibus meritis, & fidem & amorem sui prius inspirat, ut baptismi sacramentum fideliter requiramus*: igitur Cathecumenus qui baptismum fideliter requirit, ut consequatur remissionem peccatorum, habet Dei amorem sibi inspiratum à Deo.

12. Concilium Milevitanum cap. 4. dicit illi anathema, qui negat dilectionis gratiam esse necessariam ad non peccandum: sed non peccare etiam competit cathecumenis & pœnitentibus ante peccatorum remissionem: igitur ante remissionem peccatorum cathecumenis & pœnitentibus competit dilectionis gratia quæ ad non peccandum est necessaria.

13. Dicitur in synodo Tridentina, quod omnes peccatores se ad iustitiam præparantes Deum, tanquam fontem iustitiæ, diligere incipiant: igitur ante remissionem peccatorum agnoscit in pœnitentibus Dei dilectionem.

14. D. Augustinus libro 14. de civit. Dei cap. 7. differens de quatuor animi affectibus tandem subdit: *Cujus propositum est amare Deum, & non secundum hominem sed secundum Deum amare proximum etiam sicut seipsum, propter hunc amorem dicitur voluntatis bonæ, quæ usitatus in Scripturis sacris charitas appellatur*. Et rursum libro 50. Homiliarum, homi. 8. *In dimidio rerum suarum Zachæus si bonam voluntatem non haberet nihil dedisset, bona enim voluntas ipsa est charitas*. Item de gratia Christi cap. 21. *cum dicat Scriptura: Ecce qualem charitatem dedit nobis pater, &c. Quare contendit Pelagius, quod bonam voluntatem bonamque actionem habeamus ex nobis, quasi verò aliud sit bona voluntas quam charitas, quam Scriptura declarat nobis esse ex Deo*. Hactenus Augustinus, ex cuius verbis constat, charitatem nihil aliud esse quam bonam voluntatem: sed bona voluntas invenitur ante remissionem peccatorum, quia promittitur pax hominibus bonæ voluntatis: igitur charitas invenitur ante remissionem peccatorum.

15. Augustinus èpist. 143. *Charitas, inquit, in omnibus Dei donis ita excellit ut Deus dicta sit, quâ unâ adimpletur in nobis si quid divinæ legis & admonitionis implemus*: Idem docet de Cathecizandis rudibus cap. 20. & 22. sed cathecumeni & pœnitentes de lege & admonitione Domini multum implent, quando ad peccatorum remissionem aspirantes convertunt se ad Dominum, penitentiam agunt, confitentur, baptizantur, &c. igitur habent charitatem, quæ est legis plenitudo.

16. Item de gratia Christi cap. 26. *Ubi non est dilectio nullum bonum opus imputatur*.

tatur nec rectè bonum opus vocatur, quia omne quod non est ex fide peccatum est, & fides per dilectionem operatur; sed in cathecumenis ante remissionem peccatorum invenitur aliquod bonum opus quod non est peccatum: igitur ante remissionem peccatorum est in eis dilectio.

17. Idem Augustinus contra 2. epist. Pelag. lib. 2. cap. 9. & 10. docet, primam boni cupiditatem; quā ex malo in bonum per initium fidei commutatur, & propositum bonum studiumque virtutis esse charitatem. Quid est enim boni cupiditas (inquit cap. 9.) nisi charitas? de qua Joannes sine ambiguitate loquitur, dicens. Charitas ex Deo est; nec initium ejus ex nobis, & perfectio ejus ex Deo: sed si charitas ex Deo est, tota nobis ex Deo est; avertat enim Deus hanc mentem, ut in donis ejus nos priores faciamus, posteriorem ipsum, &c. sed hæc prima boni cupiditas in ratione utentibus necessariò præcedit remissionem peccatorum: igitur & charitas; frustra enim veniam sperat qui non diligit (inquit Augustinus super Joann. tractatu 83.) Et Beda super epistolam Petri tractans illud: gratia vobis & pax multiplicetur; bene primò gratiam, postea nominat pacem; (inquit) quia sine gratia Christi ad pacem reconciliationis pervenire non possumus.

18. Idem Augustinus de gratia & libero arbitrio cap. 18. Sine suo fructu, inquit, prorsus admoneretur liberum arbitrium quærere Dei donum, de quo Joannes dicit: Dilectio ex Deo est; nisi prius acciperet aliquam dilectionem: sed liberum arbitrium in Cathecumenis & poenitentibus non sine suo fructu admonetur hoc Dei donum quærere; sunt enim de numero eorum de quibus ait Apostolus: Omnis quicumque invocaverit nomen Domini salvus erit: Igitur Cathecumeni Rom. 1. & poenitentes aliquid dilectionis acceperunt quando hoc donum quærere incipiunt.

19. D. Bernardus epist. 77. quæ est ad Hugonem, loquens de eo qui per superbiam recusat baptizari: tamen si (inquit) ante exitum respiceris, & volueris & petieris baptizari, sed mortis præoccupatus articulo fortè obtinere nequieris, cum non desis fides recta, spes pia, charitas sincera, propicius sis mihi Deus, quia huc ego ob solam aquam si defueris, nequaquam omnino possum desperare salutem, nec vacuam credere fidem, nec confundere spem, nec excidere charitatem; tantum si aquam non contemptis, sed sola, ut dixi, prohibeat impossibilitas: igitur Bernardus existimavit ante peccatorum remissionem, non tantum fidem & spem, sed etiam haberi posse charitatem. Id quod etiam manifestè testatur Thomas Waldensis, In opere secundo de sacramentis contra Wicleff cap. 97. dicens: bonus Cathecumenus divini charitate flagrans, justus probatâ justitiâ, priusquam Christi Ecclesiæ conjungatur, est de vi status adhuc ineptus ad capeffendum regnum Dei: nam non est ineptus ad capeffendum regnum Dei, nisi quia nondum habet remissionem peccatorum, qui tamen dicitur flagrans charitate.

Cæterum contra prædicta ab iis qui oppositam sententiam tuerentur unicum objicitur argumentum; 1 Joan. 4. dicitur: Si diligamus invicem, Deus in nobis obiectus manet, & qui manet in charitate, in Deo manet & Deus in eo. Quas scripturas tractans Augustinus, libro 15. de Trinit. cap. 18. dicit, quod solum istud donum est, quod dividit inter filios regni æterni & filios perditionis æternæ; id quod etiam reperitur de unitate ecclesiæ cap. 19. Igitur, inquirunt, charitas

non invenitur nisi in filiis Dei qui jam remissionem peccatorum consecuti sunt.

*Responsio.*

Cui respondemus, quod D. Joannes & divus Augustinus locis jam adductis non de quibusvis hominibus loquantur, quasi videlicet semper filii essent quicunque Deum aut proximum diligunt, sed tantum de credentibus, foris coram hominibus sanctè & honestè conversantibus, & suis temporibus ecclesiæ sacramenta percipientibus. Nam inter hos quicunque charitate faciunt, quod honestè & religiosè coram hominibus faciunt, hi sunt filii Dei; quicunque verò cupiditate ducuntur, licet coram hominibus filii Dei videantur, attamen quia in nuptiis sine veste nuptiali recumbunt, & amore mundi coram hominibus taciunt quod deberent amore Dei facere, non sunt filii Dei. Quem sensum nobis manifestè suggerit Augustinus, tract. 5. super dictam epistolam Joannis, his verbis: *Dilectio sola discerunt inter filios Dei & filios diaboli; signent se omnes signo crucis Christi, respondeant omnes Amen, cantent omnes Alleluja, baptizentur omnes, intrent omnes ecclesias, faciant parietes basilicarum; non discernuntur filii Dei à filiis diaboli nisi in charitate.* In illis igitur qui jam credentes sacramenta ecclesiæ percipiunt & foris similiter vivunt, intelligi debet, quod sola charitas filios Dei à filiis diaboli scijungit, non autem generaliter in omnibus; quia in iis quorum alii fideles sunt, alii impij, non sola charitas discernit filios Dei à filiis diaboli, sed etiam fides & baptismus. Similiter in iis quorum alii casti sunt, alii adulteri, filios Dei à filiis diaboli discernit continentia. Quapropter de his dici non potest, quod solum charitatis donum discernat inter filios regni æterni & perditionis æternæ, sed de iis duntaxat qui eadem fide præditi & iisdem sacramentis imbuti, omnia foris similiter faciunt, sed alii charitate verà, alii verò cupiditate malà, ut dictum est.

## C A P U T V I I I.

### *Quod sit charitatis initium.*

**V**ERUM ne qua fortè adhuc dubitationis anxietas in hac quæstione suspensa remaneat, etiam illud videamus quod sit charitatis initium & quando in nobis primùm oriatur. Diximus superiùs, charitatem nihil aliud esse quàm bonam voluntatem; ex quo manifestè sequitur, initium charitatis nihil aliud esse quàm initium bonæ voluntatis, quod tunc primùm concipimus, quando Deo operante & merito omne præveniente, mala voluntas nostra in bonam commutatur, sic ut bene velle incipiamus qui priùs malum volebamus, (quemadmodum docet Augustinus de prædest. Sanctorum cap. 2. de bono perseverantiæ cap. ultimo) sive quando nobis priùs reluctantibus aditus divinæ vocationis Dei gratiâ procuratur, ac in nobis jam non reluctantibus spiritus virtutis accenditur, sicuti habet lib. 4. contra duas epistolas Pelagianorum cap. 6. *Oramus enim, inquit ibidem cap. 9. non solum pro nolentibus, sed etiam pro repugnantibus & oppugnantibus, ut fiant ex nolentibus volentes, ex repugnantibus consentientes, ex oppugnantibus amantes: hoc igitur primùm velle, seu boni propositum, charitatis initium est.* Quod ab eodem Augustino lib. 2. contra 2. episto-

las Pelagianorum cap. 8. & sequentibus vocatur prima boni cupiditas, quam in nobis sine nobis operatur, quando nobis nihil tale merentibus aut cogitantibus voluntas à Domino præparatur. Ait enim sic capite 8. de Pelagianis. *Ipsi volunt in homine ab ipso homine incipere cupiditatem boni, ut hujus capti meritum etiam proficiendi gratia consequatur.* Et cap. 9. *Quid est boni cupiditas nisi charitas, de qua Joannes Apostolus sine ambiguitate loquitur, dicens: Charitas ex Deo est; nec initium ejus ex nobis & perfectio ejus ex Deo est: sed si charitas ex Deo est, tota nobis ex Deo est; & vertat enim Deus hanc amantiam, ut in donis ejus nos priores faciamus, posteriorem ipsum, quoniam misericordia ejus præveniet me, & ipse est cui veraciter fideliterque cantatur: Quoniam prævenisti eum in benedictionibus dulcedinis: & quid hic apertius intelligitur quàm ipsa de qua loquimur boni cupiditas? Tunc enim bonum concupisci incipit, quando dulcescere incipit: ergo benedictio dulcedinis est gratia Dei, quâ fit in nobis ut amemus quod præcipit nobis, in qua finis non prævenit Deus; non solum non perficitur, sed nec inchoatur in nobis. Hoc charitatis initium eodem capite vocat Augustinus bonum propositum studiumque virtutis, quod tunc incipit in nobis, quando incipimus ex malo in bonum per initium fidei commutari, sicuti ibidem dicitur capite decimo.*

## CAPUT IX.

*Quod ipsa charitas non simul tota detur, sed in proficientibus particulatim accrescat.*

**N**AM charitatis donum, inquit Prosper libro 2. de vocatione gentium cap. II. non semper ejusmodi est, ut quicquid ad ejus plenitudinem pertinet simul à percipientibus sumatur. Est enim amor qui potest alio amore superari, & saepe dilectio Dei ex mundi dilectione marcescit, nisi ad eum fervorem Spiritu sancto inflammante profecerit, qui frigore nullo extingui, nullo potest seipso languere, sed multò crebrior multoque numerosior pars illa hominum est, inquit; cui particulatim accrescit. Unde Augustinus de gratia & libero arb. cap. 15. *Gratia Dei semper est bona, inquit, & per hanc fit ut homo sit bona voluntatis, qui prius fuit voluntatis male; per hanc etiam fit, ut ipsa bona voluntas que jam esse cepit, augeatur & tam magna fiat, ut possit implere quæ voluerit, cum valdè perfecteque voluerit: ad hoc enim valet quod scriptum est: Si volueris conservabis mandata; ut homo qui voluerit & non poterit, nondum se plenè velle cognoscat, & oret ut habeat tantam voluntatem, quantum sufficit ad implenda mandata, sic quippe, adjuvatur ut faciat quod jubetur, & cap. 8. Certum est nos mandata servare si volumus, sed quia præparatur voluntas à Domino, ab illo petendum est ut tantum velimus, quantum sufficit ut volendo faciamus. Certum est nos velle cum volumus, sed ille facit ut velimus bonum, de quo dictum est. Deus est qui operatur in nobis velle & operari. Certum est nos facere cum facimus, sed ille facit ut faciamus, præbendo vires efficacissimas voluntati, qui dixit: Faciam ut in justificationibus meis ambuletis. Cum dicit faciam ut faciat, quid aliud dicit, nisi auferam à vobis cor lapideum & dabo cor carneum, unde faciat. Et cap. 17. Qui ergo vult facere Dei mandatum & non potest, jam quidem habet voluntatem bonam, sed adhuc parvam & invalidam; poterit autem cum magna habuerit*



*& robustam. Quando enim martyres magna illa mandata fecerunt, magnâ utique voluntate, hoc est, magnâ charitate fecerunt. Hanc Petrus non habuit quando timore Dominum ter negavit; & tamen quamvis parva, tamen non deerat quando dicebat Domino: Animam meam pro te ponam; putabat enim se posse, quod se velle sentiebat. Sed imperfectam ejus charitatem notabat Christus, dum diceret: non potes me sequi modò. Patet igitur charitatis initium tunc homini conferri, quando ab infidelitate aut mala voluntate conversus incipit velle bonum, id est, velle facere Dei mandatum, qui prius volebat malum; id est, non Dei sed suum facere placitum, quod nihil aliud quàm concupiscere est; atque charitatem tunc rectè nuncupari, quando Deo cooperante tantum accipit incrementum, ut & mandata Dei faciat, & cupiditates, quæ prius eum in sceleribus detinebant, vincat, sive hæc per baptismum aut reconciliationem remissa fuerint, sive non. Quia si quis diligit me, inquit, sermones meos servabit, & qui non diligit me, sermones meos non servat. Sed nunc sumpto alio sermonis exordio, de justitia disseramus.*

# MICHAELIS BAIL,

## D E

# J U S T I T I A.

## LIBER SECUNDUS.

### C A P U T I.

#### *Quid sit justitia.*

**R**ectissime dixit quidam: Justitia in sese virtutes continet omnes; *Arist. 5. eth. cap. 1.* siquidem ut ait D. Chrysostomus: *Nihil aliud est justitia, quàm omnium mandatorum plena custodia, quæ sine virtutum omnium præsidio constare non potest.* Hæc eadem in Scripturis sacris alio nomine etiam charitas seu dilectio nuncupatur, quia qui diligit proximum legem implevit, & plenitudo legis est dilectio. Unde August. de natura & gratia, *Charitas inchoata, inquit, inchoata justitia Rom. 13. est: charitas magna, magna justitia est: charitas perfecta, perfecta justitia est: Cap. ult. charitas perfecta, perfecta justitia est; à qua beatum seu justum illum dicit Psalmista, Psal. 1. qui non abiit in consilio impiorum, & in via peccatorum non stetit, & in cathedra pestilentie non sedit: sed in lege Domini voluntas ejus, & in lege ejus meditabitur die ac nocte.*

### C A P U T II.

#### *Quod justitia alio modo in Christo, alio in nobis reperiat.*

**C**æterum juxta hunc primum felicitatis gradum perfectissimamque justitiæ regulam, secundum quam is tantum justus dicitur qui de Dei lege nihil unquam prætermisit, nemo post lapsum justus inveniri potuit excepto unico filio Dei, qui quoniam peccatum non fecit, nec dolus inventus est in ore ejus, *Cypria. lib. 1. epistola 3. De pecc. mer. lib. 2. cap. 10.* idem solus inter mortales ex eo justus dici meruit, quia venit princeps mundi hujus & in eo non invenit quicquam. Nobis verò quod in alio psalmo legimus: *Beati quorum remissa sunt iniquitates & quorum tecta sunt peccata: beatus Joan. 14. vir cui non imputavit Dominus peccatum; quamdiu in hac vita sumus magna justitiæ*

justitiæ pars est: quia quamdiu in hac vita sumus, justitia nostra magis constat remissione peccatorum quam perfectione virtutum: in multis enim offendimus omnes, inquit Jacobus Apostolus. Quapropter Augustinus: *Nostra justitia, inquit, ut potius peccatorum remissione constet quam perfectione virtutum. Testis est, inquit, oratio totius civitatis Dei quæ peregrinatur in terris; per omnia quippe membra sua clamat ad Deum: Dimitte nobis debita nostra. Et infra: Hic itaque, inquit, in unoquoque fideli justitia est, ut obediens Deus homini, animus corpori, ratio autem vitiiis etiam repugnantibus imperet, vel subigendo vel resistendo, atque ut ab ipso Deo petatur & meritorum gratia & venia delictorum, ac de acceptis bonis gratiarum actio persolvatur. In illa verò pace finali, quoniam sanata natura vitia non habebit, non opus erit ratio vitiiis, quæ nulla erunt, imperet: sed imperabit Deus homini, animus corpori, tantaque obediendi erit suavitatis & facilitas, quanta vivendi regnandique felicitas. Et contra Julian. Justificatio, inquit, in hac vita nobis secundum ista tria confertur: prius lavacro regenerationis, quo remittuntur cuncta peccata: deinde confessione cum vitiiis: tertio dum nostra exauditur oratio, quæ dicimus: Dimitte nobis debita nostra. Placuit enim, inquit Concilium Milevitanum, ut quicumque dixerit gratiam Dei, in qua justificamur per Jesum Christum Dominum nostrum, ad solam remissionem peccatorum valere quæ jam commissa sunt, non etiam ad adiutorium ut non committantur, anathema sit.*

## CAPUT III.

*Quid justitia hujus vitæ duabus constet partibus.*

*Aug. l. 1. Retract. cap. 19. & contr. Faustum, l. 19. cap. 7. Ad. 13. Rom. 8. 1 Joan. 3. Rom. 8. Rom. 2. Hebr. 11. Galac. 2. Aug. epist. 106.*

**E**X quibus manifestum evadit, justitiam hujus vitæ duabus constare partibus, remissione videlicet peccatorum, (de qua Apostolus in Actis: *Notum sit vobis, viri fratres, quod per hunc vobis remissio peccatorum annuntiatur ab omnibus, quibus non potuistis in lege Moyse justificari; in hoc omnis qui credit justificatur. Et rursum: Qui enim mortuus est, justificatus est à peccato;*) & vitæ novitate, quæ posterior justitiæ pars in Scripturis sacris justitia legis nuncupatur, de qua scriptum est: *Qui facit justitiam justus est: & qui facit justitiam ex Deo natus est; & Quod impossibile erat legi, in quo infirmabatur per carnem, Deus mittens filium suum in similitudinem carnis peccati, & de peccato, damnavit peccatum in carne, ut justificatio legis impleretur in nobis, qui non secundum carnem, sed secundum spiritum ambulamus. Et: Si præputium legis justitias custodiat, nonne præputium illius in circumcissionem deputabitur, & judicabit id quod ex natura est præputium, legem consummans, te qui per litteram & circumcissionem prævaricator es legis? & Non audientes legis justi sunt apud Deum, sed factores legis justificabuntur: & Sancti per fidem vicerunt regna, operati sunt justitiam; & alia multa quæ longum esset recensere. Sed utramque justitiæ partem complectitur quod alibi legimus: *Si per legem justitia, igitur Christus gratis mortuus est; quia gratiâ Dei per Christum Dominum nostrum, non solum remissione peccatorum justificamur, sicut malè docuit Pelagius, sed prius inspiratione fidei & timoris Dei, impartito salubriter orationis affectu & effectu, ut justificatio legis impleatur in nobis.**

Qua-

Quapropter & ipse Dominus testamenti novi gratiam, id est, veram justitiam nobis annuntians, non tantum suis pollicetur, quod propitius erit iniquitatibus eorum, & peccatorum eorum jam non memorabitur: sed etiam quod dabit leges suas in mentem eorum, & in cordibus eorum superscribet eas: *Est Exech. 36. spiritum meum, inquit, ponam in medio vestri, & faciam ut in præceptis meis ambuletis, & judicia mea custodiat, & operemini; Nam justus ex fide vivit.* *Abac. 2.*

## CAPUT IV.

*Quod per justitiam quæ in fide vel ex fide esse dicitur, non tantum remissio peccatorum, sed etiam operatio virtutum & justitia legis intelligenda sit.*

RECTissime igitur dixit B. Jacobus, quod ex operibus justificatur homo, & non ex fide tantum: quia, uti diximus, hujus vitæ justitia non tantum constat remissione peccatorum, sed etiam operibus virtutum quæ sine fide esse non possunt; quia *sine fide impossibile est Deo placere: & quicquid non est ex fide, peccatum est.* Quapropter dum in Scripturis sacris justitiam in fide vel justitiam ex fide legimus, non tantum remissionem peccatorum, quæ ex fide est, intelligere debemus, sed etiam opera virtutum, quæ proprio nomine justitia legis dicitur: quia sicut non per legem sed per fidem justificamur à peccatis, ut ad Deum pacem habeamus: sic etiam non ex lege, sed ex fide, veram legis justitiam & orando impetramus & vivendo præstamus, ut verè justi simus. *Justus enim ex fide vivit, & Sancti per fidem operati sunt justitiam.* Quapropter Israël, inquit Apostolus, *sectando legem justitiæ, hoc est, conando & præsumendo ex lege legis justitiam præstare, in legem justitiæ non pervenit, id est, veram justitiam quam præceperat lex non præstitit; quia non ex fide conabatur præstare legem justitiæ: ex fide, inquam, & agentis intentionem dirigente, & Christi auxilium impetrante, per quem non dubitant fideles sibi spiritum gratiæ subministrari, ut obediant legi justitiæ.* Ignorantes enim Dei justitiam, quam videlicet adjuvando subministrat, & suam volentes constituere, quam non auxilio gratiæ sed suâ virtute præsumebant se facere, justitiæ Dei, quæ vera est, non fuerunt subjecti, sed in falsa justitia, quæ ex lege est, insipienter elati. Sic Apostolus, cum ignorans & incredulus in justitia quæ in lege est conversatus esset sine querela, postea fidelis factus, quæ prius lucra & melioris vitæ merita reputabat, hæc arbitratus est propter Christum detrimenta, ut inveniretur in illo non habens suam justitiam quæ ex lege est, sed illam quæ est ex fide Christi, id est, quam Christus ex fide invocantibus ut justè vivant subministrat: sicut gentibus, quæ prius non sectabantur justitiam, jam credentibus subministravit. Quod enim impossibile erat legi, in quo infirmabatur per carnem, Deus mittens filium suum in similitudinem carnis peccati & de peccato, damnavit peccatum in carne, ut justificatio legis impleretur in nobis, qui non secundum carnem, sed secundum spiritum ambulamus, id est, qui spem præstandæ legis, non in nobis qui caro sumus, sed in adjutorio



*Hebr. 11.* gratiæ Spiritus sancti collocamus. Hanc fidei justitiam habuit Noë, quando responso accepto de iis quæ adhuc non videbantur, metuens aptavit arcam in salutem domus suæ, per quam damnavit mundum, & justitiæ quæ per fidem est hæres est institutus. Habebant & Abraham & Isaac & Jacob & cæteri, de quibus tandem subdit Apostolus, quod per fidem vicerunt regna, operati sunt justitiam: similiter & hi qui ludibria & verbera experti, insuper & vincula & carceres, lapidati sunt &c. quia hi omnes testimonio fidei probati, in iis numerati sunt de quibus ait Propheta, quod justus ex fide vivit.

*Abac. 2.*

## CAPUT V.

*Quod remissio peccatorum non sit proprii nominis justitia, sed reputatur, quia justitiæ propriè dictæ ex parte æquivalet apud Deum.*

**I**Mò si propriè loqui velimus, remissio peccatorum justitia non erit, quia justitia propriè legis obedientia est, sive intus in voluntate, sive foris in opere, nec aliter à virtute secernitur, quàm quod virtus in singulis intelligatur, justitia verò in universis. Sed in Scripturis sacris peccatorum remissio idèd etiam nomine justitiæ intelligitur, quia licèt propriè non sit, tamen apud Deum pro justitia reputatur, dum removendo prohibens, non minùs ad vitam ducit æternam quæ justitiæ præmium est, quàm vera legis obedientia quæ est propriè justitia. Unde Psalmista: *Beati quorum remissæ sunt iniquitates, & quorum tecta sunt peccata.* Beatus vir cui non imputavit Dominus peccatum. Omnia enim facta deputantur, inquit Augustinus, quando quicquid non fit ignoscitur: non quod ipsa remissio peccatorum tantum ad consequendam vitam conferat, quantum legis observatio, quæ propriè justitia est & vitæ æternæ meritum: sed quia hoc habet cum illa commune, quod quemadmodum legis obedientia excludit peccatum, quod est vitæ æternæ impedimentum, sic etiam peccatorum remissione efficitur, ut peccata pro non admissis habeantur. Sicut enim in Genesi, Ephraim & Manasses, quos Joseph in Ægypto genuerat, ipsi Jacob reputati dicuntur, non quod essent per omnia pares iis filiis quos Jacob ex se genuerat, sed quia in dividenda hæreditate parem cum eis habituri erant portionem: sic etiam peccatorum remissio dicitur justitia reputari, non quod omni ex parte æquivalet legis obedientiæ quæ propriè justitia est, sed quia hoc habet cum illa commune ut regni cælestis impedimenta secludat. Sed quemadmodum aliud est, esse veraciter legitimo thoro genitum, aliud verò beneficio principis consecutum, ut illegitimus more legitimi patris hæreditatem adeat: sic etiam si propriè & exactè loqui velimus, aliud est ob legis impletionem propriè justum dici & cælesti præmio dignum, aliud verò ob remissionem peccatorum justum reputari & à gloria cælesti non secludi.

*Psalm. 31.  
Lib. 1.  
Retract.  
cap. 19.*

*cap. 48.*

## CAPUT VI.

*Unde aestimari debeat incrementum perfectioque justitiæ.*

Quando itaque de incremento aut perfectione justitiæ differitur, non tantum consideranda est peccatorum remissio, ut is videlicet statim perfecte justus esse dicatur qui nulli peccato tenetur obnoxius: sed multo magis ipsa totius hominis renovatio, quâ lex Dei continuò plenius ac plenius observatur, donec illud perfecte in nobis impleatur quod lex dicit: *Non concupisces*. Et, *Diliges Deum tuum ex toto corde tuo, & tota anima tua, & ex omnibus viribus tuis*. Tunc enim demum perfecte justi erimus, quando accepta omnium remissione peccatorum, corpus animo & totus homo sic Deo obsequetur, ut neque in carne contra rationem, neque in ratione contra legem Dei ulla rebellio comperiatur. Nam sicut ait Augustinus, anima semper in sanctitate proficit, *Contra Julian. lib. 6. cap. 5.* quamdiu magis magisque minuit eas, etiam quibus non consentit, cupiditates. Unde libro de perfectione justitiæ, plenam perfectamque justitiam non infantibus aut adultis rationis expertibus tribuit, qui tamen regenerati baptismo nulli omnino peccato tenentur astricti, sed Sanctis in futura vita, qui potiuntur sanitate perfectâ & totam legis implent justitiam.

## CAPUT VII.

*Quodd licet catechumenus aliquid justitiæ habeat ante baptismum, non tamen rectè justus dicatur nisi post baptismum.*

Licet igitur catechumenus aut poenitens ante remissionem peccatorum aliquid justitiæ habeat; (habet enim fidem: *Si autem fidem habemus*, inquit Augustinus, *aliquid justitiæ habemus*; & in Psalm. 32. *Fides tua justitia tua est*; *De verb. Apost. 16. cap. 7.* & de Prædest. Sanctorum, ex fide idèd dicit justificari hominem, quia ipsa prima datur ex qua impetrantur cætera quæ propriè operâ nuncupantur: habet & bonam voluntatem, id est, vitæ melioris propositum, quod in Scripturis sacris usitatus charitas nuncupatur, quam suprà ostendimus esse justitiam: peccata sua Domino confitetur, id quod etiam justitiæ est initium, sicut testatur Augustinus super epistolam Joannis, dicens: *Cæpisti non defendere peccata tua, inchoasti justitiam, perficietur autem in te quando nihil aliud facere delectabit, quando nulla concupiscentia titillabit*; præterea custodit legis justitiam, quæ ad Dei justitiam usque adeo pertinet ut de ea scriptum sit: *Qui facit justitiam justus est*. Et, *non auditores legis justi sunt apud Deum, sed factores* Rom. 2. *legis justificabuntur*. Et, *si præputium legis justitiam custodiat, judicabit id quod ex natura est præputium, legem consummans, te, qui per litteram & circumcisionem prævaricator es legis*. Et: *si vis ad vitam ingredi, serva mandata*.) quia tamen non habet remissionem peccatorum, sine qua non consistit hujus vitæ justitia, *1 Joan. 1.*

etiam si proposito & vitæ conversatione multos Dei filios superet, nondum potest justus vocari: at verò baptizatus, qui iustificatus à peccatis factus est habitaculum Spiritus sancti, quantumlibet absit à perfectione justitiæ, habeatque adhuc plurimum quo in ea proficiat, tam operatione virtutum, quibus de die in diem renovetur, quàm remissione levium peccatorum, sine quibus ista vita non ducitur & propter quæ justus vix salvabitur, sed in misericordia & miserationibus coronabitur; (neque enim iustificabitur in conspectu Dei omnis vivens, sed quamdiu sumus in hac vita, magis sumus in justificatione constituti, quàm in perfecta aut stabili aliqua possessione justitiæ) tamen propter tantillum justitiæ quod tunc consecutus est, quo non nihil spiritualiter sapit, & mandata Dei sic custodit ut nullum crimen admittat, simul & propter remissionem graviorum peccatorum quæ antè commisit, juxta usum loquendi Scripturæ sacræ, etiam ante Deum justus dicitur: sicut de Zacharia & Elizabeth legimus, quòd erant justi ambo ante Deum, incedentes in omnibus mandatis & justificationibus Domini sine querela. Neque enim existimandum est, quòd sic omnem impleverint justitiam, ut ne de verbo quidem otioso reddituri sint rationem in die judicii, nec opus habuerint dicere: Dimitte nobis debita nostra, sicut & nos dimittimus debitoribus nostris; (siquidem Zacharias è numero sacerdotum fuit, qui juxta constitutionem legis habebant necessitatem quotidie priùs pro suis delictis offerre, sicut ad Hebr. 7. legimus) sed quòd ita incesseant in omnibus mandatis & justificationibus Domini, ut nullum crimen admitterent, ob quod à regno cælorum mererentur excludi. Non enim qualecunque etiam tentationis humanæ, sed grave peccatum est, inquit Augustinus, quod in querelam venit.

## CAPUT VIII.

*Cur in Scripturis sacris rectè justî nuncupentur, qui sine peccato non fuerunt.*

CÆterùm si nec ipse Zacharias, nec alius quivis Sanctorum, qui Scripturæ sacræ testimonio in hac vita fuisse justî prædicantur, absque omni peccato fuerit; sed etiam iis annumerandus fuerit qui cum Joanne Apostolo non minùs veraciter quàm humiliter confessi sunt: Si dixerimus quia peccatum non habemus, nos ipsos seducimus, & veritas in nobis non est; de quibus etiam Psalmista: *Non intres in judicium cum servo tuo, quia non iustificabitur in conspectu tuo omnis vivens*; mirum est quomodo iidem simul justî & peccatores esse potuerint; cùm idem sit, justus sum, (ut inquit Augustinus) quòd peccator non sum. Ad quod respondendum, quòd nullus Sanctorum in hac vita ad tantam justitiæ plenitudinem pertigerit, ut secundùm perfectam justitiæ regulam justus dici mererit, quia nemo ab omni peccato immunis fuit; attamen secundùm modum conversationis humanæ, multi sunt dicti justî, quia post acceptam remissionem peccatorum, & à gravioribus criminibus diligenter abstinerunt, & pro levioribus, sine quibus non vivebant, divinam clementiam instanter imploraverunt; nam quicumque tales fuerint in extremo Dei

Dei judicio, ubi pro bonorum operum meritis etiam ipsa misericordia tribuetur, quâ fiet beatus cui non imputavit Dominus peccatum, non fraudabuntur præmio justitiæ: nec absurdè justi nuncupantur qui tunc à justo iudice hîc præmi fuisse iudicabuntur. Si enim via quæ mathematicè recta non est, ob id tamen convenienter recta imò rectissima dicitur, quia nullam habet curvitatē quæ proficiscentem remoretur; similiter etiam ipsa regula fabrilis, quia tantum habet rectitudinis, quantum fabrilis operi rectè describendo sufficit; cur non etiam verè justus appelletur, qui tantum habet justitiæ, quantum requiritur ut præmio justitiæ non fraudetur, etiamsi non careat omni peccato? Non quodd vox justitiæ similis sit charitati, calori, frigori & similibus, quæ in sua ratione nullam perfectionem includunt: sed quodd primariò dicatur de justitiâ patriæ, quæ secum nullum peccatum compatitur, secundariò verò de justitiâ viæ, quâ ad præmium justitiæ pervenitur, etiam si peccatum non desit. Nam simile quidd invenitur in voce sano, perfecto, pleno, beato, mundo & similibus, de quibus non est hujus loci disserere. Unde Augustinus tractans illud Apostoli: *Quos prædestinavit hos & vocavit, & quos vocavit hos & justificavit; quos autem justificavit, illos & glorificavit*; Proposueramus, inquit, considerare de his quatuor rebus, quidd jam consecuti fuerimus, quidd adhuc adipiscendum expectamus: prædestinati enim jam sumus antequam essemus, vocati sumus quando Christiani facti sumus; jam ergo & hoc habemus. *Justificati quidd? quidd est justificati?* audemus dicere, hoc tertium habere nos? Et erit quisquam nostrum qui audeat dicere, justus sum? puto enim hoc esse, justus sum, quodd est, peccator non sum. Si aude hoc dicere, occurrît tibi Joannes: Si dixerimus quia peccatum non habemus, nos ipsos seducimus & veritas in nobis non est. *Quidd ergo, nihil habemus de justitiâ? an habemus? sed totum non habemus? hoc ergo queramus.* Si enim aliquid habemus & aliquid non habemus; crescat quodd habemus, & implebitur quodd non habemus. Ecce enim baptizati sunt homines, omnia illis peccata dimissa sunt, justificati sunt à peccatis, negare non possumus. Restat tamen lucta cum carne, restat lucta cum diabolo: qui autem luctatur, aliquando ferit, aliquando percutitur; aliquando vincit, aliquando perimitur; quomodo de stadio exeat, attendatur. Si dixerimus, quia peccatum non habemus, nos ipsos seducimus, & veritas in nobis non est: Item, si dixerimus, quia justitiæ nihil habemus, adversum Dei dona mentimur; si enim nihil justitiæ habemus, nec fidem habemus; si fidem non habemus, Christiani non sumus; si autem fidem habemus, jam aliquid habemus justitiæ: Justus enim ex fide vivit; Grati sumus ex eo quodd habemus, ut non perdamus quodd habemus. Ergo & hoc tertium, inquit, jam agitur in nobis; justificati sumus, sed ipsa justitiâ cum proficimus, crescit donec consummetur, non ut finiatur, sed ut perficiatur. Discant igitur hæretici, aliud esse, nondum totam habere justitiâ (quam in hac vita se non habere etiam agnoverunt Apostoli) aliud, nullam in se habere justitiâ, quodd sine ingratitude agnoscere non possunt Christiani; & justitiâ suam non in alienæ justitiæ ludibrio constituent, solâ suâ fide delusi, sed in remissione peccatorum & ea renovatione quæ fidelibus contingit ex gratuito Christi munere, quâ non quidem plene & in omnibus, sed tamen veraciter & in gravioribus, in hac vitæ miseria divinæ legi obediunt. Neque cuiquam in hac mortali vita tribuitur, ut magnum illud justitiæ præceptum per-

Aug. de  
corrupt.  
cap. 13.

Serm. 16.  
de viris  
Apost.  
Rom. 1.



perfectè possit implere: *Diliges Dominum Deum tuum ex toto corde tuo, ex tota anima tua, & ex omnibus viribus tuis*; quia cum ad id summo conatu aspirent omnes Sancti, sine dubio ipsum perfectè implerent, si ejus rei facultatem à Deo acciperent, nec ampliùs orare deberent: Dimitte nobis debita nostra; quia ne carne quidem contra legem mentis concupiscerent. Sed cum quæritur,

*Quæsitio.*

*In fine libri  
de spiritu  
& lib.*

cur Deus (qui eis in hac vita tribuit ut à sceleribus perseveranter abstineant, & leviorum peccatorum multitudinem, quæ quotidianâ infirmitate committunt, continuis precibus, lachrymis, elemosynis, aliisque charitatis operibus operiant,) non etiam conantibus & ad id sese quantum possunt extendentibus tribuat ut hoc justitiæ præceptum perfectissimè implcant: quandoquidem si nunc velis Deus, inquit Augustinus, etiam hoc corruptibile induere incorruptionem, atque hic inter homines morituros, eum jubere vivere minimè moriturum, ut totâ penitus vetustate consumptâ, nulla lex in membris ejus repugnet legi mentis, Deumque ubique præsentem ita cognoscat, sicut Sancti postea cognituri sunt; quis demens audeat affirmare non posse? sed quare non faciat quærunt, inquit Augu-

*Responsio.*

stinus, homines, nec se attendunt esse homines. Hoc igitur in abdito est cur Deus in hac vita multis tribuat, ut cum facilitate & hilaritate à furtis, à rapinis, ab adulteriis abstineant, non autem ut abstinere possint ab omnibus illicitis desideriis, quod etiam daturus est in cælo, cum utrumque Deo sit æquè possibile. Sed quòd in hac vita mortali non tribuat, judicium & correctio est: de qua Hieremias: *Corripe me Domine, veruntamen in judicio, non in furore*: sicut docet Augustinus cum ait: Scio ad correctionem meam pertinere, quòd minus abs te adjuvor, ut perfectè dirigantur gressus mei: veruntamen hoc ipsum noli mecum sic agere, tanquam in furore, quo iniquos damnare statuisti; sed tanquam in judicio, quo doces tuos non superbire.

*Hier. 10.  
De pecc.  
mer. lib. 2.  
cap. 17.*

## C A P U T IX.

*Quòd aliud sit justitia legis, aliud justitia ex lege.*

Nemo tamen suspicetur, cum justitia legis nominatur atque justitiæ veræ pars esse asseritur, quæ sæpius etiam in Scripturis sacris nomine justitiæ simpliciter appellatur, eam justitiam intelligi quæ passim apud Apostolum justitia in lege vel ex lege dicitur, ut cum ait: *Secundum justitiam quæ in lege est, conversatus sine querela*. Et rursus: *ut inveniar in illo non habens meam justitiam quæ ex lege est, sed illam quæ est ex fide Christi*. Et alibi: *Evacuati estis à Christo qui in lege justificamini, à gratia excidistis*. Quia justitia quæ in lege vel ex lege est, id est, ex viribus liberi arbitrii legem agnoscentis sine adjutorio spiritus & gratiæ, non Dei, sed hominis, nec vera & coram Deo, sed apparens duntaxat & coram hominibus est justitia, ex timore pœnæ aut amore mundi proveniens, quæ licet apud homines multum honoris & gloriæ mereatur, tamen apud Deum, qui oculum cordis intuetur, nihil aliud est quàm vera abominatio. Unde Augustinus: *Quotquot, inquit, adjuncto solo adjutorio legis, sine adjutorio gratiæ, confidentes in virtute sua, suo spiritu aguntur, non sunt filii Dei*. Tales sunt de quibus dicit Apostolus, quòd ignorant Dei justitiam, & suam volen-

*Philip. 3.  
Ibidem.  
Galat. 5.*

*De gratia  
& lib. ar-  
bit. c. 12.  
Rom. 10.*

volentes constituere, justitiæ Dei non sunt subiecti. *De Judæis hoc dixit, qui de se præsumebant & gratiam repellebant, edque nec in Christum credebant. Suam verò justitiam dicit eos volentes constituere, quæ est ex lege; non quia lex est ab ipsis constituta, sed in lege, quæ ex Deo est, suam justitiam constituerunt, quando eandem legem suis viribus se implere posse credebant, ignorantes Dei justitiam, non quæ justitiâ Deus justus est, sed quæ justitia est homini à Deo.* Et rursus tractans illud Apostoli: Non habens meam justitiam quæ ex lege est. *Quid est, inquit, non habens meam justitiam quæ ex lege est, cum sua non esset lex ipsa, sed Dei, nisi quia suam dixit justitiam, quamvis ex lege esset, quia suâ voluntate legem se posse putabant implere, sine adjutorio gratiæ quæ est per fidem Christi?* Justitia verò legis vera justitia est, quia vera legis custodia est, nec hominis est, sed Dei: quia illam ex semetipso non præstat homo, sed ex divino adjutorio; a qua etiam coram Deo justitiam dicimur, quando nulli crimini sumus obnoxii: sicuti de Zacharia & Elizabeth legimus, quod erant justii ambo ante Deum, incedentes in omnibus mandatis & justificationibus Domini sine querela. Unde Apostolus: Si præputium, inquit, justitias legis custodiat, nonne præputium illius in circumcisionem reputabitur, & judicabitur id quod ex natura est præputium, legem consummans, se, qui per litteram & circumcisionem prævaricator ex legis? De qua etiam Augustinus: Legem, inquit, veteris testamenti nos ajunt dicere, non ob id datam fuisse ut justificaret obedientes. Prorsus non intelligunt quid de lege dicamus, quia id quod dicit Apostolus, quem non intelligunt, dicimus. Quis enim dicat non justificari eos qui sunt obedientes, quando si non justificarentur non possent esse obedientes? Sed dicimus lege fieri, ut Deus quid fieri velit audiat: gratiâ verò fieri, ut legi obediasur. Et iterum: Putant, inquit, Pelagiani se arbitrii sui viribus adimplere legem jubentem, & istâ implicati superbiâ ad gratiam non convertuntur juvantem. Sic eos litera occidit, aut apertè etiam sibi reos, non faciendo quod præcipit, aut putando se facere quod spirituali, quæ ex Deo est, non faciunt charitate, ita remanent aut apertè iniqui, aut fallaciter justii, in aperta iniquitate evidenter elisi, in fallaci justitia insipienter elati, ac per hoc miro quodam modo, sed tamen verò, justitiam legis non implet justitia quæ in lege est vel ex lege, sed quæ in spiritu gratiæ; hæc tamen Augustinus. Quamvis igitur ad veram justitiam non pertineat justitia quæ in lege vel ex lege est, id est, justitia hominis, quam suis viribus præstat adjutus solâ legis cognitione, (quam Apostolus suam justitiam nuncupat, quia pertinet ad mundi sapientiam quæ stultitiâ est apud Deum) tamen justitia legis, id est, vera legis obedientia legem consummans, quam operatur in nobis spiritus gratiæ quæque in Scripturis sacris non hominis sed Dei sive ex Deo justitia nuncupatur, usque adeò ad veram justitiam pertinet, ut nemo rationis compos justus evadere possit nisi hujus justitiæ particeps fuerit, sine crimine ambulans in omnibus mandatis, aut factò si tempus exigat, aut saltem proposito.

*Ibidem.  
Philip. 1.*

*Quid justitia legis.*

*Luc. 1.*

*Rom. 1.*

*Lib. 3. contra  
Judaos  
epist. Prol.  
cap. 2.*

*Vide etiam  
Ibid. de  
grat. Christi.  
lib. 6. 13.  
Philip. 3.  
1 Cor. 3.*

## CAPUT X.

*Quòd hæretici tria prætendant, ut veram justitiam in sola remissione peccatorum constituent.*

Cum igitur vitæ hujus justitia duabus partibus constet, remissione peccatorum, & operatione virtutum, (quæ posterior justitiæ pars in Scriptura sacra usitatus justitia legis nuncupatur) manifestè intelligitur illos vehementer errare, qui justitiam fidei in sola remissione peccatorum constituunt; sive cum Pelagio existiment, nos per Christi mortem ac fidem, non legis observantiam, sed peccatorum duntaxat remissionem accipere, quæ justitia fidei dici mereatur; sive cum nostri temporis hæreticis arbitrentur, justitiam Sanctorum, quam Scriptura sacra commendat, nulla ex parte in sanctis eorum operibus consistere, etiamsi ex Christi sanguine proveniant, sed tantum in misericordia Dei peccata dimittentis & justitiam filii sui nobis per fidem imputantis, sic, inquirunt, ut Christus pronuntiet nos habere omnes virtutes quas ipse in terris habuit, atque ita coram se justos esse definiat justitiâ alienâ veluti propriâ. Quem suum errorem ex tribus fere capitibus conantur astruere; aut enim prætendunt, (nescio an inscitâ magis an fraudulentâ malitiâ) quæcunque à justis secundum Dei legem fiunt, apud Apostolum vocari opera legis, & pertinere ad justitiam quæ ex lege vel in lege est, quam Apostolus suam nuncupat, & justitiam fidei in sola remissione peccatorum consistere; cum tamen manifestissimum sit, opera legis & justitiam quæ ex lege vel in lege est, non nisi in iis operibus debere intelligi, quæ ex solo legis adjutorio fiunt sine fide, sine auxilio gratiæ, sicut supra satis ostendimus, ipsamque fidei justitiam non minùs in iis operibus reperiri, quæ præparavit Deus ut in illis ambulemus, (sicut ad Hebr. 11. latissimè ostenditur) quàm in remissione peccatorum; aut assument, omnia justorum opera coram Deo vere esse peccata, à quibus non justus sed injustus potius dici mereantur; aut denique ab operibus bonis justum dici non posse, nisi qui ab omni delicto fuerit omnino immunis: id quod olim de justis suis etiam asseruit Pelagius, ut ex Concilio Milevitano manifestum est. Quæ tria capita quoniam multiplicatis & ad nauseam usque repetitis sæpius scripturis, cum aliis quibusdam calumniis in sua Institutione, quam falso nomine Christianam vocat, verbosissimè inculcat Joannes Calvinus, lubet præcipuis ejus argumentis, quæ nodum quæstionis facere videntur, singulatim & paucis respondere.

Sic igitur colligit.

*Primum Argumentum.*

Apostolus non dubitat justitiam in peccatorum remissione collocare, dicens: *Beatus homo*, inquit, à Davide dicitur, *cui Deus accepto fert vel imputat justitiam sine operibus*, sicut scriptum est: *Beati quorum remissæ sunt iniquitates; nam beatus est justus*: igitur nulla est in operibus justitia.

Ref.

Philip. 3.

Ephes. 2.

Cap. 7.

Rom. 4.

Psal. 31.

*Responsio.*

Idem David etiam non dubitat justitiam in legis obedientia collocare, ubi ait: *Beatus vir qui non abiit in consilio impiorum, & in via peccatorum non stetit, Psal. 1. & in cathedra pœnitentiæ non sedit, sed in lege Domini voluntas ejus. Et, Beati Psal. 118. immaculati in via, qui ambulant in lege Domini. Similiter Joannes, ubi ait: Qui 1 Joan. 3. facit justitiam justus est: Et Apostolus Paulus: Non auditores legis justi sunt apud Rom. 2. Deum, sed factores legis justificabuntur. Et Apostolus Jacobus: Qui perspexerit Cap. 1. in lege perfectæ libertatis, & permanserit in ea, non auditor obliviosus factus, sed factor operis, hic beatus in facto suo erit. Nam qui beatus, idem & justus. Quamobrem sicut ex testimoniis quæ citat Calvinus rectè colligitur, justitiam eorum qui recenter ad Deum conversi, nunc primùm indulgentiam peccatorum acceperunt, in remissione peccatorum consistere, licet non solâ; sic etiam ex nostris testimoniis clarissimè ostendimus, justitiam eorum qui acceptâ peccatorum veniâ legem præstiterunt, (sicut Enoch, Noë, Abraham, Moy- Hebr. 11. ses, & cæteri quos ad Hebræos enumerat Apostolus, & de quibus ait, quòd per fidem vicerunt regna, operati sunt justitiam; & Apostolus Jacobus: Vides Jacob. 2. quoniam ex operibus justificatur homo; & non ex fide tantum,) non tantum in remissione peccatorum, sed etiam in operibus virtutum debere intelligi. Quod autem Apostolus ex Psalmis, nullâ operum factâ mentione, etiam beatos pronuntiat quorum remissæ sunt iniquitates & quibus non imputavit Deus peccatum; hoc puto significat, quòd non tantum justî dicendi sunt, qui acceptâ remissione peccatorum, diu in magnis multisque virtutum operibus laudabiliter versati sunt, à quibus justî dicantur, (sicut de Abraham, Zacharia, Elizabeth & aliis multis legimus,) sed etiam qui recenter ad Deum conversi, per baptismum consecuti sunt remissionem peccatorum, etiam illis nondum suffragentur magna multaque opera virtutum, quibus fides eorum consummetur, & à quibus justî dici mereantur. Similiter quod eodem loco dicit Apostolus, David beatum hominem dicere cui Deus accepto fert justitiam sine operibus, non ed spectat ut fideles opera bona negligent, aut ad justitiam nihil facere existiment, sed ut intelligant, quòd non ex operibus justitiæ quæ fecimus nos, scilicet ex nobis antequam crederemus, sed secundum misericordiam suam salvos nos fecit Deus, per lavacrum regenerationis & renovationis Spiritus sancti, tribuens nobis & peccatorum omnium remissionem & deinceps bene conversandi virtutem, ut non tantum à remissione peccatorum, sed etiam ab operibus virtutum justî dici mereamur, sicut de Elizabeth Luc. 1. & Zacharia legimus, quòd erant ambo justî ante Deum, incedentes in omnibus præceptis & justificationibus Domini, sine querela.*

*Secundum argumentum.*

Apostolus dicit se omnia pro stercoreibus reputasse, ut Christum lucrifaceret, & inveniretur in illo non habens suam justitiam, quæ est lege est, sed quæ ex fide Jesu Christi. Item Judæi volentes propriam justitiam statuere, ju- Rom. 10.



stitiæ Dei non sunt subiecti: igitur iustitia operum & iustitia fidei sunt inter se contrariæ.

### *Responsio.*

Hic latenter prætendit Calvinus, quòd initio hujus disputationis primo loco posuimus, nempe omnem operum iustitiam esse iustitiam ex lege, quam Philip. 3. suam dicit Apostolus, omnemque fidei iustitiam, quæ etiam Dei iustitia est, in sola peccatorum remissione consistere: quorum utrumque falsissimum esse comperitur; siquidem vera legis obedientia, quæ operum iustitia est, (de qua ait Apostolus: *Nam quod impossibile erat legi, in quo infirmabatur per carnem, Deus mittens filium suum in similitudinem carnis peccati, & de peccato, damnavit peccatum in carne, ut justificatio legis impleretur in nobis, qui non secundum carnem ambulamus, sed secundum spiritum*) non est iustitia ex lege, sed ex fide & adiutorio gratiæ Christi. Et rursus: Iustitia fidei illorum qui ab Apostolo ad Hebræos tanto numero commendantur, & de qua dicitur quòd Noë accepto responso de his quæ adhuc non videbantur, metuens aptavit arcam in salutem domus suæ, per quam damnavit mundum, & iustitiæ quæ per fidem est hæres est institutus. Item, Sancti per fidem vicerunt regna & operati sunt iustitiam, non à remissione peccatorum, sed ab operibus virtutum commendatur. Iustus enim ex fide vivit. Fatemur ergo iustitiam quæ ex lege est, ab Apostolo inanem reputari, & iustitiæ fidei seu iustitiæ Dei esse contrariam, adeò ut qui iustitiam statueret volunt quæ ex lege est, quam suam vocat Apostolus, iustitiæ Dei non sint subiecti. Sed negamus, omnem operum iustitiam ex lege esse, quia necessum est, ex fide esse eorum operum iustitiam, quæ præparavit Deus Ephes. 2. ut in illis ambulemus, de qua iustitia ait Apostolus, quòd Sancti per fidem vicerunt regna, operati sunt iustitiam; quæ nostra dici non debet, sed Dei & ejus qui factus est nobis sapientia, & iustitia, & sanctificatio, & redemptio; ut quemadmodum scriptum est, qui gloriatur, non in semetipso, sed in Domino gloriatur; quia non ex nobis est, sed ex Deo, à quo accepimus, non tantum remissionem peccatorum, sed etiam opera virtutum, à quibus etiam iusti dici mereamur, sicut Abraham ex operibus iustificatus est, non ex fide tantum.

### *Tertium argumentum.*

Fides omnem gloriationem excludit, si autem maneat operum iustitia, manet gloriandi materia: igitur fides excludit omnem operum iustitiam.

### *Responsio.*

Præcipit Apostolus, ut nemo gloriatur in hominibus, & ut qui accepit non gloriatur quasi non acceperit: sed nusquam fidelibus omnem gloriam adimit, siquidem eadem epist. dicit: *Qui gloriatur, in Domino gloriatur.* Et alibi: *Mibi absit gloriari, nisi in cruce Domini nostri Jesu Christi: omnes enim egent gloriâ*

*gloriâ Dei.* Quanquam igitur fides excludat omnem gloriationem, quâ quis in semetipso gloriatur, aut in alio, (qualem sine dubio habuisset Abraham si ex suis operibus justificatus fuisset, & justitiam suam non ex gratuito Dei munere habuisset, sed illam sibi suâ virtute peperisset, sicut de se gloriatus est Cicero, cum ait: *Ego meis majoribus virtute meâ præluxi;*) attamen non excludit *In Sal.* gloriam gloriationem, quâ justus in Domino gloriatur, fideliter credens & humiliter confitens illum omnis suæ justitiæ largitorem, tam in remissione peccatorum, quam in operibus virtutum. Nam ad justos pertinet, (inquit Augustinus) qui gloriatur, in Domino gloriatur. Hoc enim Apostolus apertissimè ostendit, quicū dixisset, ut non gloriatur omnis caro coram illo, ne putarent Sancti se sine gloria remansisse, mox addidit: ex ipso autem vos estis in Christo Jesu, qui factus est nobis sapientia à Deo, & justitia, & sanctificatio, & redemptio, ut quemadmodum scriptum est, qui gloriatur, in Domino gloriatur. Hinc Apostolus: exclusa est gloriatio tua, quâ scilicet te ipsum glorificabas, præsumens te tuâ virtute legem præstare, non per legem factorum, quam jactabas: sed per fidem, quâ didicisti te non propriâ virtute, sed per adjutorium gratiæ Christi posse legis justitiam præstare. *Decorr. & gratia cap. 12.*

### Quantum argumentum.

Apostolus ait, quod ex lege nemo justificatur, manifestum est, quia justus ex fide vivit; non constaret argumentum, nisi conveniat, in calculum fidei non venire opera. *Galat. 3. Rom. 1. Abac. 2.*

### Responsio.

Hæc ratiocinatio etiam ex primo erroris capite ducit originem; præten-  
dit enim omnem operum justitiam & omne opus rectum ex lege esse, ac proinde  
nullum opus esse ex fide, ex quo justificari queat qui ex fide vivere dicitur. Sed  
hunc errorem manifestissimè refellit Apostolus in epist. ad Hebræos, ubi o-  
stendit Sanctos testamenti veteris, non ex lege, sed ex fide omnia illa esse *Cap. 11.*  
operatos, ex quibus consecuti sunt testimonium justitiæ. Ex fide, inquam,  
quâ non tantum crediderunt se debere Deo obedire, sed etiam à Deo miseri-  
corderi accipere, ut & veraciter obedirent quicunque ei obedirent. Quapro-  
pter etiam si in calculum fidei veniant ea opera, quæ non ex sola legis cogni-  
tione, sed ex fide & adjutorio gratiæ Christi proveniunt, rectissimè constat  
argumentum Apostoli: justus ex fide vivit, & spem justè vivendū non in seip-  
so, sed in Dei ponit auxilio: ergo non justificatur ex lege, hoc est, ex iis  
operibus quæ se suis viribus facere præsumit, adjutus solâ legis cognitione:  
quia neque ejusmodi opera ex fide sunt, neque ex adjutorio gratiæ Christi.  
Cæterum quomodo audeat Calvinus dicere in calculum fidei non venire opera,  
cū fides justificans ex operibus consummetur, & sine operibus inanis sit &  
mortua: in Christo enim Jesu, neque circuncisio aliquid valet, neque præ-  
putium, inquit Apostolus, sed fides quæ per dilectionem operatur: adeo ut  
si habeam omnem fidem, charitatem autem non habeam per quam fides ope-  
retur,

- 1 Cor. 13. retur, nihil mihi profit. Quando igitur ex fide justificari dicimur, tunc in calculum fidei veniunt opera, non quæ homo suis viribus ante fidem operatur, adjutus solâ legis cognitione, sed quæ Deus in illo per fidem operatur, datâ illi bonâ voluntate. Deus enim est qui operatur in nobis velle & facere pro bona voluntate, sicut in Ezechiele promittit dicens: Dabo vobis cor novum, & spiritum novum ponam in medio vestri, & auferam cor lapideum de carne vestra, & faciam ut in præceptis meis ambuletis, & judicia mea custodiatis, & operemini.

*Quintum argumentum.*

Scriptura sacra cùm de fidei justitia loquitur, eò nos ducit, ut ab intuitu bonorum operum nostrorum averſi, in Dei misericordiam ac Christi perfectionem respiciamus.

*Responsio.*

- Scriptura sacra loquens de justificatione, abducit nos ab intuitu eorum operum quæ nostrâ virtute facimus, adjuti solâ legis cognitione, quia hæc non sunt opera justitiæ etiam si foris bona videantur, pertinentque ad justitiam quæ ex lege est, quam Apostolus reputavit ut stercora: sed non abducit nos ab intuitu eorum operum quæ Deus operatur in nobis & quæ præparavit ut ambulemus in eis, quia ejusmodi opera pertinent ad Christi perfectionem, & plenitudinem ejus qui omnia in omnibus adimpletur, ut ait Apostolus. Hinc Ezechias ejusmodi opera recogitans, & intuens non homini, sed Deo, in oratione sua dicebat: Memento quæſo quomodo ambulaverim coram te in veritate & in corde perfecto, & quòd bonum est in conspectu tuo fecerim; exauditaque est ejus oratio. Similiter & Apostolus, ubi ait: Bonum certamen certavi, cursum consummavi, fidem servavi; in reliquo reposita est mihi corona justitiæ, quam videlicet certando & currendo præstiti. Sed hæreticus studens modis omnibus bonis operibus adversari, veram legis obedientiam, quam Deus in nobis operatur, exæquare conatur operibus quæ ex lege & viribus humanis fiunt, sine adjutorio gratiæ; quod quàm vanum sit suprà satis ostendimus.

*Sextum argumentum.*

Peccator nihil reputat sibi nisi miseriam, & totam salutis suæ causam in Deum rejicit: igitur non in bonis operibus, sed in sola peccatorum remissione repositam sibi justitiam cogitat.

*Responsio.*

- De verb. Apostoli  
1 Tim. 4. Nostrum nihil est nisi peccatum, inquit Augustinus, & totam salutis nostræ causam in Deum rejicimus, quia veræ justitiæ fundamentum aliud nemo ponere

nere potest præter id quod positum est, quod est Christus Jesus: attamen gratiam Dei quâ justificamur, non in sola remissione peccatorum constituimus, (sicut olim constituit Pelagius, adversus quem in Concilio Milevitano decretum est, ut quicumque dixerit gratiam Dei quâ justificamur ad solam remissionem peccatorum valere quæ jam commissa sunt, non etiam ad adiutorium ut non committantur, anathema sit:) sed etiam in operatione virtutum; quia sicut Deus utrumque filiis novi testamenti promisit, obedientiam videlicet mandatorum, & peccatorum remissionem: sic utrumque in eis operatur, ut in utroque justitiam eorum constituat, cujus merito ad salutem eos perducatur.

*Septimum argumentum.*

Apostolus ad Rom. ostendit justitiam fidei legis conditionibus esse solutam, ubi ait: Justitiam quæ ex lege est qui fecerit homo vivet in ea; quæ autem ex fide est justitia, &c. si confitearis in ore tuo Dominum Jesum, & in corde tuo credideris quodd Deus suscitavit eum à mortuis, salvus eris: igitur justitia fidei non constat operibus. Rom. 10.

*Responsio.*

Non veni solvere legem, inquit Christus, sed adimplere: & legem non destruimus per fidem, inquit Apostolus, sed legem statuimus; plenitudo enim legis est dilectio; & quod per legem audiebatur & non præstabatur, hoc per fidem & dilectionem adimpletur: quia quod impossibile erat legi, in quo infirmabatur per carnem, hoc factum est facile per incarnationem Christi & adiutorium Spiritus sancti. Quapropter justitia fidei non est sic legis conditionibus soluta, ut legis non debeat præstare justitiam, sed solum soluta est à maledicto legis, à quo nos Christus liberavit, factus pro nobis maledictum, & ab ea justitia distincta, quam homo superbiens se suis viribus præstare præsumit, adjutus solâ legis cognitione sine ullo auxilio gratiæ, cujus præmium est ut in hac vita non occidatur, ubi ab hominibus judicatur, qui solum vident ea quæ foris patent. Sed justitia fidei quam in nobis operatur Deus, & quæ non tantum manifesta, sed etiam occulta decoris abdicat, fide corda purificans, veram & æternam retributionem expectat, quæ licet etiam in veteri testamento præcepta fuerit, tamen ab iis duntaxat præstari potuit, qui suscepto fidei verbo, quod prædicabant Apostoli, eam suis cordibus inscripserunt, & inscribendo facilem sibi reddiderunt. Nec aliud docet Apostolus eo loco quem citat Calvinus, licet rectum ejus sensum in re obscura pervertere conetur. Matth. 5.  
Rom. 7.  
Rom. 13.  
Rom. 8.  
Galat. 3.

*Octavum argumentum.*

Justitia est gratuita: igitur non convenit operibus.

*Res-*



*Responsio.*

Quemadmodum gratuita est peccatorum remissio, in qua Calvinus totam justitiam constituit, sic & gratuita sunt opera, in quibus justitia consistit. *Ephes. 2.* *Dei enim sumus factura*, inquit Apostolus, *creati in Christo Jesu in operibus bonis, quæ præparavit Deus ut in illis ambulemus.* Unde & ipsa vita æterna, quæ justo Dei judicio bonis operibus redditur, etiam gratia dicitur: quia gratuita Dei munera sunt opera quibus ipsa redditur: sicuti latissimè docet Aug. epist. 105. De gratia & libero arb. cap. 8. De correptione & gratia. cap. 13. Imò & ipsa peccatorum remissio quæ ob poenitentiam datur, ut alias causas omittamus, *Epist. 106.* idem etiam gratia est, quia Dei donum est poenitentia cui datur, sicuti ait Augustinus.

*Nonum Argumentum.*

Manifestatur in Evangelio justitia certè non lacera nec dimidia, sed plena & absoluta: lex ergo in ea locum non habet, quia non perfectè impletur in hac vita.

*Responsio.*

In Evangelio plena & absoluta justitia revelatur, tam in remissione peccatorum, quam in operatione virtutum: sed talis justitia in hac vitæ miseria non præstatur, quia in multis offendunt omnes, & semper habent cur dicant: *Jacob. 3.* *Dimitte nobis debita nostra;* nec tamen fraudandi sunt appellatione justorum, quia licet non habeant absolutam & plenam hujus nominis proprietatem, tamen justo Dei judicio, in quo non obliviscetur misereri Deus, expectant veræ justitiæ mercedem, si modò usque ad finem vitæ hujus ab iis operibus abstinant de quibus scriptum est, quòd qui talia agunt regnum Dei non consequentur. Nam si in hac vitæ miseria propter spem salvifacti dicuntur fideles adhuc tam multis calamitatibus obnoxii, quantò magis justii dicendi sunt, etiam si nondum sint in justitia perfecti? Sicut ergo appellationi justitiæ non obstat quorundam leviorum peccatorum, quæ à regno Dei non excludunt, nondum facta remissio, licet in remissione peccatorum sita sit justitia: sic nec eidem appellationi adversatur quorundam mandatorum Dei levior transgressio, etiam si in legis obedientia sita esse dicatur; quia neutrum impedit quominus tandem perveniatur ad veram justitiæ mercedem: sicut suprà latius ostendimus.

*Decimum argumentum.*

*Rom. 1.* Quid sibi amabò volunt istæ locutiones, sine lege manifestatam esse justitiam, justificari gratis hominem, & sine operibus legis.

*Ref-*

*Responsio.*

Hæ locutiones id volunt quod sæpius diximus, nempe quoddam vera Dei justitia, quæ tempore veteris testamenti tanquam pluvia latens in vellere erat occulta, nunc autem tempore novi testamenti, vellere siccato & Judaico populo reprobato, tanquam pluvia in arca patens in filiis promissionis omnibus apparet manifesta. Justitia, inquam, sine lege, id est, non quam suis viribus præstent adjuti solâ legis cognitione, sicut præsumebant superbi Judæi, sed quam illis sine præviis meritis ex gratuita promissione impartitur Deus. Unde etiam gratis justificari dicuntur & sine operibus legis, quia fidem syncceram, peccatorum remissionem, & veram legis obedientiam, in qua Dei justitia consistit, non acceperunt ex aliquo præcedentium suorum operum merito, sed ex gratuito Dei dono, reddentis bona pro malis, & impios ac rebelles ad fidem veram & vitam sanctam misericorditer convertentis. Sed quia hanc doctrinam non recipit Calvinus, idè non intelligit quid sibi velit Apostolus.

*Undecimum argumentum.*

*Per legem cognitio peccati, & lex iram operatur, non justitiam: igitur in operibus non est justitia.* Rom. 3.  
Rom. 4.

*Responsio.*

Scimus lege tantum fieri, ut quid Deus fieri velit audiat: sed quando gratia fit ut legi obediat, tunc negari non debet quin factores legis ex operibus bonisificentur, quæ non operatur lex, sed gratia; quia qui facit justitiam, 1 Joan. 3. justus est. Nec cum Calvino in illud incurrere debemus, quod Catholicis olim improperebant Pelagiani, nempe legem non ob hoc datam fuisse, ut justificaret obedientes, sed ut gravior fieret causa peccati; de quibus Augustinus: Centra 2.  
epist. Pelag.  
lib. 3. c. 2. Prorsus non intelligunt, inquit, quid de lege dicamus; quis enim dicat non justificari eos qui sunt legi obedientes? sed dicimus lege fieri, ut Deus quid fieri velit audiat, gratia verò fieri, ut obediat: *Non enim auditores legis, ait Apostolus, justi sunt apud Deum, sed factores legis justificabuntur.* Rom. 2.

*Duodecimum argumentum.*

*Ei qui operatur non imputatur merces secundum gratiam, sed secundum debitum: Rom. 4.* justitia autem gratuita est: igitur nulla est fidei justitia, nisi ubi nulla sunt opera quibus merces debeat.

*Responsio.*

Ei qui ex semetipso quæ justa sunt operatur, (sicut præsumebant Judæi solâ

Q

legis

legis cognitione adjuti) neque justitia quam operatur, neque justitiæ merces gratia est, sed simpliciter debitum: sed ei in quo Deus per fidem quæ justa sunt operatur, non solum ipsa operum justitia, sed etiam justitiæ merces est gratia. Nam *vita æterna*, inquit Augustinus, *quæ meritis præcedentibus redditur*, (quia eadem merita quibus redditur, à nobis parata non sunt per nostram sufficientiam, sed in nobis facta per gratiam) *etiam ipsa gratia nuncupatur: nec ideo quia meritis non datur, sed quia data sunt & ipsa merita quibus datur*. Propterea nihil prohibet ibi gratuitum reperiri fidei justitiam, ubi sunt bona opera quibus merces debeatur: quia bona opera usque adeo sunt gratuita, ut & merces quæ eis iusto Dei judicio tribuitur, rectè etiam gratia nuncupetur.

*Argumentum decimum tertium.*

Apostolus justitiam & reconciliationem promiscuè nominat, ut 2 Cor. 5: *Deus erat in Christo, mundum reconcilians sibi, non reputans illis delicta ipsorum*. Ad Rom. 4. *Beatus cui non imputavit Dominus peccatum*. Actor. 13. Per hunc remissio peccatorum annuntiatur ab omnibus, à quibus non potuistis justificari in lege Moyse: igitur justitia solum constat remissione peccatorum.

*Responsio.*

Simili ratione colligas, justitiam nihil aliud esse quàm legis obedientiam, quia Scriptura sacra hæc duo sæpius permiscet, ut ad Hebræos cap. 11. *Sancti per fidem vicerunt regna, operati sunt justitiam: Qui facit justitiam, justus est*. Et, *in omni gente qui timet Deum, & operatur justitiam, acceptus est illi*. Et, *Si præputium justitias legis custodiat*. Et, *Deus misit filium suum in similitudinem carnis peccati, ut justificatio legis impleretur in nobis, qui non secundum carnem, sed secundum spiritum ambulamus*. Et, *Factores legis justificabuntur*: & alibi sæpius. Quapropter sicut ex his Scripturis justitiam non in sola legis obedientia ponimus; sic nec Calvinus ex illis prioribus intelligere debet, eam in sola peccatorum venia consistere, sed simul in utroque: sicut etiam manifestè continet ea sententia, quam perfrictâ fronte hoc eodem loco pro suo errore ex Augustino profert; sic enim habet: Justitia tanta est in hac vita, ut magis constet remissione peccatorum quàm perfectione virtutum. Ubi manifestè significat quòd hujus vitæ justitia simul duobus his constet, videlicet remissione peccatorum & perfectione virtutum.

*Argumentum decimum quartum.*

2 Cor. 5. *Eum qui non noverat peccatum, Deus pro nobis peccatum fecit, ut efficeremur justitia Dei in Christo*: igitur non in nobis, sed in Christo est justitia nostra.

*Responsio.*

Sicut paulatim efficiemur justitia Dei in Christo, sic in ipso edocti sumus, oportet.

oportere nos deponere veterem hominem secundum pristinam conversationem, & induere novum qui est creatus in justitia & sanctitate veritatis, ut ait Apost. & tamen hanc doctrinam in nobis habemus, licet non nisi ejus munere, qui factus est nobis sapientia, & justitia, & justificatio, & redemptio: igitur licet paulatim efficiamur justitia Dei in Christo, tamen nihil prohibet quominus renovati spiritu mentis nostræ hanc justitiam in nobis habeamus, quam non nisi illius munere, de cujus plenitudine omnes accepimus. Hoc enim à nobis exigit Apostolus, ut ante omnia expoliamus nos veterem hominem cum actibus suis, & induamus novum qui secundum Deum creatus est; id quod etiam monet Hier. cum ait: *Novate vobis novale, & nolite ferere super spinas.* Cæterum cum hæc Apostoli sententia quam Calvinus protulit, non loquatur de justitia hujus vitæ quæ imperfecta est, sed de justitia regni cælorum, ubi Christus exhibebit Ecclesiam suam gloriosam, non habentem maculam aut rugam, sed omni ex parte, ut justitia dici mereatur, justam & perfectam; minime est quomodo eam protulerit, ut ostenderet fideles non dici justos nisi extrinsecè Christi justitiâ, cum nec ipse ed infantem perductus sit, ut existimet cives regni cælestis, cum erunt justitia Dei in Christo, id est, omnino perfectè justî & æquales angelis Dei, extrinsecè duntaxat fore justos, sed suâ internâ renovatione à perfectâ omnium spinarum eradicatione. Sicut igitur cives regni cælestis erunt justitia Dei in Christo cum erunt omnino perfectè & intrinsecè justî: sic & fideles in hac vita sensim efficiuntur justitia Dei in Christo, quando internâ justitiâ & quotidianâ renovatione, illius munere perficiuntur, etiam si ad summam perfectionem in hac vita non perducantur.

*Argumentum decimum quintum.*

Cum ait Apostolus: *Sicut per inobedientiam unius hominis, peccatores constituti sunt multi: ita & per unius obedientiam justî constituuntur multi:* quid aliud est in Christi obedientia collocare nostram justitiam, nisi asserere eo solo nos esse justos, quia Christi obedientia nobis accepta fertur ac si nostra esset?

*Responsio.*

In ea Apostoli similitudine quam Calvinus pro se protulit, usque aded significatur, nos eo modo in Christo justificari, sicut in Adam peccatores sumus effecti: ut D. Augustinus, adversus eos qui peccatum originis in imitatione constituebant, sic colligat: Sicut ille in quo omnes vivificabantur, præterquam quòd se ad justitiam exemplum imitantibus præbuit, dat etiam sui spiritus occultissimam fidelibus gratiam, quam latenter infundit & parvulis: sic & ille in quo omnes moriuntur, præterquam quòd eis qui præceptum Domini voluntate transgrediuntur imitationis exemplum est, occultâ etiam tabe carnalis concupiscentiæ suæ tabificavit in se omnes de sua stirpe venientes: sed Calvinus fatetur ingenuè, nos in Adam verè & intrinsecè factos esse peccatores: igitur ex hac Apostoli similitudine non solum non evincit quod præten-



dit, videlicet nos à Christi justitia extrinsecè duntaxat justos dici, sed etiam nobis imprudens suggerit quid adversùs eum proferre debeamus, ut hinc apertum ejus errorem manifestissimè revincamus. Sic enim rectissimè colligimus: sicut per inobedientiam unius hominis peccatores constituti sunt multi, ita & per unius obedientiam justì constituantur multi: sed per unius inobedientiam multi constituuntur intrinsecè peccatores, insecti occulta tæbe concupiscentiæ: igitur per unius obedientiam multi constituuntur intrinsecè justì, renovati occulta inspiratione gratiæ. Ad extrinsecam justificationem comprobandam, cuiuspiam fortasse vicinior videretur ea similitudo quam adjecit de Jacob occultato sub habitu fratris sui Esau, volens significare nos manentes iniquos sic indui justitià Christi, sicut Jacob manens qualis erat indutus est vestibus Esau; nisi ex sacris Scripturis didicissemus, nos Christum induere non tantum remissione peccatorum, quasi videlicet peccata in nobis permanentia remittantur, sed etiam operatione virtutum, quâ vitii exuti veram & intrinsecam justitiam induimus, juxta illud: Induimini Dominum nostrum Jesum Christum, & carnis curam ne feceritis in desideriis. Et rursus: Hoc igitur dico & testificor in Domino, ut jam non ambuletis sicut & gentes ambulant. Renovamini autem spiritu mentis vestræ, & induite novum hominem, qui secundum Deum creatus est, in justitia & sanctitate veritatis, &c. Induite ergo vos, sicut electi Dei sancti & dilecti, viscera misericordiæ, benignitatem, humilitatem, modestiam, &c. Et ideo nec hæc similitudine efficit quod prætendit.

Rom. 13.

Ephes. 4.

Colos. 3.

*Argumentum decimum sextum.*

Deo nihil acceptum est, nisi omni ex parte integrum & absolutum nullaque forde coinquinatum: sed in homine nihil tale reperitur: igitur in homine nullum invenitur opus justitiæ à quo justus dici queat, sed tantum in Christo.

*Responsio.*

Hic aggreditur Calvinus quod suprà secundo loco ab hæreticis diximus prætendi, ut persuaderent Sanctos non aliquo sibi opere intrinseco justos fuisse, sed solà peccatorum remissione & extrinsecà Christi virtute: nempe omnia Sanctorum opera peccata esse, à quibus nemo justus dicitur, sed magis injustus. Verum huic suæ subsumptioni mirâ oblivione, seu potius cæcitate præmisit, quodd Deo nihil acceptum sit nisi ex omni parte integrum & absolutum nullaque forde inquinatum; quia in Scripturis sacris plurima Deo placere & accepta esse legimus, secundum quod prædixit Malachias: *Placebit Domino sacrificium Jude & Hierusalem sicut dies sæculi, & sicut anni antiqui.* Ait enim Sapiens: *Sapientia custodiet me in potentia sua, & erunt accepta opera mea.* Et rursum ab Epaphrodito quæ missis, in odorem suavitatis, hostiam acceptam, placentem Deo. Et rursum: *Obsecro igitur primum fieri obsecrationes, orationes, postulationes, gratiarum actiones pro omnibus hominibus, &c. hoc enim bonum est & acceptum*

Malach. 3.

Sapient. 9.

Eccl. 35.

Philip. 4.

1 Tim. 2.

coram salvatore nostro Deo. Et iterum: Si qua vidua filios habet aut nepotes, discant primum domum suam regere, & mutuum vicem reddere parentibus: hoc enim acceptum est coram Deo: & alia multa; quæ si definitivæ illi sententiæ jungamus, quâ dicit Calvinus nihil Deo esse acceptum, nisi omni ex parte integrum & absolutum nullâque sorde inquinatum, quis non statim intelligat evidentissimè sequi, hæc quæ Scriptura sacra Deo fuisse accepta commendat, omni ex parte integra fuisse & absoluta nullâque sorde inquinata? Fatemur ergo nihil Deo esse acceptum, nisi quod nullâ sorde peccati est inquinatum, quia peccata Deo accepta esse non possunt: sed negamus omnia Sanctorum merita esse aliquâ peccati sorde inquinata, quia ex Scripturis sacris, quæ multa Deo accepta fuisse testantur, contra Calvinum manifestissimè colligimus, ipsa nullâ peccati sorde fuisse inquinata: nam si aliquâ sorde inquinata fuissent, etiam Calvino teste, Deo accepta non fuissent, nec ad patientiam pertinerent, de qua scriptum est, quod opus perfectum habet.

Jacobi 1.

Sed objicitur: Sancti nunquam carent concupiscentiâ malâ: igitur quæcunque spiritu Dei operantur, necessarium est concupiscentiâ malâ inquinentur.

### Responsio.

Fieri potest, inquit Augustinus, ut insit concupiscentia mala, & nullâ sit tentatione commota, sicut insit timiditas homini timido & quando non timet. Quapropter ea quæ in Sanctis absque omni commotione inhabitantis concupiscentiæ à Spiritu sancto fiunt, necessum est ut nullâ sorde inquinentur, nisi dicere velimus Spiritum sanctum esse inquinamenti authorem. Non enim vos estis qui loquimini, inquit Christus, sed Spiritus sanctus qui loquitur in vobis: & Spiritus sanctus postulat pro nobis gemitibus inenarrabilibus; & alia sexcenta, quæ passim in Scripturis sacris reperiuntur. Quando verò nolentibus Sanctis, bonis eorum operibus ingerit se aliquid malæ cupiditatis quod mundum dici non potest, adhuc tamen mundum est quod operantur, seu quod Spiritus sanctus per eos operatur; quia malum illum cupiditatis affectum, neque spiritus Christi, neque ipsi in semetipsis operantur, sed quod habitat in eis peccatum. Quapropter Apostolus non tantum dixit, conjugium honorabile in omnibus, sed addidit, torus immaculatus, ut significaret etiam illud opus quod constat non posse carere concupiscentiæ malo, posse tamen carere peccato: nimirum si concupiscentiæ nulla ex parte consentiatur: quia nihil est damnationis in iis qui sunt in Christo Jesu, quinon secundum carnem ambulant. Ubiverò Sanctis aliqua ex parte consentientibus, bonis eorum operibus aliquid malæ cupiditatis accedit, sic ut faciat sinistra quid faciat dextra, tunc sine dubio quæ alioqui bene fiunt, ratione circumstantiæ aliqua ex parte contaminantur. Sed absit ut talia sint omnia Sanctorum opera; qui Deum ex toto corde quæsisse leguntur, & multa Deo accepta fecisse, licet vitam hanc mortalem absque peccatis non transegerint, quæ Deus illis quotidie pacto dominicæ orationis indulgeret.

Lib. 6. contra Iulian. cap. 1.

Matth. 10.

Rom. 8.

Hibr. 13.

Rom. 8.

*Argumentum decimum septimum.*

*Ang. lib. 1. contr. duas epist. Pelag. cap. 5. 1 Tim. 2.* Omnium piorum sub hoc onere corruptibilis carnis & in hac vitæ infirmitate gementium una spes est, quod mediatorem unum habemus Jesum Christum, & ipse est exoratio pro peccatis nostris: si unica hæc illis spes est, ubi operum fiducia.

*Responsio.*

*Lib. 2. de pec. mer. cap. 3. Jacob 2.* Et si Sancti in hac vita plurima bona opera faciant, tamen propter delicta sine quibus non vivunt, in die judicii nulla esset illis salutis fiducia, nisi ob misericordiam, quam in hac vita faciunt, sperarent judicium cum misericordia: sicut a pertissimè docet Augustinus: Quis, inquit, cum aliqua spe adipiscendæ salutis æternæ de hac vita migraret, manente illâ sententiâ, quod quicumque totam legem servaverit, offendit autem in uno, factus est omnium reus, nisi post paululum sequeretur: Sic loquimini, & sic facite, tanquam per legem libertatis incipientes judicari? Judicium enim sine misericordia illi, qui non facit misericordiam: superexultat autem misericordia judicio. Quamquam igitur *1 Joan. 3.* magna sit in operibus fiducia, de qua ait Joannes: Charissimi, si cor nostrum non reprehenderit nos, fiduciam habemus ad Deum; & quicquid petierimus, accipiemus ab eo, quoniam mandata ejus custodimus; de qua etiam Tobias; fiducia magna erit coram summo Deo elemosyna omnibus facientibus eam: tamen quia occultis Dei legibus constitutum est, ut nulla sit iniquitas impunita, nisi quam sanguis mediatoris expiaverit, rectè docet Augustinus, quod propter peccata sine quibus hæc vita non ducitur, omnium Sanctorum in hac carnis infirmitate gementium una spes est, quod Christus sit nostrorum propitiator peccatorum: sed hanc propitiationem frustra sperarent Sancti, si in hac vita nulla bona opera facerent, propter quæ hanc misericordiam sperarent; quia judicium sine misericordia erit illi, qui non facit misericordiam. *Jacobi 2.* Sed quod pro leviorum peccatorum remissione, quæ etiam in judicio necessaria erit, dicit Augustinus, hoc ad bonorum operum injuriam torquere conatur hæreticus.

*Argumentum decimum octavum.*

*Serm. 61. super Cantica.* Meritum meum, inquit Bernardus, miseratio Domini est: igitur nullum est meritum, nisi remissio peccatorum.

*Responsio.*

Divus Bernardus eo sermone nos monet, ut non cantemus opera justitiæ, quæ fecimus nos, scilicet ex nobis, sed justitias Dei solius, cujus misericordia & Sanctos prævenit ut velint, (nam attrahit eos miserans) & subsequitur ne frustra velint: sed Calvinus verbis ejus insidians, miserationem Domini non in

in operibus justitiæ cum fidelibus intelligi voluit, sed cum Pelagio in sola peccatorum remissione; quod quàm alienum sit à doctrina Apostolica jam sæpius ostendimus.

*Argumentum decimum nonum.*

Si justificare me voluero, os meum condemnabit me: quando igitur opera Job. 9. suâ dignitate censentur, non sunt nisi iniquitates & sordes.

*Responsio.*

Quia in hac vita mortali sine peccato non vivitur, idè quisque Sanctorum ex perfecta & exacta justitiæ regula sese metiens, quæ requirit ut justus ab omni peccato sit immunis, etiamli multorum bonorum opum sibi conscius sit, justum se tamen pronuntiare non audet: quia simul intelligit, quantùm sibi ad perfectam justitiam desit: sed quod dictum est propter delicta sine quibus non transigitur hæc vita, id Calvinus conatur extendere ad universa Sanctorum opera; quod quàm sit vanum facilè quivis intelligit. Et licèt omnes nos quasi oves erraverimus, unusquisque juxta viam suam, sicut ex Esaia commemorat; tamen qui juxta Petri testimonium conversi sunt nunc ad pastorem & episcopum animarum suarum, per eum qui venit quærere & salvum facere quod perierat, deducuntur super semitas justitiæ.

*Isai. 53.  
1 Pet. 2.*

*Luc. 19.  
Psalm. 22.*

*Argumentum vigesimum.*

Nulla humiliandi nostri ratio est, nisi ut toti inopes & vacui Dei misericordiæ locum demus.

*Responsio.*

Duplex est humiliandi nostri ratio: altera quâ nos veraciter agnoscimus, & humiliter confitemur non esse quod non sumus, sicut Publicanus agnovit & humiliter confessus est se justitiam non habere quâ carebat, profitendo se peccatorem: altera verò quâ agnosimus, unde accepimus quod nos habere sentimus, dicentes cum Apostolo: Nos enim non spiritum hujus mundi accepimus, ut videlicet superbè nobis tribuamus quod accepimus, sed spiritum qui ex Deo est; ut sciamus quæ à Deo donata sunt nobis. Hoc posteriori modo, auditis divinis muneribus sibi datis, humiliavit se virgo Maria, cùm ait: Magnificat anima mea Dominum: & exultavit spiritus meus in Deo salutari meo; quia fecit mihi magna qui potens est, & sanctum nomen ejus. Licèt enim melior sit, inquit Augustinus, qui novit à quo speret quod nondum habet, quàm qui sibi tribuit quod habet: attamen utrique horum præferendus est qui & habet & novit à quo habet. Et rursus: Arguens, inquit, superbiam Apostolus, non ait: Non habes; sed ait: Quid enim habes quod non accepisti? Non argueris quod dicebas te habere quod habebas: sed quia ex te tibi volebas esse quod habebas: imò & habere te agnosce, & ex

*Luc. 18.*

*1 Cor. 2.*

*Luc. 1.*

*De spirit. & litt. cap. 13.*

*In Ps. 85.*

*1 Cor. 4.*

*se nihil habere, ut nec superbus sis, nec ingratus.* Quanquam igitur rectè commendetur Publicani humilitas, qui se quod non erat veraciter & humiliter non esse confessus est: attamen vituperanda esset Sanctorum ingratitudo, si affectantes videri esse humiles, id se esse negarent quod Deo miserante acceperunt: sed necessum est ut & se habere confiteantur quod habent, & ex se non habere, ne cum Cassiano & discipulo ejus Calvino, veritatem humilitatis in mendacio constituent.

*Argumentum vigesimum primum.*

**Luc. 18.** Publicanus legitimæ humilitatis imaginem nobis repræsentavit, ex adverso Phariseus, quamvis apertâ confessione agnoscit Dei donum esse quam habebat justitiam, quia tamen se justum esse confidit, discedit à facie Dei ingratus & odiosus: igitur justitia non in operibus, sed in sola remissione peccatorum consistit.

*Responsio.*

Humilitatem Publicani, quâ se agnovit non esse quod non erat, hoc est, Dei oculis non esse dignum, non immeritò probamus, præsertim quia nulla suppetebant ei bonorum operum suffragia, in quibus Deum glorificare posset. Sed nec improbanda est beatæ Mariæ humilitas, quæ ab Elizabeth prædicata, non in alienis laudibus se extulit, sed Deum in suis muneribus glorificavit. Quia sicut Publicanus humiliter agnovit se non esse quod non erat: sic & ista humiliter se accepisse confessa est quod acceperat. Nec improbatur Phariseus, quia de his quæ habebat Deo gratias agebat, (si tamen habebat quæ se habere jactabat,) sed quia velut saturatus, inquit Augustinus nihil sibi addidit justitiam jam petebat, & quia Publicano esurienti & sitienti justitiam, quasi ipse jam plenam haberet, per superbiam insultabat; denique quia Deum tantum usque ad se divitem esse volebat, nec idem etiam Publicano postulabat. Nam si ex eo displicuisset, quoddam de justitia quam verè habuisset gratias Deo egisset, tunc multo odiosior fuisset Ezechias, quando fiduciam habens accipiendi à Domino petitionem quam postulabat, quia mandata ejus custodierat & quæ sunt placita coram eo fecerat, oravit dicens: Obsecro Domine, memento quæso quomodo ambulaverim coram te in veritate & in corde perfecto, & quod placitum est coram te fecerim. Et tamen non discessit à facie Domini ingratus & odiosus, sed audivit Deus orationem ejus, & sanavit eum, addidit quoque diebus ejus quindecim annos, sicut Scriptura sacra testatur. Similiter & Apostolus Paulus, cum ait: *Gloria nostra hæc est, testimonium conscientie nostræ, quod in simplicitate cordis & sinceritate Dei, & non in sapientia carnali, sed in Dei gratia conversati sumus in hoc mundo, abundantius autem ad vos;* non recedebat à veræ humilitatis imagine, nec cum Phariseo in se quoddam justus esset confidebat, quia cum timore Deo serviebat, & exultabat ei cum tremore, castigans corpus suum & in servitutem redigens, ne fortè cum aliis prædicasset, ipse reprobis efficeretur: imò recedit potius Calvinus ipse cum suis discipulis,

*De pecc.*

*mer. lib. 2.*

*cap. 5.*

*De spir. &*

*lib. cap. 13.*

*Aug. lib.*

*50. num. 2.*

*4 Reg. 20.*

*2 Cor. 1.*

*Psal. 2.*

*1. Cor. 9.*



lis, qui usque adeò in se confidunt quòd justì sint, ut non tantùm de præsenti justitia, sed etiam de futura gloria se certos & securos esse pronuntient. Ex quo sanè non immeritò conjicimus, quòd postquam nemine jubente ex loco infimò nunc superiùs ascenderunt, & ex damnatorum miseria sese in electo- Luc. 14.  
rum fastigia transulerunt, cæteros sibi dissimiles despiciant, & tanquam perditos aut de futuro salute dubios contemnant, ut superbum Phariseum, non quidem vivendi probitate, cui passim adversantur, sed luxuriandi licentiâ & præsumptione superbiæ incomparabiliter superent.

### *Argumentum vigesimum secundum.*

Curandum est ut Domino illibata constet sua gloria: conscientis verò nostris coram ipsius judicio placida quies & serena tranquillitas: igitur in operibus bonis nulla statuendâ est justitiæ fiducia.

### *Responsio.*

Non potest Domino sua gloria constare illibata, si tantùm glorificetur in remissione peccatorum: quia tunc ab ea gloria excluditur, de qua ait Christus in Evangelio: Sic luceat lux vestra coram hominibus, ut videant opera vestra bona, & glorificent patrem vestrum qui in coelis est; de qua & Apostolus: *Ex ipso autem vos estis in Christo Jesu, qui factus est nobis sapientia, & justitia, & sanctificatio, & redemptio, ut, quemadmodum scriptum est, qui gloriatur in Domino gloriatur; & quâ glorificavit eum Psalms. 118. 14. ita, dicens: Quoniam tu es patientia mea, Domine, spes mea à juventute mea.* Quapropter si Calvinus non simulatè, sed verè studet Domino gloriam suam integram servare & illibatam, necessum est ut patiat eum glorificari, non tantùm in remissione peccatorum, sed etiam in bonis operibus. Sanctorum, in quibus eos creavit, & quæ præparavit ut in illis ambulent: Ephes. 2.  
quæ valde impia sunt & divinæ gloriæ contraria quæ hîc contendit Calvinus, nempe Deum in operibus bonis quæ facit non debere glorificari, & ipsa esse opera injustitiæ. Porro licet ad placidam quietem & serenam conscientiæ tranquillitatem necessaria sit præcedentium remissio peccatorum, (juxta illud Apostoli: *Justificati ex fide pacem habemus ad Deum; & Gloria in excelsis Deo, Rom. 5. & in terra pax hominibus bonæ voluntatis,*) tamen quantum illam in fidelibus sanctis adjuvet vitæ bene actæ recordatio satis ostendit Joannes, cum ait: *Charissimi, si cor nostrum non reprehenderit nos, fiduciam habemus ad Deum, & quicquid petierimus, accipiemus ab eo: quoniam mandata ejus custodimus, & quæ præcepta sunt coram eo facimus.* Similiter Apostolus Paulus: *Gloria nostra, inquit, hæc est, testimonium conscientiæ nostræ, quòd in simplicitate cordis & sinceritate Dei, & non sapientia carnali, sed in gratia Dei conversati sumus in hoc mundo.* Sed Calvinus volens discipulos suos de felicitàte æterna securos facere, & eis non fiduciam bonam, sicut habent Sancti in loco certaminis, sed plenam securitatem tribuere, qualem videlicet finito certamine suis daturus est Christus in loco pacis, securitatis suæ fundamentum in arena collocat, docens ad hanc

sufficere, si Christi verba audiantur & credantur, etiam si opere non impleantur.

*Argumentum vigesimum tertium.*

Adversus Deum gloriatur quicumque in se gloriatur: igitur in operibus nulla est iustitia

*Responsio.*

- Rom. 3. | Omnes peccaverunt, & egent gloria Dei, non suâ: sed sicut non in se gloriatur qui se proficitur habere fidem, quia illi gloriam tribuit qui fidem dedit, sic nec in se gloriatur qui se fatetur habere opera iustitiæ, quia illi totam gloriam tribuit, à quo se illa accepisse humiliter agnoscit: sicuti agnoscebat qui dixit:
- 1 Cor. 15. Plus omnibus laboravi, non ego, sed gratia Dei mecum, seu in me. Et, Non audeo
- Rom. 15. aliquid loqui eorum, quæ per me non effecit Christus. Id quod eum docuerat qui dixit:
- Matth. 10. Non vos estis qui loquimini, sed Spiritus sanctus qui loquitur in vobis.

*Argumentum vigesimum quartum.*

- Rom. 4. Si ex lege hæreditas, exinanita est fides, abolita est promissio: igitur in operibus nulla est fiducia iustitiæ.

*Responsio.*

- Hic rursus præsupponit Calvinus quod suprà satis explosimus, omnem legis obedientiam ab Apostolo vocari iustitiam ex lege, cum tamen manifestissimum sit, Sanctos qui per fidem operati sunt iustitiam, non ex lege, sed ex fide vixisse, & iustitiæ quæ per fidem est hæredes fuisse institutos, sicuti ad Hebræos legimus. Ac proinde licet exinanita sit fides & abolita promissio si ex lege sit hæreditas, tamen salva & integra permanet si ex operibus fidei esse dicatur, quæ ipsi fidei cooperantur & ex quibus fides ipsa consummatur, sicuti ait Jacobus Apostolus.
- Cap. 11.
- Cap. 20

*Argumentum vigesimum quintum.*

Scriptura docet, non esse firmas promissiones nisi certâ conscientie fiduciâ accipiantur: sed conscientia vacillat & fluctuat si operibus incumbamus: igitur si opera in considerationem veniant, perit promissio: ex quo ulterius inferit, quodd sola fides locum habeat, quæ nos soli promissioni intentos faciat, & cogitationem avertat ab omni hominis dignitate.

*Responsio.*

- Rom. 11. In se & coram Deo semper certa est nec ulla ex parte rescinditur divina promissio; quia sine poenitentia sunt dona Dei & vocatio, id est, sine mutatione immobiliter fixa, inquit Augustinus, Nam manet prorsus & quotidie impletur,
- inquit

inquit Prosper, quod *Abraham Dominus sine conditione promissit, sine lege donavit.* *De praeceptis, San. c. 16.*  
*Quia et si quidam quibus hæc prædicata sunt non crediderunt, incredulitas eorum si-* *Lib. 1. de*  
*dem Dei non evacuavit.* Et licet Hymenæus & Philetus à veritate exciderint, *voc. gens.*  
 tamen firmum Dei fundamentum stat, inquit Apostolus: Habens signaculum *cap. 3.*  
 hoc, novit Dominus qui sunt sui. Nam quos præscivit, hos & prædestinavit con- *2 Tim. 2.*  
 formes fieri imaginis filii sui: quos prædestinavit, hos & vocavit: & quos vo- *Rom. 8.*  
 cavuit, hos & justificavit: quos autem justificavit, illos & glorificavit. Unde  
 meritò sequitur vox, non ad quemque fidelem, sicuti pueriliter imaginatur  
 Calvinus, sed ad regnum electorum, inquit Augustinus: Si Deus pro nobis, *Inst. Cal.*  
 quis contra nos. Quàm fortis autem perseverantiæ usque in finem munus acce- *c. 5. fig. 9.*  
 perint, sequantur, & dicant: Quis nos separabit à charitate Christi? tribu- *De cor. &*  
 latio, an angustia, an persecutio? Certus sum enim, quòd neque mors, ne- *gra. cap. 7.*  
 que vita, neque angeli, neque principatus, neque creatura alia poterit nos se-  
 parare à charitate Dei, quæ est in Christo Jesu Domino nostro.

Cæterùm ad quos fundamentum hoc, id est, firmissima promissio & di-  
 vine bonitatis immutabilis electio pertineat, quamdiu in hac vita sumus Deus  
 nobis esse voluit occultum; adèd ut propter hujus utilitatem secreti, etiam per-  
 severaturis Sanctis sic in Scriptura sacra locutus sit, quasi eos perseveraturos ha-  
 buisset incertum. „Quia hoc non aliter audire debent, inquit Augustinus, *De cor. &*  
 „quibus expedit non altum sapere, sed timere. Quis enim ex multitudine fi- *gratia cap.*  
 „delium, quamdiu in hac mortalitate vivitur, in numero prædestinatorum *13.*  
 „se esse præsumat? quia id occultari opus est in hoc loco, ubi sic cavenda est *Rom. 11.*  
 „elatio, ut etiam per satanæ angelum, ne extolleretur, tantus colaphizare- *Joan. 8.*  
 „tur Apostolus. Hinc & Apostolis dicebatur: *Si manseritis in me;* dicente  
 „illo qui illos utique sciebat esse mansuros; & per prophetam, *Si volueritis* *Esa. 1.*  
 „& audieritis me; cum sciret ipse in quibus operaretur & velle; & similia mul-  
 „ta dicuntur propter hujus utilitatem secreti, ne fortè quis extollatur: sed  
 „omnes etiam qui bene currunt timeant, dum occultum est quòd perveniant:  
 „Propter hujus ergo utilitatem secreti credendum est, quosdam de filiis perdi-  
 „tionis, non accepto dono perseverandi usque in finem, in fide quæ per di-  
 „lectionem operatur incipere vivere, & aliquamdiu fideliter ac justè vivere,  
 „& postea cadere, neque de hac vita priusquam hoc eis contingat auferri.  
 „Quorum si nemini contigisset, tam diu haberent homines istum saluberri-  
 „mum timorem, quo vitium elationis opprimitur, donec ad Christi gratiam,  
 „quæ piè vivitur, pervenirent, deinceps jam securi nunquam se ab illo esse  
 „casuros. Quæ præsumptio in isto temptationis loco non expedit, ubi tanta  
 „est infirmitas, ut superbiam possit generare securitas. Denique etiam hoc  
 „erit: sed tunc quòd jam est in angelis, etiam in hominibus erit, quando ulla  
 „superbia non erit. Et rursus: Hominibus videtur, omnes qui boni appa- *De bono*  
 „rent fideles, perseverantiam usque in finem accipere debuisse: Deus autem *perseve.*  
 „melius esse judicavit, miscere quosdam non perseveraturos certo numero *cap. 8.*  
 „Sanctorum suorum, ut quibus non expedit in hujus vitæ temptatione securi-  
 „tas, non possint esse securi. Et infra: Idèd quippe, sicut jam suprà diximus, *Cap. 11.*  
 „inquit, non perseveraturi perseveraturis prudentissimà Dei voluntate mis-  
 „centur, ut esse discamus non alta sapientes, sed humilibus consentientes,

Rom. 12. „ & cum metu & tremore nostram ipsorum salutem operari. Ac rursus: Se-  
 Philip. 2. „ curus es, inquit, de Deo quod non mutatur, de homine autem impruden-  
 De catechi. „ ter securus es. Et alibi: Quod Joannes in Apocalypsi addidit: Signavit super  
 rudi. c. 25. „ eum: significasse mihi videtur, inquit, quod occultum esse voluit, qui per-  
 De civit. „ sineant ad partem diaboli, & qui non pertineant. Hoc quippe in sæculo  
 Dialib. 20. „ isto prorsus latet, quia & qui videtur stare utrū sit casurus, & qui vide-  
 sap. 7. „ tur jacere utrū sit resurrecturus incertum est; hæc tamen Augustinus.  
 Apoc. 20. „ Quamquam igitur in hac vitæ miseria improbari debeat, & quantum fieri po-  
 „ test etiam per fidei vigorem, Deo nos confortante, timor ille secludi qui ex  
 humana infirmitate & divinarum promissionum aut potentiae diffidentia nasci-  
 tur; qualis in Petro fuit, cum descendens de navicula, ambulabat super a-  
 quam ut veniret ad Jesum: videns verò ventum validum timuit, & cum cœ-  
 pisset mergi, clamavit dicens: Domine salvum me fac; & continuò Jesus ex-  
 tendens manum suam, apprehendit manum, & ait: Modicæ fidei, quare  
 dubitasti? Similiter in patre pueri lunatici, cum ait Christo: *Si quid potes,*  
 Matt. 14. „ *adjuva nos, misertus nostri:* nam Jesus ait illi: *Si potes credere, omnia possibilia*  
 „ *sunt credenti:* tamen secundum Scripturas sacras non modò licitum est, sed &  
 præceptum, ut alterius generis timore variis de causis timeamus, & de nostra  
 salute securi non simus. Prima est, ne fortè delictum aliquod nobis dimissum  
 non sit, quod tamen remissum esse putamus; ait enim Sapiens: De propitia-  
 to peccato noli esse sine metu. Secunda est, ne fortè coram Deo tales non simus  
 quales nos esse præsumimus: Præsum enim est cor hominis & inscrutabile;  
 Hier. 17. „ quo fit ut licet justi sint, & sapientes, opera tamen eorum in manu Dei sint, ut  
 Eccli. 9. „ inquit Sapiens: *Et nescit homo utrū amore an odio dignus sit.* Unde Apostolus:  
 1 Cor. 4. „ *Mibi autem pro minimo est, ut à vobis judicer, aut ab humano die. Sed neque me ip-  
 „ sum judico; nihil mihi conscius sum, sed non in hoc justificatus sum: qui autem judicat*  
 „ *me, Dominus est. Itaque nolite ante tempus judicare, (nec alios videlicet, nec*  
 „ *vos ipsos,) quoadusque veniat Dominus, qui & illuminabit abscondita tenebrarum,*  
 „ *& manifestabit consilia cordium.* Quia quandiu hic vivimus, inquit Augustinus,  
 Lib. 50. „ de nobis ipsis judicare non possumus: non dico quid cras erimus, sed quid ho-  
 Genil. 35. „ die simus. Unde Job: *Verebor,* inquit, *omnia opera mea, sciens quod non par-*  
 Job. 9. „ *ceres delinquenti.* Tertia causa timoris est, quod qualescunque nunc simus,  
 Psal. 2. „ nescimus tamen quales postea futuri sumus; de qua Psalmista: *Servite Domino*  
 „ *in timore, & exultate ei cum tremore: ne quando irascatur Dominus, & pereatis*  
 „ *de via justa.* Similiter & Apostolus Paulus: *Qui se existimat stare, videat ne*  
 1 Cor. 10. „ *cadat.* Et rursus: *Timeamus ergo ne fortè relictâ pollicitatione introeundi in requiem*  
 Hebr. 4. „ *ejus, existimetur aliquis in nobis deesse.* Et Joannes in Apocalypsi: *Tene quod habes,*  
 Cap. 3. „ *ut nemo accipiat coronam tuam; & alia multa, quorum nonnulla etiam su-  
 „ pra commemoravimus. Nec existimandum est, per hanc saluberrimam tim-*  
 „ *oris speciem, quâ in hoc vitæ stadio, ubi adhuc currentium incerta per-*  
 „ *ventio est, etiam à bene currentibus non immeritò trepidatur, (juxta super-*  
 „ *bium & imperitum Calvinii commentum) nihil securitati decedere. Primùm*  
 „ *quidem, quia timor iste ex incertitudine provenit, qui non consistit cum se-*  
 „ *curitate. Deinde, quia ad hoc etiam bene currentibus & per bona opera*  
 „ *certain suam vocationem facere satagentibus, à Deo immittitur ne currendo*  
 „ *securi-*



securitate fruuntur, & ex securitate superbia generetur, sicut suprà ex Augustino clarissimè monstravimus; quia infirmis animis periculosissimus hostis est securitas. Et denique, ut ait Prosper sentent. 181. non ejusdem est temporis labor pugnae & beatitudo victoriarum, sed alia debet esse certantium, alia eorum qui victores evaserunt conditio. Unde August. epist. 119. alia sunt solatia miserorum, alia gaudia beatorum; nam illorum est pro consequenda victoria & adipiscenda corona esse sollicitos, istorum verò de parta victoria & adepta corona esse securos; illorum in loco certaminis cum omni armorum genere stare paratos ad pugnam, istorum in regione pacis cum palmis & coronis requiescere pacatos; illorum est de futuro cursu & certaminis eventu anxios trepidare, istorum de consummato cursu & perceptis coronis solidè & intrepidè gaudere; denique illorum est inter hostium cuneos parturire & intra se gemiscere, & pro divino auxilio humiliter deprecari ne cadant, quia nemo est tantà firmitate suffultus, inquit Leo, ut de stabilitate debeat esse securus: horum verò pro impartita sibi redemptione cum lætitia & jubilo gratias agere, & non nisi sanctum timorem in sæculum sæculi permanentem habere, qui nihil aliud est quàm eximia quædam divinæ majestatis reverentia, cum securâ & constanti omnium earum rerum abominatione quæ illi summæ reverentiarum quoquo modo repugnant: quoniam, ut ait Prosper de vocat. lib. 2. cap. 28. in præsentis agonis incerto, ubi tota vita tentatio est, & ab insidiant superbia nec ipsa est tuta victoria, mutabilitatis periculo non caretur. Et August. de civit. lib. 11. cap. 12. Quis enim hominum se in actione profectuque justitiæ perseveraturum usque in finem sciat, nisi aliquâ revelatione ab illo fiat certus, qui de hac re justo latenteque judicio non omnes instruit, sed neminem fallit. Sed Calvinus studens plurimos sibi discipulos adscribere, omniem eis timorem adimit, nimirum ut sine ullo metu luxuriam possint habere securam, *Tab. Cal.* & perditissimis moribus remorâ omni formidine diffuere. *c. 5. fig. 11.* Quapropter alibi præterea adversus tertiam hanc trepidationis causam objicit.

### *Argumentum vigesimum sextum.*

Apostolus generaliter de omnibus fidelibus ait: Nos autem non spiritum *1 Cor. 1.* hujus mundi accepimus, sed spiritum qui ex Deo est, ut sciamus quæ à Deo donata sunt nobis: igitur non est temeraria præsumptio, sed divini muneris agnitio & confessio veritatis, quod fideles indubitatam voluntatis ac consilii divini notitiam de sua futura salute sibi arrogent, & circa eam omnem trepidationem excludant.

### *Responsio.*

Quædam Dei dona ejusmodi sunt, ut non tantùm in piis & veris Dei filiis reperiantur, sed etiam in impiis idolorum cultoribus, ut æternæ virtutis atque divinitatis cognitio quæ fuit in gentilibus Philosophis idolorum cultoribus, & prophetia in Balaam. Verùm inter fideles & impios his Dei muneribus præditos hoc discrimen invenitur, quod impii spiritu hujus mundi, id est, spiritu superbiæ inflati, quicquid in se boni conspiciunt aut se habere præsumunt,



10: non Deo, sed suis studiis atque conatibus ascribunt; fideles verò spiritui Dei revelante ex Scripturis sacris didicerunt, quòd omnis sapientia à Domino Deo est; & quòd omne datum optimum, & omne donum perfectum de sursum est, descendens à patre luminum; & quòd Deus in Christo benedixit non in omni benedictione spirituali in cœlestibus; quia non sumus sufficientes cogitare aliquid à nobis, quasi ex nobis. Hanc igitur differentiam inter fideles & impios generaliter nobis indicat Apostolus cùm ait: *Nos autem non spiritum hujus mundi accepimus, sed spiritum qui ex Deo est, ut sciamus quæ à Deo donata sunt nobis*; sicut ostendit Prosper, cùm ait: *Plene & veraciter confitenda est gratia Dei, de cujus munere hoc primum est ut auxilium ipsius sentiat, propter quod dixit Apostolus: Nos autem non spiritum hujus mundi accepimus, sed spiritum qui ex Deo est, ut sciamus quæ à Deo donata sunt nobis. Unde si quis est qui aliqua se habere existimet bona quorum non Deus largitor sit, sed ipse sibi auctor existat, manifestum est hunc non Dei spiritum habere, sed mundi, & de illa secularis sapientia tumere doctrina, de qua dicit Dominus: Perdam sapientiam sapientium, & prudentiam prudentium reprobabo. Adversus hanc igitur superbiam docet Apostolus eos qui verè fideles sunt, si quid boni habent, id non suis conatibus arrogare, sed spiritui Dei revelante cognoscere id semper esse Dei munus.*

Cæterùm quæ dona quisque fidelis particulariter acceperit, & quantum in unoquoque profecerit, id non revelatione divinâ, sed sensu, experientiâ, aut verisimili conjecturâ percipit. Verbi gratiâ, quòd fides & charitas Dei dona sunt, hoc quisque fidelis certissimè credit, quia id testatur Scriptura dicens, fidem Dei donum esse, & charitatem diffusam esse in cordibus nostris per Spiritum sanctum qui datus est nobis: sed quòd fidem & charitatem habeat, hoc credendo & amando sentit & videt; & an tantum credat & amet, ut præ justitia fortunas, honorem, & vitam præsentem contemnere queat, hoc tentatus experitur, & experientiâ non tantum aliis, sed etiam credentibus, speranti, & amanti demonstratur: sicuti in B. Petro manifestum evasit, qui ignorans quantum Christum diligeret, animam suam se pro illo positurum esse præsumpsit, sed postea tentatus, experiendo cognovit se Christum minus amasse quam putavit. Conjecturâ verò se quisque habere cognoscit, quæ in se neque sentire, neque experiri, sed ex antecedentibus tantum & subsequen-  
tibus indiciis colligere potest. Verbi gratiâ, quòd gratuito Dei munere peccatorum nostrorum remissionem acceperimus, id neque sentire, neque experiri vale-  
mus: sed quia certissimâ fide credimus fideles, qui ad Deum verè conversi baptizantur & absolvuntur, remissionem peccatorum accipere, idè ex variis indiciis conjicimus & confidimus, accepisse nos remissionem peccatorum. Tamen quia indicia quæ nobis inesse sentimus, non omnino certam veræ conversionis fidem faciunt, (pravum est enim cor hominis & inscrutabile,) idè ait Sapiens: De propitiato peccato noli esse sine metu. Sed demus jam dicto Apostoli testimonio doceri, quemque verè fidelem Spiritu sancto revelante, non tantum nosse quòd dona sint Dei si qua in se habet, sed & nosse quæ dona à Deo acceperit & quantum in unoquoque profecerit, nunquid ob id nosse eum oportebit, an habiturus sit perseverantiam usque in finem vitæ hujus, quam nondum accepit? Neque enim dici potest accepisse perseveran-  
tiam

Eccl. 1.

Jacob. 1.

Eph. 1.

1 Cor. 3.

1 Cor. 2.

Apud  
Ambros.  
epist. 84.

1 Cor. 1.

Joan. 13.

Hier. 17.

Eccl. 5.

tiam usque in finem vitæ hujus, nisi qui usque in finem perseveravit, ut juxta *Matt. 10. & 24.* Christi promissum salvus sit. Quomodocunque igitur intelligatur jam dictum Apostoli testimonium, nihil tamen ad eam securitatem pertinet, quam de futura sua salute, contra Scripturam sacram & veterum Sanctorum scripta, insolentissime sibi arrogant hæretici.

### *Argumentum vigesimum septimum.*

*Ipsè spiritus reddit testimonium spiritui nostro, quòd sumus filii Dei:* igitur verè fideles debent id certò credere. *Rom. 8.*

### *Responsio.*

Spiritus sanctus per sancta desideria & alia pietatis argumenta spiritui nostro testatur, quòd sumus filii Dei usque in finem vitæ hujus in vero Dei cultu perseveraturi; (justum est enim sentire, quòd qui cœpit in nobis opus bonum perficiet usque in diem Christi Jesu;) sed quia testimonium hoc non consistit in revelatione prophetica, sed in verisimilibus duntaxat justitiæ præsentis & futuræ nostræ salutis indiciis, idè ex ejusmodi testimoniis, non absolutâ certitudine, sed spe tantum salvi facti sumus, timentes ne fortè relictâ pollicitatione introeundi in requiem ejus, existimeretur aliquis in nobis deesse: sicut ad Hebræos legimus. *Rom. 4. Cap. 4.*

### *Argumentum vigesimum octavum.*

Apostolus ait: *Vosmetipsos tentate si estis in fide, ipsi vos probate:* igitur potest quisque fideliter sibi arrogare certam divini consilii notitiam. *1 Cor. 13.*

### *Responsio.*

Ququam aliud sit nosse utrum quis sit in fide, aliud an usque in finem perseveraturus sit in fide & futurus salvus: tamen tentare & probare utrum quis sit in fide, non est certâ revelatione discere, sed ex variis indiciis, quæ quisque probando in se experitur, ejus rei conjecturam facere. Deinde, ut dixi, testimonium istud de præsentis justitia loquitur, non de perseverantia aut salute futura.

### *Argumentum vigesimum nonum.*

Apost. Rom. 8. ostendens, quæ bona in commune universis fidelibus ex fide proveniant, ait: *Certus sum quòd neque mors, neque vita, neque creatura alia poterit nos separare à charitate Dei, quæ est in Christo Jesu Domino nostro:* ergo verè fideles sunt de salute securi.

### *Responsio.*

Hoc Apostoli testimonium, quod de certitudine perseverantiæ loquitur, pro-

- propius ad rem accedere videtur, quàm reliqua quæ non loquuntur nisi de præsentī gratia. In hoc tamen fallitur Calvinus, dum universis fidelibus in commune tribuit, quod Apostolus peculiariter de prædestinatis dicit: de quibus ait Christus: *Non rapiet eos quisquam de manu mea.* Neque enim eo loco ostendit Apostolus, quæ bona jam factis fidelibus ex fide proveniant, sicut imperitè dicit Calvinus, (nam & ipsa fides inter ea bona numeratur quæ ibi provenire significantur, cùm dicitur: *Quos prædestinavit, hos & vocavit; vocare enim est fideles facere;*) sed quæ bona prædestinatis omnibus, qui secundum propositum vocati sunt, ex omnipotenti misericordia prædestinantis certissimè proveniant; quorum primum est fides, secundum justitiā, tertium gloria. Nam quos prædestinavit, inquit, hos & vocavit: & quos vocavit, hos & justificavit: quos autem justificavit, illos & glorificavit. Et quia sine perseverantia usque in finem vitæ hujus non potest haberi gloria; (qui enim perseveraverit usque in finem, inquit Christus, hic salvus erit,) ideo Apostolus non omnes fideles, sed omnes prædestinatos etiam certè perseveraturos pronuntiat, dicens: *Certus sum enim quia neque mors, neque vita, neque angeli, neque principatus, neque virtutes, &c. neque creatura alia poterit nos separare à charitate Dei, quæ est in Christo Jesu Domino nostro.* Non enim, ut vult Calvinus, fidelium omnium hæc vox est; sed electorum duntaxat qui secundum propositum vocati sunt: quemadmodum nondum natum redarguens Calvinum clarissimè ostendit Augustinus, cùm ait. *Meritè sequitur vox ad regnum electorum, si Deus pro nobis, quis contra nos?* &c. Quàm fortis autem perseverantiæ usque in finem munus acceperint, sequantur & dicant: *Quis nos separabit à charitate Christi, tribulatio, an angustia, an persecutio?* &c. sicut suprà etiam retulimus. Ad eos autem qui in ipsum crediderant Judæos ait Christus apud Joannem: *Si manseritis in sermone meo, verè discipuli mei eritis: nimirum ut his qui jam facti erant fideles, verene discipuli essent ac prædestinati, maneret incertum.*

### *Trigesimum Argumentum.*

- Etiam si essent aliqua opera absolute pura, unum tamen peccatum satis est ad delendam omnem memoriam prioris justitiæ, ut ait Propheta, cui & Jacobus consentit, dicens: *Qui offendit in uno, factus est omnium reus: sed nemo vivit sine peccato: igitur apud Deum nulla operum justitiā reputatur.*

### *Responsio.*

- Peccatorum quædam ejusmodi sunt ut de illis dicat Apostolus, quòd qui talia agunt regnum Dei non possidebunt: per quæ justus à justitiā sua rectissimè averti dicitur, quia meretur privari mercede justitiæ, quod certissimum est aversionis indicium; de quibus peccatis apud Ezechielem loquitur Dominus dicens: *Si averteris se justus à justitiā sua & fecerit iniquitatem, omnes justitiæ ejus quas fecerat non recordabuntur.* Quam sententiam aliis verbis exprimit Apostolus Jacobus, dicens: *Quicumque totam legem servaverit, offenderit autem in uno, factus est omnium reus.* Nam qui tale aliquid facinus admittit, perdit mercedem

cedem priori totius legis obedientiæ debitam: sed alia sunt peccata justorum quæ fidelibus secundum veniam concedit Apostolus; de quibus ait Sapiens: *Septies cadit justus.* Et Joannes Apostolus: *Si dixerimus quia peccatum non habemus, nos ipsos seducimus, & veritas in nobis non est;* quæ si sola sunt, usque ad eam non inducunt oblivionem prioris justitiæ, ut in die iudicii pro bonorum operum meritis justo Dei iudicio etiam remissionem consequantur. Cum enim dicitur, inquit Augustinus: *Judicium sine misericordia illi, qui non facit misericordiam;* manifestatur in his, quibus inveniuntur bona opera misericordię, iudicium cum misericordia fieri, ac per hoc etiam ipsam misericordiam meritis bonorum operum reddi. Id quod etiam testatur Apostolus, cum ait: *Des illi Deus invenire misericordiam à Deo in illa die.* Quenim servato fundamentato superædificant ligna, scænum, stipulam, non statim à regno cælorum secluduntur, sed salvi erunt merito fundamenti, sic tamen quali perignem.

*1 Cor. 7.  
Prov. 24.  
1 Jo. 1.  
Decor. &  
gratia,  
cap. 13.  
Jacobi 2.*

*2 Tim. 1.  
1 Cor. 3.*

*Argumentum trigesimum primum.*

Ad justitiam necessaria est perpetua legis observantia: igitur non potest unum atque alterum opus proferri.

*Responsio.*

Ut opera bona tota sint fidelium justitia, requireretur perpetua legis observantia: sed non ut sint pars justitiæ. Nam quantum attinet ad reliquam partem justitiæ, omnia facta reputantur, quando quicquid non fit ignoscitur. Sicut igitur remissio peccatorum rectè justitia nuncupatur, licet non sit tota Sanctorum justitia, qui etiam justitiam legis in multis custodiunt: sic & opera justorum possunt vocari justitia, etiam si non sint tota ipsorum justitia. Nec adeo stolidi sumus, ut ad justitiam Sanctorum pertinere negemus eam peccatorum remissionem quæ adhuc quotidie datur dicentibus: *Dimitte nobis debita nostra;* cum expressè dicat Augustinus hic in unoquoque fideli justitiam esse, ut obediens Deus homini, animus corpori, ratio autem vitis etiam repugnantibus imperet, vel subigendo, vel resistendo: atque ut ab ipso petatur & meritorum gratia, & venia delictorum, ac de acceptis bonis gratiarum actio persolvatur: sed dicimus, quòd quemadmodum ad Sanctorum justitiam pertinent omnia opera bona quæ in hac vita faciunt, à principio conversionis usque ad exitum mortis: ita quoque ad eandem justitiam pertineat omnis peccatorum remissio quam in hac vita consequuntur, seu per baptismum, seu poenitentiam, seu eleemosynas, seu orationes, seu aliud quodcunque opus charitatis. Quod autem toties repetit, legem semper mortem denuntiare, de iis quidem verum est quæ sub lege esse dicuntur: Scimus enim quod quæcunque lex loquitur, tam de peccati dominio quàm de legis maledicto, de iis qui in lege sunt loquitur: sed falsum de iis qui sunt sub gratia, quos Christus redemit de maledicto legis, & peccati dominio liberavit.

*Libro 19.  
de civit.  
Dei c. 27.*

*Rom. 8.*



*Argumentum trigésimum secundum.*

*Genf. 15.* Dominus pronuntiat, se fidem reputasse Abrahæ ad justitiam, non quo tempore adhuc idôlis serviebat, sed cum multis jam annis vitæ sanctitate excellisset: igitur in fide non in operibus reposita est justitia.

*Responsio.*

*Li. quæst. vet. & novi testam. quæst. 115.* Ex qua historia didicerit Calvinus, quodd Abraham aliquando idôlis serviebat, nescio, nisi forte in eam quæstionem inciderit, quæ sub D. Augustini nomine de fato circumfertur, quæ habet, quodd Abraham cum patre suo idôla coluisse intelligatur: sed hanc quæstionem esse apocrypham, non solum ex eo intelligimus, quodd à se Romæ scriptam esse testetur, quodd post baptismum suum non rediit Augustinus: verum etiam ex lib 16. de civit. Dei, ubi ex lib. Judith ostendit Augustinus, Thare, Nachor, Abraham, & Loth ex Chaldæa migrasse in Mesopotamiam, quodd nolent sequi deos patrum suorum, adorarentque quem cognoverunt cœli Deum. Unde manifestum est, inquit Augustinus, domum Thare persecutionem passam fuisse à Chaldæis pro vera pietate, quâ unus & verus ab eis colebatur Deus. Sed utut ea res se habet, si in operibus bonis quibus Abraham ante Domini testimonium excelluit nulla ponenda sit justitia, quia Scriptura sacra post diuturnam demum obedientiam dixit: Credidit Abraham Deo, & reputatum est ei ad justitiam: igitur neque in fide, quam ante hoc testimonium habuit, statuenda est aliqua justitia. Si autem Abraham neque ex operibus, neque ex fide ante hoc testimonium ullam justitiam habuit: igitur ante hoc testimonium justus non fuit. Quomodo igitur ait Calvinus quodd Dominus pronuntiet se fidem reputasse Abrahæ ad justitiam, cum multis jam annis vitæ sanctitate excellisset; cum nemo vitæ sanctitate possit excellere nisi qui facit justitiam, nec justitiam facere quisquam possit nisi qui justus est? qui enim facit justitiam, justus est, inquit Joannes. Quanquam igitur propter justitiæ incrementum, quo Abraham credendo profecit, dictum sit: Credidit Abraham Deo, & reputatum est illi ad justitiam: tamen quia prius etiam, teste Calvino, vitæ sanctitate excelluit, idè etiam prius ex fide & operibus justificatus fuit. Ex fide quidem, quia sine fide impossibile est placere Deo: & quicquid non est ex fide peccatum est: & coinquinatis & infidelibus nihil est mundum, sed inquinata sunt eorum & mens & conscientia. Ex operibus verò, quia ut ait Apostolus, fide obedivit in locum exire quem accepturus erat in hæreditatem, & exiit nesciens quò iret. Item, quia fide demoratus est in terra promissionis, tanquam in aliena; in casulis habitando. Nam si Apostolus Jacobus rectè intulit Abraham non modò ex ea fide justificatum, quâ credidit Deo multiplicationem seminis ejus ad modum stellarum promittenti, verum etiam ex operibus, quia fide obtulit filium suum Isaac; cur non etiam rectè intulerimus justificatum, non ex ea tantum fide, quâ credidit benedicendas in se universas terræ cognationes, sed & ex operibus, quia, ut inquit Apostolus, fide obedivit exire in locum quem accepturus erat in hæreditatem? tum quia teste Calvino, etiam ante illud testimonium



monium vitæ sanctitatis excelluit, quod, ut dictum est, sine justitia non potuit, quia qui facit justitiam, justus est? Sed Calvinus anticipatæ semel opinioni ita adductus est, ut licet Apost. Paulus toto cap. 11. ad Hebr. nihil aliud clamer, quàm Sanctos prioris testamenti justitiæ testimonium ex eo consecutos, quoddam variis modis Deo ex fide obtemperarint. Et beatus Jacobus: Abraham, inquit, pater noster nonne ex operibus justificatus est? Et rursum: Videtis quoniam ex operibus justificatur homo? Ac iterum: Raab meretrix nonne ex operibus justificata est, suscipiens nuncios? &c. tamen surdis auribus, & clausis oculis, non cessat undique inconcinna testimonia congerere, quibus otiosis hominibus & ab omni bono opere alienis persuadeat, nullam esse in operibus bonis repositam justitiam.

*Argumentum trigessimum tertium.*

Dominus testatur se nullam agnoscere operum justitiam, nisi in perfecta legis observatione.

*Responsio.*

Dubitari non potest, quin justum esse & justificari sic aliquando in Scriptura sacra ponantur, ut secundum exactam justitiæ regulam, quæ perfectam totius legis observationem requirit, accipi debeant, ut cum dicitur: *Nunquid Job. 4. homo Dei comparatione* (scilicet potius ante Deum) *justificabitur?* Et: *Verè scio quod Job. 9. ita sit, quod non justificetur homo comparatus Deo* (vel ut Augustinus legit, ante Deum.) Rursum: *Nunquid justificari potest homo comparatus Deo, aut apparere mundus natus de muliere?* Juxta quem modum etiam ait Psalmista: *Non intres in judicium cum servo tuo, quia non justificabitur in conspectu tuo omnis vivens.* Et D. Augustinus: *Puto enim hoc esse, justus sum, quod peccator non sum.* Attamen quoddam secundum modum conversationis humanæ, cui justo Dei judicio reposita est corona justitiæ, secundum Scripturam sanctam justus ac sanctus dicendi non sint, qui non sic totam Dei legem observant, ut non sit eis necessarium dicere: *Dimitte nobis debita nostra*; jam olim contra Pelagianos in Concilio Carthaginensi & Milevitano damnatum est. Sanctus enim & justus erat Jacobus, inquit Concilium, cum dicebat: *In multis offendimus omnes.* Similiter de Zacharia & Elizabeth scriptum est: *Erant ambo justus ante Deum, ambulantes in omnibus mandatis & justificationibus Domini, sine querela; qui tamen peccatis non carebant.* Sed non satis erat Calvino eandem fumantium & adhuc spirantium hæreticorum venena sorbere, quotidie inter suos evomere, (Berengarii dico, Joannis Hus, Wiclephi, Lutheri, Oecolampadii, & similium) nisi etiam extinctos jam olim ac sepultos antiquissimorum hæreticorum cineres excitaret, ut non scriba doctus in regno celorum, sed hæreticorum omnium coryphæus, de thesauro iniquitatis proferret nova & vetera. Cæterum si Deus nullam operum justitiam agnoscit, nisi in perfecta legis observatione, cur defendit Calvinus justitiam remissionis peccatorum in imperfecta peccatorum remissione? Fatetur enim suos collegas peccatorum remissione justos esse, de quorum tamen nullo auferet dicere, quoddam

peccatum non habeat, nec cum Sanctis dicere debeat: Dimitte nobis debita nostra. Aut igitur justitiam remissionis peccatorum neget, ubi nondum est plena omnium peccatorum remissio: aut ibi fateatur posse operum esse justitiam, ubi nondum plena & perfecta est totius legis custodia. Nulla enim ratio postulat, ut justitia operum plenam ac perfectam totius legis observationem requirat; si justitia remissionis peccatorum non exigit plenam & perfectam omnium peccatorum remissionem.

*Argumentum trigessimum quartum.*

Testa & remissa esse peccata antè nobis opus est, quàm ad ullum opus nostrum Dominus respiciat: igitur gratuita est peccatorum remissio.

*Responsio.*

Remissionem peccatorum gratuitam esse fatemur, sed veram conclusionem vanam & falsam assumptione ostendi non probamus. Vidit enim Deus opera Nivitarum, quia conversi sunt de via sua mala, & misertus est super malitia  
*Jud. 3.*  
*Act. 10.* quam locutus erat ut faceret. Similiter orationes & eleemosynæ Cornelii Centurionis ascenderunt in memoriam in conspectu Dei, ut ad eum veniret Petrus, per cujus prædicationem efficeretur salvus. Et si Nabuchodonosor Rex  
*Dan. 4.* juxta consilium Danielis peccata sua eleemosynis redemisset, non arbitror eas  
*Luc. 13.* Deum fuisse despecturum: sicuti nec despexit orationem Publicani, cujus merito descendit justificatus à templo. Quapropter dici non debet, quod peccata antè remissa esse oporteat quàm Deus ad ulla nostra opera respiciat: quia oculi ejus respiciunt fidem & poenitentiam eorum qui ad gratiam remissionis peccatorum aspirant. Sed idèd secundum gratiam & misericordiam veniam Dei poenitentibus datur, & non secundum merita eorum; quandoquidem & poenitentiam Dei donum dixit Apostolus, ubi ait de quibusdam: *Ne forè des illis Deus poenitentiam*: sicut definit Augustinus ultimam earum propositionum  
*2 Tim. 2.*  
*Epist. 106.* quas semper tenuisse dicit Ecclesiam Catholicam.

*Argumentum trigessimum quintum.*

Ait Job: *Si justè egi, nec sic erigam caput*: igitur ejus justitia primo momento erat à facie Dei collapsura.

*Responsio.*

In iis quæ Job justè egerat, justum Dei judicium ferre poterat, quia non est injustus Deus ut quemquam damnet ob justitiam: sed caput non erigebat, quia propter multa delicta quibus non carebat (in multis enim offendimus omnes) judicis misericordiam implorabat, dicens cum Psalmista: *Non intres in judicium cum servo tuo, Domine, quia in conspectu tuo non justificabitur omnis vivens*. Sic, inquam, non justificabitur omnis vivens, ut sit immunis ab omni peccato & misericordiâ Dei non egeat in judicio.

*Argu-*

*Argumentum trigessimum sextum.*

Quod Sancti se recordatione innocentiae suae consoleantur, hoc faciunt vel causam suam cum impiorum causa comparantes, vel bonis operibus tanquam divinae erga se benevolentiae signo fidem suam fulcientes. Quandoquidem si eorum per se opera testimentur, non minus iram Dei suâ imperfectione arguunt, quàm inchoatâ puritate benevolentiam testantur: igitur in operibus bonis nulla est ponenda fiducia.

*Responsio.*

Quoniam Catholici olim adversus Pelagianos defendebant, Sanctos omnes, tam veteris quàm novi testamenti quibus Deus perhibet iustitiae testimonium, nunquam in hac vita mortali eò virtutis pertigisse, ut nullum peccatum admitterent; idèò calumniati sunt quòd Catholici assererent Prophetas & Apostolos in bonis suis operibus non regulâ virtutum, sed comparatione duntaxat sceleratorum justos fuisse, quomodo inter Romanos, Fabium, Fabricium, Regulum, Scipionem ac similes, præ Catilina & Nerone commendamus. Non quòd illi in suis operibus quæ laudantur fuerint veraciter iusti sed quia his qui in sceleribus vitam suam consumpserunt longè minùs fuerunt iniusti. Cui calumniae his verbis respondet Augustinus: Omnes Prophetas & Apostolos, vel sanctos & Evangelicos & antiquos, quibus Deus testimonium perhibet, non comparatione sceleratorum, sed regulâ virtutum justos fuisse non dubium est: sed (quod adversum est Pelagianis) interrogati omnes de seipsum in hoc corpore degerent, unâ voce constantissimâ responderunt: *Si dixerimus quia peccatum non habemus, nos ipsos seducimus, & veritas in nobis non est.* Verùm si Calvino credimus, multis modis necessarium est hanc nobis à Pelagianis objectam suscipere calumniam. Primum quidem quia ait Deum nullam operum iustitiam agnoscere nisi in perfecta totius legis observatione, quæ quoniam in nullis Sanctis, quamdiu hic degunt, inveniri potest, sequitur eos in Scripturis sacris à bona sua conversatione non ob aliud justos dici, quàm quia aliis multis minùs sunt iniusti. Secundò, quia dicit Sanctorum opera, si per se testimentur, non minùs iram Dei suâ impuritate promereri, quàm benevolentiam inchoatâ puritate. Nam ex hoc manifestissimè sequitur, opera Sanctorum non rei veritate iusta esse propter veri boni finem in quem referuntur, ut ait Augustinus, nec regulâ virtutum, sed solum comparatione facinorum, quæ iram Dei graviolem promerentur; ac proinde ipsos Sanctos non veritate, sed comparatione duntaxat in hac vita justos fuisse.

*Lib. 4. cont.  
dmas. epist.  
Pelag. c. 7.*

*1 Joan. 1.*

*De civit.  
Dei, lib. 19.  
cap. 27.*

*Argumentum trigessimum septimum.*

Augustinus, *Opus tuum, inquit, in me vide, non meum; nam si meum videris, in Paul. damnas; si tuum videas, coronas:* igitur in operibus plùs est timoris & consternationis, quàm securitatis.

*Responsio.*

De verb.  
Apo. ser-  
mons 10.  
Eph. f. 2.

In nostris operibus, quæ videlicet ex nobis habemus, non immeritò trepidamus: quia nostrum nihil est, inquit Augustinus, nisi peccatum quod habemus, cui non debetur gloria, sed pœna & ignominia: sed in operibus Dei, in quibus creati sumus & quæ præparavit Deus ut in illis ambulemus, (quæ nostra quoque dicuntur, quia nobis à Deo sunt data) multum sanè fiduciæ ponimus; quia pro his non tantum coronam justitiæ expectamus, sed etiam eorum peccatorum veniam, sine quibus hanc vitam non ducimus; securitatem verò & quietem, quam tantopere urget Calvinus, non hîc militantibus in castris promittit Deus, sed victoribus & regnantibus in cœlis retribuit, sicut suprâ latius diximus; & idem non docemus hîc militantes in fallaci & perniciosa securitate requiescere: sed in Domino & in potentia virtutis ejus confidentes, adversus fallaces hæreticorum insidias, pro consequenda victoria, sapienter, viriliter & sollicitè spe regni cœlestis dimicare; quod pro consolatione præsentis miseriæ sufficit.

*Argumentum trigésimum octavum.*

Rom. 6.

*Stipendium peccati mors, gratia autem Dei vita æterna:* igitur meritis hominum debetur mors, vita autem non nisi in sola Dei misericordia posita est.

*Responsio.*

Epist. 105.

Qui perpendit Calvinum ad suorum dogmatum confirmationem subinde adferre D. Augustini testimonia, ex quibus videtur nonnulla ejus scripta legisse, non immeritò ambigat, quid hoc loco velit suspicari: ignoretne Calvinus quid ad hanc objectionem pluribus locis clarissimè & elegantissimè responderit Augustinus: an potius quoddam id sciens prudensque dissimulet, ut imperitos, qui Augustinum non legunt, etiam contra propriam conscientiam dolosâ mente & malitiosâ objectione decipiat. Siquidem D. Augustinus compluribus locis tantâ evidentia huic objectioni respondet, ut clarius nihil dici posse

Rom. 6.

videatur. Verba ejus sic habent: *Ipsa vita æterna, quæ utique in fine sine fine habebitur, & idem meritis præcedentibus redditur, tamen quia eadem merita quibus redditur, non à nobis parata sunt per nostram sufficientiam, sed in nobis facta per gratiam, etiam ipsa gratia nuncupatur, non ob aliud, nisi quia gratis datur; nec idem quia meritis non datur, sed quia data sunt & ipsa merita quibus datur.* Et infra. *Cum enim dixisset Apostolus: Stipendium peccati mors; quis non congruentissimè & consequenter addere judicaret: Stipendium autem justitiæ vita æterna? Et verum est, quia sicut merito peccati tanquam stipendium redditur mors, ita merito justitiæ tanquam stipendium vita æterna: sed B. Apostolus adversus elationem vigilantissimè militans: Stipendium, inquit, peccati mors. Deinde ne justitiæ de humano se extolleret merito, (sicut meritum malum non dubitatur esse peccatum,) non à contrario retulit, dicens: Stipendium justitiæ vita æterna; sed, gratia Dei, inquit, vita æterna. Et rursum: Si vita æterna bonis operibus redditur, sicut apertissimè dicit*

De gra. &  
lib. arth.  
cap. 8.



*dicat Scriptura: Quoniam reddet Deus unicuique secundum opera sua; quomodo gratia est vita æterna, cum gratia non pro bonis operibus reddatur, sed gratis detur?* Rom. 2. Apoc. 22.  
 &c. *Ista questio, inquit, nullo modo videtur posse dissolvi, nisi intelligamus & ipsa bona opera, quibus æterna redditur vita, ad Dei gratiam pertinere.* Similiter lib. de correp. & gratia: *Quare & ipsa, inquit, vita æterna, quam certum est bonis operibus debitam reddi, à tanto Apostolo gratia Dei dicitur? sine ulla dubitatione confitendum est idem gratiam vitam æternam vocari, quia his meritis redditur quæ gratia contulit homini.* Cap. 19.  
 Unde Concilium Arausicanum secundum: *Debetur, inquit, merces bonis operibus si fiant: sed gratia quæ non debetur præcedit ut fiant.* Cap. 8.  
 Videt jam, nisi fallor, Calvinus (modò non sit in sua hæresi cæcatus) iusto Dei iudicio non minùs bonis operibus deberi vitam, quàm malis mortem: sed quia mala opera ex nobis habemus, bona verò non nisi ex Dei gratia, idem Apostolum mortem simpliciter stipendium peccati nominasse, vitam verò (quam veraciter quidem, sed propter humanam elationem eo loco minùs utiliter poterat mercedem dicere iustitiæ) gratiam maluisse nuncupare, ut nos admoneret unde opera bona haberemus quibus vita redditur æterna.

*Argumentum trigessimum nonum.*

Augustinus: Cùm viderit homo quicquid boni habet se non habere à se; sed à Deo suo, videt id totum quod in eo laudatur non de suis meritis, sed de misericordia Dei esse: igitur licet Veteres fidei sinceritati pessimè consuluerint, inducentes fastuosum meriti nomen, attamen nullam meriti dignitatem homini tribuerunt.

*Responsio.*

Sicut qui patrem nominat non potest non ingerere filii cogitationem, sic Christus in Evangelio bonorum operum fructum toties nomine mercedis commendans, non potuit non inducere nomen meriti: *Qui recipit Prophetam in nomine Prophetæ, inquit, mercedem Prophetæ accipiet.* Matt. 10. Marc. 9. Et rursum: *Quisquis potum dederit vobis, non perdet mercedem suam.* Luci. 6. Item: *Gaudete in illa die, & exultate, quoniam ecce merces vestra magna est in cælo.* 1 Cor. 3. Et Apostolus Paulus: *Unusquisque propriam mercedem accipiet.* 2. Joan. Et Joannes: *Videte vosmetipsos, ne perdatís quæ operati estis, sed ut mercedem plenam accipiatís.* Quapropter nomen meriti, quod à Christo constat inductum, neque fastuosum, neque sinceritati fidei noxium reputari debet: sed potius temerarius & fastuosus habendus Calvinus, qui factum dicere audent quod induxit Christus: nempe quòd quemadmodum opera bona, quæ homo peccando perdidit, merita erant quibus debebatur merces æternæ vitæ: sic & opera bona quæ Christus electis suis reparavit, creans eos in operibus bonis, quæ præparavit Deus ut in illis ambulent, vitæ æternæ sunt merita, licet, ut Augustinus docet, hæc opera bona, non de viribus aut merito hominis sibi derelicti proveniant, sed de misericordia reparantis & adjuvantis Dei, qui electis suis tribuit non modò remissionem peccatorum, verum etiam operationem meritorum.

*Argumentum quadragesimum.*

*De prædest.* Augustinus: *Humana hic, inquit, merita conticescant quæ perierunt per Adam, san. c. 15. & regnet quæ regnat Dei gratia per Jesum Christum.*

*Responsio.*

Humana merita, quæ in Adam peccante perierunt, abundè conticescunt, quando humana natura post lapsum ex primæ creationis opibus, quas reliquas habet, nullum sibi boni meritum arrogat: sed gratia Dei, quæ regnat per Jesum Christum Dominum nostrum, non satis regnat nisi illi tribuatur non tantùm remissio peccatorum, (sicut olim fecit Pelagius) sed etiam operatio meritorum, quod cum Pelagio hodie negat Calvinus, regnum quidem gratiæ verbis inanibus jactans, sed è multorum cordibus, dolosis & exitiosis disputationibus, expugnans.

*Argumentum quadragesimum primum.*

*Luci. 17.* Ait Lucas: *Cùm feceritis omnia quæ præcepta sunt vobis, dicite: Servi inutiles sumus.* Sed servus inutilis nihil meretur à Domino: igitur apud Deum nullum possumus obtendere meritum.

*Responsio.*

Homo & Angelus naturaliter quidem servi sunt Dei, sed non eo modo quo servos dicimus, qui sine ulla mercedis obligatione tota vita dominis carnalibus serviunt, verùm quo modo liberi & suæ potestati relictî promptâ voluntate pro condita mercede liberaliter serviunt. Deus enim relinquit hominem in manu consilii sui; cui etiam consummato opere dicit: *Nonne ex denario convenisti mecum? Tolle quod tuum est, & vade.* Et idè servitutis modus, quo angelus & homo servi Dei conditi sunt, non excludit rationem meriti, sed potius includit. Quod verò addit Christus, ut nos etiam inutiles agnoscamus, ad id respicere jubet quod peccando facti sumus: Omnes enim declinaverunt, simul inutiles facti sunt; non est qui faciat bonum, non est usque ad unum. Sed si quis ab his se emundaverit, inquit Apostolus, erit vas in honorem sanctificatum & utile Domino, ad omne opus bonum paratum. Idèque etsi recolentes natiuitatis nostræ primordia, semper (quantumcunque etiam in obediencia mandatorum Dei profecerimus) inutiles servos & ad opus bonum inidoneos agnoscere nos debeamus, (sicut Apostolus recolens quid fuerat antequam esset in Christo, minimum se Apostolorum imò Apostolico nomine fatebatur indignum, quod esset Ecclesiam Dei persecutus;) attamen Dei munera contemplantés, non solum nos utiles, sed & meritis sæcundos dicere possumus, unà cum Apostolo, cùm ait: *Plus omnibus laboravi, non ego, sed gratia Dei mecum.* Unusquisque enim accipiet secundum suum laborem. Et alibi pro bono certamine dicit sibi repositam coronam justitiæ, quam reddet mihi Dominus, inquit, in illa die, justus iudex.

*Argu-*

*Argumentum quadragesimum secundum.*

Esaïæ 5. dicitur: Omnes sitientes venite ad aquas, & qui non habetis argentum venite, emite absque argento & absque ulla commutatione vinum & lac.

*Responsio.*

Omnes qui ad aquas salutis advenimus, priusquam à Domino vocaremur, omnino inopes eramus, & pro nihilo salvi facti sumus. Non enim ex operibus justitiæ quæ fecimus nos, sed secundum misericordiam suam salvos nos fecit; adeo ut & vita æterna quæ bonorum operum meritis redditur, quia gratia est justitia cui redditur, etiam ipsa gratia nuncupetur. *Est enim justitia stipendium*, inquit Augustinus, *sed tibi gratia est, cui gratia est & ipsa justitia; tibi enim tanquam debita redderetur, si ex te tibi esset justitia cui debetur.* Sed quod Propheta de eorum inopia loquitur, qui à Christo alieni nondum de plenitudine ejus acceperunt, hoc Calvinus ad divitias eorum detorquere conatur, qui Christi inopiâ in operibus bonis divites facti sunt. Epist. 105.  
2 Cor. 8.

*Argumentum quadragesimum tertium.*

Christus sic est nobis fundamentum justitiæ, ut & initium nobis salutis sit & complementum: igitur nullum est meritum.

*Responsio.*

Benedictus Deus & Pater Domini nostri Jesu Christi, qui benedixit nos in omni benedictione spirituali in celestibus in Christo, sicut elegit nos in ipso ante mundi constitutionem, ut essemus sancti & immaculati in conspectu ejus: sed in hac benedictione etiam boni operis meritum comprehendimus, sine quo haberi non potest justitiæ complementum; atque ideo Christus totius justitiæ fundamentum est, non solum tribuendo fidem & peccatorum remissionem, sicut prætendit Calvinus: sed etiam largiendo bonam operationem, quæ vitæ æternæ meritum est, sicut suprà satis ostendimus. Eph. 1.

*Argumentum quadragesimum quartum.*

Deus gratis vult coli: igitur eum cultorem probat, qui præcisâ omni spe mercedis, colere tamen eum non desinit.

*Responsio.*

Præcipit Apostolus, ut si confurreximus cum Christo, quæ sursum sunt queramus, ubi Christus est in dextera Dei sedens; quæ sursum sunt sapiamus, non quæ super terram. Similiter Christus in Evangelio: *Ne solliciti sitis, inquit, animæ vestræ quid manducetis, aut quid bibatis: neque corpori vestro quid induamini, &c. Quærite primum regnum Dei & justitiam ejus, & hæc omnia adjicientur vobis.* Mat. 6.

*Matth. 5.* *cientur vobis. Beati enim qui esuriunt & sitiunt justitiam: non est autem regnum Dei esca aut potus, sed justitia, & pax, & gaudium in Spiritu sancto.* Et Moyses egregius Dei cultor & fidelissimus in omni domo ejus, majores divitias aestimans thesauro Ægyptiorum improprium Christi, aspiciebat in futuram remunerationem: sicuti & reliqui Sancti veteris testamenti, quos eodem capite recenset Apostolus, qui promissiones à longè aspiciebant salutabantque, contentes quod peregrini essent & hospites super terram, & patriam meliorem, hoc est, celestem appetrent, sicut ibidem ait Apostolus. Ex quibus intelligimus Deum sic velle gratis coli, ut non propter terrenam retributionem collatur, quam gentes quærunt: sed quodd nolit coli propter regnum cœlorum consequendum, cujus adventum quotidie à fidelibus peti jussit, & propter adipiscendam perfectam justitiam, in qua regnum cœlorum potissimum consistit, anilis fabula est ex Aristotelis insipientia nata, qui sapientem suum in hac vitæ miseria propter virtutum opera beatum esse prædicat, eaque non ob aliud quippiam, sed propter se tantum etiam in hac vita velut summum bonum expetenda; atqui summum hominis bonum non est nisi regnum Dei, id est justitia, & pax, & gaudium in Spiritu sancto, pro quibus quotidie supplicat Ecclesia, dicens: Adveniat regnum tuum; quod solam propter se experit, & cætera propter ipsum, etiam vitæ hujus justitiam quæ imperfecta est, ut vide licet ad perfectam veniat: nam propter hanc adipiscendam rectè nobis vivendum est, inquit Augustinus. Quapropter vanum est & illud quod addit Calvinus, curam vitæ benè instituendæ non nasci propositâ spe mercedis, sed commemoratione beneficiorum Christi, qui nos suo sanguine redemit ad serviendum Deo viventi. Nam etsi beneficiorum Dei commemoratio calcari nobis sit ad serviendum Deo, tamen longè major additur stimulus si simul finis explicetur, & quod tandem tum Deo tum mundo serviendo perveniat. Id quod locis innumeris sacræ Scripturæ faciunt, dum nos ad rectè vivendum exhortantur. Prudentia carnis morsest, inquit Apostolus, prudentia spiritus vita & pax. Et rursus: Si secundum carnem vixeritis, moriemini: si autem spiritu facta carnis mortificaveritis, vivetis. Similiter dum ait: Quem fructum habuistis tunc in illis in quibus nunc erubescitis? Nam finis illorum mors est. Nunc autem liberati à peccato, servi autem facti Deo, habetis fructum vestrum in sanctificationem, finem verò vitam æternam. Utrumque autem simul junxit B. Petrus, dicens: Et si patrem invocatis eum qui sine acceptione personarum judicat secundum uniuscujusque opus in timore, incolatus vestri tempore conversamini, scientes quod non corruptibilibus auro vel argento redempti estis, sed pretioso sanguine quasi agni immaculati Christi; nam priori parte latenter vitam promissam & mortem contaminatam ingerit, posteriori verò ingentia beneficia ad memoriam reducit. Fatetur tamen tandem Calvinus, Scripturam sacram hoc exhortationis genus sæpenumero usurpare, sed exordium negat inde sumendum. At contra Joannes Baptista exhortationem suam ita legitur exorsus: *Penitentiam agite, appropinquavit enim regnum cœlorum.* Et Christus, qui etiam teste Mathæo coepit prædicare & dicere: *Penitentiam agite, appropinquavit enim regnum cœlorum.* Similiter Apostoli & discipuli Domini, qui & ipsi eo jubente prædicationes suas ab hac promissione sunt exorsi. Quapropter patienter ferat Calvinus, si

veri



veri fideles, quibuscum nulla est ipsi societas, hanc ejus doctrinam non audiunt: sed eorum potius exempla sequuti, quorum se filios & hæredes dici gloriantur, à promissione regni cœlestis exhortationum suarum sumant exordia.

### *Argumentum quadragesimum quintum.*

Ob legem servatam nihil promittit Deus, nisi perfectis legis suæ cultoribus, qualis nemo reperitur: igitur ex legis promissione non potest statui ratio meriti.

### *Responsio.*

Scripturæ sacræ, quæ legis observationi vitam & regnum cœleste promittunt, variis loquuntur modis. Aliquando enim totam legem generaliter commemorant, & nullam vocabuli mercedis ingerunt mentionem: ut, *Si vis ad Mat. 19. vitam ingredi, serva mandata: &c., Qui perseveraverit usque in finem, hic salvus Mat. 24. erit.* Aliquando verò particularia opera commemorant, quibus sic regnum cœleste promittunt, ut illud etiam nomine mercedis appellent: ut, *Beati Mat. 5. pauperes spiritu, quoniam ipsorum est regnum colorum. Beati mites, quoniam ipsi possidebunt terram. Beati qui lugent, quoniam ipsi consolabuntur, &c. Quibus denique subditur: Beati estis cum maledixerint vobis homines, & persecuti vos fuerint, & dixerint adversus vos omne malum, mentientes propter me: gaudete & exultate, quoniam merces vestra copiosa est in cœlis.* Et rursum: *Quicumque potum Mat. 10. dederit uni ex minimis istis calicem aquæ frigide, tantum in nomine discipuli: amen dico vobis, non perdet mercedem suam.* Et, *qui receperit Prophetam in nomine Prophetæ, mercedem Prophetæ accipiet.* Ex prioribus igitur illis Scripturis sacris, (ad quas solas respexisse videtur Calvinus, ubi ait, quodd ob legem servatam nihil promittit Deus, nisi perfectis suæ legis cultoribus,) forsitan minus clarè statui possit in quolibet opere bono vera boni meriti ratio, tum quia generaliter de legis observatione loquuntur, tum etiam quia nudam vitæ & salutis promissionem continent, sine ulla mercedis mentione. Sed quemadmodum ex eo quod scriptum est: *Neque fornicatores, neque idolis servientes, neque adul- 1 Cor. 6. teri, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt;* certissime colligitur singula ejusmodi crimina esse damnationis æternæ merita: sic ex posterioribus locis Scripturæ sacræ satis manifestè ostenditur, ea opera quibus regnum cœleste sub mercedis nomine promittitur esse vitæ æternæ merita. Nec obstat quod ait Propheta: *Si justus averterit se à justitia sua, & fecerit iniquitatem, omnes justi- Eccl. 16. tia ejus quas fecit non recordabuntur.* Similiter Apost. Jacobus: *Quicumque totam Joseph. 2. legem servaveris, offendet autem in uno, factus est omnium reus:* quia sicut peccando mortem indubitanter meremur, & tamen ob poenitentiae fructum in illam non præcipitamus, sic fieri etiam potest, ut per priores justitias mereatur quis vitam æternam, & tamen ob peccatum subsequens, non solum perdat justitiæ coronam, sed etiam percipiat mercedem injustitiæ, sicuti jam dictis Scripturis significatur. Est tamen differentia inter peccatum quod poenitentia deletur, & opus bonum quod per peccatum sequens suâ mercede frustratur; quia peccatum semel deletum supplicio non afficitur, etiam si rursus peccetur, (ni-

*Mat. 11.* si forte ob ingratitudinem, de qua doctores circa Evangelium ambigunt disputant; opus verò justitiæ, quod per peccatum sequens à mercede exciderat, sublato peccato plenam accipit mercedem: ideoque opus bonum non dicitur per peccatum deleri, sed solum à sua mercede impediri.

### *Argumentum quadragesimum sextum.*

Ex fide non adjuvamus ad justitiæ summam, sed totam consequimur justitiæ: igitur nulla justitiæ pars in operibus statuenda est.

### *Responsio.*

Totam justitiæ ex fide esse consistemus, quia ex illa est & remissio peccatorum & universa opera virtutum, quæ ad justitiæ pertinere arbitramur. Ex quo etiam inferimus, nullam justitiæ partem in iis operibus esse sitam quæ ex lege esse dicuntur, etiam si coram hominibus speciosa esse videantur: quia lex seu opera quæ ex lege esse dicuntur non sunt ex fide, sine qua tamen impossibile est placere Deo: sed quia justus ex fide vivit, & fides ex operibus consummatur, ideo in operibus fidei, quæ eadem opera Dei sunt, eam justitiæ partem constituimus quam operati esse leguntur Sancti, qui ex fide testimonium justitiæ acceperunt & justitiæ quæ per fidem esse hæredes sunt instituti. Nec sic dicentes ex fide ad legem transimus, (sicut calumniatur Calvinus) quia universa justitiæ opera fidei non legi tribuimus: sed quod rei veritas habet, legem non destruimus per fidem, sed statuimus, docentes justificationem legis non per legem, sed per fidem impleri in nobis qui non secundum carnem ambulamus, sed secundum spiritum. Verum hanc propheticam & Apostolicam doctrinam non recipit Calvinus, quia licet aliud simulet, tamen usque ad eam bonis Sanctorum operibus reperitur infestus, ut non aliud de eis sentiendum putet, quam Christum de Phariseorum hypocritis pronuntiat, dicens:

*Luc. 16.* *Vos estis qui justificatis vos coram hominibus: Deus autem novit corda vestra, quia quod hominibus altum est, abominatio est apud Deum.* Nam hanc Scripturam proferat adversus opera Sanctorum, asserens quod licet humano iudicio aliquid esse videantur, tamen in conspectu Dei nihil aliud sint quam iniquitates & sordes, quibus non gloria, sed ignominia debeatur, nec in eis locum habeat quod ait Apostolus: *Gloria autem & honor, & pax omni operanti bonum:* sed planè similia sint hypocritarum Phariseorum, aut certè simulatis gentilium virtutibus, quibus non suam naturam, sed immensam Dei misericordiam & largitatem præmium indebitum statuitur, eò quod ex se injusta sunt, sed fide per peccatorum remissionem justificentur. Eo nimirum modo quo quis imagnetur justificari adulterium, cum remissio peccatorum accipitur, aut (ut levius aliquid dicam) eleemosynam factam ex vana gloria, quando vana gloria Deo misereante dimittitur. Sed jam tempus est ut de Justificatione pauca subjiciamus.

# MICHAELIS BAII,

## D E

# JUSTIFICATIONE.

## LIBER TERTIUS.

### C A P U T I.

*Quid circa justificationem potissimum sit inquirendum.*



U M de justificatione differitur, si dialecticorum more illud tantum inquiratur, quid sit justificatio, & quibus partibus constare debeat plena & integra ejus definitio, habitâ cognitione justitiæ, de qua jam diximus, res brevis ac facilius inquiritur. Quia nihil aliud est justificatio, quam continua quædam & indefinens ad justitiam progressio. Justitia verò est mandatorum omnium vera custodia, aut in operatione virtutum, sicut in Christo fuit, aut remissione peccatorum, sicuti in omnibus nobis quamdiu in hac vita sumus magna ex parte reperitur. Nam, ut ait Augustinus: Christus hinc etiam legem adimplevit, quod per carnis suæ sacrificium sacerdos effectus, impetrat nobis indulgentiam peccatorum. Igitur nihil aliud est justificatio, quam continua quædam progressio tam in operatione virtutum, quam in remissione peccatorum. Caterum ut simul ex Scripturis sacris explicetur, quæ sit incipendi, quæ progrediendi ratio, & quibus affectibus tangi soleant, qui vel ad inchoandum justitiam, vel ad proficiendum à Deo promoventur, res est operosior, & ad sapientiam Christianam multò opportunior.

*Cent. Form.  
sum, l. 19.  
cap. 7.*

### C A P U T II.

*Quod licet Deus impium subito possit totum renovare,  
tamen id serè quodam faciat ordine.*

Q Uamvis igitur nemo dubitet, quin Deus omnis naturæ author & gratiæ, hominem corruptum & vitiis innumeris obnoxium, simul uno momento totum renovare & ad perfectam justitiam possit perducere,tribuendo simul & peccatorum omnium remissionem, & consummationem omnium virtutum,

in hac tamen vitæ nostræ miseria, in qua etiam sanctissimos quosque divina gratia sic adjuvat dimicantes, ut non desit propter quod exaudiat quotidie veniam postulantes, secundum altitudinem divini consilii sui circa eos qui rationis usu fruuntur, (de quibus hic tantum differimus) hanc renovationis seu justificationis rationem ferè servat & ordinem, ut ante omnia ex iniquitatis imminentiisque damnationis contemplatione, cordibus eorum in timore spiritum servitutis immittat, qui eos modo quodam compellat medicum querere, cujus præsidio à peccatis æternaque damnatione liberentur. Sic enim ad Christum & justitiam lex eis pædagogus efficitur, dum peccati damnationisque considerationem ingerens, Deo in cordibus eorum operante, gehennæ timorem incutit, per quem ulterius misericorditer à Deo & ad Deum conversi, desiderare & querere eum incipiunt, qui propitiatur omnibus iniquitatibus nostris & sanat omnes infirmitates nostras, juxta illud Esaiæ: *À timore tuo, Domine, concepimus & peperimus spiritum salutis; Quem timorem volens Joannes Baptista sceleratis hominibus incutere: Gemimina viperarum, inquit, quis ostendis vobis fugere à ventura ira? jam enim securis ad radicem arboris posita. Et Apostolus ad Hebræos: Voluntariè enim, inquit, peccantibus nobis post acceptam notitiam veritatis jam non relinquitur pro peccatis hostia, terribilis autem quædam expectatio judicii & ignis amulatio, qua consumptura est adversarios. Irritam quis faciens legem Moysi, sine ulla miseratione duobus aut tribus testibus moritur; quanto magis putatis deteriora mereri supplicia, qui filium Dei conculcaveris, & sanguinem testamenti pollutum duxeris, & spiritui gratiæ contumeliam feceris? &c. Horrendum est incidere in manus Dei viventis.*

Galat. 3.

Psalm. 102.

Isa. 26.

Matth. 3.

Heb. 10.

## CAPUT III.

*Quod timor servilis sic præcedat justitiam,  
ut tamen non sit pars justitiæ.*

**N**ON tamen existimare oportet, timorem futuri judicii qui impiis ante suam conversionem plerumque incutitur, quamdiu servilis est & malæ voluntati jungitur, initium aliquod esse justitiæ, (siquidem credunt & dæmones & contremiscunt, qui tamen nihil habent justitiæ,) sed est quoddam Spiritus sancti donum, quo confixa peccatorum corda, spiritui gratiæ & veritatis minus audent oblectari; & si Deus ulterius misereatur, etiam initium conversionis acquirunt, quæ additis sacramentis ad remissionem eis valeat peccatorum. Nam sicut lex omnisque justitiæ cognitio, quæ auditores legis efficitur, si sola sit, sine spiritu gratiæ, non justificat, sed iram operatur & inflat; ita & hic gehennæ timor, nisi spiritus gratiæ & dilectionis accesserit, non efficitur principium aut causa justitiæ, sed desperationis & poenæ.

Jacob. 2.

Rom. 4.

1 Cor. 3.



## CAPUT IV.

*Quodd aliter timor, aliter fides justitiæ principium intelligi debeat.*

**Q**Uapropter aliter timor, aliter fides justitiæ principium debet intelligi. Nam timor dicitur principium justitiæ, sicut lex, sicut doctrina, sicut mundi tristitia, aut aliqua vis affectio, quæ animum quidem ad renovationem foris pulsat, sed intus ipsum non renovat, nisi Deus misericorditer subveniens, ostium cordis aperiatur, & ei quod foris seminatur aut plantatur, intus vitam & incrementum tribuat, hoc est, nisi faciat justitiam diligere, & iniquitatem odio haberi. A fide verò justitia sumit initium, tanquam à prima quadam sui parte, quæ ideo statim initio tribuitur, ut per eam & remissio peccatorum & opera virtutum impetrentur, sicut docet Augustinus. Id quod de ea fide debet intelligi, cui conjunctum est bonæ voluntatis initium, & quæ credimus unum Dominum nostrum Jesum Christum, qui conceptus est de Spiritu sancto, natus ex Maria virgine, passus sub Pontio Pilato; id est, quæ credimus in unum mediatorem Dei & hominum, hominem Jesum Christum: quia licet omni fidei quod Dei verbis adhibemus commune sit, esse opus Dei & opus justitiæ, quo Deus verax esse agnoscitur & ejus mandatis obeditur, tamen ex æterna Dei prædestinatione, fidei, quæ Deus creditur proposuisse filium suum propitiatorem per fidem in sanguine ipsius, peculiare est lapsis reparationem, peccatorum remissionem, cæteraque quæ ad perfectam justitiam pertinent merito crucis Christi impetrare; adeo ut dicat Augustinus: *Sine fide incarnationis, & mortis, & resurrectionis Christi, nec antiquos justos, ut De pecc. justii essent, à peccatis potuisse mundari & Dei gratiâ justificari, fides Christiana non dubitat, sive in eis justis quos sancta Scriptura commemorat, sive quos non commemorat. Nam si Cornelius Centurio, inquit, ex eleemosynis & orationibus (quas sine aliqua fide non faciebat) posset sine fide Christi esse salvus, non ad eum ædificandum mitteretur architectus Petrus.*

*De grad. san. c. 7. & plen. de spir. & lit. cap. 28.*

*Rom. 1.*

*ori. c. 24.*

*De grad. cap. 7. Idem epist. 59. g. 5.*

## CAPUT V.

*Quo sensu dicat B. Jacobus hominem ex operibus justificari.*

**Q**UOD verò ait B. Jacobus hominem etiam ex operibus justificari, & quodd Abraham ex operibus justificatus est, offerens filium suum super altare, eo etiam sensu intelligi potest quo alibi legimus, quodd qui facit justitiam justus est; & Non auditores legis justii sunt apud Deum, sed factores legis justificabuntur; nempe ut intelligatur nos non in hoc tantum justificari, quodd redemptionis gratiam agnoscentes, fidei nostræ merito, & præcedentium delictorum veniam & virtutum incrementa consequimur, sed etiam in hoc quodd auxilio gratiæ Christi adjuti, legi Dei saltem ex parte & in gravioribus obedimus, & ob-

*Cap. 2.*

*1 Joan. 3.*

*Rom. 2.*

obediendo veram justitiam coram Deo præstamus, à qua justī nuncupemur, sicut de Zacharia & Elizabeth legimus, quòd erant ambo justī ante Deum, incedentes in omnibus mandatis Domini sine querela. Et si enim, ut ait Beda, sicut charitas operit multitudinem peccatorum, sic cuncta opera bona quæ facimus, culpas quas fecimus diluere certum est, tamen ex iis operibus bonis quæ à fidelibus non ob id sunt, ut vel remissionem peccatorum vel incrementa virtutum consequantur, sed solum ut Dei mandatis pareant, cujusmodi sunt obedire parentibus, depositum reddere, ab homicidio, à fornicatione, à furto abstinere; ex his, inquam, operibus in Scripturis sacris justificari dicimur, quia sunt legis obedientia & vera legis justitia, non quia his obtinemus aut remissionem peccatorum aut incrementa virtutum. Quia hæc posterior justificandi ratio peculiariter tribuitur fidei quæ credimus in sanguine Christi, sub qua etiam intelligi debent ea opéra comprehendi quæ in Scripturis sacris similem habent restaurationis nostræ promissionem, quæque ob id potissimum à fidelibus observantur, ut vel delictorum indulgentiam, vel incrementa virtutum consequantur, cujusmodi sunt poenitentia, oratio, misericordia, eleemosyna, mutua debitorum remissio, quæ pacto dominicæ orationis exigitur, & alia id genus: quia sicut de fide legimus, quòd credenti in eum qui justificat impium, reputatur fides ejus ad justitiam, secundum propositum gratiæ Dei; sic etiam de poenitentia: *Pœnitementi & convertimini, ut deleantur peccata vestra*; & de oratione: *Omnis qui invocaverit nomen Domini, salvus erit*; & de misericordia: *Beati misericordes, quoniam ipsi misericordiam consequentur*; de eleemosyna: *Peccata tua eleemosynis redime, & iniquitates tuas misericordis pauperum*; & de mutua remissione peccatorum: *Dimittite, & dimittetur vobis*; &: *Si dimiseritis hominibus peccata eorum, dimittet & vobis pater vester cælestis delicta vestra*. Sicut igitur ex fide redemptionis non ob id tantum justificari dicimur, quia fides opus est justitiæ, sicut cætera quibus Dei mandatis obedimus, sed ob id potissimum, quia per eam & remissionem peccatorum & aliarum incrementa virtutum obtinemus: sic etiam de poenitentia, oratione, & cæteris operibus quæ paulò antè enumeravimus sentiendum est. Porro in eo quod statim subdit B. Jacobus: Vides quoniam fides cooperabatur operibus illius (scilicet Abrahæ,) & quòd fides ex operibus consummata est; hoc significatum arbitror, quòd neque opera sine fideificent, (nam de his scriptum est: Si Abraham ex operibus justificatus est, habet gloriam, sed non apud Deum,) neque fides sine operibus, (quia hæc etiam in dæmonibus invenitur, in quibus nihil est justitiæ;) sed quòd utrumque alterius ope indigeat, ut coram Deo vera justitiam constituat, efficiaturque fides per dilectionem operans, de qua scriptum est, quòd justus ex fide vivit. Nam qui habent fidem per solum timorem operantem, sicut dæmones credunt & contremiscunt, coram Deo justī non sunt, sed solum coram hominibus, qui ignorant quo animo quæve intentione fiant quæ foris officio recta sunt & in speciem sancta videntur.

## CAPUT VI.

*Quod timor crescente justitiâ minuatur,  
fides verò augeatur.*

Quapropter inter fidem & timorem etiam id discriminis invenitur, quod timor qui in justis relinquitur, crescente justitiâ minuitur & ejus consummatione finitur, secundum illud Joannis: *Timor non est in charitate: sed perfecta charitas foras mittit timorem*; perfecta enim charitas, perfecta justitia est, quæ cum delictorum multitudinem operiat, & Dei legem perfectè impleat, non habet unde in die judicii poenam metuat, sed quare desideret ut transeat iniquitas & veniat regnum Dei. Fides verò quamdiu in hac vita sumus, crescente justitiâ non tantum non minuitur, verum etiam augeatur, donec specie succedente in melius aliquid & perfectius commutetur. Hinc discipuli justitiam Dei esurientes, incrementum fidei postulabant, dicentes: *Adauge nobis fidem*. Luc. 17. Et alius quidam: *Credo, Domine, adjuva*, inquit, *incredulitatem meam*. Matt. 9.

## CAPUT VII.

*Quod timor pænæ non semper antecedit justitiam.*

Sunt tamen nonnulli in quibus hic renovationis ordo non servatur, ut prius detur eis spiritus servitutis in timore, deinde temporis progressu dilectio justitiæ: sed aut simul cum ipso timore voluntas obediendi tribuitur, ut dicitur Paulo, qui simul in timore prosternitur, & obediendi voluntate clamat: *Domine quid me vis facere?* Aut sine omni timore, qui saltem manifestus appareat, ad vocem tranquillæ monitionis conversio cordis inspiratur, ut Matthæo, qui vocatus statim a telonio recessit; & Zachæo, qui nullo terrore attritus, nullâ voce increpatus, ad promissiones redemptoris sui spe alacri & avido desiderio cucurrit. Dixi, qui saltem manifestus appareat: nam D. Augustinus dicit nunquam accidere ut quisquam velit fieri Christianus, qui non sit aliquo Dei timore percussus. Cui consentat Sapiens, cum ait: *Timor Domini expellit peccatum*; nam qui sine timore est, non poterit justificari. De catochis. rndi. c. 5. Eccl. 1.

Sed & inter eos qui renovationis gratiam consequuntur, illud etiam discrimen reperitur, quod nonnulli penè quicquid ad ejus plenitudinem pertinet, uno ferè momento aut brevissimo tempore consequuntur: sicut Hieremias, de quo scriptum legimus: *Priusquam te formarem in utero, novi te*; & Joannes Baptista, qui intra Elizabeth matris viscera Spiritu sancto repletus exultat; Luc. 1. cum tamen plerisque aliis diu in sua infirmitate permanentibus, lento quodam incremento vix tandem aliquantulum spiritalis sapientiæ particulatim accrescat. Sed quare isti sic, alii aliter, atque alii aliter diversis & innumerabilibus modis vocentur & reformentur; absit, inquit Augustinus, ut dicamus iudicium Dei esse debere, sed figuli. Qui etiam, ut alibi ait, Sanctis suis idcirco nonnunquam alii-  
cujus cap. 19.

*cujus operis iusti non tribuit vel certam scientiam, vel victricem delectationem, ut cognoscant non à seipsis, sed ab illo sibi esse lucem quâ illuminantur tenebræ eorum, & suavitatem quâ dei fructum suum terra eorum.*

## CAPUT VIII.

*Quòd omnes ratione utentes duplici ex parte iustificentur.*

**Q**uia tamen iustitia in nobis duabus constat partibus, videlicet operatione virtutum, quæ in Scripturis sacris iustitia legis dicitur, & remissione peccatorum, quæ magis secundum reputationem quàm secundum sermonis proprietatem iustitia dicitur; hinc commune est omnibus ratione utentibus duplici ex parte iustificari, remissione videlicet peccatorum, quam quotidie jeuniis, eleemosynis, & pacto dominicæ orationis consequuntur, & incremento virtutum, quo sic in mentis renovatione proficiunt, ut quotidie plenius ac perfectius legi Dei obediant. Quapropter hi qui in Scripturis sacris justificationem duplicem faciunt; primam videlicet, quæ nihil aliud sit quàm remissio peccatorum, quæ sit baptismo aut pœnitentiæ sacramento; & secundam, quæ post acceptam peccatorum remissionem constat continuo quodam protectu virtutum, rectius forsitan & Scripturæ sacræ conformius loquerentur, si unius ejusdemque iustitiæ, quâ potimur in hac vitæ miseria, partes duas esse dicerent, operationem videlicet perfectumque virtutum, à principio conversionis usque ad consummationem sanctæ conversationis, & remissionem peccatorum, qua à peccatis iustificari dicimur, sive cùm baptizamur, sive cùm à sacerdotibus absolvimur, sive cùm aliâ quâvis ratione peccatorum remissionem consequimur. Nam gratiâ Dei per Jesum Christum Dominum nostrum quisque liberatur & iustificatur, non solum remissione peccatorum, inquit Augustinus, sed prius ipsius inspiratione fidei & timoris Dei, impartito salubriter orationis affectu & effectu; donec sanet omnes languores nostros, & redimat de corruptione vitam nostram, & coronet nos in miseratione & misericordia.

*Epist. 105.*

*Psalm. 102.*



MICHAELIS BAIL,  
 D E  
 SACRIFICIO  
 A D  
 REVERENDIS.

Atque Illustriss. Dominum D. Robertum à Bergis,  
 Leodiensem Episcopum.

LIBER UNUS.

C A P U T I.

*Quod sit proprium munus sacerdotii.*



Cum nuper gratiæ tuæ assisterem, Reverende Præsul, admodum lætus audiui, quòd inter curas innumeras, tam ecclesiasticas quàm seculares, quibus ob diocesis patriæque Leodien-  
 sis amplitudinem sine ulla intermissione distraheris, de sacerdotio nihilominus intra breve tempus suscipiendo seridè cogitares; nec illos velles imitari, qui licèt munus sacerdotale gerant, ita se tamen comparant, ut neglecto sacrificio & oratione, quæ sacerdotii propria sunt, nihil præter externa cogitent: sed eos potiùs qui affectu charitatis ita subditorum necessitatibus inserviunt, ut tamen quoties per occupationes licet, ad interna atque potiùs munera sua transferantur. Quapropter tecum cogitans, quomodo de tam sancto proposito tuo non solùm Deo gratias agerem, obsecrans in abscondito ut qui cœpit in te opus bonum perficiat, sed etiam tuæ dignitati congratularer, nihil convenientius occurrit, quàm ut de sacrificio aliquid Celsitudini tuæ scriberem, quòd ex Scriptura sacra veterumque traditione, aut intelligentiam tuam nonnihil adjuvarem ad plenius cognoscenda contemplandaque tanti mysterii sacramenta, aut si fortè aliquando ea legendo audiendoque consecutus es, saltem ad memoriam tibi re-



- vocarem. Hoc enim proprium sacerdotii munus est, offerre dona & sacrificia pro peccatis, uti ad Hebr. 5. legimus. Unde Apostoli congregatâ discipulorum multitudine: *Non est æquum, inquit, nos derelinquere verbum Dei, & ministrare mensis. Considerate ergo fratres ex vobis viros boni testimonii septem, plenos Spiritu sancto & sapientiâ, quos constituamus super hoc opus; nos vero orationi & ministerio verbi instantes erimus.* Nam sub oratione sacrificium comprehenditur, sicuti ex illis discimus qui Actuum 2. perseverantes erant in communicatione & fractione panis, & orationibus. Et ex Levitico, ubi quod de sacerdote dicitur: *Orabit pro se, & pro domo sua;* hoc Apostolus ad Hebr. oblationem interpretatur, dicens, quod debet etiam pro semetipso offerre pro peccatis. Et Esaias de templo, in quo solo offerre licebat: *Domus mea,* inquit, domus orationis vocabitur. Unde Augustinus tractans illud Apostoli: *Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus;* nomine orationis votum & oblationem altaris intelligit. Quemadmodum enim Christus in ara crucis tradidit semetipsum pro peccatis totius mundi, oblationem & hostiam Deo in odorem suavitatis: sic etiam sacerdos ad altare passionem ejus recolens & de illa Deo gratias agens, panem & vinum consecrat in salutis hostiam, quam offert pro peccatis totius mundi. „Cum enim sanctarum plebium præfules, inquit Celestinus, mandatâ sibi legatione funguntur, apud divinam clementiam humani generis agunt causam, & totâ secum Ecclesiâ congemiscente, postulant & precantur ut infidelibus donetur fides, ut idololatræ ab impietatis suæ liberentur erroribus, ut Judæis ablato cordis velamine lux veritatis appareat, ut hæretici catholicæ fidei perceptione resipiscant, ut schismatici spiritum redivivæ charitatis accipiant, ut lapsi pœnitentiæ remedia conferrantur, ut denique cathecumenis ad regenerationis sacramenta perductis, cœlestis misericordiæ aula referetur. *Est enim sacerdos communis quidam totius orbis pater,* inquit Chrysostomus, *cui incumbit ut omnium curam agat, omnibusque provideat, sicut & Deus, cujus ministerio servit & vicefungitur.*
- Nec mihi nunc propositum est ostendere Missam esse sacrificium, sicut solent qui vel contra hæreticos, vel apud vacillantes in fide differunt; quia loquor fideli & catholico Præsuli, qui ab infantia sua didicit & credidit, nec templum, nec altare, nec sacerdotium nostrum constare posse sine sacrificio quod pro peccatis offertur. Siquidem omnis Pontifex ex hominibus assumptus, pro hominibus constituitur in iis quæ ad Deum sunt, ut offerat dona & sacrificia pro peccatis.

Sed quantum Deus adjuverit conabor ostendere primum, quid sit sacrificium, (quod aliis nominibus à victis hostibus victima & hostia nominatur;) deinde quæ ejus differentiæ; tum in quo genere numerari debeat nostrum Eucharistiæ sacrificium; post hæc pro quibus causis ac personis offerri debeat; denique quem nobis pariat fructum; ut his cognitis utcunque possit intelligi, quæ sacrificantis debeat esse spes & intentio.

## CAPUT II.

*Quid sit sacrificium.*

SACRIFICIUM definit Augustinus, omne opus quod agitur ut sanctâ societa- *Lib. 10 de*  
 te inhæreatur Deo, relatum scilicet ad illum finem boni quo veraciter bea- *titut. Dei*  
 ti esse possimus. Unde & ipsa misericordia, inquit, quâ homini subvenitur, *cap. 6.*  
 si propter Deum non fit, non est sacrificium; si verò ad Deum refertur, tunc  
 acceptissima Deo hostia est; de qua ad Hebræos: *Beneficentia & communica-* *Cap. 13.*  
*tionis nolite oblivisci, talibus enim hostiis promeretur Deus.* Nec ipsa tantum  
 actio misericordie sacrificium seu hostia nuncupatur, sed etiam illud quod mi-  
 sericorditer tribuitur. Unde Apostolus: *Habeo autem omnia, inquit, & abun-* *Philip. 4.*  
*do, repletus sum acceptis ab Epaphrodito, quæ misisti in odorem suavitatis, hostiam*  
*placentem & acceptam Deo.* Nam hic hostiam vocat, quæ ipsi in vitæ subsidium  
 missa fuerunt. Sic & in sacrificio crucis, non ipsa tantum obedientia quâ fi-  
 lius Patri factus est obediens usque ad mortem, mortem autem crucis, sacrifi-  
 cium nuncupatur, sed & ipse Christus qui mortem obediendo subiit, &  
 ipsum ejus corpus quod post mortem in cruce remansit, & ejus anima quæ  
 relicto corpore ad inferos descendit, rectè sacrificium & hostia nuncu-  
 pantur.

## CAPUT III.

*Quod duplices sint actiones quæ sacrificia vocantur.*

CÆTERUM actiones quæ in Deum relatæ sacrificia nuncupantur, & à qui-  
 bus res ipsæ quas actionibus nostris Deo offerimus sacrificii nomen acci-  
 piunt, in duplici sunt differentia. Nam aliæ sunt secundum se Deo acceptæ,  
 etiam si ad nihil aliud significando referantur, cujusmodi sunt universa opera  
 virtutum, quæ ubique & in omnibus sunt Deo accepta; quia non est persona- *Mat. 10.*  
 rum acceptor Deus, sed in omni gente qui timet eum, & operatur justitiam,  
 acceptus est illi; ut obedientia Christi usque ad mortem; divina laus, de qua  
 scriptum est: *Sacrificium laudis honorificabit me.* Et: *Immola Deo sacrificium lau-* *Psal. 49.*  
*dis.* Cordis contritio, de qua ait Psalmista: *Sacrificium Deo spiritus contritu-* *Psal. 50.*  
*latus, cor contritum & humiliatum Deus non despiciet.* Castigatio corporis, de  
 qua ait Apostolus: *Obsecro itaque vos fratres, inquit, per misericordiam Dei,* *Rom. 12.*  
*ut exhibeatis corpora vestra hostiam viventem, sanctam, Deo placentem, rationa-*  
*bile obsequium vestrum.* Corpus enim nostrum, inquit Augustinus, cum per tempe- *De civi.*  
*rantiam castigamus, si hoc, quemadmodum debemus, propter Deum faciamus, ut* *Dei, lib. 10.*  
*non exhibeamus membra nostra arma iniquitatis peccato, sed arma justitiæ Deo, sa-* *cap. 6.*  
*cificium est.* Quod si corpus, quo inferiore tanquam famulo vel tanquam in-  
 strumento utitur anima, cum ejus bonus & rectus usus ad Deum refertur, sa-  
 crificium est; quantò magis anima ipsa cum se refert ad Deum, ut igne amo-  
 ris ejus accensa formam concupiscentiæ sæcularis amittat, eique tanquam in-

*Rom. 12.* commutabili formæ subdita reformetur; hinc ei placens, quòd ex ejus pulchritudine acceperit, sit sacrificium? Nam & hoc significavit Apostolus statim consequenter adjungens: Et nolite conformari huic sæculo, sed reformamini in novitate sensus vestri, ut probetis quæ sit voluntas Dei bona, & bene placens, & perfecta. Itaque ipse totus homo Dei nomini consecratus & Deo devotus, cùm mundo moritur ut Deo vivat, & secundùm corpus & secundùm animam acceptissimum Deo sacrificium est.

Aliæ verò sunt actiones typicæ, quæ ob id potissimum Deo acceptæ sunt & sacrificii rationem induunt, quia ad aliud quippiam significando referuntur, quod secundùm se sacrificium est, quodque non solum fide credere, sed etiam perpetuam mentis recordatione contemplari oportet. Hoc modo sacrificia fuerunt quæcunque olim in ministerio tabernaculi ac templi leguntur divinitus esse præcepta. Non enim secundùm se unquam Deo accepta fuit hirci, vituli, aut bovis immolatio, sed hoc solum nomine, quia his actionibus & rebus figurabantur ea sacrificia quæ à filiis novi testamenti requirit Deus, & præcipue futurum crucis sacrificium, cujus apud fideles omnestam jugis esse debet memoria, ut vel ob hanc etiam tempore novi testamenti institutum sit à Christo quotidianum Ecclesiæ sacrificium, quod in hujus tanti beneficii memoriam & gratiarum actionem semper offeratur. *Hoc facite, inquit Christus, in meam commemorationem.*

## CAPUT IV.

*Quòd sacrificia typica à non typicis multipliciter distinguantur.*

*Psal. 49.* Porro inter hæc duo actionum seu sacrificiorum genera multiplex discrimen invenitur. Nam illa quæ secundùm se Deo accepta ad nihil aliud significando referuntur, tanquam naturalia & ex rationalis animi conditione nata, ab initio creaturæ usque in finem semper immutata Deoque accepta permanent. Semper enim erit, & Deo acceptum erit quod ait Psalmista: *Immola Deo sacrificium laudis.* Hæc verò quæ pro ratione temporis ad hoc divinitus instituta sunt & præcepta, ut sint sacrificiorum potiorum sacramenta, tanquam posita & extrinsecus ascita, pro ratione temporis immutantur: sicut de veteris populi sacrificiis manifestissimum est, quæ Christi adventu mutata sunt in unicum nostrum Eucharistiæ sacrificium, virtute majus, utilitate melius, actu facilius, & dignitate incomparabiliter sublimius. Et quæ prius suo modo grata, imò divinitus instituta jussaque fuerunt, statim post tempus correctionis facta sunt molesta, odiosa & abominabilia: sicut Judæis prænuntiavit Esaias, dicens: *Quòd mihi multitudine victimarum vestrarum, dicit Dominus? plenus sum.* Et rursum: *Ne offeratis ultra sacrificium frustra; incensum abominatio est mihi; neomeniam, & sabbatum, & festivitates alias non feram; facta sunt mihi molesta, laboravi sustineus.* Et Hieremias: *Holocausta vestra non sunt accepta, & victimæ vestræ non placuerunt mihi.* Et Amos: *Odi & projecisti civitatis vestras, & non capiam odorem cæturæ vestrorum.* Et clarissime Malachias:

chias: *Non est mihi voluntas in vobis dicit Dominus, & munus non suscipiam de manu vestra; ab ortu enim solis usque ad occasum magnum est nomen meum in gentibus, & in omni loco sacrificatur & offertur nomini meo oblatio munda.* Manifestissime enim designavit quo tempore futurum erat, ut Dominus prisca illa Judæorum mûnera amplius non susciperet, nempe tempore revelati novi testamenti, quo in omnibus gentibus offertur nomini Domini mundissima corporis & sanguinis Christi hostia. Id quod ad Hebræos scribens manifestissime etiam significavit Apostolus, dicens: *Ideo ingrediens mundum, dicit: Hostiam & oblationem noluisti, corpus autem aptasti mihi; holocaustomata & pro peccato non tibi placuerunt, tunc dixi: Ecce venio. In capite libri scriptum est de me, ut faciam Deus voluntatem tuam.* Superius dicens: *Quia hostias, & oblationes, & holocaustomata, & pro peccato noluisti, nec placita sunt tibi quæ secundum legem offeruntur; tunc dixi: Ecce venio, ut faciam Deus voluntatem tuam; auferet primum, ut sequens statuatur.* Nam præfente & revelatâ veritate cessare debuit umbra, illam obscurè & adhuc revelandam significans. Quod verò ait Psalmista: *Si voluisses sacrificium, dedissem utique, holocaustis non delesteraberis;* ad tempora veteris illius populi referendum est, non ut ea quæ divinitus instituta præceptaque fuerunt, ante tempus constitutum negligi aut contemni debuisse suspicemur: sed ut intelligamus, quòd Deus voluptatis suæ gratiâ his nunquam oblectatus fuerit, sicut à stultis putabatur, quòdque de his offerendis nunquam præcepisset, nisi ea sacrificia quæ secundum se citra omnem significationem semper accepta fuerunt, his visibilibus sacrificiis significari voluisset. Nam in eo quod scriptum est, inquit Augustinus: *Miseri-* Lib. 10 de civit. Dei cap. 5. *cordiam volo, & non sacrificium; nihil aliud quàm sacrificium sacrificio præ-* Ojfe 6.  
latum oportet intelligi: & ideo, inquit, mutanda erant opportuno certoque tempore illius populi sacrificia, ne ipsi Deo desiderabilia vel certè in nobis acceptabilia, ac non potiùs quæ istis significata sunt, crederentur.

Rursus prioris generis sacrificia semper à quovis offerri potuerunt, nec aliud in offerente requirunt quàm fidem rectam, spem piam, charitatem synceram. Ad omnes enim cujuscunque temporis homines pertinet quod ait Psalmista: *Immola Deo sacrificium laudis, & redde Altissimo vota tua.* Et: *Sacrificium Deo spiritus contribulatus;* & cætera similia quæ in Scripturis sanctis de hujusmodi sacrificiis scripta leguntur. Quo fit, ut ab illis sacrificiis, fideles omnes sacerdotes in Scripturis sacris appellentur, offerentes spirituales hostias acceptabiles Deo per Jesum Christum Dominum nostrum, sicuti in epist. B. Petri legimus. Unde in Apocalypsi, Christus nos in hoc dilexisse dicitur, quòd lavit nos à peccatis nostris, & fecit nos regnum & sacerdotes Deo & patri suo. Ob quam causam etiam quatuor animalia & viginti quatuor seniores ceciderunt coram agno, & cantabant canticum novum, dicentes: *Dignus es Domine accipere librum, & aperire signacula ejus; quia occisus es, & redemisti nos in sanguine tuo, ex omni tribu, & lingua, & populo, & natione, & fecisti nos Deo nostro regnum & sacerdotes.* Eo ipso enim quo nos impietati atque humanis occupationibus intentione vanissimâ servientes ad se convertit, ut jam quæ Dei sunt cogitantes, non ampliùs mundo, sed Deo sacrificium laudis & gratiarum actionis immolemus, sacerdotes nos fecit Deo nostro,



- nostro, spirituales hostias offerentes. Ea verò sacrificia, quæ ad priora significando referuntur, ab his duntaxat offerri possunt, qui ex hominibus assumpti, pro hominibus constituti sunt in iis quæ ad Deum sunt, ut offerant dona & sacrificia pro peccatis, sicut ex testamento veteri manifestissimum est:
- Hebr. 5.* Nec enim quisquam sumit sibi honorem, inquit Apostolus: sed qui vocatur à Deo, quemadmodum Aaron. Unde in Numeris tam severè animadversum est in Dathan & Abiron, qui cùm sacerdotes non essent, sacerdotum sibi vendicaverunt, id ipsum prætendentes quod & hodierni hæretici, nempe quòd omnis multitudo sanctorum sit, ac proinde omnes habendos sacerdotes & æquales.
- Ibidem.* Similiter 2. Paralip. cùm rex Ozias templum ingressus, adolere vellet incensum super altare thymiamatis, statim ingressus post eum Azarias sacerdos Domini, & cum eo octoginta viri fortissimi restiterunt regi, atque dixerunt: Non est tui officii Ozia, ut adoleas incensum Domino, sed sacerdotum, hoc est, filiorum Aaron qui consecrati sunt ad hujusmodi ministerium. Egrede de sanctuario, &c. statimque orra est lepra in fronte ejus, quòd cùm sacerdos non esset, sacerdotis sibi vendicaret officium. Ex quibus manifestum evadit, quod typicorum sacrificiorum oblatio non omnium fidelium officii sit. Unde nec ab horum sacrificiorum ministerio vocandi sunt omnes sacerdotes, sed hi duntaxat qui juxta ritum à Deo præscriptum sunt ad hoc ministerium consecrati. Denique priora illa sacrificia quæ significativa non sunt, tum deum & offerentibus & iis pro quibus offeruntur profunt, cùm offeruntur ex corde puro & conscientia bonâ, & fide non fictâ. Nam si offerantur intentione perversâ, prorsus inania fiunt & inutilia tam offerentibus quàm iis pro quibus offeruntur. Unde illud: *Quare jejunavimus, & non aspexisti; humiliavimus animas nostras, & nescisti?* Imò tunc nec sacrificia dicenda sunt, quia non eò referuntur ut Deo verâ charitate adhæreatur, quod tamen initio hujus libri ex Augustino ad rationem sacrificii pertinere ostendimus. Ea verò quæ typica sunt, etiam si offerantur intentione perversâ, nec eis profunt, imò plurimum obfunt per quos offeruntur, quia de his per prophetam dicit Dominus:
- Malac. 2.* Maledicam benedictionibus vestris; tamen propter sacramenti à Deo instituti veritatem immobilemque instituentis voluntatem, (quâ sit ut absque ministrantis devotione non tantum integra sit sacramenti ratio, sed etiam devotis fidelibus profuit,) veram sacrificii rationem retinent; quia hanc non à devotione ministrantis, sed ab instituentis voluntate & sanctitate rei significatæ sortiuntur, sicut & effectum suum; quemadmodum ex Levitico discimus, ubi constitutis sacrificiis quæ pro peccato sacerdotis, principis aut populi per ignorantiam commissio offerri debeant, semper in fine concluditur: Rogabitque pro eo sacerdos, & propitius erit ei Dominus. Sacerdos, inquit, non addit, devotus aut indevotus. Nec mirum, nam sacramenta non à ministri pietate, sed instituentis ordinatione & suscipientis fide virtutem suam sortiuntur, sicut in baptismo & sacramentaliis manifestissimum est. Qua de re vide Augustinum, lib. 2. contra epist. Parm. cap. 8.
- 1 Tim. 1.*
- Esa. 58.*
- Cap. 4.*



## CAPUT V.

*In quo sacrificiorum genere constituendum sit sacrificium corporis & sanguinis Domini.*

AD hoc posterius sacrificiorum genus, præsertim si actionem externamque sacramenti speciem spectes, sine ulla ambiguitate pertinet quotidianum Ecclesiæ sacrificium, quod Christus instante passione pro omnibus sacrificiis veteris testamenti in Ecclesia usque ad finem seculi offerendum instituit; ut quemadmodum illa multis & variis modis verum crucis sacrificium, Christi scilicet mortem tunc adhuc futuram & velatam, adumbraverunt: sic & istud illam jam peractam & toti mundo revelatam, simplici ac definito quodam modo semper annuntiet, donec Dominus veniat: Hoc enim facite, inquit, in meam commemorationem. „Unde Augustinus: In illis, ait, carnalibus *Enlgeat. Deside ad Petrum, cap. 19.*  
 „victimis figuratio fuit carnis Christi, quam pro peccatis nostris ipse sine pec-  
 „cato fuerat oblaturus, & sanguinis quem erat effusus in remissionem pec-  
 „catorum nostrorum: in isto autem sacrificio gratiarum actio atque com-  
 „memoratio est carnis Christi quam pro nobis obtulit, & sanguinis quem pro  
 „nobis idem Deus effudit. In illis ergo sacrificiis, inquit, quid nobis esset  
 „donandum figuratè significabatur, in hoc autem sacrificio quid nobis jam  
 „donatum sit evidenter ostenditur; in illis sacrificiis prænuntiabatur filius Dei  
 „pro impiis occidendus, in hoc autem pro impiis nuntiatur occisus. Et rur- *Cont. Fan- sum 1. 10. cap. 18.*  
 „sus: Hebræi in victimis peccatorum, multis & variis modis (sicut et tantà  
 „dignum erat) prophetiam celebrabant futuræ victimæ, quam Christus ob-  
 „tulit. Unde jam Christiani paracti ejusdem sacrificii memoriam celebrant  
 „sacro sanctâ oblatione & participatione corporis & sanguinis Christi. Di- *2. 2. quæst. 85. art. 1.*  
 „vius Thomas, ut in sacrificiis & oblationibus specialem virtutem constituat,  
 „ea duntaxat arbitratur propriè dicenda sacrificia, quæ non ab aliud merentur  
 „laudem, quàm quòd in Dei reverentiam fiant. Sed juxta hunc modum neque  
 „corporis castigatio, neque contritio cordis, neque alia multa quæ passim in  
 „Scripturis sacris sacrificia aut hostiæ nominantur, propriè dicentur sacrificia;  
 „quia non tantum ex fine, sed etiam ex officio sunt honestæ & laude digna: imò  
 „nec ipsa Christi passio (quæ tamen propter eminentiam hoc sibi nomen pro-  
 „priè vendicat) propriè sacrificium dicitur, quia in ipsa tantopere laudandum  
 „humilitatis officium est, ut palam testetur Apostolus quòd propter hoc Deus *Philp. 2.*  
 „exaltavit eum, & dedit ei nomen quod est super omne nomen, ut in nomine  
 „Jesu flectatur omne genu, cœlestium, terrestrium, & infernorum, & om-  
 „nis lingua confiteatur quòd Dominus Jesus est in gloria Dei Patris. Quin & ea  
 „quæ in veteri lege ob id peculiariter sacrificia nuncupantur, quòd ad Christi  
 „passionem, quæ propriissimè sacrificium est, significando referantur, etsi  
 „quibusdam videri queant ex eo duntaxat mereri laudem, quòd ad Dei hono-  
 „rem fiant, attamen ex hoc etiam laudabilia sunt, quòd tanti tamque necessa-  
 „rii sacramenti fidem significando doceant & foveant. Rectius igitur & sacræ  
 „Scripturæ conformius, sacrificium cum D. Augustino sine speciali virtutis ratio-

ne intelligimus in omni opere bono, quod ad eum finem refertur quo veraciter beati esse possumus, sive ex fine duntaxat, sive etiam ex officio laudem aliquam mereatur; atque unum quodque opus bonum apud Deum tantò magis esse sacrificium, quantò magis illi fuerit acceptum.

## CAPUT VI.

*Cur sacræ Eucharistiæ confectio, præ cæteris sacramentis peculiariter sacrificium appelletur.*

QUOD si roges, cur sacræ Eucharistiæ confectio præ cæteris sacramentis; (quæ etiam typica sunt & ad hoc divinitus instituta, ut juxta sacrificii definitionem sanctam aliquam actionem significant, eo fine peractam ut Deo sanctâ societate adhæreatur,) à piis fidelibus peculiariter nomine sacrificii celebretur, quadruplex videtur ejus reddi posse ratio. Prima est, quòd sola ad hoc peculiariter est instituta, ut sit illius primi atque eminentissimi sacrificii quotidiana cum gratiarum actione commemoratio: Hoc enim facite, inquit Christus, in meam commemorationem. Nam si juxta Scripturam sacram tempore legis veteris peculiariter sacrificia dici meruerunt, quæ unicuique istud sacrificium adhuc futurum & incognitum adumbrabant; quantò magis sacrificium dici meretur, quod ipsum jam peractum manifestè commemorat & continet. In illis enim carnalibus victimis, inquit Augustinus, quid nobis esset donandum figuratè significatur; in hoc autem sacrificio quid nobis jam donatum sit evidenter ostenditur. Secunda ratio est, quòd sola Eucharistia sacratissimam illam hostiam contineat, quæ semel in cruce oblata, totius mundi salutem operatur & propriissimè sacrificium nuncupatur. Tertia est, quòd hoc sacrificium inter omnia sacramenta in effectu suo crucis sacrificio simillimum sit. Sicut enim sacrificium crucis, vivis & defunctis, fidelibus & infidelibus, presentibus & absentibus prodest; (Christus enim, ut inquit Paulus, unâ oblatione consummavit in æternum sanctificatos) sic & istud; quod nulli prætereà competit sacramento. Unde & in Scripturis sacris, propter affectus similitudinem quam habet cum oratione, frequenter orationis nomine significatur: ut Act. 6. Nos verò orationi & ministerio verbi instantes erimus. Et ad Tim. Obsecro primum omnium fieri orationes, &c. Et quod in Levitico legitur: Orabit pro se sacerdos, Apostolus ad Hebræos interpretatur, offeret. Quibus simile est illud: Domus mea domus orationis vocabitur: nam alibi poterat orari, sed non offerri. Quartò potest hujus sacramenti confectio sacrificium peculiariter nuncupari, quia significat etiam illud sacrificium quo universa Sanctorum societas per sacerdotem magnum Deo offertur. Hoc est enim sacrificium Christianorum, inquit Augustinus, quo multi unum corpus in Christo sumus; quod etiam sacramento altaris fidelibus noto frequentat ecclesia, ubi ei demonstratur, quòd in ea oblatione quàm offert, ipsa offeratur. Igitur ipsa Eucharistiæ confectio non idèò à fidelibus peculiariter nomine sacrificii prædicatur, quòd inter sacramenta, sola sacrificium sit; sed quia inter omnia sacrificia sic eminet, ut nomen aliis commune veluti proprium sibi vindicare mereatur. Nam & ipsum

synaxis

Levit. 22.

Fulgent.  
de fide ad  
Patr. 4. 19

Hebr. 10.

1 Tim. 2.

Levit. 16.

Hebr. 7.

Esai. 56.

De civit.

De lib. 10.

cap. 6.

synaxis vocabulum, quod alioqui cæteris sacramentis commune erat, (hoc enim agunt universa, ut ejus quod verè unum est societatem unitatemque individuum largiantur) ab effectu ipso quo unitatem perficit, sibi proprium fecit: sicut hanc docet Dionysius Areopagita in Ecclesiastica Hierarchia.

Cap. 3.  
part. 1.

## CAPUT VII.

*Quodd Ecclesie sacrificium duobus modis significet.*

**D**UOBUS autem modis sacrificium istud significat, externâ videlicet sacramenti specie, & circa sacramentum actionis exterioris similitudine. Externâ sacramenti specie in primis significat, quod Christus apud Joannem tantâ instantiâ nobis commendavit: Ego sum panis vitæ; & Caro mea verè est *Jean. 6.* cibus, & sanguis meus verè est potus; & Panis verus est, qui de cœlo descendit, & dat vitam mundo; & Panis quem ego dabo, caro mea est pro mundi vitâ; & Nisi manducaveritis carnem filii hominis, & biberitis ejus sanguinem, non habebitis vitam in vobis. Nempe quodd Christus morte, quæ in ejus carne fuit, credentibus & credendo manducantibus vita reparetur, quam rectis ante lapsum panis ille tribuebat, de quo ait Psalmista: Percussus sum ut fœnum, & aruit cor meum, quia oblitus sum comedere panem meum. Deinde etiam significat illud quod in Apostolo legimus: *Multi unum corpus sumus, omnes qui de uno pane & de uno calice participamus.* Unde Cyprianus episc. ad Magnum: *Unanimitatem Christianorum firmâ sibi atque inseparabili charitate connexam, etiam ipsa dominica sacrificia declarant.* Nam quando Dominus corpus suum panem vocat, de multorum granorum adunatione congestum, populum nostrum quem portabat indicat adunatum. Et quando sanguinem suum vinum appellat, de botris atque acinis multis expressum atque in unum coactum, gregem item nostrum significat commixtione adunatæ multitudinis copulatum. Quem secutus Augustinus: *Hujus rei sacramentum, inquit, id est, unitas corporis & sanguinis Christi domensa dominica sumitur.* Et clarius super Joannem: *Dominus, inquit, noster Jesus Christus (sicut etiam ante nos hoc intellexerunt homines Dei) corpus & sanguinem suum in iis rebus commendavit, quæ ad unum aliquid rediguntur ex multis; namque aliud in unum ex multis gravis conficitur, aliud in unum ex multis acinis confuit.*

Similitudine verò exterioris actionis circa sacramentum (de qua ait Apostolus: *Panis quem frangimus; & rursus: Dominus Jesus in qua nocte tradebatur, accepit panem, & gratias agens, fregit.* Item apud Lucam: *Accipite, & dividite inter vos*) Christi passionem immolationemque significat, juxta illud Apostoli: *Quotiescumque enim manducabitis panem hunc, & calicem bibetis, mortem Domini annuntiabitis, donec veniat.* Unde Augustinus: *Dum frangitur bestia, Inlib. Scand. Pre-seri.* dum sanguis de calice in ora fidelium funditur, quid aliud quàm dominici corporis in cruce immolatio, ejusque sanguis de latere effuso designatur? Id quod intuens Ecclesia tempore fractionis & communionis, veluti Christum in cruce peccata tollentem alloquens exclamat: *Agnus Dei qui tollis peccata mundi, miserere nobis.* Non tamen negaverim Christi mortem, id est, corporis ab anima, quæ in sanguine non absurdè intelligitur, separationem etiam in eo designari, quod

panis seorsim in corpus, & vinum seorsim in sanguinem Christi consecratur. Nam id satis aperte significat quod post panis & vini consecrationem statim in canone sequitur: *Unde & memores, Domine, nos servi tui, sed & plebs tua sancta, ejusdem Christi filii tui Domini nostri, tam beatæ passionis, &c. offerimus præclara majestati tuæ de tuis donis ac datis hostiam puram, &c.*

## CAPUT VIII.

*Quid non quorumvis officii sit offerre sacrificium corporis  
& sanguinis Domini.*

Sicut igitur olim in testamento veteri, non quorumvis officii erat offerre typica illius temporis sacrificia, sed filiorum Aaron, qui consecrati erant ad hujusmodi ministerium, quibus & populus juxta legem decimas persolvebat, ut se eorum favore patrocinioque apud Deum egere significaret: sic etiam tempore novi testamenti, non quorumvis officii est panem & vinum consecrare in salutis hostiam, illamque Deo Patri offerre, sed eorum duntaxat qui ad hoc ministerium electi sunt & ritu divinitus præscripto consecrati, qui etiam in hodiernum usque diem à populo decimas accipiunt; de quibus Tito scribit Apostolus: *Hujus rei gratiâ reliqui te Cretæ, ut ea quæ desunt corrigas, & constituas per civitates presbyteros.* Et Timotheo: *Noli negligere gratiam quæ est in te, quæ data est tibi per prophetiam, cum impositione manuum presbyterii.* Et rursum: *Manus nemini citò imposueris, neque communicaveris peccatis alienis.* Quia sicut illa sacrificia typica fuerunt, & ad præfigurandum Christi mortem salubriter instituta, sic etiam istud sacrificium typicum est, & in commemorationem mortis Christi divinitus ad hominum salutem institutum; est tamen verum sacrificium, quia corporis & sanguinis Christi vera oblatio in remissionem peccatorum: sicuti & illa licet typica & mortis Christi prænuntiativa, tamen vera fuerunt sacrificia, quibus Dominus iis qui peccaverant sivebat propitius, sicuti in Levitico sæpius repetitur.

Sed objicitur: Deus unâ oblatione consummavit in ætérnum sanctificatos: igitur tempore novi testamenti præter oblationem crucis nulla est oblatio sanctificans & emundans à peccatis. Responsio. Deus unâ oblatione non tantum consummavit sanctificatos, tempore novi testamenti, sed etiam tempore veteris, imò & quotquot ab initio mundi unquam sunt sanctificati. Quapropter si hoc Apostoli testimonio tollitur quotidianum Ecclesiæ sacrificium, eadē etiam ratione tollenda erant quæcunque ab initio mundi pro peccatis oblata egerunt esse sacrificia; quod quia absurdissimum est, ideò intelligere debemus, Apostolum jam dicto testimonio non loqui de typicis sacrificiis, quæ ad aliud quippiam significando referuntur à quo vim sanctificandi mutuuntur, sed de eo quod secundum se sine ulla significatione aut relatione Deo Patri tam est acceptum, ut propriâ virtute ac merito sanctificet quotquot Deo Patri reconciliantur, & reconciliando sanctificantur; quale sine dubio unicum est, videlicet ipsum crucis Christi sacrificium, quo ab initio mundi sanctificati sunt quotquot vel sacrificiis priorum temporum, vel quotidiano Ecclesiæ sacrificio unquam

Cap. 1.

1 Tim. 4.

2 Tim. 1.

1 Tim. 5.

Levit. 4.

5. &amp;c.

Object.

Heb. 13.

Respon.



quam fuerunt sanctificati. Dissertit enim Apostolus contra Judæos, qui veram crucis oblationem abnegantes & sine ulla Christi gratia veram sibi justitiam vendicantes, legis quidem obedientiam non adiutorio Christi, sed suæ legis cognitioni, remissionem verò peccatorum non sacrificio crucis, sed suis brutorum animantium tribuebant sacrificiis. Quasi videlicet hircorum aut vitulorum immolatio secundum se, sine ulla relatione ad Christi mortem, Deo tam accepta fuisset, ut ejus intuitu peccata solvisset; serviebant enim carnaliter & signa pro rebus amplectebantur, ut patet lib 3. de doctrina Christiana, cap. 5. & 6. Quos redarguens Apostolus, omnem omnium omnino hominum, qui vel antè fuerunt vel post futuri sunt, sanctificationem ad unicam crucis oblationem refert, quæ videlicet secundum se sine ulla significatione aut relatione Deo Patri tam accepta fuerit, ut intuitu illius ac merito sanctificet quotquot aliquando sanctificantur, sive per sacrificia typica, sive per alia quæcunque sacramenta. Non enim hoc agit Apostolus, ut per typica sacrificia sanctificatio fieri negetur, (nam alioqui nec baptismo nec ulli sacramento tribui posset ulla sanctificatio;) sed ut omnis sanctificatio, quæ exhortatione, sacramentis, sacrificiis, aut aliâ quavis ratione efficitur, virtute & merito passionis Christi fieri intelligatur, non autem virtute immolationis alicujus pecudis, sine merito passionis Christi, quemadmodum errantes imaginabantur Judæi, qui, uti jam diximus, signa pro rebus amplectebantur.

## CAPUT IX.

*Quod etsi Ecclesiæ sacrificium typicum sit & significativum, plurimum tamen differat à sacrificiis testamenti veteris.*

CÆterum etsi quotidianum Ecclesiæ sacrificium typicum sit & significativum, proprios habens sacerdotes ad hujusmodi ministerium consecratos, sicuti & testamenti veteris sacrificia, tamen plurimum ab eis discrepat, non in eo tantum quòd modo quodam unico ac simplici evidenter ostendit, & cum gratiarum actione tanquam exhibitum jam & revelatum commemorat, quod illa multipliciter & obscurè adhuc tunc futurum & velatum adumbrabant: sed in eo maxime quòd illa actione & nonnullâ qualitatis similitudine veram crucis hostiam, quæ pro totius mundi peccatis offerenda erat, tantum præfigurabant; ipsum verò Ecclesiæ sacrificium actione quidem & nonnullis proprietatibus ad significandum institutis ab illo discrepat; (aliud est enim panis & vini consecratio, aliud voluntaria Christi in cruce passio,) sed ipsam hostiam quæ in cruce oblata est veraciter continet, nempe corpus & sanguinem Christi, ut quisquis hujus sacrificii quotidiani particeps efficitur, non tantum suscipiat figuram aut imaginem, sed rem etiam quæ figuratur, & corpus quod pro omnibus sacrificiis veteris testamenti offertur & veraciter participantibus ministratur, sicut docet Augustinus de civitate Dei.

*Lib. 17.  
cap. 20.*



## CAPUT X.

*Quâ ratione sacrificium corporis & sanguinis Domini non tantum oblatio, sed etiam proprii nominis sacrificium dici queat.*

Quidam hic anxie laborant, ut ostendant hujus confectionem sacramenti, non tantum esse oblationem, sed etiam proprii nominis sacrificium; de cujus ratione esse contendunt, ut res quæ offertur etiam mutatione aliquâ sanctificetur. Quam difficultatem etsi à veteribus observatam discussamque non invenerim, attamen sic expediri posse existimo, ut quemadmodum in sacrificio populi veteris vitulus & vivens sacrificium dicebatur, quia id erat quod occisione erat sanctificandum, & occisus, quia erat hostia jam immolatione sanctificata, quam qui edebant efficiebantur altaris participes; sic etiam in Eucharistiæ sacramento panis & vinum sacrificium dici possunt, tanquam illa à quibus ipsa mutatio sumit initium; quemadmodum initio canonis Missæ de ipsis dicitur: Supplices rogamus ac petimus uti accepta habeas ac benedicas hæc dona, hæc munera, hæc sancta sacrificia. Et ipsum Christi corpus & sanguis sub specie panis & vini contenta dicuntur sacrificium, tanquam res in quas fit sancta mutatio, de quibus in fine canonis: Offerimus præclaræ majestati tuæ de tuis donis ac datis hostiam puram, hostiam sanctam, hostiam immaculatam. Quapropter utroque modo rectè dicimus, videlicet sacrificium panis & vini, hoc est, ex pane vinoque confectum, & sacrificium corporis & sanguinis Domini, hoc est, ipsa vera hostia, sacra quâdam transmutatione confecta, cujus participes sunt omnes qui in Ecclesia Christi ad altare Domini pertinent.

## CAPUT XI.

*Cur ecclesiæ ministri in libris novi testamenti non dicantur sacerdotes aut pontifices, sed presbyteri & episcopi.*

Nec quemquam movere debet, quod ministri Ecclesiæ à Christo constituti nusquam in Scriptura novi testamenti leguntur appellari sacerdotes aut pontifices, sed episcopi & presbyteri, quasi videlicet hæc nomenclatura immutatione significare voluisset eos non sacrificiis offerendis destinatos, sed prædicationi verbi aliisque similibus ministeriis. Quia omnes libri novi testamenti scripti sunt eo tempore, quo adhuc aut in usu aut in recenti memoria erant pontifices & sacerdotes veteris testamenti, à quibus Apostoli & Evangelistæ (qui novi testamenti libros sacros conscripserunt) volentes distinguere pontifices & sacerdotes nostri temporis, (ne videlicet non secundum ordinem Melchisedech, sed secundum ordinem Aaron intelligerentur constituti,) non eos sacerdotes aut pontifices, sed presbyteros aut episcopos nuncuparunt. Cæterum deleta

deletâ Hierusalem, & in cordibus fidelium utcunque obliterated prioris sacerdotii memoriâ, omnes Ecclesiæ doctores qui post Apostolos & Evangelistas extiterunt, ministros novi testamenti constantissimè pontifices sacerdotisque vocaverunt, ut ex eorum monumentis evidentissimum est; ut his etiam appellationibus ostenderent, eos successisse in locum pontificum & sacerdotum prioris temporis, ad offerenda dona & sacrificia pro peccatis, & ad implendum in gentibus quod in Malachia prædictum legimus: *In omni loco sacrificatur & offertur nomini meo oblatio munda, quia magnum est nomen meum in gentibus, dicit Dominus exercituum.*

## CAPUT XII.

*Pro quibus personis & causis offerendum sit quotidianum Ecclesiæ sacrificium.*

JAM restat paucis intueri, pro quibus causis & personis offerri debeat nostrum altaris sacrificium. Ubi illud in primis observandum, quod licet de ratione sacrificii non sit quod pro peccatis offeratur aut alio quovis humanæ reparationis effectu, (poterat enim homo ante lapsum Deo tanquam supremo Domino in laudem & gratiarum actionem offerre sacrificium;) attamen quia nostrum commune sacrificium ad hoc potissimum institutum est, ut iugis commemoratio sit illius sacrificii quod in cruce oblatum genus humanum reparat, & ut nos eorum munera participes efficiat, quæ Deus diligentibus se præparavit; idè pro iisdem causis & personis offerri debet, pro quibus Christus in cruce oblatus est, nempe pro omnibus electis, aut quos electos arbitramur, tam vivis quàm defunctis, & pro omni eorum reparatione, donec ad eum statum pervenerint, quem omnes homines consecuti fuissent si ab innocentia lapsi non fuissent. \* Successit enim in locum omnium sacrificiorum testamenti veteris, quæ pro diversissimis causis ac personis offerebantur; adeo ut Machabæus pro peccatis mortuorum in spe resurrectionis offerri mandaverit: sicut & \* Augustini mater moriens, ad altare memoriam sui fieri petivit; & vir tribunicius Hesperius, sicuti est apud \* Augustinum, vexationem dæmonum à villa sua sacrificio depelli curavit. Nec arbitrandum est, (ut quidam errantes existimant) sacrificium istud pro iis tantum offerri debere, qui nunc ad Ecclesiam Christi pertinent, sed generaliter pro iis omnibus, de quibus sperare possumus quod in Christi gregem aliquando adunabuntur. Nam & ipse Onias sacerdos summus in Machabæis pro salute Heliodori gentilis & impii hostiam obtulit salutarem; & ipse Apostolus Timotheo præcipit, primum omnium fieri orationes, obsecrationes, postulationes, gratiarum actiones pro omnibus hominibus. In quem locum scribens Chrysostomus: *Sed forte quis dixerit, inquit, pro omnibus quod ait, tantum fideles intelligi voluisse: at id verum non esse, inquit, quæ sequuntur ostendunt; siquidem ait, pro regibus, neque enim reges tunc Deum colebant.* Et Augustinus: *Additur, inquit, pro omnibus hominibus, ne quisquam, sicut se habet humanæ cogitationis infirmitas, existimaret non esse ista scienda pro his à quibus persecutionem patiebatur Ecclesia.* Quam sententiam adhuc

2. Aug. off.  
contra ad-  
ver. lxxij  
& proph  
lib. 1. c. 19.  
Con. Do-  
na. l. 3. in  
fine. Et  
dicitur.  
Dri. lib. 17.  
cap. 20.  
2 Mac. 12.  
b Lib. 9.  
confes. cap.  
11. 12. 13.  
c Decio.  
Dri. l. 22.  
cap. 8.

2 Mac. 3.  
1 Tim. 2.  
Hemi. 6.  
Epist. 59.  
clavius

*Lib. 1. c. 12.* clariùs exequitur D. Ambrosius, seu potiùs D. Prosper de Vocatione gentium, dicens: *Præcipit Apostolus, imò per Apostolum Dominus qui loquebatur in Apostolo, fieri obsecrationes, postulationes, & gratiarum actiones pro omnibus hominibus, pro regibus, & pro iis qui in sublimitate sunt; quam lex supplicationis ita omnium sacerdotum & omnium fidelium devotio concorditer tenet, ut nulla pars mundi sit in qua hujusmodi orationes non celebrantur à populis Christianis.* Supplicat ergo ubique Ecclesia Deo non solum pro Sanctis & in Christo jam regnantibus, sed etiam pro omnibus infidelibus & inimicis crucis Christi, pro omnibus idolorum cultoribus, pro omnibus qui Christum in membris ipsius persequuntur, pro Judæis, quorum cæcitati lumen Evangelii non refulget, pro hæreticis & schismaticis, qui ab unitate fidei & charitatis alieni sunt. Et ne quis fortè suspicetur hoc Apostolite testimonium ad quotidianum Ecclesiæ sacrificium non pertinere, attendat in primis quomodo id quod in Levitico de sacerdote legitur: *Orabit pro se; interpretetur Apost. in epist. ad Hebræos: Offeret pro seipso, pro peccatis;* quo sensu etiam scriptum est: *Domus mea domus orationis vocabitur; Similiter & illud: Patres nostri in monte hoc adoraverunt, vos autem dicitis quia Hierosolymis est locus ubi adorare oportet; quia ubique licebat adorare, sed offerre non nisi in templo Hierosolymitano.* Videat & August. epist. 59. superiùs dicta, quomodo orationes pro oblationibus & sacrificiis accipiat, secutus, ut apparet, id quod in Actis habemus de perseverantibus in oratione & fractione panis. Cui planè consentit Chrysostomus in commentario, dicens: *Quid autem sibi vult quod ait, primum omnium; in obsequio scilicet quotidiano, inquit, perpetuoque divinæ religionis ritu.* Atque id noverunt, inquit, fideles, quomodo diebus singulis manè & vespere orationes fundantur ad Dominum, quomodo pro omni mundo, & regibus & omnibus qui in sublimitate sunt positi, obsecrationes ab Ecclesia fiant.

*Levit. 16.**Hebr. 5.**Esa. 56.**Joan. 4.**Act. 2.**Ho. 6. in**1 Tim. 2.*

## C A P U T XIII.

*Quem effectum pariat quotidianum Ecclesiæ sacrificium.*

**P**ORRò sicut orationes, quæ secundum Domini præceptum quotidie in Ecclesia Dei fiunt, inanes & perfunctoriæ non sunt, sed secundum ordinem divinæ dispositionis pro his exaudiuntur, quos quotidie de potestate tenebrarum eximi aut aliud quodcunque misericordiæ munus à Deo consequi videmus; sic etiam de ipso quotidiano sacrificio sentiendum est, quod à sacerdotibus oblatum, pro iis causis & personis sit efficax, quarum Deus misereri decrevit, quodque, si aliquos, (ut inquit Prosper, sicuti videmus accidere,) salvantis gratia præterierit, & pro eis sacrificium oratioque Ecclesiæ recepta non fuerint, ad occulta divinæ justitiæ judicia referendum est, & agnoscendum hujus secreti profunditatem nobis in hac vita patere non posse. Ex parte enim cognoscimus, & ex parte prophetamus. Quapropter dum scimus sacrificium istud non tantum pro quibuscunque causis offerri posse, præsertim quæ ad sublevamen humanæ pertinent miseriæ, ut pro poenitentia & peccatorum remissione, pro victoria & pace con-

*De voca.  
gent. lib. 1.  
cap. 13.**1 Cor. 13.*

consequenda, pro sanitate & aëris temperie, sed etiam pro quibuscumque hominibus quibus salutem sperare possumus, tam iustis quam iniustis, tam defunctis quam vivis, nullo modo ambigere debemus quin in omnibus causis & personis quotidie sortiatur effectum, quibus Deus secundum ordinem æternæ suæ dispositionis per ipsum sacrificium decrevit subvenire. Sed ubi nulla meritum existit diversitas, quare potius in hoc homine quam in alio, aut cur potius in hac causa quam in alia effectum consequatur, non debet iudicium esse luti, sed figuli, qui secundum altitudinem divinæ & incomprehensibilis sapientiæ suæ, quorum vult miseretur, & quos vult indurat. Solet etiam quaeri, utrum istud sacrificium valeat ad remissionem criminum quæ à jam baptizatis committuntur. Cui respondendum videtur, quod valeat quidem & cooperetur ad omnium peccatorum remissionem, non tamen sic ut jam baptizatus sine absolutione sacerdotis graviorum scelerum consequatur remissionem, sed solum ut apud Deum dignus habeatur, cui per sacerdotem peccata dimittantur. Nam sicut Ecclesia per orationes Sanctorum tanquam per columbæ gemitum peccata eorum dimittit, qui per sacerdotes sive bonos sive malos absolvantur: sic & Ecclesiæ sacrificium (quod cum orationibus usque adeo similem operatur effectum, ut frequenter etiam oratio nuncupetur) cooperatur infirmitati poenitentium, ut apud Deum per Ecclesiæ sacerdotes, ut dictum est, absolvi mereantur. Nam sicut fides in aqua mundat, sic poenitentia, elemosyna, oratio & sacrificium in reconciliationis sacramento sanctificat.



MICHAELIS BAII,  
COLLATIO  
CUM  
JUDOCO RAVESTYN,  
ET  
CUNERO PETRI,  
Lovaniensis Academiæ Doctoribus Theologis:  
DE  
SACRIFICIO MISSÆ.

*Ha litteræ scriptæ sunt die Sabbathi post festum S. Catharinæ, qui erat vigesima septima Novembris anni 1568. cum die precedenti disputata fuerat Quæstio de Sacrificio Missæ, ad quam respondebat Mathias Hovius Mechliniensis, Bursarius Collegii Pontificii; deinde Sancti Petri apud Mechliniam Pastor & Archidiaconus; postea Archiepiscopus Mechliniensis.*

CAPUT I.

*Michael Cunero.*

DOMINE PASTOR.



Uia heri offensus sum in eo quodd post disputationes mihi objecisti, quodd non recederem ab ea sententia (quam puto apertè hæreticam) quæ habet quodd sacrificium Altaris tantum ex eo dicatur sacrificium, quia fit ob bonum finem, ut Deo adhæreatur sanctâ societate, &c. visum est ea de re pauca ad conferendum scribere. Imprimis enim dicendo me ab illa sententia non recedere, significabas & me eam aliquando tenuisse, & adhuc tenere: bms. C. K. quæ in causâ hærelis gravissima b sunt & mihi molestissima: utpote (sicut mihi vide-

videtur) aperte falsa. Ad cujus intelligentiam imprimis videatur D. Thomas in 3. parte, quæst. 83. art. 1. Ubi Thomas duas tantum reddit rationes, quare Christus in Altari immoletur: nempe significationem & effectum passionis Christi; quas duas etiam posui *(in Tractatu de Sacrificio.)* a Si tacendo alias causas, approbavi sententiam Hæreticorum: igitur & ipse Thomas. Sed forte querela est, quod aliquando dixi ipsam benedictionem esse sacrificium: nec differre à consecratione, nisi forte ratione. Existimo enim quod eo ipso quo panem & vinum eâ intentione benedicimus, ut non tantum in corpus & sanguinem Christi transmutentur, sed etiam ut vivis & defunctis (pro quibus offertur) Deus reddatur propitius; quod eo ipso Deo sacrificetur. Et vide Thomam 2. 2. q. 85. art. 3. ad 3. anne hoc ipsum doceat, dicens quod quando aliquid Deo immediatè offertur, oblatio est; siue circa illud aliquid fiat, siue non; ut sunt panis, vinum, denarii, & alia, quæ offeruntur super altare. Sed quando circa oblata aliquid agitur; tunc oblatio sacrificatur. Et ponit exemplum de animalibus, quæ olim oblata occidebantur; & de pane, qui frangitur, comeditur & benedicitur. Ego principale intellexi in benedictione, sicut etiam in Libro suo intellexit Dominus Tiletanus *(Judocus Ravesteyn)* dicens tunc sacrificari cum benedicitur, &c. His præsuppositis oro ut digneris indicare in quo putes me dissentire à D. Thoma, à Concilio Tridentino, aut etiam à Domino Tiletano. Nam Magister noster Hessels videbatur rationem sacrificii in aliquo alio intelligere; quod nunquam intellexi: nec puto quod ei consentit Dominus Tiletanus, nisi forte (quod tamen in libro suo non posuit) intelligat elevationem super altare, aut aliquid hujusmodi esse ipsam sacrificacionem: neque enim, quantum memini, nominabat aut benedictionem, aut fractionem, aut comestionem, sicut D. Thomas; neque etiam elevationem, sicut heri videbatur b indicare Dominus Tiletanus. Deinde b quisquis vel jam dictorum modorum, vel aliorum quos c non dixi, sit verus, c significare. c M. S. C. peto ut digneris mihi indicare an propter aliquem horum modorum damnetur in Hæreticis quod dicant Sacrificium Missæ tantum esse sacrificium, quia refertur ad eum finem ut sanctâ societate inhæreatur Deo; an verò potius quia hoc d dicendo (quicquid tandem sit ipsa sacrificatio) ipsi negant sacrificium d M. S. K. quod in Missa agitur, posse prodesse vivis & defunctis pro quibus offertur: docendo. etsi damnetur propter hanc postremam partem, sicut eos damnari puto. Si enim confiterentur quod in Missa ex pane & vino fiant Corpus & sanguis Christi, non remanentibus nisi speciebus &c. & quod hoc sit verè sacrificium, quod profit vivis & defunctis pro quibus offertur, sicut hactenus credidit Ecclesia; puto quod contenti essent Fideles. Si, inquam, propter illam postremam partem damnetur; vides quantâ calumniâ siue oblibrum *(de sacrificio,)* siue ob disputationes mihi impingatur quod illi sententiæ hæreticæ vel aliquando consenserim, vel adhuc hodie consentiam: cum ego illum effectum nunquam tacerim. An vis etiam Dominum Hessels huic hæresi implicare, quia modum alium cogitabat, quem nec habet Thomas, nec Dominus Tiletanus sequitur: cuius iam de hac rescripserim, nisi timuisssem ne forte e oriretur e M. S. C. aliqua contentio. Cupio enim à quovis audire veritatem: & spero quod oritur contentio. absque omni contentione dignaberis mihi scripto respondere, quod ego pro-

mitto tibi remittere ubi ipsum diligenter inspexero: & peto vicissim ut digneris etiam mihi remittere scriptum meum, quia nullam omnino servavi copiam, partim propter occupationes & celeritatem, partim ne servitor esset ullo modo confcius, si per illum iussissem scribi.

Celerimè

MICHAEL DE BAIL.

## C A P U T I I.

### *Cunerus Petri Michaeli de Bail.*

**A** Bsit à me quòd unquam in corde Domini hæresim aliquam suspicatus sim: sed quando de sacrificio Missæ agitur, hoc mihi videtur offendere quòd propria oblationis ratio verbis Scripturæ atque Ecclesiæ non explicetur. Quamvis enim quæ de repræsentatione, consecratione, fractione & effectu ex D. Thoma proferuntur, præsuppositâ naturâ oblationis ad proprietatem sacrificii, quæ species ejus est, sufficiant; non tamen de quo hîc agitur ipsius generis, quod præsupponunt, id est oblationis, notionem attingunt aut explicant, quod cùm locis à Domino citatis D. Thomas præsupponit alibi, nempe art. 1. & 2. quæstionis illius a 85. & 1. 2. quæst. 102. art. 3. in corpore eruditissimè declarat. Cùm enim Apostolus sacerdotem cum esse definiat, qui ex hominibus assumptus pro hominibus constituitur in iis quæ ad Deum sunt, ut offerat dona & sacrificia, omnisque apud eum Pontifex ad offerendum munera constituatur; manifestum est ad rationem oblationis, adeoque sacrificii, pertinere ut cui sit oblatio, *b* ei munus, quod creditur ei gratum, præsentetur. Sicut B. Lucas oblationem Domini in templo secundùm Legem factam explicans: *Tulerunt eum*, inquit, *in Jerusalem ut sisterent eum Domino: sicut scriptum est in lege Domini*: quo modo similis B. Virginis oblatio ab Ecclesia, id est præsentatio, nuncupatur. Unde Dominus ipse naturam hostiæ & oblationis in coena significans, *Hoc est*, ait, *Corpus meum, quod pro vobis datur*; Lucæ 22. Idèò toties in Canone repetitur, *Hæc dona, hæc munera, hæc offerimus præclaræ Majestati tuæ de tuis donis ac datis, super quæ propitio ac sereno vultu respicere digneris*: Et, *munera pueri tui justi Abel*, &c. Sicut etiam de tribus Magis Evangelium referre novimus, quòd obtulerunt Domino munera. Et Dominus in Evangelio: *cùm offers munus tuum ad altare*. Cùm enim lex naturæ munus à nobis postulet, quo tantam Majestatem, ut *a* & *a*, id est principium & finem, recognoscamus, ingenuè nos hîc confitemur non aliud hîc nos habere eâ Majestate dignum, quàm illud ipsum quod ei semel in Cruce datum est; quod cùm *e* sit pretium nostræ redemptionis nobis à Deo datum ejus Majestati sistimus, ut quod ad sufficientiam semel pro omnibus datum est, velit ad efficientiam pro omnium necessitatibus acceptare: quod dictis jam verbis in Canone (*supra quæ propitio* &c.) facit Ecclesia. Proinde quæcunque actio in Missa dicatur oblatio, sive benedictio, aut consecratio, sive fractio, sumptio,

aut

a M.S.K.  
19.

b M.S.K. &  
omittit.

c M.S.K.  
omittit.

aut elevatio; ratio tamen oblationis non retinetur, nisi jam dicta præsentandi atque sistendi intentio conjungatur: sicut & contrario quando illa junguntur, parum videtur referre ubi & quando fiat, cum in tota eorum quæ sunt actione hæc sit Ecclesiæ intentio, ut Patri Filium pro omnium salute sistat, quamquam probabilius in ipsa consecratione istud fieri existimem, æ omniaque quæ de a MS. K. oblatione præcedunt & sequuntur ad eam dirigi & referri. Quod igitur namque. Patri hæc victima in b recognitionem suæ Majestatis, c unde omnia per Filium bMS. K. re- accipimus, tanquam pretium quo comparatur nostra salus sistitur & repræ- cogitatione. sentatur, ad propriam ipsius oblationis, id est, generis notionem pertinet: qMS. C. quod verò aliquo mutationis ritu, utpote benedictionis, consecrationis, K. bene. fractionis, elevationis, sumptionis & similibus offeratur, spectat ad proprietatem sacrificii, quatenus ipsi generi aliquid adducit, quo ab aliis oblationibus, quæ non sunt sacrificia, secernitur; ut nimirum cruenta illa vivifica hostia cum magna sui mutatione propter nos in cruce facta, coram Deo, cui sistitur, commemoretur & repræsentetur. Quod autem prosit vivis & defunctis, ad effectum pertinet; qui tamen rationem sacrificii perficit, utpote ad quod etiam pertinet ut sit propitiatorium & satisfactorium. Rectè itaque Dominus & verissimè judicat alienum esse ab hæresi, si quis dixerit in Missa ex pane & vino fieri corpus & sanguinem Christi remanentibus tantum panis & vini speciebus, & hoc esse verè sacrificium, quod prodest vivis & defunctis, pro quibus offertur. Sed qui quod dicitur, offertur, non explicant, sicut ex Paulo & Scripturis videtur explicandum, communi sensui non satisfaciunt; atque istud est in quo Dominum à cæteris, saltem verbis & reticentiâ differre existimavi.

## CUNERUS PETRI.

## CAPUT III.

*Michael de Baïi Cunero Petri.*

*Hæ litteræ scriptæ sunt die Jovis post festum S. Andreae, qui erat secundus Decembris.*

## EXIMIE DOMINE, MAGISTER NOSTER,

NUnquam hæcenus intellexi me in hoc reprehendi, quod relicta generali ratione oblationis & sacrificii, in Sacrificio Altaris specialem duntaxat ejus proprietatem exprimerem; sed potius contrà, quod relicta speciali ratione, quâ à reliquis secernitur, generalem duntaxat assignarem. Sic enim habet sententia, quæ mihi impingitur: *Sacrificium Missæ non aliâ ratione est sacrificium quàm generali illâ quâ omne opus, quod fit ut sanctâ societate Deo homo inhabereat.* Nec in Scholis disputavimus quæ sit generalis ratio sacrificii; sed illâ præsuppositâ, inquisitum est quomodo sacrificium d[icitur] Missæ verè dicatur & sit sacrificium: Cum itaque in libello meo (de sacrificio) non tantum assigna-

d In MSS. C. K. hæc desiderantur, quæ supplendi, sacramentum implent.



lem duas rationes, cur præ cæteris specialiter dicatur sacrificium seu immolatio, quas habet D. Thomas 3. part. quæst. 83. art. 1. sed etiam tertiam quæ ponitur in Concilio Tridentino sess. 22. can. 2. nempe quod Christus in hoc sacrificio contineatur: & quartam ex D. Augustino; valde mirabar cur accusaret quod negarem specialem hujus sacrificii rationem. Sed nunc intelligo totam querelæ difficultatem circa hoc versari, quod inter disputandum asserens ipsam benedictionem seu consecrationem esse ipsam sacrificiationem, non satis explicuerim quomodo hæc sacrificatio simul sit alicujus substantiæ oblatio. Non enim videris oblationem agnoscere, nisi ubi substantia aliqua offertur, licet non tantum de substantiis quæ tempore Veteris testamenti rudi populo offerendæ præscribebantur, sed de omni opere bono scriptum sit: *quis prior dedit illi, & retribuetur ei*. Et D. Thomas oblationem definiuit, omne opus bonum quod sit immediate in reverentiam Dei. Sed nihil opus est nos hic ed confugere; quia in hoc sacrificio etiam substantia aliqua offertur. Ad quod intelligendum, considerandum est quod quemadmodum homini duobus modis possum offerre cinamomum: uno modo, donando integrum, ut videlicet eo utatur sicut vult; alio modo (si videlicet ei gratius esse intellexero) non ei dando utendum, sed in gratiam ipsius comburendo, ut suavitatis odorem sentiat: sic etiam vitulum duobus modis possum in Dei cultum offerre: uno modo simpliciter, & ut videlicet in Dei cultum vendatur arbitrio Sacerdotum pro vestibus sacris aut ædificio templi &c.; alio modo, qui tempore Veteris Testamenti ob certam significationem Deo grator fuit, ipsum occidendo & manducando coram Domino. In utroque modo verò vituli oblatio est, sed in priori tantum oblatio, quia per offerentem nulla est in vitulo mutatio; in posteriori verò sic est oblatio, ut etiam sit sacrificium, quia videlicet ipsa oblatio simul est mutatio rei oblate. Hoc igitur modo, dum panis & vinum in Corpus & sanguinem Domini consecratur, frangitur & sumitur, sicut dicit D. Thomas 1. 2. quæst. 85. art. 3. ad 3. hæc actiones simul sunt oblatio tam panis & vini, quam Corporis & Sanguinis Christi &c. Nam licet ipsa consecratio principale locum teneat; tamen quoddam etiam manducatio, ac proinde fræctio, ad oblationem pertineat, sicut D. Thomas docet, significare videtur Apostolus 1 Cor. 10. ubi ait: *Qui edunt hostias, nonne participes sunt altaris?* nec videtur peractum Missæ Sacrificium, nisi priusquam Sacerdos communicavit. Unde etiam fieri puto, ut si sacerdos facta consecratione moriatur, sacrificium debebat per alium sacerdotem perfici: ne videlicet relinquatur imperfectum, & quodammodo fiat sacrilegium; quâ ratione etiam ad Laicos pertinet quod mandavit Christus: *Hoc facite*: quemadmodum 3. parte asserit D. Thomas, dicens universis Fidelibus præcipi de b Sacramento Eucharistiæ, ut hoc sumendo faciant: sicut de universo Israel scriptum est circa Agnum Paschalem: *Universus Israel faciet hoc*.

a M. J. C. n.  
videlicet  
arbitrio  
Sacerdotum  
vendatur pro.

b M. S. C. de  
facta Eucharistia.

Cum Imperator post tempora Martini Rossenii Lovanium rediret ex Geldria jam subactâ; quidam Civis Lovaniensis Joannes Schuerbroek, vulgò dictus Abraham, sumpto curru & duobus bobus venit in occursum Cæsaris cum multis pottis terreis; & constituto curru secus viam per quam Imperator transiturus erat, ad ostendendam lætitiâ stans supra currum omnes pottos suos confregit, semper concutiens duos contra se invicem. Si

Si porcos suos Cæsari in culina autendos dedisset, illa donatio habuisset *b* simplicis oblationis similitudinem: sed quia existimans Cæsari gratius fore si in signum lætitiæ in gratiam ejus illos confringeret, sic eos in honorem ejus consumpsit: ea donatio quæ in illa fractione consistebat, habuit speciem simplicis sacrificii. Sic ego semper & de sacrificiis Veteris Testamenti, & Testamenti novi intellexi: nempe quod in illis ipsa oblatio, quæ consistebat in occisione & comestione coram Domino; & in nostro, ipsa oblatio quæ consistit in benedictione, fractione & comestione in honorem Dei, ut sit mundo propicius, sint ipsa sacrificatio, ratione cujus non tantum panis & vinum, sed etiam Corpus & sanguis Christi dicuntur offerri & sacrificari. In qua sententia gaudeo quod jam sic tandem mutuo intelligamus, ut non amplius existimemus nos ab invicem dissentire: nam lecto libro D. Tiletani non amplius mihi persuasum quod à me dissentiret; etiam si videretur mihi non esse mecum contentus.

*a* M.S. G. in culina dedisset. *b* M.S. K. simplicem.

*c* M.S. K. differre & dissentire.

MICHAEL DE BAII.

## CAPUT IV.

*Michael de Baii Domino Tiletano.*

## EXIMIE MAGISTER NOSTER,

MULTUM recogitavi super eo quod nuper post *d* disputationem de sacrificio Missæ Prudentia Tua confirmabat, quod Dominus Pastor dixerat me in ea disputatione non recessisse ab ea sententia, quæ habet quod sacrificium Missæ solum sit sacrificium generali ratione, quia fit eo fine ut inhæreatur Deo: quam sententiam semper existimavi hæreticam, & adhuc existimo: ed quod inter disputandum rogatus quomodo istud sacrificium distinguatur à reliquis, ex Concilio Tridentino tres causas legerim, videlicet significationem passionis Christi, præsentiam ejusdem, & effectum. Nam D. Thomas in 3. parte disputans cur Christus in hoc sacramento immoletur, duas tantum ex his causas assignat, nempe significationem passionis, & effectum: Concilium verò addit tertiam, videlicet præsentiam Christi. Si igitur ego has tres causas assignando consensu sententiæ hæreticæ & damnatæ, quam supra expressi; *e* rogo explicetur quare non eidem *f* consensit D. Thomas & Concilium Tridentinum. Sed sortè querela est quod non quidem tunc dixi, sed quod aliquando antè disputando expressi ipsam benedictionem seu consecrationem esse ipsam sacrificiationem seu oblationem. Oro ut prudentia tua videat D. Thomam *g* 2. 2. quæst. 85. art. 3. ad 3. ubi ostendit quod quando ad Altare offeruntur panes, denarii &c. ut ad honorem Dei consumantur, tunc est oblatio tantum: quando verò ad honorem Dei occiditur vitulus, & coram Domino comeditur, tunc ejusmodi oblatio est sacrificium. Nam quod in alterius gratiam & honorem consumitur, rectè illi offerri dicitur: item quod eodem modo quando panis & vinum in honorem Dei juxta modum ab eo præscriptum, benedicuntur, franguntur & sumuntur, tunc est sacrificium. Nam licet benedictio in ista

*d* M.S. K. disputatio-  
nes.

*e* M.S. G. peto ut explicetur. *f* M.S. K. consensit. *g* M.S. K. quæst. 83.

*a MS. G. principaliter.  
b MS. G. verisimiliter.*

in ista oblatione seu sacrificiatione *a* principalem locum teneat (unde etiam dixi ipsam esse oblationem seu sacrificiationem) tamen ad eandem, juxta D. Thomam & *b* puto juxta veritatem pertinet fractio & sumptio. His præsuppositis oro ut Prudentia Tua dignetur indicare in quo ego vel à D. Thoma vel à Concilio Tridentino, vel etiam ab ea sententia dissentiam, in qua tunc dicebat ceteros Magistros Facultatis me solo excepto consentire. Præterea peto etiam ut Eruditio Tua dignetur indicare an ego hæreticæ illi sententiæ consentirem, etiam si actionem illam externam, in qua sacrificatio consistit, non rectè exprimerem; modò tamen fatear, de quo nunquam dubitavi, quòd in tota illa actione sacerdotis sit verum & propriè dictum sacrificium, quod prodest vivis & defunctis, pro quibus offertur, sicut credit Ecclesia.

*c MS. C. consentiam.*

Et præterea quia Eruditio Tua etiam dicebat se dum viveret, cum Magistro Nostro Hessels de hac re contulisse: oro ut dignetur indicare in qua actione exteriori consensistis hanc oblationem seu sacrificium consistere. Nam si est externum sacrificium, debet externam aliquam habere actionem, in qua *d* sacrificatio consistat. Lecto nuper libello tuo, fateor omnino putavi Prudentiam Tuam necum sentire ipsam benedictionem seu consecrationem esse ipsam sacrificiationem, licèt priùs in disputationibus videretur mihi dissensisse: sed ex reprehensione omnia mihi iterum in dubium sunt revocata. Itaque oro ut Reverentia Tua dignetur indicare in quo ego à cæteris Magistris Facultatis dissentiam.

*d MS. K. sacrificium consistit.*

MICHAEL DE BAI.

## CAPUT V.

*Judocus Ravestyn Tileanus Michael de Bai.*

EXIMIE MAGISTER NOSTER,

*e MS. K. id quidem.*

Quod nuper gravi pedum dolore afflictus tacere non valui, id nunc Dei beneficio, mitigato malo, præstare conabor. Quæstionem itaque proponis de Sacrificio Missæ, videlicet quânam ratione intelligenda sit & explicanda ratio Sacrificii Missæ. Ac primùm palam dampnas, & rectissimè quidem, eorum sententiam qui sentiant Sacrificium Missæ generali tantùm ratione sacrificium esse, quâ sit ut sanctâ societate Deo inhæreatur. Sed id in quæstionem proponis, utrumne vera & propria sacrificii Missæ ratio in his causis rectè posita dicatur, quòd in eo sacrificio sit significatio seu commemoratio passionis Christi, præsentia Christi, & effectus passionis Christi: quas causas res in Concilio Tridentino te animadvertisse scribis: Et utrumne qui ex his causis propriam quamdam & peculiarem sacrificii rationem in Eucharistiæ sacrificio constituit, palam recedat ab ea sententia quæ habet quod sacrificium Missæ generali tantùm eâ ratione sacrificium sit, quâ sit ut sanctâ societate Deo inhæreatur.

Ad hanc quæstionem hoc mihi initio respondendum esse videtur, sacrificii Eucha-

Eucharistiæ rationem non rectè explicari nec rectè contra Hæreticorum blasphemias defendi, nisi disertè & expressè asseratur & probetur in Missa esse veram & propriè dictam oblationem corporis & sanguinis Christi, quæ in cruento quidem ritu à sacerdote Missam faciente seu sacrificante tam verè & propriè offeratur cælesti Patri seu toti Trinitati, quam verè & propriè Christus semetipsum cruentâ formâ & specie obtulit in cruce, quemadmodum disertissimè profitetur synodus Tridentina, universique Patres orthodoxi. Itaque quæcunque adferatur ratio & explicatio sacrificii eucharistici, sive generalis illa, secundum quam sacrificium dicitur quicquid fit ut sanctâ societate jungatur homo Deo; sive aliqua alia, ex quibuscumque causis singularibus & peculiaribus; nisi offerri Christus cælesti Patri secundum veritatem adstruatur & probetur, catholica de sacrificio Missæ explicatio & sententia non tenetur.

Expendendum itaque jam est, an in tribus his causis, significatione seu commemoratione passionis Christi, præsentia Christi & effectu passionis ejus, (ex quibus causis tertiam quæ non ad rationem seu definitionem sacrificii pertinet, sed magis ad operationem & virtutem sacrificii, in hac inquisitione separandam à rejiциendam existimo) vera & propria oblatio Christi sufficienter insinuetur & contineatur. At contendit quidem Vestra Dominatio rationem sacrificii Missæ per has causas à Patribus Concilii Tridentini significatam & traditam esse; at ego diversum prorsus sentio. Nusquam enim advertere potui Patres in istis causis ipsam rationem oblationis constituisse, quamvis contra sectarios eas causas fortiter & constanter adstruant & doceant. Deinde Lutherus cum suis Discipulis palam constituit in suo Missæ sacrificio duas illas causas, significationem seu commemorationem passionis Christi, & veram ac realem præsentiam Christi: & ex illis causis quandam fortassis singularem etiam sacrificii rationem constituere conatur. Sed à catholicæ doctrinæ veritate procul aberrat, quia veram oblationem Christi fieri in Missa pernegat, Ex quibus videor mihi rectè intelligere duas illas causas, significationem seu commemorationem passionis Christi, & præsentiam Christi non sufficere ad rectè constituendam & defendendam contra Sectarios, sacrificii Missæ veram & propriam rationem; (nam tertiam illam causam de fructu passionis Christi jam dixi extra præsentem de sacrificii definitione quæstionem rejiциendam esse.) Mihi itaque videtur, ut ingenuè dicam quod sentio, quod non solum hinc non rectè sentiant, nec rationem Sacrificii Eucharistici non rectè explicant, qui sentiunt & docent illud esse generali tantum illâ ratione sacrificium, secundum quod sacrificium ab Augustino definitur quicquid fit ut sanctâ societate homo Deo inhæreat & ei jungatur: verum nec hi qui singularem aliquam & propriam sacrificii rationem ex causis significationis sive memoriz passionis Christi, & præsentiz Corporis Christi extruere conantur. Certè talem rationem sacrificii Lutherus extruxisse clarissimè in suis scriptis compertur.

Quamquam igitur scriptor catholicus existimans ex his causis veram & propriam oblationis Christi rationem rectè defendi, falli mihi videatur & ad veram & solidam explicationem sacrificii Eucharistici nondum profecisse:



a MS. K.  
sed tamen.

haudquaquam tamen cum Hæreticis sentire dicendus est, quando veram sacrificii & oblationis rationem profitetur, quam palam pernegant Hæretici: sed a tantum non satis confutare & subvertere Hæreticorum de sacrificio commentum.

b Al. 17.

Sed interrogat Vestra Dominatio, si in dictis causis non insinuetur sufficienter nec explicetur propria sacrificii Eucharistici ratio; quænam ergo sit illa externa Christi actio, quæ veram sacrificii rationem habeat. Satis diligenter, pro mea quidem virili, hanc quæstionem explicuisse mihi videor in Apologia adversus M. Flaccum Illyricum, in capite illo quo disseritur quid in verbis Christi: *Hoc facite in mei memoriam*; pronomine, *Hoc*, demonstratur, in dissolutione cavillationis 12. fol. b 33. & locum illum non gravabor adscribere.

c MS. K.  
manifestis  
sumi.

Quemadmodum Melchisedech panem & vinum obtulit in typo, ut inquit Hieronymus, sacrificii Christi quod in ejus Corporis & sanguinis oblatione perageret ac celebraret. Obtulit autem ille panem tantum purum & vinum. Ita Christus veritatem præfigurata exhibiturus, ipse quoque verus sacerdos secundum ordinem Melchisedech panem & vinum, non jam puras creaturas, sed consecratas in Corpus suum & sanguinem, obtulit Patri Cælesti & ejus vultui præsentavit. Consecratio igitur panis & vini in Corpus & sanguinem Christi facta à sacerdote, (cujus est officium sacrificium Deo offerre pro populi salute, idque ad veritatem exhibendam, quam per oblationem panis & vini in typo præfigurata erat, hoc est ad offerendum Deo non jam puras creaturas panis & vini, sed panem verum & cælestem, & panem verè Corpus & Sanguinem Christi) verissima fuit oblatio ac sacrificium: quia in ea Christus fungens sacerdotio præfigurato in Melchisedech, consecravit panem & vinum in suum Corpus & sanguinem tanquam hostias veras, olim per hostias panis & vini à Melchisedech oblatas præfiguratas & designatas. Per hoc itaque quod Christus ad exhibendam veritatem præfigurata consecravit panem & vinum, quæ fuerant hostia sacerdotis Melchisedech in typo, in hostias divinas Corporis sui & sanguinis, & manifestè constat quod Christus in Cæna Corpus suum & sanguinem, tanquam veras hostias sub symbolis panis & vini, tanquam verus sacerdos secundum ordinem Melchisedech obtulit & sacrificavit: sicut disertissimè dixit Augustinus, Christum de Corpore suo & sanguine instituisse sacrificium secundum ordinem Melchisedech: & D. Hieronymus, *Melchisedech in typo panem & vinum obtulit, & mysterium Christianorum in d. Salvatoris Corpore & Sanguine dedicavit*. Consecratio itaque creaturarum panis & vini in Corpus & Sanguinem in hoc divino mysterio consideranda est, non solum ut est potentissima conversio creaturarum in Corpus & Sanguinem Christi, sed ut est transmutatio creaturarum, quas olim in typo obtulit Melchisedech, in hostias spirituales Corporis & Sanguinis Christi, quarum oblatione præfigurata veritas tandem exhiberetur. Unde Scholastici quidam, sed tamen aptissimè scripsit Cajetanus, consecrationem esse consecrationem immolationis, sive oblationem. Hæc ibi.

d MS. K.  
sacramenti.

Et sanè mihi quidem non videtur aliunde posse commodius peti ratio vel intelligendi vel explicandi rationem Sacrificii Eucharistici, quam ex collatione ejus cum suo typo, quod certum est fuisse sacrificium Melchisedech. Sicut enim

enim peculiare quoddam sacerdotium & sacrificium institutum fuit in Melchisedech sacerdote; ita peculiare quoddam & singulare sacrificium est Eucharisticum Sacrificium. Sicut quoque Sacrificium typicum Melchisedech fuit positum in oblatione verâ & propriâ creaturarum panis & vini, summo Deo facta; ita Eucharisticum sacrificium nihil aliud est, quàm vera & propria oblatio non jam creaturarum panis & vini, sed sub speciebus panis & vini, veri Corporis & veri Sanguinis Christi. Porro hanc consecrationem panis & vini in hostias Corporis & sanguinis Christi, si quis mavult benedictionem, quàm consecrationem appellare, propterea quòd Paulus calicem BENEDICTIONIS appellat, non calicem consecrationis, non est magnopere ei repugnandum; quandoquidem eadem externa actio oblativa Corporis & Sanguinis Christi sub speciebus panis & vini semper designatur & insinuat. Ac de ejusmodi benedictione intelligenda est D. Thomæ sententia, quam in 2, 2. quæst. 85. tradit: Sacrificium propriè dici, quando circa res oblatas aliquid fit; sicut quòd animalia occidebantur, quòd panis frangitur, comeditur & benedicitur. Non itaque affirmat Thomas quamlibet benedictionem efficere veram rationem sacrificii; sed hoc tantum dicit quòd quando circa rem aliquam quæ Deo offertur, sit vel occisio vel benedictio, fractio & comestio; tum demum oblatio illa rationem sortiatur propriè dicti sacrificii. Quod sanè si de Eucharistico Sacrificio & benedictione intelligas; de benedictione seu consecratione illa immolativa & oblativa accipiendum est. Quando enim panis & vini, quæ in altari Deo offeruntur, sit benedictio seu consecratio in hostias Corporis & sanguinis Christi, tum demum oblatio sortitur veram Sacrificii Eucharistici rationem. Et diligenter considerandum mihi videtur, quòd Lutherus præter significationem sive memoriam passionis Christi, & præsentiam Corporis Christi, etiam benedictionem agnoscat, fortiter tamen negat in Missæ sacrificio Christum offerri. Utrùm igitur quælibet benedictio, adjunctis duabus illis causis jam sæpe dictis, sufficit ad ritè constituendam veram oblationem Corporis Christi in Missa a tu videris. Existimo per hæc meam sententiam de Sacrificio Eucharistico satis dilucidè expositam: Quid quoque de ea sententia censendum mihi videatur, quæ ex causis illis duabus, significatione passionis Christi, & præsentia Corporis & Sanguinis Christi, constituit rationem sacrificii.

a MSS. C.  
Non habent, tu videris, qua supplevis ut sensus esset.

## JUDOCUS TILLETANUS.

## C A P U T V I.

*Michael de Baii, Judoco Tiletano.*

## EXIMIE MAGISTER NOSTER;

**L**ECTIS Litteris tuis non satis intellexi quomodo satisfactum sit quæstionibus quas proposui. Cùm enim in Scholis *a* quæreretur quomodo Sacrificium Missæ à reliquis sacrificiis distingueretur, non intellexi peti ut diserte & expresse explicaretur quâ ratione esset sacrificium propriè dictum, sicut olim fuit immolatio agni aut vituli: sed intellexi hoc præsupponi, & illo præsupposito quæri quomodo à reliquis aliocuin etiam propriè dictis sacrificiis distingueretur, in quibus non Christus sed aliud quiddam *b* offerebatur. Cui quæstioni immediatè responsum fuit, differentiam esse quodd in cæteris sacrificiis creatura duntaxat verè offerretur & immolaretur, hic verò ipse Dei filius pro nobis incarnatus & passus. Si verò ulterius quæreretur quare Christus potius in Missa offerri & immolari dicatur, quàm in sacrificiis Veteris Testamenti, quibus mors & oblatio ejus præfigurabatur: tunc videtur mihi respondendum id quod D. Thomas in 3. parte respondet, tractans ex professo quare Christus dicatur in Sacramento Eucharistiæ immolari seu sacrificari, nempe propter *c* memoriam passionis Christi peractæ, propter effectum passionis quem iis communicat pro quibus offertur, & sicut addit Concilium Tridentinum, propter præsentiam Christi per consecrationem panis & vini: sicut tunc dixi.

Qui igitur respondens ad prædictam quæstionem in Scholis propositam, non explicat aut probat Sacrificium Missæ esse propriè sacrificium, puto quodd accusari non potest quodd catholicam explicationem non teneat, quia hoc non quærebatur: & multò minùs accusari potest quodd non teneat catholicam sententiam, quia explicatio ad scientiam pertinet, scientia verò ad fidem, quæ integra esse potest etiam si scientia non addit, *d* quâ ad veram & solidam sacrificii explicationem profectum sit; sicut etiam Reverentia Tua a postea fatetur.

Si verò præmissâ causâ ob quam Sacrificium Missæ à reliquis etiam propriè dictis sacrificiis discernitur, diserte & expresse quæreretur quare sit verè & propriè sacrificium, generaliter tamen, sicut olim verè & propriè sacrificia fuerant immolatio agni & vituli; tunc recurrendum est ad id quod ait D. Thomas in 2. 2. disputans de sacrificiis propriè dictis in genere, quodd duobus modis Deo aliquid offerri dicitur. Priore modo, per simplicem donationem sine rei mutatione, ut cùm ad Altare offeruntur denarii, panes & similia; posteriore verò, cùm res quidem non donatur, sed consumitur aut notabiliter *f* ad honorem Dei immutatur. Nam quodd in alterius honorem secundum modum illi acceptum consumimus, hoc illi non immeritò offerre & donare censetur: quia talis consumptio gratior illi est, in cujus honorem fit, quàm esset illi simplex donatio, si sine consumptione per simplicem dominii translationem fieret:

&amp;c

& quæ hoc secundo modo Deo offeruntur, non tantum dicuntur Deo offerri, sed etiam sacrificari & immolari: sicut olim sacrificabantur agnus & vitulus, quando in honorem Dei ad significandam passionem Christi pro mundi vita, occidebantur & comedeabantur.

Hoc igitur modo in Missa propriè non solum oblatio, sed etiam sacrificium peragitur; quia panis, inquit Thomas, frangitur, comeditur & benedicitur. Sicut enim ipsa thuris incensio, quæ ad honorem Dei fit, non tantum oblatio, sed etiam quædam sacrificatio est; sic etiam ipsa benedictio, quæ panis in Corpus Christi convertitur; item fractio & manducatio, quæ Christus in Sacramento frangitur & manducatur, & oblatio simul & sacrificatio est. Has omnes Sacrificii Missæ rationes, tam ob quas generaliter & propriè sacrificium est, sicut olim erat immolatio agni, quam ob quas à reliquis distinguitur, diligenter expressit Evangelium. Nam loquens de Christo, *accipiens panem*, inquit, *benedixit, fregit, deditque Discipulis suis, dicens accipite & manducate ex hoc omnes*. In benedictione enim, fractione & manducatione secundum D. Thomam continetur generalis ratio quare Missæ celebratio sit propriè sacrificium: sicut olim propriè sacrificia fuerunt immolatio agni & vituli: & sicut nunc sacrificium esse videtur ipsa thuris incensio, quæ immediatè fit ad honorem Dei. Sed quando subditur: *hoc est Corpus meum: hic est sanguis meus*: deinde subjungitur: *qui pro vobis & pro multis effundetur in remissionem peccatorum*: & denique additur, saltem in Missa: *Hæc quotiescunque feceritis, in mei memoriam facietis*: tres ponuntur rationes quibus Missæ Sacrificium à Veteris Testamenti Sacrificiis discernitur; & in Novo Testamento singulari quâdam proprietate Sacrificii nomine prædicatur: quarum prima est, quod Christus per panis & vini benedictionem præsens efficitur: secunda, quia effectus passionis iis, pro quibus offertur, communicatur: & tertia, quia in memoriam passionis Christi offertur. Nam quia in hoc sacrificio Christus continetur, inquit Concilium, & incurrentè immolatur; sacrificium istud verè propitiatorium est. Quantum verò ad Lutherum attinet, si fateretur quod in hoc sacramento panis & vinum verè transmutentur in Corpus & sanguinem Christi, remanentibus tantum speciebus panis & vini; & quod ipsa Missæ celebratio esset verè sacrificium quod prodesset vivis & defunctis, sicut hactenus credidit Ecclesia; puto quod Fideles cum eo contenti essent, nec eum ob subtilem hujus sacrificii rationem seu explicationem fatigaret, aut de aliqua sententia non catholica accusarent: quia Fideles in hoc maxime offenduntur, & existimant eum negare Missam esse eo modo sacrificium quo à Fidelibus esse agnoscitur, quia negat eam prodesse vivis & defunctis, pro quibus celebratur: id est, negat eam esse sacrificium propitiatorium: sicut etiam indicat Concilium Tridentinum, dicens illi anathema qui dicit Sacrificium Missæ esse nudam commemorationem Sacrificii Crucis, non autem propitiatorium, &c. Can. 3. Unde etiam miror quomodo Eruditio tua contendat hanc proprietatem, nempe quid sit sacrificium propitiatorium, ad rationem seu definitionem Sacrificii Missæ non pertinere, cum & Lutherus ob hanc proprietatem maxime existimetur negare Sacrificium Missæ, & Fideles perentes istud sacrificium pro se aut aliis offerri, hanc proprietatem imprimis expectant: & Evangelium,



gelium, Concilium Tridentinum, & clarissimè D. Thomas Christum in hoc sacramento idèd immolari doceant, quia per ejus consecrationem fructus passionis Christi communicatur, &c. sicut suprà diximus.

Sicut Baptismi sacramentum in externa aliqua actione consistit; sic etiam Missæ Sacrificium, quod externum sacrificium est, debet in aliqua externa actione consistere, in qua actione satis videmur convenire, quia Dominus dicit quodd ea sit consecratio panis & vini in Corpus & Sanguinem Christi; cul D. Thomas adjungit fractionem & comestionem. Nam quemadmodum olim non hi tantum immolabant pasce, qui agnum occidebant, & ad manducandum Pascha præparabant, sed etiam qui tantum manducabant, juxta illud; *Omnis cætus filiarum Israel faciet hoc*; nec hi tantum censebantur sacrificare idolis, qui in honorem ipsorum animalia immolabant, & esui præparabant; sed etiam illi qui in idolis recumbentes, ad honorem ipsorum idolorum manducabant: sic nec hi soli censendi sunt Missæ Sacrificium perficere qui consecrant; sed etiam suo modo hoc faciunt, qui manducant consecratam hostiam; juxta illud: *nonne qui edunt hostias, participes sunt Altaris?*

Sed in explicatione rationis: cur externa ista actio sit proprii nominis sacrificatio, non videmur satis convenire: quia Reverentia Tua videtur existimare quodd sit proprii nominis consecratio, quia sit ad exhibendam veritatem præfiguratam in sacrificio Melchisedech quod veri nominis oblatio fuit. Quæ declaratio non admodum mihi aridet: nam oblatio Melchisedech umbra fuit; ipsum verò Missæ Sacrificium veritas est. Veritas autem semper veritas est, & suam propriam rationem haberet, etiamsi nulla ejus figura præcessisset; & idèd videtur assignanda esse ratio, propter quam consecratio panis & vini in Corpus Christicum fractione & manducatione, veri nominis sacrificium esset, etiamsi hanc oblatio Melchisedech, aut quævis alia, non præcessisset. Nam licèt dicat Psalmista: *Tues sacerdos in æternum secundum ordinem Melchisedech*; non tamen propterea oportet sacrificium Christi definire per oblationem Melchisedech; sicut nec rationem sacrificii Crucis ex eo explicatur quodd exhibuerit id quod in immolatione agni figurabatur, licèt dictum sit: *Eccè agnus Dei*. Quia per has Scripturas significatur quodd oblatio Christi in cœna sit veritas præfigurata per oblationem Melchisedech; & oblatio ejusdem in cruce sit præfigurata per agnum; juxta illud: *Pascha nostrum immolatus est Christus*. Hæc dicta sunt sine præjudicio eorum quibus Deus fortè dederit ut hæc melius aut etiam verius explicant, ad hunc tamen finem ut ostendam me non rectè accusari, quasi catholicam sententiam non teneam, ex eo quodd ego hanc rem aliter explicandam judicavi, quàm vobis fortè videtur. Nam alioquin ego etiam possem & de Magistro Nostro Hessels & de Reverentia Tua querulari, quodd catholicam sententiam de hoc Sacrificio Missæ non teneatis, quia sacrificii rationem aliter explicatis, quàm mihi videtur; quod procul abest à me. Sicut ego ingenuè indicavi quæ mihi displicent in scripto vestro; sic etiam cuperem notari puncta, quæ fortè in scripto meo displiceant, ut ex his possem intelligere quo usque in hac quæstione pervenimus, ut idem sapiamus, sperantes si quid aliter sapimus, hoc quoque nobis revelabit Deus.

M I C H A E L D E B A I I.

C A.

## CAPUT IV.

*Judocus Tiletanus Michaeli de Baii.*

EXIMIE MAGISTER NOSTER,

SCRIPTUM secundum Dominationis Tuæ videtur mihi disputationem utilem & hac tempestate necessariam de Sacrificio Eucharistico abducere à vero scopo, & deducere ad subtilem quandam distinctionem oblationis & sacrificii, de qua neque veteres Scriptores de Sacrificio Eucharistiæ Christi differentes, neque Concilium Tridentinum, mentionem aliquam fecisse comperiuntur. Sed tam Veterum, quàm intentio Concilii in eo versatur ut præbent in celebratione Eucharistiæ Christum verè offerri per sacerdotem secundum ordinem Melchisedech in Missa, incruentè quidem, sicut semel in Cruce cruentè semetipsum Patri cœlesti obtulit. Et hac in re nobis cum adversariis Ecclesiæ certamen est; non autem de subtili illa, & tamen non repudianda distinctione oblationis & sacrificii. Quare ad eos limites censeo revocandam esse disputationem, quæ de Missæ Sacrificio cum adversariis suscipitur. Et quidem primo loco puto ordinatissimè constituendum esse & ritè probandum, quòd in Missa Christus verè & propriè per sacerdotem fungentem vice Christi, tanquam sacerdotem secundum ordinem Melchisedech offertur, ut & Concilium Tridentinum explicat, præsentatur a Cœlesti Patri incruento ritu, sicut ille semel cruento ritu semetipsum obtulit. Quo constituto & approbato (in quo Catholici omnes convenimus) illicò differentia Sacrificii Missæ ab aliis quibuslibet sacrificiis, etiam à veteri illo sacrificio panis & vini quod obtulit Melchisedech, innotescit & se conspiciendam offert, quia in nullo aliorum sacrificiorum Christus reipsa & secundum veritatem offertur, sed tantum recreatur, utpote panis & vinum in celebri illo sacrificio Melchisedech. Jam verò si quærat quâ ratione intelligendum sit quòd dicitur Christus in Missæ Sacrificio offerri seu immolari: iterum mihi respondendum videtur, sicut & in priore meo scripto respondi, non satisfieri quæstioni si dicatur in hoc Christus offerri Cœlesti Patri, seu illi præsentari, sicut semel seipsum obtulit & præsentavit vultui Patris: quòd in celebratione Eucharistiæ Christus sit verè præfens, quòd celebratio illa fiat propter commemorationem passionis Christi peractæ: quòd denique fiat propter effectum passionis Christi, remissionem scilicet peccatorum. Nam hæc palam confitetur Lutherus reperiri in celebratione Coenæ Dominicæ, & tamen constanter negat ibi offerri Christum Patri Cœlesti, sed affirmat potius illum ibi dari nobis à Patre Cœlesti. Quòd verò confiteatur effectum quoque passionis Christi in ea celebratione spectari constat manifestissimè, quia dicit celebrationem Dominicæ Coenæ referri ad remissionem peccatorum. In hoc ergo puncto video inter nos esse præcipuam controversiam. Ad quam tollendam ego in priore scripto proposui sacrificium Melchisedech, quod erat oblatio creaturarum panis & vini, in typo tamen Corporis & Sanguinis olim offerendi. Ad eundem

MS. C.  
Christus.

modum

modum intelligendum esse Sacrificium Eucharisticum, quod in eo sacerdos novus secundum ordinem Melchisedech non jam creaturas panis & vini, sed verè, realiter & propriè & incruentè Corpus & Sanguinem Christi offerret & Cœlesti Patri præfentaret. Unde vehementer admiror quod Dominatio Tua interpretatur me existimasse quod in Missa sit proprii nominis oblatio & sacrificium, quia sit in ea consecratio ad exhibendam veritatem præfigurata in Sacrificio Melchisedech, quod veri nominis oblatio fuit. Nam oblationem Melchisedech umbram fuisse, ipsum verò Missæ Sacrificiū veritatem esse; veritatem autem semper veritatem esse, & suam propriam rationem habere scio, etiamsi ejus nulla figura præcessisset. Certò enim scio me non scripsisse quod Sacrificium Missæ idèd propriam rationem sacrificii habeat, quod ejus veritas sit præfigurata in veteri illo sacrificio Melchisedech. Sed hoc scripsi, & testimoniis Patrum Hieronymi & Augustini confirmavi rationem propriam Sacrificii Missæ optimè & rectissimè posse intelligi ex collatione cum sacerdotio & sacrificio veteri. Sicut enim veteris illius sacrificii propria ratio in eo consistit quod panis & vinum offerebantur Deo excelsio, juxta a catholicam interpretationem, idque in præfiguratione sacrificii novi, quod fieret in corpore & sanguine Christi: ita intelligendum esse Sacrificii Christianorum rationem propriam in eo consistere, quod Corpus & Sanguis Christi præfigurata in umbris panis & vini, sub speciebus panis & vini verè Cœlesti Patri offerretur & præfentaretur à sacerdote novo secundum ordinem Melchisedech. Et adhuc mihi videtur, sicut tunc scribebam, per hanc collationem typi cum veritate optimè & plenissimè intelligi posse propriam rationem sacrificii Missæ, de qua jam inter nos Catholicos & Hæreticos quæstio agitur. Et omnino sentio non sufficienter eum explicare propriam rationem oblationis & Sacrificii Missæ, qui dicit Missæ oblationem seu sacrificium in eo positum esse, quod in celebratione Missæ præfens efficitur Christus cum commemoratione passionis peractæ, & propter fructum passionis, scilicet remissionem peccatorum. Sed sentio necessariò addendum, præsentis Christi in ea celebratione fieri à sacerdote oblationem & præsentationem Cœlesti Patri. Et sentio eum qui hoc non disertè addit ad tria illa alia, à Lutheri & aliorum Sacramentarium sententiā non satis disertè & expressè recedere. Sed objicit Dominatio tua D. Thomam in 3. parte tractantem ex professo quare Christus dicatur in Sacramento Eucharistiæ immolari seu offerri (nam illis duobus verbis ibi utitur, non autem verbo sacrificari) definire quod propter commemorationem Passionis Christi peractæ, & propter effectum Passionis Christi, quem iis communicat pro quibus offertur: quibus duobus addit Concilium Tridentinum præsentiam Christi per consecrationem panis & vini; Christum in sacramento Eucharistiæ immolatur. Respondeo D. Thomam clarissimè & disertissimè dicere quod celebratio hujus sacramenti dicitur Christi immolatio, sicut solent imagines earum rerum nominibus appellari, quarum sunt imagines: sicut, inquit, cum intuentes tabulam aut parietem pictum, dicimus, ille Cicero est, ille Salustius est; & secundum hunc modum, inquit, poterat dici Christus immolari etiam in figuris Veteris Testamenti. Constat igitur eum haudquaquam sensisse quod propter commemorationem peractæ passio-

nis habeat celebratio hujus Sacramenti veram & propriam rationem oblationis & sacrificii, seu etiam immolationis: sicut nec celebratio veterum figurarum habuit propriam immolationem Christi, quamvis in futuræ hostiæ præfigurationem exerceretur. Quod autem ad effectum passionis Christi attinet, admiratur Tua Prudentia quòd illum à ratione sacrificii separandum putaverim, cum ille palam pertinere videatur ad rationem sacrificii propitiatorii, ut docet Concilium Tridentinum. Tum rursus quia Paulus scribit, non eos tantum sacrificare idolis, qui in honorem ipsorum animalia immolabant & esui præparabant; sed etiam qui in idolis recumbentes, ad honorem ipsorum idolothyta manducabant: sicut etiam olim non hi tantum immolabant phæse, qui agnum occidebant, & ad manducandum Pascha præparabant, sed etiam ii qui tantum manducabant, juxta illud: *Omnis cœtus filiorum Israel faciet hoc*. Non igitur eos solos censendos Sacrificium Missæ perficere qui consecrant, sed etiam eos qui manducant consecratam hostiam: juxta illud: *Nonne qui edunt hostias, participes sunt Altaris?* Respondeo ex duabus scripturis propositis, alterâ ex Veteri Testamento: *Omnis cœtus filiorum Israel faciet hoc*; alterâ Pauli: *Nonne qui edunt hostias, participes sunt Altaris?* evidentissimè constare quòd manducantes de cibis oblati, immolatis seu sacrificatis, non aliâ ratione immolare seu sacrificare aut offerre dicantur, quàm quia per Altaris aut mensarum ministros offerant & offerentibus consentiant. Non enim dicit Paulus quòd qui manducat de cibis qui immolati sunt dæmoniis, ipsi immolent eos dæmoniis; sed quòd de iis manducantes participes sint Altaris. Manducatio igitur participantium de immolatis cibis non est proprio sermone immolatio, sed est participatio de cibis immolatis, & proinde consensus in factam dæmoniis oblationem. Et quia ea manducatio fiebat in reverentiam & honorem idolorum quibus immolatio facta fuit, habet generalem & veram rationem sacrificii; sed tamen usus rei immolatæ haud quaquam est ipsa immolatio. Scriptura verò Vetus jubens ut ad vespèram omnis cœtus Filiorum Israel faceret illud, palam agit de sacrificio, immolatione, & oblatione, quæ nomine totius cœtus Israelitici populi fiebat; quam proinde & omnis cœtus rectè facere dicitur, quoniam ipsius nomine à sacerdote fiebat. Existimo igitur rectissimè dictum esse in investigatione propriæ rationis sacrificii seu oblationis aut immolationis separandum esse usum rei oblatæ ab ipsa oblatione, quanquam & usus rei oblatæ, quia fit & ipse in honorem Dei, generali ratione sacrificium quoddam, utpote in Dei reverentiam factum, rectè appellatur. Jam quod ad rationem sacrificii propitiatorii pertinet, & scribit Dominatio Tua se mirari quòd scripserim effectum & operationem sacrificii non pertinere ad rationem sacrificii propitiatorii: Equidem multò magis admiror unde me id sensisse vel scripsisse colligis: nam nisi me fallat memoria, in toto scripto non feci mentionem sacrificii propitiatorii, sed tantum in genere sacrificii. Et iterum scribo mihi non videri quòd ad propriam rationem & naturam sacrificii pertineat operatio & virtus sacrificii: sed operatio & virtus magis naturam & rationem sacrificii consequitur. Porro sacrificium propitiatorium hæc sanè ratione quâ propitiatorium est, includit virtutem & efficaciam propitiandi & placandi Deum verum. Quando quaeritur quæ sit vera & propria ratio sacrificii Eucharistici,



rificii, non rectè responderet quispiam rationem ejus propriam esse in operanda salute: sed disertè dicendum est propriam rationem Sacrificii Eucharistici in eo consistere quòd Christus in eo verè & propriè incruento ritu offertur seu præsentatur (sic enim explicat Concilium Tridentinum verbum *offerri*) Patri Cœlesti, idque in finem salutis consequendæ. Unde quod Dominatio Tua scribit Lutherum si agnoscat in celebratione suæ Cœnæ Christum fieri præsentem, & fieri celebrationem in commemorationem Passionis Christi, non posse jure reprehendi à Catholicis, si simul confiteretur eam celebrationem prodesse vivis & defunctis, verum mihi non videtur nec catholicum: & in eo potissimum consistit nostra controversia. Requirit enim mihi videtur præter tria illa, ut Christus secundum veritatem offeratur, sicut disertissimè scripsit Ambrosius: *per singulos dies offerimus & nos hostiam semel in Cruce oblatam, sed ad recordationem mortis ejus.* Igitur sine verà & reali oblatione Christi, neque præsentia Christi in sacramento, neque commemoratio mortis, neque etiam operatio gratiæ, veram rationem sacrificii seu oblationis Eucharistiæ mihi non videntur posse constituere; nec rectè per ea explicari aut defendi adversus Sacramentarios catholica doctrina posse. Hanc ego sentio esse claram Concilii doctrinam & Patrum de Sacrificio Eucharistiæ, qui ad subtilem illam distinctionem sacrificii & oblationis, ad quam tandem deducere mihi videtur Tua Dominatio præsentem inquisitionem, respexisse non reperiuntur. Quia tamen à D. Thoma ex Veteri scriptura rectè inducta & constituta est; jam de illa excutiamus quid sit in hac quæstione sentiendum. Sentio igitur rationem hanc distinctam quâ secernitur sacrificium ab oblatione juxta D. Thomæ doctrinam in 2. 2. non sufficere ad veram rationem Sacrificii Eucharistici, hoc est, sacrificii & in quo revera Christus offertur, constituendam. Celebratio enim Sacramenti Eucharistici per conversionem etiam creaturarum panis & vini, in Corpus & Sanguinem Christi, quæ divina est benedictio circa panem & vinum facta; idque cum commemoratione etiam passionis Christi peractæ, non tantum oblationis sed etiam sacrificii rationem hanc habet, quia ipsa est actio quæ in Dei honorem fit, & quæ ei offertur in reverentiam ejus. Sed nisi intelligatur in ea fieri, rei quæ in ea actione continetur, nempe Corporis & Sanguinis Christi, vera oblatio & præsentatio coram Patre Cœlesti, per sacerdotem secundum ordinem Melchisedech; non habetur tale sacrificium, quale contra Sacramentarios constituitur in doctrina Christiana & à Concilio a definitur. Neque benedictio, quæ circa panem & vinum fit, sacrificii Eucharistici veram & plenam rationem inducit, nisi ea benedictio intelligatur, quæ sit consecratio creaturarum panis & vini in Corpus & Sanguinem Christi immolatiæ, hoc est, talis ut per eam offerantur Patri Corpus & Sanguis Christi sub speciebus panis & vini: sicut D. Hieronymus & Augustinus dicunt quòd Christus verus Sacerdos secundum ordinem Melchisedech obtulit in veritate suum Corpus & Sanguinem, sicut olim Melchisedech obtulit in typo creaturas panis & vini. Quid verò de esu rei consecratæ & oblatæ mihi sentiendum videatur, jam satis exposui. In hac doctrina & explicatione Sacrificii Eucharistici ego planè acquiesco, & Concilii sententiæ & b definitioni eam existimo planè consentaneam. Si quid tamen minùs ritè à me explicatum

a MSS. C.  
K. defendi-  
tor.

b MSS. C.  
K. defen-  
sioni.

plicatum aliis videatur, non præjudico aliorum melius sentientium sententiis: mihi prorsus sufficit quòd sciam, etiam si quid sit erratum, à scopo me non aberrare.

## JUDOCUS TILETANUS.

## CAPUT VIII.

*Michael de Baii Judoco Tiletano.*

## EXIMIE MAGISTER NOSTER,

**M**ihi optimè placet ut omiſſa diſtinctione inter ſacrificium & oblationem, tantùm inquiramus quare Chriſtus in Miſſa dicatur offerri; quia ego illam diſtinctionem tantùm propter D. Thomam adhibueram, & ſimul ut oſtenderem aliquid duobus modis poſſe offerri ſeu præſentari: uno modo per ſimplicem donationem, quâ ſine rei mutatione in alium fit dominii tranſlatio, ſicut offeruntur denarii, panes ad altare: Altero verò modo, non tranſferendo dominium rei quæ offerri dicitur; ſed in gratiam alterius aliquid circa eam agendo, quod illi non minùs gratum eſſe noſcitur, quàm eſſet ipſa donatio: qui poſterior offerendi modus eſt ſacrificio proprius; nec tamen abducit à diſputatione quæ de oblatione generaliter inſtituitur; quia neceſſario ſub illa continetur: eſt enim omnis ſacrificatio oblatio, ſed non contra. Quibus præmiſſis dico quòd Chriſtus in Miſſa offerri non poſſit, niſi ibi eſſet; eſt autem ibi per ſignificationem paſſionis, per operationem ſalutis & per veritatem præſentiæ Corporis & ſanguinis, imò & totius ſubſtantiæ.

Haſ igitur tres cauſas ex 3. parte D. Thomæ & ex Concilio Tridentino protuli, non ut redderem rationem cur offeratur, ſed tantùm ut oſtenderem quare Chriſtus ſit, non autem agnus aut vitulus, qui in Miſſa offertur. Sed poſtea diſſerens quare offertur, recurri ad 2. 2. D. Thomæ, quæſt. 85. art. 3. ad 3. & dixi quòd non eo modo offeratur, quo denarii offeruntur ad altare quando per dominii tranſlationem ſine mutatione ad honorem Dei præſentantur & donantur: ſed quòd offeratur eo modo, quo olim agnus Paſchalis offerebatur, quando ſine tranſlatione dominii ad honorem Dei occidebatur & comedeatur. Et ſic rationem oblationis in eo poſui, quòd circa Chriſtum aliquid ad honorem Dei agitur, quando panis & vinum in Corpus & Sanguinem ejus conſecrantur, quando ipſe in ſacramento frangitur & manducatur, ſicut loco ſupra dicto expreſſè dicit D. Thomas. Quæ cum in ſcriptis meis videantur aperta, miror cur Reverentia Tua omiſſo eo quod ex 2. 2. D. Thomæ protuli, ſemper recurat ad illa tria, quæ partim ex 3. parte ejusdem, partim ex Concilio Tridentino præmiſi, dicendo per hæc tria non ſatiſſeri quæſtioni quâ queritur, quæ ſit ratio cur Chriſtus in Miſſa dicatur offerri. Satiſſaciunt enim ex parte quâ intelligitur quæri cur Chriſtus ſit, non autem agnus, qui in Miſſa offertur. Sed ex ea parte quâ queritur cur offeratur, ſatiſſit quæſtioni per ea quæ ex 2. 2. proferuntur, ut dictum eſt; aut ſi fortè non ſatiſſa-

ciunt, sicut videtur Reverentia Tua prætere, miror quòd aliam rationem in prioribus scriptis non protulerit, quâ illi satisfaceret; sed tantum dixerit non sufficere quod dixeramus, & necessarium addendum esse, præsentis in celebratione Missæ Christi fieri à Sacerdote oblationem & præsentationem Deo Patri. Nam verba prioris scripti, quæ sic habent: *Consecratio itaque creaturarum panis & vini in Corpus & Sanguinem Christi in hoc divino mysterio consideranda est non solum ut est potentissima conversio creaturarum in Corpus & Sanguinem Christi; sed ut est transmutatio creaturarum, quas olim in typo obtulit Melchisedech, in hostias spirituales Corporis & Sanguinis Christi; quarum oblatione præfigurata veritas tandem exhiberetur.* Hæc, inquam, verba sic accepi, tanquam significarent, considerationem in ipsis expressam, esse rationem cur Christus in Missa offeratur. Sed cum ego illam rationem improbassem, dicens rationem oblationis Christi in Missa debere subsistere, etiam si non tantum non addit consideratio, sed etiam ipse Melchisedech nunquam exhibuisset: respondet Prudentia Tua in hoc scripto, se priore scripto non dixisse quòd Sacrificium Missæ ex illa causa rationem sacrificii habeat; sed tantum offendisse rationem propriam sacrificii optimè posse intelligi ex collatione cum sacerdote & sacrificio veteri. Verum Reverentia Tua hoc ostendendo nullam rationem protulit cur Christus in Missa offeratur; sed tantum designavit unde possit intelligi ratio, quam tamen non expressit. Sententiam Lutheri de oblatione Missæ discutendam non putavi, quia quando inter Catholicos veritas quaeritur, non existimavi curandum quid Hæretici foris somnient; sed quid Scriptura Sacra & Catholici Doctores intus doceant. Dixi tamen quòd si Lutherus fateretur quòd in hoc Sacramento panis & vinum verè transmutentur in Corpus & Sanguinem Christi, remanentibus tantum speciebus panis & vini; & quòd ipsa Missæ celebratio esset verè sacrificium, quod prodesset vivis & defunctis, sicut hætenus credidit Ecclesia; puto quòd cum eo essent Fideles contenti, nec eum ob subtilem hujus Sacrificii rationem seu explicationem fatigaret. Quæ verba mea si integra, sicut meo scripto expressi, non autem truncata & immutata, sicut habentur in tuo, cum attentione legantur, puto quòd non solum invenientur vera & catholica, sed etiam quòd me tacente evanescet reprehensio tua. Quod autem subditur eum qui ad illa tria quæ toties repetuntur, videlicet ad operationem, significationem & præsentiam Christi, non addit in Missa fieri oblationem & præsentationem (quas videlicet Reverentia Tua contendit in definitione oblationis debere exprimi) à Lutheri & Sacramentariorum sententia non satis disertè & expressè recedere; satis odiosè dicitur propter eos qui fidei veritatem simpliciter retinentes aut nullam explicationem norunt, aut in ea quam legitimam existimant, voces has ponendas non a putant, ne videantur idem per se ipsum vel definire, quia in speciem saltem notantur de sententia hæretica Lutheri & Sacramentariorum, cujus non sunt sibi conscii: cum hoc ipsum credant & aliis locis fateantur quòd hîc contendit Reverentia Tua debere repeti. Et si fortè errarent, adhuc tamen honestius esset eis condolendo doctrinam veritatis impertiri, quam falsum crimen in speciem impropere, quòd nec Reverentia Tua ab iis sibi vellet impropere, qui illam nec scripto priore nec etiam posteriore rationem protulisse existimant, quâ satis explicetur cur in Missa fiat oblatio.



oblatio. De ratione prioris scripti diximus superius. In hoc verò posteriori dicit Reverentia Tua quòd quando quæritur quæ sit propria ratio Sacrificii Eucharistici dicendum est propriam ejus rationem consistere in eo quòd Christus verè & propriè incruento ritu offertur seu præsentatur. Cæterum cum principaliter inquiratur quare dicatur offerri seu præsentari, non attendit Vigilantia Tua idem per semetipsum definiri; quod Dialectica non probat.

Effectum passionis Christi, seu esse propitiatorium intellexi per Reverentiam Tuam exclusi à ratione non tantum sacrificii in genere, sed etiam à ratione Sacrificii Missæ: primò quidem quia sic habent verba tua in priori scripto: *Ex quibus mihi videor rectè intelligere duas illas causas, significationem seu memoriam Passionis Christi non sufficere ad ritè statuendam & a defendendam contra Sectarios Sacrificii Missæ veram & propriam rationem. Nam tertiam illam causam, de fructu Passionis Christi jam dixi extra præsentem de sacrificii definitione quæstionem, rejiciendam esse.* Nam dicendo duas priores rationes ad statuendam rationem Sacrificii Missæ non sufficere, & tertiam causam à definitione debere excludi, significasse videtur Prudentia Tua duas priores causas ad rationem Sacrificii Missæ pertinere, non autem tertiam. Si autem tantum significare voluerit tertiam causam non pertinere ad rationem sacrificii in genere; cur illam à duabus prioribus distinxit, quæ etiam non sunt de ratione sacrificii in genere. Utut res tamen habeat, intellexi verba tua ut dixi, & ex causis quas dixi.

Quòd dixi Christum in Missa offerri non tantum propter benedictionem, sed etiam propter fractionem & comestionem; juxta expressam D. Thomæ sententiam dixi, quam etiam conatus sum Scripturis sacris confirmare. Ait enim Dominus in Exodo de Agni Paschalis immolatione: *Omnis cætus filiorum Israel faciet illud*: sicut patet ex verbis præcedentibus, quibus dicitur: *immolabitque eum universa multitudo filiorum Israel*: cui præcepto non satisfaciebant filii Israel curando ut per Sacerdotes & ministros occideretur Agnus, &c. Sed universi tam Ministri, quàm alii virtute ejusdem præcepti tenebantur pro complemento immolationis, de ipso Agno manducare, sic ut totum consumeretur. Sicut etiam D. Thomas in 3. parte quæst. 80. art. 7. dicit quòd non solum ex statuto Ecclesiæ, sed etiam ex mandato Domini dicentis Matth. 26. *Hoc facite in meam commemorationem*, omnes teneantur sacramentum Eucharistiæ sumere. Id quod puto non diceret in illis Christi verbis contineri, nisi intelligeret ipsam sacramenti sumptionem pertinere ad consumptionem sacrificii, ad quam omnes saltem aliquando, modo sibi convenienti, obligantur. Deinde si sumptio sacramenti Eucharistiæ non sit de integritate sacrificii, sed tantum benedictio; cur Missa per sacerdotem incepta, si eam perficere non possit, juxta antiquam traditionem, per alium sacerdotem perfici debet; si is qui eam incepit, post benedictionem ante fractionem & comestionem cessaverit; non autem, si prius destiterit quàm benedixerit aut consecraverit? Sententiam D. Thomæ, quæ quæst. 85. 2. 2. dicit sacrificium propriè dici, quando circa res Deo oblatas aliquid fit: sicut, inquit, quòd panis frangitur comeditur & benedicitur; non possum non probare. Nec mihi placet quòd ad ostendendam illam insufficientem, dicit Reverentia Tua benedictionem quæ



circa panem & vinum sit, sacrificii Eucharistici veram & plenam rationem non induere, nisi ea benedictio intelligatur quæ sit consecratio creaturarum panis & vini in Corpus & Sanguinem Christi IMOLATITIA. Quia quemadmodum is qui baptizat semper baptismum impertitur, modò ad imitationem Christi & Ecclesiæ baptizantis abluat dicendo: *Ego te baptizo*, &c. sive aliquid ampliùs intendat aut intelligat, sive non: sic etiam *a* quandocunque Sacerdos panem & vinum præscriptis verbis ad imitationem Christi & Ecclesiæ benedicit, frangit & distribuit; is non tantum sacramentum Eucharistiæ conficit, sed etiam Christum Deo offert, sive intelligat aut credat quod agit, sive non intelligat; aut etiam quamvis aliam intelligentiam ex professo à sua intentione excludat, credens in hoc opere nihil aliud agi, quàm passionem Christi commemorari. Quia sicut ab isto opere per Sacerdotem super debita materia ad imitationem Christi & Ecclesiæ factò inseparabilis est confectio sacramenti; sic etiam inseparabilis est oblatio Christi. Nam alioquin contineret saltem Hæreticos verum Sacramentum Eucharistiæ *b* conficere, & Sacrificium Deo non offerre; quod verum esse non puto. An verò Christus hanc consecrationem, fractionem & manducationem sic potuisset instituere faciendam immediatè ad honorem Dei, ut tamen non solum *c* non significaret ejus passionem, nec effectum ejus passionis alicui communicaret; sed ut nec omnino veram sacrificii rationem haberet, ex eo quod circa Christum aliquid ad honorem Dei actum fuisset, alia quæstio est quam nolim temerè definire. Sed hæc de hac quæstione dicta sufficiant. Siquid ampliùs occurrat, poterit aut vivà voce aut recurrendo ad ea quæ scripta sunt, expediri.

*a MS. K.  
quiescunt.*

*b MS. K.  
conferre.*

*c MS. C.  
non solum  
significaret.*

MICHAEL DE BAII.

## C A P U T I X.

*Judocus Tiletanus Michaeli de Baii.*

EXIMIE MAGISTER NOSTER;

**A** Nimadverto scriptum hoc postremum sapere & indicare nescio quid acerbatis, & continere, ut apertè dicam quod sentio, manifestas calumnias seu cavillationes. Ideoque constitui paucissimis ad capita in præscripto scripto reprehensa respondere. Primum, *d* scribis Reverentia Tua causas illas tres præsentiae Christi, significationis passionis Christi, & operationis, non esse à se propositas tam ex D. Thoma, quàm ex Concilio Tridentino in superioribus scriptis, nisi ut declararet Christum esse qui in Missa offertur, non autem agnum Paschalem. Quærote, Eximie Magister Noster, quis de ea requæstionem unquam movit inter Ecclesiæ Professores: An qui in Missa offertur, Christus sit; an Agnus Paschalis? Et si ea fuit mens vestra, profectò licuit eam verbis disertè explicare, & nullum *e* potuisses habere adversarium. Sed valeant hæc tergiversationes. Addis itaque quodd disserens quare offeratur Christus, secutus doctrinam D. Thomæ dixisti, quodd non eo modo offeratur, quo

*d MS. K.  
sensit.*

*e MS. K.  
potuisses.*

quo denarii offeruntur ad altare; sed eo modo, quo olim Agnus Paschalis offerebatur; & sic rationem oblationis in eo te posuisse quòd circa Christum aliquid ad honorem Dei agitur. Respondeo (ut dissimuletur multum diversas esse quæstiones quare siue cur Christus offeratur, & in quo posita sit ratio oblationis) hoc ipsum esse in quo dissidemus, an ratio oblationis Christi posita sit in eo quòd in celebratione Eucharistiæ fiat benedictio, fractio, fiat denique comestio. Et ego hætenus scripsi & sensi, & adhuc absque hæsitacione ulla sentio & scribo, non esse in seo positam rationem oblationis Christi, neque hoc docere D. Thomam in 2, 2: sed veram rationem oblationis in eo positam esse, quòd secundum Christi institutionem & mandatum, sacerdos iuxta ordinem Melchisedech à Christo institutus, sui ministerii & sacerdotii officio fungens, consecrat & celebrat Sacram Eucharistiam, videlicet in ea celebratione & consecratione Deo Patri oblaturus non creaturas Panis & vini, sicut fecit typicus ille Melchisedech, sed sub speciebus creaturarum panis & vini, divinam benedictionem conversarum in Corpus & Sanguinem Christi, Christum ipsum secundum rei veritatem, sicut secundum rei veritatem oblatum est in Cruce. Sicut enim ipsa jugulatio Agni Paschalis non habuit rationem oblationis & Sacrificii secundum seipsam considerata, sed quatenus ex mandato Domini fiebat ex populo Israelitico oblationem facturo: ita benedictio & fractio & denique manducatio secundum seipsas non faciunt rationem oblationis, nec faciunt Christum offerri. Sed quia sacerdos constitutus ad hoc à Christo, accedens ad sacrificandum & suo officio fungendum, conficit Eucharistiam benedicendo, frangendo & manducando: idè ejus consecratio & celebratio habet rationem veram oblationis, in qua verè sed incurventè Christus offertur. Sicut nec Christi cruenta mors secundum seipsam veram habet sacrificii & oblationis rationem, sed tantum quatenus consideratur, sicut ait Apostolus, quòd ipse semetipsum & mortem suam obtulit per Spiritum Sanctum Patri. Sic si separes ab actione illa secundum se considerata, quam facit sacerdos benedicendo, frangendo, &c. sacerdotis ministerium quod in offerendo hostias Deo positum est, non magis constabit vera oblatio Corporis & sanguinis Christi, quàm si ab ipsa Christi cruenta morte separes quòd Christus semetipsum per Spiritum Sanctum obtulit Deo. Adhuc igitur mihi videor rectissime & verissime scripisse rationem veram & simplicem & apertam oblationis Christi non esse positam neque in præsentia Christi, neque in significatione passionis Christi, neque in operatione, neque denique in benedictione, neque in fractione (quæ omnia libenter agnoscit & confitetur etiam Lutherus, pertinaciter tamen negans Christum ob hæc & per hæc Cœlesti Patri offerri;) sed in eo quòd sacerdos Dei vicarius constitutus hæc omnia facit secundum Christi institutionem, fungens ministerio sacerdotii & officii sui, quod est oblationem offerre. Cujus officii ministerium & intentionem si separes ab iis quæ aguntur in celebratione Eucharistiæ, benedictione scilicet & fractione, &c. non magis constabit vera oblatio, quàm Christus Patri offeratur, quàm constabit oblatio in morte cruenta Christi, si eam separes ab intentione & sacerdotio veri Melchisedech Christi, quem dicit Apostolus semetipsum obtulisse per Spiritum Sanctum Patri Cœlesti.

Dicis intentionem conficiendi sacramentum Eucharistiæ posse consistere sine intentione oblationis. Igitur potest confectio sacramenti consistere sine oblatione sacrificii. Cavillationem quam Tua Dominatio hic objicit de intentione sacerdotis indignam, puro quæ retellatur. Nam satis eam refutant alia Ecclesiæ Sacramenta, quæ sine intentione Ministriconstare non possunt.

Tantum video D. Thomæ doctrinam in speciem obistere huic explanationi posse sæpius jam recitari. Sed respondeo non rectè considerari D. Thomæ doctrinam, quasi nostræ explanationi contraria sit. Tradit quidem D. Thomas duplicem oblationis rationem: sed nusquam comperietur dicere quoddam oblationis consistat vel in benedictione vel fractione, &c. sed hoc tantum dicit quoddam si circa rem oblatam nulla fiat mutatio, oblatio sit non sacrificium: si verò fiat mutatio aliqua, vel corporalis, qualis est occisio & sanguinis effusio; vel spiritualis, qualis est benedictio, &c. tunc sacrificium fit, & non tantum oblatio. Requirit igitur Thomas ut res aliqua Deo offeratur: & si circa eam nihil fiat, sentit tunc esse oblationem tantum: si vero circa rem oblatam aliquid fiat, tunc sentit esse oblationem, quæ habeat rationem propriam sacrificii. Non igitur D. Thomas ex benedictione & fractione & similibus immutationibus confurgere ait rationem oblationis: sed hoc tantum docet, si circa rem quæ offertur fiat aliqua specialis immutatio, sacrificii rationem habere eam oblationem, sicut in exemplo Agni Paschalis res aperta est. Non enim jugulatio Agni per se habebat rationem oblationis, sed jugulatio Agni jam destinata ad offerendum Deo, imo jam oblata Deo, accedens ad rem oblatam & destinatam ad offerendum, efficiebat oblationem illam habere propriam rationem sacrificii secundum sententiam D. Thomæ. Et sanè si in benedictione, fractione, &c. constituatur vera & propria ratio oblationis illius quàm Christus offertur Patri; non existimo sufficienter confutari sententiam Lutheri, quæ negat Christum offerri in Eucharistia, a cum benedictionem, fractionem, &c. absque ulla tergiversatione agnoscat. Et omnino mihi persuadeo quoddam Catholicis & ratio oblationis Christi, quæ in benedictione seu fractione, &c. constituitur, nunquam sit futura satis. Existimo me satis disertè explicare rationem, in qua intelligo veram rationem oblationis Christi positam esse, quam & in prioribus scriptis satis insinuavi, si considerata essent. Nolo hic acerbè scribatur iterum me hic scribere satis odiosè. Cum enim à me postulatum esset ut scriberem meam sententiam, quàm in re videretur vestra sententia non plane confutare Lutheri sententiam; scripsi simpliciter nullo odio perturbatus quod iterum scribo, rationem oblationis Christi non esse positam in iis quæ jam suprà dicta sunt ex D. Thomæ; sed in iis positam esse propriam & peculiarem rationem sacrificii, quando ea fierent circa rem aliquam alioquin oblatam.

Denique quod scribit Dominatio Tua, me non dicturum fuisse sententiam tuam affinem doctrinæ Lutheri, si eam integram, ut à te posita est, & non truncatam & mutilatam transcripsissem; ego nullius neque detractionis neque mutilationis mihi conficius sum: sed sententiam, quam adhuc tibi placere video, ingenuè fateor mihi displicere, & insufficientem videri ad refellendam Lutheri doctrinam: sicut & in superioribus scriptis dixi, videlicet in benedictione

a MS. C.  
cum benedictione,  
fractione,  
&c. cum  
illa absque  
ulla.

nedictione, fractione, &c. positam esse veram oblationis, illius scilicet in qua Christus a offeratur, rationem.

a M.S. K.  
offeritur.

Postremò, quod Tua Dominatio iterum tergiversatur de manducatione sacrificii oblatis, omnino contendens manducationem sacrificii pertinere ad rationem sacrificii, adferens jam rationem, manducationem sacrificii pertinere absque dubitatione ad complementum sacrificii; admodum miror Dominationem Tuam in eo tergiversari quod perspicuum habet veritatem. Est enim in eo manifesta veritas, quòd qui manducat de cibis Idolis immolatis, non hoc ipso sacrificet, sed sacrificii peracti (secundum expressam Apostoli doctrinam) se participem faciat. Quòd si igitur, ut perspicuum puto, comedens de sacrificatis seu oblatis cibis, non per hoc offerre dicendus est; quomodo igitur ad rationem sacrificii pertinere dici potest, tanquam in quo ratio sacrificii posita sit?

Nam quòd pertineat usus & esus sacrificii vel rei oblatæ ad sacrificium tanquam complementum ejus, nemo negat. Constat enim etiam Eucharistiam confici propter usum: non tamen ejus confectio & consecratio consistit in ipsius usu; nec contrà usus ejus pertinere rectè dici potest ad ejus confectionem seu consecrationem.

Eximie Domine, Magister Noster, existimo me & in hoc scripto & in prioribus satis clarè & disertè, atque etiam optimà fide & sine ullis aut suggestionibus aut odiosis verbis postulatam ab exordio sententiam meam exposuisse; neque contra dialecticam rationem (ut Tua Eruditio notat) idem per idem probasse, dum per sacerdotium typicum Melchisedech, scripsi intelligendum esse sacerdotium Eucharisticum: sed veram & unicam, ut equidem opinor, rationem ostendisse, quâ intelligi debeat Christus in Missa offerri, quam & Concilium Tridentinum proposuit.

## JUDOCUS TILETANUS.

### CAPUT X.

*Michael de Baii ad Lectorem.*

AN scriptum meum novissimum nescio quid acerbioris sapiat, & contineat manifestas calumnias seu cavillationes, sicut Dominus Tiletanus initio postremi scripti sui queritur: item an istud scriptum ejus postremum omnibus suggestionibus & odiosis verbis careat, sicut in fine ejusdem protestatur, Lectoris esto judicium. Cæterum quia videtur in hoc scripto quædam aperuisse quæ prioribus scriptis minùs patebant; idè visum est aliquot ejus capita discutere; non quidem b propter ipsum, apud quem video me nihil profutu- b M.S. C.  
rum, sed propter eos qui fortè in utriusque partis collatione veritatem sibi proponerent inquirendam. a p. 4.

Quod igitur ait, neminem in Facultate quæstionem movisse, an Christus sit, & non agnus, qui in Missa offertur; ac proinde me hujus rei non debuisse c M.S. C.  
B b ratio- a p. 4.



rationem reddere: Respondeo quòd quemadmodum nemo in Facultate quæstionem movit, an Christus sit qui in Missa offertur; sic etiam nemo quæsit an offeratur. Sed quando occasione reprehensionis inter nos quæsitum est, cur Christus in Missa offeratur, duæ simul quæstiones in una ad discutiendum sunt propositæ; nempe quare Christus sit res oblata in Missa; & quâ ratione dicatur offerri. Quia igitur videbam id quod ad prioris quæstionis solutionem pertinebat, ab ipso semper accommodari posteriori; & quod posteriori serviebat, dissimulari; idèò distinctè singulas responsiones singulis quæstionibus aptavi, ut ignorari non posset quid ego singulis quæstionibus judicarem debere responderi. Quod deinde subditur diversæ esse quæstiones, cur Christus offeratur, & in quo posita sit ratio oblationis, fateor me diversitatem hanc non assequi: quia si ratio oblationis profertur, tunc ostenditur cur Christus offeratur: & contra, si ostendatur cur Christus offeratur, tunc necessarium est ut ratio oblationis profertur.

Dicitur eodem Capite, quòd sacerdos consecrans non offert creaturas panis & vini: cujus oppositum videtur Cyprianus epist. 3. lib. 2. sæpius dicere, cum ait quòd Christus obtulit hoc idem quod Melchisedech obtulerat, id est, panem & vinum, licèt etiam Corpus & Sanguinem Christi offerat: sicut etiam de Christo statim subdit dicens suum, scilicet Corpus & Sanguinem, in quæ videlicet panis & vinum convertuntur.

Quod autem subdit, jugulationem agni non habere rationem oblationis, secundum seipsam consideratam, sed quatenus ex mandato Domini fiebat à populo oblationem facturo: verum est si intelligatur tantum facta in alicujus convivii præparationem; sed si intelligatur facta in figuram morituri Christi, & ad Dei reverentiam, non potuit carere ratione oblationis; cum sit actus factus immediatè ad reverentiam Dei, quæ juxta Thomam oblationis definitio est: quia sicut is qui immediatè offert ad honorem Dei denarium ad altare, non potest non facere oblationem, sive id ex mandato Dei faciat, sive ex proprio consilio, sive de oblatione cogitet, sive ignoret esse oblationem. Sic olim quisquis ad figurandam Christi passionem, ad Dei reverentiam conveniens aliquid animal occidit, veram fecit oblationem, etiamsi nihil de oblatione cogitaverit, sive à Domino acceperit ejus rei mandatum, sive id ex proprio judicio fecerit, quia fecit actum supernaturalem ad Dei reverentiam, quæ apud D. Thomam propria oblationis definitio est.

Sed adhuc durius est, quòd ait cruentam Christi mortem secundum seipsam non habere veram oblationis & sacrificii rationem; sed tantum quatenus consideratur quòd ipse semetipsum & mortem suam obtulit per Spiritum Sanctum Patri: quasi videlicet mors ejus rationem sacrificii non habuerit ex opere, quo Christus ad gloriam Dei patiebatur, ut testimonium perhiberet veritati, sed tantum ex nostra consideratione; aut si istam considerationem non in nobis credentibus, sed in Christo patiente necessariam fuisse existimat, ut mors ejus veram oblationis rationem haberet: igitur si tantum cogitasset se sic mori pro mundi salute, sicut boni Fideles ad honorem Dei pro sua salute moriuntur, mors Christi non habuisset veram rationem oblationis; nec veram sacrificii

ficii rationem habet in conspectu Domini pretiosa mors Sanctorum ejus, nisi præscriptam cogitationem habeant, nempe quodd semetipsos & suam mortem per Spiritum Sanctum Patri offerant: quia non in opere, quo se pro veritate in mortem tradunt, sed in consideratione rationem oblationis constituit. Et quemadmodum à Christi morte separandam putat rationem oblationis, si separaretur prædicta consideratio; sic à benedictione, fractione & distributione Sacerdotis separandam existimat rationem oblationis, si ejus ministerium separet, quod in offerendo hostias positum est. Quibus dictis miror eum statim subjicere cavillationem fuisse quâ obiecti, quodd si oblatio Christi in Missa consistat in aliqua consideratione distincta ab intentione consecrandi; igitur sacerdos ex professo intendens ad imitationem Christi, Corpus & Sanguinem Christi consecrare, & juxta aliquem errorem ex professo non intendens offerre, is, inquam, sacerdos tantum sacramentum conficeret, & non etiam offerret: nisi fortè hoc dixerit, ne cogeretur fateri aut verum esse quod obijcebam, aut falsum fuisse quod dixerat; quorum neutrum videtur ausus fuisse confiteri. An Lutherus senserit Missas vivis & defunctis prodesse, nihil ad rem facit: non enim tenemur aliquid vitare, quia hoc Lutherus dixit aut negavit, sed tantum quodd Concilium aut Pontifex hoc in eo damnavit. Et ideo ad veritatem solvendam aut damnandam falsitatem proferenda esset legitima damnatio, non Lutheri assertio aut negatio, ex qua nulla fieri potest aut veritatis aut falsitatis illatio. Puto tamen eum saltem temporis progressu sacrificii utilitatem aut effectum non agnovisse.

Postea videns verba D. Thomæ 2, 2. quæst. 85. art. 3. sibi vehementer obistere, (Dominus Tiletanus) dicit ipsum quidem tradere duplicem oblationis rationem, sed nusquam docere quodd ratio oblationis consistat in benedictione, &c. nec tamen ostendit in quo consistit, sed tantum conatur refellere quod dixi. Cæterum quisquis verba D. Thomæ non tuendæ positionis, sed veritatis cognoscendæ studio intentus diligenter perspexerit, facile intelliget eum rationem oblationis & Sacrificii Missæ constituere in benedictione, fractione & sumptione. Nam volens ostendere sacrificium *a* generaliter dictum, seu oblationem, specialem esse virtutem, definit sacrificium esse quemdam *b* supernaturalem actum, laudem ex hoc habentem quodd in divinam reverentiam fiat: propter quod, inquit, ad determinatam virtutem pertinet, scilicet ad religionem: quales actus sine dubio sunt benedictio, fractio, sumptio. Verum quia hæc ratio generalis erat, & non tantum sacrificio specialiter dicto, quodd rei mutationem habere debet, sed etiam cuius oblationi competeat, (hoc enim semper laudem habet ex eo quodd in divinam fiat reverentiam) ideo in responsione ad 3. ostendit non quemvis actum in divinam reverentiam factum esse propriè dictum sacrificium, sed eum duntaxat quo circa res oblatas aliquid fit; sicut, inquit, quodd animalia occidebantur, quodd panis frangitur, comeditur & benedicitur. Hosenim actus in divinam reverentiam factos profert tanquam exempla sacrificii specialiter dicti; ex quo manifestè sequitur rationem oblationis in his actibus ad Dei reverentiam factis esse positam. Sed scio quid Dominum Tiletanum remoretur tanto tempore, ne cre-

*a* M.S. K.  
qualiter.

*b* M.S.  
spiritualem.

dat jam dictos actus esse oblationes. Non enim præsupponit cum D. Thoma omnem actum supernaturalem, laudem ex hoc habentem quoddam in divinam reverentiam fiat, esse oblationem, sed eum duntaxat, quo substantia aliqua datur & præsentatur, sicut olim rudi & carnali populo præscriptum fuit. Et quia per benedictionem, fractionem, & comestionem secundum se nihil dari aut præsentari videtur, ideò nec hæc secundum se existimat esse oblationem propriè dictam. Non enim existimat quoddam quisque propter Deum aliquid boni facit, hoc ipso aliquid ei det, juxta illud: *Quis prior dedit illi, & retribuetur ei?* sed semper respicit ad donationem alicujus substantiæ; cui jam sæpius respondi, præsentationem seu donationem alicujus substantiæ duobus modis fieri: uno modo per translationem Domini sine aliqua rei mutatione, ut cum ad Dei reverentiam donantur denarii ad altare: & hæc simplex donatio, oblatio tantum est, non etiam sacrificium specialiter dictum. Altero modo fit donatio seu præsentatio substantiæ, non per simplicem domini translationem, sed eminentiori quodam modo & acceptiori quàm est simplex donatio, nempe in reverentiam alicujus consumendo id quod donari dicitur; v.g. quando in reverentiam principis thus aut cinamomum incenditur, ut suavitatis odore perfruatur, tunc thus & cinamomum excellentiori & cum majori reverentiâ principi donatur, quàm si illi simpliciter ad utendum offerretur, nempe eo modo quo Joannes Schuerbroeck, dictus Abraham, Cæsari quondam post victoriam ex Gueldria revertenti multas ollas terreas obtulit, non eas illi in culina utendas præsentando, sed in signum lætitiæ juxta viam quâ transibat, ipso spectante, collidendo & confringendo: vilis enim oblatio tuisset si eas Cæsari utendas dedisset; sed quia in argumentum lætitiæ eas confringebat, ejus oblatio in oculis Cæsaris aliquid gratiæ habuit. Sic olim coram Domino acceptior fuit occisio agni aut vituli in figuram mortis Christi, quàm simplex donatio: & sicut acceptior fuit donatio, sic etiam excellentioris generis oblatio, quæ proprio nomine sacrificium dicitur. Sed hic rursus offunduntur nebulae ex Lutheri erroribus, quos dicit (Tiletanus) non sufficienter confutari, nisi D. Thomas aut errasse aut sacrificii rationem non convenienter assignasse defendatur. Respondeo, si dicta Lutheri in hac re cum sententia D. Thomæ coincident, non debent à nobis errores, sed potius veritas haberi: non enim debet à nobis veritas per hæreticos usurpata reprobari; sicut à Donatistis reprobata est veritas sacramenti baptismi, teste Augustino lib. 1. de Baptismo contra Donatistas cap. 7. & 8. sed tantum debet eorum falsitas emendari. Quæ propter si Lutherus aliquid rectum sensit, non decet propter solius nominis fulmen, existimare illud esse refellendum, cum Hæretici non solum falsa dicant, sed etiam falsis multa vera permisceant. Quapropter non curo quid Lutherus dicat, sed quod veritatem habere existimo, hoc quantum possum perspicuitate defendo, non tantum contra Lutherum, sed etiam contra Dominum Tiletanum: id quod ed facilius apparet, quod non Scripturam sacram, non Veterum testimonia Sanctorum, non denique solidam aliquam rationem magnopere urgere videtur; sed tantum propriam assertionem, quam potius excogitasse videtur, quàm ab aliquo gravi Authore sumpsisse.

Quomodo autem satisfaciatur duabus Scripturis, quibus conatus sum ostendere & olim ipsam Agni comestionem, & nunc ipsam Eucharistiz sumptionem ad oblationis consummationem pertinuisse; ut videlicet, hoc fecisse dicantur non tantum qui Agnum occidebant, sed etiam qui illum edebant; & nunc etiam hoc facere qui hostiam consecrant & sumunt ex Christi præcepto, quo juxta D. Thomam dixit: Hoc facite &c. Lectoris judicio relinquo, hoc solum petens, ut utriusque dicta attentè legantur, & quod verum videbitur, acceptetur.





# MICHAELIS BAILL, D E INDULGENTIIS TRACTATUS.

## CAPUT I.

*Quòd temporis calamitas aliquando cogat etiam coram  
imperitis de dogmatis religionis differere.*

**T**Radit celeberrimus quidam scriptor, de legum justitia & æquitate diligenter inquirendum cùm primùm statuuntur, sed ubi semel constitutæ sunt & firmatæ, tunc periculosum esse de eis publicè disputare, ne ea quæ firma & sacrosancta apud omnes haberi debent, apud juvenes aut imperitos per disputationes in dubium revocentur & minùs reverenter habeantur.

Verùm si id rectè præcipitur de legibus, quæ & à peritioribus magisque expertis nonnunquam utiliter emendantur, & pro rerum ac temporum conditione aliquando debent immutari, quantò id rectiùs præciperetur de dogmatis nostræ religionis, quæ & immutabilia sunt & nisi ab omnibus firmâ fide teneantur ipsi Christiani esse non possunt.

Id quod ante annos viginti quinque prudenter animadverterunt delecti quidam Cardinales cum aliis Prælati, quando pro reformanda Christi ecclesia sanctissimo domino nostro Paulo tertio inter cætera etiam suggesserunt, ut coram vulgo non permitteret fieri disputationes de quæstionibus ad fidem & religionem pertinentibus, sed hunc pessimum abusum è templis per Italiam tolleret, eò quòd dogmata religionis per ejusmodi disputationes apud imperitos plurimùm existimationis amittant. Cæterùm ea nunc est sæculi nostri calamitas, ut contra hoc salubre consilium penè per totam hanc regionem necessum sit etiam coram imperitis de plerisque religionis nostræ documentis sæpiùs differere, eò quòd apud plerosque non sit ea fidei simplicitas, quam per Italiam esse noverant qui omnem disputationem è templis auferri suadebant; sed importunis hæreticorum studiis ac calumniis plerisque locis effectum est, ut multa fidei nostræ dogmata apud imperitos & minùs attentos tantùm suæ existimationis

mationis amiserint, ut nisi diligenter occurratur vehementer metuendum sit, ne tandem à plerisque pro deliriis habeantur.

## CAPUT II.

*Quòd si indulgentiæ ante sexcentos annos fuissent prorsus ignoratæ, non fuissent postea recipiendæ.*

Quantùm igitur Deus dare dignabitur dicemus pauca de indulgentiis, non tantùm propter hæreticos qui eas ex professo insectantur, sed etiam propter nonnullos catholicos qui eas sic conati sunt asserere, ut præter suam intentionem adversariorum studia non parùm juvisse videantur: Dixerunt enim quòd ante sexcentos annos eas prorsus ignoravit Ecclesia, quòdque postea à recentioribus in Scripturis sacris animadversæ sint & in usum Ecclesiæ conversæ. Ex quibus eorum placitis non immeritò quis sic colligat; Apostoli & Evangelistæ, quibus Christus non tantùm sensum aperuit ut instrumenti veteris prophetias intelligerent, sed etiam secundùm revelationem notum fecit sacramentum voluntatis suæ, quod aliis generationibus non est agnitus filiis hominum, ut innotesceret principibus & potestatibus in cœlestibus per Ecclesiam multiformis sapientia Dei; similiter veteres Ecclesiæ Doctores, per quos sacræ & Apostolicæ traditiones ad nos pervenerunt, ignoraverunt Indulgentias quæ nunc vulgo prædicantur: igitur non sunt repertæ in Scripturis sacris, nec ex Apostolica traditione acceptæ, sed à recentioribus ad quæritum excogitatæ & inventæ; quia non est credibile, post tot sæcula à recentioribus scriptoribus in Scripturis sacris esse repertum, quod neque intellexerunt qui eas Spiritu sancto revelante scripserunt, neque hi qui earum sensum ab Apostolis acceptum hætenus in Ecclesia Catholica suis scriptis conservarunt. Deinde cum Apostolus doceat fideles in hoc debere gloriari, quòd ædificati sint super fundamentum Apostolorum & Prophetarum, id est, quòd ea credant & doceant quæ ex traditione Apostolorum & Prophetarum didicerunt, sicut adhuc hodie gloriamur quoties ab hæreticis impetitur, quomodo nunc vice versâ audebunt profiteri, se de Indulgentiis credere & docere quod tota ignoravit antiquitas?

Dicit Leo primus, quòd fidei nec addi possit aliquid nec minui. Ex quo sane intelligimus, quòd si Indulgentiæ ab initio nascentis ecclesiæ spatio mille annorum aut circiter ignoratæ fuissent, quòd nec postea credi debuissent; quia ecclesiæ non est ea quæ hætenus ignorata sunt pro suo arbitratu fidelibus credenda proponere, sed tantùm illa quæ ex Apostolica traditione ab universis aut à plerisque ecclesiis, aut saltem ab eruditis scriptoribus semper ab initio nascentis ecclesiæ constat firmâ fide credita & retenta, nascente quæstione ex illorum testimonio cunctis fidelibus credenda præscribere. Sicut olim factum cernimus de epistola ad Hebræos, quam plerique Latinorum inter Scripturas canonicas non recipiebant, & de Apocalypsi Joannis quam Græcorum Ecclesiæ eadem libertate non suscipiebant, sed nos utraque suscipimus, inquit Hieronymus, nequaquam hujus temporis consuetudinem, sed veterum scriptorum auctoritatem.

Hier. ad  
Dardani  
Tom. 3.

*ritatem sequentes.* Idem contigit de baptismo ab hæreticis collato, quem Cyprianus & multi alii episcopi Africæ contra Romanæ aliarumque ecclesiarum consuetudinem non receperunt, donec his ecclesiis testantibus, plenario totius orbis Concilio, quod saluberrimè sentiebatur, inquit Augustinus, etiam remotis dubitationibus firmaretur.

*Contr. Do-  
nas. lib. 1.  
cap. 7.*

## CAPUT III.

*Quodd aliter in baptismo, aliter in reconciliationis  
sacramento detur peccatorum remissio.*

UT igitur de Indulgentiis convenienter disseramus, imprimis præsupponendum est aliud nostræ religionis documentum, nempe quodd aliter in baptismo, aliter in pœnitentiæ sacramento datur omnium peccatorum remissio. In baptismo enim sic Christo commorimur & ad vitam immortalem consequendam renovamur, ut propter dimissa peccata nulla omnino pœna restet in futuro sæculo persolvenda.

*Ench. 66.* Dico in futuro sæculo, quia ut ait Augustinus, magis propter futurum sæculum fit remissio peccatorum. In hac autem vita, inquit, usque aded valet

*Eccli. 40.* quod scriptum est: Grave jugum super filios Adam à die exitus de ventre matris eorum usque in diem sepulturæ in matrem omnium, ut etiam parvulos videamus post lavacrum regenerationis diversorum malorum afflictione cruciari, ut intelligamus totum quod hîc salutaribus agitur sacramentis, magis ad spem futurorum bonorum, quàm ad retentionem vel adeptionem præsentium pertinere; Christus enim non præsentium, sed futurorum bonorum pontifex effectus est. Sed in pœnitentiæ sacramento sic datur peccatorum remissio,

*Hebr. 9.* ut nisi per jejunia, eleemosynas, orationes, aut alia pœnitentiæ opera de peccatis remissis Deo satisfiat, restet terribilis quædam expectatio judicii: voluntariè enim peccantibus nobis post acceptam notitiam veritatis, inquit

*Hebr. 10.* Apostolus, jam non relinquitur pro peccatis hostia, quâ videlicet Christo rursus commoriamur & ad vitam immortalem itatim consequendam sine pœnitentiæ gemitu renovemur, sicut in baptismo factum est, sed terribilis quædam expectatio judicii & ignis æmulatio. Datâ igitur peccatorum remissione per reconciliationis sacramentum, nisi per pœnitentiæ gemitum jejuniis, eleemosynis & orationibus Deo satisfiat, restant adhuc luenda pro peccatis supplicia, non tantùm in hoc sæculo, sed etiam in futuro, quod nunc brevitatis causâ supponimus.

## CAPUT IV.

*Quòd pro peccatis remissis, alii in futuro duntaxat, alii  
verò etiam in hoc sæculo negant ullas pœnas persolveri.*

DE pœna hujus sæculi consentit Philippus Melancthon, citans illud Apostoli: *Quòd si nosmetipsos judicaremus, non utique judicaremur*, scilicet in hac vita per infirmitatem aut mortem corporalem: sed utramque pœnam negat Calvinus, non tantùm asserens quòd in futuro sæculo nulla sint pro dimissis peccatis luenda supplicia, sed etiam quòd quæcunque hic patiuntur Sancti non sunt præcedentium delictorum supplicia, sed cautio & medicina futurorum. Vidit enim non absurdè colligi: Remissis peccatis Deus pœnam aliquam temporalem exigit in hac vita, ergo non absurdè dicitur, quòd remissis peccatis per reconciliationis sacramentum adhuc pœnam aliquam exigit in futura, pro qua evadenda oporteat in hac vita satisfacere.

## CAPUT V.

*Quòd indulgentia sit agendæ pœnitentiæ condonatio.*

HÆc igitur futuri sæculi pœna si in hac vita dignis pœnitentiæ operibus redimatur, satisfactio est. Non enim externa tantùm & politica disciplina est satisfactio humanâ autoritate instituta, quâ lapsi ecclesiæ duntaxat satisfaciunt & eam reddant de sua conversione certiores, sicut hæretici fabulantur: sed divina & ad remissionem peccatorum quæ post baptismum committuntur à Christo instituta & necessaria, quod nunc brevitatibus causâ tanquam certum & in Concilio Tridentino sufficienter definitum supponimus.

Si verò pœnitentiæ opera, quibus hæc pœna redimitur ex causa legitima ab eo qui legitimam habet potestatem, ex toto vel ex parte condonentur indulgentia est.

De qua nunc nobis tria dicenda sunt; quorum primum est, quòd ejusmodi indulgentia semper à temporibus Apostolorum in Ecclesia Christi nota fuerit & usurpata, licet vigente adhuc pœnitentiæ disciplinâ longè parcius usurpata fuerit quàm istis novissimis temporibus. Alterum est, quòd hæc indulgentia, quantum ad abolitio nem pœnæ post hanc vitam persolvendæ attinet, veraciter relevet pœnitentes, sicut relevaret satisfactio si in hac vita perficeretur. Et tertio, quo sensu dicantur indulgentiæ concedi non tantùm ex Christi meritis, sed etiam ex meritis Sanctorum, cum non sint aliorum redemptores.



## CAPUT VI.

*Quod pœnitentiæ agendæ condonatio à temporibus  
Apostolorum semper in Ecclesia fuerit.*

2. Cor. 2.

Indulgentiam hanc agnovit Apostolus in posteriori epistola ad Corinthios, ubi ait: *Sufficit ei qui ejusmodi est, oburgatio hæc quæ fit à pluribus, ita ut è contrario magis donetur, & consolemur.* Jubet enim Apostolus ut fornicario pœnitenti aliquid de severitate injunctæ pœnitentiæ remittatur, ne fortè austeritate nimia in desperationem veniat, & abjectâ religione Christianâ ad paganisimum relaberetur, quod nihil aliud est quàm condonatio seu indulgentia de qua loquimur.

Deinde subdit Apostolus: *nam & ego quod donavi, si quid donavi, propter vos in persona Christi, ut non circumveniamur à Satana.*

In persona Christi, inquit, ut intelligatur ea condonatio quam faciebat, non tantùm in terris effectum habere, ubi solent homines suam exercere potestatem & debita supplicia condonare, sed etiam in cœlis ubi Christus ligandi solvendiq; potestatem tribuit.

Chrysost.  
homel. 4.  
in 2. ad  
Corinth.

Quem locum Apostoli tractans Chrysostomus, docet in condonationibus non tantùm attendendam delicti mensuram, sed etiam pœnitentium qualitatem, sicut hic attendit Apostolus, partem injunctæ pœnitentiæ condonans ob infirmitatem pœnitentis, ne desperatione frangatur.

Concilium  
Nicenum,  
cap. 11.

Cyprianus.

Eandem indulgentiam agnovit Concilium Nicenum, ubi Episcopo præscribit ut circa quosdam pœnitentes humanius aliquid cogiter, relaxando videlicet aliquid de tempore pœnitentiæ constituto. Sed omnium apertissimus est gloriosus Christi martyr Cyprianus, lib. 3. epistolarum, epistola 14. 15. & sequentibus usque ad 19. Sic enim habet epistola 14. quam scribit presbyteris & diaconis sui episcopus: Aliqui de presbyteris nec Evangelii, nec loci sui memores, sed neque futurum Dei judicium, neque nunc præpositum episcopum cogitantes, (quod nunquam omnino sub antecessoribus factum est,) cum contumelia & contemptu præpositi totum sibi vendicant. Nam cum in minoribus peccatis agant peccatores pœnitentiam justo tempore, & secundum disciplinæ ordinem ad exomologesim veniant, & per manus impositionem episcopi & cleri jus communicationis accipiant, nunc crudo tempore ad communicationem admittuntur. Exponunt deinde invidiæ beatos martyres, & gloriosos servos Dei cum Dei sacerdote committunt, ut cum illi ad mellitteras direxerint & petierint, tunc desideria singulorum examinari & pacem dari, cum ipsa antè mater nostra pacem de misericordia Domini prior sumpserit, hi sublato honore quem nobis beati martyres servant, ante reditum nostrum, ante ipsum penè Martyrum excessum communicant cum lapsis, & offerunt & eucharistiam tradunt. Et epistola 15. quæ est ad ipsos Martyres: Illud ad diligentiam vestram redigere & emendare debetis, inquit, ut nominatim designetis eos quibus pacem dari desideratis. Audio enim quosdam sic libello inferi: Communicet ille cum suis; quod nunquam omnino à martyribus factum est.

2. Cor. 2.

est, ut cœca petitio invidiam nobis postmodum cumulet. Latè enim patet cùm dicitur: Ille cum suis, & possunt nobis vicini, & triceni & amplius offerri, qui propinqui & affines, & liberi ac domestici esse assenserunt ejus qui accipit libellum. Et idèd petò ut eos quos ipsi videtis & noscitis, quorum poenitentiam satisfactioni proximam conspiciatis, designetis nominatim libello, & sic ad nos fidei ac disciplinæ congruentes litteras dirigatis. Similiter epistola 18. Qui libellum à Martyribus acceperunt, inquit, & auxilio eorum adjuvari apud Dominum in delictis suis possunt, si premi infirmitate aliqua & periculo cœperint, exomologesi factâ & manu eis à vobis in poenitentiam impositâ, cum pace à martyribus sibi promissa ad Dominum remittantur.

Ex quibus & pluribus aliis Cypriani verbis constat, quòd cùm tempore persecutionis in exilio ageret, quidam Martyres, dum adhuc carcere clauderentur, litteras ad ipsum fecerant, quibus pacem dari petebant quibusdam lapsis ante completum tempus consuetæ poenitentiae; (erat enim tunc moris, ut non prius daretur reconciliatio, quàm absoluta esset consueta poenitentia & satisfactio.) At verò presbyteri quidam studentes lapsis esse plausibiles, acceptis his litteris ad episcopum destinatis, ob merita Martyrum, qui dum viverent lapsis litteras dederant, totam fere poenitentiam lapsis condonabant, & sic reconciliatis ministrabant eucharistiæ & communionis sacramentum. Hos igitur increpat Cyprianus, primum quòd neque loci sui memores, neque episcopum sibi præpositum cogitantes id fecissent, quod nunquam omnino sub antecessoribus factum erat, nempe ut inconsulto Episcopo & sine ejus consensu, cuiquam lapsorum agendæ poenitentiae condonatio seu indulgentia à presbyteris concederetur. Id quod sui Episcopatus injuriam nuncupat, quia videlicet presbyteri sibi usurpabant quod erat Episcopo proprium, nempe dare lapsis indulgentias & tempus poenitentiae breviare. Deinde queritur quòd etiam si legitimam potestatem id faciendi habuissent, sicut habebant episcopi, adhuc tamen in hoc reprehendendi essent, quòd sine ratione restituendæ salutis plausibiles esse cupiebant, & ea concedebant quæ lapsis in perniciem vertebantur. Prius enim docendierant & admonendi, quantum scelus admisissent communicando mensæ demoniorum, & quantam poenitentiam agere deberent priusquam possent esse mensæ Domini participes, uttum demum indulgentiam mererentur quando poenitentiam egissent satisfactioni proximam: sicut epistolâ decimâ quintâ exprimit, docens confessores quomodo & pro quibus deberent litteris suis ab Episcopo indulgentiam lapsis petere, nempe ut ipsa mater Ecclesia prius pacem acciperet quàm negatoribus pax concederetur. Deinde ut nominatim litteris suis designarent quibus pacem dari cuperent; & tertio, ut litteras nonnisi illis darent quos ipsi vidissent & nossent, quorum poenitentiam satisfactioni proximam conspicerent. Porro in Concilio Lateranensi sub Innocentio tertio, anno Domini 1215. non est Episcopis concessa nova aliqua potestas concedendi indulgentias, sed ea, quam prius habebant, ad certam quamdã normam revocata est. Aitenim sic: *Quia per indiscretas & superfluas indulgentias, quas quidam ecclesiarum praelati facere non verentur, & clavus ecclesie contemnuntur, & poenitentialis satisfactio enervatur; decernimus ut cùm dedicatur basilica, non extendatur indulgentia ultra annum, si ve*

Concil.  
Lateran.  
cap. 62.

ab uno solo, siue à pluribus episcopis deditur. At deinde in anniversario dedicationis tempore, 40. dies de iunctis penitentis indulgentiis remissio non excedat; & infra: Juxta hunc quoque numerum, indulgentiarum literas præcipimus moderari, quæ pro quibuscumque causis aliquoties conceduntur, cum Romanus pontifex, qui plenitudinem obtinet potestatis, hoc in talibus moderamen consuevit observare. Hoc enim diligenter cavendum est, ne vel summus pontifex, vel alius quivis episcopus, regulariter ex eadem causa largiores indulgentias conferat quàm alius, ne id non tanquam minister & dispensator, sed tanquam dominus facere videatur; quia sicut non refert quis baptizet, aut quis absolvat penitentem, modò legitimam habeat baptizandi aut absolvendi potestatem, sed solum quantà devotione conversus sit is qui baptizatur aut absolvitur; nam quisquis hoc facit minister est, non dominus: sic etiam non refert quis ex potestate sibi à Deo concessa peccatori condonationem faciat, aut (ut loquitur Concilium Constant.) absolutionem concedat, sed quantam condonationis & concedendæ veniæ causam habeat, sicut satis intelligitur & ex epist. Cypriani suprà citatis, & ex Bonifacio octavo de penitent. & remissionibus, ubi sic ait: *Antiquorum habet fida relatio, quòd accedentibus ad honorabilem basilicam principis Apost. de urbe, concessa sunt magna remissiones & indulgentia peccatorum, &c. & intra: Unusquisque attamen plus merebitur, & indulgentiam efficacius consequetur, qui basilicas ipsas amplius & devotius frequentabit.* Quia enim frequens & devota basilicarum visitatio causa erat indulgentias conferendi, idè tantò plus merebatur accipere, quantò quisque frequentius & devotius eas visitabat. Igitur inter summum Pontificem & alios episcopos non hoc discernen ponendum esse videtur, quòd summus Pontifex pro suo arbitratu ex quacunque causa quantascunque velit conferre possit indulgentias, sicut videntur quidam imaginari, cæteri verò episcopi non nisi ex causis legitimis & sufficientibus: sed in hoc quod summus Pontifex cunctis fidelibus ex causa legitima conferre possit indulgentias, cæteri verò episcopi, non nisi suis subditis; & in hoc quòd potestas summæ pontificis restringi non possit aut limitari nisi quantum jure divino limitatur, cæterorum verò potestas, sicut absolvendo à peccatis, sic etiam indulgentias concedendo restringi potest & limitari, sicut in Concilio Lateranensi sub Innocentio tertio limitata est.

## CAPUT VII.

*Quòd penitentis agendæ condonatio etiam in cælis effectum habeat.*

SED fortè suspicabitur quispiam, omnem condonationem seu indulgentiam; de qua hæcenus diximus, nihil aliud esse quàm relaxationem ejus penitentis quæ peccatori in hac vita iungitur, non autem hoc præstare, sicut etiam præterdit Lutherus in suis assertionibus, ut poena in futuro sæculo debita condonetur.

Sanè si res ita haberet, frustra de Corinthio dixisset Apostolus: Nam & ego quod donavi, si quid donavi, propter vos in persona Christi; quia sicut Apo-

stolus

*Donifacium  
3. in extra-  
vagantibus  
communibus  
lib. 5.  
tit. de pen-  
nient. &  
remiss. c. 1.*

stolus Christi potestate non egebat, ut converso Corinthio nullam in terris pœnitentiam injungeret, sed causam ejus divino judicio relinqueret; sic etiam nullâ peculiari Christi potestate egebat ut pœnitentiam à se injunctam in terris non exigeret. Sed quia ea relaxatio quam faciebat in terris etiam in cœlis effectum habebat, & in remissionem peccatorum concedebatur, sicut loquitur Concilium Constantiense, ided addidit se in persona Christi donare quod donabat, ut dictum est. Super quo Ambrosius, ut ratum ei cui donavit ostenderet, ait, in persona Christi se donasse quod donavit; quam sententiam adhuc uberius prosequitur lib. 1. de pœnitentia cap. 6. & ultimo, ostendens Apostolum se, quod donavit, ex potestate Christi donasse, quâ dicitur: *Quæcunque* *Math. 18.* solveritis super terram, soluta erunt & in cœlo. Stultè etiam facto suo & scripto probasset Cyprianus, quod fideles infirmitate lapsi tanto studio ad martyrum merita recurrissent, ut acceptis eorum literis ab episcopo & clero sui lapsus indulgentiam impetrarent; quia neque martyrum meritis opus fuisset ad talem indulgentiam consequendam, neque à sancto episcopo probari debuisset tam cœca lapsorum petitio, quærentium per relaxationem pœnitentiæ salutaris cum magno poenarum scœnore acerbis futuri sæculi supplicii reservari, ut hîc subterfugerent levem & momentaneam ecclesiæ disciplinam. Deinde si indulgentiæ pios fideles non nisi à pœnis hujus vitæ liberarent, nimis verum esset quod Cypriani verba supra posita & contra antiquissimam ecclesiæ consuetudinem in suis assertionibus dixit Lutherus, indulgentias neque morituris neque infirmis necessarias esse aut utiles, quia hi non solent aliquâ pœnitentiâ ligari, sed iis duntaxat qui per remissiones bonorum operum salutem suam non tam quaerunt quàm fugiunt. Et contrâ, nimis iniquum esset quod Martinus quintus in conclusione Concilii Constant. suspectos de hæresi Joannis Hus & Wicleff interrogari jubet, utrùm credant quod Papa omnibus Christianis verè contritis & confessis, ex causa pia & iusta, possit concedere indulgentias in remissionem peccatorum, maximè pia loca visitantibus & ipsis manus suas porrigentibus adjutrices; quia remissio pœnitentiæ hîc injunctæ non potest peccatorum remissio nuncupari, nisi etiam in cœlis effectum habeat. Certâ igitur fide credendum est, sicut hætenus veri fideles crediderunt, per legitimas indulgentias ex causa pia & iusta concessas, non tantùm in terris pœnitentiam relaxari, sed etiam in cœlis peccata dimitti.

## CAPUT VIII.

*Quo sensu dicantur indulgentiæ concedi in meritis  
Sanctorum, qui redemptores non sunt.*

QUOD verò indulgentiæ non tantùm in Christi, sed etiam in Sanctorum meritis concedi dicuntur, non sic accipiendum est quasi Sanctorum quispam pro peccatis nostris apud Deum propitiatio esse queat, aut hoc iusto iudicio promereri ut peccata nobis condonentur: Unus est enim mediator Dei *1 Tim. 2.* & hominum homo Jesus Christus, cujus sanguis non tantùm iustâ, sed etiam *1 Joan. 1.* copiosâ redemptione emundat nos ab omni peccato. Ipse est enim propitiatio *1 Joan. 2.*



pro peccatis nostris, inquit Joannes, non pro nostris autem tantum, sed etiam  
*Epist. 83.* pro totius mundi; & ut ait Leo primus: *Quamvis* multorum Sanctorum in  
 conspectu Domini preciosa mors fuerit, nullus tamen infantis occisio propi-  
 tiatio fuit mundi: accipere iusti non dedere coronas; & de fortitudine fide-  
 lium exempla nata sunt patientiæ non dona justitiæ; singulares quippe in sin-  
 gulis mortes fuere, nec alterius quisquam debitum suo sine persolvit. Sed di-  
 cuntur indulgentiæ concedi in meritis Petri & Pauli, eo modo quo dicit Chri-  
*Matt. 9.* stus in Evangelio: Fides tua te salvum fecit; vel potius eo modo quo videns  
 fidem portantium paralyticum sanavit eum. Ad hoc enim ut peccatorum re-  
*Matt. 2.* missionem consequamur, præter Christi passionem, quæ sola iustum est pro  
 peccatis nostris precium, secundum propositum gratiæ Dei ex parte nostra re-  
 quiritur fides, requiritur poenitentia, requiruntur opera sancta; quæ quoniam  
 in nobis plerumque non sufficiunt, idcirco imploramus aliena, non ut sint iustum  
 precium pro peccatis nostris & passionis Christi locum teneant, sed ut charita-  
 tis & membrorum communione sint nostræ inopiæ supplementum, ut per illa  
 digni efficiamur qui remissionem peccatorum, sanguinis Christi merito, con-  
 sequamur. Sicut enim nos quando per elemosynas aliaque poenitentiae opera  
 Deo satisfacimus, non dignum precium Deo pro peccatis nostris offerimus,  
 (sicut quidam errantes autumant,) nam alioqui essemus saltem aliqua ex parte  
 nostri redemptores; sed aliquid facimus cujus intuitu, juxta propositum gratiæ  
 Dei, satisfactionem Christi participamus: sic etiam per merita passionisque  
 Sanctorum non propriè redimuntur nostra delicta, sed communione charitatis  
 nobis impartiuntur, ut digni simus qui precio sanguinis Christi à peccatis libe-  
*Libro 3.  
cont. De-  
nat. c. 17.* remur, (ut dictum est.) Sic dicit Augustinus, quod per orationes Sanctorum  
 tanquam per columbæ gemitum eorum peccata solvuntur, qui non per colum-  
 bam, sed per accipitrem baptizantur. Sed potestatem placandi iram divinam  
 & proprio merito peccatores Deo reconciliandi sibi servavit Christus, sicut  
 docet idem Augustinus tractatu quinto super Evangelium Joannis.

MICHAELIS BAIL,  
 D E  
 O R A T I O N E  
 P R O  
 D E F U N C T I S  
 T R A C T A T U S.

---

C A P U T I.

*Quæ orationes pro defunctis quæ prædicationem evangelii præcesserunt, ex solo odio rejiciant hæretici.*

**D**Um antiquitatem & celebritatem ejus fidei perpendimus, quæ hætenus à cunctis Christi fidelibus absque ulla hæsitacione semper creditum est, quodd sancta & salubris est cogitacio pro defunctis exorare, ut à peccatis solvantur; non immeritò ad- 2 Mac. 12.  
 miramur quid universis nostri temporis hæreticis in mentem venerit, ut hanc saluberrimam atque antiquissimam fidei cogitationem tanto studio è mentibus fidelium eruerent moliantur.

Neque enim hæc fides à prædicatione evangelii Christi sumpsit exordium, sed ab initio, quo fideles in spe resurrectionis unum Deum coeli & terræ veraciter coluerunt, semper pro defunctis fidelibus est oratum & oblatum sacrificium. Id enim testantur tum Machabæorum libri, qui Christi nativitatem centum & quinquaginta annis aut ed circiter præcesserunt, sive canonici habeantur, sive tantum historici; tum etiam exequiæ & funerum obsequia, quæ ferè ab initio mundi sanctis patriarchis semper impensa leguntur, non tantum honoris & officii causâ ad confirmandam resurrectionis fidem, (sicut quibusdam forsitan videri posset;) sed etiam causâ orationis, sicut in hunc usque diem ex traditione majorum suorum testantur Judæi pro suis defunctis diligenter orantes, & ad id comprobandum adherentes exequias quas Joseph fecit patri suo Jacob in terra Chanaan. Mirum est igitur tuè universi Genes. 50.  
 hæretici, hæc in re Judæorum perfidiam superantes, hanc antiquissimam fidem,

dem, quæ etiam rationi maximè consona est, tanto molimine persequantur: nisi fortè, imò non fortè, sed certissimè eos moveat, quòd ex orationibus, sacrificiis & eleemosynis, quæ quotidie pro defunctis fidelibus in ecclesia sunt, maximus fructus & ad eos qui monasticen profitentur, & ad universum clerum redeat, quos ipsi extremo odio prosequuntur & è medio sublatos cuperent. Sic enim existimant, quòd exterminatis sacrificiis & orationibus quæ pro commendandis fidelibus defunctis quotidie sunt, facile fuerit & monachos & clericos ad eam inopiam redigere, ut vel suum institutum prorsus deserant, aut in ea paucitate vivant, ut impiis eorum conatibus deinceps obistere non possint. Ex hoc igitur impio fundamento ad hujus præsumptionis persuasionem deveniunt, ut contra antiquissimam veritatem, contra notissimam atque usitatissimam Ecclesiæ consuetudinem ausi sint asserere, non sanctum aut salubre, sed stultum & impium esse pro defunctis exorare ut à peccatis solvantur.

## CAPUT II.

*Quòd orationes pro defunctis ex Scripturis canonicis certum habeant testimonium.*

ET ut hanc suam impietatem aliquà specie rationis obnubilent, post tot sæculorum fidem & tam longam populorum consensionem, jam tandem Scripturam canonicam postulant, quæ testetur sanctum & salubre esse pro defunctis exorare, ut à peccatis solvantur. Si ecclesiæ catholicæ testimonium de libris Machabæorum cum universis fidelibus susciperent, in promptu haberent scripturam canonicam antiquissimo atque frequentissimo Ecclesiæ usu in sacrificio quotidiano decantatam, quæ hoc verbis apertissimis contestatur. Sed quia eodem studio libros istos rejiciunt, quo pro defunctis non orandum esse contendunt, idèd proferamus Scripturas alias canonicas ex iis libris quos ipsi nobiscum eadem reverentiâ suscipiunt, ut vel inviti cogantur agnoscere, antiquissimam hanc atque celebratissimam omnium fidelium consuetudinem, pro defunctis commendandis sacrificia sive altaris sive quarumcunque eleemosynarum offerentium, etiam ex Scripturis canonicis manifestum habere testimonium. Ait Apostolus 2. ad Timoth. primo, de Onesiphoro: *Det illi Dominus invenire misericordiam à Deo in illa die*, scilicet judicii extremi; de qua misericordia ait etiam Jacobus: *Judicium sine misericordia illi qui non facit misericordiam. Beati enim misericordes, quoniam ipsi misericordiam consequentur.* De qua misericordia etiam ait David: *Benedic anima mea Domino, & noli oblivisci omnes retributiones ejus qui propitiatur omnibus iniquitatibus tuis, & sanat omnes infirmitates tuas, qui coronat te in misericordia & miserationibus.* De qua etiam mater septem filiorum Martyrum apud Machabæos uni eorum dixit: *Ut in illa miseratione cum fratribus tuis te recipiam.* Si enim fidelibus quibusdam adhuc in die judicii expectanda est misericordia quam Onesiphoro precabatur Apostolus, dicens: *Det illi Dominus invenire misericordiam à Deo in illa die;* & quam sperabat Iatro ille qui dicebat: *Memento mei, cum veneris in regnum tuum:* Manifestum

2 Tim. 1.

Cap. 2.

Psal. 99.

2 Mac. 7.

Luc. 23.

Itum est Christi ecclesiam usque ad diem iudicii hanc eandem misericordiam, non tantum vivis, sed etiam defunctis posse precari, sicut Onesiphoro precabatur Apostolus, ut etiam consequantur quod Christus illis promissit, dicens: *Beati misericordes, quoniam ipsi misericordiam consequentur*; soluti videlicet à peccatis quæ in hac vita commiserunt. Mat. 5.

### CAPUT III.

#### *Quid circa defunctos disputationem admittat.*

**S**ed forte calumniabuntur hæretici in his Scripturis sacris, quæ in die iudicii quibusdam fidelibus misericordiam dandam prænunciant, nullam ignis nullam suppliciorum mentionem fieri. Fateor, sed ubi misericordia promittitur, ibi miseria esse significatur: ubi autem est miseria, ibi requies non est. Quapropter Ecclesia Christi merito eis requiem precatur, quos credit usque ad iudicii diem adhuc misericordiam indigere. Dubitent igitur hæretici de igne purgatorii, dubitent de suppliciorum generibus quibus afficiuntur defuncti fideles, modo tamen fateantur quosdam eorum usque ad diem iudicii in miseria futuros, seu (uti Græci in Concilio Florentino confessi sunt) in loco laboris & tenebrarum, à quibus possunt Sanctorum precibus liberari: tunc non obstrepent orationibus ab ecclesia fieri solitis, quibus juxta Dionysium Areo- Cap. 7.  
part. 3. de  
Ecclesia.  
Hierarc.  
pauli post  
principium. pagitam precatur divinam clementiam, ut cuncta dimittat per infirmitatem humanam admissa peccata defuncto, eumque in luce statuat & regione vivorum, in sinibus Abrahamæ, Isaac & Jacob, in loco unde aufugit dolor & tristitia & gemitus. Sed confitebuntur, quodd sancta & salubris est cogitatio pro defunctis exorare, ut Deus illis requiem contra laborem, & lucem contra tenebras indulgeat; quod ad fidem catholicam sufficere arbitramur, sicut arbitrati videntur patres Concilii Florentini, quando fuerunt supradicta Græcorum confessione contenti. Idem etiam probat quod ait Christus in Evangelio: *Qui dixerit verbum contra Spiritum Sanctum non remittetur ei, neque in hoc sæculo* Matt. 12. *neque in futuro.* Neque enim veraciter diceretur, inquit Augustinus, quod istud peccatum non remittatur neque in hoc sæculo neque in futuro, nisi essent peccata, quæ l. 21. c. 24.  
Similiter  
D. Greg.  
4. Dialog.  
cap. 39. de  
Bernard.  
ser. 66. in  
Gen. rati-  
ficamur.  
Dei cura  
pro mor-  
tuis, c. 1. *et si non in isto, tamen remitteretur in futuro.* Ut interim taceam quanto periculo quisque fidelium, qui se novit hinc sine peccato non vivere, ex hac vita migraret, si in futura per Sanctorum preces nullam omnino remissionem peccatorum expectaret, per quam ad vitam transiret æternam. Sed etsi nusquam in Scripturis veteribus omnino legeretur, inquit Augustinus, non parvâ hâc consuetudine claret autoritas, ubi in precibus sacerdotis, quæ Domino Deo ad ejus altare funduntur, locum suum habet etiam commendatio mortuorum. Quæ commendatio hætenus tanto omnium fidelium consensu semper frequentata est in Ecclesia Christi, tot tam veterum quam recentiorum scriptorum testimoniis approbata, ut qui de ea dubitaverit potius cæcus, surdus aut stipes habendus videatur, quam hæreticus. Quapropter omnis aliis argumentis quæ nemo ignorare potest, nisi qui veritatem omnino cernere nolit, ad illud transeamus de quo forsitan non immerito quis aliqua ex parte dubitaverit, nempe quatenus



nus post hanc vitam in spiritibus defunctorum intelligi debeat futura purgatio.

## CAPUT IV.

*In spiritibus defunctorum quatenus intelligenda sit purgatio.*

Sicut docet Augustinus lib. 1. de nuptiis & concupiscentiis. & lib. 6. contra Julianum cap. 8. in peccato duo continentur, Actus & Reatus. Actus ut adulterium sive foris in opere, sive intus in voluntate: Reatus verò ut obligatio quâ adulter nondum peccato remisso adhuc æternæ damnationi obnoxius invenitur, etiam si adulterium opere deseruerit & voluntate. *Nam si quisquam* (verbi gratiâ, inquit Augustinus) *fecerit adulterium, etiam si deinceps nunquam* faciat, reus est adulterii, donec reatus ipsius indulgentiâ remittatur: Habet ergo peccatum, quamvis illud quod admisit jam non sit, quia cum tempore quo factum est præteriiit. Nam si à peccando desistere, hoc esset non habere peccatum, sufficeret ut hoc nos moneret Scriptura: *Fili peccasti, non adicias iterum.* Non autem sufficit, sed addidit: *Et de pristinis deprecare ut tibi remittantur.* Manent ergo nisi remittantur. Sed quomodo manent si præterita sunt, nisi quia præterierint actus, manent reatu? Quamdiu in hac vita sumus, ubi multiplex est Dei misericordia, non tantum in levioribus peccatis, sed etiam in sceleribus & ab actu & à reatu purgari possumus; Deus enim per semetipsum intus voluntates fidelium ab actu peccati purificat, & per eos quibus dictum est: *Quorum remisistis peccata remittentur eis;* etiam eos à reatu liberat, sicut docet Augustinus de verbis Domini, sermone 8. dicens: *Mortuus est peccator, maxime ille quem moles consuetudinis premit, quasi sepultus est Lazarus, de quali dictum est: A mortuo, velut qui non sit, perit confessio. Quis eum resuscitavit? nisi qui remoto lapide clamavit: dicens: Lazare veni foras. Quid est autem foras prodire, nisi quod occultum est foras prodire? qui consistit, foras prodit. Foras prodire non posset, nisi viveret; vivere non posset, nisi resuscitatus esset: ergo in confessione, sui accusatio Dei laudatio est. Dicit aliquis, quid prodest Ecclesia consistenti, cui Dominus ait: Quæ solveritis in terra, soluta erunt in cælo. Ipsum Lazarum attende, cum vinculis prodit, jam vivebat consistendo, sed nondum liber ambulabat, vinculis irretitus. Quid ergo facit Ecclesia, cui dictum est: Quæ solveritis in terra, soluta erunt? nisi quod ait Dominus continuò ad discipulos suos: Solvite illum, & sinite abire; & super Joannem tractatu. 49. Quam difficile surgit, quem moles malæ consuetudinis premit; sed tamen surgit, occultâ gratiâ intus vivificatur, surgit post vocem magnam. Quid est factum? voce magnâ clamavit: Lazare prodi foras. Quomodo processit ligatis pedibus miraris, & non miraris, quia surrexit quatuordecim annis: in utroque potentia Domini erat, non vires mortui, processit & adhuc ligatus est, adhuc involutus; tamen jam foras processit. Quid significat? quando contemptis, mortuus jaces; quando consisteris, procedis; sed ut consisteris Deus facit magnâ voce clamando, id est, magnâ gratiâ vocando. Idem cum processisset mortuus adhuc ligatus, consistens & adhuc reus, ut solverentur peccata ejus, ministris hoc dixit*

*xit Dominus: solve illum, & finite abire: quid est solvite & finite abire? Quæ solveritis in terra soluta erunt & in calo.* Deus igitur quamdiu in hac vita sumus, per semetipsum ab operibus & per ministerium sacerdotum etiam à reatibus peccatorum nos liberat. Sed quia de sceleribus scriptum est, quòd qui talia agunt regnum Dei non consequentur, idèd post hanc vitam nulla horum expectanda est purgatio, neque ab actu neque ab æternæ damnationis reatu, sicut latissimè prosequitur Augustinus de Civit. Dei lib. 21. cap. 17. & sequentibus contra Origenem, sed solum à pœna temporali, quæ ejusmodi peccatis per sacramentum pœnitentiæ dimissis nonnunquam adhuc debetur.

*Galat. 5.  
1 Cor. 6.  
Rom. 1.*

C A P U T V.

*Post hanc vitam qualis sit futura peccatorum levium purgatio.*

**C**Æterùm de peccatis venialibus, quæ fidelibus secundùm veniam permittuntur, & ita impediunt perventionem ad regnum Dei; ut tamen Sanctorum meritis impetrent indulgentiam, alia videtur esse ratio, quia licet actum habeant & reatum, sicut scelera, quæ qui agunt regnum Dei non consequentur: attamen non tantùm in hac vita purgantur, de qua purgatione ait Christus: *Ego sum vitis vera & pater meus agricola est, omnem palmitem in me ferentem fructum purgabit eum, ut fructum plus afferat;* (quomodo se purgatum sentiebat Ignatius cùm dicebat: Nunc incipio fieri discipulus, nunc didici nihil hujus mundi concupiscere;) sed etiam in futura, sicut indicat Christus: *Beati misericordes, quoniam ipsi misericordiam consequentur, & qui peccaveris in Spiritum Sanctum, non dimittetur ei, neque in hoc sæculo, neque in futuro.* Sed quatenus intelligenda sit horum peccatorum post præsentem vitam futura purgatio, an à reatu tantùm, an etiam ab actu & malis desideriis, quæ frequenter usque ad mortem plerisque adherent, videtur posse dubitari. Nam in oratione ecclesiæ, quæ juxta Dionysium precatur divinus antistes, ut divina misericordia per summam clementiam non recordetur maculas quæ defuncto per infirmitatem adhæserunt, rectius reatus quam actus purgatio potest intelligi. Unde Augustinus in Enchiridio, postquam latè ostendit, ligna, fœnum, stipulam, id est, leviorum peccatorum desideria in hac vita igne tribulationis expurgari, tandem subdit de purgatione horum malorum desideriorum, qui sunt actus leviorum peccatorum: Tale aliquid etiam post hanc vitam fieri incredibile non est, & utrùm ita sit quæri potest, & aut inveniri aulatere, nonnullos fideles per ignem quemdam purgatorium, quantò magis minusve bona pereuntia dilexerunt, tantò tardius citiusque salvari. Non quòd dubitaverit Augustinus, utrùm Ecclesiæ preces defunctis impetrent leviorum peccatorum veniam, eorumque reatus aboleant; nam eodem libro cap. 110. sic ait: *Neque negandum est defunctorum animas pietate suorum viventium relevari, cùm pro illis sacrificium Mediatoris offertur, vel elemosyna in ecclesia fiunt: sed eis hæc præsumunt, qui cùm viverent ut hæc sibi potèstà prodesse possent meruerunt, &c.* sed dubitasse videtur, utrùm fideles transeuntes ex hac vita, secum deferant aliqua leviorum peccato-

*Joan. 15.  
Ignat. in  
epist. ad  
Roman.  
qua est 12.  
Matt. 5.  
Matt. 12.*

*Cap. 69.*

rum desideria, quorum non tantum reatus, sed etiam actus debeant in futuro sæculo igne tribulationis expurgari, sicut fit in hac vita. Causa autem dubitandi videtur esse, quia ægrotudo, mors & similia sine quibus ex hac vita non transimus, etiam ad ignem tribulationis pertinent, quo solemus à malis desideriis expurgari; & idèdè fortè dubitari posset, utrum fidelis eo ipso quo moritur, perdat omnia desideria mala quibus in hac carnali vita pereuntia bona diligebat; an verò non obstante mortis tribulatione, in anima ejus quædam prava desideria remaneant, & ad vitam futuram pertranseant, donec ibi labore & ærumna extirpentur, sicut solet fieri in hac vita. De qua re etiam sic

cap. 26. „loquitur lib. 21. de civit. Post istius sanè corporis mortem, donec ad illum „veniat, qui post resurrectionem corporum futurus est damnationis & remunerationis ultimus dies, si hoc temporis intervallo spiritus defunctorum „ejusmodi ignem, scilicet tribulationis, dicuntur perpeti, quem non sentiunt illi qui non habuerunt tales mores & amores in hujus corporis vita, ut „eorum ligna, & scenum, & stipula consumatur: alii verò sentiant, qui „ejusmodi secum ædificia portaverunt, sive ibi tantum, sive hic & ibi, sive „idèdè hic ut non ibi, secularia, quamvis à damnatione, venialia, concretam ignem transitoria tribulationis invenient, non redarguo, quia forsitan verum est. Potest quippe ad istam tribulationem pertinere etiam ipsa „mors carnis, quæ de peccati primi perpetratione concepta est, & secundum „cujusque ædificium tempore suo ab unoquoque suscepta. Possunt & persecutiones Ecclesiæ, quibus martyres coronati sunt & quas patienter quicunque „Christiani, probant utraque ædificia velut ignis, & alia consumunt cum ipsis ædificatoribus, si Christum in eis non inveniunt fundamentum: alia sine „ipsis, si inveniunt, qualicet cum damno salvi erunt, ipsi non consumentur, propter Christi videlicet meritum in fundamentum reperti, qui manet „in æternum. Erit etiam in fine sæculi tribulatio tempore Antichristi, quam „lis nunquam antè fuit, quàm multa erunt tunc ædificia, sive aurea sive fœnea, super optimum fundamentum, quod est Christus Jesus, ut ignis ille „probet utraque, & de aliis gaudium, de aliis inferat damnum, neutros tamen perdat in quibus hæc inveniet, propter stabile fundamentum. Quamquam igitur certà fide credendum sit, vivorum preces ad hoc prodesse defunctis, ut dimittatur eis pœna temporalis, peccatis eorum per reconciliationis sacramentum dimissis debita, & pœna debita peccatis venialibus: attamen dubitari posset, utrum valeant ad abolendos actus leviorum peccatorum, non quin aboleri possint si fortè in morientibus permancant, sed quia incertum est utrum in electis post mortem remaneant, nec tribulatione mortis simul cum hac vita intereant, ut dictum est. Sed adversus preces quæ ab Ecclesia pro defunctis fiunt, & à Dionysio Areopagita cap. ult. Eccl. Hierar. & ab Augustino cap. 110. Enchiridii & de cura pro mortuis cap. 1. unicum objicitur argumentum: *Deus reddet unicuique secundum opera sua*; Et: *Omnes nos manifestari oportet ante tribunal Christi, ut unusquisque referat propria corporis, prout gessit, sive bonum, sive malum*: sed postquam defuncti ex hac vita excesserunt, tunc ipsi omnes suas actiones in corpore peregerunt, ex quibus debent in futura vita fructum ac mercedem percipere: igitur postquam defuncti sunt, nihil eis prodesse

Objectio.

Rom. 2.

2 Cor. 5.

desse possunt quæcunque à vivis pro ipsis fiunt. Cui respondet uterque, quod fideles in hac vita per corpus, eo tempore quo in corpore vixerunt, meritum omne comparaverunt, quo possunt post hanc vitam relevari; non enim omnibus profunt, quæ pro defunctis commendandis frequentat Ecclesia, sed eis qui cum viverent, ut hæc sibi postea prodesse possent meruerunt. Qui enim usque in finem vitæ hujus corporalis in Christo fideles permanserunt, hoc suâ perseverantiâ meruerunt, ut propter membrorum communionem illis prodesse queant, si fortè indigeant, quæcunque sacrificia sive altaris sive quarumcunque eleemosynarum quæ pro baptizatis defunctis offeruntur. Et quemadmodum in hac vita, etiam dum sola justitia quæritur, aliter judicantur cives & qui civium privilegio gaudent, aliter verò qui sunt ab hoc privilegio alieni; sic etiam in futura vita, ubi omnis retributio justitia est; adeo ut tunc pro bonorum operum meritis justo judicio, inquit Augustinus, etiam ipsa misericordia tribuetur, aliter judicabuntur Sancti, qui misericordiam faciendo etiam misericordiam consequi meruerunt, aliter iniqui, qui quoniam misericordiam non fecerunt, idè sine misericordia judicabuntur. Nam Sancti merito vitæ quam in hoc sæculo sanctè consummarunt, justo Dei judicio etiam ex aliorum precibus fructum consequentur; ut enim hoc, quod impenditur possit eis prodesse post corpus, inquit Augustinus, in ea vita acquisitum est, quam gesserunt in corpore; iniqui verò qui vitam hanc præsentem in injustitia consummarunt, indigni judicabuntur, non tantum qui alienis precibus & operibus bonis, sed etiam qui propriis bonis adjuventur. Si enim averteris se justus à justitia sua, inquit Propheta, & feceris iniquitatem, omnes justitiæ ejus quas fecerat non recordabuntur; & Qui offendit in uno, factus est omnium reus: & Qui in uno peccaverit, multa bona perdet, inquit Sapiens.

*Responsio  
en D. Dionysio  
cap. 1.  
de Eccl.  
Hic. et  
D. August.  
cap. 110.  
Enchirid.*

*De corr.  
cap. 13.*

*Eccl. 10.*

*Eccle. 9.*



MICHAELIS BAIL,  
 D E  
 SACRAMENTIS  
 I N  
 G E N E R E  
 C O N T R A C A L V I N U M.  
 T R A C T A T U S.

---

C A P U T I

*Quod spiritus erroris non æqualem in omnibus errorum  
 magistris decipiendi energiam operetur.*



Sicut Spiritus Sanctus non omnes catholicæ fidei doctores eadem ad cognoscendum mensurâ illuminat, nec eadem imbuat docendi hortandive facultate, sed prout vult singulis secundum propriam virtutem, id est, secundum naturalem capacitatem donâ gratiæ suæ dividit: sic & ipse spiritus erroris, qui hæreticorum corda, mentes & ingenia possidet, non in omnibus eandem decipiendi energiam operatur, sed in aliis majorem, in aliis minorem, prout illos vasa ad opus malitiæ & infidelitatis suæ apta repererit, & secundum quod, pro ipsorum meritis aut eorum ad quos fallendos diriguntur, justo Dei judicio illi permissum fuerit. Nam in eis quos diabolus ad fallendos alios variis erroribus & artibus imbuat, alii proprio merito, alii verò alieno hoc pati permittuntur, verbi gratiâ Philosophi de quibus ait Apostolus, quod cum cognovissent Deum, non sicut Deum glorificaverunt aut gratias egerunt, sed evanuerunt in cogitationibus suis, & obscuratum est insipiens cor eorum, propriæ superbiæ merito hanc insipientiam cordis incurrerunt. Sed prophetæ Achab regis Israel, in quibus à Domino factus est spiritus mendacii, ut illum  
 3 Reg. 22. vanâ pollicitatione deceptum in Ramoth Galaad cadere facerent & verbum  
 Heliz

1 Cor. 12.  
 Matt. 25.

Rom. 1.

Helix prophetæ complement, quo prædixerat quòd in loco in quo linxerant canes sanguinem Naboth Israëlitzæ, quem Rex Achab propter vineam occiderat, lambent quoque sanguinem regis, non tam suo, quàm regis merito, qui per eos falli meruerat, à spiritu erroris sunt decepti.

1 Reg. 21.

## CAPUT II.

*Quòd seductorum insidiis resistentes, non in nostris studiis, sed in Dei adjutorio confidere debeamus.*

**P**ORRò inter vasa iniquitatis & doctores mendacii, qui hanc nostrâ infœlici tempestate ad fideles seducendos in mundum exierunt non parvo ecclesiæ detrimento, multùm à filiis erroris colitur & extollitur Joannes Calvinus, Breviter depingitur Calvinus. homo dicendo vaser, mentiendo impudens, disserendo subdolos, & ad resistendum veritati adversus Scripturas sacras & omnem tam Conciliorum, quàm scriptorum veterum traditionem, aded confidenti præsumptione tumidus, ut non tam humano quàm diabolico spiritu agi videatur. Quapropter dum ejus aliorumque similium insidias pandere & impia dogmata refutare conatur, non tam pueriliter sapere debemus ut æstimemus, quòd sit nobis colluctatio adversus carnem & sanguinem, id est adversus hominem etiam magnis naturæ dotibus & studiorum profectu sublimem, sed (sicut monet Apostolus) Ephes. 6. adversus principes & potestates, adversus mundi rectores tenebrarum harum, contra spiritalia nequitie in cœlestibus, qui operantur in filiis dissidentie, quorum ductu mens & o ipsius gubernatur. Quamobrem nec in nostris studiis aut industria confidere possumus, etiamsi forè nostrum quispiam ingenio & eruditione sibi pollere videatur, sed in illius potentia qui suos non tantùm incitat ut pugnent, sed etiam armat & juvat ut vincant. Nam si Deus pro nobis, inquit Apostolus, quis contra nos? qui etiam nos consolatur dicens: Rom. 9. Jean. 16. Luc. 21. Confidite, ego vici mundum. Et rursus: Ego dabo vobis os & sapientiam, cui non poterunt resistere & contradicere omnes adversarii vestri.

Et alibi: Nolite præcogitare quid loquamini, sed quod datum fuerit vobis in illa hora, id loquamini; vos enim non estis qui loquimini, sed Spiritus sanctus. Hâc igitur spe animati, conabimur pauca quædam adversus ea dicere quæ de Sacramentis novi testamenti contra fidem catholicam astutissimè disseruit; non plenum & integrum Sacramentorum numerum, quem catholica novit ecclesia, adversus illum ex Scripturis sacris asserendo, quia id longum esset, & à multis jam dudum abundè præstitum est: sed tantùm in iis Sacramentis quæ retinere videtur, ostendendo quòd licet simulet se ea tueri velle, attamen sic de eis differit, ut facile sit perspicere, quòd nihil aliud moliatur, quàm ut ea paulatim in contemptum adducat & tandem prorsus eliminet, sicut ple-  
risque eorum locorum nunc factum videmus in quibus obtinuit principatum.

Matth. 10.

## CAPUT III.

*Quid ubi duo commendanda sunt, Calvinus alterum supra modum extollat, ut reliquo sublato totum evertat.*

**S**icut enim in aliis pluribus, sic etiam in Sacramentis hæc arte utitur, ut cum duo commendanda sunt, in altero duntaxat se disertum ostendit, ut reliquo sublato (quod ferè potius est) totum inane efficiat. Verbi gratiâ: In justificatione duo sunt necessaria; vitæ novitas quæ nobis inhæret & propriè justitia est, quia vera legis obedientia quæ ducit ad vitam; & remissio peccatorum extrinsecus adveniens, quæ ob id justitia dicitur, quia hoc habet cum justitia propriè dicta commune, quod excludat peccata quæ sunt impedimenta salutis. Hanc posteriorem justitiæ partem minùs propriè dictam, quam sine renovatione mentis habere non possumus, ad hoc duntaxat prædicat, ut reliquâ parte sublata nos totius justitiæ inanes faciat, & vanâ imaginatione deceptos sub diaboli potestate relinquat. Similiter duo sunt quæ Deus in nobis aspicit, & quæ nos Deo acceptos faciunt; fides quâ in Deum credimus, & opera justitiæ quæ Deo adjuvante facimus; sicut enim scriptum est: *Oculi tui respiciant fidem.* Et: *Sine fide impossibile est placere Deo;* sic etiam de Ninivitis legimus, quod Deus vidit opera; & in Actis: *In omni gente, qui timet Deum,* & operatur justitiam, inquit Petrus, *acceptus est illi.*

Hier. 5.

Hab. 11.

Jon. 3.

Act. 10.

Ipse verò ad hoc duntaxat fidem, eamque vanam & ab hæreticis excogitatam prædicat, ut abolitis operibus bonis, sine quibus inanis est omnis fides, nos absque omni fructu & justitiæ inanes statuatur. Item duo sunt salutis modi inter se conjuncti & inseparabiles, (inquit Divus Basilius) fides & baptisma. Ipse verò sic de fide disserit, ut nullam omnino salutis fiduciam in baptismo aliisque Sacramentis statuendum esse contendat, sed in sola fide. Rursus in quolibet Sacramento duo sunt consideranda; significatio quæ pertinet ad spiritalem instructionem, & sanctificandi vis quæ pertinet ad operationem salutis. Ipse verò sic in significatione versatur, quæ non minùs spectantibus Sacramenta, quàm suscipientibus obvia est, ut sanctificatione sublata, ob quam illa tantùm suscipimus, nos ab eorum usu prorsus alienos faciat.

## CAPUT IV.

*Quid sacramenta, juxta Calvinum, non nisi ad docendum valeant.*

**P**incipiò enim disputationem de sacramentis aggrediens, definit Sacramentum esse symbolum, quo Deus benevolentia erga nos suæ promissiones conscientia nostris obsignat, ad sustinendam fidei nostræ imbecillitatem. Sacramenta enim, inquit, id sunt nobis à Domino, quod ab hominibus rerum lætarum nuntii, ut quæ non à se quidem largiantur aliquid gratiæ, sed renuntient & ostendant quæ divinâ largitate nobis donata sunt. Et rursus:

Non

*Quid sacramentis tribuat Calvin.*

Non aliæ sunt sacramentorum quàm verbi Dei partes. Ex quibus & aliis pluribus ejus verbis manifestum est eum sentire, quòd sacramenta per Christum instituta nihil aliud sint, quàm divinarum promissionum visibilia signa, quibus sine verborum strepitu suscipientium, aut intuentium oculis, veluti in muta scena exhibeantur novi testamenti promissà, quæ in Ecclesia Christi ex Evangelicis & Apostolicis litteris etiam expressis verbis quotidie prædicantur, quòdque non plus habent virtutis ad sanctificandum, quàm si à quovis homine etiam impio & Gentili ad id significandum inventa essent & instituta. Nam quod ait, se non inficiari Dominum suæ institutioni Spiritus Sancti virtute præsentem adesse, de quavis prædicatione veritatis æquè dici potest, sive fiat verbis aut signis à Deo institutis, sive Gentium linguis, etiam ab impiis idolorum cultoribus adinventis & excogitatis; quia ejusmodi prædicationi, quibuscumque tandem verbis fiat, etiam spiritu suo adest Dominus, ut audientium corda ad suscipiendum & credendum quæ dicuntur aperiat. Quolibet enim modo dicatur verbum Dei, procul dubio qui sic audit ut illi obediat, inquit Augustinus de bono perseverantiæ cap. 19. donum Dei est. Similiter quod toties inculcat, sacramentis divina promissà discipulorum suorum conscientis obsignari, quasi videlicet per hæc, tanquam per Divina testimonia, quisque eorum certus fieret, quòd Divina promissà signatè ad ipsum pertinerent, etiam propheticæ & evangelicæ prædicationi commune esse prædicat.

Ex quibus se & suos de sua electione & futura salute certos fieri statuit; quia sicut falsò existimat Sacramentis hoc significari, quòd quisquis illis imbuitur eo ipso certus efficiatur, quòd novi testamenti promissà signatè ad ipsum pertineant: sic etiam impudentissimè prædicat, scriptis Prophetarum & Apostolorum contineri, quòd quisque fidelis debeat apud se certò statuere, se ob Christi mortem jam factum esse justum. Et ideo nec in hac parte Sacramenta distinguit à prædicatione veritatis, sed in hoc duntaxat, quòd prædicatione veritatis sæpius in verbis, Sacramenta verò magis in rebus & significantibus actionibus consistant.

## C A P U T V.

*Quòd licet Sacramentorum ritus instructionem habeant, attamen ad hoc principaliter conferuntur & suscipiuntur, ut operentur sanctificationem.*

Quapropter ad id quod principaliter & ex professo conatur asserere; nempe quòd Sacramenta nihil aliud sint quàm inania symbola divinitus instituta, quibus divina promissà nobis annuntientur & conscientis nostris obsignentur, eo videlicet modo quo eadem promissà in Scripturis sacris verbis annuntiantur, & (ut falsò existimat) etiam nostris conscientis obsignantur ac firman-  
tur; Respondemus, quòd nemo dubitare queat, quin Deus symbolum aliquod instituens spiritualis gratiæ significativum quam solus dare potest, hoc



Rom. 6.

ipso latenter insinuet, se ejusmodi gratiam electis suis sibi notis aliquando collaturum, quia non potest esse author mendacis aut inanis symboli: ut cum unius membri circumcisionem Abraham præcipiens, significavit ab electis suis universam peccati corruptionem aliquando rescedendam, hoc ipso testatus est se aliquando ab electis suis ablaturum universas peccati reliquias; similiter Christus Sacramento baptismi significans, quod quicunque in ipso baptizati sumus, in morte ipsius baptizati sumus, conscripti cum illo per baptismum in mortem, ut quomodo ipse surrexit à mortuis, & ita & nos in novitate vitæ ambulemus, confidentes quod si complantati facti sumus similitudini mortis ejus, simul & resurrectionis erimus; satis apertè promisit se electis suis aliquando collaturum, ut non tantum in hac vita peccatis mortui in novitate vitæ ambulent, sed etiam in futura ad resurrectionis gloriam perveniant: quo fit ut rectissime dicatur, quod quemadmodum Circumcisio olim signaculum fuit justitiæ fidei & conversionis cordis ad Dominum, sive quæ præcedebat in eis qui prius fideles facti postea circumcidebantur, sive quæ sequebatur in eis qui infantes circumcisi postea fideles effecti ad Deum toto corde convertebantur; sic etiam nunc baptismus. Sicut enim in Abraham, inquit Augustinus, præcessit fidei justitia, & accessit circumcisio, signaculum justitiæ fidei, ita in Cornelio præcessit significatio spiritalis in dono Spiritus Sancti, & accessit Sacramentum regenerationis in Sacramento baptismi. Et sicut in Isaac, qui octavo suæ nativitatis die circumcisisus est, præcessit signaculum justitiæ fidei, & quia fidem patris imitatus est, secuta est in crescente ipsa justitia, cujus signaculum in baptizatis præcesserat; ita & in baptizatis infantibus præcedit regenerationis Sacramentum, & si Christianam tenuerint pietatem, sequitur etiam in corde conversio, cujus mysterium præcessit in corpore; conversio, inquit, non peccatorum remissio, quia hæc præcessit cum ipso baptismatis Sacramento. Sed quod is qui baptismi Sacramentum alicui impendit, hunc fructum spectare debeat, aut intendere ut divinas promissiones hoc symbolo illi annunciet, & (ut loquitur Calvinus) conscientiæ ipsius obfignet, non autem ut eum veraciter à peccatis emundet, commentum est hæreticorum, sub laude prædicationis verbi Dei, sub prætextu annunciandi divinas promissiones conantium abscondere suam impietatem, quâ persuadere conantur omnem sanctificationem, & peccatorum remissionem uni fidei à se consistere sic debere tribui, ut ad hæc nihil omnino cooperentur Sacramenta. Cum tamen manifestissimum sit, quod quemadmodum Christus, quoties intuitu fidei quempiam verbo aut tactu curavit, etiamsi hoc facto aliquid designaverit, hoc tamen principaliter intendit, ut merito fidei loquendo vel tangendo sanitatem illi impenderet; sic etiam sacerdos cum ex data sibi potestate pœnitentem à peccatis absolvit, etiamsi suo facto aliquid significet, attamen hoc potissimum spectat, ut ex potestate sibi à Christo concessa, pro merito fidei & pœnitentiæ consentientis, indulgentiam peccatorum illi impertiat. Similiter cum credenti baptismum impendit, licet aliquid intelligentibus significet, hoc tamen ex professo agit, ut juxtà Christi promissum, corpus aquâ tangendo, cor ejus à peccatis abluat, non magicâ inenatione elementum consecrando, sicut impiè loquitur Calvinus, imitatus Judæorum blasphemiam, qui

dæmo-

De bapt.  
contr. a Do-  
na. c. ult.  
lib. 4.  
Rom. 6.

dæmoniacy, cæci & muti curationem à Christo factam, non divinæ virtuti, sed magicæ incantationi & Beelzebub principi dæmoniorum ascribere præsumpserunt, sed juxta Christi præceptum & promissum, invocato Patris, & Filii, & Spiritus Sancti nomine, eum qui baptizatur ex aqua & spiritu regenerando. Nam: *Nisi quis renatus fuerit ex aqua & Spiritu Sancto*, inquit *Jean. 1.* Christus, non potest videre regnum Dei. Et post resurrectionem: Item inquit, docete omnes gentes, baptizantes eos in nomine Patris, & Filii, & Spiritus Sancti. *Matt. 28.* De qua non magica, sed divina baptismi virtute, ait etiam Petrus in Actis: Pœnitentiam agite, & baptizetur unusquisque vestrum in nomine Jesu Christi in remissionem peccatorum; & Ananias Paulo: Et nunc quid moraris? exurge, & baptizare, & ablue peccata tua, invocato nomine ipsius; & Apostolus Paulus: Cum autem benignitas & humanitas apparuit Salvatoris nostri Dei, non ex operibus iustitiæ, quas fecimus nos, sed secundum suam misericordiam salvos nos fecit per lavacrum regenerationis, & renovationis Spiritus Sancti; & rursus: Viri diligite uxores vestras, sicut Christus dilexit ecclesiam, & seipsum tradidit pro ea, ut illam sanctificaret, mundans eam lavacro aquæ in verbo vitæ; & Petrus in epistola sua priore: *1 Pet. 3.* In arca Noë pauci, id est, octo animæ salvæ factæ sunt per aquam, quod & vos nunc simili formæ salvos facit baptismus.

C A P U T VI.

*Quodd Scriptura sacra remissionem peccatorum fidei tribuens, non eam adimit sacramentis.*

Quibus testimoniis, cum apertissima sint, nihil derogat quod in eadem Petri epistola statim subditur; Non carnis depositio sordium, sed conscientie bonæ interrogatio; quasi videlicet non baptismus aquæ, sed testimonium bonæ conscientie, quo catechumenus tam verbo quàm Sacramento fidem suam profitetur, remissionem peccatorum & salutem operetur in baptismo. Quia hæc adjectione nihil aliud significavit Petrus, quàm quod ait Apost. Paulus: Mundans eam lavacro aquæ in verbo vitæ, id est, baptismo simul & fide, quia ad remissionem peccatorum non sufficit baptismus, nisi ei fides suffragetur; sicut nec sufficit fides, nisi illi accedat baptismus. Nam fides & baptismus, inquit Basilii, duo sunt modi parandæ salutis inter se cognati & inseparabiles; aded ut nec infans baptismo sanctificetur nisi alienâ fide illi suffragante; quia verbo fidei ut mundare possit, inquit Augustinus, consecratur baptismus; quod verbum tantum valet in ecclesia Dei, ut per ipsum credentem, offerentem, benedicentem, tingentem etiam tantillum mundet infantem, quamvis nondum valentem corde credere ad iustitiam, & ore confiteri ad salutem. Sicut igitur Scriptura sacra, dum salutem & peccatorum remissionem tribuit baptismis, non eam fidei adimit, sed baptismis & fidei simul tribuendam ostendit: Baptismo quidem, tanquam instrumento quo Deus nostram salutem operatur, fidei verò tanquam illi quo nos Deus, per cordis conversionem ad Deum, sanctificationi seu peccatorum remissioni præparat; sic etiam ubi salutem fidei tribuit, non est intelligenda illam baptismi

Opinio Philippi Melanctonis de Sacram.

mo adimere, sed fidei simul & baptismo velle tribuere, quia non tantum fidei, orationi & aliis ejusmodi operibus additæ sunt in Evangelio divinæ promissiones, (sicut in locis suis communibus videri vult Philippus, docens hæc in Evangelio magnificas habere promissiones, ipsos verò ritus etiam in Evangelio institutos, videlicet baptismum, cenam Domini & absolutionem, tantum usurpari ad significandum propriam Evangelij promissionem de remissione peccatorum;) sed easdem promissiones sibi conjunctas etiam habent Sacramentorum ritus, ut cum dicitur: Qui crediderit, & baptizatus fuerit, salvus erit; salus non minus ritui baptismi, quam fidei promittitur; & cum alibi dicitur: Quorum remisit ritus peccata, remittentur eis; peccatorum remissio tantâ evidentiâ promittitur reconciliationis Sacramento, ut id inficiari non tam ignorantia videatur quam aperta impudentia.

## C A P U T VII.

### *Quid baptismi susceptio sit ad salutem Christianæ fidei confessio.*

Rom. 10.

Quando igitur baptismum aut aliud quodvis novæ legis sacramentum suscipimus, non hoc spectare debemus ut ejusmodi symbolo divinas promissiones annunciemus, aut ad exitiosam securitatem (ut loquuntur hæretici) conscientiis nostris obsignemus, sed ut quod prius ad justitiam credidimus, ore & Sacramento ad remissionem peccatorum & salutem consecramur. Corde enim creditur ad justitiam, id est, ad veram cordis conversionem, ore autem confessio fit ad salutem, id est, ad peccatorum remissionem, sine qua salus haberi non potest. Nam quod hæc confessio quâ salvi efficimur, non tantum in martyrio, sed etiam in baptismatis Sacramento intelligi debeat, ostendit Apostolus cum viventi adhuc Timotheo scribit: *Certa bonum certamen, apprehende vitam æternam, in quam vocatus es, & confessus bonam confessionem coram multis testibus;* nam per fidem & baptismum intelligendus est Timotheus fuisse vocatus ad salutem, & confessus eam confessionem, de qua loquitur Apostolus; quam etiam Victorinum Rhetorem tandem confessum fuisse refert Augustinus in suis Confessionibus. Nam cum prius Scripturam sacram omnesque Christianas litteras studiosissimè investigans ad justitiam corde credidisset, & apud Simplicianum se jam Christianum esse jactaret, sapius ab illo audiens: Non deputabo te inter Christianos nisi te in ecclesia Christi videro; tandem intelligens, inquit Augustinus, quod si Christum timeret coram hominibus confiteri, ipse vicissim coram angelis Dei ab illo negaretur, humilitatis Christi Sacramentis imbutus est, ut quod corde crediderat ad justitiam, ore & sacramento palam confiteretur ad salutem. Nam (ait Augustinus) sine verbo quid est aqua nisi aqua? id est, sine fide quid prodest baptisma quod celebratur in aqua? accedit verbum ad elementum, id est, fides ad baptismum, & fit sacramentum ipsum tanquam visibile verbum, id est, tanquam visibilis quedam ejus fidei confessio, quam corde verbo prædicationis adhibet qui imbutur baptismatis Sacramento. Corde enim creditur ad justitiam, id est, ad internam

1 Tim. 6.

stolus cum viventi adhuc Timotheo scribit: *Certa bonum certamen, apprehende vitam æternam, in quam vocatus es, & confessus bonam confessionem coram multis testibus;* nam per fidem & baptismum intelligendus est Timotheus fuisse vocatus ad salutem, & confessus eam confessionem, de qua loquitur Apostolus; quam etiam Victorinum Rhetorem tandem confessum fuisse refert Augustinus in suis Confessionibus. Nam cum prius Scripturam sacram omnesque Christianas litteras studiosissimè investigans ad justitiam corde credidisset, & apud Simplicianum se jam Christianum esse jactaret, sapius ab illo audiens: Non deputabo te inter Christianos nisi te in ecclesia Christi videro; tandem intelligens, inquit Augustinus, quod si Christum timeret coram hominibus confiteri, ipse vicissim coram angelis Dei ab illo negaretur, humilitatis Christi Sacramentis imbutus est, ut quod corde crediderat ad justitiam, ore & sacramento palam confiteretur ad salutem. Nam (ait Augustinus) sine verbo quid est aqua nisi aqua? id est, sine fide quid prodest baptisma quod celebratur in aqua? accedit verbum ad elementum, id est, fides ad baptismum, & fit sacramentum ipsum tanquam visibile verbum, id est, tanquam visibilis quedam ejus fidei confessio, quam corde verbo prædicationis adhibet qui imbutur baptismatis Sacramento. Corde enim creditur ad justitiam, id est, ad internam

Lib. 8. confessionum cap. 2.

Super Johannem tractatus 80.

Rom. 10.

cordis

cordis renovationem, sed cum fidelis baptizatur, ore & Sacramento fit ad salutem confessio, ut dictum est.

## CAPUT VIII.

*Quod quando nomine iustitiæ sola cordis renovatio intelligitur, tunc iustitia fidei etiam sine Sacramentis rectè tribuitur.*

Sed obijcitur: Vera iustitia, propitiatio, pax & peccatorum remissio in Scripturis sacris, tacito Sacramento, passim fidei tribuuntur, ut: *Iustus Rom. 1. & ex fide vivit; Corde creditur ad justitiam; Gentes quæ non sectabantur justitiam, justitiam apprehenderunt, justitiam autem quæ ex fide est; Fide purificans corda eorum; &: Deus proposuit Christum propitiatorem per fidem in sanguinem ipsius; &: Justificati ex fide pacem habemus ad Deum.* Igitur baptismi Sacramento nulla vis sanctificandi competit, sed soli fidei. Responsio: Scriptura sacra nomine iustitiæ quandoque solam cordis rectitudinem & renovationem spiritus intelligit, quæ etiam remissionem peccatorum sæpius antecedit, quam nihil mirum est soli fidei tribui, cum Sacramentum hujus iustitiæ, fidei signaculum duntaxat sit, non causa. Sed quando Scriptura sacra salutem & peccatorum remissionem, quæ sine sacramento non solet haberi, ipsi fidei tribuit; tunc sine dubio ex aliis Scripturis Sacris sub fide debet Sacramentum comprehendi, quod sæpius cum ipsa fide exprimitur; ut apud Apostolum, ubi ait: *Mundans eam lavacro aquæ in verbo vite.* Nec sic rectè colligitur; Scriptura Sacra simpliciter pronunciat, quod fides hoc aut illud operetur: igitur hoc non facit Sacramentum; quia etiam de iis, quos Christus verbo aut tactu curavit simpliciter dicitur: fides tuæ te salvum fecit. Ex quo inferri non potest, quod Christus eo tactu aut verbo non fecerit salvos, sed solum sequitur quod Christus eos salvos non fecisset, nisi aut eorum propria aut aliena fides hoc eis meruisset. Quemadmodum igitur curationes quæ à Christo fiebant, fidei tribuuntur, ut intelligatur quare ipse alios curaverit, alios vero non, sic etiam salus quæ confertur baptismi Sacramento, idè fidei tribuitur, ut intelligatur quod baptismus credentibus prosit, iis verò qui non credunt, non tantum non sit præcedentis culpæ remedium, sed etiam vinculum novæ iniquitatis.

## CAPUT IX.

*Quod si Sacramenta tantum essent fidei exercitia, tunc eruditis & studiosis non essent admodum necessaria.*

SI verò (uti prætendit Calvinus) Sacramenta nihil aliud essent quàm divinarum promissionum quæ sacris litteris continentur signacula, quibus ipsæ promissiones humanæ infirmitati obsignentur & firmentur, eo modo quo sigillis, quæ diplomatibus aliisque publicis actis appenduntur, conscripta veritas confirmatur; tunc Sacramenta non essent iis admodum necessaria aut utilia, qui in sacris litteris diligenter instituti sibi firmissimâ fide persuaserunt,



2 Petr. 1.

quoddam non voluntate humanâ allata sit aliquando prophetia, sed Spiritu Sancto inspirati locuti sunt sancti Dei homines. Quia hi jam abundè consecuti sunt verbi Dei fidem, quam Calvinus per Sacramentorum exercitia solam quærendam esse somniat: sicut se consecutos esse præsumunt, quotquot doctrinam Calvini aliorumque sectariorum profitentur, quia in hoc toti incumbunt ut sibi certissimè persuadeant, se justos esse & electos Dei filios, ad quos promissiones Abrahamæ pertineant. Unde etiam fieri arbitror, ut ipsi tam raro, tam negligenter, tam irreverenter iis Sacramentis utantur, quæ se prædicare simulant; quia non ignorant se longè plenius & uberius ex perspicuis Prophetarum & Apostolorum scriptis posse de divinis promissionibus institui & confirmari, quàm ex obscuris Sacramentorum significationibus, quæ nisi Scripturæ sacræ verbis explicentur, vix etiam ab eruditis intelliguntur. Sicut igitur initio diximus, quanquam simulet Calvinus se aliquot sacramenta velle retinere; quia tamen non ad sanctificationem, sed ad doctrinam & exercitium fidei duntaxat illa valere prædicat; idèd huc tantùm spectat universa ejus doctrina, ut paulatim & sine violentia, tanquam res minus necessariæ aut parum utiles, in contemptum abeant, & tandem prorsus aboleantur.



MICHAELIS BAIL,  
 DE  
 FORMA BAPTISMI,  
 SEU  
 DE VERBIS  
 SINE QUIBUS NON PERFICITUR  
 SACRAMENTUM BAPTISMI,  
 TRACTATUS UNUS.

P R Æ F A T I O.



*Cum* nuper in quodam congressu assererem Christi baptismum non aliis  
 verbis posse perfici, quam quæ omnes tres divine substantiæ person-  
 as exprimerent, objecit quidam responsum Nicolai Pontificis ad <sup>De conse.</sup>  
 consulta Bulgarorum, quod sic habet: A quodam <sup>dist. 4. c.</sup> <sup>a quodam.</sup> Iudeo mul-  
 tos baptizatos asseritis, & quid inde agendum sit consultus. Hi  
 profecto si in nomine Trinitatis vel in nomine Christi, sicut in Acti-  
 bus Apostolorum legimus, baptizati sunt, (unum enim idemque est, ut exponit  
 Ambrosius,) rebaptizari non debent; Respondi (sicut tunc ex tempore occur-  
 rebat) verbis illis duo contineri: Alterum quod baptizati a Iudeo (quem in-  
 telligebam nunquam fuisse Christianum) non essent rebaptizandi; Alterum verò <sup>Lib. 1. de</sup>  
 quod ratum haberi deberet ejusmodi baptismus, etiamsi esset solâ nominis Christi in- <sup>Spirito</sup>  
 vocatione consecratum. De priori dixi Augustinum dubitare lib. 2. contra Per- <sup>Sancto</sup>  
 menianum cap. 13. At enim sic: Et hæc quidem alia quæstio est, utrum & ab <sup>cap. 3.</sup>  
 iis qui nunquam fuerunt Christiani possit baptismus dari, nec aliquid temerè inde  
 affirmandum est sine autoritate tanti Concilii, quantum tanta rei sufficit. Quorum  
 verborum memor addidi me nondum vidisse Concilium, cujus autoritate ductus  
 Nico-

Gregor. 2.

Nicolaus tam intrepide pronuntiaret de hac questione tam abdi-  
 ominus, me in ea parte libenter verbis ejus accedere, quia contrarium documen-  
 tum non habebam, nisi quis proferendum putes dictum Gregorii secundi, quod  
 habetur de consecratione, distinctione 4. c. Quos à paganis, ubi videtur contra-  
 rium doceri. De posteriori verò parte dixi, quòd tam aperte repugnaret Basilio,  
 Didimo, Origeni, Theophylacto, Cypriano, Augustino & dictis pontificibus  
 (quæ habentur de consecrat. distinct. 4.) ut Nicolao Pontifici non quidem desinienti,  
 sed respondendo ad quædam consulta simpliciter asserenti, ratum fore baptismum solo  
 Christi nomine invocato collatum, credere non audeam, præsertim quia partem  
 hanc responsionis extra questionem propositam obiter adjecit; non enim quæreba-  
 tur, quibus verbis baptismus perfici deberet: sed an veraciter baptizasse putandus  
 esset Judæus qui prius non erat baptizatus. Verum quia is, qui jam dicta oppo-  
 nebat, responsionem hanc tanquam novam & Pontifici injuriam improbavit, vi-  
 sum est paucis ostendere quid juxta veterum scriptorum traditiones & Romanorum  
 Pontificum definitiones de hac re sentiendum videatur.

MICHAELIS BAII,  
DE  
FORMA BAPTISMI,  
TRACTATUS UNUS.

C A P U T I.

*Quod inane sit eorum fundamentum, qui opinantur Apostolos  
quandoque solo Christi nomine invocato baptizasse.*

**S**ententia eorum, qui vel tempore Apostolorum duntaxat, ut <sup>3. povic</sup> D. Thomas, vel etiam nunc, ut Cajetanus, baptismum cum <sup>quæst. 66.</sup> expressione solius nominis Christi collatum ratum esse putant, <sup>art. 6.</sup> sicut etiam ipse Nicolaus indicat, quem Cajetanus sequitur, <sup>Cajeta.</sup> ex Act. Apostolorum duxit originem, ubi ait Petrus: <sup>in 66.</sup> *Pœnitentiam agite, & baptizetur unusquisque vestrum in nomine Jesu* <sup>Thoma-</sup> *Christi, & ex aliis Scripturis, in quibus in mentione baptismatis unius dunta-* <sup>commen-</sup> *xat personæ divinæ nomen exprimitur; sed omnes penè Veteres circa ejusmodi* <sup>tans.</sup> *Scripturas tam sollicitè monent, ne quis in eum errore incidat, ut existimet* <sup>Act. 2.</sup> *in celebrando baptismi mysterio reliqua personarum nomina non* <sup>Act. 8. 1.</sup> *debere invocari, ut ex ipsis prævidisse videantur hunc errorem aliquando nati-* <sup>& 10. g. &</sup> *citurum, quo quidam præsumunt asserere, Apostolos aliquando solo Christi* <sup>19. a</sup> *nomine invocato baptizasse, ac proinde nunc adhuc ratum fore baptismum si* <sup>Basilias</sup> *quis eisdem verbis baptizetur, (quia institutio sacramentorum novi testamenti* <sup>cap. 12.</sup> *videtur esse immutabilis.) Igitur nullo modo credendum est Apostolos un-* <sup>Martii 1.</sup> *quam aliter baptizasse quàm expressè invocando Patrem, Filium & Spiritum* *Sanctum. Nam ut à Græcis incipiam, ex quibus plerique Latini sua hauserunt, D. Basilus de Spiritu Sancto, sic ait: Neminem ad errorem impellat* *illud Apostoli, quod nomen Patris & Spiritus Sancti in baptismatis mentione* *sæpe omittit, neque ob id putet nominum nomenclaturam non necesse esse* *observari. Quicumque, inquit, in Christo baptizati estis, Christum indui-* *stis. Nam Christi appellatio totius est confessio Trinitatis. Declarat enim* *& eum qui unxit, & filium qui unctus est, & Spiritum Sanctum qui est un-* *guentum. Porro videtur aliquando etiam solius Spiritus in baptismate men-* *tionem fecisse: Vos autem baptizabimini in Spiritu Sancto; at non ob id per-* *fectum quis dixerit baptismum, in quo solum Spiritus nomen invocatum est.*



Oportet enim immobilem manere traditionem in vivifica gratia datam; quare addere quid aut detrahere palam est elapsus à vita æterna. Audis circa Scripturas quæ in mentione baptismi unicam duntaxat personam exprimunt, cavendum esse errorem quem Nicolaus incurrit, putans in ipso baptismo nominum nomenclaturam non necesse esse observari, sed sufficere unius Christi nomen exprimere. Audis etiam cætera, quæ clariora sunt quam quicquid posset de eis à nobis dici. Didymus quoque principio 2. lib. de Spiritu Sancto: Quis non ex ipsa cogetur veritate suscipere indifferentiam sanctæ Trinitatis, dum una sit fides in Patre, & Filio & Spiritu Sancto: & lavacrum detur atque firmetur in nomine Patris, & Filii & Spiritus Sancti. Non arbitror quemquam tam vecordem atque insanum futurum, ut perfectum baptismum putet, quod datur in nomine Patris, & Filii, sine assumptione Spiritus Sancti, aut rursus, in nomine Patris, & Spiritus Sancti, Filii vocabulo prætermisso, aut certe in nomine Filii, & Spiritus Sancti, non præposito vocabulo Patris. Licet enim quis possit existere sæxi, ut ita dicam, cordis, & penitus mentis alienæ, qui ita baptizare conetur ut unum de præceptis nominibus prætermittat, videlicet contrarius legislator Christi, tamen sine perfectione baptizabit, imò penitus à peccatis liberare non poterit, quos à se baptizatos existimaverit. Hic certe magnæ novitatis & scandalosi erroris insinulari deberet, qui tot contumeliis eos infectatur, qui in baptismo aliquod de præceptis nominibus prætermitti posse putant, si invocato solo Christi nomine posset verum baptismum conferri. Similiter Origenes tractans 6. cap. Roman. Cur hic Apostolus Christi nomen assumpsit, dicens: Quicumque in Christo baptizati sumus; cum utique non habeatur legitimum baptismum nisi sub nomine Trinitatis; deinde respondetur, quoniam hoc loco non tam baptismatis rationem, quam mortis Christi discutere cupiebat, &c. His accedit Theoph. super ultimum caput Lucæ, dicens: Quomodo autem baptismum in nomine solius Christi fieri intelligemus, præsertim cum aliis doceamur baptizari in nomine Patris, & Filii, & Spiritus Sancti? Primum dicimus, inquit, quod quando dicimus baptismum fieri in nomine Christi, non dicimus quod oporteat in solius Christi nomine fieri; & cætera quæ sequuntur in eandem sententiam. Inter Latinos primus occurrit gloriosus martyr Cyprianus, qui in epistola ad Jubanenum: Illi, inquit, qui jam legis & Moysi antiquissimum baptismum fuerant adepti, in nomine quoque Jesu Christi fuerunt baptizati, secundum quod in Act. Apostolorum Petrus loquitur: *Pœnitentini & baptizetur unusquisque vestrum in nomine Jesu Christi*: Jesu Christi mentionem facit Petrus, non quasi pater omitteretur, sed ut patri quoque filius adjungeretur. Quomodo ergo quidam dicunt, inquit, modo in nomine Jesu Christi, ubicunque & quomodocunque Gentilem baptizatum remissionem peccatorum consequi posse, cum ipse Christus gentes baptizare jubeat in plena & adunata Trinitate? Augustinus etiam lib. 3. contra Maximinum cap. 17. *Si quia non est nominatus Spiritus Sanctus, quod etiam per illum facta sit creatura, quando de filio dictum est*: Omnia per ipsum facta sunt; idè putat Dei spiritum non esse creatorem: procul dubio nec in ejus nomine poteris baptizatos dicere, quibus ait Petrus: Agite pœnitentiam, & baptizetur unusquisque vestrum in nomine Domini Jesu Christi; quia non ait,

Didymus  
lib. 2. de  
Spiritu S.

Origenes in  
6. cap. ad  
Rom.

Theophi-  
lactus.

Cyprianus  
tom. 2.

Act. 2.

Matth. 28.

August.

Joan. 1.

& Spiritus Sancti, nec in Patris nomine, quia nec ipse ibi est nominatus. Si autem etiam non nominatis Patre & Spiritu Sancto, in nomine Jesu Christi iussu sunt baptizari, & tamen intelliguntur non baptizati nisi in nomine Patris, & Filii, & Spiritus Sancti: cur non sit audis de Filio Dei: Omnia per ipsum facta sunt; ut & *Joan. 1.* non nominatum intelligas ibi & Spiritum Sanctum. Nam (ut ait de baptismo contra Donatistas lib. 6. cap. 25.) certa sunt verba Evangelica, sine quibus non potest consecrari baptismus. Quibus planè consonat Fulgentius de incarnatione & gratia Domini nostri Jesu Christi cap. 11. cum ait: Omnis qui in nomine Patris, & Filii & Spiritus Sancti, Sacramento Spiritus Sancti regenerationis abluitur, non nisi in Christi morte ac nomine baptizatur. *Fulgent.*

## CAPUT II.

*Quod Pontifices Romani ex professo damnaverint baptismum datum invocato solo Christi nomine.*

**I**dem ostendit Innocentius primus in epistola ad Episcopos Macedoniæ, docens quòd olim qui à Novatianis baptizati ad Ecclesiam revertebantur, solà manuum impositione recipiebantur; qui verò à Paulianistis, in nomine Patris, & Filii, & Spiritus Sancti baptizabantur. Quod idèò distinctum, inquit, de ipsius duabus hæresibus ratio manifesta declarat, quia Paulianistæ in nomine Patris, & Filii, & Spiritus Sancti minimè baptizabant: Novatiani verò iidem tremendis venerandisque nominibus baptizabant. Similiter Gregorius Magnus capite: *Ab antiqua*; & capite: *Hi verò hæretici*. His accedunt aliorum adhuc duorum Pontificum apertissima decreta, Pelagii & Zachariæ, synodus Anglorum confirmantia, quæ licet à quibusdam oppositam sententiam defendentibus ita contra omnem sensum torqueantur; ut apud plerosque penè abierint in contemptum, tamen iis qui veteres legunt non ob aliud fortè edita videbuntur, quàm ut eorum temeritas comprimatur, qui audent docere ratum posse esse baptismum, quod non est collatum in plena & adunata Trinitate, sicut loquitur Cyprianus. Prius decretum sic habet: Si hi qui in locis dilectionis tuæ vicinis commorari dicuntur, se solummodò in nomine Domini baptizatos fuisse confitentur, sine cuiusque dubitationis ambiguo eos ad fidem catholicam venientes in sanctæ Trinitatis nomine baptizabis. Posterius verò sic: In synodo Anglorum decretum firmissimè præceptum & diligenter demonstratum esse dignoscitur, quòd quicumque sine invocatione Trinitatismersus fuisset, Sacramentum regenerationis non haberet, quod omnino verum est; quia simersus in fonte baptismatis quis fuerit sine invocatione Trinitatis, perfectus Christianus non est, nisi in nomine Patris, & Filii, & Spiritus Sancti fuerit baptizatus. Hoc quoque observari in prædicta synodo sacerdotes voluerunt, ut qui vel unam de Trinitate personam in baptismo non nominaret, illud baptismum esse verum non posset, quod pro certo verum est. Quæ verba cum apertissima sint, non rectè à quibusdam subvertuntur per rationem quæ sequitur, quia qui unum ex Sancta Trinitate confessus non fuerit nomen, perfectus Christianus esse non potest. Quasi vide-

*Innocen. 1.  
cap. 5.*

*Gregorius:  
epist. 61.  
lib. 9. ad  
Quirinum,  
& ceteros  
episcopos  
Hibernia.*

licet ipsa synodus Anglicana (quæ tamen clausulam hanc non adjecit, sed Zacharias,) tunc demum voluerit non esse verum baptisma, in quo persona aliqua non nominaretur, quando hæc persona non solum exteriùs à sermone per omissionem, sed etiam intùs in corde per infidelitatem à reliquis separaretur; tum quia constat ad baptisma, quod verbis evangelicis consecratur, non pertinere cujusquam dantis vel accipientis errorem, sive de Patre, sive de Filio, sive de Spiritu Sancto aliter sentiat quàm cœlestis doctrina insinuat, ut ait August. lib. 4. de unico baptismo, & Concilium Arelatense de consecratione dist. 4. capite, de Arrianis; tum etiam quia rationem hanc subjecit Zacharias pontifex, imitatus D. Basilium de Spiritu Sancto. cap. 12. superiùs citato; ubi simili ratione demonstrat in ipso baptismo omnes tres personas debere nominari, cum ait: Fides & baptismus duo salutis modi sunt inter se cohærentes & inseparabiles; Fides enim perficitur per baptismum, Baptismus verò fundatur per fidem, & per eadem nomina utraque res completur. Sicut enim credimus in Patrem, & Filium & Spiritum Sanctum, sic etiam baptizamus in nomine Patris, & Filii, & Spiritus Sancti. Et præcedit quidem confessio ad salutem inducens, consequitur autem Baptisma obfignans nostram confessionem & pactum.

## CAPUT III.

*Quodd Ambrosius libro primo de Spiritu Sancto non loquatur de verbis quibus baptismus Christi perficitur, sed quibus Scriptura sacra utitur faciens baptismi mentionem.*

SEd obijcit Ambrosius lib. 1. de Spiritu Sancto cap. 3. ubi ait, quodd Æthiops Eunuchus Candacis reginæ baptizatus in Christo, plenum mysterium consecutus est. Cujus etiam rationem subjicit: quia si Christum dicas, & Deum Patrem à quo unctus est filius, & ipsum qui unctus est Filium, & Spiritum quo unctus est designasti. Respondeo, quodd si Veterum autoritas sequenda sit, non debet cuiquam contra manifestam sententiam Basilli, Didymi, Origenis, Theophilacti, Cyprian. Aug. & aliquot Pontificum Romanorum de unius Ambrosii obscuritate præscribi, quem tamen, si diligenter expendas, forsitan deprehendes non nisi absurdissimè in eam sententiam posse detorqueri, quæ in objectione prætenditur. Nam si memorià reperas quæ superiùs ex D. Basilio protulimus, in primis invenes rationem ab Ambrosio subiectam, quæ à nonnullis tantopere urgetur, ex eo Basilli capite penè ad verbum, esse translata; ubi Basilius ex professo docet, in consecratione Baptismatis observari debere nomenclaturam totius Trinitatis: deinde (sicut ex principio, cap. patet) propositum est Ambrosio demonstrare, quodd ubi operatio aliqua divina in Scripturis Patri, Filio, aut Spiritui Sancto seorsum tribuitur, tunc reliquæ personæ non excluduntur, sed quia inseparabiles sunt cointelliguntur. Id quod ex iis Scripturis conatur ostendere, in quibus sub unius personæ nomine baptismatis mentio reperitur. Quia si hi qui in Christo, vel in Spiritu Sancto

Sancto baptizati leguntur, non aliter intelliguntur fuisse baptizati, quàm in nomine Patris, & Filii, & Spiritus Sancti, sicut suprà præsupposuit Augustinus: manifestè consequitur in omnibus Scripturis, quæ baptismum sub unius personæ nomine commemorant, etiam non nominatas intelligi debere personas, sine quarum invocatione baptismus non perficitur. Si autem dixerimus (uti objectio dicendum esse præten- dit) eos qui vel in Christo, vel in Spiritu Sancto baptizati leguntur, in nomine unius personæ duntaxat fuisse baptizatos, videtur quanta pro Arrianis adversus D. Ambrosium relinquantur tergiversatio, ut prædictis Scripturis respondeant, quòd qui in nomine unius personæ baptizati leguntur, etiam sunt unius personæ duntaxat operatione sanctificationi. Et sic ex huiusmodi Scripturis, nec ab Ambrosio, nec ab Augustino, nec à Didymo, aut Basilio, quos ipsi imitati sunt, sufficienter ostensum fuerit, quòd ubi in Scripturis Sacris operatio aliqua uni personæ tribuitur, reliquæ non intelligantur excludi, sed comprehendi. Ut igitur ad verba Ambrosii summatim respondeam; dico Ambrosium dicto cap. non disputare de verbis quibus baptismus ipse perficitur, quæ complecti oportet nomenclaturam totius Trinitatis, sed de verbis Scripturæ sacræ mentionem huius sacri mysterii facientis, quæ ut plenius ostenderet inseparabilem atque indivisam trium personarum unitatem, sine quarum invocatione atque operatione neque perficitur baptismus, neque etiam sanctificari potest qui baptizatur, in eius tamen mentione sæpe unicam duntaxat nominat personam, & ex notissima baptizandi forma reliquas duas lectori cointelligendas relinquit. Quam intelligentiam peculiari etiam quâdam ratione juvant hæc nomina, Pater, Christus, & Spiritus, sicut ibidem ostendit Ambrosius secutus Basilium; quia qui Christum nominat, inquit, is & ungentem, & unctum, & ipsum etiam unguentum latenter insinuat; & si Patrem dicas, inquit, & Filium ejus, & Spiritum oris ejus pariter indicasti; & si Spiritum dicas, & Deum Patrem à quo procedit Spiritus, & Filium, quia Filii quoque est Spiritus, nuncupasti. Nemo tamen unquam adeò insaniit, ut hîc Ambrosium voluisse putaret verum esse baptismum, si qui solum Patris nomen exprimat, aut solum nomen Spiritus Sancti. Unde quanquam aliarum personarum significatio in ratione nominis Domini Jesu forsitan minùs contineatur, quia qui nomen Domini Jesu pronuntiat, is neque Patrem, neque Spiritum patris indicat, tamen etiam in hoc nomine leguntur quidam baptizati, ut non solum ex significatione nominum quibus divinæ personæ significantur, sed etiam ex baptizandi ritu fidelibus noto, & ex vera fide Trinitatis hæc intelligentia Scripturæ capiatur, ut ubicunque uni personæ aliqua operatio tribuitur, reliquæ duæ non putentur excludi, sed intelligantur sub ea, quæ nominatur, comprehendi: sicut suprà ostendit Augustinus in Scriptura quæ sub unius personæ nomine baptismatis mentionem continebat. Et quia Nicolaus Pontifex huic Ambrosii testimonio in suo responso innititur, idèd mirum non est ipsum in re obscura ex verbis non benè intellectis fuisse deceptum.



## CAPUT IV.

*De epistola quæ apud D. Bernardum 340. habetur.  
quid sentiendum.*

**N**on ignoro epistolam quamdam (quæ in Bernardo 340. ponitur) approbare baptismum datum in nomine Dei & sanctæ veræ crucis. Sed ea est ex eis triginta quæ posterius additæ sunt, de quibus forsitan non immeritò possumus dubitare, an sint vera Bernardi. Quicquid sit D. Thomas id non approbat; & si ejusmodi ratiocinatiunculas sequi velimus, qualis ibi redditur, tunc necessum erit in baptismo tot invocationum formas agnoscere, quot baptizantium contigerit de Deo existere phantasias.



MICHAELIS BAII  
RESPONSA  
AD  
CONVENTUS  
CAMERACENSIS  
DELIBERATIONES.

Ex M.S.K.  
primam  
edita.



N Conventu Cameracensi anno 1567. nobis subscriptis præsentibus, post eorum qui convenerunt deliberationem, sic conclusum est de tribus quæ quæruntur.

De Baptismo parvulis collato ab Hæreticis, dicitur quodd cum constar Hæreticos usos fuisse formâ indebitâ, simpliciter in Ecclesia sunt parvuli baptizandi. Cum dubitatur an formâ debitâ usi sint (ut meritò sæpe dubitari potest) sub conditione Baptismus est repetendus, sicut Ecclesia facit in baptizatis ab Hæreticis. Cum autem benè constat debitâ formâ eos esse usos, Baptismus in Ecclesia penitus omitti debet, nec sub conditione est repetendus: semper tamen exorcismi & catechismi, cum reliquis ceremoniis ab Hæreticis prætermis, sunt supplendi propter servandam uniformitatem in Baptismo, & quia Jura Canonica docent in sacramentorum collatione si quid est omis, cautè supplendum esse, non tamen repetendum quod benè impensum est. Idem docet Thomas parte 3. quæst. 71. art. 3. ad 3. & Richardus in 4. sentent. dist. 6. art. 6. quæst. 1.

De Templorum, Imaginum, & Reliquiarum violatoribus poenitentibus, judicatum est, eos procul dubio ab Ecclesia recipiendos esse, sed probandos num ex animo poeniteant. Demum non statim eos ad reconciliationem, potissimum ad Eucharistiæ perceptionem admittendos esse, sed aliquot mensibus, juxta Christi aut Pastoris discretionem, congruam ab eis satisfactionem exigendam & persolvendam, priusquàm ad sacramentorum communionem admittantur, eamque talem quæ ædificet eos quos scandalizaverant, & quæ quantum facultates ferunt, illata damnâ reparet.

De Matrimonio apud Hæreticos solemniter celebrato, dictum fuit illud: Si inveniatur contractum inter personas illegitimas, omnino dirimendum est, nisi

nisi impetratâ dispensatione à summo Pontifice in gradibus prohibitis, quo tamen casu Matrimonium in Ecclesia repetendum est. Similiter si contractum sit in aliquo loco ubi Concilium Tridentinum publicatum fuit, omnino repetendum esse; quia illis locis contractum, nullum fuit, quia non contractum præsente Parocho. Si autem contractum fuit illis locis in quibus necdum publicatum fuit Concilium, etsi ratum sit matrimonium inter legitimas personas contractum, tamen repetendum esse in Ecclesia cum consuetis ceremoniis, sicut & clandestina matrimonia repetuntur, ut contractus matrimonialis legitimus sit & habeatur.

*Cornelius Jansenius Primus Episcopus Gandensis.*

*Judocus Ravesteyn Tilesanus.*

*Michael de Baii Athesensis.*



MICHAELIS BAII,  
EPISTOLA  
REVERENDISSIMO  
ET  
ILLUSTRISSIMO,  
D. MAXIMILIANO,  
ABERGIS,  
Archiepiscopo Cameracensi.

REVERENDISSIME ET ILLUSTRIS-  
SIME  
DOMINE PRÆSUL.

**P**erlegi testimonia quibus comprobatur admiranda curatio An-  
tonii Despretii & Annæ de Morine ad memoriam B. Virginis  
in Sacello ejusdem Cerine, vulgariter dicto ad Fontem, &  
prælecta etiam aliis Magistris nostræ Facultatis, qui Gallicè  
norunt, examinanda tradidi, quæ cum simul retulissemus co-  
ram Magistro Nostro Tiletano, & aliis Magistris nostræ Fa-  
cultatis Theologicæ, judicatum est hæc duo miracula quæ Deus hoc miseran-  
do tempore ad subveniendum nostræ incredulitati mirabiliter operatus est,  
tam certis testimoniis comprobari, ut sine grandi impietate obcurari aut dis-  
simulari non possint, quia horum publicatio fidei catholicæ prædicatio & de-  
fensio est, quæ ad Episcopos maximè pertinet. Sicut igitur Nabuchodonosor  
Rex signa & mirabilia Dei, quæ apud se contigerant, laudabiliter toto re-  
gno suo prædicavit, sicut in Daniele legitur; sic etiam duo hæc miracula cele-  
bri aliquâ solemnitate ad multorum notitiam videntur esse deducenda, ut Deus  
in B. Virgine glorificetur, per quam talia dignatur operari. Nam, ut ait An-  
gelus Tobix; sacramentum Regis abscondere bonum est, opera autem Dei  
revelare & confiteri honorificum est; maximè quia non tantum infirmis cor-  
poribus, sed multò magis mentibus medentur incredulis, de quibus scriptum  
est: *nisi signa & prodigia videritis, non credetis*. Porro quomodo non sunt  
abscondenda miracula latè prosequitur Augustinus lib. 22. de Civit. Dei cap. 8.

*Nunc pri-  
mum edita  
ex MSS.*



ubi etiam circa tertium miraculum quod refert, se stomachatum dicit, quòd non satis publicatum fuerit.

Cùm antè paucos dies essem in patria, sensi sorores Cerinenses vehementer perturbatas quòd contra propriam voluntatem & contra proprii voti obligationem essent reclusæ. Ostensa est mihi copia Bullæ secundum quam profitentur, & nullam inveni clausuræ mentionem, sed potiùs contrarium; nam ibi disponitur, ut supplementum suæ necessitatis mendicando conquirant, quod sine exitu fieri non potest. Præterea relinquuntur sub Pastore Parochiæ, ratione cujus videntur teneri adire templum parochiale ad audienda sacra & percipiendum Sacramenta, & ad sepelienda corpora mortuorum, sicut hætenus observaverunt, à quibus tamen omnibus nunc secluduntur. In Concilio Tridentino ordinatur, ut ubi clausura Monialium violata est, diligenter restituatur; sed non ordinatur ut ubi nunquam fuit, contra propriam earum voluntatem violenter instituatur: quia hoc esset ab eis exigere quod nunquam promiserunt; id quod videtur mihi esse contra jus divinum, & apertissimè contra D. Bernardum *de præcepto & dispensatione*. Sicut enim nemo ad vovendum potest cogi, sic etiam qui vovit, non potest ultrà cogi quàm vovit: quia utrumque esset velle de alieno sacrificium Deo facere, quod prorsus est illicitum. Nec opus est hoc turbulento sæculo exigere violenter à quopiam quod non debet; cùm nobis multùm gratulari debeamus, si quisque persolvat quod debet. Habent etiam Bullam quamdam ipso facto excommunicantem Fratres Minores, qui eas volebant restringere ultrà suam institutionem; quam facillè ostendent si res ita postulet. Hæc paucis indicavi, quia res ista concernit etiam Curatos Illustrissimæ Tuæ Reverentiæ subditos, quam Deus Ecclesiæ suæ diu servet incolumem. Lovanii 1. Julii, anno 1569.

Reverendissimæ atque Illustrissimæ gratiæ tuæ

Addictissimus servitor Michael de Baij.

MICHAELIS BAII,

Regii in sacris Litteris

PROFESSORIS RESPONSIONES,

A D

PHILIPPI MARNIXII

SANCT-ALDEGONDI

Quæstiones de

ECCLESIA CHRISTI

ET DE

SACRAMENTO ALTARIS.

MICHAELIS BALD.

THEOLOGICAL INSTITUTION

PHILIPPI MARINUS

SANCTA ALBERTI

ROBERTA CHRISTI

ALBERTI ALBERTI

Q U Æ S T I O N E S  
M I C H A E L I B A I O  
P R O P O S I T Æ A  
P H I L I P P O M A R N I X I O ,

die 14. Octobris , Anno 1577.



*N* Ecclesia, ejusque constitutiones seu traditiones nullum habeant scriptum aliud, nisi consuetudinem eorum qui se profitentur Romanam sectari religionem quam vocant catholicam?

*An* hoc scriptum, si quod aliud est, consistet pagina sacre scriptura sola?

*An* patrum explanationibus & commentariis?

*An* Conciliorum decretis?

*An* Pontificum Romanorum placitis?

*An* Scholasticorum pronunciatis?

*An* passim sequatur, ut ait Satyricus, corvos testaque lutoque?

*An* Ecclesia tribuat auctoritatem verbo Dei, an potius verbum Dei, Ecclesia auctoritatem atque axioma conferat?

*Quorum*

*Quia, & cujus auctoritate confirmatorum seu approbatorum?*

D E V E R B I S

S A C R A M E N T I C O E N Æ

D O M I N I C Æ.

1. *A*n hac verba, Hoc est corpus meum, contineant propositionem identicam atque idem significantem, quod: corpus meum est corpus meum; an verò attributum corporis, attribuitur subjecto significatio per pronomem, hoc, tanquam diverso à suo attributo?

2. Et si attribuitur tanquam diverso, an attribuitur substantivè, ita ut hac verba (hoc est corpus meum) idem significant atque, hoc est substantia-



luer, ut ita dicam, corpus meum? An potius attribuat<sup>r</sup> sacramentaliter, ita ut ea verba nihil aliud significant, nisi, hoc est sacramentaliter corpus meum, seu, Corpus meum dicitur de hoc quod vobis do, plenè ut sacramenta dicuntur de rebus quas significant & suâ institutione demonstrant, quemadmodum Augustinus in libello De doctrina Christiana docet, Sacramentum fidei fidem esse, & sacramentum corporis corpus, & sacramentum fœderis fœdus, & sacramentum verbi Dei ipsissimum verbum Dei; non quidem substantiâ, sed usu, institutione, representatione, ac significantissimâ exhibitione ante oculos fidei.

3. Quo argumento doceatur vocem EST in hac circumstantia significare substantialitatem? liceat enim ita loqui. An hoc ipsd argumentum tanquam <sup>mutuè</sup> non possit formari certa atque indubitata ratiocinatio per propositionem generalem, quo argumenti vis possit & rectius intelligi & certius judicari?

### Exempli gratia.

Ubiunque vocula EST conjungit predicatum cum subjecto in hac vel ejusmodi circumstantia, toties accipitur substantivè.

In hac propositione vocula EST conjungit predicatum corporis cum subjecto pronominis demonstrativi, Hoc &c.

Ergo, &c.

4. An explicatio horum verborum debeas aut possit aliunde sumi, quàm ex ipsius Christi aut Evangelistarum verbis?

5. An illa propositio de calice: Hoc poculum est novum testamentum seu fœdus (dicitur enim utrunque hic significat, ut Hebrais Oth-Berith) in meo sanguine: & illa, Hic est sanguis novi testamenti, non idem significant, & sese mutuò significanter explicant? Ac proinde, an non penitus sit eadem ratio in pane; ita ut he propositiones, Hic panis est novum testamentum seu fœdus in meo corpore, & Hoc est corpus meum: & item, Hic panis quem frangimus est novum corpus Christi, & Hic panis quem frangimus est corpus Christi, idem significant, & sese mutuò significanter explicant.

6. Item an pronomèn Hoc aliud significet quàm idipsum quod uno ore omnes Evangelistæ testantur, Christum accepisse, fregisse, dedisse discipulis, ac jussisse ut acciperent & comederent?

7. An Paulus I Cor. 10. quum hunc panem nominat, & panem quem frangimus discretè explicat, aliud sacramenti subjectum statuat atque Christus, vel ipse Paulus (I Cor. 11.) pronomine Hoc velit significari quod omnes Evangelistæ testantur fuisse panem quem Christus fregit & dedit, & de quo denique loquimur est?

8. *An in propositione de calice non eadem sit subjecti ratio, atque in ea que est de pane, ac prinde quum subjectum in propositione & oratione de calice non solum demonstratur pronomine Hoc, sed plane & discretè nominetur vitæ & rûpior. vel fructus ac genimen vitis, an non eadem sit ratio in pronomine Hoc quod usurpatur in propositione de pane: ita ut Hoc idem significet, quod, hic panis, vel hic fructus tritici de multis coadunatus gravis.*

9. *Si subjectum posuit in hac propositione, Hoc est corpus meum, mutatur vel mutatum fuit à subjecto panis quod Evangeliste testantur Christum accepisse, fregisse, & dedisse &c. quando mutatum fuit, qua vi, quo Domini mandato, quo divini verbi argumento?*

10. *Que sit analogia unionis corporis Christi cum Ecclesia declarata I Cor. 10. si nulla est panis vel vini reliqua substantia?*

11. *Quando Veteres docuerunt eandem aut similem esse transformationem panis & vini in corpus & sanguinem Christi, qualis erat aqua admista vino in populum Christi ejus corpori per fidem conglutinatum.*



## MICHAELIS BAII

A D

PRIORES QUÆSTIONES

QUÆ SUNT DE

ECCLESIA RESPONSIO.

*Generoso, Nobili, Eruditissimoque viro Domino Philippo  
Marnixio Sanctaldegondo.*



Ominus de Wignacourt mihi hactenus & de nomine & de facie ignotus, sed tuæ generositati, ut intelligo, affinitate conjunctus, Generosissime atque eruditissime Sanctaldegonde, multas mihi quæstiones obtulit, quas aiebat tractandas atque solvendas ad me per te transmitti. Facile fuisset, ætatem, quotidianam prælectionem, & negotiorum turbam quibus quotidie in universitate, in ecclesia S. Petri, & in collegio nostro interpellor atque distrahor, excusare: sed in retam pia tamque patriæ utili (si fortè dignaretur Deus in te operari, quod magnopere exopto, quodque quotidianis precibus instanter ab eo postulo,) nolui dilationem quærere, confidens quod is qui tibi hunc quærendi affectum indidit, etiam mihi suggeret, meque docebit quid & quomodo respondere debeam, ut tibi in bonum cooperetur mea responsio. Utrumque enim Dei donum est, & veritatem sincerè, hoc est non contendendi sed sciendi studio atque intentione invenire, inventamque sic proponere, ut honorificè suscepta debitam suo auctori gratiarum referat actionem. Ne autem mora & responsionis prolixitas tibi fortè molesta sit, si illam distulero mittere donec universas quæstiones absolvero, decrevi primùm iis tantùm respondere quæ de Ecclesia proponuntur, & responsionem hanc mittere, ut cognito quomodo eruditioni tuæ satisfecerit, alacrius reliquarum tractationem aggrediar & prosequar: idque non carptim ac seorsim de singulis quæstionibus disserendo faciam, sed uno quodam sermonistenore, quia quæstiones ita inter se ordine convenienti contextæ sunt & coadunatæ, ut ipsa earum dispositio id omnino postulare videatur. Quod si fortè non per omnia tuæ intentioni satisfecero, non propterea debes de assequenda veritate desperare. Non potest homo accipere quicquam, nisi fuerit ei datum de cælo: sed quod hodie nobis clauditur, potest nobis cras patentibus & ad aures divinæ misericordiæ pulsantibus aperiri, aut per eloquia sanctarum Scripturarum aut per sermocinationes fratrum, aut per internam divinæ

divinæ inspirationis gratiam, ubi sine sono verborum, sine elementis literarum veritas ipsa tantò dulcius quantò secretius loquitur.

Quæris igitur:

1. *An Ecclesia ejusque constitutiones seu traditiones nullam habeant usurpationem aliud, hoc est, ut interpretor, judicium seu ex quo judicentur, nisi consuetudinem eorum qui se possident Romanam sectari religionem quam vocant Catholicam?*
2. *An hoc veritas, si quod est, constet pagina sacra Scriptura sola?*
3. *An Patrum explanationibus & commentariis?*
4. *An Conciliorum decretis?*
5. *An Pontificum Romanorum placitis?*
6. *An Scholasticorum pronunciatis?*
7. *An passim sequatur (ut ait Satyrus) corvos testaque lutoque.*  
*An Ecclesia tribuat auctoritatem verbo Dei, an potius verbum Dei, Ecclesie auctoritatem atque auctoritatem conferat.*

Ad primam & secundam quæstionem clarissimè respondet D. Augustinus cap. 2. lib. De unitate Ecclesiæ, qui habetur in 7. tomo operum ejus, his verbis: Inter nos & Donatistas quæstio est, ubi sit Ecclesia; quid ergo facturi sumus? in verbis nostris eam quæsituri, an in verbis capituli sui Domini nostri Jesu Christi? Puto quod in verbis illius eam quærere debeamus, qui veritas est & optimè novit corpus suum: Novit enim Dominus qui sint ejus. Et cap. 3. ejusdem lib. Non audiamus, Hæc dico, hæc dicis: sed audiamus, Hæc dicit Dominus. Sunt libri Dominici quibus utrique nostrum consentimus, utrique credimus, utrique servimus, ibi quæramus Ecclesiam, ibi discutiamus causam nostram. Et infra: Nolo humanis documentis, sed divinis oraculis S. Ecclesiam demonstrari; Id quod in reliqua parte libri elegantissimè exsequitur. Primum quidem varias regni Dei figuras insinuans, sed tamen nolens iis quæ ab ingeniosis hominibus huc atque illuc converti possent suam disputationem committere, statim transit ad Scripturas veteris Testamenti, quæ majori evidentiæ prænuunt, futurum Christi regnum non uno aliquo angulo constituendum, sed toto terrarum orbe diffundendum, quàm prænuunt mundi Salvatorem aliquando venturum. Deinde transit ad Scripturas novi Testamenti, quibus ostendit id toto orbe terrarum post Christi resurrectionem impletum, quod variis figuris & manifestis Prophetiis de Ecclesia Christi toto terrarum orbe diffundenda fuerat ante prædictum. Longum esset ipsas utriusque Testamenti scripturas sacras prosequi, & quantum mihi appareret, superfluum, quia in jam dicto D. Augustini libello, De unitate ecclesiæ, tam convenienti ordine disponuntur, tantâ eruditione & perspicuitate discurrunt, ut per me aut alium quempiam similem aliquid velle adicere, potius sit eas obscurare quàm illustrare. Itaque, ut compendio utar, ego tuam eruditionem ad jam dictum libellum remitto, ex quo etiam non tantum perspicies judicium de Christi Ecclesia ex Scripturis Sacris esse petendum, sed etiam quod ex sola Scriptura peti debeat. Quanquam, sicut eruditissima prudentia



tua non dedignatur meæ tenuitatis obsequio velle uti, ut in Scripturis Sanctis verum de Christi Ecclesia iudicium cernat; sic etiam mirari non debet, si veri fideles, ut ex Scripturis Sanctis de eadem Ecclesia verum iudicium accipiant, eorum se studio, diligentia & testimonio iuvare conentur, qui præ cæteris verâ sapientiâ à Deo ditati fuisse creduntur: Ejusmodi fuit D. Augustinus, de quo scribit Prosper in carmine contra ingratos: quod

*Cum nulla sibi tribuit bona, fit Deus illi  
Omnia, & in sancto regnat sapientia templo.*

Fuerunt & alii multi toto orbe notissimi, quorum studio & auctoritate ad hanc rem juvari possumus. Ad eundem usum referenda existimo Conciliorum decreta, placita Romanorum Pontificum & pronuntiata Scholasticorum, quibus tamen Scholasticis (ut verum fatear) subinde plus tribuerem, si magis Scripturis incumbentes, ex Philosophorum gentilium tenebris non tam multa emblemata suis disputationibus intexerent.

Quæstio autem quâ quæritur: An Ecclesia verbo Dei, an potius verbum Dei Ecclesiæ auctoritatem & dignitatem tribuat, similis est ei quæstioni quâ quæritur: An Christus auctoritatem Joanni Baptistæ tribuerit, dicens: Inter natos mulierum non surrexit major Joanne Baptistâ: an verò Joannes Christo, cum ait: Ecce agnus Dei, ecce qui tollit peccata mundi: hic enim venit in testimonium, ut testimonium perhiberet de lumine, ut omnes crederent per illum. Et discipuli Joannis: Qui erat trans Jordanem, cui testimonium perhibuisti (inquiunt) hic baptizat. Nam in quantum per testimonium Joannis, qui fuit vitâ admirabilis, inducti sunt homines ut in Christum crederent: negare non possumus quin Joannes apud homines aliquam Christo auctoritatem & dignitatem tribuerit, licet Christus illo testimonio non indiguerit, sicut apud Joannem persequitur, cum ait: Vos misistis ad Joannem & testimonium perhibuit veritati, ego autem non ab homine testimonium accipio. Et infra: Ego habeo testimonium majus Joanne; opera enim quæ dedit mihi Pater ut perficiam ea, ipsa opera quæ ego facio, testimonium perhibent de me, quia Pater misit me. Sed quia Joannes lucerna tantum fuit lucē lucens alienâ, quæ vero lumine destituta, statim ad suas tenebras recidisset: idē longē convenientius dicitur, quod Christus qui est lux vera quæ tenebre scire non potest, & lumen & auctoritatem & dignitatem Joanni tribuerit, quàm contrâ. Simili modo etiam, quia testimonio Patrum & totius Ecclesiæ inducimur ut scripturas Canonicas pro sacris & divinis habeamus, rectissime dicitur quod Patres & Ecclesia Dei vivi, quæ est columna & firmamentum veritatis, non quidem lumen & veritatem, sed apud fideles & multos infideles qui ejus testimonio commoventur, auctoritatem & dignitatem tribuat. Sed quia Scriptura sacra quæ nec falli potest nec fallere, ipsam veritatem in se continet; Ecclesia verò non nisi veritate in sacris litteris descriptâ illuminatur, & sibi derelicta facile posset in suas tenebras relabi: idē convenientius dicitur, quod Scriptura sacra Ecclesiæ Christi auctoritatem & dignitatem tribuat, quàm contrâ.

De constitutionibus Ecclesiæ hoc solum dico, quod ubi regnum agnoscitur ibi non possunt negari constitutiones: cum omne regnum pro suo regimine habeat constitutiones. Porro Ecclesiam Christi regnum esse, agnoscit non tantum Daniel in Prophetia sua, dicens, quod suscitabit Deus cæli regnum quod in æternum non dissipabitur: sed etiam Joannes Baptista & Christus ipse, cum ajunt: Pœnitentiam agite, appropinquabit regnum cælorum. Facile possent hæc longè diffusius & copiosius ex Scripturis Sanctis disseri; sed putô id acumini ingenii tui minùs congruere, quod Deus in iis quæstionibus illustrare dignetur in quibus caligare aut saltem hærere videtur. Bene vale generosissime atque eruditissime domine.

*Levanii 22. Octobris 1577.*

MICH. DE BAIL;



E P I S T O L A  
 PHILIPPI MARNIXII  
 MICHAELI BAIO,  
 DE EJUS  
 R E S P O N S I O N E.

Ampliff. viro D. Michaeli Baio Academiæ Lovaniensis  
 Cancellario & Theologiæ professori, Philippus  
 Marnixius Sanctaldegondus S.

**L**ittera tua, eruditionisue ac benevolentiae atque humanitatis pleniores, Reverende D. Doctor, ita mihi fuere gratae ut quod omnium est gratissimum. Fuit enim jucundum à tali ac tanto viro & quem sciebam negotiorum ac laborum ingenti mole propemodum ob-  
 trui, eam tamen mihi praestari operam quae posset & ad Dei gloriam promovendam, & ad fidem corroborandam esse vehementer utilis. Sed multò etiam fuit jucundius in gratissima quaestione, quam ego hactenus omnium nostrarum controversiarum tantum non cardinem ac fundamentum præcipuum esse semper sum arbitratus, prope ad amissum nos consentire. Itaque ago, mi Domine, gratias tibi pro hoc beneficio, meumque studium atque operam si qua in re commodare aut prodesse potero, tibi tuisque polliceor; & humanitate istà tuâ fretus, pergo in prioribus quaestionibus reliquos si qui restant scrupulos enodare, & simul responsionem ad posteriores deponere. Quantum itaque ex tua seu potius Augustini responsione possum conicere, omnino ita sentis, unicum Ecclesiasticarum traditionum aptumque, unicum lapidem Lydium atque judicem esse verba Domini nostri Jesu Christi tradita sacra scriptura disertis paginis, nec audiendum esse: Hoc dicit Augustinus, hoc dicunt Donatistae, sed Hæc dicit Dominus, & in libris Dominici quibus utri-  
 que credimus utrique assentimur quarendam esse Ecclesiam, causamque omnem no-  
 stram & controversiam discutiendam. Denique judicium de Christi Ecclesia ejusque doctrina & sacramentis, (hoc enim ex priori necessariò efficitur) ex sola Scriptura peti debere. In hoc certè ego tibi per omnia planissimè assentior, ac verè etiam ita statuo, si hoc ipsum impetremus, facile reliquas omnes controversias ac nullo negotio iri compositum. Ut enim post Paulum ait Athanasius, sufficiunt sancta ac divinitus inspirata Scripturae ad omnem instructionem veritatis. Quamobrem etsi libens confiteor quod ais, veros fideles, ut ex Scripturis sacris de Christi Ecclesia verum judi-  
 cium

ctum accipiant, eorum se studio, diligentia & testimonio iuvare qui præ cæteris verâ sapientiâ à Deo ditati fuisse creduntur, inter quos ego vel imprimis Augustinum non gravatè reposuimus; tamen illud cum Chrysostomo liceat contendere, multos quidem Spiritum Sanctum iactare, sed qui propria loquuntur falsò illum prætere; ut enim Christus non à seipso loqui se testatur, quia ex lege loquebatur & prophetis: ita si quid præter Evangelium sub titulo Spiritus obtruditur, ne credamus, quia si cui Christus legis & Prophetarum impletio est, ita Spiritus Evangelii. Deinde & hoc addo, quòd Augustinus ejusque similes verâ à Deo sapientiâ præ cæteris ditati fuisse creduntur, id non aliunde fuisse adeptos, nisi quòd Scripturâ, quæ solâ hanc sapientiam uberrimo latice profundunt & solâ hominem reddunt ad salutem eruditum per fidem in Christo Jesu, consentanea & senserint & scripserint. Quòd enim quisque propius ab hoc fonte suos irrigat doctrinarum tubos, eò puriori certè limphâ lectorem quisque reficit: quòd verò remotius, eò inquinatior, ita ut qui se longissimo intervallo ab eodem continent, ii jam non inter pios & sinceros Ecclesiæ doctores, sed inter hæreticos & Scripturarum depravatores connumerentur, cujus cum eadem penitus sit in Conciliis, Pontificum decretis & Scholasticorum placitis statuenda ratio, non est quòd verear cum Augustino pronuntiare: „Nec ego Nicenam synodum tibi, „nec tu mihi Ariminensem debes tanquam præjudicaturus objicere, nec ego hujus au- „thoritatis, nec tu illius detineris, Scripturarum autoritatibus, non quoruncun- „que propriis, sed quæ utrique sunt communes, res cum re, causa cum causa, ratio cum ratione cæset &c. In summa hoc inter nos conveniat, doctrinæ Apostolicæ & Propheticæ, cui soli innixa est Ecclesiæ, judicium omne ad Scripturam sacram esse revocandum, omniaque omnium vel Patrum dogmata, vel Conciliorum decreta, vel Pontificum placita, vel Scholasticorum axiomata non aliter esse recipienda, nisi quatenus huic Scripturæ sunt consentanea.

Quod ad alteram quæestionem attinet: An Ecclesiæ verbo Dei, an potius verbum Dei Ecclesiæ auctoritatem tribuat: ita mihi per omnia satisfecisti, ut non potuerim istum tuum candorem non vehementer exosculari. Næ tu etenim perquam eruditè ac pie responsum tuam comparatione Johannis Baptistæ cum Christi doctrina confirmasti, ita ut in hoc capite nulla restet inter nos controversia.

Postremum tantum Epistolæ tuæ caput, de constitutionibus Ecclesiæ, vellem paulò dilucidius explicasses. At enim, ubi regnum agnoscitur, non posse negari constitutiones: quod certè libenter damus, sed simul addimus, ab ipso rege in quovis eodem regno constitutiones debere proficisci; sed maximè certè in Ecclesiâ, in qua Christus ita regem agit, ut simul sit & corporis caput, & sponsa maritus, & ovium pastor, ita ut unus ejus vocem audians oves, imperium accipiat sponsa, spiritus vegetentur ac moveantur membra, constitutionibus denique obtemperet populus: Ipse enim unus est de quo dictum est: Hunc audite; ac proinde semper atque indefessè scilicetorum continuatione resonavit ac resonat in auribus Ecclesiæ ista regis unus vox ac mandatum: „Quod præcipio tibi, hoc observabis ut facias, non addes quicquam nec detrahes. „Et illa: Non addes ad verbum Domini, nec minuas ex eo, ne te fortè arguat, in- „veniarisquæ mendax. Item: Audiendo audite vocem meam, & ero vobis Deus, „& eritis mihi populus, & ambulabitis in omni via quam mandavi vobis. Item: „Numquid vult Dominus holocausta & victimas, & non potius ut obediat voci „sua? melior est enim obedientia quàm victimæ, & auscultare magis quàm offerre

„adipem arietum; quoniam quasi peccatum ariolandi non auscultare, & quasi idolo-  
 „latriæ iniquitas non acquiescere. Es item: In constitutionibus patrum vestrorum ne  
 „ambuletis, & judicia eorum seu decreta ne observetis, & in pollutionibus eorum  
 „ne conspurceminis: ego enim sum Jehova Deus vester; in constitutionibus meis am-  
 „bulato, & decreta mea seu judicia observate, & facite ea: aliaque sexcenta, qui-  
 „bus inducti patres infinitis locis affirmarunt, quicquid non esset manifeste Dei verbo  
 fundatum habendum esse pro sacrilegio; nec enim in ullo ferendum est regno, rego vivo  
 ac regnante ac iussa sua ex sacrarum tabularum præscripto dictante, à quoquam alio  
 legem constitutionemque sanciri. In quo fide habeo, quod certe tua mentis ac judi-  
 cii perspicuitate & simul eruditionis ubertate fretus fore confido, ad stipulatorem,  
 nihil plane restat amplius in priori de Ecclesia questione quod habeas scrupulum: ac  
 proinde rogo ut ad posteriores de sacramento interrogationes tuam primo quoque tem-  
 pore audiam sententiam. Vale.

Datum Bruxellæ quinta Novembris 1577.

Reverentia tua studiosissimus Philippus de Marnix.





## MICHAELIS BAII

Responsio ad posteriores

## PHILIPPI MARNIXII

QUÆSTIONES DE

## SACRAMENTO ALTARIS.

*Generoso, nobili, eruditissimoque viro, Domino  
Philippo Marnixio Sanctaldegondo.*



Cum nondum acceptis tuis litteris, ex quibus cognoscerem quo modo priores responsiones accepisses, inciperem de tractandis reliquis quæstionibus cogitare, eruditiss. D. Sanct-Aldegonde (metuebam enim ne actionibus publicis plus satis occupato non vacasset tam citò responsiones meas legere & dijudicare) decimanonâ hujus oportunè supervenerunt mihi binæ tuæ litteræ, quæ multis de causis, quas longum esset prosequi, mihi jucundissimæ fuerunt: nam licèt videam non deesse in quibus adhuc conferre debeamus, & Deo juvante conferemus, attamen confidens in eo qui habitare facit unanimes in domo, & sollicitos reddit servare unitatem spiritus in vinculo pacis, spero nos de omnibus collaturos absque omni amaritudine & animi contentione; Servum enim Domini non oportet litigare, sed mansuetum esse ad omnes, docibilem, patientem, cum modestia corripientem eos qui resistunt veritati; & Modestia vestra nota sit omnibus hominibus, inquit Apostolus. Imprimis autem me exhilaravit, quòd senserim tibi ostensum à Domino, quæstionem de Ecclesia versari circa unum ex præcipuis cardinibus seu fundamentis nostræ religionis. Nam in duorum hominum causa propriè fides Christiana consistit: unius, in quo lapsi, cœci & mali facti sumus: alterius, in quo reparamur. Porro in eo in quo reparamur, non tantùm agnoscendum est caput, de quo scriptum est: „Omnis quicumque invocaverit nomen ejus salvus erit; & „Non est in aliquo alio salus; nec enim est aliud nomen datum hominibus in quo oporteat nos salvos fieri; sed etiam corpus extra quod salus esse non potest, dicente Christo: Nemo ascendit in cælum nisi qui descendit de cælo, filius hominis qui est in cælo: caput videlicet cum corpore: nam si solum caput ascenderet in cælum, omnes nos in terra remaneremus. Porro sicut caput quod nascendo positum est in ruinam & in signum qui contradicetur, non tantùm à filiis suis semper agnitum fuit & creditum, sed etiam suo tempore in terris

terris visum, & à reliquis omnibus certâ fide discretum, dicendo ei: Tu es „Christus filius Dei vivi, qui in hunc mundum venisti; sic etiam corpus Christi, seu manifestum ejus regnum à Patriarchis & Prophetis semper creditum fuit, & ab iis qui post Christi ascensionem, missio Spiritu Sancto, Christi Evangelium toto orbe terrarum disseminaverunt aut disseminari viderunt, usque in hunc diem semper visum fuit, & ab omnibus schismatis certâ fide discretum, dicendo: Hæc est domus Domini firmiter ædificata super firmam petram. De qua re ne longum faciam sermonem, oro ut digneris legere sermonem quartum & septuagesimum primum in fine D. Augustini, inter sermones Lovanii impressos, quorum exemplar tibi transmittito, ne forte non sit apud vos in promptu.

Nunc superest ut responsiones brevissimas, ingenio & occupationibus tuis ac meis accommodas, quantum Dominus largiri dignabitur, reliquis quaestionibus adhibere conemur, quarum primæ sic habent:

1. *An hæc Christi verba, Hoc est corpus meum, contineant propositionem identicam atque idem significantem, quod: corpus meum est corpus meum? An verò attributum corporis, attribuitur subjecto significato per pronomen, hoc, tanquam diverso à suo attributo?*

2. *Et si attribuitur tanquam diverso, an attribuitur substantivè, ita ut hæc verba (hoc est corpus meum) idem significant atque, hoc est substantialiter, ut ita dicam, corpus meum? An potius attribuitur sacramentaliter, ita ut ea verba nihil aliud significant nisi, hoc est sacramentaliter corpus meum, seu, Corpus meum dicitur de hoc quod vobis do, planè ut sacramenta dicuntur de rebus quas significant & suâ institutione demonstrant, quemadmodum Augustinus in libello De doctrina Christiana docet, Sacramentum fidei fidem esse, & sacramentum corporis corpus, & sacramentum fœderis fœdus, & sacramentum verbi Dei ipsissimum verbum Dei; non quidem substantiâ, sed usu, institutione, representatione, ac significantissimâ exhibitione ante oculos fidei?*

3. *Quo argumento doceatur, vocem EST in hac circumstantia significare substantialitatem? liceat enim ita loqui. An hoc ipso argumento tanquam primum non possit formari certa atque indubitata ratio: ratio per propositionem generalem, quo argumenti vis possit & rectius intelligi & certius judicari? Exempli gratiâ.*

*Ubiunque vocula EST conjungit prædicatum cum subjecto in hac vel ejusmodi circumstantia, toties accipitur substantivè:*

*In hac propositione vocula EST conjungit prædicatum corporis cum subjecto pronominis demonstrativè, Hoc &c.*

## RESPONSIO.

Propositionem identicam vocamus, non quando attributum & subjectum pro eadem re particulari accipiuntur, pro qua verificatur assertio: nam alioquin enunciatio generis de specie, speciei de individuo, & accidentis de subjecto, essent propositiones identicæ: ut, lapis est substantia, Petrus est homo,

mo, & Cicero est Orator: sed vocamus propositionem identicam, quando res eadem sub eodem nomine aut saltem sub synonymo de seipsa enunciatur: ut, corpus meum est corpus, gladius est ens. Quamobrem dicendum non est quod hæc Christi assertio, *hoc est corpus meum*, sit identica propositio, etiam si vera esse nequeat nisi attributum & subiectum pro aliqua eadem re particulari accipiantur pro qua sit verificatio: sed dicendum est quod sit enunciatio communis attributi de singulari subiecto. Nam licet Christus unicum corpus habuerit, attamen etiam viginti corpora habuisset, de quolibet dicere potuisset, *hoc est corpus meum*. Ex quo intelligimus vocem, *meum corpus*, sicut meus digitus, communem esse non singularem. Porro enunciationes simplices, in quibus alterum de altero mediante verbo substantivo est enunciatur, sunt in duplici genere: aliz enim proferuntur intentione asserendi id quod est, quando ejusmodi propositio incipit enunciari, ut lapis est corpus, Petrus sedet: Aliz verò proferuntur non intentione asserendi id quod est, quando enunciatio incipit proferri: sed intentione faciendi id quod ejusmodi enunciatio significatur, & quod tunc primum erit, quando ipsa enunciatio prolata fuerit: Ut si quis demonstrato agro proprio cuiuspiam, alteri diceret, hic est ager tuus, non intentione asserendi quod non est, sed intentione faciendi ut id sit quod dicit, hoc est, ut ager qui ei proprius est, alterius efficiatur; ejusmodi enim sermonibus apud Jurisconsultos aliquando intelligitur fieri dominiorum & possessionum translatio. Talis sermo videtur esse apud Lucam, cum ait Christus: „Homo, remittuntur tibi peccata tua; & rursus: Remittuntur ei peccata „multa, quoniam dilexit multum; & apud Johannem: Filius tuus vivit. Non enim (sicut intellexerunt illi quibus loquebatur) volebat Christus asserere quod esset, sed id facere quod dicebat. Cæterum quia nos nostris sermonibus substantias mutare non possumus, ided exempla enuntiationum posterioris generis, quibus substantia in substantiam transmutatur, non in nostris, sed in Christi sermonibus sunt petenda. Verbi gratia: Si Christus in nuptiis volens ex aqua sex hydriis contenta vinum facere, his verbis usus fuisset, *hoc est vinum*: similiter si voluisset diabolo acquiescere petenti ut diceret lapidi huic ut panis fiat, atque id his verbis effecisset, *hic est panis*, non intendisset his duabus enunciationibus, videlicet, *hoc est vinum*, & *hic est panis*, asserere, quod aqua hydriis contenta, & hic lapis, (quæ tunc exstabant cum has enunciations proferre cepisset) fuissent vinum & panis, quia id manifestè falsum fuisset, sed tantum intendisset facere ut id esset quod dicebat, & hoc dicendo significare ea quæ ex aqua hydriis contenta, & ex hoc lapide demonstrato fecisset, esse vinum & panem: quasi dicat, hoc quod ex aqua hydriis contenta facio, vinum est: & hoc quod ex hoc lapide facio, panis est. Simili modo quando ait Christus, *hoc est corpus meum*; &, *hic est sanguis meus*, non intendit asserere quod panis & vinum quæ tunc præsentia habebat cum hæc incipiebat dicere essent corpus & sanguis ejus, quia id falsum est: sed ne falsum diceret, omnino credendus est intendisse ex pane & vino corpus & sanguinem suum efficere, & illis duabus enunciationibus, *hoc est corpus meum*, &, *hoc est sanguis meus*, significare, quod ea quæ suis verbis ex pane & vino faciebat essent corpus & sanguis ipsius. Ex quibus facillè intelligitur, quod in

dictis duabus enunciationibus, *hoc est corpus meum*, & *hic est sanguis meus*, nomina *hoc* & *hic* non referuntur ad panem & vinum, quæ ante prolationem harum duarum enunciationum præfuerunt, (sicut intelligerentur referri si tantum intentione afferendi proferrentur, quod Christus facere non potuit, quia non potuit falsum dicere,) sed referuntur ad hoc corpus & ad hunc sanguinem, quæ jam dictis verbis Christo hoc intendente efficiuntur, quasi dicat: hoc quod ex hoc pane facere intendo & facio, est corpus meum; & hoc quod ex hoc vino facio, est sanguis. His diligenter consideratis, facile est propositis quæstionibus respondere, quod hæc verba, *hoc est corpus meum*, non continent propositionem identicam, atque idem significantem quod, corpus meum est corpus meum: sed id significantem quod diximus: quoddam attributum corpus tribuatur subjecto significato per pronomen *hoc* non tanquam diverso à suo attributo, sed tanquam rem eandem singularem significanti, nempe, hoc Christi corpus ex pane confectum virtute verborum Christi. Unde nec dicere oportet quoddam hujus enuntiationis, *hoc est corpus meum*, sensus sit, quoddam hic panis substantialiter vel sacramentaliter sive significantè sit corpus meum: sed sensus est, quoddam id quod ex pane facere intendo & facio, est corpus meum, ut diximus. Cæterum quia negari non potest, quin Christus ex aqua vinum, ex lapide panem, ex pane & vino corpus suum & sanguinem efficere potuerit, idque his verbis, *hoc est vinum*, *hic est panis*, *hoc est corpus meum*, *hic est sanguis meus*. Si enim potuit Petrus umbrâ suâ pertranscundo quosvis ægros ab infirmitatibus liberare, quanto magis potuit Christus verbis suis ex re qualibet quamlibet aliam rem aliam efficere? Ponatur ergo disputandi gratiâ quoddam Christum hæc universâ jam dictis enuntiationibus effecerit, oro ut tua eruditio dignetur propositis à se quæstionibus respondere, nempe an hæc propositio sit identica, *hoc est corpus meum*? An attributum corpus tribuatur subjecto significato per pronomen *hoc* tanquam diverso? An hujus enuntiationis, *hoc est corpus meum*, sensus sit, hic panis est substantialiter vel sacramentaliter corpus meum? & si ubi de re convenimus, adhuc easdem penè difficultates invenieris quas nunc proponis, facile intelliges quæstionum multarum nebulas non tam ad rei veritatem quam ad dicendi rationem pertinere.

Miror autem prudentiam tuam quærere, quo argumento doceatur, vocem *est* in hac sermonis circumstantia, *hoc est corpus meum*, significare substantialitatem, cum illa sit propria & consueta ejus significatio tam Græcè quam Latine, in qua ab initio nascentis Ecclesiæ semper ab omnibus nostris majoribus accepta est. Neque enim rogare solemus, cur aliquis per publicam & confuam viam ambulet, sed si ab illa digressus insolita & improbata diverticula sectetur, tunc merito rogatur, cur derelictâ regiâ viâ ad insolitam sese convertat: & idem potius rogandum esset, quo argumento moveantur, qui vocem *est* in hac circumstantia, præter consuetam significationem & præter omnium catholicorum intelligentiam, ad significationem referunt, quam quo argumento doceatur substantialitatem significare. Scio quosdam proferre Scripturam 1 ad Cor. 10. Petra autem erat Christus; in qua vocem *est* existimant pro significat positam, ut persuadeant ipsam etiam in hac circumstantia pro significat accipiendam. Sed an ex hac scriptura satis solidum proferri possit argu-

mentum quod id probetur, forsitan non immerito dubitaverit quispiam: quia Apostolus non videtur loqui de petra Oreb suo loco manente, ex qua Moyses semel aquam protulit, quæ petra non poterat esse Christus nisi significativè: sed loquitur de petra semper populum consequente, & potum corporalem ac spiritalē semper suppeditante, quæ petra non significativè, sed substantialiter erat Christus, sicut D. Chrysostomus interpretatur. Sed detur vocem *est* uno atque altero loco propter sermonis circumstantiam significativè seu sacramentaliter intelligi, an idē quando sine tali circumstantia simpliciter ponitur, proferendum erit certum argumentum quo doceatur substantialitatem significare, & in sua significatione propria debere accipi? Scio etiam D. Augustinum episcopo, *scilicet* 23. dicere, quod sacramenta habeant quandam similitudinem earum rerum quarum sunt sacramenta, atque ex hac similitudine plerumque etiam ipsarum rerum nomina accipere; sed jungens exemplum, quod secundum quemdam modum sacramentum corporis Christi est corpus Christi, fatiā aperte significat hunc loquendi modum, sacramentum corporis Christi est corpus Christi, non esse proprium & consuetum, sed insolitum & ex sermonis circumstantia intelligendum, quæ ubi defuerit, sicut in verbis Christi, quibus ait, *hoc est corpus meum, hic est sanguis meus*, non sine studio proprii sensus videtur talis intelligentia queri. Queris etiam:

4. *An explicatio horum verborum, hoc est corpus meum, debeat aut possit aliunde sumi, quā in ipsis Christi aut Evangelistarum verbis?*

5. *An illa propositio de calice: Hoc poculum est novum testamentum seu fœdus (quod dicitur enim utrumque hic significat, ut Hebræis Oth-Berith) in meo sanguine: & illa, Hic est sanguis novi testamenti, non idem significant, & sese mutuo significanter explicent? Ac proinde, an non ponitur sit eadem ratio in pane; ut hæc propositiones, Hic panis est novum testamentum seu fœdus in meo corpore, & Hoc est corpus meum. & item, Hic panis quem frangimus est novum corpus Christi, & Hic panis quem frangimus est corpus Christi, idem significant, & sese mutuo significanter explicent.*

## RESPONSIO.

Augustinus de doctrina Christiana lib. 2. c. 9. docet, illa quæ in libris Canonicis aperte posita sunt solertius diligentiusque investiganda, ut ad obscuriores locutiones illustrandas de manifestioribus sumantur exempla, & quædam certarum sententiarum testimonia dubitationem de incertis auferant. Ex quo intelligimus non omnia Scripturæ sacræ testimonia ex aliis esse intelligenda. Nam quædam aperte posita sunt, quæ ex propriis verbis & locutionibus intelliguntur; sed ea duntaxat quæ obscuritatem habent, quæ possit ex aliis manifestioribus locutionibus aut testimoniis illustrari. Nunc verò considerandum est utrum hæc duo testimonia, *hoc est corpus meum, & hic est sanguis meus novi testamenti* obscuritatem habeant: & si obscuritatem habere putentur, an hæc obscuritas per hanc sententiam tanquam manifestiorem, *hic calix novum testamentum est in meo sanguine*, possit illustrari. Nam priora illa duo testimonia for-



sitan multis videbuntur hoc posteriori longè magis esse perspicua, præsertim quia hæc sententia, *hic est sanguis meus novi testamenti*, planè respondet illi, quam ex Exodo citat Apostolus ad Hebræos capite 10. *Hic est sanguis testamenti, quod mandavit ad vos Deus*. Igitur hoc testimonium, *hic calix novi est testamenti in meo sanguine*, non est idoneum ad illustrandum duo illa priora, sed potius contrà: aut si utraque ambiguitatem aut difficultatem habere prætenduntur, cur ad alias sententias obscuriores recurremus in quibus videtur posse error abscondi, & non potiùs ad eorum studium ac testimonium qui præsentis temporis contentiones præceperunt, & ad intelligendas Scripturas sacras præceteris fuerunt à Deo illuminati; cujusmodi fuit D. Ambrosius, qui de iis qui initiantur & de Sacramentis quæstiones istas clarissimè dissolvit. Nam negare non possumus, Deum quorundam oculos excecasse; ne fortè videant oculis, & auribus audiant, & corde intelligant, ut ad Dominum convertantur, & sanentur ab eo, in quibus Deus hujus sæculi, inquit Apostolus, excæcavit mentes infidelium, ut non fulgeat eis illuminatio Evangelii gloriæ Christi, etiam si apertissimè prædicetur. Restat igitur, ut in his obscuritatibus quæ non videntur obscuritates fuisse Veteribus, ad illos recurramus quibus Deus putatur dedisse aures ad audiendum & oculos ad videndum, ne fortè nos hîc non satis acutè cernamus. Verba Ambrosii de iis qui initiantur mysteriis, cap. ultimo, sic habent: Potiore est lux quàm umbra, veritas quàm figura, corpus authoris quàm manna de cælo. Fortè dicis: Aliud video, quo modo tu mihi asferis, quod Christi corpus accipiam? & hoc nobis adhuc superest, ut probemus. Quantis igitur utimur exemplis, probemus non hoc esse quod natura formavit, sed quod benedictio conservavit; majoremque vim esse benedictionis quàm naturæ, quia benedictione etiam natura ipsa mutatur. Et lib. 4. de Sacramentis cap. 4. Author Sacramentorum quis est, inquit, nisi Dominus Jesus? tu fortè dicis, meus panis est usitatus, sed panis iste, inquit, panis est ante verba Sacramentorum: ubi accessit consecratio, de pane fit corpus Christi; hoc igitur asstruamus. Quomodo potest qui panis est, corpus esse Christi? consecratione, inquit. Consecratio igitur quibus verbis est, & cujus sermonibus? Domini Jesu; nam reliqua omnia quæ dicuntur, laus Deo defertur. Ubi venit ut conficiatur venerabile Sacramentum, jam non suis sermonibus sacerdos, sed utitur sermonibus Christi, Ergo sermo Christi hoc conficit Sacramentum. Quis sermo Christi? nempe is quo facta sunt omnia; jussit Dominus, & factum est cælum; & cap. 5. Antequam consecraretur, panis est: ubi autem verba Christi accesserunt, corpus est. Denique audi dicentem: Accipite & edite ex eo omnes, hoc est corpus meum; & ante verba Christi calix est vini & aquæ plenus; ubi verba Christi operata fuerint, ibi sanguis efficitur qui plebem redemit. Ergo videte quantis generibus sermo Christi potens est universa convertere. Hactenus Ambrosius, qui adjectis adhuc aliis multis sententiam suam tam facie manifestam ut non possit de illa dubitari, sicut nec de sententia reliquorum Veterum qui has quæstiones tractaverunt; quibus si cum Evangelio cum totius Ecclesiæ testimonio non creditur, sed verba Scripturæ manifesta ad inusitatum tropum detorquentur, non erit mirum si etiam verbis meis non credatur, cum nemo credat nisi vo-

lens, nec quisquam credere velit nisi cui dedit Deus ut velit. Porro quod vox Græca *διὰ τούτου*, quam interpretes noster vertit testamentum, sicut & Hebræa, subinde vertatur fœdus, nihil huic disputationi præjudicat: quia licet per se posita fœdus significet, attamen morti vel sanguini juncta propriè testamentum significat, sicut ostendit Apostolus ad Galatas 3. & ad Hebræos cap. 9. Similiter quod ait Apostolus 1. ad Corinth. 10. Panis quem frangimus nonne participatio corporis Domini est? licet sit verum quod is panis, qui factâ benedictione frangitur & à fidelibus participatur, sit corpus Christi, in quod per consecrationem mutatus est panis, qui à sacerdote ad benedicendum accipitur, non tamen vult ibi Apostolus dicere quid sit panis qui frangitur, sed quid participatione hujus panis significetur & efficiatur, nempe ut multi unum corpus simus, omnes qui de uno pane & de uno calice participamus, sicut seipsum explicat Apostolus, & Apostolum D. Cyprianus in epist. ad Magnum, ejus verba etiam refert Augustinus lib. 7. contra Donatistas cap. 50. Ex his facile est respondere sequentibus aliquot quæstionibus, nempe

6. *An prænomen hoc aliud significet quàm id ipsum quod uno ore omnes Evangelistæ testantur, Christum accepisse, fregisse, dedisse discipulis, ac jussisse ut acciperent & comederent?*

7. *An Paulus 1 Cor. 10. quum hunc panem nominat, & panem quem frangimus disertè explicat, aliud sacramenti subjectum statuatur atque Christus, vel ipse Paulus (1 Cor. 11.) prænomen hoc velis significari, quod omnes Evangelistæ testantur fuisse panem quem Christus fregit & dedit, & de quo denique loquutus est?*

8. *An in propositione de calice non eadem sit subjecti ratio atque in ea quæ est de pane, ac proinde quum subjectum in propositione & oratione de calice non solum demonstratur prænomen hoc, sed planè & disertè nominetur τὸ τοῦ ποτηρίου, vel fructus ac genimen vitis, an non eadem sit ratio in prænomen hoc quod usurpatur in propositione de pane: ita ut hoc idem significet, quod, hic panis, vel hic fructus tritici de multis granis coadunatus.*

His, inquam, quæstionibus facile est ex dictis respondere: nam cœnantibus Apostolis, inquit Matthæus, accepit Jesus panem usitatum videlicet, quia tunc ibi panis alius non erat, & eundem panem benedixit; sed quod fregit deditque suis discipulis, dicens: Accipite & manducate; non fuit panis usitatus, sed benedictione in corpus ejus mutatus, sicut ipsemet est testatus, dicens: Accipite & manducate, hoc est corpus meum: non enim ait, accipite panem & comedite panem, sicut de ipso prius ait Evangelista: Accipit Jesus panem; sed ait: Accipite & comedite, hoc est corpus meum. Jussit ergo ut acciperent & comederent, non panem usitatum de quo prius locutus est Evangelista, dicens: Accipit Jesus panem; sed panem benedictum, de quo dicit: Hoc est corpus meum; jam videlicet ex pane benedicendo confectum. Similem loquendi modum secutus est Apostolus 1 Corinth. 11. cum ait: Dominus Jesus in qua nocte tradebatur, accepit panem, & gratias agens: sub quo intelligitur, benedixit, sicut expresserunt Matthæus & Marcus, fregit & dixit, accipite & manducate, hoc est corpus meum quod pro vobis trade-

tur: quæ verba simili modo accipienda sunt, quomodo supra ostendimus verba Matthæi accipi debere. Dico igitur ad primam quæstionem jam propositam, quod pronomen *hoc* in Christi verbis aliud quidem significet quàm quod uno ore omnes Evangelistæ & Apostolus 1 Corinth. 11. testantur Christum accepisse, sed non aliud significet quàm iidem testantur Christum discipulis dedisse, & iussisse ut acciperent & comederent: significat enim corpus Christi ex pane confectum benedicendo, sed non significat panem usitatum, quem omnes Evangelistæ testantur Christum accepisse. Ex quo intelligimus verba hæc, *accipite & comedite*, non debere constitui cum nomine, *panem*, quod præcessit, cum ait Evangelista, Accipit Jesus panem, sed cum eo quod sequitur, *hoc est corpus meum*, vel cum eo quod intelligitur, ut sit sensus: accipite corpus meum, vel, quod in idem redit, accipite panem benedictum & consecratum.

Porro ad id quod secundâ quæstione proponitur: An Paulus 1 Corinth. 10. cum nominat panem quem frangimus, aliud Sacramenti subiectum statuat quàm Christus vel ipse Paulus 1 Corinth. 11? Respondeo quod Paulus cap. supradicto idem sacramenti subiectum statuat cum eo quod statuit Christus apud Matthæum, cum ait: Accipite & comedite, hoc est corpus meum. Nam subiectum sacramenti statuit verum Christi corpus, quod translato nomine panem appellat, quia ex pane confectum, & speciebus panis velatum: quam nominis translationem manifestè significat ipsa sermonis circumstantia, cum dicitur (panis, quem frangimus: &c, omnes qui de uno pane participamus) nam omnibus fidelibus notissimum est in altari neque frangi neque participari panem nisi benedictum, & in corpus Christi benedictione conversum: Sed sacramenti subiectum non statuit panem usitatum quem Evangelista dicit Christum accepisse.

Ad tertiam quæstionem respondeo, id quod apud Evangelistas & apud Apostolum 1 Corinth. 11. de calice dicitur, eodem modo accipiendum sicut id quod de pane dicitur, nempe quod ubi narratur accepisse calicem, ibi intelligendus sit accepisse calicem vini & aque plenum, sicut ait Ambrosius: ubi verò verba Christi operata sunt, hoc est, ubi post benedictionem ait: bibite ex hoc omnes, ibi non est intelligendus portexisse vinum & aquam, sed suum sanguinem, qui plebem redemit, & de quo dicit, hic est sanguis meus novi testamenti. Quod verò apud tres Evangelistas dicitur de genimine vitis, videtur potius referendum ad poculum Paschæ veteris, quàm novi, sicut Lucas non obscure significat.

#### Quæritur deinceps.

9. Si subiectum positum in hac propositione, Hoc est corpus meum, mutatur vel mutatum fuit à subiecto panis quod Evangelista testantur Christum accepisse, fregisse, & dedisse, &c. quando mutatum fuit, quâ vi, quo Domini mandato, quo divini verbi argumento?

Respondeo, subiectum positum in hac propositione, *hoc est corpus meum*, non mutari,

mutari, quia subjectum istud corpus Christi est, à quo in Sacramento nulla fit mutatio; sed panem quem accepit Jesus dicimus mutatum esse in corpus ejus, quando benedicens & consecrando panem, ait *hoc est corpus meum*, mutatum, inquam, virtute verborum ejus. Nam, ut ait Ambrosius de iis qui initiantur, cap. 9. Si tantum valuit humana benedictio, Elizei videlicet facientis ferrum natare, ut naturam converteret, quid dicemus de ipsa consecratione divina, ubi verba ipsa Salvatoris Domini operantur? nam Sacramentum istud quod accipis, Christi sermone conficitur. Quod si tantum valuit sermo Heliae ut ignem de caelo deponeret, non valebit sermo Christi ut species mutet elementorum? De totius mundi operibus legisti: Ipse dixit, & facta sunt: ipse mandavit, & creata sunt. Sermo ergo Christi, qui potuit ex nihilo facere quod non erat, non potest ea quæ sunt in id mutare quod non erant? non enim minus est novas rebus dare quàm mutare naturas. Et lib. 4. de Sacramentis cap. 4. Sermo Christi, inquit, hoc conficit Sacramentum; quæ autem sint verba Christi quibus hoc sacramentum conficitur, exponit cap. 5. dicens: Omnia illa verba Evangelistæ sunt usque, *accipite*, sive corpus, sive sanguinem; inde verba sunt Christi. Audi dicentem, *hoc est corpus meum*; & ante verba Christi, calix est *vini & aquæ* plenus, ubi verba Christi cooperata fuerint, ibi sanguis efficitur qui plebem redemit. Ecce habes quoddam verbum, *accipite*, non construatur cum nomine, *panem*, sed cum nomine, *corpus & sanguinem*, sicut supra diximus. Habes secundo, non quando subjectum positum in hac propositione, *hoc est corpus meum*, mutatum sit, sed quando mutatus sit panis, quem coenantibus Apostolis accepit Jesus, nempe quando dixit, *hoc est corpus meum*: Habes quæ vi, & quo Domini mandato mutatus sit panis, nempe virtute verborum Christi, quibus dixit & facta sunt, ipse mandavit & creata sunt. Habes & quo divini verbi argumento, nempe argumento verborum Christi, quibus apertissimè dixit, *hoc est corpus meum*: nam quia mentiri non potuit, oportet ut ex pane quem accepit id fecerit quod dixit, videlicet, *hoc est corpus meum*, ne convincatur falsum fuisse quod dixit.

Quæris etiam:

10. *Quæ sit analogia unionis corporis Christi cum Ecclesia declarata 1 Cor. 10. si nulla est vel panis vel vini reliqua substantia?*

#### R E S P O N S I O.

Hanc analogiam explicat Augustinus libro 7. contra Donatistas cap. 50. verbis D. Cypriani, quæ sic habent: Quando Dominus corpus suum panem vocat de multorum granorum adunatione congestum, & quando sanguinem suum vinum appellat de botris atque acinis multis expressum atque in unum coactum, gregem item nostrum significat conjunctione adunatæ multitudinis adunatum: nam quemadmodum panis ex quo corpus Christi conficitur, quod interdum etiam panis vocatur, ut panis quem frangimus; quemadmodum, inquam, panis ex granis in unum adunatis conficitur, & quemadmodum vi-  
num

num ex multis acinis in unum confluentibus coalescit > sic etiam mysticum Christi corpus, quod per hoc Sacramentum significatur & coit, ex dispersis Desiliis colligitur; qui per fidem & dilectionem in unum corpus adunantur. Nec huic analogiæ obstat quod in consecratione Sacramenti nulla est panis aut vini reliqua substantia; quia nec remanet ipsa granorum aut acinorum forma, ex quatenus sumitur potissima hujus analogiæ portio, quia analogia sumitur non ex substantia quæ in ipso sacramento permanet, sed ex ea quæ in pane & vino præcessit, ex quibus sacramentum ipsum conficitur.

Ultima quæstio sic habet.

11. *Quomodo Veteres docuerunt eandem aut similem esse transformationem panis & vini in corpus & sanguinem Christi, qualis erat aqua admixta vino in populum Christi, ejus corpori per fidem conglutinatam?*

### R E S P O N S I O.

Hanc quæstionem moveri puto occasione verborum beati Cypriani in epistola 63. quæ est ad Cæcilium, ubi sic habet: Quando in calice vino aqua miscetur, Christo populus adunatur & credentium plebs ei in quem credidit copulatur & conjungitur; & infra: Sic autem in sanctificando calice Domini offerri aqua sola non potest, quomodo nec vinum solum potest: nam si vinum tantum quis offerat, sanguis Christi incipit esse sine nobis: si verò aqua sit sola, plebs incipit esse sine Christo: quando autem utrumque miscetur & adunatione confusa sibi invicem copulatur, tunc sacramentum spiritale & cœleste perficitur. Quibus verbis non continetur ea comparatio quæ in quæstione exprimitur, nempe quod talis sit transformatio panis & vini in corpus & sanguinem Christi, qualis est aquæ vino permixtæ in populum Christi: sed tantum exponitur quid sacrificium ex vini & aquæ commixtione confectum significet & efficiat: nempe ut quemadmodum sacrificium ex aqua vino permixta conficitur, sic etiam Christus & plebs ejus in unum corpus coadunetur, non Christum mutando in perversos plebis affectus, sed reformando plebem, ut cum Christo quæ Dei sunt sapiat, & depositâ pravitate Spiritum Christi induat. Nam & ipsa vini & aquæ mixtio sic temperatur, ut non vinum in aquam, sed aqua in vinum convertatur, & hoc modo invicem copulentur. Quod si fortè quæstio hæc alia Veterum dicta respiciat quæ mihi non occurrunt, cuperem illa designari, ut si Deus largiretur possit eis conveniens adhiberi responsio. Bene vale. Lovanii 26. Novembr. 1577.

Tuus Mich. de Baij.



# PHILIPPI MARNIXII

Responsum & objectiones adversus

## MICHAELIS BAII RESPONSIONEM

A D

Q U Æ S T I O N E S

D E

S A C R A M E N T O A L T A R I S.

Ampliff. viro D. Michaeli Baio, Academiæ Lovaniensis  
Cancellario & Theologiæ professori, Philippus  
Marnixius Sanctaldegondus S.

**R**esponſionem tuam ad poſteriores meas quæſtiones, Ampliffi-  
me D. Cancellarie, quæ mihi Antuerpiâ Bruxellam reverſo ter-  
tiâ Decembris tuit reddita, diligentiffimè perlegenti, & fir-  
mum ac ſtabilem in ea gradum quærenti, ubi aſſenſionis pe-  
dem figerem illud obſtitit, quòd orationi quæ ſecum ipſa diſſen-  
tiret non videbam quomodo niſi reclamante conſcientiâ poſ-  
ſem aſſenſum præbere. Nec enim, ut verum fatear, quivi vel ratiocinatio-  
niſtæ firmamenta quibus eſſent connexa vinculis cernere, vel quæ ſecum ipſa  
diſcrepabant (qualia erant meo certè judicio magni momenti permulta) inter  
ſe conciliare. Uno loco aſſeveras propriam, conſuetam & uſitaram verbi,  
*Eſt*, ſignificationem eſſe tam Græcè quam Latinè ut deſignet ſubſtantialita-  
tem, & in ea ſignificatione ab initio naſcentis Eccleſiæ ſemper ab omnibus  
noſtris majoribus fuiſſe acceptam. Ita ut mireris me quærere, quo argumento  
doceatur in noſtra quæſtione ſignificare ſubſtantialitatem: facerem enim inſtar  
eorum, qui rogare ſolent cur aliquis per publicam & conſuetam viam ambulet.  
Et tamen altero loco idem tudicis: verbum, *Eſt*, accipi biſariam: aliquan-  
do uſurpari intentione aſſerendi id quod eſt, quando incipit propoſitio enuntia-  
ri; aliquando non intentione aſſerendi id quod eſt, ſed intentione faciendi id

quod ejusmodi enuntiatione significatur, id est, faciendi ut sit quod non erat, & tunc primum cum enuntiatio prolata fuerit esse incipiet. De priori quidem significatione nulla certè est dubitatio: agnosco enim genuinam & usitatum vocis notationem. Posterioris autem mihi ne fando quidem unquam audire, ne unum quidem exemplum proferi. Dicis quidem ejusmodi sermonibus aliquando apud jurisconsultos intelligi dominiorum & possessionum fieri translationem: sed nullo exemplo id affirmas. Et tamen si verum esset, quoniam omnino tibi nocesse est faceri id aliquando tantum & valde improprie fieri, ac proinde ambiguitate non carere, jam relicta viâ regiâ & planâ in diverticula te prorepisisse palam constaret. Nam illa exempla quibus peccata remitti declarantur, quia eo ipso momento quo proferri incipiunt planè sunt verissima, vel tuo ipsius judicio nihil habent simile. At verò ista tua quæ producis, ut si de aqua dictum esset, *hoc est vinum*, & de lapide, *hoc est panis*, quia omnino dicta non fuerunt, & non rei veritate sed nudâ imaginatione existunt, responsione haud indigent. Nam si dicta essent, omnino vel à genuina & propria significatione verbi, *Est*, longissimè deflexum esset, vel certè vera esse non potuissent, nisi jam ante aliâ quâpiam vi facta fuisset mutatio & quidem aliis verbis designaretur. Verbum enim, *Est*, quum indicativo modo & præsentis tempore enuntiatur, non dare rebus naturam, multò minus in aliam immutare, sed tantum notare & declarare quid sit id de quo dicitur & quidem eo ipso momento quo proferitur, omnes norunt qui vel ab uberibus maternis balbutire didicerunt. Quod cum ipse tu pro optimo tuo judicio animadverteres & planè inficiari non posses (vide quanta sit vis veritatis) ipso te confessum à viâ regiâ in aspera certè atque horrida humani sensus vel (ut Pauli verbis utar) τοῦ τοῦ τοῦ εὐαγγελίου, sentiente deflexisse prodixi. Ais enim: Si verbum, *Est*, in hac quam constat esse propriam, consuetam, atque omnibus linguis, nationibus, seculis denique usitatum significationem, hoc loco retineatur, intelligaturque panis & vinum quæ tunc erant præsentia eo ipso momento quo hæc dicerentur esse id quod Christus ipse asseverat esse, corpus, inquam, suum & sanguinem, planè falsum fore quod Christus dixit. Ac proinde ut Dei filium, ipsam inquam veritatem, à tam turpi nota mendacii vindices, obtrudis novum & ab Evangelistarum verbis alienissimum commentum: Hæc enim tua sunt verba: *Non intendis Christum asserere quiddam panis & vinum, quæ tunc præsentia habebat cum hæc incipiebat dicere, essent corpus & sanguis ejus, quia id falsum est. Sed ne falsum diceret, omnino credendus est intendisse ex pane & vino corpus & sanguinem suum efficere.* Quæ sote, mi Domine, an hoc est viâ regiâ & planâ incedere, cum doceas omnino non esse, atque ad id falsum esse id quod Christus ore suo sacramento jamjam moriturus, ac proinde testamentum condens revera esse sanctissimè asseverat, novoque atque importuno commento in ea nos diverticula deducas, in quæ jam multis retrò seculis infinitos viros magnos, pios, eruditos ut contra conscientiam ac veritatis testimonium deflecterent, non ignis, non cruces, non gladii, non carceres, non eculei, non denique acerbissimi cruciatus cogere unquam potuerunt? Sed quid ego illos testes laudem? Ipse tu in tua hac responsione, quasi conscientiam reclamantem persentiscens, ex his anfractibus conaris te recipere, & aliam sed nihilo planiorem tibi viam sternere. Pau-

Id enim post ipse tecum dissentiens asseveras, verba hæc, *accipite & comedite*, non debere construi cum nomine, *panem*, quod præcessit, cum ait Evangelista: *Accipit Jesus panem*: sed cum eo quod intelligitur: ut sit sensus: accipite corpus meum: vel quod in idem redit: accipite panem benedictum & consecratum &c. Et planè vis, quod & ipse disertis verbis explicas, quod accipit Jesus & benedixit, fuisse panem: quod verò fregit & dedit discipulis suis, & de quo dixit, accipite comedite hoc est corpus meum, non fuisse panem sed corpus ejus. Nam quod utrobique adjicis vel usitatum vel benedictum, nihil officit sententiæ, neque potest nebulas tua verba penitus insipienti offundere. Nec enim contrahitur an panis sit usitatus vel non usitatus, & benedictus an non benedictus: sed an panis sit, aut non panis. De substantia, non de qualitate aut accidentibus est omnis controversia. Alioqui si tatereris post benedictionem remanere panem & quidem substantiâ, sed benedictum, neminem nostrum haberes repugnantem. Itaque clarè, nudè & *ναρρητικῶς* explicanda nobis est tua ista sententia, quæ alioqui sub illis involutris, *benedicti & usitati*, tanquam quibusdam nebulis caliginosis delitescit; & ad rem ipsam veniendum. Vides itaque, si panis acceptus & benedictus non amplius est panis substantiâ, sed factum benedictione ipsissimum Christi corpus, jam etiam antequam eum frangeret & daret discipulis, & illis verbis, Hoc est corpus meum, ueretur: Vides, inquam, quàm inanis fuerit ille tuus metus quum vererere, ne falsum dixisse videretur Christus nisi ejus orationem commento illo de nova verbi, *Est*, significatione à falsi crimine vindicasses. Etenim si panem benedicendo jam fecerat suum corpus antequam diceret esse, proculdubio est verissimum quod tu dicis esse falsum; eum nimirum sequentibus illis verbis, *hoc est corpus meum*, voluisse asserere quòd panis & vinum, quæ tunc præsentia habebat cum hæc incipiebat dicere, essent corpus & sanguis ejus. Hic tu jam obsecro, Vir Amplissime, collige te paulisper, atque abjectâ omni præjudicatâ opinione, & veritati locum & Deo gloriam tribue. Dum enim ut tuam sententiam stabilias Christum Dei filium falsi cœarguis: næ tu inanibus te irretiens paralogismis tecum ipse manifestè pugnans deprehenderis. Itaque ignosce quæso, si tuis verbis credere non possum, quæ tu ipse paulo momento apertè jugulas. Verumenimverò si benedictionis vi panis usitatus in corpus Christi est transubstantiatus, quæ tandem fuerunt illa benedictionis tam efficacia verba? Profers tu quidem ex Ambrosio, Christum suis verbis elementa posse omnia commutare. Damus libenter. Dicis etiam sermonem Christi hoc conficere sacramentum: & id concedimus: Sed cedo quibus verbis est usus ut id faceret? si dicis benedictione quæ præcessit & fractionem & verba sacramenti: ergo non jam sit illis verbis sacramenti quæ sunt in controversia & quæ in consecratione proferunt Sacerdotes, ac proinde de significatione verbi, *Est*, nulla restat ambiguitas. Tantummodò incumbit ibi probandum ea verba *ἰσχυρῶς* & *ὑπερβαρῶς*, quibus indiscriminatim utuntur Evangelistæ, significare vel usquam gentium unquam significasse (magos ac præstigiatores semper excepto) mutationem unius substantiæ in alteram. Ego quidem hætenus ex Scriptura didiceras *ἰσχυρῶς* atque *ὑπερβαρῶς* in ejusmodi argumento prorsus idem significare quod gratias agere vel bene precari, & Dei laudes pro beneficiis in

nos collatis celebrare. Hanc ego statuebam esse viam regiam, planam, usitatam: tamen si habes argumentum, rationem, aut scripturam, quâ probes significari his verbis *μεταμετέωρη* seu transubstantiationem, & quidem vani & corruptibilis omnique motu & vita carentis elementi, in sacrosanctum atque incorruptibile & planè divinum Christi filii Dei corpus, quod ad dexteram Dei patris æternâ atque omnem humanum mentis captum superante gloriâ decoratum sedet, ne graveris producere. Habebis me docilem atque obsequiosum auditorem; nec erit opus in latebras duplicis significationis verbi, *Est*, confugere. Sed si te dicis non posse nisi verbis illis subsequenter, *hoc est corpus meum*, quod intendis probare: quid hoc est aliud quàm actum agere & ut loquuntur logici, petere principium? Quod enim unum est in controversia, id unum tu sumis quasi concessum confessumque pro argumentationis tuæ unico firmamento, quod & ipsum si dederò nihil effeceris, quia tum denuo tibi restabit demonstrandum: ecquibus ergo verbis Christus consecraverit, ut videlicet non jam suis sed Christi verbis reliqui consecrent sacerdotes, & ita rursus omnis vestra transubstantiatio collabatur. Deinde definiendum etiam erit, quomodo Christus suum ipse corpus fregerit, quod universa testatur Scriptura semel tantum non à seipso sed à Judæis, nec in Cœna sed in crucis ara fractum & mortis ac sepulture traditum, ac tertîâ die à morte excitatum in cœlos ascendisse, nec aliunde nisi ex cœlis esse venturum. Vides arbitror pro tua prudentia & iudicii limatissimi sinceritate, Vir amplissime, in quos te laqueos conjeceris, dum te, à veritatis Evangelicæ recto atque indubitato tramite aberrans, in Scholasticorum improbata atque anfractuosa diverticula prœcipuisti. Ipse tu igitur iudex jam esto, an immeritò percunctatus fuero in quo argumento doceretur, vocem, *Est*, in nostra quæstione significare substantialitatem. Nam si negas illis verbis, *hoc est corpus meum*, fieri transubstantiationem, quia jam non ad panem sed ad corpus ex pane confectum referantur, quemadmodum uno loco doces: haud erit necesse ( fateor ) quærere id quod quæro. Tum enim nativâ, propriâ, & consuetâ significatione suâ, verbum, *Est*, per se satis innuet quod quæritur, sed omnino efficietur vel nullam esse planè transubstantiationem, vel aliis fieri verbis quàm iis de quibus tantopere gloriantur transubstantiationis architecti atque propugnatores. Sin autem asseveras iis penitus verbis fieri transubstantiationem, (quemadmodum certatim omnes contendunt qui se catholicæ Romanæ ecclesiæ alumnos esse profitentur) jam utique docendum restat quo argumento possis probare verbum, *Est*, desisse significare id quod suâ naturâ semper post homines natos omnibus linguis, nationibus ac seculis sine controversia significavit, & illam suam significationem in verbum, *fieri*, commutasse. Argumentum enim illud quod profers ab absurdo quia alioqui falsum esset quod Christus dixit; ita est ipsum absurdum ac falsum, & (ignosce quæso si veritatis zelus asperius verbum extorquet) cum blasphemiam junctum, ut propemodum legens totus inhorream. Et tamen nititur omnis tua responsio hisce fundamentis, quæ quàm firma sint puto te videre, & jam mihi esse æquiores quoddam verbis tuis credere non possim, à quibus, utpote quæ nullum habeant firmamentum, video te ipsum quoties lubet dissentire.

Sed quæris tamen quo ego argumento seu *modo* doceam, verbum, *Est*, in nostra quæstione debere accipi sacramentaliter, seu, ut tu vocas, significativè. Refugissem sanè lubens hoc genus orationis: volo enim discere, non docere. Sed tamen quia postulas, non tacebo, præsertim non nescienti, aliquando parvulis sua mysteria revelare Deum quæ vel doctissimis abscondit: hoc est igitur nostrum argumentum.

Quotiescunque in sacramentorum institutione rebus aut elementis terrenis atque aspectabilibus, quæ pro sacramentis usurpantur, cœlestium aut spirituum rerum nomen per verbum, *Est*, attribuitur ad eas ipsas revera nobis exhibendas atque oculis fidei repræsentandas, toties verbum, *Est*, non demonstrat substantiam, quia non adhibetur ut explicet quid sit id quod oculis ac manibus corporeis proponitur, sed planè declarat quid fidei ac mentis oculis & manibus detur ac revera exhibeatur. Hæc est major propositio, quam certè existimo esse *actuum* perpetuum atque indubitatum. Sequitur altera: In his Christi verbis, *Hoc est corpus meum*, rebus terrenis, panis nimirum & vino per pronomen, *Hoc*, demonstratis (quæ omnes uno ore Evangelistæ testantur Christum accepisse, fregisse, dedisseque: quæque universa Ecclesia ab initio nascentis Christianismi confessæ est esse sacramenta, typos & mysteria corporis & sanguinis Christi) tribuitur nomen ipsum corporis & sanguinis per verbum, *Est*, seu tribuitur nomen fœderis seu testamenti in corpore & sanguine Domini per verbum, *Est*: Ergo verbum, *Est*, eo loco non demonstrat quæ sit substantia ejus rei quæ oculis ac manibus torporalibus exhibetur: nempe an panis sit & vinum, an corpus & sanguis, an verò testamentum in sanguine substantialiter: sed tantum demonstrat quid sit illud quod illis sacramentis exhibetur oculis & manibus fidei spectandum atque apprehendendum, nempe corpus & sanguis Christi, quæ pro nobis fuere in ara crucis ad nostram salutem tradita atque effusa, vel novum testamentum vel novum fœdus in corpore & sanguine Domini Jesu Christi sancitum: Ut scilicet illo sacramento sciamus, intelligamus, & nihil addubitantes tanquam oculis cernamus nos revera esse participes ejus corporis & sanguinis: ac proinde cum illo indissolubili nexu sanctissimi fœderis copulatos. Vel ut verbis Concilii Nicæni argumentum concludam: Ergo non debemus intenti hæere in proposito panè & poculo, sed elevatâ mente per fidem considerare in sancta illa mensa agnum Dei. Vel si mavis verba Augustini: Ergo quum in hoc sacramento non minùs quàm Joannis cap. 6. jubemur accipere & manducare ejus corpus, figura est præcipiens passioni Domini esse communicandum, & suaviter atque utiliter recondendum in memoria, quodd pro nobis caro ejus crucifixa & vulnerata sit; nisi volumus, quod graviter ab eodem Augustino reprehenditur, sub signo servire operantes aut venerantes aliquam rem significantem, nescientes quid significet. Ac proinde Christus ipse nos huc manifestè revocans, jubet hoc ipsum nos facere in sui commemorationem: & Paulus docet nos quoties id fecerimus mortem Domini annuntiare, quod nihil est aliud nisi id ipsum quod ex Augustino diximus, suaviter in memoria recondere quodd caro ejus pro nobis crucifixa & vulnerata est. Atque hoc est planè ipsum illud quod alibi ait Paulus: Panem quem frangimus (hîc nihil ambigitur de substantia panis, nec enim



aliud quippiam frangimus nisi panem) esse *κοινωνία* veri corporis Christi: & Calicem cui benedicimus (id est quem sumendo beneficium Domini in morte Christi nobis datum *ὁμιχραῖς αὐτοῦ* atque *ὕδατος αὐτοῦ* celebramus) esse *κοινωνία* ejus sanguinis. Etenim quum hæc Christus institueret, haud utique ambigebatur quid esset panis quoad substantiam, sed quorsum à Christo in manus fumeretur, frangeretur, distribuereturque: nimirum ut quoad usum, institutionem ac repræsentationem discipulis esset ipsissimum Christi corpus. Nec enim panis substantiæ ullam volebat Christus novam conferre dignitatem, multòque minùs ejus accidentibus omni substantiâ exutis suum corpus quasi novâ quâdam incarnatione unire & glutinare: sed fidelem sibi populum, quem sanguinis effusione & fractione corporis erat jamjam redempturus, hoc significantissimo sacramento secum in æternæ vitæ societatem ac divinitatis participationem conjungere. Hoc est enim (ut in Evangelium Joannis tractatu 26. scribit Augustinus,) manducare illam escam & illum bibere potum, in Christo manere, & illum manentem in se habere. Ac per hoc, qui non manet in Christo & in quo non manet Christus, proculdubio non manducat spiritualiter carnem ejus, nec bibit ejus sanguinem, licet carnaliter & visibiliter premat dentibus sacramentum corporis & sanguinis, sed magis tantæ rei sacramentum ad judicium sibi manducat & bibit, &c. Quid ergo est? An non revera panis est corpus Christi? Est sanè & quidem verissimè; & tamen non substantiâ, nec quoad substantiam; quemadmodum nec verbum Christi, Dei est verbum vel Dei voluntas quoad substantiam, sed quoad usum, institutionem, significationem, ac vivam ante oculos fidei repræsentationem. Verissimè tamen enuntiatur, verbum ex Christi ore prolatum esse verbum Dei; quemadmodum verissimè dicitur, panem in cœna à Christo in eum finem quem diximus sumtum, esse ipsissimum Christi corpus. Sed quia ejusmodi enuntiationes non ad substantiam rei de qua quæritur declarandam, sed ad vim, usum, institutionisque significationem explicandam usurpantur: ideò verbum, *Est*, quo attributum conjungitur cum subjecto, non potest ad substantiæ ullam immutationem, quæ hic minimè spectatur, referri, sed ad significandum id quod est in dicentis mente atque intentione; quemadmodum in arcu cælesti, non disputatur à Mose quid sit arcus aut unde componatur, aut in quid mutetur & transsubstantietur (nam Philosophis has relinquit disputationes) sed quorsum à Deo usurpetur instituatque: nimirum ut sit certum atque indubitatum signum fœderis divini cum genere humano. In Circumcisione item non spectatur quid sit circumcidere præputium, quod ad substantiam vel cultelli vel præputii attinet: sed quorsum ejusmodi signum instituatur; ac proinde ipsum circumcidere verè dicitur esse fœdus inter Deum & Abrahamum ejusque semen, & verè dicit Dominus pactum suum esse in carne Abrahami in fœdus sempiternum. Similiter in Baptismo non quæritur quid sit substantia aquæ: sed quorsum illa nobis aqua fuerit data atque instituta, quod denique illa baptizanti spectet ceremonia. Itaque verè dicitur illa ipsa aqua esse ablutio sanguinis Christi, quia peccatorum sordes in credentibus eluuntur; & verè in Baptismo Christum induisse, & cum eo consепulti esse dicimur. Non ait (ut Augustini verbis utar) sepulturam significamus, sed prorsus ait consепulti sumus.

Sacra-

Sacramentum ergo tantæ rei non nisi ejusdem rei vocabulo nuncupavit. Sunt hæc ita plana, aperta, irrefragabilia, ut nihil ambiguum, nihil hiulcum, nihil occurrat protuberans; & tamen probentur categoricè! Et primum quidem major propositio; nam de minori nulla potest esse dubitatio. Quotiescunque in sacramentorum, hoc est sacrorum signorum institutione, rerum signatarum (quæ ferè solent esse cœlestes atque spiritales) nomina tribuuntur rebus signantibus (quæ sunt terrenæ atque visibiles) per verbum, *Est*, toties non designari substantiam rerum significantium, sed usum, institutionem atque repræsentationem; alioqui non essent sacramenta, sed μεταμορφώσεις vel μετασώσεις seu transsubstantiationes. Probatur exemplis, ratione, Scripturâ & testimoniis. Exempla superpetunt infinita tum in rebus civilibus ac prophanis, tum in divinis ac cœlestibus. Quod enim in divinis ac sacris sunt sacramenta: idem in prophanis ac civilibus sunt signa atque ceremoniæ. Quoties igitur dicitur de annulo, vel de porrecta manu, hæc est fides quam tibi do; designatur non quæ sit substantia manus vel annuli, sed finis ac scopus significationis seu repræsentationis propter quam datur porrigiturve. De insigni aurei velleris dicitur, esse ordo regius seu *φανερά* regia, sive domus Burgundiæ. De sceptro ac diademate dicitur esse regnum: De fascibus, cruce & lictoribus, dicitur esse justitia prætoris. Quâ loquendi formulâ nihil est vulgarius, nihil planius. Ita Christus dicit Joanni, *hæc est mater tua*; matri Mariæ, *hic est filius tuus*; non quidem transsubstantiatione, (& tamen poterat rerum creator verbo efficere quidquid vellet) sed institutione, significatione ac repræsentatione. Sed malo hæc verbis Bernardi viri suâ ætate facillè omnium præstantissimi, quàm meis declarare: ut si veritati pondus adferre potest dicentis autoritas, non jam mihi, licèt vera dicenti, propter me, sed Bernardo credatur. Hæc igitur sunt ejus verba, hoc ipsum argumentum ex professo tractantis in Sermone de cœna Domini: „Sacramentum dicitur sacrum signum sive sacrum secretum. „Multa siquidem sunt propter se tantum, alia verò propter alia designanda, „& ipsa dicuntur signa, & sunt. Ut enim de usualibus sumamus exemplum, „datur annulus absolute propter annulum, & nulla est significatio: datur ad „investiendum de hæreditate aliqua, & signum est: ita ut jam dicere possit „qui accipit: Annulus non valet quicquam, sed hæreditas quam quærebam. „In hunc itaque modum, appropinquans passioni Dominus, de gratia sua investire curavit suos, ut invisibilis gratia signo aliquo visibili præstaretur. Ad „hæc instituta sunt sacramenta omnia: ad hæc Eucharistiæ participatio: ad „hæc pedum ablutio: ad hæc denique ipse Baptismus initium sacramentorum „omnium, in quo complantamur similitudini mortis ejus; unde & trina mer- „sio tridui quod nunc celebrandum est formam gerit. Sicut enim exteriori- „bus diversa sunt signa: & ut cœpto immoremur exemplo, variæ sunt investi- „turæ secundum ea de quibus investimur; verbi gratiâ, investitur canonicus „per librum, abas per baculum, episcopus per baculum & annulum simul: „sicut, inquam, in hujusmodi rebus, sic & divisiones gratiarum diversis sunt traditæ sacramentis, &c. Hactenus Bernardus, qui nostram certè omnem sententiam hoc suo calculo ita disertè comprobavit, ut nihil addi potuisset, etiam si de industria transsubstantiationis doctrinam voluisset jugulare. Sed quid

quid opus est in re tam clara unius Bernardi testimonio? Pleni sunt omnes Grammaticorum, pleni Philosophorum, pleni Jurisconsultorum libri ejusmodi locutionibus, atque in omni nostra vita nihil occurrit frequentius, nihil usitatus. Quid enim audimus in civili hominum societate crebrius quàm, hoc quod dico, quod scribo, quod enuntio, hæc tabulæ, hoc diploma, hæc syngrapha vel est regis edictum, vel est lex & voluntas populi, vel privilegium civitatis, vel est mea obligatio, vel denique est mea mens atque sententia seu ultima voluntas. Hic codex est novum testamentum, hic liber est vita Imperatorum, vel scædes populorum, non quidem suâ substantiâ, de qua non laboramus, (nihil est enim aliud si illam spectes nisi vel sonus percussæ aëris vel charta notis characterum exarata,) sed significatione, usu, fine, atque institutione seu intentione, ad quam exprimendam repræsentandamque sive verba sive characteres usurpantur. In sacris rebus arbor quâ vita repræsentatur, significatur, exhibetur, dicitur arbor vitæ; quâ verò scientia boni & mali demonstratur, boni & mali arbor esse dicitur. Sacrificia dicuntur nos Deo conciliari, eumque nobis reddere propitium, atque aded eorum nidor dicitur Deo esse gratus ac fragrans odor, (quo nihil occurrit in Scriptura frequentius,) & peccata abolere, non quidem ipsa per se aut suæ substantiæ & naturæ vi, sed Domini institutione, quâ voluit illa nobis his rebus poni ob oculos. Ita agnus est pascha seu transitus, ita Circumcisio est scædes, ita Bethel est domus Dei, Arca scæderis est ipse Jehovah exercituum, ita columba est Spiritus Sanctus, ita denique vox in ore Isaïæ ac reliquorum prophetarum atque Apostolorum resonans est verbum Domini, Prædicatio Pauli est spiritus, est lux, est vita. Quo quid est frequentius, quid magis proprium aut magis usitatum? Hic nemo tamen impingit, nemo quærit an vocis humanæ substantia mutetur transsubstantiatione in verbum Dei. Omnes quidem fatebuntur Deum omnia posse quæ velit, & quæcunque dicat eodem illo momento quo dixerit existere & esse certa atque indubitata, ac proinde posse verborum soni tribuere substantias quas velit: sed tamen nemo est ita rerum omnium humanarum hospes atque omnis civilis ac popularis sermonis signarius, qui non intelligat illam vocem illaque verba esse ferri ac pronuntiari, non ut quid suâ sint naturâ aut substantiâ disputetur, sed ut quid nobis significant, exhibeant, repræsentent intelligatur. Verba enim reponuntur ab omnibus & disertè ab Augustino in eo signorum genere quorum omnis usus in significando est: Nemo enim utitur verbis nisi aliquid significandi gratiâ: atqui sacramenta rerum sacrarum esse signa nemo est qui unquam dubitarit; Nam etsi sunt res, ut Augustini utar verbis, tamen ita sunt res ut aliarum sint rerum signa, ita ut omnis eorum usus in significando consistat: quo respectu meritò idem Augustinus appellavit sacramenta verba visibilia, & verba dixit esse sacramenta vocalia. Utraque enim ad significandum ac repræsentandum instituta sunt. Hæc quidem semper & ubique ad significandum: illa verò hætenus quoad sunt sacramenta. Itaque verè quidem & eleganter ab Ambrosio dicitur illud quod pro te videris allegare: *Panis iste panis est ante verba sacramentorum: ubi accessit consecratio, de pane fit corpus Christi.* Est enim hoc extra controversiam: panem quem frangimus in coena Domini ejus mortem commemorantes & *ἡμῶν ἐσθίοντες*, non eò usurpari ut sit panis vel funga,



fungatur panis munere ac vi, sed ut nobis exhibeat ac significantissimè repræsentet ipsissimum Christi corpus pro nobis in ara crucis fractum, quod verè est panis ille qui de cœlo descendit & qui vitam dat hominibus. Jam igitur non est amplius panis, si spectes usum instituentis ac finem institutionis, sed corpus ipsum, non quidem substantiâ, sed repræsentatione atque exhibitione ac sine ipso propter quem institutus est, quemadmodum disertissimè annuli exemplo suprà ex Bernardo probatum est. Hæc igitur enuntiatio Christi de pane sumto, fracto ac dato, omnino est verissima, neque quidquam falsi continet ut arbitraris, etiam si non recurramus ad duplicem illam significationem verbi, *Est*. Una enim & simplex ejus est significatio: Semper enim verbum, *Est*, significat esse, sed non semper significat esse substantiam, aliquando qualitate, aliquando quantitatem, aliquando relationem designat, aliquando aliam ex decem vocibus in categoriis pro ratione rerum de quibus est sermo.

Hæc autem enuntiatio facta de pane, quemadmodum uno testantur ore omnes Evangelistæ atque Apostoli, *hoc est corpus meum*, est enuntiatio vera, propria & significantissima, quemadmodum est illa Pauli: *Panis quem frangimus est communio corporis Christi*, non quidem substantiâ (quod & tu ipse de hac posteriore confiteris) sed usu, sine, institutione. Quod ut intelligas, agnosce ipsissima tua verba. Amplissime Domine; Ita enim scribis: Non tamen vult ibi Apostolus dicere quid sit panis qui frangitur, sed quid participatione hujus panis significetur & efficiatur, &c.

Hic tibi nos si voles esse æquos, eandem & tu nobis æquitatem præbe: nimirum non semper quoties usurpatur verbum, *Est*, significari quid sit rei de qua agitur substantia, sed sæpe alibi & semper in sacramentis designari quid illius participatione significetur & efficiatur.

Vides nos nulla querere diverticula, imò regiâ viâ quam tu nobis sternis insistere. Alioqui si obstinate clamabis verbum, *Est*, non dici nisi ad explicandas rerum substantias, ipse te vide quomodo laqueo quem nobis posueris extricabis. Nam si apud Paulum verbum, *Est*, usurpatur non ad significandam rei substantiam, sed participationem seu significationem rei, quemadmodum tu ipse disertè testaris: cur non idem nobis concedes fieri apud Matthæum, imò cur non & apud eundem Paulum capite insequenti de eodem prorsus argumento & sacramento pertractantem?

Atque hæcenus quidem de exemplis planis, perspicuis atque usitatis, in quibus omnibus haud quidem eadem ubique est ratio: nec enim si non aliquâ parte discreparent, quæ sunt similia dici omnino similia possent: Sed in eo conveniunt planissimè omnia, quòd signis tribuantur nomina atque effecta rerum signatarum, & tamen non designent transformationes substantiarum, sed tantum rerum signatarum vivas tanquam imagines, repræsentationes ac significationes. Rationem si querimus, est omnino in promptu: sed malo Augustini verbis explicari, propterea quòd video veritatem, etiam si per se pondus habeat maximum, non posse tamen nisi autoritate dicentis fultam locum hodie obtinere: „Nunc (inquit Augustinus) nemo ambigit, per similitudines libentius quæque cognosci, & cum aliqua difficultate quæ sita multò gravis

„veniri. Quemadmodum enim, idem ait Augustinus, nihil aliud iis Can-  
 „tici verbis, Dentes tui sicut, &c. hominem discere, quàm cum illud planif-  
 „simis verbis sive similitudinis hujusmodi adminiculo auditur, tamen nescio  
 „quomodo suavius se intueri Sanctos, cum eos quasi dentes Ecclesiæ videt  
 „præcidere ab erroribus homines, atque in ejus corpus emollitâ duritiâ quasi  
 „demorosos manfosque transferre, &c.

Planè eodem modo, etsi nihil homo discit aliud, ubi panis in Cœna exhi-  
 betur, frangitur, daturque, ac denique jubetur accipi, & asseritur esse cor-  
 pus Christi quod pro nobis traditum est in ara crucis, nisi id ipsum quod uni-  
 versâ docet Scriptura, nos cum Christo ita esse unitos, ut simus os de ossibus  
 ejus & caro de carne ejus, per mortis ejus efficaciam spiritus vi per fidem in  
 nos transfusam: tamen nescio quomodo cum panis manducandus exhibetur, at-  
 que id fieri in recordationem mortis Christi præcipitur, quasi in rem præsen-  
 tem venientes videmur nobis Christum pro nobis crucifixum nostrumque fa-  
 ctum & nos cum illo arctissimè conjunctos videre atque palpare. Ita quamvis  
 illa locutio, *nisi manducaveritis carnem Filii hominis & sanguinem biberitis, non  
 habebitis vitam in vobis*, sit figura quemadmodum docet Augustinus, nihil præ-  
 cipiens aliud nisi passioni Domini esse communicandum, &c. tamen nescio  
 quomodo & altius insidet animo ea figura, & efficacius præsentem nobis sta-  
 tuit mirificam illam atque arctissimam *unionem*, & denique tenaciâs hæret in  
 memoria. Theodoretî verba, quibus rationem hujus rei disertè explicat, pau-  
 lò infrâ commemorabimus, ubi ad testimonia veniemus.

Nunc satis est id constare: in universum sacramentorum omnium rationem  
 illam esse, ut imbecillitati nostræ fidei succurratur. Et quemadmodum in Bap-  
 tismo non modò auribus audimus nos ablutos Christi sanguine, sed etiam ocu-  
 lis ipsius quasi rem præsentem cernimus: Ita in Domini Cœna videmus nos non  
 minùs arctè cum Christi carne & sanguine conjunctos esse, quàm panis & vi-  
 num cum nostri corporis substantia copulentur unianturque; ac proinde car-  
 nem ejus verè nobis esse cibum & sanguinem verè esse potum, quorum admi-  
 niculis unam fiamus cum illo, sicut ipse unum est cum patre cœlesti; quem-  
 admodum ipsa veritas, cap. Joan. 6. luculenter docet; cujus certè doctrinæ no-  
 bis in sacrosanctæ Cœnæ institutione illustre ac præclarum quasi speculum,  
 tesseram ac sacramentum exhibet.

„Alioqui (ut idem ait Augustinus) miserabilis profectò est animæ servi-  
 „tus: signa pro rebus accipere, & supra creaturam corpoream oculum mentis  
 „ad hauriendum æternum lumen levare non possit. Inter hæc autem signa di-  
 „sertè ab eo reponuntur Baptismi sacramentum, & celebratio corporis & san-  
 „guinis Domini.

„Quæ unusquisque (inquit) cum percipit, quò referantur imbutus agnos-  
 „cit, ut ea non carnali servitute, sed spiritali potiùs libertate veneretur. Scri-  
 „pturam autem apertissimè idem significare ex superioribus facile elucescit.  
 „Christus enim quum de pane dixisset, *hoc esse suum Corpus*; dixit de Calice,  
*hoc poculum est novum testamentum in meo sanguine*. Tu quidem vis illam hæc esse  
 clariorem orationem: & tamen asseveras illam falsam futuram, nisi novâ si-  
 gnificatione verbi, *Est*, muniatur; & non ignoras de illa multis seculis Chri-  
 stianum



stianum orbem fuisse digladiatum, de hac posteriori nullam unquam ne minimam quidem exitiisse controversiam vel ambiguitatem. Et tamen si maxime ita ut dicis se res haberet, & illa per se esset clarissima, hæc verò omnium obscurissima: nihilominus quando inter nos de illa controversitur, de hac nihil ambigitur, omnino est æquius hanc ab illa, quàm ab hac illam sumere interpretationem. Quare seposità omni contentione adaptemus utrobique eadem verba, & dicamus, quemadmodum hæc oratio, *hoc poculum est novum testamentum in meo sanguine*, idem significat quod illa, *hic est sanguis novi testamenti qui pro vobis effunditur*: ita illam orationem, *hoc est corpus meum quod pro vobis frangitur*, idem penitus significare quod, *hic panis est novum testamentum in meo corpore quod pro vobis frangitur*. Ecquis nunc est homo sanæ mentis, qui non è vestigio sententiam Christi planissime assequatur: nimirum, panem illum institui ut sit *diabitus* seu fœdus atque contractus Christi morientis nobiscum, quo se obligat nobis dare suum corpus, atque illud ipsum quasi præsens exhibet, ut certò statuamus nos cum eo indissolubili nexu conjunctos esse atque copulatos. Huic jam adijunge Pauli sententiam Domino suo à stipulantis, dicentisque: *Panis quem frangimus est communio corporis Christi*: id est, ut tu ipse interpretaris, participatione hujus panis quem frangimus significatur nobis corpus Christi.

Quid jam restat ambiguum, quid obscurum! Et tamen si Scripturam adhuc penitus introspicias, ut nimirum (quod longè tutissimum esse docet Augustinus) quod habet controversiam ex eadem Scriptura ubicunque inventis atque adhibitis ejus testibus terminetur: nihil vetabit quominus certam atque irrefragabilem hujus loci eruamus interpretationem, & transsubstantiationi oculos configamus. Cum enim Christus jubet hoc fieri in sui memoriam, quum Paulus hæc sacramenti celebratione mortem Domini docet, annuntiari, quum Christus ipse cap. Joan. 6. carnis suæ manducationem & potionem sanguinis his verbis explicat: „*Qui venit ad me non esuriet & qui credit in me non sitiet* „ in æternum: & paulò post, verba quæ dixit testatur esse spiritum & vitam, „*propterea quòd caro non profit quicquam, sed spiritus fidei qui vivificat, & simul æternos audientium ad ascensionis suæ in cœlos considerationem revocat*: an non manifestè docet non esse nobis de substantiarum corporalium transmutatione quicquam laborandum, sed illis sacramentorum vehiculis ad cœlestis illius corporis conjunctionem per vim spiritus mediante fide compactam mentes nostras vehendas, quemadmodum & ipsius Niceni Concilii canone elegantissime & clarissime dicitur.

Quid verò, cum Paulus infinitis locis panem post consecrationem non minus panem appellat quàm ante: an non manifestè transsubstantiationis commentum evertit? *Panis* (inquit) *quem frangimus est communio corporis Christi*. Et addit rationem, quæ nulla potest eludi cavillatione, *quoniam unus panis, unum corpus multi sumus: nam omnes de uno pane participamus*: &, *Quotiescunque hunc panem manducaveritis, mortem Domini annuntiabitis*: &, *Quicunque manducaverit hunc panem indigne, reus erit corporis Domini*. Et: *Probes seipsum homo antequam de pane illo edat*. Et semper profectò in veteri ecclesia, cui erat ignotum transsubstantiationis commentum, hujus sacramenti participatio panis fractio nominata est.

Hæc omnia si quis cavillando velit eludere, nihil erit tam firmum, nihil tam sanctum, nihil tam perspicuum, quod ejusmodi non violet atque obscuraret audacia. Et tamen si nulla possunt Domini eloquia intelligi nisi ab hominibus lumen accipiant, audiamus Patrum testimonia, quos ego libenter sanè dabo magnificè ac nonnunquam etiam hyperbolicè de sacramentis locutos esse, ita ut & baptismi aquæ vim ac nomen Spiritus Sancti, & pani elemento corruptibili corporis Christi & nomen & effecta persæpe tribuerint. Nec mirum: habuerunt præeuntem magistrum qui eâ ratione voluit, quid nobis ejusmodi carnaliter elementis exhiberet, significanter ob oculos ponere. Sed quoties ad interpretationem veniunt, toties profectò manifestissimè declarant elementum panis non esse rem eam quæ significetur, sed signum seu significationem, seu sacramentum seu mysterium rei cœlestis, quæ nobis exhibeatur cœlitùs. Sed paucos adducam, ne multitudine testimoniorum veritatem in dubium videar revocare.

Augustinus certè, quem inter cæteros facilè principem dixeris, quique hanc controversiam infinitis locis apertissimè decedit, ubi contra Adimantum Manichæum disputans, ejus insaniam refutat allegantis verba Moïsis, quod *sanguis sit carnis anima*, ita scribit:

„Nam ex eo quod scriptum est sanguinem pecoris animam ejus esse, præter id quod suprâ dixi, non ad me pertinere quid agatur de pecoris anima, possum etiam interpretari præceptum illud in signo esse positum: non enim Dominus minus dubitavit dicere, *Hoc est corpus meum*, cum signum daret corporis sui, &c.

Hæc si bonâ fide conferantur cum iis quæ primo & 2. libro de doctrina Christiana docet de signis & rebus signatis, quis non videt ita esse plana atque perspicua ut nullâ possint tergiversatione eludi? Sed ipsemet se paulò inferiùs clariùs explicat, ita ut nullæ interpretationi alienæ locus relinquatur. „Air enim eodem illo capite, idemque prosequens argumentum: Sed quamvis de pecorum animis non curemus, cum quibus non habemus rationis aliquam societatem: tamen illud quod lex dicit, fundendum esse sanguinem nec in escam assumendum, quia sanguis est anima, esse positum in signo dicimus sicut alia multa: & penè omnia Scripturarum illarum sacramenta signis & figuris plena sunt futuræ prædicationis, quæ jam per Dominum nostrum Jesum Christum declarata est. Sic est enim sanguis anima, quomodo petra erat Christus, sicut dicit Apostolus: *Bibebant enim de spiritali sequente eos petra, petra autem erat Christus*. Notum est autem filios Israel petrà percussâ bibisse aquam in eremo: de quibus loquebatur Apostolus cum hæc diceret. Nec tamen ait, petra significabat Christum, sed ait, petra erat Christus. Quæ rursus ne carnaliter acciperetur, spiritalem illam vocat, id est, illam spiritaliter intelligi docet. Longum est & nunc non necessarium sacramenta ejusdem legis exponere, nisi cum breviter possint: sufficit autem ut noverint illi qui de his calumniantur, non ea nos ita intelligere, ut illi solent irridere, sed quemadmodum Apostoli omnia intelligentes pauca exposuerunt, ut ad easdem regulas cætera posteris intelligenda relinquerent, hætenus Augustinus. An verò est ulla tanta vis ingenii quæ huic tam claræ luci nebulas possit offundere, &

& Augustini sententiam verborum aut sophismatum involucris obscurare? Itaque fateamur panem esse corpus Christi, & quidem eum mutatum esse in corpus Christi, transelementatum in ejus carnem: sed ubi ad interpretationem veniendum est, ne signa pro rebus serviliter accipiamus, sed aperte & planè cum Augustino dicamus, hæc omnia in signo esse posita. Ac proinde frustra conaris, Vir doctissimè, eundem Augustinum in castra tua pellicere, dicentem:

„Si enim sacramenta quamdam similitudinem earum rerum quarum sacramenta sunt non haberent, omnino sacramenta non essent. Ex hac enim similitudine plerumque etiam ipsa rerum nomina accipiunt. Sicut ergo secundum quemdam modum sacramentum corporis Christi corpus Christi est, sacramentum sanguinis Christi sanguis Christi est, ita sacramentum fidei fides est, &c.

Quod enim tu ais his verbis significari hunc loquendi modum, Sacramentum corporis Christi est corpus Christi, non esse proprium & consuetum, planè à nobis facit. Dicimus enim esse modum loquendi sacramentalem, quo nimirum tribuitur signo quod est rei signatæ. Nimis enim sunt manifesta Augustini verba quàm ut ejusmodi nebulis possint obfascari: hæc enim præcedunt:

„Nempe sæpe ita loquimur ut paschâ propinquantè dicamus, crastinam vel perendinam Domini passionem, cum ille ante tam multos annos passus sit, nec omnino nisi semel illa passio facta sit, nempe ipso die dominico dicimus, hodie Dominus resurrexit, cum ex quo resurrexit tot anni transierint. Cur nemo tam ineptus est ut nos ita loquentes arguat esse mentitos, nisi quia istos dies secundum illorum quibus hæc gesta sunt similitudinem nuncupamus, ut dicatur ipse dies qui non est ipse, sed revolutione temporis similis ejus; & dicatur eo die fieri propter sacramenti celebrationem, quod non illo die sed jam olim factum est. Nonne semel immolatus est Christus in seipso? & tamen in sacramento non solum per omnes paschæ solemnitates, sed omni die populis immolatur: nec utique mentitur qui interrogatus responderit eum immolari: si enim sacramentum quamdam similitudinem earum rerum, &c. ut supra.

Quæ verba si quis arte sophisticâ possit eludere, haud ego quicquam tam esse planum, tam clarum atque perspicuum dicam quod idem non possit in tenebras convertere.

*Trin. 2.  
epist. 23.  
ad Bonifacium.*

Hic addo quod suprà allegavimus: figuram esse quum jabet carnem & sanguinem suum manducari, &c. cum in psal. 3. admirans Christi bonitatem dicit, eum adhibuisse Judam ad convivium in quo corporis sui figuram discipulis commendavit & tradidit. Possem sexcenta ejusmodi loca ex Augustino proferre: sed hæc satis sint ei qui manifestæ veritati non vult refragari.

Tertullianus verò, qui ætate illum præcessit, an ulla in re cum eo discrepat; ubi adversus Marcionem lib. 1. ex universæ & Catholicæ Ecclesiæ sententia scribit:

„Sed ille quidem usque nunc nec aquam reprobavit creatoris quàm suos abibat, nec oleum quo suos unxit, nec mellis & lactis societatem quo suos pavit,

„nec panem quo ipsum corpus suum repræsentat, etiam in sacramentis propriis  
„egent mendicitatibus creatoris, &c. Et paulò pòst:

„Sic enim Deus in Evangelio quoque vestro revelavit, panem corpus suum  
„appellans, ut & hinc jam eum intelligas corporis sui figuram panem dedisse,  
„cujus retrò corpus in panem propheta figuravit, ipso Domino hoc sacramen-  
„tum postea interpretaturo.

*Et lib. 4.*

„Professus itaque se concupiscentiâ concupisse edere pascha, ut suum (in-  
„dignum enim ut quid alienum concupisceret Deus) acceptum panem & di-  
„stributum discipulis, corpus suum illum fecit, hoc est corpus meum dicendo,  
„id est figura corporis mei; figura autem non fuisset, nisi veritatis esset corpus.  
„Cæterum vacua res, quod est phantasma, figuram capere non potest; & quæ  
„sequuntur: Quæ sanè si non sunt meridianâ luce clariora, nihil ego profectò  
video. His accedat Theodoretus in dialogo qui dicitur εἰρηπῶ:

Ορθόδοξε. ὁ δὲ τι εἶπες ὁ ἡμέτερος ἐνέλαξε τὰ ὀνόματα, καὶ τὸ μὲν σῶμα τὸ τοῦ  
συμβολοῦ τίθηται ὄνομα, τὸ δὲ συμβόλον τὸ τοῦ σώματος. ὅπως ἄμπελοι ἑαυτὰ ὀνομάσκει,  
αἶμα τὸ σύμβολον ὠφελεῖται. Εἰρηπῶς. Τὸτο μὲν ἀληθὲς εἰρηπῶς ὑβριζόμεναι διὰ τὴν αἰ-  
τίαν μαθὼν τῆς τοῦ ὀνομάτου ἑκκλήσεως.

Ορθ. δὲλ. ὁ σκοπεῖ τοῖς τὰ θεῖα μαθηματικῶς. ἡ ἐκλήθη γὰρ τὰς τῶν θεῶν μυστηρίων  
μεταλλαγῆσθαι, μὴ τῇ φύσει τῶν βλεπομένων προσέχουσιν, ἀλλὰ διὰ τῆς τοῦ ὀνομάτου ἐκ-  
παλλαγῆς πιστεύου τῇ ἐκ χάριτος γενησάντῃ μεταβολῇ. ὁ γὰρ διὰ τὸ φύσει σῶμα εἶναι καὶ  
αὐτοὶ ὠφελεῖται, καὶ αἱ πάλιν ἑαυτὰς αἰνέουσι ὀνομάσκει, ὅπως τὰ ὀνόματα συμβόλα τῇ  
τοῦ σώματος καὶ αἵματος ὠφελησθῶσι τοτίμῳ, ἢ τὴν φύσιν μεταβαλόν, ἀλλὰ τὴν χάριν  
τῇ φύσει ὠφελθῶσιν.

„Quæ possunt ita Latine reddi: *Orthodoxus*. Noster sanè servator nomi-  
„na permutavit, & corpori quidem symboli nomen dedit, symbolo verò  
„corporis. Ita seipsum vitem nuncupavit & symbolum sanguinem appella-  
„vit.

„*Erasmistes*. Hoc tu quidem verè dixisti, sed velim rationem hujus nominum  
„permutationis ex te intelligere.

„*Orthod.* Perspicuus certè scopus est iis qui sacris sunt imbuti. Voluit enim  
„eos qui sacris mysteriis participant nequaquam eorum quæ oculis cernuntur  
„naturæ intentos esse, sed per nominum permutationem adduci, ut crede-  
„rent ei, quæ per gratiam fit, commutationi. Nam qui, quod natura erat cor-  
„pus, panem & cibum appellavit seque ipsum vitem nuncupavit, idem sym-  
„bola aspectabilia corporis & sanguinis nomine decoravit, non quidem natu-  
„ram immutans, sed naturæ gratiam adjiciens.

Hæc certè ita sunt clara ut nihil planius dici possit: Et tamen in eo dialogo,  
quem inscripsit εὐσέχης, hoc argumentum etiam fusiùs explicat. Quæ ver-  
ba quia omnem istam controversiam luculentissimè definiunt, libet hic adji-  
cere.

Ορθόδοξε. Εἰπὶ τοῦτον τὰ μυστικὰ σύμβολα ὅσοι τῶν ἱερουργούντων τῷ θεῷ ὠφελεῖται.  
τοῦτον ἐστὶν σύμβολον



Ερωτησις. Τὸ δισποτικὸν σώματός τι καὶ αἷματόν.

Ορθ. Τὸ οὕτως σώματόν, ἢ ὡς οὕτως;

Ερωτησις. Τὸ οὕτως.

Ορθ. ἀρεταί, καὶ γὰρ ἴσμεν τὸ τῆς εἰκόνος ἀρχέτυπον, καὶ καὶ οἱ ζωγραφοὶ τὸν φύσιν μα-  
ματίαν, καὶ τὸν ἀρμυρίαν γραφῆσι τὰς εἰκόνας. Ερω. ἀλλ' οὐκ.

Ορθ. Εἰ τοῖνυν τοῦ οὕτως σώματος ἀντίτυπα ἐστὶ τὰ εἶνα μουσικά, σῶμα ἄρα ἐστὶ  
καὶ τὸν τοῦ δισποτικοῦ τὸ σῶμα εἰς διότιτόν φῶτι μεταβληθῆναι, ἀλλὰ εἰς οὐδὲν ἀκατα-  
λόγῳ. Ερω. Εἰς καιρὸν τὸν ποῦ τὸν δοῖν μεταβληθῆναι εἰκόνας λαόν, ἐπὶ οὗτοι σοὶ καὶ διὰ  
τοῦ δισποτικοῦ σώματος τὸν εἰς ἴτερον φύσιν μεταβαλὼν, ἀπεκρινάτω τὸν πρὸς τὰς εἰκόνας ἐ-  
κστάσις.

Ορθ. ἀπεκρινόμενος. Ερω. Τὸ καλὸς τὸ σφωφισμένον ὄρον ποῦ τῆς ἱερτικῆς ἐκπλή-  
σις.

Ορθ. Οὐ καὶ σαφὲς εἰπὺν. εἰκὸς γὰρ τοιαύτης ἀμύνης παρῆναι. Ερω. ἀνιγμωδῶς ἢ ἀ-  
πέριστος ἔσται.

Ορθ. Τὴν ἐκ ταῦνδ' ἐπισημαίνεται τρεφόν.

Ερω. Τὸ δὲ ἴτερον σύμβολον πῶς νομᾶμεν;

Ορθ. Καὶ τὸν καὶ τοῦτο ὄνομα, πῶματόν, εἰδὲν σημαίνει. Ερω. Μιὰ δὲ γὰρ τὸν εἰκόνα-  
μόν, πῶς ταῦτα προσηγορεύεις;

Ορθ. Σῶμα Χριστοῦ καὶ αἷμα Χριστοῦ. Ερω. καὶ πιστεύεις γὰρ σώματόν Χριστοῦ μεταλαμβάνειν  
καὶ αἷματόν;

Ορθ. οὕτως πιστεύω. Ερω. ἄπειρ' τοῖνυν τὰ σύμβολα τοῦ δισποτικοῦ σώματος τι καὶ αἷ-  
ματόν, ἀλλὰ μὲν ἐστὶ ποῦ τῆς ἱερτικῆς ἐκπλήσις, μιὰ δὲ γὰρ τὴν ἐκπλήσιν μεταβάλλει  
καὶ ἴτερος γύστα. ὅταν τὸ δισποτικὸν σῶμα μιὰ τὴν ἀνάληψιν, εἰς τὴν οὐσίαν μεταβληθῇ  
τὸν δοῖν.

Ορθ. ἄλλως αἱ ἕφημις ἄρυσον. οὐδὲ γὰρ μιὰ τὴν ἀρχισμὸν τὰ μουσικά σύμβολα τῆς εἰ-  
κόνας εἰκόνατος φύσις. μὴν γὰρ ἐπὶ τῆς σφωτιστικῆς οὐσίας καὶ τοῦ σχήματος καὶ τοῦ εἶδους,  
καὶ ὅρατα ἐστὶ καὶ ἀπτά, οἷα καὶ πρότερον ἦν τοῦτα. δι' αὐτὴν ἵσμεν καὶ πιστεύομεν. Παρεστὶς τοῖν-  
υν τῷ ἀρχέτυπῳ τῇ εἰκόνι καὶ εἴη τῇ ὁμοιότητι. καὶ εἰκόνα τῇ ἀληθείᾳ τὸν τύπον, καὶ γὰρ  
εἰκόνα τὸ σῶμα τὸ μὲν πρότερον εἰδὲν ἔχει καὶ σχῆμα καὶ περιγραφὴν καὶ ἀπαξίαν εἰπὺν τῇ  
τοῦ σώματος οὐσίαν, ἀδυνατοὶ δὲ μιὰ τὴν ἀνέκδοτον γένεσιν καὶ κριτικὴν φθεγγῆς καὶ τῆς ἐκ-  
δοῦν ἡμῶν καθόδους καὶ παρὰ πάσης προσκυνήσας τῆς κτίσεως ὡς δὲ σῶμα χρηματίζον τοῦ  
δισποτικοῦ τῆς φύσεως.

*Hac ita Latine.*

*Oribodoxus.* Dic igitur; symbola mystica quæ à sacra facientibus Deo offe-  
runtur, quarum rerum sunt symbola? *Era.* Corporis & sanguinis Domi-  
nici.

*Oribod.* Corporisne quod verè existit, an quod non verè. *Era.* Quod verè  
existit.

*Oribod.* Optimè: necesse est enim imaginis quoddam esse exemplar atque  
archetypum: nam & pictores naturam imitantur, & rerum spectabilium for-  
mas effingunt. *Era.* Ita est.

*Orib.* Quodd si igitur divina mysteria corporis reverà existentis sunt antitypa;  
sanè & nunc quidem Domini corpus reverà corpus est, non quidem in deitatis  
naturam commutatum, sed divinâ gloriâ impletum.

*Era.* Næ tu opportunè de divinis mysteriis sermonem injecisti. Hinc etenim  
tibi

tibi Dominici corporis in aliam naturam permutationem commonstrabo. Age itaque responde ad meas interrogationes.

*Ortbot.* Respondebo. *Era.* Quo nomine vocas donum quod offertur ante sacerdotalem nuncupationem?

*Ortbot.* Haud fas est palam effari, verisimile est enim quosdam hinc adesse nondum initiatos. *Era.* Ænigmatice itaque respondeto?

*Ortbot.* Voco alimentum ex certis granis compositum.

*Era.* Alteri verò symbolo quod nomen damus?

*Ortbot.* Commune etiam nomen quod potus quamdam speciem denotet. *Era.* At verò post sanctificationem quibus ea nominibus appellas?

*Ortbot.* Corpus & sanguinem Christi. *Era.* Et credis omnino corporis & sanguinis Christi fieri participem?

*Ortbot.* Ita credo. *Era.* Quemadmodum igitur symbola corporis & sanguinis Domini alia quidem sunt ante sacerdotalem nuncupationem, postea verò immutantur & alia fiunt: ita planè & corpus dominicum post assumptionem in essentiam commutatum est divinam.

*Ortbot.* nã tu iis quæ retendisti retibus ipse captus es: neque enim post sanctificationem symbola mystica propriam exuunt naturam, (permanent enim in priori substantia, figura & specie, & sunt non minùs spectabilia & palpabilia ac priùs.) sed mente & cogitatione comprehendenda sunt ea quæ facta sunt & creduntur. Nunc itaque exemplari huic & archetypo imaginem adaptato, & planè cernes similitudinem; oportet enim veritati similem esse figuram. Etenim & illud corpus retinet priorem quam habuit figuram, formam & circumscriptionem, & ut breviter dicam ipsam corpoream essentiam: post resurrectionem autem factum est immortale & omnis corruptionis planè expers & ipsa etiam ad dexteram sessionem dignum atque ab universa creatura, utpote quæ verè corpus ejus dicitur qui naturà Dominus est, adorandum.

Possem ex Irenæo, Origene, ex Clemente Alexandrino, ex Cypriano, Ambrosio atque Basilio, Nazianzeno, Chrysostomo, Macario, Maximo, aliisque infinitis ejusmodi luculentissima atque certissima testimonia depromere, planissimequè demonstrare universæ Ecclesiæ sensum à Christo nato adusque Bertrami tempora, qui hac de re librum de industria conscripsit sub ætate Caroli (ni fallor) Crassi, certum atque constantem semper fuisse. Postea verò quàm horrenda illa Gothorum vastatio ecclesiæ iusto Dei judicio pro virtute libidinem, pro justitia tyrannidem, pro pietate superstitionem invehærat sub Nicolai tempora, qui Berengarium rectè atque orthodoxè sentientem canere coëgit palinodiam, tum primùm Romanorum Pontificum fulminibus, univèrsam propè terrarum orbem territantibus, invecsa est hæc de transubstantiatione doctrina. Sed nolo veritatis luci manifestissimæ conquestorum testium multitudine facere præjudicium, ne videar doctrinæ orthodoxæ atque ecclesiasticæ aliud amplecti fundamentum aliudque ædificæ, nisi unam ac solam sacræ Scripturæ doctrinam, cui quamdiu consenserint Patres non verebor eos laudare ac venerari, sin autem ab ea desciverint, haud mihi sanè plaris erunt quàm fuit Augustino synodus Ariminensis, vel nobis est Tridentina.

Sed

Sed quia longior fui quàm speraram, nolo in hujus novæ quæstionis campum digredi; ad epistolam enim illam tuam quam responsioni de sacramentis adjecisti respondebo aliàs. Interea hoc meum scriptum rogo ut boni consulas, & si quâ parte erro, Scripturis, ratione & probatissimorum testium auctoritate errorem commonstres, sin minùs, vel ipse veritati locum des, vel nos certè propter veritatis testimonium multa indigna patientes tuo patrocinio tueare. Vale, Vir Amplissime, meque tui esse observantissimum tibi certò certius persuade.



## MICHAELIS BAII

## RESPONSIO

## AD EA QUÆ

## MARNIXIUS

## OPPOSUIT EJUS

## RESPONSIONI

## AD QUÆSTIONES DE

## SACRAMENTO ALTARIS.

Generoso, Nobili Eruditissimoque viro, Domino Philippo  
Marnixio Sanctaldegondo.



Estâ responsione tuâ ad ea quæ de posterioribus quæstionibus tuis, quantum Deus largiri dignatus est, disserui, eruditissimè D. Sanctoaldegonde: deprehendi te disputationi meæ minùs consentire, quod non satis assecutus sis quomodo vel dicta mea sibi consentiant, vel quibus firmentur argumentis. Et inter ea quæ discrepare existimas, imprimis profers, quod dixi verbum substantivum, *EST*, usitatâ suâ significatione substantialitatem notare: cum tamen ante præmiserim enuntiationes simplices in quibus alterum de altero mediante verbo substantivo, *EST*, enuntiatur, aliquando proferri intentione asserendi id quod est priusquam talis enuntiatio proferri incipiat, aliquando verò intentione faciendi id quod nondum est quando ejusmodi oratio enuntiari incipit, sed tunc demum erit quando ipsa enuntiatio absoluta fuerit.

Hanc enim distinctionem sic accepisti, quasi dixissem verbum substantivum, *EST*, bifariam accipi, aliamque significationem habere in iis enuntiationibus quæ tantum proferuntur intentione asserendi quod præfuit, & aliam in iis quæ dicuntur intentione faciendi quod tali enuntiatione designatur. Id quod neque dixi, neque significare intendi.

Sed tantum volui ostendere, enuntiationes quasdam manente eadem usitatâ & genuinâ omnium vocum significatione, posse aliâ & aliâ intentione dici: nempe

nempe intentione asserendi quod præfuit, & intentione faciendi quod non præfuit, sed quod tum demum erit quando ejusmodi enuntiationi absoluta fuerit. Et quia satis suspicabar istud posterius enuntiationum genus à te minus observatum; conatus sum illud comprobare, non tantum sermone jurisconsultis noto, sed etiam tribus sacræ Scripturæ testimoniis: quorum duo satis leviter attigisti; sed tertium, tanquam huic rei impertinens, omnino præteristi: in quo tamen tantà evidentiâ ostenditur, unam & eandem enuntiationem, manente prorsus eadem vocum significatione, posse proferri & intentione faciendi quod non præfuit, & intentione significandi quod præfuit: ut non nisi absurdissimè negari possit. Erat quidam regulus cujus filius infirmabatur Capharnaum: abiit & rogavit Jesum ut sanaret filium ejus: tandem dicit ei Jesus: filius tuus vivit: & hoc dicendo sanavit eum, sicut etiam postea à ministris sibi occurrentibus cognovit. Hic significavit Jesus, non quod præfuit, sed quod hæc dicendo fecit: nempe quod filius ejus viveret, id est sanus esset. Descendente regulo, servi occurrerunt ei, & indicaverunt dicentes quia filius ejus viveret: ergo & hi dixerunt regulo filius tuus vivit; non aliâ vocum significatione, sed prorsus aliâ intentione; quia Christus regulo dixerat, filius tuus vivit, intentione faciendi quod dicebat: servi verò dixerunt eidem, filius tuus vivit: non intentione faciendi quod prius non erat, sed intentione nuntiandi quod jam esse gaudebant, & ipsum regulum gaviurum esse sciebant. Accipe exemplum aliud: Cum Jesus ex cruce vidisset matrem & discipulum stantem quem diligebat: dicit matri suæ, non de seipso sed de discipulo: *mulier, ecce filius tuus*: deinde dicit discipulo, *ecce mater tua*: & ex illa hora accepit eam discipulus in suam.

Quæro an Jesus hic matri & discipulo dixit quod præfuit, an potius quod suis verbis effecit? certè si præfuisse, non subjecisset Evangelista, quoddam illa hora, nempe quâ hoc audit à Domino, accepit eam discipulus in suam: non significatione (ut ais) sed adoptione, sicut etiam in civilibus fieri solet. Sicut enim Christus mandando multa effecit, quæ nos iisdem verbis & eadem significatione acceptis tantum præcipere solemus: ut, *surgere, tolle grabatum tuum, & ambula*: *Lazarus veni foras*: *Extende manum tuam*: *Respice*, &c. sic etiam per præsens enuntiationem multa effecit, quæ nos iisdem verbis, eadem significatione acceptis, præfuisse significamus. Jam puto intelligis me, dicendo, enuntiationes in quibus alterum de altero enuntiatur, mediante verbo substantivo, EST, aliquando proferri intentione asserendi quod præfuit, aliquando verò proferri intentione faciendi quod non fuit, sed quod tunc primum esse incipit quando prolata est oratio; non geminasse verbis substantivi, EST, notionem, sed semper genuinam & usitatam servasse, quæ substantialitatem significat: ac proinde non esse contrarietatem, quam in meis scriptis contrarietatem esse putasti, sed meram & apertam veritatem solidis & manifestis Scripturæ sacræ testimoniis sufficienter comprobata.

Aliam contradictionem attulisti, quoddam dixerim apud Evangelistas verba Christi, *accipite & comedite*, non debere construi cum nomine, *panem*, quod præcessit, quando Evangelista ait: *Accipit Jesus panem*; quia ibi de communi pane loquitur, quem Ambrosius usitatum vocat. Sed dixi debere construi cum



eo quod sequitur: *hoc est corpus meum*; vel cum eo quod intelligitur; panem benedictum & consecratum. Quasi videlicet hæc inter se opponantur: verbum, *comedite*, non construitur cum nomine, *panem*, quod præcessit: quia significat panem usitatum; sed construitur cum nomine, *panem benedictum & consecratum*, quod intelligitur: cum manifestum sit panem benedictum & consecratum jam ampliùs panem non esse: sed in Christi corpus esse mutatum: sicut aqua in vinum mutata jam ampliùs non est aqua sed vinum: & homo mortuus non ampliùs est homo sed cadaver. Non est igitur sibi contrarium verba Christi, *Accipite & comedite*, non construi cum nomine, *panem*, quod præcessit, sed cum eo quod sequitur, *Hoc est corpus meum*: vel cum eo quod intelligitur; *panem benedictum & consecratum*: sicut construit Ambrosius.

Longum esset cuncta prosequi, nunc præsertim occupationibus me aliò vocantibus: ne etiam per occasionem particularium difficultatum, quas Deo iuvante postea per otium carptim excutiemus, causæ caput prætereamus. Non est enim cardinem, in quo vertitur summa nostræ controversiæ esse; in qua, imò in utra significatione accipi debeat verbum substantivum, *EST*, cum ait Christus: *hoc est corpus meum*; an ut substantialitatem designet, an verò ut ponatur pro verbo, *significat*. Ambo dicimus propriam & genuinam significationem verbi, *EST*, esse, ut substantialitatem designet. Fatemur etiam propositionem hanc, *hoc est corpus meum*, veram esse non posse, si verbum substantivum, *EST*, in propria significatione sumatur, & simul ad id respiciatur quod ante horum verborum prolationem existit. Nam verum esse non potest, quòd hoc, id est, hic panis in sua substantia permanens, sit corpus Christi: & nihilominus ne in Christum, qui veritas est, blasphemus simus, ambo defendimus verum esse quod accepto pane dixit, *hoc est corpus meum*. Sed tu hanc veritatem defendis, dicendo verbum, *EST*, non accipi in usitata & genuina significatione, sed pro verbo, *significat*, quasi dixisset: hic panis significat corpus meum. Ego verò, imò Catholica fides defendit, sententiam hanc à Christo prolatam veram esse, accipiendo verbum substantivum, *EST*, in sua genuina significatione: sed addit, Christum hanc sententiam protulisse, non respiciendo ad id quod erat priusquam eam enunciaret, sed ad id quod his verbis faciebat, & quod futurum erat ultimo momento prolationis eorum: quasi dixisset: hoc quod ex hoc pane verbis meis facio, est corpus meum. Et ut ostendam hunc loquendi modum Christo non fuisse inusitatum, alia ejus verba profero quibus regulo dixit: filius tuus vivit: dixit matri suæ de Joanne Apostolo, *Ecce filius tuus*: dixit ipsi Joanni, *Ecce mater tua*: quibus verbis non intendit significare quod præfuerat, sed facere quod nondum erat: sicut supra latius prosecuti sumus. Imò etiam verbo præterito significavit quod non præfuit, sed tantum prolatâ oratione perfecit, dicens: *Mulier, dimissa es ab infirmitate tua*. Quia igitur hujus collationis initio tam grater acceptis, quod dixi, judicium de Christi Ecclesia ex sola Scriptura juxta D. Augustinum peti debere, cui etiam subjecisti reliquas controversias nullo negotio compositum iri, si ad verba Domini Salvatoris Scripturis sanctis tradita tanquam ad Lydium lapidem explorentur: oro; ut quemadmodum ego multis & certis Scripturæ sacræ testimoniis ostendi Christum verbis indicativis præsentis temporis imò

& præteriti sine ulla æquivocatione tam præcedenti quàm præsentī scripto sæpius significasse, non quod præfuerat antequam loqui inciperet, sed quod suis verbis faciebat: sic etiam certa proferastestimonia, in quibus Christus verbo substantivo, EST, usus sit pro verbo, *significat*, præsertim dicendo simpliciter, hoc est illud: ut omnibus ex utraque parte diligenter consideratis, facilius videri queat utri parti magis adhærendum sit: præsertim cum & Veteres omnes & omnia Concilia quæ hujus quæstionis mentionem fecerunt, eam partem amplexa sint quam tuemur, & contrariam expressè damnaverint. Nullum enim unquam audiui designari Concilium in quo vestra sententia probata sit.

Fateor Berengarium primum eam in medium protulisse: sed sicut eam primus attulit, sic eam primus bis terve abjurando, & quantum memini, in abjurazione moriendo, jugulavit. Quod ais, multos pro hac sententia subiisse mortem, non me mover: tum quia plures pro veritate catholica oppetierunt mortem, tum etiam quia Donatistæ & alii plures hæretici similia prætendentes semper ab Ecclesia contemti sunt. Nam ubi quis pro justitia moritur, veritatis testificatio est: ubi verò pro errore, obstinationis est miserranda ostentatio. Quod fieri posse testatur Apostolus, cum ait: Si tradidero corpus meum ita ut ardeam, charitatem autem non habuero nihil mihi prodest. Martyrem non facit poena, sed causa; si videlicet pro justitia moriatur: sicut Dominus definivit dicens: *Beati qui persecutionem patiuntur propter justitiam*. Sed de his hæcenus. Hoc unum te suppliciter oro, optime Domine, quod & fratrem proprium si tuo loco esset obnixè rogarem, ut diligenter expenso libello D. Augustini de unitat. Eccles. prudentia tua consideret, an audeat considerare se esse in Christi Ecclesia, extra quam salus esse non potest; quia in die judicii nos non juvabit tergiversatio & subtilis defensio positionis, sed humilis, simplex & aperta veritatis confessio, quam in mansuetis & humilibus operatur Deus. Bene vale. 18. Decemb. 1577.

Scio non tantum seculares libros vulgaresque sermones, sed etiam sacros libros tam novi quàm veteris testamenti plenos esse parabolis, allegoriis, tropis, altisque figuratis locutionibus: sed ego eum tropum quæro in Scripturis sacris usurpatum, secundum quem verbum substantivum, EST, pro significat ponatur, quia nondum video mihi illum reperiisse: Nam ubi Christus propter aliquam proprietatis similitudinem significatur esse leo, agnus, petra, serpens, hircus, aut aliud ejusmodi, non est æquivocatio aut tropus in verbo substantivo, EST, sed illa in genuina sua significatione permanente, tropus in attributo queritur, idque ex justa aliqua necessitate, sicut lib. 3. de doctrina Christi cap. 16. à te citato docet Augustinus; quapropter si in his sententiis, *hoc est corpus meum, hic est sanguis meus*, tropus aliquis esset, is (ut tuâ pace dicam) non esset querendus in verbo substantivo, EST, sed aut in pronomini- bus, *hic & hoc*, quæ subjiciuntur, aut in orationibus, *corpus meum, & sanguis meus*, quæ de pronomini- bus enuntiantur. Qui tropus specialiter probandus esset, non ex aliis vocibus, sed ex ea ipsa in qua tropus esse asseritur. Non enim sequitur, agnus, leo, serpens, tropo Christum significant, ergo & quævis alia vox. Hæc celeriter dicto & scribo, sciens te satis intelligere

quid velim, etiam si illud non admodum scitè exprimam; iterum vale: eo die quo suprà.

*Tuus Mich. de Baii.*

**N**unc superest ut carptim & quantà potero brevitate reliquistæ disputationis capitibus quæ nodum quæstionis facere videbantur, respondeam.

1. Si Christus ex pane corpus suum benedicendo fecit, igitur simpliciter & consueta locutione verum est quod postea dixit: hoc est corpus meum.

#### R E S P O N S I O.

Benedictiones in Scripturis Sacris duobus modis factæ leguntur: sine verbis; & cum verbis: sine verbis ut Matth. 14. Christus aspiciens in cælum, benedixit & fregit & dedit discipulis panes multiplicatos: sed nulla benedictionis verba protulisse legitur. Similiter Lucæ 9. ubi acceptis quinque panibus & duobus piscibus, suspexit in cælum, & benedixit illis; non legitur expressisse aliqua benedictionis verba. Sed Genesis 1. *Deus benedixit animalibus, dicens: Crescite & multiplicamini;* & 35. *Deus benedixit Jacob, dicens: Non vocaberis ultra Jacob, sed Israël erit nomen tuum;* & 49. Jacob benedixit singulis filiis benedictionibus propriis, quas & prophetando verbis expressit. Hoc posteriori modo acceptum panem benedixit Jesus dicens, *Hoc est corpus meum.* Quamobrem Christi benedictio, quâ panem benedixit, non præcessit hæc verba, *Hoc est corpus meum:* sed his verbis facta est; ac proinde res verbis istis significata non præcessit horum verborum prolationem, sed potius secuta est, sicut effectus causam sequitur; & idè respiciendo ad id quod præfuit, sicut frequentius in hujusmodi sermonibus respicere solemus, non potest verum esse quod ait Christus, *Hoc est corpus meum:* sed tantummodò respiciendo ad id quod istis verbis efficiebatur; sicut priùs diximus.

2. Si benedictionis vi panis usitatus in corpus Christi transsubstantiatur, quæ tandem sunt benedictionis tam efficacia verba?

#### R E S P O N S I O.

Huic difficultati clarè & disertè satisfactum est, respondendo quæstioni quâ initio hujus collationis sciscitabaris, si subjectum positum in hac propositione, *Hoc est corpus meum,* mutatur, quando mutatum fuit, quâ vi, quo Domini mandato, quo divini verbi argumento. Legantur verba non tam mea, quàm Divi Ambrosii ibi posita; & manifestè invenietur, quòd benedictionis verba efficacia, sint Christi verba, quibus ait, *Hoc est corpus meum;* sicut etiam satis clarè testantur Evangelistæ & D. Chrysost. circa finem homiliæ de Juda proditore, tomo 3. Nec dicimus verbo *ἡμεῖς*, metamorphosin aut transsubstantia-

stantiationem significari: quia potest homo Deo & homini absque ulla mutatione benedicere. Sed dicimus quòd quemadmodum Deus benedicens animalibus, dicendo, *crescite & multiplicamini*, dedit eis generandi facultatem: sic etiam Christus benedicendo panem, his verbis, *Hoc est corpus meum*, de pane corpus suum fecerit.

3. *Libenter damus quod ait Ambrosius, Christum suis verbis elementa omnia posse commutare.*

### R E S P O N S I O.

Vellem eadem facilitate dares, quod idem Ambrosius ait: *Antequam consecratur, panis est; ubi autem verba Christi accesserunt, corpus est. Denique audi dicentem: accipite & edite ex eo omnes, Hoc est corpus meum.* Quia non ad alium finem dicit Ambrosius, quòd sermo Christi potens sit omnia convertere, quàm ut persuadeat quòd Christus his verbis, *Hoc est corpus meum, & Hic est sanguis meus*, panem & vinum in corpus & sanguinem suum converterit. Sed tu hæc D. Ambrosii verba, prius à me citata: *Antequam consecratur, panis est; ubi autem verba Christi accesserint, corpus est*: item, *De pane fit corpus Christi*; novo Calvini tropo eleganter expedis: quòd panis antequam consecratur, panis est: sed ubi verba Christi accesserint, est corpus, non substantià, sed representatione; & quòd panis desierit esse panis, non mutatione substantiæ, sed si spectes usum instituentis & finem institutionis. Certè si panis panis esse desierit quando ad significandum institutus est: igitur & vox vox esse desinit, quando ad significandum instituitur; quod an aliquis mortalium unquam senserit nescio. Fateor, cum supradicta verba D. Ambrosii proferrem, hoc omnino de ingenuitate & acumine ingenii tui confidebam, quòd longè citius responderes, aut Ambrosii verba non esse, aut te ejus sententià non teneri: quàm contra omnium legentium sensum conareris ea in alienum sensum detorquere. Sed video te ita imbutum & sensu & tropo à Calvino inventis, ut etiam pugnantissima tibi non nisi Calvinum sonent & sapiant. Quamobrem vide ne hic Calvini sensus tibi altissimè impressus, sit velamen & cauterium, de quibus loquitur Apostolus. Cæterùm cum dicis panem non substantià, sed representatione & institutione fieri corpus Christi, rogo quando & quibus verbis fit panis hoc modo corpus Christi? Scio te dicturum istis verbis quando proferuntur, *Hoc est corpus meum*. Ex quo infero, quòd ante horum verborum prolationem hic panis non fuit corpus Christi, nec substantià, nec institutione. Quæro igitur ulterius, quomodo suprà dixisti, quòd si à Christo aquam in vinum mutante dictum fuisset, *Hoc est vinum*, omnino vel à propria significatione verbi, *EST*, deflexum esset, vel certè verum esse non potuisse, nisi jam antè à alià quâpiam vi facta fuisset mutatio? Nam si acceptà aquà, sine deflexione à significatione verbi, *EST*, verè dici non potest, hoc est vinum, nisi jam antè à alià quâpiam vi facta sit mutatio aquæ in vinum, quomodo sine deflexione à significatione verbi, *EST*, verum esse potest quòd hic panis sit representatione & institutione corpus Christi, nisi jam ante ista verba alià quâ-



quâplam vi facta fuerit præacta sacramentalis institutio, quâ hic panis hoc modo corpus Christi effectus sit? Jam puto vides etiam secundum sensum quem prætendis, omnino tibi dicendum, quod Christus accepto pane dicens: *Hoc est corpus meum*; non ad id respexerit quod erat ante horum verborum prolationem, sed quod verbis suis faciebat, nempe ad institutionem sacramenti, per quam dicit panem hunc factum esse corpus Christi. Ac per hoc vides te, asserendo quod Christus dicens, *Hoc est corpus meum*, non ad id respexit quod faciebat, sicut ego dixi & Scripturis Sacris usitatum esse ostendi: sed ad id quod præfuerat; non tantum esse in aperto errore, sed etiam te tibi ipsi manifestè contradicere: aut certè ista duo inter se concilia: Non potest verum esse, si acceptâ aquâ dicatur, Hoc est vinum, nisi vi aliquâ antè facta sit mutatio aquæ in vinum: & tamen verum est quod accepto pane dicitur, hoc est corpus Christi institutione, etiam si ante horum verborum prolationem nondum facta sit jam dicta institutio sacramenti: sed nunc primùm his verbis fiat quod iisdem verbis significatur.

4. *Rogas quomodo Christus corpus suum fregit?*

R E S P O N S I O.

Christus corpus suum seu panem benedictum fregisse dicitur: quia sic fregit sacramentum quo corpus suum tegebatur, ut licet corpus integrum & incorruptum permaneret, tamen non ab uno tantum, sed à pluribus sub sacramento sumeretur. Non enim uni, sed omnibus discipulis ait Christus: *accipite & manducate, hoc est corpus meum*. Et si Dominus gloriæ ratione humanitatis in qua lædipotuit, rectè crucifixus esse dicitur, quid mirum, si Christi corpus, ratione formæ panis, sub qua continetur, etiam frangi dicitur? Sed qui ad credendum tardi sunt, facilè tergiversationes quærunt, quas Christi verbis opponant: sicut opposuit Zacharias dicens: unde hoc sciam? quem Elizabeth latenter coarguens, ait beatæ virgini: *Beata quæ credidisti, quoniam perficientur quæ dicta sunt tibi à Domino*.

5. *Si verbis istis, hoc est corpus meum, fit transmutatio panis in Christi corpus: igitur verbum, EST, relicta propriâ significatione pro, fieri, positum est.*

R E S P O N S I O.

Possent alius simili modo dicere: si Christus his verbis, *filius tuus vivit*, filium reguli sanavit: igitur verbum, *vivit*, relicta propriâ significatione, pro, *sanus fit*, ponitur. Et si Lazarum his verbis è sepulcro eduxit, *Lazare veni foras*; igitur verbum, *veni*, ponitur pro, *facio te venire*. Et denique si his verbis, *hoc est corpus meum*, efficitur, ut hic panis sit sacramentaliter corpus Christi: igitur verbum, *EST*, relicta propriâ significatione pro, *fieri*, positum est. Quasi Deus, apud quem ab æterno sunt omnia (nam quod factum est in ipso vita erat) non possit mediante verbo, *EST*, efficere,



re, ut quod est ab æterno apud illum, etiam ex tempore apud nos esse incipiat.

6. *Argumentum quo docetur verbum, EST, in hac enuntiatione, Hoc est corpus meum, accipi pro, esse sacramentaliter: Quotiescunque elementis terrenis spiritalium rerum nomen per verbum, EST, attribuitur, verbum, EST, non demonstrat substantiam, sed declarat quid fidei exhibeatur.*

### R E S P O N S I O.

Dicis infra hâc eâdem responsione, verbi, EST, unam & simplicem esse significationem, ac subjungis: Semper namque verbum, EST, significat, esse, sed non semper significat, esse substantiam: aliquando quantitatem, aliquando qualitatem, aliquando relationem. Quæ verba non tantum inter se, sed etiam cum hac ratiocinatione pugnare videntur. Inter se quidem: quia ubi analogia est, non est una & simplex significatio. Sed verbum, EST, non potest nisi analogicè pro substantia & reliquis supremis rerum generibus enumeratis ab Aristotele in categoriis accipi, quia alioqui esset unum supremum rerum genus: igitur cum significat aliquando esse substantiam, aliquando quantitatem, qualitatem, aut relationem, non est ejus simplex & una significatio, sed multiplex. Cum hac verò ratiocinatione in hoc pugnare videntur hæc verba, quòd ratiocinatio prætendat panem à Christo demonstratum corpus ejus fuisse, non simpliciter, sed tantum sacramentaliter & secundum quid. Nam quemadmodum esse aliquid imaginariè, non est illud esse simpliciter, sed secundum quid, sic etiam, esse corpus Christi sacramentaliter, non est esse corpus Christi simpliciter, sed secundum quid: ac per hoc significatio verbi substantivi, EST, non tantum ex eo multiplex invenitur secundum sententiam tuam, quia analogicè significat non tantum esse substantiam, sed etiam quantitatem, aut relationem, aut aliud supremum rerum genus: sed quia aliquando significat esse simpliciter aliquid, aliquando verò esse non simpliciter, sed sacramentaliter sive significativè. Deinde non explicas in hac Christi sententia, *Hoc est corpus meum*, an attributum, *corpus meum*, significet verum Christi corpus, an tantum signum seu sacramentum corporis Christi. Nam si per metonymiam tantum significet signum seu sacramentum corporis Christi, nihil opus est verbum substantivum, EST, novo tropo & in rhetorica hætenus ignoto explicare, dicendo quòd significet *esse sacramentaliter*: Si verò attributum, *corpus meum*, significet veram corporis Christi substantiam, tunc necessum est verbum substantivum, EST, à sua propria significatione deducere, ut aliud significet quàm significare consuevit cum simpliciter loquimur: nempe ut significet non simpliciter esse, sed esse sacramentaliter. Oro ut hæc digneris explicare, ne fortè suspicemur te obscuris verbis eos qui parvi sensus sunt velle deludere, & novo tropo obnubilare quod apertè eloqui & in lucem proferre non audes. Sed nunc ad ipsum argumentum veniamus, quo conaris ostendere verbum, EST, in hac Christi sententia, *Hoc est corpus meum*, debere accipi pro, *esse sacramentaliter*, seu significativè, etiam non obstante quòd

verbi, *EST*, sit simplex & una significatio, id quod tamen mihi videtur esse ænigmati simile. Imprimis itaque in tua ratiocinatione assumis universale axioma philosophiæ naturali & Scripturæ sacræ prorsus ignotum, & nullo tamen Scripturæ sacræ exemplo, velut inductionis initio, probatum. Neque enim ullum adfers testimonium in quo ostendas verbum substantivum, *EST*, pro *significat*, vel pro *esse sacramentaliter*, debere accipi, sed tantum asseris te existimare esse axioma perpetuum & indubitatum. De quo tamen axiomate ego vehementer dubito, quia nullum videor mihi Scripturæ sacræ testimonium reperire in quo verbum, *EST*, à sua propria significatione translatum, pro verbo *significat*, aut pro eo quod est *esse significative*, ponatur. Nam sicut etiam prius dixi, ubi Christus propter aliquam proprietatis similitudinem tropicè dicitur esse agnus, leo, ostium, serpens, vitis, lapis aut aliud ejusmodi, non est tropus aliquis in verbo, *EST*, quo à propria sua significatione transferatur, ut ponatur pro *significat*, vel pro *esse sacramentaliter*, sed tantum in ipsis attributis. Ut igitur rem compendio colligam, in his duabus sententiis, *hoc est corpus meum*, *hic est sanguis meus*, nullus est tropus in subjectis quo à propria significatione transferantur; quia secundum tuam sententiam accipiuntur pro pane & vino proprii nominis. Nullus etiam est tropus in verbo substantivo, *EST*; quia ut ipse confiteris, una & simplex est ejus significatio quâ semper esse significat: igitur secundum tuam sententiam necessum est tropum invenire in attributis, *corpus meum* & *sanguis meus*, secundum quem tropum transferantur à substantiis, quas propriè significant, ad earum substantiarum imagines & sacramenta. Rogo igitur ut testimonium aliquod Scripturæ sacræ proferas, ubi hæc attributa, *corpus Christi*, *caro Christi*, *sanguis Christi*, à significatione quâ substantias significant transferantur, ut harum substantiarum imagines seu sacramenta significant; ne fortè tuo axioma, cuius nullum profers exemplum præsentī negotio conveniens, ego aliud axioma opponam: nempe quod in Scripturis sacris non exstet exemplum in quo nomen aliquod Christi substantiam sive divinam sive humanam propriè significans, à sua propria significatione translatum, elemento aut inanimatæ substantiæ tribuatur, ad significandam aliquant ejus proprietatem. Nam licet Dominus apud Psalmistam hominem ad suam imaginem conditum & divinæ naturæ consortem hoc honore afficiat, ut substantiæ suæ nomen tropo quodam illi commune faciat, dicens: *Ego dixi, dii estis, & filii excelsi omnes*: attamen non facilè invenietur tale aliquid inanimatæ substantiæ tribuisse.

7. *Qui panem benedicunt, vel de benedicto pane participant, non debent hære in proposito pane & poculo: sed elevatâ mente per fidem, considerare agnum Dei.*

#### R E S P O N S I O.

Quis nescit panem hunc benedictum esse Christi morientis sacramentum? unde etiam mandatum est à Domino, *hoc facite in meam commemorationem*: ut & offerentes hostiam salutarem, & participantes, elevatâ mente per fidem, perpe-

perpetuū in eam formam intenti sūt quam Christi corpus habuit, & in cruce per passionem, & in resurrectione per gloriam & immortalitatem. Sed numquid inde sequitur, corpus istud in sacramento non contineri? alia forma consideranda est, ut perpetuū habeatur passionis & resurrectionis memoria; sed non alia substantia quā in sacramento ipso contineatur.

*Sicut cū de sacramento agitur, jubemur accipere & manducare corpus Christi: sic etiam Joan. 6. dicitur, nisi manducaveritis carnem filii hominis, & biberitis ejus sanguinem, non habebitis vitam in vobis. Sed apud Joannem, testante Augustino, figura est præcipiens passioni ejus esse communicandum, & suaviter atque utiliter recondendum in memoria, quod pro nobis caro ejus crucifixa & vulnerata est: igitur etiam figurata sunt Christi verba quibus ait: Accipite & manducate, hoc est corpus meum.*

## RESPONSIO.

Verba Christi apud Joannem, quæ nondum instituto corporis & sanguinis Domini sacramento primā facie significabant, carnem Christi eo modo manducandam esse quo laceramus & manducamus carnes boum & arietum, juxta Augustinum simpliciter accepta flagitium aut tacinus jubent, & idē figuratē accipienda sunt. Sed quia tale nihil jubent verba Christi, offerentis corpus suum manducandum & sanguinem bibendum sub specie panis & vini: idē nihil opus est hīc figurā. Deinde quando ait Augustinus, figuratam esse locutionem quā dicitur: *Nisi manducaveritis carnem filii hominis, & biberitis ejus sanguinem, non habebitis vitam in vobis; & caro mea verē est cibus; numquid dicit figuram esse in nominibus, carnem & sanguinem; an potius in verbo, manducaveritis, & in nomine, cibus?* sicut & in nomine panis, quod ibi transsumitur ad significandum omne id quod vitam tribuit, sicut & in eo testimonio quod ex Apostolo protulisti: *panis quem frangimus, &c.* Nondum igitur reperisti testimonium in quo nomina hæc, corpus, caro, aut sanguis Christi, transsumantur ad significandam imaginem carnis aut sanguinis ejus; sed tantū reperisti aliarum vocum translationem, quæ designandis veri corporis & sanguinis Domini proprietatibus deserviant: nempe harum vocum, *cibus, panis, manducaveritis*. Sicut enim esurire dicimur quod vehementer desideramus, sic manducare quo delectamur. Cujus difficultatis tibi conscius, hætenus videris voluisse tegere quod in nominibus, *corpus meum, sanguis meus*, figuram intelligeres, quam in Scripturis sanctis invenire non potes, & idē illam in verbum, EST, transferre voluisti. Sed quia etiam illius verbi figuratam translationem à te prætentam in Scripturis sanctis invenire non potes, idē adhuc in luto hæres, nec invenis quomodo ex Scripturis sacris hanc controversiam inter nos componas, etiam illam ex Scripturis sacris componendam tibi libenter offeramus. Non enim sequitur, verbum *manducaveritis*, & nomina *cibus & panis*, ad significandam aliquam veri corporis & sanguinis Christi proprietatem transferuntur; ergo etiam nomina hæc, *corpus meum, caro mea, sanguis meus*, transferuntur ad significandas harum substantiarum imagines aut sacramen-

cramenta; nec sub signo servit qui corporis & sanguinis Christi veritatem sub venerabilis sacramenti speciebus contineri contendit, si modò per species ipsum corpus ac sanguinem ibi invisibiliter contentum, formam passionis & resurrectionis ejus recolat: sed potiùs Manichæis accedit, qui per corpus & sanguinem Christi non corporis & sanguinis veritatem, sed imaginem intelligendam præscribit. Quia si non veritas, sed imago corporis Christi intelligitur, ubi ait Christus, *hoc est corpus meum*; quid prohibet etiam Manichæos dicere, quòd ubicunque corpus & sanguis Christi nominatur, ibi non veritas, sed imago & phantasma debeat intelligi? Nec causam juvare potest, quòd super caput 6. Johan. ait Augustinus tract. 26. manducare illam escam & bibere illum potum, esse in Christo manere & illum manentem in se habere, quia ibi per escam & potum non intelligitur corporis & sanguinis nudum sacramentum, sicut intelligi vis per corpus & sanguinem Christi, cum ait Christus, *hoc est corpus meum*, *hic est sanguis meus*; sed solùm ostendit quis sit modus manducandi veram carnem & verum sanguinem, de quo ibi loquitur Christus, aut si ibi ullam carnis & sanguinis transumptionem intelligit Augustinus, non eam intelligit, quæ est de veritate corporis & sanguinis Christi ad signa corporis & sanguinis ejusdem; sed tantùm quæ est à capite ad corpus, id est à Christo ad Ecclesiam; ut cum dicitur, quòd iste cibus & potus sit societas Sanctorum. Unde nec ullo modo conformiter ad cap. 6. Johannis loqueris, quando temetipsùm urgens interrogas, an non revera panis est corpus Christi? ac deinde respondes; est sanè, & tamen verissimè, non substantià, sed quoad significationem; quia apud Johannem nullum est prorsus judicium quòd panis in sua substantia permanens sit corpus Christi propter aliquam significationem, sicut videri vis: Sed Christus se & carnem suam, panem & cibum nuncupat, quia cum pane & cibo similem habet proprietatem, quia videlicet dat vitam mundo. Juxta quem modum, etiam pater ipse panis nuncupatur, cum dicitur: percussus sum ut focum & aruit cor meum, quia oblitus sum comedere panem meum. Non enim vocatur Deus, panis angelorum aut hominum ante lapsum; quia pane materiali significatur: sed dicitur panis, quia in se sperantes & sibi adhærentes vivificat, sicut panis materialis vivificat se comedentes. Addis ex Scripturis sacris multas metonymias, sed quæ causam non tangunt, quia nulla earum probat, corpus & sanguinem Christi transferri ad significandum signa eorumdem: etiam si ipsum sacramentum, sub quo Christus continetur, signum sit ejus formæ quæ in ejus morte apparuit.

Et quis ignorat omnia sacramenta esse signa? Sed dum Calvinus ex hoc fundamento conatur ostendere, ipsa Sacramenta tantùm esse signa, & nullum prorsus effectum habere nisi quòd significant, non autem quòd nostram salutem operentur; eodem modo prorsus argumentatur quòtu hîc, sic colligendo: Sacramentum Eucharistiæ est signum; ergo non est corpus & sanguis Christi; cum utrumque sit & signum Christi morientis pro mundi vita, & veritas corporis & sanguinis Christi. Sicut aqua in baptismo & signum est, & aqua esse non definit; sed simul aqua & signum est, sed quando sibi relinquitur, tunc tantùm aqua est. Sicut dicit Augustinus, *quid est aqua, nisi aqua?* Quando verò sub certa verborum forma ad baptizandum adhibetur, tunc efficitur visibile



bile signum: nec tamen dici potest quòd desinat esse aqua; sed id verè dicere-  
tur, si aqua in vinum mutaretur. Sed tu æquitatem judicii postulas in eo quod  
dixi, Apostolum dicentem: *Panis quem frangimus, nonne communicatio corpo-  
ris Domini est*; non velle dicere quid sit panis, sed quid participatione hujus  
panis significetur & efficiatur. Quasi ego dixerim, verbum, *EST*, pro *si-  
gnificat*, esse positum. Video enim hunc Calvini tropum, quo aliquid aliud  
esse dicitur quia ipsum significat, ita animo tuo impressum ut vix quicquam di-  
ci queat quod non statim eò trahas. Dixi igitur in eo quod dixit Apostolus:  
*panis quem frangimus*; non significari quid sit panis, sed quid participatione  
hujus panis efficiatur: non exponendo verbum, *EST*, per *significat*: sed  
ostendendo cujus rei sacramentum sit comestio hujus venerabilis sacramenti,  
quasi dicas: panis quem frangimus, id est, sumtio panis benedicti, est parti-  
cipatio seu sumtio corporis Domini, & simul omnium nostrum cum ipso unio,  
id est unionis sacramentum & causa. Puto enim hujus transumptionis tropum,  
tibi ignotum non esse; secundum quem etiam dicitur quòd Christus factus sit  
sapientia & justitia, id est sapientiæ & justitiæ causa.

9. Dicit Augustinus, de doctrina Christiana lib. 3. cap. 9. miserabilem esse servi-  
tutem, signa pro rebus accipere.

## R E S P O N S I O.

Signa pro rebus non accipit, qui in tremendo Eucharistiæ sacramento cor-  
poris & sanguinis Christi præsentiam agnoscit: præsertim si simul intelligit ip-  
sam Eucharistiam esse etiam passionis Christi memoriam. Servitus est, ubi  
quod signum est restantum esse putatur, non ubi signum agnoscitur, & res  
quæ illo signo tegitur non negatur.

10. Addis Christum in omnibus Sacramentis nos revocare ad ascensionis suæ in cæ-  
lorum considerationem: ac proinde non esse nobis de substantiarum corporalium transmu-  
tatione laborandum.

## R E S P O N S I O.

Quid si alius dicat, Christum suâ incarnatione & omnibus miraculis quæ in  
terris fecit, nos ad cognitionem & amorem cælestium revocare: igitur non  
esse contra Mænichæos, neque de veritate incarnationis, neque de veritate  
miraculorum laborandum, sed tantum de iis ad quæ nos per ista revocat. Vi-  
desne in quæ prærupta nos ejusmodi argumenta præcipient?

11. Paulus infinitis locis panem post consecrationem non minus panem appellat quàm  
antè: igitur evertit fundamentum transubstantiationis.

## RESPONSIO.

Christus apud Joannem se panem appellat: Ego sum panis vivus qui de cœlo descendi; igitur evertit suæ divinitatis atque humanitatis veritatem. Item dicit: *panis quem ego dabo, caro mea est*: igitur evertit carnis datæ in cruce veritatem. Si autem & Christus & caro ejus, panis seu cibus verissimè dicitur, quia dat vitam mundo, quare non potest simili tropo etiam panis benedictus & in corpus Christi conversus, panis nuncupari, etiamsi post benedictionem non remanserit substantia panis, sed formâ remanente versa sit in corporis Christi veritatem?

Post hæc profers aliquot sanctorum Patrum testimonia, quibus videri vis eos suo tempore sensitse & docuisse sententiam quam tueris. Sed quia his ante annos fere quingentos per Lanfrancum, Guilmundum, Algerum, & nostro sæculo per Joannem Hesselium, aliosque plures plenissimè satisfactum est, productis etiam longè plurium pluribusque ac manifestioribus sententiis, quibus manifestè probantur id & docuisse & sensitse quod usque in hodiernum diem sentit & docet Ecclesia catholica, id quod & ipse satis videris agnoscere, quando fateris eos interdum hyperbolicè de hoc sacramento locutos. Nam quod apertè & simpliciter dixerunt, hoc videris hyperbolicè dictum interpretari; ne cogaris fateri esse mendacium. Quia igitur his Patrum testimoniis per alios satis responsum est; ideo his prætermisissis, ad illud transeo quod ais in fine responsionis tuæ;

12. Horrendam Gothorum vastationem Ecclesiam corrupisse, ipsamque Romanorum Pontificum fulminibus territam, invexisse doctrinam de transsubstantiatione.

## RESPONSIO.

Obsecro ex qua Scriptura sacra aliquando didicisti, Ecclesiam Christi persecutionibus esse corruptam; & non potiùs à vitiis & erroribus, qui dormientibus hominibus tempore pacis irrepere solent, veluti à somno excitatam & purgatam; promittente Domino apud Psalmistam: *Si dereliquerint filii tui legem meam, & in judiciis meis non ambulaverint, & mandata mea non custodierint, si justitias meas profanaverint; visitabo in virga iniquitates eorum, & in verberibus peccata eorum: misericordiam autem meam non dispergam ab eo, neque nocebo in veritate mea. Non enim continet Deus in ira misericordias suas: sed corripit in misericordia & miserationibus.* Sicut etiam Ecclesia orat apud Psalmistam: *Domine ne in furore tuo arguas me, neque in ira tua corripas me.* Non enim in ira corripit, quando ad hoc corripit ut emendet, & purgat palmites in se fructum facientes ut fructus plus afferant. Unde etiam confidenter dicit: *Virga tua & baculus tuus ipsa me consolata sunt; fructu, videlicet, qui ex flagellis nascitur.* Bonum mihi, inquit, quia humiliasti me, ut discam justificationes tuas. De quo Apostolus: *In disciplina perseverate, tanquam filiis vobis offert se Deus.* Et rursus apud Psalmistam: *Sæpe expugnaverunt me à juventute mea, dicat nunc Israël; id est,*

est, se antiquis exemplis in persecutione consoletur. *Sepe expugnauerunt me à iuventute mea; etenim non posuerunt mihi, scilicet nocere, sed potius prodesse, quia maior seruiet minori.* Et omnis iniquorum persecutio consumitur, operando salutem iustorum. Disciplinam Ecclesiæ non persecutio, sed pax longa corrumpit. Unde Prosper in Sent. *Inimici Ecclesiæ quolibet errore cacentur; si accipiunt postestatem corporaliter affligendi, exerceant ejus patientiam: si tantummodo male sentiendo aduersantur, exerceant ejus sapientiam: Et etiam, ut inimici diligantur, exerceant ejus benevolentiam: quia Deus is qui eum diligit, omnia cooperatur in bonum.* Sed & ipse memoriâ repetens quæ ab annis quinquaginta sex vidi, quando, auctore Lutero, cœpit hæresis has inferiores provincias infestare, inuenio & Abbatis Monachorum, & Capitula Canonicoꝝ, & multitudines inferiorum Clericorum, & turbam laicorum, ab innumeris & infandis sceleribus esse repurgatam, quæ facillè possem explicare, si luberet in hominum vitiis expatiari. Noli ergo, frater Sanctoaldegondie, noli existimare Ecclesiam Christi fuisse Gothorum vastatione corruptam aut extinctam; ut perniciosum errorem de transubstantiatione susciperet, susceptumque defenderet: sed crede fuisse à somno excitatam & purgatam, ut nascenti errori circa tremendum Eucharistiæ Sacramentum sese sincerè & constanter opponeret: & fidem Catholicam non tantùm verbo, sed etiam celebri festiuitate & conuenientibus ritibus, toto orbe terrarum concordiis animis prædicaret: sicut hodie transactis quingentis annis ab exorto errore constantissimè prædicat. Hæresum & schismatum est, instar torrentis subito extolli, & sedatâ tempestate paulatim deficere, sicut testatur Psalmista: *Vidi impium superexaltatum & eleuatum, sicut cedros libani: Et transiui, Et ecce non erat; Et quæsiui eum Et non est inuentus locus ejus.* Sicut defecerunt Donatistæ, qui de ducentis septuaginta Episcopis gloriabantur: defecit Berengarius & post eum Hus & Wicleff: imò & ipse Lutherus magna ex parte, recedentibus ab eo Carlostadio & Zwinglio, qui sup̄ episcopis ac presbyteris aliisque sacris Ordinibus in Scriptura sacra commendatis, filiorum ab Ecclesia recedentium turbam coacervantes, Calvino sectam parauerunt: quæ an diu subsistet, an verò paulatim degenerabit ad sectam Anabaptistarum, sicut Lutherana degeneravit ad sectam Calvinistarum, novit Altissimus, qui ad nostram correptionem & purificationem, illam & alias permisit exsurgere: quæ aut non flagellantur, recedente zelo Domini ab eis; aut flagellis non emendantur: sed proficiunt in pejus, errantes & in errorem mittentes: Christi verò Ecclesia adversus quam portæ inferi non prævalebunt, stabit in æternum: & licet aliquando velut obnubiletur multitudine scandalorum & falsorum fratrum, qui or̄ta persecutione exeunt, & instar palarum vento flante huc atque illuc rapiuntur: attamen etiam tunc in suis firmissimis eminet, ut nunquam abscondatur civitas super montem Christum posita: sed semper & bonis ad consolationem & malis ad persecutionem, satis sit nota & ab hæresibus schismaticisque discreta. Bene vale. 7. Januarii 1578.

*Tuus Mich. de Bay.*

PHILIPPI MARNIXII  
 EPISTOLA  
 MICHAELI BAIO  
 IN EJUS  
 RESPONSIONEM  
 AD  
 OBJECTIONES  
 MARNIXII.

Philippus Marnixius Sanctaldegondius Michaëli Baio.

S. P. D.



Ampliusquàm annus est, quòd reverso mihi ex Frisia, quo negotiorum publicorum causâ fueram ablegatus, Amplissime Cancellarie, seriùs redditæ fuerunt tuæ literæ. Et tamen dum responzionem parabam satis festinanter & tumultuariè, denuò ablegatus fui in Germaniam: ubi præter opinionem per aliquot menses hærendum fuit. Postea verò quàm huc redii, audio Lovanium in hostium isse potestatem: quod quidem mihi non solum per se fuit gravissimum; sed ea etiam re molestum, quòd non putarem nos posthac institutam nostram per Literas disputationem commodè posse perficere. Neque enim est animus ullum tibi periculum creare apud eos qui omni nobiscum communicationi graviter solent interdicare. Itaque putavi commodius esse tempus expectandum, & in aliam oportunitatem reliquam nostram disputationem rejiciendam, si fortè Dominus suâ benignitate nos iterum aliquando conciliare & pristino amicitia ac civitatis vinculo neclere dignetur. Dum id expecto, adfertur mihi ex Francofortensibus nundinis libellus cum hac inscriptione, *Michaëlis Baii Regii in Theologia professoris Academia Lovaniensis, ad quaestiones Philippi Marnixii Sanctaldegondii, de Ecclesia Christi & Sacramento altaris responso.* Perlustrò, & comperio meam responzionem meaque omnia argumenta de re Sacramentaria penitus esse omiſsa: solam il-  
 lam



lam Epistolam, quā probabam tuam de Ecclesiæ κατηχησιν in solo Dei verbo consistente iudicium, adjunctam, reliqua omnia deesse. Miror profectò tam mala fide à te nobiscum agi, qui Theologum & quidem Regium te esse profitearis: neque possum tantam contumeliam non tam in me, quàm in ipsam Dei veritatem irrogatam silentio præterire. Itaque responsionem illam, quam totius penè anni intervallo abjeceram, repeto & absolvo, atque in lucem do: & simul tuas omnes epistolas, ut apud me ad verbum asservantur tuâ manu obsignatæ, addo; ut faciat lector iudicium apud quem sit veritas. In hoc si quid erit quod minùs tibi placeat vel facti vel scripti ratione, tu tibi imputabis, qui tam iniquum te mihi haud unquam lacesitus præbueris. Itaque venio ad tuam epistolam. Ais, non rectè me tuum animi sensum comprehendisse. Quum enim diceret; Enuntiationes simplices in quibus alterum, de altero mediante verbo substantivo, *Est*, enuntiatur, aliquando proferri intentione asserendi id quod est, priusquam talis enuntiatio proferri incipiat: aliquando verò intentione faciendi id quod nondum est quando ejusmodi oratio enuntiari incipit, sed tunc demum erit quando ipsa enuntiatio absoluta fuerit: Haud voluisse te significare (uti à me est acceptum) quasi verbum substantivum, *Est*, bitariam accipiatur, aliamque significationem unâ atque aliâ ratione loquendi habeat: sed tantùm voluisse ostendere, enuntiationes quasdam, manente eâdem usitatâ & genuinâ omnium vocum significatione, posse aliâ & aliâ intentione dici, nempe intentione asserendi quod præfuit, & intentione faciendi quod non præfuit, sed quod demum erit, quando ejusmodi enuntiatio absoluta fuerit.

Tu verò, Eruditissime Domine, vide quàm pingue mihi ac rude sit ingenium, qui non possum hîc nisi prævaricationem aut collusionem animadvertere. Dum enim quod dixi simulas te destruere, planè astruis. Nec enim aliter potest intelligi, nisi orationem esse earum notionum quas animo ex speciebus impressas infixasque comprehendimus notam. Ex notionem si sint diversæ inter se, omnino efficitur orationes quibus diversæ illæ notionem explicantur, notanturque necessariò aut diversas esse, aut certè diversas habere significationes. Verissimum enim est quod ait Philosophus, *ἢ μὴ αὖ τὰ ἐν τῇ ψυχῇ τῶν ἐν τῇ ψυχῇ παρημαται σύμβολα, ἢ τὰ ἀρεφόμενα τῶν ἐν τῇ ψυχῇ*, hoc est: Quæcunque voce efferuntur, mentis sunt symbola; non aliter quàm vocis sunt symbola ea quæ scripto explicantur. Quod igitur intentione mentis quas concepit, id si verborum notis explicet, ea verba intentionem illam complectantur necesse est. Quum igitur ais, enuntiationes manente eâdem usitatâ & genuinâ omnium vocum significatione, posse aliâ & aliâ intentione dici, quid aliud designas nisi easdem illas enuntiationes idem significando non idem tamen significare, diversasque & non easdem intentiones, unâ tamen & eâdem significatione explicare? quod certè aut est omnium absurdissimum & planè inter se dissidens, aut ego Latinè non intelligo. Nam si alia quidem atque alia est enuntiantis intentio, & tamen intentionis notæ seu voces non aliud atque aliud significant, sed unam, simplicem & genuinam significationem retinent, nã aut illæ intentionem enuntiantis nequaquam explicant, aut simul eadem est & non eadem loquentis intentio, verorumque significatio. Vides in quas

te tendiculas inducis, dum apertam rerum veritatem involucris orationis obtegere conatus es. Exempla quæ producis vel nihil prorsus habent cum nostro hoc argumento simile, vel si qua in re conveniunt, faciunt contrate. Ecquid enim, amabo, habet simile, unam naturam commigrare in alteram, & quidem substantiam brutam, vitâ, sensu, ratione atque animâ carentem, in divinum Dei domicilium, in sanctum, sublime ac gloriosum Christi Dei filii corpus commutari ac transubstantiari (ut loquuntur vestre sapientie antistites) cum iis propositionibus quibus significatur accidere quippiam substantiæ quod naturali rerum serie usuvire plerumque soleat. Quid enim est usitatius in rerum natura, quàm humanum corpus ex ægitudine convalescere? Aut ecquæ tandem rerum commutatio seu potiùs *additio* potest esse naturalior, quàm infirmum corpus reddi firmum, & è diverso? Quare si in ejusmodi enuntiationibus quod duntaxat fit, vel in actu est ut fiat, jam esse diceretur, nemini posset mirum videri: quemadmodum si quis calidum esse diceret qui caleseat, frigidum qui frigescat, saturum qui saturetur, sanum qui sanetur, mortuum qui moriatur: propterea quoddam modò in ejusmodi enuntiationibus potentie ad actum, sed ipsius actus inchoati ad perfectionem est ita proclivis atque *impulsus* appulsus, & usqueadè breve intervallum, ut vel penè pro eodem habeantur, vel certè nullam obscuritatem ab uno ad alterum traducta pariât oratio. At verò ubi dissimillimæ & disparatæ naturæ sive substantiæ, quibus (ut quæ toto genere inter se dissideant) penitus nihil est commune, aliæ in aliam transformari significantur: ecquis est ita rerum omnium rudis, qui antequàm illa ipsa tam mirifica transformatio seu *mutatio* jam perfecta esse indicetur, putet eam per verbum, *Est*, posse constitui, manente neque quicquam immutata verbi, *Est*, genuinâ atque usitatâ significatione? Ut si quis quia Christus dixit, ego sum vitis, vos verò palmites, idè mordicis contendat, verbi, *Est*, manente genuinâ significatione, Christum Dei filium in vitem fuisse aut nos in palmites transmutatos. Enimverò haud magis sunt disparata Christus & vitis, quàm Christus & panis: nec minùs verus nec minùs omnipotens est Dei filius, ut efficiat quod ait, & rerum naturas inter se commutet, dum se vitem & quidem vitem veram esse asseverat, quàm dum panem, vel hoc quod omnes Evangelistæ testantur fuisse panem, suum esse corpus testatur; neque est denique transubstantiationis commentum, in uno minùs quàm in altero, vel alienum vel portentosum.

Ais Christum dixisse regulo, *Filius tuus vivit*, aliâ intentione quàm ejus servi totidem illa verba, filius tuus vivit, usurparint, manente tamen penitus eadem ac simplice vocum significatione. Non hîc repetam quod antè ostendi: Si eadem est vocum omnium utrobique significatio, sanè & eadem est dicentium intentio: aut certè vocum significatio intentionem dicentis minimè explicat. Tantùm dicam, immeritò me perstringi quasi huic argumento in superioribus meis scriptis non responderim. Generali enim illâ propositione satisfacere quâ dixi: Illas enuntiationes, quæ quidem eo ipso momento quo proferri incipiunt sunt verissimæ, neque aliud indicant nisi quod jam re ipsa perfectum est, nihil ad tuam ratiocinationem pertinere. De reliquo te judicem faciam, an cùm id Christus regulo illi diceret, non indicabat jam

jam convaluisset suâ virtute ac voluntate ejus filium. Itaque eo ipso momento quo verba proferebat vel proferre incipiebat, jam sanus erat filius, non quidem vi illorum verborum, quæ merè sunt enuntiativa seu indicativa, sed virtute divinâ Christi, qui voluerat filium reguli convalescere. A quo quàm procul absint, illa verba; *hoc est corpus meum*, vel ex tua ipsius sententia æstimato. Ita enim scripsisti; Quando Christus ait, *Hoc est corpus meum*, non ostendit asserere, quòd panis, quem tunc præsentem habebat quum hæc incipiebat dicere, esset ejus corpus; quia id falsum est, &c. Vides hîc nihil esse quod tu de transsubstantiatione dogmati non repugnet. Verissimum enim est quum Christus inciperet dicere, *Filius tuus vivit*, eo ipso momento vixisse filium & sanum fuisse: falsum autem fuisse, panem factum corpus quum inciperet dicere, *Hoc est corpus meum*, tu ipse disertis verbis asseveras. Hallucinaris itaque si existimas ex illius exempli similitudine transsubstantiationem posse comprobari. Alterum illud exemplum, *Mulier ecce filius tuus*, ita prorsus facit à nobis, ut vel efficacissimè nostram confirmet sententiam. Neque enim es usque adeò transsubstantiationis studio & amore fasciatus, ut arbitreris iis verbis voluisse Christum substantialiter mutare Joannem in virginis Mariæ filium, vel virginem in illius matrem: tantum enim indicat velle se ut Joannem illa loco filii habeat atque amplectatur; illamque vicissim Joannes matris loco veneretur. Nec est quòd hîc adoptionis juridicæ asyllum tibi patrocinari posse arbitreris, ut significationem quam posuimus impugnes. Non enim agit hîc jurisconsultum Christum (quamquam ne ipsa quidem adoptio apud jurisconsultos ullam rerum metamorphosin introducit) sed moerentem virginem matrem, Joannis charissimi Apostoli præsentia ac pietate, quasi quâdam sui absentis imagine, re-præsentatione ac significatione consolatur: planè quemadmodum Symbolum ac Sacramentum sui corporis in cœlum assumpti vult haberi à nobis pro ipsissimo suo corpore, ad fidem unionis quam cum ipso habemus ita confirmandam fulciendamque, quasi vel ipsis manibus atque ore palandum nobis suum corpus traderet.

Quod quidem, ne exoticos quæramus interpretes, ipsemet Christus disertissimè indicat, dum adjicit: *Quoties id feceritis, in mei memoriam facietis*: quasi dicat, nos eâ actione, memoriz atque oculis animi mentisque nostræ sistere Christum præsentem. Et Paulus, *Mortem Domini annuntiabitis, donec veniat*. Cui planissimè ad stipulatur Augustinus inquires, *Quum ait Dominus, Nisi manducaveritis carnem filii hominis, &c. figura est præcipiens passioni Domini esse communicandum, & suavisiter atque utiliter recondendum in memoria quòd pro nobis caro ejus crucifixa & vulnerata sit*. Quod enim tu in posteriori tua epistola ad hæc Augustini verba effugium paras, dum ais ideò apud Joannem illa verba fuisse figuratè accipienda, quòd primâ facie significarent eo modo esse manducandam Christi carnem, quo laceramus & manducamus carnes boum, nugas agis. Neque enim hîc de modo sed de re disputat Augustinus, definitque omnino flagitium & facinus esse, humanam carnem quocunque tandem modo seu integram seu laceratam manducare: ac proinde, Manducare Christi carnem & bibere ejus sanguinem, nihil aliud esse nisi condere in memoria, carnem ejus pro nobis esse crucifixam & vulneratam. Atqui sanè nemo nescit unum tantum

esse Christi corpus quod à nobis manducetur, ac proinde Joannis 6. de eodem agi corpore de quo hic agitur. Ibi Augustinus tum ait manducari carnem illam, quum animo recordamur & fide certà nobis persuademus, carnem Christi pro nobis fractam ac vulneratam esse: totidem propè verbis Christi simul & Apostoli sententiam explicans. Nec enim omnino est aliud, panis sacramento in memoriam Christi instituto mortem Domini annuntiare, nisi passioni Domini communicare, & in memoria recondere quoddam caro ejus pro nobis crucifixæ & vulneratæ sit. Fides enim, si nescis, unica est ratio quâ in Christi corpus uniamur, & fiamus os ex ejus ossibus & caro ex ejus carne, ac proinde carnem ejus manducemus & bibamus sanguinem. Quoddam si mirum videtur vobis, qui dente carnem ejus vos premere & sensualiter atterere gloriamini, audite Christum disertè pronuntiantem, Qui venit ad me non esuriat, qui credit in me non sitiet in æternum, & credite spiritalem hanc famem ac sitim non dente sed fide restingui, propterea nimirum quoddam cibum illum æternum ac vitæ panem nobis edendum fides præbeat. Quo sensu præclare scriptum est, ab Augustino: Quid paras dentem & ventrem? crede, & manducaſti; & item: Nulli aliquatenus dubitandum est, unumquemque fidelium corporis & sanguinis tunc esse participem quando in Baptismate membrum efficitur Christi, nec alienari ab illius panis calicisque consortio, etiam si antequam panem illum edat calicemque bibat, de hoc seculo migraverit in unitate Christi constitutus. Sacramenti quippe illius participatione ac beneficio non privatur, quando in ipso id quod sacramentum significat invenitur. In quo certè nihil docet aliud nisi quod ipse asseverat Paulus, eos qui in Christo baptizati sunt Christum induisse; & rursus: Christum habitare in nobis per fidem, &c. Quæ certè omnia nobis deferuntur, exhibentur, & revera præstantur donanturque in sacrosancto panis hujus & calicis sacramento. Fide enim hoc Domini testamentum, quod morte & sanguine semel sancitum est, amplectentes, omnino & Christum induimus, & cum eo coalescimus, ejusque carne & sanguine enutrimur, & in ejus communionem imus, & denique totum Christum in nobis habitantem eadem fide complectimur. Ad cujus certè admirabilis ac tremendi, neque unquam satis comprehensibilis mysterii, ratam, sanctam atque exploratam certitudinem, panis ac vinum pro pignore, artha, & ceteris, atque indubitata promissionis divinæ tessera nobis proponitur, & in ejus memoriam commendatur, tantisper donec ipsemet denuò veniat, id est donec suo adventu reipsâ, perspicuè ac manifestè promissionis veritatem atque effecta in salutem omnium credentium comprobet. Interea sublatum in cœlum suo corpore, vult hæc nobis pignora hætenus in illius vicem substitui quoad nobis mortem ejus annuntient, & novum sanguinis testamentum, loco illius veteris quod agni paschalis celebratione & brutorum animalium cæde ac sanguine constabat, ob oculos quasi præsens sistat. Quum igitur hic nobis Joannis Apostoli & Virginis matris exempla proferat, næ tu mihi prorsus colludere videaris, clarissime Doctor, & prævaricari. Planè enim quemadmodum nec ex Maria Joannis matrem Christus iis verbis fecit, ac proinde neque Joannes in virginis uteri substantiam oculis conjecit, ut sibi ex omnipotentia verbi divini sulcrum strueret ad novum indidem quærendum naturæ suæ ortum: neque nobis

1. Ego Be-  
nignus  
de cons. d.  
2. Or in  
conc. Later.

Gal.  
1. Cor. 1.  
Rom. 8.



his sunt confingenda miracula, ut prætextu omnipotentiae divinae absurdum atque inauditum, & à Scripturis omnique sacramentorum ratione & analogia remotissimam metamorphosim pro libidine architectemur. Quod autem adfers Christum mandando multa fecisse, non equidem diffiteor, si mandatum referas ad mentem ac voluntatem, & non ad magicam vim verborum, quæ tantummodò ad illam explicandam indicandamque adhibentur: Et nihilominus certè, argumentum à verbis mandandi ad enuntiandi voces traductum quàm sit elumbe nemo est qui non videat. Quanquam, quid attinet his immorari, cum neque ante neque post hæc verba enuntiativa, ullam omnino ex Evangelistarum verbis possis producere circumstantiam, ex qua appareat Christum voluisse ut ex panis eversa substantia sibi corpus constaret sub nudis accidentibus delitescens. Quod si fecisset, tum demum tibi pugnandum esset, ut his verbis indicativis, *Hoc est corpus meum*, illud ipsum posse significari evinceret. Sed cum omnes undiquaque circumstantiæ reclamant, cum omnes Evangelistæ testentur de pane Christum loquutum esse, quum omnes Apostoli consentiant etiam post consecrationem panem esse qui frangitur; Christus doceat manifestissime ad memoriam suæ mortis esse institutum, & nihil essenisi testamentum corporis & sanguinis pro nobis expositi, & nobiscum individuâ societate ac manducatione spiritali conjuncti: cum universa Ecclesia fateatur esse Sacramenta, symbola, signa, significationem, typos, antitypa, figuram, mysterium, mysticam mensam, quæ unusquisque cum percipit (ut Augustini verbis utar) quò referantur imbutus agnoscit, ut ea non carnali servitute, sed spiritali potius libertate veneretur: Quid est quæso causæ cur inutiliter signa interpretando, imo verò verborum significationem contorquendo, à jugo servitutis eductam cervicem de integro pergas laqueis erroris inferere, & in diversis intentionibus unam eandemque vocum significationem nequicquam rimari?

Secundo Epistolæ capite, vitium argumentationis ambiguitate verborum panis consecrati & benedicti, conaris nequicquam involvere. In quo tuum, mi Baii, candorem per Deum immortalem ac vivum obtestor, ut apertè ac sine involucris rem tantam agas. Quod enim ais antè fuisse panem usitatum, postea benedictum & consecratum, planè non dissentio. Itaque quæ inter nos conveniunt in medio relinquantur. Sed video te propterea quòd vereare dicere id quod sentis, nimirum antè fuisse panem, postea non panem sed corpus, neque habeas Christi verbum quo celerem hanc atque improvisam mutationem fulcias; pro corpore succenturiare panem consecratum, de quo nulla penitus est controversia. Cum enim in sacrum usum hic panis à Christo instituat ad ejus memoriam celebrandam, nemo est qui dubitet quin illà ipsâ functione atque institutione panis jam sit sanctus & consecratus. Quod enim ad sacros usus destinatur, sanctum esse nemo non fatetur: Sed quæsi vi aut verbum, *comedite*, construat cum substantia panis, an cum substantia corporis. Hic tu mihi candidè, genuinè, atque *ἀπλῶς* debueras respondisse, neque differentias consecrati seu benedicti & usitati usque ad nauseam ingeruisse, cum de illis ne tantillum quidem inter nos dissentiamus. Sic itaque ratiocinor: Quum Christus jubet accipere & edere Apostolos, jubet hoc ipsum accipere & edere quod

quod ipse accepit, quod fregit, quod eis dedit: Atqui accepisse, fregisse, dedisse panem, omnium universum Apostolorum testimonio liquet: Panem igitur velle edi, & non ullam aliam adscititiam substantiam, luce meridiana est clarius. Quod enim tu hic nobis panem consecratum obrudis, nihil agis. Vel tuâ enim ipsius confessione hic panis consecratus nihil minus est quàm panis quem acceperat, quum in aliam substantiam toto genere totâque naturâ discretantem commigravit.

Postea ais, nos in eo consentire quodd verbo, *Est*, utrique tribuamus substantialitatis significationem: quod certè quomodo vel suspicari potueris haud intelligo. „Ita enim scripsi disertis verbis: Una & simplex ejus est significatio. Semper enim verbum, *Est*, significat esse, sed non semper significat esse substantiam; aliquando qualitatem, aliquando quantitatem, aliquando relationem designat, aliquando aliam ex decem vocibus seu categoriis pro ratione rerum de quibus est sermo, &c. Quomodo igitur tu jam ais nos ambo dicere propriam & genuinam significationem verbi, *Est*, esse, ut significet substantialitatem? Quum inter decem summas voces quæ rerum creatarum naturis tribuuntur una sola sit substantia quæ substantialitatem notet: reliquæ omnes ad accidentia referantur: & quidem ipse Aristoteles ab omnibus illis decem summis categoriis τὸ ὄν κατὰ συµβῆναι & sejungat & variis etiam modis (quod non potes ignorare) discriminet. Sanè siquis dicat Christum Jesum fuisse dimensum, si bonum, si misericordem, si benignum, si omnipotentem, si Dei agnum, si ostium, si pastorem, si leonem, si vitem, si panem qui de cælo descendit, si quidvis denique aliud eorum epithetorum illi vendicet per verbum, *Est*, quæ in Scriptura tribuuntur, nihil planè substantialitatis intelligi poterit: & tamen verbi, *Est*, significatio non quidem erit illa maximè omnium propria & prima, sed tamen simplex, genuina, usitata, familiaris & significantissima, quam nemo sanæ mentis vocabit in dubium, etiamsi substantialitatis opem haud imploret. Imo verò, ut propius pedem contexam, dico verbum, *Esse*, semper significare, *Esse*, & nunquam nisi valde impropiè, fieri: sed propriam ejus explicationem sumendam ex natura & ratione attributi seu materiæ quæ attribuitur subjecto de quo agitur. Et ubi in Sacramentis dicitur de signo per verbum, *Est*, id quod proprium est rei signatæ, omnino impropiam & alienam quæri significationem in substantiarum inter se commigratione vel metamorphosi; cùm omnis explicatio in analogia signorum ad res signatas (quemadmodum superiori meo scripto luculenter ostendi) posita sit. „Nam, ut disertè monet Augustinus, quemadmodum in rebus cavendum est nequis in eis attendat nisi quod sunt, non etiam si quid aliud præter se significant, ita vicissim de signis videndum est nequis in eis attendat quod sunt, sed potius quod signa sunt, id est quod significant. Signum est enim res, præter speciem quam ingerit sensibus, aliud aliquid ex se faciens, in cogitationem venire, &c.

Quod me in calce, quasi re confectâ, ad Patrum doctrinam fide amplectendam invitas, demiror, cùm manifestè probaverim classicos omnes Patres nostram sententiam jam ab initio nascentis Ecclesiæ stabilivisse; ad quæ tu mihi ne verbo quidem respondes, nisi quodd quodam loco vidèris me ad nescio quas

illo.

Illorum rapsodias velle remittere, qui putidas sub nomine Clementis, Anacleti, Evaristi, aliorumque larvarum Patrum nœnias ac ne patientissimi quidem lectoris auribus dignas farragines, unâ cum detortis nescio quibus Patrum testimoniiis confusè permiscerent, iisque demùm pro coronide Scholasticorum sophistica dogmata quasi ad populum phaleras adjungunt, quibus inutitium nœniarum centones suos fariant.

Rationes etiam omnes, quibus meam probavi sententiam, intactas relinquo; & posteriori tuo scripto, quod tum eodem accepi tempore, pergis ad reliqua disputationis capita respondere. Et primo quidem capite ais, benedictionem aliquando fieri sine verbis, aliquando cum verbis. Hic factam cum „verbis. Ea enim verba, *Hoc est corpus meum*, esse ipsam benedictionem quâ „mutetur panis in corpus. In quo non modò cum innumeris Scholasticis, sed & cum Christi verbis, & ipse tecum etiam dissides. Antè enim asseruisti, de jam benedicto pane eadici, *Accipite & comedite*: Hic ais nondum esse benedictum nisi postquam ea verba sunt prolata, *Hoc est corpus meum*, & in iis vis intelligi benedictionem: quam tamen uno ore omnes Evangelistæ præcessisse asseverant, ita ut nulla jam sibi tuæ orationis pars constet; quod certè in causa est ut in verba Christi præceptis impingas, eisque veritatem detrahas, in „quiens non posse vera esse respiciendo ad id quod præfuit, sed tantùm ad id „quod eis verbis efficiebatur: ita ut tibi hæc oratio, *Hoc est corpus meum*, nudè & simpliciter intellecta falsa sit: illa autem quam Christus nunquam dixit, sed à vobis conficta est, duntaxat vera, *Hoc erit corpus meum*, vel, *Hoc fit aut efficitur meum corpus*. In quo certè video te magistros tuos præeuntes sequi, qui non minùs blasphemè quàm ineptè & perridiculè hoc verborum turpi cœno sententias suas asperserunt: Alii dicunt & meliùs, quod non demon-

*In gloss. 5.  
Henrici de  
Utramar. a  
d. 8. c. 2.  
ad §. si for-  
mam verò.*

stretur illud quod sacerdos tenet in manibus, quia mentiretur, cùm non ibi nunc sit nisi panis: Sed demonstratur corpus Christi ratione illius instantis in „quo finitur illa oratio, & fit demonstratio ad intellectum, &c. Ita vobis ipsa Dei veritas Christus Jesus mendax est, nisi ad tulciendam vestram ementitam transubstantiationem patiatur vel significationem verbi, *Est*, in *Fieri*, novâ quâdam transubstantiatione commigrare, vel certè recantatâ suâ oratione, quâ omnes Evangelistæ illum testantur panem quem acceperat, fregerat, ac dederat demonstrasse, novam vestram demonstrationem quam vocatis *ad intellectum* introduci. Et tu etiamnum audes gloriari tritâ te & publicâ viâ incedere, neque quicquam obscurum aut involutum in medium adferre.

Quod verò etiam in verbo *ἐὐλογεῖς* ita subtiliter philosopharis, ut novam illi atque inauditam transubstantiandi vim affingas, à tanto mihi viro perquàm alienum videtur, cùm constet benedicendi verbum idem esse quòd laudare, gratias agere, ac beneprecari, nihilque habere commune cum substantiarum transelementatione. Nam illud exemplum quo ais, quemadmodum Deus verbo illo, *Crescite & multiplicamini*, dedit generandi facultatem: ita fecit ex pane corpus iis verbis, *Hoc est corpus meum*; ita est remotum ab hac loquendi ratione ut responsione nullâ indigeat. Jubet enim ibi Deus creaturas crescere ac multiplicari: Quod autem jubet, id vult etiam ut fiat. Hic verò nullo verbo jubet panem fieri suum corpus, aut relictis accidentibus evanescere ut corpori suo



suo locum faciat. Vestrum enim hoc est commentum, ad quod tanquam ad lapidem Lydium Christi orationem expenditis atque explicatis.

Quodd autem Ambrosium tantopere urges, quasi ejus verba non possint ad sacramentale referri repræsentationem, propterea quodd dicat desuisse esse panem, exemplo vocis quæ non desinat esse vox, ex quo ad significandum fuerit instituta: Primùm nusquam equidem reperio dixisse Ambrosium, quodd desierit esse panis: sed dicit ante consecrationem fuisse panem: ubi autem verba accesserint, esse corpus. Quo quid aliud, quæso, notatur, quàm illud vulgatissimum, *Accedat verbum ad elementum, & fiet sacramentum*. Antè quidem nudum erat elementum: nunc autem corporis est sacramentum, seu sacrum corporis signum. Ita aqua Baptismi ante consecrationem est aqua: post verò, ablutio peccatorum, vel indumentum Christi, vel sepultura in Christo. Ita calix benedictionis cui benedicimus, antè quidem erat vinum: post verò consecrationem seu benedictionem est novum foedus seu novum testamentum in sanguine Christi, seu sanguis novi testamenti, seu communio sanguinis Christi: Hæc enim esse prorsus eadem, ipsa docent Evangelistarum atque Apostolorum oracula.

Atque ita etiam si adjecisset Ambrosius, desuisse esse panem post consecrationem, (quod nunquam probabis) tamen nihil aliud ex eo evinceretur nisi desuisse esse panem talem, qualis fuit ante consecrationem, seu panem elementarem: quemadmodum hostia ante oblationem est agnus fortè vel hircus: post consecrationem definit esse agnus, & fit *λύγος* sive propitiatio peccatorum. Desinit enim esse quod antè fuit non substantiâ, sed usu atque institutione, ed quodd prioris substantiæ non major habetur ratio quàm si non esset. In signis enim, ut ex Augustino ostendimus, non attenditur quod sunt, sed quod signa sunt, id est quod significant: & nihil est usitatus, quàm dicere ea non esse quorum nulla prorsus habetur ratio neque æstimatio. Ita dicitur Melchisedec esse sine patre & sine matre: nimirum, quodd ejus parentum nulla neque mentio neque ratio habeatur. Ita vox Pauli, etsi est ær seu spiritus è pulmonibus & gutture perductus, & deinde adminiculo linguæ, dentium, & circumstantis æris repercussione in syllabas erumpens; tamen ubi Dei foedus in Christo crucifixo eâ voce significatur, fideique auribus præsens statuitur, jam non est amplius ær (nec enim æris ulla est æstimatio) sed sacrosanctum ipsissimi Dei verbum, non quidem quodd substantia desinat esse quod antè fuit, sed quodd in alium finem jam sit institutum. Neque ullum planè est sacramentum, in quo hæc ratio locum non habeat. Quæ quidem nos haud à Calvino accepimus, (quod tu invidiosè nobis objicis) sed ab universa Scriptura & consentiente cum illa Patrum doctrina hausimus atque arripuimus: cui ne ipse quidem Ambrosius, quem tu transubstantiationis patronum esse putas, refragatur. Quod ut intelligas, seriò ac diligenter totam illam Ambrosii, in libro de iis qui initiantur mysteriis, tractationem examinato. Videbis enim, postquam splendidis ac magnificis verbis sacramenti hujus dignitatem extulit, ac veterum figuris & antiquius esse & multò præstantius, ornatâ cõtentione atque exemplo, in quibus per Dei verbum ac virtutem rerum naturæ immutata perhibentur, accumulatione comprobavit, tandem in epilogo quorsum hæc omnia referri

ferri debeant disertè ac sine ulla verborum ambiguitate demonstrat. „Quid  
 „hîc quæris, inquires, naturæ ordinem in Christi corpore, cum præter na-  
 „turam sit ipse Dominus Jesus partus ex virgine? vera utique caro Christi quæ  
 „crucifixæ est, quæ sepulta est, verè ergo carnis illius sacramentum est. Ipse  
 „clamat Dominus Jesus, *Hoc est corpus meum*. Ante benedictionem verborum  
 „cælestium alia species nominatur: post consecrationem, corpus significa-  
 „tur. Ipse dicit sanguinem suum. Ante consecrationem aliud dicitur, post  
 „consecrationem sanguis nuncupatur, &c. Vides nihil esse quòd vel mihi suc-  
 „censens, vel Calvini memoriæ petulanter insultes, quasi ejus commentum sit,  
 „significatione & nuncupatione sacramentali non tantum apud Evangelistas,  
 „sed apud ipsos etiam Patres, panem in corpus Christi commutari, repudiata  
 „commentitiâ vestrà transsubstantiatione: Quod enim Patres tantopere hoc  
 „mysterium admirantur, & supra omnia veterum sacramenta infinitis efferunt  
 „præconiis, variisque potentia divinae exemplis illustant: idè sit quòd in hoc  
 „sacramento verè nobiscum atque *in unum* communicatur atque unitur sacro-  
 „sanctum illud de Virgine natum atque in cruce pro nobis oblatum Christi cor-  
 „pus, ita ut verè fiamus nos (non panis ille elementaris, sed nos qui Christum  
 „fide apprehendimus ejusque mortis ac beneficii memoriam hoc sacramento re-  
 „colimus) os ex ossibus ejus & caro ex carne ejus; quâ copulatione nihil potest  
 „fingi aut cogitari arctius, nihil indissolubilius, nihil denique admirabilius.  
 „Ac proinde non injuriâ piorum Patrum mentes in admirationem quasi quodam  
 „*invisibilem* sustollit atque abripit. Sed qui hoc beneficium quod in nos &  
 „in suam Christus ecclesiam confert, ad panis vel substantiam vel accidentia velit  
 „traducere, is profectò non modò stultitiam suam prodiderit, sed à mente ac  
 „doctrina Patrum toto se cælo aberrare perspicuum fecerit. Ita enim in unde-  
 „cimum caput prioris ad Corinthios idem ille scribit Ambrosius: Sicut enim  
 „nos de uno pane & de uno calice percipientes, participes & consortes sumus  
 „corporis Domini, ita & quædunt hostias participes sunt altaris erroris; &  
 „in caput undecimum: Quia enim morte Domini liberati sumus, hujus rei  
 „memores in edendo & potando carnem & sanguinem quæ pro nobis oblata  
 „sunt significamus, quod est nova lex quæ obedientem sibi tradit cælestibus  
 „regnis. Et mox, Testamentum ergo sanguine constitutum est, quia divini  
 „beneficii sanguis testis est. In cujus typum nos calicem mysticum sanguinis  
 „ad tuitionem corporis & animæ nostræ percipimus: quia sanguis Domini  
 „sanguinem nostrum redemit, id est, totum hominem salvum fecit. Quibus  
 „certè verbis nihil potest dici clarius, nihilque ad nostræ sententiæ atque inter-  
 „pretationis firmamentum accommodatius. Quare & reliqua illa omnia quæ in  
 „libellis de sacramentis proferuntur, eodem ducimus esse referenda. Alioqui  
 „si quid contra tam certam atque indubitatam veritatem ex eis opponatur, non  
 „verebimur cum doctissimis nostri seculi viris eos libellos, qui alioqui satis per  
 „se rhapsodi nescio cujus stilum referunt, pro spuris & illegitimis & cum Am-  
 „brosii sententiâ pugnantibus libris repudiare, & ex iis quæ sine controversia  
 „Ambrosio tribuuntur & Scripturæ sunt ubique consentanea de ipsius mente ac  
 „sensu judicare.

Dicis deinde, vocem non desinere esse vocem quando ad significandum est



institutū: quasi nos unquam statuerimus, vel panem definere esse panem, vel vocem vocem, quum ad significandum adhibentur: vel omnium significatorum parem esse rationem posuerimus: & non libenter demus hanc prerogativam rebus sacris, ut posteaquā semel consecratæ Deoque mancipatæ sunt, nomen profanum prioris substantiæ soleant amittere, & nomen dignius quod à significatione mutantur retinere: ut est superius à nobis infinitis exemplis luculentissimè demonstratum.

Quodd verò etiam festivè & joculariter videris in nos velle retorquere quod vobis ipsi impegimus; dum quæris quando; & quibus verbis panis fiat corpus Christi, repræsentatione, an ante verborum prolationem, an post: in casum profectò sudas, & cum tua ipse umbra digladiaris. Nec enim quum dicimus fieri corpus Christi repræsentatione, ullā nobis mutatione aut metamorphosio opus est. Magicum enim & cabalisticum hoc est commentum, qui verborum vi elementa putant consecrari. Tota enim illa actio, non certè aliquæ voces aut carmina efficiunt ut panis sit corpus Christi; quia nimirum universā illā actione panis ad eum finem sanctificatus (hoc est à communi pane separatus) destinatur & usurpatur. Nos enim quoties in commemorationem mortis Christi sacramentum usurpamus & mortem Domini annuntiamus, ad tanti mysterii *σφραγίδα* seu symbolum, panis elementum adhibentes: toties & quidem ex eo ipso momento, dicimus hoc esse nobis Christi corpus repræsentatione, usu, institutione & significatione; quod quidem fiat, non verborum seu carminis aliquo murmure, sed vi promissionis divinæ quam fide amplectimur; ac proinde si definimus ad eum usum panem illum usurpare, jam quod illius substantiæ reliquum est, exemplo vetustioris Ecclesiæ pauperibus destinatur, non ut sacramentum, sed ut panis ac cibus communis quo famis molestia ab esuriēte corpore depellatur; omnino quemadmodum dicimus aquam Baptismi non fieri sacramentum ullā vi verborum ab homine prolatorum, sed Dei promittentis institutione & Ecclesiæ destinatione, quæ illius mandato obsequens aquam ad significandum id quod promisit Dominus usurpat, & præter illum usum nihil est nisi aqua communis; quemadmodum Jordanis olim fuit fluvius quo Christum ipsum baptisavit Joannes. Vides omnia tua firmamenta, quibus videbæris paulò confidentiusculè gloriari, excusso tibi illo magicarum seu cabalisticarum præstigiarum in verbis vim profanam constituentium casso scipione, penitus elumbia corruiere.

In 4. capite, ubi conaris explicare quomodo Christus corpus suum fregerit; multò etiam magis ac magis te tuis laqueis pergis irretire: ita ut perspicuum facias quod ab Aristotele olim usurpatum fuit; *ἡ ἀπόκρισις δὲ ἐστὶν, πάλιν ἰσχυροῦς*.

Primum conaris te iterum obtegere nebulā illā panis benedicti, quo minùs persentiscatur à simplicioribus quanta sit illa tuæ sententiæ absurditas. Neque enim *ἀπλῶς*, fateris Christum fregisse suum corpus, (esset enim omnium absurdissimum;) sed hanc quam metuis absurditatem velas, scilicet illā leviori explicatione panis benedicti, quam nobis nunquam definis fastidiosè inculcare. Sed jam antè rogavi, ut hoc semel expedires, an panis benedictus sit Christi corpus nec ne? Si enim non est: fateri ingenuè, & veritati locum dato.

to. Sin autem: noli posthactuum sententiam ambiguis sermonibus obtenebrare.

Sed necdum visus tibi fuit hic fucus satis idoneus qui tam fœdas sententiæ labe obtegeret, nisi & alterum illevisset. Ita enim respondes anfractuose: Christus dicitur fregisse suum corpus, seu panem benedictum. Amabo te, quorsum attinebat hoc, *dicitur*? An metuebas ne si apertè & categoricè dixisses, Christus fregit suum corpus, omnes viderent absurdissimè te loquutum esse? Et tamen necesse est ita loquere, si transsubstantiationis sententiam tueri voles: cum non modò omnes uno ore Evangelistæ testentur Christum fregisse, quod tu asseveras fuisse ipsissimum ejus corpus: sed Paulus ipse testetur idem ipsum quotidie à nobis frangi. Id viderunt olim tui illi hujuscè transsubstantiationis architecti in concilio Lateranensi. Itaque pro oraculo docuerunt, ipsissimum Christi corpus non modo edi à nobis in sacramento, sed revera & sensualiter frangi manibus, & dentibus atteri. Ita blasphemiam trudit blasphemiam, ut clavus clavum.

Tu tamen abhorrens fortasse à tam impio carcinomate, non quidem ais fregisse Christum, sed tantùm dici fregisse suum corpus seu panem benedictum (quasi quod verè dicitur non etiam verè atque efficienter existat;) & addis rationem, quia sic fregit sacramentum quo corpus suum tegebatur, ut licèt corpus integrum & incorruptum permaneret, tamen non ab uno tantùm sed à pluribus sub sacramento sumeretur. Hic jam vide rursùm quàm fœde impingas, etenim de aliis interroganti de cæpis quod aiunt respondisti. Quæsi enim, an Christus corpus ipse suum fregerit & quomodo? Tu respondes, dici fregisse quia sumatur ejus corpus à pluribus licèt maneat incorruptum. Neque planè ais fractum fuisse corpus neque negas. Quo certè perspicuum facere videris cavillandi studium.

Sed videbas te hic teneri, neque ullum patère effugium. Omnino enim aut confitendum erat, ipsum Christi corpus fregisse suum corpus, aut certè falsa esse Spiritus Sancti oracula, aut denique evertendam omnem transsubstantiationis doctrinam. Itaque noluisti sententiam tuam à nobis intelligi; in quo certè secutus es vestræ theologiæ magistros Scholasticos, qui etsi peracuti ac solertes homines, mirum tamen dictum est quàm se in hoc nodo explicando anxie ac sollicitè torserint, & variis propositis ventilatisque sententiis, tandem multò quàm antè arctiori nervo sese irretierint. Ita enim hanc quæstionem agi-

*Hac ad  
verbum  
descripta  
sunt ex lib.  
Sententiarum  
4.  
dist. 12.  
cap. 2.*

tant in Sententiarum seu potius Romanæ fidei oraculorum libro: Solet etiam quæri de fractione & partitione quæ ibi videtur fieri, utrùm vera sit: & si ibi vera fractio est, cujus rei sit, vel in qua re fiat; cumque non sit ibi alia substantia quàm Christi, si in aliqua substantia est illa fractio, in corpore Christi videtur esse: sed è contrà, cum ipsum corpus incorruptibile sit, quia immortale & impassibile, in ipso non posse esse videtur, &c. Idèd quibusdam placet, quòd non sit ibi fractio sicut videtur, sed dicitur frangi quia videtur frangi, &c. Hanc tu sententiam verbo tenus videri posses hic secutus fuisse, nisi è vestigio aliud arripens, multò altius pedem cœno immerisisses: quòd certè & illis ipsis usuvenit. Ita enim disputationem persequitur Lombardus:

„Quibus objicitur quod ait Ambrosius, nihil falsi putandum est in sacrificio

„veritatis, vel sicut fit in magorum præstigiis, ubi delusione quâdam falluntur  
 „oculi, ut videant esse quod non est, &c. Sed hic mirum est eos oculorum  
 „præstigiastantopere averſari, cum in transubstantiatione non oculos tantum,  
 „sed manus, linguam, palatum, & denique ventriculum ipsum meris præsti-  
 „giis confiderent deludant. Tertiam deinde opinionem ventilant his verbis:  
 „Alii dicunt quoddam sicut ibi species panis est, & non est ibi res cujus vel in qua sit  
 „illa species: ita est ibi fractio quæ non fit in aliqua re, quia nihil ibi frangitur.  
 „Quod mirabiliter Dei potentia fieri dicunt, ut ibi fiat fractio ubi nihil frangi-  
 „tur. Vide quàm protervè ad suas nœnias stabiliendas Dei potentia abutantur.  
 „Sed neque hoc illis aridet. Itaque aliud effugium parant, & aiunt: Alii tra-  
 „dunt corpus Christi essentialiter frangi & dividi, & tamen integrum & in-  
 „corruptibile existere: quod se colligere asserunt ex confessione Berengarii,  
 „qui confessus est coram Nicolao Papa & pluribus episcopis, Panem & vinum  
 „quæ in altari ponuntur, post consecrationem non solum sacramenta, sed e-  
 „tiam verum corpus & sanguinem Christi esse, & sensualiter non solum sub  
 „sacramento, sed in veritate manibus sacerdotum tractari & frangi, & sibe-  
 „lium dentibus atteri, &c. Hæc sanè sententia etsi contradicentes pugnan-  
 „tesque inter se enuntiationes simul veras esse profiteretur (quod certè Magistris  
 „nostris minimè est insolens, qui pro sua autoritate ejusmodi flagitia omnipoten-  
 „tiae velo ad populum tegunt:) tamen erat cum transubstantiationis dog-  
 „mate omnium maximè consentanea, & concilii Lateranensis pontificisque  
 „Nicolai decreto roborata: & nihilo tamen minùs à delicato Magistrorum no-  
 „strorum palato quasi minus sapida repudiatur. Aliam enim quam aiunt esse  
 „probabiliorem tandem obtrudunt pro oraculo, quam & tibi video, Amplissi-  
 „me D. Cancellarie, placuisse. Sed quia corpus Christi, aiunt, incorruptibile  
 „est, sanè dici potest fractio illa & partitio non in substantia corporis, sed in  
 „ipsa forma panis sacramentaliter fieri: ut vera fractio & partitio sit ibi, quæ  
 „fit non in substantia corporis, sed in sacramento, id est in specie, &c. Quæ  
 „quidem mihi videntur cum ista tua responsione ad amissum consentire: Nam  
 „etsi primâ fronte verba inspicienti videri possis ipsam fractionem in viso potiùs  
 „quàm rei veritate ponere: tamen postea ais, fregisse sacramentum quo corpus  
 „suum tegebatur. Sed ceddò, vir amplissime, quod tandem istud est sacramen-  
 „tum? Nec enim potes ignorare vos vestramque Ecclesiam Romanam duo  
 „hic sacramenta statuisse. Tria enim omnino vultis esse distinguenda: Unum,  
 „quod est sacramentum tantum, ut species visibiles, vinum & panis; aliud, quod  
 „est sacramentum & res, ut caro Christi vera & sanguis verus: tertium, quod  
 „est res & non sacramentum, ut corpus Christi mysticum; & primum quidem  
 „hederæ pro caupona suspensæ comparatis: alterum, ipsi cauponæ: tertium,  
 „vino cellâ clauso simile esse dicitis. Ac proinde debueras certè explicare utrum  
 „ex his duobus sacramentum fregisset Christus: illudne quod tantum significat,  
 „nimirum accidentia panis & vini; an verò suum ipsissimum corpus, quod vultis  
 „& rem simul esse & sacramentum? Sed hæc omnia ex compositis præteristi,  
 „ne in foedissimum humani commenti cœno nimis altè pedem fixisse deprehende-  
 „reris. Quod si tamen Romanæ ecclesiæ dogma sequi voles, utique necesse est  
 „ut omisso vero Christi corpore (quod tamen præcipuum esse sacramentum  
 „semper

*Ille sum-  
 sa sunt ex  
 lib. Sentent.  
 4. dist. 9.  
 cap. 1. &  
 ibi glossa  
 Henrici de  
 Urinaria.  
 Hæc simili-  
 tudo usur-  
 patur à  
 Panormi-  
 tano quem  
 deinde reli-  
 qui sequun-  
 tur & Le-  
 vanensis  
 & Sibela-  
 Pii.*

semper inculcat) ad nuda, inania & planè commentitia te panis accidentia convertas. Et sanè hoc ipso intuitu videris hæc verba adiecisse, *Sacramentum quo corpus suum segebatur*: innuens videlicet, verum Christi, corpus, quòd sub panis forma & accidentibus nudis tectum delitescat, nequaquam frangi, sed tantum ejus tegumentum sive involucrium, accidentia nimirum & substantiâ vactam formam. Verumenim verò, Vir doctissime, cum omnes uno ore Apostoli atque Evangelistæ Christum testentur sumsisse, fregisse ac dedisse panem, (quo certè nomine unà cum accidentibus & forma substantiam etiam ipsam vel maximè comprehendi ne vos quidem pōnitis in controversia,) deque eo dixisse, *Hoc esse suum corpus*: Cum Paulus etiam post consecrationem ubique asseveret, Panem esse quem frangimus, cui benedicimus, quem denique vel dignè vel indignè manducamus, & ex panis natura atque analogia uberrimam & cumprimis salutarem de unione corporis Christi cum ecclesia, ejusdemque membrorum inter se nexu indissolubili doctrinam eliciat; de forma verò seu accidentibus substantiâ nudatis ne iota quidem universa Scripturæ sacræ pagina contineat: quo tandem præeunte Dei verbo, aut quo suggerente spiritu didicistis, ipsum panem neque frangi, neque omnino esse Christi corporis vel sacramentum vel symbolum, sed illo prorsus evanescente commentitiam hanc vestram umbram atque inanem panis formam pro sacramento quæ sola frangatur succedere? cum nemo sanæ mentis homo non videat, planè nullam esse nudis hisce rerum & commentitiis atque inanibus accidentibus cum vero ac vitali efficienterque vegetante Christi corpore analogiam, nullam similitudinem, nullam comparationem: & jam in scholis vestris ex Augustino vel „ pueris ipsis tritum sit: Si sacramenta nullam habeant similitudinem earum rerum, quæ sunt sacramenta, omnino sacramenta non esse: propter illam „ enim similitudinem, & ipsarum sæpe rerum nomina accipere. Quænam igitur vos vel vis vel ratio vel fortuitus denique casus impulit, ut spreto abjectoque pane qui vim illam vitalem ac salutarem carnis Christi significantissimè nobis ponit ob oculos, quemadmodum post Apostolum Paulum omnes uno ore restantur verustioris ecclesiæ Patres, & proinde vicissim suum nomen cum Christo communicat, qui se hoc intuitu panem è cælo delapsum appellavit, ut nimirum quam ab illo accipimus vitam ac nutritionem difertè exprimeret: in ejus locum inane nescio quod vestri cerebri commentum & cassum simulacrum substitueretis? præsertim cum jam omnium Apostolorum testimonio liqueat, veram panis fractionem verba etiam illa quibus transsubstantiationis omne dogma fulcitur præcessisse, ac proinde haud potuisse Christum nuda panis accidentia frangere, cum vel vobis autoribus ante illorum verborum prolationem substantia necdum evanuerit: Ita ut quocunque tandem vos veratis, utique fiat perspicuum vos à Christi exemplo & doctrina quàm longissimè recessisse. Alioqui obsecro te, vir præclare, cedo tandem ex quibusnam fontibus vel rivulis hauserint vestræ hujus præstigiöse theologiæ antistites, præcipuum in hoc jus & singulare prerogativam accepisse nuda hæc vestra accidentia, ut hoc Christi corpus invisibile atque impalpabile nullâque corporeâ circumscriptum ut volunt dimensione, non æquè possit sub vero, naturali & vitali pane, atque sub cassis & inanibus accidentibus occultatum delitescere? An



verebantur ne fortè non se posset eousque porrigere divina omnipotentia, ut unà cum pane simul ipsam Christi corpus, disparatas nimirum substantias, uno eodemque loco unoque momento præsens sisteret? haud equidem arbitror. Quos enim nihil movebant innumerabilia alia miraculorum portenta, quibus pro libidine confectis ad sustentandam mirificam illam suam transubstantiationis machinam, nihil dubitarunt omnipotentiae velum quasi quoddam suorum formiorum tegumentum perpetuò & sine ulla fronte confidentissimè obtendere: eosdem vix est verisimile ut disparatarum inter se substantiarum nova coagmentatio seu coalitio conturbarit. An fortè existimarunt Christi majestate dignius videri, ut cassis accidentibus quàm ut verà panis substantiâ corpus ejus velaretur? Ne id quidem. Esset enim nimis ridiculum. Quid ergo est? Obfirmarant scilicet animum semel in eam sententiam, ut æternum Dei filium atque aded Deum ipsum Christum Jesum unicum humani generis Servatorem, non sursum in cælis, (quemadmodum & ipse voluit & Apostoli docuerunt,) sed hîc deorsum in terris quærendum, adorandum, amplectendumque proponerent, eundemque sacrificiorum suorum verbis quasi Jovem elicum evocari, manibus porrigi, & instar Persici numinis circumgestari, litatione denique in peccatorum remissionem & vivorum defunctorumque salutem Deo patri tanquam salutarem victimam offerri. Hoc enim erat unicum illis & faciendi quæstus compendium, & subjiciendarum sibi conscientiarum artificium, si crederet vulgus in illorum esse arbitrio ac potestate, Christum ipsum quoties liberet in terris præsentem sistere, & salutis humanæ mysterium quibus esset benevolentiores dispensare. Ad eam rem arripuerunt hæc sacramenti verba, quibus panem esse suum corpus testatur; eademque non pro ratione sacramentorum & signorum, in quibus nihil nisi quod signa sunt, id est quod significant attenditur; sed ad litteram, &, ut loquitur Augustinus, serviliter voluerunt intelligi; & quæ Christus in sui jamjam morituri, seseque in cruce oblaturi & post in cælum ascensuri memoriam fieri jubet, hæc illi ad eum ex cælo in terras evocandum & de integro novo quodam *ἱεσικῶ* sacrificio immolandum, contra genuinam atque ulitatem omnium verborum significationem traduxerunt. Atque inde porrò ut novo sacrificio novum adderent miraculum, & ita suæ dignitatis existimationem ac reverentiam in hominum animis novâ religione cumlarent, putaverunt populo esse persuadendum, haud ullum amplius restare panem, sed habere se in manibus & ipsis dentibus premere Deoque offerre ipsissimum illud quod in cruce pendit corpus; quod quidem omnipotentiae divinæ obtento velo rudium oculos obtundentes, finxerunt non esse quale olim fuit, visibile nimirum & palpabile, sed mirificâ quâdam & portentosâ ac inter se pugnante machinatione, esse hîc quidem penitus invisibile, neque omnino vel sensui obnoxium vel dimensionis corporeæ capax: in cælo autem idem illud & videri & palpari & omnium sensuum perceptioni obnoxium existere, neque tamen vel hîc vel illic coporeâ suâ dimensione ac finibus circumscribi, sed per omnes sacrificiorum aras quocunque velit sine ulla circumscriptionis meta se porrigere. Huic autem portentosæ metamorphosî vehementer obstabat quodd videbant nemini nisi planè cæco & vecordî posse persuaderi, omnem illam pristinam panis formam, figuram, colorem, saporem

rem & reliqua quæ vocantur naturalia panis accidentia penitus interiisse: quippe cum ea omnium oculis manifestè cernerentur, manibus contingerentur, & totis denique sensibus haurirentur. Hæc illi accidentia Christi corpori tribuere nequaquam sunt ausi. Fuisset enim è vestigio deprehensa impostura; cum nemo nesciat verum Christi corpus neque rotundum esse, neque farinaceum, nec denique panis forma & accidentibus vestitum. Itaque commentum, panis quidem substantiam atque aded ipsum panem ad verba consecrationis diffuere ac penitus evanescere atque interire, eique verè Christi corpus ipsissimum succedere, atque illud unum à sacrificiis, manibus teneri, dentibus premi, & sacrificio immolari, populoque adorandum exhiberi. Sed tamen quia non possunt falli oculi vel reliqui omnes sensus, ideò in aëre vel nescio ubi tandem pendula hæreere panis accidentia. Ita enim scribunt disertis verbis, quòd accidentia sensibilia quæ fuerunt in pane, eadem numero maneant post consecrationem, ut patet per experientiam, quia eadem apparent post consecrationem quæ antè, & sensus circa objectum proprium non decipiuntur, & licèt multa ibi sint quæ non apparent, scilicet corpus Christi & sanguis cum accidentibus propriis: ea tamen quæ apparent tanquam propria objecta sensus, qualitates scilicet sensibiles, eædem quæ fuerunt ante consecrationem ibi sunt, &c. Ex quibus certè meridianà luce clarius fit, universam hanc transubstantiationis molem nullo planè fidei aut verbi Dei fundamentum, sed solo sensuum externorum iudicio atque experientiâ subnixam consistere. Et quidem in eo ipso iudicio pro imperio illos quod arrideat amplecti, quòd minùs palato sapiat, anathemate ferire & funesto theta inurere. Cæteroqui cum pleræque post consecrationem omnes omnino substantiæ proprietates, ipsaque essentialis forma quæ dat esse rei, tum reipsâ tum numero eadè permaneat quæ fuit ante consecrationem, neque quicquam immutetur (quod & certissimâ patet experientiâ, & sensuum omnium indubitato iudicio comprobatur) nihil erat causæ cur substantiâ ejectâ, cassâ & nuda accidentia rudis plebeculæ sensibus largirentur. Quod enim aiunt, substantiam non requè esse proprium sensuum objectum atque sint accidentia, versuram profectò faciunt, & in eodem semper luto hærent. Non enim quisquam non insanissimus unquam dabit, accidentia quæ nulli inhæreant substantiæ esse propria sensuum objecta. Quod enim omnino sensibus percipiuntur, ideò fit quia substantiæ inhærent; quod si ademeris, jam non modo sensibus objici non poterunt, sed planè nihil erunt. Ecquis enim unquam vel oculis vidit vel fando audivit, colorem si à substantia colorata divellatur oculis cerni posse? vel rotunditatem sensu percipi quæ nulli rei rotundæ seu orbiculari inhæreat? Accidentium certè omnium una hæc est definitio atque ipsum  $\alpha, \pi$ , quòd rebus per se existentibus id est substantiis accidant atque inhæreant. Eo autem sublatò ne accidentia quidem esse possunt, utpote quæ nulli accidant, nedum ut sensuum proprium objectum dici debeant: cum nullus certè sensus abstractarum qualitarum, imò verò earum quæ nusquam sunt capax possit intelligi. Et tamen quando sensuum trutinam certamque ac propriam perceptionem in solis accidentibus voluerunt collocari, debuerant certè meminisse ipsum Christi corpus suapte naturâ dimensum atque aspectabile suisque naturalibus & propriis

*Gab. Biel.  
quest. 1  
dist. 12.*

priis vestitum accidentibus, quale fuit in cruce, hîc unâ cum panis accidentibus ab eis statui, & tamen sensibus omnino non comprehendî, quos tamen uñs atque irrefragabiles testes in corporis sui veritate exploranda Thomam Apostolum Christum ipse fuisse adhibere. Fallentur ergo vobis sensus in ipso Christi verissimo, ut vultis, corpore, ejusque forma atque omnibus accidentibus & proprietatibus substantiæ suæ naturaliter ac verè inhærentibus, quæ sunt proprium sensuum objectum: & in fictis atque commentitiis & à substantia sua divulsis accidentibus, quæ neque sensus ullus neque ratio ipsa aut intelligentia queat percipere, falli non poterunt? Hoc certè jam non est loqui, sed fortitò ac temerè arripere quod effuriatis, quodque stupenti ad tanta miraculorum portenta plebi pro inani fuco obrudatis. Et non dubitatis tamen, inania hæc & monstruosa humani cerebri commenta, quæ neque Dei verbo, neque ulla vel vera vel probabili ratione potestis tueri, non modò ferro & igni quasi aras vestras ac focos propugnare, sed multò etiam absurdioribus & à Scripturarum veritate atque analogia fidei longè remotioribus dogmatum portentis cumulare. Tu enim hîc, ut præclaram hanc ex Magistrorum vestrorum cerebro prognatam minervam in fidei arce possis collocare, non dubitas quasi ex tripode, pro oraculo absurdissimam hanc similitudinem adjicere: Si Dominus gloriæ, „ratione humanitatis in qua lædi potuit, rectè crucifixus esse dicitur: quid mi-  
 „rum si Christi corpus ratione formæ panis sub qua continetur etiam frangi di-  
 „catur? Quid? an potes esse nescius quòd idiomatica naturis duabus inter se com-  
 „municentur, quemadmodum locuta est omnis theologorum antiquitas, id fieri duntaxat ratione unionis hypostaticæ, quâ Deitas humanitati personaliter ita conjuncta est, ut ex duabus naturis diversissimis una tantùm existat persona? Tunc igitur huic evanidæ panis formæ seu accidentibus ejusmodi aliquam unionem cum Christi corpore audebis tribuere, cujus ratione atque intuitu quod panis formæ usuveniat, idem Christi corpori sub ea latitanti usuvenire non impiè dici possit? At quo tandem verbo, aut quonam Evangelista vel Apostolo teste id comprobabis? cùm nemo sit sanæ mentis homo qui tam crassam atque impiam blasphemiam toto pectore non aversetur? Et tamen aut hoc tibi statuendum est, aut contendendum non modò elumbem atque inanem, sed impiam esse hanc tuam rationem: aut certè ex verbo Dei demonstrandum, quali tandem unionem aut quo genere copulationis, Christi corpus cum panis accidentibus esse connexum intelligatur. Id autem quomodo possit demonstrari non video, cùm in universa Scriptura ne minimo quidem apice horum vestrorum accidentium vel tantula mentio injiciatur. Et tamen si dederimus sublata panis substantiæ subire accidentia, necdum quicquam effeceris. Nam si non junguntur hæc accidentia cum Christi corpore unionem hypostaticâ, restabit ut conjungantur vel eâ quæ est essentialis ac naturalis, vel eâ quæ dicitur sacramentalis. Naturalem scio te nunquam esse admissurum: neque enim posses tueri. Restat igitur sacramentali conjunctione hæc constet coagmentatio. Quod si ita est, inanis certè est hæc tua ratiocinatio, quâ tribuatur unioni hypostaticæ idiomatica communicatio, eandem posse sacramentali eodemque jure tribui: ac proinde Christi corpus frangi rectè dici, propterea quòd panis forma seu panis frangantur accidentia, quemadmodum Dominus gloriæ



gloriæ dicitur crucifigi, propterea quòd illa natura quæ crucifigitur cum divina Domini gloriæ natura ita arctè est unita, ut idem sit crucifixus atque idem gloriæ Dominus. Nam planè & diverso efficietur, quum hic nulla alia nisi sacramentalis unio possit intelligi, haud aliter accipiendum esse quòd Christi corpus hic è cælo sub panis forma sistatur, nisi pro ratione & perpetua norma sacramentorum, id est quemadmodum in reliquis omnibus sacramentis & sacris signis res signatæ sisti solent. Hic tu tam immensâ absurditatum voragine obrutus, tamen audes quasi prætor, aliquis ferre sententiam; Quòd qui ad credendum tardi sunt, facile tergiversationes quærunt quas Christi verbis opponant, sicut opposuit Zacharias dicens, Unde hoc sciam? Quasi verò quæ vestri Scholastici ac Pontifices contra Scripturarum fidem, contra omnem Sacramentorum rationem atque analogiam, contra denique articulorum fidei consensionem absurdissima finxerunt dogmatum portenta, nobis continuò fide sint amplectenda, quia vos ita esse dicitis: quum ipsi tamen à vobis non minus quàm ab Evangelicorum oraculorum veritate dissideatis.

Ad quintum caput quia satis antè responsum est, nihil repetam: tantum addam, Deum omnia posse efficere quæ velit & quâcunque velit ratione, sed planè non cogitur ad faciendâ vestra miraculorum commentitiorum plaustra divinam suam vim atque potentiam quoties vobis adlibuerit exerere. Illa enim nihil agit nisi quod vult, neque ad sophistarum libidinem vel rerum à se conditarum naturam evertit, vel semel sanctitam veritatem labefactat: sed quæ facit miracula, ea facit ita efficienter ut sub sensus veritatis testes cadant & nihil cum magorum præstigiis commune habeant: eademque verbo suo & spiritu eatenus facit manifesta quoad ex usu Ecclesiæ esse novit. Quòd autem verbo, *Est*, miracula fabricari posse contendis, nihil est aliud nisi ad quæstionis caput quæstionem ipsam revocare, & petendo (ut dialectici loquuntur) principio non modo actum agere, sed ferulâ se dignum præbere. Quæritur enim, an Deus verbo, *Est*, id fieri voluerit quod est in controversia. Tu ut ostendas voluisse, dicis eum si velit posse mediante verbo, *Est*, efficere quæ velit: quæ quidem argumentandi ratio omni responsione indigna est.

In sexto capite fidem tuam, mi D. Doctor, iterum vehementer desidero. Reprehendis quòd dixerim, verbi, *Est*, unam & simplicem esse significationem, ut semper significet, *Esse*, sed non semper significet, *Esse substantiam*, sed aliis etiam summis tribui vocibus. Hæc tu verba ais non tantum inter se, sed etiam cum mea ratiocinatione pugnare. Inter se quidem, quia ubi est analogia, non est una & simplex significatio: sed verbum, *Est*, analogicè refertur ad decem voces: ergo non est ejus simplex significatio, &c. Sanè si simpliciter dixissem esse unam, simplicem & perpetuam verbi, *Est*, significationem, haberes fortasse quod suggillares: Sed quum certam subjunxerim interpretationem, ut nimirum significet semper, *Esse*, sed non semper, *Esse substantiam*: ecceui facies fidem te hic bonam fidem præstitisse? Quum enim dico, *Esse*, semper significare *Esse*, tum dico verbi, *Est*, significationem in se quidem esse unicam, sed respectu rerum cui tribuatur esse analogicam.



Hoc si non esset, jam necessariò esset una ex decem vocibus. Sed quia omnibus decem vocibus peræque accommodatur, quamvis diversâ ratione: idèd esse supra illas omnes voces præclare est à Logicis definitum. Itaque quàm tu ipse hîc turpiter impingas vide, qui contendas verbi, *Est*, significationem semper significare substantialitatem. Ita erit τὸ δ' unum ex decem vocibus & quidem erit substantia. Nihil enim nisi meram significabit substantiam.

Quod quidem si discipulorum tuorum quisquam dixisset, ferulâ certè dignum judicares. Et tamen paulò pòst etiam impingiturpius, dum significationem sacramentalem ab omnibus decem vocibus planè separas. Et ais significationem verbi, *Est*, non tantùm ex eo multiplicem inveniri quia decem vocibus accommodetur: sed etiam quodd aliquando significet aliquid esse simpliciter, aliquando non simpliciter, sed significativè & sacramentaliter: quasi verò hæc significatio sacramentalis nōn manifestè ad relationis categoriam sit referenda. Nam si κατηγορεῖσθαι quippiam de altero dicitur, quâcūque tandem ratione respectuque ei tribuatur, omnino necesse est ad harum decem vocum unam referatur. In quo tu vidêris in vocem analogiæ impegisse, quam pro æquivocatione seu amphibologia sumisti, & πολύσημος cum ὁμωνύμοις seu æquivocis confudisse. Etenim verbum, *Est*, per se quidem πολύσημος est, & cuicūque tandem categoriæ accommodetur, significat *Esse*: sed cum aliis comparatum, tum demum æquivocè seu ut tu loqueris analogicè dicitur, & non simpliciter. Ita cum dicimus, Hominem pîctum esse hominem, verbum quidem conjungens has voces significat simpliciter esse, non autem esse substantialiter, sed tantùm per similitudinem, seu ratione πρὸς τι; & tamen æquè propriè dicitur imago esse id quod refert ratione similitudinis, ac ratione substantiæ dicitur homo esse homo. Sed si rationem similitudinis cum substantia conferas, tum demum hujus comparisonis intuitu alterum dicitur simpliciter, alterum secundùm quid & non simpliciter. In quo demiror tantopere hospitem te videri, qui apud tuos nihil audias videasque frequentius. Nullus enim est vicus, nullus angiportus qui non habeat aliquod ἱδωλόν seu simulacrum, de quo nemo est vestrū qui dubiter dicere, hæc est Maria, hic est Christophorus, hic est Christus crucifixus, & infinita ejusmodi: sed de modo interrogati, continuò respondetis, ad memoriam seu similitudinem earum rerum quas significant ita dici. Et interim non auditis Christum ipsum sese explicantem, dum jubet ut in sui suæve crucis memoriam non simulacra aurea saxeave erigantur, sed panis ac vini symbolum in sacrosancta cœna usurpetur.

Tandem venis ad meum argumentum, in quo me ais assumere axioma Philosophiæ naturali & Scripturæ sacræ prorsus ignotum. Quod an ita se habeat ex superioribus quæ à me scripta sunt, ne sæpius repetita fastidium pariant, lectori æstimandum relinquo.

Postremò, quasi persentiscens veriste nihil rationibus efficere, ad cavillos pliusquam sophisticos confugis. Ais meis exemplis quæ produxi non quidem verbum, *Est*, sumi tropicè seu sacramentaliter ac figuratè, sed ipsum attributum, corpus scilicet aut sanguinem; quod quidem etsi nobis quasi quemdam

dam Ajacis clypeum iteratò objicis, quàm sit tamen puerile ac penitus elumbe tu quæso ipse judex esto. Ego si de simulacro quopiam vestro dixerò, Hoc est S. Franciscus vel Dominicus, & interrogatus an substantialiter ita sit, vel ut ipsius Augustini exemplo utar, si dixerò, Hic dies est dies resurrectionis seu paschatis, respondero verbum, *esse*, ibi (quemadmodum idem loquitur Augustinus) positum esse in signo vel significatione: si quis me hic suggillet quasi tropus non sit in verbo, *Est*, sed in attributo, nimirum Francisco & Dominico, vel Paschatis die, ut dicam verba mea sic debere intelligi, hoc est verè Franciscus, vel hæc dies verè est Pascha, id est Francisci imago, vel Paschatis rememoratio: quisejusmodi hominem cum tam putida sophistica non putet esse procul explodendum? Sive enim dicas hæc verba, Petra erat Christus, innuere quòd Petra significabat vel repræsentabat, vel figurabat, vel sacramentaliter notabat Christum, (ut tropus sit in verbo, *erat*,) sive ponas tropum in attributo, & dicas tantumdem exprimere ac, petra erat significatio, vel signum, vel repræsentatio vel figura, vel Sacramentum Christi: quis est ita cæcus qui non videat hæc penitus eodem recidere? Et tamen videmini nescio quomodo vobis in ejusmodi cavillis delitiosos triumphos facere, & quidem usque adeò ut nonnulli libros quos de nostrorum dissentionibus inscripserunt, non dubitarint ejusmodi puerilibus næniis infarcire, quibus rudi plebeculæ persuaderent Zwinglium, Oecolampadium, Carlostadium, Calvinum & nescio quos alios inter se digladiari propterea quòd alii in his verbis, *Hoc est corpus meum*, tropum in verbo, *Est*, alii in attributo corporis posuerunt. Quæ quidem nimium impudens calumnia quum in nemine ferenda planè sit (nec enim est quisquam ita cæcus qui nesciat ne tantillum quidem hæc inter se significationis veritate discrepare) tum certè vel maximè in vobis, qui scholasticæ vestræ theologiæ rivos propè ex Aristotelis fontibus deduxistis, prorsus est intoleranda, quum disertis verbis præeuntem habeatis vestrum Aristotelem, apertèque in metaphysicis ita docentem: καὶ αὐτὸ δὲ εἶναι λέγεται, ὅσα πρὸς σχήματα τὰ σχήματα τῆς καθήγορίας. ὅσα γὰρ λέγεται, τοσαυτὰ καὶ τὸ εἶναι σημαίνει, id est, Per se autem dicuntur esse ea quæcunque in categoriæ figuris significatione continentur; nam quotcunque tandem modis dicuntur, totidem planè significant, *Esse*. Ex quibus certè non debetis ignorare in omni enuntiatione verbum, *Est*, adhiberi ad significandum eam quæ est inter extremas utrasque voces inter se conjunctionem copulationemque, & quidem pro ratione ac natura ipsarum vocum quæ inter se copulantur. Itaque quemadmodum, ἂν διὰ διαφέρει τὸ ἀνθρώπου ὄντα εἶναι ἢ τὸ ἀνθρώπου ὄντα εἶναι, teste Aristotele: ita planè nihil interest utrùm dicas, panis est signum corporis, posito nimirum tropo in voce attributi corporis; an potius, panis significat vel signat, vel repræsentat ipsissimum corpus Christi, posito eodem in verbo, *Est*, quod adhibetur ad copulandum attributum cum subjecto. Certissimum enim est quod idem ait Aristoteles: ὅτι τῶν κατὰ μηθρημίας συμπολὸν λεγομένων ἕκαστοι αὐτὸ μὴ καὶ αὐτὸ ἐν ἑκάστῃ καταφάσει λέγεται ἢ ἀποφάσει, τῇ δὲ αὐτῇ ἀλλὰ τῇ συμπολὸν κατὰ φασιν ἢ ἀπὸ φασιν γίνεσθαι, ἀλλὰ ὅτι σύνθετον καὶ διαίρετον εἰς τὸ ψυδὸν καὶ τὸ ἀληθές. Id est, quòd nihil eorum quæ conjuncta non sunt, in affirmatione aut

negatione dicitur: sed ex eorum mutua quadam inter se conjunctione omnis manat vel affirmatio vel negatio. Nam circa conjunctionem aut sejunctionem verum & falsum omne versatur. Quod quidem cum in omnibus omnino categoriis quæ per se esse dicuntur sit extra controversiam *οὐκ ἰσχύει τίποτε τὸ εἶναι τὸ αὐτὸ σημαίνει*, id est, propterea quodd eorum unicuique, *Esse*, idipsum significat, tum certè vel facillimè potest in analogicis & sacramentalibus loquendi rationibus quæ in signo positæ sunt & per similitudinem explicantur intelligi. Quod ipse tu facillè potuisses perspicere, si disertissima te Augustini verba superiori nobis epistola ex libro ejus contra Adamantium Manichæum producta non piguisset examinare, vel certè judicem ipsum ac dictatorem Christum docili aure controversiam hanc omnem suis verbis decidentem ausculta-  
re. Uno enim loco ait, hoc est sanguis novi testamenti: & altero, ne disputaretur ubi esset tropus, in verbo ne an in attributo, sic locutus est, & se explanavit: Hoc poculum est novum Testamentum in meo sanguine. Quod si velimus in verbum resolvere, idem valebit atque, Hoc poculum testatur, vel testamento ac fœdere sancit meum sanguinem pro vobis effusum esse in remissionem peccatorum vestrorum. Vides, Vir doctissime, sive tropum in verbo, *Est*, constitutus, sive in voce subiecto attributa: id est sive dicas poculum esse sanguinem vel sanguinis fœdus ac testamentum; vel denique sanguinem testamento sancire; prorsus idem te dicere: vel certe necesse esse ut Evangelistas ipsos mendaces ac tropistas seu hæreticos & sacramentarios esse convincas; qui manifesta Christi verba de sanguine per tropum explicarunt, & quid de iis quæ de pane dixerat esset sentiendum apertissimè commonstrarunt. Apagelis igitur cum istis frivolis effugiis & verborum inanibus ampullis, & cum se Christus dicit esse vitem, agnum, &c. tu si libet explica per tropum in attributo: ego etiam si dixerò unam esse & perpetuam verbi, *Est*, explicationem, ut semper, *Esse*, significet: tamen non dubito ita expone-  
re quasi dicat se esse similem non agno, viti, aut ostio tropico, (quemadmodum vos apud ignaram & stupidam plebem nos fingitis statuere nescio quod corpus Christi tropicum seu figuratum atque commentitium,) sed vero ostio, vero ac naturali agno, veræ denique viti: Sed dicam verbum substantivum, *Esse*, hic non substantiam, sed similitudinem notare; ut cum de bardo homine dicitur, eum esse asinum, caudicem, stipitem: quodd nimirum ingenii tarditate *ἀνέλογον*, quiddam iis referat. Ex quo, Amplissime Cancellarie, facillè cernis necesse esse ut corruar invictus ille tuus aries quo nostrum perpe-  
tuum atque indubitatum axioma sperabas te posse convellere. Ais enim quodd  
in Scripturis sacris nullum exstet exemplum, quo nomen aliquod Christi sub-  
stantiam sive divinam sive humanam propriè significans, à sua propria signi-  
ficatione translatum elemento aut inanimatæ substantiæ tribuatur, ad signi-  
ficandam aliquam ejus proprietatem. Nam etiam si esset hoc omnium veris-  
simum, quod minimè est: quid quæso tamen efficeret, nisi quodd nobis gla-  
dium in manus porrigeres quo in tuum jugulum contorto tibi omnino pereun-  
dum esset? Eadem enim argumentandi ratione valeret & hoc axioma: Nullum  
posse produci ex Scriptura exemplum quo Christi corporis & sanguinis nomen

men, mutis ac brutis creaturis tributum transsubstantiationem invehat. Ac proinde nullam esse rationem cur & in iis verbis quibus instituuntur sacramenta quæ sunt *æphenis* signa & typi & ad memoriam & annuntiantum Christi mortem instituta, tale quippiam præter omnem rationem atque exemplum confingi debeat.

Sed audi Augustinum exemplis quibus hoc tuum axioma jugulatur & Christi nomen mutis elementis tribuitur utentem: cujus authoritati pro tua modestia sat scio non voles refragari. Is verba illa Pauli, *Petra erat Christus*, prorsus eadem ratione exponit, ut Christi nomen tum divinam tum humanam substantiam significans tribuatur petrae, ad significandum signum seu sacramentum quod in illa petra Dominus populo proposuerat. Et illud ipsum exemplum ad hanc ipsam rem de qua agimus ita accomodat, ut doceat propter similitudinem & analogiam quam habent inter se signa & res signatæ unius nomen alteri tribui. Sed hæc tu omnia à nobis toties inculcata, tamen surdâ aures prætereunda tibi putasti. Deinde, quoties obsecro arca fœderis nominatur ipse Jehovah exercituum? Quid? an non Jerusalem nominatur Jehovah Justitia nostra. Ecquem autem nosti Jehovah qui sit Justitia nostra, præter unum Christum? De columba an non dicitur, fuisse Spiritum Sanctum? Et tamen nemo est ita omnis sensus ac rationis expertus qui propterea Spiritum ipsum à Patre & Filio Christo procedentem in columbam fuisse transsubstantiatum; vel è diverso columbam in Spiritum somniet. Sunt enim hæc temulentorum seu potius furiorum hominum insomnia, quæ mens ægritudine & præjudicatæ opinionis errore occupata, per visum seu *phantasiam* sibi reddit verisimilia.

Pergis deinde ad refutationem nostrorum argumentorum. In quo pleraque, & quibus urgeris vehementissimè, silentio præteris, & ad Synodi Nicenæ decretum pedem refers, atque ais neminem esse qui nesciat, Panem hunc benedictum esse Christi morientis sacramentum. Unde etiam mandatum est à Domino, *Hoc facite in meam commemorationem*: ut & offerentes hostiam salutem & participantes elevatâ mente per fidem, perpetuò in eam formam intenti sint quam Christi corpus habuit. Sed non propterea sequi, corpus istud in sacramento non contineri: Aliam enim formam considerandam esse, ut perpetuò habeatur passionis & resurrectionis memoria, sed non aliam substantiam quam in sacramento ipso contineatur.

Hic tu mihi vidèris, quod tanti viri pace dixerim, quasi alto quodam & supino veterno confopitus, omnium eorum quæ antè dixisti penitus esse oblitus. Nam ne concilii Nicæni authoritatem cogaris elevare, simulas te nostræ sententiæ prope ad amussim astipulari. Ais enim panem hunc benedictum esse sacramentum Christi morientis. In quo certè si tibi constares, & superiora omnia quæ de transsubstantiatione enixus es stabilire, everteres, & cum veritatis doctrina pulchrè consentire. Sed continuò pedem retrahis

— veluti qui sentibus anguem  
Pressit humi nitens, trepidusque repente refugit.



& variè tecum ipse pugnas, ut facilè appareat, quum dixisti neminem nescire quin panis hic benedictus sit Christi morientis sacramentum, longè sensisse aliud quam verba præ se ferant: & voluisse te hinc iterum effuso illo obscuro & ambiguo panis benedicti verbo, quasi sepiæ quodam atramento involvere; metuens videlicet ne ut forex, quod aiunt, tuo ipse iudicio prehensus tenerere, si planè ac sine ambagibus vel panem vel Christi corpus nominasses. Quid enim est obsecro panis iste tuus benedictus, quem tu nobis usque ad nauseam toties ingeris, & Christi morientis sacramentum esse pronuncias? panis ne? At nullus vobis restat panis; an corpus Christi quod pani successit? At non ignoras Sacramenti definitionem esse, ut sit sacræ rei signum: atqui jam corpus Christi est ipsa res sacra: non potest igitur sui ipsius esse signum, præsertim quum non sit visibile. Quam tertè notam Augustinus & reliqui omnes Patres in sacramentis animadverterunt. Adjicis propterea mandatum esse à Domino ut hoc faciant in sui commemorationem. In quo nisi tutemet tibi oculos rancidis magistrorum tuorum collyriis oblevisses, facilè cæneres te hic universam transubstantiationem jugulasse, nihilque nos ab orthodoxa fide aberrare, qui doceamus hoc sacramentum benedicti panis & calicis in ejus mortis memoria ac sacrum signum esse institutum. Sed evertis vestigio quæ dixisti, & jubes ut offerentes hostiam salutarem intenti sint non in eam formam quam vident, sed in illam quam habuit dum viveret & in terris conversaretur: quo quid potest esse absurdius? Nam si est illa vestra hostia verissimum atque ipsissimum Christi corpus, quemadmodum soletis etiam ignibus & gladiis efferatè contendere; quid est necesse in aliam formam intentos esse vestros sacrificos? quasi verò ea forma quæ Christo ipsi placuit non etiam vobis placere debeat: aut quasi Romanæ Ecclesiæ Scholastici Christo præscribere debeant, quâ ille nobis formâ sit adorandus. Sed quid quodd & in Romanam Ecclesiam es contumeliosus? Illa enim dum se corpus Christi capsulâ condere arbitrat, dum se illud perfercula & pompastum flamines tum funerales circumgestare credit, & non modò incensis facibus, thure, campanis ac libaminibus colit, sed etiam quotidie in missa universo populo tanquam Deum ipsum rerum omnium conditorem ac vitæ fontem adorandum proponit: tantum certè abest ut ad aliam aliquam formam populum revocet, ut qui coram hac ipsa forma vel vitreâ etiam capsulâ inclusa non ad genua actutum provolvantur, eos confestim ignibus atque extremis cruciatibus addicant. Tu tamen illâ formâ neglectâ aliam vis considerari, ut possit haberi ejus passionis & resurrectionis memoria. Vides enim pro tuo ingenii acumine Christum neque passum fuisse unquam neque resurrexisse in forma panis; ac proinde ut ejus memoriam tibi proponas, aliam omnino formam esse animo ac mentis oculis objiciendam. In quo fortè non planè abs re lignei vobis & saxeï vestri crucifixi, atque alia simulacra seu *idola* ac deorum formæ ex usu erunt. Sed vide quàm iniquè agas. Christus, ut nobis vim atque efficaciam salutarem ac vivificam sacrosancti sui corporis & sanguinis à virgine matre accepti & in cælum postea sublatis præ oculis mentis ac memoriæ statueret, putavit nullum se posse magis proprium atque accommodatum, nullumque significantius signum, sacramentum, aut mnemonic-

mosynon proponere nisi panem & vinum, ut nimirum illis sumptis ejus mortis perennem memoriam retineremus. Vos quasi Christum Dei filium sapientiâ longè antecellatis, primùm abjicitis panis substantiam, & nuda relinquitis accidentia quæ mirabili verborum fuco formam nominatis, cùm nullius formati formam esse posse ipsi suaviter in scholis vestris disputetis. Mox non contenti tantâ contumeliâ Christi affecisse institutionem, etiam formam ipsam eripitis, & ad aliam formam vultis animi nostri atque oculorum aciem esse intentam. Et interea ne ullum insanix vestigium relinquatis intactum, unam illam ac simplicem corporis esse substantiam pugnat. Necessum igitur est Christi corporis unam & eandem substantiam diversas habere formas. Unam nimirum quam sumpsit à matre virgine: alteram, quam à pistore seu fornacario mutuatur vestri sacrificii solemnî carminis præstigio corpus ejus effecerunt. Ita una ejus forma erit in cælis, altera in terris: una vera, ejusque omnibus proprietatibus atque accidentibus vestita, quam secum post mortem abiens abstulit, eademque se denuo ad judicium venturum dixit: altera imaginaria sine ulla aspectabili figura ullisque sensui objectis accidentibus, missatica nimirum, quæ neque in pane sit, neque in corpore, neque pendeat in aëre, neque in manibus sacrificii hæreat, nec in stomachum delabatur: sed sit quod non est, & non sit quod est: quodque male sanum Scholasticorum cerebrum extra Dei verbum somniavit, & stolido mundo pro miraculo obtrusit.

In octavo capite variis uteris involucris, ut ostendas caput Joannis 6. ad sacramentalem manducationem minimè pertinere; quod si luberet contradicere, haud me deficerent veterum Patrum testimonia. Sed lubens acquiesco, modò & tu fateare quòd Christus cap. Joh. 6. promittit id ipsum præstare in cruce, idemque ipsum ante crucem significantissimè in cœna sacramento ad sempiternam sui recordationem instituere. Itaque non est alia manducatio Christi corporis proposita Joan. cap. 6. alia in cœna, nisi quatenus ad sacramentum attinet. Christus enim Joan. 6. testatur se esse verum illum panem qui de cælo descendit & mundo vitam largitur, non enim vi carnis, sed Spiritus divini carnem vivificantis, & quasi quodam organo seu tubo utentis, per quem fidei apprehenditis virtute vitam & justitiam in nostransfundit. Frustra itaque defudas, quum hic elabi te posse speras objectâ lectori diversæ manducationis nebulâ. Omnino enim, quemadmodum Joan. 3. Christus dum dicit, homini esse renascendum qui vitam velit ingredi; non quidem instituit Baptismum, sed illud ipsum planè declarat quod Baptismo nobis tanquam certâ atque indubitatâ tesserâ & *specyâ* obsignatur exhibeturque: ita dum docet sese in hunc mundum venisse, ut vitam mundo præsteret & credentibus justitiam, per veram illam ac mirificam sui corporis nobiscum unionem, longè profectò arctiorem quàm sit illa panis aut vini cum corporis substantia & carne coalitio, non instituit quidem ille cœnæ sacramentum, sed verum ejus effectum ac finem declarat. Et sanè in cœna nihil consequimur aliud, vel Paulo teste & te etiam stipulatore, nisi ut in Christi corpus & sanguinem ad vitæ æternæ participationem uniamur & coalescamus. Quare quod hic identidem nos traducis, quasi cœnæ Sacramentum nudum & inane signum esse doceamus, neque ullum

ullum habere effectum nisi ut significant: bona si tua cum venia licet dicere; mera calumnia est; nisi tu inane signum audes fortasse appellare, cum quo & per quod tanquam per intermedium arrabonem ac sigillum Deus ipse animis nostris præsens statuit Christi corpus, ex coque nobis verè atque essentialiter iustitiam, sanctitatem, vitam æternam, & denique omnia quæ in Christo accipere possumus dona affatim & luculentissimè largitur. Sed sunt jam pridem hæ calumniæ ab aliis plus satis confutatæ, quorum lectionem si vos liberam populo permitteretis (quemadmodum nos vestrorum librorum & commentariorum liberam mercem etiam myropolis & consoribus relinquimus) haud ægrè sanè hominum mentibus diffusâ humanorum commentorum caliginæ, Dei veritatis lux afflueret.

Quæ reliqua sunt in hoc capite, sunt omnia ejusdem farinae. Tu quidem tibi delicias facis in argutula illa distinctione: quod scilicet tropus sit non in verbo, *Est*, sed in ipso attributo: eodemque Pauli sententiam conaris revocare. Sed quod hoc sit inane, jam antè satis demonstratum est. Et tamen tu ipse tuo hîc laqueo prehenderis. Fateris enim, his Pauli verbis, Panis quem frangimus est communicatio sive communio corporis Christi, noluisse Paulum significari quid esset Panis, sed quid participatione illius panis significaretur atque efficeretur (etsi in postrema tua Epistola quasi tenèri te tuis pedicis sentiens, illud verbum significandi expunxisti) quamobrem quæso te, vir optime, quum hic de verborum Christi interpretatione sit controversia, & nemo plane dubitet quin eorumdem fidissimus fuerit interpretæ Paulus, præsertim eandem materiam pertractans: præsta hîc nobis bonam fidem, præsta animum modestum ac dociles aures: & quemadmodum tu tibi tribuis posse te verba Pauli, prout commodissimè licet, interpretari: ita nobis ipsissimam hanc tuam interpretationem patere ad ea ipsa verba quorum sententiam Paulus ad amussim explicavit accommodare, & continuo senties omni penitus nebulâ discussâ, nihil ampliùs superesse quod veritatem possit obscurare: neque opus esse ullis vel ambagibus vel cavillis, vel variis verbi, *Est*, distinctionibus, ut quod est per se planissimum verborum involucris obtegatur.

Similitudo porrò illa tua quæ ex Joan. cap. 6. in medium productâ conaris Pauli testimonium, panis nomen Sacramento manifestè atque identidem tribuentis, eludere, propterea quod se Christus ipse panem appellet, propè mihi etiam risum excussit, quem vix te certè ipsum in scribendo tenuisse arbitrator. Nimis est enim venusta & lepida illius tuæ ratiocinationis complexio, „dum scribis: Si Christus & caro ejus, panis seu cibus verissimè dicitur, quia „dat vitam mundo: quare non potest simili tropo etiam panis benedictus & „in corpus Christi conversus panis nuncupari? Taceo, quod hîc per te potes animadvertere, innumerabilem vos passim troporum catervam in vestri de transubstantiatione commenti suppetias advocare, ut scilicet positam in signo & sacramento Christi orationem à Spiritus efficientia & fidei ratione ad dentes ac ventrem avertatis. Prætereo etiam cramben illam tuam toties cum nauseâ repetitam de pane benedicto. Sed quis quæso non videt, quæ tu similia esse autumas, ea plus quàm toto inter se cælo discrepare, cum nemo non stultissimus

mus ullam sibi amphibologiam in illa Christi assertionem, quæ se panem esse testatur, vel imaginatione possit confingere. Tota enim oratio eò spectat, ut celestem vitam ex se uno Christus manare asseveret: ac proinde ait se esse panem qui de cælo descendit. Deinde omnes videbant Christi vivum ac naturale corpus neque tum esse, neque antè unquam fuisse panem: Hic verò in eo quodd panis fuerit, quodd panem esse omnes sensus iudicent, natura doceat, ortus convincat, forma testetur, color, figura, gustus, omnes denique circumstantiæ atque omnia planè accidentia manifestè prodant, Verbum ipsum divinum & à Spiritu Sancto dictatum oraculum iteratò ac sæpius inculcet. Velletamen emendicatio aliquo tropo quodd paulò antè proprium fuerit ejus nomen ad peregrinam significationem contorquere, abutentis est profectò & auditoris patientiæ & verbi Dei dignitate. Patrum testimonia quæ produxime verbo quidem confutas. Conscius es enim ipse tibi nimis esse plana, diserta atque perspicua quàm quæ verbis eludi queant. Ad nescio quem Lanfrancum, & Guitmundum, & Algerum me remittis. His adjicis Joannem Hesselium Lovaniensem; quasi verò mihi cum Hesselio, & non cum Michaelae Baio hæc sit palæstra. Deinde dicis ex ipsis Patribus alias & quidem plures ac manifestiores colligi posse sententias quibus vestra opinio constabiliatur. Quodd si ita est, necesse est multum esse vel in Patrum delectu discriminis, vel in ipsis eorum scriptis ambiguitatis: & tamen ea ipsa debueras producere ut ad veritatis trutinam expenderentur.

In extrema Epistolæ parte graviter me & pro magistri autoritate reprehendis quasi dixerim, horrendam Gothorum vastationem Christi Ecclesiam corripuisse. Unde tu in campum Philosophiæ de Ecclesiæ afflictionibus orationem vocas: ut quasi Theologiæ magister ostendas, afflictiones non corrumpere sed repurgare Ecclesiam. In quo certè primùm præstas malam fidem, & manifestam impingis calumniam: deinde turpiter & sophistice cavillaris: postremò totà rei veritate aberras. Quodd ut intelligas recole hæc mea verba. „Ego ita scripsi. Postea verò quàm horrenda illa Gothorum vastatio Ecclesiæ, siæ justo Dei iudicio pro virtutelibidine, pro justitia tyrannidem, pro pietate superstitionem invexerat, sub Nicolai tempora, &c. Quæ quàm sint à tuis diversa, iudicet æquus Lector: & an te calumniæ reum immeritò agam, ex æquo & bono seu potius ex re præsentistatuat. Observa deinde cavillum plus quàm sophisticum. Quodd si dixissem Ecclesiam corruptam esse Gothorum vastatione, nemo me existimasset de alia locutum esse Ecclesia nisi de aspectabili ac visibili, quam nimirum Christus piscium sagenæ & aræ tritici dicit esse similem, & proinde improbis æquè ac probis confertam. Eam si dixerò persecutione immodi, & peremodum eam perdi atque interire, quidd aliud dixerò nisi quodd ipsa universa testatur apud Isaiam Ecclesia: Nisi Dominus reliquisset nobis semen, omnes sicut Sodoma fuissetus, & sicut Gomorrha perissetus. Est igitur cavillus impudens, ita ludificari lectorem vocabulorum ambiguitate. Sed vide quàm bonus sis Theologus, qui te illius sacrosanctæ doctrinæ antistitem profitearis. Queris ex qua Scriptura sacra aliquando didicerim Christi Ecclesiam persecutionibus esse corruptam. At pleni sunt



omnes prope omnium Prophetarum libri, pleni Apostolorum atque Evangelistarum infinitis harum rerum exemplis. Quid enim aliud pertractat Isaias, quid Jeremias, quid Ezechiel, quid Daniel, quid Oseas, quid Joël, quid Psalmorum liber, quid denique omnes reliqui? nisi quoddam propter hominum peccata ira Dei accensa, miras & horrendas strages in Dei populo quotidie edat, Ecclesiæ suæ sepem diruat, seminarium evellat, stolones extirpet, vitem suisibus & apris sanandam & cuius obvio diripiendam tradat. Hæc si, Domine Doctor, tu ignoras, quoddam in Scholasticorum argutis quotlibetis ætatem potius quàm in Scripturarum simplici veritate pro academice vestræ more triveris: est quod te ipsius Domini verbis remittam cum Judaica synagoga ad locum Siloh. Vide quid ibi egerit Dominus exercituum; quomodo Ecclesiam suam hostium persecutionibus dissiparit, sanctissimi fœderis symbolum ludibriis incircumcisorum exposuerit: remittam te ad Bethel quod Bethane factum est: ad Geihinnem, quod in Gehennam computatum est: rogabo ut ipsam visas Jerosolymam ac montem Sionis, de quo dictum erat: Hic est locus meæ requietis in æternum, &c. Et si hæc tibi satisfaciunt, rogabo ut mihi florentissimas illas Asiæ & Græciæ, Ægypti, Africæ Ecclesias commonstres, quis illas ita vastarit atque everterit edoceas. Ubi sedes illa Antiochena, quam Petro per viginti quinque annos vestri tribuunt fabulatores: ubi Roma illa antiqua quâ alios xxv. annos illum sedisse comminiscuntur? An non vides urbium ruinas, hominum excidia, gentium ac populorum interneciones; quasi verò quod in Silo, quod in Jerusalem, quod in Græcia, quod in Asia, quod in Ægypto, Africa, quod denique in universo terrarum orbe pro sua iustitia fecit Dominus exercituum, non etiam in Romana vestra Ecclesia audeat ex-  
 „ periri: quæ nullam certè habet ejusmodi promissionem: Hæc est requies  
 „ mea in seculum. Si filii eorum peccarint mandatorum meorum oblii, &c.  
 „ misericordiam tamen meam ab eis non auferam. Et sanè à veritatis doctrina longè etiam si non fœdius, at certè multò protrevius & petulantius sese sciens volensque averterit quàm unquam fecerit Ecclesia Judaica, quippe quæ nunquam ausa fuerit fatuere Deum in terris, in cujus gremio reconditum esset universi juris & divini & humani scrinium, qui conciliis auctoritatem daret, decreta scisceretur, fidei articulos fabricaret, de verbo ac mandatis Dei pro arbitrio dispensaret: hominum animas Christi sanguine redemptas in infernum cattervatim ducens à nemine posset reprehendi; ut qui iudex esset omnium, à nemine planè judicandus, Dominus mundi, Regum rex & Dominus dominantium. Hæc non est necesse tibi certè ut probem. Agnoscis enim vestræ  
 • Ecclesiæ Romanæ catholicæ & universæ doctrinam, agnoscis ipsissima verba & decreta, quibus olim in principum ac regum omniumque populorum aures intonuisti, oculos fulminasti, animas attonitas reddidisti. Et quia vos jam; si qui estis paulò verecundiores, tam horrendarum blasphemiarum pudet, vultis emendicato Petri velo Romanæ meretricis, cujus nomen id est Hebraicè, Geddon Harma, seu ut Græco more legitur harma Geddon, id est, excisio Romæ, vel excisio altæ urbis, spurcissima opprobria obterege: & quod neque ratione, neque Scripturarum testimoniis evincere potestis, id  
 ferro,

ferro, flammâ, cruce, sculeis ac violentâ manu extorquere. Sed adest jam brevi tempus, quo vestrum hoc probrum universo terrarum orbi patefiat, quo ipsi reges qui meretricem hanc splendidam ac purpuratam stupidè adorant, ejus carnes frustatim sint incisuri ac devoraturi. Ac proinde sit, mi D. Bani, cujus aliquando conscientiam melioribus fuisse imbutam quàm hodie præ te feras satis scio, iram Dei non reformidas: sine, quæso, nos ad ejus vocem ac mandatum ex Babylone maturè fugere, ne abominationum ejus & simul condignorum suppliciorum fiamus participes.



# EPISTOLA F. FRANCISCI HORANTII

Minoritæ, universæ regiæ expeditionis Flandricæ  
Sedis Apostolicæ gratiâ Præfetti.

D E

ECCLESIA CHRISTI.

A D

MICHAELEM BAILI,

Lovaniensem Cancellarium, virum doctrinâ ac  
pietate maximum.



N Ecclesia, ejusque constitutiones seu traditiones, nullum  
habeant *κατ'εξουσίαν* aliud, nisi consuetudinem eorum, qui se  
profiterentur Romanam sectari Religionem, quam vocant Ca-  
tholicam?

An hoc *κατ'ἀρχαίαν*, si quod est aliud, constet paginâ Sacræ  
Scripturæ solâ?

An Patrum explanationibus & commentariis?

An Conciliorum decretis?

An Romanorum Pontificum placitis?

An Scholasticorum pronuntiatis?

An passim sequatur, ut ait Satyricus, corvos testa que lutoque?

An Ecclesia tribuat auctoritatem verbo Dei, an potius verbum Dei Eccle-  
siæ auctoritatem atque axioma conferat?

M. Michaëli Baili hæc quæstiones per Marnixium Aldegondum proposuit  
fuerunt.

MAGISTRO NOSTRO  
MICHAELI BAII,

Sacrae Theologiae Professori Regio, meritissimo  
Lovaniensi Cancellario, viro longè  
Clarissimo eruditissimoque,

F. FRANCISCUS  
HORANTIUS

S. D. P.



In est, quod me certiorem feceras, sacri ludi apud Lovanien-  
ses Coryphaee maxime, transmississe ad te Philippum Sanct-  
Aldegondum, scrupulos aliquot gravissimarum Quaestionum,  
per eruditionem tuam (quae merito maxima omnibus habe-  
tur, & longè latèque collucet) è suo animo expungendos.  
Commemini pariter, addere te quando ista mihi narrabas.  
Iætatum Aldegondum lætitiis omnibus, quantum intelligere  
potuisti ex litteris nuper ab eo ad tuam Reverentiam delatis, quòd in gravissi-  
ma quaestione de Christi Ecclesia, ad amissim prope vos duo consentiretis.  
Nec obliviscor, imò probè etiam nunc recorder, incredibile subortam  
animo meo admirationem mox atque ex te ista audi. Constans siquidem a-  
pud nos fama jam diu vagata est, Aldegondum jam dudum Christi Ecclesiae ul-  
timum vale dixisse, renuntiasseque Patrum Ecclesiasticorum disciplinis; ut  
quis satis sit edoctus à nostrorum hostium Antesignano Joanne Calvino, instar  
onagri, liberrimi perniciosissimeque animalis, insequentium clamores parum  
curare, Spiritus vincula aspernari, libertatis nefandæ studiosum esse, Anti-  
quitatem totam *Naso suspendere*, cunctam demum vociferantem Ecclesiam ri-  
dere: ac passim criminari è filo ipsam penderetotam. Indomita nimirum in-  
genia, nullâ disciplinâ, & multò minùs indulgentiâ ac dulcedine curari pos-  
sunt. Incredibili ergo tunc me tua Prudentia admiratione plenum reliquit.  
Nec erat inventu facile, qui sic convenire posset viro adprimè Theologo sum-  
mèque Catholico, cum eo homine, qui à tam multis annis incidisset in per-  
turbatorem veteris disciplinæ Joannem Calvinum, & quidem super quaestione  
omnium primâ, & quæ tantum non cardo & fundamentum præcipuum est,

Rr 3

quam



quàm nequiter satis ab ipso Aldegoni Magistro sciebam in Institutione sua agitatam, & nequissimè profligatam: (quemadmodum libro integro nostrorum locorum Catholicorum, non omnino obstinatis animis ac duris satis ostensum mihi persuadeo) nempe de primo ac uno iudice, qui sit velut *Lydius lapis* Ecclesiasticorum dogmatum, atque adeò ipsius fidei nostræ Orthodoxæ regula prima & una. Verùm, quoniam nimis ingrata & importuna illa hora mihi visa est, ad seriò agendum de eo negotio tam gravi, & erat mihi summo mane urbe recedendum; non adjeci animum, Eruditionem tuam super eare sollicitius pulsare. Imò, cum post sæpe te convenerim, & de more nostro de rebus gravibus, quæ (proh dolor) nobis nolentibus, & maximè recusantibus, hæc calamitosi temporibus obveniunt, multis verbis ultrò citròque habitis, totus nobis non semel consumeretur dies; numquam tamen, aut in memoriam mihi venit Prudentiam tuam denuò eo in negotio consulere, aut ipse omnino unquam rei hujus meministi: tam nos undique coarctant ac premunt curæ longè acerbiores ac molestiores, quæ nec me, nec te, istarum litium cum Aldegondo recordari sinant. At cum nihil minus quàm de vestro litigio ego cogitarem, rogavit me casu doctus quidam Pater mei Sodalitii Franciscani, legissimè Cancellarii Lovanienfis Responiones ad quæstiones ei per Philippum Aldegonum olim propositas, nunc recens excusas Lovanii, de Christi Ecclesia, & de tremendo altaris Sacramento. Non, inquam, legi; nihil verò posset mihi accidere jucundius, quàm jam antea à me tantopere concupitum opus, integrum devorare. Brevis hoc meum tantum desiderium bonus ille Pater explevit, atque codice conspecto, novis igniculis amoris totus ardeo; ut qui mihi certò promitterem, brevi abs tractandum impostorem illum, & plusquam simulatum discipulum, ut dignus erat. Dicam, & quidem liberius, quàm tibi par esse fortasse videbitur, quid ego desiderem in responsione tua ad quæstionem de Christi Ecclesia. Nam in quæstione altera, de tremendo altaris Sacramento terminanda, ita profectò me totum explevisti, ut mihi sim planè visus non aliud, quam Ambrosii, aut Cypriani, aut cujusquam veterum Patrum voces ex isto tuo ore dimanantes audire: quippe qui tam graviter, dexterè, feliciter & aptè, fidei tuæ hostem coërceas.

Prius tamen nequeo dissimulare, ex coacervatione tot quæstionum, redditum mihi ipso initio suspectum Aldegonum, cum intuerer cum hominem, quem multos fecisse progressus in hac scientia plurimi jactarent (ut solent cæteri hæretici hujus nostri sæculi) primis semper hæere rudimentis hujus divinæ artis, continuò addiscere, & (ut Divus ille dixit) *ad veritatis cognitionem nunquam pervenire*, in eadem semper salebra versari, & eodem in luto perpetuò volutari. O quam est solemne istis inclamare altè, poscentes referari sibi ostium, & cum maximæ cunctis fores pateant, nolle tamen rectà introire. Fingunt sibi novos quotidie arbitros, quorum se parituros sententiæ ac judicio sanctè promittunt; ac sæpius, legitimo superati judicio, causam ipsam eandem, non modò denuò exagitant, verùm judicantem Ecclesiam, cum suo judicio, in eandem arenam semel atque iterum protrahunt. An non ludus merus est, & jocus atque ludicra scena, quæcumque ab istis nobiscum

enititur conceitatio; si non potius simulata, & ad omnem artem astumque composita tragœdia? Contemnunt Ecclesiæ censuram, & tuum iudicatum probabunt? & quid vides, & quid sentis? vero iudice non audito, quos posthac iudices sumus habituri? cupis scire? nihil isti aliud simulatione suâ moliantur, dum tecum privatè agunt super eis causis, quas omnium Magistra parens Ecclesia, ad debitos fines deductas, servat suo in archivo reconditas; quam etsi tibi in ipso conspectu (ut fit sæpe) verbum unum excidar, quod suæ insanæ ac delirio quoquoque ad stipulari existiment; id ipsum tunc amplificare, ornare, extollere, exolculari, & tantum non adorare possint, ingentes pro beneficio suscepto gratias agere, suum suorumque studium atque operam, si qua in re commendare aut prodesse poterunt, tibi tuisque (quos alioqui impensè oderunt) polliceri: & in summa, quòd te habeant suarum partium imitatore inter lata sua pocula lictores exultare, triumphare & gaudere videas. Si verò intellexerint te sagaciùs odorari, & diligentius explorare quid ipsi animi habeant, ipsosque degustatos habere; certè statim alienant se, & inimicantur apertè, teque cum aliis sibilant. Observo secundo, dum Aldegondus, sua quæstia tibi proponentem, contemplor, quàm despiciatè, quàm contemptè, pretiosissima quæque ac divinissima isti de more suo tractent, Sacris sua prophana immiscentes: ut, etsi nolis, videas tamen, quò lacte isti sint enutriti, qui tam repentè Theologi in hominum perniciem prodeunt. Quærit itaque Aldegondus unico tractu de primo iudicio Ecclesiæ & Ecclesiasticarum traditionum, an ipsum sola Sacræ Scripturæ pagina non stet? an Patrum explanationibus & commentariis? an Conciliorum decretis? an Pontificum Romanorum placitis? an Scholasticorum pronuntiatis? Et quorum, quâ, & cuius autoritate confirmatorum, seu approbatorum? an *passim sequatur*, ut ait Satyricus, *corvos testaque lutoque*? Heu, quàm istis facilis est transitus à Prophetis ad comicos, ab Evangelio ad Satyras, ab Apostolis ad Poëtas! En quorum commentariis se muniant, quoties ad Sacras litteras & arcanas (in quibus tantum quærendam esse Ecclesiam, causamque omnem nostram & controversiam discutiendam contendunt) se accingunt. Visus profectò est mihi dicere Aldegondus, quando causa ista non tam Patrum explanationibus & commentariis, nec Conciliorum decretis, nec Pontificum Romanorum placitis, nec Scholasticorum pronuntiatis transigenda est, quàm ipsismet Scripturæ Sanctæ vocibus, utique jam nos vicinus; quippe apud quos tam vigent & florent Satyrici, Comici, Oratoresque: verum de his latis.

Accedo jam ad responsonem tuam, doctissime Michaël, super eo Aldegondi de Dei Ecclesia quæsito, & (ut liberè quod sentio edam) cœpi ipso primo gradu hærére ob istam nimiam tui animilenitatem, (quam non ego, qui ejus animi candorem fatis novi, sed forsitan quicquam aliis, vitioso lenitudinis nomine appellet) & desiderare vehementem illum priscorum Theologorum zelum, quo divinis flammis æstuantes minimè sinebant, impietatem Religionis prætextu dissimulari; & osculo pacis, ut olim hominis Filium, ita nunc ipsius sponsam ab istis proditoribus traduci, sinistram de se ea famam spargi, ludibrio exponi, ac deridendam omnibus per vicos & theatra (ut isti faciunt)

ciunt) duci. Ad hæc, dum semel atque iterum attentiori animo perlego; & observo primo quæ abs te in eam rem proferuntur; ita omnia mea Deus benè verrat! tam sum incensus, cum tui, tum Ecclesiæ desiderio, ut flagitium haud vulgare in vestrum utrumque admittere me existimarem, ni Prudentiam tuam hiæ nostris litteris admonitam reddidissim eorum omnium quæ inde expuncta, vel certè dictis tuis addita vehementer desiderassem, quod ita expedis existimationi tuæ, atque ideo fidelium, qui tua legent, commodo ego plane judicassem; mihi ipsi persuadeo non esse gravatè laturum, nec aliud suspicaturum, nisi animo candido & tui observantissimo ad te hæc mittere. Quis enim tam sit demens, qui gratis velit tam Sanctis senibus, mihi præsertim summo in honore semper habitis, vel minimum detrudere? Nec sum, qui solem senum facta reprehendere; sui que semper omnia magis quam Zoilus. Cæterum, eriste humanitatis tuæ & sinceritatis minimè accusum, qui putaveris Philippo istijam deplorato responsionem tuam in bono cooperaturam; non tamen æquo sero animo quodd pro jure tuo eumentum discipulum, cum abs te discere se velle fingeret, digno verberare non cecidisti, quodd sic media in luce se talpam simulet, & inter vehementes solis ardores frigare se adhuc componat, communique nostrum omnium progenitrici Ecclesiæ, super tritissimo jam olim negotio, apud te, non tam judicem suum, quam ipsius Filium diem dicere, inque jus illam vocare ingratus pariter & stultus ipse audeat. Quis, cedo, homo prudens, degenerantem vicini Filium à gravitate paterna, si possit, non reducendum curer, & tradendum progenitoribus suis, qui propriis cum legibus imbuant, flagello emendent, cogantque paternis stare præceptis?

Quid à me petis, Philippe, (ô si tu ita cum Aldegondo egissès!) quod à matre tua per multas annorum centurias non habeas de hac re ad Satras Scripturas discussum decisumque? Cessa, ingratis pulle, in tuam matrem recalci-trare, quæ dicere potest cum Simone illo Machabæo glorioso. *Nec alienam mihi terram hæcenus sumpsi, nec alienam detineo, tantum hæreditatem Patrum, quæ injustè ab inimicis, exempto vaginâ ferro satis hostiliter invaditur, pro mea viriliter vendico.* Redi ad te, fili, & quid sis considera, & noli agni nuptam nefariè oppugnatam & proditam ab istis spuris, suâque dote spoliata, novo per te scelere quod aliena occupet, gravari & onerari. Num ignorat Ecclesia, multum honoris & cultus cum primis deferendum verbo divino arcanis litteris contento? Num ignorat eadem Scripturas Sanctas à solo Deo precariò habere omnem illam suam majestatem & firmitudinem præ cunctis Scripturis, nec ad se, sed ad primam ipsam veritatem, qui Deus est, referendam esse cunctam earum divinarum Scripturarum auctoritatem? Num ignorat Ecclesia insigne illud sibi proprium, quodd errare non possit, intra divinos libros non in obscuro sed omnibus pervio loco collocatum, ut per locum connexorum utramque in alterius probationem sumere debeamus? Num ignorat eadem contineri ibidem aut in principiis, aut in conclusionibus expressè, vel per consecutionem, in genere, sive in numero, explicatè aut involutè, omnia fidei nostræ dogmata, & Christiani cultus observationes? Num ignorat Ecclesia, si quid sit suos natos doctrina, consulendas sibi prius Scripturas, velut Dei ipsissimum

oraculum, ac sibi semper perscrutandas, ut inde Spiritu Scripturarum plena ad pos prodiens, secum clavem deferat earundem Scripturarum Sanctarum, quâ profundam illam abyssum nobis aperiat; utque inde colligat, quo pacto nos versari conveniat in Dei domo, quæ est Ecclesia Dei viventis, columna & basis veritatis? videlicet locum cum loco concordat, verbum cum verbo confert; & in summa, multa deligit, multa colligit, multa elicit nobis in Scripturis non multum pervia, sibi verò certissima notissimaque. Estne hoc *corvos lutoque testaque sequi*? Jam verò (ô mihi charissime) quis tam demens, qui iudicium primum de Scripturis per ipsasmet Scripturas quoquo pacto constare possentiat? quis tam cæcus, qui Scripturam Iudicem mortuum non consideret, qui litigantium utrinque rationes audire, nec sententiam ipse eloqui valeat? Dic, Philippe, cujus est, si non Ecclesiæ, divinos libros ab aliis, qui tales non sunt, tam illustri notâ secernere? Cujus, si non Ecclesiæ, germanam Scripturarum intelligentiam habebimus? Num Arrii? Num Euty-chis? Num Manichæi, Lutheri, aut Calvinii? Noverint igitur sciolisti, qui te, mi Aldegonde, sic decipiunt, qui te suâ linguâ malâ fascinant, divinis litteris levissimè tincti (qui cum in sacrarum mularum ædem vix à limine inspexerint, nihil tamen non audent,) falsâque eruditionis opinione sic infumescunt, ut utrumque depositum Ecclesiæ commissum, utrumque etiam si de perpetuâ conservet, reddatque simul quas accepit Scripturam Scripturæque intelligentiam. Rectè proinde magnus Augustinus Judæos, ante quorum oculos velamen est positum, (teste Apostolo) dum Moses legitur, Serinianos Ecclesiæ Christi, verbo satis eleganti, appellavit. Imò noveris non eos habere veras Dei Scripturas, qui verum earum intellectum (qui proculdubio Ecclesiæ est) non habent, quantumlibet Scripturas jactent, & de Scripturis inani triumpho gaudeant. Non (inquit D. Hieronymus) *Dei Evangelium in Scripturis, sed in sensu est; non in superficie, sed in medulla; non in verborum foliis, sed in radice rationis.* Quale ergo donum & quantum, si cum Dei verbo ipsam etiam germanissimam ejus verbi intelligentiam non accepit à sponso Ecclesiæ? putas, tantum Scripturis illis bene consultum Christi Ecclesiæ, quam expetivit Sathan ut erubrarer, nisi cum eis Spiritum intelligentiæ Scripturarum earundem accepisset? cedo, non indubitus, certus, & in hoc ipsum munus à Deo destinatus vivens nostrarum controversiarum in Religione nostra Judex, à cujus sententia & iudicio non sit jam nobis ad firmius & certius tribunal provocandum, ullusne tibi videbitur nostrorum dissidiorum futurus finis? ulla fide-  
lium consensus? ulla fidei unitas? ulla pax? ulla fides? ulla charitas? immò ullum Ecclesiæ aut nomen, aut officium? Profectò, sitalem Deus nobis reliquisset Ecclesiam, multò Andabatis illis, qui (ut fertur) oculis clausis digladiabantur, deteriores essemus. Durius siquidem multò est, & minus ferendum, si nescias quo spectatore, quo iudice desertes, quàm si ex cæcatis etiam oculis non modo clausis tendas in adversarium. Ne dubita, Aldegonde, Ecclesiæ Iudicium quàm per Scripturas, tum per Apostolicas traditiones (constat namque Christiana Religio Dei verbo partim scripto quidem illo, partim annosis traditionibus jam à primis Ecclesiæ fasciis aservatis) *Lydius & Hera-  
clius lapis est*, cujus attritu cœleste aurum eloquiorum Dei nobis proditur; di-



vina est regula, qua lineæ universæ hujus nostræ revelatæ Philosophiæ diriguntur; norma est altissimæ rationis, vitam nostram in cælum juxta Scripturas dirigens, & diligentissimè perpendens momenta officiorum omnium nostrum; perpendiculum dæmum est, quo rectitudo seu obliquitas fidei nostræ & operis juxta Dei verbum perpenditur & examinatur. Cave ergo, generose Sanct-Aldegonde, tantæ matris disciplinam fastidias; cave ipsius legem dimittas, ne me cogas tui amantem habere te (juxta evangelicum mandatum) *ethnicum & publicanum*, Christianissimis aliqui generosissimisque ortum parentibus, & qui sanguine proprio ejus Ecclesiæ leges obfirmarunt; quorum tu imitari potiùs fidem debuisses, quàm quoddam istorum, qui nihil ad te & quibus jam tam nihil sit frontis, sectari insaniam atque furorem maluisses. Nihil hîc Christi verbo derogatur, cujus hoc jusest, ut ab ipso instructa Ecclesia, nostris omnibus certaminibus præsideat.

Hoc, ut de universali fidelium coetu dictum sit, vellem nihilominus tibi persuadeas, nihil etiam in Ecclesia, toto terrarum orbe diffusa, esse prius aut antiquius legitimorum ac Oecumenicorum Conciliorum autoritate jam ab ipsâ Apostolorum temporibus pro diffidiis, quæ de religione horis singulis suboriuntur, in Ecclesia componendis. Scistu, opinor, quas ego legitimas & Oecumenicas Synodos appellem, nempe quando autoritate Romani Pontificis (qui procul dubio fidei & potestatis Petri hæres est) Ecclesiæ Pastores ac Primores in unum locum coeunt de fidei causis, & Religionis nostræ Sacramentis, per Scripturas, & Apostolicas traditiones, annosissimasque ipsius Ecclesiæ consuetudines jam cum ipsa nascentes & adolentes, acturi & judicaturi. Quorum certè Patrum judicium, postquam fuerit illius Sedis, ad quam nunquam perfidia ulla accessum habuit hactenus, Romanæ videlicet, suffragio firmatum, quisquis detrectat; is sanè nullum judicem vivum esse inventurus, à cujus tribunali non sibi semper integrum esse existimet discedere; immò, si ejusmodi Pastorum ac Patrum conventus in errorem labi possent; nulla utique via nobis esset reliqua, ut in fidei controversiis Catholicum dogma exploraremus: redirentque prorsus omnia illa inconvenientia, quæ, cum de universali Ecclesia ego tecum agerem, tetigi. Amabo, quis putas nostrarum quæstionum finis reperiretur, ab utentibus hæreticis de more Scripturis Sanctis; si semel liceret Conciliorum generalium fidem, non modò pro libitu rejicere, sed quomodo pacto ulterius de ipsorum judicio dubitare? Oritur Antiochiæ non modica seditio propter Judæos volentes gentes ad Deum conversas circumcidi; Paulus & Barnabas rem ad Apostolos Hierosolymis referunt, qui post Petri omnium illorum maximi, & Jacobi ejus urbis Antistitis, suffragia communi decreto per litteras statuunt gentes conversas non ligari Mosis lege. Quo certè in Concilio, licet magna de Prophetarum & legis sententiis super eo negotio conquisitio præcesserit, divino tamen flamini primas dant Apostoli, inquietantes, ita esse cum primis Spiritui Sancto visum, sibi que deinde: id Theologos illos divinos consilio summo fecisse, nemo negabit; ut videlicet ostenderent jam ab illis annis Spiritum Jesu primarium Synedrum Ecclesiasticorum Patrum omnium seculorum conventibus à Deo pronuntiatum & declaratum, cujus perennes illustrationes cuncta quæ sunt ad salutem omnium nostrum,

nostrum, pro quibus, sicut pro illis primus Christus mortuus est, patefaciant atque illustrent. Utque noverit, quisquis adversum talium Conciliorum decreta pugnavit & contentiosus, non tam hominibus, cum quibus non sit ille conferendus, se opponere; quam Spiritui Sancto (qui habitator est in hac cœlesti & divina domo, rector, moderator, & tanquam Architectus tanti operis tantique muneris) palam contradicere. Rectè proinde Gregorius verè Magnus de illis quatuor illustribus Conciliis locutus, dicebat: *Cunctas verò quas præfata veneranda Concilia personas respuunt, respuo, quas venerantur, amplector. Quis, inquit, dum universali sunt instituta consensu; se & non illa destruis, quisquis præsumit absolvere quos ligant.* Dicere vult Sanctus hic & doctus pariter Pontifex, qui enim sibi per omnia consonant, hos non a proprio Spiritu, qui semper dissidia quærit; sed à Deo, qui veritatem amat, duci necesse est: atque ita in seipsum contumeliosus est, & non in illos, atres, quisquis eam unitatem Spiritus proscindere conatur. Ergo desine, desine, fili, dicere hoc vestrum dogma, cum in Scripturis Sanctis expressè non legam, quantumlibet Concilia inclament; ipsum tamen nunquam sum admisurus. Addi non me, cui tamen propter annos & senium credere debuissey sed Nazianzenum illum Gregorium ter Theologum maximum, quem authorem ejus Symboli, quod in Ecclesia canitur, multi faciunt. Is namque mirabilis Pater, cum sibi à Macedonio hæretico objiceretur Spiritum Sanctum Dedm non esse, quod non sic appellarent eum Scripturæ, tali sermone blasphemum illud os fortissimè compescuit cohibuitque. *Rerum alie (Macedoni) cum non sint, esse tamen dicuntur; ut cum Scriptura dicit Deum dormire, evigilari, irasci: alie cum sint, non dicuntur; ut quod Deum Patrem ingenitum vocamus, non quod sic legamus in Scripturis, sed quod sic juxta seniorum Ecclesiæ interpretationem ex ipsi sol- ligamus: alie neque sunt neque dicuntur; ut Deum esse malum, aut mali authorem: alie tandem & sunt, & dicuntur; ut Deum esse, Angelum esse, hominem esse. Spiritum (concludit) Sanctum Deum esse in Scripturis Sanctis expressè non lego, non dicitur, sed est.* Hæc divisille. Audis non omnia quæ credimus, discretis paginis Biblia Sacra nobis plane edisserere; quum sæpe etiam opus sit talibus Scripturis divindm admoveere lumen, quo Synodi gaudent ad obstructissima quæque perlustranda. Manens siquidem nobiscum in æternum hic amplissimus veritatis Spiritus (quem mundus non potest accipere, sicut & eum, cui- jusest ille, non cognovit) reconditas exquisitasque sententias mirificè pollicens, in medium proferre nunquam cessat. Sexcenta Græcorum & Latino- rum Procerum Ecclesiæ tibi darem in eam rem præclara testimonia, niverer Epistolæ prætergredi fines, teque, mi Aldegonde, gravare. Tantum hoc scias, ad Concilii generalis Patres & Pastores potissimum respectu Domini- num, cum diceret: *qui vos audit, me audit; & qui vos spernit, me spernit: qui autem me spernit, spernit eum qui me misit; & cum rursus diceret: ubicunque duo vel tres fuerint congregati in nomine meo, in eorum medio ego sum.* Dixit, duo vel tres, ut apertè indicet in Conciliis non tam habendam esse rationem multitudi- nis Patrum eo consentientium; quam spiritus cœlestis, qui sic in eo spiritu legi- timè collectos, labi non sinat.

Vide item, ne sinistram quid & demissum de Romana Ecclesia aut sentias

aut loquāris. Ea enim, etsi Apostolica à Sanctis omnibus, Græcis & Latinis, pleno ore acclametur; non tamen ab ipsis tantum Apostolis, sed à Christo etiam suum primatum obtinuit, eminentiamque potestatis super Ecclesias universas, & cunctum Christiani populi gregem est affecta; sicut Beato Petro dictum est: *tu es Petrus, & super hanc Petram ædificabo Ecclesiam meam*. Quamobrem non minus credas super Romana sede, ut in cardine verè Apostolico & plus quam humano fundamento, totum hoc cæleste ædificium verti, quod supra Divum Petrum à Domino (post ipsum Christum *lapidem verè angularem à solo Deo innixum*) fundatam esse Ecclesiam, per Evangelium edoctus, credere debuisti. Intuere, quæso, quantus hic sit Romanæ Sedis principatus, cui non privati homines tantum, verum tota etiam ipsa Ecclesia assurgit. Sic Synodus Nicæna trecentorum & octodecim Patrum dogmata sua omnia hujus Sedis, cui tunc Sylvester præerat, autoritate firmari, supplicem eundem Beatisimum Antistitem orat. Sic eadem non posse Concilia Oecumenica, Romano & universalissimo Patre inconsulto, cogi, non tam sanxit, quam à Deo eam legem Christianis omnibus stabilitam explicuit. Adde, quòd famosæ Synodi, Ephesina, Constantinopolitana & Chalcedonenfis (quibus singularem Ecclesiâ ac præcipuum honorem impartitur) illi Sedi, velut principatus, tantum detulerunt honoris, ut altero post Christum gradu, Petri successorem ad Christianiorbis clayum ibidem sedentem suspiciant, exosculentur & adorent. Sic Synodus septima, ante octingentos plus annos celebrata, annosam esse & satis pervulgatam in Christi Ecclesia Romani Pontificis super cunctas orbis nationes præminentiam à Christo ipso descendentem disertis verbis eisque satis elegantibus est prosecuta. Sic Florentinum Concilium definire audet Sanctam Apostolicam Sedem & Romanum Pontificem, in universo terrarum orbe habere principatum, successorem esse Beati Petri Principis Apostolorum, & verum Christi Vicarium, universæ Ecclesiæ Christi caput, omnium Christianorum Patrem ac præceptorem. Fatetur etiam, illi Sedi in Beato Petro à Domino nostro Jesu Christo potestatem pascendi plenam tradi regendi ac gubernandi universalem Ecclesiam, quemadmodum (ut sancta Synodus ait) in actis universalium Conciliorum, & sacris Canonibus continetur. Quid? non (opinor) ignoras, Aldegonde, quibus verbis hanc Sedem Athanasius ille magnus, & universi Egyptiorum, Thebaicorum & Lybiorum Episcopi, in sancta Alexandriæ Synodo gratiâ Dei convocati, supplices salutaverint: *Pater* (inquiunt) *beatissime, ad Sedem istam vestram, quasi ad matrem nostram, recurrimus, ut ejus uberibus nutriamur; quoniam non potest mater oblivisci infantem suum: nihil vobis inconsultis agere præsumimus. Canonibus quippe jubentibus, absque Romano Pontifice nos de majoribus nostræ Fidei causis nihil debere decernere. Ob id enim, vos vestrosque prædecessores, Apostolicos videlicet Præsules, in summitatis arce constituit, omniumque Ecclesiarum eos Deus habere curam præcepit, ut nobis succurratis, nos doceatis, ruentesque, ut quibus à Deo iudicium omne est commissum, liberare non negetis*. Hæc ibi, & his multò præclariora, in hanc rem quam tractamus habentur. Scripserunt & iidem ad Marcum Pontificem Romanum litteras simili & pari observantiâ plenas, quibus perhonorificam Sylvestri & Felicis Prædecessorum Pontificum mentionem faciunt, & Sedem illam, Ca-

put & Matrem omnium Ecclesiarum, atque Magistrum orbis totius prædicant. O quam sunt præclara, quamque admiranda, quæ scripsit vetustissimus post Apostolos Theologorum Irenæus Polycarpi, D. Joannis alumni, discipulus, lib. 3. adversus hæreses de Principatu, Magisterio & Majestate Romanæ Ecclesiæ: In ea (nimirum dicit) Apostolos universam hanc nostram Religionem fundasse, hic caput atque arcem totius pietatis constituisse, hanc unam omnium Ecclesiarum magistratam esse voluisse, hinc fontem per orbem universum profluentis sanctitatis ac Religionis erupisse, hic erudiri omnes oportere Apostolos decrevisse, hinc manare veram Apostolorum (quasi alterum Evangelium) traditionem, hinc traditionem non-scriptam illos reliquisse, quæ sit alterum quoddam amplissimum uberrimumque Evangelium. Vides unde, Irenæo divino teste, nobis hæc nostra manarit præcellentia. Vides apud eum virum Apostolis æqualem, certam esse scientiam, quòd Ecclesia Romana lumen sit orbis terrarum, quòd hic sit magnus Religionis principatus; hujus unius Ecclesiæ sapientiæ, ab Apostolis fusæ, hæreticos omnes coarguendos, unde fors Apostolicæ sapientiæ perpetuæ per ætates omnes successione icscuriret? Post Græcum unum, accipe Latinum testem Tertullianum, in eo libro quem etiam adversus hæreticos author per vetustus edidit. Namque antiquus iscriptor similia scribit & asserit, quæ Irenæus prodidisset; aut ex fontibus certè ejus, quod mihi verosimilius habetur, delibavit. Si autem, ait, Italiæ adieris, habes Romam, unde nobis quoque authoritas præsto est statuta. Felix, addit, Ecclesia, cui totam doctrinam Apostoli cum sanguine suo profuderunt. Ubi Petrus passioni Dominicæ adequatur, ubi Paulus Joannis exitu coronatur, ubi Apostolus Joannes, posteaquam in oleum igneum denerisus, nihil passus est, in insulam est relegatus. Et lib. adversus Marcionem: Quid etiam Romani de proximo sonent, quibus Evangelium & Petrus & Paulus sanguine quoque suo signatum reliquerunt. Hæc ille. Revertar ad Græcos, inter quos primus mihi occurrit os illud vere aureum, Pauli præcipuus imitator, Joannes Chrysostomus, qui non longe post Constantinum floruit, tempore videlicet Theodosii. Illustis hic Doctor similem cum reliquis Theologis sententiam tulit de hoc principatu, Petro à Christo tradito, cum interpretaretur Evangelium Joannis: Tradidit, inquit, in manus Petri omnium credentium Principatum. Nam etsi Jacobus Hierosolymorum sedem accepit; at Petrus totius orbis terrarum. Eia age, ait, accipe pecudes, egredere in orbem terrarum, sequere me deducentem te ad prædicationem, totumque terrarum orbem in tuas manus tradentem. Hæc aureus Theologus, qui cum dira passus periclitaretur, ad Innocentium Papam, velut ad unicum miserorum & afflictorum parentem, & ad injuriæ legitimum vindicem, suâ appellatione confugit. Nec te pigeat Cyprianum, longè antiquissimum Theologum Latinum, de capite & unitate Christianæ Religionis candidè differentem audire in Epistolis de Hæreticis ex Africa Romam navigantibus. Audent, inquit, navigare ad Petri cathedram, Ecclesiam principalem, unde totius Fidei nostræ ordo & veritas pendet. Quid clarius? quid expeditius? Cernisne caput ordinis, unitatis, Religionis Christianæ? Audias quoque Cypriani vocem de Sede Sancti Petri & hodiernâ gigantum audaciâ: Deus, ait, unus est, & Christus unus, & una Ecclesia, & Cathedra una, super Petrum, Domini voce fundata; aliud altare constitui, & sacerdotium novum fieri, præter unum altare & unum sacerdotium, non potest. Quisquis alibi colligerit, spargit: adul-



terior est, impium est, sacrilegium est, quodcumque humano furore instituitur, ut dissidio divina violetur. Inde schismata & hæreses obortæ sunt & oriuntur, dum Episcopus, qui unus est & Ecclesiæ præest, superbâ quorundam præsumptione contemnitur. Cernisne, Philippe, veluti prophetantem, ac spiritu quodam divino prænuntiantem, divinum hunc ore prophetico, hodiernam hæresim atque ejus præcipuam causam, quâ septentrionalis superbia summum sacerdotem erat contemptura, aliud altare sacerdotiumque institutura, idque humano furore, cæcitate ac dementia, cælestibus ordinibus violatis, institutisque divinis repudiatis? Hoc etiam Cypriani testimonium protulit etiam Anselmus, Theologus apprime bonus ac sanctus etiamque antiquus. Nolo oblivisci, quid idem Cyprianus de Petri primatu, & una Ecclesiæ Cathedra in Epistolis dicat. Loquitur Dominus, inquit, ad Petrum, ego dico tibi, quia tu es Petrus, & super hanc petram ædificabo Ecclesiā meam. Super unum ædificat Ecclesiā, & quamvis Apostolis omnibus post resurrectionem suam parem potestatem tribuat, & dicat: sicut misit me Pater, & ego mitto vos; accipite Spiritum Sanctum: tamen, ut unitatem manifestaret, unitatis ejusdem originem, ab uno incipientem, suā auctoritate disposuit. His certe divini Theologi dictis planè cognoscitur antiquam fuisse indubitatamque fidem, Sanctum Petrum caput esse Religionis: nec verum esse, quæ nostri temporis audacia conata est persuadere, fuisse omnes Apostolos æquales; neminem plus cæteris habuisse; quidquid uni datum esset, hoc unicuique datum esse. En, mi Aldegonde, Sanctorum Theologorum testimonium, à quibus, usque ad sanguinis effusionem, defensa est Religio: Deum decrevisse caput esse Petrum, ad cuius thronum omnia Ecclesiæ Dei referrentur, & à quo Religio dependeret: tamen si Sancti Apostoli potestatem parem à Christo Jesu accepissent. Quare, conticeat, rogo, erubescatque insanorum hominum temeritas. Theodoricus Græcus, (libet enim catenam hanc verè auream, & Græcorum simul & Latinorum nexibusnectere) qui celebri illi Chalcedonenſi Patrum conventui interfuit, ad Leonem hujus nominis primum Romanum Antistitem scribens, sic habet post multa: Petrus ac Paulus Sedem vestram admirandam clarissimamque reddiderunt. Hoc bonorum vestrorum supremum est culmen, quoniam Deus etiam nunc Sedem ipsorum claritate conspicuam reddidit, vestra sanctitate super ea collocatâ, unde sanctæ ac puræ Religionis radios diffundit. Si enim Paulus, veritatis præco, tuba Spiritus Sancti, ad magnum Petrum accessit, ut ab eo solutionem referret super his dubitationibus quæ Antiochiæ inciderant; anvivendum esset secundum legem, multò magis nos abjectæ sortis & exigui homines ad Apostolicum vestrum thronum recurramus, ut à vobis medicinam ad sananda Ecclesiarum ulcera discamus. Vestrum enim est in cunctis præesse ac dominari, propterea quod Sedi vestræ omnium charissimum excellentia data est. Hactenus divus hic. Vides ut omnes mirificè congruant super Romanæ Sedis majestate, utque in causis Fidei ab ea Sede sit cum auxilium, tum responsum expectandum, ut Romanæ fidei tota nostra Religio nitatur. Scilicet Augustinus ab his, quæ de divino hoc primatu & magisterio diximus, longè vehementissimèque dissentit? minimè gentium; imò maximè illi tota hæc placet oratio de divi Petri ac successorum præfectura. Et, ut pluribus locis Scripturarum ejusdem divini libens superfedeam, unus tamen ille longè

longè est omnium clarissimus patentissimusque in hanc rem, ubi inter cætera, quæ illum in Ecclesiæ gremio iustissimè detinere diceret, illa tamen ab ipsa Sede Apostoli Petri, cui pascendas oves suis Dominus commendavit, usque ad sui temporis Episcopum, qui Romæ tunc præerat, sacerdotum successio præcipua sibi videbatur & habebatur. Quid hîc commemorare utrumque Cyrillum, Alexandrinum scilicet & Hierosolymorum Patriarcham? quorum ille prior in libro Thesaurorum: *Christus, inquit, accepit à Patre esse Dux, & super omne quodcumque est, ut ei cuncta genua curventur, plenissimam potestatem, quam sic Petro & ejus successoribus commisit plenissimè.* Hæc ille: posterior verò, Christi personam sustinens, Petrum ita alloquitur: *tu cum fine, & ego sine fine cum omnibus, quos loco tui ponam, planè & perfectè sacramento & auctoritate cum eis ero, sicut sum tecum.* Non te celabo aureum Maximi, in Epistola ad Orientales, de hac re verbum. Omnes, ille ait, *finis orbis, qui Dominum Jesum sincere receperunt, & ubique terrarum fidem veram Catholici consistentes, in Ecclesiam Romanorum Pontificum, tanquam in solem, respiciunt.* Mediolanensem Ambrosium, Constantini Magni ac Nicæni Concilii temporis vicinum, præterire neque debeo, neque volo: *Hanc, inquit, solam Ecclesia navem Dominus ascendit, in qua Petrus Magister est constitutus; quæ navis in altum seculi istius natat, ita ut pereunte mundo omnes, quos suscipit, servet illos: sicut enim Noë arca, naufragante mundo, cunctos quos suscepit incolumes servavit; ita & Petri Ecclesia, conflagrante seculo, omnes quos amplectitur representabit illos.* In urbe, inquit, Roma, quæ principatum & caput obtinet nationum, passi sunt gloriosi Apostoli, ut ubi caput superstitionis eras, illic caput quiesceret sanctitatis, & ubi gentilium Principes habitabant, illic Ecclesiarum Principes morarentur. Sic Divus ille. Hem, quid ago? quid tam longè progredior? sic vivam, tanta tui docendi, mihi Philippe, animo huic meo, commodò tuo obsequentissimo, cupiditas incelsit, ut nec temporis nec Epistolæ rationem habuisse ullam jure aliis videar. Verùm non assis facio, quid illi de me sentiant, modò munus ego meum apud te, qui me præceptore uti dignatus es, officiosè & amicè, et cum nonnullo tuo tædio, expleam. Quamobrem libenter proficiscor ad reliqua. Rogo, tribunal illud fidei nostræ unà adeamus, ac te ipsum illi Sedi sistens verba Athanasii Græci, & Hieronymi Latini sic usurpabis. *Vestram Sanctam Romanam interpello Sedem, cui ab ipso Domino potestas ligandi & solvendi speciali est privilegio super alios concessa. Hæc enim firmamentum à Domino fixum & immobile percepit: quoniam ipsam formam universorum titulorum lucidissimam, Dominus Jesus Christus vestram hanc Apostolicam constituit sedem.* Hæc enim ipsa sacer est vertex, in quo omnes vertuntur, sustentantur & revelantur: & sicut in Christo Christiani; ita in petra, id est Petro, Christo renovantur Ecclesia. Tu es (sicut divinum veraciter testatur eloquium) Petrus, & super fundamentum tuum Ecclesiæ columnæ, id est, Episcopi, qui Ecclesiam sustinere, & propriis humeris reportare debent, tibi sunt confirmatæ. Tibi claves regni caelorum commissæ, atque ligare & solvere potestati tuæ, quæ in terra & quæ in caelo sunt, promulgavit. Tu profanarum hæresum, & imperitorum atque omnium infestantium depositor; Tu Princeps & Doctor caputque omnium Orthodoxorum doctrina, & immaculata fidei existis: re particularis decet reverentia pro rebus fidei tuæ & nostræ, causisque cunctis inquirendis atque determinandis, quas sollicitè decet justèque abs te ipso

ipſo Præſulum verſice Apoſtolico examinari, cujus ſolicitudo ſemper fuit & eſt, tam mala damnare, quàm probare laudanda. Placentne tibi Athanaſii verba, Philippe? Næ tu iſto Græco ſanctior, melior nec doctior es: dicito, oro, cum Hieronymo viro integro, & qui omnia ſeridè & dicit & agit, nullius fortunam admiratus nec adulatus unquam, ut cujuſquam libidini inſerviret, & adniteretur humanum emereri favorem: Quoniam (inquit divus hic) vetus oriens inter ſe populorum furore colliſus, indiſſam Domini tunicam & de ſuper textam, minutatim per fruſta decerpit, & Chriſti vincam exterminant vulpes inter lacus contritos, qui aquam non habent; ut difficile ubi ſons ſignatus & hortus ille concludus ſit, poſſit intelligi: idèo mihi Cathedram Petri, & fidem Apoſtolico ore laudatam cenſui conſulendam, inde mihi meæ anima poſtulans cibum, unde olim Chriſti veſtimenta ſuſcepi: nec enim tanta vaſtitas elementi liquentis, & interjacens longitudo terrarum me à pretioſa margarita potuit in quaſitione prohibere. Ubique fuerit corpus, illic congregantur & Aquilæ. Proſtigato à ſobolemala patrimonio, apud vos ſolos incorrupta Patrum ſervatur auctoritas. Ibi ceſſite terra ſecundo Dominici ſeminis puritatem centeno fruſtu reſert: Hic obruta ſulcis frumenta, in lolium avenamque degenerant. Nunc in Occidente ſol juſtitia oritur; in Oriente autem Lucifer ille, qui ceciderat, poſuit Thronum ſuum. Vos eſtis lux mundi, vos ſal terræ, vos vaſa aurea & argentea: Hi teſtæ, ſeu vaſa ſicilia, quæ virgam ferream & æternum operiuntur incendium. Quantumque tui me terret magnitudo, tantum irruit humanitas. A Sacerdote viſtimam ſalutis, à Paſtore præſidium oris efflagito. Fateſat invidia Romani culmiſ, recedat ambitio: cum præceſſore Piſcatoris diſcipulo Chriſti loquor. Ego nullum primum niſi Chriſtum ſequens, beatitudini tuæ, id eſt, cathedræ Petri communionem conſocior: ſuper illam Petram ædificatam Eccleſiam ſcio. Quicumque extra domum hanc agnum comederit, prophanus eſt. Si quis in arca Noë non fuerit, peribit regnante diluvio: & quia pro ſacroribus meis ad eam ſolitudinem migravi, quæ Syriæ cognomento Barbariæ fines diſterminat, non poſſum Sanctum Domini, tot interjacentibus ſpatiis, à ſanctimonia tua ſemper expeſcere: Idèo Collegas tuos & ſprios ſequor, & ſub eorum parva navicula deliteſco. Non novi Iſtalem, Melitum reſpuo, ignoro Paulinum. Quicumque tecum non colligit, ſpargit; hæc eſt, qui Chriſti non eſt, Antichriſtus eſt. Ita eximius ille Theologus Sedem Apoſtolicam alloquitur. Agnoſciſne, Philippe, hominis pene divini phraſim? eloquentiæ admirabile corpus? rarum dicendi modum? conſideraſne Chriſtiani pectoris candorem? fidem integram & ſanam? videliſne quàm ille ſuſpiciat, quàm admiretur collaratam huic Sedi cœlitis poteſtatem? obſervaſne quàm punctim & cœſim ille Throni hujus verè Apoſtolici hoſtes petat? ut nos omnes Romano præceptorſi dedat? ut Romanam fidem tenere perinde ac Catholicum eſſe æſtimet? Antichriſti ſigna ſequi, qui non ſequatur doctrinam & fidem ſucceſſoris Petri? Quid, ſi te, mi Aldegonde, clariſſimorum Imperatorum illuſtria & dicta & facta de hac re delectant: ut, qui generoſis ſariſque claris, & illuſtribus ſis editus majoribus? profeſſo ni viderer tuâ abuti humanitate, qui me tam diu loquentem ſic patienter ſuſtineas & ſeras, ſexcenta profferrem exempla, quæ domi meæ collecta habeo ex antiquiſſimarum Hiſtoriarum monumentis deprompta; quæ te docerent non à Theologiſ tantum, verum etiam ab ipſa Imperatorum & Regum celſitudine adorari ſolitam & conſu-

suli prædictam Petri Cathedram. In tantum, ut summi hujus orbis Monarchæ, non modò suis edictis publicis de Petri ac successorum majestate & Principatu multa prædicarent & statuerent; quin etiam tantâ observantiâ Romanum Pontificem coram prosequerentur, ut & pedes exoscularentur cum magna humillitate terræ prostrati, & vice stratorum usque in aliquantum locum juxta summi Patris sellam properarent, & cum gloria ad palatium ducerent: à quibus ille quæ peteret, impetraret omnia. Constantinus Magnus Imperatorum Orthodoxorum primus, quantum huic Sedi cultûs detulerit, nemo ignorat: deficeret me tempus narrantem de Valentiniano Augusto, Carolo Magno, Pepino, Galla Placidia Augusta, Andronico, Justiniano, Eodô Leone, Pulcheria, cæterisque nobilissimis Imperatoribus, Principibus ac Regibus, apud quos Romanus Pontifex tantum non Deus in terra habebatur, & colebatur illius fidei & potestatis hæres, quibus præ cæteris Apostolis Petrum pollere ex ipsis divinis libris, omni oriente atque occidente huic veritati attestante, didicerunt. Quid diceret, si ego hîc eorum Imperatorum attexerem catalogum. qui ob scelera sua, hæreses atque flagitia ab ejus sedis moderatoribus, tanquam à fidei nostræ unicis magistris ac judicibus, & proborum morum censoribus diro anathematis fulmine sunt percussi? sed nolo eam ingredi silvam. Nec volui ipso fmet Pontifices Romanos suæ potestatis assertores huc introducere, viros longè antiquissimos, & ex eis gloriosissimos Christi Martyres non paucos, quod talibus testibus parum apud te me profecturum sperarem. Tantum dico, Romanus Pontifex est, ex cujus ore legem Domini accipere universi jubemur, quia primarius & universalis Dominici gregis Sacerdos est & Magister. Scilicet qui Romanorum Pontificum responsa sequitur, *corvos testaque lutoque insequitur.*

De Patrum etiam explanationibus & commentariis, summatim dicam id ipsum, quod ex ipsis eorum commentariis edoctus sum: esto hoc unum & præcipuum. Nullus Sanctorum Ecclesiasticorum Patrum, Græcorum seu Latinorum, eam sibi à nobis adhiberi fidem unquam poposcit, quam præstare te neamur vel canonico Scriptori, vel Synodo universali & legitimæ, vel Romanæ Sedi, in eis rebus quæ ad religionem nostram pertinent: probè namque humiles isti Ecclesiæ & Scripturarum Discipuli, & veræ disciplinæ alumni, norunt se homines esse, & errare posse ac labi: multaque suis commentariis interferunt, hominum aliorum opinionibus innixi, præsertim in describendis Historiis. Immodò, in omnibus quæ ad fidei, morum, Christianæ Religionis necessitatem spectant, pro generali regula in singulis Sanctorum Patrum libris, observandum quòd ejusmodi Patres, qui ad mortem usque permanserint in Ecclesiasticæ fidei unitate, in qua Petri Cathedra per Christum regnat, non aliter se intelligi volunt, quàm hæcenus Catholica Ecclesia id ipsum, de quo per eos agitur, intellexit. Tot hæresibus nimirum non dum exortis securius multa dixerunt, quæ postmodum hæreticis in alienum sensum detorquentibus, civili interpretatione indigent. Hinc illa cujusdam ipsorum vox: *errare potero, hæreticus tamen nunquam ero.* Verùm hoc tibi certum persuadeas velim, quòd, etsi ut homines nonnulli ex illis priscis Patribus, in rebus etiam quæ ad fidei nostræ substantiam pertinent, aliquando lapsi sint; in re tamen religionis



ligionis nostræ concorditer nunquam errarunt. Id enim Christi pollicitatio-  
ni, & perpetuæ Spiritûs præsentis, apertissimè repugnabat. Lege diligen-  
ter D. Augustinum, hujus divinæ scientiæ peritissimum, libro adversus Julia-  
num primo, capite secundo, & libro 11. *adversus eundem*; & discas eum,  
qui antiquos Patres imitatur, non, ut ait Satyricus, *Corros testaque lutoque in-  
segit*. Cùm enim Julianum vellet Augustinus Sanctorum testimonio in fidei  
dogmate, de quò controversia erat, revincere; *Omnium* (Aurelius ait) *de  
hæ: re sententias commemorabo, sed ponam pauca paucorum, quibus tamen nostri con-  
tradictores coguntur erubescere & cedere, si ullus in eis vel Dei timor, vel hominum  
pudor tantum malum pervicacia superaverit*. Inferius paulo: *Alia sunt*, inquit,  
*in quibus inter se, etiam doctissimi atque optimi regula Catholica defensores, salvâ fi-  
dei compage, non consonant, & alius alio de una re melius aliquid dicit & rectius*.  
Hoc autem, unde nunc agimus, ad ipsa fidei pertinet fundamenta. Et libro altero  
in eundem Julianum, ita D. Augustinus invehitur: *Hoc probavimus Catholico-  
rum autoritate Sanctorum, ac per hoc non est consequens, ut falsum sit: tales quippe  
ac tanti viri secundum Catholicam fidem hoc esse confirmant, ut vestra fragilis & ar-  
guta novitas solâ auctoritate coneratur illorum, præterquam quod ea dicunt, ut  
se per eos loqui veritas ipsa testetur: sed nunc auctoritate primitus eorum vestra est  
contumacia comprimenda, ut, dum tales homines Dei in fide errare non posuisse credi-  
tis, ausus præcipites refrenetis*. Et mox: Ego te, inquit, ante istos judices con-  
stituo, quos non amicos meos & inimicos tuos in hac nostra disceptatione constitui cogni-  
tores, nec quorum sententiâ de hoc, quod inter nos disputatur, incerta sunt, inani  
cogitatione confuxi, sed Sanctos & in Sancta Ecclesia illustres Ansistites Dei, non  
Platonici & Aristotelici & Zenonici, (quamquam & in his docti nonnulli ex  
his fuere) verum omnes Sacris litteris eruditos nominatim, sicut oportebat, expres-  
si; ut in eis timeas non ipsos, sed eum qui sibi eos utilia vasa formavit, qui tunc de ista  
causa judicaverunt, cum ab odio, amicitia, & inimicitia, irâ vacui erant. Quod  
invenimus in Ecclesia tenuerunt. Statim: *Usque adeo*, ait, *permiscuit imis summa  
longus dies, ut videant Pelagius, Cælestius, Julianus, & cæci sint Hilarius, Gre-  
gorius, Ambrosius, Cyprianus? sed qualiscunque homo sis, tamen, quia homo es,  
videre mihi videor verecundiam tuam, (si tamen, non in te spes est & omnis emortua  
sanitatis) & quodammodo audio vocem tuam, quâ responderis, absit, ut audeam cæ-  
tos istos viros vel cogitare vel dicere*. Et tandem in libri fine, qui Sanctos rejicit,  
eum universam Christi Ecclesiam rejicere, testatur Augustinus. Igitur ne te,  
Aldegonde, multis onerem, ad summam dictum existimato, in expositione  
sacrarum litterarum, communem omnium Sanctorum verum intelligenti-  
am certissimum argumentum Theologo præstare ad fidei dogmata compro-  
banda stabiliendaque. Scias demum, vel eorum unum contemnere pro  
tua libidine ortum esse signum, quodd inverecundum animi ingenium possi-  
deas.

Circâ demum Scholasticorum placita habeo unum quod te doctum cupio:  
Scholastica Theologia ascriptitia & ad discordiam nata ingenia non probat,  
pertinacia & omnia scalpentia: sed quæ in litteris arcanis, & Apostolorum  
traditionibus, ac Patrum conciliis, & antiquorum commentariis abdita spe-  
culantur, & quæ ex principiis fidei à Deo revelatis, conclusiones suas in ipsis  
princi-

principiis implicatas, eruere & explicare (hoc profecto munus est Scholasticæ Theologiæ) per argumentationem naturæ consentaneam, contendunt: talia sane ingenia efficere debent, ne propter paucorum vitia, omnium coronæ traducatur. Habet item hæc differendi in scholis facultas alterum propositum scopum adversus hæreses fidei nostræ defendendæ. Ad ipsos namque Scholasticos Theologos (Augustino teste) attinet facere, quemadmodum fides Catholica piis opituletur, & contra impios defendatur. Hinc illæ lacrymæ, illudque intestinum odium hæreticorum adversum tam præclaram, tamque Ecclesiæ necessariam professionem: spectat demum ad Scholasticorum functionem, Christi & Ecclesiæ doctrinam, quantum id possit fieri, ex humanis disciplinis aut illustrare, aut etiam confirmare. Quare vera hæc & consummata Theologica scientia cœlestium rerum cognitione, & humanarum prudentiâ ac usu consistat. Danda proinde est Scholasticæ Theologiæ opera, sine qua, nec hostium fraudes & artes detegere, nec ullam omnino perfectam in Ecclesiæ doctrinam consequi possis. En, Aldegonde generose, ostende tibi fellas nostras Curules & tribuales. En, quibus sit permixtum de fidei nostræ Sacramentis incorruptè judicare: contemplare, quæso, paululum nostrorum iudiciorum speciosam formam. Occurrent tibi primo loco Scripturæ Sanctæ, quibus, velut divino verbo, nos certè fidimus: habemus dein Apostolorum traditiones, quas, ceu amplissimum *alterum Evangelium*, (ut dixit Irenæus) nos veneramur: habemus dein Romanorum Pontificum responsa, nobis velut divina habita: habemus dein Patrum nostrorum decreta in Conciliis edita: habemus demum veritatis Spiritum, quem nobis Jesu sanguis peperit, qui iudices illos nostros errare & labi non sinat. Quos cùm sequimur, non corvos, sed columbam, cujus oculi divini, sequimur. Cave tibi, qui, ut video, corvos imitaris, ne in te parsæmia jactetur, *malis corvi, malum ovum*.

Non equidem dubito, Michaël eruditissime, si simili ratione respondere voluisses primo Philippi tui de Christi Ecclesiâ quæsito, te multò præclariora in eam rem, pro tua eximia eruditione, adducturum, quibus compesceretur ille, ne in edis iret blasphemias, in quas in altera ad te post tuam responsionem epistolate audiente legenteque prorupit. Liberiore fânè animi, postquam lege nullâ semel intellexerint se coerceri, in diædorasque indulgentiâ multò sunt deteriores. Quamobrem, ut tibi ultrò assentior in eo quod Augustinum imitatus initio responsionis tuæ asseris iudicium de Christi Ecclesiâ, deque ejus constitutionibus & traditionibus (de his siquidem omnibus tibi ab Aldegonde quæstio proponebatur) ex Scripturis Sanctis esse petendum: ita profecto tibi reluctari cogor, in eo quod dictum amplificans, subjungis non tantùm præfatum iudicium ex Scripturis nobis petendum, sed etiam quòd ex sola Scriptura peti debeat. Ut enim prius illud non Augustinus solus, sed fides ipsa Patrum nos doceat, omnia videlicet Ecclesiastica ad Scripturarum amussim esse exigenda; hoc tamen posterius nec suspicatus certè est Divus ille. Quare desiderarem utique exclusionis notam illam ex sola Scriptura, omnino inde expunctam, aut certè (ut decebat) explicatam. Quasi verò minùs sit credendum Ecclesiæ in his quæ nos docet, aut facere nos jubet, quod ea in arcanis

litteris minùs nobis videantur excussa: & quasi multa non sint, quæ sine expressa Scriptura à Christo ad Ecclesiam per viros Dei plenos spiritu transmissa fidei ipsa memoria retineat; & quasi tandem solà vocum Scripturæ Sanctæ efficaciam sit nobis semper omnis aut corrigendus error, aut firmanda veritas. Dicam ad summam, quid sibi vult hoc: *ex sola Scriptura peti debet*? nam quàm sepe Scripturæ locus obscurus est, quem minime possis ex aliis ejusdem divini canonis manifestioribus locutionibus illustrare? an non tunc ad eorum testimonia & studia recurremus, qui nostri temporis contentiones præcesserunt, quique lumine cœlesti in eam rem sunt à Deo ditati, cujusmodi imprimis est Ecclesia, & Ecclesiæ conventus legitimi, Romanique Pontifices, Ecclesiastici Patres? Nonne ex his simul cum Scriptura, & non ex sola Scriptura judicium de divinis tunc petemus? Adde quòd multa sunt ad doctrinam Christianam maximè facientia, quæ nec etiam obscurè in numero in ipso canone divinorum Bibliorum leguntur, quæ tamen Sancti Apostoli bonis de causis vivà tantùm voce proderunt. Exempla ponerem, nitecum agerem, ut non sit mihi metuendum, ne videar quid novum & recens excogitatum dicere. Horumne etiam judicium ex sola Scriptura petemus? nisi velit tua prudentia dicere, universorum etiam quæ traditione solà servantur in Ecclesia (quæ plurimata è sunt) judicium ex sola adhuc Scriptura petendum; non eatenus quòd expressè Dei verbo scripto ea constent, sed quatenus eadem Scriptura expressas Ecclesiæ Dei notas (sicut Augustinus eo in loco contra Donatistas egregiè convincit) profert; quæ cùm cognoscantur Ecclesiæ nostræ Romanæ propriæ, facillè colligamus, inde verè eam esse *columnam & veritatis fundamentum*, ac perinde noverimus errare, & labi non posse, quidquid doceat aut jubeat. Vel certè ed apposuisti prædictam exclusivam, quòd insinuares Ecclesiam veritate in Scripturis Sanctis scriptà semper illuminari, etiam circa ea, quæ in numero divinis litteris mandata non sunt. Quorum certè utrumque tam est verum, & Christianæ parænesi conforme, quàm quòd maximè. At, quod tuâ pace dixerim, nec id erat quòd quærebat Aldegondus, nec satis in re tam gravi, tamque cum hostibus fidei nostræ controversa, fidelibus simplicioribus per te responsione illà consultum judico. Hanc ego legens semper vidi servari, non modò apud Ecclesiasticos viros, verùm apud prophanos, in ferendis sententiis super aliquorum dissidiis, ut scilicet ed dicantur verba tam sint clara & perspicua, ut nullus deinde futuris jurgiis relictus locus videatur, nec sit altero iudice opus, qui prioris mentem interpretetur. Acutè proinde, etsi nimis subdolè & fraudulenter, Philippus tuus rem jucundam & sibi pergratam habens, quòd in gravissima quæstione, & quæ omnium cum hæreticis controversiarum tantùm non cardo ac fundamentum est præcipuum, tu cum illo propè ad amussim consentire, sententiam tuam in satis iniquum judicium trahit, quâ visus ei fueris nudam & solam Scripturam judicem constituisse omnium nostrarum cum hæreticis litium: ait enim in litteris ad te datis §. Novembris 1577. Quantum igitur ex tua, immò potius Augustini sententia possum conjicere, omnino ita sentis; unicum Ecclesiasticarum traditionum *verbum*, unicum lapidem *Lydium* atque judicem esse verba Domini nostri Jesu Christi tradita Sacræ Scripturæ disertis paginis; nec audiendum esse, hoc

dicit

dicit Augustinus, hoc dicunt Donatistæ, sed hoc dicit Dominus: & in libris Dominicis, quibus utrique credimus, utrique assentimur, quærendam esse Ecclesiam, causamque omnem nostram & controversiam discutiendam. Hic jam ille, quasi Ecclesiæ funere exultans, & tripudians, tamquam si verbo illo ex sola Sacræ Scripturæ pagina, Apostolicas traditiones, Conciliorum decreta, Romanorum Pontificum placita, Patrum explanationes & commentarios ab illo unico ac primo Ecclesiasticarum traditionum iudicio tu exclusisses. Ulterius audeo progredi & inferre: Ergo iudicium de Christi Ecclesia ejusque doctrina & Sacramentis (hoc enim ex priori necessario efficitur) ex sola Scriptura peti debere. In hoc, addit, certe ego tibi per omnia planissime assentior, ac verè ita statuo, si hoc ipsum impetremus, facile reliquas omnes controversias ac nullo negotio iri compositum. Hæc ille: & ut clarius videas adhuc, quantum tibi vox illa, ex sola Sacra Scriptura, arripserit, quàmque eam suis sensibus infixam servet; deinde, quasi tuæ sententiæ rationem reddens: ut enim, inquit, post Paulum ait Athanasius, *sufficiunt Sanctæ ac divinitus inspiratæ Scripturæ ad omnem instructionem veritatis*. Vides non diu potuisse istum simulatum tuum discipulum dissimulasse, quæ olim ex Calvinii sui ore toties accepisset. *Sacramentum ejus usus* (dixerat ille) nisi certo Dei verbi expressi fundamento nitatur, de filo pendet. Præmiterat verò eodem in loco, inquires: ubi demum in carne manifestata est Dei sapientia, quidquid humanà mente de Patre cælesti comprehendi potest. & cogitare debes, plevo ore nobis edisseruit. Quæ duo, quasi tu signo exclusivo firmaveris, ea tibi Aldegonduis adscribit. Heu, quantam fenestram (mi Domine) ad nequitiam furis istis illo tuo benè dicto verbo ex sola Scriptura peti debet, etiam nolens, patefeceris.

Illud etiam quod subjungis, non debere mirari Aldegonduum, si exemplo suo, qui te de ea re dignatus fuerit consulere, veri fideles, ut ex Scripturis Sanctis de eadem Ecclesia verum iudicium accipiant, eorum se studio, diligentia & testimonio juvare conentur, qui præ cæteris à Deo verà sapientiā ditati fuisse creduntur; hoc, inquam, licet verè dixeris, nimis tamen blandè & molliter est abs te dictum; nollem profecto eo in negotio tam ipsius admirationem taxasses, quàm quod inculcasses necessitatem summam accersendi sibi expertos Doctores verbi Dei, quoties esset ei de divinis per Scripturas Sanctas iudicandum, toties ille quæ hominem pro tua dignitate & gravitate, ne imprudens ac demens in vasto Scripturarum Sanctarum pelago (in quo multò acutiores & ingenio valentiores Aldegonduo miserandum naufragium pertulerunt, miserrimèque periclitati sunt) sine bonis ac firmis remis, & quibus tumens mare facile cedat, & non sui cerebri levitate tantum fretus se committat, unde miser, scopulosis illis collibus, enavigare & nesciat & nequeat. O quàm fuissem lætus, si admonitionem istam tuam verè paternam, immò reprehensionem tanto Magistro dignam, præclaro illo Scripturæ loco ornasses, ubi legitimus, quotquot intra arcam, hæc est Dei Ecclesia, inclusi non fuissent, periculi regnante diluvio! Vis dicam? tu istos curas molliter. Ægyptium erat mare, & tamen gentiles suos (ut ita loquar) devoravit; eis verò qui unius ducis unanimes fidem imitarentur, etiam exteris & ignotis ultro divino jussu cessit. Ceciderunt illi in suis equis ac curribus, transiverunt hi pedites revelatis



sibi terræ fundamentis, patefactisque aquarum fontibus, idque non aliâ ratione, (juxta divinum canonem) quàm quòd Dei verbo per suum famulum divulgato illi constanter reluctarentur non semel per eundem sibi popositi, hi corde tunc perfectò crediderunt. Verùm revertamur ad Aldegondum; & si placet, contemplemur quantum apud eum tu profeceris dulcedine tuâ istâ nimiaque indulgentiâ. *Esi lubens, inquit, confiteor quod ais, veros fideles, ut de Scripturis Sacris, de Christi Ecclesia verum judicium accipiant, eorum se studio, diligentia & testimonio juvare, qui præ cæteris verâ sapientiâ à Deo ditati fuisse traduntur; inter quos ego & Augustinum non gravatò reposuerim: tamen illud cum Chrysostomo liceat contendere, multos quidem Spiritum Sanctum jactare: sed qui propria loquantur falsò illum prætere.* Ut enim Christus non à se ipso loqui se testatur, quia ex lege loquebatur & Prophetis, ita si quid præter Evangelium sub titulo Spiritus Sancti obtruditur, non credamus. Quia sicuti Christus legis & Prophetarum impletio est, ita Spiritus Evangelii. Hæc ille. Ipsissimus cuneus iste est, quo Calvinus in Institutione sua ad findendam Ecclesiam utitur, à quo, non animum tantum & sententias, verùm & verba ipsissima mutuo Aldegondus accepit: quo sanè loco non fatis mirari queo, quàm nihil mentis istis hominibus sit. Si apertos profectò oculos haberent, planè intuerentur se suo perimere ense, cadereque trucidatos proprio gladio. Utri (ab eis quæro, respondeant) magis videntur Spiritum Sanctum jactare, magis propria loqui, falsòque Domini Spiritum prætere? Utri (rogabo istos) securius mare hoc Scripturarum navigabunt? illine qui spretis pro libidine Patribus, spretis Apostolicis traditionibus, spretâ demum omni Ecclesiasticâ disciplinâ, quotidie ad Scripturas provocant adversarios suos, jactantque eâ se libertate potiri, ut in ipsis enarrandis, in nullius debeant cogi jurare verba Magistri; etiam si eis tota obiciatur Ecclesia & tanta Patrum nubes, quorum animus errore vagetur, nec habeant quod certò sequantur? An qui mutam illum Scripturarum judicem germanâ Ecclesiæ & Sanctorum intelligentiâ, vivificare & animare nunquam non contendunt, quique eos sectantur Magistros, quorum probitas quemquam fallere non sinat, quorumque plurima scientia divinitus concessa ac vigiliis multis aucta, ipsos decipi non patiatur? Certe quidem (Michaël longè doctissime) locus hic, in quem te ille projecit invitum, si abste pro tua magna eruditione fuisset occupatus & expeditus; non minor, tam inverecundum animi ingenium possideret Philippus iste, ut in sanctum, pium & doctum eligeret, apud quem virus nequissimæ acerbæ suæ, quod in Ecclesiam ejusque universales ac legitimas Synodos, inque Romanorum Pontificum sanctissima certissimaque decreta jam diu suo stomacho concoxisset, evoheret forasque projiceret; sed te contrâ nulla in re ipsius dementiæ conniventem, imò potius ad vivum omnia ressecantem, non modò revereretur, sed etiam pertimesceret. Dixi semel, nec me dixisse (sat scio) unquam pudebit pigebitque, deteriores istos fieri licentiâ & indulgentiâ. Rectè proinde eâ lege Ezechiel à Deo missus speculator constituitur, ut, si prævisum imminens malum non annuntiaverit, ejus qui perit reus efficiatur. Contemplemur & expendamus sequentia, videbis quàm ille sinceritati tuæ insidietur semper.

Postquam enim juvari nos dixisti in responsione tua, hominum clarissimorum studio & scientia, ut ex Scripturis Sanctis de Dei Ecclesia verum iudicium accipiamus; subjungis, ad eundem usum referenda Conciliorum decreta, & Romanorum Pontificum placita. Ita me Deus amet! cogor invitatus hanc tuam, pene appellaverim desideriam, in differendo hoc loco Ecclesiastico magisterio, (quod te sat scio alioqui magnopere delectat) iterum notare. Novit namque tua Reverentia longè ad præstantiores usus referenda Conciliorum decreta, & Romanorum Pontificum placita, quàm cujuscvis hominis iudicia quantumvis licèt excellat. Illa siquidem esse non vera nequeunt: cùm sæpe contingat doctos alioqui viros hallucinari graviter, & à iudicio vero longè aberrare. Non ergo debuit tua Eruditio sic hic æquo pede hæc omnia metiri, ne viderere quasi apertam dedisse hosti ansum, ad tam facilè hæc quàm illa perdendum, ut qui sibi persuadeat, nihil his inesse divinius quàm illis: quod re ipsa accidit. Non enim horret dicere, tuis auditis, eam sibi statuendam rationem penitus de Conciliis & Pontificum decretis, atque de aliorum Ecclesiæ Doctorem iudiciis, ne hos divinos iudices minùs quàm illos veretur non inter pios & sinceros Ecclesiæ Doctores connumerare, sed inter Hæreticos & Scripturarum depravatores, si quid, præter Evangelium in Scriptura expressum, sub titulo Spiritus Sancti obtrudere illi pergant. Domine mi, quia nimis virgæ tuæ pepercisti, odisti profectò virum tuum. Vides quò insanie devenerit iste, quòd initio, cùm posses & deberes, similes in Spiritum Dei contumelias ultum non iveris, nec vi sapientiæ tuæ corripueris. Ergo Aldegondum inter pios & sinceros Ecclesiæ Doctores habebimus, quòd sic prope ab Scripturarum fonte tyros irriget doctrinarum tubos, ut, nisi expresso Dei verbo, velut purissimâ lymphâ refici velit, universos veræ Ecclesiæ Pastores, legitimo modo in unum Concilium coactos, si dicant nobis quæ sunt, modò non in Scripturis legantur, inter Hæreticos & Scripturarum depravatores connumerabimus? Heu quàm est solemne, iniquis insignitos notis velle optimos quosque eisdem denigratos reddere. Utique non id obscurè præ se ille ferebat, cùm de Ecclesiæ Dei iudicio se velle denuo tecum contendere diceret. Nec multùm dissimulare animum potuit, quin tandem ipsum tibi palam exprimeret, quantumvis qui istius sunt artis, nunquam non præparent dissimulatim insidias tandem, ut quod cœpit expleat, & inchoatum nequam sermonem nequiore coronide ornet & terminet, concludens, inquit: *In summa, hoc inter nos conveniat, doctrinæ Apostolicæ & Propheticæ, cui soli innixa est Ecclesia, iudicium omne ad Scripturarum esse revocandum, omniaque omnium Patrum dogmata, vel Conciliorum decreta, vel Pontificum placita, vel Scholasticorum axiomata, non aliter esse accipienda, nisi quatenus huic Scripturæ sunt consentanea.* Hæc Aldegondus. Profectò si dixisset, iudicium omnium dogmatum, quæ in Catholica nunc habentur Ecclesia, ad Scripturam fuisse per ipsam & Concilia atque Romanos Pontifices revocata, planè nos isti ad stipularemur. At antiquissima quæque nunc denuò per Aldegondum ad Scripturam revocari quis ferat? Estne hoc aliud, nisi liitem omnem de Religione Christiana perpetuam & infinitam reddere? nunquam non de Religione litigare? esse fora Ecclesiastica semper litigiosa, & nunquam terminandis litibus plena? Si antiquæ furæ, ac monstra prisca, quæ

quæ olim Ecclesiam prætextu Scripturarum vexarunt, nunc triverunt, aut ex inferis ad nos remeant, haberent profectò, juxta Aldegon-di præscriptum, imò verò juxta Sathanicum per Hæreticos inventum, quò se tueri possent adversum Ecclesiastica decreta, quibus sua illorum insania jam diu damnata est: verum de hoc paulò inferiùs redibit sermo.

Quid ad ista deliria tua Reverentia responderit vidi in Epistola vigesima octava mensis Novembris, anno 1577. ad eundem missa: verba tua sunt hæc: *Dicis itaque, tibi licere illud cum Chrysostomo contendere: Multos quidem Spiritum Sanctum jactare, sed qui propria loquantur, falsò illum prætere: id quod verissimè dicis, quia id docet Scriptura Sancta, cum ait: Nolite omni spiritui credere, sed probate spiritus, si ex Deo sint.* Et rursus: *Propheta dno vel tres dicant, & ceteri dijudicent.* Duplici sanè Scripturæ loco hominem cruciasses, si aut ille saperet, aut tu in eum te hæc dicere palam restatere. Cæterùm pergo: *Sed si quis, inquis, æquè conetur persuadere, veterum testimonia & Conciliorum decreta, præsertim antiquorum, quæ per multas annorum centurias à viris doctissimis ad Scripturas Sanctas discussa, tanquam ab Spiritu Sancto profecta, hæcenus sine contradictione recepta sunt, posse leviter rejici, puto non facile excusabitur à contemptu eorum, quos venerari convenit.* Addis: *nam Concilia generalibus, quæ communi Patrum consensu conclusa, à cunctis fidelibus recepta sunt, etiam hoc accedit, quòd non immeritò existimantur & præsumantur continere sensum Ecclesiæ, de qua dicis Apostolus, quod sit columna & firmamentum veritatis: & generali sententià mandat Dominus, ut, qui Ecclesiam non audierit, sit tibi sicut Ethnicus & Publicanus.* Hæc tu.

Non desunt, qui de responsis primari ac universalis omnium nostrorum Pastoris, Sacerdotis ac Magistri, Romani videlicet Pontificis, quem Aldegon-dus non minùs iniquè tractaverat quàm generalia Concilia, vellent ex te aliquid audire, quæ tu silentio texisti. Verum ego non sine magnò consilio id à te factum, & animo satis candido sic interpretor. Nosti certè, tam averso istos esse animo in eam Sedem, (quæ omnium Ecclesiarum caput est & Magistra, & cujus Responsa circa fidem nostram divina sunt jam ab Apostolicis annis habita) ut certò tibi persuaderes Aldegon-dum cum suis scripta tua omnia execraturum devoturumque, si, quemadmodum sentis, ejus eum Cathedræ disciplinæ subjiciendum necessariò decerneres, cui sanè non omnino displicere, ut, si posses, prodesse cupiebas. Sed revertor ad tua.

Dicamliberè, quæ nollem apposuisse, & cujus gratià id abs te omissem desiderem. Novit tua Prudentia quid Calvinus, cujus umbra est iste Aldegon-dus, de Conciliis generalibus senserit, & in Institutione sua omnia magis quàm Christiana suos imitatores docuerit. Is namque Author ita eo in loco habet: *Quid ergo, inquires, nullane erit in definiendo Conciliorum autoritas? Immo verò, neque enim hic omnia Concilia dammanda, aut omnium acta rescindenda, & quod dicitur, unà liturà esse inducenda puto. At cogita tamen, inquires, omnia in ordinem, ut cuilibet in medio positum sit recipere, vel repudiare quod statuerint Concilia.* Minimè verò: Imò præscas illas Synodos, ut Nicenam, Constantinopolitanam, Ephesinam primam, Chalcedonensem & similes, quæ consuetandis erroribus habita sunt, libenter amplectimur, reveremurque ut Sacrosanctas quantùm attinet a  
fid

fidei dogmata. Nihil enim continent aliud, quàm puram & nativam Scripturæ interpretationem, quam S. Patres speciali providentiâ ad frangendum Religionis hostes, qui tunc emerferant, accommodant. In posterioribus quoque nonnullis, addit, videmus elucere veræ pietatis studium, notas adhuc ingenii, doctrinæ; prudentiæ non obscuras. Sed quemadmodum solent res in deterius ferè prolabi, ex recentioribus Conciliis videtur, quantum subinde Ecclesia à puritate illius aurei sæculi degeneravit. Dum enim numerantur, non appenduntur sententiæ, minorem partem à majori vinci necesse est. Quamobrem, adjungit, quoties Concilii alicujus de rebus profertur, expendi primum diligenter velim, quo tempore habitum sit, qua de causa habitum, & quo Concilio, quales homines interfuerint; deinde idem ipsum de quo agitur ad Scripturæ amussim examinari. Idque in eum modum, ut Concilii definitio pondus suum habeat, sitque instar præjudicii. Netamen examen quod dixit impediât, statim apponit: utinam eum modum omnes servarent, quem præscribit Augustinus. Profert illud idem exemplum de Maximino hæretico, cujus & Aldegondus sua in Epistola meminit. Nihil enim iste novit, nisi quòd fuerit ab illo edoctus. Vides, hæc omnia communia habere nobiscum Calvinum: videlicet maximam esse Conciliorum in definiendo fidei dogmate auctoritatem; non esse cuilibet in medio positum recipere vel repudiare quod statuerint Concilia: amplecti se ingenuè, & minimè gravatè præcās illas quatuor Synodos, & revereri ut Sacrosanctas; elucere sibi in posterioribus quoque nonnullis veræ pietatis studium: at, quia nondum ille cum Dei Ecclesiâ credit, quidquid fuerit decretum fidei nostræ ab omnibus sacris & legitimis Episcoporum Conciliis, tam præcis illis quàm recentioribus his, ad divinam id esse voluntatem referendum, utpote in quibus certè Dei Spiritus præsideat, & contra Synodorum, quas nunc commendaverat, decreta de actis in ipsis adhuc inquirendum sentit, & denuò per viros doctos ad Scripturæ amussim illud totum revocandum, examinandum, & discutiendum; nec sibi persuadet, includi Ecclesiæ veritatis firmamentum ac columnam in universali Patrum Concilio, summi omnium ac universalissimi Patris & Pastoris operâ collecto, & consensione obfirmato: quia itaque in his omnibus ab ipsorum Patrum regula Calvinus longè recedit, non magni Patres æstimant, si prædicet decreta Conciliorum, præsertim antiquorum, quæ per multas annorum centurias à viris doctis & sanctis pariter ad Scripturas Sacras discussa, tanquam ab Spiritu Sancto profecta, & hætenus sine contradictione recepta, non modo non posse ea à nobis leviter rejici, sed prorsus nefas esse, nec quoquo pacto excusari contemptorem à contemptu eorum, quos venerari convenit: & quidem meritò jam diminutos Ecclesiæ suorum studiorum æstimatores & judices parvi facit. Nam vel recentissima Concilia legitima (de eis enim tantum sermo est) eodem Spiritu nunc ducuntur, quo antiquissima illa ducebantur, vel diverso. Si eodem, profectò aut utraque sunt fidei nostræ ex Scripturis dicenda regula certa, ut, si divino Spiritu regantur; aut, si humano, neutra: quod sanè veri fideles alienum ducunt à majestate Spiritus Dei, qui per Patres nos ibidem docet & suggerit, quæ Christus Dominus locutus est. Cui etiam perversæ hæresi & illud accederet, quòd per eam incredibilis & æterna confusio Dei Ecclesiæ obtuderetur. Si verò præci Patres in suis conventibus divini numi-



nis assensione gaudebant, quâ nostri destituantur; sanè quidem nequissima foret conditio nostra, qui eo ductore careamus inter tot errorum aggeres, quibus seculis istis cingitur Ecclesia, licet Dei gratia non similibus tumultis obruatur, quo illi à Deo ditari creduntur. At firmiorem habemus Evangelicum sermonem, firmissimè nobis à Deo promissum donum. *Dabo (ait fidei nostræ consummator & Author) vobis promissum Spiritum veritatis, qui sit vobiscum in æternum mansurus.* Ac si Dominus his verbis sponfam suam recessurus consolaretur: ut enim mendacii Spiritus nunquam vos non agitat, perturbabit, molestabit, & nequiter infestabitur; ita sane semper vobis aderit, semper vos tuebitur veritatis Spiritus, qui sua inter vos perpetuò exercent Magisteria, nec sinat Ecclesiam meam illius nequam Spiritus arte diludi. Observemus (si placet) hoc loco & tempore hæreticorum ingenia. Qui Ephesinæ Synodo interfuere hæretici, nullâ aliâ ratione contendebant acta in Nicæno Concilio esse rescindenda, quàm quodd causa minimè fuisset satis perspecta, nec ad Scripturæ amussim pro veritate examinata, quodque multitudine solâ vicissent Catholici: ad eundem modum, nostrâ hâc tempestate lidem eâ ipsâ notâ Patrum nostrorum conventus infamant, & priscas illas Synodos laudant, quas veteres furæ velut illegitimas & nothas vanissimè repudiaverunt. Quid est, si non hoc, *Lesbia sive plumbea regulâ*, divinissima quæque metiri: fidemque nostram, quam constantem esse maximè convenit, non pluris æstimare, quàm cerium quemdam nasum, quem, ubicumque sit opus, facile flectas, torqueas ac curves? quæ lex, ut id tantum probes quod tuæ libidini non intellexeris palam adversari; id damnos quod instituto tuo noceat maximè? Nullis temporis Scholasticorum Patrum tam humiliter & demissè de generalibus Ecclesiæ Conciliis sensit unquam, vel suspicaretur examine suo ac discussione vel minimum certè illius maximæ divinæ authoritatis, quâ à Deo solo in causis fidei sine errore sententiandis ditata sunt, eis iri conciliatum, & multò minus ullâ temporis diuturnitate: & licet quatuor illæ Synodi quædam habuerunt propria, quæ commendatioris eas orbi reddiderunt, in tantum, ut Divus quidam summus Ecclesiæ Christi Sacerdos, dicere non dubitavit, *venerari se eas quatuor, & exosculari velut quatuor Christi Evangelia*: Tamen in universum cuncti Patres, jam ab eo tempore quo celebrari & cogi in Ecclesiæ ejusmodi conventus ceptum est, planè noverunt, ac constantissimè crediderunt non à quoquam hominum Synodos examinandas, sed per eas quoscumque tandem & sine spe provocandi ad judicem superiorem judicandos, habueruntque & reputarunt maledictos, & suo anathemate jam olim percusserunt eos omnes, quotquot non addiscendi animo, sed novo inquirendi studio, & denuò judicandi de decretis Concilii generalis ac legitimi, molirentur ea ipsa definita semel per Synodum ad Scripturas Sacras, velut ad suam regulam, perpendiculum & normam, examige novo & rigoroso exigere. Idque facillè sibi persuaserunt primarii illi viri, ut tam sanctè & piè de Oecumenicis Conciliis sentirent, quodd certissimè crederent talibus conventibus divinâ Christi pollicitatione Dei Spiritum dulcissimo firmissimoque vinculo alligatum; cui qui reluctetur plusquam *Eshnûs* esset sibi habendus Domini mandato & *Publicanus*. Quamobrem (ut ad te veniam) verbum illud tuum, *præsertim Antiquorum*: &

& illud, *ad Scripturas Sanctas discussa*: & illud, *leviter rejici*: & illud, *puto quod non facile excusabitur*: (hoc inquam) totum puto inde expungendum ut, quod de generalibus Conciliis verè & piè pronuntias quod sensum Ecclesiæ continent, hoc abs te de omnibus generalibus ac legitimis dictum omnes videant; quodque cum illa communi Patrum consensu fuerint conclusa, necessum sit, à cunctis ea fidelibus recipi, haberique tamquam ab Spiritu Sancto profecta, nec indigere, quod per multas annorum centurias à doctis sanctisque viris denuo ad Scripturas Sacras discutiantur.

Cupio scribendi finem facere; faciam verò, cum leviter tetigero quonam pacto responsum tuum ad alteram quæstionem (an scilicet Ecclesia verbo Dei, an potius verbum Dei Ecclesiæ auctoritatem tribuat) ego nunc interpreter, & longè forte alio ab eo quo ipsam interpretatus est. Qui ad te scribit, ita sibi per omnia hac in parte abs te satisfactum, ut non poruerit istum tuum candorem non vehementer exosculari. Dico & ego. Næ tu perquam eruditè ac piè, responsum tuum comparatione Joannis Baptistæ cum Christi doctrina confirmasti, docuisti que convenientius dici, quod Scriptura Sacra tribuat Ecclesiæ auctoritatem, quàm contrà. Ita ut in eo capite, inter te & eos qui candidè abs te dicta, etiam candidè interpretantur, nulla reſter controversia: inter te verò & Calvinianos maxima. Quare, vel Aldegondus hac parte Calvinianus esse desivit, vel tui animi candore iniquè hoc loco abusus est, sententiam tuam aliorum accipiens, atque ipse dixeris. Quasi hoc demum asseras, eruditionis veræ Theologicæ esse (ut sentiunt isti) nihil ultra, quàm sacris libris proditum est, & quod inde necessariâ consecutione colligitur definire: cætera omnia (ut ajunt) esse problemata in illud rejicienda tempus, quum sublato speculo videbitus Deum de facie. Similitudinem itaque istam tuam (mi Domine) ego sic accipio: sicut, inquis, Joannes lucerna erat alienâ (nempe Christi, qui naturâ lux est, in eo tenebræ ullæ non sunt) luce lucens, divinâ tamen illâ flammâ micans, dicente eodem divo: *qui me misit baptizare, ille mihi dixit: supra quem videris Spiritum descendentem, ipse est: & ego vidi, & testimonium perhibui: Quia hic est Filius Dei*: dilecto similiter attestante divinitati hujus cælestis testimonii illis brevioribus verbis: *Fuit homo missus à Deo, cui nomen erat Joannes: Hic venit, ut testimonium perhiberet de lumine*, ut qui Joanni non crederet, non crederet ei, qui illum misit testificari de Christo: pari modo utiq; Scriptura Sacra, quæ nec falli potest, nec fallere, ipsam veritatem in se contineat, quâ certè veritate Ecclesia illuminetur, penes tamen Ecclesiam sentis continuè asservari digitum Joannis, quo certò Christus & Christi omnia in Scripturis contenta divinitus, etsi humano ministerio, fidelibus demonstrentur. Quæ sanè Ecclesia instar Joannis dicere nobis potest, qui me elegit Filio suo Sponsam, ille mihi hæc & hæc dixit, locutus mihi olim per Prophetas, novissimè per Filium, & Filii sui Legatos, Apostolos, Sanctos. In summa, ex tuo exemplo non modò mihi elicio quod sibi Aldegondus collegit, nimirum, convenientius dici, quod verbum Dei auctoritatem Ecclesiæ tribuat, quàm contrà. Verum conjicio voluisse te eâ comparatione indicasse utramque auctoritatem esse divinam & de cælo, cui nemini mortalium quoquo pacto reluctari liceat. Quis, cedo, negare audeat testimonium Joannis

de cælo fuisse, licet per hominem hominibus redditum, sicut de ejus Baptismo ipsissima veritas testata est, de cælo venisse, nec hominum fuisse inventum. Quare illud quod addis, posse faciliè Ecclesiam in suas relabi tenebras sibi derelictam; ita accipio, sicut & illud, quod de D. Joanne præmiseras, lucem esse, quæ vero lumine destituta, statim ad tenebras suas recidisset. Non enim id ideo dicis, quòd sentias aut Ecclesiam, stante Dei verbo, posse in suas tenebras relabi, sibi quæ cælesti destitutam luce derelinqui, cum *ejus lucerna sit agnus*, qui, cum fuerit occisus, vivet in æternum: aut D. Joannem (quem Spiritus Sanctus, ne peccaret aut erraret in ipsis maternis visceribus inclusum, suâ gratiâ obfirmavit) potuisse juxta Dei legem, vero lumine destitui, ut in tenebras, quibus cæteri homines sunt obnoxii, ille recideret. Sed ed id dicis, quòd indices in utroque fontem ipsum aut lucis aut veritatis.

Nolo tamen negare, immò fatebor ingenuè tuum illud verbum: *Ecclesia verò non nisi veritate in Scripturis Sanctis descripta illuminatur; &c.* sibi derelicta, facile posset in suas tenebras relabi, tam me offendit, quàm illud, *ex sola Scriptura peti debet præfatum Ecclesie judicium*, utrumque certè idem mihi sonat. Atque hæc forsitan pluribus à me dicta sunt, quàm exigebat ratio aut epistolæ, aut veritatis: minùs tamen multis, Domine mi, quàm postulabat pravè detorta, & inveterata istorum hominum opinio: tantum attigi illa & quidem raptim, & negotiorum turbâ vehementer complicatus, quorum te admonitum existimatio: ni tux expedire pro nostra necessitudine judicavi: nec vereor dicas hæc nobis inchoata & rudia excidisse: solùm digneris, oro, rudem me & integrum discipulum accipere, quem prima illa scientiæ nostræ rudimenta, de quibus tecum Aldegondus binis litteris egit, & tuam plurimam eruditionem recens percontari non dubitavit, planiori distinctiorique sermone quem nemo simulatus discipulus à tuæ mentis candore detorqueat, tu doceas: pluris certè æstimabo in tuam me dedisse disciplinam, quàm si se mihi instituendos plurimi permittant. Tam est magna omnium Catholicorum opinio de te, magna quæ vitæ & scientiæ tuæ apud cunctos commendatio: atque, si id quod efflagito abs te obtinuerò, gratiorem me fore in te, quàm isti perversi sint, certum habeto; meque, quod hîc tu operæ insumpseris non *in curam*, ut dicitur, *diem*, sed satis occultam, precibus nimirum pro incolumitate tua coram Deo fundendis, soluturum atque annumeraturum: sin frustra te rogavero, unum tamen mihi nunquam negabis, hoc, inquam, meo desiderio, non ita privato commodo studuisse me, quin & tui nominis rationem simul habuerim, cui apud fideles omnes consultum tantopere cupiam. Vale, celeberrimi Musæi moderator præclare; meque, ut solitus es, amabis. Trajecti ad Mosam, 8. Januarii, 1580.

MICHAELIS BAILI,  
 ADVERSUS  
 P. FRANCISCI  
 HORANTI  
 REPREHENSIONES  
 EPISTOLA  
 APOLOGETICA.

Eximio D. & Sacrae Theologiae Licentiato, M. Antonio  
 Ghennart, Canonico Leodiensi,

MICHAEL DE BAILI,

CAPUT PRIMUM.

*Quodd secundum D. Hieronymum & Augustinum reprehen-  
 sibile sit, epistolam ad amicum scriptam non prius ei  
 mitti, quam latius in alios dispersatur.*



Um nuper ex litteris tuis intellexissem, quemdam (cujus no-  
 men reticebas) obtulisse tibi approbandam epistolam, contra  
 responsiones meas ad quaestiones Sanct-Aldegondi, de Eccle-  
 sia scriptam, ut Leodii imprimeretur, optime Domine Antho-  
 ni, teque cum tuis consortibus ex certis causis approbationem  
 recusasse, atque illum respondisse, quod curaret eam im-  
 pri-  
 mi Coloniae; cumque deinceps ex litteris Reverendissimi Domini Ruremon-  
 denfis, datis Trajecti Mosae, 8. Februarii anni 80. & mihi Lovanii redditus  
 13. ejusdem, cognovissem supradictae epistolae scriptorem fuisse R. D. Ho-  
 rantium,



rantium, quem similiter scribebat sibi promississe, quod hanc epistolam non ederet, si modò intra dies quindecim clariùs explicarem, quo sensu dixissem D. Augustinum afferuisse, iudicium de Ecclesia ex sola Scriptura petendum; omnino putabam fore, ut supradictus Horantius epistolam suam aut omnino supprimeret, aut saltem mihi mitteret, priusquam ederet in publicum, ut possem certius cognoscere, quid illi in scriptis meis displiceret, præsertim quæ acceptis litteris R. D. Ruremondensis, etiam corpore malè affectus, tantâ celeritate respondi, ut ne exemplar quidem litterarum mearum apud me servaverim. Misique simul quatuor illa prima capita libelli de Ecclesia, quæ & ad te prius miseram, in quibus clarissimè aperui, quid de Traditionibus Apostolicis & sacris Conciliis sentirem, quibus putabam ei fore satisfactum, & si ampliùs aliquid peteret, saltem hoc verbo indicaturum. Cæterum præter meam expectationem, ante finem supradicti mensis Februarii, Pastor quidam epistolam, de qua supra, Coloniae impressam, ex Leodio Lovanium attulit, non ad me, sed in usum suum, aut fortè eorum quibus luberet eam legere. Quæ cum fuerit in via à Colonia usque Lovanium dies novem: & ipsa epistola constet undecim quaternionibus, qui non nisi singuli diebus singulis imprimuntur, necessum est, epistolam ut minimùm impositam esse prelo, octavo aut nono die Februarii, quando videlicet datae sunt litteræ R. D. Ruremondensis, quibus scribebat, se litteris tuis admonitum, adiisse R. D. Horantium, ac rogasse, ne epistolam suam Coloniae imprimendam curaret, priusquam privatis litteris me fraternè admonuisset de iis quæ in scriptis meis ad Aldegondum offendeant. Deinde subdit in suis litteris: *Hac eadem de re Reverendus D. Levinus, R. D. Cardinalis jussu, cum eodem egit. Post quæ (inquit) bodie tandem ab eo impetravimus, ut promiserit, se suæ epistolæ libellos in vulgus non editurum, modò tu intra dies quindecim nobis rescripseris.* Rescripsi autem magnâ celeritate, sicut suprà dixi, & nihil promovi. Igitur magna fuit hujus epistolæ publicandæ necessitas, propter quam & excusio & editio tantopere accelerata est, idque extra patriam, ut author nec monitus observaret quod & D. Hieronymus de epistola D. Augustini non fuisse observatum tam graviter conqueritur, & D. Augustinus observari debuisset palam confitetur: nempe, ut epistola ad amicum scripta, prius ad eum perveniat cui scripta est, quàm in alios dispergatur. Ait enim Hieronymus: *Satis mirari nequeo quomodo ipsa epistola tua & Romæ, & in Italia haberi à plerisque dicatur, & ad me solum non pervenerit, cui soli missa est.* Augustinus verò sic respondet: *Dabo operam diligentior, ut litteræ quas ad te scribo, prius ad te perveniant, quàm ad quemquam à quo latius dispergantur. Fateor enim nec hoc mihi fieri velle de tuis ad me, quod de meis ad te factum justissimè exposulas.* Et Hieronymus ad Domnionem de Monacho quodam: *Si errare me arbitratus est, inquit, debuit vel arguere, vel interrogare per litteras: quod vir eruditus & nobilis fecit Pammachius. Imitatus saltem fuisset tuam verecundiam, qui ea loca quæ scandalum quibusdam facere videbantur, excerpta de volumine per ordinem digessisti.*

Epist. 14.  
apud Aug.

Epist. 19.

## CAPUT II.

*Quod responsio ad quæstiones de Altaris sacramento supra meritum ab Horantio extollatur; sed in Responsione ad quæstiones de Ecclesia duo sunt reprehensionis capita.*

**R**esponſionem ad quæſtiones de tremendo Altaris ſacramento, longè ſuprà quàm meretur extollit Horantius; ſed in Reſponſione ad quæſtionem de Chriſti Eccleſia, duo ſunt reprehensionis capita. Prius eſt, quòd nimia lenitate, ſeu potiùs deſidià Sanct-Aldegondum corripuerim: Alterum verò, quòd ſecutus D. Auguſtinum, dixerim iudiciũ de eccleſia, ex ſola Scriptura ſumendum; quòdque Sanct-Aldegondo ſatis impudenter inde colligenti, omnem noſtram cauſam, & cum hæreticis controverſiam, ad verba Domini tradita ſacræ Scripturæ eſſe diſcutiendam, non reſponderim ex profeſſo, ſed tantũ principio reſponſionis ad poſteriores quæſtiones, dixerim in epiſtola Sanct-Aldegondi (quæ hæc continebat) non deeſſe, de quibus adhuc conferre deberemus. *De unita. Eccl. 6. 2.*

## CAPUT III.

*Quod Scriptura ſacra duos corripiendi modos inſinuet.*

**U**t igitur de priori capite dicam; Scriptura Sacra nobis duos corripiendi modos inſinuat. Alterum cum lenitate & manſuetudine, in quo Chriſtus in primis emiuit, dicens: *Diſcite à me, quia mitis ſum & humilis corde.* *Matt. 11.* Alterum verò cum aſtèritate, cum increpatione, & imperio. De priori dicit Apoſtolus: *Fratres, ſi præoccupatus fueris homo in aliquo delicto; vos qui ſpiritus a-* *Galat. 6.* *les eſtis, bujuſmodi inſtruite in ſpiritu lenitatis:* & ad Timoth. *Seniorem ne incre-* *1 Tim. 5.* *paveris, ſed obſecra ut patrem, juvenes ut fratres:* & iterum: *Servum Dei non o-* *2 Tim. 2.* *portet litigare, ſed manſuetum eſſe ad omnes, docibilem, patientem, cum modeſtia corripientem eos qui reſiſtunt veritati; nequando Deus illis det pœnitentiam, ad co-* *1 Petr. 3.* *gnoscendam veritatem.* Item Petrus: *Parati ſemper ad ſatisfactionem, omni poſ-* *1 Petr. 3.* *centi vos rationem, de ea quæ in vobis eſt ſpe; ſed cum modeſtia & timore.* De poſteriori verò dicit Apoſtolus: *Peccantes coram omnibus argue, ut & cæteri timorem* *1 Tim. 5.* *babeant.* Et ad Titum: *Increpa illos durè, ut ſani ſint in fide.* Et ruruſ: *Hæc* *Tit. 1.* *abſens ſcribo, ut non præſens durius agam, ſecundũ poteſtatem quam dedit nobis* *1 Cor. 13.* *Deus, in ædificationem, & non in deſtructionem.* De ambobus autem corripiendi modis ſimul ſcribit Corinth. *Quid vultis, in virga veniam ad vos, an in charita-* *1 Cor. 4.* *te & ſpiritu manſuetudinis?*

## CAPUT IV.

*Quòd tacendo non sit veritatis honori detrahendum.*

**Q**Uæritur ergo inter nos, utro modo Sanct-Aldegonus quæstiones suas proponens, per me tractari debuit; An in spiritu lenitatis, an in austeritate, & increpatione sermonis. Non enim sentit Horantius, ad quæstiones ejus omnino respondendum non fuisse; sicut alius quidam, à quo increpatus sum, quòd non prorsus tacuerim: cui objeci quod ait beatus Petrus, semper paratos nos esse debere, ad satisfactionem omni poscenti nos rationem, de ea quæ in nobis est spe. Item illud Christi apud Matthæum: *Omnis ergo qui confitebitur me coram hominibus, confitebor & ego eum coram patre meo, qui in cælis est: Qui autem negaverit me coram hominibus, negabo & ego eum coram patre meo, qui in cælis est.* Alia est enim causa, cum rogamur, alia, cum non rogamur. Cum non rogamur, locum non habet confessio in Evangelio præcepta, sed tantum fraterna correptio, quæ pro eorum utilitate moderanda est, quibus impenditur; & ideo si omnino putatur non profutura, tunc impendenda non est, ne margaritas spargamus ante porcos. Quando verò rogamur, tunc facile potest intervenire præceptum confessionis, quo jubemur confiteri veritatem, non tantum propter rogantis utilitatem, sed etiam propter honorem veritatis, ne quid illi tacendo detrahatur, tunc sive interroganti profutura sit nostra responsio, sive obfutura, attamen responderi tenemur. Unde etiam Christus in Evangelio, non tantum interrogantibus discipulis respondit, ut eis confu-leret, sed etiam cum inimicis tentantibus, obrectantibus, maledicentibus, habuit de veritate sermonem, ut illam honoraret. Quin & ipsum diabolum insidiosè tentantem, & de Scripturis Sanctis quæstionum laqueos opponentem (inquit Augustinus) de Scripturis sanctis respondendo convincit: Nec judicavit indignum, cum sathana Christus de divinis eloquiis habere colloquium.

*Contra  
Eraf. lib.  
1. cap. 8.*

## CAPUT V.

*Quòd errantes, extra nostram potestatem positi, potius sint cum lenitate docendi, & ad fidem revocandi, quàm increpandi cum imperio.*

**C**UM ergo ambo sentiamus, ad quæstiones Aldegoni omnino tacendum non fuisse, inter nos controversitur, utro modo respondendum fuerit. An cum lenitate eum docendo, quæ veluti dubitans discere velle videbatur: an cum austeritate, imperio, & autoritate eum increpando, quod ejusmodi quæstionibus fidem suam suspectam redderet. Si mihi subjectus fuisset, & in mea potestate positus: sicut Timothæo & Tito subjecti fuerunt, de quibus ait Apostolus: *Peccantes coram omnibus argue, ut & ceteri timorem habeant;* & ad Titum: *Increpa illos durè, ut sani sint in fide:* potuissim ei cum increpatione respondere,

*2 Tim. 3.  
Tit. 1.*

pondere, & cum minando detertere, ne ejusmodi periculosis, ne dicam perniciosis, disputationibus insumberet. Sed quia assistens lateri principis Aularici (qui favore multorum, etiam contra Regiam majestatem incipiebat hinc rerum potiri, & me potius in potestate habebat, quam ego illum) ideo non putavi illum meâ gravitate terrendum, sicut à me requirit Horantius, sed potius ex Scripturis Sacris cum modestia docendum: sicut ait Petrus, *Parati semper ad satisfactionem omni poscenti vos rationem de ea qua in vobis est spe, sed cum modestia & timore.* Similiter Apostolus: *Servum Dei non oportet litigare, sed mansuetum esse ad omnes, docibilem, patientem, cum modestia corripientem eos qui resistunt veritati.* Et rursus: *Seniorem ne increpaveris, sed obsecra ut patrem.* Si enim ob reverentiam ætatis, seniorem Episcopo subiectum, & in ejus potestate positum jubet Apostolus non increpari, sed rogari ut patrem; quanto magis intelligendus est jubere, ne quis privatus & abjectæ originis, qualis ego sum, virum nobilem, potentem & in lubrico positum, duris & acerbis verbis exasperare præsumat: sed tantum docere, & rogare ut Deum timeat, & suæ aliorumque curam salutis non negligat. Sicut divus Bernardus primâ suâ epistolâ, nepotem se juniorem, sibi que etiam ratione voti strictum, sed jam extra suam potestatem positum, admirabili humilitate & lenitate obsecrat, ut ad susceptum prius institutum revertatur. Quo consilio etiam erga suos subditos nunc utitur Catholica Majestas, quæ tamen non sine causa gladium portat, magis studens eos lenitate attrahere, quam minis & timore suppliciorum compellere, ut ad catholicam fidem & sui principis obedientiam redeant. Petit Horantius ut contemplemur quantum apud Sanct-Aldegon dum profecerim istâ meâ dulcedine, nimâque indulgentiâ? Respondeo, me hoc profecisse, ut de rebus gravissimis differentem (nec judicio ejus omnino infelicitè differentem, præsertim de tremendo Altaris sacramento) patienter audierit, & iis quæ dicebantur sic intenderit, ut mihi absque omni contumelia semel atque iterum responderit. Ex quo infero me hoc saltem apud eum profecisse, ut auditorem & benevolum & attentum reddiderim, & forsitan in quibusdam consentientem; licet, superveniente bello, quod conabar perficere non potuerim. Cæterum ego vicissim rogo, ut Horantius intra aliquot menses contempletur, quid ipse suâ acri increpatione, seu, ut vocat, suâ virgâ, cui me nimium pepercisse queritur, profecerit: nominando eum impostorem, tractandum, ut dignus est, deploratum, eumentum discipulum, ingratum pullum in suam matrem recalcitrantem; & fortè comperiet se apud eum nihil aliud profecisse, quam ut ipse, cum doctrina veritatis quam illi cum increpatione ingerit, aut omnino contemnatur, aut irrideatur, subsannetur, aut alia similia patiatur; que non debent esse Christianis torquibilia, quando pro veritate irrogantur: sed tamen non sunt per eos ex stimulo impatientiæ, aut vindictæ provocanda, quando aut nulla, aut exigua utilitas expectatur, ne videantur eo zelo succensî, quo succensî erant Christi discipuli, dicentes: *Vis dicamus, ut ignis descendat de cælo, & consumat eos?* non autem eo, quo succensus erat Apostolus, dicens: *Maledicimur & benedicimur, persecutionem patimur & sustinemus, blasphemamur & obsecramur.* Sed omnis ejus nobiscum disputatio, inquit Horantius, simulata & composita tragicodia est; nec aliud agit,



quàm ut ex ore nostro verbum aliquod excidat, quod suæ infantiæ astipulari existimet. Respondeo, fieri posse ut ita habeat; possum hoc timere, non tamen audeo judicare, præsertim de futuris, quæ adhuc in manu Dei sunt, & procul à nostra cognitione, quia scriptum est: *Nolite judicare & non judicabimini. Tu quis es qui iudicas alienum servum?* (inquit Apostolus) *Domino suo stat aut cadit: stabit autem: potens est enim Deus statuere illum.* Qualiscunque sit, etiamsi fortè deterior esset Phariseis & Saduceis, quibus insidiantibus & calumniantibus Christus ex Scripturis Sanctis respondit; saltem non est diabolus deterior, quem etiam ex Scripturis Sanctis redarguit Christus, & confudit.

Luc. 6.

Rom. 14.

Matt. 21.

&amp; 22. &amp;

19.

Matt. 4.

## CAPUT VI.

*Quòd hæretici veras Scripturas habeant, ex quibus possit cum eis disputari.*

**A**T hæretici non habent veras Dei Scripturas, inquit Horantius, qui verum earum intellectum, qui Ecclesiæ est, non habent, quantumlibet Scripturas jactent: quia Dei Evangelium non in Scripturis, sed in sensibus est. Hic rursus quæro, An Pharisei, an Saducei, an denique diabolus ipse, veras Scripturas habuerint, cum quibus Christus sæpius ex Scripturis Sacris disputavit? Attamen quòd & Judæi & hæretici veras Scripturas Sacras habeant, quamdiu libros habent incorruptos, ex eo convincitur, quòd Scriptura nomen signi est, quod apud quemcunque reperitur, semper manet verum quamdiu servatur incorruptum; etiamsi vera ejus intelligentia non habeatur, quæ significatur nomine Evangelii. Evangelium enim propriè non tam signi nomen est, quàm intelligentiæ signatæ, quæ intelligentia invenitur in solis cognoscentibus veritatem. Sed sicut Ecclesia catholica, contra Donatistas defendit, quòd hæretici habent & conferunt vera sacramenta, rerum sacramentorum signa, etiamsi res ipsas sacras nec conferant, nec habeant: & cum ad Ecclesiam redeunt qui sacramenta ab eis susceperunt, signa ipsa non rejiciuntur tanquam falsa, sed agnoscuntur tanquam vera Christi sacramenta: Sic etiam defendere debemus, quòd Judæi & hæretici, quando libros sacros habent incorruptos, veras habent Scripturas sacras, ex quibus eos redarguere & convincere possumus; sicut ab initio nascentis Ecclesiæ semper fecerunt nostri majores, non reddendo eis Scripturas Sacras, quibus non carent; sed ostendendo eis veram earum intelligentiam, quam obtenebrati non vident. Si verò, juxta sententiam Horantii, in eo reprehendendus sum, quòd secutus divum Augustinum, ut ad cor Aldegondi introitum invenirem & loquerer, aliquid dixi ex quo sententiam meam in satis iniquum judicium trahit, nescio quomodo ipse Horantius reprehensione carebit, id dicens quod non iniquo judicio trahitur, sed sensu verborum proprio, argumento scilicet à simili, spontaneo cursu, impetuque vehementi fertur, ut comprobet hæresim Donatistarum: nempe, quòd quemadmodum hæretici non habent veram Scripturam, quia intelligentiam signatam non habent; sic etiam ab hæreticis baptizati & ordi-

ordinati non habent vera sacramenta, quia res sacras per sacramenta significatas non habent.

## CAPUT VII.

*Quòd peculiari quâdam ratione dicitur à Divo Augustino:  
ex sola Scriptura Sacra discutiendum quænam,  
& ubinam sit Christi Ecclesia.*

**S**Ed nunc transeamus ad alterum reprehensionis caput. Ait autem sic Horantius: *Ut tibi ultro assentior, in eo quòd Augustinum imitatus, in his responsis tunc assertis, iudicium de Christi Ecclesia, de ejus constitutionibus & traditionibus, ex Scripturis Sanctis esse petendum: ita profecto tibi reluctari cogor, quòd ex sola Scriptura peti debeat.* Fateor Horantium hæcenus satis fideliter retulisse, quæ responsionibus meis continebantur: sed hoc loco non benè copulavit iudicium de Ecclesia, cum iudicio de constitutionibus & traditionibus Ecclesiæ: quasi ego dixissem, iudicium de his tribus, videlicet de Ecclesia, ejusque constitutionibus & traditionibus, ex sola Scriptura petendum: quia licet de his omnibus mihi ab Aldegondo sit proposita quæstio, quemadmodum mihi objicit Horantius, attamen (sicut in mea responsione manifestissimum est) ego quæstionem de prædictis tribus simul propositam respondendo divisim, quod aut non advertit, aut dissimulat Horantius. Et principio quidem de sola Ecclesia ex D. Augustino dixi, quòd ejus iudicium ex sola Scriptura peti debeat: de reliquis verò quæstionis partibus, videlicet de constitutionibus & traditionibus, post expeditas alias quæstiones de Ecclesia, brevissimam responsionem per se posui: quia prius admonitus à Domino doctore Leonino, dum adhuc nobiscum esset, quòd valde expediret, ut Sanct-Aldegondum de Ecclesia Christi conarer instruere; omnino decreveram de sola Ecclesia cum illo seribere disputare. Et ut de hac tam necessaria quæstione, cum benevolentia ad cor ejus loqui possem, ad eum sanandum ex professo præmisi, quòd de unitate Ecclesiæ ad sanandum Petilianum præmisit Augustinus, nempe ubinam & quænam esset Ecclesia, ex sola Scriptura petendum. Nam licet Augustinus non utatur voce, *sola*; utitur tamen æquivalentibus, præsertim cap. 16. ubi ait: *Utrum ipsi Ecclesiam teneant, non nisi divinarum Scripturarum canonicis libris ostendant.* Sive enim dicat, non nisi; sive dicat, solis divinarum Scripturarum canonicis libris; idem omnino significat. Sicut etiam intellexit Dominus Tilletanus, in Apologia pro concilio Tridentino; & Dominus Tapperus, in articulo de Ecclesia, qui nondum est editus. Quia enim videbam Sanct-Aldegondum eodem prorsus morbo laborare, quo laborabat olim Petilianus, idem periculosissimum medicum imitatus, eodem conatus sum uti remedio. Petilianus enim veram Christi Ecclesiam non agnoscebat, quia dicebat eam esse perditionis conspirationem, ac proinde nec Concilia sacra, nec constitutiones, nec traditiones ejus recipiebat; sed solos libros sacros, quos per suos majores ab ignibus conservatos gloriabatur. Nonne eodem morbo laborat Sanct-Aldegondus?

degondus? Sed ne quis existimet vel D. Augustinum, vel me ejus imitatore, dicendo judicium de Ecclesia ex sola Scriptura esse sumendum, aliquid voluisse detrudere traditionibus Apostolicis, Conciliis sacris, aut decretis Ecclesie, paucis aperiatur cur videatur mihi D. Augustinus hoc peculiariter de isto fidei articulo dixisse, quod de aliis nec dixit, nec discipulus fuisset. Disputatio quâ queritur quænam & ubinam sit Christi Ecclesia, propter eos instituitur, qui de illa malè sentiunt: Qui autem de Christi Ecclesia malè sentiunt, consequens est ut & de traditionibus, & de Conciliis, & de constitutionibus Ecclesie, doctorumque testimoniis, non satis reverenter sentiant. Ac proinde sola restat Scriptura Sacra, ex qua adversus eos disputari possit, ubinam & quænam sit Christi Ecclesia. Quæ cum apertissima & innumera contineat testimonia, quibus id clarissimè ostenditur, (sicut de unitate Ecclesie, & alibi sæpius profecquitur Augustinus) idem rectissimè dixit, ubinam & quænam sit Christi Ecclesia, non nisi ex Scripturis Sacris esse differendum, cum eis videlicet, propter quos ista instituitur disputatio, qui de Ecclesia malè sentiunt.

## C A P U T VIII.

*Quod veritas quæ utiliter dicitur, non debeat reticeri propter malignantes, qui illam in judicium perversum trahunt.*

Sed Sanct-Aldegondus hanc sententiam meam ex D. Augustino desumptam, in satis iniquum judicium trahit, quasi visus ei fuerim solam Scripturam, judicem constituisse omnium nostrarum cum hæreticis litium. Quid est quod hæretici non depravant, ad suam ipsorum perditionem? Sed si bene dictum est quod depravatur; non est dicentis, sed depravantis culpa quod veritas suo loco dicta, cernentibus bonis, ad iniquum judicium trahitur. Magnam etiam periculum est, cum hæretici à nobis increpando non sistantur improstores, & plusquam simulati discipuli, prout digni sunt tractandi, item deplorati & ingrati pulli in suam matrem recalcitrantes; ne hæc nomina, non tanquam increpationes criminum ex charitatis zelo profectas, & ad emendationem prolatas, sed potius tanquam irascentis & impatientis animi convitia, contra Dei præceptum; *nolite maledicere*; ad vindicandum dicta intelligant, & sic maledictis maledicta reponant. Et tamen non timemus, ne hæc & similia in iniquum judicium trahant; sed tantum timemus, ne quod particulariter à Divo Augustino, propter certam utilitatem, de Christi Ecclesia verè dictum est absque ulla consequentia, generaliter de universa fide Christiana dictum ab hæreticis maliciôsè accipiatur. Propter ignorantes & infirmos aliquando reticenda est veritas, etiam ubi alioqui utiliter diceretur. Sed de malignantibus ait Christus; *Sinite illos, quia cæci sunt, & duces cæcorum.* Unde etiam Apostolus, non ignorans in quàm iniquum judicium trahi possit quod fiebat Judæis tanquam Judæus, iis qui sub lege erant quasi sub lege esset,

Mat. 15.

1 Cor. 9.

iis

iis qui sine lege erant, tanquam sine lege esset: poterat enim putari, nunc esse Judæus, sub lege constitutus; nunc sine lege vivere, & sicut apud Judæos accusatus est, docere discessionem à lege: & tamen his non obstantibus, non solum omnibus omnia factus est, ut omnes faceret salvos; sed etiam hoc ipsum se factum esse gloriatur, dicens: *Cum liber essem ex omnibus, omnium me servum feci, ut plures lucrificerem: & factus sum Judæis tanquam Judæus, ut Judæos lucrater: iis qui sub lege sunt, quasi sub lege essem, (cum ipse non essem sub lege) ut eos qui sub lege erant, lucrificerem: iis qui sine lege erant, tanquam sine lege essem, (cum sine lege Dei non essem, sed in lege essem Christi) ut lucrificerem eos qui sine lege erant.* Quid igitur mirum, si ut Sanct-Aldegondu[m] lucrificerem, conatus sum ei fieri, quod olim ob eandem causam Petiliano factus est Augustinus? Sed ego in responsione ad epistolam Sanct-Aldegon-di, non eum arguo, quod sententiam meam, de Christi Ecclesia particulariter dictam, tanquam de doctrina & sacramentis generaliter pronuntiatam intulerit. Respondeo: Priusquam hanc responsionem dictarem, miseram ad eum responsionem ad cæteras ejus quæstiones, quæ erant de Venerabili sacramento: in cujus quidem responsionis initio præmittebam, in ejus epistola non deesse in quibus adhuc conferre deberemus, & Deo juvante, absque omni amaritudine & animi contentione conferremus, inter quæ ego istud unum intelligebam. Sed quia mihi omnino propositum erat, de Ecclesia Christi latius cum eo disserere, sicut facillimè potest ex verbis meis intelligi, quæ in eadem responsione subjeci, videlicet, *In primis autem me ex hilaravit, quod senserim tibi ostensum à Domino, quæstionem de Ecclesia versari circa unum ex præcipuis cardinibus, seu fundamentis nostræ Religionis: & infra: Porro sicut caput, quod nascendo positum est in ruinam, & in signum cui contradicetur, non tantum à membris suis semper agnitus fuit & creditum; sed etiam suo tempore in terris visum, & à reliquis membris certâ fide discretum, dicendo: Tu es Christus filius Dei vivi, qui in hunc mundum venisti; sic etiam corpus Christi, seu manifestum ejus regnum, à Patriarchis & Prophetis semper creditum fuit, & ab iis qui post Christi ascensionem, missi Spiritu Sancto, Christi Evangelium toto orbe terrarum disseminaverunt, aut disseminari viderunt, usque in hunc diem semper visum fuit, & ab omnibus schismaticis certâ fide discretum, dicendo: hæc est domus Domini, &c.* Et in responsione ad objectiones Sanct-Aldegon-di, paulò ante primam objectionem: *Hoc unum te suppliciter oro, optime Domine, quod & germanum fratrem, si tuo loco esset, etiam obnixè rogarem, ut diligenter expenso libello D. Augustini de unitate Ecclesiæ, prudentia tua consideret, an audeat considerare se esse in Christi Ecclesia, extra quam salus esse non potest.* Quia igitur omnino decreveram incumbere quæstioni de Ecclesia, in qua si mihi consensisset, facillè cætera obtinuissèm; ided reliquas quæstiones in aliud tempus differebam, ne vel importunâ aliquâ contradictione offensus, vel prolixitate scriptorum meorum fatigatus, collationem inter nos cœptam abrumperet, quam tamen postea (me dolente) bellum abrupit.

Ador. 21.

1 Cor. 9.

Objectione.

Solutio.

Matt. 16.

Joan. 11.



## CAPUT IX.

*Quòd erreres hereticorum facilius per partes expugnantur, quàm simul extirpentur universi.*

*Objeſſio.*

*ſolutio.*

ILLud etiam graviter accusatur, quòd in reſponſione ad epiſtolam ejus, nimis remiſſè & reſtriçtè defenderim Concilia Patrum, additis reſtriçtioni-  
bus, &c. Ad quod reſpondeo, quòd quia non ſtatueraſſet immorari quæſtioni  
de Conciliis & Conſtitutionibus Eccleſiæ, donec plenius de Eccleſia diſſe-  
ruiſſem; idèd celeriter pertranſiens, ea duntaxat obiter perſtrinxi, quæ vide-  
bantur mihi non poſſe ſine magna abſurditate defendi: cujuſmodi erat, quòd  
videbatur mihi Sanct-Aldegondus in ſua epiſtola judicare, licere ſibi pro ar-  
bitrio veterum teſtimonia & univerſa Concilia ſacra dijudicare, an ex divi-  
no, an ex humano eſſent ſpiritu proſecta. Contra quod dixi: quòd ſi quis co-  
netur perſuadere, veterum teſtimonia & decreta Conciliorum, præſertim  
antiquorum, quæ per multas annorum centurias à viris doctiſſimis atque ſan-  
ctiſſimis ad Scripturas Sacras diſcuſſa, tanquam à Spiritu Sancto proſecta,  
hactenus ſine contradictione recepta ſunt, poſſe leviter rejici; puto quòd non  
facilè excuſabitur à contemptu eorum quos venerari convenit. Nam Conci-  
liis generalibus etiam hoc accedit, quòd non immeritò exiſtimentur contine-  
re ſenſum Eccleſiæ, quæ eſt columna & firmamentum veritatis. Reſtrinxi  
autem ſermonem meum ad Concilia ſine contradictione recepta, ne mihi  
aliòd properanti quæſtioneſ moyeret de Concilio Ariminenſi, Conſtantiènſi,  
Baſilienſi, & ſimilibus, quorum nonnulla decreta à quibuſdam in juſ vocan-  
tur: ſed ea ſaltem Concilia fixa teneret, de quibus non ſolent fideles movere  
quæſtioneſ, ut jacto hoc fundamento, introitum haberem ad ingrediendum  
domum fortis, & demoliendum munitiones ejus, non ſtatim ſimul univerſos  
ejus errores facto impetu undique oppugnando, & conando radicibus evel-  
lere, ſicuti à me requirit Horantius; ſed paulatim nunc hanc, nunc illam par-  
tem expugnando. Conſiderabam enim Chufai Arachitem conſilium dediſſe  
Abſalon, ut ſimul univerſos, qui ad Davidem quoquoſ modo pertinebant,  
conglobatis univerſis copiis à Dan uſque Beſſabee, uno impetu celeret; &  
ſi quam forte intraret civitatem, illam detraheret in torrentem, ut non re-  
periretur ne calculus quidem ex ea. Conſiderabam, inquam, Chufai hoc  
conſilium dolosè ſuggeſſiſſe, non ad promovendam cauſam Abſalonis,  
ſed ad diſſipandum conſilium Achitophel, quod ad delendum Davidem uti-  
lius fuiſſe teſtatur Scriptura, quàm ipſius Chufai: univerſa enim ſimul op-  
pugnando, facilè fit ut nihil expugnetur. Viſum eſt adverſus epiſtolam Ho-  
rantii pauca hæc curſim perſtringere, ut intelligentioribus oſtenderem,  
non ſtatim ſecundùm Scripturas Sacras, debere deſidioſum, & ad revocan-  
dum errantes infirmum reputari quicquid militarem fervorem, ſeu potiùs fu-  
rorem non ſapit: quia quod infirmum eſt Dei, fortius eſt hominibus; & infirma  
mundi elegit Deus, ut confundat fortia; & placuit Deo per ſtultitiam prædicationis  
ſalvos facere credentes: unde illud Apoſtoli: Nos ſtulti propter Chriſtum,  
vos autem prudentes in Chriſto: nos infirmi, vos autem fortes.

ELEN-

# ELENCHUS CAPITUM PRÆCEDENTIS EPISTOLÆ.

**CAPUT I.** *Quodd secundum D. Hieronymum & Augustinum reprehensibile sit, epistolam ad amicum scriptam non prius ei mitti, quàm latius in alios dispergatur.*

**CAPUT II.** *Quodd responsio ad quæstiones Sancti-Aldegondi de Altaris sacramento supra meritum ab Horatio extollatur, sed in responsione ad quæstiones de Ecclesia duo sunt reprehensionis capita.*

**CAPUT III.** *Quodd Scriptura Sacra duos corripiendi modos insinuet.*

**CAPUT IV.** *Quodd tacendo non sit veritatis honori detrabendum.*

**CAPUT V.** *Quodd errantes extra nostram potestatem positi, & sua cum dubitatione proponentes, potius sint cum lenitate docendi, quàm increpandi cum impetio.*

**CAPUT VI.** *Quodd hæretici veras Scripturas habeant, ex quibus possit cum eis disputari, etiamsi intelligendo deficiant.*

**CAPUT VII.** *Quodd peculiari quâdam ratione dicitur à Divo Augustino, ex sola Scriptura Sacra discutiendum, quanam & ubinam sit Christi Ecclesia: quæ ratio in aliis articulis fidei non perinde locum habet.*

**CAPUT VIII.** *Quodd veritas quæ utiliter dicitur, non debeat reticeri propter malignantes, qui illam in iudicium perversum trahunt.*

**CAPUT IX.** *Quodd errores hæreticorum facilius per partes expugnentur, quàm simul extirpentur universi.*

Utiliter cum Apologia excudetur,

*Joh. Molanus censor.*

MICHAELIS BAII  
A P O L O G I A,  
P R O S U A A D  
M A R N I X I I  
O B J E C T I O N E S R E S P O N S I O N E .

C A P U T P R I M U M .

*Quod hæretici vocentur Antichristi, quia licet aliud profiteantur, tamen re ipsâ Christo & Ecclesiæ ejus sunt adversarii; sicut Antichristus suo tempore futurus est, non solum re, sed etiam professione & nomine.*



Um ante aliquot dies, ex Aquisgrano ad me missus esset libellus Antwerpæ editus, quem inscripsisti: *Theses aliquot Theologicae de Ecclesia, atque ecclesiasticarum traditionum ætate*: in quo conaris redarguere responsionem meam, ad quæstiones de venerabili Altaris sacramento, per te mihi nuper propositas, optime Sanct-Aldegonde; valde miratus sum, te in eo libello asserere, quod edendo responsiones meas Lovanii, malâ fide tecum egerim, tibi que atque veritati contumeliam fecerim, quodque tuam responsionem tuaque omnia argumenta de re sacramentaria prorsus omiserim; cum mundo manifestum sit, me ex responsione tua, objectiones seu argumenta tua numero duodecim collegisse, ac quantum Deus pro tempore dedit, ex Scripturis Sacris (in quibus imprimis gloriaris) confutasse. Tuam autem Epistolam ad verbum prelo non commisi, quia sicut optimè nosti, (licet id dissimules) publica potestas nunquam permisisset ut hæc ederetur epistola tua, quæ nihil nisi Calvinum sapit: cujusque author pertinaciter in eorum communione permanet, qui se palam in edictis publicis profitentur & nominant desertores Romanæ Catholicæ Religionis; quod nomen an aliqua hæreticis unquam ante  
17 Jan. 2. vos assumpserit, non memini me usquam legisse. Joannes 1. suæ epistolæ c. 2.

omnes

omnes desertores Romanæ Catholicæ Religionis, qui ex nobis prodierunt. Antichristos vocat, quia licet non profiteantur se hostes Christi & Ecclesiæ ejus, sicut aliquando facturus est Antichristus; attamen re verâ sunt Christi & Ecclesiæ persecutores ac hostes, sicut suo tempore futurus est Antichristus. Sed quod aliqua secta ante vos ad Antichristum tam propè accesserit, ut etiam desertoris seu persecutoris Romanæ Catholicæ Ecclesiæ nomen assumpsit, nondum videor mihi legisse; nisi quis fortè talem existimet esse sectam Mahumeticam, quam nonnulli arbitrantur, regnum & potentiam Antichristo præparare.

## C A P U T II.

*Quod duæ sint causæ, cur epistola Sancti-Aldegondi  
non sit Lovanii edita.*

**D**Uæ igitur sunt causæ, curego epistolam tuam posteriorem Lovanii non ediderim. Altera, quam dixi, quia à potestate publica nunquam ad prelum admissa fuisset, sine qua tamen edi non poterat, sicut optimè nosti: Altera, quia nolebam argumentis Calvinii, per te in ea epistola plausibiliter & apparenter propositis, eorum infirmitatem tentare, qui in Ecclesia Christi adhuc lacte fidei nutriuntur, nec tantum in rerum divinarum intelligentia profecerunt, ut seductorum laqueos observare queant & conterere; quibus libenter insidiantur hæretici, intendentes arcum, & parantes sagittas, ut sagittas in obscuro rectos corde; eos videlicet qui nondum intelligendo clarescunt, sed tantum credendo recti sunt: quales nisi tu etiam te reperturum sperasses; puto quod nunquam ea argumenta in publicum emisisses, quibus posteriori hæc tuâ responsione dicta mea redarguere conaris.

## C A P U T III.

*Quod eadem propositio, servatâ eâdem vocum omnium  
significatione, aliâ & aliâ intentione  
possit enuntiari.*

**Q**Uisenim (non dico in re Theologica, sed in Grammatica, & Dialectica paulò instructior) non videat, quantâ absurditate, quàmque pingui rudique ingenio, sicut loqueris, seu potius mente amore proprii erroris excæcatâ, sic colligis: Ista enunciatio, hic ager est tuus: aut ista, tu es uxor mea; aliquando profertur intentione tantum significandi id quod fuit, priusquam hæc oratio inciperet enuntiari: aliquando verò intentione faciendi ut ea prolata sit, quod per illam significatur. Igitur verbum substantivum, est, in illa positum bifariam accipitur; quia, ut ait Aristoteles, ea quæ sunt in voce, sunt earum quæ sunt in anima passionum notæ: quasi videlicet nulla passio, nulla intentio possit esse in anima loquentis, quin significetur vocibus ab



Genf. 12.

&amp; 20.

Genf. 26.

eo prolatis. Et si quis dicat, hæc est soror mea: intentione celandi quod sit uxor: sicut Pharaoni regi Ægypti, & Abimelech regi Geraræ de Sara dixit Abraham: & Isaac Palæstinis de Rebecca: aliud verò idem dicat intentione confitendi quod res habet, sicut ipse Abraham postea Abimelech regi Geraræ confessus est, dicens: *Verè soror mea est, filia patris mei, & non filia matris meæ*; necessum sit ut toties varietur verbi substantivi, est, significatio, quoties aliud atque aliud refertur loquentis intentio, etiam si hanc suam intentionem, quæ alia est, non tantum nolit verbis aut signis indicare, sed etiam modis omnibus conetur abscondere. Videsne quàm plumbeum & obtusum sit argumentum, quod non ex Scripturis Sacris, sicut præfando quàm disputando libentiùs gloriaris, sed ex Aristotele desumptum, tibi acutulum sonabat? Quod argumentum infra non omnino absurdè tendiculas appellasti, quibus me iactas indutum, quia insidias habent; sicut laqueus, quo improvidi capiuntur. Sed non minori negotio potuit dissolvi ac conteri, quàm à muscis majoribus solent aranearum telæ dirumpi. Sicut igitur priori tuâ responsione non rectè obieciisti, verbi substantivi (est) in aliqua enuntiatione positi, non posse unam & eandem esse significationem, si ea sententia aliâ & aliâ intentione profertur: sic nec in hac responsione ex verbis Aristotelis rectè collegisti, quod dicere enuntiationem aliquam, manente eadem vocum omnium significatione, posse aliâ & aliâ intentione dici, nihil aliud sit, quàm dicere enuntiationem aliquam, idem significando non idem significare: quia quando una & eadem propositio aliâ & aliâ intentione profertur, non oportet eam intentionem, quæ alia & alia est, illâ enuntiatione significari, sed eam tantum passionem quæ utrobique est eadem, ad quam significandam voces in propositione positæ sunt institutæ: quæ eadem passio potest apud utrumque enuntiantem integra consistere, etiam si ipsa enuntiationis pronuntiatio, à pronuntiante ad aliam atque aliam intentionem referatur. Quamobrem non rectè asseris, me aut prævaricatum esse, aut destruxisse quod asserui, aut simulasse me velle destruere quod affirmasti: videlicet, hæc duo inter se discrepare, nec conciliari posse: verbum substantivum (est) propriè significat substantialitatem; & propositio in qua idem verbum ponitur, aliquando enuntiat intentionem asserendi quod fuit, priusquam inciperet efferi: aliquando verò intentione faciendi, quod eâ propositione significatur. Nam ostendi hæc duo optimè inter se convenire, atque hanc Christi orationem: *hoc est corpus meum*, &, *hic est sanguis meus*; proferri posse, & intentione asserendi quod prius fuit quàm inciperet proferri, & intentione faciendi quod non fuit prius, sed quod futurum expectatur, ubi enuntiata fuerit, absque ulla mutatione significationis verbi substantivi (est:) quia (ut dixi) ipsa passio, quæ vocibus propriè significatur, potest apud utrumque enuntiantem eadem consistere; etiam si ipsorum enuntiantium alia atque alia sit enuntiandi loquendique ratio & intentio.

## CAPUT IV.

*Quodd virtute hujus propositionis, hoc est corpus meum, possit fieri, quodd per eam non significatur fieri, sed tantum significatur esse.*

Potestque virtute hujus enuntiationis: Hoc est corpus meum: &c, hic est sanguis meus: effici quodd per eam non significatur fieri, sed tantum significatur esse. Si enim, sicut refert B. Joannes, ut Christus dixit: *Ego sum*, Joan. 14. videlicet Jesus Nazarenus; Judas & qui cum eo erant abierunt retrorsum & ceciderunt in terram, prostrati verbis Christi nihil ejusmodi significantibus: quanto magis credendum est, verbis Christi effectum, quod, cum prius non esset, ipse verbis suis non quidem fieri (sicut debere pretendis) sed esse significavit, dicens: *Hoc est corpus meum*, &c, *hic est sanguis meus*; juxta illud Psalmistæ: *Ipse dixit, & facta sunt: ipse mandavit, & creata sunt.* Psal. 124. Nam dicere, hoc enuntiare: mandare verò, est imperare ut sit vel fiat quod dicitur aut mandatur. Christum autem dicendo efficere posse quicquid volebat, credidit Centurio, cum ait: *Non sum dignus ut intres sub* Matt. 8. *teetum meum; sed tantum dic verbo, & sanabitur puer meus.* Credidit & diabolus dicens: *Si filius Dei es, dic ut lapides isti panes fiant*; quo non decet Christianum ad credendum Christi verbis esse tardiolem. Miror te non attigisse similitudinem, quam in responsione mea his verbis posueram: Sicut Christus mandando multa effecit, quæ nos iisdem verbis, eadem significatione acceptis, tantum præcipere solemus ut per alios fiant: ut, *surgere, tolle grabatum tuum, & ambula: Lazare, veni foras: Respice*, &c. sic etiam per præsens enuntians multa effecit, quæ nos iisdem verbis, eadem significatione acceptis, tantum esse significamus. Sed fortè non invenisti quomodo verisimiliter assereres, aut in imperativis orationibus etiam intentione imperantis, vocum significationem debere mutari, aut inter orationes imperativas & indicativas hanc diversitatem debere poni, quodd oratio imperativa possit alià & alià intentione offerri sine significationis vocum mutatione: enuntiativa verò minimè. Et ided prudenter hoc argumentum, cui rationabiliter respondere non poteris, dissimulasti.

## CAPUT V.

*Quodd Christus non tantum mandando, sed etiam enuntiando, multa operatus esse legitur.*

Sed aiste non diffiteri, Christum mandando multa fecisse, si mandatum referatur ad mentem ac voluntatem, & non ad magicam vim verborum, quæ tantummodò ad illam explicandam adhibentur: sed elumbe esse argumentum, à verbis mandandi, ad enuntiandi voces tractum. Sanè si Christi

stus mandando duntaxat, & non etiam dicendo seu enuntiando explicuisset voluntatem suam, quâ aliquid facere voluit & fecit, posses forsan cuipiam videri aliquid dicere, præsertim non attendenti Psalmistam ista duo æquiparare, dicere & mandare, cum ait: *Ipse dixit, & facta sunt: ipse mandavit, & creata sunt.* Sed quia manifestissimum est, Christum utroque modo voluntatem suam, quâ aliquid fecit, explicuisse, nempe dicendo seu enunziando, & mandando: ided: non tantum in imperativis orationibus, sed etiam in enuntiativis tibi agnoscenda est Christi operatio. Sicut enim cæco dixit, *Respice;* & hoc imperando visum ei restituit: sicutiam mulieri, & paralytico dixit: *Dimittuntur tibi peccata tua;* & hoc dicendo, suamque voluntatem enuntiandi voce explicando, peccata eis dimisit. Sicut etiam intellexerunt increduli Pharisei, dicentes: *Quis est hic, qui etiam peccata dimittit?* Et quemadmodum Christus refuscitavit Lazarum imperando: *Lazare, veni foras;* Sic etiam dicendo regulo, *Filius tuus vivit;* & voluntatem suam enuntiativâ voce explicando, sanavit filium ejus. Sicut ipse fateris, dicens, quodd eo momento quo Christus proferre incipiebat, filium ejus sanavit virtute suâ divinâ, quâ voluerat filium reguli convalescere: sive enim primo momento, sive ultimo, quo hæc dicebat, filium reguli sanaverit; attamen fateris, quodd ipsum sanaverit divinâ suâ voluntate: quam voluntatem indicativâ voce regulo aperuit, dicens, *Filius tuus vivit:* sicut intellexit, & credidit regulus, vadens domum, & à servis interrogans, quando melius habuisset. Nec huic veritati obstitit, quodd supra alio loco responsionis tuæ dicis, filium reguli, non vi illorum verborum, quæ merè indicativa sunt, fuisse sanatum, sed virtute divinâ: quia licet isto alio loco videaris inter verba imperativa & indicativa diversitatem ponere, quodd Christus nihil operatus sit vi verborum indicativorum, sed tantum vi imperativorum: attamen posteriori loco responsionis tuæ, prius à me citato, tui oblitus, ut apparet, idem dicis de verbis imperativi modi, quodd prius dixisti de verbis indicativis, nempe quodd Christus mandando multa fecit, si mandatum referas ad mentem & voluntatem, & non ad magicam vim verborum quæ ad illam explicandam adhibentur. Cum igitur Christus, ad explicandam voluntatem suam quâ aliquid fecit, non tantum adhibuerit verba imperativi modi, sed etiam indicativi, sicut statim ostendimus; velis nolis, omnino tibi fatendum est, eum non tantum verbis imperativis, sed etiam indicativis multa fecisse, saltem operationem tribuendo, non magicæ vi verborum (sicut blasphemans loqueris) sed divinæ voluntati quæ Christi verbis indicatur.

## C A P U T V I.

*Quodd non sit magica, sed divina vis, quam Christus  
verbis suis impertivit.*

CÆterum valde mirandum est, quâ fronte audeas asserere, magicum & Cabalisticum esse commentum dicere, quodd Christus verbis suis tribuerit vim operandi, mutandique elementa: cum ex Scripturis sacris manifestissimum



mum sit, Dominum Moyſi & Aaron mandaſſe, ut coram filiis Iſrael loque-  
 rentur ad petram; ac promiſiſſe, quodd loquendo aquas de petra educerent; Num. 20.  
 ſicut de promiſſione Domini diffidentes, eduxerunt bis virgâ percutientes.  
 Quin & ipſe Chriſtus in Evangelio, non tantum tactu corporis aut veſtis  
 multos curaviſſe legitur, ſed etiam ſolis verbis: ſicut ab eo petivit Centurio;  
 cum ait; *Tantum dic verbo, & ſanabitur puer meus.* An potuit umbræ Petri, &  
 ſudarii à Pauli corpore delatis, vim ſanandi tribuere; & non potuit verbis Matt. 9.  
Act. 5.  
& 19.  
 ſuis dare virtutem mutandi elementa, præſertim docente Scripturâ ſacrâ,  
 quodd in voce Archangeli & in tuba Dei deſcenderet de cælo, & omnes qui in  
 monumentis ſunt audient vocem filii Dei: ſicut etiam audivit Lazarus dicen-  
 tem: *Lazare, veni foras?* Et quid ad D. Ambroſium de initiandis, & ad Scri-  
 pturas ſanctas ab eo productas respondebis? Qui ut oſtenderet in hoc ſacra-  
 mento non eſſe quod natura formavit, ſed quod benedictio conſecravit, quia  
 benedictione, inquit, *etiam natura ipſa mutatur*; ex Veteri Teſtamento pluri-  
 ma adfert exempla, in quibus Deus variis actionibus vim tribuit mutandi ele-  
 menta & ſubſtantias: *Virgam tenebat Moyses, inquit, projecit eam, & facta*  
*eſt ſerpens.* Rurſus: *Apprehendit caudam ſerpentis, & in virga naturam reverti-*  
*tur.* *Currebant Ægypti flumina puro aquarum meatu; ſubito de fontibus venis ſan-*  
*guis cæpit erumpere.* Nonne claret naturam vel maris imorum fluctuum, vel fluvialis  
 curſus eſſe mutata? Et infra: *Quodd ſi tantum valuit humana benedictio, ut natu-*  
*ram converteret; quid dicimus de ipſa conſecratione divina, ubi verba ipſa Domini*  
*Salvatoris operantur?* Nam Sacramentum iſtud quod accipis, Chriſti ſermone conſci-  
 titur. *Quodd ſi tantum valuit ſermo Helie, ut ignem de cælo deponeret, non valebit*  
*Chriſti ſermo ut ſpecies mutet elementorum?* De ſolius mundi operibus legiſti: Quia  
 ipſe dixit, & facta ſunt: ipſe mandavit, & creata ſunt. Sermo ergo Chriſti,  
 qui potuit ex nihilo facere quod non erat; non potuit ea quæ ſunt, in id mutare quod  
 non erant? Non enim minus eſt novis rebus *mutare naturas.* Audiſne,  
 Sanct-Aldegonde frater, quomodo D. Ambroſius dicens quodd verba Salvato-  
 ris operantur, quodd Sacramentum iſtud Chriſti ſermone conſcitur, quodd ſer-  
 mo Chriſti mutet ſpecies elementorum, & quodd ea quæ ſunt mutet in id quod  
 non erant, tuæ doctrinæ conſentiat, quâ dicis, magicum eſſe commentum  
 dicere, quodd Chriſtus verbis ſuis tribuerit vim operandi, atque in ſacramento  
 Eucharistiæ nullam fieri naturarum mutationem, ipſumque panem ex hoc dun-  
 taxat fieri Sacramentum, quodd abſque omni mutatione aſſumatur ad ſignifican-  
 dum Chriſti corpus; eo modo quo à mercatoribus adhibetur ſtramen, & vaſi  
 imponitur, ut vaſ ſignificetur eſſe venale, quoddque peracto ſignificandi uſu,  
 quod reliquum eſt panis, non ſit ampliùs ſacramentum, ſed tantum cibus re-  
 ſtinguendæ fami idoneus: ſicut ſtramen à vaſe venali ſublatum non ampliùs  
 eſt ſignum, ſed tantum ſubſtantia igni incendendo idonea & accommoda, ſi-  
 cut priùs fuit: nec iſtud tantum aſſeris, ſed etiam hoc doctrinæ tuæ myſterio,  
 nullâ Scripturâ ſacrâ productâ, contendis omnia diſputationis meæ firmamen-  
 ta corruiſſe.



## C A P U T VI.

*Quodd enuntiationes quibus aliquid efficitur, non ipso momento quo pronuntiari incipiunt, sed eo quo pronuntiatæ sunt, suum effectum consequantur.*

SUBDIS in tua responsione: exempla Scripturæ sacræ per me proposita, ut ostenderem unam & eandem enuntiationem, servatâ eadem vocum significatione, posse aliâ & aliâ intentione efferrî, videlicet: *Filius tuus vivis*; &c, *mulier, ecce filius tuus*; cum nostro argumento nihil habere commune, eo quod nullam significant transmigrationem substantiæ in substantiam, sed tantum accidentis in accidentis: quæ ratio videtur veluti à somniantе omnino extra causam adducta. Quia ut eadem oratio, servatâ eadem vocum significatione, aliâ & aliâ intentione dicatur, non est opus ut aliquam mutationem significet, sive substantiæ in substantiam, sive accidentis in accidentis, sed tantum requiritur, ut alio atque alio fine efferatur. Cæterum quo argumento movearis, ut contendas Christum dicendo regulo: *filius tuus vivis*; non eo momento quo orationem suam complevit, sed primo momento quo eam pronuntiare incœpit, filium reguli curasse in scriptis tuis non reperi. Si vir animo ducendi uxorem, mulieri dicat, *Tu es uxor mea*: & illa vicissim viro dicat, *Tu es vir meus*; secundum Jurisconsultos, non eo momento quo vir & mulier loqui incœpissent, sed quo sermonem complevissent, facti essent conjuges. Nam siambo supradictum suum sermonem inchoassent, & non complevissent, non fuissent facti conjuges. Sicut etiam, si quis cum suis, non ipso momento quo Christus cœpit dicere: *Ego sum*; sed eo quo complevit sermonem suum, verbis Christi in terram prostratus esse legitur. Ex quibus sequi videtur, quodd orationes quibus aliquid efficitur, non ipso momento quo pronuntiari incipiunt, sed eo quo pronuntiatæ sunt, suum effectum consequantur. Sed esto, ut eo momento quo Christus hæc verba pronuntiare incipiebat; *filius tuus vivis*; sanus factus sit reguli filius, sicut tu prætendis: cur non similiter fateris, eo ipso momento, quo Christus verba ista proferre incipiebat: *Hoc est corpus meum*, &c, *hic est sanguis meus*; panem & vinum, quæ cum accipiebat nondum mutata erant, tunc cum hæc diceret in corpus & sanguinem Christi fuisse converta, non vi verborum quæ Christus protulit, sed occultâ voluntate dlvina, quam verbis istis indicavit, & sic veritatem accepisse Christi verbum, quo dixit: *Hoc est corpus meum*, &c, *hic est sanguis meus*; sicut veritatem accepisse prætendis quod dixit regulo: *filius tuus vivis*? An quia oculis cernebatur, quodd Christo dicente: *filius tuus vivis*; ipse reguli filius ex ægro sanus efficiebatur: quodd verò Christo dicente, *hoc est corpus meum*, &c, *hic est sanguis meus*, nullo sensu percipiebatur, quodd panis & vinum in corpus & sanguinem Christi convertebantur, ided illud credis, istud verò non credis? Si tibi visum fuerit, veritatem & verborum Christi intelligentiam corporeis sensibus metiri, noli igitur credere, quodd dicente Christo mulierj & paralytico: *Dimittuntur*

*tibi*

*sibi peccata sua*, verè remissa sunt eis peccata: sicuti nec crediderunt Judæi, dicentes: *Quis est hic, qui etiam peccata dimittit?* quia nec hoc sensu aliquo corporeo poterat dijudicari. Noli etiam nobis improperare, quòd universam transubstantiationis molem, soli externorum sensuum judicio superstruimus, cum relictis corporeis sensibus, ipsam ex solis Christi verbis astruimus: sed fatere, quòd habet rei veritas, universam tuam infidelitatem, quà corpus & sanguis Christi negastremendo Altaris sacrificio contineri, ex eo provenire, quòd magis fidas & inhæreas phantasiæ, quam ex sensuum exteriorum judicio concipis, nempe quòd in pane & vino, per Christi benedictionem, nulla sit facta mutatio; quàm credas verbis Christi in sacra Scriptura manifestissimè contentis, quibus ait: *Hoc est corpus meum*, &c., *hic est sanguis meus*. Nam alicubi objicis contra transubstantiationem, non oculos tantum, sed manus, linguam, palatum, & denique ventriculum ipsum meris præstigiis deludi. Alibi verò dicis, quòd panem esse omnes sensus judicent, natura doceat, ortus convincat, formatestetur, color, figura gustus, omnes denique circumstantiæ, atque omnia planè accidentia manifestè produnt. An non hîc manifestissimè omnium sensuum exteriorum imploras judicium, quo errorem tuum contra Christi verba confirmes: & interim nobis improperas quòd transubstantiationem soli externorum sensuum judicio superstruimus? Sed hoc tibi familiare est, aliis impingere & improperare, quod ipse machinaris & facis, ut sub accusatione aliorum possis artes tuas abscondere.

## CAPUT VIII.

*Quòd Christus dicens matri suæ de Joanne: hic est filius tuus; Joannem verè adoptaverit in Mariæ filium.*

Circa alterum exemplum Scripturæ sacræ à me productum: *Mulier, ecce filius tuus*; ut refellas, quod dixi, Christum verbis suis adoptasse Joannem in Mariæ filium, sic ratiocinaris: Christus non agebat Jurisconsultum, cum hæc diceret: igitur non adoptabat Joannem in Mariæ filium: sed moerentem matrem, Joannis præsentia, quasi quâdam sui absentis imagine solabatur, planè quemadmodum sacramentum sui corporis in coelum assumpti, vult haberi à nobis. Ubi nimis manifestum est, te eadem licentiâ, quâ in aliis Christi verbis, per corpus & sanguinem Christi, sinistra interpretatione intelligis corporis & sanguinis Christi signum, ut veritatem supprimas: sic etiam in istis per matrem & filium, velle intelligi matris & filii symbolum, idque tam ridiculo argumento ut pudeat referre. Sic enim colligis: Christus non agebat Jurisconsultum, cum hoc diceret; igitur non adoptabat Joannem in Mariæ filium, sed illum tantum constituebat sui absentis symbolum. Obsecro, an *Genes. 48.* Jacob Jurisconsultum agebat, quando dicebat filio suo Joseph: *Duo filii tui qui nati sunt tibi in terra Ægypti, antequam huc venirem ad te, mei erunt, Ephraim & Manasses; sicut Ruben & Simeon reputabuntur mihi: reliqui autem quos genueris post eos, tui erunt, & nomine fratrum suorum vocabuntur in possessionibus suis?* An Christus Jurisconsultum agebat, quando nos in filios adoptabat, ut confiden-

Joan. 1.

ter dicamus: *Pater noster, qui es in caelis?* An verò solùm constituebat nos; unigeniti filii sui symbolum, ut non veritate, sed tantùm imagine & nomine simus filii & hæredes Dei, cohæredesque Christi? Et quando potentes aut Principes legitimo hærede destituti, quempiam adoptant in filium, ut futurum hæredem videant & instituant, nunquid ipsi Jurisconsultos agunt? an tantùm aliquid faciunt, de quo cognoscit Jurisconsultus, rectè ne an secus factum sit? Sicut & ipsi mercatores, quando emendo aut vendendo contractus ineunt, de quibus an iusti sint ac rati disputant Jurisconsulti, non usurpant sibi quod est Jurisperitorum, sed tantùm excercent quod est mercatorum. Miror an nondum videas, quàm ridiculis argumentis movearis, ut Scripturas sacras pro tuo arbitratu, contra propriam verborum significationem, in sensum sibi placentem transformes, dicendo Joannem non factum esse Mariæ virginis filium, quando Christus dixit: *hic est filius tuus*; sed tantùm filii symbolum, quia Christus tunc non agebat Jurisconsultum.

## C A P U T IX.

*Quod verbum substantivum, est, etiam juxta Sancti-  
Aldegondum, propriâ & genuinâ significatione  
designet substantiam.*

SUBdiste haud intelligere, unde suspicari potuerim, nos in eo consentire, quòd verbo (est) utrique tribuamus substantialitatis significationem, cum tu scripseris ejus unam & simplicem esse significationem, nec semper significare substantiam, sed aliquando qualitatem, aliquando quantitatem, aliquando relationem. Si attendisses quid ego sextæ cap. i. ubi doctei respondi, proculdubio intellexisses & in his tuis verbis quibus ais, verbi (est) unam & simplicem esse significationem, & aliquando significare substantiam, aliquando qualitatem, aliquando quantitatem, te tibi ipsi apertè contradicere, quia non potest ejus vocis simplex & una esse significatio, quæ aliquando significet substantiam, aliquando quantitatem, &c. sed multiplex. Et etiam intellexisses, quare suspicatus sum te mecum sentire, propriam & genuinam verbi (est) significationem esse, ut substantiam designet: Videbam ex verbis tuis te velle sequi Aristotelem lib. 4. Metaph. cap. i. ubi docet id quod est, multipliciter quidem dici, eo modo quo verbis tuis explicas, sed ad unam quandam naturam, sicuti omne sanum ad sanitatem dicitur, inquit. Ex quo collegi, quòd quemadmodum sanum propriâ & genuinâ significatione designat id quod habet in se sanitatem, analogicè verò id quod significat aut quod efficit sanitatem: sic etiam quòd verbum (est) secundum tuam sententiam, propriâ & genuinâ significatione designet substantiam, analogicè verò quantitatem, qualitatem, & cætera suprema rerum genera; licet per inanimadvertentiam & propriam sententiam non considerans, adjunxeris, verbi (est) unam & simplicem esse significationem. Deinde considerabam te mecum differere de verbo (est) posito in hac oratione: *Hoc est corpus meum, &c., hic est sanguis*

*sanguis meus*; in qua attributum, *corpus meum*, &, *sanguis meus*, substantiam significat. Jam verò (sicut etiam in hac tua responsione asseris) explicatio seu significatio verbi substantivi (est) sumenda est ex natura & ratione attributi. Cum itaque attributum ejus sententiæ de qua differebamus, propriissimè substantiam significet, nec alicubi, quantum meminisse possum, inveniatur significare accidens, quod prætendis; quid aliud suspicari poteram, quam te juxta tuum Aristotelem mecum sentire, verbum substantivum, est, propriè & in ea sententia de qua differebamus, significare substantialitatem? Sed tandem in hac tua responsione confiteris, quòd hætenus ex labiis tuis extorquere non potui, nihil planè interesse, utrùm interpreteris, hoc est corpus meum, id est, hoc est signum corporis mei, posito nimirum tropo in voce, corpus, ut non significet substantiam; sicut priùs intelligebas, sed ad aliquid: an potius, hoc representat corpus meum, posito tropo in verbo, est. Id quod si priùs dixisses, non à te petissem Scripturam sacram, quâ doceres, verbum substantivum (est) tropo novo accipi pro esse sacramentaliter, præsertim cum simul diceres, ejus simplicem & unam esse significationem: sed tantum postulasset Scripturam sacram, in qua nomen, corpus meum, tropo significet signum corporis Christi: quod quia non magis invenire potes, quam ubi verbum substantivum (est) tropo novo ponitur pro esse sacramentaliter, aut pro significat; idèò adhuc in luto hæres, sicut ibi sum profectus.

## C A P U T X.

*Quòd Sanct-Aldegondus non de hoc attributo, corpus meum; sed de verbo substantivo, est, questionem proposuerit, An significaret substantialitatem, ut obscuritate questionis suam sententiam tegeret.*

Cæterum cum nihil intersit, sive vos pro vestro arbitratu, citra omnem Scripturam sacram, & contra omnium rectè sentientium intelligentiam, tropum constituatis in verbo, est, ut accipiatur pro esse sacramentaliter; sive in nomine (corpus meum) ut significet tantum corporis Christi signum: quid est, quòd questionem tuam tam studiosè, seu potius tam infidiosè proposuisti, interrogans quo argumento doceatur, in hac circumstantia sermonis, *hoc est corpus meum*, verbum (est) significare substantialitatem: & de nomine (corpus meum) nihil omnino quaeristi, an significaret substantiam, an verò ad aliquid? cum non ignores, sicut hac responsione ostendis, significationem verbi substantivi, est, ex attributo esse desumendam; & quòd, si constaret an attributum substantiam significaret, an verò aliud quippiam, tunc nulla omnino restaret quaestio, quid ipsum verbum, est, significaret? Quid est, inquam, quòd me tam abstrusâ quaestione aggressus es, pro substantia ponens substantialitatem; & de verbo proponens, quod non solet nisi de attributo differi; nisi ut me insolitâ & hætenus inauditâ quaestione turbares,



ac sententiæ tuæ venenum absconderes? Quam vulpis astutiam, ut in quæstionibus tuis minùs attenderetur, tu tibi tui facti conscius, in meam responsionem derivare conaris, dicens, quòd secundo capite responsionis meæ, vitium argumentationis ambiguitate verborum, panis consecrati & benedicti, conatus sum involvere: & infrà: *Video te* (inquis) *propterea quòd verearis dicere id quod sentis, nimirum antea fuisse panem, postea non panem, pro corpore succenturiare panem consecratum.* Et rursus: *Quæsi* vi, ais, *an verbum, comedite, construatur cum substantia panis, an cum substantia corporis.* Hic tu mihi candide respondisse debuisses. Respondeo: Relege verba mea quibus principio respondi ad quæstionem quâ quærebas, An pronomen, hoc, (in hac oratione, *hoc est enim corpus meum*) aliud significet quàm id ipsum quod uno ore omnes Evangelistæ testantur: & alia, quibus, respondens objectionibus tuis, ostendi secundam contradictionem per te in mea responsione prætensam, non esse contradictionem, sed claræ & irrefragabilis veritatis assertionem; & invenies non tantùm candidam & apertam responsionem ad quæstita tua, sed etiam manifestam vanitatem, & falsitatem eorum quæ mihi hîc impingenda putasti. Verba quibus initio respondi quæstionibus tuis, sic habent: „His, inquam, quæstionibus facile est ex dictis respondere: Nam *cœnantibus Apostolis* (inquit *Matth.*) *accepit Jesus panem, usitatum videlicet, quia ibi alius panis non erat, & eundem panem benedixit: sed quod fregit, deditque discipulis suis, dicens, Accipite & manducate; non fuit panis usitatus, sed benedictus, & benedictione in corpus ejus mutatus, sicut ipsemet Christus testatur dicens: Accipite, & manducate, hoc est corpus meum.* Non enim ait, accipite panem, & comedite panem, sicuti priùs de ipso ait Evangelista, *Accipit Jesus panem: sed ait, accipite, & comedite, hoc est corpus meum.* Jussit ergo ut acciperent, & comederent, non panem usitatum, de quo priùs locutus est Evangelista, dicens: *Accipit Jesus panem; sed panem benedictum, de quo ait, hoc est corpus meum: jam videlicet ex pane, benedicendo confectum.* Non minùs manifesta sunt verba mea quæ sequuntur in eadem responsione, & quæ postea disserui circa tuam secundam objectionem: quæ verba si velim repetere, & veluti novâ disputatione illustrare, ut omnibus sit manifestum me clarissimè respondisse, verbum Christi, *comedite*, non constitui cum nomine panem, quod præcesserat, ubi ait Evangelista: *Accipit Jesus panem;* quodque significat veram panis substantiam; sed cum nomine, *corpus meum,* seu cum nomine subintellecto, panem benedictum, quod non panis usitati, sed Christi corporis substantiam significat; quis non existimabit me insanire, cum manifestiora sint quæ tunc dixi, quàm quæcunque adducere possim? Non miror quòd perfrictâ fronte Scripturas sacras & Patrum dicta tibi repugnantia, à parte tua stare jactites, quando me viventem, loquentem, & quibus possum verbis, servatâ Christianâ modestiâ, tuis erroribus resistentem, non erubescis asserere, aut simulare, aut sententiam meam velut in nebula velle abscondere, eo quòd alludens ad verba Scripturæ sacræ, panem benedictum semel atque iterum nuncupaverim, & sicut loqueris, tanquam crambem bis positam fastidiosè inculcaverim. Miror tamen tibi tam fastidiosum esse, audire verba Christi & Apostolorum in Scripturis sacris expressa, quibus ajunt Chri-

stum benedixisse panem; ex quibus solis te differere velle præfari; cum neque rædiosum, neque fastidiosum tibi esse videatur, responsionem tuam suffarcire verbis Aristotelis, primum quidem Græcè positis, ac deinde etiam in linguam Latinam conversis. Nec est quodd calumniæ, me horum verborum obscuritate voluisse abuti, cum apertissimè exposuerim, quid per panem benedictum intelligerem; bis interpretans, panem benedictum esse corpus Christi, benedicendo ex pane confectum. Et in responsione ad objectiones tuas dixi panem benedictum ampliùs panem non esse, sed in corpus Christi esse mutatum; sicut aqua in vinum mutata, non ampliùs est aqua, sed vinum. Quid vis apertius dici, ut non sit tibi fastidio quod profertur ex Dei verbo? Sed forsitan tibi fastidiosum est audire quodd Christus panem benedixerit; quia omnibus aliquid Christiani sensus retinentibus, hoc audito, statim occurrit Christi benedictionem non posse esse inanem, cum Dei benedicere sit benefacere, sicut ostendit Scriptura quæ ait: *In semine tuo benedicentur omnes gentes*. Nam & ipsum Dei maledicere, magnum effectum habet, sicut patet in terra, in serpente, in ficu, & aliis quibus maledixit Dominus. Tu verò Christi benedictioni, quæ benedixit panem, nullum omnino effectum tribuis, nec circa panem ac vinum Christi benedictione aut verbis ullam mutationem fieri existimas; sed tantum doceri quodd quemadmodum quispiam forum prætereiens, cernensque stramen vasi impositum, potest absque omni mutatione straminis dicere: Hoc stramen vasi impositum significat hoc vas esse venale, quamdiu ibi relinquitur: ubi verò sublatum fuerit, ampliùs signum non erit: Sic etiam Christus panem discipulis suis distribuens, dixerit: hic panis est corporis mei fixi signum, quamdiu ad hoc significandum distribuitur; sed hæc distributione completâ, si quid ex illo superfit, non ampliùs erit alicujus rei signum, sed tantum substantia restringendæ fami idonea. Saltem id Christi benedictioni tribueres, quodd benedictioni cibi, qui fidelibus cum gratiarum actione percipitur, tribuit Apostolus dicens: *Quod sanctificatur per verbum Dei & orationem*. Nam hæc sanctificatio absque omni mutatione non fit, & non statim desinit, ubi desinit cibi perceptio. Nec benedictionis Christi verba sic in ventum doceres effluere, ut nullum omnino effectum circa panem eis tribueres, sed tantum circa aures ac mentem audientis, ut credat Christum circa panem suâ benedictione ac verbis nihil efficere, sed tantum præsentibus discipulis id dicere, quodd sine Christi præsidio aut mandato, à quovis alio æquè fieri poterat, nempe ut panis usitatus distribueretur fidelibus, ad significandum & in memoriam revocandum, quodd Christus pro nostra salute esset crucifixus.

*Christi benedictio non est inanis. Galat. 3.*

*1 Tim. 4.*

Hæc sunt tuæ sapientiæ mysteria, seu potiùs incredulitatis tuæ præstigia, quibus non meæ disputationis firmamenta (sicut gloriaris) sed fidei ac salutis tuæ fundamenta subvertis, & Manichæorum errorem adjuvas, dicentium quæcunque de corporis Domini veritate dicuntur, ad phantasiam & similitudinem esse referenda; sicut ad octavam tuam objectionem, priori responsione tibi objeci, ad quodd ne verbum quidem respondisti.

## C A P U T X I.

*Quodd Christus præcipiens venerabilis sacramenti dispensationem fieri in sui memoriam, non negavit sui corporis & sanguinis præsentiam.*

*Objeſſio.*

*Solutio.*

POſt hæc ſic argumentaris: Chriſtus præcepit, ut quotieſcunque id fecerimus, in ſui memoriam faciamus: igitur in ſacramento eucharistiæ non eſt Chriſti præſentia, ſed memoria. Reſpondeo Chriſtum juſſiſſe benedictionem, fractionem & ſumptionem hujus Sacramenti, in ſui memoriam fieri: Sed numquid negavit præſentiam, cum dixit: *hoc eſt corpus meum*, &c, *hic eſt ſanguis meus*? Ad id verò quod ex ſexto capite Evangelii Joannis & commentario D. Auguſtini objicis, ſicut ad octavam tuam objectionem priùs reſpondi, nihil aliud dico, quàm D. Joannem ejuſque commentatorem D. Auguſtinum, eo capite non agere neque de ſignis hujus Sacramenti, neque de iis quæ ſub ſignis continentur, ſed tantum de Chriſti incarnatione & morte, quæ ab initio mundi omnium electorum ſalutem & vitam eſt operata: ad quam mortem ſignificandam & commemorandam, in noviffima cœna inſtitutum eſt ſacræ Eucharistiæ myſterium: & ided ubi de ſignis hujus Sacramenti agitur, aut de iis quæ ſub ſignis contineri dicenda ſunt, non eſt ad hoc caput recurrendum, in quo nulla fit mentio ſignorum hujus Sacramenti, ſed tantum ad ea Evangeliorum & Epiſtolarum D. Pauli loca, quibus hujus Sacramenti inſtitutio deſcribitur. Quodd verò jam dicto cap. 6. Joannis Chriſtus ſe panem nuncupat, non ad aliquod hujus Sacramenti ſignaculum, aut ad panis ſubſtantiam referendum eſt; ſed ad effectum, quo Chriſti incarnatio, mors & reſurrectio ab initio mundi vitam credentibus tribuit: ob quem effectum, Chriſti caro panis dicitur: panis enim verus eſt, qui de cœlo deſcendit, & dat vitam mundo, etiamſi hujus Sacramenti ſignorum nulla unquam facta eſſet inſtitutio. Juxta quem ſenſum etiam dicit: *Caro mea verè eſt cibus, & ſanguis meus verè eſt potus.*

*Joan. 6.*

## C A P U T X I I.

*Quodd carnem Chriſti integram & illaſam manducare non ſit facinus, ſed tantum dentibus laceratam.*

UT probes verba Chriſti apud Joannem, *Niſi manducaveritis carnem filii hominis, & biberitis ejus ſanguinem, non habebitis vitam in vobis*; non debere ad litteram, ſed ſecundum tropum accipi, dicis D. Auguſtinum deſignare facinus eſſe, humanam carnem, quocunque modo; ſive integram, ſive laceratam manducare. In his Chriſti verbis, *niſi manducaveritis*, &c. tropum eſſe, diligenter oſtendimus reſponſione ad octavam tuam objectionem: non quidem in verbo (*carnem & ſanguinem filii hominis*) ſicut prætendis, ut in

de

de colligas etiam in verbo *corpus meum*, &c, *sanguis meus*, tropum esse, cùm ait Christus, *hoc est corpus meum*, &c, *hic est sanguis meus*; sed tantùm in verbo, manducare, quod hic non significat ore sumere & deglutire, sed tantùm significat ex vera Christi carne vitam accipere; sive id fiat per solam fidem, sicut quidam existimant Abraham alioque Patriarchas credendo duntaxat carnem Christi manducasse, juxta illud Augustini, *Crede & manducasti*; sive ex fide offerendo sacrificium, aut suscipiendo Sacramentum, nempe circumcisionem, baptismum, aut etiam absolutionem Sacerdotis. Agitenim Christus de spirituali manducatione, sive ea fiat sine sacramentis, sive cum sacramentis; non autem de sumptione sacramenti Eucharistiæ, aut corporis Domini sub eo sacramento contenti, quod Sacramentum tunc nondum institutum fuit. Cæterum quod assumis, D. Augustinum definire facinus esse, humanam carnem sive integram sive laceratam manducare, ut velut aliud agens, minùs attento lectori instilles & persuadeas Augustinum docere facinus esse manducare carnem Christi integram sub speciebus panis; nescio unde didiceris: cùm D. Augustinus non integræ, sed tantùm laceræ carnis mentionem faciat, quam lacerando manducare (præsertim in Christo, cujus umbram in Saul David non est ausus contingere) sine dubio facinus esset, contra præceptum: Non occides; sed integram Christi carnem sumere, non magis facinus est Christiano, quàm beatæ Virgini fuit, eam integram concipere, & in utero suo alere: quia sicut beata Virgo integram Christi carnem concipiendo, & alendo in utero, sine cujusquam injuria, vitam temporalem illi tribuit: Sic quivis fidelis, carnem Christi integram sub speciebus panis manducans, hinc vitam spiritualem, & in resurrectione etiam corporalem, absque alicujus injuria sibi acquirit, sicut testatur Cyrillus super Joan. Nihil igitur hinc attulisti, ex quo probare queas, verba, *corpus meum*, &c, *sanguis meus*, secundùm tropum debere accipi, cùm ait Christus: *Hoc est corpus meum*, &c, *hic est sanguis meus*; sed tantùm alio verborum ordine repetivisti argumentum, cui circa octavam tuam objectionem priùs abundè responsum fuit: videlicet tropum non esse in nomine, carnem meam; sed in verbo, manducare, ut dictum est: ubi verò de sacramento Eucharistiæ aut Christi corpore sub eo contento disseritur, non sunt producenda verba Scripturæ sacre apud Joannem capite sexto, ubi tantùm de eo effectu agitur, cujus ab initio mundi semper participes fuerunt omnes fideles, etiam priusquam aliquid nossent de hoc Sacramento; sed ea proferenda sunt, in quibus describitur ejus institutio, sive apud Evangelistas, sive apud Apostolum Paulum; nisi fortè ut probes nomina hæc, *corpus meum*, *caro mea*, *sanguis meus*, in Scripturis sacris secundùm tropum accipi; quod non magis hoc sexto capite Joannis, quàm alibi reperisti.



## C A P U T XIII.

*Quodd non sint neganda Christi verba , aut ad inusitatum & infuetum loquendi modum detorquenda , etiamsi sine miraculorum assertione defendi non possint.*

*Objeſſio.*

SUBdis non esse conſingenda miracula , ut prættextu omnipotentiae divinae , absurdam metamorphosim archirectemur : quam omnipotentiam postea dicis à nobis pro velo erroris obrendi . Fateor non esse conſingenda miracula , ut citra doctrinam Scripturarum sacrarum , sententias à nobis excogitatas defendamus . Sed addo non esse neganda Christi verba , aut ad insolitum & inusitatum loquendi modum detorquenda , sicuti facere solent increduli , etiamsi sine miraculi confessione eorum veritatem tueri non possimus . In qua re maxime emineuit Abrahæ fides , qui fidelem credidit eum qui promiserat , etiamsi neque sine miraculo fieri posse existimaret quod promittebatur , neque tamen sciret per quod miraculum adimpleretur , quod eum promississe & facturum esse non dubitabat .

*Hebr. 11.*

*Cum enim tentaretur , unigenitum offerebat ( inquit Apostolus ) in quo suscepit promissiones , ad quem dictum est : In Isaac vocabitur tibi semen ; arbitrans , quia & à mortuis suscitare potens est Deus , & sic contra spem in*

*Rom. 4.*

*spem credidit , inquit Apostolus . Si vis igitur inter filios Abrahæ computari , indubitanter crede , quod ait Christus : hoc est corpus meum , & , hic est sanguis meus , etiamsi non ignores id sine miraculo esse non posse . Et noli humanis rationibus & absurditatibus cogari evertere , quod neque in divina sapientia potes comprehendere : neque in humilitate & mansuetudine Christiana vis credere : sed præsupspositâ verbi Dei veritate , in quo tantopere gloriaris , consequenter rationem , ut potes , inquire quomodo effici possit quodd ex Christi*

*Hebr. 11.*

*verbis fieri oportere non licet dubitare : sicut inquisivit Abraham , cogitans quia & à mortuis suscitare potens est Deus , licet non illo , sed alio modo impleverit Deus quod promissit . Inquisivit & beata Virgo , cum ait : Quomodo*

*Luc. 1.*

*fiet istud , quoniam virum non cognosco ? & noli inquirere sicut inquisivit Zacharias , metudens non futurum quod per Angelum suum promittebat Deus : quia modum quo impleveretur non inveniebat . Sed sicut de salute animarum , quam futuram prævidebant , requisiverunt atque scrutati sunt Prophetæ , scrutantes in quod vel in quale tempus significaret in eis spiritus Christi , sicut i Petri 1 .*

*i Petri 1 .*

*dicitur . Certum est quodd coenantibus discipulis accepit Jesus panem , & benedixit , ac fregit , deditque discipulis suis , & ait : Accipite , & comedite , hoc est corpus meum . Sed quo ordine hæc facta sunt , quia in Scripturis sacris quædam interdum præoccupantur , quædam verò recapitulando narrantur , & quibus factis aut non factis miraculis hæc vera facta sint , quia in Scripturis sacris non exprimitur , ided ab humilibus & mansuetis scriptoribus , sine veritatis præiudicio , ad satisfaciendum curiosis & incredulis hominibus , non immeritò ratione inquiritur . Ego ut aperiarn quod mihi videtur , hunc ordinem & hanc rerum agendarum rationem servatam arbitror : accepit Jesus panem*

*ulsta-*

usitatum, qui mensæ appositus erat in cibum, eundem panem benedixit, dicens: *Hoc est corpus meum*, & benedicendo in suum corpus convertit, sic ut ibi non esset amplius substantia panis, sed in ejus locum succederet Corporis Christi substantia. Deinde fregit, panem videlicet jam benedictum, & benedictione in corpus Christi conversum & dedit discipulis edendum.

## CAPUT XIV.

*Quoddam Christi corpus in sacra Eucharistia, non ratione propriæ quantitatis, sed ratione quantitatis ex pane relicte in partes frangatur.*

Sed hîc insurgit difficultas, ex cujus obscuritate conaris intelligentiæ verborum Christi tenebras offundere, quid in pane per Christum benedictio frangi potuit. Nam substantia panis, quæ jam per benedictionem esse desierat, frangi non poterat, similiter nec substantia corporis Christi, ut apparet, quia facinus fuisset illam in partes dividere. Restat igitur, ut fracta & divisa sit panis magnitudo post benedictionem relicta, quæ modum & formam suam retinuit, & per se divisibilis est, sicut color visibilis. Nam quod ais colorem à substantia divisum videri non posse, etiam tuo Aristoteli contrarium est, qui docet colorem per se visibilem, substantiam verò sub colore latentem, non nisi ratione coloris. Cum itaque panis magnitudo post benedictionem integra permanferit, & suum modum ac formam servaverit, ipsa per se, & immediate à Christo divisa est: ipsum verò Christi corpus sub ea contentum, per accidens divisum est, non quidem eo modo quo divisum fuisset, si ratione quantitatis propriæ divisum fuisset, quia tunc sub parte quantitatis contenta fuisset & pars substantiæ corporis ejus, & non tota corporis Christi substantia sub qualibet parte magnitudinis: sed sic divisa est, ut & sub tota panis magnitudine, & sub qualibet ejus parte fuerit tota corporis ejus substantia, & tamen eo modo fracta & divisa, ut pluribus distribueretur, & locis distinctis sub diversis quantitatibus partibus esse dignosceretur. Ideo autem non dividebatur ibi Christi corpus ratione suæ magnitudinis, sibi accidentaliter inhærentis, quia hæc magnitudo ibi modum suum & formam non habebat, sine quibus non est divisionis capax. Hæc dicimus non miraculorum portenta confingentes, ad sustentandam transubstantiationem, sicut nobis impingis; neque transubstantiationem in sensuum judicio constituentes, sicut absque omni ratione & apparentia confingis: sed ad imitationem Sanctorum, quibus Deus per angelos locutus est, primum quidem fidei nostræ fundamentum & infirmitatis subsidium, divinam omnipotentiam statuentes: deinde exquirentes modum, quo vera esse possint Christi verba, quibus accepto pane ait, *Hoc est corpus meum*; quæ dubitare non possumus esse verissima, etiam si veritatis modum ignoremus. Sic enim credidit Abraham, quod in Isaac vocaret sibi semen (etiam si jubente Deo illum immolaret) arbitrans quia & à mortuis potens est *Heb. 11.* Deus suscitare; licet hunc modum non elegit Deus, ut diximus. Credidit & beata

Luc. 1.

1 Petr. 1.

beata Virgo, cum ait: *Quomodo fiet istud*, &c. Similiter & Prophetæ, scrupulantes in quod vel in quale tempus significaret in eis spiritus Christi, prænuncians eas quæ in Christo sunt passionēs, & posteriores glorias. Quod si tibi alius modus occurrit, quo verum esse possit, quod ait Scriptura sacra, Christum id fregisse, de quo ipse veraciter ait, *hoc est corpus meum*; non admodum tibi reluctabimur, modo consideratâ divinâ omnipotentia, credas Christum non inusitato & contorto, sed simplici & usitato sermone veraciter dixisse: *hoc est corpus meum*, & *hic est sanguis meus*. Nec nos movent absurditates, quas te ex verbis Christi, in proprio & usitato sensu acceptis, colligere existimas,

1 Cor. 1.

quia ex Apostolo didicimus, quod Deus elegit ea quæ sunt stulta mundi, ut confundat sapientes; & quod stultum est Dei, sapientius est hominibus: & quia mundus in Dei sapientia non cognovit per sapientiam Deum, placuit Deo per stultitiam prædicationis salvos facere credentes, qui humanæ cæcitatibus & ignorantia sibi consci, divinis verbis tanquam vero lumini cum modestia & humilitate acquiescunt, etiam si stultitiam & absurditatem secundum humanæ sapientiæ fumum continere videantur, quia volens Deus humanam superbiam conterere, etiam earum rerum fidem exigit, quarum intelligentiam non tribuit. Quapropter etiam si ego in harum difficultatum explicatione sic detinerer, ut nullum mihi pateret effugium, sicut de me gloriaris; attamen non erubescerem confiteri vera esse quæ locutus est Christus, etiam si veritatis modum explicare non possem; eosque impiè & infideliter agere, qui veritatem verborum Christi redarguere conantur consequentium miraculorum, quam putant, absurditate, quia quibusdam ait Christus: *Si cæci essetis*, id est, si cæcitatem vestram agnosceritis, peccatum non haberetis: nunc verò dicitis, quia videmus: Peccatum ergo vestrum manet.

Joan. 9.

## CAPUT XV.

*Quod licet Christi corpus nullâ circumscriptum dimensione possit cum panis substantia simul consistere; attamen non est dicendum panis substantiam remanere in Altaris Sacramento.*

**D**icis Christi corpus nullâ circumscriptum dimensione, seu magnitudinis suæ modum & formam non habens, æquè posse sub naturali pane atque sub inanibus accidentibus delitescere: sicut Martinus Lutherus asseruit priusquam vestra hæresis emergeret, dicens propter Christi verba, quibus ait: *Hoc est corpus meum*; corpus Christi in Sacramento Altaris præsens esse; sed tamen panem ipsum cum Christi corpore simul permanere. Fatemur id à Deo fieri potuisse, quod à Christo factum asseruit Martinus Lutherus. Sed quia à Christo dictum legimus: *Hoc est corpus meum*, non autem, hoc simul est panis & corpus meum, idè quod Christus hoc dicens demonstravit, fregit, deditque discipulis suis, corpus ejus fuisse credimus, panem autem sub quo corpus delitesceret, & quem propter usitatum naturæ cursum, corpus Christi penetraret,

Responsio.

netrarèt, esse non credimus; ne, sicut nobis impingis, non pro defendenda Scripturæ sacræ veritate, sed pro nostra libidine, ad sustentandas ad inventiones nostras, miraculorum portenta fingere dicamur, & omnipotentis Dei velum, quasi quoddam somniorum tegumentum, obtendere.

## C A P U T X V I.

*Quodd licet verba Christi: hoc est corpus meum, apud Matthæum ponantur post verba, accipite & comedite; & apud Marcum post verbum, dedit eis: attamen apud Matthæum debent intelligi dicta immediate post verbum, benedixit; & apud Marcum post participium, benedicens.*

Sed ais Christum nondum dixisse, *Hoc est corpus meum*, cum panem fregit Sac distribuit, quia verba hæc, *hoc est corpus meum*, apud Matthæum ponuntur post verbum, *accipite, & comedite*: Apud Marcum verò & Lucam post verbum, *dedit eis*: ex quo conaris efficere quodd Christus fregit, deditque discipulis eundem panem usitatum, quem ex mensa acceperat, & nondum his verbis benedictum, *Hoc est corpus meum*. An vos in vestra communione, juxta horum trium Evangeliorum ordinem, vestri consortii hominibus prius panem edendum detis, quam minister dicat: *Hoc est corpus meum*; vos videritis. Certè si in communione calicis, ordinem verborum sequimini, quem in suo Evangelio servavit Marcus, necessum est ut omnes prius bibant, quam dicat Minister: *hic est sanguis meus*: quia apud Marcum prius dicitur quodd Christus accepto calice gratias agens dedit eis, & biberunt ex illo omnes, quam addatur: & ait illis: *hic est sanguis meus novi Testamenti, qui pro multis effundetur*. Si autem in vestra communione, non obstante verborum Christi ordine apud Marcum posito, prius dicat Minister: *hic est sanguis meus*; quam bibant omnes ex calice, facile intelligitis, quodd quemadmodum apud Marcum, juxta sextam Ticonii regulam, quam recapitulationem vocat, ea quæ de calice à Christo prius dicta sunt, veluti posterius dicta narrantur: sic etiam apud Matthæum, Marcum, & Lucam, id quod de pane dictum, *hoc est corpus meum*, posteriori loco narratur, non debere accipi, tanquam Christus hoc posteriori loco dixerit, aut dictum intellexerit, sed quod suo loco ab Evangelistis prætermisum, posterius recapitulando narratur, ut sensus verborum hunc ordinem habeat: benedixit, dicens, hoc est corpus meum, fregit, deditque discipulis suis, dicens: accipite & comedite. Marc. 14.



## CAPUT XVII.

*Quodd fideles in transsubstantiatione panis, neque sensibus fallantur, neque præstigium patiantur; sed mente contemplantur quod non possunt assequi sensibus.*

*Obiectio.*

Post hæc sic argumentaris: Nihil falsi putandum est esse in sacrificio: sed in transsubstantiatione non oculi tantum, sed manus, & lingua, palatum, & denique ventriculus ipse deluditur, & præstigium patitur: igitur in Sacrificio nulla est transsubstantiatio. Responsio: Vellem etiam adjecisses, quod pro repudiando baptismo obiecit quidam: proles quæ Christi baptismo baptizatur, post ablutionem omnino talis apparet qualis ante fuit: igitur si in baptismo sit innovatio mentis & peccatorum remissio, sensus ipse, qui nihil mutationis advertit, fallitur & præstigias ac ludibrium patitur. Quo argumento etiam refellere posses, quod paralytico & mulieri peccatrici ait Christus in Evangelio: *Remittuntur tibi peccata tua*; quia uterque post hæc verba sensibus talis apparuit, qualis ante fuit. Dico igitur sensus humanos deludi & præstigias pati, non quando Deus in substantia panis, aut mente hominis latenter operatur, quod sensibus non observatur; sed quando diaboli industriâ foris apparent qualitates sensibiles, quæ aut non sunt, aut tales non sunt, quales apparent: sicut etiam in nube luminis reverberatio sensum fallit, quando varios colores apparere facit in iride, (quæ aëris affectio est) quorum constat aërem non esse capacem: & idem in transsubstantiatione panis, quæ verbis Christi efficitur, nulla est sensuum deceptio, quia nulla qualitatum falsarum sensibilibus apparitio: Sed Christiana mens verbis Scripturæ sacræ adjuta, & fide eorum instructa, quod sensu non assequitur, hoc fide veraciter contemplantur, quod carnalis incredulitas patrocínio sensuum, quo in multis ad cognoscendam veritatem adjuvamus, frustra conatur refellere.

*Obiectio.*

Etiam sic argumentaris: Apostolus dicit Christum fregisse panem: igitur non desuit panis substantia, quando panis à Christo frangebatur. Respondeo: Tu contendis de panis substantia rectè à Christo dictum: *hoc est corpus meum*; tantum quia panis adhibebatur ad significandum Christi corpus, cujus nullam præferebat imaginem: Et miraris si Apostolus imitans Scripturam Exodi 7. quæ serpentem ex virga Moysi factum adhuc virgam vocat, panem vocet Christi corpus, quod verbis Christi ex pane factum est, & adhuc integram panis figuram retinet; præsertim cum apud Apostolum statim præcedat mentio calicis benedictionis, per quam satis manifestè significat se non loqui de pane simpliciter, sed de pane benedicto, & virtute benedictionis in Christi corpus transmutato. Et quis ignorat mortua corpora, quæ formam hominis retinent, quotidie non tantum homines, sed etiam Petrum, Paulum, & Jacobum nuncupari? His igitur circumstantiis consideratis, Apostolus substantiam corporis Christi ex panis substantia factam, & formam panis integrè retinentem, rectè panem vocavit, dicendo, panem quem frangimus; etiam si vos perversè do-

*Obiectio.*

sè doceatis Christum de pane omnino immutato, tantùm quia ad significandum ejus corpus adhibebatur, dixisse, *hoc est corpus meum*. Defendis verbis substantivi, est, unam & simplicem esse significationem, quia semper significat esse; nec advertis quàm parum scitè idem per seipsum explices, dicendo, quòd verbum, est, semper significat esse. Non advertis etiam ipsum (esse) secundum tuum Aristotelem esse multiplex, secundum quod diversis attributis jungitur, atque ratione rerum significatarum, ad definitionem æquivocorum in categoriis positam pertinere; ac per hoc, dicendo quòd verbum substantivum, est, semper significat esse, non tantùm non ostendens ejus unam & simplicem esse significationem, sed tibi ipsi potiùs contradicendo, indicas ejus significationem non unam esse, sed multiplicem. Sicut etiam in eo palam testatus es, quod dixisti ipsum verbum, est, aliquando significare substantiam, aliquando verò esse sacramentaliter: Id quod tibi superiore Responsione objeci, non prætendens quòd esse sacramentaliter, non pertineret ad aliquod decem generum rerum, sicut vis videri. Sciebam enim illud pertinere ad ad aliquid, sed tantùm volens ostendere quòd simul dicendo verbi, est, unam & simplicem esse significationem; & ipsum verbum, est, aliquando significare esse substantiam, aliquando verò esse sacramentaliter: tu tibi in verbis tuis contradiceres, sicut cuivis advertenti manifestissimum est.

Valde etiam subtiliter inducis, quòd nemo reprehendat, Si quis de simulachro sancti Francisci interrogatus, è vestigio responderit, hoc est sanctus Franciscus, ac proinde usitatum esse sermonem, quod de pane, corpus Christi significante, dixerit Christus: *hoc est corpus meum*: quasi videlicet in pane mensæ appposito, reluceat ipsa corporis Christi imago, ex qua statim intelligatur analogia, secundum quam dixerit Christus: hic panis est corpus meum: sicut in simulachro sancti Francisci, relucet imago sancti Francisci, ex qua è vestigio intelligitur analogia, secundum quam dicitur hoc simulachrum esse sanctus Franciscus: aut quasi Christus ante hæc verba Apostolis significaverit, quòd quoties viderent panem aliquem mensæ appositum, semper de corpore ipsius cogitarent, & ipsum tanquam corporis ejus signum aspicerent, ut audientes Christum dicentem, *hoc est corpus meum*, è vestigio cogitarent ipsum hoc dicendo, nihil aliud voluisse significare, quàm panem quem in manibus habebat, esse corporis sui signum & memoriam. Non est igitur simile, quod pro simili adduxisti, videlicet quòd quemadmodum ostenso simulachro sancti Francisci, rectè & usitatè dicitur, hoc simulachrum est sanctus Franciscus: sic etiam ostenso pane mensæ appposito, Christus usitatè dixerit, hic panis est corpus meum: quia sicut dixi, in altero est manifestum analogiæ indicium; in altero verò non. Nec causam tuam juvat, quòd in Scripturis sacris multi sint tropi, quos sæpius inculcas: quia si quis inde colligat, sibi licere quæcunque voluerit pro suo arbitratu in tropum convertere, quis non videt eum sibi viam sternere, ut in Scripturis sacris id quod vult recipiat; quod verò nolit, hoc in tropum convertat? Ut igitur persuadeas, Christum non secundum proprietatem, sed secundum tropum & analogiam dixisse: *hoc est corpus meum*, &c, *hic est sanguis meus*: peculiaris & solida tibi reddenda ratio est, cur hoc nomen, *corpus meum*, &c, *sanguis meus*, in hac sermonis circumstantia non pro

substantia, sed pro signo substantiæ corporis & sanguinis Domini sumi debeat; quam quia diligenter & diu quæsitam non invenis, ided si catholicus esse velis, necessum est ut non tropum, sed proprietatem sermonis amplectaris, sicut hætenus amplexi sunt, quite & me fidem catholicam docuerunt.

## C A P U T XVIII.

*Quodd Scripturæ sacræ, quæ nomen, Deus, Dominus, aut Christus, aliquando significant posse rebus inanimatis attribui, non abutantur istis divinis nominibus, ad significandas rerum inanimatarum proprietates; sed tantum significant illa in suâ propriâ significatione accepta, rectè attribui rebus per substantias inanimatas sacramentaliter significatis.*

Sed nunc ad eum locum veniamus, in quo conaris refellere quod dixi in Scripturis sacris non extare exemplum, quo nomen aliquod Christi substantiam, sive divinam, sive humanam propriè significans, à sua propria significatione translatum, elemento aut inanimatæ substantiæ tribuatur, ad significandam ejus proprietatem. Ubi primum objicis quod ait Apostolus: *Omnes eundem potum spiritualem biberunt: bibebant autem de consequente eos petra: petra autem erat Christus*: ac prætendis nomen, petra, propriè sumi pro eolapide, qui in Oreb virgâ percussus aquas fudit: Nomen verò, Christus, (quod præsupponis propriè significare Christi substantiam, de quo fortè non immeritò dubitetur) non accipi juxta suam propriam significationem pro Christi substantia, sed tantum pro signo substantiæ Christi: quasi diceret Apostolus, quod omnes patres nostri fideles, qui in Moyse baptizati sunt, biberint de inanimata petra consequente eos per viam deserti: quæ petra in Oreb virgâ Moyse percussa, populo sitienti aquas fuderat, eratque sacramentum ipsius Christi: ac proinde ab Apostolo diceretur, quod petra illa erat Christus. Qui sensus verborum Apostoli omnino consistere non potest, quia licet petra illa insensibilis, percussa in Oreb, posset intelligi spiritualis, quia rem spiritualem significabat; atamen dici non potest quodd manens in Oreb, consequeretur populum per viam deserti, quodque ei potum corporalem aut spiritalem suppeditabat: sed hoc necessariò de Christo accipiendum est, qui per fidem habitans in cordibus eorum, & ab eis non recedens, semper eos spirituali potu reficiebat, sicut Joannis sexto ait: *qui credit in me, non sitiet in æternum*: quia credendo bibit de aqua, quam se Christus daturum pollicetur. Est ergo sensus verborum Apostoli, sicut etiam docet Chrysostomus, quod omnes patres nostri in Moyse baptizati, qui idem nobiscum crediderunt, eandem inter se & nobiscum escam spiritualem manducaverunt, & omnes eundem spiritualem potum biberunt, nempe carnem filii hominis & ejus sanguinem, in quibus non caro & sanguis, sed spiritus est qui vivificat; & ided meritiò vocantur esca

& potus spirituales, de quibus ait Christus: *Qui venit ad me, non esuriat: & Joan. 6. qui credit in me, non sitiet in æternum: caro enim mea verè est cibus (inquit) & sanguis meus verè est potus: qui manducat meam carnem, & bibit meum sanguinem, in me manet, & ego in illo.* Christus enim ratione carnis & sanguinis, in quibus pro nostra salute est passus, erat esca illa spiritalis, & potus spiritalis, de quibus loquitur Apostolus, sicut manifestè significat; cum subdit: *Bibebant autem de spiritali confluence eos petra; petra autem erat Christus.* Et ne quis fortè suspicaretur Apostolum loqui de potu materiali, quem in Oreb fuderat petra, vel de ipsa petra insensibili, quæ aquas ibidem fuderat, dicit quodd bibebant eundem potum, non materiale, sed spirituale: ac subdit, non quodd bibebant de inanimata & insensibili petra, manente in Oreb, sed de spiritali, confluence eos petra, quæ erat Christus, in quem credendo carnem ejus manducabant, & sanguinem bibebant, sicut ait: *Qui venit ad me, non esuriat: Joan. 6. & qui credit in me, non sitiet in æternum.* Unde Augustinus: *Crede, inquit, & manducasti,* quia manducare carnem filii hominis, & bibere ejus sanguinem, est credendo vitam in se habere. Loquitur ergo Apostolus non de signis quibus in veteri testamento usi sunt Judæi, hoc est, non de manna, neque de aqua quam fudit petra in Oreb, neque etiam de ipsa petra insensibili; sed de rebus per illas figuras sacramentaliter significatis, quæ sunt omnibus fidelibus tam Veteris quam Novi Testamenti tempore communes, nempe de carne & sanguine Christi, quæ ipsi juxta doctrinam Christi Joannis 6. credendo manducabant & bibebant; sicut & nos manducamus & bibimus, quando credendo carnem & sanguinem Christi spiritaliter manducamus & bibimus. Similiter si arca fœderis, aut alia quævis res, quæ tempore Veteris Testamenti, divinæ aut humanæ Christi substantiæ sacramentum fuit, alicubi in Scripturis sanctis, Deus aut Dominus esse significetur, ut Numerorum 10. Ubi cum elevaretur arca, dicebat Moyses: *Surge Domine, & dissipentur inimici tui;* ubi significari videtur quodd arca erat Dominus, non est intelligenda vox, Deus, seu Dominus, à sua propria significatione transferri, ut significet signum divinæ aut humanæ Christi substantiæ, seu proprietatem rei inanimatæ, quæ voce subjecta significatur, sed intelligenda est hæc vox, Deus, seu Dominus, in propria sua significatione accipi, atque enuntiari, non de substantia inanimata, quæ subjecti voce propriè significatur, nempe de arca testamenti, sed de re sacramentaliter significata per illam rem inanimatam, quæ per vocem subjectam significatur. Miror te non adduxisse, quod aiunt Philistæi primo Regum 4. capite de arca Dei: *Venit Deus in castra;* ut ostenderes quodd arca fœderis dicta sit Deus, quia erat Dei signum: sed forsitan advertisti Philistæos nomine Dei, non signum divinæ substantiæ intellexisse per tropum; sed verum Deum, quem, juxta suum errorem, credebant arcæ contineri. Vade nunc, & profer Scripturas sacras, in quibus vox aliqua, divinam vel humanam Christi substantiam propriè significans, à sua significatione transferatur, ad significandam rei inanimatæ proprietatem, quia quas veluti de nobis triumphum agens protulisti, nihil instituto tuo serviunt, cum in eis voces quas divinam substantiam significare prætendis, à sua propria significatione non transferantur, sed in sua propria significatione acceptæ, intelligantur de ea



reuniri, quæ sacramentaliter significatur per rem inanimatam, quæ voce  
 1 Cor. 10. subjecti significatur, ut dictum est. Omnia enim tunc in figura contingebant  
 eis, & non tantum vocibus, sed etiam rebus, quibus temporaliter à Deo ju-  
 vabantur, spiritualiter erudiebantur: sicut etiam tempore Novi Testamenti  
 Joannes Baptista per descensum columbæ super Christum, edoctus est quod  
 Joam. 1. Spiritus sanctus super ipsum descendisset. Quamobrem si Scriptura sacra ali-  
 cubi diceret illam columbam, quæ tunc super Christum descendit, fuisse Spi-  
 ritum sanctum, non deberemus intelligere vocem, Spiritum sanctum, à  
 sua propria significatione deflecti, ut significaret signum Spiritus sancti: quasi  
 diceret, hæc columba est signum Spiritus sancti; sed consideratà facti circum-  
 stantiâ, deberemus intelligere ipsam vocem, Spiritus sanctus, in propria si-  
 gnificatione acceptam, de particulari illa reuniri, quæ per illam colum-  
 bam sacramentaliter significabatur, nempe de persona Spiritus sancti, ut vi-  
 delicet allegoria intelligeretur esse non in aliqua voce, sed tantum in re per  
 subjectum significata, quæ ad significandum Spiritum sanctum fuit adhibita.

## C A P U T XIX.

*Quod corpus Christi in sacramento Eucharistiæ, res sacra  
 sit, & nihilominus sacramentum corporis  
 Christi in cruce oblato.*

POST hoc, sicut præfando omnia te ex Scripturis demonstraturum esse pro-  
 fiteris, & differendo, relictis Scripturis sacris, statim te totum effundis in  
 dicta Aristotelis & rationes frivolas potius quàm philosophicas: sic etiam  
 mihi objicis quod alto somno dormiam, quod mihi ipsi contradicam, quod  
 oculos mihi adimam; & nihil dignum profers, quo id rationabiliter ostendas.  
 Nam quod ais corpus Christi esse ipsam rem sacram, ac per hoc non posse sui  
 esse sacramentum; sed oportere dicere panis substantiam esse Sacramentum  
 Eucharistiæ: tritum & jamdudum detritum argumentum est. Sicut enim tu  
 dicis quod panis tuus, absque ulla mutatione à Christo benedictus, & absque  
 sanctitate sanctificatus, sacramentum est Christi in cruce patientis, quem sa-  
 crificando & sumendo, elevatâ mente per fidem considerare oportet: sic et-  
 iam dicit Christi Ecclesia quod corpus Christi contentum sub speciebus panis,  
 ratione quarum cernitur, & ubi sit, etiam sensibus discernitur, est sacramen-  
 tum corporis Christi pro nobis in cruce morientis: quo sacramento significatur  
 quod Christus moriendo factus sit nobis panis verus, qui de cælo descendens  
 dat vitam mundo. In quam morientis formam intenti sunt sacrificantes, non  
 oculis carnis, sed memoriâ & consideratione mentis, sicut præcepit Chri-  
 stus dicens: *hoc facite in meam commemorationem.* Nec Ecclesiæ displicet aut  
 contemptibilis est forma corporis Christi, secundum quam in sacramento  
 continetur, sicut ridens calumniaris; quia in ea quotidie (te & tibi similibus  
 subsannantibus) Christum reverenter & suppliciter adorant. Sed quia Christi  
 passio, nostra est redemptio, ob quam clamat Ecclesia: *O crux ave spes unica;*  
 ideo

ided sacrificantes oculis carnis sacramenti formam contemplantes, & humiliter adorantes, in laudem & gratiarum actionem, memoriam & contemplationem suam in eam formam transferunt, quam Christi corpus in cruce habuit, in qua sola, propter suam redemptionem gloriatur Apostolus, & omnes glorari debemus. *Galat. 6.*

## CAPUT XX.

*Quod hæretici contra rationem catholicos crudelius tractent, quàm ab eis tractentur.*

**H**ic obiter gloriaris quòd vos de veritatis luce confisi, in locis vobis subditis, librorum nostrorum exemplaria populo permittitis. Possem hîc respondere quod ait quidam: *Docilis pravi Romana juvenus*; quodque homo corruptus, longè facilius capiat malis, quàm bonis emendetur. Cæterùm si tantum de veritatis vestræ luce confiditis, ut contranitentes non reformideatis, quid est quòd Anglia publico edicto prohibuit libros à Papistis lingua vulgari scriptos in Angliam inferri? Quid est etiam quòd vos contra pacta & juramenta, quibus jurastis, Catholicos qui se vobis conjunxerunt, in sua religione defendere, templa eorum & sacramenta prophanatis, imagines conteritis, Sacerdotes, Monachos, & alios de veteri religione suspectos, quæsitis occasionibus, aut sub specie tumultus spoliatis, occiditis, ejicitis, ne plebem in antiqua religione retineant; aded ut & Abbates, & magna pars nobilitatis à vobis prius falsis promissis circumventæ, quorum autoritate & ductu in hanc patriam admissi estis, vestrâ perfidiâ ac perjuriis offensi, jam à vobis defecerint, & non obstantibus injuriis, quibus se ab Hispanica gente affectos existimant, ad partes Regiæ Majestatis redierint? Sed etsi Catholici principes de vobis aliquid durius statuerent, quàm vestri dūces de Catholicis statuunt, an id præter rationem fieret? Quis enim, nisi planè barbarus & omni ratione destitutus, in communem hostem, qui tantum ex eo hostis est, quia suo principi fideliter adhærens, id permanet quod ab infantia fuit, & à suis majoribus accepit? Quis, inquam, in hunc ita vindicandum esse censeat, sicut in perditionem sui Principis, suæque religionis à suis majoribus acceptæ perfidum desertorem, qui non contentus suâ perfidiâ, fraudibus, perjuriis, dolis, & violentiâ, aliena tam sacra quàm prophana invadat & conterat? Nunquam enim fuimus quod estis, nec aliquid vobis promissimus, neque à vobis unquam defecimus, ut vobis hostes efficeremur; vos à nobis, nostra religione, nostroque Principe contra fidem datam, contra majorum instituta defecistis. Vos vosmetipsos Romanæ Catholicæ religioni subtraxistis, & substractos Romanæ Catholicæ religionis desertores appellastis. Vos discedendo à nobis, hostilem erga nos animum induistis, etiam si nostrorum plerique Christianæ fraternitatis memores, non tam irascantur vestræ malitiæ, quàm cecitati condoleant. Ubi igitur non est paritas in causa, quid mirum si dispar esset vindicta aut disciplina? Sed qui mores & artes vestras experti sunt, probè norunt, quantum crudelitatis erga Sacerdotes, Monachos, & alios catholicos exer-

exerceatis, ubi non timetis regni vestri diminutionem. Et interim, ut vulgus hominum Christi Ecclesie intensum reddatis, in hoc toti estis, ut oculos eorum convertatis in maculas, rugas, aliasque abominationes, quas in medio Ecclesie gemunt & dolent, qui ad decorem domus Dei pertinent, & super quorum frontes, apud Ezechielem, jubet Dominus signari Thau: ut hoc modo persuadeatis, in agro Domini non crescere simul utraque, triticum videlicet & zizania, usque ad messem, sed omnes catholicæ Ecclesie filios, & maxime Præfectos qui Romæ consistunt, tales esse, quales partim cernitis, partim fingitis illos esse, in quos solos vultis oculos hominum intendi, nec in agro Domini superesse triticum, in cujus medio dicit Christus superseminata esse zizania; sed sola restare zizania, etiamsi Christus in Scriptura sacra, ad quam semper provocatis, apertis verbis mandet, ut sinantur utraque crescere usque ad messem, & in tempore messis dicturus sit messoribus: *Colligite primum zizania, triticum autem congregate in horreum meum.* Nam in adventu filii hominis, duo erunt in agro; unus assumetur, & unus relinquetur: duæ molentes in mola; una assumetur, & una relinquetur: duo in lecto; unus assumetur, & unus relinquetur. Licet igitur in zizaniis & levibus paleis, quæ tanquam pulvis à tentationum vento huc illucque rapiuntur, à vobis blasphemetur Ecclesia, quia triticum attendere non vultis; attamen per eos qui frumentum sunt, & ad frumentum aspiciunt, impletur quod ait Psalmista: *Confitebor tibi in Ecclesia magna, in populo gravi laudabo te.*

Ezech. 9.

Matt. 13.

Matt. 24.

Psal. 34.

## CAPUT XXI.

*Quod de Ecclesia differendo non sint intelligendæ duæ Ecclesiæ, sed una duntaxat.*

**N**unc ad illud venio, quod in extrema parte responsionis meæ graviter arguendum censuisti. Dixeras in tuis objectionibus, horrendam Gothorum vastationem, Ecclesie pro virtute libidinem, pro justitia tyrannidem, pro pietate superstitionem innoxisse. Ego contractiori sermone repetivi te dixisse, horrendam Gothorum vastationem ecclesiam corrupisse, vitiis videlicet ac erroribus; & ostendi secundum Scripturas sacras, Ecclesiam Christi persecutionibus, afflictionibus, & vastationibus non corrumpi, sed purgari à vitiis, quæ pacis tempore contrahit: sicut de lapsis testatur Cyprianus, dum loquens de lapsu Fidelium ait: *Cladis causa cognoscitur, quia traditam nobis disciplinam pax longa corruperat, jacentem fidem, & penè dixerim dormientem censura cælestis erexit; & dum Domini mandata contempsimus, ad correctionem delicti, & probationem fidei, remediis severioribus venimus.* Hic tu lectoris judicium imploras, ut me calumniæ reum agas, quod servatâ verborum tuorum sententiâ alio sim usus sermone. Deinde petis observari cavillum plus quàm sophisticum, in ambiguitate verbi, Ecclesia, quam dicis non debuisse aliam intelligi, quàm visibilem, quæ à Christo piscium sagenæ & aræ tritici similis perhibetur. Quis significavit aut intelligere potuit, te de alia Ecclesia locutum quàm de visibili, quæ à Christo sagenæ piscium & aræ tritici comparatur? nisi forte qui



qui contra symbolum fidei tecum sentit, seu potius desipit, non unam sanctam catholicam & apostolicam esse Ecclesiam, sed duas, & corpus Christi esse bipartitum, sicut 2. suâ regulâ docuit Tyconius, quem de doctrina Christiana reprehendit Augustinus. Lege Cyprianum de unitate Ecclesiæ, & observa Scripturas sacras, quibus probat quod in symbolo fidei canit Ecclesia unam sanctam catholicam & apostolicam esse Ecclesiam; & faciliè intelliges me nec voluisse, nec debuisse dicta tua aliter intelligere, quàm de una sancta Ecclesia, à Christo in Evangelio commendata, & sagenæ piscium comparata, de qua ait in Canticis: *Una est columba mea, perfecta mea, una est matri suæ, ele-* Cantic. 6.  
*ctagenitrix suæ.* Sed tu fortè tibi conscius, quod hujus unius catholicæ Ecclesiæ desertor es, aliam fingis Ecclesiam, in qua tu cum tuis contra Dei legem, contra apostolicam traditionem salvari queas. Falleris, Sanct-Aldegonde frater, falleris, & alios fallere niteris. Quisquis ab Ecclesia segregatus adulteræ jungitur, à promissis Ecclesiæ separatur, inquit Cyprianus: Nec perveniet ad Christi præmia, qui reliquit Ecclesiam Christi. Nemo ascendit in cælum, nisi qui descendit de cælo, filius hominis qui est in cælo, caput videlicet cum corpore. Et idèd si ad unicum Christi corpus non pertinueris, donorum cœlestium particeps non eris, sed caliginis tenebrarum, quæ seducto-  
 ribus reservatur in æternum. Ego igitur ex Scripturis sacris ostendens Christi Ecclesiam in persecutionibus & afflictionibus, vitiis non corrumpi, sed purgari, (sive quia palmites in Christo fructum facientes, tanquam aurum in fornace igne tribulationis expurgati, plus fructus afferunt, contemnentes quæ vobis rapientibus amiserunt: sive quia paleæ vento flante aut ab Ecclesia rece-  
 dunt, aut afflictione intellectum dante, in triticum commutantur) non aliam cogitavi Ecclesiam, quàm illam quæ in Evangelio sagenæ missæ in mare, & aræ tritici comparatur. Sed non ignoravi, quod tu videris non advertisse; *Esaia 28.*  
 unius & ejusdem Ecclesiæ in Scripturis sacris duo nobis tempora commendari. Alterum in hac vita, ubi multi mali bonis sunt permixti, ratione quorum sa-  
 genæ comparatur, bonos & malos pisces congreganti, quæ ait in Canticis: *Aug. in na-*  
*Nigra sum, sed formosa.* Nigra, propter malorum permissionem, & tribu-  
 lationum multitudinem: formosa, propter sanctos, de quibus Psalmista: *Do-* Cantic. 1.  
*mine dilexi decorem domus tuæ, & locum habitationis gloriæ tuæ: Qui videlicet* Psal. 25.  
*sunt vitæ sanctitate decori, & de suo decore non in se, sed in Domino gloriantur.* Alterum verò Ecclesiæ tempus est, post hanc vitam, de quo ait Aposto-  
 lus: *Christus dilexit Ecclesiam suam, & tradidit seipsum pro ea, mundans eam la-* Ephes. 5.  
*vacro aquæ, in verbo vitæ, ut exhiberet sibi gloriosam Ecclesiam, non habentem maculam, aut rugam,* aut aliquid hujusmodi. Nam in hac vitæ miseria, licet Ecclesia filios Dei contineat, nondum tamen est in cisgloriosa, quia nondum ap-  
 paret quid erunt; nec caret maculâ & rugâ, quia habet immundos, fornicatores, & adulteros, qui sunt ecclesiæ macula, & falsos fratres ambulantes  
 in astutia, qui sunt duplicitatis ruga; quibus omnibus carebit, quando oves ab hædis separatæ, possidebunt regnum sibi ab origine mundi præparatum. *Matt. 25.*  
 Hæc disputavi ut potui, non ex argutis scholasticorum quodlibetis, sed ex simplici Scripturarum veritate: quam si, relicto tuo Aristotele, tam diligenter discrendo, quàm præfando & jactando, in hac tua responsione profecurus  
 fuisses,



fuiſſes, forſitan apud cordatum lectorem plus ſolidæ laudis & exiſtimationis conſecutus fuiſſes. Sed dum hæc unâ reſponſione, tu decies plura ex Ariſtotele & Scholaſticis Doctõribus attuliſti, quàm ego hæcenus in omnibus ſcriptis meis, & nihilominus ex ſola tua præſumptione non erubeſcis effundere, quòd in Scholaſticorum argutis quodlibetis ætatem potiùs quàm in Scripturarum ſimplici veritate, pro Academiæ noſtræ more, triverim. Quid aliud cordatis lectoribus cogitandum relinquis, quàm te in præſando, jactando & aſſerendo, plus fiduciæ ponere, quàm diſſerendo, & ex Scripturis ſacris demonſtrando, quæ jactanter aſſeris? Forſitan non deerunt qui ex hac unica reſponſione judicabunt me non ita triviſſe ætatem in Scholaſticorum argutiis, quin Deus mihi ex Scripturis ſacris apta & ſufficientia ſanctarum Scripturarum teſtimonia ſuggeſſerit, quibus & errores tuos coarguerim, & objectiones tuas ita diſſolverim, ut potiùs habeas unde erubeſcas, quàm unde glorieris. Denique cauſam aggrediens, ut oſtendas hoſtium vaſtationes, Eccleſiæ vitiorum corruptionem inveniſſe, remittis me ad locum Siloh, ad Hieruſalem, ad montem Sion: item in Aſiam, Græciam, Ægyptum, Africam, & antiquam Romam, cui noſtram Romanam Eccleſiam brevi aſſimilandam auguraris, & petis ut quis illas Eccleſias vaſtarit atque everterit edoceam. Ac denique rogas an non videam urbium ruinas, hominum excidia, gentium ac populorum internecciones. Quasi videlicet urbium ruinæ, hominum excidia, gentium ac populorum internecciones, ſint Eccleſiæ Dei in moribus & doctrina corruptiones, & non potiùs purgationes vitiorum, quæ tempore pacis, ſeu potiùs tempore pacatæ libidinis, ſolent irrepere. Video igitur non tantùm in ſacris hiſtoriis quas commemoras, ſed etiam in veſtris moribus & injuriis, quibus quotidie infeſtatis & exercetis Chriſti Eccleſiam, domorum, templorum, ac urbium ruinas, internecciones hominum, oppreſſiones, ſpoliationes, & exilia Sacerdotum, Monachorum, Monialium, & aliorum, quos de antiqua catholica religione ſuſpectos habetis. Sed doleo te non videre hæc quæ in ſanctos impiè committitis, non eſſe (quam intenditis) Eccleſiæ, quæ in fide & moribuseſt, corruptionem, ſed tantùm terræ & carnis vaſtationem. *Terra enim data eſt in manus impii*, inquit Job. Unde Eccleſia apud Pſalmiſtam: *Pſal. 26. Dum appropinquant ſuper me nocentes, ut edant carnes meas, qui tribulant me inimici mei, ipſi infirmati ſunt & ceciderunt. Qui igitur Eccleſiam Dei perſequuntur, carnem vaſtant, non ſpiritus, in quo Eccleſia eſt, nec illam infirmant. Cum enim infirmor, tunc poſens ſum*, inquit Apoſtolus; ſed ipſi infirmantur & cadunt, & ſine effectu malæ ſuæ voluntatis mercedem juſtam accipiunt: ipſa verò Eccleſia, in die malorum protecta in petra, ſuper quam ædificata eſt, hoſtium ſuorum perſecutionibus exaltatur. Primùm quidem in iis qui pro catholica religione occiſi ſunt, & falce paſſionis expurgati, calcato leone & dracone, in horreum Domini congregantur. Deinde in iis qui mendacibus litteris, aut calumniſis accuſationibus oppreſſi incarcerationantur, ſpoliantur, in exilium mittuntur, & hiſ tribulationibus exercitati, diſcunt præſentia deſpicere, & ad eos pertinent, de quibus ait Chriſtus: *Omnem palmitem in me ſerentem fructum, purgabit eum, ut fructum plus afferat: patientia enim opus perfectum habet.* Et denique in iis qui ex converſatione vos propiùs cognofcentes, ingemifcunt,

& spectante mundo detestantur quòd unquam dolis ac perjurii vestris crediderint. Et non obstantibus injuriis, quas se ab exteris passos existimant, malunt bonis temporalibus exui, & cum rubore detestari pacta, quæ decepti vobiscum inierunt, quàm diutius amicitia ullâ vobis conjungi. Qui verd amore terrenorum, aut antiquæ religionis perturbati, ante tempus novissimæ ventilationis sese, à sanctorum societate separantes ultrò ad vos transeunt; & vobis tantò acceptiores sunt, quantò in persequendis sanctis sunt ardentiores: hi Ecclesiam Dei non maculant, sed à sordibus exonérant, quæ ad vos quotidie defluentes, societatem vestram magis magisque sordescere faciunt: sicut in *Apoc. 22.* *pocalypsi* legimus: *Qui sordet, sordescat adhuc.*

## CAPUT XXII.

Quòd heretici maledictis suis Ecclesiam exaltent,  
& se in infernum præcipitent.

Ultimo loco nobis impropèras, quòd Ecclesia Romana à veritatis doctrina, si non fœdiùs, at certè multò proterviùs & petulantius se averterit, quàm unquam fecerit Ecclesia Judaica, quippe quæ non ausa fuerit statuere Deum in terris. Miror te non advertere quàm ineptè argumenteris, ab Ecclesia Judaica, quæ tempore Veteris Testamenti fuit, ad eam quæ exiit tempore Novi Testamenti, quasi videlicet Deus, veniente Christo, nihil Ecclesiæ suæ contulerit, quod sibi illa potuerit statuere, quin idipsametiam olim per Moysen Ecclesiæ Judaicæ sit impertitus. Et ubi est quod ait Propheta: *Post hoc in terris visus est, & cum hominibus conversatus est;* de quo & Joannes in Evangelio: *Verbum caro factum est, & habitavit in nobis;* & rursus primâ suâ epistolâ: *Quod fuit ab initio, quod audivimus, quod vidimus oculis nostris, quod perspeximus, & manus nostra contrectaverunt de verbo vita, & vita manifestata est, & vidimus & testamur, & annuntiamus vobis vitam æternam, quæ erat apud patrem, & apparuit nobis.* Sunt & alia multa, quæ Ecclesia tempore Novi Testamenti, sine mendacio sibi statuere potest, quæ non potuit sibi statuere Judaica. Sed quia video te istud ad Romanum Pontificem detorquere, quem calumniaris ab Ecclesia catholica Deum statui, paucis conabor respondere tuæ calumniæ. In primis constat apud Judæos summum Sacerdotem fuisse summum judicem, *Deut. 17.* cujus sententiam sequi oportuit sub pœna mortis. Quod quia tempore Novi Testamenti recusatis agnoscere, idèò in hac parte non nos, qui hoc in Pontifice Romano agnoscimus, sed vos, qui nullum talem judicem in terris recipitis, Judæis estis deteriores. Secundò fatemur Presbyteris omnibus dictum à Christo: *Quorum remisistis peccata, remittuntur eis: & quorum retinueritis, retenta sunt.* *Joan. 20.* Id quod Judæi nec ipsi Christo in terris concessum fuisse crediderunt, dicentes: *Quis potest dimittere peccata, nisi solus Deus?* Quibus an vos in hac parte eis tantum similes sitis, an verd etiam deteriores, qui credente mundo datam Sacerdotibus potestatem dimittendi peccata, id credere recusatis; ipsi videritis. Tertiò credimus omnibus Episcopis generaliter dictum: *Pascite*

- 1 Petr. 5. *qui in vobis est gregem: &: Quæcunque alligaveritis super terram, erunt ligata & in cælo; & quæcunque solveritis super terram, erunt soluta & in cælo. Ipsique Petro & successoribus ejus Romanis Episcopis peculiariter & singulariter dictum:*
- Matt. 18. *Tibi dabo claves regni cælorum, & quodcunque ligaveris super terram, erit ligatum & in cælis: & quodcunque solveris super terram, solutum erit in cælis: & rursus:*
- Joan. 21. *Petre, diligis me plus his, pascere oves meas; ut quod cæteris Episcopis pluraliter dictum, & communiter datum est, hoc Petro singulariter dicendo, & peculiariter commendando, eminentius & sublimius, tanquam omnium Episcoporum primati & præfecto, dictum intelligeretur. Quod quia vos nec vi, nec ratione aliquâ probabili potestis invertere, ideo ut ipse Pontifex, & alii fideles qui à vobis nondum occiduntur aut corporaliter affliguntur, non sint ejus benedictionis expertes, quam Christus iis promittit qui propter justitiam persecutionem patiuntur, sumptâ occasione unde vobis lubet, & exco- gitatis quotidie novis blasphemiiis, diligenter adimpletis quod Christus in e- vangelio subjunxit: Beati estis cum maledixerint vobis homines, & persecuti vos fuerint, & dixerint omne malum adversum vos, mentientes propter me, gaudete & exultate, quoniam merces vestra magna est in cælo. Hoc solum dolendum est, quodd vestris maledictis Romanum Pontificem & alios Fideles apud Deum exaltando, vos ipsos in infernum præcipitetis, ubi aliquando obmutescetis: sicut apud Psalmistam prænunciat Ecclesia Catholica dicens: Domine non confundar, quoniam invocavi te; erubescant impii & deducantur in infernum, muta- siont labia dolosa, qua loquuntur adversus justum iniquitatem in superbia & in abu- sione.*
- Matt. 5. *Beati estis cum maledixerint vobis homines, & persecuti vos fuerint, & dixerint omne malum adversum vos, mentientes propter me, gaudete & exultate, quoniam merces vestra magna est in cælo. Hoc solum dolendum est, quodd vestris maledictis Romanum Pontificem & alios Fideles apud Deum exaltando, vos ipsos in infernum præcipitetis, ubi aliquando obmutescetis: sicut apud Psalmistam prænunciat Ecclesia Catholica dicens: Domine non confundar, quoniam invocavi te; erubescant impii & deducantur in infernum, muta- siont labia dolosa, qua loquuntur adversus justum iniquitatem in superbia & in abu- sione.*
- Psal. 30. *Domine non confundar, quoniam invocavi te; erubescant impii & deducantur in infernum, muta- siont labia dolosa, qua loquuntur adversus justum iniquitatem in superbia & in abu- sione.*

Visum est hæc pauca, ex conscientie meæ testimonio, objectionibus tuis respondere, Sanct-Aldegonde frater, forsitan nonnihil alio orationis vultu, quam nuper respondi quæstionibus tuis, sed non alio animo: quia sicut tunc, ita & nunc, ex animo conatus sum tibi ostendere veritatem, & ab errore conver- sum ad nos revocare: aliter tamen tunc monendum judicavi quærentem veritatem, & veluti in suis erroribus dubitantem: aliter verò nunc, resolutum, & ex professio oppugnantem veritatem. Expecto nihilominus, & quotidie sup- pliciter oro, ut Deus aliquando tenebras tuas illuminet. Quodd si non sum di- gnus exaudiri, aut si Deus ita tibi offensus sit, ut nec Ecclesiam suam, idipsum quotidie pro te supplicantem, audiat; saltem spero hunc meum laborem iis profuturum, quos tuis disputationibus conaris à fide avertere, & tecum erran- do, aut dubitando, in æternam damnationem præcipitare.

P H I L I P P I  
M A R N I X I I  
S A N C T A L D E G O N D I I  
R E S P O N S I O,

*Ad Michaelis Bati Lovaniensis Academiae Cancellarii,  
& S. Theol. Professoris Apologiam.*

**L**ibellus ille tuus postremus, mi Bati, quoad mea scripta respondisti, superioribus nundinis Francosurtensibus in lucem editus, vix tandem mihi huc ex Anglia reverso redditus fuit. Eum tu inscribis Apologiam, quum sit atrox & convitii plena criminatio, & quasi pro tribunali promulgata sententia, quâ me impietatis, doli, perfidiæ, atque hæreseos damnatum, in infernum præcipitans, jubes obmutescere. De tua tamen hac æquitate & modestia nihil dicam. De causa ipsa respondebo, æquumque lectorem obsecrabo, ut omni deposito præjudicio, collatisque Scripturæ testimoniis, & rationibus ac firmamentis utrinque à nobis productis, semel totam rem æstimer, & quod erit veritati consentaneum, sequendum sibi statuatur. Sed priorem tui libri partem, quia nescio cui Magistro Antonio Genardo inscribis, & in ea purgas te Minoritæ cuipiam Francisco, ni fallor, Horantio, de gravissimis scilicet quæ tibi impeggerat criminibus (nempe, quod & me nimia lenitate prioribus tuis responsionibus corripuisses, & Judicium de Ecclesia ex sola Scriptura sumendum censuisses) quia propriè ad causam nostram non pertinet, attingam quàm potero brevissimè. Reliquam vobis litem inter vos dirimendam relinquam.

Et principio quidem, quod ais, *si tibi fuisset subjectus, & in tua potestate pos-* Pag. 1  
*tus, fuisse te mihi forsancum increpatione responsurum, & minando deterriturum ne ejusmodi periculosis disputationibus incumbere: sed quia habebam te potius in potestate mea, quàm tu me in tua, non me putasti illâ gravitate terrendum fuisse, quàm à te requirit Horantius.* Næ tu prudenter & ut caurum virum decet, increpationem tuam opportunâ lenitate temperasti. Meque præclaro hoc beneficio, quod cum omnibus tibi latronibus est commune (parcunt enim iis quos non habent in potestate) vehementer obstrinxisti. At ego verò magnas Deo immortalî gratias ago, qui me tam tyrannico imperio & potestate, quàm in vestros exercetis, justissimis ad libertatem datis vindiciis, asseruerit. Vos enim vestris



laicis, in quibus ego meum nomen non recuso profiteri, Sacrorum librorum lectione interdicitis, veritatem ex Dei verbo investigare nefas esse decernitis, quicquid vestra credit Ecclesia, id est, quicquid pro vestra libidine atque auctoritate credendum esse statuitis, id omne non secus illos ac divina oracula & credere & venerari cogitis. De reliquo, iudicium omne rerum tollitis. Ego me certè belluam propemodum esse mavelim, quàm alieni erroris atque libidinis tam abjectum mancipium.

Deinde quòd iudicium de Ecclesia sejungis à iudicio de ejusdem constitutionibus & traditionibus, facis tu quidem peracutè, ut cætera omnia, sed quàm candidè ac sincerè, tu ipse videris.

Nec enim potes ignorare, duas à me tantùm quæstiones fuisse de Ecclesia propositas: Priorem, an Ecclesia ejusque constitutiones seu traditiones (hæc enim omnia pro eodem per Epexegetin posueram) nullum haberent aliud *existeret* nisi consuetudinem eorum qui se profitentur Romanam sectari Religionem? Et si quod haberent aliud, quibus tandem vel sanctionum, vel decretorum, vel dogmatum limitibus ac repagulis continerentur? Alteram verò, An Ecclesia tribuat verbo Dei auctoritatem dignitatemque, an contrà verbum Dei Ecclesiæ? Hæc quidem posterior pertinet ad iudicium de Ecclesiæ corpore, ut ubinam illud sit decerni queat. Nam si verbum Dei Ecclesiæ omnem tribuit dignitatem, planè efficitur ex illius decreto statui debere, ubi sit illa Dei Ecclesia.

At priori verò quæstione, nihil poteras suspicari me aliud petiisse, nisi ut unde tu nos volles nostræ disputationis de doctrinæ controversiis capitibus firmamenta depromere, semel & clarè explicares. An scilicet ex auctoritate solius Scripturæ, an verò ex Patrum variis & sæpè inter se pugnantibus interpretationibus, an ex effrenatis atque impotentibus Pontificum decretis, an ex contentiosis Synodorum sanctionibus, an denique ex horridis ac spinosis Scholasticorum concertationibus, ut semel hoc fundamento constituto, in reliquo orationis progressu nulla inter nos nova ea de re controversia moveretur, quæ curriculum disputationis posset abrumperè. Tu verò perasturè, triplicem facis tuam responsionem, & meam priorem quæstionem in duo dissecis capita, in eaque iudicium de Ecclesia secernis à iudicio de Ecclesiæ constitutionibus. Cùm tamen de constitutionibus hoc tantùm dixeris, quòd ubi regnum agnoscitur, ibi non possint negari constitutiones. Sed unde illarum fides atque auctoritas depromi deberet, ne verbo quidem attigisti. In quo quàm bonam fidem præstiteris penes lectorem esto iudicium.

Ego certè priori meâ quæstione neque aliud sum percuntatus, nisi unde doctrina eorum, qui se Ecclesiæ nomine venditant, deberet confirmari, neque te aliud voluisse respondere suspicatus:

Cùm enim vos vestræ doctrinæ centones undequaque confarciatis, & quæcunque adlibuerunt pro oraculo & pro Ecclesiæ traditionibus vendideritis, quæ quidem nonnunquam ex contorta depravataque aliqua Scripturæ sententia depromitis, nonnunquam ex synodi, nescio cuius, suspecta fide mutua mini, vel Pontificis alicujus pro arbitrio quod velit sancientis auctoritate fulcit; ac deinde pro Patrum interpretationibus, nescio quas, rancidas nobis  
&

& loquacis, vel ex epistolis Decretalibus, vel ex aliis adulterinis libris orthodoxorum Patrum nomine inscriptis nœnias, & subinde etiam Monachorum delirantium visa & bonas anicularum intentiones, Pontificis bullâ comprobatis, obtrudatis: omninò erat operæpretium antè omnia decernere quid sit illud tandem, quod vos Ecclesiæ orthodoxæ doctrinam atque interpretatorem nuncupatis, penes quam de fidei Christianæ dogmatibus omne arbitrium esse statuitis.

Non quærebam igitur priori quæstione simpliciter, quibus notis discernenda esset Ecclesia, sed quibus documentis aut quarum tabularum fide decerni posset, veram esse illam Doctrinam seu interpretationem quam Ecclesiæ nomine velatam nobis assiduè inculcatis. Et sanè quod tu ex Augustino produxisti, ad eandem causam referri videbatur. Nam etsi est illi etiam cum Donatistis controversia, ubi quærendum sit Ecclesiæ corpus, an in Donatistarum paucitate, an verò in multitudine orthodoxorum; tamen, quum eam ipsam controversiam nullo alio nisi Scripturarum testimonio ac decreto decidi posse arguit, an non manifestè confirmat, omnes omninò quæstiones omnesque doctrinas ad illum unicum lapidem lydium esse examinandas? Quod enim assererebant Donatistæ penes se solos esse Ecclesiam, reliquas omnes gentes à Christo capite descivisse, id maximè hoc nomine rejiciendum putat, quod Scripturæ testimonio minimè consentaneum esse demonstrari possit. Atque hoc est illud quod ait, quodque tu testimonium laudabas: *Non audiamus, Hæc dico, hæc dicis: sed audiamus, hæc dicis Dominus. Sunt certè libri dominici, quarum auctoritati utrique consentimus, utrique credimus, utrique servimus. Ibi quæramus Ecclesiam: ibi discutiamus causam nostram. Et mox, Totus Christus caput & corpus est. Caput, unigenitus Dei filius, & corpus ejus Ecclesia, sponsus & sponsa duo in carne una. Quicumque de ipso capite à Scripturis sanctis dissentiant, etiamsi in omnibus locis inveniantur in quibus Ecclesia designata est, non sunt in Ecclesia, &c.* Ac deinceps postquam ex omnibus tum Veteris tum Novi Testamenti libris evicit, Ecclesiam per omnes gentes esse dispergendam, ac proinde vanum esse figmentum Donatistarum, qui dicerent eam esse ex Africa excitandam, ita disputationem claudit: *Restat ergò ut non ex divinis libris, sed ex vobis ista dicatis. Proinde dignissimè respondebitur: Anathema sitis. Tenent enim ecclesiæ, apostolico labore fundatæ, cum quanta cura sibi prædictum sit: si quis vobis Evangelizaverit præterquam quod accepistis, anathema sit.* Ex quo apparet, eum in quærenda Ecclesia potissimum illud quærere, an qui Ecclesiæ titulum sibi arrogant, Scripturarum testimoniis doctrinam suam fundatam habeant. Quæcunque enim illis aperte confirmari non possint, ea omnia ut hominum commenta, & verò ut anathema rejici prorsus debere asseverat. Propterea ejusdem libri capite undeciesimo, nulla utrinque vel visa vel miracula, nullaque humana testimonia producenda decernit, ut penes quem sit Ecclesia demonstraretur, sed ea solùm quæ Scripturarum testimonio confirmantur. Ipse Dominus Jesus, inquit, cum resurrexisset à mortuis, discipulorumque oculis videndum manibusque tangendum corpus suum offerret; ne quid tamen fallaciæ se pati arbitrantur, magis eos testimoniis legis & Prophetarum & Psalmorum confirmandos esse judicavit, ostendens ea de se impleta quæ fuerant antè prædicta. Sic & Ecclesiam suam commendavit,

gerit is qui signum dat. Data enim signa sunt, quæ sibi quaque vivencia invicem dant ad demonstrandos quantum possunt motus animi sui vel sensa aut intellecta quælibet. Verba autem (quod idem ait Augustinus) obtinuerunt principatum significandi quæcunque animo concipiuntur, si ea prode quæque velit. Innumerabilis enim multitudo signorum, quibus suas cogitationes homines exerunt, in verbis constituta est, &c. Quod si ita est, ut certè esse, & Augustino & me tacente, veritas ipsa perspicuè evincit, sanè efficitur, verba quæ ad aliquid significandum usurpantur, mentem & cogitationem seu intentionem loquentis eodem explicare modo, quo illa verba rem significant. Quocirca si propria & genuina eorum significatio certum quidpiam & ratum designat, quicunque verbis illis propriè utitur; is, si nequè mentitur, neque dissimulante loquitur, nullam potest aliam intentionem explicare, nisi eam quam verborum propria illa significatio præ se fert, & audientium animis ingerit. Ac proinde voces quæ idem utrobique significant, necesse est vel ut eadem utrobique usurpentur intentione, vel certè si in altera enunciationum diversa erit loquentis intentio, jam à propria & genuina sua significatione declinabunt. Portentum igitur est quod ais, intentionis diversitatem haud efficere discrepantiam in vocum significatione. Nam significare & intentionem explicare, eadem penitus esse nemo sanus potest ire inficias. Quod quidem tu videris etiam ipse advertisse; quæsisisti enim effugium, inquit, posse verbis clarè & apertè rem aliquam significantibus, loquentis intentionem celari & omnibus modis abscondi. Sed hoc ipso effugio ex Scylla, quod aiunt, in Charybdim præceps ruis. Quum enim ais, esse nonnullos qui vel contra mentem loquantur, vel certè verbis clarè significantibus utentes, intentionem tamen haud clarè explicant, sed studiosè potiùs abscondant & celent; idque Abrahami exemplo confirmas, qui dissimulante Pharaoni & Abimelecho dixerit, Saram esse tibi sororem, intentione celandi quoddam esset uxor; quid aliud agis, nisi quoddam causam ipse tuam prodas, & prævaricatorem te nobis præbes? Nam quid est aliud quod ego dixi, nempe, posse mentiendo quempiam vel dissimulando suaque animi sensa obtegendo, verbis claris atque apertis mentem tamen suam minimè explicare? Ita enim scripsi: Nam si alia quidem atque alia est enuntiantis intentio, & tamen intentionis notæ seu voces non aliud atque aliud significant, sed unam simplicem & genuinam significationem retinent: Næ aut illæ intentionem enuntiantis nequaquam explicant (observa quæso hæc verba, mi Baii) aut simul eadem est & non eadem loquentis intentio verborumque significatio. Quo cum nihil verius nihilque planius dici posset, tu tamen contradicendi studio confidenter insultans, dum quod dico vis reprehendere, idem ipsum vehementer confirmas. Quasi videlicet, Pag. 22. inquis, nulla passio, nulla intentio possit esse in animo loquentis, quin significetur vocibus ab eo prolatis. Et si quis dicat, Hæc est soror mea, intentione celandi quod sis uxor: alius verò idem dicat intentione confitendo quod res habet; necessum sit, ut toties varietur verbi substantivi, est, significatio, quoties aliud atque aliud refertur loquentis intentio: etiamsi hanc suam intentionem quæ alia est, non tantum nolis verbis aut signis indicare, sed etiam conetur modis omnibus abscondere. In quo quum idem dicas quod ego dixi, tamen quasi re præclare & ex sententia confecta suavem tibi triumphum ipse accinis, glorians, me jam posse videre, quàm plur-

*beum & obtusum sit argumentum, quod ex Aristotele non ex Scripturis desumptum mihi sonabat acutulum.* Addis etiam facetias, ne theologiam tuam sine sale, suam videlicet sine anima, esse suspicaremur, & diciste non secus ac majorem muscam meas araneorum telas evasisse.

Sed collige te paulisper, homo acutissime, & ipse quid dicas accuratius attende, senties profectò nostram à te sententiam vehementer esse confirmatam, jugulatam tuam. Est enim quod ais longè verissimum, sæpenuerò vocibus clavis atque apertè ac propriè rem aliquam significantibus, loquentis intentionem non explicari, sed studiosè abscondi celarique: atque hoc est illud quod dixeram illis vocibus intentionem enunciantis nequaquam explicari. Hoc enim fit, quoties vel apertè mentimur, & aliud dicimus quàm sentiamus; vel de uno quopiam interrogati, non candidè & simpliciter de eodem respondemus, sed dissimulanter & callidè aliud contorquemus orationem; quod quidem usuenit Abrahamo à regum libidine sibi metuyente. Vel certè tropum aliquem in oratione usurpamus, qualis est, vel Ironia vel, Mimesis, vel Allegoria, vel Apologus, vel alia denique ejusmodi figura, quæ non quidem ipsa verba simplicia, sed compositam orationem à propria & genuina significatione avertit.

Sed quia jam hîc planè est extra controversiam, Christum neque mentitum esse, neque mentem atque intentionem in hujus ultimi testamenti sacrosancta institutione dissimulanter celare aut abscondere voluisse: sed claram orationem usurpasse, quâ mentem illam suam atque intentionem, instituendi suæ mortis symboli, seu sanctissimi Sacramenti significantissimè explicaret; & tamen ea verba in propria sua significatione retineri nullo modo possunt, ne noceant ipsissimum panem & vinum quæ tunc habebat in manibus, esse substantiale corpus ejus & sanguinem, quod vos esse falsum confitemini; idè efficimus ejus verba non propriè ac substantialiter, sed symbolice & per eum tropum, quem ipse Christus disertè ac significanter designavit, inquit, *hoc facite in meam commemorationem*, esse necessariò explicanda.

Omnino enim aut propriè locutum esse Christum fatearis necesse est, aut figuratè: nullum est tertium. Si propriè locutus est, non potest ejus intentio aliud referri, quàm quò verborum proprietates nos deducit. Atqui deducit nos indubiè ad id quod ipse tu fateris esse falsum: nimirum, ipsum panem esse corpus. Restat igitur ut figuratè fuerit locutus, & corporis nomen pani per verbum, est, attributum, eodem sensu usurparit, quo in simili planè oratione nomen testamenti seu fœderis in suo sanguine, calici per idem verbum, est, tribuit. Videsne tandem jam, sapientissime Magister, te tuismet pedicis arctè irretitum teneri? Neque ut majorum gentium muscam meas araneorum telas evasisse, sed ut soricem tuo prehensum indicio, tuæque acutissimè rationationis cuspidè confixum jacere? Neque est hoc ex Aristotele, quemadmodum tu invidiosè objicis, desumptum, sed & verbi divini testimonio fundatum, & è primis atque à sapientissimo rerum opifice Deo in istis animo humano veritatis notionibus erutum argumentum: quas quidem Aristoteles diligentius observatas indicare & in lucem productas quasi digito demonstrare potuit, gignere certè non potuit, & verò ne autoritatis qui-



dem ullam majus momentum eis appendere. Veritas enim suoapte pondere rata semper & constans alienæ authoritatis præsidio non eget, sed sui per omnia similis, futileis mendacii nebulas suo splendore faciliè discutit. Tu verò, ut hoc veritatis jubar caligine mendacii obscurares, percallidè & veteratoriè pagina libri tui 23. argumentum meum truncasti, Inquiens, *me collegisse, ex verbis Aristotelis, quòd dicere Enunciationem aliquam, manente eàdem vocum omnium significatione, posse alià & alià intentione dici, nihil sit aliud, quàm dicere enuntiationem aliquam idem significando non idem significare, &c.* quo certè nihil potest fingi vel vanius vel homine Theologo indignius. Ego enim alterutrum effeci, vel illis vocibus intentionem dicentis non explicari, quod ipse tu etiam confiteris, vel easdem certè voces idem significando non idem significare. In quo cum tu truncatà alterà orationis parte alteram Sycophanticè cavilleris, quàm bonam in reliquis omnibus fidem præstes, quantumque causæ tuæ bonitate confidas prudenti lectori perspicuum facis.

**C**apite deinde quarto, vehementer in eo defudas, ut probes enunciante aliquà propositione, posse quidpiam effici, quod tamen non fieri, sed esse tantum significetur. Quod etiam si dederimus posse; non magis efficietur ided protinus factum esse, quàm efficitur ided verba Christi tropicè intelligenda, quia possint intelligi tropicè. Sed operæ pretium est acumen tuæ ratiocinationis paulò penitus advertere. Si, inquis, *ut Christus dixit, Ego sum, videlicet Jesus Nazarenus, Judas & qui cum eo erant abierunt retrorsum, & ceciderunt in terram, prostrati verbis Christi, nihil ejusmodi significantibus, quautò magis credendum est, verbis Christi effectum, quod cum prius non esset, ipse verbis suis non quidem fieri sed esse significavit, &c.* Perbellè profectò & non illepidè: Das enim quod petimus; nimirum his Christi verbis, *Hoc est corpus meum*, nequaquam significari quòd panis fiat corpus Christi. Et nihilominus, obstinatè contendis, etiam si non significetur, tamen posse effici. De eo fortè aliàs. Nunc satis nobis est, vel, te confitente, iis verbis non illud significari, quod ita nobis importunè semper inculcatis. Quare adaptato, sodes, præclaram istam tuam similitudinem illis Christi verbis, *Ego sum*, vel, *ego sum Jesus Nazarenus*, prosternuntur Judæi, nihil tale significantibus: Ergo & his verbis: *Hoc est corpus meum*, potest mutari panis in carnem Christi, etiam si tale nihil significant. Vides quàm elumbis sit hæc argumentatio? & tamen nisi Joannes discretè tradidisset ad illam Christi vocem Judæos prostratos concidisse; quis esset ita vecors qui hoc modo ratiocinaretur, Judæi ad verba Christi potuerunt collabi, ergo necessum est, iis auditis, pronos corruisse. Ejusmodi certè ratiocinatorem Anticyram relegandum & purgandum helleboro, ne tu quidem ipse posses ire inficias. At, idem planè nos de vestra isthac nova dialectica statuerè cogit ratio.

Nam si ad illa à Christo pronunciata verba, *Hoc est corpus meum*, Evangelistæ subjunxissent, continuè inania panis accidentia, abjectà substantià & formâ *corpi*, commigrasse in Christi corpore, nemo esset nostrum qui dubitaret virtute divinâ potuisse effici, quod factum esse ipse Dei omnipotens Spiritus assevera-

ret. Sed jam non agitur ut quid possit Christus doceamur, sed ut quid ejus verba significant eruamus. Quare cum ipsi vos, extorquente id veritatis questione, fateamini neque his verbis significari, ex pane vel fieri vel factum esse corpus Christi, neque Evangelistarum esse quemquam, qui post eorum prolationem, ejusmodi quid factum fuisse testetur; quenam est ista tam pro-cax intemperies, quæ hæc portentosa nobis commentata tam importunè obtrudat: hic quum urgemini, iterum ad ipsa de quibus disceptatur verba, quasi ad Sisyphi saxum recurritis, eaque sursum deorsum rotantes clamatis esse certa, plana, indubitata. Quo quid potest esse impudentius? quid inanius? quàm actum semper agendo, & quod erat probandum, postulando auditoris patientiam in re usque adeo sacrosancta tam protervè ludificari? Sed æis, etiam si verba propriè id non significant fieri; tamen quum vi omnipotentis Dei fieri id possit, & Christus dicat esse corpus suum quod erat panis, idè effici necessariò factum & transsubstantiatum esse panem in corpus. Hæc verò si vobis connexio constabit, an non videtis eodem jure necessariò dandum esse, ut quotiescunque Dei Spiritus res planè disparatas alteram de altera enuntiaverit per verbum, est; cum Deus omnia possit, continuò significetur alterum disparatorum in alterum esse commutatum seu transsubstantiatum? Omnino enim complexio singularis, ad universalem erit propositionem reducenda: ita fateamini necesse est eundem Christum in veram vitis substantiam, in agnum, in leonem, in panem, in lapidem, & è contra lapidem & panem in Christum fuisse transsubstantiata. Aut si hæc sunt & falsa & absurda; quid est causæ, cur vos in uno singulari exemplo ita fastidiosè urgetis quod in reliquis omnibus obfirmatè repudiatis? Illa enim Dei virtute ac potenti manu peræquè potuerunt effici ac panis in ejus corpus potuit transsubstantiari, & non minus de illis enunciata est clara, diserta, & indubitata propositio per verbum, est; quàm de his quæ nobis ad ravigu usque assidue inculcatis. Quare cum ex puris singularibus quæ nectuntur complexiones non modò non necessariæ, sed planè sint fuitiles, & vos universalem enunciationem statuere nequeatis; definite tandem ad inania vestra figmenta stabilienda Dei omnipotentiam nequicquam accersere. Illa enim vestram causam non magis juvat, quàm reliqua illa quæ tum hoc tum sequenti capite de mandandi verbis loquaciter & importunè disputas, dum ea non imperativo tantum loquendi modo, sed etiam indicativo enunciari contendis: vagantur enim hæc omnia extra oleas. Nam illud erat vobis ante omnia probandum, vel Christum disertè mandasse ut panis in ejus corpus transsubstantiaretur; vel certè quoties per verbum, est, alterum alteri tribuitur, toties necessariò consequi transsubstantiationem. Horum alterutrum quia nunquam evincetis; ne nos quidem commentitiæ vestræ & fanaticæ sententiæ adspilatores habebitis.

Quod me sexto capite traducis, quasi dixerim magicum & cabalisticum esse commentum, si quis statuat Christum verbis suis tribuisse vim operandi mutandique elementa, vel impudens est calumnia, vel putida certè oscitantia. Didicimus enim & Dei verbo & orthodoxâ universæ Ecclesiæ doctrinâ præ-

præeunte, res eas quæ verbis efferantur, ab ipsis vocibus & verborum sonis religiosè secernere. Nam constans ac sempiterna Dei vel in pios benignitatem atque clementiam exercentis, vel severa in impios judicia exercentis voluntas ac decretum, verbum Dei nobis est, sive de cœlo illud detoner, sive characteribus consignetur, seu denique voce hominis aut spiritus sancti testimonio in cordibus fidelium obfignetur. Id nos religiosè supplices veneramus, eisdemque quoties Domini jussu ac mandato hominibus denunciatur, summam atque incredibilem efficientiam constanter inesse credimus. Ita Petrus Ananiam & Sapphyram uno verbo morte affecit, Paulus Elymam cœcitate percussit, Christus ejusque Apostoli infinitos vel gravissimos morbis vel morte liberarunt. Neque hîc quomodo enuncietur magnopere laboramus, modò ut de voluntate constet ejus, qui omnia suo versat nutu atque imperio. Sed interea, longissimo certè intervallo ab hoc Dei verbo inanes vocum sonos aut characterum typos, quoad quidem per se considerantur, femovemus. Nec enim quia Christus cœci oculos aperiens, hac voce usus legitur, Ep̄phatach, id est, aperire, idèd arbitramur iisdem syllabis quoties in ærem labiorum motu, & gutturi, ac dentium adminiculo, aut linguæ ad palatum adpulsu emittuntur, singularem aliquam vim inesse, aut ea quasi ad ludibrium ad aperiendos infantium oculos, unà cum ejecta saliva, debere pronunciari. Nec quia Christus ita jussit nos orare, *Pater noster, qui es in cœlis*, &c. certamque addidit promissionem ad Patre nos iri exauditum, si quid in ejus nomine poposcerimus; idèd has vocès eam habere vim existimamus, ut quicquid etiam non intellectas ad ratum enuntiet numerum, is propterea venales Pontificum indulgentias consequatur, quibus ab inferorum liberetur cruciatibus. Nec denique quia in nomine Jesu, omne genu flectitur; idèd huic vocalæ seu his characteribus JESUS signa, aras, delubra, monumenta & Monachorum ordines putamus esse instruendos. Sunt enim hæc Judæorum, & impurorum Cabalistarum seu Magorum impia sacrilegia, qui Dei atque Angelorum sacris nominibus ad suas præstigias & ad evocandos dæmones flagitiosè abutuntur. Nam voces quidem & typi, nuda sunt signa, quæ per se non modò nihil possunt, sed ne significant quidem quicquam, nisi ex voluntate atque instituto hominum; Dei autem verbum est ipsa illa sacratissima & perpetua ejus voluntas ac decretum, quod vel vocibus enunciat, vel characterum typis designatur. Quum itaque Christus dixit Panem quem acceperat esse suum corpus, haud sanè voluit istis vocibus eam vim ac facultatem tribuere, ut quotiescunque & à quocunque illæ pronunciarentur, toties miraculorum novorum nova vis ederet, & rerum omnis subverteretur natura: sed planè ad rem ipsam signatam voluit nos attendere, ut ejus mortis, qua se in hostiam offerens Patri nos conciliavit, memoriam gratà & piâ mente celebraremus: quam ob causam diserte etiam monuit, ut in ejus memoriam id faceremus, annunciando ejus mortem. Hinc igitur, si vel latum culmum digressi, vocibus ac syllabis vim affinverimus, perspicuum sanè est, Magis nos ac præstigitatoribus similes, Dei beneficium sacrilegio contaminare. Hæc si tu non potuisti distinguere, mi Baii, quæ sunt ab Augustino in libris de Doctrina christiana ita luculenter atque accuratè pertractata, ut nihil ampliùs possit desiderari; stuporem certè atque

oseitantiam nimis supinam prodidisti. Sin autem probè intellexisti, ut certè intellexisse te satis scio, & tamen dissimulasti; non potes perfectò impudentissimæ calumniæ notam effugere.

**S**Equens caput ejusdem farinae, tutes sententiæ vestræ ineptias magis etiam ac magis prodit. Pugnas enim, ut probes, Enunciationes quibus aliquid efficitur, non ipso momento, quo pronuntiati incipiunt, sed eo quo pronuntiata sunt, suum effectum consequi. At modò vidimus enunciationes quidem per se nullam habere vim aut efficientiam, sed tantum adhiberi ad significandum. Itaque non est magnopere laborandum, quo momento vim suam exerant: nam Dei quidem voluntas ac decretum, quod verbo nobis vult consignari, eo ipso momento vim exerit quo auctori Deo visum est, quod velit efficere; quæ verò inter homines enuntiantur, vim suam ante accipere non possunt, quàm ita sint enunciata ut rectè perfectèque intelligantur, neque ullus restet tergiversandi locus. Atque hinc est quod aiunt Jurisconsulti, non eo momento quo vir & mulier loqui cœperint, factos esse conjuges, sed quo sermonem compleverint.

Cùm enim hominibus negatum sit arcana mentis intueri; omnino necesse est, ut planis atque apertis vocum significationibus illa declaretur. Itaque oportet sententias quæ enuncientur, esse perfectas atque absolutas, antequam ex iis de mente pronuntiantis quidquam possit statui. Hæc verò quid faciunt ad vestrorum Scholasticorum insulsißimas nugæ, de ultimæ syllabæ, *U M*, prolotione, ad cuius sonum, universam transubstantiationis machinam fisti volunt? & quidem usque eò, ut si quis tantum dixerit: Hoc est corpus me, nihil ampliùs effecerit, quàm qui planè nihil dixerit. Statuitis enim pronomine, *Hoc*, non demonstrari illud quod Sacerdos manibus tenet, quia mentiretur, cum nihil sit nisi panis, sed demonstrari corpus Christi, ratione illius instantis in quo finitur illa oratio. Ita ut donec planè finita sit oratio, Christus mendacii reus à vobis peragatur. Quo quid potest dici magis vel impium vel ineptum? Quid enim est hoc aliud, quàm Sacrosancto Dei verbo ad impuras & magicas abuti præstigias? Quod itaque mihi hæc impingere videris, quasi ego in momentis syllabarum vim aliquam constituerim, facis tuo more. Nec enim ejusmodi quidpiam vel per somnium mihi venit in mentem. Constitui equidem discrimen inter illas enunciationes quibus aliquid esse declaramus, & eas quibus aliquid fieri eo ipso intervallo quo verba enunciantur, volumus. Itaque affirmavi cùm Christus Regulo dixit, *Filius tuus vivit*, verum fuisse quod dicebat, & quidem eo ipso momento quo verba illa enunciat; non quidem verborum vi, sed Christi operantis virtute.

Quantopere autem ab illa discrepet hæc oratio, *Hoc est corpus meum*, ex tuis ipsius verbis perspicuum feci. Tu enim scripsisti disertissimè falsam fore orationem, si statuat eo ipso momento quo Christus eam cœpit enunciare, panis fuisse ejus corpus; & vestri Scholastici, ut jam vidimus, assleverant mentiri sacerdotem si demonstret id quod manibus tenet, nisi habeatur ratio, ad illud instans quo finitur orationis universa circumscripção. Ex eo effeci illius exem-

*Gloss. in  
lib. senten-  
tiarum  
dist. 9.  
cap. 2.*



pli similitudine, quam tu tamen identidem gloriosè venditasti, tuam transsubstantiationem, vel te ipso iudice, stabiliri non posse. Quod igitur hic jam tui oblitus videris me velle cogere, ut confitear quo momento Christus ea verba proferre incipiebat, eodem ipso non verborum vi, sed voluntate divinà panem & vinum in carnem & sanguinem fuisse commutata, non mecum tu, sed cum umbra tua ipse digladiaris. Tu enim es ille qui asseverasti falsum illud esse; & ut Christum à falsi nota vindicares, nescio quos grypos es commentus, è quibus necdum potuisti te expedire. Quanquam certè turpissima hæc falsi labes, non in Christi verbis, sed in vestra hæret interpretatione: neque potest nisi scœdiori etiam cœno abstergi. Nos contrà planissimè confitemur, quo momento hæc Christus cœpit pronunciare, & verò etiam quo panem hunc ad repræsentandam mortis suæ memoriam destinavit, eo ipso verba omnia fuisse verissima atque certissima. Ex quo enim voluit hunc sacratum ac benedictum panem in eum à nobis usum accipi, ut esset vice sui corporis, jamjam in ara crucis morituri, non fuit ille amplius vulgaris panis, sed ipsum ejus corpus, non quidem ullà substantiarum commigratione aut metamorphosi, sed usu ac destinatione, quemadmodum annulus, teste Bernardo, qui ad investituram donatur, non jam amplius est annulus, sed ipsa illa investitura quam annulus repræsentat.

Miraris me non attendisse eam quam statuisti similitudinem, in verbis mandandi à Christo usurpatis & iis quæ per modum indicandis ab eodem fuisse enuntiata, ac proinde accusas quòd eandem interpretandi rationem non admittam in his verbis, *hoc est corpus meum*, quam videor admisisse in illis, *filii sumus viri*. Sed jam ex tuis ipsis verbis declaravi quanta in his loquendi formulis esset discrepantia. Deinde, si nulla planè esset, tamen eà re quàm longissimè certè differrent, quod in illis, Evangelistæ testantur mutationem esse subsecutam, non quidem substantiarum, sed ægri corporis in corpus sanum: quod ipsum etsi cum natura rerum minimè pugnet, tamen nisi scripto prodidissent, difficile fuisset ex Christi verbis intelligere. In his cum tu nobis nihil possis simile demonstrare, haud abs re hoc ego argumentum Augustini verbis claudam. *Restat ergo ut non ex divinis libris, sed ex vobis ista dicatis. Proinde dignissimè respondebitur: Anathema sitis.*

Quòd itaque me dicis, *sensuum implorare judicium, quo meum confirmem contra Christi verba errorem*: Primum quidem, nullum hæcenus demonstrasti errorem. Deinde si sensuum judicium implorarem, quid facerem aliud quàm quod me optimus Magister docuit Christus? qui Thomæ & reliquorum Apostolorum incredulitati hoc ipsum sensuum objecit judicium, inquires, *Palpate & videte: Spiritus carnem & ossa non habet quemadmodum me videtis habere?* Planè veluti ego vobis optimo semper jure objiciam, *Palpate & videte*: Christi corpus neque rotundum est, neque tangi aut corrumpi, vel à vermibus corrodii potest, quemadmodum hoc vestro panis frustulo fieri videtis. Quam ego quidem rationem non Christi verbis, sed fabulosæ vestræ metamorphosè opponam. Christi enim verba supplex adoro, & certissimâ fide veneror: vestrum

strum autem transsubstantiationis idolum cum nullo Scripturarum nitatur fundamento, prorsus ignoro, & ut anathema rejicio. Sed quis non videt hanc esse meram calumniam, quâ mea iterum verba mutilè ac truncatè producens, sensuum me fingis iudicium implorare? Mea enim verba apertè declarant me non tam sensuum steterisse iudicio, quàm verbi Dei oraculo. Ita enim se habent. *Tota Christi oratio eo spectat, ut cœlestem vitam ex se uno manare asseveret, ac proinde ait se esse panem qui de cœlo descendit. Deinde omnes videbant Christi virum ac naturale corpus neque tum esse neque ante unquam fuisse panem. Hic verò in eo quod panis fuerit, quod panem esse omnes sensus iudicent, natura doceat, ortus convincat, forma testetur, color, figura, gustus, omnes denique circumstantiæ atque omnia planè accidentia manifestè prodant: verbum ipsum divinum & à Spiritu sancto dictatum oraculum iteratò ac sæpius inculcet, velle tamen emendicatò aliquo tropo quod paulò ante proprium fuerit ejus nomen ad peregrinam significationem contorquere; abutentis est & auditoris patientia & verbi Dei dignitate, &c.* Hic cum ego, qui & primâ & extremâ orationis parte Christi auctoritatem verbique divini oraculum pro summo argumentationis firmamento sumsi, accuser tamen à te quasi contra Christi verba, sensuum tantummodò iudicium implorarim, an non meritò & angelorum & hominum fidem implorem, ut mihi tam perversæ ne dicam deploratæ tuæ malitiæ & calumniæ plus quàm sycophantiæ velint coram Dei tribunali & iudicio esse testes?

**S**ed nec dum facis finem. Mox enim capite octavo fingis, *usum me esse hoc argumento: Christus non agebat jurisconsultum, cum Mariæ virgini diceret, Mulier, ecce filius tuus: igitur, non adoptabat Joannem in Mariæ filium, sed illum tantum constituebat sui absentis symbolum.* In quo cum mihi ne in mentem quidem id venisse scias, immoraris tamen; & adductò Jacobi Patriarchæ exemplo, injectâque similitudine de Adoptione, quâ nos per Christum in filios Deus adoptavit, nescio quas de Adoptionis jure persequeris argutias. Atqui non est de Adoptione instituta nobis quæstio, sed de substantiarum transmutatione. Tu enim, ut aliquod promeres exemplum quo per verbum, est, significatur transsubstantiatio, produxisti ea verba quibus Christum in cruce moribundus Matrem Virginem Joanni commendavit, & è diverso, Joannem Virgini: inquit, *Mulier, hic est filius tuus: & rursus, Hæc est mater tua.* Respondi, *nihil hoc ad rhombum facere, neque enim esse te usque adeo transsubstantiationis amore fascinatam, ut arbitreris iis verbis voluisse Christum substantialiter mutare Joannem in Virginis Mariæ filium, vel Virginem in illius matrem.* Ad hoc tu ne gry quidem. Aliud arripis quod arrodas: & inde in campum adoptionis expatiaris. Sed quin tu apertè fateris vel Virginem Mariam duos ex sua substantia habuisse filios, alterum ortu, alterum transsubstantiatione, & Joannem duas genitrices: vel certè nihil hoc exemplum ad tuum de transsubstantiatione commentum stabiliendum facere.

Quid enim est causæ quod caput rei alto involvis silentio, voculam quam obiter injeceram de adoptionis juridicæ azylo, mordicus arripis, atque inde pro tua libidine syllogismos cornutos eruis, in quibus tibi delicias facias, &

argu-

argutum te esse ratiocinatorem, seu potius facetum scurram, prodas? Quid verò? an est ulla Adoptio quæ rerum creatarum substantias immutet? Num te hoc adoptionis azylum tueri potest? Sed tu percallidè hoc omisso in quo erat cardo disputationis, suggillas mea illa verba quibus dixi: Christum non hîc agere Jurisconsultum; & arguis, qui filios adoptent non agere Jurisconsultos, sed tantum id facere de quo cognoscit Jurisconsultus, rectè ne an secus factum sit: interjecto simili de Mercatorum contractibus, de quibus cùm Jurisconsulti cognoscant, non tamen ab iisdem propterea ineuntur. Sollicitè tu quidem caves ne quid non satis videar dixisse vel propriè, vel grammaticè, itaque exerce te magnâ & tanto Theologo ac regio professore & cancellario dignâ curâ. Sed obsecro te, gravissimè Censor, cui ego ita videor perridiculus, cur non mihi liceat latâ significatione usurpare hoc verbum, agere Jurisconsultum, pro eo quod est, anxie ac sollicitè aliquid agere quod in Jurisconsultorum disceptatione versatur, ritè ne satis ac sollemniter peractum sit? Hoc enim est quod volui, Christum in crucis ara pendentem non egisse Jurisconsultum; id est, non admodum anxie laborasse, an Joannes à Virgine matre sollemniter illis verbis adoptatus censeretur, nec ne: & tamen si in eo totus fuisset, ne hoc quidam tuæ transubstantiationis causæ quidquam fore patrocinaturum, cùm adoptio nihil habeat commune cum substantiarum commigratione.

**D**Einceps capite sequenti mira congeris sophismata: quibus contractam superioribus tuis scriptis calumniæ labem eluas. Sed veterem culpam novâ cumulas. Scripseram *verbi, est, unam & simplicem esse significationem, quatenus quidem semper significat esse, id est, quatenus ab omnibus sejunctum categoriis per se consideratur. Sed ubi conjungitur categoriis, tum accipit pro re subiecta, & significare aliquando substantiam, aliquando qualitatem, aliquando quantitatem.* Inde collegisti, me verbo, est, unam & propriam substantialitatis significationem tribuisse: quo certè quid queat esse impudentius, quum ex iis quæ dixi non possit significatio substantialitatis nisi ad substantiæ categoriam referri? Itaque cùm dico quid esse magnum aut parvum, album aut nigrum, patrem aut filium & infinita alia; verbum certè, est, non significat substantialitatem, sed ea quæ vocibus adjunctis designantur. Tu hîc multis ambagibus conaris te purgare à tam manifesta calumnia, & ais te suspicatum fuisse me tecum sentire, propterea quodd cùm verbum, est, extra categorias consideratum, sit *adversus quon* seu varia significans; ego tamen unam illi & simplicem significationem tribuerim: ac proinde non aliter te potuisse judicare, nisi quod sentirem propriam illam & simplicem ejus significationem referri ad substantialitatem debere. Hoc tu identidem inculcas, & quasi trophæum hic tibi statuis. Sed quo jure id facias, quæso, adverte. Tu magno studio voluisti verbi, est, significationem traducere ad, Fieri, ut scilicet persuaderes, hoc est corpus meum, idem significare, atque hoc sit vel hoc factum est corpus meum. Ego, ut commentum tam absurdum refellerem, ostendi variam quidem esse & multiplicem verbi, est, significationem, prout categoriis omnibus potest accommodari;

sed interea per se consideratum, nihil aliud significare nisi, esse: nunquam autem, fieri vel factum esse. Esse itaque magnum aut parvum, album aut nigrum, significat quidem quantitatem aut qualitatem, non substantialitatem. Et tamen nihilominus omnino significat esse, & non fieri; ac proinde cum à categoriis se vocatum per se consideratur, habet generalem quandam significationem, sed eam perpetuam ac sibi peculiarem, quâ separatur ab omnibus aliis verbis quæ non significant, esse, sed fieri, aut aliud simile. Quare verissimè à me dictum est unam & simplicem, id est, propriam sibi ac peculiarem habere significationem, quâ semper significet esse, etiam si non significet esse substantialiter. Quemadmodum in nostra quæstione, panis est quidem corpus, etsi non substantialiter, sed tantum Sacramentaliter, id est, ratione Sacramenti & signi, quod quidem non ad substantiæ, sed ad *regi* categoriam referri debet. Sed ais, differere nos de verbo, est, in ea ratione, quâ attributum sententiæ de qua disceptatur significet substantiam, nempe corpus Christi; ac proinde non posse verbum, est, aliud quicquam præter substantialitatem designare. Quasi verò solius vocis attributæ natura, orationem semper afficiat, & non ipsa potius attributi cum subjecto copulatio. Verum enim & falsum in conjunctione & disjunctione rerum omne consistit. Alioqui, cum se veram esse vitem Christus pronunciat, quis ex eo effecerit quia vox attributa, nempe, vitis, significet substantiam, ideo totum orationis ambitum substantialitatem significare, ac propterea Christum contenderit in veram vitis substantiam esse transmutatum. Quid verò? in hac oratione, *Petra erat Christus*, an non & subjecta vox & quæ illi attribuitur utraq; substantiam significant? Cur igitur non credimus Petram substantialiter fuisse in Christum transformatam. Apage igitur cum rancidis istis tuis & putidis sophismatibus.

*Circasumum*  
cap. 9. &  
titul. 10.

Postea iterum variis me criminationibus aspergis, quas si sigillatim coner refutare, actum egerim. Nullo enim negotio de rei veritate prudens iudicabit lector, qui mea quidem scripta ad tuas accusationes examinaverit. Quocirca prudenter sanè & circumspèctè cavisti ne isthic in lucem prodirent, non modò veritus, quod tu priori parte libelli tui confessus es, ut quos tu simpliciores vocas quique in ignorantie gurgustio à vobis per vim retinentur, meis argumentis, quæ tu dicis plausibiliter fuisse proposita, commoverentur; sed etiam ut quicquid adhibuisset, impunè mihi posses adfingere, measque sententias & verba quocunque velles impunè detorquere. Disputationes tuæ de benedictione & maledictione, deque straminis vasi impositi similitudine, aliaque ejusdem generis permulta, quia neque quicquam ad rem faciunt, neque tantillum roboris aut nervorum habent, prudens transeo, ne confutandis tuis ineptiis ipse me ineptum præbeam.

Capite undecimo iterum tuo more syllogismum mihi adfingis, cujus ego nihil unquam simile cogitavi. Ais me sic esse argumentatum: *Christus præcepit ut quotiescunque id fecerimus, in sui memoriam faciamus: igitur in Sacramento Eucha-*



*Eucharistia non est Christi præsentia sed memoria.* In quo certè versutè ac veteratioriè Christi præsentiam pro transsubstantiatione panis substituiti, quod quidem ipsum in libri tui titulo fecisti sanè quàm impudenter. Atqui, quis est nostrum qui præsentiam Christi in cœnæ Sacramento pernegarit, quippe qui cum Augustino constanter profiteamur. *Unam illam personam quæ Deus & homo est, & utrumque unus Christus Jesus, ubique esse per id quod Deus est, etiamsi sit in cælo per id quod homo.* Ac proinde, ut idem ait Augustinus, etsi secundum præsentiam carnis illum Ecclesia paucis habuit diebus, modò fide tenet, oculis non videt, tamen secundum præsentiam majestatis semper habemus Christum præsentem. Nam secundum majestatem suam, secundum providentiam, secundum ineffabilem & invisibilem gratiam, impletur ab eo quod dictum est, Ecce ego vobiscum sum usque in consummationem sæculi, &c. Impudens igitur est calumnia quod ais nos negare Christi præsentiam in cœna. Sed cum intelligatis multum distare doctrinam de Christi præsentia à doctrina de transsubstantiatione; & præsentiam corporis aut carnis Christi, multum differre à præsentia Christi, quatenus est Christus Deus & homo; tamen ejusmodi strophis, auram captatis popularem, & nos apud ignaram plebem, cui nostris libris graviter interdictis, vocatis in invidiam, criminantes nos Christi præsentiam in sacrosancta cœna penitus pernegare. At ego certè transsubstantiationis quidem dogma oppugnavi, de præsentia Christi ne verbum quidem tecum commutavi, tantum abest ut eo sim argumento usus, quod tu mihi hîc adfingis. Et verò etiam non dubitem, ratione Fidelium qui Christi corporis & sanguinis sunt in cœna participes, ipsam carnis præsentiam, modò ut sanè intelligatur, in Sacramento Eucharistiæ admittere: non quidem, ut eam cœlo detractam, in terra præsentem statuamus, vel surdo panis elemento ejusve accidentibus copulemus, sed quia in cœlo manens Christus, vi Spiritus Sancti nos in cœlum fide evectos, ita arctâ unione secum nectit & copulat, ut non possit ullus neque capitis humani cum reliquis corporis membris, neque vitis cum palmitibus, nec radices cum ramis arctior nexus cogitari. Quâ igitur loquendi ratione arboris radicem quamvis profundè in solo defixam, ramis, etiamsi cœlum vertice attingant, adesse & præsentem esse rectè dicimus, vel caput adesse suis omnibus membris quamvis longiusculè distitis: eadem haud erit absoum Christi corpus quod est in cœlo, ejus necessitudinis ratione, quæ cum membris illi arctissima intercedit, Fidelibus omnibus, in Cœnæ mysterio, præsens esse censeri. Itaque cum argumento à te conficto non mecum, sed cum tua ipse umbra dimices, non est quoddam hîc insistam pluribus. Nam quod ad sextum Joannis caput attinet, quod magnopere videris reformidare, ne machinam vestræ transsubstantiationis demoliat, si ad doctrinam de Sacramento Eucharistiæ traducatur; non tam hîc mecum dissensit, quàm cum omnibus illius vestræ machinæ architectis. Illi enim in eo capite doctrinæ suæ vel præcipuum statuunt fundamentum, ut ex Magistro sententiarum, Thoma Aquinate, aliisque qui in eas commentati sunt, videre licet. Itaque penes vos sit hæc controversia. Mihi satis sit dixisse, quamquam illo capite de Sacramento nihil agatur ex profecto, dubitari tamen non posse, quin de re Sacramenti, id est, de salutari ac vivifica corporis Christi manducatione, deque sacratissima illa simul & arctissima Christi

cum Fidelibus unione, cujus mysterium & Sacramentum in sacra coena proponitur, omnis Christi sermo sit institutus: quod certè Patres orthodoxi & inter ceteros luculentissimè Cyrillus, qui hoc argumentum ex professio persecutus est, uno ore omnes testantur. Quod autem argutulè cavillaris, haud esse facinus deglutire integram Christi carnem, modò non frangatur aut laceretur, & illam corporis devorationem audes comparare cum Christi in utero virginis conceptione, ita est & impium & ridiculum, ut nullà indigeat confutatione. Nec enim quisquam ita est amens, ut non intelligat æquè facinorosum esse vivum hominem balænx ritu deglutire, atque eundem in frustra minutatim disceptum dentibus terere: etsi non potes ignorare, Concilio Lateranensi, quod est unum vestræ hujus doctrinæ fundamentum, planissimè decerni, verum Christi corpus in veritate manibus Sacerdotum tractari, frangi, & Fidelium dentibus atteri: quemadmodum disertis verbis in Decretorum libros vestri legislatores retulerunt. Ita ut nihil vos istud de laceræ aut fractæ carnis discrimine, aut de macello nescio quo effugium, in quo tamen mirificè vobis placetis, juvare possit. Quancumque quod tibi, hîc sumis Augustinum, non integræ sed laceræ tantum carnis facere mentionem, futile commentum est. Augustinus enim simpliciter asseverat, quum ait Christus, *Nisi manducaveritis carnem filii hominis & sanguinem biberitis, non habebitis vitam in vobis, facinus vel flagitium videri eum jubere*. Ac proinde necessariò concludit, inquit: *Figura est ergo præcipiens, passioni Domini esse communicandum, & suavitè atque utiliter recondendum in memoria, quod pro nobis caro ejus crucifixa & vulnerata sit*. Et quod alibi ait: *Spiritualiter intelligite quæ locutus sum, Non hoc corpus quod videtis manducaturi estis, & bibaturi illum sanguinem quem fusuri sunt qui me crucifigunt: Sacramentum aliquod vobis commendavi. Spiritualiter intellectum vivificabit vos, &c.* Non in modo edendi aut bibendi sive visibili sive invisibili, neque in laceratione discrimen statuit, uti vos fingitis: sed in re ipsa quæ comeditur & bibitur diversitatem omnem collocat, inquit, non illud ipsum fore corpus, illumve sanguinem quem nos sumpturi sumus, sed eorum tantum Sacramentum. Etsi vel hoc uno potest stultitia vestra reteggi, quod hanc vestram lacerationem & macellum non potestis nisi carni tribuere: Augustinus autem cum æquè magnum statuatur flagitium in bibendo hominis sanguine (quod quidem nisi integrum bibi non potest) atque in edenda carne, vestras istas nugas, nobis esse exhibendas perspicuum facit.

Ca. Ego  
Berengarius. De  
consecra.  
dist. 2.

Hic consule  
magistrum  
sententiarum,  
Thomam Aquinatum,  
reliquosque  
omnes universi  
Scholasticos.

Fateris deinde, non esse quidem confingenda miracula, ut citra doctrinam Scripturarum sacrarum sententias à vobis excogitatas defendatis. Sed addis neque esse neganda Christi verba, aut ad insolitum & inusitatum loquendi modum detorquenda, atque inde porrò in latissimos de fide Abrahami & Mariæ Virginis, aliorumque fidelium campos digrederis, quasi victor ex arena lauream reportaris. Sed cum ipse satis scias neminem unquam nostrum verba Christi pernegasse, quæ nos quidem religiosissimè colimus, & in ecclesiis nostris si quicquam aliud, assidue inculcamus; insolitum certè & inusitatum loquendi aut interpretandi modum quum nobis objicis, quid aliud agis nisi quodd crimen ipse taum in nos nequicquam conaris derivare?

Pri-

Primum enim, quid potest esse magis vel insolitum vel novum atque inusitatum, quam ex iis verbis quibus Sacramentum instituitur, fabricare transsubstantiationem? ita ut, *hoc est corpus meum*, tantundem significet, atque *Hoc ejus substantia* jam evanescit mutatur, vel transsubstantiatur in meum corpus: Quæ certè loquendi ratio, nullo neque Scripturarum, neque communis sermonis exemplo unquam confirmabitur. Deinde, an potest quicquam fingi magis vel insolitum vel inusitatum, quam uni Sacramento eam transsubstantiandi rationem addingere, quam in reliquis omnibus tum Veteris tum Novi Testamenti signis & Sacramentis vos ipsi constanter repudiatis? Ita ut Thomas ille vestræ disciplinæ scholasticæ facilè princeps, quum hanc objectionem proposuisset, quòd in aliis omnibus Sacramentis substantia materiæ maneat, ut in baptismo & confirmatione liquet, ac proinde cum in Sacramentis debeat esse conformitas, videatur & in hoc Sacramento debere panis & vini substantia remanere, nihil potuit aliud invenire quo nodum hunc dissolveret, nisi quod idem per idem confirmando, & contra disputationis leges, quod erat unum in controversia, id unum quasi confesum postulando, inquit: *Ad secundum dicendum est, quòd in aliis Sacramentis non est ipse Christus realiter, sicut in hoc Sacramento: & idèd in aliis Sacramentis manet substantia materiæ, non autem in isto. Quid? quod illi ipsi qui hanc transsubstantiationis Pandoram in arce fidei collocarunt, eam tamen apertè consentientur esse novitatem, & quidem novitatem sæpius geminatam? Ita enim in Thomam disertis verbis scribit vester Cajetanus: Et quoniam variae fuerunt opiniones, multiformique fiunt argumenta circa hæc, implicantia mentes etiam eruditiorum, prænotandum est & ante oculos semper habendum, intervenire hic non unam sed duas novitates valde mirabiles, &c. Et mox: Quapropter conformiter ad sacros canones loquendo, vocetur ista Novitas, Novitas continentie, quoniam verè secundum hanc corpus Christi continetur, & hostia continet corpus Christi, quamvis non continentia locali. Altera autem novitas vocetur novitas conversionis, quoniam secundum illam panis verè convertitur in corpus Christi. In hac igitur conversionis novitate, manifesta mutatio intervenit, quæ ex panis fit corpus Christi: sed mutatio ista absque subiecto invenitur, habens pro termino à quo, panem, & pro termino ad quem, corpus Christi. Et scito, quòd tanta est utilitas discernendi inter has novitates & inter has mutationes, ut inde pendeat & intelligere tam varias objectiones, & sive formaliter respondere, & sive quid scias vel nescias, &c. Hæc est vestrorum Doctorum de his novitatibus tam admirabilibus confessio, quæ certè sunt ejusmodi, ut in infinita illa Scholasticorum vestrorum caterva, haud faciliè duos reperias, quide verborum Christi explicatione inter se consentiant. Cum enim ea velint omnes ad transsubstantiationem contorquere, & tamen sentiant non congruere, nemo est qui non sibi novum aliquem atque insolitum interpretandi modum comminiscatur, & quasi novum fabricet cothurnum, quem novo huic pedi possit induere. Hinc varix illæ opiniones & multiformia argumenta, de quibus ait Cajetanus, orta sunt, quæ ne intelligi quidem nisi confectis novitatibus posse tradit. Sed quid ego ista commemoro? vos ipsi an non uno ore omnes traditis, ita novam atque insolitam esse istam, transsubstantiationem, ut nullius unquam alterius rei vel creatæ vel increatæ exemplo visa auditave sit? Eò enim detorquetis illam Christi orationem, verba quæ ego lo-*

Hæc sunt  
verba Tho-  
ma quasi.  
76. art. 4.

quor vobis spiritus & visa sunt, id est, ut vestri Doctores interpretantur, spiritualia sunt, nihil habentia carnale, neque consequentiam naturalem: sed eruta sunt ab omni tali necessitate quæ in terra est, & à legibus rerum creaturarum. Ac proinde doceris nullam hic vel formalem vel materialem esse mutationem conversionemve, ut in cæteris omnibus rebus quæcunque aliæ in aliam convertuntur, usuvenit. Sed novo, atque omnibus sæculis, omnibusque qui unquam fuerunt hominibus inaudito atque inusitato modo, neque formam transire in formam, nec materiam in materiam, sed totam unius substantiam mutari in totam substantiam alterius: manentibus nihilominus illius & omnibus accidentibus & ipsâ visibili atque omnibus sensibus objectâ specie: quod quidem novâ & creatis omnibus rebus insolitâ virtute agentis infiniti contra omnes naturæ leges fieri magistraliter decernitis. Quæ res cum ita sit prorsus nova atque insolens, ut necesse vobis fuerit ad eam explicandam etiam nova comminisci renim vocabula; quis non videt vos esse illos, qui verba Christi ad novum insolitum atque inusitatum loquendi modum detorquetis? & quidem usque ed ut etiam si vobis largiremur, iis quæ soletis producere exemplis rerum transmutationem significari; nullam tamen habere possent illa cum vestra isthac transubstantiatione societatem, nullam cognationem. Nam etiamsi Christus in Cana Galilææ ejusmodi prolatis verbis, *Hoc est vinum*, aquam in vinum convertisset; illa tamen conversionis ratio ab hac vestra toto, quod aiunt, cælo discreparet.

Postremò ad novam hanc & inauditam atque insolitam fabricam nova etiam & nunquam antehac non modo visa, sed neque cujusquam vel sermone explicata, vel cogitatione comprehensa miracula substruxistis, ut videlicet novam vestram Pandoram novis fucis ac pigmentis exornaretis. Et interea non veremini ad hæc omnia frontem impudenter perfricare, & nobis novum, insolitum atque inusitatum loquendi atque interpretandi modum apud ignaram plebeculam objicere. Quum nihil possit esse usitatus, nihil planius, quàm uni cuiquam sacramento tribuere, id quod omnibus esse sacramentis commune vos ipsi non audetis inficari; & Augustinus certè atque omnes orthodoxi Patres manifestè tradiderunt. Omnino enim vel Eucharistiam negetis esse Sacramentum necesse est; vel si est Sacramentum, id est, ut ipsi vos ex Augustino definitis, sacræ rei signum, & habet quandam similitudinem cum ea re cujus est Sacramentum; fateamini neque novum neque inusitatum esse, ut ejusdem illius rei signatæ nomen accipiat, quum id omnium universim sacramentorum ratio, natura, analogia, & veritas denique postulet. Quod quia superiori nostrâ disputatione variis exemplis & rationibus manifestum fecimus à nobis hic non repetetur pluribus. Id unum ex te sciscitabimus, qui ab hac interpretatione tanquam à scopulo refugere videris, quid est illud tandem quod te hic offendat aut novum aut insolitum? Nova certè vocabula nulla exquirimus, quibus nostram sententiam explicemus: rerum naturas minimè invertimus: substantiarum inauditam commigrationem non agnoscimus; neque à verborum usitata significatione, neque à Sacramentorum analogia vel tantillum recedimus: rerum diversissimarum novas concomitancias ignoramus: vero Christi corpori incorporeas atque immensas proprietates minimè tribuimus:

man-



manducationes quæ stomachi regionibus finiantur, de reliquo penitus evanescant, penitus ignoramus: Murium ac vermium de nihilo nutritiones non admittimus. Accidentia sine substantiarum fulcro rejicimus. Infinita denique confictorum à vobis miraculorum portenta repudiamus! Nec denique quicquam huc adferimus, nisi quod est planum, perspicuum, usitatum, & cum ipsa sacramenti de quo agimus natura & analogia ubique consentaneum.

At vos econtra ad fulciendam istam vestram novam, vagam atque instabilem transsubstantiationem, Deus bone, quas machinas, quos vestes, quæ fulcra adhibetis! quas metamorphoseis, quæ monstra, quæ portenta quam licenter comminiscimini! quam importunè Dei potentiam, quoties rationibus & argumentis urgemini quasi *αὐτὸ μνηστὴρ* ad auxilium evocatis! & adhuc aude- tis inusitatam interpretationis novitatem à vestris cervicibus in nos invidiosè derivare! Quum tu hoc ipso capite fateare non vestræ interpretationis veritatem sine miraculo tueri.

Sed quæ tandem est ista vis ac necessitas tam fatalis, quæ in eas vos cogat angustias, & everfis rerum creaturarum legibus quas quidem ratas & pefenneis esse Deus voluit, quasi ad nova Epicuri intermundia, novasque universæ naturæ metamorphoses ablegat? Ais quidem exquirere vos modum quò vera esse possint Christi verba, quibus accepto pane dixit, *hoc est corpus meum*, quæ dubitare non potestis esse verissima, etiamsi veritatis modum ignoretis. Hoc unum igitur vos urget, ut verborum Christi veritatem conservetis. Atqui, non potestis negare quin & nos verba Christi longè verissima esse profiteamur. Quid est igitur causæ quamobrem interpretationem nostram, in qua nihil est huil- cum, nihil protuberans, nihil absonum, nihil vel à sacramentorum natura alienum, vel à fidei Christianæ articulis dissentaneum, vel denique cum Chri- sti corporis natura seu proprietatibus naturalibus pugnans, tantopere exhorres- catis? Valet scilicet apud vos opinio præjudicata, propterea quod à Magistro- rum vestigiis quos Ecclesiæ nomine semel ornastis, recedere vobis nefas puta- tis: & evertendam rerum omnium universitatem, ac de vita potiùs, quàm de sententia decedendum arbitramini. Quod quidem an ita se habeat, Cajetanus vester, & Cardinalis & summæ inter vestros eruditione atque indubitata fide vir, testis esto. Is in Thomam, ubi ait Magistrum Sententiarum nostram sententiam improbare, ita disertè scribit.

Circa præsentis & sequentium articulorum doctrinam ac materiam, pro claritate & ampliori intellectu difficultatum sciendum est, ex autoritate sacræ Scripturæ, de existentia corporis Christi in sacramento Eucharistiæ, nihil aliud haberi expressè, nisi verbum Salvatoris dicentis, Hoc est corpus meum: Oportet enim verba hæc vera esse. Et quoniam verba sacræ Scripturæ exponuntur dupliciter, vel propriè vel metaphoricè: primus error circa hoc fuit interpretantium hæc Domini verba metapho- ricè, quem Magister Sententiarum in distinct. 10 libro 4. tractat, qui & in hoc arti- culo reprobat. Et consiit vis probationis in hoc, quod verba Domini intellecta sunt ab Ecclesia propriè. Et propterea oportet illa verificari propriè. Dico autem ab Ecclesia, quoniam non apparet ex Evangelio concilium aliquod ad intelligendum hæc verba propriè, &c. Hactenus ille. Ex quibus certè verbis vel meridianâ luce clarius apparet, nihil esse penitus in sacra Scriptura quod vos in istas proprietatis verbo-

Thomas à  
vico Cajet.  
titula 5.  
Sixti pres-  
byter. Car-  
dinal. sup.  
3. partem  
S. Thoma  
super q. 75.  
arti. 1.

verborum adigat angustias; sed quidquid illud tandem sit, id omne ex præjudicata vestræ romanensis Ecclesiæ sententia proficisci. Quanquam ne ex hac ipsa quidem verborum proprietate, transubstantiationis doctrina, de qua nobis est omnis disputatio, potest esse consecranea, sed tantum præsentia corporis Christi in sacramento Eucharistiæ, de qua paulò ante sententiam nostram explicavimus. Nam quod ad transubstantiationem attinet, vide quæso quale sit ejusdem Cajetani judicium. Paulò enim post, *Habemus igitur, inquit, ex veritate verborum Domini in sensu proprio, Corpus Christi veraciter esse in Eucharistia: & hoc est primum quod ex Evangelio habemus circa hoc sacramentum. Alterum autem quod Evangelium non explicavit, expressè ab Ecclesia accepimus, scilicet, conversionem panis in corpus Christi.* Quæ sit autem isthæc Ecclesia, idem disertè notat, subjungens: *Hanc enim (scilicet conversionem) non solum à prisca doctrina Ecclesiæ, quos habes de consecratione distinct. 2. copiosè, & à Magistro Sententiarum in tractatu de Eucharistia diffusè; sed à concilio Lateranensi sub Innocentio tertio accepimus, ut patet ex tract. de summa Tri. & fide Cathol. firmiter credimus, ubi utrumque simul dicitur, &c.* Etenim cum illis ipsis, qui tum in Decreto, tum in libro Sententiarum, producentur testibus planissimè appareat, veterem universam Ecclesiam aliter sensisse, & Christi verba per sacramentum explicasse; omnino liquet, hujus doctrinæ fundamentum in solius concilii Lateranensis auctoritate conquire. Nihil est igitur ista vestra transubstantiatio, nisi mera traditio, ac purum putum commentum eorum, quibus vos Ecclesiæ nomen arrogatis, ex quorum auctoritate haustam atque infixam animis vestris opinionem si depoveritis, ejusque loco, sacræ Scripturæ auctoritati vos subjeceritis; nec ulla restabit inter nos hac de re controversia, nec erunt vobis nova miraculorum portentia fingenda, quibus veritatem verborum Christi à falsi nota vindicetis; atque ita quæcunque tu hîc importunè de fide Abrahami & Virginis Mariæ, & Zachariæ accumulas, suâ sponte corruent, neque ullâ responsione indigebunt.

**E**X his facilè apparet, difficultatem de fractione panis haud à me inventam productamque esse, quemadmodum tu fingis: Auxit enim illa, ut cæteræ omnes, ex illo absurditatum omnium immenso gurgite, transubstantiationis, inquam, doctrina, quæ ut olim omnes vestros Scholasticos, ita nunc te necessum est mirificè torqueat. Nec enim potes te ex hoc cæno expedire. *Substantiam panis fateris frangi non potuisse, utpote quæ jam esse desierit: at ne Christi quidem corpus, quod est nefarium, in frustra discerpi. Efficis igitur omnino relinqui panis frangi magnitudinem, quæ post benedictionem sit relicta, modumque suum & formam retinuerit, &c.* Omitto flagitia orationis, quod ais magnitudinis quæ sit sine subjecto modum & formam retineri, quum omnis forma sit formati forma: magnitudini autem per se, quæ substantiam ipsam quodammodo informans ipsa informari non possit, formam tamen & modum tribuere, nimis certè supinæ est oscitantia. Sed his omisissis, sententiam expendamus. Equidem cum hæc legerem, subiit animum meum illa Senecæ increpatio de iræ impetu: *In quo etsi vanis concitati sumus, nos dicit perseverare, ne videamur cepisse fixæ causa:*

*causa: & quod iniquissimum est, pertinaciores nos facit iniquitas ira. Retinemus enim illam & augemus, quasi argumentum sit iustè irascendi, graviter irasci. Quod ille de ira dicit, etiam de errore verissimum esse, tuo hîc doces exemplo. In eo enim semel suscepto perseveras, ne videaris cœpisse sine causa: ita errorem & pertinaciter retines, & vehementer etiam auges, ut iustè errandi argumentum facias, errare graviter. Quis enim unquam vos vel Apostolus vel Evangelista docuit, panem quidem deliisse, magnitudinem autem panis quæ frangatur relictam esse? Quasi verò cùm Paulus disertè affirmaret, panem quem frangimus esse corporis Christi communionem; non de pane egerit, sed de visa magnitudinis specie ac simulachro, quod sine pane subsistat? Sed hæc jam factis superque repetita non est necesse pluribus inculcare. Verba Pauli & omnium Evangelistarum plana sunt, clara atque perspicua, neque possunt ejusmodi fascinis aut præstigiis obscurari. At verò, qui potest existere panis magnitudo, ubi nullus est panis? an non vides esse hæc pugnancia, frangi magnitudinem panis non panis? An tu mihi ullius rei quæ non existat, magnitudinem ullam aut formam dabis? Quid verò si fracta illa magnitudo à mure corrodatur eundemque nutriat? an vivum animal inani magnitudine nutrirî contendetis? Sed relinquitis Deo hanc curam: modò ut vestrum semel susceptum errorem tueamini, de reliquo nihil vobis est pènsi. Ita enim quasi ex sripode pronuntiat vester Sententiarum Magister. Illud etiam sanè dici potest, quod à brutis animalibus corpus Christi non sumitur etsi videatur. Quid ergo sumit mus? vel quid manducat? Deus novit hoc, &c. Lepidam sanè & magistralem sententiam! Sed quid tandem est istud vestrum magnum, album, rotundum quod frangitur? Dicitis esse accidentia. Est. At cui ergo accidunt? Christi ne corpori, an panis substantiæ? Planè nulli, sed hærent in aëre pendula. Ergo ne accidentia quidem sunt, cùm nulli planè rei accidunt. Hîc prehensi, excurritis in campos miraculorum, & omnipotentiam Dei ad fulcienda vestra somnia è coelo devocatis. Nam quo tandem verbo potestis docere, magnitudinem aliquam esse, ubi nihil sit magnum; rotunditatem, ubi nihil existat rotundum; frangi denique aliquid, quod omninò non existat? Reditis ad usitata illa verba: Hoc est corpus meum. Ea clamatis esse clara, perspicua, indubitata: quasi verò illa pronuntiavit Christus ad portentosa hominum fanaticorum sustentanda deliria. Et tamen utut se res habeat, utique videtis non aliter vos absurdissima quæque vestra commenta tueri posse nisi uno illo à vobis sumpto quod unum est in controversia, quodque nullo argumento potestis probare. Contenditis magnitudinem per se divisibilem esse, sicut color est per se visibilis, & Aristotelem etiam hujus insanix testem laudas, quia videlicet tradat colorem per se visibilem; substantiam verò sub colore latentem cerni non posse, nisi ratione coloris. O præclarum Philosophum, & acutum simul Theologum! quasi verò Aristoteli vel per somnium venerit unquam in mentem, ullum posse cogitari colorem nulli planè rei quæ per se existat subnixum fulciturumque, qui perpetuò inculcat non posse extare accidentia, nisi habeant cui accidunt. Ais deinde Christi corpus sub panis magnitudine contentum, per accidens divisum esse. Atqui paulò antè dixeras, solum dividi accidens seu solum magnitudinem, Illud autem accidens Christi corpori cum minimè accidat; certè eo*

diviso, Christi corpus ne per accidens quidem dividi potest. Dividi enim per accidens vel pueri intelligunt, nihil esse aliud, nisi dividi ratione accidentis quod inest ipsi illi quod dividitur. Cui enim accidens aliquid non inest, ei certè ratione illius accidentis tribui nihil potest. Paulò pòst quasi ex uno delirio in aliud lapsus, inquis divisam esse ita Christi substantiam, & sub tota panis magnitudine, & sub qualibet ejus parte tota existat. Ergo & divisa est Christi substantia & non divisa, & fractum ejus corpus & simul non fractum, & denique integrum & non integrum. Hoc si non est delirare, ego certè nunquam ægrum delirantem vidi. Sed adjicis præclaram rationem & mysticà isthac theologià perdignam. Idèd Christi corpus suæ magnitudinis ratione non fuisse divisum, quia hæc magnitudo suum modum & formam non habebat. Ergo Christi corpus & alienæ magnitudinis ratione divisum fuit, quod certè est absurdissimum: & suâ magnitudine prorsus caruit, ac proinde immensum fuit, omnique corporeâ proprietate vacans, & ita ne corpus quidem: quod est impium. Nam si est ita ut dicis, omninò necesse est vel imaginarium & phantasticum Christo corpus affingas, vel in immensam Deitatis naturam idem transfundas, quorum alterum est Marcionem ex inferis revocare; alterum, cum Swencfeldio & Anabaptistis insanire. Hic tu tamen tanti convictus probri, non vereris pronunciare, vos ad imitationem Sanctorum divinam omnipotentiam pro fidei vestræ fundamento constituere. At oportebat meminisse fidem esse ex verbi Dei auditu; ac proinde nullam esse fidem, ubi non sit verbum. Crediderunt enim sancti Patriarchæ quibus per Angelos Deus locutus est, Christum ex semine Davidis in hunc mundum venturum & pro nostris peccatis hostiam se Deo oblaturum: & reliqua, quæ Prophetarum oraculis consignata sacræ Scripturæ paginâ continebantur. At verò ut ad vestrorum sacrificarum murmur pani insufurratum omnis rerum natura everteretur, ut quod revera existit panis subitò evanesceret, & inania ejus accidentia in aère pendula hærerent, ut denique panis substantia in substantiam corporis Christi converteretur, id quia neque Prophetarum neque Apostolorum testimonio comprobatur, neque vobis ipsis testibus vel minimo Evangelii apice traditur; idèd nos vobis vestræque Ecclesiæ, à qua vos dicitis accepisse hoc tam portentosum mysterium, relinquimus; & uno Dei verbo cum omnibus Sanctis indubitata fide acquiescimus. Quòd itaque adjicis, non moveri te absurditatibus à nobis collectis, quia ex Paulo didiceris, *quòd Deus elegit ea quæ stulta sunt mundi ut confundat sapientes*, non modò ridiculum est, sed vanum etiam & impium. Nam quòd has absurditates ex verbis Christi in proprio & usitato sensu sumptis ais colligi, insignem Dei filio contumeliam inuris; cujus certè verba plana, perspicua & aperta cum sint, nihil habent absurditatis, quia nihil habent commune cum transsubstantiatione, è qua sola tanquam ex putri sentina omne hoc absurditatum cœnum longè latèque profluxit. Quod autem ea quæ Paulus de Christo crucifixo, qui gentibus habebatur stultitia, Judæis scandalum, ad vestrum transsubstantiationis monstruosum fœtum traducis, plenum est impietate. Ridiculum etiam quod in commentitia ista transsubstantiationis fabula, stultitiæ & cœcitatibus notam ipse animadvertis, quam quidem frustra Dei sapientiæ tribuis, cum sit vestræ synagogæ fœtus, & è Jovis Ro-



mani cerebro, in Lateranenſi Concilio, prognata inſauſto partu Minerva. It<sup>a</sup> ut manifeſtum ſit non pro Dei verbo, ſed pro veſtris adinventionibus ſuſtendis vos velum omnipotentiae, quaſi quoddam ſomniorum tegumentum, obtendere.

**C**apite xv. manifeſtam iterum adhibes calumniam. Ais enim me dixiſſe; *Chriſti corpus nulla circumſcriptum diſenſione, ſeu magnitudinis ſuae modum & formam non habens, a qua poſſe ſub naturali pane atque ſub inanibus accidentibus deliteſcere, &c.* Ex quo facile jam eſt videre, quod ante attingi, noluiſſe te ut mea prodiret in lucem Epistoſa, quo poſſes quidquid adlibuiſſet impunè mihi adſingere, neque Lectori eſſet integrum de rei veritate quicquam ſtatuerè. Ego enim tantum abeſt ut id vel ſcripſerim vel ſenſerim, ut jam ante duodeviginti annos, libellum contra illam ſententiam in lucem ediderim. Mea autem ex quibus te hæc hauſiſſe poſſum ſuſpicari, ita ſe habent pagina libelli mei 299. *Alioqui obſecro te, vir præclare, cedo ex quibusnam tandem fontibus vel rivulis hauſerint veſtra bujus præſtigioſæ theologiæ antiſtites, præcipuum in hoc jus & ſingularè prerogatiuam accepiſſe nuda hæc veſtra accidentia, ut hoc Chriſti corpus inviſibile atque impalpabile nulla corporeâ circumſcriptum (ut volunt) diſenſione non æque poſſit ſub vero naturali & vitali pane atque ſub caſſis & inanibus accidentibus occultatum deliteſcere, &c.* Videſne hæc portenta quæ tu mihi adſingis, non ex mea, ſed ex veſtra manare ſententia? Vos enim eſtis ii qui quoties lubet, pernegatis Chriſti corpus diſenſis & corporeis circumſcribi finibus: & in omnes ſacriſicorum aras, in omneſque manducantium hunc panem ſtomachos ſine ulla diſenſione aut quantitate porrigi aſſeveratis. Nos verò ejusmodi blaſphemias & portenta eadem fide averſamur, quâ veritatem Evangelicam amplectimur, quæ tradit verum Chriſti corpus, verâ & corporeâ diſenſione conſtans, in cælum ſemel receptum, eodem contineri, donec ad rerum omnium inſtaurationem inde ſit deſcenſurum. Sed quàm hoc eſt ridiculum quod conſiteris quidem Deum potuiſſe efficere, ut Chriſti corpus ſub panis ſubſtantia deliteſceret; ſed quia dixit Chriſtus, *Hoc eſt corpus meum*, non autem, *Hoc ſimul eſt & panis & corpus meum*; idè credere te id quod Chriſtus demonſtravit fuiſſe quidem corpus, panem verò nequaquam: quaſi verò magis Chriſtus dixerit, hoc ſimul eſt & ſpecies panis & corpus meum; quàm, hoc ſimul eſt & panis & corpus meum; ac proinde ejus oratione magis excludatur panis ſubſtantia, quàm caſſa & inanis ejusdem ſpecies ſeu accidentia. Deinde cùm demonſtratio ad externos procul dubio ſenſus, & ad id quod Chriſtus in manus ſumpſit, fregit, deditque diſcipulis, referatur, & tu panem demonſtrari non velis, efficietur ejusdem tantum ſpeciem demonſtrari, ac proinde inanem illam panis ſpeciem iſſiſſimum eſſe Chriſti corpus: aut certè aliud demonſtrari quàm illud quod Chriſtus manibus ſumptum, manibus ipſe ſuis porrexit, quod certè cum manifeſta Evāgeliorum veritate pugnat. De ordine, utrūne verba fractionem præceſſerint, an verò conſecuta ſint; veſter eſt omnis iſte labor, qui vobis mordicus arripitis, & ſub ſigno ſervientes, quod ait Auguſtinus, rem ſignificantem veneramini, neſcientes quid ſignificet. Ac propterea noſtrum

certè Ecclesiæ consuetudo, quam tu hîc producis, causam istam vestram juvare nihil potest. Nos enim qui signa pro rebus non accipimus, sed supra creaturam corpoream, oculum mentis ad hauriendum æternum lumen tollimus, ut idem ait Augustinus, de ordine verborum haud magnopere laboramus; quovis enim modo nobis nostræ constat sententiæ ratio. At vos qui vim omnem in verborum pronuntiatione ponitis, si vobis ipsi constare vultis, necesse est ut fateamini, verba consecrationis fractionem præcessisse, ac proinde necdum evanuisse panis substantiam, cum ea verba pronuntiarentur. Nam si dixeritis verba fractionem fuisse consecuta, posita certè transsubstantiatione, nulla restabit fractionis analogia, quæ à vobis non in substantia panis, sed in simulachro & inanibus ponitur accidentibus, quocirca ne usus quidem ullus ejus erit, & ita frustra dixerit & Paulus panem, quem frangimus, esse communionem Christi corporis; & ipse Christus, hoc esse suum corpus quod pro nobis frangitur, quippe quum nulla restet inter fractionem panis & corporis similitudo, nullaque analogia.

**L**aboras deinde non mediocriter, ut ostendas nullum à verbis hîc induci præstigium, neque sensus deludi, sumpto à similitudine Baptismi argumento, *ubi cum sit innovatio mentis & peccatorum remissio; tamen homo qui baptizatur, post ablationem omnino talis apparet qualis ante fuit.* Demiror equidem si cum hæc scriberes non erubuisti. Cum scias planè nihil habere vel mentis innovationem, vel peccatorum remissionem cum transsubstantiatione simile. Illa enim in homine fit, & quidem in ejus mente & spiritu, neque ullam substantiæ mutationem invehit: hanc vos in pane corporaliter statuitis, cujus accidentia in aëre pendula nullo substantiæ fulta adminiculo hæreere vultis; & cum omnes omninò sensus videant, odorentur, gustent, contrectent panem, vos panem esse pernegatis, eosque in nudis accidentibus falli ac deludi, quoad quidem illis subjectum substernunt, perhibetis. Quo quid potest esse præstigiiosus? Quid? quod illud ipsum quod in frustra discerpitis, dente premittis, in stomachum atque inde porrò in secessum mittitis, traditis nihil habere solidi, nihil *veritas*, & verò ne subsistere quidem. Deinde in ipso etiam hominis stomacho & ventre miras præstigias comminiscimini: præscribitis metam quousque sub accidentibus panis contineat se corpus Christi, inde porrò missionem illi facitis, & in cælum relegatis, ac deperditam semel panis substantiam denuo redintegratis, & ad fulcienda iterum pristina sua accidentia remittitis: mures & vermes solis accidentibus nutritis, & etiam sialiter videatur; corpus tamen Christi ab eis minimè sumi asseveratis; ita manifestâ delusione fallitis oculos, ut videant esse quod non est. Quid? quod in ipso Christi corpore præstigias editis: vultis ibi esse corpus visibile quod non videatur, palpabile quod non palpetur, corporeum quod omni corporis dimensione careat, locatum denique neque tamen localiter. In fractione verò, Deus bone, quos ludos, quos fascinos adhibetis! frangi dicitis quæ nulla sit substantia, sed nuda & in aëre pendula, nullius rei magnitudo. Christi corpus videri quidem frangi, & tamen non frangi; & idem tamen frangi per accidens quod ei non  
inhæ-

inhæreat; & rursus pluribus distribui, & tamen integrum suis omnibus partibus manere. Et hæc cum corporaliter fieri omnia asseveretis, nullis tamen vel sensibus vel proprietatibus corporis posse percipi traditis. An fuit ullus unquam post homines natos circulator usque adeo impudens, qui miseræ plebeculæ oculos, dentes, manus, totum denique corpus ita protervè ludificaretur? sed ais: ibi tantum censerî præstigiū, ubi qualitatum falsarum est apparitio. Quid verò? cum ex inanibus qualitibus falsæ apparent substantiæ? cum ipsæ qualitates quæ in re aliqua insunt, vel non apparent, vel non ita apparent ut sunt? an potest quis dubitare quin sensus corporei ludibrium aut præstigiū pariantur? An non ipsi vos decernitis ibi magorum censerî præstigias, ubi delusione quâdam falluntur oculi, ut videant esse quod non est? & tamen asseveratis mures non edere Christi corpus, etiam si edere videantur: an hoc non est oculus præstigiū fallere? Quanquam quis non vider infinitas à vobis qualitates sensibiles fingi apparere quæ non sunt? vultis album & rotundum apparere quod non existat, neque in aliquo insit? Panem qui revera sit, qui appareat, negatis existere. Et hæc omnia etiam ludicrâ & sophisticâ cavillatione sursum deorsum vertentes statuitis, quia substantiæ per se non sint objecta sensuum, nisi quatenus vestita sunt accidentibus; idem ne sensus quidem falli: etiam si nullam substantiam; sed accidentia nuda & omni subjecto vacantia percipiant. Ita ut vanissimos quosvis agyrtas & circumforaneos præstigiatores vestra isthac vanitate longè antecellatis. Scimus quidem nos Dei potentiam naturæ ordini non sic alligari, quin & contra & præter naturam quicquid velit, effectum reddat. Sed quia id ita est, idem simul etiam statuimus ejus potentiam esse efficacem; & quod faciat, ita facere ut sit: & si fecit esse corporeum, simul facere ut tale appareat quale est, habeatque & naturam & proprietates corporis, neque hominum sensus temerè fallere aut ludificare, quemadmodum in hoc vestro transsubstantiationis monstro usu venite ostendimus.

Postea verba Pauli de pane qui frangatur disertè pronunciata, ad inane panis simulachrum derivas, producto exemplo virgæ Moïsi, quæ postquam esset in serpentem commutata, nihilominus virga dicitur. Sed non potes te expedire. Scriptura enim apertè tradit Moïsi virgam verè fuisse in serpentem commutatam, & propterea illam ipsam virgam comparatam cum reliquis magorum virgis quæ revera mutatæ non erant, illas devorasse. Hic verò, cum de pane nihil tale dixerit Paulus, & verò constanter pronuntiet esse panem, & quidem panem qui frangatur, qui edatur, qui unionem Ecclesiæ granorum ex quibus est coagmentatus coalitione referat; omnis ejus oratio vestram transsubstantiationem jugulet necesse est. Quod autem ex benedictionis verbo vis demonstrare non loqui Paulum de pane simpliciter, sed de pane tantum benedicto, à nobis etiam facit: ex eo enim evincimus de vero illum & substantiali pane agere, propterea quod verus sit atque *συνάμωμος* panis ille cui benedicatur. Benedictionis enim verbo nihil minus quàm transsubstantiationem notari, jam satis ante demonstratum est. Ad ea quæ iterum de verbi, est, significatione, hic injicis, nihil addam; ad superiora te remittam.

Quod autem in putribus vestris truncis & faxeis idolis, aliisque inanibus si-

mulachris, quæ ab homuncionis miselli & mortalis peccatrici manu nati aut oculorum formam ad puerorum & anicularum terriculamentum acceperunt, Christi & Sanctorum agnoscis imaginem, ex qua statim intelligatur analogia: in pane autem, qui vivificæ verbi Dei virtute ac potentiâ, hominem nutriat atque sustentet, non agnoscis; perspicuum certè facis in te adimpletum esse Domini verbum, quo ait, *fiant similes illis qui faciunt ea*, &c. qui spem ponunt in eis vel ea venerantur. Prodis enim manifestè te tuis faxeis simulachris multò magis esse faxeum, qui neglectis Dei admirabilibus operibus, Christi analogiam in opere manuum hominum, quo nihil potest esse vilius, nihil abjectius, quæris. Christus autem passim se denunciat esse panem, & quidem panem vitæ, panem qui de cælo descendit. Et ediversò panem esse suum corpus asseverat, ut illam de qua quærimus analogiam nobis repræsentet. Simulachrum autem neque pictum neque sculptum se esse unquam dixit, & verò ne ullum quidem simulachrum sui referre similitudinem, vel analogiam testatus est. Cùm contra clamet universa Scriptura quævis simulachra, quæ homines effinxerunt, & venerantur, vel tanquam Deos, vel tanquam imagines Deorum, ut præclare annotavit Augustinus, nihil esse præter nefandas abominaciones & obscæna scorta, quæ hominem à sincero & spiritali Dei cultu atque à veritatis cognitione quàm longissimè abducunt. I nunc & in his præclaram tuam quære analogiam. Nos Christi verbis insistentes & vestigiis panis sacramento nomen ejus corporis tribuimus, & in eo certam analogiam agnoscetes, vestra nefanda simulachra toto pectore averfabimur.

Capite duodevicesimo conaris locum illum Pauli, *Petra erat Christus*, argutulâ cavillatione pervertere, & non modo contra Augustini & plerorumque veterum auctoritatem, sed etiam contra sententiarum Magistri fidem, non de sacramento aquæ quæ ex petra profuebat, sed de ipso Christo qui per fidem in eorum cordibus habitabat, interpretari: Sed non animadvertis tibi Pauli verba manifestè repugnare, qui disertè testatur maximam eorum, de quibus loquitur, partem fuisse infideles. Aitenim eos Deum in deserto tentavisse, scortatione & idololatriâ contaminatos diem obiisse, neque omnino Deo gratos fuisse, quod certè illis in quorum cordibus Christus per fidem habitet, tribui non posse, vel ipse tu fateberis nisi planè perfricuisti frontem. Deinde quid potest esse manifestius, quàm Paulum ibi agere de Sacramentis, cùm primùm quidem baptismum, deinde cibum etiam ac potum spiritalem disertè nominet, quæ duo inter Christianos Sacramenta, orthodoxa semper agnovit Ecclesia. Et eorundem dicit Patres in deserto fuisse participes, non aliter ac nos simus, & tamen illos Deo charos propterea minimè fuisse, quia scilicet constanti fide & patientiâ in ejus verbo non acquieverint. Quare ne de nobis quidem esse temerè gloriandum, aut animos propter usum Sacramentorum efferendos. Quid? quod ipsemet ea typos nominat, quo certè vocabulo græca omnis ecclesia Sacramenta semper expressit, non minùs quàm vocabulo mysterii. Nimis itaque putidum est & scurrile etiam cavillum, in quo tibi ad eludendam tam perspicuam veritatem suaviter delicias facis:



*Dum ais non posse hæc de petra intelligi, propterea quòd petra in Orebo monte suâ sede fixa populum Dei sequi in deserto non potuerit; cùm nemo sit ita impudens, qui in hac Pauli oratione metonymiam non agnoscat, fateaturque, petram pro aqua ex petra profuente (quemadmodum Christus dixit, calicem pro vino qui calice contineretur) nuncupari. Ait enim bibisse illos de petra: quo certè vocabulo non potest nisi potus intelligi, qui ex ea manans nonnullo tempore Dei populum ex historię serię secutus intelligitur. Pudeat igitur tam inanibus cavillis lectoris tentare patientiam & sacra Spiritus Sancti Oracula contra ejusdem mentem atque apertissima verba ita protervè detorquere.*

**R**eliqua quæ produxeramus exempla, dum eâdem arte conaris eludere; planissimum facis te stimulis conscientię urgentibus ad veritatem Domini profitendam quamvis invitum ac reluctanter trahi. Dum enim puerili atque ineptâ cavillatione studes demonstrare, quoties nomen *JEHOVÆ* aut Domini exercituum tribuatur arcæ fœderis, vel quoties columba dicatur esse Spiritus sanctus, eâ voce, non significari sacramentum, sed rem ipsam Sacramento significatam; quid aliud, quàm nostram doctrinam verissimam esse confiteris, & simul te prodis cavillandi studio excœcatum quid ipse dicas non attendere? Quod ut cernas clariùs, agnosce hæc tua ipsius verba: *Si Scriptura diceret eam columbam fuisse Spiritum sanctum, vel arcam fuisse Dominum exercituum, non deberemus intelligere vocem, Spiritum sanctum à sua propria significatione desecti, ut significares signum Spiritus sancti, quasi diceret, hæc columba est signum Spiritus sancti; sed considerata facti circumstantiâ, deberemus intelligere ipsam vocem, Spiritus Sanctus, in propria significatione acceptam, de particulari illa re enuntiari, quæ per illam columbam sacramentaliter significabatur, nempe de persona Spiritus sancti, &c.* Accipio, mi Baii, istam tuam confessionem, & si tibi constare voles, haud me posthac fore adversarium profiteor. Nec enim est animus de voculis aut verborum ordine litigare, modo ut de re ipsâ inter nos constet; placet itaque quòd non vis hanc enuntiationem, *Hæc columba quæ super Christum descendit fuit Spiritus Sanctus*, explicari per istam, *hæc columba significavit Spiritum Sanctum, seu fuit ejus signum aut Sacramentum*: Sed tantùm per hanc: *Id quod illâ columbâ sacramentaliter fuit significatum, verè fuit ipse Spiritus Sanctus*. Ne sit igitur figura in voce attributa Spiritus sanctus, neque in copula verbi, est, sed in ipsâ tantùm voce subjecta; modò ut illud inter nos constet, idem valere illam orationem, ac si quis dixerit Spiritum sanctum sacramentaliter fuisse significatum per columbam. Ita certè libenter patiar (nec enim de voculis lubet contendere) ut hæc verba: *Hoc est corpus meum*, eâdem penitus ratione interpreteris, ut idem significet ac si dicas, id quod sacramentaliter significatur per hoc quod vobis demonstro, vel per hunc panem, est verè corpus meum. Quod si fateare, ut certè fateri te tua ipsius cogit ratiocinatio, jam omisâ de significatione voculæ, est, omni controversiâ, ego ne verbum quidem ampliùs posthac tecum commutabo.

Sequen-

Sequenti capite quo tradis ipsum Christi corpus, Christi corporis esse sacramentum, quia nullo neque rationis firmamento neque Scripturarum nititur testimonio; ac proinde quâ facilitate dicitur, eâdem negari potest, non attingam, cum ex iis quæ jam abundè in hoc argumentum utrinque dicta sunt, quid verum, quid falsum sit, æquus & cordatus lector facilè possit judicare. Transeo itaque ad reliqua.

**I**N ultima orationis parte, tui semper es similis. Ut excuses quòd lectione nostrorum librorum ita graviter isthuc interdicitis, Angliæ nobis exemplum objicis. Deinde variis nos criminationibus perfidiæ, fraudum, perjurii, perduellionis, hæreseos & sacrilegii, pro theologica tua modestia & fraterna charitate, reos agis. Angliæ exemplum nihil ad nos attinet. Illi enim suum factum facilè tuebuntur, quanquam ego certè possum juratus affirmare, quod mecum testabuntur omnes qui Angliam viderunt, Papistarum libros infinitos in omnibus ibi bibliothecis publicè venum ire. Ego verò ipsius Edmundi Withakeri doctissima retutatione utrâque linguâ & latinâ & Anglicâ passim proflare non ita dudum vidi, & unum mihi exemplum coëmi. Tu meam epistolam à te, ut quidem gloriaris, abundè confutatam prælo isthuc committere nunquam ausus es, ne censuram Inquisitionis incurreres. Quid? quòd quo tempore eram Lovanii, vidi Ruardi Tappardi theologorum vestrorum coryphæi scripta contra Calvinum & Lutheranos (ut vocatis) eo tantum nomine vetari, quòd Calvinii rationes interdum fusius & de verbo ad verbum proposuisset, quibus adjunctam confutationem quia nimis imparem esse sentiebant sapientissimi vestri Theologi, veriti sunt quod tu etiam in meis scriptis metuisi; ne qui utraque legeret, de veritate facilè posset judicare. Sed non est mirum odisse lucem veritatis eos qui in erroris & mendacii tenebris versantur. Maledictis tuis, quia morbum animi tui potiùs quàm quidquam aliud produunt, sigillatim non respondebo. Scio enim stultorum esse thesaurum maledicentiam, quem ego vobis haud invideo. Quod autem ab Hispaniarum Rege nos descivisse objicis, hujus neque temporis est neque instituti. Constat enim nobis facti nostri ratio, quam quoties ex usu erit, facilè piis omnibus & Christianis Principibus ac populis probatam reddemus. Dicam tamen, quod non potes diffiteri: si nos propterea perduelles sumus, vos sanè bis esse perduelles: qui primùm à Rege ob Hispanorum tyrannidem defecistis: mox fortunâ paulùm commutatâ, pro eorundem dominatu, nefaria in patriam tulistis arma, ut in ejus perniciem illorum tyrannidem stabiliretis. Ita vestram defectionem, duplici perduellione cumulastis. Quod autem Catholicæ Romanæ Ecclesiæ nos ais esse desertores, est verò perridiculum. Quid enim quæso est Catholica Romana, nisi universalis particularis? Catholicum enim idem esse quod universale, vel pueris notum est: quocirca Ecclesia Catholica indubiè universam omnium omnindò Fidelium & Sanctorum quicumque à condito mundo ad hoc usque temporis momentum, sive in Asia, sive in Europa, seu in Afri-

ea, aut America extiterunt, communionem complectitur. Quæ quidem non magis dici Romana potest, quàm universa orbis machina unius Romanæ urbis nomine contineri. Romana certè Ecclesia, si catholicam & apostolicam fidem tenuerit, & relictis humanis superstitionibus Deum ex verbi præscripto, non ex hominum traditionibus coluerit, catholicæ quidem Ecclesiæ particula & membrum dici poterit, catholica certè Ecclesia non dicetur, nisi quo pacto dicitur minimus digitus esse totum corpus. Sed fortè censes nos ipsam Catholicæ Ecclesiæ fidem, quam Romani retinuerint, deseruisse. Nos autem, cum catholicam Ecclesiam, nisi eam quæ vocem unius audiat Pastoris & sponsi, quæque Apostolorum & Prophetarum doctrinâ fundetur, nullam agnoscamus; ne fidem quidem aut doctrinam catholicam, quæ uni illi Pastoris voci & Apostolorum verbo non innitatur, possumus ullam profiteri. Quare si ad hunc lapidem lydiû nostrâ fides examinata, pulchrè ubique consenserit; perspicuum fiet catholicæ fidei desertores censerî nos nequaquam posse. Sed longum esset per singula fidei capita discurrere, eaque omnia ad Pastoris vocem & Apostolorum doctrinam sigillatim expendere: & jam sæpe hoc ab aliis ita est præstitum, ut nihil habeatis quod è verbo Dei possitis opponere. Quare cum hujus non sit instituti singula ista persequi, relinquamus in medio ea capita quæ inter nos controvertuntur. Ex illis quæ utrinque confessa & indubitata habentur, exquiramus utri nostrû catholicæ & orthodoxæ fidei desertores meritò habeantur. Et primû à Deicultu, in quo potissima consistit pietatis pars, fiat initium. Unum quidem Deum colere vos profitemini: id, si ita est, habetis nobiscum commune. Sed vos quidem infinitos adhibetis Patrones, quos Sanctos aut Divos nominatis, quasi minorum gentium Deos. à quibus opem atque auxilium difficillimis vestris temporibus imploretis. Illis vota nuncupatis: aras, fana, delubra dedicatis; Sacerdotum ac Flaminum Vestaliumque ordines consecratis. Sacrificia, libationes, thura, Missas celebratis: & verò etiam Virginem Mariam, unicam vestram spem ac misericordiæ azylum, & matrem gratiæ, quæ extremâ mortis horâ vos suscipiat, quæque filio Dei veroque Deo jure Matris imperet, religiosè invocatis. Nos unum tantû habemus Deum, quem quia solum, & arcana cordium perscrutari & in rebus afflictis auxiliari & servare posse arbitramur, idè solum in quavis ærumna & calamitate imploramus. Non inquiri utri nostrû faciant rectius, & cum Dei verbo convenientius: hoc solum dari mihi postulo, quod non ibitis inficias, neque Christum neque Apostolos istum vestrum colendi Dei ritum vel præscripsisse vel planè agnovisse: ac proinde catholicam Ecclesiam, quam suâ illi Doctrinâ fundarunt, hac certè parte, non nos, sed vos potius deseruisse. Deinde, etsi unum Deum colitis, simulachra tamen, quæ *εἰδωλα* græci nominarunt, non modò ipsi huic Deo (quasi hominum digitis summum atque immensum numen exprimi queat) sed reliquis etiam omnibus vestris Sanctis ponitis, quæ magno cultu veneramini. Iis nos omnibus repudiatis, in spiritu & veritate Deum esse colendum statuimus, qui neque manibus hominum fingi, neque ullum sibi simulachrum poni velit. Non disputo utri nostrû cum lege Dei consentiant. Id tantû urgeo; cum vel vobis restibus Apostoli nullis nisi simulachris fuerint, non magis certè quàm ipse Christus aut Prophetæ;

neceſſe eſſe ut conſiteamini nos ne hac quidem parte à catholicæ Eccleſiæ doctrina deſciviſſe. Præterea cùm Deum invocatis, an non infinitos, pro arbitrio quitque ſuo, deligitis vobis deprecatores, quorum meritis & precibus, illius gratiam vobis promereamini? nos contra unum deprecatores unumque Mediatorem Dei & hominum agnoſcimus Jeſum Chriſtum hominem, cujus unius meritum & gràtia patri nos poſſit conciliare. Non dico vos errare, nos rectè ſentire: ne quid attingam quod poſſit eſſe controverſum: Tantùm dico, quod ipſi non negatis, neque Prophetas neque Apoſtolos ullum alium deprecatores aut interceſſorem vel nobis commonſtraſſe, vel ſibi adhibuiſſe præter unum Meſſiam Servatorem, Davidis & Abrahami ſobolem ac Dei filium: quare quieorum certis & minimè deviis inſiſtat veſtigiiis, eum deſectionis à fide catholica ſeu apoſtolica reum peragi non poſſe. Ad hæc, invocationes & orationes reliquæ omnia ſacra, ſunt à nobis linguâ vernaculâ, quæ ab omni populo intelligatur. Veſtra non niſi latinè; linguâ, ſcilicet, veſtræ plebis auribus peregrinâ. Hunc niſi veſtrum ritum ab exemplo omnium & Prophetarum & Apoſtolorum fatebimini eſſe ita diſſidentem, ut noſter eſt conſentaneus, eritis nimium impudentes, & veſtro ipſi teſtimonio mendacii convincemini. Quando igitur & hac in parte à vobis deſcivimus, haud certè deſcivimus ab eccleſiæ Apoſtolice doctrina; ſed ab illis tantummodò, qui Apoſtolorum institutionem ac doctrinam priores deſeruerant. Veniamus ad Sacramenta. Quis quæſo fuit Apoſtolicus baptiſandi ritus? Sentio quid dicturi: ſanctos videlicet, qui Apoſtolorum ætate conſecuti ſunt, Patres reliqua illa quæ vos uſurpatis adjeciſſe. Non pugno, nec enim ſtatuì vobiſcum contendere. Quod ipſi dabitis, id ſolum ſumam, Apoſtolos non aliter baptiſaſſe, niſi quemadmodum noſtræ baptiſant hodie eccleſiæ; neque ipſum Chriſtum Dei filium aliter baptiſmum vel accepiſſe vel inſtituiſſe. Erraverit Chriſtus: deliraverit Apoſtolorum ſimplicitas: veſtri Pontifices pietate & ſapientiâ illos anteierint: Non litigamus: illud patiamini nos extorquere quod abnuere nec voletis nec poteritis; cùm in baptiſandi ritu, non ab Apoſtolis neque à Chriſto, ſed ab iis qui vel meliorem vel certè ſplendidiorem baptiſmi rationem excogitarunt, deſecerimus; haud poſſe cenſeri à catholica & apoſtolica Eccleſia nos deſciviſſe. Quid de Eucharitiæ Sacramento dicam? An poteſtis negare nos ritum à Chriſto traditum (nihil de doctrina dico, ea enim inter nos controvertitur) ab Apoſtolo Paulo in Corinthiorum eccleſia revocatum, ab omni deinde primitiva Eccleſia religioſè obſervatum ad amiſſim retinere? Finxerint vobis meliora vel Gregorius, qui paulò minùs ſexcentis annis eſt Chriſti ætate conſecutus, vel neſcio qui alii myſtrati Pontifices. Non expendimus quantò ſint his illa vel probiora vel deteriora: modò non abnuatis, apoſtolice & catholicæ Eccleſiæ exemplum imitando, ejuſdem deſertores nos dici haud quaquam poſſe: Quid dicam de ſumptione Eucharitiæ ſub utraque ſpecie? cùm illa ipſa veſtra Pontificum & Conciliorum Decreta, quæ Calicis uſu laicis interdixerunt, non diſſimulanter proſcreantur eundem qui à nobis uſurpatur ritum & à Chriſto inſtitutum; & ab Apoſtolis traditum & ab univerſa vetuſtiore Eccleſia multis retrò ſæculis conſtanter fuiſſe obſervatum: Non ſumus ergò, ne veſtrâ quidem confeſſione, hac in parte Eccleſiæ apoſtolice ſed apoſtaticæ deſertores. Quid verò? quum



fatalis illius crustuli pro Deo adorationem, pompam, lectisternia, & solemeis tum ambarvalibus, tum aliis festis diebus, præeunte cymbalo & cereis, circumgestationes, allaque à prophanis gentibus mutuata sacra repudiavimus, Ecclesiæ apostolicæ quæ hæc omnia ignoravit, an apostaticæ ritus & soleminia deseruimus? Visne porro ad eandem stateram vel ciborum delectum, vel discrimina dierum, vel Sacerdôtibus factum conjugii interdictum adpendamus? Quod quidem conjugium cum & Christus suâ præsentia & miraculo primò sanctificasset, & Apostolus in omnibus esse sanctum & venerandum pronunciasset, vestri legislatores spurcitas & coinquinationem carnalem esse pronunciarunt, in qua Deo placere nemini fas esse possit. An potestis negare in his omnibus exemplum & doctrinam Apostolorum, ut nos sequi, ita vos deseruisse, cum ipsi illi vestri legislatores in suis sanctionum libris aperte scripserint? *Antequam Evangelium claresceret, multa tum fuisse permissa quæ tempore perfectioris disciplinæ penitus sunt eliminata, &c.* Esto igitur vestra disciplina perfectior, at nostra certè cum & legali & Evangelicâ seu Apostolicâ niratur traditione atque exemplo, quod quidem ipsi vos disertè confitemini, nullo jure potest existimari ab Ecclesia catholica descivisse, nisi si quis à catholicæ Ecclesiæ fide doctrinam Evangelicam & Apostolicam penitus excluserit. Visne etiam reliqua pervestigemus, quæ primi ipsi authores atque inventores multo sæculorum intervallo post æratem Apostolorum in Ecclesiam introducta minimè diffidentur: Qualia sunt, statarum feriarum indictio, reliquiarum veneratio, indulgentiarum nundinatio, ad Sanctorum simulachra votorum nuncupatio, & longinquæ peregrinationes; sollicita ad eorundem sana & delubra discursatio, pro demortuis deprecatio, inferiarum institutio, ignis expiatorii cruciatus, ejusdemque antidota, amuleta, atque alia omnis generis remedia, aquæ lustralis asperio, cereorum consecratio, campanarum & æraementorum baptisatio, aquæ, salis, olei, cinerum, palmarum, aliarumque rerum sexcentarum, cum horrendis exorcismis, benedictio, libæi atque olei veneratio, Monachorum ac Vestalium infinitæ, & quidem diversissimæ atque inter se pugnantes perfectionum regulæ, cuculli, merita, opera supererogatoria, splendida denique illa vestra & Perlicæ potius pompæ, quàm Apostolicæ simplicitati similis hierarchia: Visne, inquam, hæc omnia ad Apostolicæ Ecclesiæ exemplum & doctrinam expendamus, quæ ab Apostolis prorsus ignorata, vix multis postea sæculis fuisse inventa vestri omnes libri cumulatissimè testantur? Quare qui hæc deseruimus, à vestris fortasse institutis & Romanensis Synagogæ traditionibus defecisse existimari possumus, ab Ecclesia certè Catholica & Apostolica, quæ ista omnia portenti loco fuisset habitura, nemo non sanus defecisse censuerit. Neque jam ego ista contendo vel impia esse, vel prophana & paganæ superstitionis plenissima. Sed quandoquidem omnino vultis, quicquid à vobis bonâ fiat intentione, id omne pro pio & sacrosancto haberi; & in accepti atque expensû còdicem à Domino referri; præbeo me indulgentem adversarium, neque quod petitis abnuo. At certè id efficio, qui illis explosis, Apostolicæ doctrinæ archetypum secutus in uno Dei verbo acquieverit, eundem Apostolicæ & catholicæ Ecclesiæ non desertorem, sed in statuatorem debere cenferi: ac proinde impudenter te mentitum esse, qui nos à catholica Ecclesia descivisse dixeris.

## 410 PHILIPPI MARNIXII RESPONSIO

Ais deinde nos à vobis discedendo hostilem animum induisse, etiam si vestrum plerique Christianæ fraternitatis memores, non tam irascamini nostræ, ut inquis, malitiæ quàm cæcitati condoleatis. Primum quidem non nos à vobis, sed vos à nobis quibus eratis arctissimo juncti fœdere & sacramento, discessisse omnes vident. Deinde quæ est ista vestra condolentia, quæ Christiana fraternitas? cujus exempla si libeat ab ovo, quod aiunt, usque ad mala sigillatim percensendo commemorare, faciliè demonstravero vos scythicam omnem feritatem longè exaperare. Sed nolo tam funestâ historiâ disputationem nostram commaculare. Testentur enim id nobis tacentibus, tot Regum ac Principum per fraudem extorta in nostram perniciem crudelissima edicta: testentur salissimæ illæ criminationes, quibus ad perpetuam posteritatis memoriam eadem illa edicta aspersistis: Testentur omnes toto terrarum orbe longè latèque diffusæ regiones atque provinciæ, quæ plus quàm sexcenta nostrorum millia & bonis & patriâ ejectorum, & conjugibus ac liberis orborum, omnique calamitatis genere coopertorum, suis finibus atque hospicio exceperunt. Testentur infinitæ cædes, strages, lanienæ eorum, quos nullo neque sexus neque ætatis discrimine ferrum, aquæ, flammæ, equulei, laquei, fossæ per universam Galliam, Germaniam, Angliam, Italiam, Hispaniam, per ipsam denique terrarum extremam Indiam crudeliter absumpserunt. Testentur hæc ipsa misera & luctuosa nostra bella civilia, quibus vestri Romani Pontifices, vestrique Magistri nostri, ut suam scilicet dignitatem suarum delicias & fastum tueantur, funestas facies non desinunt submittere: quibus jam universus penè Christianus orbis in sua sæviens viscera, conflagravit. Testentur denique præclaræ illæ Philippi Regis Hispaniarum proscriptionis tabulæ: In quibus omnibus undiquaque sicariis, latronibus, veneficis, parricidis, sacrilegis, omnibus denique nefariis & facinorosis hominibus, ad cædem, ferrum, flammam, toxicum atque omnis generis veneficia in nostram perniciem signum attollitur; & scelerum non modò impunitas, sed ingens etiam præmium proponitur. Hæc si vobis est condolentia, si Christiana fraternitas; non possum equidem intelligere quid tandem erit immanis crudelitas. At quæ est hæc tanti & tam efferati odii causa, aut quodnam tandem in vos tantum crimen admisimus? Deservimus scilicet illa vestra instituta, superstitiones, idola, ac nefandos ritus à vestris illis Patribus quos ecclesiæ nomine insignitis, extra Dei verbum & Apostolicam doctrinam excogitatos; & ex præcepti divini norma unum Deum, in spiritu & veritate, per unum intercessorem ac deprecatorem Jesum Christum, adorandum nobis decrevimus. Hinc illæ lachrymæ. Hinc omnis illa mali labes. Hinc enim & non alicunde illa vestra Christiana fraternitas & condolentia in truculentissimam ac plusquam belluinam rabiem exarsit.

Sed objicis nobis crudelitatem propterea quòd victâ tandem vestro furore nostrâ patientiâ, vestrorum carnificum fidas, gladios, igneis, venena, totis jugulis totoque corpore non diutius exceperimus: quòd vim omnium injustissimam atque immanissimam vi necessariâ patrio jure repellere coacti sinus: quòd ardente bello, qui hujus miseri ac luctuosi incendii flabella semper extiterunt eos nostris excedere finibus coegerimus. At verò tu, cedo mihi unum aliquem

aliquem ex iis qui nostram se doctrinam amplexum profiteatur, cui vos in vestris urbibus domicilium ac sedem tranquillam & liberam permittatis; ut agnoscant hujus vestrae Christianae fraternitatis vel tenue aliquod vestigium. Apud nos certe etiam in mediis hisce belli flammis, qui Romanam Religionem publice profiteantur non modò sunt infiniti ex vulgo, sed etiam viri principes non pauci qui in reip. administratione vel primum locum tenent. Nemini enim qui modo pacatè se & tranquillè gerat, religionis causà periculum à nobis creatur. Ita ut ne Sacerdotes quidem & Monachos aut Moniales expulerimus; nisi si qui vel perpetrata sodomiae, vel tentatae seditionis ac defectionis crimine convicti, aut certè meritò suspecti fuere: reliquis etiam ex publico alimentum suppeditatur; ita ut metuendum potiùs sit, ne hæc nobis lenitas atque indulgentia in nervum erumpat denique. Inunc, & condolentiam nobis vestram ac fraternitatem Christianam exprobrato.

Penultimo capite magno te conatu, sed frustra, à calumniæ manifestæ nota niteris vindicare: & simul prodis te nescire quod sit inter visibilem seu aspectabilem Ecclesiam discrimen, & eam quæ solis Dei oculis conspicua electorum numero continetur. Nam quia dixeram, universæ Ecclesiæ sensum inde usque ab ætate Apostolorum ad Bertrami tempora de doctrina Eucharistiæ certum & constantem extitisse. Postquam verò Gothorum vastatio in ecclesiam infinita scelera & flagitia invexerat, Pontifices Romanos ambitione & avaritiâ ardentes hanc de transubstantiatione doctrinam ignoranti populo facile obtrusisse: tu priori tuo scripto ostentandi fortè ingenii causâ, graviter me & acerbè reprehendisti, quòd existimarem Ecclesiam persecutionibus corrumpi posse: atque inde in campum doctrinæ de Domini castigationibus digressus, ipse tibi trophæum quasi de hoste victo excitasti. Jam ubi persentiscis calumniam reiectam esse, in aliam etiam scædiorem impingis, & ais me contra fidei symbolum sentire non unam sanctam catholicam & Apostolicam esse ecclesiam; sed duas, & corpus Christi esse bipartitum. Quo quidem mendacio quid potest esse turpius? quid tantò Theologo indignius? quasi verò non vel pueris in schola tritum sit, unam tantum esse Ecclesiam catholicam, quæ verè sit Sanctorum seu electorum omnium communio. Quo nomine nemo nisi qui verè sit membrum Christi, caro ex carne ejus & os ex ossibus ejus censerì potest: ac proinde de hac Ecclesia ait Paulus, Dei firmum ac ratum existere fundamentum, Dominum nosse qui sui sint. Et nihilominus tamen, cum sint multi vocati, pauci electi, non sit ipsa meridianâ luce clarius, Ecclesiæ nomen esse polysemum: aliquando enim pro illa quam diximus Sanctorum communione poni; aliquando pro quovis eorum cœtu qui nomen Christi externo ritu profiteantur, inter quos cum innumeris sæpè delitescant hypocritæ, neque pauci impii, non rarò fit ut Dominus pro sua justitia quasi larvam detrahens, patiatùr eos vel tumultibus bellorum, vel barbararum gentium incurfionibus & vastationibus, vel aliis cladibus ita imminui, atque omnibus scelerum, flagitiorum, atque impietatum generibus cooperiri, ut præter solum nomen vix ullum ecclesiæ restet vestigium. Atque hoc est quod ait Isaias. *Nisi Dominus reliquisset nobis semen, omnes sicut Sodoma fuissetis, & sicut Gomorra perissetis.* Quod certè Israëlitiæ ecclesiæ suo tempore uluvenisse gravissimâ disputatione

ad Romanos cap. 9. 10. atque 11. Paulus demonstrat, quinihilominus constanter asseverat haud propterea repulsum esse Dei populum quem elegerat; sed uti multò antè, temporibus Helix, usuvenerat, cum ille se solum esse relictum arbitraretur, qui nomen Domini invocaret; ita & suo tempore asseverat conservata esse septem millia eorum qui Baali seu idolis genu non flexerint. Hoc idem nos præeunte nobis Paulo, qui Antichristum in Dei templo sessurum esse prædixit, Romanæ isti vestræ ecclesiæ jam pridem contigisse asseveramus. Quum enim Christi nomen, & baptisimi Sacramentum, etsi variis hominum corruptelis adulteratum, retinueritis; non diffitemur quin etiam nunc sitis Ecclesia & templum Domini. Sed illud certè templum estis, in quo sedet Antichristus, quem vos in ea ipsa urbe, quæ Joannis ætate septem montibus ceu cornibus insignis in Reges terræ imperium exercebat, cujusque nomen Hebraicè est Geddon harma, i. excisio Romæ, in Dei terrestribus, & Christi Vicarij throno venerandum collocaistis. Ac proinde cum vestra Romana ecclesia, illa ipsa proculdubio sit Babylon, è qua nos jubet Dominus excedere, ne abominationum ejus fiamus participes; haud est mirandum, si vestri Pontifices à doctrina Apostolorum ad impietatem ac tyrannidem aversi, tam impia dogmata portenta, quale est hoc nefandum transsubstantiationis idolum, in Dei populum tot cladibus affectum, & altissimâ ignorantix & caliginis voragine obrutum, fidenter invexerunt. Quod mihi Aristotelem invidiosè objicis, fucum facis. Ais me plura ex Aristotele in una mea responsione attulisse, quam tu in omnibus tuis scriptis. Quid hoc ad rem & quasi propterea minus omnes sentiant, videant, intelligant vos in Aristotele potiùs ætatem, quàm in sacra Scriptura terere? & ad vestram stabiliendam doctrinam, infinita ex eodem conquerere fundamenta? Quid verò? an potes diffiteri neminem à vobis in Artium Magistrum adscisci, ac proinde ne in Theologorum quidem collegium cooptari, nisi qui disertè in Aristotelis verba juraverit? Ex eo fit, ut pleni sint Scholasticorum vestrorum libri argutiis ex illius Philosophia haustis, quibus contra manifestam Scripturarum doctrinam liberum hominis arbitrium seu *à nobis* & alia impia dogmata stabilitis. Ego verò si produxi Aristotelem, non in confirmando doctrinæ aliquo capite produxi, sed tum solum, cum de enuntiationum ratione ageretur, quæ omnis tractatio propriè ad logicam pertinet, Theologiæ propria non est; ac proinde cum nemo existat scriptor, qui hanc disserendi rationem Aristotele meliùs aut accuratiùs tradiderit: & si quis esset, ego tamen alium producere non debuerim adversus te, qui in ejus verba juratum te esse non potes diffiteri; nihil erat causæ cur me reprehenderes.

Postremò pueriliter cavillaris in discrimine ecclesiæ Judaicæ & Christianæ. Ego verò nunquam statui, veniente Christo nihil fuisse in Ecclesiam Christianam collatum, quod antea Dominus pro sua infinita sapientia necdum erat largitus: sed asseveravi, quod & nunc aio, Deum non minùs severa hodie in Ecclesiam Christianam judicia posse exercere, quàm olim fecerit in populum Israëliticum: & verò nisi vestra illa Romana meretrix seu Babylon à tam nefandis abominationibus se converterit, multò etiam animadversurum graviùs. Quod quidem non ego, sed ipse Dei spiritus per Pauli os disertè pronunciat, inquiens: *Si quidem Deus naturalibus oleæ ramis non pepercit, haud certè tibi parces,*



*qui præter naturam ex oleastro es in oleam insitus. Etenim & tu excideris, nisi Dei clementiæ ac benignitati per fidem constanter adhaeris.* Non est itaque quodd Ecclesiæ tuæ Romanæ ita suaviter ac blandè palpère, mi Baii, ejusque cervicibus & alis tam molles, ut ait Propheta, pulvillos substernas. Adest enim, ut dixi, adest jam tempus, quo Dominus sedem illam magnæ meretricis funditus evertat, & suam Ecclesiam ab immani ejus tyrannide vindicet. Quod in extrema calce adjicis de Romani Pontificis potestate, ita est puerile ut non egeat confutatione. Postea quàm enim ex Scriptura probaveris, Romæ sedem Episcopi positam esse, quæ cæteris omnibus præesse ac dominari debeat, quemadmodum ego tibi diserte possum probare in ea sedem esse Antichristi & magnæ illius meretricis, quæ venefico suo potulo reges terræ inebriarit, tum demum nos ad responsum accingemur. Interea quod nos in infernum præcipitas, nihil movet: & verò etiam magnopere juvat & recreat propter Domini nomen & Evangelii veritatem, ab illis, qui blasphemix atque impietatis Antichristianæ se Doctores & antesignanos profitentur, condemnari. Scimus enim non tuo nos, sed Domini justo stare aut cadere judicio; qui non ex Regii edicti neque ex decreti Pontificii formula, sed ex sui verbi præscripto, & secundùm Evangelii doctrinam, orbem terrarum est judicaturus. Vale.



A P O L O G I Æ  
MICHAELIS BAII,  
A D V E R S U S  
M A R N I X I I  
R E S P O N S I O N E M  
D E  
S A C R A M E N T O A L T A R I S,  
D E F E N S I O.

---

C A P U T P R I M U M.

*Quodd responsio ad Apologiam, multa nequeia contineat.*



Eſto nuper Catalogo, ſeu indiculo librorum, qui nundinis  
 Frankfordienſibus circa Septembr. anni 82. venales expoſiti  
 fuerunt, mi Sanct-Aldegonde, comperi te Antuerpiæ edidiſſe  
 reſponſionem ad Apologiam; quam pro reſponſionibus ad  
 quæſtiones tuas de Sacramento Altaris, anno 1581. Lovanii  
 emiſeram, cujus reſponſionis exemplar cum diu & fruſtrâ ex  
 Colonia expectaſſem (neque enim aliâ expeditiori viâ, ceſ-  
 ſantibus jam dudum propter bellorum diſſidia inter nos & Antuerpienſes con-  
 ſuetis commerciis, acquiri poſſe exiſtimabam) tandem poſt multum circui-  
 tum 10. Martii anni 83. ad me ex Antuerpia perlatum eſt. Hanc igitur reſ-  
 ponſionem tuam percurrendo, reperi multis longiſſimis parergis ad rem nihil  
 pertinentibus ſuffultam: ut videlicet partim omiſſis, partim obiter duntaxat  
 commemoratis plerisque, iisque præcipuis, noſtræ diſputationis captibus, pa-  
 rum ad rem dicendo, aliquid dixiſſe & libello meo reſponſiſſe videreris.  
 Quorſum enim alioqui pertinebat, tam multa commemorare, & quæſitis ver-  
 borum campis, tam mordaci & odioſâ oratione, per multas paginas reſellere,  
 quæ

quæ à Concilio Lateranensi, à D. Thoma Aquinate, à Cajetano, aliisque doctoribus scholasticis, de transsubstantiatione quoquo modo dicta prætendis? Cum ego neque Concilium Lateranense commemoraverim, sciens modestiam tuam Conciliorum autoritate non detineri, neque testimonium ullum produxerim ex Doctoribus Scholasticis, quos tu tantâ loquacitate refellere, & in contemptum adducere conaris. Eodem spectare videtur sequens disputatio, in qua Scripturæ sacræ veritatem, quæ de Christo ait, quod *accepit panem, & benedixit, fregit, deditque Discipulis suis, & ait: Accipite & comedite, hoc est corpus meum*, obnubilare conaris, volvendo te in philosophicæ quæstionis obscuritate, quæ in Categoriis Aristotelis solet inquiri, quid sit per se & immediate divisibile; substantiæ corporea, quæ accidentibus omnibus subijcitur, an magnitudo, seu quantitas continuâ quæ in illa excipitur. Nec ab hac intentione dissentit ea narratio, quâ per multas paginas persuadere niteris, Romanam Ecclesiam humanis & superstitiosis traditionibus Deum colere; vestram autem societatem, non nisi ex Dei verbi præscripto. Et tamen quasi verbum Dei non sit quod Christus cuidam adolescenti consulens dixit: *Vade; vende omnia quæ habes, & da pauperibus, & veni sequere me*: & alibi: *Sunt eunuchi qui seipsos castraverunt propter regnum cælorum. Qui potest capere capiat*; à vobis tam insana & à cultu Dei aliena reputantur Christi consilia, ut si quis communem Fidelium infirmitatem, eminentiore virtute supergressus, ea complexus fuerit, & in his, jejuniis & orationibus, nocte & die Deum colere decreverit, ut ejus præcepta purius & sincerius impleat, non prius ad vestram societatem recipiatur, quàm per apostasiam, universorum Christi consiliorum observationem abjecerit. Unde etiam sectæ vestræ protector & Coriphæus Princeps Auriacus, non aliâ ratione melius se vestræ conspirationi probari posse putavit, ut manus vestræ cum eo roborarentur, quàm si imitaretur Absalonem, patrem suum sædantem, ut quemadmodum ille, consulente Achitophel, ingressus est ad concubinas patris sui coram universo Israël, sic etiam ipse Auriacus, vivente adhuc uxore propriâ, spectante orbe, sub nomine conjugii (te auctore, ut multi autumant) sociarit sibi Christi sponsam consilia Evangelica professam, tantùm ut hac ratione vestra Societas, quæ illa extremè odit, & contemni ac violari gaudet, illi arctius copularetur. Sed nunc ad ea redeo, quæ ordine in tua responsione continentur.

## C A P U T II.

*Quòd Apologia fuerit fraterna correctio, non convitii criminatio.*

**D**icis me postremum meum libellum inscripsisse, Apologiam, cum sit atrox & convitii plena criminatio: nec tamen ullum convitium profers à me in illo libello positum, de quo me accusandum putes. Dico igitur me mihi conscius non esse, quòd ullum in te convitium dixerim: sed fortè convitium interpretaris, quòd tibi duo crimina objecerim; alterum quòd palam sequaris damnatum Calvinii dogma de Christi corpore in sacramento Altaris; alterum

quod in eorum communione permanes, qui se palam in edictis publicis professentur & nominant desertores Romanæ Catholicæ religionis: quod nomen à nulla hæcenus secta, quod sciam, assumptum est. Ad quod posterius ne verbum quidem respondisti. Sed hæc mea obiectio non est convitium, sicut videri vis, vocans eam criminationem, id est, falsam & contumeliosam accusationem: sed est fraterna correptio & charitatis officium, quo te tuosque conatus sum à tam gravi scelere revocare, & eos qui per te seduci possent ne tibi acquiescant impedire, sicut conabatur Joannes Baptista cum ait: *Serpentes, genimina viperarum, quis ostendit vobis fugere à ventura ira?* Et Apostolus dicens: *O insensati Galatæ, qui vos fascinavit non obedire veritati?*

## C A P U T I I I.

*Quod terrere subditos, ut emendentur, non sit tyrannicum, sed æqui juris imperium.*

DEinde transiens ad ea quæ in Epistola ad D. Ghennart respondendo objectionibus R. Patris Horantii dixeram, quod si tu mihi subjectus fuisses & in mea potestate positus, potuisses tibi cum increpatione respondere, & minando detertere, ne periculosus, ne dicam perniciosus disputationibus incumberes, (sicut à me in suis objectionibus requirebat Horantius.) Hæc igitur pertractans, magno fremitu adversum me insurgis, & magnas Deo immortalī gratias agis, qui te à tam tyrannico imperio & potestate asseruerit; quasi tyrannicum sit imperium, si præfectus subditum instruens, cum increpatione & minis eum deterreat, ne periculosus & perniciosus disputationibus incumbat. Ego de moribus vestris non disputo, nec quàm modeste imperetis inquirō; quia utinam nihil præter timorem inferretis: hoc solum te rogo, an Apostolus tyrannicum imperium doceat, cum ait; *Principes non sunt timori boni operis, sed mali.* Et rursus, *Si malum feceris, time; non enim sine causa gladium portat.* Et ad Timotheum, qui tantum Ecclesiasticā potestate fungebatur; *Peccantes* (inquit) *coram omnibus argue, ut & ceteri timorem habeant.* Et Christus in Evangelio, servo, quem ad vocandum invitatos misit, *Compelle, inquit, intrare, ut impleatur domus mea:* plus enim est compellere quàm terrere. Quæro igitur in his divinæ Scripturæ testimoniis, quibus præfecti jubentur subditis timorem incutere, ut errantes in viam reducant, an doceatur tyrannicum imperium, an potius æquum jus dominandi, quo is qui præest, unicuique subditorum, prout illis expedit, sincerā charitate ad Deum promerendum consulit? Aliter enim regendi sunt servi pigri, qui verbis non emendantur, aliter liberi, aliter contumaces, aliter infirmi. Lege Augustinum Epist. 48. hanc quæstionem ex Scripturis sacris diligenter pertractantem, & videbis quàm præter rationem, hoc loco animi tui acerbiter, ex apertissimo errore, huic tuæ responsioni infarcias.

Rom. 13.

1 Tim. 5.

Luc. 14.



## CAPUT IV.

*Quodd ad quæstiones plures, plures danda sunt  
responsiones.*

Ejusdem planè absurditatis est querela sequens, quodd ad quæstionem tuam plura continentem, non unam, sed plures dederim responsiones. Interrogasti enim quod *veritas haberet Ecclesia, ejusque Constitutiones seu Traditiones?* Ac deinde adjecisti: *An hoc veritas constet pagina Sacra Scriptura?* Quas quæstiones in duas dividens partes, respondi ex D. Augustino de unitate Ecclesiæ, Judicium de Ecclesia, ex Scripturis sacris esse petendum: & quia non simul dixi, etiam Constitutiones seu Traditiones ex Scripturis sacris dijudicandas; clamitas me quæstionem tuam dividendo, peracutè quidem id fecisse, sed parùm candidè ac sincerè. Miror te hîc tuum Aristotelem non esse recordatum, tam in Topicis docentem quomodo terminari debeat problema multiplex, quàm in Elenchis, ubi explicat quomodo dissolvi debeat sophisma, ex eo proveniens quod interrogans plures interrogationes ut unam facit, sicut tu in hac tua quæstione fecisti. Ex eo enim accidit sophisma, quodd respondendo non dividitur ejusmodi propositionis ratio. Tu igitur ad quæstiones plures, responsionem unam absque divisione postulans, non sinceram & candidam, (sicut videri vis) sed obscuram & tenebris involutam responsionem extorquere conaris, ut sit locus sophismati: à quo remotissimus esse debet simplicitatis sacra Scripturæ pertractator. Quia *qui sophisticè loquitur* (inquit *Ecles. 17.* Sapiens) *edibilis est: in omni re defraudabitur, non est enim illi à Domino data gratia: omni enim sapientià defraudatus est.* Sed forsitan facilè passus fuisses, me quæstionem tuam plura continentem, juxta regulas dialectices, in duas parti-ri, & utrique quæstioni seorsum suam assignare responsionem, si modò generaliter fateri voluisssem, Constitutiones Ecclesiasticas ex sola Scriptura sacra dijudicandas: Sed ego id dicere nolebam. Primò quidem, quia (sicut ex epistola ad D. Ghennart satis intelligere potuisti) mihi omnino propositum erat, dissimulatis aliis quæstionibus, ante omnia tecum de sola Ecclesia differere: in quam disputationem etiam pluribus modis provocatus, hætenus descendere noluisti. Deinde, tanta est ecclesiasticarum Constitutionum varietas, ut non videantur omnes ex eodem capite dijudicandæ, aliæ enim desumptæ sunt ex Scripturis sacris, ut quæ certò & in divinis litteris sacratio dierum numero jejunia præscribunt: aliæ verò ex Traditione Apostolica: aliæ verò ex recta ratione, ut quod librorum hæreticorum lectio indoctis & idiotis non permittatur. Lectio enim legis est cibis, qui si sit veneno permistus, opus est solertiâ, quæ in idiotis non est, ut prudenter dijudicetur. Et cùm prohibeat Johannes, ne is qui alienam doctrinam affert, in domum recipiatur; quantò magis prohibendum est, ne ejusmodi doctrina in animum rudioris lectoris admittatur: præsertim cùm omnes naturâ mali sumus, & ad tenebras, in quibus nati sumus, quàm ad lucem, in qua per Christum reformamur, multò propensiores. Unde etiam sacrarum litterarum indagatorem monet Augustinus, ut

De deſtri-  
na Chriſti.  
lib. 2. c. 8.

in initio ſtudii litteras apocryphas vitet, ne præoccupent imbecillum animum; & periculofis mendacijs atque fantaſmatibus eludentes, præjudicent aliquid contra ſanã intelligentiam. Cæterum ut Conſtitutiones Eccleſiæ ex ſolis Scripturis ſacris dijudicandas eſſe concludas; cætera pene omnia, quæ ad illarum comprobationem exiſtimaſti potuiſſe videri oportuna, veluti pertranſiens canino dente perſtrinxiſti, dicens: *me non potuiſſe ſuſpicari te aliud petiſſe, niſi ut ſemel & clarè explicarem, an Conſtitutiones Eccleſiæ, ex autoritate ſolius Scripturæ cenſende eſſent? an verd ex Patrum variis & ſæpè inter ſe pugnantibus interpretationibus? an ex eſſrænatis atque impotentibus Pontificum decretis? an ex contentioſis Synodorum ſanctionibus? an denique ex horridis & ſpinofis Scholaſticorum concertationibus?* Benè habet, quòd dum ſalutaris doctrinæ fulcimenta tuo ſtylo velut aliud agens conatus es jugulare, ſaltem Apoſtolicas Traditiones, de quibus ait Apoſtolus: *Tenete traditiones quas didiciſti, ſive per ſermonem, ſive per epistolam noſtram:* & judicium Eccleſiæ, quæ eſt columna & firmamentum veritatis, quam qui audierit, ſit tibi (inquit Chriſtus) ſicut Ethnicus & Publicanus: bene, inquam, habet, quòd hæc duo nobis integra & intacta reliqueris, ut ex iis etiam Conſtitutiones Eccleſiæ poſſimus non tam dijudicare, quàm defendere. Tunc enim dijudicandæ, cùm ſtatuuntur: ubi autem ſtatutæ ſunt, tunc ſunt obſervandæ. Et ſimul cum his duobus fundamentis ipſam rectam rationem admittis, ex qua puto te velle defendere conſtitutiones veſtras, quibus per magiſtratus ſeculares, nunc à Clero & Monachis, nunc ab univerſis civitatibus per vos occupatarum incolis, exigitur abſurda & inter Fideles hæc æternus inaudita jura-menta, quibus bonas conſcientias aut ſceleribus veſtris implicetis, aut ſua omnia deſerere cogatis: quia horum jura-mentorum, neque in Scripturis ſacris, neque in aliis ſalutaris doctrinæ fundamentis, ulla fit mentio. Hic prudens pertranſeo ridiculum argumentum quo vis ex D. Auguſtino colligere omnes omnino quæſtiones ad Scripturas ſacras eſſe examinandas; quia id dixit de quæſtione, quâ quærebat, Ubinam eſſet Eccleſiæ corpus; quia non videtur reſponſione dignum.

2 Theſſ. 2.

1 Tim. 3.

Matth. 18.

## C A P U T V.

*Quòd alia ſit intentio per propoſitionem ſignificata; alia finalis, quæ priori frequenter adjicitur.*

Joan. 4.

Capite ſecundo libri tui, multa ſophiſticè congeris, ut redarguas quod dixi, & maniſeſtiſſimis Scripturis comprobavi, quòd eadem propoſitio ſervatà eadem vocum ſignificatione, poſſit aliã & aliã intentione enunciari. Nam licèt Chriſtus & ſervi reguli in Evangelio, eadem omnium vocum ſignificatione, eademque intentione per voces ipſas ſignificatà, regulo dixerint, *ſilius tuus vivit*: atramen Chriſtus hanc enunciationem aliã finali intentione protulit, quàm ipſi ſervi; nempe intentione faciendi quod dicebat, videlicet, ſanandi filium ejus. Quam intentionem neque enunciatio ipſa ſignificat, neque ſervi habebant cùm dicerent: *ſilius tuus vivit*; neque etiam omnes intelli-gebant, qui audiebant Chriſtum dicentem, *ſilius tuus vivit*: ſed hi ſoli, qui filium

filium usque ad id momentum ægrotasse noverunt, & simul credebant Christum verbis suis efficere velle quod dicebat: sicut credidit Centurio, confidenter domum abiens, & de filii sui sanitate non dubitans. Sed hanc loquentium intentionem, quæ extra significationem verborum frequenter concipitur, tu peregrinam vocas: ut sophisticando, & de duabus intentionibus, alterâ per voces significatâ, alterâ per loquentem cogitatâ, tanquam de una loquendo incurioso lectori nebulam suffundas; nec permittas eum intelligere, quod clausis oculis videris non velle attendere. Quis enim ignorat Abraham duobus regibus dixisse de uxore sua, *Soror mea est*: & hoc dicendo, non tantum intendisse significare quod verba ipsa significant; sed etiam occupando eos circa hanc intentionem per verba significatam, voluisse impedire, ne cogitarent eam esse ipsius uxorem? quæ fuit altera intentio extra verborum significationem ab eo cogitata. Quod igitur ais me dicere in his verbis, *Hoc est corpus meum*, servari propriam & genuinam omnium vocum significationem, verum dicis; sed quod addis, me simul negare iis significari ipsum illud quod voces propriè sumptæ notant, hoc dicendo aut calumniaris, aut falleris. Utrumque enim dico, videlicet, in his verbis, *hoc est corpus meum*, servari propriam & genuinam omnium vocum significationem; & his verbis significari ipsum illud quod voces propriè sumptæ notant. Sed addo Christum simul intendisse facere quod verbis illis non quidem fieri sed esse designatur: quam intentionem faciendi, verba ipsa non significant. Quod autem ais haud posse cuiquam esse dubium quin ea verba propriè usurpata planissimè significant panem illum, à Christo sumptum, esse ipsius (scilicet Christi) corpus, procul dubio non diceres, si ex Dialectica didicisses propriam demonstrativorum pronominum significationem esse ipsam demonstrationem. Et idèd cùm dicitur; *Hoc est corpus meum*, si per pronomen (hoc) demonstrasset Christus panem quem manu tenebat, sicut vos prætenditis, tunc propria hujus pronominis significatio, fuisset hic panis; sed quia non demonstrabat panem, sed corpus suum, quod ex pane verbis suis facere intendebat & discipulis distribuere manducandum, idèd propria hujus pronominis significatio in ea oratione non est panis quem Christus acceperat, sed corpus quod facere intendebat, ut diximus. Ex iis facilè intelligitur, quàm certum sit & evidens quod dixi capite tertio libri mei, enunciationem aliquam, manente eadem vocum omnium significatione, posse aliâ & aliâ intentione dici; cujus rationem subjeci his verbis: quia quando una & eadem propositio aliâ & aliâ intentione profertur, non oportet eam intentionem, quæ aliâ & aliâ est, illâ enunciatione significari; sed eam tantum passionem quæ utrobique est eadem, ad quam significandam voces in propositione positæ sunt institutæ: quæ eadem passio potest apud utrumque enunciantem eadem consistere, etiamsi ipsa enunciationis pronuntiatio à pronunciantem ad aliam atque aliam intentionem, finalem videlicet, referatur. Hactenus verba mea: quæ cùm aper tissima sint & indubitata, non est portentum quod dixi, sicut mihi objicis, sed potius est portentum, quod certissimam veritatem tam clarè expressam non intellexeris, aut etiam non satis lectam redarguere conaris. Neque enim adduci possum, ut credam te tam stupidum, ut si paulò consideratius legeris verba mea, non attenderis me de duplici intentione loquutum: alterâ quæ per verba

significatur, alterâ verò finali, quæ à loquente, extra verborum significacionem, cogitatur; & non ex verborum significacione, sed ex aliis circumstantiis intelligitur, sicut suprà ostendi in hac enunciatione à Christo & servis reguli dicta: *Filius tuus vivis*. Sed sicut suprà ex duabus quæstionibus conatus es unam facere, unamque responsonem extorquere, ut esset locus sophisticæ; sic & hoc loco libenter confunderes duas intentiones, quas dixi Abraham habuisse quando dixit de sua uxore, *Soror mea est*; alteram quæ verbis illis significatur; alteram verò finalem, quâ intendebat avertere suspicionem seu cogitationem Ægyptiorum, quodd esset ejus uxor, ne propter illam occideretur: ut te in hac confusionis obscuritate volutares, & sublatâ distinctione, quæ veritatem manifestat, tuo more sophisticæ apparentiæ, verbis ad eam rem ingeniosè compositis, incumberes. Dicis eadem esse, significare, & intentionem explicare: sed non attendis me toties inculcasse, quodd sicut Christus dicens: *Filius tuus vivis*, nec dixit, nec verbis significavit intentionem, quâ filium sanabat, sed illam regulo credendam reliquit: sic etiam dicens, *Hoc est corpus meum*, nec dixit nec verbis explicavit intentionem faciendi quod verbis illis significabatur; sed consideratâ ejus omnipotentia & veritate, illam discipulis credendam reliquit: quam quia tu non vis credere, idèd nec eam potes intelligere. *Nisi enim credideretis* (inquit Propheta) *non intelligetis*.

## C A P U T V I.

*Quodd obtegere finalem sui sermonis intentionem non sit mendacium.*

QUodd autem illos mendacii arguis, qui loquendo animi sui sensa obtegunt; hoc est, qui finalem intentionem reticent, propter quam enunciant quod dicunt, sicut fecit Abraham cum de uxore sua dixit, *Soror mea est*, ut nemo uxorem esse suspicaretur, perridiculum est. Id enim dixit quod & veritas habuit, & sensit, sicut ipsi Abimelech postea aperuit dicens, *Verè soror mea est, filia patris mei, & non filia matris meæ*. Sed hoc dicens, absque omni mendacio aliquid reticuit, quod justissimâ ratione intendit; nempe, ut nemo cogitaret ipsam illi esse uxorem, ne propter illam occideretur, sicut Gen. 20. apertissimè declaratur.

Denique capitis hujus epilogum faciens, ut concludas verba Christi quibus ait: *Hoc est corpus meum*, &: *Hic est sanguis meus*, non propriè ac substantialiter, sed symbolicè & per tropum esse necessariò explicanda, dicis: Christum neque mentiri posse, quod verum est: neque mentem atque intentionem dissimulanter celare, aut abscondere voluisse; id quod etiam verum est de intentione verbis significata: sed intentionem consiciendi quod esse dicebat, ex aliis circumstantiis intelligendam reliquit, ipsum omnipotentem atque veracem esse fideliter credentibus: à quibus quia recessistis, idèd nec hanc posteriorem Christi intentionem intelligitis, sed illam quibus potestis argumentis impugnatis.

Addis



## MARNIXII RESP. DE SACR. ALTARIS. 421

Addis hæc verba: *Hoc est corpus meum*, in propria sua significatione retineri nullo modo posse. Id quod suprà falsum esse ostendimus, quia si ve pronomē (hoc) demonstrat panem, quem Christus in manibus acceperat, sicut absurdè dicitis; si ve corpus Christi, quod verbis suis ex pane conficiebat; semper est propria loquutio, quia propria significatio pronominis, est ipsa demonstratio, ut diximus.

Jam puto vides, mi Sanct-Aldegonde, me non meis pedicis impeditum, sicut gloriaris, ut cogar fateri toties mutari enunciationis significationem, quoties mutatur qualiscunque intentio loquentis, verbi gratiā finalis, (de hac enim manifestè sum locutus;) sed potius me vides sophisticis tuis ratiocinationibus ita expeditum, ut cuivis faciliè pateat vanum esse quod tanto molimine conaris ostendere, non posse aliam & aliam esse enunciantis intentionem, etiam finalem, de qua manifestè locutus sum, nisi sit alia & alia enunciationis significatio. Quod ais me, ut veritatis jubar caligine mendacii obscurarem, veteratiori argumentum tuum truncasse, in quo dicis te alterutrum effecisse, nempe vel illis vocibus intentionem dicentis non explicari: vel easdem certè voces, idem significando non idem significare: vel non recordans verba tua, multum falleris; vel ad alia verba tua respicis, quàm ego: Sic enim habent verba tua, à me commemorata: Cùm ais, *Enunciationes manente eadem usitatâ, & genuinâ omnium vocum significatione aliâ & aliâ intentione dici, quid aliud designas nisi easdem illas enunciationes, idem significando non idem significare?* Ostende hîc distinctionem ex qua te alterutram partem effecisse contendis; & considera an ne his tuis verbis apertè significaveris, quod asseruisse retuli; nempe quodd dicere enunciationem aliquam, manente eadem vocum omnium significatione, posse alia & aliâ intentione dici, nihil aliud sit quàm dicere enunciationem aliquam idem significando non idem significare. Hactus tamen objectione admonitus reperi te postea repetendo supradicta verba tua, aliquid eis adjecisse, quod aliquid habet disjunctionis: sed ego tantum priora tua verba citavi, & quàm absurdum sensum contineant ostendi. Quodd verò postea adjecisti, illis vocibus intentionem dicentis non explicari, verum est de intentione finali loquentis, sicut sæpius dixi; non autem de ea, quam verba ipsa significant.

## C A P U T VII.

*Quodd licet Deus faciat quod dicit, attamen id non debet de iis propositionibus intelligi, quarum res significatæ prius extiterunt, quàm in Scripturis sacris dicerentur.*

Q Uia in Thesibus tuis Theologicis confessus eras Christum mandando multa fecisse: sed addideras argumentum à verbis mandandi, ad enuncianti voces tractum elumbe esse; per quod significaveras te quidem credere Christum mandando multa effecisse, sed non enunciendo; sicut cùm dixit: *Hoc*  
est

*est corpus meum.* Dixi virtute hujus enunciationis, *Hoc est corpus meum*, effici quoddam per eam non significatur mandando fieri, sed tantum significatur esse enunciando, sicut per hanc enunciationem: *In dolore paries filios tuos, effecit* Deus non quoddam illa oratio significabat, fieri, sed quoddam tantum significabat futurum esse. Adhibui tunc quidem aliud exemplum ex Scripturis sacris quod ex tempore occurrebat, sed ad eandem rem pertinens. Si igitur Deus in futuro effecit, non quod iussit fieri mandando, sed quod maledicendo futurum enuntiavit, dicens: *In dolore paries filios tuos*: quid mirum si etiam credatur fecisse, quod benedicendo esse enuntiavit, dicens: *Hoc est corpus meum*? cum enim benedixit Deus (inquit Prosper in Psal. 108.) facit quod dicit; & quia Deus facit quod dicit, ideo Psalmista tantum à Domino petit: Dic animæ meæ, salus tua ego sum. Sed contra hæc sic argumentaris. Si Deus facit quod dicit, quotiescunque spiritus ejus res plane disparatas, alteram de altera enuntiaveris per verbum est, cum Deus omnia possit, fateamini necesse est eundem Christum in veram vitis substantiam, in agnum, in leonem, in panem, in lapidem; & contra, lapidem & panem in Christum fuisse transmutata: aut si hæc sunt & falsa & absurda, quid est causa cur vos in singulari exemplo ita fastidiosè urgeatis, quod in reliquis omnibus obstinatè repudiatis? Respondeo quoddam quando Deus aut spiritus ejus res disparatas alteram de altera per verbum (est) enunciat; facit quod dicit, quando id quod dicit non prius fuit quàm illud enunciat; ut, *filii tuus*, videlicet æger, *virgo*: mulier, scilicet ægra, *dimissa es ab infirmitate tua*: Tu es sacerdos in æternum secundum ordinem Melchisedech. In his enim enunciationibus locum habet quod ait Psalmista: *Ipse dixit & facta sunt, ipse mandavit & creata sunt.* Sed quando Deus id dicit quod prius fuit, tunc hoc dicendo, non facit quod dicit, sed tantum enunciat quod prius & dixit & fecit: ut cum Christus: *Tu es Simon filius Jonæ*. In his autem enunciationibus quas ex Scripturis sacris protulisti, res significata non tunc esse cœpit, quando Christus aut spiritus ejus illas in Scripturis sacris enuntiavit, sed longo antè tempore fuit. Christus enim prius fuit vitis, agnus, leo, panis, petra, quàm diceret: *ego sum vitis, ego sum panis*; item quàm in Scriptura sacra diceretur, *Ecce agnus Dei, Petra erat Christus, Vicit leo de tribu Juda*: & ideo nihil mirum, si Christus aut spiritus ejus, his enunciationibus in Scriptura sacra positis, nullam transmutationem fecerit; sed tantum id esse significaverit, quod antè cœpit esse quàm hæc diceret. Id autem quod hac enunciatione significatur, *Hoc est corpus meum, Hic est sanguis meus*, non prius fuit, quàm hoc à Christo diceretur. Nam si res illa significata prius extitisset, quàm Christus hæc enunciaret; tunc Christo adhuc tacente, aut panem nondum accipiente, potuisset sanctus Petrus, & alius quivis, iidem rebus demonstratis Christo veraciter dicere: *Hoc est corpus tuum, Hic est sanguis tuus*: quod credo nec vos esse concessuros. Ut autem intelligatur, quomodo harum enunciationum, *Ego sum vitis vera, Ecce agnus Dei, vicit Leo de tribu Juda, Ego sum panis vivus, Petra erat Christus*: quibus similes sunt, Pascha seu agnus paschalis esse Christus, Sapientia esse lignum vitæ omnibus amplectentibus eam: ut, inquam intelligatur, quomodo harum enunciationum res significata prius extiterit, quàm à Spiritu Sancto in Scripturis sacris enunciaretur; sciendum est has universales voces, vitis, agnus,

agnus, leo, panis, propter aliquam significatæ rei similitudinem, Christo figuratè attribui: vitis propter nutrimentum quod palmitibus suppeditat: agnus propter innocentiam: leo propter fortitudinem; panis propter vitæ sublidium, quæ res priùs Christo inerant, quàm hæ orationes Scripturis sacris enunciarentur.

## C A P U T V I I I.

*Quod Christus non dicatur metaphoricè Agnus Paschalis, aut Petra in Ore percussà: sed quia per eas res sacramentaliter significatur.*

**H**Æ verò tres voces, Agnus Paschalis, Petra, & Lignum vitæ, non metaphoricè Christo & sapientiæ tribuuntur. Nam sumuntur in propria sua significatione; nempe Petra, ut lapidem significet virgâ Moyfi in Ore percussum; Agnus Paschalis, ut significet animal, quod à Judæis in paschate immolabatur in phasè; & Lignum vitæ, ut significet certam arborem Paradisi. Unde D. Augustinus de Gen. ad litteram libr. 8. cap. 4. *quando hæc commemorata sunt*, inquit: sapientia est lignum vitæ omnibus amplectentibus eam, & Petra erat Christus, *non erat illa figurata locutio, sed earum rerum expressa narratio, quarum erat figurata præcessio.* Et infra: *Rescè quippe appellatur quod ad eam significandam præcessit.* Igitur hæ duæ voces, videlicet (Petra) & (Agnus Paschalis) non metaphoricè Christo tribuuntur, sicut nec vox (Lignum vitæ) tribuitur ipsi sapientiæ; sed tantum ratione rei significatæ, quæ priùs sacramentaliter instituta fuit, ad id significandum, cui vox ipsa tribuitur, quàm Christus in Scripturis sacris diceretur esse Petra in Ore percussà, Agnusque Paschalis, & quàm sapientia diceretur lignum vitæ. Nam Petra in Ore virgâ Moyfi percussà, tunc ad significandum Christum in cruce propter scelus populi Domini percussam, sacramentaliter est instituta, quando virga Moyfi percussà aquas fudit: & Agnus Paschalis, quando ad immolandum iussu Domini deputatus est: & lignum vitæ tunc institutum est ad sacramentaliter significandum sapientiam, quando in Paradiso est plantatum. Sicut enim dicitur: Hæc statua est sanctus Franciscus, non quia vox ista (statua) propriè aut metaphoricè significat sanctum Franciscum; sed quia lapis ipse demonstratus, aut lignum exsculptum (quod propriè non metaphoricè per statuam significatur) sanctum Franciscum repræsentat: sic etiam dicitur, quod Petra, videlicet in monte Ore percussà, erat Christus, non quod vox, Petra, in illa oratione propriè vel metaphoricè Christum significet, sed quia lapis ille quem vox (Petra) propriè significat, dum percuiebatur, sacramentaliter institutus est ad significandum Christum.

## C A P U T I X.

*Qudd in hac oratione: Hoc est corpus meum, pronomen (hoc) nec metaphoricè sumatur, nec demonstret rem quæ corpus Christi prius sacramentaliter significabat.*

**P**ORRO in hac enunciatione quam Christus in cœna novissima protulit: *Hoc est corpus meum*, pronomen (hoc) neque metaphoricè sumi potest, ut Christi corpus tropicè significet, quia ejusmodi pronomina, metaphoram non admittunt, sed demonstratio rei de qua agitur, est tota pronominis demonstrativi significatio. Et licèt vocabulum panis, dum indefinitè dicitur, admittat metaphoram, ut cùm ait Christus, *Ego sum panis vivus qui de cœlo descendi*: attamen, quia in hac enunciatione non dicitur: panis est corpus meum: sed loco subjecti tantùm ponitur pronomen (hoc) quod individuum significat. Idèò non potest hujus metaphoriæ hic haberi ratio. Insuper pronomen (hoc) non demonstrat rem aliquam, quæ prius sacramentaliter instituta fuerit ad significandum Christi corpus. Nam secundùm vos demonstrat panem illum, quem Christus tenebat in manibus, qui, priusquam Christus hoc diceret, non magis institutus fuerat in sacramentum corporis Christi, quàm quivis alius panis: Igitur cùm Christus dixit: *Hoc est corpus meum*, si pronomen (hoc) demonstret panem, sicut vos dicitis, nulla potest esse alia istius sermonis intelligentia, quàm quòd hæc individua panis substantia sit Christi corpus, quo nihil est absurdius: quia, ut jam ostensum est, neque per metaphoram id dici potest, neque etiam ratione rei, ad quam significandam panis ille prius institutus erat: quia panis quem Christus tunc secundùm vos demonstrabat, nihil sacramentaliter significabat, ad quod respectus haberi potuisset, cùm diceret: *Hoc est corpus meum*. Accipe simile, cujus etiam suprà meminimus: Si quis de lapide in imaginem sancti Francisci exsculpto dicat: Hic lapis est sanctus Franciscus; verum dicit propter rem quam lapis exsculptus significat: sed si quis id ipsum de lapide adhuc rudi enunciaret, omninè absurdè loqueretur, quia non posset haberi respectus ad rem significatam per lapidem qui adhuc rudis nihil significat, sed tantùm ad ipsam lapidis substantiam, quæ sine aperta absurditate dici non potest esse sanctus Franciscus. Id ipsum autem & in vocibus, quæ inter homines significandi principatum obtinent, manifestissimè ostenditur. Priusquam enim vox (homo) quæ sensibilis qualitas est, ad significandam creaturam rationalem institueretur & usurparetur, non minùs absurdum fuisset dicere: homo est substantia, quàm nunc absurdum esset, si quis prolata voce nullius rei significativâ diceret, bû est substantia. Sed postquàm vox (homo) hanc accepit significationem, tunc nemo miratur, cùm dicitur quòd homo sit substantia: quia audito hoc sermone, statim intelligitur debere accipi, non de illa voce quod sit substantia, sed re per vocem significatâ. Eodem modo cùm secundùm vos dixerit Christus: Hic panis est corpus meum; si hic inveniretur præ cæteris panibus prius institutus fuisse in sacra-

men-



mentum corporis Christi, quàm hoc diceretur, nemo sermonem illum deberet admirari: sed quia nec vos dicitis hunc panem priùs fuisse institutum in sacramentum corporis Christi, quàm hoc diceretur, sed vultis id tropo dici: idèò absurda est vestra intelligentia, quã dicitis per pronomen (hoc) demonstrari hunc panem. Quibus omnibus consideratis manifestè efficitur aliter dici non posse, quàm quòd Christus dicens: *Hoc est corpus meum*, pronomine (hoc) demonstraverit non panem, quem manu tenebat, sed corpus suum, quod verbis suis efficiebat: ut diximus.

Jam puto vides, Sanct-Aldegonde frater, quòd quemadmodum priùs in verbo substantivo (est) quod pro (significat) positum voluisti, deindè in attributo (corpus meum) per quod corporis Christi signum intelligendum putasti, secundùm Scripturas sacras, non invenisti tropum, quem tantà instantiã quærivisti; sic & nunc in pronomine (hoc) non potuisti invenire quod putasti, nempe quòd pronomen (hoc) aut per metaphoram corpus Christi significaret, aut rem aliquam demonstraret, quæ priùs instituta fuisset in sacramentum corporis Christi. Obsecro te, jam satis diu cum impiis circumivisti: (In circuitu enim impii ambulant) regredere aliquando in rectam simplicis veritatis semitam, & veræ fidei lumen aspice, ut possis aliquando scilicet intueri, quòd nunc infideliter credere reculas, nempe, quòd Christus dicendo: *Hoc est corpus meum*, ex pane, quem manibus tenebat, verè corpus suum effecerit: quia ipse dixit, & facta sunt, ipse mandavit, & creata sunt. *Psal. 11.*  
Et quia Christus etiam Apostolis eorumque successoribus præcepit: *Hoc facite in meam commemorationem*; idèò etiam Sacerdotes in persona Christi dicentes: *Hoc est corpus meum*, &c, *Hic est sanguis meus*, idipsum faciunt, quod Christus in novissima cœna fecit. *Psal. 148.*

## C A P U T X.

*Quòd Christus prætendatur vocibus & tactu non fecisse miracula, ad hoc videtur referri, ne ipsius sacramentis vis aliqua operandi tribuatur.*

IN responsione ad objectiones tuas contra meam responsionem ad posteriores quæstiones, per te mihi propositas, dixeram, quòd sicut Christus mandando multa effecit, quæ nos iisdem verbis, eadem significatione acceptis, tantùm præcipere solemus ut per alios fiant, ut, *surge, tolle grabatum tuum & ambula*: &c, *Lazare, veni foras: Extende manum tuam: Respice*, &c. Sic etiam per præfens multa effecit, quæ nos iisdem verbis, eadem significatione acceptis, priùs fuisse significamus: ut, *Filius tuus vivit*, cui in Thesibus tuis, more tuo diffimulatis sacræ Scripturæ testimoniis, quibus dicta mea confirmavi, Respondes te non inficiari Christum mandando multa fecisse, si mandatum referas ad mentem, ac voluntatem; & non ad magicam vim verborum, quæ tantummodo ad illam explicandam indicandamque adhibentur. Quibus verbis tuis intellexi, sicut quivis alius intelligeret, te sentire curationem paralytici, resurrectionem Lazari,

aliasque sanitates supra commemoratas, divinâ quidem mente ac voluntate factas, sed non vocalibus Christi verbis, quæ tantummodò (ut ais) ad explicandam indicandamque divinam voluntatem sunt adhibita, & non ad aliquid operandum: & quod tribuere dictis Christi vocibus, aliquam operandi vim, sit magicum, id est, fallax curiosorum hominum præsumptio, cui se solet diabolus insinuare, occultâ suâ potestate faciens, aut simulans facere, quod homines errando, verbis aut signis magicis ascribunt. Hanc eandem verborum tuorum intelligentiam, tuâ hac responsione repetis, dicens: *Verbum Dei vobis esse Dei voluntatem, ac decretum, cui summam efficientiam inesse creditis: sed voces & typos, esse nuda signa.* Quæ cum apertissima sint, attamen ut increpationibus & verborum involucribus sententiam tuam obnubiles, non erubescis perfrictâ fronte supradictam meam, imò potius tuam, intelligentiam appellare impudentem calumniam, vel putidam oscitantiam: Addis, que me meum stuporem prodidisse, quòd æternam Dei voluntatem, à verbis Christi vocalibus, & ad significandum adhibitis, distinguere non potui. Quasi videlicet ego æternam Dei voluntatem, quæ rerum omnium prima & radicalis causa est, à verbis Christi vocalibus, quibus tanquam instrumentis usus est, ad illuminandum cæcum, ad suscitandum Lazarum, aliasque sanitates perficiendas, distinguere non potuerim, quia contra apertissima Sacræ Scripturæ verba, quæ non tantum tactu ossium Elizæi, sed etiam magno Christi clamore mortuum suscitatum ostendunt, nolui fateri, non fuisse veram vocis Christi operationem, quâ Lazarum suscitavit: sed magicam, sed cabalisticam, sed diabolicam: sicut etiam de Christo commenti sunt Pharisei, quòd in Beelsebut principe dæmoniorum ejiciebat dæmones. Ego igitur, mi Philippe, non tantum æternum Dei verbum, quod rerum omnium prima causa est, à temporali & à vocali verbo, quo & ad significandum & ad operandum tanquam instrumento usus est Christus quando voluit, distinguere potui; sed etiam tuam absurditatem redargui, quâ negas Christum verbo suo vocali operatum, cum paralyticum sanavit dicens: *Surge, tolle grabatum tuum, & ambula;* cum Lazarum resuscitavit clamans voce magnâ, *Lazare, veni foras:* sicut suo tactu auriculam Malco restituit. Quid autem te moveat, ut contendas magicum esse, dicere Christum esse usum verbis suis vocalibus, tanquam instrumentis, ut sanitates perferret: ex quo sequitur, quòd nec tactu vestis sanaverit mulierem patientem fluxum sanguinis, nec tactu manuum curaverit leprosum, aut auriculam Malco restituerit: sed quòd id dicere sit magicum, quia non est alia de vocibus quàm de tactu ratio: quid, inquam, te moveat, ut contra omnium intelligentiam hæc diceret, paucis verbis indicasti, dicens: *Cum Christus dixit panem quem acceperat esse suum corpus, haud sanè voluit istis vocibus vim ac facultatem tribuere, ut quotiescunque, & à quocunque illæ pronunciarentur, toties miraculorum nova vis ederetur.* Non quidem hoc dixit Christus quod illi fallaciter imponis, videlicet panem quem acceperat esse suum corpus, sed dixit: *Hoc est corpus meum:* sed de hoc aliàs. Nunc illud considerandum est, te fateri nolle Christum verbis suis vocalibus Lazarum quando voluit resuscitasse, ne quis fortè inde colligat absurdum non esse si quis dicat, etiam Christum verbis suis ex pane corpus suum confecisse, ipsosque Sacerdo-

tes, qui ad hoc consecrati sunt, ut Christum repræsentantes in ejus persona hoc etiam dicerent, idem facere. Sicut enim ex vestra conspiratione prorsus exhibistis Christi consilia, de quibus principio hujus defensionis; sic etiam abiequistis universa ejus sacramenta: sed in hoc differentiam posuistis, quod in Christi consiliis nullam retinistis speciem aut umbram, quâ rudioribus illuderetis, & simularetis vos observare quod non observatis. Nam licet conqueraris apud nos esse infinitas Monachorum formas, quæ Christi consilia profitentur: attamen neque ex eis aliqua vobis placet, neque alia per vos excogitata est, in qua aliqui ex vobis profiterentur se Christi consilia conservare velle. In Sacramentis verò invenistis fucum, quo simularetis vos servare quod non servatis: explosâ enim omni verborum vi, quibus Christus baptismum & sacram Eucharistiam perfici mandavit (quam vim dicitis esse magicam) solam verborum factorumque significationem & doctrinam reservatis, ut rudioribus, qui artem vestram non observant, illudatis. Hæc sunt non sacramentorum, sed præstigiolorum vestrorum mysteria, quæ apud fideles tantæ sunt absurditatis, ut ea Christianis auribus aperuisse, satis sit redarguisse. Quod autem ais, *istis vocibus, Hoc est corpus meum, non esse eam vim inditam, ut à quocunque pronuncientur, id efficiant quod esse significant*, verum dicis: quia sicut non cuivis Angelo commissum fuit, ut diceret: *Ego sum Deus Abraham, Deus Isaac, Deus Jacob*, sed illi duntaxat qui ad hoc à Deo deputatus fuit, ut divinam personam repræsentans diceret, non quod sibi, sed quod illi personæ congrueret, quæ per ipsum significabatur: sic etiam non cuivis homini commissum est, ut personam Christi repræsentet, & in ejus persona efficaciter dicat, quod non personæ loquenti, sed Christo significato congruit, *Hoc est corpus meum*, sed solis Apostolis, eorumque in ea re successioribus Sacerdotibus, quibus à Christo mandatum est: *Hoc facite in meam commemorationem*. Nam si quis alius ad hoc per consecrationem non deputatus, id attentet dicere (sicut apud vos quotidie faciunt sutores & calcifices) non tantum nihil operatur, sed etiam perniciosè mentitur, significans absque legitima commissione, se Christi personam gerere: sicut absque dubio mentiretur, quisquis absque legitima commissione diceret: *Ego sum Deus Abraham, Deus Isaac, Deus Jacob*: quia cum is Deus non esset, neque Deum significando repræsentaret, ut ratione rei significatæ posset verè dicere: *Ego sum Deus*, palàm mentiretur, asserendo quod verum esse non posset.

## C A P U T X I.

*Quod hæc Christi enunciatio, Hoc est corpus meum, semper vera fuit; etiamsi Christi corpus non nisi ultimo ejus momento ibi esse cæperit.*

Capite tuo quinto ais, caput Apologiæ meæ sequens, quod in ea septimum est, sententiæ meæ ineptias magis ac magis prodere: nempe quia contra id quod dixisti, *quod eo ipso momento, quo Christus hæc verba proferre incipiebat,*

*videlicet, Filius tuus vivit, jam sanus erat reguli filius: tantâ manifestatione ostendi orationes quibus aliquid efficitur, non eo momento quo pronunciari incipiunt, sed eo quo pronuntiatae sunt, suum effectum consequi, ut modò nolens volens idipsum fatearis. Addistamen te in momentis syllabarum, nullam vim constituisse, nec ejusmodi quippiam vel per somnium tibi in mentem venisse. Quid tibi in mentem venerit, nescio: sed quid à calamo tuo processerit, hoc in scriptis tuis lego, hoc redarguo, & nihilominus quasi te poenituerit approbasse quod dixi: Si vir animo ducendi uxorem mulieri dicat, Tu es uxor mea: & illa vicissim viro dicat, Tu es vir meus, secundum Jurisconsultos non eo momento, quo vir & mulier loqui incepissent, sed quo sermonem complevis-  
sent, factos esse conjuges: atque ex eo conclusi, orationes quibus aliquid efficitur, non ipso momento quo pronunciari incipiunt, sed eo quo pronuntiatae sunt, suum effectum consequi, argutaris, dicens; *Quod si per pronomen (hoc) dicente Christo, Hoc est corpus meum, demonstretur corpus Christi, ratione illius instantis in quo finitur oratio, igitur donec plane finita sit oratio, Christus mendacii reus à vobis peragitur.* Visne similiter ex dictis tuis colligamus: quòd si vir & mulier, non eo momento quo loqui cœperint facti sunt conjuges, sicut ipse fatèris, sed quo sermonem compleverint: Igitur donec plane finita sit oratio, mendacii rei sunt, dicentes: Tu es uxor mea, Tu es vir meus: Si autem hæc duæ orationes, idèd semper veræ sunt, quia non referuntur ad momentum quo pronunciari incipiunt, sed ad illud quo pronuntiatae sunt: similiter intellige quòd licèt per pronomen (hoc) demonstretur Christi corpus sub specie panis, eo momento futurum, quo hæc oratio completa fuerit, *Hoc est corpus meum*: attamen semper vera est oratio, quia non refertur nisi ad illud tempus, quo res se habet, sicut ipsa enunciatio significat. Puerilia sunt quæ hîc argutaris & Sacrarum litterarum pertractatore indigna: sed quia forsitan eos movere possent, qui in Dialecticis, imò & Sophisticis minùs sunt exercitati; idèd tuo sophismati respondendum esse putavi, quo niteris ostendere, non quidem in Christi verbis, ut ais, sed in nostra interpretatione turpissimam falsi labem esse: quam non video quomodo deterges à tua interpretatione, quâ ais per pronomen (hoc) panem demonstrari, ipsamque enunciationem ad illud tempus esse referendam, quo pronunciari incipit. Quia panis quem pronomen (hoc) secundum vos demonstrat, primo orationis momento, nihil ulterius significat, ratione ejus possit dici esse corpus Christi: ac proinde secundum vos, nulla potest esse hujus enunciationis intelligentia, nisi quòd hæc panis substantia sit Christi corpus: à qua intelligentia, si falsi labem absterferis, eris mihi magnus Apollo. Si verò (non ex Scriptura sacra, sed ex tua præsumptione & sapientia) dixeris quòd ante Christi verba, quibus ait, *Hoc est corpus meum*; panis hic in sacramentum transierit, ut ratione rei significatæ per hunc panem à Christo acceptum in manus, verè dixerit Christus: *Hoc est corpus meum.* Igitur & quivis alius, ante Christi verba ipsi Christo potuit veraciter dicere: *Hoc est corpus tuum.* Nec in hujus sacramenti distributione opus erit ullis verbis: sed sicut stramen vasi absque ullis verbis imponitur, nihilominus à transeuntibus tantisper intelligitur significare vas esse venale, donec à vase deponitur: sic etiam panis vester absque omni sermone, per hoc quod vice corporis Christi*



sti distribuitur, tantisper intelligetur, usu esse ipsum Christi corpus, donec hic usus cessaverit, sicut etiam suprà attigimus. Quod autem te planissima omnia facere jactas, dicens; *Quòd ex quo Christus voluit hunc sacratum ac benedictum panem, in eum à nobis usum accipi, ut esset vice sui corporis, janjam in ara crucis morituri: non fuit amplius vulgaris panis, sed ipsum ejus corpus, non quidem ullà substantiarum commigrazione, sed usu & destinatione: Quid aliud, quàm nos verborum involucris, & sermonis ambiguitate ludificas.* Incertum enim est, quod tempus designes: dicens: *Ex quo Christus voluit hunc panem à nobis accipi, an æternum, (voluntas enim Christi æterna est,) an temporale, quando videlicet à nobis accipitur, juxta illud: Accipite & manducate.* Deindè hunc panem vocas sacratum & benedictum, sed non explicas quando, & quibus verbis sit sacratum & benedictus: an his, *Hoc est corpus meum*, an aliis, an nullis: & quem effectum habuerit ea benedictio. Quòd si fortè dicas, non esse verbis vocalibus benedictum (id enim magicum esse contendis) sed tantum æternà Dei voluntate: adhuc restat explicare, quando sit æternà Dei voluntate benedictus, & sacratum: an quando Christus dixit, *Hoc est corpus meum*, an quando illum manducandum tradidit, dicens: *Accipite & manducate.* Satis sentio te non libenter confiteri quòd hic panis eo tempore versus sit in sacramentum, quo Christus dixit: *hoc est corpus meum*, ne cogaris fateri hunc panem, primo momento quo Christus hanc orationem inchoabat, *Hoc est corpus meum*, nondum fuisse sacramentum corporis Christi; ac proindè non posse veram esse vestram intelligentiam, quà per hanc enunciationem: *Hoc est corpus meum*, significatum esse contenditis, quòd hic panis sit corpus Christi. Explica tandem quid velis, & sermones indefinitos de medio tolle, ut possimus certà & definità oratione, tecum ex præsuppositis, de quæstionis tuæ capite disserere. Laus tamen Superis, quòd nunc ex Scripturis sacris didiceris, non debuiste nuper tibi fastidiosum fuisse, quòd ego panem, quem Christus ferebat dederatque Discipulis, semel atque iterum benedictum nuncupaverim, quia hunc eundem panem nunc & sacratum & benedictum nuncupasti. Sed tamen doleo, quòd ita vocem agnoscas, ut rem voce significatam obstinatè perneges, contendens Christi benedictione nullam panis factam esse mutationem. *Quando enim Deus benedixit (inquit Prosper) facit quod dicit:* sicut <sup>Prosper</sup> etiam patet in maledictione, quà mulieri maledixit, dicens: *In dolore paries* <sup>super</sup> *filios tuos.* <sup>Psal. 109.</sup> Insuper in tua declaratione, quà te existimas omnia planissima facere, addis, *hunc panem fieri Christi corpus, non metamorphosi, sed usu ac destinatione.* Quibus verbis rursus per circuitum ad illud redis quod tibi priùs extortum est, nempe hujus enunciationis attributum, *Hoc est corpus meum*, non sumi propriè pro vero Christi corpore, sed figuratè, pro signo corporis Christi. Hoc enim significant verba tua, quibus ais panem hunc fieri corpus, non metamorphosi, sed usu & destinatione, hoc est, figurà, non rei veritate. Denique addis, similitudinem annuli, quo Episcopus aut Abbas investitur. Sed longè exactiùs vestro sacramento correspondet similitudo straminis vasi impositi, quia annulus post investitionem diligenter & honorificè conservatur, ac in rei memoriam publicè ostentatur; vestrum autem sacramentum nec conservatur, nec ostentatur: sed aut usu consumitur, aut cessante usu ad pristi-

pristinum suum statum revertitur; sicut stramen vasi impositum, si in sua significatione non sit consumptum, cum à vase detrahitur, omninò tale evadit, quale erat priusquam vasi ad significandum imponeretur.

## C A P U T X I I.

*Quoddam responsio de transsubstantiatione ad testimonia, Filius tuus vivit; & Mulier, ecce filius tuus, sit omnino extra causam.*

Capite septimo Apologiæ meæ improbaveram, quod videris mihi veritatem & verborum Christi intelligentiam corporeis sensibus metiri, & magis fidere & inhærere phantasiæ, quam ex sensuum exteriorum iudicio concipis, nempe quod in pane & vino per Christi benedictionem nulla sit facta mutatio; quàm credere verbis Christi, in Scriptura sacra manifestissimè contentis, quibus ait: *Hoc est corpus meum*, &c., *Hic est sanguis meus*. Et tamen nobis absque ulla apparentia improperas, quòd transsubstantiationem soli externorum sensuum iudicio superstruimus. Contra quæ quid capite quinto responsionis tuæ dicas, non est opus hîc explicare; videat lector, & iudicet: quia sentio tibi cerebrum commoveri, siquid per te dictum exactius discutiam, quod existimas ex propinquo non contingere caput disputationis nostræ, quam facere vis de transsubstantiatione. Ut igitur ostenderem eandem enunciationem, aliâ & aliâ intentione posse proferri, dixeram Christum aliâ intentione, scilicet finali, dixisse regulò: *Filius tuus vivit*; nempe intentione sanandi filium ejus; aliâ servos, nempe intentione lætificandi Dominum suum de sanitate filii: Hîc tu respondisti in curatione filii reguli, *nullam significari transmigrationem substantiæ in substantiam*. Ad quod dixi, rationem per te datam, veluti à somniantem, omninò extra causam adductam, quia non agebamus de transsubstantiatione, sed eandem enunciationem, servatâ eadem significatione, posset aliâ & aliâ intentione proferri. Atque ut ostenderem, posse aliâ atque aliâ intentione, videlicet finali, proferri, illam Scripturam adduxi, non tanquam exemplum aliquod, quo per verbum (est) significatur transsubstantiatio, sicut tu contra tua & mea expressa verba tibi confingis. Sic enim habet initium capituli septimi in Apologia mea. *Subdis in tua responsione, exempla Scripturæ sacre per me proposita, ut ostenderem unam & eandem enunciationem, servatâ eadem vocum significatione, posse aliâ & aliâ intentione proferri: videlicet, Filius tuus vivit; & Mulier ecce filius, cum nostro argumento nihil habere commune, eò quòd nullam significant transmigrationem substantiæ in substantiam; sed tantum accidentis in accidentis*. An non hîc manifestè vides, ad quid probandum adduxerim illa duo Scripturæ sacre testimonia: *Vade, Filius tuus vivit: & Mulier, ecce filius tuus?* Et hîc adhuc conquereris, quòd ad tuam transsubstantiationem, in his testimoniis per te allegatam, ne gry quidem responderim. Obsecro an non satis magnum gry fuit, quòd te dixi in prima responsione ad dicta testimonia veluti somniantem respondisse, & quòd nunc adhuc

adhuc dico, te in eodem somnio perseverare, quando à me petis ut apertè fatear, Beatam Virginem duos ex sua substantia habuisse filios, alterum ortu, alterum transubstantiatione; cum in productione dictorum testimoniorum nullam omnino transubstantiationis mentionem fecerim: sed tantum conatus sum ostendere eandem orationem alià & alià finali intentione dici? Nam Christus in cruce dicens matri de Johanne: *Hic est filius tuus*, finaliter intendit his verbis, Johannem in Mariæ filium adoptare. Si autem S. Petrus postea hoc idem Beatæ Mariæ dixisset, tunc tantum intendisset id significare quod à Christo factum erat in cruce, nempe significare quod Johannes esset Filius Mariæ adoptivus.

Hic præterire non possum id de quo & mihi congratulor, & tibi condoleo, nempe quod me faceret scurram vocas: gaudeo enim quod à Domino judicatus sum dignus, qui pro veritatis defensione contumeliam sustinerem: Nam *beati estis cum maledixerint vobis homines, & dixerint omne malum adversum vos, mentientes propter me; gaudete & exultate, quoniam merces vestra copiosa est in caelis*, inquit Christus. Sed me contristat, quod cum hæcenus gloriatus sim de te, quod licet pro defensione causæ quam sustines multa diceres, quæ mihi non placerent; attamen à conviciis & contumeliis abstineres. Nunc autem, non video quo modo hoc verbum, quod tibi hîc excidit, referre queam ad defensionem causæ quam suscepisti, & non potius ad studium lædendæ & inhonorandæ personæ meæ, quod est convicii & contumeliæ proprium. Postest quidem à furore oculus meus conturbari, ut alicui inferam iudicium contumeliæ, sicut mihi principio tuæ responsionis objecisti, sed sincerè dico, si quid à me prodiit, quod tale quippiam tibi sonare videtur (cujus non sum mihi conscius) non intendi id quod mihi impingis. Si quid autem interdum differendo conatus sum lepidius dicere, id non feci animo irritandi quempiam, aut vanè delectandi, sicut solent faceti scurræ, sed studio consulendi Fidelibus, ut ab erroribus revocarentur: sicut Heliam fecisse arbitror, quando sacerdotibus Baal illudebat, dicens: *Clamate voce majore, Deus enim est, &* Reg. 18.  
*forsthan loquitur, aut in diversorio est, aut in itinere, aut certè dormit, ut exci-*  
*tetur.*

## C A P U T XIII.

*Quod hac oratione, Petra erat Christus, nulla efficitur transmutatio; quia tantum significatur quod antè fuit, quàm hæc oratio pronunciaretur.*

Capite octavo refricas verbi (est) unam & simplicem esse significationem; sed ubi conjungitur Categoriis tum accipi pro re subiecta: de qua re satis dixi in Apologia; sed cum eo quod addis, *me magno studio voluisse verbi (est) significationem introducere ad fieri, ut persuaderem, Hoc est corpus meum, idem significare, atque hoc fit, vel hoc factum est corpus meum;* vellem adjungeres quo loco, aut quibus verbis conatus sum hanc verbi (est) significationem intro-

ducere, ut appareret quàm sit verum quod dicis. Dixi capite quarto Apologiæ meæ, virtute hujus propositionis, *Hoc est corpus meum*, posse fieri quòd per eam non significatur fieri, sed tantùm significatur esse: ubi satis apertè significavi verbum (est) in propria significatione, & non pro (fieri) accipi: sed ubi diversum asseruerim, non invenio. Proinde observa, ne fortè in libro meo non inveneris quod mihi scribis, nempe quod magno studio voluerim verbi (est) significationem introducere ad (fieri,) ut persuaderem, *Hoc est corpus meum*, idem significare, atque hoc sit vel hoc factum est corpus meum; sed te potiùs hoc, aut dormiendo somniasse, aut vigilando confinxisse.

Dicis in hac oratione: *Petra erat Christus*, & subjectam vocem, & quæ illi attribuitur, *justitiam significare*: & verum dicis. Ac deinde rogas, *cur non credimus Petram substantialiter fuisse in Christum transformatam?* Respondeo, quòd sicut *Petra*, quæ est vox subjecta, lapidem significat, sic & ipse idem lapis significatus, ulteriùs sacramentaliter Christum repræsentat, de quo dicitur, *Petra autem erat Christus*, id est, res significata per illum lapidem virgà Moyfi percussam, erat Christus: quod quia sine ulla transmutatione verum invenitur, ideò in hac oratione, *Petra erat Christus*, nulla transmutatio quæritur, ut vera esse inveniat: sicut nec in hac; Hæc statua est sanctus Franciscus, homo est substantia: quia cùm dicitur, *Petra erat Christus*, non ad signum, sed ad rem significatam respicitur, quæ longo tempore priùs fuit quàm hoc ab Apostolo diceretur. In hac autem oratione, *Hoc est corpus meum*, nihil potest intelligi demonstratum, quod tunc fuerit Christi sacramentum cùm hoc dici inciperet, ut intelligi queat sermo esse, non de re per pronomen (hoc) demonstrata, sed de re sacramentaliter per rem illam demonstratam ulteriùs significata: sicut de *Petra* diximus. Et ideò in hac oratione, *Hoc est corpus meum*, necessum est ad id venire quod suprà diximus, ut per pronomen (hoc) demonstretur Christi corpus, quod his verbis efficiebatur. Nam alioqui verum esse non potest quòd ait Christus, *Hoc est corpus meum*. In hac autem oratione, *Petra erat Christus*, nullà transmutatione opus est ut vera sit oratio, quia per eam nihil aliud significatur, quàm quod res sacramentaliter significata per *Petram*, in monte Oreb virgà Moyfi percussam, sit Christus; quod sermone simplicissimo verum est. Sed de his plura diximus superiùs.

## C A P U T XIV.

*Quòd præsentia Christi in sacramento Altaris (quam populus Christianus semper intellexit secundum corpus & sanguinem) versutè transfertur ad præsentiam secundum Divinitatem.*

Capite tuo nono gloriaris, quòd cùm scripta tua cum mea Apologia non cederim, (malui enim venenatum cibum peritis medicis judicandum relinquare, quàm rudi plebi manducandum propinare) tu tamen Apologiam meam cum tua responsione curaveris excudi, nempe ut eos nostræ disputa-



tionis iudices constituas, eorumque iudicio victor evadas, de quibus ait Apostolus, *Quod erit tempus cum sanam doctrinam non sustinebunt, sed ad sua desideria concervabunt sibi magistros, prurientes auribus; & à veritate quidem auditum avertent, ad fabulas autem convertentur.* Cæterum si quis vestrorum, meis verbis, quæ tu venenata reputas, incantetur: nonne tibi imputabitur quod absque necessitate venenum ab alio confectum propinaveris, tantum ut experiaris, anne per te sufficiens & oportuna contra illud sit adhibitum remedium? Addis etiam, te prudentem pertransire disputationes meas de benedictione & maledictione, deque straminis vasi impositi similitudine, aliaque ejus generis permulta: ne confutandis meis ineptiis, ipse te ineptum præbeas. Respondeo, non exiguum esse prudentiam, ea quasi contemnendo præterire, quæ propter nimiam evidentiam, neque argumentis refelli, neque verborum involucris possunt obscurari. Ad illud transeo, quod capite sequenti tam acerbis verbis exaggeras, ne versutè ac veteratorie & Christi præsentiam pro transsubstantiatione panis substituisse. Quod quidem ipsum (inquis) in libri titulo fecisti, sanè quàm impudenter. Capite undecimo Apologiæ meæ sic breviter argumentum tuum retuli: *Christus præcepit, ut quotiescunque id fecerimus, in sui memoriam faciamus: igitur in sacramento Eucharistiæ non est Christi præsentia, sed memoria.* Deinde respondi; Christum jussisse benedictionem, fractionem, & sumptionem hujus Sacramenti, in sui memoriam fieri: sed nunquid negavit præsentiam, cum dixit: *Hoc est corpus meum:* & *Hic est sanguis meus?* Quia igitur in argumento tuo non intuli: igitur in sacramento Eucharistiæ non est Christi præsentia secundum corpus: sed tantum dixi, non est Christi præsentia: Idè exclamas me veteratorie & versutè agere, quasi non hoc ipsum satis expresserim cum subjeci: nunquid negavit præsentiam, cum dixit: *Hoc est corpus meum: Hic est sanguis meus?* significans me loqui de Christi præsentia, non secundum Divinitatem, de qua nemo vobiscum contendit, sed de præsentia secundum carnem & sanguinem. Sanè si tunc advertissem, quod nunc adverto, te reformidare populi iudicium, cujus animo ex antiquissima fide impressum est, Christum in sacramento Eucharistiæ semper esse præsentem, teque hujus dicti intelligentiam de veritate corporis & sanguinis Domini astutè, dolosè, veteratorie velle transferre ad præsentiam secundum divinitatem vel secundum fidem, sicut ait Apostolus, Christum habitare per fidem in cordibus, ut populo illudas, qui hanc Christi præsentiam semper intellexerit secundum corpus & sanguinem: ego potius ter intulissem, te velle colligere in sacramento Eucharistiæ non esse præsentiam Christi secundum corpus & sanguinem; quàm semel omissem, quod nunc exprimo, secundum corpus & sanguinem, ut amputassem tibi occasionem tam multa dicendi de Christi præsentia secundum Divinitatem & fidem; de qua nulla quæstio tibi movebatur. Sed quia tunc hoc non adverti, idè contra sophisticam & dolosam, ne dicam veteratoriam tuam intelligentiam, minùs vigilans fui, simpliciter ponens Christi præsentiam, pro præsentia secundum corpus & sanguinem. Quid autem in titulo libri mei dicas impudenter per me factum, non intelligo; sic enim habet titulus: *Apologia de veritate corporis Christi in sacramento Altaris.* Nullum enim locum reliquit intelligentiæ tuæ de præsentia Divinitatis. Sed fortè malè te habet, quòd non

inſcripſerim Apologiam de tranſubſtantiatione, ut relictis ſacræ Scripturæ verbis, in quæſtione tranſubſtantiationis, poſſes ſimulare cupreſſum, ad quam tanquam locum communem libenter, etiam ſine neceſſitate, recurris. Addis *me argutūle cavillari, baud eſſe facinus, deglutire integram Chriſti carnem modo non frangatur aut laceretur*. Hoc dixi, necmuto, quod Chriſtum deglutire, imò & frangere, eo modo quo in ſacramento frangitur, nec facinus nec crimen eſt: quia neque occiſio eſt, neque læſio, quæ occiſionis principium eſt. Tu autem, qui ſcīnus eſſe contendis, dic cujus mandati ſit tranſgreſſio deglutire aut etiam frangere Chriſti corpus, ſine injuria & læſione: facinus enim omne contra aliquod mandatum præſumitur. Sed tibi ſufficit id dicere, etiamſi neque Scripturam ſacram, neque rationem poſſis adducere. Dicis *facinus eſſe deglutire ritu balæne*. Fateor quia balæna deglutit ad interimendum, ſed ſi ſine læſione deglutiret ad tranſportandum, ſicut navigantem deglutit navis, aut ſicut cocte deglutivit Jonam, non eſſet facinus, ſed beneficium.

## C A P U T X V.

*Quod ſenſus præſtigium non patiantur, quando ſubſtantia in ſubſtantiam inſenſibiliter tranſmutatur.*

Capite tuo XI. & XII. in verborum campos excurris, & libro tuo prolixam diſputationem inſeris de dictis Petri Lombardi, Divi Thomæ Aquinatis, Cajetani & aliorum: Item de ſenſibilibus qualitatibus, quas dicis a nobis fingi apparere, quæ non ſunt: velut album, rotundum: in qua re ſi nihil fingeres, fortè religioſior appareres. Item caput 13. conſumis, negando te ſignificaffe poſſibilem eſſe Lutheranorum opinionem, de pane remanendo in ſacra Euchariftia cum Chriſti corpore: de quibus omnibus nihil dico, quia fidei Catholicæ, non Scholaſticorum doctōrum ſuſcepi deſenſionem.

Ad caput tuum 14. venio, in quo conaris defendere, quod ſi panis per verba Chriſti in Chriſti corpus convertatur, igitur ſenſus, qui hoc non advertunt, præſtigium patiuntur. Rogavi an etiam ſenſus præſtigium patiantur, quando non advertunt, quod infans in baptiſmo, ex filio diaboli Dei filius efficitur? ſed quia exiſtimas inter has duas tranſmutationes, quæ tamen ambæ inſenſibiles ſunt, nihil eſſe ſimile, ob id (ut ſuſpicio) quod in baptiſmo nulla fiat ſubſtantię tranſmutatio, quæ poſſit cum ea tranſubſtantiatione comparari, quæ videtur tibi perpetuò ob oculos verſari, adferam aliam tranſmutationem. Rogo igitur, ſi quis te præſente, ſed id ſenſu non percipiente, moriatur, an ſenſus tui in hac tranſmutatione ſubſtantię præſtigium paſſi dicentur, quia non adverterunt quod aliā ratione poſtea deprehenditur, nempe ex vivo homine cadaver inanime factum eſſe? Intellige igitur ſenſus præſtigium pati, non quando circa ſubſtantias aliquid occultè mutatur, quod ſenſu non percipitur, ſed quando ſenſibus in ſuo ſenſibili illuditur, ut aliud pro alio ſentiant.

Ut ostendas apud Apostolum, cum ait: Panisquem frangimus, non corpus Christi ex pane factum, sed verum panem esse, qui frangi dicitur: conaris ostendere serpentem, in quem virga Moyſi converſa legitur, adhuc virgam nominari, non quia ex virga factus est, sed quia magorum virgis comparabatur, quas præteritis revera in serpentes mutatas non fuisse. Sed si verus serpens propter nudam comparationem ad virgas, quæ sub serpentum specie occultabantur, nomine virgæ appellatus est, quantum magis potest idem serpens virga nuncupari, propter comparationem ad virgam quæ spectantibus omnibus in illum serpentem est converſa? Et simul ad illud nihil respondes, quod tibi primo loco obiecti, dicens, quod cum tu contendas de panis substantia rectè à Christo dictum, *Hoc est corpus meum*, tantum quia panis adhibebatur ad significandum Christi corpus, cujus nullam præferebat imaginem: miraris tamen, si Apostolus panem vocet Christi corpus, verbis Christi ex pane factum, & adhuc integram panis figuram retinens.

Quia dixeram in simulachro S. Francisci, relucere imaginem ejus, ut statim intelligatur, cur hoc simulachrum sanctus Franciscus esse dicatur (quod non minus dicere poteram de imagine Cæsaris, vel simulachro dæmonis, quàm de imagine alicujus sancti) attamen arrepta occasione, statim excurris ad accusationem faxeorum idolorum, & sacris imaginibus maledicendo te disertum ostendis. Quasi hic aliquid egissem de cultu imaginum, & non potius de sermone, quo in talibus rebus uti solemus, dicentes: Statuam Jovis esse Jovem, quia videlicet res per statuam Jovis significata Jupiter est. Sed more tuo fecisti, quod auditæ voce imaginis, hunc locum tuum communem negligendum non putasti, ut tuæ responsionis chartas disputatione nihil ad rem pertinente adimpleres.

## C A P U T XVI.

*Quod locus Apostoli: Bibebant de consequente eos petra, à D. Augustino rectè accipiatur de Judæis spiritaliter utentibus sacramentis illius temporis.*

Capite tuo xv. quereris me locum illum Pauli; *Bibebant de consequente eos* 1 Cor. 10. *Petra, Petra autem erat Christus*, argutula cavillatione pervertere; & contra Augustini aliorumque veterum auctoritatem de ipso Christo, qui per fidem in eorum cordibus qui bibisse dicuntur habitabat, interpretari; non autem de incredulis Judæis, qui sacramentorum duntaxat erant participes. Nisi in Apologia ostendissem, Chrysostomum id sentire quod dixi, forsitan il- *Chrysost.* lum etiam hic nominasses: sed quia D. Augustinum reliquis suppressis nomi- *August.* nasti, audi quid lib. 12. contra Faustum cap. 29. de hac re dicat. Recitatis enim verbis Apostoli ex cap. 10. prioris ad Corinth. usque ad hanc clausulam: *Petra autem erat Christus*, subjicit verba sua, quæ sic habent. *Exponendo unum, in cætera introducit intellectum. Si enim Petra Christus propter firmitatem; cur non & manna Christus, tanquam panis vivus qui de cælo descendit? quo verò qui resurre-*

tur, spiritualiter vivunt: nam illi veterem figuram carnaliter accipientes mortui sunt. Sed cum dicit Apostolus, eundem cibum spiritualem manducaverunt, ostendit illud spiritualiter intelligi in Christo, sicut & potum cur spiritualem dixisset, aperuit cum subjunxit: Petra autem erat Christus, quo aperto cuncta fulserunt. Et rursus tractat. 26. super Joannem, tractans illud; Patres vestri manducaverunt manna in deserto, & mortui sunt. Quare manducaverunt & mortui sunt? Quia quod videbant credebant, quod non videbant non intelligebant. Ideo patres vestri, quia similes estis illorum. Manducavit manna & Moyses, & Aaron; manducavit manna & Phinees, & mortui non sunt; quare? quia visibilem cibum spiritualiter intellexerunt, spiritualiter gustaverunt, ut spiritualiter satiarentur. Et infra super illud: Hic est panis qui de celo descendit. Hunc panem, inquit, significavit manna; hunc panem significavit altare Dei. Sacramenta illa fuerunt, in signis diversa sunt, sed in re quæ significatur, paria sunt. Apostolum audi: Nolo enim vos, inquit, ignorare fratres, quia patres nostri omnes sub nube fuerunt, & omnes mare transierunt, & omnes per Moysen baptizati sunt in nube & in mari, & omnes eandem escam spiritalem manducaverunt; spiritalem utique eandem, nam corporalem alteram, quia illi manna, nos aliud; spiritalem vero, quam nos vel patres nostri, quibus nos similes sumus, non patres illorum quibus illi similes fuerunt. Et adjungit; Et omnes eundem potum spiritalem biberunt; aliud illi, aliud nos; sed specie visibili quidem, tamen hoc idem significante virtute spirituali: Quomodo enim eundem potum? Bibebant, inquit, de spiritali sequente Petra. Petra autem erat Christus. Inde panis, inde potus. Petra Christus in signo, verus Christus in verbo & in carne. Et quomodo biberunt? percussa est Petra de virga bis. Gemina percussio duo ligna crucis significat. Hic est ergo panis qui de celo descendit, sed qui pertinet ad virtutem sacramenti, non qui pertinet ad visibile sacramentum. Hactenus Augustinus: quem manifestum est dictum Apostoli locum intellexisse de iis qui in sacramentis veteribus per fidem Christum spiritualiter manducabant. Nam cum dicit Apostolus: Eundem cibum spiritualem manducaverunt, ostendit illud spiritualiter intelligi, in Christo, inquit. Sed & ipse textus Apostoli, nos cogit intelligere quod dixi: habet enim sic: Nolumus vos ignorare fratres. Igitur Fidelibus loquitur, qui fratres appellantur. Quoniam patres nostri omnes sub nube fuerunt: fideles loquuntur, fidelium enim patres fuerunt Prophetæ & alii sancti, quorum conversatio in cælis fuit. Nam fidei illorum credendo sunt imitatores. Igitur de spiritalibus Judæis loquitur; infidelium autem est dicere sibi patrem super terram, quibus ait Christus: Patres vestri, videlicet infideles & increduli, manducaverunt manna in deserto, & mortui sunt; quia non spiritualiter fide intelligendo sacramenti rationem, sed tantum carnaliter vitam temporalem sectando, manducaverunt. Sequitur, bibebant autem de spiritali sequente eos Petra. Petra autem erat Christus: qui de se ait apud Joannem: Qui credit in me, non sitiet. Sed ne cogaris per petram sequentem, Christum intelligere, (nam lapis ipse populum non sequebatur) dicis Petram quidem in Ore virgæ Moysi percussam, non esse secutam populum; sed aquam de Petra fluentem, quæ per Metonymiam nomine Petræ intelligitur.

Sed quomodo illa aqua sit populum secuta, tu videris: Nihil enim ejusmodi in Numeris habemus. Imò populus obtulit in Idumæa pro aquis pretium dare; quod



quod non obtulisset, si aqua petra percussa populum secuta fuisset, sicut prætendis. Quoniam igitur in D. Augustino quem nominasti, te falsum dixisse comperio; nempè quodd locum Apostoli de carnalibus Judæis acceperit; & merito idem suspicor de pluribus aliis, quorum nomina tacuisti: idè ad textum Apostoli te revoco, & ex illo tibi ostendo quid me moverit, & quid te movere debuerit, ut istud Apostoli testimonium acciperes, non de iis Judæis, qui carnaliter tantum, sicut accipiunt quidam; sed de iis qui spiritualiter Veteris Testamenti sacramenta perceperunt. Non igitur ego lectoris patientiam tento, aut à proprio sensu verba Apostoli protervè detorqueo, (sicut absque omni ratione mihi improperas) sed tu, qui etiam sacris Doctoribus, contra apertissima verba textus, audes falsum imponere. Sed objicis *maximam eorum partem de quibus loquitur Apostolus, fuisse infidelem; quod illis, in quorum cordibus habitat Christus, tribui non potest.* Respondeo me fateri quod dicis, maximam partem eorum fuisse infidelem. Sed multum miror te velle de Scripturis sanctis disserere, & tamen ignorare secundam Ticonii regulam, quæ habetur apud Augustinum de doctrina Christi. lib. 3. cap. 32. cui subdit, quodd lecto- *August.* rem vigilantem requirit, quando videlicet Scriptura, cum ad alios loquitur, tanquam ad eos ipsos, ad quos loquebatur, videtur loqui: vel de ipsis, cum de aliis jam loquitur, tanquam unum sit utrorumque corpus, propter temporalem commixtionem & communionem sacramentorum. Et adducit hujus regulæ exemplum ex Canticis Canticorum, ubi ait Ecclesia; *Fusca sum, sed* *Cap. 1.* *formosa, fusca in malis, formosa in bonis.* Item aliud ex Isai. 42. cap. ubi de bona parte dicit: *Ducam eos in viam;* deinde de alia parte, tanquam de iisdem subdit: *Ipsi autem conversi sunt retrorsum;* quomvis alii jam significantur his verbis. Igitur si circa dictam Ticonii regulam vigilasses, facile intellexisses objectionis tuæ solutionem, quodd Apostolus juxta morem Scripturæ sacræ, in priore quidem capitis sui parte de spiritualibus Judæis loquatur: in sequenti verò, de carnalibus in eodem populo, eorundemque sacramentorum communionem existentibus.

## C A P U T XVII.

*Quodd Petra de qua ait Apostolus: Petra erat Christus, prius Christi sacramentum fuit, quàm hoc diceretur; non autem panis priusquam à Christo in manus acciperetur.*

**C**Apite XVI. multà verborum ambitione præmissà, acceptas meam confessionem, quà dixi hanc sententiam, *Petra erat Christus*, vel hanc, si usquam in Scripturis sacris reperiretur: Columba quæ super Christum descendit, fuit Spiritus sanctus: non sic explicandam: Hæc columba significavit Spiritum sanctum: vel sic, Hæc columba fuit sacramentum Spiritus sancti: sed tantum explicandam per hanc sententiam: Id quod per illam columbam fuit sacramentaliter significatum, verè fuit Spiritus sanctus: sic, ut non sit figura.

gura in voce attributa (Spiritus sanctus) neque in copula verbi (est) sed (ut  
 ais) in ipsa voce subjecta. Respondeo juxta jam dictam explicationem hujus  
 sententiæ, Columba quæ super Christum descendit fuit Spiritus sanctus: cui  
 similis est: Petra in Ore percussa erat Christus: non tantum in voce attributa  
 & in copula, sed etiam in voce subjecta nullam omnino fuisse figuram. Ip-  
 sa enim subjecta vox, videlicet, columba, juxta suæ significationis proprie-  
 tatem, avem notam significat, sicut & Petra lapidem: sed quia hæc avis quan-  
 do super Christum descendit, sacramentaliter Spiritum sanctum significavit:  
 idèd ratione rei per hanc avem significatæ, rectè dici potuit, quod illa colum-  
 ba fuit Spiritus sanctus. Unde Divus Augustinus de Genesi ad litteram libr. 8.  
 cap. 4. dicit, quod in his sententiis: Sapientia est lignum vitæ omnibus ample-  
 ctentibus eam: &, Petra erat Christus: quibus omninò similis est hæc enun-  
 ciatio: Columba illa quæ super Christum descendit fuit Spiritus sanctus: non  
 erat (inquit) figurata locutio, sed earum rerum expressa narratio, quarum  
 erat figurata præcessio. Et infra: Rectè quippe appellatur, quod ad eam si-  
 gnificandam præcessit. Non igitur est in voce (lignum vitæ) neque in voce  
 (Petra) vel (Columba) ulla figurata significatio; sed in re significata (de  
 qua in dictis sententiis mentio est) præcessit quædam sacramentalis institutio,  
 quæ res ipsa per vocem propriè significata, Sapientiam, Christum, aut Spiri-  
 tum sanctum significat. Quod autem consequenter ex dictis duabus sententiis  
 congruenter postulas, ut hæc enunciatio à Christo prolata: *Hoc est corpus meum*,  
 non explicetur per hanc sententiam, Hoc significat corpus meum: neque per  
 hanc, Hoc est signum corporis mei, ut sit figura in attributo, aut verbo: sed  
 tantum per hanc: Id quod sacramentaliter significatur per hoc quod vobis de-  
 monstro, vel per hunc panem, est verè corpus meum: absurda petitio est,  
 quæ exigitur falsa & absurda hujus propositionis explicatio. Siquidem hujus pa-  
 nis, quem prætendis pronomine (hoc) demonstrari, nulla omninò præces-  
 sit sacramentalis institutio, quæ Christum aut ejus corpus significaret, sed an-  
 tea tantum res fuit, non signum. Quod qui attendunt faciliè vident falsam &  
 dolosam esse hanc explicationem à te excogitatum, videlicet; Id quod per  
 hunc panem significatur, est Christi corpus. Hic enim præsupponitur, quod  
 quemadmodum Petra in Ore percussa, prius sacramentaliter Christum signi-  
 ficabat, quàm diceret Apostolus, Petra erat Christus: sic etiam panis, quem  
 in novissima coena accepit Christus in manus suas ad benedicendum, prius sa-  
 cramentaliter institutus fuerit ad significandum Christi corpus, quàm ipse  
 Christus benedicens panem, diceret, *Hoc est corpus meum*. Id quod apertè fal-  
 sum est: quia nulla præcessit institutio, quæ hic panis, quem Christus in suas  
 manus accepit, sacramentaliter significaret Christi corpus, aut si qua talis in-  
 stitutio sacramentalis præcessit, proferatur, & ex Scripturis sacris confir-  
 metur.

## CAPUT XVIII.

*Quod confidentia non semper sit argumentum veritatis,  
sed aliquando præsumptionis & impudentiæ.*

**C**Apite ultimo responſionis tuæ, refricas confidentiam tuam, quâ ſcripta mea cum tuis auſus ſis prælo committere, ut mundus de cauſa iudicaret. An in hac re inſtituto tuo congruenter feceris, ſicut ſuprà dixi, tu videris. Ego tamen conſiderans te eadem fronte quâ ſcripta mea cum tuis edidiſti, ſimul aſſerere, quodd quo tempore eras Lovanii, videris ſcripta Ruardi Tapperi eo tantum nomine vetari, quodd Calvinii rationes interdum fuſius & de verbo ad verbum propoſuiſſet: non magnifacio confidentiam tuam; quia mihi & pluribus aliis qui ejus temporis adhuc memoriam retinent, certò conſtat falſum eſſe quod de ſcriptis Ruardi Tapperi te vidiſſe ſcribis. Eram enim tunc non tantum Profeſſor ſacrarum Litterarum, ſed etiam de conſilio Univerſitatis Lovaniensis, & facultatis ſacræ Theologiæ: in quibus conſiliis, nulla unquam facta eſt ejus rei mentio.

Confidentia igitur non ſemper eſt veritatis argumentum; ſed frequenter præſumptionis, ſuperbiæ & impudentiæ teſtimonium, quâ nonnulli, & præſertim hæretici, conſtantiore vultu aſſerunt quod neſciunt, aut etiam quod dolose conſinxerunt, quàm alii quod compertum habent. Quæ impudentia in ſequentibus adhuc maniſeſtiùs oſtenditur, ubi volens verba mea reſellere, quibus dixi, Quod ſi Catholici Principes de vobis aliquid duriùs ſtatuverunt, quàm veſtri duces de Catholicis ſtatuunt, id præter rationem non fore. Nunquam enim fuimus quod eſtis, nec aliquid vobis promiſimus, neque à vobis unquam deſecimus, ut vobis hoſtes efficeremur: vos à nobis, noſtra religione, noſtroque Principe, contra fidem datam, contra majorum inſtituta, deſeciſtis. Deinde adjeci: Vos veſmetipſos Romanæ Catholice Religionis ſubtraxiſtis, & ſubtractos Romanæ Catholice Religionis deſertores appellaviſtis. Reſpondes nos bis eſſe perduelles. Primum quodd à Rege ob Hiſpanorum tyrannidem deſecerimus; deinde fortunâ paululum commutata in patriam arma tulerimus, ſeu, ut inſrà ais, à vobis, quibus eramus arctiſſimo juncti fœdere & ſacramento, diſceſſiſſe omnes vident. Deinde etiam addis, perſidiculum eſſe, quodd Catholice Romanæ eccleſiæ vos dixerim eſſe deſertores, eodd quodd Catholica Romana nihil aliud ſit quàm univerſalis particularis. Si apud Jurisperitos duntaxat cauſa hæc ageretur, facilis eſſet ad tuas accuſationes reſponſio, quodd criminatione (præſertim quæ vos deſiciendo à Rege ſaltem ſemel perduelles eſſe convincit) non ſit purgatio: ſed quia mundo ſatisfaciendum eſt, in quo ſunt non ſolum intelligentes & erudiiti, ſed etiam rudes & imperiti, qui inter purgationem & criminationem non diſtinguunt: ideò reſpondeo, nobis, id eſt, Univerſitati Lovaniensi, antè advenum Domini de Glabbeke, nihil unquam fuiſſe propoſitum, quod ullam à Rege Catholico defectionem portenderet. Sed cum is aliquot diebus antè conſlictum Gemblacenſem veniſſet Lovanium, me præſente, audiente, & ſimul cum cæteris reſpondente, Univerſitati Lovaniensi propoſuit, & ad ea reſponſum accepit: quæ ſequenti

# 440 DEFENSIO APOLOGIÆ M. BAII, IN

commentario, ex Actis Universitatis Lovaniensis ad verbum extracta, continentur.

ANNO Domini 1578. die Lunæ, 27. Januarii, horâ tertiâ post meridiem, in superiore Capitulo sancti Petri Lovaniensis, fuit sub juramento convocata, congregata Universitas, cui Magnificus dominus Rector proposuit ea quæ sequeuntur. Primò, an placeat acceptare pro superintendente custodiæ & conservationis, ac inde dependentium, oppidi Lovaniensis, Maximilianum de Cottreau, Dominum temporalem de Glabbeke, &c. juxta commissionem sibi datam. Secundò, proposuit Universitati, an placeat præstare juramentum, juxta formulam ab eodem domino Maximiliano propositam, tenoris hîc inferiùs inserti. Super quibus Universitas deliberando conclusit, præfato de Glabbeke dandum esse responsum in scriptis, tenoris sequentis.

ALMA Universitas studii generalis oppidi Lovaniensis, viso exemplo commissionis, quæ sub data 17. hujus mensis Januarii, nobili viro Maximiliano Cottreau, domino de Glabbeke, &c. data est, quo ad superintendentiam custodiæ & vigiliarum oppidi Lovaniensis: auditâ quoque illius propositione, & exactione juramenti in scriptis concepti, sub formula sequenti.

*Ich ghelobe ende swere ten heyligen / den Conincklijchen Majesteit / als Hertoge van Brabant / Certshertoge Mathias van Oostenrijck / Gouverneur ende Capiteyn generael van ynnem Nederlanden: Myn Heere den Prince van Draengien / als Gouverneur particulier van Brabant / ende Lieutenant generael van den boeschreben Nederlanden: ende Maximiliaen van Cottreau / Heere van Glabbeke / Wassemont / &c. als superintendent deser Stad van Loben / van den Conincklijchen Majesteit / ende Staten generael daer toe specialijck gecommitteert: gehooftsaem / goet ende getrouwt te zijne: ende niet raet ende daet / lyf ende goet te wederstaen de verclaerde Opanden van onsen gemeeyne Vaderlanden / ende de boofst Stad van Loben. So helpe my Godt / ende alle zijn Heylighen / &c.*

Quod Latine ad verbum sonat.

*Ego promitto & juro ad sancta, Regiæ Majestati, tanquam Duci Brabantie: Mathiæ Archiduci Austriæ, Gubernatori & Capitaneo generali suarum inferiorum Provinciarum: D. Principi Auraco tanquam gubernatori particulari Brabantie, & vicem gerenti generali prædictarum inferiorum Provinciarum: & Maximiliano van Cottreau, Domino de Glabbeke, Wassemont, &c. tanquam superintendenti hujus civitatis Lovaniensis, à Regia Majestate & Statibus generalibus ad hoc specialiter commissionem habenti, me obediens, bonum & fidelem fore, & quod consilio & opere, vitâ & bonis resistam declaratis hostibus nostræ communis Patriæ & prædicti oppidi Lovaniensis. Sic me Deus adjuvet & omnes Sancti, &c.*

Ex deliberationibus quinque Facultatum conclusit, Domino Superintendenti respondendum esse quodd, quoad receptionem suæ personæ ad dictam superintendentiam, hæc res ad Universitatem non pertineat, cum non habeat dicti



dicti oppidi administrationem & gubernationem, quæ pertinet ad Magistratum, &c. Et quoad formulam propositi juramenti, declarat Universitas se existimare, quod sic illud non possit nec debeat præstare: & miratur hujusmodi juramentum ab Universitate (quod corpus est Ecclesiasticum) præter exemplum exigi.

Postridie, die Martis 28. Januarii, horâ undecimâ ante meridiem, finitâ repetitione in utroque Jure, in Scholis Mathematicorum, M. Petrus Peckius, Juris utriusque Doctor, in Universitate retulit, quomodo ipse cum eximio Domino & M. N. Roberto Malcotio, ac domino Advocato fiscali, tradiderit Domino de Cortreau instrumentum Universitatis.

Et ne dicas hæc quæ retuli, fortunâ paululum mihi atâ contigisse, (sicut respondendo indicas,) advertendum est hæc contigisse diebus Lunæ & Martis 27. & 28. Januarii: Conflictum verò Gemblacensem postea fuisse commissum, die Veneris sequenti, trigessimâ primâ videlicet ejusdem mensis Januarii. Cùmque die Sabbathi, id est, primâ Februarii sequentis, præfatus Superintendens postularet consensum Universitatis, ad introducendum externum præsidium, pro civitatis custodia: conclusit Universitas respondendum, quod ad se non pertineat ordinare de recipiendo, aut non recipiendo milite, rogans Magistratum, ut si intendat intrinsece militem, priusquam id faciat, dimittat omnes de Universitate abire volentes, juxta jus commune, & privilegia ejusdem Universitatis. Et hujus conclusionis data est præfato Superintendenti copia vernaculo sermone.

Cùmque secundâ Februarii, per dictum Superintendentem & quosdam alios, sub vesperam clandestinè in oppidum Lovaniense introducta essent duo vexilla Scotorum, pro murorum custodia, Universitas postridie horâ nonâ ante meridiem congregata in magno refectorio fratrum Prædicatorum, conclusit, & eodem die in scriptis, præsentè suprascripto Superintendente, Magistratui conclusionem suam exhibuit, quâ conquerebatur inter cives sparsum esse rumorem, quod externum præsidium receptum esset de consensu Universitatis: cujus oppositum ipsis esset satis cognitum. Et quia jam admissum erat præsidium, Universitas petiit, ut juxta priorem suam petitionem, statim omnibus studiosis daretur potestas discedendi ex oppido. Ad quod respondit Superintendens, se ad hoc nihil posse respondere, absque ordinatione Statuum.

Videsne, mi Marnixi, quomodo à Rege Catholico deficientes, vobiscum perduelles effecti sumus, & quàm arcto fœdere ac sacramento vobis juncti fuerimus? Si res habet ut dicis, non debuit sine scripto perfici. Profer igitur tabulas initii vobiscum fœderis, & præstiti juramenti: ut spectante mundo, te expurges à crimine mendacii, quo penè in singulis quæ narras, scatèrè deprehenderis.

Quod autem addis, *perridiculum esse quod aio, vos Romanæ Catholicæ Ecclesiæ esse desertores, ed quod Catholica Romana, nihil aliud sit quàm universalis particularis*: quid aliud quàm impudentia est? cùm vos ipsi priores in Ediçto publico, vos Romanæ Catholicæ Religionis desertores nuncupaveritis? Si enim ridiculum est, Ecclesiam aliquam dicere Romanam Catholicam, ed quod Ro-

mana Catholica, nihil aliud sit quàm universalis particularis: igitur ridiculum fuit vestrum Edictum, quod & præconis voce publicastis, & prælo commissum in mundum universum emisistis; in quo vocastis vos Romanæ Catholicæ Religionis desertores: aut si tunc aliam Romanam Catholicam Ecclesiam cogitabatis, quam nunc Catholicam dicere non vultis, saltem explicare quam nunc velitis appellare Catholicam. Nam licet symbolum fidei unam sanctam Catholicam agnoscat Ecclesiam, tu tamen duas describis Ecclesias: alteram visibilem; alteram quæ solis Dei oculis conspicua electorum numero contineatur: quarum discrimen me ignorare gloriaris. Id quod libenter agnosco, quia mihi verendum non est ignorare, quod Scriptura sacra nescit, quod universa Scriptorum antiquitas ignoravit, & quod nulla ante vos hæresis somniavit. Scribit Apostolus de vocatione quâ vocati sumus, de qua alibi: *Videte vocationem vestram, fratres*, id est, de Christi Ecclesia, *unum corpus & unus spiritus, sicut vocati estis in una spe vocationis vestre. Unus Dominus, una Fides, unum Baptisma, unus Deus & pater omnium*. Et tu non tantum duas facis Ecclesias, alteram invisibilem solis Dei oculis conspicuam, alteram visibilem, quam definis esse quemvis eorum cœtum, qui nomen Christi externo ritu profitentur: sed penè innumeras, quæ in unum corpus coalescere non possunt. Nam nomen Christi externo ritu proficitur, non tantum Romana Ecclesia, quam tantopere detestaris; sed etiam universæ hæreses & schismata, quæ Christianum nomen nondum abjecerunt, etiam si diversissimis & adversissimis spiritibus inter se conficiuntur, & non magis in unum coalescere possunt, quàm Christus & Belial, aut quàm templum Dei & idola. Et tamen has universas conspirationes, in tua visibili Ecclesia comprehendis: unde etiam non diffiteris quin Romana Ecclesia, licet in ea sedeat Antichristus, attamen sit Ecclesia & templum Domini, quia Christi nomen & baptismatis sacramentum retinet, licet variis hominum corruptelis adulteratum: hoc est, Ecclesiæ Christi tibi sunt, & Christi regnum (quod tamen sanctum esse dicit Apostolus) quæcunque aliquam pietatis speciem Christum nominando retinent, etiam si in totum virtutem ejus abnegaverint; & sicut in Canticis legimus, se quidem propter iniquitatem nigras dicere possunt, sed formosas à vera pietate non possunt. Cæterum quod ait symbolum, unam esse sanctam Ecclesiam Catholicam, ad tuam invisibilem referendum putas, quæ verè sit sanctorum omnium communio. Quia enim Dominus novit qui sunt ejus; idè hanc sanctorum congregationem, non re quod futurum est in judicio, sed nunc mente & cogitatione à cæteris separatam solam, absque ullo Scripturæ sacre testimonio, dici vis Catholicam. Visibilem autem Ecclesiam non vis credi esse sanctam, & præsertim Romanam, de qua ais, *adesse jam tempus, quo Dominus sedem illam magnæ meretricis funditus evertat, & suam Ecclesiam ab immani ejus tyrannide vindicet*. Sed hanc tuam prophetiam potes conjungere cum prophetia Martini Lutheri hoc expressa versiculo,

*Pessis eram vivens, moriens tua mors ero, Papa.*

Quia similis erit utriusque Prophetiæ exitus: ut videlicet in tuo desiderio maneat tua prophetia, & effectum alium non habeat: sicut nec à mille quingentis

Rph. 5.

1 Cor. 1.

2 Tim. 2.

Cant. 1.

## MARNIXII RESP. DE SACR. ALTARIS. 443

tis annis habuerunt similes aliorum hæreticorum conatus, de quibus in persona Ecclesiæ prædixit Psalmista: *Sæpe expugnaverunt me à juventute mea, dicat nunc Israel; sæpe expugnaverunt me à juventute mea: etenim non posuerunt mihi. Supra dorsum meum fabricaverunt peccatores, prolongaverunt iniquitatem suam: sed non impleverunt malitiam suam, quia firmum Ecclesiæ fundamentum stat, quod posuit Christus dicens: Tu es Petrus & super hanc Petram ædificabo ecclesiam meam, & portæ inferi non prævalebunt adversus eam.*


### C A P U T XIX.

*Quòd licet Deus plura contulerit Ecclesiæ Christianæ, quàm Judaicæ; attamen Præfecti in utraque rectè Dii vocantur.*

**P**ostremò dicis, me pueriliter cavillari in discrimine ecclesiæ Judaicæ & Christianæ, eò quòd nunquam statueris, veniente Christo, nihil fuisse in Ecclesiæ collatum, quod antea Dominus necdum erat largitus. Respondeo, quòd oratio tua, quæ de hac re disseris, redacta in Petram Dialecticæ, hanc ratiocinationem continet: Ecclesia Judaica nunquam ausa fuit statuere Deum in terris; sed Ecclesia Romana statuit Romanum Pontificem Deum in terris: igitur Ecclesia Romana à veritatis doctrina se protervitiis avertit, quàm unquam fecit Ecclesia Judaica. Quà illatione manifestè significas, Ecclesias Romanam non posse sibi sine errore statuere, nisi quod sibi olim statuit Judaica. Non ignorabam in Scripturis sacris Ecclesiæ Judaicæ, seu potius Synagogæ, Præpositos sæpissimè deos nuncupari, ac deos in terris statui, ut nemo eos contemneret. De his enim scriptum est Psal. 46. *Dii fortes terræ vehementer elevati sunt.* Et 49. *Deus deorum Dominus locutus est.* Et 81. *Deus stetit in medio deorum, in medio deos dijudicat.* Et rursus: *Ego dixi dii estis.* Et Exod. 21. *Offeret eum diis.* Et 22. *Dominus domus applicabitur ad Deos.* Et iterum; *Dii non detrahes, & principi populi tui non maledices.* Et quia Scriptura sacra ministros Veteris Testamenti, id est, ministros litteræ & mortis, sæpissimè deos vocat; satis intelligebam Præfectos Ecclesiæ, quos Apostolus vocat ministros spiritus, rectissimè posse statui & vocari deos. Nam si ministratio mortis fuit in gloria, inquit Apostolus, quomodo non magis ministratio spiritus erit in gloria? Sed ut ostenderem quòd etiamsi vera fuissent quæ assumebas, attamen argumentando negativè ab Ecclesia Judaica ad Ecclesiam Christianam, nihil Aristotelicè concluderes; monui te ut adverteres quàm ineptè argumentareris ab ecclesia Judaica ad Christianam. Ego tamen interim satis sentiebam, te verborum tuorum circuitu velle significare, quosdam nostrum, non tam veritate, quàm benevolentia aut adulatione, præeminentias quasdam Romano Pontifici tribuere, quæ in Scripturis sacris non satis clarè exprimuntur, atque eum inter ministros Novi Testamenti, eminentiorem Deum velle facere, quàm Scriptura sacra testetur. Pro quibus respondeo, si qui fortè tales sint, eos incomparabiliter minùs benevolentia peccare, conando eum

maorem facere quàm est: quàm vos odio & malevolentia, conando id totum abolere quod est. Agnoscite igitur beatum Petrum ejusque successores Romanos Pontifices id esse quod Christus eis locutus est, & tunc de latitudine potestatis ac præminentiarum eorum differite: quia quamdiu in hoc toti estis, ut ejus potestatem evertatis, facile quivis suspicabitur vos de potestatis eorum latitudine differentes, non modum potestati velle imponere: sed hoc prætextu, illam simpliciter velle abolere.

J A M secundò à me admonitus, Sanct-Aldegonde frater, magis magisque declarasti quàm obfirmato animo illis adhæreas, qui se Romanæ Catholicæ Religionis desertores nuncuparunt, & acerrimos hostes exhibent. Quò fit ut vehementer timeam, ne & mea admonitio, & totius Ecclesiæ oratio, quæ etiam pro te quotidie ad Deum funditur, tibi in peccatum convertatur. Quia tamen, sicut à principio Collationis nostræ, ita & nunc tibi ex animo benè volo, non cesso lugere, & à Deo petere, ut quod meâ industriâ non valeo, id suâ misericordiâ præstare dignetur, & meliorem mentem tibi aliquando largiatur. Cui orationi utinam tu aliquando desinas obfistere.





VERBA JURAMENTI  
 QUOD  
 F O E D E R A T I  
 A N T V E R P I Æ

Præstandum constituerant :

E X

F L A N D R I C O  
 L A T I N E R E D D I T A .

**E**GO N. Juro, quod Regem Hispaniarum nec reverebor, nec agnoscam tanquam meum principem aut supremum Dominum : sed quod ego ab eo discessi, habens me ab omni officio & obligatione liberum quibus olim ipsi veluti supremo Domino Provinciae quocunque modo devinctus fui. Ego insuper promitto ac juro, quod Illustris Princeps Franciscus, Filius Franciæ, frater unicus Regis, Dux Lotharingiæ, Brabantiae, Limburgii, Geldria, Audogavensis Provincia, Comes Flandriae, Hollandiae, Zeelandiae, Zutpheni, &c. Margravius sacri Imperii, pro meo legitimo principe ac Domino fideliter habetur ac inauguratur. Et quod ipsi omnè auxilium & subsidium, pro posse meo, dabo contra memoratum Regem Hispaniarum & omnes ei adhaerentes, nemine excepto ex hostibus suæ Altitudinis atque patriæ : præterea quod omnia præstabo quæ boni ac fideles incolæ ac inquilini Brabantiae præstare debent suo legitimo Domino, juxta latum adventum : & insuper ego juro ac promitto me huius urbi Antverpiæ bonum ac fidelem esse, ac quod ipsam juvabo & defendam, sub obedientia prædicti Nostri Clementis Domini. Sic Deus omnipotens me adjuvet. Statutum in Collegio in Domo Civica Antverpiæ, die duodecimâ Aprilis, 1582.

Emendata  
ex Codice  
et MS. Mi-  
chaëlis Vas-  
mer, vii.  
f. 161.  
1616.

*Argumenta quædam quibus utuntur Ecclesiastici quidam qui nunc sunt Antverpiæ, ut persuadeant Catholicis qui nunc sunt Antverpiæ, salvâ conscientia juramentum Duci Alen-sonio præstari ab iisdem posse.*

1. **N**ON tenentur, *inquiunt*, singuli de plebe inquirere de negotiis & regimine Reipublicæ. Debent singuli obedire Magistratibus etiam discolis, etiam Tyrannis; etiam si novus & electus Princeps à toto & pleno Collegio statuum electus non esset: & quædam statuum membra desiderata essent: hæc enim singuli de plebe non tenentur inquirere aut considerare, sed obedire ut suprà: quia omnis potestas à Deo est, etiam Tyrannica.

2. Item vinculum obligationis, quo singuli de plebe Principi suo obstricti sunt, non tantum est, ut in gratiam Principis, onerati uxore ac liberis sedes suas relinquere, hinc profugere, per orbem vagari, mendicare, & in miseria tabescere debeant, qui media non habent unde foris vitam sustentare valeant. \* Majus esse vinculum obligationis erga uxorem & liberos & propriæ vitæ tuendæ.

3. Non igitur hinc de renuncianda Religione Catholica, sed de recuperanda ea, & exercitio ejus, medio hoc juramento.

4. Regem Hispaniæ deferere nos Catholicos; aut saltem nobis opem ferre non posse.

5. Cum vi expugnata civitate, Victor victum ad præstandum fidelitatis juramentum cogit; nullum in ea re à Victo peccatum committi. Simile & hinc accidere, quantum ad singulos de plebe, eam coactionem, si quid peccati in hoc juramento foret, omne peccatum tollere.

6. Metum perdendi bona temporalia, vel gravem in eis jacturam, sine quibus non potest quis sustentari, justum esse metum.

7. Et præterea ignorantiam & errorem, si quis esset, excusare singulos de plebe. Ignorantia enim eorum quæ quis non tenetur scire, à peccato populum excusat. *Hæc & similia multa adferunt.*

\* Edit. hæc  
omisit.

# MICHAELIS BAILL,

## EPISTOLA,

### PETRO CASTILLO,

#### DOCTORI.

#### De Fœderatorum Juramento & Argumentis quibus illud defenditur.

**V**T intelligatur an licitum sit Juramentum, per te mihi cum argumentis quorundam transmissum, quod Antverpiæ etiam à plebeiis exigi dicitur, Eruditissime Domine Doctor, imprimis videtur considerandum, an verum sit quod in eo Juramento asseritur, & licitum quod promittitur. Nam jurare verum, & promissioni licitæ addere juramentum non est peccatum. Sed jurare falsum, & rei illicitæ promissionem, seu potius comminationem, conari juramento firmare, est immane scelus, quod proprio nomine vocatur perjurium. Qui enim jurat se facturum quod non potest licitè facere, censetur coram Deo jurare falsum; & si faciat quod se facturum juravit, addit perjurio alterum peccatum, sicut docet Augustinus sermone 117. inter noviter impressos Lovanii.

Porro in Juramento mihi transmissio prima pars quæ habet quoddam Civis Antverpiensis jurabit quoddam Regi Hispaniarum non obediet, neque eum curabit aut agnoscat pro suo principe; sed eum jam dereliquit, habens se pro absoluto ab omni obligatione quâ prius illi tanquam suo principi obligabatur, nihil aliud est quàm formalis & expressa rebellio, ac inobedientia erga Regem Hispaniarum legitimum Principem civitatis Antverpiensis: quæ inobedientia ejus incolis est manifestè illicita; & non legitimi juramenti; sed tantum perjurii materia. Sicut enim conjux, quæ sine vitæ periculo viro suo adesse debitumque obsequium reddere non potest, durante hac necessitate justissimam quidem exceptionem habet cur non præstet quæ viro suo præstare tenetur: sed tamen neque in animo statuere neque ore jurare potest quoddam deinceps illum non curabit, neque agnoscat pro viro, sed habebit se pro absoluta ab omni obligatione, quâ prius illi adstringebatur ratione conjugii: quia ratione divini præcepti, quod uxor viro suo obligatur, etiam cum illi adesse non potest, si non opere saltem desiderio & animo tenetur illi adhærere, habens promptam voluntatem præstandi quæ sunt conjugis, mox ubi res ipsa tulerit. Sic etiam fidelis subditus, qui hostili tyrannide & timore oppressus à suo principe non de-

fenditur aut liberatur, habet quidem justam causam cur durante hac necessitate principi suo tributa non reddat, nec debita præstet obsequia: sed non potest in animo suo statuere aut jurare quodd ei deinceps non parebit, nec eum reverebitur, aut pro suo principe habebit, sed eum in totum ex animo suo abjecit, habens se pro absoluto ab omni obligatione, quâ priûs ei obligabatur, sicut continet propositum Juramentum. Quia quândiu talis subditus habitat in terris sui Principis, permanet ei adstrictus, nec potest se ab ejus obligatione absolvere absque Principis consensu: sed ratione hujus obligationis tenetur Principem in animo suo reveri, ac pro legitimo Principe habere, paratus etiam opere quæ sunt veri subditi præstare, mox ubi res ipsa tulerit. Et idèd qui jurant quæ prima hac Juramenti parte continentur, & jurando illicita pejerant, & præstando quæ jurant, suo perjurio aliud crimen adjiciunt, ut diximus.

Altera pars ejusdem Juramenti asserit Ducem Alençonium esse legitimum, Principem Brabantiae & aliarum Provinciarum ibidem nominatarum: id quod est apertè falsum, aut saltem illis incertum qui hoc jurant; & idèd cum aperto perjurio aut saltem cum temeritate hoc jurant: sicut & illi qui in Anglia jurant Reginam esse Caput Ecclesiae Anglicanae, apertè falsum jurant. Si quis fortè prætendat hac parte Juramenti non asseri quodd Dux Alençonius sit legitimus Dux Brabantiae; sed tantum exigi ut jurans eum pro tali habeat; tunc adhuc illicitum est juramentum, quo jurat se eum habiturum pro legitimo Principe, quem in corde suo judicat esse tyrannum, quod sine mendacio præstare non potest.

Tertia pars Juramenti, quæ requirit à Cive Antverpiensi, vero Regis Catholici subdito, ut juret quodd ex omnibus suis viribus assistet Duci Alençonio, in bello contra Regem & alium quemcunque, &c. ex prioribus dependet. Quia si Alençonius non sit verus Princeps earum Provinciarum, quarum in Juramento fit mentio; ipse Regi Catholico injustum bellum movet, imò potius non movet bellum, sed sub belli nomine per homines impios exercet apertum latrocinium, in quo nemo potest ei adstere, nisi qui velit reus esse latrocinii. Ipse enim Alençonius non est absolutus Dominus, cui competat jus movendi alicui bellum, sed tantum fratris sui vassallus, qui rebellium & inutilium hominum conspiratione fretus, & nuper contra fratrem suum, & nunc contra Regem Catholicum, sub nomine belli exercet latrocinium, gravissimo supplicio dignum; sicut aliquando sentiet, nisi citò resipiscat, & sui sanguinis honori prudentius consulat.

Rationes autem quibus nonnulli conantur plebeios Antverpienses hoc Juramentum præstantes à peccato excusare, non videntur mihi aliud esse quàm verba malitiæ ad excusandas excusationes in peccatis. Nam quod aiunt plebeios non debere inquirere de negotiis & regimine Reipublicæ, sed Magistratibus simpliciter obedire, ut innumera præteream, etiam mundo manifesta, quæ de absurda & præsumptuosa Ducis Alençonii electione dicenda essent, si res ad vivum excuteretur; & de impiis novitatibus, quas quotidie introducunt Magistratus rebellium civitatum, ob quas etiam plebe iis suspecti esse debent in omnibus quæ moliantur: quis non videt aliud esse inquirere de negotiis Reipublicæ, aliud verò inquirere de iis quæ quis jubetur jurare, ne fortè  
falsa



falsa aut illicita jurando incidat in perjurium. Nam si temerarium est asserere de quo dubitas, quantò absurdus est jurare quod nescias? Deinde quod addunt, omnem potestatem etiam tyrannicam, à Deo esse: nihil ad hanc rem pertinet; quia licet potestas imperandi quæ legitimis præfectis competit, ad licita & honesta subditos obliget: attamen potestas aliquid faciendi, quæ tyrannis & latronibus communis est, neminem adstringit ab obediendum, sed devotos & superatos tantum vi compellit obedire: quæ compulsio ad illicita perpetranda extendi non debet.

Nec majoris momenti est quòd querulantur singulos de plebe, uxores & liberis oneratos non ita astringi Principi, ut in ejus gratiam cogantur foris mendicare & inedia contabescere: quia qui oppressione hæreticorum tyrannisantium, ad hanc necessitatem rediguntur, ut vel cogantur omnia sua perdere, vel contra suum legitimum principem perpetuam rebellionem, inobedientiam, & hostilitatem jurare; non in gratiam Principis omnia sua deserunt, sed ad conservandam justitiam & bonam conscientiam, quam habere debet omnis Christi discipulus, id faciunt, quod eo casu jure divino facere tenentur, sicut docet Christus Lucæ 14. cum ait: *Si quis venit ad me, & non odit Patrem suum & matrem & uxorem, & filios, & fratres & sorores, adhuc autem & animam, non potest meus esse discipulus.* Et denique concludit: *Sic ergo omnis ex vobis qui non renunciat omnibus quæ possidet, non potest meus esse discipulus.* Hæc est enim crux miseris istis eo casu à Deo imposita, ut propter justitiam cogantur sua deserere, ne jurent res illicitas, de qua Cruce Christus ibidem ait: *Qui non bajulat crucem suam, & venit post me, non potest meus esse discipulus.* His autem propter justitiam sua contemnentibus promittit Dominus: *Non te deseram nec te derelinquam,* sicut ad Hebræos decimo tertio legitimus. Nihil etiam eos excusat quòd aiunt se jurare ad recuperandum Catholicæ Religionis exercitum: quia neque facienda sunt mala, ut inde eveniant bona; neque ad aliud servit hoc juramentum, quàm ut longissimè ab eo diffiti, simul cum exercitio Religionis etiam fidem ipsam deserant.

Quòd autem Deus Regi Catholico non tribuit facultatem, ut omnibus oppressis statim subveniat, ex eo provenire arbitror, quòd tentat nos Dominus Deus noster, an mandata ejus divitiis nostris præferamus, an non.

Denique obijciunt, civitates vi expugnatas victori licitè præstare juramentum fidelitatis. Ex quo videntur velle colligere quòd boni cives, qui non suâ sponte in potestatem tyranni devenerunt, sed tantum prævalente malorum conspiratione subacti sunt, licitè possint oblatum sibi præsens juramentum præstare. Ad quod breviter respondeo, quòd sicut præceptum obediendi parentibus, intelligitur in licitis & honestis; sic & juramentum fidelitatis, quod per ingenuos Principes, omisissis novis titulis, hætenus à devictis hostibus tantum in genere exactum est, non nisi in licitis & honestis debet intelligi: & idèd non in præstando juramento fidelitatis, sed fortè in observando potest esse peccati periculum, si fortè is qui fidelitatem juravit, prætextu juramenti faciat quod ei non licet. Sed in præsentì Juramento plura in particulari manifestis verbis expressa continentur, quæ sunt apertè falsa aut illicita; ad hoc videlicet ab hæreticis, diabolo suggerente, excogi-

450 M. BAII EPISTOLA DE FOEDER. JURAMENTO.

tata, & Fidelibus ad jurandum proposita, ut Fideles vel salute perpetuâ excidant, vel temporalibus bonis hoc prætextu possint à Sectariis spoliari.

Quod in fine additur de metu perdendi bona temporalia excusante peccatum, non videtur mihi responsione dignum: quia si non licet timere eos qui occidunt corpus; quanto minus timere licet eos qui auferunt bona? Similiter nec illud quod de ignorantia dicitur; quia nemini licet ignorare quod ipse præsumit jurare. Igitur aut diligenter inquirat, & intelligat quod jurat; aut à jurando abstineat.

*Hoc Michaëlis Baii responsum cum legisset Joannes Lensæus, pariter Doctor Theologus Lovaniensis, ei subscripsit his verbis: Est ea quoque mea sententia, Juramentum ejusmodi præstari sine gravi scelere non posse: quia Juramento ejusmodi firmatur rebellio injusta & simul tendens ad Religionis exitium. Quare illa suprà posita declaratio iniqui Juramenti per omnia mihi probatur. Joannes Lensæus, anno 1582.*



# MICHAELIS BAII,

De Statuum inferioris Germaniæ unione cum iis qui  
præter omnium hætenus Hæreticorum morem ,  
se desertores Romanæ Catholicæ Religionis  
vocant ; & de juramento , quod eorum  
jussu à Clero & Monachis exigitur ,

## E P I S T O L A.

*Reverendo Patri Ambrosio Lootsio Abbati  
Parcensi, Michaël de Baii ,*

**R**everende Pater ; sentio fratres vestros , & totam familiam vehementer contristari , propter longam absentiam tuam. Et quantum mihi videtur , non immeritò contristantur : non tantum propter detrimentum , quod ex hac absentia tua , & in spiritualibus , & in temporalibus patiuntur ; sed etiam propter periculum conscientiarum tuarum , quam putant , sicut & ego puto , non posse diutius sine gravi peccato ab ovibus suis abesse. Quis enim nescit , pastorem in tantis difficultatibus & periculis debere suo gregi adesse ; imò etiam pro illo animam ponere , quando non patitur peculiarem persecutionem præ fratribus suis ?

Cui accedit , quòd satis intelligam te consensisse , & juramento firmasse unionem statuum , etiam cum iis , qui se Romanæ & Catholicæ Ecclesiæ Desertores profitentur , sub principe Auraico tanquam Gubernatore Brabantiae , & Vicegubernatore omnium provinciarum inferioris Germaniæ : non obstante , quòd se palam Bruxellæ Calvinistam professus sit. Id quod (pace tuâ dicam) quantum mihi videtur , nec per te , nec per consortes tuos , sine gravi scelere fieri potuit.

Primum quidem propter manifestum scandalum. Nam usque ad id tempus , Ordines hujus patriæ semper unanimiter jactaverunt se velle manere , non tantum sub obedientia Regiæ majestatis , sed etiam in fide Romana Catholica : querebanturque sibi magnam injuriam fieri , quòd & summo Pontifici , & Catholicæ Majestati per quosdam intelligebant aliud suggeri. Nunc verò per hanc unionem cum subtractionis filii in perditionem , sub homine , qui se palam hæreticum profitetur , proprioque se judicio condemnat , non tantum

summo Pontifici, & Regiæ Majestati, sed etiam omnibus cordatis fidelibus ingeritur manifesta suspicio, quòd ab utraque illa sua professione Ordines recesserint; aut certè ad illudendum fidelibus, non animo, sed verbis duntaxat professi sint quæ sunt professi. Eò quòd hæc unio cum iis qui se palam vocant Desultores Romanæ & Catholicæ religionis, sub homine qui se palam Calvinistam profiretur, directè tendat ad contemptum Regiæ Majestatis, subversionem Catholicæ fidei, & exterminium sacerdotii, quod Calvinistæ cane pejus & angue oderunt.

Et cum nemo possit sibi superiorem assumere, nisi in eum finem, ut ejus vigilantia & solitudine in suo sancto proposito juvetur & defendatur: (nempe Christianus catholicus, in vera Christiana religione; & monachus in professione monastica, &c.) quomodo reclamante primâ civitate Brabantiae Lovanio, & aliis multis viris illustribus, (quorum nonnulli ob eam causam, fictis mendacibus litteris, putantur Gandavi in vincula conjecti, & adhuc detineri) potuistis & vobis & nobis hominem præficere, quem jam certò sciebatis & Catholicæ religioni, & monastico instituto vestro ex professo esse inimicum? iisque ministris porissimum utentem, qui ob hæresim sunt veræ pietatis adversarii? quique aut statim omnem pietatis speciem è templis aboleret (sicut tota Hollandia & Zelandia testatur) aut tantisper dissimulando permittunt, donec quæsitis occasionibus, sine tumultu possint (sicut in Calvinismo jurant) ad ejus subversionem pervenire. Imitantur enim Julianum apostatam, qui initio non palam persecutionem in Christianos exercebat: sed populis, quæcunque vellent in eos committere permittebat, aut etiam clam mandabat, & maxime in clerum; ut sublati ducibus, plebs in oblivionem religionis facilius deveniret. In hoc tantum Juliano dissimiles, quòd ille nullum juramentum de conservanda religione præstitisse legitur, ut Auræus Princeps cum affectis suis, qui, ut Catholicis imponant, & quidvis facillè jurant, & opportunitatem nacti juramenta pro ludo habent. Hinc ad conservandas civitates, finguntur necessaria esse templorum, cœnobiorum, & aliorum locorum ad pietatem institutorum incendia; idque contractius prius imaginibus, & conculcatis, præh dolor, sacramentis. Hinc à sacerdotibus & monachis exiguntur illicita juramenta; ut aut exules fiant, eosque tum bonis omnibus exuant, aut impietati consentiant. Hinc civitatibus & militibus præficiuntur hæretici, aut erga Catholicos, veterisque religionis cultores, malè affecti; ut eos onerando multitudine militum, & variis modis vexando, eò compellant, ut malint miserè in exilio vivere, quàm in paternis avitisque ædibus tot ærumnis exerceri.

Porro sicut Princeps Auræus suscepturus Bruxellæ gubernationem Brabantiae, dicitur jurasse conservationem Romanæ & Catholicæ religionis in civitatibus Brabantiae, sic etiam regressus ab expeditione Montenfi in Hannonia, & proficiscens in Hollandiam, Mechliniæ (me etiam audiente) professus est, se non venisse in hanc patriam cum exercitu, ut aliquid immutaret, aut sacerdotes, monachos, & alios clericos de suo loco deturbaret; sed tantum, ut liberaret patriam à servitute Hispanica; quam religionis conservationem etiam quibuscumque civitatibus Hollandiæ juravit. Obsecro ut in Zelandia, aut

Hollan-



Hollandia, vel unus pagus, qui se tunc ejus subjecit imperio, designetur, in quo servata sit supradicta professio?

Fiunt hæc quidem plerumque tumultu quodam phanatico, per homines sediciosos sive subornatos, ut multi persuasum habent, sive ultro currentes: sed quomodo cunque fiant, certè imperante Principe Auraico fiunt, idque impune, quæ illo prius non imperante non fiebant, & postquam semel facta sunt, non emendantur. Et quantò ingeniosius artificiosiusque fiunt; tantò manifestius produunt mysterium iniquitatis, quod nunc operari testatur Apostolus: donec reveletur ille iniquus, cujus hi præcursores esse videntur, omnibus speciosè libertatem religionis promittentes, saltem donec principatum obtineant, & manifestam tyrannidem exercere queant: & illam libertatem soli impietati (hoc est, Calvinisticæ sectæ, aliisque sibi grati hæresibus tantummodò) permittentes. Cùm enim Catholica religio hætenus libera fuerit, quid promittendo libertatem religionis, intelligere possunt, nisi tyrannidem hæreticam, quâ Catholicam religionem extinguant?

Clamat Apostolus: Nolite jugum ducere cum infidelibus. Quæ enim participatio justitiæ cum iniquitate? aut quæ societas luci ad tenebras? quæ autem conventio Christi ad Belial? aut quæ pars fidei cum infidei? Et nos temporalem utilitatem prætexentes; ultro nobis præficimus hominem, qui palam se hæreticum, id est, lupum profitetur: ut hæreticorum communionem semel ingressi, à Christi societate Regisque obedientia separemur; & ut ipse novâ potestate adjutus, fidem Catholicam faciliùs extirpet, & suæ tyrannidi resistentes etiam malis artibus sub prætextu justitiæ opprimat. Nam ex hac causa antiquissimo jure constitutum est, ut subditus fidelis non teneatur obedire superiori, si à fide Catholica manifestè defecerit, ne videlicet potestas, quæ fidelibus ad ædificationem datur, jam factis hæreticis, ad destructionem & subversionem fidei patrocinetur & serviat.

Cum patria hæc nuper maximo turbata dissidio, propter vim exterorum, qui putabantur eam velle exterminare, & in extremam servitutem redigere, in maximo periculo versaretur; ne fortè Auraicus (qui cum suis tum temporis in armis erat) magnam ejus partem jam armis destitutam occuparet, & occupatam Catholicâ religione spoliaret, sicut prius in iis Hollandiæ, Zelandiæ, quæ partibus fecerat, quæ se illi subjecerant: ad vitandum tantum malum, multis viris bonis consentientibus, inita est quædam pax statuum harum provinciarum cum illo & statibus illi subiectis. Quam pacem multi pii & eruditi viri, attento rerum statu, qui tum erat cùm iniretur, etiam postea Catholicæ fidei utilem fore putaverunt, sicut subscriptionibus suis testati sunt: tum quia Auraicus cum suis submittendo se ordinationi generalium statuum quoad exercitium religionis in Hollandia, Zelandia, & Bomelia, magnam reconciliationis spem præbebat (erant enim tum reliqui status harum provinciarum Catholici, & quâvis occasione datâ semper protestabantur, se velle retinere fidem Catholicam, & Catholicæ Majestatis obedientiam) tum etiam, quia per hoc subscribentium testimonium videbant futurum, ut D. Austriaque in Gubernatorem faciliùs susciperetur, faciliùsque sic congregatis statibus generalibus in Hollandia & Zelandia religio Catholica instauraretur. Sed sicut

Luthe-

De pace Gandavensium & priorum subscriptione.

contra Cresconium Grammaticum olim ex professio destructa; nempe quòd hæretici nullà sint coertione puniendi, sed suo arbitrio relinquendi: eò quòd fides sit Dei donum. Nam hæresis ista continetur libello Antverpiæ edito auctoritate Illustrissimi Archiducis Austriæ, qui ex suæ receptionis formula, meritò præsumitur hanc editionem non admisisse sine consensu ordinum patriæ: qui etiam juraverunt, se modis omnibus impedituros, ne quis aut Catholicos aut hæreticos verbo aut factò, molestia propter suam fidem afficiat. Nam hoc juramento manifestè significant, se omnino intendere, unumquemque suo arbitrio relinquere, ut credat quod volet; sicut videtur libellus iste prætere. Est quidem fides Dei donum, sicut & cæteræ virtutes, quibus bene vivitur, & à vitiis abstinetur; propter quod orandum est, ut Deus in cæculis fidem tribuat, sicut & cætera opera virtutum, quibus bene vivitur: sed est etiam opus liberi arbitrii, propter quod & verbis & suppliciis admonendum est liberum arbitrium, ut contra Evangelii prædicationem cor suum non obduret, nec resistat verbo veritatis; quia servus verbis non potest erudiri: multò autem minùs obstinatus hæreticus. Scripsit D. Augustinus contra hunc errorem etiam libellum *de Correctione & gratia*, ostendens non propterea negligendam esse disciplinam, quia gratia & donum Dei gratuitum est, ob quod neglectum quispiam corripitur: sed & diligenter orandum esse, ut Dei donum tribuatur: & nihilominus docendum, admonendum, & corripiendum liberum arbitrium, ut opus hominis esse comprobetur, quod etiam à Deo suppliciter postulatur.

### De Juramento, quod jussu ordinum inferioris Germaniæ, à Clericis & Monachis exigitur.

**U**T autem intelligatur, cur suprà illicitum dixerim juramentum, quod jussu ordinum patriæ, per inferiores magistratus civiles à Clero & Monachis, sine præjudicio privilegiorum & libertatis Ecclesiasticæ (sicut irridendo ecclesiasticos dicere videntur) exigere jussum est: diligenter intueudum est, quid ipsum juramentum in se contineat. Imprimis enim continet affirmationem, seu probationem pacis Gandavenfis, cum declaratione & assuratione subsecuta: quæ declaratio continet expressam unionem jurantium cum iis, qui se vocant Deseriores Romanæ & Catholicæ religionis. Igitur qualiscunque jam habenda sit pacificatio Gandavenfis: atamen quisquis hoc juramentum præstiterit, eo ipso, solum ratione declarationis postea subsecutæ, communione jungitur cum iis, qui se vocant Deseriores Romanæ Catholicæ religionis; ac per hoc recedit à communione Ecclesiæ Catholicæ, quæ cum manifestis, & suo judicio condemnatis hæreticis, communionem habere non potest, sitque schismaticus.

Secundò continet, quòd jurans ad hoc totis viribus laborabit, ut neque Catholici hæreticis, neque hæretici Catholicis, ob religionis causam, facto vel verbo ullam inferant molestiam. Quàm sollicitè huic parti satisfacere studeant

hæretici, nimis manifestè & plurimorum ingenti dolore ostenderunt Amsterdami, Harlemi, & aliis pluribus locis. Sed quisquis episcopus aut presbyter hoc juramentum præstiterit, nonne se astringit, ut non pareat Apostolo scribenti Timotheo: Testificor coram Deo & Jesu Christo, qui judicaturus est vivos & mortuos, per adventum ipsius, & regnum ejus: prædica verbum; instā oportunè, importunè; argue, obsecra, increpa cum omni patientia, & doctrina. Et rursus ad Titum: Increpa illos durè, ut sani sint in fide. Nam hoc juramento constrictus, ne verbo quidem importunus esse poterit; aut eos increpare, qui à veritate defecerint, aut ei restiterint: aut si quid tentaverit, statim prætextu perjuri, conjicietur in vincula, aut mittetur in exilium: imò tenebitur eos contra quemcunque defendere, si fortè propter religionem hæreticam impetantur. Potest quidem episcopus, aut presbyter certis temporibus & locis veritatem reticere: sed nunquam potest jurare, vel vovere, quòd eos non docebit, neque increpabit, qui veritati restiterint; & multò minùs, quòd eos contra quemcunque in sua impietate defendet: quia hoc est directè impio in sua impietate præbere auxilium.

Tertiò, decretum ordinum promissionem exigit, quod jurans corpore & bonis cooperabitur Archiduci Matthiæ, id est, Principi Aulico, qui sub ejus nomine imperat, ad ejiciendum D. Joannem Austriacum ex hac patria, cum omnibus illi coherrentibus. Hic civilem questionem non discutio: An ordines hujus patriæ, justas & sufficientes causas habeant insecrandi Serenissimum Principem D. Joannem Austriacum, à Catholica Majestate constitutum generalem hujus patriæ Gubernatorem, & ab ipsismet ordinibus semel unanimi consensu susceptum: an potiùs quæstas, & à Principe Aulico confectas, suggestas, & malis artibus vulgo malè persuasas; ut sub nomine Archiducis, instantibus hominibus seditiosis, toti patriæ præficeretur, & ejusdem spoliis adjutus, Catholicæ Majestatis potentia faciliùs resisteret: Hoc solum nunc inquirò; An Clericis & Monachis liceat militem agere, ac corpore & bonis quempiam à patria fugare. Hoc olim conatus est Julianus Apostata, cogens clericos & monachos ad militiam: sed ejus conatus ab Ecclesia damnatus est. Cùm itaque Clericis non liceat militare, manifestum est iniquam esse constitutionem, quæ jubetur promittere, se tanquam milites, corpore & bonis cooperaturos, ut D. Joannes Austriacus cum omnibus sibi coherrentibus toto Belgio exturbetur.

Sed dicet quispiam, plerisque locis, per magistratus seculares, qui adhuc fideles dici volunt, & jurandi formam, ab ordinibus patriæ clericis propositam, forsitan erubescunt, à clericis non eam jurandi formam exigi, quam ordines præscripserunt; sed aliam quamdam mitiorem. Certè qualiscunque forma exigatur, difficiè est eos, qui jurant, non ingredi communionem cum iis, quise vocant Deseriores Romanæ Catholicæ religionis, (quibuscum ordines hujus regionis arctissimis juramentis constricti sunt, quosque contra quemcunque etiam in sua hæresi defendere juraverunt) & schismate non inquinari. Sed demus, per quosdam magistratus seculares, à suæ ditionis clericis juramentum exigi, quod neque communionem cum hæreticis contineat, neque impedimentum Evangelicæ prædicationis & correptionis, quam ab Episcopo-

Episcopo requirit Apostolus, neque etiam promissionem cooperandi ad efficiendum D. Joannem Austriacum cum adhærentibus, sed tantum quodd Clerici erunt suo ministerio contenti, nec quicquam molientur adversus eos, qui communem hostem D. Joannem Austriacum cum adhærentibus propulsabunt: adhuc tamen impium est juramentum. Non quia per se impium est quod juratur; sed quia ad hoc juratur, ut impio decreto, quod plane damnum ac fugiendum fuit, aliquo modo pareatur. Habet enim impietatis speciem, & suo exemplo ad impietatem ducit. Qui vult videri propolitis contra Evangelium valedictis, vel legibus satisfecisse, inquit Cyprianus, hoc ipso jam paruit, quodd videri paruisse se voluit. Unde nec solos thurificatos, qui sacrilegis idolophytorum contactibus manus suas atque ora maculassent, criminidicit obnoxios: sed etiam Libellaticos, qui nefandis libellis conscientiam polluisent, dando videlicet pecuniam idololatriæ exactoribus, & litteras satisfactionis accipiendo, quibus thurificasse viderentur, & impio edicto paruisse, cum tamen reipsa non thurificassent. Licet igitur æquari non debeat, qui impium juramentum, per ordines patriæ decretum & justum præstitit, ei, qui ut impio decreto satisfecisse videatur, connivente civili magistratu, aliud quippiam, alioquilicium, juravit: attamen uterque lapsus est, & impio decreto consensit; alter jurando quod impium est; alter simulando, & alios suo exemplo ad impium juramentum provocando. Unde Cypri. de exhortatione martyrum cap. 11. Ne quis libelli, inquit, nec alicujus rei oblata sibi occasione, quâ fallat, amplectatur decipientium malum munus; nec Eleazarus taceendus est, qui cum sibi offerretur a ministris regis facultas ut accepta carne, quâ liceret vesci, ad circumveniendum Regem simularet se illa edere quæ de sacrificiis atque illicitis cibis ingerebantur, consentire ad hanc fallaciam noluit, dicens nec ætati suæ, nec nobilitati convenire id fingere, quo cæteri scandalizarentur; & in errorem inducerentur. Nec jurantes excusat apud exactores quævis ante juramentum præstitum facta protestatio; quia & ipsi Libellatici apud exactores idololatriæ, teste Cypriano, pulcherrimam protestationem præmittebant, & tamen non carebant crimine: tum quia volebant videri satisfecisse jussioni, quam averfari debuerant: tum etiam, quia alios ad satisfaciendum provocabant. Sic enim ait Cyprianus epist. 52. Quam acerba duritia, Libellaticos cum iis qui sacrificaverint jungere? quandois, cui libellus acceptus est, dicat: Ego prius legeram, & Episcopo tractante cognoveram, non sacrificandum idolis, nec simulachra servum Dei adorare debere; & idcirco ne hoc facerem, quod non licebat (cum occasio libelli fuisset oblata, quem nec ipsum acciperem, nisi ostensa fuisset occasio) ad magistratum vel veni, vel alio eunte mandavi, Christianum me esse, sacrificare mihi non licere, ad aras diaboli me venire non posse, dare me ob hoc præmium, ne quodd non licet faciam. Nunc tamen etiam iste, qui libello maculatus est, posteaquam nobis admonentibus didicit, nec hoc se facere debuisse; & si manus pura sit, & os ejus feralis cibi contagia nulla polluerint, conscientiam tamen ejus esse pollutam, flet, auditis nobis, & lamentatur. Ecce qualem protestationem, Cypriano teste, faciebat Libellaticus, priusquam satisfactionis libellum redimeret; & tamen dando pretium, ne faceret,



quod impiè mandabatur, recedebat mente pollutus: quia si non manifesto crimine, certè errore deceptus, id fecerat, quod non licebat: sicut etiam hoc tempore faciunt, quicunque magistratibus urgentibus quippiam jurant, ut jussioni ordinum patriæ cum hæreticis junctorum aliquo modo satisfecisse putentur, & deinceps ad jurandum non urgeantur; etiamsi alioqui licitum sit, quod juraverint. In hoc tamen differunt, qui licitum quippiam jurant, ab iis qui res jurant illicitas; quòd hi jurantes, quòd facere non possint, perjuri sint, sicut docet Aug. in ser. 117. in iis qui Lovanii recenter impressi sunt: illi verò minimè; sed tantùm in hoc peccant, quòd impio decreto aliqua ex parte consentiunt, & suo exemplo alios ad consentiendum invitant, sicut diximus. Quod superest, opto R. T. P. rectissimè valere, & salutaribus consiliis semper auscultare.

## L O V A N I O.

In credendi libertatem.

*Libera Relligio quamprimum intravit in orbem;*

*Pelluntur subitò pax pietasque simul.*

*Libera Relligio ni mox excesserit orbe,*

*Asperius miseros bella futura prement.*

# MICHAELIS BAII

## TRACTATUS

### DE

## ECCLESIA.

### CAPUT PRIMUM.

*Quodd nostri temporis Hæretici sectas suas ex antiquarum  
hæresum fragmentis consunt.*



Nter plurimas errorum pestes quibus laborat nostra ætas, & quas spargunt nostri temporis Hæretici, si diligenter excutiantur, paucissimæ reperiuntur saltem in quas eorum factiones intendant, quæ non ex jam pridem extinctis hæresum favillis originem ducant: adeo ut non immeritò dicamus sectas Hæreticorum nostri temporis nihil aliud esse quàm perditorum hominum centones ex priorum hæresum fragmentis pro uniuscujusque arbitrio contextos. Alia chim sumunt ex Manichæo, alia ab Ærio, alia ab Ætio, alia à Joviniano, alia à Berengario & posterioribus Hæreticis: ex qua permixtione, prout visum fuerit, addito uno aut altero novo dogmate, sua conventicula faciunt.

*Primum  
editum ex  
MS. G.*

Nam, v. g. quodd ajunt omnia quæ ab hominibus fiunt, tam bona quàm mala, certâ & definitâ necessitate divinæ prædestinationis evenire, nempe ut sua facinora latenter Deo ascribant, & ipsi sine culpa sint, à Manichæo didicerunt; à quo in hoc tantùm differunt, quodd ille aliud bonorum, aliud malorum statuebat principium; hi ab uno fonte bonitatis tam bonum quàm malum miserabili quadam necessitate & absurditate incredibili extra omnem rationem derivari contendunt.

Similiter quodd prædicant pro defunctis non esse offerendum vel orandum: Ecclesiasticis Constitutionibus, quæ de jejuniis & ciborum abstinentiis præscribunt, neminem teneri: Romanum Pontificem & cæteros Episcopos ejusdem esse potestatis & dignitatis, ab Ærio mutuati sunt, quem scribit Sanctus Augustinus in Arrianam hæresim lapsum propria quoque dogmata addidisse, nempe orare vel offerre pro defunctis non oportere, nec statuta solemniter

ter esse celebranda jejunia; sed cum quisque voluerit, esse jejunandum, ne videatur esse sub lege. Dicebat etiam, inquit Augustinus, presbyterum ab Episcopo nullâ differentiâ discerni.

Similiter in eo quodd bonorum operum merita tollunt, & bonis operibus ad-  
verfantes in sola fide justitiam & spem salutis constituunt, Aetium fequuntur,  
de quo Sanctus Augustinus inquit: *feretur etiam ufque adeo fuiffe bonis operibus*  
*inimicus, ut affereraret quodd nihil cuiquam obeflet quorumlibet perpetratio ac*  
*perfevetantia peccatorum, fi ejus, quæ ab illo prædicabatur, fidei effet par-*  
*ticeps.*

Item quodd negant Sanctos invocandos, & eorum interceffiones contem-  
nunt, à Vigilantio didicerunt, ad quem B. Hieronimus; *Dixi in libello tuo,*  
*Inquit, quodd dum vivimus mutud pro nobis orare poffumus, poffquam autem mortui*  
*fuimus, nullius fit pro alio exaudienda oratio; præfertim cum Martyres ulfionem*  
*fanguinis fui obfecrantes, impetrare nequiverint.* Cui breviter refpondet: *Si A-*  
*postoli & Martyres adhuc in corpore conftituti poffunt orare pro cateris, qui pro fceffe*  
*debent folliciti, quantò magis poff coronas, victorias & triumphos?*

Jam verò quodd coelibem vitam Sacerdotum & Monachorum Sancti-Monia-  
liumque virginitatem incæftis nuptiis contaminant, Jovinianum: habent au-  
thorem, qui, ficut refert Sanctus Augustinus, *virginitatem Sancti-Monialium*  
*& continentiam fexûs virilis, in Sanctis eligentibus vitam coelibem, conjugiorum cafto-*  
*rum meritis adæquabat: ita ut quædam Virgines factæ provellet jam ætatis in urbe*  
*Roma: ubi hæc docebat, eo audito nupiffie dicerentur: Non fanè ifto, inquit, habe-*  
*bat vel habere volebat uxorem; quodd non propter aliquod apud Deum majus meritum*  
*in regno vitæ perpetuæ profuturum; fed propter præfentem vitæ neceffitatem, ne homo*  
*conjugales patiatur moleftias difputabat.* Quâ Joviniani difputatione fi contenti  
effent noftri temporis Hæretici, videri poffent ratione aliqua velle Sacerdo-  
tum, Monachorum & Sancti-Monialium continentiam tolerare: fed cum pa-  
lam blafphement eam effe impium cultum & facrificium dæmonibus oblatum;  
manifeftè oftendunt fe neminem tolerare velle nifi cubilibus & fœcandis uteris  
deditum, quia ita fuæ libini vacet, ficut equus & mulus in quibus non eff in-  
tellectus.

Ab hoc Joviniano etiam initium fumpfit plaufibilis illa pax & tranquilla falu-  
tis fecuritas, quam fuis feftatoribus in fola fide indifferenter pollicentur omnes  
noftri temporis Hæretici, ut carnalis & imperita hominum multitudo hæc fpe  
inaniter delinita alacrius eam doctrinam fufcipiat, fufceptamque ferventius  
defendat & pertinaciùs retineat, quæ in hac vita fecuram luxuriam, & in  
futura nihilominus expectatione certiffimâ gloriam pollicetur æternam.

Docuit enim Jovinianus eos qui in fide à fe traditâ præditi effent, lavacro re-  
generationis accepto, ampliùs peccare non poffe. Quem fecutus Calvinus  
nufquam non inculcat in bonis operibus nullam ponendam falutis fiduciam,  
ne fi conscientia bonis operibus incumbat, propter humanæ converfationis  
incertitudinem, de fua futura falute aliqua ex parte fluctuet, de qua fuos Sefta-  
tores certos & ex omni parte fecuros debere effe præcipit, etiam fi in iis fccleribus  
perfeverent, de quibus ait Apoftolus quodd *qui talia agunt, regnum Dei non*  
*confequentur.* Quid ex Berengario, Joanne Wicleff & fimilibus  
haufierint, notius eff quam ut relatione egeat.

## CAPUT II.

*Quid vera Ecclesiæ Catholicæ cognitio errorum omnium  
nebulas faciliè possit de cordibus malè creden-  
tium discutere.*

Quapropter his & similibus omisiss, unum tractemus quod ritè intellectum & humillimâ mente susceptum universas hujusmodi errorum nebulas faciliè potest de cordibus malè credentium discutere, nempe quæ sit & ubi sit Ecclesiæ Dei vivi, quam Apostolus dicit columnam esse & firmamentum veritatis, quam Spiritus Sanctus inhabitans sanctificat, & omnem docet veritatem: & extra quam neque fides neque vera justitia potest consistere.

Nam quisquis illam probè noverit, & sinceram veritatem à Deo quæsiverit, faciliè intelliget sibi non esse ab ejus communione & magisterio recedendum, quam noverit à veritate non posse deficere: & extra quam neque fides neque vera justitia potest existere.

Hanc Hæreticorum alii in angulo aliquo mundi ad se trahere conantur, ut Donatistæ dicentes Christi hæreditatem per Cæciliani consortium (quem de sacrorum librorum traditione accusabant, nec probabant) in toto orbe terrarum defecisse, præter quam in eo Africæ angulo in quo non reperiebatur ejus communio. Alii verò ut in errorum suorum tenebris facilius delitescerent, ne possent manifesto Ecclesiæ testimonio redargui, illam occultam & nobis ignotam prædestinatorum Universitatem seu congregationem esse prætendunt: ut Joannes Hus, & illius sequaces. Sed abscondi non potest civitas supra montem posita, Ecclesiæ super Christum ædificata; quia juxta prophetiam Danielis, abscissus de monte sine manibus crevit in montem magnum, & omnia regna terræ contrivit, quæ in idolis confidebant. De quo Isaias 2. *Et erit in novissimis præparatus mons domus Domini in vertice montium*, hoc est super eminentiam omnium patriarcharum & Prophetarum, qui eum præcesserunt; & *elevabitur super colles*, quia videlicet à B. Petro & omnibus verè fidelibus Christus filius Dei vivi agnosceatur, Joanne Baptistâ, Eliâ, Jeremiâ, cæterisque prophetis longè sublimior. *Et fluent ad eum omnes gentes, & dicent: venite, ascendamus ad montem Domini, & ad domum Dei Jacob; & docebit nos vias suas, & ambulabimus in semitis ejus*: quia de Sion exibit lex, & Verbum de Jerusalem. Nam quod toties ante priorem Christi adventum de regno Christi, Abraham, Isaac & Jacob promissum est: *in semine tuo benedicentur omnes Gentes; & dominabitur à mari usque ad mare, & à flumine usque ad terminos orbis terræ*: à civitate Jerusalem sumplit initium, & in omnibus terræ finibus tantum cepit incrementum, ut deinceps abscondi non possit: unde B. Ambrosius lib. 7. super Lucam: *illa Jerusalem quæ in celo est, in qua militat fides nostra, in illo altissimo omnium locata monte, hoc est in Christo, non potest tenebris & ruinis hujus mundi abscondi, sed fulgens candore lucis æternæ, luce nos spiritalis gratiæ illuminat.* Et B. Chrysostomus super Isaiam hom. 4. *facilis est, inquit, solem extinguere, quàm Eccle-*



*Ecclesiam obscurari.* Nam, inquit Sanctus Hilarius, lib. 7. de Trinitate, *Ecclesia lumen doctrinae suae etiam imprudentiae seculi inuehit, ut licet fidei sacramentum non suscipiat; tamen aduersus Haereticos veritatem sacramenti à nobis intelligat. Magna enim vis est veritatis, quae cum per se intelligi non possit, per ea tamen ipsa quae isti aduersantur, elucet, ut in natura sua immobilis manens, firmitatem naturae suae quosidie dum attentatur, acquirit.* Obscuratur quidem, inquit B. Augustinus epist. 48. aliquando, & tanquam obnubilatur Ecclesia multitudine scandalorum: sed etiam tunc in firmissimis suis eminet, ut si aliqua in his verbis diuinis distributio faciendae est; fortasse non frustra dictum est de semine Abrahae: sicut stella caeli & sicut arena quae est ad oram maris: ut in stellis caeli, pauciores, firmiores clarioresque intelligantur; in arena autem maritimi litoris, magna multitudo infirmorum atque carnalium, quae aliquando tranquillitate temporis quieta & libera apparet, aliquando autem tribulationum & tentationum fluctibus operitur & turbatur.

## CAPUT III.

*Quod sicut Christus ab Apostolis visus, à posteris tantum est creditus: sic Ecclesia Christi à prioribus tantum est credita, à posterioribus est visa.*

Sicut ergo Messias ex antiquo tempore multis prophetarum testimoniis praenunciatus, multis caeremoniarum & oblationum observationibus praefiguratus, tandem in terris apparens & cum hominibus conversans visus est, ab Apostolis, & à Sancto Joanne Baptista dicente: *Ecce Agnus Dei*, digito in particulari demonstratus; & à posteris eorum creditus: sic etiam de Ecclesia seu Christi regno dicendum est, quod ex Prophetarum & Christi verbis prius à Prophetis & Apostolis, creditum sit, dicente Christo: *penitentiam agite, appropinquauit &c.* & tandem post Christi Ascensionem reipsa visum & exhibitum. Unde B. Augustinus serm. \* 4. inter recenter impressos, tractans illud: *quoniam scriptum est, quia sic oportebat Christum pati & resurgere à mortuis tertio die: viderunt hoc Apostoli*, inquit, *viderunt patientem, viderunt pendentem; viderunt post resurrectionem, praesentem, virrentem. Quid ergo non videbant? Corpus, id est, Ecclesiam: illum videbant, istam non videbant; sponsum videbant, sponsa adhuc latebat. Promittat & ipsam, sic scriptum est.* ET SIC OPORTEBAT CHRISTUM PATI, ET RESURGERE A MORTUIS TERTIO DIE. Hoc sponsus est. Quid de sponsa? Et praedicari in nomine ejus poenitentiam & remissionem peccatorum, per omnes gentes incipientibus ab Hierusalem. Hoc nondum videbant discipuli, Ecclesiam per omnes gentes incipientibus ab Hierusalem nondum videbant. Caput videbant, & de corpore capiti credebant. Per hoc quod videbant, quod non videbant credebant. Similes illis sumus & nos. Videmus aliquid quod ipsi non videbant: & non videmus aliquid quod ipsi videbant. Quid nos videmus quod ipsi non videbant? Ecclesiam per omnes gentes. Quid non videmus quod ipsi videbant? Christum in carne constitutum. Quomodo illi illum, & de corpore credebant; sic nos corpus videmus, de capite credamus. Inuicem adju-

\* 4. Inter  
17. sermo-  
nes à 'ari-  
sti aduers.  
additus.

Luc. 24.

Ibid. Ec-  
clesia sum-  
ra per  
mundum  
ab ipso  
(Christo)  
praevideba-  
tur, à Dis-  
cipulis non-  
dum vide-  
batur. Ca-  
pus osten-  
debat, cor-  
pus promit-  
tebat.

*adjuvans visa nostra. Adjutus eos visus Christus ut futuram Ecclesiam crederent: adjutas nos visa Ecclesia, ut Christum resurrexisse credamus. Impleta est fides eorum, impletur & nostra. Impleta est illorum de capite, impletur nostra de corpore. Totus Christus & illis innotuit, & nobis innotuit. Sed totus ab eis non est visus, nec à nobis totus est visus. Ab eis Caput est visum, Corpus creditum: à nobis Corpus visum, Caput creditum. Nulli tamen deest Christus. In omnibus plenus est, & adhuc ei restat Corpus. Et Sermone \* 71. tractans eandem Scripturam: Sic oportebat Christum pati & resurgere à mortuis tertià die; & prædicari in nomine ejus penitentiam in remissionem peccatorum, incipientibus à Hierusalem. Illud non vidimus, inquit, sed hoc videmus. Quando ista promittebantur, nondum videbantur. Apostoli Christum præsentem videbant; sed toto orbe terrarum diffusam Ecclesiam non videbant. Videbant Caput, & de Corpore credebant. Habemus vices nostras, habemus gratiam dispensationis & distributionis nostræ ad credendum certissimis documentis, tempora nobis in una fide sunt distributa. Illi videbant Caput, & credebant de Corpore: nos videmus corpus, credamus de Capite. Hactenus Augustinus, ex cuius verbis manifestum est quod quemadmodum Christus aliquando in carne visus est, & postea à non videntibus creditus est: sic etiam Ecclesia, quæ prius tantum futura credebatur; postea etiam manifestè visa est, sicut adhuc hodie videtur. Et quemadmodum post Christi adventum nunquam satis fuit in genere credere quoddam aliquis venisset Messias de semine Abraham; sed semper credere oportuit quoddam verus Messias esset Jesus Nazarenus, Mariæ Virginis filius, natus in Bethleem Judæ, passus sub Pontio Pilato: sic etiam postquam Christi Ecclesia cœpit in Hierusalem congregari, nunquam satis fuit in genere credere quoddam aliqua esset in mundo Christi Ecclesia, quæcumque tandem illa esset; sed semper necessarium fuit credere quoddam illa esset vera Christi Ecclesia quæ cœpta in Hierusalem per Judæam, Samariam, & reliquas orbis provincias diffusa ab Apostolis fundata est Antiochiæ, Corinthi, Ephesi, Galatiæ, Philippis, Colossis, Thessalonicæ, Romæ, & aliis nationibus, quæ jam dictis Ecclesiis communionem sociantur, quæque Apostolos & eorum successores pro præfectis habent, & præsertim Romanos pontifices, qui sine ulla interruptione à B. Petro usque ad Gregorium XIII. manifestissimo ordine sibi successerunt, deficientibus cæteris. A qua Ecclesia separati sunt quicunque illam vel occultam esse contendunt, vel alio quovis modo persequendo eam manifestant, & suis inimicis non ignotam esse testantur: nisi enim eam noscent, non ita adversus eam fremerent, sicut Psal. 2. prædicitur: *Quare fremuerunt gentes, & populi meditati sunt inania? Assiterunt Reges terræ & Principes convenerunt in unum adversus Dominum & adversus Christum ejus*, eo genere sermonis quo ait Dominus in Actis: *Saule, Saule, quid me persequeris?* quia Discipulos suos usque in exterarum civitates persequabatur.*

De his persecutoribus Ecclesiam Christi non ignorantibus, sic scribit B. Augustinus super Psal. 30. tractans illud: *Qui viderant me, foras fugerunt à me: Ignoscendum esset, inquit, si foras fugissent à me qui me non videbant: etiam qui me videbant, fugerunt à me: nec dicendum est, foras fugerunt, quia intus non fuerunt. Si intus fuissent, vidissent me: id est, cognovissent corpus Christi, cognovissent membra Christi, cognovissent unitatem Christi. Illud est magis gendum, illud omnino*

\* Serm.  
167. seu  
147. de  
temp. in  
fine.  
Similia  
habet serm.  
31. de Per-  
bis Aposto-  
li.

intolerabile, quia multi qui videbant me, fugerunt à me; id est, qui cognoverant quid esset Ecclesia, exierunt foras, & hæreses & schismata contra Ecclesiam fecerunt. Illud autem qui voluit quotidie in Scripturis, qui legit, qui prædicat. Itane tandem non ibi videt: Postula à me, & dabo tibi gentes hæreditatem tuam; & possessionem tuam terminos terræ? Non ibi videt: Commemorabuntur & convertentur ad Dominum universi fines terræ, & adorabunt in conspectu ejus universæ patris gentium? Si vides ibi totius orbis unitatem; quid foras fugis, ut non solum ipse patiarius, verum & aliis facias cæcitatem? Qui videbant me, id est, qui noverant quid sit Ecclesia, qui eam in Scripturis intuebantur, foras fugerunt à me. Putatis enim, Fratres mei, quia illi omnes qui fecerunt hæreses per loca & partes, non noverant in Scripturis Dei quia Ecclesia non est prædicata nisi toto terrarum orbe diffusa? Verè dico Charitati Vestræ, certè omnes Christiani sumus, vel Christiani omnes dicimur, & omnes Christi signo signamur. Obscurius dixerunt Prophetæ de Christo quàm de Ecclesia: puto propterea quia videbant in spiritu contra Ecclesiam homines facturos esse particulas, & de Christo non tantam litem habituros, de Ecclesia magnas contentiones excitaturos. Idèd illud unde majores lites futuræ erant, planius prædictum, & apertius prophetatum est, ut ad judicium illis valeat qui viderunt & fugerunt. Exempli gratiâ, unum commemorabo: Abraham pater noster fuit non propter propaginem carnis, sed propter imitationem fidei. Justus & placens Deo per fidem suscepit filium sibi promissum Isaac de Sara sterili uxore sua in senectute sua; justus est immolare Deo eundem filium, nec dubitavit, nec disceptavit, nec de jussu Dei disputavit, nec malum putavit quod jubere Optimus potuit. Duxit filium suum ad immolandum, imposuit ei ligna sacrificii, pervenit ad locum, erexit dexteram ut percuteret: eo prohibente deposuit, quo jubente levaverat. Qui obtemperaverat, ut feriret; obtemperavit ut parceret: ubique obediens, nusquam timidus. Ut tamen impleretur sacrificium, & sine sanguine non discederetur, inventus est aries hærens in vepre cornibus; ipse immolatus est, peractum est sacrificium. Quære quid sit. Figura est Christi involuta sacramentis. Denique ut videatur, discutitur, ut videatur, pertractatur, ut quod involutum est, evolvatur. Isaac tanquam filius unicus dilectus figuram habens filii Dei, portans ligna sibi, quomodo Christus Crucem portavit. Ille postremò ipse aries Christum significavit. Quid est enim hæere cornibus, nisi quodammodo crucifigi? Figura est ista de Christo. Continud prædicanda erat Ecclesia, prænnunciato capite prænnunciandum erat & corpus. Cæpit Spiritus Dei, cæpit Deus ab Abraham prædicare velle Ecclesiam, & tulit figuram. Christum figuratè prædicabat, Ecclesiam apertè prædicavit: ait enim ad Abraham: Quoniam obaudisti vocem meam, & non pepercisti filio tuo dilecto propter me; benedicens benedicam te, & implendo implebo semen tuum sicut stellas cœli, & sicut arenam maris, & benedicentur in semine tuo omnes gentes terræ. Et penè ubique Christus in aliquo involuto Sacramento prædicatus est à Prophetis, Ecclesia apertè; ut viderent illam & qui futuri erant contra illam, & impleretur in eis ista nequitia quam prædixit Psalmus: qui videbant me, foras fugerunt à me.

Psal. 2.

Psal. 121.

## CAPUT IV.

*Quâ ratione Ecclesia à cæteris conventiculis  
dignosci queat.*

**P**ostquam monstravimus Ecclesiam Dei non occultam, sed visibilem; non solum Fidelibus eam diligentibus, sed etiam Hæreticis & Infidelibus eam persequentibus; superest ut non ex nostris conjecturis, sed ex certissimis Scripturæ testimoniis ostendamus quâ ratione dignosci queat, & à cæteris hominum conventiculis distinguatur. Nam licet à nostri temporis hæresibus & schismatibus satis ex eo discernatur, quod illa neque templum, neque altare, neque sacrificium, neque Episcopos, Sacerdotes, Monachos aut Moniales, neque juxta clarissimum Evangelii testimonium consilia Christi complectantur; sed tantum declamationum, seu potius debacchationum Synagogas, in quibus maledici homines impudenter garruli, suâ loquacitate vulgus & alios auribus prurientes insanire faciant.

Attamen ut ab iis conventiculis discernatur, quæ cum societate Fidelium templum, altare, sacramenta, & colendi ritum communem servant, cujusmodi veniente Christo, fuisse videntur Saducæi & Pharisei: & post ejus Ascensionem, Ariani, Donatistæ & Pelagiani: Necessum est ad Sacras Scripturas habere recursum, & ex his discere quid sit veræ Ecclesiæ Christi proprium, quo à cæteris cœtibus qui se Christi Ecclesiam esse mentiuntur, distinguatur; sicut in opere imperfecto super Mathæum latè sequitur Chrysostomus. *Cum videritis abominationem desolationis stantem in loco sancto*, id est, „cum videritis hæresim impiam, quæ est exercitus Antichristi, stantem in locis sanctis Ecclesiæ. In illo tempore qui in Judæa sunt, fugiant ad montes; id est qui sunt in Christianitate, conferant se ad Scripturas. Sicut enim verus Judæus est Christianus, dicente Apostolo; *non qui in manifesto Judæus est*, sed qui in occulto: sic vera Judæa, Christianitas est; montes autem sunt Scripturæ Apostolorum aut Prophetarum, de quibus dictum est: *illuminant semirabiliter à montibus æternis*: Et iterum de Ecclesia dicit: *Fundamenta ejus in montibus Sanctis*. Et quare jubet in hoc tempore omnes Christianos conferre se ad Scripturas? Quia in hoc tempore ex quo obtinuit hæresis illas Ecclesias, nulla alia probatio potest esse veræ Christianitatis, neque refugium Christianorum aliud volentium cognoscere fidei veritatem, nisi Scripturæ divinæ. Antea enim multis modis ostendebatur quæ esset Ecclesia Christi, & quæ Gentilitas: nunc autem nullo modo cognoscitur à volentibus cognoscere fidei veritatem, quæ sit vera Ecclesia Christi, nisi tantummodo per Scripturas. Quare? Quia omnia hæc quæ sunt propriè Christi in veritate, habent & hæreses illæ in Schismate, similiter Ecclesias, similiter & ipsas Scripturas divinas, similiter Episcopos & alios ordines Clericorum, similiter baptismum, similiter Eucharistiam, & cætera omnia, denique ipsum Christum. Antea per signa cognoscebantur qui erant veri Christiani,



„ & qui falsi: nunc autem signorum operatio levata est. Item ex moribus ipsi-  
 „ sis prius intelligebatur Ecclesia Christi, quando conversatio Christianorum  
 „ aut omnium aut multorum erat sancta, quæ apud impios non erat: nunc au-  
 „ tem aut tales aut peiores facti sunt Christiani, quales sunt Hæretici aut Gen-  
 „ tiles. Qui ergo vult cognoscere quæ sit vera Ecclesia Christi, unde cognos-  
 „ cat nisi tantummodo per Scripturas? Seiens ergo Dominus tantam confusio-  
 „ nem rerum in novissimis diebus esse futuram; idèd mandat ut Christiani,  
 „ qui sunt in Christianitate, volentes fidem accipere fidei veræ, ad nullam  
 „ rem fugiant nisi ad Scripturas, &c. Hactenus Chrysostomus.

Qui ergo veram Christi Ecclesiam cupit generaliter ab omnibus errorum  
 conventiculis, & præsertim ab eo cœtu qui tempore Antichristi, pro Dei  
 templo, id est, Ecclesia sese gesturus est, sufficienter discernere; is secun-  
 dum B. Chrysostomum non immeritò debet ad Scripturas Sacras habere re-  
 cursum.

## C A P U T V.

*Quantum mali sit in Ecclesia non esse.*

I Deoque tantò studiosius atque diligentius ad Sacras Scripturas recurren-  
 dum, ad discernendam veram Christi Ecclesiam; quantò periculosius est aut  
 in ea non esse, aut ab ea recedere, aut ei non obedire. Si enim quis Eccle-  
 siam, inquit Christus, non audierit; sit tibi sicut Ethnicus & Publicanus.  
 „ Hæc nos Deo servat, inquit Cyprianus: Hæc filios regno quos generavit as-  
 „ signat. Quisquis ab Ecclesia segregatus adulteræ jungitur, à promissis Ec-  
 „ clesiæ separatur; nec perveniet ad Christi præmia, qui reliquit Ecclesiam  
 „ Christi; alienus est, prophanus est, hostis est: habere jam non potest Deum  
 „ Patrem, qui Ecclesiam non habet matrem. Si potuit evadere quisquis extra  
 „ arcam Noë fuit; & qui extra Ecclesiam fuerit, evadit. Monet Dominus,  
 „ & dicit: *qui non est mecum, adversum me est, & qui non colligit mecum, spargit.*  
 „ Qui pacem Christi & concordiam rumpit, adversus Christum facit: qui ali-  
 „ bi præter Ecclesiam colligit, Christi Ecclesiam spargit sit licet dives, magnus,  
 „ scientiâ, & dicendi docendique gratiâ spectabilis; si ramen superbiâ elatus,  
 „ dominica retia scindat, non ad litus intra vasa dominica servandus colligitur,  
 „ sed in mari periturus relinquitur.

Nec se quidam vanâ interpretatione decipiant, quodd Dominus dixerit: *ubi-  
 cunque fuerint duo vel tres collecti in nomine meo, ego cum eis sum.* Non enim in  
 nomine Domini colligunt, qui ad hoc conveniunt ut unitatem scindant, &  
 inconfutilem Domini tunicam dissipent. Non possunt convenire cum Capi-  
 te, qui ad hoc congregantur ut faciant divisionem in corpore. *Quomodo pos-  
 sunt duo aut tres in nomine Christi colligi, dicit Cyprianus, quos constat à Christo &  
 ab ejus Evangelio separari?* In nomine Christi congregari non possunt inimici  
 fratrum, æmuli Sacerdotum, flagrantés invidia & supercilio pereuntes; quia  
 ad hoc tantum congregantur, ut Dei traditione contemptâ, fideique veritate  
 convulsâ doctrinâ à se præsumptas, & magisteria humanæ institutionis indu-  
 cant;

L. de uni-  
 tate Eccle-  
 siæ.

Ibid.

cant; & quos ad errorem divisionemque propensos invenerint, ab universitate separent, & ad se in angulo aliquo pelliciant, ad quem universam Christi Ecclesiam seu hæreditatem jam tandem esse redactam contendunt.

## CAPUT VI.

*Quodd Ecclesia toto orbe non in angulo quærenda sit.*

**Q**UOD vera Christi Ecclesia, quæ sollicita est servare unitatem Spiritûs in vinculo pacis, de qua scriptum est: *unum corpus, unus spiritus; sicut vocati estis in una spe vocationis vestra; unus Deus, una fides, unum baptisma, unus Deus & Pater omnium*: Quodd, inquam, hæc Ecclesia à civitate Hierusalem cœpta sit & toto orbe diffusa, nec in angulo aliquo terræ apud Confectionistas, Calvinistas aut aliud quoddvis schisma, sed toto terrarum orbe quærenda sit, tam evidentibus Scripturis ostenditur, ut qui hoc non vider, meritò cæcus reputetur. Genes. 22. Propter memetipsum juravi, dicit Dominus, quia fecisti hanc rem, & non pepercisti filio tuo primogenito, benedicam tibi, & multiplicabo semen tuum, sicut stellas cæli, & velut arenam quæ est in littore maris: possidebit semen tuum portas inimicorum suorum; & benedicentur in semine tuo omnes gentes terræ. Hoc idem testamentum juramento firmatum repetit ad Isaac Gen. 26. & ad Jacob Gen. 28. quod in Gentibus impletum esse testatur Apostolus ad Gal. 3. & 4. Hoc enim Testamentum à Deo confirmatum, quando post quadringendos & triginta annos facta est Lex, non irritum facit ad evacuandam promissionem; sicut etiam prophetavit Isaias dicens: *repleta est terra scientiâ Domini sicut aqua maris operientis*: & rursum cap. 49. *Parum est ut sis mihi servus ad suscitandas tribus Jacob, & feces Israël convertendas. Dedit te in Lucem Gentium, ut sis salus mea usque ad ultimum terræ*: & rursum: *Redemptor tuus, Sanctus Israël, Deus universa terræ vocabitur*. Unde & illud Psalm: *Postula à me, & dabo tibi gentes in hæreditatem, & possessionem tuam terminos terræ*. Et quia hæc hæreditas in terrarum bonis malos etiam erat habitura, ided subditur: *Reges eos in virga ferrea, & tanquam vas figuli confringes eos*. Nam super quæ lapis angularis ceciderit, conteret; etiam si prius sine veste nuptiali in cœna cum cæteris invitatis recubuerit.

Quod ergo à Prophetis tanto tempore prædictum est, hoc necesse fuit impleri, sicut Lucæ 24. testatus est Christus, cû ait: *Isti sunt sermones quos locutus sum ad vos, cû adhuc essem vobiscum, quia oportebat adimpleri omnia quæ scripta sunt in Lege Moysi, & Prophetis & Psalmis de me*. Quomodo autem implenda erant, statim exprimit dicens: Quoniam sic scriptum est: *Et sic oportebat Christum pati & resurgere à mortuis tertiâ die, & prædicari in nomine ejus penitentiam & remissionem peccatorum IN OMNES GENTES, incipientibus ab Hierusalem*. Quibus verbis etiam istud addidit, sicut idem Lucas testatur in Actis cap. 1. *Eritis mihi testes in Hierusalem, & in tota Judæa & Samaria & USQUE AD EXTREMUM TERRÆ*. Quodd quemadmodum cœperit, & paulatim Spiritu Sancto misso de cœlo impletum sit, etiam in Actis exprimitur; dum prædicante Petro adjectæ sunt uno die animæ credentium circiter tria millia:

& Stephano lapidato omnes dispersi sunt per regiones Samarizæ præter Apostolos, & transeuntes evangelizabant verbum Dei. Cùmque per regiones Judææ & Samarizæ prædicatum esset verbum Evangelii, statim describitur visio quæ Petrus instruitur jam tempus esse ut impleatur quod apud Esaiam dicitur: *Dedi te in salutem Gentium, ut sis salus mea usque ad extremum terræ*: hoc est, ut Christus Cornelio Centurioni & cæteris Gentibus prædicaretur. Ad quod opus etiam Paulus & Barnabas segregati sunt, dicente Domino: *Segregate mihi Paulum & Barnabam in opus ad quod assumpsi eos*: qui licet initio per singulas civitates in omnibus Judæorum Synagogis prædicarent; attamen turbis Judæorum nimis aperte contradicentibus his quæ à Paulo dicebantur, dixerunt Paulus & Barnabas, *vobis oportebat quidem loqui verbum Dei; sed quoniam repellitis illud, & vos indignos judicatis æternæ vitæ; ecce convertimur ad Gentes: sic enim præcepit nobis Dominus*: posui te in lucem Gentium, ut sis salus mea usque ad extremum terræ. *Audientes autem Gentes gavise sunt, & crediderunt quotquot præordinati sunt ad vitam æternam.*

Disseminabatur autem verbum Domini per universam regionem, sicut ulterius partim in Actis Apostolorum, partim in aliis explicatur historiis. Sed quomodocunque istud impletum sit, partim impletum esse, partim omnino implendum nullo modo dubitari debet, non tantum ob verba Apostoli Pauli, quibus scribit Romanis se ab Hierusalem per circuitum usque ad Illiricum replevisse Evangelium Christi, & proponit se in Hispaniam profecturum; sed etiam ob antiquissima Prophetarum vaticinia, quibus testantur Deum jurasse immutabiliter & sine pœnitentia proposuisse se hoc impleturum; & ob certissimam Christi promissionem, quâ testatus est Matth. 24. quod prædicabitur hoc Evangelium Regni in universo orbe, in testimonium omnibus Gentibus, & tunc veniet consummatio sæculi.

## C A P U T V I I.

*Ecclesiam per totum orbem diffusam usque ad consummationem sæculi permansuram.*

CÆterum sicut Donatistæ suo tempore; sic etiam nostri temporis Hæretici, non valentes negare quodd in Lege, Prophetis & Psalmis, imò & in Evangelio promissum, & in Actis Apostolorum adimpletum esse describitur: nempe conversos esse ad Dominum universos fines terræ; hoc quidem semel fatentur impletum: sed sicut Enoch solus translatus est; Noë cum conjugibus, filiis, & nuriis, solus in Arca meruit liberari; Loth cum solis filiabus meruit de Sodomis educi; & populo Israël multiplicato, ex Tribubus quibus David & Salomon præfuerunt, duæ tantum meruerunt conservari, reliquis à vera religione deficientibus: sic etiam nunc totum mundum à fide semel suscepta detecisse contendunt, & se solos in ea fide prima stetisse quæ ab Apostolis tradita est Ecclesie.

Responsio: Si quemadmodum de Enoch, Noë, Loth, in Scripturis Sanctis legimus quodd cæteris pereuntibus ipsi liberati sunt, sic etiam de Donatistis, Hæreticis, Lutheranis & Calvinistis legeremus quodd cæteris deficientibus, ipsi soli

soli in fide catholicâ perstitissent; sicut illud credimus, sic & istud crederemus. Sed quia prius in Scripturis Sacris manifestè legimus, & de posteriori nihil prorsus scriptum invenimus, nisi quod partem appositam manifestè convin- cit; idèd prius firmiter credimus, & posterius cum magna fiducia rejicimus. Oportet enim Evangelii prædicationem non aliquo schismatis aut hæresis an- gulo concludi, sed toto terrarum orbe cõpleri, & tunc veniet consumma- tio, inquit Christus. Id quod etiam comprobatur parabola, quam de zizaniis in medio tritici superfeminatis proposuit & exposuit, dicens agrum esse mun- dum in quo diabolus superfeminavit zizania in medio tritici, & mandat servis ut sinant utraque crescere usque ad messem, id est, usque ad mundi consum- mationem.

Igitur usque ad consummationem sæculi in agro Domini, id est, in toto mundo non tantùm crescunt zizania sed etiam triticum, per quod boni Fide- les intelligendi sunt, qui etiam si propter scandalorum & persecutionum abeun- tium, plerisque locis non tantùm Hæreticis, quibus præposterum est bonos Fi- deles malorum criminibus detestando errore infamare, sed etiam Fidelibus non semper appareant; sicut Eliæ suo tempore in decem Tribubus non appa- rebant septem millia virorum quos Dominus sibi reliquerat, qui non curvave- runt genua sua ante Baal. Attamen sicut & vento persecutionis resistente distin- guntur à paleis, & sic impletur quod servis à patre familias mandatum est: *fi- nite utraque crescere*, videlicet zizania & triticum, *usque ad messem*, id est sæ- culi consummationem, quando non Hæretici hujus temporis, qui se velut triti- cum à toto mundo, tanquam à paleis segregare præsumunt; sed menses Angeli colligent de regno Domini toto orbe disperso omnia scandala & eos qui faciunt iniquitatem; & mittent eos in caminum ignis, ubi erit fletus & stridor dentium. Nam & Anti-Christo veniente, juxta Apocalypsim, Gog & Mo- gog castra Sanctorum & civitatem dilectam non in uno conclusam loco, sed super terræ latitudinem, id est, toto orbe diffusam coangustiatum sunt, sicut l. 20. *de Civit.* Dei c. 7. interpretatur D. Augustinus.

Igitur non tantùm credendum est Ecclesiam Christi successione temporis toto orbe diffundendam; sed etiam Christo veniente totò terrarum orbe ad- huc triticum cum zizaniis fore permixtum; & ultimâ ventilatione per Ange- los menses separandum. Illud tamen quod ultimo loco assumebatur de decem Tribubus Israël statim post mortem Salomonis sub filio ejus Roboam à vera reli- gione lapsis, ex eo falsum esse convincitur, quodd Deus has decem Tribus se- cundum Scripturas, à reliquis duabus separari præcepit. Deus enim nunquam jubet schisma aut hæresim fieri: *Regni ergo, inquit B. Augustinus, non religio- nis divisio fuit, cum Deus inter duas Israëlites partes divisionem fieri præcepit.* Nam de decem Tribubus, quæ schisma fecisse putantur, peculiariter à Domino E- liæ dicitur: *reliqui mihi septem millia virorum qui non curvaverunt genua sua ante Baal*: quos Deus non diceret se sibi reliquisse, seu servasse, sed potius cum cæteris labi permisisse, si non tantùm regno cum contribulibus suis, ob inju- stitias se à tribu Juda separassent, sed etiam in religione schisma fecissent; si- cut postea fecerunt Samaritani & alii qui idola coluerunt. Nam quisvis à schismate non recedit, sed illi cohæret & consentit, schismatici culpam incur- rit:



rit: sicut Numer. cap. 16. dicitur: *Recedite à tabernaculis hominum impiorum, ne involvami in peccatis eorum.*

Sed objicitur quod ait Dominus in Evangelio: *Verumtamen Filius hominis veniens, putas inveniet fidem in terra:* per quod significatur ipsum Christum, qui omnium corda scrutatur, cum ad judicandum venerit, nullam fidem inventurum esse in terra. Igitur non est absurdum dicere quod universus mundus, qui terræ nomine significatur, à fide Christi apostataverit: & quod vera fides veraque Christi Ecclesia in aliquo orbis angulo remanserit.

Responsio. Si nunc tempus impletum est, de quo nunc Hæretici prætendunt dictum esse, quod filius hominis veniens non inveniet fidem in terra; non est cur ipsi sibi præ cæteris fidem vendicent: cum & ipsi cum eishabent in terra de qua scriptum est: *Filius hominis veniens, putas inveniet fidem in TERRA.* Si verò hæc non obstante Scripturâ fidem se habere contendunt, necessum est fateantur nihil obitare quominus & alii qui cum ipsis in terra sunt, etiam fidem habere queant. Cum ergo Christus per fidem in cordibus nostris habitet, & se nobiscum usque ad sæculi consummationem futurum esse promiserit; fatendum est fidem in terra nunquam defuturam usque ad consummationem sæculi: sed illud à Christo dictum esse videtur vel propter ipsam fidei perfectionem, quæ ita inventu difficilis est in hominibus, ut etiam in Moyse aliquid trepidationis inventum sit: vel propter nostram dubitationem, quam Christus in se transfiguravit significans aliquando futurum ut propter multa scandala circa finem sæculi pullulantia, infirmitas humana nonnunquam dubitet, an in terra supersint veri Fideles; sicut suo tempore in decem Tribubus dubitavit Elias, & in Psalmo dubitasse videtur, qui ita ait: *Salvum me fac, Domine, quoniam defecit sanctus; quoniam diminutæ sunt veritates à filiis hominum:* & tamen utramque genus, videlicet triticum & zizania, usque ad messem crescet in agro Domini: & ipse unus homo, quod est corpus Christi ex multis constans, tanquam Enoch Deo placens transferetur, & tanquam Loth de Sodomis, & tanquam Noë de diluvio ad Dominum clamans liberabitur. An fortè Dominus hæc loquens ejusmodi Hæreticos notare voluit, quos prævidebat aliquando dicturos universum mundum præter se detecisse à fide? Nam statim subsequitur quod Dominus eis loquebatur qui sibi justi videbantur, & aspernabantur cæteros, quales sine dubio sunt qui se solos cæteris lapsis fidem reservasse contendunt. Sicut igitur Scriptura hæc nihil obstat quominus in aliqua parte terræ catholica usque in finem remaneat: sic etiam nihil prohibet quominus zizania toto terrarum orbe usque ad consummationem sæculi simul crescant cum tritico.

## E X I M I I

M. N.

## MICHAELIS BAII

## O R A T I O :

*An solus Romanus Pontifex immediatè à Deo \* suam Juris-* Ex MSS. K. & L. primam edita. \* L. [nd.]  
*ditionis potestatem habeat, ceterique Episcopi per eum?*  
*An verò omnes Episcopi æque immediatè à Deo? habita-*  
*Lovanii in scholis Theologorum, partim 4. Maii, partim*  
*penultimo Augusti, anno 1575.*



**C**um Patres Concilii Tridentini de iis agerent quæ Sess. 23. de L. omittit ne: parva difficultas.  
 residentia Episcoporum conclusa fuerunt, à pluribus eorum  
 mota est non parvi momenti nec parvæ difficultatis quæstio,  
 utrùm Episcopi jure divino suis præfecti sint Ecclesiis, & suam  
 Episcopalem jurisdictionem à Deo immediatè accipiant: an  
 verò solum à Pontifice Romano.

Non quærebatur ab eis an Episcopi à Deo eam accipiant potestatem, quæ L. verbatum quæstio.  
 baptizatos confirmant, & confirmatos in Subdiaconos, Diaconos aut Sacer-  
 dotes consecrant: quia sicut Sacerdotes per hominem quidem, non tamen ab  
 homine, sed à Domino Jesu Christo in sua ordinatione accipiunt potestatem  
 consecrandi panem in Corpus Domini, & vinum in sanguinem: sic etiam du-  
 bitandum non est Episcopos accipere eodem modo potestatem confirmandi  
 Fideles, consecrandi ministros Altaris, & suos subditos ligandi solvendi que.  
 Sed vertebatur quæstio, utrùm quemadmodum Pontifex Romanus, eo ipso quo  
 à Cardinalibus electus in Episcopum Romanum consecratur, immediatè à  
 Deo super illam Ecclesiam Episcopus efficitur, & super universam Ecclesiam  
 eum primatum & potestatem accipit, quam suo tempore D. Petrus in dis-  
 cipulos habuit; sic etiam quisvis alius Episcopus eo ipso quo à certis homini- K. diffi- p. 101.  
 bus ad hoc constitutis certæ diocæsis prius à Romana Ecclesia constitutæ  
 Episcopus eligitur, & consentiente eodem consecratur, immediatè à Deo su-  
 per illam diocæsim potestatem & jurisdictionem Episcopalem accipiat, quàm  
 possit exequi quæ pertinent ad fidelem & prudentem servum, quem constituit K. jam.  
 Dominus super familiam suam. De qua quæstione in dicta sessione 23. nihil  
 aliud conclusum invenimus, quàm præcepto divino mandatum esse omnibus  
 quibus animarum cura commissa est, oves suas agnoscere, pro his sacrifici-  
 um

cium offerre, Verbiq; divini prædicatione, sacramentorum administratione, ac bonorum omnium operum exemplo pascere, pauperum aliarumq; miserabilium personarum curam paternam gerere, & in cætera munia pastoralia incumbere. Quæ conclusio etsi Episcopos cæterosq; curam animarum habentes ad personalem residentiam constringere videatur, attamen quæstionem hanc non dissolvit. Quoniam sicut is qui ecclesiastico vel civili munere alteri subijcitur, quandiu subiectus est, jure divino tenetur illi obedire, juxta illud: *obedite præpositis vestris, & subiacete eis*: & rursus: *omnis anima potestatibus sublimioribus subdita sit*: sic etiam quisquis præest, sive ecclesiastico munere sive civili præfectus sit, quandiu tamen præfectus est, tenetur jure divino in iis quæ sui sunt muneris illis consulere, quibus hoc modo præfectus est, quia omnibus indifferenter dicitur: *pascite qui in vobis est gregem*, providentes non coactè sed voluntariè. Et idè in hac Sessione quæstio jam prædicta non tam soluta fuisse videtur, quàm prudenter & ingeniosè dissimulata, ne fortè diversæ Patrum opiniones & sententiæ confusionem aliquam aut dissensionem parerent.

Cæterùm Joannes de Turre-cremata annos aliquot post Basileense Concilium, quæstionem hanc ex professo & latè tractavit, lib. 2. sũx summæ de Ecclesia cap. 54. & sequentibus, contendens non tantùm Episcopos & alios inferiores pastores; sed etiam universos Christi Apostolos non immediatè à Christo, sed mediante Petro jurisdictionis accepisse potestatem, eò quodd Petro concessum sit ut reliquis præesset Apostolis, nec possit dici, ut existimatur, reliquis præfuisse, nisi ab eo potestas jurisdictionis derivetur. Sed huic ejus positioni, quantum ad hanc partem attinet, quæ Apostolos Christi concernit, valde obistere videtur quod Matth. 10: 8. & Marci 6: 6. & Luc. 9: 8. dicitur Christus duodecim Apostolos, quorum nomina etiam expressit, misisse, præcipiendo eis: *in viam Gentium ne abieritis, ( & in civitates Samaritanorum ne intraveritis, sed potius ite ad omnes qui perierunt domus Israël: euntes autem prædicate dicentes quia appropinquavit regnum Dei. )* Ubi etiam additur quodd egressi circuibant per Castella evangelisantes & curantes ubiq;: ita nec Petro mediante ibi missi esse significantur, neque ab illo potestatem aliquam accipere potuerunt, quam nondum à Christo acceperat, sed per omnia adhuc cæteris par erat in potestate. Quodd si fortè prædictus Joannes de Turre-cremata prætenderit omnes Apostolos ante Christi passionem immediatè missos fuisse à Christo ad omnes qui perierant domus Israël; sed post Christi passionem & resurrectionem, cum Petrus esset jam Pastor constitutus, cæteros Apostolos ad Judæos & Gentes nonnisi ipso mediante missos fuisse: imprimis aliud docere videtur Matthæus cap. 28. & Marcus cap. 16. dicentes Christum post resurrectionem suam Apostolis omnibus indifferenter dixisse: *Euntes in mundum universum prædicate Evangelium omni creaturæ, docentes eos servare quæcunque mandavi vobis*. Cui subijcit Marcus: *illi autem profecti prædicaverunt ubiq; Domino cooperante & sermonem confirmante sequentibus signis*: nullà omnino factà mentione quodd Petrus à Domino, cæteri verò à Petro missi sunt. Sed liceat hîc reddita ratione quam supra posuimus, ex verbis Christi alium sensum eruere, quàm verba ipsa præ se ferant, dicendo Evangelium ibi nullam quidem inter Petrum

L. hæc  
omittit.

K. omittit  
passionem  
&.

L. videtur.

L. collige-  
re.

Petrum & cæteros Apostolos differentiam ponere; sed quia jam caput erat Ecclesiæ, illam esse subintelligendam. Qui tamen commentandi modus, nempe ratione redditâ sensum dare qui nobis videtur, si D. Augustino credimus, consuetudo periculosa est.

Quid ad Apostolum dicemus qui Galathis scribens ait: *Paulus Apostolus non ab hominibus neque per hominem, sed per Jesum Christum & Deum Patrem, qui suscitavit eum à mortuis*, &c. Nam si omnes Apostoli suam jurisdictionem à Petro acceperunt: igitur Apostolus Paulus non tantum per hominem, sed etiam ab homine suam commissionem accepit, & non Christi sed Petri Apostolus fuit & legatus; sicut nunc Pontificis Legatus dicitur quisquis ab illo cum potestate mittitur: nec debuit Apostolus apud Galathas gloriari quod Jacobus & Cephas & Joannes, qui videbantur columnæ esse, dextras dederunt ei & Barnabæ societatis. Nam si reliqui Apostoli à Petro missi sunt; igitur non socii sed Vicarii duntaxat fuerunt & ejus Legati, id quod nemo facile concesserit. Maxime cum Pontifices Romani usque in hodiernum diem omnes Fideles filiorum nomine appellent, exceptis Episcopis quos vocant Fratres; sicut etiam à D. Cypriano vocatus est Cornelius.

Quibus consideratis forsitan suspiceretur quispiam Joanni de Turre-cremata in hac disputatione, quantum ad Apostolos pertinet, id contigisse quod ait Augustinus: *De fide & operibus: ERRANT, inquit, homines non servantes modum, & cum in unam partem procliviter ire ceperunt, non respiciunt divinam auctoritatis alia testimonia, quibus possint ab illa intentione revocari, & in ea quæ utriusque temperata est veritate & moderatione consistere.*

Quidam intuentes in Scripturis Virginitatis laudem, inquit, connubia damnaverunt: quidam rursus ea testimonia contestantes, quibus casta connubia prædicantur, virginitatem nuptiis æquaverunt. Quidam cum legerent: Bonum est, Fratres, non manducare carnes & non bibere vinum: Nonnullas Dei creaturas & quas voluerunt escas, immundas esse senserunt. Quidam verò legentes: omnis creatura Dei bona est, & nihil rejiciendum quod cum gratiarum actione percipitur, in voracitatem vinolentiamque collapsi sunt. Sic & in hac causa quæ habetur in manibus, quantum apparet, Joannes de Turre-cremata considerans cunctis Evangelium scientibus liquere quod voce Dominicâ Sancto & Apostolorum omnium principi Petro totius Ecclesiæ cura commissâ sit, sic ut non tantum suæ diocesi intendere habeat, sed etiam cæterorum Episcoporum vitia corrigere & defectus supplere, illique dictum sit: *Tibi dabo claves regni cælorum: & Petre, amas me, pascis oves meas*; inter quas oves & cæteri Apostoli nominantur, consequens esse putavit ut cæteri Apostoli in potestate Apostolica sibi à Christo data non essent ei fratres & socii, sed tantum vicarii. Quod de Apostolo Paulo quomodo dici possit non intelligo, nisi prorsus non attendendo quod ipse de seipso Galathis scripserit ut diximus: nec ejusmodi quidpiam concludit ratio quâ sic colligit: Petro concessum est ut reliquis præesset Apostolis: igitur potestas reliquorum à Petri potestate derivatur. Quia & Joseph à Pharaone concessum est ut & domui Regis, & universæ terræ Ægypti præesset, nec tamen ab ejus potestate derivata est eorum Ministrorum commissio, qui ante Joseph ad ministerium assumpti potestatem suam immediate à Rege

L. ab homine, sed etiam per hominem, L. non solum Christi.

L. omittit & moderationem.

L. nuptias.

L. accipiant.

L. legemini.

L. debent.

Foris nunguantur.



*K. susceperant.*

Rege acceperant: sic igitur & in familia Christi fideli & prudenti servo quem constituit Dominus super familiam suam, subiecti esse possunt universi, etiam si nonnulli eorum à Domino immediatè suam potestatem susceperunt, sicuti de potestate conficiendi sacramenta extra omnem controversiam est. Sed Julius Papa 2. q. 6. c. *qui se scit*; videtur dicere quòd Ecclesia Romana universis Episcopis vices suas commiserit: igitur reliqui Episcopi non sunt nisi Romani Pontificis vicarii; ait enim sic: *Ipsa namque Romana Ecclesia quæ prima est, ita reliquis Ecclesiis vices suas credidit largiendas, ut in partem vocati sint sollicitudinis, non in plenitudinem potestatis.* Ubi notat Joannes de Turre-cremara quòd prima Ecclesia vices suas impertiverit, per quod putat significari quòd omnes qui fuerunt Petro, & qui sunt Romanis Pontificibus subiecti, non sunt immediatè à Christo alicui Ecclesiæ præfecti, sed tantum sunt eorum vicarii. Respondeo jam dictum Caput non loqui de Apostolis, sed tantum de Romana Ecclesia, & de inferioribus Ecclesiis illi subiectis. Sed ne quis suspicetur quomodo-

*K. distm.*

cunque res de Apostolis habeat, hic saltem definitum quòd omnes reliqui Episcopi in suis Ecclesiis tantum sint Romani Pontificis vicarii, de qua quaestione secundo loco differendum est; diligenter consideranda est epistola Leonis 84. in qua dictum Caput repetitur, & quo sensu accipiendum sit manifestissimè ostenditur. Leo Pontifex Anastasio Episcopo Thessalonicensi vices suæ moderaminis delegaverat; & in quo delegaverat exprimit, dicens ut curam quam universis Ecclesiis principaliter ex divina institutione debemus, inquit, imitator nostræ mansuetudinis effectus adjuvares, & longinquis ab Apostolica sede provinciis præsentiam quodammodo nostræ visitationis impenderes. Ipse verò Anastasius prætextu hujus potestatis sibi traditæ Atticum veteris Epipri Metropolitanum quodam animi impetu quòd ab illo evocatus, valetudinem excusans, non statim venerit, sine causa rationabili statim excommunicationis. Cui scribit Leo quòd et si dictus Atticus quid grave gessisset & dignum censurâ excommunicationis; *nostra erat, inquit, expectanda censura, ut nihil prius decerneres, quàm quid nobis placeret agnosceres: vices enim nostras ita tuæ Charitati credidimus, inquit, ut in partem sis vocatus sollicitudinis, non in plenitudinem potestatis.* Ex quibus patet Leonem non in Episcopali functione vices suas Anastasio commisisse, sed in aliarum Ecclesiarum visitatione, quæ à Sede Apostolica procul distat erant. Et idè ex hoc Capite ostendi non potest quòd cæteri qui rectè nominantur Episcopi in suis Diocesisibus & Episcopali functione non sint nisi Romani Pontificis tanquam universalis Episcopi totius orbis vicarii: sed tantum ostenditur quòd quando propter nimiam distantiam à Romana Sede, aut propter alias causas rationabiles datur inferioribus Episcopis aliqua potestas super alienas Dioceses, tunc ea potestas non datur in ea plenitudine etiam super illas Ecclesias, in qua est in ipso Romano Pontifice, sed cum aliqua limitatione.

*L. hac omisit.*

Cæterum an illi Episcopi in suæ Diocesis administratione sint immediatè à Deo constituti, sicut opinantur Latomus, & Dominicus Soto, & Joannes Torrensis, (& Bartholomæus Caranza in controversia sua de necessaria residentia personali Episcoporum,) & Jacobus Simancas, Episcopus Pacensis *L. de dignitate Episcoporum*: an verò tantum à Pontifice Romano tanquam ejus vicarii,

carii, sicut docet Joannes de Turre-cremata & Catharinus, non dicitur. De qua quæstione, quia difficilis est & lubrica, deinceps decrevimus inquirere: non enim nobis propositum est eam nostrâ temeritate definire, sed tantum propositis rationibus & testimoniis, quæ etiam eruditos forsitan movere queant, alios ad inquirendam veritatem excitare.

Joannes de Turre-cremata volens de universis Episcopis asserere, quod supra, quantum Deus dedit, de Apostolis & præsertim de Apostolo Paulo ostendimus non satis veritati congruere, aliquot Sanctorum auctoritates proferit, quibus se consecisse existimat quod excepto Pontifice Romano nullus Episcoporum suam jurisdictionem immediatè accipiat à Christo, sed omnes jurisdictionem suam quam habent, accipiant à Sede Apostolica, & sic revera licet dicantur Episcopi, non sunt nisi Romani Pontificis vicarii qui ad nutum etiam sine causa possunt magna suæ jurisdictionis parte aut portione privari, aut in totum à suis Ecclesiis dimoveri, & alii in locum eorum surrogari.

K. sua  
portionis  
jurisdictionis  
ne spoliari.

Cæterum quia omnes ejus rationes videntur multis modis posse infirmari, & nonnullæ etiam ad statuendam partem oppositam non improbabiler converti: idè visum est nunc paucis ostendere quid ad dictas rationes videatur posse convenienter responderi. Prima ejus ratio sic habet. Dicit Cyprianus, l. de unitate Ecclesiæ, quod *Dominus ut unitatem manifestaret, unitatis ejus originem ab uno Petro incipientem suâ auctoritate disposuit.* Et rursum: *Exordium ab unitate proficiscitur, ut Ecclesia Christi una esse monstretur.* Igitur omnes reliqui Episcopi non immediatè à Christo, sed à Petro suæ potestatis originem accipiunt. Respondeo, non ait Cyprianus potestatis originem ab uno Petro incipere, sed unitatis. Idè enim sub unius Petri nomine potestas pastoralis omnibus Pastoribus à Christo tribuitur, ut ipsos unum Christi gregem unanimi consensu, perinde ac si unus Pastor essent, debere pascere significaretur: quibus etiam à Christo Petrus superponitur, ut schismatis tollatur occasio. Quem sensum clarè explicat Cyprianus eodem loco dicens: *primatus Petro datur, ut una Christi Ecclesia & Cathedra una monstretur.* Et *Pastores sunt omnes, sed unus Grex ostenditur qui ab Apostolis omnibus unanimi consensione pascitur.* Hanc Ecclesiæ unitatem qui non tenet, tenere se fidem credit? *Quam unitatem firmiter tenere & vindicare debemus maxime Episcopi, qui in Ecclesia præsidemus, & Episcopatum quoque ipsum unum atque indivisum exhibemus.* Episcopatus unus est cujus à singulis in solidum pars tenetur. Et clariùs in epistola 55. dicens, A Petri Cathedra atque ab Ecclesia principali unitatem Sacerdotalem esse exortam. Non igitur voluit Cyprianus quod omnis reliquorum Episcoporum Pastoralis auctoritas à Petro ejusque successoribus immediatam traxerit originem, quia alibi dicit quod Christus unus & solus habet potestatem præponendi Episcopos in Ecclesiæ suæ gubernationem; sed tantum ostendit quod Christus significare voluerit in eo quam sub unius Petri nomine Episcopis omnibus pascendi potestatem largitus est, dicendo peculiariter ipsi Petro: *Pasce oves meas;* perinde ac si ad ipsum solum id pertineret; cum tamen hoc ipsum quod ibi Petro dicitur à Christo, etiam reliquis Episcopis dictum debeat intelligi. Voluit enim Christus significare quod sicut Ecclesia una est, & Episcopatus unus; sic Episcoporum om-

L. ut...  
exhibea-  
mur.

nium qui in uno Petro sibi præposito Pastores à Christo constituuntur, unus debeat esse consensus, nec plures debeant fieri magistri diversa atque adversa inter se sentientes: & si in una Christi Ecclesia plures sunt Pastores & Episcopi, quia sub unius veri magistri magisterio sicut idem audiunt à Domino, sic idem dicere debent in populo. Si verò sicut reipsa unus est Episcopatus, cujus à singulis Episcopis in solidum pars tenetur, sic etiam reipsa unicus esset Episcopus, videlicet Pontifex Romanus, cujus cæteri in certis partibus sibi tributis tantum essent accepti ab eo potestate, vicarii; non rectè diceretur quoddam à singulis Episcopis unius Episcopatus pars in solidum teneretur; sed solum dicendum esset quoddam unus Episcopus, nempe Romanus totum Christiani orbis Episcopatum teneret in solidum, sicut olim totam Synagogam tenebat summus Pontifex Judæorum, & in certis portionibus sui Episcopatus vicarias partes aliis commisisset. Sed id non videtur pati quod idem D. Cyprianus epistola 52. dicit: *Episcopatus unus est Episcoporum multorum concordia numerositate diffusus: re videlicet ipsa Episcopatus unus, concordia verò & non reipsa unicus Episcopus.* Sicut etiam ostendit epistola 67. ad Stephanum Pontificem de Martino Arelatensi Episcopo qui Novatiano consenserat scribens in hunc modum: *Idcirco enim, Frater Charissime, copiosum est corpus Sacerdotum concordia mutua glutino atque unitatis vinculo copulatum, ut si quis ex collegio nostro hæresim facere, & gregem Christi lacerare & vastare tentaverit, subveniant cæteri, & quasi Pastores utiles & misericordes, oves Domini in gregem colligant.* Et rursus epistola 27. Episcopi honorem & Ecclesie sue rationem disponens in Evangelio loquitur & Petro dicit: *Ego dico tibi quia tu es Petrus & super hanc Petram ædificabo Ecclesiam meam, & Portæ inferorum non vinceant eam: & tibi dabo claves regni cælorum; & quæcunque ligaveris super terram, erunt ligatæ & in cælis; & quæcunque solveris super terram, erunt solutæ & in cælis.* Inde per temporum & successionum vices Episcoporum ordinatio & Ecclesie ratio decurrit, ut Ecclesia super Episcopos constituatur, & omnis actus Ecclesie per eosdem præpositos gubernetur. Nam quoddam Sacra Scriptura dicit Ecclesiam super Petrum ædificari, hoc D. Cyprianus intellexisse videtur super Episcopo inter se & cum Petro unitatis vinculo conjunctos, qui non unitate personæ, sicut olim in Synagoga, sed unitate mentis & animæ unicum Pontificem Ecclesie & sponsum representent. Unde etiam patet solutio ad secundam auctoritatem, quam idem Joannes à Turre-cremata adducit ex ultimo Tractatu Augustini in Joannem, ubi sic ait: *Petrus Apostolus propter Apostolatus sui primatum gerebat figuratâ generalitate Ecclesie personam... Ecclesia ergo, quæ fundatur in Christo, claves ab eo regni cælorum accepit in Petro: quam auctoritatem ex multis adhuc aliis Augustini dictis proferre potuisset.* Nam Tractatu 50. super Joannem: *Petrus, inquit, quando claves accepit, Ecclesiam Sanctam significavit.* Et Tractatu 7. In Petri nomine figurata est Ecclesia. Et epistola 165. *Petro totius Ecclesie figuram gerenti Dominus ait: Super hanc Petram ædificabo Ecclesiam meam.* Et super Psal. 108. *Quædam dicuntur quæ ad Apostolum Petrum propriè pertinere videntur, nec tamen habent illustrem intellectum nisi cum referuntur ad Ecclesiam, cujus ille agnoscitur in figura gestasse personam propter Primatum quem in Discipulis habuit, sicuti: Tibi dabo claves regni cælorum &c. & si qua hujusmodi.* Et de

Agone



Agone Christiano cap. 30. *Non sine causa inter omnes Apostolos Ecclesiæ Catholice personam sustinet Petrus; huic enim Ecclesiæ claves regni cælorum datæ sunt; & cum ei dicitur, ad omnes dicitur, Amas me. Pasce oves meas. Et in Sermonibus noviter impressis, \* Sermon. 54. Petrus multis Scripturarum locis apparet quod personam gestet Ecclesiæ, maximè illo in loco, ubi dictum est illi: Tibi dabo claves regni cælorum. Nunquid istas claves accepit Petrus, & Paulus non accepit? Petrus accepit, & Joannes & Jacobus non accepit? aut non sunt ista in Ecclesiæ claves, ubi peccata quotidie remittuntur? Sed quoniam in significatione personam Petrus gestabat Ecclesiæ; quod illi uni datum est, Ecclesiæ datum est. Ergo Petrus figuram gestabat Ecclesiæ, Ecclesia corpus Christi est. Similiter Fulgentius lib. 2. de remiss. pecc. c. 20. Christus B. Petro, hoc est, Ecclesiæ suæ, inquit, in terra ligandi solvendi que dedit potestatem. Ex quibus omnibus manifestum evadit B. Augustinum in verbis à Joanne de Turre-cremata citatis non id voluisse quod prætendit, nempe quod Christus Petro immediatè dederit claves regni cælorum, cæteris verò mediatè per potestatem Petro collatam à Christo; sed potiùs contrarium, nempe quod quemadmodum Petrus propter primatum quem in Discipulis gerebat multa Christo respondit, non tantùm nomine proprio, sed etiam nomine cæterorum Apostolorum, veluti nomine procuratorio, sic ut expresse testatur Hieronymus super Matthæum dicens: Petrus ex persona Apostolorum profertur dicens: Tu es Christus, filius Dei vivi. Et Augustinus in Psal. 88. Respondet pro omnibus Petrus ex unitate unus: Tu es Christus, filius Dei vivi: erat enim os Apostolorum & princeps, inquit Chrysostomus hom. 87. super Joannem, & hom. 4. in Acta. Sicut ergo sæpe pro omnibus respondit Petrus; sic etiam quando claves accepit, non tantùm eas pro sua persona accepit; sed etiam veluti nomine procuratorio pro cæteris Apostolis & aliis qui in sacris Scripturis nomine Pastorum censentur, sic ut non tantùm personæ Petri, sed etiam ipsi Ecclesiæ simul claves datæ sunt, ut diximus: quo sensu etiam accipiendum videtur quod ex sermone Leonis citat dictus Joannes, quod Christus si quid cum Petro commune cæteris voluit esse principibus Ecclesiæ, nunquid nisi per ipsum dedit quicquid aliis non negavit? Nam per ipsum Petrum dedit Christus quicquid cæteris Apostolis dedit, non tanquam à data ei potestate deinceps, sed tanquam per illum qui ratione Primatûs, veluti nomine procuratorio etiam pro cæteris accipiebat quod illi & reliquis dabatur à Christo.*

Quibus etiam patet solutio ad argumentum quod ex ea Scriptura conficitur, quia Petro nominatim à Christo dictum legimus: *Petre, amas me? Pasce oves meas.* Si enim hoc soli Petro pro se & successoribus suis, Romanis Pontificibus dicitur; tunc sine dubio ipse solus cum successoribus universalis Pastor Ecclesiæ constituitur. Si verò non tantùm nomine proprio, sed etiam cæterorum Pastorum illi dicitur, tunc ipse sic inter Pastores primus constituitur, ut tamen cæteri in sua portione quàm in solidum tenent, ab hoc Pastoris munere non secludantur, sed simul cum illo Pastores in suo gradu & ordine, à Christo etiam immediatè constituuntur. Sicut enim quando in Cœna novissima dictum est Apostolis: *hoc facite in meam commemorationem*, hoc ipsum Sacerdotibus omnibus, qui non ab homine sed immediatè à Christo potestatem consecrandi Corpus Domini accipiunt, dictum esse intelligitur: sic etiam quando

\* Serm. 26. de diversis. L. Jacobini & cæteri Apostoli non acceperunt. Eadem non minùs expressis verbis habet in serm. 108. de Diversis, ubi ait: Inter hos (Apostolos) penè ubique solus Petrus totius Ecclesiæ meritis gerere personam. Propter ipsam personam quam totius Ecclesiæ solus gestabat, amare meruit: Tibi dabo claves regni cælorum. Has enim claves non homo nomen, sed nomen accepit Ecclesiæ. L. in persona.



quando dictum est Petro: *Pasce oves meas*: suo modo etiam omnibus Episcopis debet dictum intelligi, ut non humanam, sed divinam in suis Ecclesiis habeant potestatem: sicuti ex Augustino, de Agone Christiano. cap. 30. supra ostendimus: ubi ait: *Et cum Petro dicitur, omnibus dicitur: Petre, amas me? pasce oves meas. Nam sicut Petrus figuram gessit Ecclesiæ, quando illi claves premissæ sunt dicendo: Tibi dabo claves regni cælorum: sic etiam necessarium est figuram gesserit Ecclesiæ, quando eidem claves datæ sunt dicendo: Petre, amas me? pasce oves meas. Nam istud non est nisi ejus rei donatio, cujus antè facta est promissio.*

Sed objicit Joannes de Turre-cremata Synodum Chalcedonensem, quæ Leoni Papæ acclamavit: *Leo sanctissimus, Apostolicus, universalis Patriarcha, per multos annos vivat.* Jam dicta Synodus agnovit eum universalem totius orbis Christiani Episcopum, & cæteros qui Episcopi dicuntur, tantum ejus esse vicarios. Cui imprimis respondet Gregorius lib. 4. Epistol. Regist. cap. 76. quod pro B. Petri Principis Apostolorum honore per venerandam Chalcedonensem Synodum Romano Pontifici oblatum est nomen, Universalis: sed nullus eorum unquam hoc singularitatis vocabulum assumpsit, necuti consensit, ne dum privatim daretur uni, honore debito privarentur universi. Sed fortè objicies Leonem ejusque Successores ex humilitate quidem tam arrogans nomen usurpare noluisse; ipsam tamen Synodum ei hoc nomen non acclamasse, nisi quia sciebat rem saltem illo nomine significatam isti competere, nempe quod esset Universalis Episcopus totius orbis Christiani, & sic reliqui tantum ipsius vicarii. Ad quod respondeo, ipsam Synodum non acclamasse quod sit Universalis Episcopus, sed quod sit Universalis Patriarcha, nempe ad differentiam aliorum certæ alicujus regionis Patriarcharum qui neque universalem in totam Christi Ecclesiam habent Patriarchæ potestatem, neque immediatè à Deo, sed tantum à Romano Pontifice.

Cæterum longè aliud est Episcopi, aliud Patriarchæ officium. Episcopis suæ Diocæsis cura incumbit; Patriarcha verò aliis Episcopis superintendit, visitando, vitia corrigendo, & defectus supplendo; non autem usurpando quod illorum est proprium, quando suo legitime funguntur officio. Quia totum summus Pontifex non tantum suæ Diocæsis Episcopus est, habens potestatem confirmandi, ordinandi Ministros, & cætera faciendi quæ sunt ipsorum propria, sed etiam reliquis Episcopis ratione sui primatus est præfatus, habens potestatem corrigendi errores & defectus eorum supplendi: ideo verissimè à Synodo Chalcedonensi non Universalis Episcopus, sed Universalis Patriarcha nuncupatus est; quia videlicet omnibus Episcopis, Archiepiscopis, Primatibus & Patriarchis habet superintendere, vitia eorum corrigendo, defectus supplendo, & ea constituendo quæ non particularem aliquam sed universam concernunt Ecclesiam, cujusmodi est quicquid in fide constituitur. Sed ex eo non sequitur quod ex suo arbitrio usurpare debeat quæ sunt Episcoporum propria, quasi videlicet esset proprius cujusque Ecclesiæ Episcopus. Hoc tamen profanum vocabulum, nempe, Universalis, inquit Gregorius cap. 80. lib. 4. Epistol. Leo usurpare noluit partim quia si unus Patriarcha Universalis dicitur, inquit, Patriarcharum nomen cæteris derogatur; partim ne uni-

universalem Patriarcham nominando, simul Universalis Episcopus esse intelligeretur; sicut se Universalem Episcopum nominavit Joannes Constantopolitanus. Ex quo infert Gregorius Lib. 4. Epistol. c. 78. quoddum vult vocari Universalis Episcopus, solus conetur appellari Episcopus. Nam si hoc vocabulum privatum datur uni, honore debito sacerdotes privantur universi, inquit idem Gregorius. Et ideò si Romanus Pontifex sibi in Pontificatùs gradu hanc gloriam singularitatis acciperet, inquit c. 82., hanc omnibus Fratribus denegasse videretur. Unde scribens cap. 80. Sebastiano Episcopo Senensi, *Sanctitas Vestra in suis Epistolis*, inquit, *neminem unquam Universalem nominet, ne sibi debitum detrahat.* Nam si unus Universalis est, inquit Lib. 7. c. 69. *restat ut vos Episcopi non sitis.*

Quamquam igitur Synodus Chalcedonensis profano vocabulo, ut vocat Gregorius, Leoni I. acclamaverit veraciter quoddum esset Universalis Patriarcha; attamen non videtur posse veraciter dici quoddum sit Universalis Episcopus, & ceteri tantum ejus vicarii; quia tunc ipse solus esset dicendus Episcopus, quod sacris Scripturis manifestè adversatur: sed tantum dictum est quoddum Romanus Pontifex sit antiquæ Romæ Episcopus, & reliquis, cum culpa & negligentia exigit, divinâ autoritate præfectus, ut & quod omittunt suppleat, & corrigat quod erraverunt. Si verò suo legitimo funguntur officio, tunc magno onere sublevatur, & liberè potest suæ diocesis ministerio & communibus totius Ecclesiæ utilitatibus inservire, relictis iis quæ sunt unicuique Episcopo propria, quæ ut apparet sunt eis jure divino commissa, & nisi manifestum errorem contineant, judicio Dei reservanda. *Habeas enim omnis Episcopus*, ait Cyprianus in principio Concilii Carthaginensis, *pro licentia libertatis & potestatis suæ arbitrium proprium; tamque ab alio judicari non possit, quàm nec ipse potest alterum judicare: sed expectemus universi*, inquit, *judicium Domini Nostri Jesu Christi, qui unus & solus habet potestatem & præponendi Episcopos in Ecclesiæ suæ gubernationem, & de actu eorum judicandi:* Id quod Augustinus lib. 4. contra Donatistas c. 3. commemorans, *Opinor*, inquit, in his quæstionibus quæ nondum eliquatissimâ perspectione discussæ sunt. Nam quemadmodum illud quod in Evangelio dicitur: *nolite judicare, & non judicabimini:* de rebus mediis intelligitur quæ incertum est quo animo fiant; sic etiam quod dixit Cyprianus Episcopum in proprio actu ab alio Episcopo non posse judicari; de eo actu intelligit Augustinus in quo non invenitur error manifestus.

Ex his sequitur verum non esse quod Joannes de Turre-cremata contendit, Romanum Pontificem esse immediatum judicem & prælatum omnium Christianorum: sed potius dictum esse quoddum sit immediatus judex totius suæ Diocesis, & Episcoporum qui illi immediatè subsunt; sed mediatos eorum qui suis Episcopis sunt immediatè subjecti: quorum causas, lites & contentiones non debet studiosè & sine causa legitima ad suum tribunal attrahere, aut eorum artes fovere, qui cum judicem habeant ordinarium & sibi propinquum, attamen longè positum & rei gestæ ac tacitæ veritatis ignarum quærent, quem circumveniunt, & cui fraudulenter obrepunt; sed potius eos punire qui aut suos judices immediatos dolosè & sine justa causa prætereunt, aut ab eis auditi temerè ad ipsum provocant. Hanc sententiam clarè secutus est Latomus de primatu

Pontificis; Dominicus de Soto de jure & iustitia; & Joannes de Turre-cremata; sicut refert idem Dominicus. Sed objicitur: depositio cujusvis Episcopi per Pontificem Romanum facta, rata haberi debet sive ex justa causa, sive ex nulla causa facta sit: igitur Episcopus est tantum Romani Pontificis vicarius ad nutum deponibilis. Respondeo; semper pro sententia per legitimum judicem lata præsumitur, quandiu aut revocata non est & ad superiorem evocata: & ideo apud homines, quibus veritas non est manifesta, rata haberi debet Episcopi depositio per Summum Pontificem facta, etiamsi non subsit depositionis causa quam prætendit. Nam si nullam omnino causam prætenderet nisi propriæ voluntatis arbitrium, quo judicaret in tali Episcopatu sibi alio utendum esse vicario; forsitan non parva quæstio oriretur, an talis sententia posset contemni tanquam ex errore profecta. Sed quando causa prætenditur, quæ revera non subest, licet apud homines talis depositio rata habeatur; attamen an apud Deum rata sit, qui servorum suorum erronea judicia corrigit, longè alia quæstio est. B. Cyprianus epist. 59. loquens de Seraphio Episcopo qui Victori Presbytero contra Concilii decretum antequam poenitentiam plenam egisset, & Domino Deo, in quem deliquerat, satisfecisset, temerè immaturo tempore & præproperâ festinatione pacem dederat, *librato*, inquit, *apud nos diu consilio satis fuit objurgare Saraphium collegam nostrum, quod temerè hoc fecerit, & instruxisse ne quid tale de cætero faciat: pacem tamen quomodocunque semel à Sacerdote Dei datam non putavimus auferendam, ac per hoc Victori communionem sibi concessam usurpare permisimus.* Ubi videtur innui quoddam licet à Concilio aut Summo Pontifice possit Episcopis lex in propria functione præscribi; attamen sicut lex in conficiendis sacramentis præscripta, irritum non facit quod contra præscriptum fuerit, (ut si quis panem fermentatum consecret, non est inane quod facit,) sic etiam si ab Episcopo in propria functione contra legem præscriptam aliquid attentatum fuerit, irritum haberi non debeat, quod fecit. Cujus non videtur alia esse ratio, quàm quoddam utatur potestate sibi immediatè à Deo tradita, quam superior potest quidem suo præcepto aut consilio dirigere ut convenienter & utiliter exerceatur, non autem pro suo arbitrio irritum facere, ut inane sit quod attentatur. Quoddam Romanus Pontifex non tantum in sua Diocesi, sed etiam in aliis, certis mensibus Beneficia confert, quod alioquin Episcoporum & inferiorum prælatorum est proprium, videtur aut ad publicam & totius Ecclesiæ utilitatem introductum, ut faciliùs ubique superior agnoscat; aut certè pro propriæ potestatis extensione ad ea quæ alioquin Episcoporum & aliorum prælatorum deberent esse propria, consuetudine magis quàm divinâ ordinatione introductum.

## MICHAELIS BAII

## TRACTATUS

## APOLOGETICUS,

## CIRCA

## QUESTIONEM:

*Virum ex isto Christi verbo :*

**Ego pro te rogavi, Petre, &c.**

*Satis clarè offendatur Romanum Pontificem in  
definiendo non posse errare.*

*Ex MS.  
K. & L.  
primus  
editus.*



Unquam mihi eorum placuit intentio quos suspicatus sum disputando aut docendo non tam sectari quod irrefragabilis testatur autoritas, aut solida ratio suadet, quàm quod existimabant suis præconceptis opinionibus congruere, aut illis non displicere quorum favorem quærebant aut offensiones devitabant; quia hos mihi in Evangelio notasse videtur Dominus, cum ait: *Nolite secundum faciem judicare, sed justum judicium judicate.* Et rursus: *quomodo vos potestis credere, qui gloriam ab invicem accipitis; & gloriam, quæ à solo Deo est non queritis?* Nam gloriam videntur ab hominibus expetere, qui quod eis placet aut eos non offendit sapere & docere intendunt. Ne igitur nuper in disputatione vitium priore loco à me positum videar incurrisse; decrevi paucis aperire quam autoritatem aut rationem secutus sum, dubitando utrum ex isto Christi verbo: *Ego pro te rogavi, Petre,* ut non deficiat fides tua, satis clarè & evidenter ostendatur Romanum Pontificem definiendo ea quæ fidei sunt, sive solus faciat, sive cum paucis sibi placentibus, sive cum totius Ecclesiæ suæ Concilio nullo casu posse errare: petens vicissim ut & tu digneris ostendere quam autoritatem aut rationem secutus hanc dubitationem tam absurdam existimaris, ut nullâ ratione productâ eam scandalosam pronuntiaveris. Joannes Driedo olim mihi ante Ruardum & Latomum Præceptor 4. lib. *De dogmatibus Ecclesiasticis*, de præacta Christi sententia ex professo differens, dicit eam posse concipi sub triplici intellectu; primò ut loquatur de persona Petri & successorum ejus, à quorum corde nunquam deficiat fides. 2. Ut fides

*L. testatur...  
suadet.*



nunquam deficiat à generali cathedra, à sede, à generali Ecclesia, seu ovibus ipsius Petri usque ad consummationem sæculi. Vel 3. ut fides nunquam deficiat à propria fede, quam Petrus particulariter pascendam suscepit: Primus; inquit, intellectus videtur esse extra intentionem Salvatoris, de quo nos postea. Secundus est fidei: & tertius probabilis.

Obsecro ut digneris ostendere sub quo horum trium intellectuum comprehendatur is intellectus, de quo putas non licere dubitare. Quia si vir tantus enumerans non tantum verum & verisimilem hujus Scripturæ sensum; sed etiam alium qui præter intentionem Salvatoris possit concipi; illum sensum prætermisit, de quo tanquam certo & necessario dubitare non licet; non videtur ejus explicatio scandalo carere. Quodd igitur eum intellectum præterierit, de quo putas non dubitandum, sic ostenditur.

Primus ejus intellectus loquitur de persona Petri & Successorum, à quorum corde nunquam deficiat fides. Ille verò intellectus loquitur de officio & functione Petri & Successorum ejus, à qua functione nunquam deficiat fides, si ve in corde remaneat si ve non. Ergo primus ejus intellectus est à tuo diversus. Deinde etiam si sub primo comprehenderetur is, quem clarum & certum esse præterdis; nihil tamen juvaret causam tuam, quia Driedo dicit eum esse extra sententiam Salvatoris; quem tamen intellectum à Domino Driedone improbatum, parum (quod sciam) ausus est comprobare Albertus Pighius, nostræ Facultatis Baccalaureus, & suo tempore in Collegio Housterle Driedonis discipulus. Secundus verò & tertius loquuntur non de Pontifice solo, aut cum paucis sibi placentibus; sed cum sua Ecclesia universali vel particulari; si ve cum Concilio alteram harum Ecclesiarum representante.

Joannes de Turre-cremata 2. lib. summæ suæ de Ecclesia, cap. 112. dissensens quo sensu verum sit quodd judicium Sedis Apostolicæ in iis quæ fidei sunt errare non possit, videtur amplecti secundum & tertium sensum à Driedone assignatum. Nam approbat dictum Archidiaconi dicentis quodd Agatho cautè dixerit Apostolicæ Sedis sanctiones suscipiendas tanquam ipsius divinâ voce Petri firmatas: & non dixerit, Sanctiones Apostolicæ, id est, Pontificis. Nam postea subdit Sanctiones Apostolicas intelligendas, quæ à Romano Pontifice matura & gravi sapientium virorum & maxime Dominorum Cardinalium primo Concilio digestæ & maturatæ sanciantur, de quibus dicit quodd in fide deficere non possunt. Sed non videtur idem velle dici de iis Sanctionibus quæ à Ro. Pontifice occultè, inconsultè, aut solo, aut cum paucis sibi faventibus, aliis non vocatis ad partem, proferuntur. Hanc sententiam adivi aliquando à Domino Ruardo in Scholis defendi, & ad objectionem quâ colligitur: pontifex potest aliquando errare, nempe quando solus & sine Concilio decernit; ergo ejus definitio non est semper suscipienda: Respondebat, nego consequentiam, quia *qui vos audit, me audit*; nec licet superioris decretum negligere, nisi præcipiat manifestè illicitum, sicut docet Bernardus de præcepto & dispensatione. Unde non rectè videtur suprâ motus Archidiaconus, ut prætenderet sanctiones Apostolicæ non semper suscipiendas, quia aliquo casu possit errare, quia *qui vos audit, me audit*. Quid Latomus senserit videatur de primatu Petri circa finem, ubi dicit Concilia generalia in fide errare, nec tamen

men suam auctoritatem perdere. Suprà dictam sententiam etiam secutus videtur Dominus Hesselus de primatu pontificis, concedens pontifices respondendo etiam ex officio in jure Canonico etiam errasse in fide. Nam responsiones Juris Canonici in quibus non consulitur Pontifex tanquam vir doctus, sed tanquam potestatem habens in judicio, vim decretorum obtinent, quam non obtinerent, si tantum essent ab eo tanquam à viro docto profecta. Sed addit hos errores à successoribus correctos, ipsamque correctionem prius ad Ecclesiam pervenisse quàm errores. Quid hac de re senserit Adrianus (VI.) Pontifex, potest (ut cunque conjici ex quodlibeto 2. q. 1. sine argumentis, &) clarè <sup>L. omnis</sup> intelligi ex responsione ad secundum principale circa finem quæstionis de sacramento Confirmationis, ubi sic habet: *Dico quòd si per Ecclesiam Romanam intelligatur Caput ejus, puta Rom. Pontifex; certum est quòd possit errare etiam in iis quæ tangunt fidem, hæresim per suam determinationem aut Decretalem asserendo. Plures enim fuerunt Romani Pontifices hæretici. Item & novissimè fertur de Joanne XXII. quòd publicè docuit, declaravit, & ab omnibus teneri mandavit quòd anima purgata ante finale judicium non habent stolam, quæ est clara & facialis visio Dei; & Universitatem Parisiensem ad hoc induxisse dicitur quòd nemo in ea poterat gradum in Theologia adipisci, nisi prius hunc errorem Pestiferum jurasset se defensurum...* Item patet hoc de errore quorundam Pontificum circa matrimonium, &c.

Ex quibus puto patere me disputando non tam longè recessisse à sententia non dico Scholæ Parisiensis, quæ definitionem summi Pontificis extra Concilium Generale parvi pendit; sed eorum qui in nostra Schola ab annis octoginta celebres fuerunt, quàm tibi visum est. Nisi fortè in eo quòd dubitavi, an ex hac Scriptura: *Ego pro te rogavi, Petre, ut non deficiat fides tua*, satis clarè ostendatur Romanus Pontifex definiendo eam quæ fidei sunt, etiam si id solus faciat, nullo casu posse errare; Adrianus verò dixit certum esse quòd possit errare etiam in iis quæ tangunt fidem; & per suam determinationem aut Decretalem hæresim asserere. Longè enim aliud est dubitare, an ex jam dicta sententia satis clarè ostendi possit Romanum Pontificem in iis quæ fidei sunt non posse errare; quàm asserere certum esse quòd possit errare, & hoc ipsum pluribus exemplis ostendere. Hujus Dominicæ sententiæ: *Ego pro te rogavi, Petre, ut non deficiat fides tua, & tu aliquando conversus confirma fratres tuos*, apud D. Basilium, Euthymium, Hieronymum & Ambrosium, nullum adhuc commentarium reperi.

Sed D. Cyprianus epist. 8. & de orat. Domin. Chrysost. hom. 72. super Joannem, Augustinus de corr. & grat. c. 8. Leo de anniversario die suæ assumptionis Serm. 3. & in natali Petri & Pauli Serm. 2. Et Beda in Comment. super Lucam eam clarissimè accipiunt de persona Petri. Nec eos movisse videtur ratio quæ Dominum Driedonem ab hoc intellectu revocavit, nempe, quòd Petrus post hæc Christi verba in fide Christum negando defecerit: quia ex Christi verbis, quibus illi suam negationem & à lapsu conversionem prædixit, satis intelligitur quòd Christus his verbis noluerit significare quòd Petrus nullo modo deficeret, sed quòd in lapsu non remaneret; & quòd post lapsum negationis, inquit Beda, ad statum pristinum poenitendo resurgeret, à quo amplius non deficeret; vel, sicut ait Chrysostomus, *ne in fine perires.*

Quibus omnino consonat Aug. in Psal. 118. Conc. decimâ tertiâ, dicens: Non omnino ex ore Petri, in quo erat typus Ecclesiæ, verbum veritatis ablatum est, qui etsi ad horam negavit timore turbatus; tamen stendo est reparatus, & confitendo postea coronatus. Et rursus: Dominus ad Petrum, rogavi, inquit, pro te, Ecce, ut non deficiat fides tua, hoc est, ne auferatur de ore tuo verbum veritatis usque valde. Totum corpus Christi loquitur, ex cujus ore non est ablatum verbum veritatis usque valde, sive quia negantibus pluribus remanserunt sortes, qui usque ad mortem pro veritate certarent, sive quia ex his qui negaverunt, multi reparati sunt. In his D. Augustini verbis duo videntur esse notanda, videlicet, quoddam ista Christi verba: Ego pro te rogavi, Petre, ut non deficiat fides tua, ad totum Christi corpus pertineant, sicut ea intelligit Dominus Driedo; & quoddam fides dicitur non deficere, sive quia negantibus pluribus remanserunt sortes usque ad mortem pro veritate certantes; sive quia ex his qui negaverunt, multi reparati sunt, inter quos est & ipse Petrus, ut diximus.

Quantum igitur ex dictis Patribus licet intelligere, jam dicta Christi sententia de Petro venit intelligenda. Sed quia multa quæ de Petro dicuntur, non habent sensum illustrem, nisi cum referuntur ad Ecclesiam, cujus ille in figura agnoscitur gestasse personam, ut ait Augustinus Psal. 108. idem quod hic de Petro ad litteram dicitur, sicut interpretati sunt quos statim nominavi, de Ecclesia cum suo capite rectissime à Domino Driedone intelligitur: sicut accepit Augustinus Ps. 108. dicens Christum pro Discipulis orasse ante passionem ne deficeret fides eorum; de Ecclesia, inquam, universalis, quod ipse Driedo certum esse asserit; aut particulari, quam particulariter pacendam suscepit; sicut idem circa tertium sensum à se assignatum à pluribus Patribus probabiliter esse traditum commemorat. Quod autem Petrus multis Scripturæ locis figuram gesserit Ecclesiæ; & præsertim ubi dicitur: Tibi dabo claves regni cælorum: cui etiam necessario conjungitur: pascere oves meas; nam prius illud dictum, hujus posterioris promissio est; manifestè docet Augustinus Psal. 108. jam citato tractatu 50. & ultimo super Joannem: \* Sermone 54. in Novis: Epist. 105. de agone Christiano cap. 30. Lib. 1. Retract. cap. 21. Cui simile quid habet Cyprianus epist. 69. dicens Petrum loqui Ecclesiæ nomine, cum ait: ad quem ibimus? Et Hieronymus super 16. Matthæi testatur Petrum ex persona omnium Apostolorum professum esse: Tu es Christus filius Dei vivi. Et D. Fulgentius lib. 2. de pecc. remiss. cap. 20. Christus Petro, hoc est, Ecclesiæ suæ in terra ligandi solvendi que tribuit potestatem, ut intelligamus in tempore hujus vite gratuitam tribui peccatorum remissione misericordiam.

Cæterum licet Petrus multis locis gesserit figuram Ecclesiæ, non est tamen existimandum ea quæ illi vel ab illo dicuntur ad solam pertinere Ecclesiam, & non ad personam Petri: quia sicut in Veteri Testamento quæ per allegoriam dicta sunt, etiam ad litteram vera fuerunt: sic etiam quæ ad personam Petri figuratè de Ecclesia dicuntur, non debent secundum historiam & litteram à Petri persona separari, sed à persona Petri tanquam principis Apostolorum ad Ecclesiam transferri. Verum quoniam Scripturæ Sacre diligenter scrutandæ sunt, nec earum superficie, nec aliorum commentariis statim debemus esse contenti, quæ ad nostram exercitationem ita modificatæ sunt, inquit Augu-

stinus

K. perso-  
nam.\* Serm.  
26. de di-  
versis.

L. nomine.

L. agnosca-  
mus.  
L. remissio-  
nem pecca-  
torum no-  
strorum.L. de per-  
sona Petri.

stinus epist. 80. ut aliud se penetrari velint, ne videamur tantum ex commentario sapere, & ex ipsis Scripturæ verbis non audere congrédi, diligenter inspiciamus & verba & intentionem Salvatoris, quibus ista Petro loquebatur. Nam Sacras Scripturas aut illustrium virorum dicta ad suum sensum trahere volentibus non est difficile verba aliquot truncare; & ex iis, ut ait Hieronymus, Homeri centones aut Virgilii centones imperitè texere, quibus fidei veritas apud imperitos imperitè aut confirmari aut improbari videatur.

Petrus igitur cum in ea præsumptione versaretur, ut tentationibus Diaboli aut mortis formidini suâ se virtute posse resistere putaret; prædixit ei Dominus quoddam hujus præsumptionis merito, priusquam gallus cantaret, ter eum esset negaturus: sed ne cum Juda desperaret, & à Domino in æternum abjiciendus putaretur, ait Christus se pro illo rogasse, non ut non tentaretur, & tentatus formidine laberetur, sed ne deficeret fides ejus: id est, inquit Beda, ut post lapsum negationis ad pristinum statum penitendo resurgeret, seu, ut ait Chrysostomus super Joannem, ne in fine periret. Nam hujus orationis merito Dominus Petrum respexit, & respiciendo correxit. Quapropter eum etiam admonet Dominus ut à sua negatione conversus, suum lapsum considerans, alios similiter lapsos suæ reparationis exemplo, ne de venia fortè desperent, ut inquit Beda, erigat; quod & nunc procul dubio facit Petrus, inquit Leo, & mandatum Domini pius Pastor exequitur, confirmans nos exhortationibus suis, & pro nobis orare non cessans ut nullâ tentatione superemur. Quoddam verò Casertanus & Catharinus, & fortè plures recentiores hanc scripturam de fide inforti accipiunt, videtur non tantum antiquis commentariis, verum etiam ipsi textui parum congruere. Dicit enim quoddam Sathanas expetivit Apostolos ut cribraret, sicut cribratur triticum cum ventilando purgatur. Maluisset Sathanas paleas præ manibus habere, & eas in sepes ac foveas ventilando dispergere; sed quia Apostoli, Domino protegente, ad firmamentum pertinebant quod opera manuum ejus annunciat; ideo maluit eos Dominus tritico comparare quod cribrante diabolo non dispergitur cum paleis, sed purgatur & horreo Domini præparatur: sicut ad Romanos scribit Ignatius: *frumentum Dei sum, dentibus bestiarum molar*, (hæc est cribratio) & sic panis mundus inveniar. *K. m.*

Cum igitur prima cribratio Fidelium fuerit in persecutione Judæorum & Tyrannorum; quibus spoliatio bonorum, carceribus, & mortis formidine ad Christi negationem, & Judaicum aut Gentilem cultum compellebantur, sicut etiam Petrus intelligit respondens, Domine, tecum paratus sum & in carcerem & in mortem ire: quomodo credi potest Christus pro Petro & Ecclesia in eo figuratam tantum orasse ut fidem informem servaret, quam tunc vivi absorpti in corde servabant, & in corde servatam, formidine mortis ore negabant.

Posterior ventilatio quæ fit per Hæreticos, & de qua scriptum est: oportet hæreses esse: id est, non tantum corporales persecutiones, quibus Fidelium probatur constantia; sed etiam hæreses, quibus tentetur mentis judicium. Hoc quidem directè agit ut refrigerante charitate non quidem de ore Fidelium tollatur Christi confessio, sed etiam de mente veritatis persuasio. Sed absit ut dicamus Christum pro Petro & Ecclesia in eo figuratam tantum orasse, ut ab Hæreticis tentata fidem informem retineat, quam B. Jacobus etiam demon-



nibus attribuit: sed sicuti post pro omnibus Discipulis & omnibus Ecclesiis apud Joannem oravit, ut omnes in Patre & Filio unum sint, & ut Pater eos in veritate sanctificet; sic etiam ante pro Petro specialiter orasse credendus est, ut in fide & fidei confessione usque in finem perseverans posteris veræ in Christo perseverantiæ præberet exemplum; tum quia Petrus in Discipulis primatum habiturus erat; tum etiam quia in Ecclesia unitatem significabat, extra quam nemo habiturus erat hujus orationis effectum aut fructum. Neque enim puto Christi oratione dignum, ut dicatur peculiariter pro aliquo orasse ut in sceleribus perseverans fidem informem non ad salutem sed ad damnationem cum dæmonibus retineat. Et obsecro ut attendas quàm latum subsannandi campum offeremus Hæreticis, si dicamus Petrum ejusque successores toti Ecclesiæ Præfectos, ad hoc Christi oratione confirmatos, ut contra diaboli tentationes fidem servant informem, quā nec caret ipse diabolus. Facile enim blasphemabunt Petrum cæteris Apostolis imò & Sanctis esse inferiorem, pro quo rem tam exiguum petiverit Christus; nec debuisse Ecclesiæ Dei Sanctæ præfici, quæ fide vivā purificatur, si ad ejus Pastoratum imprimis pertinebat fidei inanis custodia, quæ & malis Christianis & dæmonibus est communis; sed tantum debuisse illi societati præfici, quæ sine bonis operibus de fide gloriatur inani. Deinde etiam verbum, *confirma*, non solet ad inanem credulitatem pertinere; sed ad fortem & constantem Christi confessionem, sicut etiam appellatio sacramenti Confirmationis significat.

K. *confer-*  
*vent.*

Si quæretur an nihil eorum quæ hæc Scripturâ continentur, à Petro in omnes ejus successores, Romanos Pontifices, transierit: Videtur respondendum quoddam secluso Apostolatûs munere, quicquid in Petro potestatis fuerit, hoc totum in universos ejus posteros Romanos Pontifices transierit; sed ea quæ sanctitatis & propriæ operationis sunt, non item. Quia igitur fides quæ per dilectionem operans usque in finem vitæ hujus in Petro permanuit, ad ejus sanctitatem & propriam operationem pertinebat: idèd non opus est illam in omnibus ejus posteris Romanis Pontificibus inveniri, similiter nec conversionem à lapsu; quia neque omnes à primo statu labi oportet, neque omnes lapsos ad pristinum statum restitui. Restatigitur ut videamus, an quod illi dictum est: *confirma fratres tuos*: ad omnes Romanos Pontifices transeat. Si verbum, *confirma*, potestatem & munus Pastorale significet, quo Petrus à Christo officium & præceptum accepit omnes in fide confirmandi & pietate; hoc sine dubio ad omnes ejus posteros transit.

K. *non o-*  
*portet.*

Cæterum quia Petrus vivente adhuc Christo in carne mortali ante passionem non putatur munus & autoritatem Pastoris accepisse, sed tantum post resurrectionem Christi, quando ei dictum est, *Pasce oves meas*: idèd non immeritò potest dubitari utrùm verbum istud: *confirma fratres tuos*: quod illi ante passionem dictum est à Domino, non tanquam Pastori dictum sit, sed tanquam fratri, qui fraternâ dilectione quâ pollebat, fratrum curam debet gerere. Nam hoc verbum sic videtur Leo intellexisse, cum ait quoddam & nunc proculdubio hoc faciat Petrus & mandatum Domini pius Pastor exequatur, confirmans nos exhortationibus suis, & pro nobis orare non cessans, ut nullâ tentatione superemur: sicut superius citavimus. Neque enim nunc exhortando & orando pro

L. *nulli*  
*tentationi-*  
*bns.*

pro nobis in cœlis, pro nobis Pastoris partem, quæ per mortem evacuatur, exequi putandus est; sed tantum pii Patris dilectionem. Si verò verbum, *confirma*, non potestatem, sed rectam potestatis executionem significat, quæ in Petro & quovis ejus successore operationis est propriæ, non oportet illam ad omnes posteros transire: tum quia per violentiam aut voluntatem propriam potest aliquis eorum in totum ab usu potestatis abstinere: tum quia puto quoddam etiam in hoc Pastorum ordine non desint, qui datâ sibi potestate non legitime fungantur; sed ad eos Pastores pertineant, de quibus Ezechielis 34. dicitur: *Vae Pastoribus Israël, quod crassum erat, occidebatis; gregem autem meum non pasciebatis: quod infirmum fuit non solidastis, & quod ægrotum non sanastis; sed cum auctoritate imperabatis & cum potentia: & dispersæ sunt oves meæ, eo quod non esset pastor; functione legitimâ, scilicet, sed tantum potestate: de quibus etiam Jeremias 23. Vae Pastoribus qui disperdunt & dilacerant gregem pascuæ meæ.*

Debemus quidem optare & instanter orare ut non tantum Romani Pontifices, sed etiam omnes omnino Pastores in munera pastoralia toti incumbant, & gregem suum sic pascant, ut nullâ officii sui parte claudicent: sed quia merentibus peccatis nostris, id non consequimur à Domino; non debemus sic hominibus placere, ut nostrâ adulatione id eis tribuamus quod sacra Scriptura non tribuit; nempe ut suâ potestate abuti non possent, præsertim hisce novissimis temporibus, quibus refrigescente charitate homines seipso amantes quanto minus merentur, tanto facilius sibi tribuunt (quod sancti & eruditi Patres ne audire quidem voluissent) quorum cupiditati non debemus nostrâ adulatione patrocinari. 1575.

# MICHAELIS BAII

## RESPONSIO

### LAURENTIO

### WESTERHOVEN,

Majoris Collegii Lovaniensis

MODERATORI:

*De eodem argumento.*

**E**Ruditissime Domine; Autoritates per te adductæ vix videntur attingere questionem quam versamus, nempe, utrum ex isto Christi verbo: *Ego pro te rogavi, Petre, ut non deficiat fides tua*: satis clarè ostendatur quòd summus Pontifex definiendo ea quæ sunt fidei errare non possit, sive id solus faciat, sive cum paucis sibi placentibus, sive cum ratione aut Catholicæ Ecclesiæ Concilio. Quia quæstio est de claro & certo sensu jam dictæ scripturæ; autoritates verò de re loquuntur, nec dictam scripturam nisi obiter citant: idque non ad hoc ut ostendant personam Pontificis, quando sola aut cum paucis aliquid decernit, nunquam errasse; sed Ecclesiam Catholicam, de qua Dominus Turnhout (Driedo) tanquam per Petrum figuratâ, etiam dictam scripturam intelligit. Sed satis sentio sicut Pyghio, sic etiam tibi videri Ecclesiam errare non posse, & columnam ac firmamentum esse veritatis, non quia à Christo per Pastores ac Doctores in fide & veritatè occultâ inspiratione & doctrinâ confirmatur, sicut docetur Ephes. 4. sed tantum quia externo Romani Pontificis ministerio, seu potius austero & potenti imperio in fide custoditur. Id quod & Pyghio & tibi probandum esset: quia licet summus Pontifex inter Pastores & Doctores, per quos Christus corpus suum ædificat, primum locum teneat; attamen non est solus Pastor & Doctor Ecclesiam Christi in fide custodiens, sicut testatur Cyprianus epistola 67. dicens copiosum esse corpus Sacerdotum, ut si quis ex collegio hæresim facere tentaverit, subveniant cæteri: ut interim taceam quod externum ministerium parum juvare queat sine interno Dei auxilio, quo Deus frequenter oves suas custodit sine omni externo ministerio, sicut ostendit Augustinus in sermone de *Pastoribus*, notans quòd Deus apud Ezechielem dicat se liberaturum oves suas de manu Pastorum; nec addit quòd eas traderet

trader bonis Pastoribus, ut pascantur: sed dicit quòd ipsemet eas pascet, sicut sine Pastorum & Doctorum ministerio pavit Abraham, Isaac, Jacob, Job, & similes.

Cæterùm multi videntur falli hoc argumento: Potestas præciendi quæ fidei sunt, est in solo Pontifice &c.: Igitur inventio, conservatio, & doctrina veritatis ab eo solo pendet. Ad quod respondeo, quòd potestas in uno sit, sed rectus potestatis usus in rebus gravibus non facile fit sine multorum consilio: quia omnis sapientia à Domino Deo est, nec facilè scimus per quem velit eam Deus Ecclesiæ suæ revelare; an per superiorem cui data est potestas, an verò per inferiorem, ut in superiore Ecclesiastico non tantùm honoretur potestas, sed etiam conservetur humilitas. Unde etiam frequenter contestatur Cyprianus se sine Cleri imò populi sui conscientia nihil velle facere. Et certè cùm omnis sapientia à Domino Deo sit, & Spiritus dividat singulis prout vult; & si alii revelatum fuerit sedenti prior taceat, inquit Apostolus; & cùm David per Natham, & Apostolus Paulus per Agabum de veritate sit edoctus; non videtur præsumptione carere quòd quis non sapientiâ sibi à Deo datâ, sed tantùm potestate fretus in rebus arduis sine sapientium & multorum consilio pronunciet: præsertim cùm non ignoret per quosdam inferiores longè plura revelata esse Ecclesiæ suæ quàm per supremos; ut per Augustinum, Hieronymum & similes, quàm per Romanos Pontifices.

Quapropter rectissimè dictum videtur per Joannem de Turre-cremata Apostolicas Sanctiones intelligendas non quæ occultè & inconsultè per solum Romanum Pontificem, aut etiam per ipsum cum paucis sibi faventibus ad partem proferuntur; sed quæ maturo & gravissimo sapientum virorum consilio digestæ & maturatæ sanciantur; quia hæc non ex humana præsumptione, sed Apostolicâ humilitate & revelatione divinâ profectæ videntur: quàm humilitatem requisivit Christus cùm ait: *Discite à me quia mitis sum & humilis corde.* Qui verò tanquam unicorines sibi ipsis sapientes actus suos præsertim in rebus arduis aliorum consiliis juvari nolunt, superbiæ & præsumptionis merito à Deo deserti facilè in ea incidunt quæ à Deo non sunt.

Ex qua causâ forsitan apud Psalmistam Christus pro se & membris suis orat non tantùm ex ore Leonis, sed etiam à cornibus unicornium servari humilitatem suam: id est, à potestate superborum, qui suo freti consilio in sua sapientia omnem rei bene gerendæ, & potestate suâ benè vivendi fiduciam collocant, non considerantes vias nostras & consilia à Deo dirigi, idque frequenter per inferiores, quorum debent superiores audire consilia, ne ex præsumptione potestatis oblivio nascatur humilitatis.

De hac re sic loquitur Joannes de Turre-cremata in suæ Sum. lib. 3. cap. 64. *Magis rationabiliter standum foret iudicio primùm totius Concilii, quàm iudicio Romani Pontificis. Ista conclusio, inquit, videtur colligi ex Glossa inc. ANASTASIUS. dist. 19. quæ ita habet: PAPA TENETUR REQUIRERE CONSILIUM EPISCOPORUM, UBI DE FIDE AGITUR: ET TUNC SYNODUS MAJOR EST PAPA; quod intelligendum est de majoritate discretivi iudicii, secundum quod non dubium quin rationabiliter Concilium sit majus Romano Pontifice. Nam, ut Bernardus dicit, quæ major superbia, quàm quòd unus homo toti congrega-*



*zioni iudicium suum præferat; tanquam ipse solus habeat Spiritum Dei? Propter quod Archidiaconus approbans Glossam præfati capitis: ANASTASIUS: dicit: periculum esset fidem necessariam committere arbitrio unius hominis. Et non modò Papa Universalis Concilio, sed etiam unicuique qui melius sentiret, deberet credere plus quàm sibi: sicut exemplum habemus de B. Petro qui Pauli resistentis sibi rationibus acquievit: de quo pulebrè Cyprianus in quadam epistola ita loquitur: Nam nec Petrus, quem primum Dominus elegit, & super quem ædificavit Ecclesiam suam, cum secum Paulus de Circumcisione postmodum disceptasset, nec vindicavit sibi aliquid insolenter, aut arroganter assumpsit; nec dixit se primatum tenere, & obtemperari à novellis & posteris sibi potiùs oportere; nec despexit Paulum quoddam Ecclesiæ priùs persecutor fuisset; sed consilium veritatis admisit, & rationi legitimæ quam Paulus vendicavit, tacilè consensit, documentum nobis & concordie & patientiæ tribuens, ut non pertinaciter nostra amemus, sed quæ aliquando à fratribus & collegis nostris utiliter & salubriter suggeruntur, si sint vera & legitima, ista potiùs quàm nostra dicamus. Hactenus Joannes de Turre-cremata. Reliqua istius Responsionis desiderantur.*



B A I A N A,

S E U

M I C H A E L I S

B A I I

O P E R U M

S E C U N D A P A R S:

Complectens Scripta quæ controversias spectant  
occasione sententiarum

M I C H A E L I S B A I I

E X O R T A S.

W A T A N A

U

MICHAELIS

B A I I

U R U M

ALUMINUM TARS:



Legatus Solis per universas regiones  
perpetuum ministerium

ALUMINUM TARS

ALUMINUM TARS

# C E N S U R A

## F A C U L T A T I S

### T H E O L O G I C Æ

### P A R I S I E N S I S,

*In octodecim sententias quas Michaëli Baio perperam  
tribuebant, emendata ad fidem MSS.*



Anno Domini millesimo quingentesimo sexagesimo, die Jovis, vicesima septima mensis Junii, Sacratissima Theologia Facultas Parisiensis, post Missam apud Collegium Sorbonæ ex more celebratam, in eodem Collegio per juramentum congregata est in materia fidei, super propositionibus infra scriptis, per eandem Facultatem cum matura deliberatione Magistrorum nostrorum Censurâ notatis, quas F. Petrus de Quercu, Guardianus Conventus Nivellensis, & F. Egidius de Querceto, Guardianus Aithensis, prædictæ Facultati miserunt, sigillis prædictorum Conventuum signatas: rogantes omnino, ut super iis dicta Facultas Censuram ferret. Quarum propositionum tenor sequitur, cum censura ad easdem.

#### I. *Propositio.*

*Liberum arbitrium hominis non habet potestatem ad opposita; nec illi convenit esse potestas ex ipsius naturali & intrinseca ratione.*

### C E N S U R A.

*Prima pars hujus propositionis est hæretica; secunda est falsa (1) & morali philosophia adversa.*

(1) Al. ad  
debat &  
citanda.



2. *Propositio.*

*Libertas & necessitas eidem conveniunt respectu ejusdem: & sola violentia repugnat*  
 (1) *Al. ad libertati naturali.* (1)  
*del. homi-*  
*ni.*

## C E N S U R A.

*Hujus propositionis prima pars includit contradictionem, & est hæretica: secunda est falsa.*

3. *Propositio.*

(2) *MSS. in sua significatio-*  
*ne.* *Liberum arbitrium* (2) *ex sua ratione intrinseca non habet, ut ex se, de se, &*  
*per se efficiat actum liberum.*

## C E N S U R A.

*Hæc propositio est falsa, erronea, & perniciofa.*

4. *Propositio.*

*Liberum arbitrium ex se non potest nisi peccare: & omne opus liberi arbitrii sibi di-*  
*missi est peccatum mortale aut veniale.*

## C E N S U R A.

(3) *Al. pro utraque parte.* *Hæc propositio* (3) *utraque sui parte est hæretica.*

5. *Propositio.*

*Homo faciendo quod in se est, peccat: & non potest non peccare, faciendo quod in*  
*se est.*

## C E N S U R A.

*Tota hæc propositio est hæretica.*

6. *Propositio.*

(4) *Al. o-*  
*jusmodi pe-*  
*ccandi po-*  
*ssentia pec-*  
*candi ho-*  
*mini data*  
*est à Deo.* *Possè peccare non est de ratione liberi arbitrii hominis; nec* (4) *hujusmodi peccandi*  
*facultas homini à Deo data est.*

## C E N S U R A.

*Hujus propositionis prima pars est falsa: & secunda hæretica.*

7. *Propositio.*

*Liberum arbitrium hominis non potest absque speciali gratia Dei vitare peccatum: unde fit, ut omne opus hominis pure infidelis, sit peccatum.*

## C E N S U R A.

*Hujus propositionis secunda pars est falsa, & malè ex (1) priorè inferitur.*

(1) *Al. praevidenti.*

8. *Propositio.*

*Liberum arbitrium liberè vult quicquid sponte, seu voluntate (2) vult: ita ut (2) Al. quod liberè vult, idem necessariò velit.*

*sponte sua voluntariò vult, ita ut quod necessariò vult, idem liberè velit.*

## C E N S U R A.

*Hujus propositionis secunda pars implicat contradictionem, & est haeretica.*

9. *Propositio:*

*Haereticus, & Schismaticus, & homo non pure infidelis, meretur quandoque de condigno vitam æternam.*

## C E N S U R A.

*Hæc propositio est planè haeretica.*

10. *Propositio:*

*Homo existens in peccato mortali, sive ejus reatu ad æternam mortem, habet in se charitatem.*

## C E N S U R A.

*Hæc propositio est haeretica.*

11. *Propositio:*

*Per contritionem, non adhibito realiter sacramento Baptismi vel penitentia, non (3) Al. dimittitur (3) peccatum extra casum martyrii aut necessitatis,*

*crimen.*

## C E N S U R A.

*Hæc propositio est haeretica. (4).*

(4) *MSS. add. & schismatici.*

12. *Propositio.*

Peccator sū faciat quod mandatur per contritionem, & confessionem factam sacerdoti, non remittitur illi peccatum, nisi sacerdos absolvat, etiam si per malitiam & absque ratione sacerdos illi (1) denegat absolutionem.

(1) Al.  
negot.

## C E N S U R A.

Hæc propositio est hæretica.

13. *Propositio.*

(1) Al. n. Non (2) sine Pelagiano errore admitti potest ante primam justificationem in homine, aliquis liberi arbitrii usus bonus: & qui se preparat ad eam, peccat, ut is qui pessimè (3) utitur suis (4) bonis naturalibus; nam ante eam omnia (5) opera hominis sunt peccata damnatione digna.

(1) Al. n.  
(2) Al. a.  
bntitur.  
(4) MS. 1.  
bonis.  
(5) MS. 2.  
omnia sunt  
peccata.  
(6) Al.  
amitt. snu.

## C E N S U R A.

Hæc propositio pro omnibus (6) suis partibus est hæretica.

14. *Propositio.*

(7) Al. p. Non datur gratia nisi reluctanti, (7) proinde nec prima justificatio; (8) quia justificationis est ipsa fides: fides enim est quæ ex impio quis fit (9) justus.

(7) Al.  
p. n.  
(8) Al.  
p. n.  
(9) Al.  
p. n.

## C E N S U R A.

(10) Al. Hujus propositionis duæ (10) partes sunt hæreticæ, & tertia est falsa.

15. *Propositio.*

(11) Al. Homo necessario peccat etiam damnabiliter in aliqua specie peccati; & actus (11) in quem necessario fertur, est illi peccatum: quare ut liberè feratur in actum, non est conditio necessaria ad peccandum.

(11) Al.  
ad.

## C E N S U R A.

Hæc propositio est hæretica pro omnibus partibus.

16. *Propositio.*

Nemo præter Christum est absque peccato originali: Hinc B. Virgo mortua est propter peccatum quod contraxerat ex Adam: omnesque ejus afflictiones in hac vita, sicut & aliorum justorum, sunt ultiones peccati originalis vel actualis. Unde & Job passus est, & omnes Martyres propter sua peccata.

C E N -

## CENSURA.

*Hæc propositio pro omnibus suis partibus est hæretica, & Beatæ Mariæ (1) Sanctissimæque omnibus injuriosa.*

(1) *Al. Virgini Dei genitrici & Sanctissimæque injuriosa.*

17. *Propositio.*

*Omnia in gloriam Dei facite: &c, dico vobis non resistere malo: hæc sunt simpliciter ut præcepta accipienda.*

## CENSURA.

*Hujus propositionis posterior pars (2) est falsa.*

(2) *Al. ut jacet, est hæretica.*

18. *Propositio.*

*Omne opus bonum est meritorium vitæ æternæ: quod si aliquod remuneretur temporaliter (3) tamen non dignum vitæ æternæ, illud malum est, quia nullum est opus meritorium, nisi æterna vita.*

(3) *Al. tantum.*

## CENSURA.

*Hæc propositio tota repugnat Sacra Scriptura.*



Ex MSS.  
C. K. pri-  
mam edi-  
ta.

# MICHAELIS BAII ANNOTATIONES

I N

## S O R B O N Æ C E N S U R A M.

*Honorando Patri Antonio Sablonio nuper in partibus  
Flandriæ Provinciali Fratrum Minorum;*

MICHAEL DE BAII.

(a) MSS. C.  
Belgii.



Acceptis nuper Censuris quæ passim (a) in Belgio nomine Sorbonæ Parisiensis in octodecim propositiones circumferuntur, & quæ partim verè partim calumniosè, ut intelligo, quibusdam vestris Fratribus adscribuntur, Honorande Pater, diu hæc suspensus quid facerem, an omnino tacerem, an breviter ostenderem in his Censuris nonnulla contineri manifestæ veritati contraria. Ad tacendum hortabatur tam antiquæ tamque numerosæ Facultatis veneratio, quam rebus in Gallia turbatis, ob nonnullos infirmos illæsam servari cupiebam, ne fortè Hæretici nostro studio abuterentur ad persuadendum populo quoddam etiam pro fide differens audienda non esset, si in harum propositionum nonnullis palam errasse ostenderetur. Deinde cum unius communionis finis & ejusdem corporis membra, summo opere cavendum judicabam ne quisquam nostrum ab altero læderetur. Cæterum ad respondendum impellebat tum veritatis catholicæ tum illorum Fratrum injuria, quos propter veritatem passim cum Ecclesiæ detrimento infamari sentiebam prætextu harum Censurarum, quas tamen non dubito aut (b) supposititias esse, aut certè per æmulos Sorbonæ Parisiensis in quorundam subversionem non satis bonis artibus ipsis insciis clam extortas. Deinde sperabam eos qui Censuras, non malitiosè forsitan, sed incogitanter duntaxat, aut ab æmulis impulsu protulerunt, non ægrè laturos rectam admonitionem, sed acceptâ ratione aut suam sententiam mutatu-  
ros, aut excusatu-  
ros quod circumventi sint astutus quibusdam machinationibus; præsertim quia non ignorant se in his quæ ad fidem pertinent, propriè Censores non esse, sed doctores; & adju-  
tores fidei nostræ, non dominos. Doctores enim sunt à Domino constituti, non domini ac judi-  
ces.

(b) MSS. C.  
suppositas.

ces. Movebat etiam quòd memineram Sorbonam Parisiensem in Censuris non tantum circa has propositiones, si tamen ejus sunt; verum etiam circa alias quæstiones sibi propositas decretis summi Pontificis, potestate sibi à Deo concessa legitime fungentis, (quod omnibus (a) obedientiæ filiis merito displicet,) adhuc etiam nostram memorià contra veritatem obstitisse. Taceo enim quæ nostram memorià præcesserunt: ut in dispensatione facta Henrici VIII. Regis Angliæ cum matre Mariæ novissimè defunctæ, quam cum magno fidei catholicæ & Reginæ suæ præjudicio damnavit: similiter in damnatione instituti Societatis Jesu à Summo Pontifice sæpius confirmati, & nunc omnium pene Fidelium consensu probati. His igitur rationibus adductus pauca quædam annotavi tam circa propositiones, quàm circa Censuras earundem, quæ (b) si tibi probabuntur, Vestra paternitas poterit eis legenda permittere quibus judicabis sine cuiusquam injuria posse prodesse: sin verò minus, licebit exiguo chartæ detrimento suppressere. Decreveram has Annotationes ante omnia curare exhiberi alicui Magistro Sorbonæ, ut responso accepto cognoscerem quid magis expediret. Sed interim intellexi ab amico agente (c) Parisiis quòd Magistri Sorbonæ recusassent dare exemplar legitimum unde certò (d) possem cognoscere an hæ Censuræ eorum essent, an non. Quapropter metuens ne frustra etiam responsum expectarem, mutato proposito nihil aliud restare putavi, quàm ut iis studerem consulere, quos prætextu harum Censurarum passim injustè lædi sentiebam, si ve à Sorbona profectæ sint, si ve non.

(a) M.S. C.  
advocato-  
riis.

(b) M.S. C.  
si proba-  
buntur Ve-  
stra Paterni-  
tatis, po-  
teris.

(c) M.S. C.  
Laetia.

(d) M.S. C.  
posse co-  
gnoisci.

Has reddiderunt Censuras anno 1560.

Ex MSS.  
K. an.  
1574. &  
C. an.  
1578. ex a-  
rat. jona  
primam  
edita.

# MICHAELIS BAII

I N

## PROPOSITIONES

E T

C E N S U R A S,

QUÆ PASSIM NOMINE

S O R B O N Æ

Circumferuntur

B R E V E S A N N O T A T I O N E S.

### PRIMA PROPOSITIO.



*Librum arbitrium hominis non habet potestatem ad opposita: nec ei con-  
venit ea potestas ex ipsius intrinseca & naturali ratione.*

### C E N S U R A.

*Prima pars hujus propositionis est heretica: secunda falsa & mora-  
li Philosophiæ adversa.*

### A N N O T A T I O.

Quamvis vox, *liberum*, sive *libertas*, quantum memoriâ consequi possum  
in Scripturis Sanctis nunquam sic accipitur ut opponatur necessitati; sed po-  
tius servituti: cui significationi est impertinens utrum id quod liberum esse di-  
citur, in omnibus iis potestatem habeat ad opposita in quibus liberum esse di-  
citur; sed à Philosophis accepta sit significatio, quâ quippiam liberum ex eo di-  
citur quodd aliquid facere potest ac idem omittere: Attamen placet Censura;  
quia licet non hoc nomine, alio: amen (a) quodam sermone in Scripturis sæpius  
continetur quodd voluntas hominis, (quæ cum ratione liberum constituit ar-  
bitrium, )

(a) Omit.  
quoddam.

bitrium,) hoc modo loquendi libera sit: ut cum de justo dicitur: *qui potuit transgredi, & non est transgressus*, &c. Ecclesiastici 31. manifestè significatur justum suâ voluntate Domini mandatum servasse, & quod illud etiam prævaricari potuerit.

## II. PROPOSITIO.

*Libertas & necessitas eidem conveniunt respectu ejusdem: & sola violentia repugnat libertati naturali.* (a)

(a) *Contra-  
naturalis hu-  
mini.*

## CENSURA.

*Hujus propositionis pars prima includit contradictionem, & est hæretica: secunda est falsa.*

## ANNOTATIO.

Qui in Philosophia detriti nullam libertatis significationem attendunt, nisi quam in Scripturis Sacris non didicerunt; auditâ hâc sententiâ: *libertas & necessitas eidem conveniunt respectu ejusdem*: non immeritò exhorrescunt ob contradictionem, quam eis suggerit ea libertatis definitio, quam solam cogitant. At si diligenter versati essent in Scripturis Sacris, & eorum Patrum monumentis, qui alteram libertatis significationem, quæ sola in scripturis sacris reperitur, usurpant sæpius, secundum quam verè liber est qui servit justitiæ, sive ab illa excidere possit sive non. *Tunc enim vera pax & vera libertas* (inquit Leo Serm. 1. De Quadrag.) *quando & caro animo judice regitur, & animus Deo præside gubernatur*: hac assertionem sibi propositâ sine adjunctis, ex quibus rectè coningere possunt utrâ significatione sumi debeat libertatis nomen: tunc aut censuram suspenderent, aut certè distinctionem adhiberent, dicentes quòd sumendo libertatis nomen sicut in Philosophia sumitur, falsa est & hæretica propositio, (b) quâ dicitur libertas & necessitas eidem convenire respectu ejusdem; sed in ea significatione, quâ & Christus & Apostoli hâc voce uti sunt, (b) *Quâ vera erit propositio, ut ibi: 'Si Filius Dei liberaverit vos, tunc verè liberi eritis'*: dicitur quòd. (& (c) Gal. 4. *non sumus ancillæ filii, sed liberæ, quâ libertate Christus nos liberavit*.) &c, promittentes illis libertatem, cum ipsi sint servi corruptionis: rursus, ubi Spiritus Domini ibi libertas: (c) *C. hæc omittit.*

Neque enim hoc modo tantum liberi sunt qui in hac vita justitiam diligunt, quam etiam possunt non diligere; sed etiam multò magis qui de corpore mortis hujus liberati sunt, & sic adhærent justitiæ, ut non possint illi non adherere. Et hoc modo liberum arbitrium liberamque voluntatem in re necessaria quæ aliter esse non potest, clarissimè ponit Augustinus c. 105. Enchyrid. sic inquiens: *Sic enim oportebat hominem prius fieri ut & benè velle posset & malè: nec gratis, si benè; nec impudè, si malè. Postea verò sic erit, ut malè velle non possit; nec ideo liberò carebit arbitrio: multò quippe liberius erit arbitrium, quod omnino non poterit servire peccato. Neque enim culpanda est voluntas, aut voluntas non est, aut libera dicenda non est, quâ beati sic esse volumus, ut esse miseri non solum nolumus, sed nequaquam etiam velle possimus: sicut ergo nunc etiam anima nostra velle infelicitatem;*



ita tunc nolle iniquitatem semper habitura est. Hæc Augustinus. Et rursum de *Corrept. & grat.* cap. 4. & 12. Quid eris liberius libero arbitrio, quando non poteris servare peccato: prima voluntatis libertas erat, posse non peccare; novissima eris multo major, non posse peccare. Hæc si Sorbona attendisset, forsitan non tam precipitanter hæreticam propositionem pronuntiasset, quæ secundum Scripturas Sacras & Veterum monumenta Patrum verissima & fidei catholicæ consona ostendi potest, ut jam ostensum est. (a) (Vide & Aug. cap. 45. de natura & gratia.)

(a) Omit-  
tit ista.

### III. PROPOSITIO.

(b) AL  
significa-  
tione.

*Liberum arbitrium in sua (b) ratione intrinseca non habet ut de se, in se, ex se aut per se efficiat actum liberum.*

### CENSURA.

*Hæc propositio est falsa, erronea & perniciofa.*

### ANNOTATIO.

Hæc Censura satis convenit, nisi fortasse is à quo hæc propositio manasse putatur, actum liberum ab ea libertate intelligat, quâ Christus nos liberavit. Talem enim actum (c) non potest voluntas humana (qualis nunc est) ex se præstare; sed solum ex ea quam nobis Filius impertit libertate.

(c) K.  
actum libe-  
rum.

### IV. PROPOSITIO.

*Liberum arbitrium non potest ex se nisi peccare: & omne opus liberi arbitrii sibi dimissi est peccatum mortale vel veniale.*

### CENSURA.

*Hæc propositio pro utraque sui parte est hæretica.*

### ANNOTATIO.

Quoniam propositio hæc in sermone duas partes habeat, sicut Censura notavit; res tamen una est. Idem enim est: liberum arbitrium ex se nihil aliud potest, quam peccare: &, omne opus liberi arbitrii sibi dimissi esse peccatum. In quo etiam continetur quod infra propositione septima dicitur: omne opus hominis purè infidelis esse peccatum: quia quisquis infidelis permanet, is sic à Deo deseritur ut nec ad credendum adjuvetur: at infidelem non oportet esse eum, quisquis in aliquo opere à Deo derelinquitur: sicut à Paralip. 5. de Ezechia legimus quòd in legatione Principum Babylonis qui missi fuerant ad Ezechiam ut interrogarent de portento quod acciderat super terram: Dereliquit enim eum Dominus ut per infidelitatem ad (d) cultum idolorum dilata-

(d) K. idola-  
tium.

dilaberetur. Quapropter plus complectitur ista propositio, quàm illa quæ septimo loco ponitur.

Quòd igitur sententia hæc: *Omne opus liberi arbitrii sibi dimissi peccatum est*, non sit hæretica, sicut Sorbona malè censuit; sed verè catholica & Scripturis Sacris Veterumque Doctorum monumentis (a) omnino consona sic ostenditur. Qui facit peccatum, servus est peccati, & diaboli laqueis irretitur, ad ejus voluntatem, quæ tota (b) peccati est, captivus tenerur: Ergo nihil aliud quàm peccat. Nam, ut ait Augustinus Enchyr. 30. *quid boni potest operari perditus, nisi quantum fuerit ad perditionem liberatus?* Et, *quandiu homo est peccati servus*, inquit Fulgent. de incarnat. Christi cap. 15. 19. *non nisi ad serviendum peccato reperitur idoneus*. Et Augustinus lib. 3. contra duas epistolas Pelag. c. 8. *Liberum arbitrium (c) captivatum non nisi ad (d) peccandum valet*. Enchyr. c. 30. (c) *cap-tivum*. *Qualis enim potest servi addicti esse libertas, nisi quando eum peccare delectat: ac per hoc ad peccandum liber est qui peccati servus est: sed talis est quisquis qui à Deo non juvatur ut à servitute diaboli liberetur: quia dum fortis armatus custodit atrium suum, nisi fortior illo supervenerit, in pace sunt omnia quæ possidet*. Igitur omne opus liberi arbitrii sibi dimissi, peccatum est & servitus peccati. Augustinus lib. 4. Confess. cap. 1. & super 1. Joannis Epistolam: & de Verbis Apost. serm. 19. *Sed hic fortiter vigilate*, inquit, *ne dicat spiritus vester, si subtraxerit se cooperatio & adjutorium Dei; Spiritus meus facit hæc, etsi cum labore, etsi cum difficultate potest tamen implere*. Non sic est: adjutorium Christi prorsus (e) si defuerit, nihil boni agere poteris. Agis illo non adjuvante liberâ voluntate, sed (f) malè. Cum tibi dico sine adjutorio gratiæ Dei nihil agis, nihil boni dico. Nam ad malè agendum habes sine adjutorio Dei liberam voluntatem. Et epist. 106. Pelagium in hoc graviter accusat quòd interdum ita paribus momentis potestatem voluntatis æquâ lauce perpendat, ut aliquantulum etiam ad non peccandum valere definiat: (g) *(quod si ita est, inquit, nullus locus adjutorio gratiæ reservatur, sine qua nos dicimus ad non peccandum nihil valere libertatis arbitrium*. Si Pelagianum est dicere potestatem voluntatis sine adjutorio gratiæ ad non peccandum nihil valere: igitur sententia catholica est liberum arbitrium sine adjutorio gratiæ nihil aliud quàm peccare. Sic l. 1. de pecc. mer. c. 18. dicit bonum motum voluntatis non esse nisi Deo adjuvante.) & (h) (lib. 2. de peccar. merit. cap. 8. apertè ostendit Augustinus omnem motum voluntatis esse bonum aut malum, malum ex nobis, bonum non nisi ex Deo adjuvante.) Si enim gratia se subtraxerit, inquit Augustinus, de grat. & lib. arb. cap. 6. *cadit homo non erectus sed præcipitatus libero arbitrio: juxta illud Psalmistæ: avertisti faciem tuam à me, & factus sum conturbatus*. Necessè est enim, inquit Cœlestinus epist. ad Episcopos Galliæ, cap. 6. *ut quo auxiliante vincimus, eo non auxiliante vincamur*. Et Zozimus Papa ibidem cap. 9. *quod ergo tempus intervenit, quo ejus non egeamus auxilio? In omnibus igitur actionibus, causisque, cogitationibus & motibus adjutor & protector rogandus est*. Superbum enim est (i) *quicquid humana sibi præsumit natura, clamante Apostolo: non est nobis colluctatio adversus carnem & sanguinem, &c.* Si tantum dixisset Zozimus, (i) *in omnibus rogandus est adjutor*; non deessent qui clamarent (k) *in omnibus necessarium adjutorem ad benè operandum, sed non ad vitandum malum; quamquam tamen & vitare malum (l) non possit*.

possit non esse bonum. Verùm quando addidit quòd in omnibus etiam protector orandus est, quia non est nobis colluctatio adversus carnem & sanguinem; quis non videt quòd quemadmodum ex eo quòd in Oratione Dominica dicimus? *Fiat voluntas tua*: Ecclesia Catholica intelligit in omni opere bono necessarium esse gratiæ divinæ auxilium; sic etiam ex eo quòd dicimus: *(a) ne nos inducas in tentationem*: etiam *(b)* cum ipsa intelligere debemus idem auxilium in omni *(c)* tribulatione & tentatione esse necessarium ut à malo declinemus, id est, ut malum non faciamus: quia in his omnibus superamus, inquit Apostolus, per eum qui dilexit nos. Nam post casum hominis, teste Augustino de bono perseverantiæ, cap. 7. non nisi ad gratiam suam Deus voluit pertinere *(d)* (ut homo accedat ad eum; neque nisi ad suam gratiam voluit pertinere) ut homo non recedat ab eo: ac per hoc sicut operatur ut accedamus, sic operatur ne *(e)* discédamus. Divini enim Muneris est (inquit Concilium Arausicanum 11. can. 2.) cum & rectè cogitamus, & pedes nostros à falsitate & injustitiâ tenemus. Unde Chrysostomus homil. 24. in Epistol. 1. ad Cor. tractans illud Apostoli: *faciet cum tentatione proventum*: suntne ergo tentationes, inquit, quas sustinere non possumus? & quænam sunt illæ? Omnes, ut ita dicam, possibilitas enim in divino nutu est: *(f)* quare ut certò cognoscas non solum illas, quæ virtutem nostram exuperant, non posse nos sine divino auxilio *(g)* superare, sed ne has quidem humanas; addidit: sed faciet cum tentatione proventum, ut possitis sustinere. Neque enim mediocres quas dixi propriâ virtute sustinebimus, sed in his etiam divino opus habemus auxilio, ut eas pertranseamus, & prius quàm pertranseamus, feramus. Augustinus quoque serm. 13. de verbis Apostoli: si Deus, inquit, non adjuvet; non dico vincere, sed ne pugnare quidem poterimus. Quisquis igitur in tribulatione non deficit, inquit Prosper contra Collatorem cap. 35. ab illo se non dubitet adjuvari ad quem quotidie universorum Fidelium corda clamant: ne nos inducas in tentationem, sed libera nos à malo: *(b)* (quoniam custodit Deus animas Sanctorum suorum.) Hinc Psalmista: Adjutor meus esto, inquit, ne derelinquas me; & rursus: Deus, in adiutorium meum intende; Domine, ad adjuvandum me festina. Quod etiam omnibus horis frequentat Ecclesia, sciens se in nulla tentatione posse subsistere, nisi divino *(i)* indefinenter fulciatur auxilio: quia liberum orbis, inquit Prosper in epist. ad Rufinum, circa finem, (cum liberum esset) sibi permissum, non nisi in suam perniciem movebatur: & lib. 2. de vocat. Gent. cap. 2. Voluntas, inquit, quæ non ab incommutabili voluntate regitur, tantò citius propinquat iniquitati, quantò acrius intendit actioni. Et rursus contra Ingratos: quæ, scilicet voluntas, sine te quid agit, nisi ut procul exulet à te? nam quæ gratia non recto tramite ducit, quantò plus graditur, tantò plus errat. Hinc contra Cassianum sententiam hanc tanquam evidens & expressum Pelagii commentum improbat: Cavendum est nobis ne ita ad Dominum omnia Sanctorum merita referamus, ut nihil nisi quod malum est & perversum, humana tribuamus natura: quam tamen Pelagianam sententiam necessarium est ut non tantum probent, sed etiam ad fidem catholicam pertinere existiment illi qui hæreticum esse pronunciant dicere, quòd omne opus liberi arbitrii sibi relictum sit peccatum. Quòd si Sorbona majoris se autoritatis aut eruditionis existimat, quàm ut hujusmodi testimoniis cedat; saltem ferat ut à domesticis Dei non excludat eos qui humiliter

(a) C. addit: dimittit nobis debita nostra.

(b) K. omitt. cum ipsa.

(c) C. post: cæcitiam & tentatione.

(d) C. omitt. illa.

(e) C. discédamus.

(f) C. addit: quænam virtutem nostram exuperant.

(g) C. facit: sustinere.

(h) K. omitt. ista.

(i) C. omitt. indefinenter.

(k) C. omitt. huius.

liter (a) cedunt, & hujusmodi Scriptorum autoritatibus libentius credunt quam (a) *K. credunt.*  
 Pelagio & Symmisticis ejus acquiescunt. Nec eos tam præcipitanter hæreticos  
 pronunciet, qui adversus Pelagium non tantum præfatis Ecclesiæ Doctores; (b) *K. libentius acquiescunt, quem Pelagio & Symmisticis ejus;*  
 sed etiam excellentissimis Ecclesiæ Romanæ Pastoribus, Zozimo & Cælestino,  
 manifestissime consentiunt. De qua quæstione etiam eleganter disseritur  
 lib. 1. de vocat. Gent. cap. 6. 9. ultra medium usque ad finem: & apud Augusti-  
 num epist. 84. 89. quærit. 2.

## V. PROPOSITIO.

*Homo faciendo quod in se est, peccat: & non potest non peccare, faciendo quod in se est.*

## CENSURA.

*Tota hæc propositio est hæretica.*

## ANNOTATIO.

Origenes lib. 3. *περὶ ἀρετῶν*, dicit dubium non esse quin in omni tentatione  
 adsit nobis tolerandi virtus, si tamen nos competenter utamur virtute concessa: quam virtutem cum Pelagio naturam intelligit. Nam (c) doctrinâ Pelagii (c) *c. Pelagius.*  
 Origenis ramusculus est, inquit Hieronymus in epistola ad Ctesiphontem. Existimavit enim Origenes in nostra potestate esse servare Dei mandata, tam faciendo bonum, quam declinando à malo, sine ullo Dei adjutorio: ut patet ex cap. 2. ejusdem libri *περὶ ἀρετῶν*. Simile quid præ se ferre videntur verba definitivæ sententiæ, quæ usi sunt nonnulli recentiores Doctores, dicentes quod Deus adsit omnibus Infidelibus facientibus quod in se est: sicut ingenuè fateretur Joannes Driedo à Turnhout, in lib. de concordia liberi arbitrii & prædestinationis, dicens quod quantum attinet ad grammaticam significationem, significat, inquit, hominem facere (d) quod in se est, ex his quæ in se (d) *c.*  
 habet: quanquam tamen ei sensum catholicum tribuat. Quia ergo Infideles in se quantum non habent unde boni quidpiam faciant; de ipsis idem rectè dicitur quod faciendo quod in se est, peccant. Nam de eorum voluntate ait Prosper 1. de vocat. Gent. c. 2. 6. quod *sans dicitur propinquant iniquitati, quando acius intendit actioni*; sicut in annotatione præcedentis propositionis dictum est. Sed an hoc etiam ad Fideles extendi queat, qui jam bonæ voluntatis facti, acceperunt benè agendi potestatem; alia quæstio est. Habent enim in se bonam voluntatem, quâ benè vivere possunt; sed quia illam à se factam non habent, sed à Deo præparatam; idem quæstio grammatica est utrum benè vivendo dicendi sint facere quod in se est; an quod Deus in illis est. Scriptura Sacra sæpe sic loquitur ut quod bonum est soli Spiritui Sancto tribuere videatur, ut ibi: *non est in homine via ejus; nec est viri ut ambulet, & dirigat gressus suos: & ibi: non vos estis qui loquimini, sed Spiritus Sanctus qui loquitur in vobis.* Rursus: *Spiritus postulat pro vobis gemitibus inenarrabilibus*, &c. non quod bonum opus alienum sit ab hominis voluntate; sed ne deo quod acceperit, glorietur in semetipso quasi non accepisset. Si.



(a) *G. in  
propria  
virtute.*  
(b) *G. omis.  
loqueretur.*

Si igitur quis simili aliquâ ratione, non tantum de Infidelibus, sed generaliter de omni homine rectè dici putaret quod faciendo quod in se est, id est, quod non ex gratia Dei, sed quod (a) ex propriæ voluntatis virtute potest, peccat; nec aliud assereret, quam quod præcedenti propositione satis defensum est; nec tam absurdè (b) loqueretur, ut ob id hæreticus dici mereretur, sicut præ tendit hujus Censuræ severitas: quia sicut aliud est errare etiam in iis circa quæ versatur fides, aliud hæreticum esse; Hæreticus enim non est, nisi qui erroris sui excusationem non habet: Sic longè aliud est propositio erronea, aliud hæretica: sicut ex Epiphanio & Augustino & cæteris, qui in hujusmodi nonnumquam quippiam passi sunt humani gravissimum infidelitatis impietatisque crimen impingentes, summam injuriam irrogemus. Malim tamen eum qui rectè sentit, clarè eloqui quod sentit; ne ob inordinatum sermonem, malè sentire putetur.

## VI. PROPOSITIO.

*Posse peccare non est de ratione liberi arbitrii hominis: nec hujusmodi peccandi (c) potestas homini à Deo data est.*

## CENSURA.

*Hujus propositionis prima pars est falsa, secunda est hæretica.*

## ANNOTATIO.

Quantum ad priorem hujus propositionis partem attinet, divus Anselmus est ejusmodi Censuræ valde contrarius: si quidem lib. suo de Libero arbit. cap. 2. sic ait: *Quamvis differat liberum arbitrium hominis à libero arbitrio Dei & Angelorum: tamen hujus libertatis denominatio secundum hoc nomen debet esse eadem. Quapropter talem oportet dare denominationem, quæ nec plus nec minus illâ contineat. Quoniam igitur liberum arbitrium Dei & Angelorum non potest peccare; idèd non pertinet ad (d) definitionem liberi arbitrii posse peccare. Denique nec libertas est nec pars libertatis posse peccare, siue potestas peccandi. Hic videre potest Sorbona quem suâ Censurâ refellat, & à quo sua Censura refellatur. Et licet Anselmus tacuisset, adhuc tamen manifestum est Sanctos in futura vita, cum erunt æquales Angelis Dei, & ampliùs peccare non poterunt; non aliâ ratione fore liberi arbitrii, quam sint in hac vita, ubi peccare possunt: sicut nec Christus qui peccare non potuit, aliâ ratione liberi arbitrii fuerit, quam hi qui peccare (e) poterant. Ex quo manifestè sequitur posse peccare non magis esse de ratione liberi arbitrii hominis, quam Angeli: nisi fortasse Sorbona dicere velit Sanctos in futura vita, quando erunt immortales, etiam aliâ (f) ratione fore homines, quam sint in hac vita ubi sunt mortales: quia si posse peccare & non posse*

(d) *K. de  
nominationem.*

(e) *K. pos-  
sunt.*

(f) *G. defini-  
tione.*

posse peccare liberi arbitrii definitionem variant; æquum est etiam ut mortale & immortale etiam variant definitionem hominis; præsertim quia non defuerunt Scriptores in externa sapientia præclari qui mortale & immortale in hominis definitione ponendum censuerunt.

Porro quid Sorbonæ in mentem venit, quando secundam hujus propositionis partem, quæ habet quoddam potestas peccandi homini non sit à Deo; non falsam, ut priorem, sed hæreticam censuerit; non facile possum conjicere: præsertim cum sub iisdem verbis sub finem libri 2. sentent. à Doctõribus Scholasticis tanquam dubia quæstio disputetur utrùm potestas peccandi homini sit à Deo; nisi forte dum plus ad damnandum, quàm ad intelligendum intendit, etiam suos Doctores Scholasticos oblita, per hanc potestatem significari putaverit mentem, voluntatem, aliasve potentias, quibus in hac vita peccamus, à Deo non esse. Id enim manifestè erroneum est. Verùm si id putaverit, valde turpiter hallucinata est in proprietate hujus nominis, (a) *potestas*, seu, *posse*: quod, sicut aliæ multæ voces, quibusdam dictionibus junctum, sæpius à sua significatione propria (b) avocatur, ut significet non potentiam, sed aut impotentiam, ut cum dicimus, molle faciliè dividi posse; aut nudam aliqujus facultatis negationem, ut cum dicimus: quandiu in hac vita sumus, semper labi possumus. Nam hoc dicentes nihil aliud significamus, quàm quoddum mortales sumus, semper possumus à Dei mandatis deficere; nec eam facultatem præditi sumus, quæ præditi sunt Angeli in cælo, ut sumus perfectè stabiles in bono: quam facultatem ubi consequemur, non aliquam poteutiam deperdemus, quâ in hac vita posse peccare dicebamus; sed facultatem quam in hac vita non habuimus, solâ negatione sublatâ, consequemur.

Quodd igitur secunda propositionis pars non debeat dici hæretica, sic ostenditur: Cum omnino non essemus, non à Deo acciperamus ut non essemus, quamvis illo & sciente & consentiente non essemus. Ergo quando sic sumus ut in bono stabiles non sumus; non hoc à Deo accepimus ut stabiles non sumus, quamvis illo & sciente & permittente stabiles non sumus: sed hanc negationem ex eo reservamus quod aliquando omnino nihil fuimus. Deus enim, qui summè est, juxta Augustinum lib. 2. de Civit. cap. 2. rebus quas creavit, esse dedit, sed non (c) summè: *ac per hoc*, inquit lib. 19. de Civit. Dei cap. 13. *ut natura sit, ex eo habet quoddam à Deo facta est; ut autem ab eo à quo facta est, deficiat; ex hoc, quod ex nihilo facta sit.* Idem dicit lib. 2. contra Julian. cap. 8. & (d) de fide ad Petrum, cap. 3. Naturæ (e) igitur à Deo factæ idèd deficere possunt, quodd ex nihilo factæ sunt; peccare autem deficere est: ergo ex eo peccant quodd ex nihilo factæ sunt. Non ignoro partem oppositam à Catholicis quibusdam non absurdè defendi: sed per hoc manifestè (f) omnino convincitur partem hanc talem non esse, (g) ut debuerit hæretica censerì: præsertim exurgentibus nunc undique tot Hæreticorum catervis, quas adhuc ex hujusmodi quæstionibus multiplicare volumus, tot Hæreticorum alvearia facientes, quot occurrerent sententiæ nostris opinionibus aut etiam erroribus contrariæ, faciliè implebimus quod in Evangelio dicitur: *Filius hominis veniens purgabit fidem in terra*, quia universa (h) hæresibus & schismatibus imple-

mus.

(a) *Expositio.*

(b) *C. avocatur.*

(c) *C. summè.*

(d) *Fulgent.*

(e) *C. inquit.*

(f) *K. ostendit.*

(g) *C. ut hæretica ostendi & dici meretur.*

(h) *K. hæreticis & schismaticis implabi-*

*mus.*

## VII. PROPOSITIO.

*Liberum arbitrium hominis non potest, absque speciali gratia vitare peccatum: unde fit ut omne opus hominis pure infidelis sit peccatum.*

## CENSURA.

*Hujus propositionis secunda pars est falsa, & malè inferitur ex priori.*

## A N N O T A T I O.

Si Sorbona sensisset divinum auxilium esse homini necessarium, non tantum ut longo tempore vitaret peccatum; sed etiam ut in singulis actibus, causis, cogitationibus & motibus peccatum effugeret; sicut ex Scripturis Sacris docuit contra Pelagium veneranda Patrum antiquitas; Lex enim sine gratia non minuit peccatum, sed abundare facit: quia Lex sine gratia occidit: si, inquam, hoc sensisset Sorbona, nunquam existimasset posteriore hujus propositionis partem malè inferri ex præcedenti: quia manifestum est eos, qui pure infideles sunt, in nullo suo opere adjuvari. Sed quia de antecedente superioriori questione quartâ satis diximus; nunc de consequenti pauca subjiciamus. Præceptum est homini ut soli Deo serviat, & omnia in ejus gloriam referat: nam quia Deo commodare non possumus, idèd serviendo & voluntatem ejus faciando illum glorificare debemus. Sed Deo servire non potest, nec quicquam in gloriam ejus facere qui illum & cæcitæ nescit, & elatione contemnit. Igitur in omni suo opere peccat: ut verum sit quod ait Apostolus, quoddam inquinatis & immundis nihil est mundum: omne enim quod non est ex fide, peccatum est. Quod posterius Apostoli dictum etsi Gagnæus, Sorbonæ alumnus, & quidam alii recentiores nescio quo sermonis prodigio conantur eludere, non tantum contra omnium latinè intelligentium sensum, sed etiam contra (a) sententiam Veterum Patrum, per fidem intelligentes (b) bonæ conscientie testimonium: attamen manifestè refelluntur testimonio Augustini locis penè infinitis, & præsertim lib. 4. contra Julian. cap. 3. Similiter Prosperi contra Ingratos, ubi sic ait: omne etenim probitatis opus nisi semine vera fidei exoritur, peccatum est; & in peccatum vertitur; & sterilis cumulat sibi gloria paginam.

(a) K. solum  
omnium Veterum  
(b) K. propria.

## VIII. PROPOSITIO.

*Liberum arbitrium liberè vult, quicquid sponse aut voluntate vult; ita ut quod libèrè vult, idem necessariò velit.*

## CENSURA.

*Hujus propositionis secunda pars implicat contradictionem, & est hæretica.*

A N-

## A N N O T A T I O.

De hac Censura sufficienter dictum est circa secundam quæstionem: quare silentio præterimus.

## I X. P R O P O S I T I O.

*Hæreticus & Schismaticus, & homo non parè fidelis meretur quandoque de condigno vitam æternam.*

## C E N S U R A.

*Hæc propositio planè est hæretica.*

## A N N O T A T I O.

Quodd homo non habens plenam fidem, nec peccatorum suorum remissionem, aliquando à Deo adjuvetur ut aliquid boni faciat, quod Deo gratum sit & acceptum, docent nos orationes & eleemozynæ Cornelii Centurionis: Cui etiam si certum sit in futuro sæculo nullam fuisse retribuendam mercedem, si in peccatis suis usque ad mortem permanisset; attamen quodd accepta suorum peccatorum remissione apud iustum Judicem, qui acceptor personarum non est, non sit pro ejusmodi operibus accepturus retributionem, vellem Sorbona aliquo Scripturarum testimonio tam solidè doceret (quod doctoribus proprium esse debet) quàm ejus oppositum confidehnter & temerè damnavit; præsertim quia sicut malis operibus idè poena debetur, quia mala sunt: sic etiam bonis, (a) quia bona sunt, debetur merces. Sicut in Concilio Arausicano II. can. 18. dicitur, *debetur merces bonis operibus, si fiunt: sed gratia, quæ non debetur, præcedit ut fiant*: ut est apud Augustinum epist. 106. *Bona, inquit, opera piâ retributione non frustrantur; cum Dominus reddat unicuique secundum opera ejus.* Similia quædam opera tribuit Augustinus Schismaticis in lib. de *pœnitentia* cap. 26. & 27. quæ Deidona esse contendit, & ad hoc prodesse ut mitius damnentur, non ut regnum consequantur æternum. (c) (Nam præsupponit eos in suo schismate permanere usque ad mortem.

(a) C. 3.  
Disputa-  
debetur.  
(b) K. bo-  
nis merces,  
quia bona  
sunt.

(c) C. o-  
mitt. ista.  
(d) K. o-  
mitt. de ju-  
stificatione.

Scimus apud Calvinum (d) de justificatione certum principium reputari, quodd opera bona etiam si careant omni imperfectionis vitio, attamen per se nec ad justitiam nec ad meritum conferant, nisi præsupposita peccatorum remissione. Sed an istud principium sumperit ex aliquo Concilio generali, aut testimoniis sacræ Scripturæ; an potius ex communi placito Scholæ Parisiensis, nec affirmare audeo, neque negare, ne inveniari dicere quod nescio.

## X. P R O P O S I T I O.

*Homo existens in peccato mortali, sive ejus reatu ad mortem æternam, habet in se obprobrium.*



## CENSURA

*Hac propositio est hæretica.*

## ANNOTATIO. XI

Augustinus lib. 14. de Civit. cap. 7. differens de quatuor animi affectibus, qui aliquando boni sunt, aliquando mali, tandem subdit quòd cuiusvis propositum est amare Deum, & non secundum hominem, sed secundum Deum, amare proximum sicut seipsum. *Propter hunc amorem*, inquit, *dicitur voluntas bona, quæ usitatius in Scripturis Sacris charitas appellatur.* Idem docet lib. de gratia Christi cap. 21. l. de grat. & lib. arb. c. 17. & l. 2. contra duas epistolas Pelagian. c. 9. differens de prima boni cupiditate, quam Deus homini inspirat, & per quam efficitur de invito volens & de reluctantem consentiens; quid est, inquit, *boni cupiditas, nisi charitas, de qua Apostolus sine ambiguitate loquitur, dicens: Charitas ex Deo est; (a) (nec initium ejus ex nobis est, & perfectio ex Deo est.) Sed si Charitas ex Deo est, tota nobis ex Deo est.* Ex quibus manifestum est apud Augustinum nomine Charitatis in Scripturis sacris rectissime intelligi bonam voluntatem, seu propositum bonum & studium veritatis, sicut eodem capite 7. dicitur. Sed bona voluntas etiam ante peccatorum remissionem invenitur. Nam pax in terra promittitur hominibus bonæ voluntatis. Igitur Charitas præcedit remissionem peccatorum.

(a) C. omitt. illa.

(b) C. est  
ut mortua.

(c) C. omittit illa.

Præterea fides quæ non operatur per dilectionem, (b) inanis est & mortua, nec valet ad remissionem peccatorum consequendam: sicut toto libro de fide & operibus, docet Augustinus. Igitur ut quis sit idoneus ad consequendam remissionem peccatorum (c) (præter baptismum) necessaria est fides per dilectionem operans, qualis à B. Jacobo in Raab meretrice commendatur, & qualem habuit Maria Magdalena, cui dimissa sunt peccata multa, quia dilexit multum.

(d) C. omitt. illa.

(e) C. illuminationem Sacramenti.

Tertio, qui non diligit, manet in morte. Sed Catechumenus, qui ante peccatorum remissionem suos (d) (præteritos deslet &) confitetur errores, surrexit à mortuis; quia à mortuo tanquam ab eo qui non est, perit confessio. Igitur Catechumenus diligit Deum, etiam priusquam per (e) illuminationis Sacramentum peccatorum suorum remissionem consequatur.

(f) C. omitt. ut sperare.

Quarto, qui non diligit me, sermones meos non servas, inquit Christus; sed multi Catechumeni adhuc portantes peccatorum suorum sarcinam usque ad baptismum, majori diligentia (f) ac fervore servant Dei mandata, quam nonnulli aliquin boni & justi Christiani. Igitur & ante peccatorum remissionem diligunt Deum.

Quinto, si habuero omnem fidem, Charitatem autem non habuero, nihil mihi prodest: sed fides ex qua Infideles justificantur, eis multum prodest; sicut Publicano multum profuit oratio, cujus merito descendit justificatus in domum suam ex templo: & eleemosynæ Regi Nabuchodonosor, teste Daniele, profuissent, si illis peccata redimere voluisset. Igitur ut fides ad remissionem pec-

peccatorum proſit, neceſſarium eſt ut conjunctam Charitatem habeat. Quia, ut ait Apoſtolus, *in Chriſto Jeſu neque circumciſio aliquid valet, neque præputium, ad Gal. ſ. ſed fides qua per dilectionem operatur.*

Sextò, ſi quis non amat Jeſum Chriſtum Dominum noſtrum, ait Apoſtolus, ſit anathema. Sed nemo dixerit Gentili anathema, qui Spiritus Sancti baptiſmate regenerandus vetuſtatem peccati exuere cupit & Chriſti novitate veſtiri: neque etiam peccatori, qui accepto poenitentiaæ dono, per reconciliationis auxilium feſtinat ad veniam; quia hiſ ab Eccleſia impenditur benedictionis gratia. Igitur uterque amat Dominum noſtrum Jeſum Chriſtum etiam ante remiſſionem peccatorum. *Deus enim etiam nullis præcedentibus meritis & fidem & amorem ſui præſens inſpirat,* (inquit Concilium Arauſicanum II.) *ut ſacramentum Baptiſmi fideliter requiramus.*

Sed quid ego hic diutius laboro, cùm Leo Papa ſerm. 9. de paſſione Domini, aſſerat quòd Dominus in Petro negante viderat non fidem fictam, non dilectionem avertam, ſed conſtantiam fuiſſe turbatam: & quòd abundavit fletus, ubi non deſuit affectus, & quòd fons charitatis lavit verba formidinis; (a) *(nec tardatum eſt remedium abolitionis, ubi non fuit judicium voluntatis.)* (a) C. omne, illa. Ex quo manifeſtè ſequitur Charitatem non tantùm cum reatu, ſed etiam cum actu peccati mortalis in Petro permaniſſe, cujus merito poſtea abolita eſt ejus negatio. Scio Scholæ commune eſſe documentum, Charitatem eſſe habitum omni cupiditate & omni tentatione fortiorem, cui addi quippiam poſſit, ſed nihil detrahi, niſi per peccatum mortale in totum pereat; per cujus ſubitam & inſenſibilem inſuſionem formaliter fiat omnium peccatorum remiſſio, & ſine cujus inſuſione fieri non poſſit. Sed an iſtud decretum tam ſolidis argumentis probari queat, ut contrarium dicendum ſit hæreticum, magnopere cuperem edoceri: quia nulla Scriptura Sacra mihi occurrit, quâ hoc ſatis doceri queam: nonnullæ occurrunt, quibus hoc decretum videtur in multis non improbatiliter poſſe refelli.

## XI. PROPOSITIO.

*Per contritionem, non adhibito realiter Sacramento Baptiſmi aut poenitentia, non dimittitur peccatum extra caſum martyrii aut neceſſitatis.*

## CENSURA.

*Hæc propositio eſt hæretica & ſchiſmatica.*

## ANNOTATIO.

Maniſeſta eſt Chriſti doctrina, quòd *niſi quis renatus fuerit ex aqua & Spiritu Sancto, non intrabit in regnum cælorum*: quatin ſecutus Auguſtinus docet quòd Catechumeni credentes uſque ad Baptiſmum portant peccatorum ſuorum ſarcinam, quæ autem Baptiſmi, eadem & reconciliationis eſt ratio, ſicut ait idem Auguſtinus in fine primi Libri *de adulterinis conjugis*. Ideoque certiffima eſt doctrina quòd extra caſus à D. Bernardo epiſt. 77. (b) *exceptos ex veterum* (b) C. poſtea, ſic, non.

traditione non detur peccatorum remissio, nisi eis qui realiter baptizantur aut à Sacerdotibus absolvuntur.

(a) C. di-  
visionem.

(b) C. in-  
veniantur.

(c) K. Sa-  
cerdotum  
eos non pos-  
se remissio-  
nem habere  
peccatorum  
docent.

(d) K. sic  
faciunt.

Cæterum quid intenderit Sorbona, cum hanc propositionem non tantum erroneam, sed etiam hæreticam & schismaticam pronunciat, conicere non valeo. Schisma enim facit animorum (a) divisio, quæcumque ex causa proveniat, etiamsi nullus error (b) interveniat. Nullam autem inter Fideles divisionem facit, qui peccatricem Magdalenam ad Christum provenia currentem imitari docet, & ad Sacerdotes mittit; quod sine dubio faciunt qui extra casum Martyrii & necessitatis, sine absolutione (c) Sacerdotis non dari peccatorum remissionem docent. Igitur qui (d) sic docent, nullum schisma in Ecclesia faciunt; sed potius qui Novatum ex parte sequentes, aliquoties lapsos à Sacerdotibus alienant, sine quorum ministerio per solam contritionem contra Dei legem Deo posse reconciliari prædicant: de qua re videre licet Jacobum Latomum, de *Confessione secreta*.

## XII. PROPOSITIO.

(e) C. post  
contritionem.

Peccator si facit quod mandatur, (e) per contritionem ac confessionem factam Sacerdoti non illi remittitur peccatum, nisi Sacerdos absolvat; etiamsi per malitiam absque ratione Sacerdos illi denegat absolutionem.

## CENSURA.

*Hæc propositio est hæretica.*

## ANNOTATIO.

(f) C. o-  
mit. Beda.

Ex hac Censura, si tamen Sorbonæ sit, manifestum est eam arbitrari hunc hæreticum esse, quisquis dixerit Confessionem & Sacerdotis absolutionem extra casum Martyrii aut necessitatis esse necessariam; nec procul à vero esse quod dicit Lutherus fidem sine satisfactione ad salutem & remissionem peccatorum sufficere: Vel potius quod Joannes Wicleph docet, & quod olim damnatum est, videlicet, si homo fuerit debite contritus, omnis Confessio exterior est superflua & inutilis. Id quod tamen usque adeo non approbant Veteres, ut Jacobus Latomus de *secreta Confessione*, ex Cypriano, Augustino, Hilario, (f) Beda, & aliis pluribus Veteribus contra Hæreticos manifestè ostendat sanæ fidei esse contrarium, quod Confessio & Absolutio post Baptismum relapsis non sunt necessariae. Sed & quisquis legerit epistolam 180. Augustini, quæ est de fuga in persecutione, nullo modo dubitare poterit extra necessitatem ad remissionem peccatorum necessarium esse Sacerdotis ministerium: cum ministrum dicat impium, qui extra casum necessitatis subtraheret ministerium pietati & reconciliationi necessarium. Deinde subdit: *Annon cogitamus, cum ad ipsorum periculorum pervenitur extrema, nec est potestas ulla fugiendi, quantus in Ecclesia fieri soleat ab utroque sexu, ab omni ætate consensus, aliis Baptismum flagrantibus, aliis reconciliationem, alii etiam ipsius penitentia actionem; omnibus consolationem ac Sacramentorum confessionem & administrationem poscentibus.*

bus. Unde si ministri desint, quantum exitium sequitur eos, qui de isto sæculo non regenerati exierunt, vel ligati, præsertim in tali necessitate? Hæc ille. Quæ tamen verba intelligenda puto, quantum attinet ad impietatem ministrorum illos in necessitate tali deferentium. Nam, sicut tradit Augustinus, Deus in necessitate supplet quod deest ex Sacerdotum ministerio. Attamen quia necessarium est quod à ministris exigitur; ideò non minùs deferendo peccant, quàm si hoc ipsum à Deo misericorditer non suppleretur, quod ab ipsis in necessitate non impenditur. Error esset tolerabilis, si Sorbona se contrarium opinari diceret; sed dum catholicam veritatem hæreticam pronunciat, viderit ne illud incurrat quod dicit Gregorius lib. 9. Regist. c. 30. quòd videlicet sunt multi Fidelium qui (a) imperito zelo succenduntur, & dum sæpe quosdam quasi hæreticos insequuntur, hæreses ipsi faciunt. (a) C. impersisso.

## XIII. PROPOSITIO.

Non sine Pelagiano errore admitti potest ante primam justificationem in homine aliquis bonus usus liberi arbitrii: & qui se ad eam præparat, peccat; ut is qui naturalibus (b) bonis suis pessimè utitur; nam ante eam omnia opera hominis sunt peccata damnatione digna. (b) C. damnatio.

## CENSURA.

Hæc pro omnibus suis partibus est hæretica.

## ANNOTATIO.

Si per primam justificationem intelligatur peccatorum remissio, sicut in scholis intelligi solet; verissima est Censura. Sed quantum ex propositionibus prioribus, & ex verbis hujus colligere licet, qui hanc propositionem asseruisse putantur aut finguntur, nihil aliud senserunt quàm quòd ante primum divinæ renovationis initium nullus sit in homine bonus liberi arbitrii usus, quia omne quod non est ex fide peccatum est; ut dictum est propositione septimâ. Quapropter non videtur improbanda Censura, sed delatorum calumnia, qui studio lædendi verbis (c) aliorum insidiati sunt, & quæ benè dicta erant, sicut & in aliis pluribus propositionibus, ad sensum reprehensioni obnoxium paucis commutatis detorserunt. (c) C. aliorum.

## XIV. PROPOSITIO.

Non datur gratia nisi reluctanti: proinde nec prima justificatio, (d) quia justificatio est fides: fides enim est quæ ex impio quis fit justus. (d) A. quæ.

## CENSURA.

Hujus propositionis duæ partes sunt hæreticae, & tertia est falsa.



## A N N O T A T I O.

Pelagii sententia fuit quoddam gratia bonum uniuscuiusque propositum adjuveret, non autem reluctanti studium virtutis immitteret: ut patet ex Augustini lib. 2. *contra duas epistolas Pelagianorum* cap. 8. Per quod intelligebat Pelagius quoddam initium nostræ conversionis esset ex nobis, incrementum verò ex Deo. Contra quem ostendit Augustinus quoddam & initium & incrementum & complementum nostræ conversionis ex Deo sit; quoddam Dei gratia non inveniat in nobis bonam voluntatem, sed eam faciat: Deus enim ipse est qui operatur in nobis velle & perficere pro bona sua voluntate, nec facit ex his qui per se boni sunt, meliores; sed quoscunque primum ad se convertit, ex malis bonos facit. Quod enim queritur Job: *quare posuisti me contrarium tibi*, est toti naturæ lapsum commune.

Verissimè ergo dici potest quoddam primum conversionis initium non nisi reluctanti tribuatur, quia per illud ex reluctantem volens & consentiens efficitur: sicut ex Ambrosio docet Augustinus l. *de bono persever.* cap. 19. Sed quia jam volentibus, & ad majora Dei dona per orationes & gemitus tendentibus multa gratiarum munera tribuuntur, quæ non tantum sunt gratia, sed gratia pro gratia; idè manifestè erroneum est, quod ex particulari à calumniatoribus generaliter delatum est, gratiam, videlicet, non dari nisi reluctanti: cum id tantum de prima conversionis gratia sit dictum. Qui verò dicunt quoddam fides quæ per dilectionem operatur iustitia sit, non scio an multò plus peccent, quam peccavit Augustinus dicens l. *de natur. & grat.* cap. ultimo: *charitas inchoata, inchoata iustitia est; & charitas perfecta, perfecta iustitia est*: quia in Scripturis Sacris non commendatur fides, nisi quæ per dilectionem operatur, & cum qua similiter dilectio intelligitur, quæ rectè iustitia esse dicitur.

## XV. P R O P O S I T I O.

*Homo necessariò peccat etiam damnabiliter in aliqua peccati specie: & actus in quem necessariò fertur, est illi peccatum: quare ut liberè feratur in actum, non est conditio necessaria ad peccandum.*

## C E N S U R A.

*Hæc propositio pro omnibus partibus est hæretica.*

## A N N O T A T I O.

Joannis primo capite dicitur quoddam quotquot Dei Filium receperunt, id est, in eum crediderunt (inquit Augustinus ad Bonifacium lib. 1. cap. 2.) dedit illis potestatem filios Dei fieri: hanc enim potestatem quæ crederent & filii Dei fierent, ex se non habuerunt, sed aliunde accipere debuerunt: sicut docet idem Augustinus lib. 1. *contra duas epist.* Pelagian. cap. 2. & l. *de natur. & grat.*

c. ulti-

(a) K.  
studentibus  
quantum  
possunt.

c. ultimo; & Cœlestinus Pontifex epistolâ suâ ad Episcopos Galliæ, cap. 4. Ex quo intelligimus quoddam quibus hæc potestas non datur, quandiu non datur, nec credere possint nec filii Dei fieri; sicut capite 12. apud Joannem de quibusdam dicitur, quoddam cum tanta signa Christus fecisset coram eis, *propterea non poterant credere*, quia juxta Isaie vaticinium non illuminabantur Christi misericordiâ, sed suâ justitiâ quam in se constituebant, excæcabantur & obdurbantur: erant enim de eorum numero, quibus prædictus erat Christus futurus lapis offensionis & Petra scandali. Sed hi suâ incredulitate tam graviter offenderunt, ut Christus de illis quasi per antonomasiam dicat: *si non venissem, peccatum non haberent*: quasi videlicet cætera peccata dici non mererentur. Igitur peccato infidelitatis gravissimè peccaverunt (a) (qui credendi potestatem non habuerunt, quando non credendo peccaverunt); quamvis verum sit quoddam credere poterant, si Deus eorum misereri voluisset: sed quia non miserebatur, idè dicuntur non potuisse credere. Præterea Cyprianus lib. 1. Epistol. 2. epistolâ de Virginibus Deo (b) dicatis dicit: *Si perseverare nolunt aut non possunt; melius est ut nubant*: ubi manifestè datur intelligi inter Virgines Deo dicatas, quæ incontinententer vivunt, quasdam nolle continere, nec votum adimplere quod semel promiserunt; alias velle quidem, sed non posse. Nam ex voluntate fit libido, & ex libidine consuetudo; & dum consuetudini non resistitur, fit necessitas, inquit Augustinus 8. Confess. cap. 8. & tamen eas à peccato non excusat. Igitur fieri potest ut aliquis in quodam genere peccati sic peccet necessariò, ut in se non habeat potestatem evitandi peccatum, cum peccat: sed merito ad Deum clamare debeat: *De necessitatibus meis erue me*: ut qui dedit voluntatem, det etiam (c) potestatem, seu magnam & efficacem voluntatem, quâ superare queat contrariam cupiditatem: qui enim *vult facere mandatum*, inquit Augustinus lib. de gratia & libero arb. cap. 17. *& non potest, ille quidem habet bonam voluntatem, sed adhuc parvam & invalidam: poterit autem, cum magnam habuerit & robustam*. Tanta, inquit idem l. de corr. & grat. cap. 12. *accenditur Spiritu Sancto voluntas Sanctorum, ut idè possint quia sic volunt, & idè sic velint quia Deus operatur ut velint*. Idem prorsus nobis indicat illud Matthæi: *qui potest capere, capiat*. Nam (d) (et si non desint qui hoc sic accipiant, quasi dictum sit: qui vult capere capiat): attamen res eodem recidit, quia voluntas quæ præparatur à Domino, cum tanta est ut ab ea superetur cupiditas, ipsa est potestas quæ datur à Domino ut & mandata & consilia capiantur. Verissima igitur est hujus propositionis primapars, videlicet quoddam homo necessariò peccet in aliqua specie (e) peccati, sic videlicet ut cum peccat, potestatem evitandi hoc peccatum non habeat; quia hujusmodi potestas ipsa est efficacissima voluntas, quæ præparatur à Domino: quam nec Petrus habuit cum putabat se posse, quod se velle sentiebat; nec multi alii gravissimè peccantes acceperunt, nec ex se ipsis habere potuerunt, ut dictum est. Et si Sorbona vidisset quod anno 1347. censuerit de propositione 14. & 15. Joannis de Mercurio; forsitan comperisset se tunc manifestè probasse quod nunc hæreticum esse pronunciat, inconstanter quidem & temerariè. Cæterum quod posteriore propositionis parte dicitur, videlicet quoddam actus in quem necessariò quis fertur, illi peccatum est; non de propria aliqua specie peccati, sed de

(a) C. o. mit. ista.

(b) C. s. crassi.



(c) C. o. mittit potestatem. sen.

(d) C. o. mit. ista.

(e) K. mortalis peccati.

(a) C. ab-  
ter. particulari aliquo opere videtur accipiendum, quod videlicet ab aliquo sic ex necessitate fiat, ut quando ipsum facit, in sua potestate non habeat omittere ipsum. Mihi tale esse videtur homicidium à phrenetico, ebrio, aut ignorante commissum, sive sit voluntate antecedente necessarium, sive non: modò tamen non sit involuntarium, seu voluntati facientis contrarium. Nam D. Thomas asserit etiam illud esse peccatum quod per meram sit ignorantiam, si modò non sit involuntarium. Nam si esset involuntarium, sicut (a) actor quod nolle, faceret; eum imputari non posset, sicut ex Apostolo discimus: *quod si hoc quod nolo facio, jam non ego operor.*

Quòd si Sorbona in hoc D. Thomam non recipiat, quòd ait malum opus esse peccatum, modò non sit involuntarium; saltem negare non potest homicidium necessitate commissum, sed in sua causa voluntarium, revera peccatum esse: quod certè ad veritatem posterioris partis hujus propositionis sufficere videtur. Quapropter valde mirum est quid in mentem illi venerit, ut omnes hujus propositionis partes etiam contra proprium sensum, hæreticas esse pronunciet; nisi fortè non satis attenderit quid diceret, cùm etiam duas posteriores hujus propositionis partes pronunciet hæreticas.

## XVI. PROPOSITIO.

(b) K. ad-  
dit: origi-  
nale. *Nemo præter Christum est absque peccato originis: hinc B. Virgo mortua est propter peccatum, (b) quod contraxit ex Adam: omnesque illius afflictiones in hac vita, sicut & aliorum iustorum, sunt ultiones peccati originis, vel actualis: unde Job passus est & omnes martyres propter sua peccata.*

## CENSURA.

*Hæc propositio pro omnibus suis partibus est hæretica; & B. Mariæ Sanctæque omnibus injuriosa.*

## ANNOTATIO.

(e) C. ob-  
deretur. Si quis tam absurdus (e) reperiretur, ut diceret B. Virginem & Sanctos nunc cum Christo regnantes & in Paradiso requiescentes, nondum carere peccato (d) originali; sine dubio meritò ab omnibus damnaretur tanquam hæreticus. Sed quia nemo tam stupidus est ut id cogitet: idè (e) calumniæ artificium est quòd hæc propositio sic expressa sit ne hunc sensum habere possit & non immeritò damnari; ut per ejus damnationem, etiam tanquam hæreticum videatur damnatum, quòd B. Virgo concepta sit in peccato originali.

(f) C. o-  
mit. brevi-  
ter. (g) C.  
querela. Quòd igitur hoc non debeat damnari tanquam hæreticum, sic (f) breviter ostendo. Scriptura Sacra generaliter loquitur dicens, omnes in Adam peccasse, à qua (g) regula neminem exceptum facit præter eum in quo Princeps mundi hujus nihil invenit. Igitur sicut dicimus B. Virginem ex voluntate carnis & voluntate viri esse genitam; sic etiam sine periculo hæresis aut injuriæ in ipsam, (b) dicere possumus ipsam in iniquitatibus esse conceptam: maximè quia id etiam sentit universa antiquitas, & recentiorum doctissimi quique.

(h) C. ad-  
dit: com-  
missa.

Unde

Unde Ambrosius super Isaiam, sicut etiam citat Augustinus lib. 1. de nupt. & concup. cap. 35. & lib. 2. cap. 8. *Servatum est ut ex viro & muliere, id est, per illam corporum commixtionem, nemo videatur expers esse delicti: qui autem expers est delicti, etiam expers est hujusmodi conceptionis.* Idem manifestissimè docet Augustinus lib. 12. de Genesi ad litt. c. 18. & 20. & lib. 5. contra Julian. c. 9. & lib. 2. de pec. mer. c. 24. ubi sic ait: *Solus ergo ille etiam homo factus, manens Deus, peccatum nullum habuit, nec sumpsit carnem peccati, quamvis de materia carnis peccati sumperit. Quod enim inde carnis suscepit, aut suscipiendum mundavit, aut suscipiendo: (a) (mundavit, inquit; igitur prius immundum fuit.) Similiter Leo Papa, ferm. 2. de Nativitate: Cum in omnibus matribus non sit sine sorde peccati conceptio; Maria inde purgationem traxit, unde concepit.* Unde Fulgentius de Incarnat. Domini cap. 6. *Hæc est gratia, quæ factum est, inquit, ut Deus qui venit peccata tollere, quia peccatum in eo non est, homo nasceretur atque conciperetur in similitudine carnis peccati de carne peccati. Caro quippe Mariæ quæ (b) in iniquitatibus humanâ fuerat solemnitate concepta, caro utique fuit peccati.* Chrysostomus quoque hom. 17. in Joan. etiam inordinatum affectum ei tribuit; quantum in ea re non consentiat Augustino l. de nat. & grat. c. 36.

(a) C. o.  
mit. ista.

(b) C. de.

Inter recentiores nota est D. Thomæ & D. Bonaventuræ sententia, similiter & Bernardi in epistola ad Canonicos Lugdunenses 174. quos ibi gravissimè reprehendit, quod quibuscumque nescio quod supernæ revelationis Scriptum proferentibus, imperitorum simplicitate decepti, in Ecclesiam sententiam novam, & Ecclesiæ ignotam celebritatem invehissent. Similiter sentiunt Alexander de Ales, & Albertus Magnus. Scotus docuit fieri potuisse ut sine peccato concepta sit, sed an factum sit ignorare se dicit.

Non ignoro anno 1439. undecimo Cal. Octobris in Concilio Basileensi, quod Eugenio Pontifici & Synodo Florentinæ repugnabat, esse definitum, eam doctrinam quæ dicit Beatam Virginem nunquam (c) subjacuisse peccato originis, tanquam piam, & cultui ecclesiastico consonam, fidei catholicæ, rectæque rationi, & Sacræ Scripturæ, ab omnibus approbandam; nullique de cæterollicitum esse in contrarium prædicare aut docere. Sed indiscretam hujus Concilii definitionem & prohibitionem postea anno 1484. correxit Xistus IV. illos sententiæ excommunicationis subjiciens, qui alteram hujus propositionis partem (d) aut hæreticam aut peccato mortali obnoxiam dicere auderent, cum non sit adhuc à Romana Ecclesia aut Sede Apostolica decisum. Ubi latenter indicat Xistus, illud quidem prius in Concilio Basileensi decisum fuisse; sed decisionem illam non esse curandam, cum (e) à Sede Apostolica non approbetur: sicut nec hodie à Rege & Statibus Galliæ curatur multum istud Concilium, si sit vera protestatio quæ sub eorum nomine circumfer-  
tur.

(c) C. addit: *adfinaliter.*  
(d) C. tanquam hæreticam damnam, aut eas mortaliter peccato dicere audent, quod B. Mariam sententiam originali peccato fuisse conceptam, cum nondum id sit in Ecclesia Romana decisum. Sed decisum nem.

(e) C. cum Sedes Apostolica id non approbaverit.  
(f) C. add. hærenus positus.

Si igitur Sorbona in sua Censura ad (f) incomposita hujus propositionis verba respexit, quæ significare videntur B. Virginem & Sanctos nunc non esse sine peccato originis; rectissimè de hac prima propositionis parte censuit. Sed si hæreticum esse voluerit quod B. Virgo sit in peccato concepta; non solum graviter erravit, sed etiam sententiam excommunicationis à Xisto IV. latam incurrit: præsertim quia Concilium Basileense non definivit hanc partem esse



hæreticam, sed solum prohibuit illam prædicari & doceri: cum quo stare potest quòd liceat eam sentire & opinando asserere; quanquam, ut dictum est, hæc definitio curanda non sit, quam Sedes Apostolica repro-  
bavit.

Porrò quòd festum Conceptionis piè ac religiosè à Fidelibus in Ecclesia jam celebretur, nullum facit huic quæstioni præjudicium, eo quòd de nostræ salutis exordio Deo gratias agere possumus, sive peccatum habuerit, sive non. Nam & in novi Principis nativitate, per quem salutem temporalem speramus, non immerito exultamus & Deo gratias agimus; etiam si non ignoramus ipsum & conceptum & natum in peccatis.

Altera pars hujus propositionis continet, quòd non tantum flagella peccatorum, sed etiam mors & universæ tribulationes justorum propriæ sint pœnæ peccatorum. Quàm mirum est à Sorbona hæreticum id pronunciari, cum manifestè id doceant Sacræ Scripturæ & Concilia Ecclesiæ & veterum Sanctorum scripta, adeò ut oppositum videatur sacræ fidei contrarium: *Deus enim creavit hominem inexterminabilem*, inquit Sapiens, Sapientiæ 2. & *ad imaginem similitudinis suæ fecit illum. Invidia autem diaboli mors cum reliquis hujus vitæ tribulationibus intravit in orbem terrarum*. Quomodo autem intravit in hunc mundum, ostendit Apostolus, cum ait Rom. 5. *per unum hominem peccatum intravit in hunc mundum, & per peccatum mors; & ita in omnes homines mors pertransiit*.

Sicut igitur mors in Adam intravit peccati merito, sic & in cæteris qui in illo peccaverunt, id est, ipso peccante, per generationem peccatum contraxerunt: *Omnes enim*, ait Apostolus 1 Cor. 15. *in Adam moriuntur*; etiam justis, in quibus peccatum est stimulus mortis. Nam de his ait Apostolus: *Si Christus in vobis est, corpus quidem mortuum est propter peccatum, id est, moriendi necessitati subiectum; Spiritus verò vivit propter justificationem*. Quapropter Fidelibus utrumque debetur, ait Augustinus, & mors propter peccatum originis, quòd cecidendo contraxerunt; & resurrectio propter justitiam, quàm de plenitudine Christi acceperunt: quia sicut vita immortalis, quam resurgendo consequimur, stipendium est justitiæ; sic stipendium peccati mors tam corporis quàm animæ: *Sicut enim in Adam omnes moriuntur, sic & in Christo omnes vivificabuntur*.

Cæterum Sorbona imaginari videtur, aut quòd in Adam mori non sit mori peccati originis merito: ex quo ulterius consequitur quòd peccatum originis non sit mortis temporalis (a) causa, quòd est manifestissimè hæreticum: aut quòd soli impii, quibus peccatum originis dimissum non est, in Adam moriuntur, non autem justis quibus per baptismum data est remissio omnium peccatorum. Verùm si id imaginatur, vehementer fallitur Sorbona in hoc quòd non intelligat remissionem peccatorum, quæ in hac vita salutaribus perficitur Sacramentis, magis pertinere ad spem futurorum bonorum, quàm ad adeptiorem vel retentionem præsentium: sicut proposita sibi hac quæstione responderet Augustinus l. 2. de pec. mer. & remiss. c. 33. Idem docet in Enchir. c. 66. & l. 5. contra Jul. c. 6. & l. 21. de Civit. c. 15. Sicut enim David confessione peccati sui remissionem meruit, & tamen peccati merito humiliatus est à suo  
filio:

(a) Al. mortalium.

filio: sic etiam quisque Fidelium consequitur peccati sui originalis per baptismum veniam; & tamen hanc remissione factâ non evadit mortem hanc temporalem, quam Deus Adæ comminatus est si de ligno vetito comederet: ut verum sit quod ait Apostolus, quod in Adam omnes moriuntur, tam iusti quàm iniusti. Unde Augustinus libro 15. de Civit. c. 8. disputans de Martyribus dicit, quod eorum mors fideliter pièque tolerata augeat meritum patientiæ, non aufert vocabulum pœnæ, & cùm sit peccati retributio aliquando impetrat ut nihil retribuatur peccato. Quem sequitur Prosper sententia 146. *Mors*, inquit, *etiam piorum pœna peccati est; quæ idèd bona dicitur ipsis, quia eâ bene utuntur.* Hinc etiam in Concilio Arausicano II. dictum est: *Quod si quis dixerit mortem corporis, quæ pœna peccati est, non autem peccatum, per unum hominem in omne genus humanum transisse; injustitiam Deo dabit.* Nullam autem injustitiam Deo daret, hoc dicendo, si Martyres possunt sine peccati sui merito mori. Ergo mors non est in iis tantùm exercitium meriti, sed etiam retributio peccati. *Nimis enim impium est*, inquit Prosper contra Collatorem, *hoc de Dei sententia justitia, quod à prævaricatione liberos cum reis voluerit esse damnatos.* Patet ergo culpa, ubi non latet pœna: & societas peccati convincitur, de societate supplicii; ut quod est humana miseria, non de institutione Creatoris, sed de retributione sit iudicis. Si enim nullum esset peccatum, inquit Augustinus l. 2. contra Jul. c. 7. *profectò nullo malo parvuli obstricti, nihil mali vel in corpore vel in anima sub tantâ Dei (a) justitiâ paterentur.* Et lib. 6. contra Jul. c. 4. *In his magnas manifestissimæque misérias, in quibus bo-* (a) K. p. *mo vanitati similis factus est, merito peccati humanum genus collapsum est.* Et rursum in fine libri 4. *Grave jugum super filios Adæ non fuisset*, inquit, *nisi peccati originis meritum præcessisset.* Et l. 6. c. 2. *quomodo non est injustum jugum grave, si nullum est in parvulis peccatum, propter quod justè premantur iugo gravi?* Idem l. 3. c. 4. dicit genus humanum trahere originis noxam, his omnibus dignissimum pœnis, nisi ubi parcat ratione dispositionis occultæ inscrutabilis sapientia Conditoris.

Ex quibus omnibus adversus Sorbonam hanc conficio ratiocinationem seu argumentationem: Certâ fide credendum est peccatum originis esse mortis temporalis meritum, ut jam probatum est: sed neque Scriptura Sacra, neque experientia docere potest hanc pœnam Sanctis per baptismum aut aliud quodvis sacramentum in hac vita esse dimissam: imò satis constat non esse dimissam; quod etiam Hieronymus in epistola ad Minerium & Alexandrum to. 4. quod mors ista communis credentibus & non credentibus æqua dicatur: sicut Augustinus in lib. inchoactæ expositionis in epist. ad Rom: *justitiæ divinæ tanta constantia est*, inquit, *ut cùm pœna spiritualis & æterna alicui fuerit relaxata; pressuræ tamen cruciatuque corporales, quibus etiam Martyres exercitatos novimus, postremò mors ipsa, quam peccando meruit natura nostra, nulli relaxetur.* Quod enim iusti homines & pii tamen exolvunt ista supplicia, de iusto Dei iudicio venire credendum est.

Ipsa est quæ in Sacris Scripturis aliquando disciplina nuncupatur, quàm neminem nostrum finit effugere. Neminem enim excepit cùm diceret: *quem diligit Deus, corripit: flagellat autem omnem filium, quem recipit.* Unde etiam ipse Job, qui propterea tam multa passus est, ut hominibus qualis vir esset & quan-

(a) C. alius  
has erat as  
gens.

tus Dei servus, eluceret; poenas tamen corporis se pro peccatis suis exolvere sæpe testatur. Petrus quoque Apostolus exhortans Fratres ad perferendas pro Christi nomine poenas, ita loquitur 1. Pet. 4. *Nemo autem patiaturs quasi homicida, aut fur, aut maledicus, aut (a) alienorum appetitor: si vero quasi Christianus, non erubescat, glorificet autem Deum in isto nomine; quoniam tempus est ut incipiat iudicium à domo Dei. Si autem initium à vobis; quis finis eorum qui non credunt Evangelio Dei? & si quidem iustus vix salvabitur, impius & peccator ubi parebunt? Manifestè ostendit Apostolus Petrus easdem ipsas passiones, quas iusti patiuntur, ad iudicium Dei pertinere, quod inchoare dicitur à domo Dei, ut inde conjiciatur quanta impiis futura supplicia reserventur. Unde etiam ipse Apostolus ad Thessalon. dicit, *ita ut nos ipsi de vobis gloriemur in Ecclesia Dei pro vestra patientia & fide in omnibus persecutionibus vestris & pressuris quas sustinetis in exemplum iusti iudicii Dei.* Quod omnino ad illud respicit quod ait Petrus tempus esse inchoationis iusti iudicii Dei à domo Dei; & illud quod de Propheta interposuit: *& si iustus vix salvabitur, impius ubi parebit?* Unde etiam mihi videtur illa quæ per Nathan Prophetam Regi David comminatus est Dominus, quamquam statim ignoverit poenitenti, propterea tamen omnia accidisse ut demonstraretur illam veniam spiritualiter datam propter futurum iudicium poenarum, quod expectat eos qui hoc tempore corrigi nolunt; dicit enim & alibi Petrus: *Propter hoc enim & mortuis evangelizatum est, ut iudicentur quidem secundum hominem in carne, vivant autem secundum Deum in spiritu.**

Hoc dixi ut ostenderem quantum possem; & quantum oportunitas præsentis loci ac Scripturarum finit, non sic accipiendam esse gratiam ac pacem Dei, ut existiment homines à iustitia Deum posse discedere; nam & ipsam pacem cum promitteret Dominus, ait: *hæc dixi, ut in me pacem habeatis, in mundo autem pressuras habebitis.* Sed tribulationes & molestiæ, cum per Dei iustitiam redduntur peccatis. homines bonos & iustos efficiunt, & quibus jam plus peccata ipsa displicent, non ullâ corporis poenâ flectuntur ad peccandum, sed ab omni labe prorsus purgantur. Et rursus Psal. 142. in fine: *Iusti qui hæc sunt labores, pericula, molestias & passiones meritò patiuntur iusto Dei iudicio: quia ille solus potest dicere: quæ non rapui, tunc exolvebam.* Et quasi diceretur ei, quare ergo pateris? sequitur & dicit: *& scient omnes quia voluntatem Patris facio, surgite, eamus hinc.*

(b) C. ceterum.

Cæteri omnes merito suo, iudicio Dei, & pro iustitia qui patiuntur, non sibi arrogant quasi haberent veram innocentiam, qualis in Christo erat. Audi Apostolum Petrum: *tempus est, inquit, ut iudicium incipiat à domo Dei.* Et Augustinum in Psal. 34. Concione 2. super istum versum; *ego autem cum mihi molesti essent, induabar cilicio.* Peccatum enim factum est de peccato, quia inde carnem assumpsit de massa ipsa, quæ mortem meruerat ex peccato. Ut (b) clariùs dicam, Maria ex Adam mortua est propter peccatum Adæ, Adam mortuus est propter peccatum: & caro Domini ex Maria, mortua est propter delenda nostra peccata. Eadem docet Augustinus epist. 122. Similiter epist. 72. dicit Leo Papa quoddam solus Christus mori non debuit.

Igitur Sorbona malè & temerè censuit (si tamen ejus sit Censura) hæreticum esse asserere quòd Job & Sancti Martyres propter sua peccata afflicti atque passi

passi sunt: cùm Augustinus jam à mille & ducentis annis Doctor Ecclesiæ, & alii omnes Scriptores tam apertè ex Sacris Scripturis id doceant; ut qui his lectis id negaverit, audeo dicere quòd aut latinè non intelligat, aut frons illi tenera sit.

Sed objicitur: Christus in Evangelio de cæco nato ait, quòd neque hic peccaverit, neque parentes ejus, ut cæcus nasceretur. Igitur in illo cæco nullum præcessit cæcitatæ meritum. Similiter Job dicit: *utinam appenderentur peccata mea, quibus iram merui, & calamitas, quam patior, in statera: quasi arena maris hæc gravior appareret.* Responsum: Apostoli non de peccato originis, ob quod sumus iræ filii, interrogabant quis peccasset, an cæcus, an parentes: ob quod peccatum originis digni sumus omnibus poenis temporalibus in hac vita, etiam factâ ejus remissione: nec de peccatis levioribus, à quibus justî (a) (non reputantur alieni,) nec se alienos reputari debent, ut ait Augustinus lib. 1. de Civit. c. 9. ut nec temporalia pro eis mala perperî se judicent indignos. Sic in Daniele, Tobia, & aliis Sanctis circa se justum judicium Dei laudantibus, manifestum est; nam tempus est ut judicium incipiat à domo Dei. Sed interrogabant Apostoli Dominum de aliquo insigni facinore, ob quod in Scripturis Sanctis & justî & injusti gravibus suppliciis percuti leguntur, aut in semet ipsis, ut Pharaon, Nabuchodonosor, Herodes, & similes alii; aut in suis filiis, ut Cham & David. Hoc enim imaginabantur Discipuli Domini, neminem in hac vita gravi calamitate plecti à Deo, nisi ob parentum aut proprium aliquod grave scelus; quos Christus in Evangelio redarguit: (b) (Sicut & Job eodem errore imbutos redarguit,) ostendens se nulla grandia scelera commisisse, ob quæ sic percuteretur à Domino; sed potiùs ita vixisse, ut si vita ejus hominibus bene perspecta fuisset, meritò longè minore calamitate digna judicata fuisset, quàm ipse patiebatur. Homines enim grandia facinora grandi calamitate puniendâ judicant, & levia levioribus. Et quanquam secundum ejus intentionem verum erat quod dicebat Job: attamen quia in specie Deum arguebat, idèd illi dicitur à Domino: (c) (quem injustitiæ quasi accusabat dicens se plus pati quàm merebatur, hominum scilicet judicio, ad quod intentus erat redarguendo amicos, qui eum sceleratum fuisse colligebant: & idèd cap. 40. dicit illi Deus:) *Nunquid irritum facies judicium meum, & condemnabis me, ut justifieris.* Deinde cap. 24. fatetur se insipienter locutum, seque reprehendit in sermone isto, & agit poenitentiam in favilla & cinere. Quia hæc est singularis Christi prærogativa, quod de uno solo mediatore Dei & hominum Christo Jesu fides Catholica novit, inquit Augustinus, qui pro nobis mortem, id est, poenam peccati sine peccato subire dignatus est. In cæteris verbò omnibus hominibus quantumvis justis, corpus mortî addictum est propter peccatum, etiam si ex merito justitiæ gloriam resurrectionis expectent. Id quod mirum videri non debet, cùm etiam ista peccati sit poena quòd justî à Deo non semper sic adjuventur ut sine peccato Deo semper, perfectè & perseveranter servire possint: sicut docet Augustinus l. 2. de pecc. mer. & remiss. c. 7. & l. de Corrupt. & grat. c. 7.

(a) C. o. mit. ista.

(b) K. o. mit. ista.

(c) C. o. mit. ista.



## XVII. PROPOSITIO.

*Omnia in gloriam Dei facite: Dico vobis non resistere malo: hæc sunt simpliciter ut præcepta accipienda.*

## CENSURA.

*Hujus propositionis posterior pars est falsa.*

## ANNOTATIO.

Mirum est Sorbonam de priori hujus propositionis parte tacuisse; cum supra propositione 7. falsum pronunciaverit omne opus hominis purè infidelis esse peccatum. Si enim præceptum est ut omnia in gloriam Dei faciamus; id est, ut non hominibus, sed soli Deo serviamus: quomodo non est consequens omne opus hominis purè infidelis esse peccatum: cum nihil in gloriam Dei talis faciat, (a) quum Deum ipse prorsus ignoret, dicente Psalmista: *Dixit infipiens in corde suo non est Deus?*

(a) C. quem Deum ipse prorsus ignorat.

Quid verò secundà parte velit nescio. Videtur enim condemnare Scripturam Matth. 7. *Qui audis verba mea, & non facit ea, similis est viro stulto.* Unde omnia verba ista (b) præcepta esse intelliguntur, quæ sunt in monte dicta: quæ Augustinus ser. 1. de Sermone Domini in monte, nomine præcepti nominat: Item Tract. 52. in Joan. & Thomas in 12. Rom. lect. 3.

(b) C. præcepta esse intelliguntur in monte; & Augustinus.

## XVIII. PROPOSITIO.

*Omne opus bonum, est meritorium vitæ æternæ: quodd si aliquid remuneretur temporaliter, tamen non dignum vitæ æternæ, illud malum est: quia nullum est opus meritorium nisi vitæ æternæ.*

## CENSURA.

*Hæc propositio tota repugnat Sacræ Scripturæ.*

## ANNOTATIO.

Puto Sacram Scripturam esse quæ dicit: *Si servaveris mandata, servabunt te.* Et iterum: *Si vis ad vitam ingredi, serva mandata.* Ubi tamen significatur quodd omnis observatio mandatorum Dei vitæ æternæ sit meritum. Quæ autem Sacra Scriptura significet aliquid opus verè bonum esse, quod non sit vitæ æternæ meritum; vellem quodd Sorbona tot Doctorum numerositate conspicua, uno verbo indicasset; ut quæ in multis damnando nocuit, saltem in uno veritatem dicendo profuisset: ne quis fortè suspicetur eam ad damnandum esse paratiorem quàm ad docendum; cum tamen illud sit proprium Doctoris officium. Sed acceptà forsitan Censurarum harum ratione aut defensione, aut exemplari magis probato, plura licebit de omnibus jam notis quæstionibus disserere.

C A R D I N A L I S  
G R A N V E L L A N I  
P H I L I P P O I I.

R E G I H I S P A N I A R U M.

E P I S T O L A.



*Ex Littera Cardinalis Granvellani qua Venerabili in Abbatia J. Vincentii asservantur primum edita.*  
 N gran barahunda me he visto sobre una contencion entre los Frayles de San Francisco, y la dependencia que esto traya de algunos Doctores de Lovayna con harto peligro de que nasciesce gran discordia entre la Universidad de Lovayna, y la de Paris. T no pensava travaxar à V. Maj. en dar le parte desto, aviendo mas de siete o ocho mezes que de Roma le han escripto, y que lo sabe el

Padre Confessor, por via del Ministro General. Algunos años ha que el Presidente Viglius y yo con participation del Dean Ruardo, que en gloria sea, aviamos hablado a los Doctores Theologos, por que usurparan algunas maneras de dezir no acostumbradas en la escuela, para que se abstiniassen, porque aunque en aquello no avia tanto mali en sí, otros tomaran ocasion de passar mas adelante, como lo hizieron aquellos Frayles cuyas proposiciones han sido censuradas. y como estos padres tuvieron otros Padres doctos y pios que les picaron sobre ello quisieron se ayudar de la autoridad destos Doctores contra los quales usaron de alguna altura, unos en sus sermones, por donde tomaron alteracion, y no faltava, como se suele, quien los estimulasse, y ya venia la cosa a terminos que empassaron imprimir in Francia Prospero Discipulo de San Augustin con prefacion que picasse a sus adversarios; lo qual estorve escribiendo al Embassador, mi hermano; y tambien escrivi a Roma para que su Santidad me escribiesse un Breve; dando me autoridad de poder los mandar lo que conveniesse: el qua venido, antes de usar del, como estos Doctores de Lovayna son en lo demas hombres muy catholicos y doctissimos, y de exemplar vida; y que si (que dios no guiera) les perdiessemes, podrian hazer grandissimo daño a la Iglesia de Dios. Considerando que la desesperacion haze salir algunas vezes los hombres a extremos, y que vyendos se abatidos, pobres, sin emparo, y picados, pudieran caer en la desesperacion que digo: parecio me antes de todo, ganar la voluntad de dos principales dellos, y por mostrar les que estavan

en buena opinion, y que no eran desfavorecidos, les hize hablar paraque acceptassen de ser de mi consilio sin salir de Lovayna ny dexar sus cathedras, dando les a cada uno de los dos buena pensión de so mio, lo qual acceptaron de muy buena gana. y como me parecia que y a tenio ganado credito con ellos, y su voluntad mas en mi mano, de alli a algunos dias los llame, como si en el mesmo punto me huviera llegado el breve, y en presentia del Presidente les dixi lo que me parecia convenir, y passaron por lo que yo quize, sometiendo se en todo al juyzio de su Santidad y del Concilio, dieron sus quexas, y sus disculpas: y como el Padre General estava por a qui, yo le correspondia, y nos concertamos en que era bien que este negocio se sepultasse, y que se la hechasse mucha tierra en cima: y su Paternidad ha procurado, proveyando a toto muy cueradamente, que sus Padres callassen, y lo mesmo he procurado yo por la oßora parte con otros Doctores, de manera que y a no sienta en esto ruydo; y espero que al fuego que dello aparentemente havia de nacer, esta en buena parte apagado &c.

De Brussellæ a 18. de Octubre, 1561.

(a) Contentiones istæ inter Minoritas maxime fervebant. (b) Ob Censuram an. 1560. ineptissime latam, quæ supra adducta est.

(c) Ruardus Tappern, Decanus Sacre Facultatis Lovanien-  
si obijt die 2. Martii, an. 1559. Baio infensissimus.

(d) De nomine magis quam de sensu disputabatur.

(e) Censuræ Parisiensis, de qua supra.

## E A D E M E P I S T O L A L A T I N E R E D D I T A.

**N**On leviter interturbatum me vidi ob contentionem quæ erat inter Ordinis (a) Sancti Francisci Religiosos, quæque nonnullos Doctores Lovanien-  
sem inter & (b) Parisiensem Academiam discordia nasceretur. Non mihi visus sum molestus Vestre Majestati futurus, si negotii istius consciam eam fecero, cum à septem vel octo mensibus & ultra, de illo Romæ scriptum fuerit, illudque intellexerit Pater, qui Vestre Majestati à confessionibus est. Aliquot anni sunt, cum ego & Viglius Præses, unâ cum (c) Ruardo Decano, qui in gloria sit, Doctores hosce Theologos fuæramus allocuti, eo quod quibusdam viderentur (d) locutionibus in schola non solitis, quatenus illis abstinerent. Licet enim id non tantum in se contineat mali, alii occasionem sumebant ulterius progrediendi, ut fecerunt hi Religiosi, quorum propositiones censurâ (e) confixa sunt. Quandoquidem autem Patribus his non defuerunt alii Patres docti & pii qui ipsi ex hoc insultarent, ipsi se tutari voluerunt eorum Doctorum auctoritate, adversus quos alii ferociter insurrexerant, & nonnulli quidem in suis concionibus; adeo ne nonnihil inde

inde perturbati sint, non deficientibus, ut moris est, qui ipsos extimularent. Res eò devenit ut (a) ipsi operà Prosperi, discipuli Sancti Augustini typis dare cœpissent in Gallia cum præfatione in qua suos amulos acriter exceperant. Quod equidem disturbavi scribens fratri meo qui ibi Legatus erat. Romam pariter scripsi, ut Sanctitas sua mihi Breve rescriberet, quo mihi facultas concederetur id eis præcipiendi quod expediret. (b) Illud cum recepissem, priusquam eo uter, quia Doctores isti Lovanienses cateroqui sunt maxime catholici, virique eruditissimi, ac probatissima vita: siquæ, quod Deus avertat, illos perderemus, plurimum Ecclesiæ Dei nocere possent; perpendens quomodo desperatio homines nonnunquam ad extrema adigit; & quod illi videntes se prostratos, opibus destitutos & patrocinio, verbisque laceratos, in eam quam dixi cadere possent desperationem: (c) mihi visum est ante omnia conciliandos mihi esse duos qui inter istos Doctores erant præcipui: Et ut eis ostenderem quod bonum nomen haberent, nec ullatenus extra gratiam essent, jussi illos conveniri quatenus de meo Consilio esse assentirent, ita tamen ut nec Lovanio discedere, nec suos deserere cathedras tenerentur: & ego ambobus his pinguem pensionem essem de meo soluturus. Id acceptarunt libentissimè. Et cum mihi viderer illos mihi ita devinxisse ut eorum animos magis in manibus tenerem; paucis ab hinc diebus illos advocavi, non secus ac si eo temporis momento Breve ad me pervenisset: præsentemque (d) præside id illis dixi quod expedire existimabam, & illi omnibus assenserunt quæ requisivi, in omnibus subjicientes se Sanctæ Sedis judicio, ac (e) Concilii. Suas querelas exposuerunt, simulque suæ defensionis rationes. Et quia Pater (f) Generalis in his partibus erat, cum illo egi, simulque deliberavimus expedire ut negotium istud aliè sepeliretur, multà humo desuper injectà. Et sua quidem Paternitas tantam curam adhibuit ac tam sapienter omnia disposuit, ut ejus Religiosi silentio se contineant: quod & ego pro altera parte cum istis Doctoribus ita procuravi, ut ea de re (g) nihil jam audiam, confidamque incendium quod inde verosimiliter erat exortitum, magna ex parte esse extinctum, &c.

(a) Sancti Augustini ac Baii discipuli operà Prosperi typis danda suscipiunt. Id ne fiat impedit Granvelanus.  
(b) Breve missum Granvelano ut contentiones ejusmodi componeret.  
(c) Politici viri consilia.

(d) Viglio.  
(e) Tridentini.  
(f) FF. Minorum.

(g) Sopitæ contentiones hujusmodi.

Bruxellis die 18. Octobris, 1561.



# CENSURÆ ACADEMIARUM HISPANIÆ

Primam  
editam ex  
MS. Mal-  
deri.

In Novem Articulos

## MICHAELI BAIO

Perperam adscriptos.

Venerabili Patri Laurentio Villavicentio, Ord. Erem.  
S. Augustini, S. T. Doctori, Judocus  
Ravesteyn.

**P**ost reditum nostrorum Doctorum è S. S. Tridentino Concilio iterum  
recrudescunt contentiones in nostris scholis Theologicis propter novas  
sententias, quas illi boni viri in Scholis, uti ante Concilium sole-  
bant, invehunt, & magnâ fiduciâ repudiâtâ communi doctrinâ  
tuentur: quas eos confidebamus mutaturos & correcturos postquam  
cum viris doctis in Concilio super eis contulissent. Sed intelleximus  
eos tanquam securos de suarum opinionum veritate, de eis ne verbum quidem apud illos  
fecisse. Itaque alia ratio querenda est, quâ pax & concordia in nostra Schola conser-  
vetur & procuretur. Editio libro M. N. Michael receptissimam doctrinam de meritis  
bonorum operum convellit, non sine stomacho & gravi aliorum reprehensione; quâ ha-  
bet bona justorum opera non habere rationem meriti de condigno vitæ æternæ; nisi ex  
eo quoddam justificatorum opera non liberi arbitrii tantum sunt opera, sed Christi & Spi-  
ritus ejus inhabitantis, justificantis, & eos super naturam sublimantis, sicut mani-  
festè Concilium Tridentinum docet meo quidem judicio, & hætenus omnes Doctores sen-  
serunt & docuerunt.

In eodem Libro docet opera nondum justificatorum ante remissionem peccatorum esse  
verè meritoria, eo quod sint conformia legi divinæ; & alia pleraque similia. Opinor  
Vestram Paternitatem vidisse Censuram Parisensium Theologorum ejus propositiones.

damnantem, quòd opera nondum justificatorum, habentium tamen fidem, sint meritatoria de condigno vitæ æternæ.

Item, in eodem Libro docet primum hominem & Angelum per naturam suam promeritos vitam æternam, non per Spiritus Sancti inhabitantis gratiam.

In altero Libello novam prorsus disputationem habet de statu primi hominis, contendens beatitudinem illam quâ præditus fuit, non fuisse gratiæ beneficium, sed naturalem; & pleraque alia.

De concupiscentia quoque, de qua olim plurimam contentionem Vestra Paternitas audivit, id adhuc docet quòd in renatis lapsis sit proprii nominis peccatum; quamvis in renatis perseverantibus in iustitia non sit peccatum. Eximie Magister noster, nisi vir aliquis strenuus remedium adferat; vides brevi labefactandam opinionem & gloriam Scholæ nostræ Theologicæ, quæ nunc est florentissima & celeberrima per universi Christiani orbis regiones.

Si præsentī cum præsentī communicare consilia liceret, ponerem in deliberationem num consultißimum foret hos libellos & propositiones omnes, quæ concordiam sciundus graviter, sincerè collectas ad Regiam Majestatem transmittere, illiusque sincerissimam erga Religionem studium implorare, ut curet in Academia sua celeberrima Salmasicensi, vel aliâ quâvis, censuram fieri, & hac ratione pacem & concordiam hujus suæ Academia Professoribus severè indicare.

Certè ego promptissimo animo semper parebo catholicarum Academicarum judicio & censuræ, abjecto proprio sensu. Contentiosarum nostrarum disputationum conscius est Reverendissimus Confessarius Regiæ Majestatis; & cum dolore animi sui de iis abscindendis, & sarcienda concordia sæpe necum Bruxellæ egit: hujus ergo operâ, si adhuc à Confessionibus Regiæ Majestatis est, existimarem rem hanc posse feliciter confici. Eximie M. N. cupio de hoc meo consilio vestram sententiam intelligere: & oro ut hujus meæ deliberationis neminem conscium facias. Haud enim ignorat Vestra Paternitas miram tragediam adversus me excitandam, si hæc sollicitudo palam fieret. Christus Vestram Paternitatem diu servet incolumem suæ Ecclesiæ juvandæ. Vale.

Leovani die Novembris 20. 1564.

P. Franciscus Heramus.

## C E N S U R A

Propositionum cujusdam Doctoris, per infrà  
Scriptos Theologos

A C A D E M I Æ  
COMPLUTENSIS,

Jussu Illustrissimi

C A R D I N A L I S  
T O L E T A N I

Sacro-Regiæ Inquisitionis

## P R Æ S I D I S G E N E R A L I S.

## I. P R O P O S I T I O.



Mnis poena est poena peccati. Itaque omnia quæ Sancti sunt  
passi & patiuntur, ut Job, Tobias, B. V. Maria, & omnes  
martyres & Sancti, propter suum peccatum patiuntur.

## C E N S U R A.

*Hæc propositio duplicem sensum habet. Primus, ut nomine sui peccati, significetur  
peccatum Originis, à quo ex sententia hujus Doctoris ne B. quidem Virgo immunis fuit :  
& in hoc sensu non erroris condemnanda. Secundus, ut per suum peccatum significetur  
peccatum actuale; quod intendisse videtur hic Doctor, propter ea quæ continentur se-  
cundâ & nonâ propositionibus; in quo sensu est erronea.*

## II. P R O P O S I T I O.

Indulgentiæ quidem dantur ex thesauro Ecclesiæ : sed hic thesaurus sunt  
Christi

Christi merita, non Sanctorum, qui vix sibi sufficiunt, sed ex Christi gratia habent omnia.

## C E N S U R A.

*Cum vix sibi sufficere Sanctus dicat, erronea est hæc propositio.*

## III. PROPOSITIO.

Locum Joannis 6. *Caro mea verè est cibus*, &c. docet propriè intelligendum de spirituali manducatione, & non de sacramentali.

## C E N S U R A.

*Nisi ex aliis propositionibus suspectus esset hic autor, nihil esset hic annotandum: quia tamen suspectus est, propositio ista videtur applaudere Luthero, qui hunc locum ne syllabam quidem habere unam de Eucharistia sacramento attestabatur. Quare sapit hæresim.*

## IV. PROPOSITIO.

Locum Lucæ: *Ego pro te rogavi, Petre*, &c. exponens dixit Petrum illic gerere personam Electorum; sicut Judas est caput Reproborum.

## C E N S U R A.

*Hæc propositio ut minimùm reddit authorem de hæresi suspectum.*

## V. PROPOSITIO.

Romanus Pontifex non est appellandus Universalis: quia S. Gregorius illud nomen abhorruit, & reprobavit.

## C E N S U R A.

*Hæc propositio sapit hæresim.*

## VI. PROPOSITIO.

In Apologia ad Gregorium XIII. pro suis condemnatis articulis habet hominem posse apud Deum justificari non habito respectu aut relatione ad merita Christi.

## C E N S U R A.

*Hæc propositio est hæretica.*



## VII. PROPOSITIO.

In Concilio Tridentino sunt quædam inconsideratè posita.

## C E N S U R A.

*Si de Canonibus ac Decretis fidei & morum intelligitur, est hæretica: si de iis quæ ad reformationem pertinent; contumeliosa simul & temeraria.*

## VIII. PROPOSITIO.

Post publicationem Sanctissimi D. PP. Bullæ condemnationis articulo-  
rum, non destitit hic Doctor in Scholis & disputationibus spargere & do-  
cere ac defendere sua nova dogmata, & alia antiqua, quæ erant illi inter-  
dicta.

## C E N S U R A.

*Ostendit pertinaciam, & auget suspicionem personæ, cujus sunt hæ proposi-  
tiones.*

## IX. PROPOSITIO.

Martyrum passiones & tormenta, purgationes sunt peccatorum, non co-  
ronæ.

## C E N S U R A.

*Hæ propositio vel inepta est prorsus atque stolidæ, si corona nomen præmium signifi-  
cat: vel planè hæretica, si pro merito usurpetur: quem sensum reddere videtur, pro-  
pter primam & secundam propositionem.*

B A I A N A.  
A L T E R A  
T H E O L O G O R U M  
C O M P L U T E N S I U M  
C E N S U R A.

In novem Propositiones cujusdam Doctoris, jussu  
Illustrissimi D. Cardinalis Toletani.

I. P R O P O S I T I O.

**O**Mnis poena est poena peccati. Itaque omnia quæ Sancti sunt passi & patiuntur, ut Job, Tobias, B. V. Maria, ac omnes Martyres & Sancti, propter suum peccatum patiuntur.

C E N S U R A.

*Dictio, peccati, potest accipi pro peccato Originis, aut pro peccato actuali. Si peccatum Originis significatur, à quo nec B. Virgo, ex sententia hujus Doctoris immunis fuit, nullum errorem continebit? Siquidem Concilium Tridentinum confirmavit Constitutionem Sixti IV. de Conceptione B. Mariæ Virginis, atque innovavit poenas in ea contentas. Si verò pro peccato actuali usurpetur; est aperte erronea: cum de Beata & intemerata Dei genitrice Maria idem S. Concilium Tridentinum declaraverit, tenere Ecclesiam ex speciali privilegio eam omnia peccata venialia vitasse; ut omittamus quæ de Job, & Tobia Sacra Litteræ prodiderunt. Consolutores quippe Job idem onerosi illi erant, quia hoc principio nitebantur; poenas videlicet infligi à Deo propter scelera, & ex magnitudine poenarum gravitatem criminis deducebant. In hoc sensu sumpta videtur hæc propositio, propter ea quæ secundâ & nonâ continentur.*

II. P R O P O S I T I O.

Indulgentiæ quidem dantur ex thesauro Ecclesiæ: sed hic thesaurus sunt Christi merita, non Sanctorum, qui vix sibi sufficiunt, & à Christi gratia habent omnia.

C E N S U R A.

*De Indulgentiarum thesauro quanquam obiter tactum sit ab Alexandro & Leone X. nihil tamen adhuc ex professo definitum esse reperitur: & ob hanc causam Theologi Scho-*

Scholastici in varias sententias abierunt. Si doctor iste tantummodo tradidisset thesaurum istum solis meritis Christi Domini constare, condemnari non posset, quia sententiam quæ est in opinione sequeretur. Addit tamen rationem propositionis, dicens, qui vix sibi sufficiunt, sed ex Christi gratia habent omnia: propter ea nullam possunt habere satisfactionem redundantem, sed vix illis sua satisfactio sufficit: hoc est planè erroneum, & sapiens hæresim. Quia licet in opinione sit an satisfactiones Sanctorum redundantes inter thesauros Ecclesiæ computentur; nunquam tamen Ecclesia vel Catholici dubitarunt, sed semper senserunt D. Virginem nullas meruisse penas, Job & Tobiam plus satisfecisse, quàm deberent. Idem de Apostolis & reliquis viris Sanctis, qui post baptismum nunquam gratiam primam amiserunt, vel amissam maximâ contritione recuperarunt, & in diuturnis pœnitentiis reliquum vitæ tempus transegerunt.

### III. PROPOSITIO.

Locum Joannis sexto: *caro mea verè est cibus*, &c. docet propriè intelligendum de spiritali manducatione, & non de sacramentali.

### C E N S U R A.

Variè ab Expositoribus Sacræ Scripturæ, Caput Joannis sextum; ab illo loco: *ET PANIS QUEM EGO DABO*, &c. interpretari solet. Quibusdam enim placet de Sacramento Eucharistiæ, & de manducatione sacramentali hunc propriè esse intelligendum. Alii de corpore & sanguine Christi (id est de vita & morte Christi) spiritaliter manducando; ita ut propriè de sola manducatione & potu spiritali debeat intelligi: neque S. S. Concilium Tridentinum aliquam expositionem ex his, ut illius loci propriam, determinavit; sed neque ex hoc loco deduxit realem ac veram præsentiam Corporis Christi in Eucharistiæ Sacramento: sed ex verbis quibus consuevit, & ex Paulo & ex traditione. Quanquam ad id Doctor eo utatur ut probet Sacramentum hoc sumendum tanquam spirituale animarum cibus, qui manducat me & ipse vivet, &c. Caterùm quia Auctor istius propositionis est valde suspectus, suspectam videtur sententiam protulisse, atque non tam Catholicorum expositionibus convenientem quàm Lutheri, qui in libro de captivitate Babilonica docuit, hunc locum ne sylabam quidem unam de Eucharistiæ Sacramento habere. Quare hæc propositio sapit hæresim.

### IV. PROPOSITIO.

Locum Lucæ: *Ego pro te rogavi, Petre*, &c. exponens dicit Petrum ibi gerere personam Electorum; sicut Judas est caput Reprobatorum.

### C E N S U R A.

Si perfunctoriè versans hunc Lucæ locum, & perquamdam adaptationem, ut mos est Prædicatoribus, prædestinatis Christi orationem extendens, hanc exhibuisset expositionem; tolerandus quidem esset: quia non omnes, immo pauci hunc rigorem servant

vant ut nunquam ex suggestibus Sacras Scripturas extortas proferant. Significaret ergo illam Christi orationem, quæ propriè ad Petrum & ad ejus successores dirigebatur non solum sufficientem, verum & efficacem pro illis fuisse, tum etiam pro prædestinatis; ita ut non solum impetraverit conversionem Petri, & ejus ac Successorum ipsius confirmationem; sed & omnium Prædestinatorum, quorum præcipuè causâ ille fundamentum est & caput Ecclesiæ. Verumtamen non fuisse hanc mentem illius Doctioris exemplum prodit, quod è vestigio sequitur: sicut Judas est caput Reproborum. Quare significare videtur vel Petrum tantum esse Caput Prædestinatorum, sicut Judas Reproborum, vel nullam Petri & Successorum prærogativam illis verbis contineri, quæ non sit communis singulis prædestinatis: quorum utrumque est hæreticum. Hæc ergo propositio reddit Authorem de hæresi suspectum.

## V. PROPOSITIO.

Romanus Pontifex non est appellandus Universalis, quia Sanctus Gregorius illud nomen abhorruit & reprobavit.

## C E N S U R A.

Hæc propositio sapit hæresim: quia ideo videtur denegare summo Pontifici hanc appellationem Universalis atque Oecumenici, quod credat Author harum propositionum eum non habere universalem in totam Ecclesiam potestatem, ac verus esse addidisse D. Gregorii dictum, ut vel sic suam hæresim tegetet vel fucaret. Quod Sanctum Gregorium attinet, falsum est eum nomen illud in ea significatione, in qua hujusmodi appellatione Ecclesiæ utitur, reprobasse; sed detrectasse honorificentissimum nomen, quo nunquam uti Summi Pontifices in suis Diplomatis, Bullis, ac Decretis Apostolicis voluerant. In cujus fidem & confirmationem consulantur Epistolæ ejus, de hac questione, inter alias maxime 32. & 36. indictionis 2. Ex quibus tria ex ipso colligimus. 1. Beato Petro totius Ecclesiæ curam commissam esse; non Jacobo, Joanni, & cæteris: atque ita totius Ecclesiæ directionem & curam Petri Successoribus alligatam, particularium vis qui cæteris Apostolis successerunt. 2. Concilium Chalcedonense hoc Universalis nomen Summis Pontificibus obtulisse. Etenim nullus libellus oblatas & lectus est in Actione tertia, cujus initium & caput non fuerit: Sanctissimo & Deo amentissimo: vel, Beatissimo & Universali Archiepiscopo Patriarchæ magnæ urbis Romæ Leoni, & Sanctæ & Universali Calcedonenſi Synodo, &c. Subscriptiones etiam Legatorum B. Leonis PP. in similem modum scriptas legimus: Paschasium & Lucentium Episcopos & Bonifacium Presbyterum in Actione sexta subscripsisse Leonis Universalis Papæ nomine. Ex quibus constat in Universalis & amplissimo Concilio hanc appellationem fuisse Romano Pontifici oblatam: & nos etiam posse, imò debere ipsum sic appellare; quia hinc cæteri Episcopi non tolluntur, neque Archiepiscopi aut Patriarchæ; sed Romanum Patriarcham supra omnes Patriarchas, Archiepiscopos, & Episcopos esse agnovimus: atque ita curam totius Ecclesiæ sibi delegatam à Christo proſtemur. 3. Colligitur summos Pontifices nunquam uti voluisse hoc honorificentissimo nomine, se potius humiliter servos servorum Dei appellantes, quod istud à Christo didicerint, cujus personam gerunt in Ecclesiâ. Ne igitur  
nomen



nomen viderentur superbum atque arrogans usurpare; neque alii Episcopi hoc titulo essent offensi, quasi ad seipsos solos Summi Pontifices totam dignitatem Episcopalem transferre viderentur; non solum eo uti noluerunt, sed & sibi oblatum repudiarunt. Hinc etiam est ut idem B. Gregorius dicat nihil se jubere... sed invitare, epistolâ 30. Lib. 7.

Ex his evidentè deprehendimus nomen istud Summis Pontificibus quadrare, atque à nobis in sensu catholico & quo Ecclesia Catholica uti consuevit eos honorandos; Quod si eo sensu negatur in quinta propositione, assertio erit hæretica; atque assertor, hæreticus manifestus. Cum ergo in hunc videatur sensum inclinare, dictum est propositionem hæresim sapere & redolere.

## VI. PROPOSITIO.

In Apologia ad Gregorium XIII. pro suis condemnatis articulis habet, hominem posse apud Deum justificari, non habito respectu aut relatione ad merita Christi.

## C E N S U R A.

Si verbum, posse, dicat aut referat potentiam Dei absolutam; nemo illi contradicit: si tamen referat potentiam lege præscriptam, quod absolute positum est, reddit propositionem manifestè hæreticam; cum sit contra manifesta Sacra Scriptura testimonia, & contra definitiones Sanctorum Conciliorum. Et ne in re aperta diutius immoremur; tantum proferemus testimonium sacri Concilii Tridentini ex Sess. 6. Can. 1. Si quis dixerit hominem suis operibus, quæ vel per naturæ humanæ vires, vel per legis doctrinam fiunt, absque divina per Jesum Christum gratia posse justificari coram Deo, anathema sit. Est ergo propositio hæc planè hæretica.

## VII. PROPOSITIO.

In Concilio Tridentino quædam sunt inconsideratè posita.

## C E N S U R A.

Si de Canonibus ac Decretis fidei & morum intelligitur, est hæretica: cum de fide sit in his omnibus Concilium non errasse, tum quia legitime congregatum, tum quia à Summo Pontifice approbatum. Si de iis quæ ad Reformationem pertinent; temeraria simul & contra traditionem. Videturque alludere hujus propositionis author Lutero assenti, viam nobis factam esse venerandi auctoritatem omnium Conciliorum, & libere contradicendi eorum gestis, & judicandi eorum decreta.

## VIII. PROPOSITIO.

Post publicationem Sanctissimi D. Papæ Bullæ condemnationis articulorum, non destitit hic Doctor in scholis & disputationibus spargere & docere ac defendere sua ista dogmata, & alia antiqua, quæ erant illi interdicta.

B A I A N A.  
C E N S U R A.

*Ostendit pertinaciam, & auget suspicionem personæ cuius est.*

N O N A P R O P O S I T I O.

Martyrum passiones & tormenta purgationes sunt peccatorum, non coronæ.

C E N S U R A.

*Hæc propositio vel inepta est atque stolidæ, si coronæ nomine præmium significaretur; vel planè hæretica, si pro merito usurpetur: quem sensum reddere videtur propter primam & secundam propositiones ejusdem Authoris; nec adeo manifesta ullis eget probationibus.*

C E N S U R A  
A C A D E M I Æ  
S A L M A T I C E N S I S

I N  
E A S D E M P R O P O S I T I O N E S.

I. P R O P O S I T I O.

**O**mnis pœna est peccati pœna: itaque omnia quæ Sancti passi sunt & patiuntur, ut Job, Tobias, B. V. Maria, & omnes Martyres ac Sancti propter peccatum suum patiuntur.

C E N S U R A.

*Hujus propositionis prima pars, quæ dicitur quoddam omnis pœna est peccati pœna, propriè loquendo vera est: non tamen ex eo sequitur omnia quæ Sancti passi sunt, ut Job, Tobias, & B. V. Maria, &c. propter suum peccatum patientur. Itaque duos habet sensus: unus est, omnia quæ Sancti passi sunt, propter suum peccatum, id est, originale,*

ginale, pertulisse. Et hic sensus, si intelligatur ea introducta fuisse propter peccatum Originale & in pœnam ipsius, errore caret. Alter est, illos ea pertulisse propter suum peccatum actuale, & est sensus hæreticus. Videtur autem iste Author hanc propositionem asseruisse in hoc posteriori & hæretico sensu, ut colligitur ex sequenti propositione, in qua affirmat Sanctos vix sibi sufficere, aut vix pro suis peccatis satisfecisse.

## II. PROPOSITIO.

Indulgentiæ quidem dantur ex thesauro Ecclesiæ: sed hic thesaurus sunt Christi merita, non Sanctorum.

## C E N S U R A.

In eo quod negat Ecclesiæ thesaurum constare ex meritis Sanctorum, temeraria est, & hæresi proxima: in eo quod assertur pro ratione Sanctos vix sibi suffecisse, est hæretica. In eo verò quod addat illos ex Christi gratia habere omnia, sapit hæresim.

## III. PROPOSITIO.

Locum Joannis sexto: Caro mea verè est cibus, &c. docet intelligendum de manducatione spiritali, non de corporali.

## C E N S U R A.

In eo quod negat Christum eo in loco agere de sui Corporis manducatione Sacramentali; si intelligat neque de ea manducatione quæ in re, neque de ea quæ voto fit, mentionem ibi à Christo fieri, temeraria est propositio, & sapiens hæresim Sacramentariam.

## IV. PROPOSITIO.

Locum Lucæ: Ego pro te rogavi, Petre, &c. exponens dixit Petrum illic gerere personam Electorum, sicut Judas est caput Reproborum.

## C E N S U R A.

In eo quod tali interpretatione sententia excluditur Catholicorum, qui tradunt illo loco promissam fuisse Petro infallibilitatem fidei in definiendo; temeraria est & proxima hæresi: in eo verò quod Petro in persona Electorum id promissum affirmat, nobis videtur quod Author sentiat vel quod non est summus Pontifex nisi qui sit de numero Electorum; vel quod omnes Electi sunt summi Pontifices; vel quod auctoritas Ecclesiastica residet solum penes Electos, ipsaque Ecclesia solum ex illis constet, ac proinde esset invisibilis: quæ omnes sunt hæreticæ sententiæ.

## V. PROPOSITIO.

Romanus Pontifex non est appellandus Universalis.

## C E N S U R A.

*Si id nomen à Summis Pontificibus usurpari non debere affirmat propter modestiam retinendam; ferri potest ista propositio: si autem quia illis re ipsa ipsum non comperere arbitrat, ideo deuegat; est hæretica.*

## VI. PROPOSITIO.

In Apologia ad Gregorium XIII. pro suis condemnatis articulis habet, hominem posse apud Deum justificari non habito respectu aut relatione ad merita Christi.

## C E N S U R A.

*Hæresin continet omnium pestilentissimam.*

## VII. PROPOSITIO.

In Concilio Tridentino quædam sunt inconsideratè posita.

## C E N S U R A.

*Est præsumptuosissima.*

## VIII. PROPOSITIO.

Post publicationem S. D. PP. Bullæ condemnationis articulorum, non destitit hic Author in scholis & disputationibus spargere & docere ac defendere sua ista dogmata, & alia antiqua, quæ erant illi interdicta.

## C E N S U R A.

*Arguit hominem animi pertinacis & hæretici, & inducit vehementem suspensionem, illum etiam superiores omnes affirmasse in eo sensu quo falsi sunt & erronei.*

## IX. PROPOSITIO.

Martyrum passiones & tormenta purgationes sunt peccatorum, non coronæ.

## C E N S U R A.

*In eo quod affirmat tormenta Martyrum fuisse purgationes, si peccatorum à Martyribus actualiter commissorum purgationes fuisse intelligit omnia illa tormenta; hæretica est. Et similiter est hæretica in eo quod negat ea tormenta fuisse coronas.*

In eodem Codice MS. subsequitur Censura quædam in triginta novem sententias: sed illam non censui hic inferendam, quia nec cui scriptori attributæ sint, nec à quibus lata sit hæc Censura, coniecere potui. Unum liquidò constat illas sententias non fuisse Michaelis Baii, nec ipsi adscriptas; animadverto enim illas fere omnes esse stupendum in modum Pelagianas; & quæ mores tangunt; laxissimas.



## BULLA PII V.

Qua sententiæ septuaginta sex præscriptæ  
sunt an. 1567.

P I U S  
E P I S C O P U S  
S E R V U S  
S E R V O R U M  
D E I.

*Ex omnibus afflictionibus quas in hoc loco à Domino constituti tam luctuoso tempore sustinemus, ille animum nostrum præcipuè excruciat dolor, quod Religio Christiana tantis jampridem turbinibus agitata, novis quotidie propositis opinionibus confuctetur, Christique populus antiqui hostis suggestione dissectus, in alios atque alios errores passim & promiscuè deferatur, quantum verò ad nos attinet, totis viribus conamur, ut illæ simul atque prosiliunt, penitus opprimantur. Magno etenim mærore afficimur, quod plerique, spectatæ alioqui probitatis & doctrinæ, in varias sententias, offensionis & periculi plenas, tum verbo, tum scriptis prorumpunt, deque eis, etiam in Scholis, invicem controversantur; cujusmodi sunt sequentes.*

† Al. o-  
mitt.

† *Ex Libro 1. de meritis operum.*

(a) Al.  
*gratia.*

I.



Ec Angeli, nec primi hominis adhuc integri merita rectè vocantur (a) gratia.

II. Sicut opus malum ex natura sua est mortis æternæ meritorium: sic bonum opus ex natura sua est vitæ æternæ meritorium.

III. Et bonis Angelis, & primo homini, si in statu illo perseverasset usque ad ultimum vitæ, felicitas esset merces, & non gratia.

(b) Al. o-  
mitt. per  
se.

IV. Vita æterna homini integro, & Angelo promissa fuit intuitu bonorum operum: & bona opera ex lege naturæ ad illam consequendam (b) per se sufficiunt.

V. In promissione facta Angelo, & primo homini continetur naturalis justitiæ constitutio, quâ pro bonis operibus, sine alio respectu, vita æterna justis promittitur.

(c) Al. per-  
severaret.

VI. Naturali lege constitutum fuit homini, ut si in obedientia (c) perseverasset, ad eam vitam pertransiret, in qua mori non posset.

(d) Al.  
*gratia.*

VII. Primi hominis integri merita fuerunt primæ creationis munera, sed juxta modum loquendi Scripturæ Sacræ non rectè vocantur (d) gratia: quo fit, ut tantum merita, non etiam gratia debeant nuncupari.

VIII. In redemptis per gratiam Christi, nullum inveniri potest bonum meritum quod non sit gratis indigno collatum.

(e) Al.  
*possunt.*

IX. Dona concessa homini integro, & Angelo; forsitan, non improbandâ ratione (e) possent dici gratia, sed quia secundum usum Sacræ Scripturæ, nomine gratiæ, ea tantum munera intelliguntur, quæ per Jesum Christum male merentibus & indignis conferuntur; idè neque merita, neque merces, quæ illis redditur, gratia dici (f) debet.

(f) Al.  
potest.

X. Solutionem pœnæ temporalis, quæ, peccato dimisso, sæpe remanet, & corporis resurrectionem propriè non nisi meritis Christi (g) adscribendam esse.

(g) Al. so-  
lutio... re-  
surrectio...  
adscriben-  
da est.

(h) Al. con-  
sequemur.  
(i) Al. &  
justo.

XI. Quod piè & justè in hac vita mortali usque in finem conversati, vitam (h) consequimur æternam: id non propriè gratiæ Dei, sed ordinationi natu- rali statim initio creationis constitutæ (i) justo Dei judicio deputandum est; neque

neque in hac retributione bonorum ad Christi meritum respicitur, sed tantum ad primam institutionem generis humani, in qua lege naturali constitutum est, ut iusto Dei iudicio obedientiæ mandatorum vita æterna reddatur.

(a) *Ex Libro 2. De meritis operum.*

(a) AL. omit.

XII. Pelagii sententia est opus bonum, citra gratiam adoptionis factum, (b) non esse regni cælestis meritum.

(b) AL. non est.

XIII. Opera bona à filiis adoptionis facta non accipiunt rationem meriti ex eo quod sunt per spiritum adoptionis inhabitantem corda filiorum Dei; sed tantum ex eo, quod sunt conformia legi, quodque per ea præstatur obedientia (c) legis.

(c) AL. legi.

XIV. Opera bona iustorum non accipiunt in die iudicii extremi ampliorem mercedem, quam iusto Dei iudicio mereantur accipere.

XV. Docet (d) Rationem meriti non consistere in eo, quod qui bene operatur habeat gratiam, & inhabitantem Spiritum Sanctum; sed in eo solum quod obedit divinæ legi: (e) quam sententiam sæpe repetit, & multis rationibus probat toto fere libro.

(d) AL. Ratio &c. omittit: docet.  
(e) AL. omittit. quam sententiam.

XVI. (f) In eodem Libro sæpe repetit, quod non est vera legis obedientia, quæ sit sine charitate.

(f) AL. incipit: non est, &c.

XVII. Dicit (g) sentire cum Pelagio, qui dicunt, esse necessarium ad rationem meriti, ut homo per gratiam adoptionis sublimetur ad statum deificum.

(g) AL. incipit: sententiam.

XVIII. (h) Dicit opera Catechumenorum, ut fidem & poenitentiam, ante remissionem peccatorum facta, esse vitæ æternæ merita; quam (i) vitam ipsi non consequentur, nisi prius præcedentium delictorum impedimenta tollantur.

(h) AL. opera. ut fideles & poenitentiam.  
(i) AL. idem.

XIX. (k) Videtur insinuare, quod opera iustitiæ, & temperantiæ, quæ Christus fecit, ex dignitate personæ operantis non traxerint majorem valorem.

(k) AL. incipit: Opera, &c.

XX. Nullum est peccatum ex naturâ suâ veniale; sed omne peccatum meretur (l) poenam æternam.

(l) AL. mortem.

(a) Al.  
omit.(a) *Ex Libro 1. de prima hominis iustitia.*

XXI. Humanæ naturæ sublimatio, & exaltatio in consortium divinæ naturæ debita fuit integritati primæ conditionis; & proinde naturalis dicenda est, & non supernaturalis.

XXII. Cum Pelagio sentiunt, qui textum Apostoli ad Romanos 2. (*gentes quæ legem non habent, naturaliter quæ legis sunt, faciunt*) intelligunt de gentibus fidei gratiam non habentibus.

XXIII. Absurda est eorum sententia, qui dicunt, hominem ab initio, dono quodam supernaturali & gratuito, suprâ conditionem naturæ suæ fuisse exaltatum, ut fide, spe, & charitate Deum supernaturaliter coleret.

XXIV. A vanis & otiosis hominibus, secundum insipientiam Philosophorum excogitata est sententia: hominem ab initio sic constitutum ut per dona naturæ superaddita, fuerit largitate conditoris sublimatus, & in Dei filium adoptatus; (b) & ad Pelagianismum rejicienda est ista sententia.

(b) Al. o-  
mit. &  
ad, &c.(c) Al. o-  
mit.(c) *Ex Libro 2. De virtutibus Impiorum.*

XXV. Omnia opera infidelium sunt peccata.

XXVI. Et Philosophorum virtutes sunt vitia.

(d) Al. o-  
mit. ista.

XXVII. Integritas primæ creationis non fuit indebita humanæ naturæ exaltatio, sed naturalis ejus conditio; (d) quam sententiam repetit & probat per multa capitula.

XXVIII. Liberum arbitrium sine gratiæ Dei adjutorio, non nisi ad peccandum valet.

XXIX. Pelagianus est error, dicere quodd liberum arbitrium valet ad ullum peccatum vitandum.

(e) Al. so-  
li.

XXX. Non (e) solum fures ii sunt, & latrones, qui Christum, viam & ostium veritatis & vitæ negant; sed etiam quicumque aliunde, quam per ipsum in viam justitiæ (hoc est aliquam justitiam) conscendi posse docent: aut tentationi ulli, sine gratiæ ipsius adjutorio resistere hominem posse, sicut in eam non inducatur, aut (f) ab ea non superetur.

(f) Al. ab  
ea superetur.



(a) *Ex Libro de charitate.*

(a) Al. omit.

XXXI. Charitas perfecta, & sincera, quæ est ex corde puro, & conscientia bonâ, & fide non fictâ, tam in Catechumenis, quàm in poenitentibus, potest esse sine remissione peccatorum.

XXXII. Charitas illa, quæ est plenitudo legis, non est semper conjuncta cum remissione peccatorum.

XXXIII. Catechumenus justè, rectè, & sanctè vivit, & mandata Dei observat, ac legem implet per charitatem, ante obtentam remissionem peccatorum quæ in baptismi lavacro demum percipitur.

XXXIV. Distinctio illa duplicis amoris, naturalis videlicet, quo Deus amatur ut auctor naturæ; & grati, quo Deus amatur ut (b) beatificator: (b) Al. beatificator. vana est & commentitia; & ad illudendum sacris litteris & plurimis veterum testimoniis, excogitata.

XXXV. Omne quod agit peccator, vel servus peccati, peccatum est.

XXXVI. Amor naturalis, qui ex viribus naturæ exoritur; ex sola philosophia per elationem præsumptionis humanæ, cum injuria crucis Christi descenditur à nonnullis doctoribus.

XXXVII. Cum Pelagio sentit, qui (c) boni aliquid naturalis: hoc est, (c) Al. bonum aliquid naturale. quod ex naturæ (d) solis viribus ortum ducit, agnoscit.

XXXVIII. Omnis amor creaturæ rationalis, aut vitiosa est cupiditas, quâ mundus diligitur, quæ à Joanne prohibetur; aut laudabilis illa charitas, quâ per Spiritum Sanctum (e) in corde diffusa, Deus amatur. (d) Al. secundum. (e) Al. in corde diffusa.

(f) *Ex Libro de Libero Arbitrio.*

(f) Al. omit.

XXXIX. Quod voluntariè fit, etiam si (g) necessitate fiat, liberè tamen fit. (g) Al. necessitate.

XL. In omnibus suis actibus peccator servit dominanti cupiditati.

XLI. Is libertatis modus, qui est à necessitate, sub libertatis nomine non reperitur in Scripturis, sed solum nomen libertatis à peccato.

(a) Al. omit.

(a) *Ex Libro de Justitia.*

XLII. Justitia, quâ justificatur per fidem impius, consistit formaliter in obedientia mandatorum, quæ est operum justitia, non autem in gratia aliquâ animæ infusâ, quâ adoptatur homo in filium Dei, & secundum interiorem hominem renovatur, ac divinæ naturæ consors efficitur, ut sic per Spiritum Sanctum renovatus, deinceps benè vivere, & Dei mandatis obedire possit.

(b) Vasa. in omnibus.

XLIII. (b) In hominibus pœnitentibus, ante Sacramentum absolutionis, & in Catechumenis ante baptismum, est vera justificatio, separata tamen à remissione peccatorum.

(c) Al. *se-  
sumt.*  
(d) Al. *o-  
bedientia  
& vera le-  
gis justitia.*  
(e) Al. *in-  
crementum*

XLIV. Operibus plerisque, quæ à fidelibus fiunt (c) ut Dei mandatis pareant; cujusmodi sunt, obedire parentibus, depositum reddere, ab homicidio, à furto, à fornicatione abstinere, justificantur quidem homines, quia sunt legis (d) obedientiæ, & veræ legis justitiæ, non tamen iis obtinent (e) incrementa virtutum.

(f) Al. omit.

(f) *Ex Libro de sacrificio.*

XLV. Sacrificium Missæ non aliâ ratione est Sacrificium, quàm generali illa, quâ omne opus, quod fit ut sanctâ societate Deo homo inhæreat.

(g) Al. omit.

(g) *Ex Libro de peccato originis.*

(h) Al. *ad  
vationem  
meriti.*  
(i) Vasa.  
atrum  
peccatum  
originis ve-  
rè habet.

XLVI. (b) Ad rationem, & definitionem peccati non pertinet voluntarium: nec definitionis quæstio est; sed causæ, & originis, utrum omne peccatum debeat esse voluntarium. (i) Unde peccatum originis verè habet rationem peccati, sine ulla relatione ac respectu ad voluntatem, à qua originem habuit.

(k) Vasa.  
voluntatis  
arbitrio,  
&c.

XLVII. Peccatum originis est habituali parvuli voluntate voluntarium: & habitualiter dominatur parvulo: eo quod non gerit contrarium voluntatis arbitrium. (k) Et ex habituali voluntate dominante fit ut parvulus decedens sine regenerationis sacramento, quando usum rationis consecutus est, actualiter Deum odio habeat, Deum blasphemet, & legi Dei repugnet.

XLVIII. Prava desideria, quibus ratio non consentit, & quæ homo invitus patitur, sunt prohibita precepto, *non concupisces.*

XLIX. Concupiscentia, sive lex membrorum & prava ejus desideria, quæ inviti sentiunt homines, sunt vera legis inobedientia.

L. Omne

L. Omne scelus est ejus conditionis, ut suum autorem, & omnes posteros eo modo inficere possit, quo infecit prima transgressio.

L I. Quantum est ex vi (a) transgressionis, tantum meritorum malorum à (a) Al. generante contrahunt qui cum minoribus nascuntur vitiis, quam qui cum majoribus. *prima transg.*

L II. Diffinitiva hæc sententia, Deum homini nihil impossibile præcepisse, falsè tribuitur Augustino, cum Pelagii sit.

L III. Deus non potuisset ab initio talem creare hominem, qualis nunc nascitur.

(b) *Ex tractatu de oratione pro defunctis.*

(b) Al. omit.

L IV. In peccato duo sunt, actus, & reatus: transeunte autem actu, nihil manet nisi reatus, sive obligatio ad poenam. Unde in sacramento Baptismi, aut sacerdotis absolutione, propriè reatus peccati duntaxat tollitur; & ministerium Sacerdotum solum liberat à reatu.

L V. Peccator (c) poenitens, non vivificatur ministerio Sacerdotis absolventis, sed à solo Deo qui poenitentiam suggerens, & inspirans, vivificat eum & resuscitat: ministerio autem sacerdotis solum reatus tollitur. *(c) Suarez poenit.*

(d) *Ex tractatu de Indulgentiis.*

(d) Al. omit.

L VI. Quando per eleemosynas, (e) aliaque poenitentiae opera Deo satisfacimus pro poenis temporalibus, non dignum pretium Deo pro peccatis nostris offerimus, sicut quidam errantes autumant (nam alioqui essemus, saltem aliquà (f) ex parte, redemptores) sed aliquid facimus, cujus intuitu Christi satisfactio nobis applicatur, & communicatur. *(e) Ripa. aliqua poenit.*  
*(f) Valq. vel aliqua.*

L VII. Per passiones Sanctorum in Indulgentiis communicatas non propriè redimuntur nostra delicta; sed per communionem charitatis nobis eorum (g) passiones impartiuntur, ut ligni sumus, qui pretio sanguinis Christi à poenis, pro peccatis debitis, liberemur. *(g) Al. poen.*

L VIII. Celebris illa Doctorum distinctio. Divinae legis mandata bifariam impleri; altero modo quantum ad præceptorum operum substantiam tantum, altero quantum ad certum quemdam modum, videlicet secundum quem valeant operantem perducere ad regnum æternum (hoc est ad modum (h) meritorium) commentitia est & explodenda. Illa quoque distinctio, quâ opus dicitur bifariam bonum: vel quia ex objecto, & omnibus circumstantiis rectum est, *(h) Al. meritorium.*

(a) Al. *ap-* & bonum (quod moraliter bonum (a) appellari consuevit) vel quia est meri-  
*pellare con-*  
*sueverunt.* torium regni æterni, eo quod sit à vivo Christi membro per Spiritum charita-  
 (b) Al. *est.* tis, rejicienda (b) putatur.

(c) Al. LX. (c) Similiter & illa distinctio duplicis justitiæ: alterius, quæ fit per  
*Sed &.* Spiritum charitatis inhabitantem; alterius, quæ fit ex inspiratione quidem  
 Spiritus Sancti cor ad pœnitentiam excitantis, sed nondum cor inhabitantis &  
 (d) Val. & in eo charitatem diffundentis, quâ divinæ legis justificatio impleatur, (d) odio-  
*Rip. ut* *odiosissima*  
*& persina-*  
*cissima.* *(e) Al. si-*  
*militer*  
*rejecitur.* rejicitur. quâ vivificatur qui verè justificatur, &  
 (f) Al. *Christi.* palmes vivus in vite (f) Christo efficitur; commentitia (g) judicatur, &  
 (g) Al. *est.* Scripturis minimè congruens.

LXI. Denique & illa distinctio duplicis vivificationis: alterius, quâ vivi-  
 ficatur peccator, dum ei pœnitentia, & vitæ novæ propositum & inchoatio  
 per Dei gratiam inspiratur; alterius, quâ vivificatur qui verè justificatur, &  
 palmes vivus in vite (f) Christo efficitur; commentitia (g) judicatur, &  
 Scripturis minimè congruens.

LXII. Non nisi Pelagiano errore admitti potest usus aliquis liberi arbitrii  
 bonus, sive non malus: & gratiæ Christi injuriam facit, qui ita sentit, &  
 docet.

LXIII. Sola violentia repugnat libertati hominis naturali.

LXIV. Homo peccat, etiam damnabiliter, in eo quod necessariò facit.

LXV. Infidelitas purè negativa in his in quibus Christus non est prædica-  
 tus, peccatum est.

LXVI. Justificatio impii fit formaliter per obedientiam legis; non autem  
 per occultam communicationem, & inspirationem gratiæ, quæ per eam ju-  
 stificados faciat implere legem.

(h) Al. LXVII. Homo existens in peccato mortali, sive in reatu (b) æternæ  
*peccati*  
*mortalis.* damnationis, potest habere veram charitatem; & charitas, etiam perfecta,  
 potest consistere cum reatu æternæ damnationis.

(i) Al. LXVIII. Per contritionem, etiam (i) charitate perfectam, & cum vo-  
*cum chari-*  
*tate perfe-*  
*cta.* to suscipiendi Sacramentum conjunctam, non remittitur crimen extra casum  
 necessitatis, aut martyrii, sine actuali susceptione Sacramenti.

LXIX. Omnes omnino justorum afflictiones sunt ultiones peccatorum ip-  
 sorum: unde & Job, & martyres, quæ passi sunt, propter peccata sua passi  
 sunt.

LXX. Nemo præter Christum, est absque peccato originali. Hinc beata  
 virgo mortua est propter peccatum ex Adam contractum; omnesque ejus af-  
 flicti-



fictiones in hac vita, sicut & aliorum iustorum, fuerunt ultiones peccati actualis, vel originalis.

LXXI. Concupiscentia in renatis relapsis in peccatum mortale, in quibus jam dominatur, peccatum est, sicut & alii habitus pravi.

LXXII. Motus pravi concupiscentiæ, sunt, pro statu hominis vitiati, prohibiti præcepto: *non concupisces*: unde homo eos sentiens, & non consentiens, transgreditur præceptum: *non concupisces*: quamvis transgressio in peccatum non deputetur.

LXXIII. *Quamdiu aliquid concupiscentiæ carnalis in diligente est, non facit præceptum, diliges Dominum Deum tuum ex toto corde tuo.*

LXXIV. Satisfactiones laboriosæ justificatorum non valent expiare de condigno poenam temporalem restantem post culpam condonatam.

LXXV. Immortalitas primi hominis non erat gratiæ beneficium, sed naturalis conditio.

LXXVI. Falsa est Doctorum sententia, primum hominem potuisse à Deo creari, & institui sine iustitia naturali.

*Quas quidem sententias stricto coram nobis examine ponderatas (quamquam nonnullæ aliquo pacto sustineri possent in rigore, & proprio verborum sensu ab assertoribus intento) hæreticas, erroneas, suspectas, temerarias, scandalosas, & in præcautes offensionem immittentes, respectivè; ac quæcunque super iis verbo, scriptoque emissa, præsentium auctoritate damnamus, circumscribimus, & abolemus: deque eisdem, & similibus posthac, quoquo pacto loquendi, scribendi, & disputandi, facultatem quibuscumque interdiciamus: qui secus fecerint, ipsos omnibus dignitatibus, gradibus, honoribus, beneficiis, & officiis perpetuò privamus, ac etiam inhabiles ad quæcumque decernimus, vinculo quoque anathematis eo ipso innodamus, à quo nullus Romano Pontifice inferior, valeat ipsos excepto mortis articulo liberare. Cæterum ut jam commoti his de rebus tumultus & contracta odia facilius comprimi possint, simulque animarum saluti plenius consulatur, dilecto filio nostro Antonio, titulo Sancti Bartholomæi in insula Presbytero Cardinali, Granvellano nuncupato, per Apostolica scripta mandamus, ut ipse quid ad perpetuam dictarum sententiarum & scripturarum abolitionem, quid ad arcenda huiusmodi proloquia, & disputationes, quid denique ad unionem & pacem cum communi omnium & ecclesiæ Catholice satisfactione componendam facto opus sit imprimis diligenter expendat; deinde in iis omnibus quæ pro communi salute, tranquillitate, & honore optimum judicaverit, salvâ semper ecclesiæ prædictæ unitate, etiam per alium seu alios fide, doctrinâ & religione præstantes ocyus exequatur, faciatque quidquid decreverit inviolatè ab omnibus observari: contrafactores quoslibet per censuras & pœnas prædictas cæteraque iuris & facti remedia oportuna,*

portuna, appellatione postpositâ, compescendo, invocato etiam ad hoc, si opus fuerit, auxilio brachii secularis. Non obstantibus quod forsitan aliquibus ab Apostolica sit sede indultum, quod interdicti, suspendi, vel excommunicari non possint, per litteras Apostolicas non facientes plenam & expressam de verbo ad verbum de Indulto huiusmodi mentionem: & quibuslibet aliis privilegiis, exceptionibus, indulgentiis & litteris Apostolicis specialibus vel generalibus quorumcunque tenorum existant, per quæ præsentibus non expressa vel totaliter non inserta, effectus præsentium impediri valeat quomodolibet vel differri: & de quibus quorumque totius tenoribus de verbo ad verbum habenda sit in nostris litteris mentio specialis. Nulli ergo omnino hominum liceat hanc paginam nostræ damnationis, circumscriptionis, abolitionis, interdicti, decreti & mandati, privationis & innodationis infringere, vel ei ausu temerario contraire. Si quis autem attentare præsumperit, indignationem Omnipotentis Dei ac Beatorum Petri & Pauli Apostolorum ejus, se noverit incursum. Datum Romæ apud Sanctum Petrum, anno Incarnationis Dominicæ millesimo quingentesimo sexagesimo septimo, Calendis Octobris, Pontificatus nostri anno secundo.

Hanc Pii V. Bullam, etsi non nisi in aliis Diplomatis inserta legitur, visum est hic separatim exhibere: notatis etiam Libris ex quibus collecti dicebantur Articuli qui ad Censuram exhibiti sunt. Licet enim juxta Granvellianni Litteras die 13. Novembris anni 1567. Romæ scriptas, non sit in Bulla expressum ex quo Libro excerpti sint ejusmodi Articuli; id nihilominus adnotatum erat in Extractis ex Bulla Articulis cum Censura, quorum copiam Doctores Theologos fecit Morillonus dum eis Bullam intimavit.

CARDINALIS  
GRANVELLANI  
MAXIMILIANO  
MORILLONIO,  
ECCLESIAE ARIENSIS  
PRÆPOSITO,  
EPISTOLA.  
MONSIEUR LE PREVOST,

Ex Cardinalis  
Granvel-  
lani Regi-  
stro pri-  
mum edi-  
ta.

**V**ous verrez les Lettres que je vous escriis en François cy-jointes, tou-  
chant (a) le Livre que le Docteur Bay a fait imprimer, dont sur ma  
foy je voudrois pour beaucoup qu'il se fust abstenu. Car je crains fort,  
s'il ne prend les choses comme il convient pour venir au remede, que  
l'en ne tombe en termes dont il se trouveroit empêché. Et quelquesfois  
ces gens savants tiennent leurs œuvres, comme les Peres leurs enfans, (b) Ruar-  
dus Tapperus Felagiani-  
zans, & Judocus Rave-  
llyn.  
tant sont rassotéz; & pour les soutenir, tombent en infinis inconveniens. Et je ne  
voudrois qu'au dit Docteur le même advint. Car ce seroit le perdre, au lieu qu'il pour-  
roit servir l'Eglise. Et j'apperçois bien que les vieux (b) Theologiens de Louvain ont  
toujours sentu & sentent qu'il aie voulu user de ces termes: en quoy la verité ils ont  
raison. Car il ne doit tant attribuer à son opinion, quelque savant qu'il puisse estre,  
qu'il ne defere plus à celle qu'ordinairement tiennent les Escholes; & sont toutes nou-  
velletez, comme vous savez, (c) dangereuses. Vous lui pourrez montrer ma Lettre,  
& conférer amiablement avec lui, pour voir s'il se laissera ranger à ce qui luy convient,  
qui seroit un grand bien; & je le desire singulierement pour l'affection que je lui porte:  
& convient que vous avertissiez franchement & librement de ce que vous y trouverez.  
Bien vous voux-je dire, que s'il nes'accommode realement à la raison, à ce que je puis  
appercevoir il se mettra à un bien grand hazard. Ce du Livre est le pis; mais il n'y

(a) Mi-  
chaëlis  
Baili Opus-  
cula an.  
1563. ty-  
pis vul-  
gata.

(b) Ruar-  
dus Tapp-  
erus Fe-  
lagiani-  
zans, &  
Judocus  
Rave-  
llyn.

(c) Res  
Granvel-  
lano peti-  
culi plena-  
loqui ac-  
sentire  
cum Sacris  
Scripturis  
& Patri-  
bus.

(a) Nuf-  
quam ta-  
men pro-  
hibita  
sunt docti-  
isla opuf-  
cula.

a remede, & faut necessairement qu'il se (a) deffende, & que ceux de l'Université entendant que telles propositions ne se doivent comporter. Cela assuré tout le reste pourra passer doucement & sans bruit. Et je vous prie tres affectueusement d'y faire tout le meilleur devoir que vous pourrez, & tost. Vous en pourrez, si bon vous semble, conferer avec le Confesseur de Monsieur le Duc d'Alva, & aussi avec nostre Maître Tileanus, & Jansenius. Mais pour Dieu que vous procurez qu'ils perdent toute passion, & que l'on y procede avec charité Chrétienne, pour rabiller deucement la faute qu'il y a, que sera plus d'honneur à l'Université & à eux mêmes, & gagneront par ce bout plus de reputation, que non d'y procurer aigrement: & ils vous diront les moyens que vous devrez tenir, pour y remedier selon les intentions de sa Sainteté. Mais usez en dextrement & modestement: & que Monsieur (b) nostre Maître entende qu'on ne lui est point contraire, mais que l'on lui veust faire bonne œuvre; comme certes je le desire si avant qu'il se veuille, (c) accommoder: & si non je seray contraint à mon regret de l'abandonner. Et me recommandant tres affectueusement à vôtre bonne souvenance, je prie le Createur qu'il, Monsieur le Prevost, vous doint vos desirs.

(b) Mi-  
chael  
Baius.  
(c) Hoc  
est, modò  
Baius in  
Novorum  
Theolo-  
gorum  
senten-  
tias cat,

De Rome ce 13. de Novembre. 1567.

Inscriptio hæc erat:

A Monsieur le Prevost Morillon.



# ALTERA EJUSDEM CARDINALIS GRANVELLANI

E I D E M

## MORILLONIO

E P I S T O L A.

MONSIEUR LE PREVOST,

Ex eod.  
Registro  
primæ  
editæ.



E tiens que vous vous souvenez des differens qui cy-devant se sont suscitez, d'aucuns qui ont voulu impugner aucunes propositions, & formes de parler, dont feu nôtre Maistre (a) de Louvain, & Monsieur nôtre Maistre Michel Le Bay usoiens, tant aux Lectures que aux disputes, non usitées en l'ancienne Eschole; & que la contention vint si avant, que aucuns Religieux de l'Ordre de Saint François avoient préché à l'encontre d'eux tant au Convent des Religieux de Saint François à Act, qu'ailleurs, & fait censurer les propositions contentieuses, selon que par eux elles avoient esté colligées, tant par (b) l'Université de Paris, que autres, dont l'on craignoit plus grand scandale & trouble se pourroit susciter, au prejudice de la reputation de l'Université de Louvain, & succeder de ce grandes divisions en icelle, pour estre les dits feu de Louvain & le Bay gens (d) s'avans, pieux & de grande autorité & suite en la dite Eschole: & qui, s'accommodant à point les dites propositions, pourroient faire grand fruit en l'Eglise de Dieu, tant par leurs Lectures, Predications, que consultations. Et pour y remedier, l'expedient que l'on prist, fut que la bonne & recommandée memoire de feu Pape Pie le Quart, m'embarga de (e) imposer silence aux deux parties, & de commander sur peine d'excommunication comme je fis tant au dit de Louvain, qu'au Docteur Bay, de non plus user des dites propositions & formes de parler non acoustumées aux Escholes, & aux autres de n'en plus faire mention quelconque, ny en parler au desavantage des dits Docteurs. Or est survenu depuis que le dit Docteur Le Bay a composé un (f) Livre & fait imprimer à Louvain, traitant au commencement d'icelui DE LIBERO HOMINIS ARBITRIO: avec adjonction d'autres opuscles qui concernent les points controversez aujourd'hui

(a) Jean-  
mes Hesse-  
lins à Lo-  
vain.  
(b) Cen-  
suræ Aca-  
demiæ  
habentur  
suprà.  
(c) Tappe-  
tus, Rave-  
steyn à Ti-  
leto, &c.  
(d) Hesse-  
lin & Baii  
pietas &  
credidit.  
(e) Utri-  
que parti  
imposi-  
tum silen-  
tium.  
(f) Opus-  
culorum  
Baii editio  
an. 1563.  
nova in il-  
lum insu-  
gendi oc-  
casio.

(a) Scandalum Theologos.

(b) Pius V. ab a mulis Baii malè seductus, & à Theologis in doctrina Patrum minus exercitatus, ex Baii Opusculis offensus.

(c) Docti qui Scripturæ ac Patrum sententias non novant.

(d) Articulis in Baii Libro inventis ex aliorum relatione habuit Granvellaus.

(e) Hinc solvitur de famosa Bullæ Piana commæ disputatio.

dans l'Eglise: le quel Livre a esté icy apporté & donné (a) scandale à gens sçavans; & l'ayant veu (b) sa Sainteté, & l'opinion que l'on en avoit, s'en est aussi à la verité scandalisé, & voudroit pour beaucoup que le dit Docteur, au quel je porte l'affection que vous savez, se fust abstenu de la composition du dit Livre, & qu'il eust desisté au commandement Apostolique qui par moy lui avoit esté fait. Sa Sainteté en a communiqué avec moy, & outre ce qu'elle se souvient fort bien de ce qui se passa, lorsque feu son Predecesseur me commist cette affaire: car sa Sainteté avoit pour lors la charge de l'Inquisition. Je lui ay ramentu la qualité du dit Docteur le Bay, & le fruit qu'il peut faire en l'Eglise de Dieu, la suppliant quetenant respect à ce, & à la vertu & bon zele du dit Docteur, il luy plust traiter cette affaire de sorte que ce fust avec le moindre scandale du dit Sieur le Bay, que faire se pourroit. Par quoy sa Sainteté se condescendit avec une pieté & charité vraiment Chrétienne: & ayant compassion au dit le Bay, presuppasant qu'il fust tombé en cecy, stimulé de la contention de ses émulateurs; & comme il advient souventefois que pour sauver une proposition qui est échappée, quand l'on prend le chemin du monde, l'on tombe necessairement à estre forcé à concevoir & affermer autres plus absurdes & plus éloignées de la Religion, & me concede sa Sainteté que l'on feroit pour le dit Bay, tout ce que la verité & la foi sauve, & sans faire prejudice à la dignité & autorité d'icelle, se pourroit, pourveu que le dit Docteur se voulsist soumettre à ce que la raison veut, & à la Censure de sa Sainteté: & pour y proceder en cette sorte & avec la charité requise, l'on fist ôter le premier feuillet, afin que l'on ne connût ni l'auteur du livre, ni le lieu où il est imprimé: & s'est examiné l'œuvre par gens (c) sçavans de plusieurs nations, lesquels uniformement ont censuré plusieurs propositions (d) treuvées dedans le Livre en la forme que vous verrez par la Bulle de N. S. P. le Pape, que je vous envoie avec cette, declarant les dites propositions annotées, aucunes erronnées, autres suspectes, autres scandaleuses; AUTRES JAÇOIT (e) SE PUISSENT EN RIGUEUR INTERPRETER EN QUELQUE SENS pour les excuser, donnent toutefois offense à gens pieux qui les lisent. Et s'est faite cette condamnation ainsi generale avec l'adjonction du mot RESPECTIVE, pour plus de douceur. Et comme vous verrez sa Sainteté me commet d'y faire ou par moy, ou y employant autres, ce que je trouveray convenir pour, la dignité de la Religion sauve, pour voir doucement au mal qui de cecy pourroit succeder. Et il m'a semblé que j'en y pourrois entreprendre personne qui avec meilleur zele & discretion y peust satisfaire, que vous. Et tant plus pour l'affection que je ferois que vous portez au dit Docteur Bay, lequel je tiens pour si homme de bien & catholique, que voyant la Censure & determination de sa Sainteté, il n'y voudra aucunement repugner. Autrement il me feroit perdre la bonne opinion que j'ay de lui, & me retirerois de sa protection, laquelle comme vous savez j'ay tenu & tiens comme d'un personnage si vertueux & qualifié, & du conseil du quel j'espere tous les jours me valloir de mieux en mieux. Ce qu'il convient faire est à mon avis, que vous l'appelliez & qu'amplement vous lui faires entendre de ma part ce que dessus, lui communiquant la Bulle originale par laquelle il verra l'intention de sa Sainteté; & que pour non faillir à mon devoir, je ne puis delaisser de la faire executer, mais que je desire bien que ce soit avec le moindre scandale: que faire se pourra. Il verra que par la Bulle il n'est nommé ni son Livre, si bien en icelle il se fait mention des propositions & d'un Livre, sans dire quel. Mais toutefois s'estant publié icelui, il faut regarder par quel moien on pourra remédier.

remedier à ce point : car je ne vois qu'il se puisse delaisser de le defendre, afin que les exemplaires sortent hors des mains. \* Et si sera besoin que au Doyen & aux principaux de la Faculté vous faites ostension de la dite Bulle, après.toutefois avoir parlé au dit Docteur, afin que voyant la Censure de sa Sainteté, ils ne comportent que telles propositions se soutiennent, quelque interpretation ou glose que l'on y veuille donner. Car je vous puis asseurer que pour les sauver l'on a fait tout ce qui a esté possible, & qu'en cette affaire sa Sainteté a usé d'une telle diligence, que si ce just esté pour gaigner tout le monde l'on n'eust sceu faire plus. Et cecy est de telle qualité & importance, & l'a sa Sainteté tant à cœur pour la crainte qu'elle a que sans y remedier promptement, inconvenient plus grand en puisse advenir : Que j'attendray avec bien grand desir nouvelles de vous pour savoir & lui faire entendre ce qui s'y sera fait. Et je desire singulierement que le dit Docteur prenne la chose par le bon chemin pour eviter tous les inconveniens, aux quels en usant autrement il pourroit tomber. \* Et pourtant vous prie autant affectueusement que je puis, d'y user toute diligence, vous servant du conseil de ceux que vous verrez convenir; mais ayant grand égard de fuir (a) ceux qui se pourroient montrer passionnez contre le dit Docteur; Car ce que l'on pretend est de remedier au mal, comme j'ay dit, evitant tant que faire se pourra le scandale du dit Docteur, sans toutefois rien delaisser, suivant l'intention de sa Sainteté, qui doige servir pour conserver la pureté de la doctrine. Et me recommandant tres affectueusement à votre bonne souvenance, je prie le Createur, qu'il, Monsieur le Prevost, vous doint l'accomplissement de vos desirs.

(a) Tiletanus, & Gaudanus.

De Rome ce 13. de Novembre 1567.

Inscriptio hæc erat :

A Monsieur le Prevost Morillon.

Ex Car-  
dinalis  
Granvel-  
lani Regi-  
stro pri-  
mum edi-  
ta.

# MAXIMILIANI MORILLONII CARDINALI GRANVELLANO EPISTOLA.

MONSEIGNEUR,



'Ay receu avec la dépesche qui arriva hier les trois Lettres de vostre Illu-  
strissime Seigneurie sur ce qui touche l'affaire de Monsieur Nôtre Maître le  
Bay avec la Bulle de N. S. Pere, qui a meritoirement condanné les propo-  
sitions y contenues, quine servent que pour engendrer troubles. J'ay dili-  
gemment leu tout ce que m'avez écrit pour mon instruction, que je suivray  
ad litteram: esperant avec l'aide de Dieu vous en rendre bon compte. J'en ay parlé à  
Mr. de Saint Barvon, afin qu'il soit prevenu si d'avanture opus esset brachio, n'est  
tant autrement besoin in iis quæ sunt justitiæ, d'aucun PLACET. J'ay mandé  
le dit Bay, que j'attend demain; & je verray ce que je polray faire avec lui seul avec  
douceur & bonnes remontrances: & si je le trouve dar, je prendray l'assistance de Mon-  
sieur nôtre Doyen (a) & Curé, afin d'estre temoins de ce que j'y feray. Mais je tiens  
que veant vos paternelles & tant charitables admonitions qu'il se amolira. Et certes  
votre Illustrissime Seigneurie n'a peu fait pour lui qu'il n'est denommé en la Bulle. Le  
principal est du Livre, qu'il faut abolir quoy qu'il en soit. Et comme je l'ay toujours  
connu bonne personne & bonhomme rond, j'espere en venir mieux à chef, que je n'eusse fait  
de Maître (b) Jean de Lovanio, qui estoit docte, mais (c) opiniatre en ses para-  
doxes. Dieu lui pardoint.

(a) Pleba-  
nus San-  
cti Gudul-  
læ.

(b) Jean-  
nes Heff-  
lius de  
Lovanio.

(c) Sic fir-  
mitas in  
veto indo-  
ctis acti-  
midis per-  
vicacia est.

(d) Indo-  
ctus Rave-  
syn à Tile-  
to.

J'ay écrit à votre Seigneurie Illustrissime de ce que nostre Lupi me dist lorsque j'estois  
à Malines, dont depuis me trouvant à Louvain j'ay tenu propos au dit Bay, qui re-  
sois content qu'il se vouloit soumettre en cecy. Donc il a écrit au Curé de Saint Jean  
de Malines, qui luy fait la reponse qui vad cy-jointe avec la Lettre que m'ecrivit hier  
le dit Bay, laquelle est ensuite des propos que ensmes à Louvain sur cecy, lors que je  
lui remontois que toutes nouvelles estoient dangereuses. Il se plaint fort de (d) Mr.  
Tileto, qui s'est, à ce qu'il dit, vanté qu'il y viendrois une Bulle contenant Censures.

Je



Je regarderay s'il y aura moyen de les rejoindre, sans prejudice toutefois de la Religion, & de l'autorité du dit Tiers, avec lequel tient la plus (a) sainte partie de la Faculté.

Je ne faudray de communiquer la dite Bulle au Confesseur de Monseigneur le Duc d'Albe, pour avoir son avis, comme je feray avec ceux de (b) son Ordre. Car pour bien faire, il faudroit à mon semblant mander le Provincial Pepin, les Gardiens de Namur, Aeth en Haynaut, & Saint Omer, qui ont adhérent aux dites nouvelles, pour leur intimer la dite Bulle & Censure, afin qu'ils ne puissent prétendre ignorance, & se deportent pour l'avenir. A tant je prie Dieu qu'il vous doins, Monseigneur, tres-bonne & longue vie, me recommandant toujours tres humblement à la bonne grace de votre Illustrissime Seigneurie.

De Bruxelles le 21. Decembre 1567.

De votre Illustriss. Seigneurie, tres humble  
& tres obeissant serviteur.

MAX. MORILLON.



I A T T E

(a) Sanctor.  
judicio vi-  
ri minime  
Theologi.  
(b) Ordin.  
S. Francis-  
ci, qui non  
Bail sed SS.  
Patrum  
adhare-  
bant sen-  
tentiis,  
quæ huic  
non-  
Theologo  
novæ vi-  
debantur.

Ex MS.  
Gaudani,  
circa an.  
1570.

ATTESTATIO  
CORNELII  
JANSENI,  
DECANI SACRÆ FACULTATIS  
LOVANIENSIS,  
DE  
BULLÆ PII V.  
INTIMATIONE.



Ecanus pro tempore Facultatis S. Theol. in Universitate Lovanienſi, omnibus & ſingulis præſentes Litteras inſpecturis ſalutem in Domino. Notum vobis facimus quòd die datæ præſentium indiçtæ ad hoc ſpecialiter Congregatione diçtæ Facultatis comparuit coram nobis R. D. Maximilianus Morillonius, præpoſitus Eccleſiæ D. Petri Arienſis, & Illuſtriſſ. & Reverendiſſ. D. Cardinalis Granvelli, Archiepiſtopi Mechlinienſis, Vicarius Generalis, qui ibidem expoſuit brevi ſe accepiſſe Bullas Apoſtolicas S. D. N. Pii Papæ V. expeditas Romæ Cal. Octob. ultimo præteriti, Pontificatus ſui anno ſecundo, quibus certæ ſententiæ & ſcripturæ, proloquia & diſputationes damnantur, *reſpectivè tanquam erroneæ, hereticæ, ſcandalofæ & piam auriſſimè offenſivæ*, QUANQUAM EARUM NONNULLÆ ALIQUO PACTO SUSTINERI POSSENT IN RIGORE ET PROPRIO VERBORUM SENSU AB ASSERTORIBUS INTENTO, quibus pauci aliqui Magiſtri hætenus in noſtra ſchola novo more uſi ferebantur. Quarum Litterarum executionem ſua Sanctitas mandavit dicto Illuſtriſſimo Domino, qui per ſuas Litteras datas Romæ 13. Novembris ultimo præteriti, ac ejus manu ſignatas dictum D. Præpoſitum, ſuum Vicarium, ſubdelegavit, vices ſuas hac in parte plenariè committendo. Qui dictas Bullas Apoſtolicas & litteras Illuſtriſſ. Domini ſui ſanas & integras nobis cum debita reverentiâ exhibuit, & earum

earum tenorem de verbo ad verbum clarè & distinctè à principio usque ad finem legit; & finitâ earundem lectione, mox easdem in dictâ Congregatione publicavit, & nobis ac cuilibet nostrum omnibus melioribus modo, via & forma, quibus potuit & debuit, intimavit, insinuavit, & ad omnium nostrum notitiam deduxit. Deinde cohortatus nos ad pacem & concordiam, obsecrando in visceribus D. N. Jesu Christi, ut sepelitis omnibus, uniformem, puram ac consuetam doctrinam à Majoribus nostris, vitis doctissimis, acceptam, & in hac celebri Schola, quæ semper apud Sedem Apostolicam, & omnes totius Christiani orbis Ecclesias magni nominis fuit, usitatam profiteremur & doceremus; ac æternæ salutis memores, siquid fuit dissidii, placidè componeremus; ne id nobis obijci possit quod meritò hujus temporis sectariis & hæreticis impropertur, nimirum ipsos inter se non convenire, sed diversarum opinionum procellis agitari, & in contraria studia rapi. Unum esse Deum, unam fidem, unum baptisma, unam Ecclesiam, intra quam nos oportet consistere. Itaque superesse ut quilibet nostrum ea consilia adferret, quibus præsentî malo idonèe mederi, & suæ sanctitatis jussioni ac mandatis fieri possit satis. Quibus intellectis, cum quilibet nostrum pro suo modulo quid expedire putaret protulisset, tandem D. Præpositus dixit necessarium esse ut non solum à sententiis, scripturis, proloquiis & disputationibus articulorum in dictâ Bulla expressorum deinceps omnino abstineatur, sed ut etiam libri editi, ex quibus dicti articuli fere omnes desumpti sunt, interdican-  
tur. Ulterius dictus D. Præpositus ad executionem dictarum litterarum Apostolicarum progressus in hanc sententiam conclusit, nempe quòd tanquam sanctissimi D. N. Commissarius, licet indignus, à dicto Illustriss. D. suo Card. Granvellano subdelegatus, autoritate S. Sedis Apostolicæ, & in vim dictarum litterarum, nobis Decano & cæteris Magistris dictæ Facultatis mandabat, & in virtute sanctæ obedientiæ districtè præcipiendo injungebat, ut omnia & singula in dictâ Bulla expressa juxta mentem & voluntatem suæ Sanctitatis præcisè observaremus, & ne articulos per eandem condemnatos publicè vel privatim doceremus, tractaremus, differeremus, vel in disputationibus & scholis defenderemus, seu ab aliis doceri, tractari, asseri seu defendi, publicè vel privatim aliquâ ratione pateremur: idque sub pœnis & comminationibus in dictâ Bulla expressis. Ad quæ per Nos Decanum de consensu dictorum Magistrorum, nomine Facultatis, eidem D. Præposito responsum fuit, quòd dictam Bullam Apostolicam SS. D. N. Pii V. ac singula & universa in ea contenta unanimiter, & cum ea quâ decet reverentia acceptaremus, sicut actu humiliter acceptavimus; & quòd eidem intendebamus in omnibus & per omnia tanquam veri obedientiæ filii, ut par erat, religiosè parère & obtemperare; habentes Sanctitati suæ humillimas & immensas gratias, quòd nostræ Scholæ hanc paternam curam gerat. Et quòd hæc melius observare possumus, petebamus copiam dictæ Bullæ, seu saltem articulorum in ea damnatorum. Insuper promissimus daturos nos seriam operam ut nulla sit apud nos doctrinæ diversitas, quod ut citra strepitum & scandalum curare possimus, omnes uno ore intercessimus ne ad publicam interdictionem dictorum librorum procederetur, cum id absque gravi multorum offendiculo, & auctoris li-

bellorum perpetua infamia, fieri non possit, & nunc abunde sufficiat Articulos controversos esse damnatos, & amplius proponi & defendi non posse, cui rei operam diligentem essemus navaturi. Ad quæ dictus D. Præpositus respondit ope multas easque graves causas in præsentiarum non posse tradi copiam Bullæ, sed articulos suâ manu transcriptos se Facultati daturum, ne à quoquam ignorari possint; eâ tamen conditione quodd promitteremus, sicuti illic promissimus, quodd dictorum Articulorum transumptum à solis Magistris haberetur, & præter eos nemini communicabitur, donec plenior facultas eos communicandi fuerit obtenta, addens multum se probare promptitudinem nostram in obediendo mandatis SS. D. N. sed quodd interdictionem librorum intermittere non posset, cum hoc serid sibi esset præscriptum. Verum cum nos vehementer urgeremus, & precando instaremus; respondit dictus Præpositus dilaturum se dictorum Librorum prohibitionem, donec secundam justificationem acceperit, eâ tamen lege, quodd eâ superveniente citra moram parebitur. De quibus omnibus sic actis, dictis, & gestis præfatus D. Præpositus sibi à Nobis Actam tradi petiit, quam illi concessimus tenore præsentium litterarum, quas in fidem & testimonium præmissorum fieri, & Facultatis nostræ sigilli applicatione communiari, ac per Notarium Nostrium subscribi iussimus. ac mandavimus. Datum Lovanii in dicta Congregatione in ædibus Venerabilis & Eximii Sacre Paginæ Professoris D. M. Judoci à Ravesteyn de Tileto, die lunæ vigesimâ nonâ mensis Decembris, anno 1567.

*Decanus erat Cornelius Jansenius qui non diu post Gândensis Episcopus fuit. Magistri Regentes & Legentes reliqui, Judocus Ravesteyn Tileanus, Michael de Bay, Hannau, Goefus, Cunerus, Cornelius Reyneri à Gauda seu Gandanus.*



# MAXIMILIANI MORILLON

Ex cod.  
Regist.  
prin. dñi  
edict.

## EPISTOLA CARDINALI GRANVELLANO.

MONSEIGNEUR,

**L**'Ay reçeu hier les Lettres de Vostre Illustrissime & Reverendissime Seigneurie, faisans mention de la Bulle de sa Sainteté touchant (a) le Livre De libero arbitrio du Docteur Maistre Michel de Bay & ses autres opusculs, laquelle j'ay mis à execution avec le moindre scandale dudit Docteur qu'il m'a esté possible, advertissant en preallable M<sup>r</sup>. de Saint Bavon, & apres le Confesseur de Monseigneur le Duc d'Alve, lequel en a esté embonché par lui & aussi de mon dit besoigné, apres mon retour duquel à ce qu'il m'a affirmé, son Excellence s'est fort contenté, selon que j'ay plus amplement écrit à Vostre Illustrissime Seigneurie dymanche dernier. Neanmoins je parleray encore au dit Confesseur, me offrant de faire rapport à son Excellence, si elle me commande de mon dit besoigné. Et jusques ores n'ay-je fait aucune chose sans l'avis du dit Confesseur. Depuis j'ay de son avenu mandé vers moi le (b) Commissaire des Cordeliers de la Province de Flandres, & lui enchargé de donner ordre que les Articles condamnez ne seront plus traitez par ceux de son Ordre : & que venant icy le Ministre que l'on attend dedans quatorze ou quinze jours, il le me amena pour lui insinuer la dite Bulle ; comme je fis hier à (c) F. Pierre Lupi & à son Professeur, present le Curé de Sainte Goule, comme Notaire. Ils se sont tous deux demonstrez, fort humbles & obeissans, & ont promis d'abstenir de ces controverses, dont j'espere vous envoyer l'Acte Dymanche prochain, que j'ay passé aussi avec participation dudit Confesseur. Quant aux autres Provinces des Cordeliers, il n'y a tel danger comme à celle de

(a) Bulla.  
Fit V. ad-  
versus 76.  
Articulos  
edita ve-  
luti ex  
istis Baii  
Opusculis  
collectos  
in quibus  
liquet eos  
non habe-  
ri.

(b) Padre  
Angelo  
Averia.

(c) Baij-  
seclatoci-  
bus.

(a) In Pro-  
vincialis  
Minorita-  
rum, qui  
Baio ad-  
hærebat,  
locum suf-  
ficiendus  
proponi-  
tus P. Leo-  
dus Baïi  
æmulus.

*Flandres : & nous pouvons attendre la venue du Commissaire Patre Angelo A-versa, qui pourroit bien faire Provincial au lieu de (a) Pepin, Frere Theodore Leodius qui a esté vers le Roy en Espagne, & auquel son Excellence montre grande affection. Je ne seray autre chose en cette affaire sans le sceu de son Excellence, & me trouveray vers elle toutes les fois qu'elle me sera appeller. J'ay fais tenir au Duc vôtre paquet par le Conseiller Delrio, & adressé toutes vos Lettres. A tant après m'estre recommandé tres humblement en la bonne grace de Vostre Illustrissime & Reverendissime Seigneurie, je prie Dieu vous donner, MONSEIGNEUR, vos desirs.*

DE VOSTRE ILLUSTRISSIME ET  
REVERENDISSIME SEIGNEU-  
RIE.

*De Bruxelles le 11. Janvier 1568.*

*Vôtre tres humble & tres obéissant serviteur.*

MAXIMILIEN MORILLON.

EJUS.

E J U S D E M  
M O R I L L O N I I  
E I D E M  
C A R D I N A L I  
G R A N V E L L A N O  
E P I S T O L A.  
M O N S E I G N E U R.

**E**stant dernièrement à Louvain j'ay delivré les Lettres de vôtre Illu-  
strissime Seigneurie à Messieurs Tileto, Jansenius, & le Bay: ce que  
j'ay différé jusqu'à lors afin qu'ils les eussent tous ensemble, pour ce que  
si je eusse envoyé aux deux premiers chacun la sienne, réservant celle de  
M. le Bay pour ce qu'elle contenoit credence, jusques à mon aller là, <sup>(a) Justa</sup>  
ce ne fust esté sans lui donner ombre, de la quelle il n'at faite sans cela. <sup>Bail que-  
rels.</sup>  
Car je l'ay trouvé plus fâché cette fois, que je n'ay fait les précédentes, (a) se com-  
plaignant d'avoir esté condamné sans estre ouï: que les articles sont esté mal recueillis,  
selon qu'il se trouvera les conferant avec son Livre; & qu'il y en a aucuns en la Bulle  
qui ne font sens: Que par icelle l'on a décidé aucuns articles, qui sont en tous tems esté  
disputés & controversés entre les anciens: Qu'il craindroit que quelque jour se polroit  
dresser quelque escrit à l'encontre. Vôtre Illustrissime Seigneurie peut croire que ces pa-  
roles me furent bien dures, & ne puis nier qu'elles ne m'ayent scandalisé, d'autant plus  
que (b) le dit Tileto m'avoit dit que l'on l'avoit averti qu'il se dressoit quelque Ecrit  
contre la Bulle. Je respondis au dit Bay que me estoit chose étrange d'avoir tels pro-  
pos de luy & le voir plus aigre que du passé. Et reprenant les points qu'il alleguoit  
pour griefs, je lui expliquis que son Livre avoit parlé pour lui, & qu'il n'estoit besoin  
de l'oïr, puisqu'il le contenu du dit Livre estoit clair & pouvoit témoigner sa doctrine  
après sa mort. Et quant aux Articles mal colligés, que je me rapportois à la Bulle &  
à son.

à son dit Livre. Mais qu'il avoit grand tort de se plaindre que la Bulle contient aucuns Articles qui ne sont siens, puisque cela faisoit pour lui, demonstrent que la Bulle n'estoit faite pour lui seul, comme aussi il n'est mentionné en icelle. Et que touchant les Articles qui sont esté de tout temps controversés & en dispute, je m'assurois que le Saint Siege Apostolique savoit fort bien ce qui se devoit defendre ou non : & qu'il ne pouvoit nier que sa doctrine ne fust esté censurée de ceux (a) de Paris, de toutes les Universitez d'Espagne, & de plusieurs savans personnages de Rome; & qui plus est que (b) aucuns Peres au Concile de Trente en avoient esté scandalisez, & sans Monsieur d'Ipres & la haste que l'on avoit de conclurre le Concile, estoient en danger d'estre condamnez en sa propre presence. Et que venant au principal point, que quelques Ecrits se polroient dresser contre la Bulle, que je le voulois bien adviser en ami que si cela se faisoit, ce seroit le chemin pour l'affoller, d'autant que sa Sainteté voudroit estre obeie, & encore plus (c) sa Majesté, qui ne permettroit à aucun sien sujet un si audacieux & scandaleux fait, sans le fort bien chastier. Et qu'il ne se forcomist que qu'encores le nom de l'auteur seroit supprimé, que l'on s'en prendroit à lui seul : & qu'il trouveroit le Roy & le Duc d'Alve parties. Il me demanda comme le Roy pouvoit savoir à parler ou juger de telle matiere néfuit par rapport. Je respondis que c'estoit le seul chemin pour informer les Princes qui ne peuvent savoir pour la grandeur de leur Pais ce que l'on y fait, sinon par rapport de ceux en qui ils se fient : & qu'il pouvoit connoître par ce qu'estoit passé depuis quinze jours par deça, que sa Majesté avoit esté aussi bien informée, comme si elle fust esté sur le lieu ; & qu'il se gardast bien de se joûer aux deux souverains puissances de ce monde : Que je lui avois esté ami jusqu'à present, mais que je ne le polrois estre davantage. Il me dist qu'il n'ecriroit jamais directement ni indirectement contre la Bulle, & ne permettroit qu'autre le fist ; & que sur sa part de Paradis il ne savoit homme vivant qui le fist. Et commença à alleguer aucunes positions de Saint Augustin & de Prosper pour justifier aucuns ses articles. Mais je lui copis tout court la buchette, disant que je n'estoie pour juger d'icelles, pour (d) non les entendre ni les vouloir entendre, & que ce me sembloient choses curieuses, & peu faisantes pour bien croire & bien vivre : que nôtre Roy vouloit qu'en toutes les Universitez de ses Provinces la doctrine & maniere d'enseigner en Theologie fût semblable & uniforme ; & qu'il ne vouloit qu'il y eust discordes. Es pour conclusion je lui demandis s'il vouloit départir de sa premiere & resoluë determination qu'estoit d'obeir à N. S. Pere, lequel n'avoit toujours dit & reconnu le seul juge de la doctrine. Et que tous bons Chrétiens estoient tenus d'obeir son jugement. (e) encore qu'il y eust erreur. Car cette theorique at il maintenant de la premiere beure que je lui insinué la Bulle. Il me repondit avec une grande promptitude, que tant qu'il viveroit il se montreroit fils d'obedience. & parleroit ce même langage persistant en sa dite determination, m'oprians que je ne fusse esbahi de le voir alier (f) qu'il portoit un grand dueil en son cœur, même de ce que ses adversaires prennent plaisir à le diffamer par tout, dont s'est aussi plaint à moy Nôtre (g) Maître Goussin avec chandes larmes, qui prend la chose tant à cœur qu'il a truvé mourir, & est encôres en mauvais estat, & le dit Bay n'est gueres mieux. Dieu ne leur seroit petite grace de les prendre de sa part, s'ils ne veulent oblir leur peu fondé regret & resentiment. Ils se plaignent fort du Gardien de Nivelles, (h) Regis. Je leur ay dit que me faisant apparoir de ses detractions, je feray tout devoir pour les reprimer.

(a) Quales  
sint illz  
Censuræ  
vide in  
Observa-  
tionibus  
nostris.  
(b) Id vel  
de suo vel  
ex fallā  
æmulo-  
rum Baii  
relatione  
dicit Mori-  
llonius.  
(c) Minis  
terre ur  
Baius.

(d) Se mi-  
nistrē  
Theolo-  
gum fæ-  
tur Mori-  
llonius.  
(e) Nova  
& horren-  
da hæresis  
Morillonii  
vel infi-  
pientia.

(f) Quan-  
tæ Baii an-  
gustiz.

(g) Eju-  
dem Aca-  
demiz ac  
fementiz  
doctor  
Theolo-  
gus Baii  
intimē fa-  
miliaris.

(h) P. Re-  
gis Cordi-  
ger vehē-  
mens in  
Baium de-  
clamator.



Il est fort aigre & rude. Retournant icy le Padre Angelo, je lui prieray de luy faire une bonne leçon ce que (a) 52. ne ferait, qui estiment peu que ceux qui ont offensé souffrent. Et je serois bien avec lui ne just qu'il emporte tant que cecy demeure enseveli par une vraie épitaphie. Je me doute que Monsieur Tileto soit trop liberal à communiquer (b) les articles contre ce que je lui ay si sçiemment enjoint, comme auez veu par (c) l'Acte de la Faculté, confessant les avoir donnez à (d) Monseigneur d'Ypres, à l'Abbé de Saint Ghislain, à la Faculté de Theologie de Douay, & aucuns Professeurs de Monasteres. Sur ce que je lui ay dit mon opinion, & que pour tenir la chose assoupie il ne les doit tant communiquer; il dit que c'est pour effacer la semence que aucuns en ont fait en divers Monasteres, même en celui de (e) Vicogne, où icelle nouvelle doctrine a esté fort plantée au regret des Facultez de Louvain & de Douay. Pour retourner au dit Maitre Michiel, le veant en telle peine & regret, il ne m'a semé de lui mestre pour cette fois en avant (f) l'abjuration, & qu'il print congé de moi pour se faire absoudre, encore qu'il me semble qu'il en ait bon besoin. Mais quand les esprits des gens sont ainsi agitez, il vaut mieux différer pour quelque tems, que de les irriter ou exacerber davantage. Il desire fort votre retour pour pouvoir parler à votre Illustrissime Seigneurie laquelle peut-estre ne se trouvera si dur à la dite abjuration, comme je pourrois faire. Et ayant communiqué sur ce point avec Monsieur (g) Jansenius en grande confidence, & avec conjure qu'il n'en fasse semblant à qui que ce soit, puisque je le voulois declarer à lui seul, comme bien-toit futur Evêque, il n'a aucunement esté d'avis que pour cette fois j'en fisse ouverture, cum animus sit nimis æger. Et aussi ce seroit pour augmenter son peché si estant admonesté il ne se rendit obeissant. Le dit Sieur Jansenius lui porte une grande coleance, pour le tenir (h) tant homme de bien, disant tous les jours la Messe, & grand ennemi des Sectaires. C'est donnnage qu'il s'est mis en ces rêveries. Car à ce que m'assure le dit Jansenius, il enseigne autant bien que l'on sauroit desirer sans toucher la nouvelle doctrine: comme aussi il n'avoit pas fait trois ans auparavant la condamnation de N. S. Pere. Bien s'est il fort étonné à l'endroit de Monsieur Tileto, qui aussi n'en peut ouïr parler, & au quel je n'ay voulu faire semblant de ce que j'avois passé avec lui: car je me doute qu'il ne tiendrait le secret, comme fera le dit Jansenius, qui est bonne personne & discrete, & dit qu'il n'eust jamais cru (i) que la dite doctrine se fust ainsi esteinte, & qu'il n'en est non plus de memoire aux Escholes, que si l'on n'en eust jamais parlé. Et que le dit (k) Bay lui même, quand aucuns aux disputes l'ont voulu remuer, le: a rejeté. Mais aucuns des plus sçavans Bacheliers l'abhorrirent maintenant autant, comme par cy-devant ils y ont adberé, & s'en moquent pour le present, ce que mi donne quelque consolation & espoir de maintenir le tout au même estat, où avec la grace de Dieu, vos bonnes instructions, & l'advis des gens debien, il a esté mis. Et n'y ay autre scrupule, ni difficulté que de ces (l) deux gens sur les quels je tiendray Peil ouvert, & ay mis guet, vous assurant, Monseigneur, que j'ay cette affaire au tant à cœur comme il emporte pour le service de Dieu & repos de son Eglise, & ne faudray si je descouvre, quelque chose, le faire entendre clairement à votre Illustrissime Seigneurie. Le Docteur Gaudanus qui s'est gradué le premier de ce mois, me dit d'avoir veu quelque Ecrit en Hollande, & a prins en sa charge de le recouvrer. Si cela se fait, je sauray le premier

K

mier

Pietas & in Hæreticos zelus. (i) Contentiones sopita. (k) Modestia Baii. (l) Baius & Goezus.

(h) Baii

(a) Sicut hac cistra latitabat terrioris Ministorum nomen.

(b) 75. articuli in pñ v. Bulla damnata.

(c) Attentatio Cornelii Jansenii supra celata.

(d) Martino Rythovio.

(e) Abbatia Canonicorum Regularium, Valencianis duobus circiter milliatibus distans.

(f) Baium adigere volunt ad ejurandum articulos supra dictos; & ad absolutionem recipiendam, ac si aliquam Censuram incurrisset; eris nullum ex illis docuisset in sensu in quo damnati sunt.

(g) Paulo post Episcopus Gandavensis.

mier auteur. Car il faudra que celui pres du quel il se trouuera, die de qui il Pat en, & ainsi de main en main. J'ay touché quelque partie de ce que dessus à 52. Mais non pas si particulièrement comme le contient cet Escript que je supplie votre Illustrissime Seigneurie vouloir garder pour ma memoire, si j'en eusse affaire cy-après. Car je ne le vendrois laisser passer par les mains de mon homme, & je n'ay vens pour le copier. Il suffit que le dit (a) 52. sache le plus gros dont je l'ay bien voulu advertir, si d'avanture quelque chose survenoit, ne dicat non prædictum: & je polray tant mieux recourir à luy. Je vouldrois qu'il ne creust tant (b) Frere Leodius qui parle beaucoup de cette affaire, & est de la même humeur que (c) Regis, mais plus maniable. J'ay bonne amitié avec lui, & le prieray de ne vouloir tant nuire aux humeurs. Je me suis trouvé depuis vers le dit Bay, & procurit que le dit Jansenius nous vint surprendre sans faire semblant qu'il sceust que j'y estois, & ja avois-je remis en propos le dit Bay, que je trouvis bien de meilleure sorte, que n'avois fait auparavant; & m'assura de nouveau qu'il ne desobeiroit jamais à l'ordonnance de sa Sainteté, me priant de pardonner à son infirmité. Je lui declarai la bonne volonté que lui portez, & quo avenant quelque vacation à Malines seriez joieux le retirer près de vous, dont il montre grand contentement, & à ce qu'il demonstroit ne refusera le party s'il vient, combien que le jour precedent il avoit assez déclaré qu'il ne changeroit la condition qu'il avoit au College, hors du quel je le vouldrois voir déjà, & que Goseus fust à Cambray, ou Tournay. Survenant le dit Jansenius, je lui dis que j'estois venu parler au dit Bay pour voir s'il n'avoit modéré son regret qu'il m'avoit manifesté le jour paravant: sur ce le dit Jansenius print la parole, & l'admonesta lui montrant (d) la Lettre que lui avien écrite, & la bonne opinion qu'aviez des qualitez, dont le dit Bay se monstroit fort consolé: & le laissames avec cette bonne bouche. Mais pourtant ne m'y sie-ray-je davantaige, ni plus que bien à point. C'est un grand bien que les Cordeliers persistent en obéissance, & que l'on n'oye non plus parler d'eux que si jamais ils ne se fussent meslez de cette Doctrine.

Le dit Jansenius espere de revourrer les Ecripts du (e) Jesuite qui at enseigné à Rome contro l'ancienne Doctrine, suivant celle de Catharin. Pour moi je pense que ce soient plustost bruits senex par les adherans du dit Bay, qui adjutoient que plusieurs Cardinaux se trouvoient aux dites Leçons, pensant sans-estre par ce bons faire leur cause meilleure.

Monsieur, ayant considéré le petit nombre des Docteurs en Theologie de Louvain, que Monsieur Tileto est debile, que Monsieur Jansenius s'en vas de bres, certes il me semble que Pon defurniroit fort la Faculté si Pon envoye Monsieur Cunnens en Frise. Car lors le dit Bay & Goseus, mesme defaillant le dit Tileto, seroient les chefs de la dite Faculté, & polroient soumain faire beaucoup de choses prejudiciables, s'ils en ont l'envie, sans qu'il y ait quelqu'un pour leur faire teste. Car il n'y auroit que le Docteur Hunneus, qui est fort leger, & les deux Docteurs qui sont esté fait le premier de ce mois: des quels l'un, qui s'appelle Malcoto, at esté enfariné de cette doctrine: mais il s'est retiré d'icelle & a promis de maintenir l'ancienne; ce qui sera un grand bien s'il le fait: car il promet beaucoup de soy, pour estre fort docté. A mon advis il est autant requis de tenir la dite Faculté fournie de deux ou trois bons Docteurs pour la conduite de la Doctrine & Escoliers, que de pourvoir aux Evêchez. Car la dite Faculté

(a) Cujus Cordigeri nomen hoc numero indicetur, nemo scit.  
(b) Cordiger qui ad Regem Hispanie iverat ut Bajum falso criminaretur.  
(c) Conventus Nivellensis Guardianus, de quo supra.  
(d) Hæc Gravellani episcopi Rolæ Jansenio scripta desiderantur.

(e) Alii quis Jesuita Romanus dicebat semipelagianum Catharinum.

*culte doit estre le grand Seminaire. Ce que j'ay bien voulu représenter à vôtre Illustrissime Seigneurie, affin qu'il luy plaise a'y tenir regard, la suppliant me pardonner ce long & sâcheux discours, & me tenir en sa bonne grace.*

*De vôtre Illustrissime & Reverendissime  
Seigneurie.*

*De Bruxelles ce 20. de Juin 1568.*

*Tres humble & tres obeïssant serviteur*

**MAX. MORILLON:**

*J'envoye les Responses des dits Tilet & Jansenius. Je ne me suis souvenu de dire  
à du Bay qu'il repondist: ce que je procureray, car il n'y peut avoir mal de tirer Lettres  
de lui pour vôtre Illustrissime Seigneurie.*





I N  
P R Æ M I S S A S  
E P I S T O L A S  
A N I M A D V E R S I O N E S .

I N P R I O R E M .

**T**ouchant le Livre que le Docteur Baius a fait imprimer, &c. Liber iste varia Michaelis Baii opuscula complectitur, videlicet: *De meritis operum: De prima hominis justitia, & de virtutibus impiorum: De peccato Originis: De justificatione: De libero arbitrio, &c.* quæ cum Regis privilegio, & Francisci Sonnii Episcopi Buxoducensis, nec non F. Joannis Hentenii in Theologia Professoris approbatione typis publicis simul data sunt anno 1563. statim ac Michael Baius à Concilio Tridentino rediisset, ubi quæ potiorum istius Synodi Patrum mens fuisset ipse intellexerat. Ex libri istius anno 1566. iterum excusi occasione in Baium denuò insurrexere ejus æmulj, qui scholæ trices ac phrasibus assueti terre non poterant ab eo Scripturæ & Patrum locutiones usurpari, quæ in scholis ita obsoleverant, ut à Scholasticis dispûtoribus & ipso Cardinale Granvellano veluti periculossæ novitates repudiarentur: sed quas Michael Baius unà cum Joanne Hesselio à Lovanio in Scholam revocandas judicaverat, animadvertens 1. à genuino Sanctorum Patrum sensu Scholæ recentiores ideo deflexisse, quia ab eorum loquendi modis recesserant: 2. non modo cum Scripturis & Patribus sentiendum, sed & loquendum, quò catholicæ veritates his temporibus doceri possent & defendi contra Hæreticos qui Scholæ phrasés abhorrebant, nec aures præbere volebant, nisi Scripturæ ac Patrum locutionibus.

*Avec le Confesseur du Duc d'Alve & aussi avec nôtre Maître Tiletanus, &c.* Quàm acerbo in Baium zelo exarserint Cordiger iste & Judocus Tiletanus, ex his & aliis postea dicendis innotescit, quorum tamen consilio utendum volebat Granvellanus.

**I N A L T E R A M**, die 13. Novembris an. 1567. scriptam.

*Et formes de parler, &c.* Ex his & aliis quæ Granvellanus anno 1561. Regi scripsit.



scripserat, liquet contentionem hanc magis de modis loquendi fuisse quibus Baius & Hesselius utendum prudentius judicabant, quàm de hujusmodi Theologorum sensu. Unde Articulorum qui proscripti sunt, verba magis quam sensum damnavit Pontifex, qui idcirco declaravit nonnullos ipsorum in sensu ab Autore intento defendi posse.

*Et fait censurer les propositions contentieuses, selon que par eux elles avoient esté colligées, &c.* Quàm malâ fide articuli isti à Minoritis Baji æmulis collecti sint ac denunciati; quàmque insulsæ ac Theologis indignæ sint Censuræ in ipsos latæ ab Academiis Hispanicis & Parisiensi jam demonstratum.

*Les dits feu de Louvain & le Bay, gens sçavans, pieux, &c.* Tanta erat Michaelis Baji, & Joannis Hesselii qui anno 1566. humanis exemptus fuerat; eruditio & pietas, quam Granvellanus hîc & in suis ad Regem Catholicum Litteris non potuit non plurimum commendare.

*Le quel livre a esté ici apporé, &c.* Ergo ab æmulis Baji Romam missus est memoratus Liber, qui viros quosdam alioquin eruditos; sed magis in inutilibus quibuscumque Scholæ recentioris disceptationibus, quàm in Scripturis Sacris & Patribus exerceat offendere potuit. Pontificem pariter offendisse potuit: ex aliorum videlicet pravo relatu, & malè fida interpretatione.

*Afin que l'on ne connût ni l'auteur du livre, &c.* Si Michaelis Baji nomini adeo parcitum voluit Apostolica Sedes; quo jure ejus æmuli in eum hætenus palam & atrociter in vestri sunt ac invehantur?

*S'est examiné l'œuvre par gens sçavans, &c.* Valde indiligenter, & animo novæ Scholæ commentis magis quàm Sancti Augustini sententiis imbuti, discussa fuisse Michaelis Baji opera liquet ex ipsâ Censurâ, quæ ex \* eruditorum testimonio, Romanam sedem dehonestat.

\* Doctores  
le Bossu &  
Cardinalis  
à S. Cle-  
mente.

*Autres jasoit se puissent enrigueur interpreter en quelque sens, &c.* Ergo hæc Bullæ verba [quanquam nonnullæ (ex proscriptis sententiis) aliquo pacto sustineri possent in rigore & proprio verborum sensu ab assertaribus intento] absque interjecto commate legenda sunt: ut adhuc constet ex Morillonii Epistola scripta die 20. Junii, an. 1569. Cardinali Granvellano.

*Sur Sainteté a esté d'un diligent, &c.* Utinam adeo diligens & accurata fuisset ista inquisitio: ut aliquas Sanctorum Patrum ac Conciliorum sententias non reprobasset; & in alias brutum ac irritum fulmen non contorlisset, quas nec Baius nec ullus Catholicorum unquam docuerat vel defenderat: sed quas ut ipsum summum Pontificem seduceret, fallax collectio confinxerat.

### I N T E R T I A M.

*N'estant autrement besoin, in his quæ sunt justitiæ, d'aucun placet, &c.* Ius non Belgarum modò, sed omnium gentium ignorabat Morillonius: de quo postea eruditissimè disseruit Doctissimus Stockman in Libro cui titulus, *Jus Belgarum*.

*Le principal est du Livre qu'il faut abolir quoy qu'il en soit, &c.* Huic Granvellani & Morillonii proposito tam firmiter obstitit Facultas Theologica Lovanienfis, ut Michaelis Baji opera nullo unquam stigmate inusta sint.

*Mais opiniâtre en ses paradoxes.* &c. Sic in catholicis veritatibus tradendis firmis, viris politicis pertinacia est: & ipsæ Sanctorum Patrum sententiæ in saniori doctrina minus eruditis sunt paradoxa.

*Avez le quel tient la plus saine partie,* &c. Majorem partem dicere voluit, ac si quia major, ideo foret sanior.

*Le Provincial Papin,* &c. Præcipui Minoritarum catholicis Michaelis Baii sententiis adhærebant, quos Morillonius inferioris ordinis Theologus novitates indigine periculosas.

## IN QUINTAM.

*Se complaignant,* &c. Quam justæ fuerint Michaelis Baii in Censuram Pontificiam querelæ intelligit quisquis ejus Apologiam legit.

*Qu'il dressoit quelque Ecrit,* &c. Nullum aliud scripsit præter istam Apologiam, quam summo Pontifici misit.

*Que son Livre avoit parlé pour lui,* &c. Quomodo pro Bajo respondisset Liber in quo non habentur quæ Baio per summam calumniam sunt adiecta, & à Pontifice proscripta?

*Censure de ceux de Paris & de toutes les Universitez d'Espagne,* &c. In æternum hujusmodi Academiarum probum: ut cuius eas legenti liquet.

*Aucuns Peres au Saint Concile,* &c. fieri potuit ut in hoc Concilio nonnulli minus faverint Baio, vel in SS. Patribus minus versati, vel etiam ab æmulis Baii seducti.

*Je lui avois esté ami,* &c. Sicut amici Job qui de divinis humano sensu judicant.

*Tous bons Chrétiens étoient tenus d'obéir encore qu'il y eust erreur,* &c. Perversa perniciofaque Morillonii regula: quasi verò filii veritatis errorem ac mendacium quandoque sequi tenerentur.

*En ces refusées,* &c. Antiqua Patrum doctrina novis Theologiis somnium est ac deliramentum.

*Coque? ne seroit,* &c. Quis numeralibus his Litteris exprimat, conicere non potui. Interim ex his patet usum sic occultè scribendi non esse pravi aliquis consilii argumentum, ut Jesuitæ impropere Jansenio qui hac arte usus est in suis ad San-Cyiranum Epistolis.

## MICHAELIS BAIII

Hæc Apo-  
logia col-  
laa fuit  
cum MSS.  
A. F. K. L.

DOCTORIS THEOLOGI

A C A D E M I Æ

LOVANIENSIS

A P O L O G I A.

SUMMO PONTIFICI

P I O V.

BEATISSIME PATER,



AM annus est quod nobis exhibitæ sunt litteræ beatitudinis  
vestræ plumbeo sigillo munitæ, datæ Romæ Cal. Octobris  
anni 1567. quibus damnabantur septuaginta sex sententiæ;  
quarum litterarum copiam neque hic, neque Romæ obtinere  
potuimus. Sententiæ damnatæ per hanc inferiorem Germa-  
niam passim habentur & circumferuntur. Metuimus ne quid  
Vestæ Sanctitatis existimationi (a) detrahant, non tantum

(a) Al. de-  
trahatur.

propter manifestas calumnias, quæ videntur in eis contineri, sed etiam pro-  
pter verba, & (ut apparet) etiam sensus quosdam Sanctorum Patrum, qui  
in iis damnari videntur: nam regio hæc propter (b) importunitatem hæreti-  
corum multos habet longè magis Scripturis Sacris & veterum Patrum sermoni-  
bus assuetos & addictos, quàm Doctorum Scholasticorum: qui fortè existi-  
mantes nonnulla in scriptis Sanctorum Patrum contenta propter eos damnari,  
qui non nisi sensibus & verbis doctorum Scholasticorum assueverunt, scandali-  
zabuntur. Quapropter visum est ipsas sententias simul cum iis, quæ nos mo-  
vent, Beatitudini Vestræ (cujus judicio omnia subijcimus) transmittere; ut  
iis consideratis facilius dispiciat ac judicet, utrùm jam dictas litteras tamquam  
legitimas & sufficienter discussas habere velit, an tamquam subreptitias, ac  
per quosdam bonorum virorum æmulos importunitate magis ac arte, quàm

(b) Al. im-  
portunitate-  
tes.

ratione

ratione obtentas. Deus B. V. diu Ecclesiæ suæ seruet incolumem. Lovanii  
8. Janu. Anno 1569.

B. V. ad oscula pedum.

S E N T E N T I Æ

Per Sanctissimum Dominum Nostrum

P I U M V.

R O M Æ

Calendis Octobris anni 1567. damnatæ: adjectâ explicatione,  
tum earum, quâ non tantum verbis, sed etiam in alio  
sensu expressæ sunt, quàm in iis libellis habentur,  
ex quibus significantur excerptæ: tum quæ ad  
alium sensum torquentur quàm habent li-  
belli; tum etiam quæ fortè cuiquam  
non immeritò videantur non  
satis fuisse discussæ.

E X L I B R O P R I M O.

*De Meritis Operum.*

I. **N** *Ecce Angeli, nec primi hominis adhuc integri merita rectè vocantur gra-  
tiæ.*

Hæc sententia in libello per se non habetur: Sed continetur in  
sententia septima, de qua infra dicitur.

*Est titulus  
cap. 2. l. 1.  
de meri-  
tis oper.*

II. *Sicut opus malum ex natura sua est mortis æternæ meritorium; sic bonum opus  
ex natura sua est vitæ æternæ meritorium.*

*Al. Hæc  
sententia  
nihil aliud  
importat.*

In hac sententia nihil aliud significatur quàm quod, quemadmodum  
opus malum ex eo intelligitur ab initio creationis humanæ fuisse mortis æter-  
næ meritorium, quia tunc dictum est homini: *quacumque horâ comederis morte  
morieris;*



meritoris; sic etiam bonum opus ex prima hominis institutione, in qua ei dictum est: *si conservaveris mandata, conservabunt te*: sit vitæ æternæ meritum. Unumquodque enim id ex natura sua esse dicitur, quod est ex prima sua institutione, sive ex nativitate à Deo instituta, à qua dicitur natura. Ponitque hæc sententia discrimen inter fidem, quam Cyprianus, Augustinus, & Prosper dicunt mereri remissionem peccatorum; & inter bona opera, quæ contra hæreticos dicimus esse vitæ æternæ meritoria; quod fides non ex prima institutione statim <sup>(a) Al. in initio.</sup> initio creationis à Deo facta, sed ex proposito gratiæ Dei per Christi mortem remissionem peccatorum obtineat: bona verò opera ex prima institutione à Deo facta ad vitam perdurant æternam: unde & à Divo Thoma rectè dicuntur merita ex condigno; quia quemadmodum opera hominis recti non eguissent subsidio passionis Christi, ut <sup>(b) Al. cum.</sup> hominem rectum perducerent ad regnum cælorum, sed ex sua dignitate sufficerent; sic etiam opera Sanctorum, ad quæ per passionem Christi reparantur, creati in operibus bonis, quæ præparavit Deus, ut in illis ambulent, non ulterius egent gratiâ Christi, ut sint vitæ æternæ merita, sed illis sufficit gratia, quæ præcedit ut fiant; (sicut docet Concilium Arausicanum II. cum dicit cap. 18. *Debetur merces bonis operibus, si fiant; sed gratia quæ non debetur, præcedit ut fiant.*) Hoc est, Sancti nunc ex gratia & auxilio Christi faciunt opera ejusdem meriti cum iis operibus, quæ primus homo ex prima sua rectitudine fecisset, si in accepta sanctitate & <sup>(c) Al. gratia &</sup> justitia perseverasset. Neque enim differitur hîc quæ opera sint meritoria, an ea tantum quæ sunt à Spiritu Sancto inhabitante; an etiam alia: sed tantum dicitur quod ea, quæ præsupponuntur esse verè merita, non egeant <sup>(d) Al. subsidio.</sup> subsidio passionis Christi, ut sint suo præmio digna; sicut nec eguissent ea, quæ Adam justus ac rectus fecisset, si talis permanisset.

III. Et bonis Angelis, & primo homini, si in statu illo <sup>(e) Al. perseverasset usque</sup> perseverasset usque <sup>(e) Al. perdurasset.</sup> ad ultimum vitæ, felicitas esset merces, & non gratia.

Hæc sententia videtur contineri in verbis Augustini de corrept. & grat. cap. 11. in fine, <sup>(f) Al. ubi.</sup> quibus ait quod vita æterna in iis, qui liberantur, facta est donum gratiæ, quæ merces meriti futura erat, si non peccassent, sicut facta est Angelis. Id enim quod sit, non est; & idem si vita æterna in iis, qui liberantur, facta est donum gratiæ; igitur si recti permanentes sine liberatione salvati fuissent; tunc vita æterna non fuisset eis donum gratiæ, sed merces meriti, sicut dicit Augustinus. Quod quo sensu nobis dictum videatur, <sup>(g) Al. infra.</sup> infra, <sup>(h) Al. amplexanturi.</sup> sententiâ nonâ conabimur explicare: libenter tamen aliam explicationem <sup>(b) Al. accepturi,</sup> accepturi, si convenienter adferatur.

IV. Vita æterna homini integro & Angelo promissa fuit intuitu bonorum operum, & bona opera ex lege naturæ ad illam consequendam per se sufficiunt.

In hac sententia nihil aliud significatur, quàm quod Angeli boni, & primus homo si rectus perstitisset, non eguissent merito Christi, ut ad vitam pervenirent æternam, sed illis suffecisset implere quod scriptum est: *si servaveris*  
L manda-

*mandata, conservabunt te: de quâ re an quisquam dubitet, ignoro.*

V. *In promissione factâ Angelo & primo homini continetur naturalis justitia constitutio, quæ pro bonis operibus, sine alio respectu, vitæ æternæ iustis promittitur.*

Sicut ex capite secundo libelli manifestum est, nihil aliud his verbis significatur, quàm quod Angelo & homini in justitia conditis, pro obedientia mandatorum sic in prima creatione promissa est vitæ æternæ, ut in hac promissione non haberetur respectus ad meritum passionis Christi; quod non magis homini, quàm Angelis Sanctis necessarium fuisset, si homo non peccasset.

(a) l. 1. de mer. oper. c. 3. VL (a) *Naturali lege constitutum fuit homini, ut si in obedientia perseverasset, ad eam vitam perveniret, in quâ mori non posset.*

(b) Al. primi. Naturalis lex dicitur hic constitutio in (b) prima hominis creatione facta à Deo, quam ipse numquam erat mutaturus.

(c) ex c. 4. l. 1. de mer. oper. malè collecta. VII. (c) *Primi hominis integri merita fuerunt primæ creationis munera: sed juxta modum loquendi Scripturæ, non rectè vocantur gratia; quod sit, ut tantum merita, non estiam gratia, debeant nuncupari.*

(d) l. 1. c. 4. de meritis oper. VIII. (d) *In redemptis per gratiam Christi nullum inveniri potest bonum meritum, quod non sit gratis in dño collatum.*

(e) ex c. 4. l. 1. de meritis oper. malè collecta, & adulterata. IX. (c) *Dona concessa homini integro & Angelo forsitan non improbandâ ratione possent dici gratia; sed quia secundum usum Scripturæ nomine gratiæ ea tantum munera intelliguntur, quæ per Jesum Christum malè merentibus & indignis conferuntur; idèd neque merita, neque merces quæ illis redditur, gratia dici (g) debet.*

(f) Al. possunt. (g) Al. potest. (h) Al. contra primam. Sicut supra (h) circa tertiam sententiam diximus, Augustinus de corruptione & gratia cap. 11. dicit, vitam æternam in iis, qui liberantur, factam esse donum gratiæ, quæ merces meriti futura erat, si homo non peccasset. Quibus verbis manifestè significat, quòd vitæ æternæ non fuisset homini gratia, si in sua rectitudine perseverasset. Id enim quod sit, non est: & idèd si vitæ æternæ facta est donum gratiæ in iis, qui liberantur; igitur in iis, qui liberatione non eguissent, non fuisset donum gratiæ, sed tantum merces meriti. Cujus dicti rationem & intelligentiam perquirens, imprimis consideravi, sicut dicit D. Thomas 1. 2. q. 104. a. 5. gratiam duobus modis posse considerari: priore secundum (i) naturam rei, quæ gratia dicitur: altero, secundum rationem gratuiti, ut videlicet idèd aliquid gratia dicatur quia gratis datur. Juxta priorem modum necessum est, ut quidquid in uno aliquo gratia dicitur, etiam in alio quovis gratia dicatur si (k) modò in eo reperiatur. Juxta quem modum non est dubitandum, quin & bona opera & vitæ æternæ in primo homine gratia fuisset, si in illa rectitudine perseverasset. Nam juxta hunc modum absque ullo scrupulo dicimus, primum hominem creatum in gratia. De quo etiam

Augu-

Augustinus epist. 106. (a) dicit, quod *cum sine Dei gratia salutem non posset custodire, quam accepit, quomodo sine Dei gratia potest reparare quam perdidit?* Sed quia Scriptura Sacra ex eo donum gratiæ dici intelligit, quia non ex operibus sed gratis datur, juxta illud Rom. 11. *Si autem gratiā, jam non ex operibus, quia alioquin gratia jam non esset gratia.* Idem cum quaeritur, utrum dona homini integro in sua creatione (b) concessa, dona gratiæ fuerint; non tantum considerandum est utrum fuerint ejusdem conditionis cum iis donis, quæ nunc per Christum regenerati consequimur; sed utrum eo modo gratis ei concessa fuerint, quomodo gratiis homini lapsō dari intelliguntur, quæ in Sacris Scripturis sub nomine gratiæ commendantur. Sicut autem charitatem suam commendat Deus in nobis, quia cum adhuc peccatores essemus, secundum tempus Christus pro nobis mortuus est; sic etiam gratiæ suæ munera commendat, quod non tantum nihil boni merentibus, sed etiam multum mali (c) merentibus illa tribuitur. Et sic Scriptura Novi Testamenti gratiam non ex eo tantum nominat, quod nihil boni merentibus tribuatur; sed ex eo, quod multum mali merentibus datur. Quamto enim major est iniquitas peccatoris, tanto illustrior est gratia Redemptoris: nam ubi abundavit delictum, superabundavit & gratia. Unde etiam à Divo Augustino graviter reprehenditur Pelagius, quod se in eo gratiam defendere putabat, quod quæ nobis in creatione donata sunt, nullis præcedentibus meritis nobis donata fatebatur: quia non hanc gratiam commendat Apostolus, quæ videlicet homini nec bonum, nec malum merenti tribuitur, sed eam, quæ passionis Christi merito (d) gratis conferatur peccatori. De qua re Augustinus serm. 11. de verbis Apostoli: *Is gratiam, quā conditi sumus, inquit, quamquam hoc nomine appellatam minime legerimus, tamen quia gratis data est, gratiam fateamur: sed ostendamus vobis majorem esse istam, quā Christiani sumus, cum nihil mereremur: si ergo magna est gratia, quando nihil boni merebamur, quanta est gratia quando tantum (e) mali merebamur? Hæc est gratia per Jesum Christum Dominum nostrum. (f) Una erat massa perditionis ex Adam, cui non nisi supplicium debebatur: facta sunt inde vasa in honorem ex eadem massa: gratulare quia evasisti; mortem quippe debitam evasisti, & vitam non debitam reperisti. Hæc est gratia per Jesum Christum Dominum nostrum, de qua rursus idem Augustinus epist. 95. *Et si enim quādam non (g) improbandā ratione intelligeremus, & de hoc tanto beneficio Creatori nostro gratias agere debeamus; unde merito & ista gratia dici potest, quia non præcedentibus aliquorum operum meritis, sed gratiā Dei bonitate donata est; alia tamen est quā prædestinati vocamur, iustificamur, & glorificamur.* De hac quæstio vertebatur, quando ab iis, quos graviter Pelagius offendeat atque turbabat, dicebatur ei, quod eam suis disputationibus oppugnaret... De hac scriptum est: non irritam facio gratiam Dei: nam si per legem iustitia, ergo gratis Christus mortuus est. Illam verò gratiam, quā creati sumus homines, ita etiam appellatam esse non immerito intelligimus, mirum est tamen, si ita appellatam in ullis legitimis Prophetiis, Apostolicis, Evangelicisque litteris legimus. Et rursus epist. 105. Cum à Pelagianis quaeritur, inquit, quam gratiam Pelagius cogitaret sine ullis præcedentibus meritis dari; quando anathematizabat eos, qui dicunt gratiam Dei secundum merita nostra dari? Respondent gratiam ipsam esse naturam*

(a) circa fin.

(b) Al. collata.

(c) Al. de meritis.

(d) Al. omittit gratiam.

(e) Al. nihil.

(f) c. 12.

(g) Al. reprobanda.

*turam humanam; neque enim antequam essemus mereri aliquid poteramus ut essemus. Abjiciatur, inquit, à Christianorum cordibus ista fallacia. Non istam gratiam commendat Apostolus, quâ creati sumus ut homines essemus, sed quâ justificati sumus, ut homines iusti essemus. Ista est enim gratia per Jesum Christum Dominum nostrum. Etenim Christus non pro nullis, ut homines conderentur; sed pro impiis mortuus est, ut justificarentur. Similiter lib. de grat. & lib. arb. cap. 13. Si lex non est gratia, inquit, numquid natura erit gratia? Nam & hoc Pelagiani ausi sunt dicere; gratiam esse naturam, sed non est hæc gratia, quam commendat Apostolus, &c. Hætenus Augustinus. Quia igitur Apostoli & Evangelistæ in Scripturis suis non commendant nobis nisi gratiam per J. C. D. N.; ideo dixi, non, ut malè retulit Collector, videlicet quoddam neque merita, neque merces, quæ illis redditur, gratiæ dici debeant; sed dixi cap. 4. quoddam merita Angelorum, seu quæ homo habuisset si in iustitia perstitisset, juxta modum loquendi Scripturæ Sacræ, quæ nobis commendat gratiam Dei per Jesum Christum Dominum nostrum, quia non rectè vocantur gratia; quia non procedunt ex Christi merito, sed potiùs ex gratuito creatoris dono. Jam verò longè aliud est dicere, non debent dici gratiæ (sicut refert Collector) &, non rectè vocantur gratia, secundum modum loquendi Scripturæ, sicut dixi; quia potest alius esse loquendi modus & jam conveniens, qui tamen in Scriptura Sacra non reperitur. Sicut de voce, gratia, suprâ testatus est Augustinus. Sed fortè quempiam moveat, quoddam addidi ea tantum munera in Scripturis Sacris gratiam nuncupari, quæ malè merentibus & indignis conferuntur, quia incrementum justitiæ & vitæ æternæ nomine gratiæ intelliguntur, quæ tamen non indignis retribuantur: de quibus ait Scriptura Sacra quoddam invenit illos dignos se. (a) Responso. Incrementum justitiæ & vitæ æternæ dignis quidem redditur: sed tamen ex eo gratia non dicitur, quia redditur dignis, sed quia iis datur, qui ante suam vocationem fuerunt indigni; nam vitæ æternæ est merces digno seu benè operanti; sed est gratia peccatori, quales nos recordari debemus quando gratiam nobis à Christo factam veraciter agnoscere, & humiliter recolere volumus; sicut monet nos Apostolus ad Rom. 3. dicens: Omnes enim peccaverunt, & egent gloriâ Dei, justificati gratis per gratiam ipsius. Similiter toto capite 2. ad Ephesios, ubi ait: & vos cum essetis mortui delictis & peccatis vestris, &c. convivificavit Christò, cujus gratiâ estis salvati. Et infrâ: Propter quod memores estote, quod vos eratis aliquando gentes in carne, qui dicebamini præputium: nunc autem in Christo Jesu vos, qui aliquando eratis longè, facti estis propè. Et ad Titum 3. Eramus aliquando & nos insipientes, increduli, errantes, &c. cum autem benignitas & humanitas apparuit Salvatoris nostri Dei, non ex operibus justitiæ, quæ fecimus nos; sed secundum suam misericordiam salvos nos fecit, ut justificati gratiâ ipsius, &c. Unde Christus in Evangelio, cum feceritis omnia, quæ præcepta sunt vobis, dicite: servi inutiles sumus. Talem se recolebat Apostolus, cum veram Christi gratiam volens in se commendare, aiebat: ego sum minimus Apostolorum, quia non sum dignus vocari Apostolus, quoniam persecutus sum Ecclesiam Dei; gratiâ autem Dei sum id quod sum. Unde Augustinus epist. 105. vitæ æternæ justitiæ quidem stipendium est; videlicet operanti justitiam; sed tibi gratia est, nempe ex te metipso peccatori. Hanc humilitatis doctrinam, quâ à Christi fidelibus Christi gratia veraciter agnosci-*

(a) Al.  
Respondet.



tur (a) & prædicatur, conatus sum iis locis, ex quibus excerptæ sunt jam dictæ sententiæ, breviter commendare. Sed video me ab iis non intellectum, qui aut aliter imbuti sunt, aut supradicta sancti Augustini testimonia, cum aliis multis, quæ longum esset prosequi, non satis attentè consideraverunt. Nam epist. 106. sent. 12. quam dicit Ecclesiam Catholicam semper tenuisse, asserit veniam peccatorum secundum gratiam dari, quoniam ipsam poenitentiam donum Dei dixit Apostolus, datum videlicet homini prius malo & impoenitenti. Nam si fides & poenitentia non essent Dei dona, sicut assererat Pelagius; tunc gratia secundum merita nostra daretur; sicut docet Augustinus libro de prædest. 38. cap. 2. & non gratis daretur: Ad Bonif. lib. 2. c. 8. Et sicut ait Fulgentius de Incarn. cap. 18. *Si secundum Pelagii opinionem nostrum est velle credere, prius quam nos Dei gratia incipiat adjuvare, injustè gratia dicitur; quia non gratis datur homini, sed bonæ retribuitur voluntati.* Et Augustinus lib. 1. Retract. cap. 9. *divinum beneficium, quo voluntas liberatur, nisi eam præveniret, jam meritis ejus daretur, & non esset gratia, quæ utique gratis daretur.*

X. (b) *Solutionem poenæ temporalis, quæ peccato dimisso sæpe remanet, & corporis resurrectionem, propriè non nisi Christi meritis adscribendam esse.*

(b) Ex c. 9. l. 1. de mer. oper. male collecta & adulterata.

Merces illi meritò propriè adscribitur, quòd sic illam ex condigno meretur, ut non egeat (c) alterius subsidio, sicut dicimus remissionem peccatorum non esse adscribendam merito fidei aut poenitentiae, sed merito passionis Christi. Quòd autem opera Sanctorum, etiam poenalia, non mereantur ex condigno solutionem poenæ temporalis, sed solum sufficiant secundum acceptionem illius, cui sic emenda, secundum (d) æqualitatem interpretativam duntaxat, est clara sententia Durandi in 4. dist. 15. q. 1. cujus hæc verba recitavi: Et Bonaventuræ ibid. etiam q. 1. Et idèd nescio quid Collector hic (e) petiverit damnari, nisi fortè aliud senserit de abolitione mortis per resurrectionem, quàm de abolitione cujusvis poenæ temporalis per satisfactionem: aut cum quibusdam Doctoribus asserere velit, poenæ temporalis debitum solvi & expiari sine applicatione satisfactionis Christi. Quòd non videtur satis consonum doctrinæ Concilii Tridentini de satisfact. cap. 13. & 14. ubi dicuntur satisfactiones per Christi merita satisfacere.

(c) Al. alicujus.

(d) Al. æquitate.

(e) Al. petiverit damnare.

X. (f) *Quòd piè & justè in hac vitâ mortali, usque in finem conversati vitam consequimur æternam, id non propriè gratiæ Dei, sed ordinationi naturali, statim in initio creationis constitutæ: & justo Dei judicio deputandum est; neque in hac retributione bonorum ad Christi meritum respicitur, sed tantum ad primam institutionem generis humani, in quâ lege naturali constitutum est, ut justo Dei judicio, obedientiæ mandatorum vitâ æterna reddatur.*

(f) Non est Mich. Baii: sed ex ejus l. 1. de mer. oper. c. 9. male collecta & adulterata.

Hic nota Collectorem pro eo quod in libello dicitur: *id non proposito gratiæ Dei, sed ordinationi naturali, &c.* in sua sententia posuisse: *id non propriè gratiæ Dei, &c.* Nempe PROPRIE pro PROPOSITO: Quòd an errore, an dolo fecerit, ut facilius damnetur nescio. Nunc ad rem ipsam. Quòd justè

vivitur, omnino adscribendum est merito Christi. Sed quod pro vera justitia retribuat vita æterna. non videtur amplius egere subsidio meriti Christi: nam hæc videtur esse expressa sententia D. Thomæ defendentis, opera Sanctorum mereri vitam æternam de condigno. Quia si in sua dignitate & valore constituta adhuc alterius subsidio indigerent ut vitam præstarent æternam; tunc non rectè dicerentur esse merita ex condigno seu æquivalenti. Et certè cum Sancti per Christi gratiam in iisdem operibus bonis; aut secundum aliquos, etiam in dignioribus operibus bonis creentur, quàm ipse Adam creatus fuerat ab initio; mirum est, quare opera sancta ipsius Adæ perseverantis sine subsidio passionis Christi, fuissent vitæ æternæ merita; non autem opera bona, quæ Spiritus Sanctus per Christi gratiam in Sanctis restaurat & operatur. Et quod hic de operibus bonis dixi, hoc expressè non tantum de meritis, sed etiam de satisfactionibus asserit Ruardus in articulo *de satisfactione*, his verbis:

(a) *ut Deo (a) satisfiat per penitentiam dolorem, non est opus communicatione satisfactionis Christi, quando ad hanc expiationem, & debiti solutionem filiorum opera sufficiunt.* Et rursus: *Vitam æternam non ex communicatione meriti Christi nos mere-mur, sed ex dignitate & virtute, quæ merito mortis ejus accepimus.* Quem loquendi modum etiam sequitur Concilium Tridentinum Sess. 6. can. 32. dicens: Justificatum bonis operibus, quæ ab eo fiunt per Dei gratiam & Jesu Christi meritum, cujus vivum membrum est, verè mereri, &c. non enim ait, cum per Christi meritum mereri, sed quod verè mereatur operibus, quæ per Christi meritum fiunt. Quod si fortè Sanctissimus Dominus noster non hoc dam-nandum voluerit, sed aliud quidpiam in verbis sententiæ; certè intelligat eos, qui hæc damnanda obtulerunt, intelligere hoc ipsum esse damnatum, & hoc passum non sine multorum offensione jactare.

(a) Al. satisfaci-

E X  
L I B R O I I.  
D E  
M E R I T I S O P E R U M.

XII. **P** *Elagii sententia est, opus bonum, citrà gratiam adoptionis factum, non esse regni cœlestis meritorium.* L. 2. de merit. op. c. 4. cit titulus.

Licet in titulo capitis 4. brevitatis causâ dicatur; Pelagii esse quod hîc dicitur, attamen in ipso capite nihil aliud ostenditur, quàm eos propius ad Pelagii sententiam accedere, qui opera aliqua steriliter bona defendunt: id est, qui ea sic bona asserunt, ut non sint vitæ æternæ meritoria; quàm hi, qui negant opera posse esse steriliter bona. Nam opera steriliter bona magno conatu asseribat Julianus, quæ non minore conatu (a) reprobantur. Augustinus lib. 4. contra Jul. cap. 3. Sed fortè hîc se contumeliâ affici existimant, qui opera steriliter bona defendunt, quasi ego eos Pelagianos dixerim. Quibus ego respondeo, Pelagianum non statim à quavis Pelagii sententia debere intelligi, sed tantum ab eâ, quæ manifesta hæresis est. Nam Augustinus dicit se (1 Cor. 7.) ubi dicitur; *sanctificatus est vir infidelis per mulierem fidelem*) Pelagii Commentarium esse secutum, nec tamen se Pelagianum voluit dicere. Similiter Episcopus Rossensis, in eo quod ait Lutherus; nullum peccatum esse naturâ suâ veniale, dicit se idem cum ipso sentire; nec tamen se profitetur Lutheranum. Quapropter non statim se, aut alium contumeliâ afficit, quisquis eum dicit alicujus hæretici in aliquo sententiam sequi, sed nonnumquam eum reddit attentum, ne fortè cum illo defendat aliquid erroneum. (a) Al. reprobantur.

XIII. (b) *Opera bona à filiis adoptivis facta non accipiunt rationem meriti, ex eo quòd sunt per Spiritum adoptionis inhabitantem corda filiorum Dei; sed tantum ex eo quòd sunt conformia legi, quòdque per ea præstetur obedientia (c) legis.* (b) In c. 2. l. 2. de mer. operum refertur, non asseritur. (c) Al. legis.

XIV. (d) *Opera bona iustorum non accipient in die judicii exteriorem ampliorum mercedem, quàm iusto Dei iudicio merentur accipere.* (d) In c. 9. l. 2. de mer. oper. sub dubio proponitur.

XV. (e) *Docet, nempe libellus, rationem meriti non consistere in eo, quòd, qui bene operatur, habeat gratiam, & Spiritum Sanctum inhabitantem; sed in eo solum quia* (e) L. 2. c. 1. de mer. oper. refertur, non asseritur.

quia obedit legi divina. *Quam sententiam sæpe repetis, & multis rationibus probat toto sermō libro.*

Hæ sententiæ, & aliæ plures, quæ posteriore libello *de meritis operum*, saltem sensu utcumque continentur, nullo modo asseruntur, sed tantummodò dicuntur, salvâ pace Catholicâ, inter fideles posse disputari. id quod ex ipso libello tantâ evidentiâ ostenditur, ut mirum sit, Collectorem tantæ imperitiæ aut impudentiæ fuisse, ut has ausus fuerit libello tanquam assertas adscribere; maximè in sententia xv. ubi ait de libello, quòd doceat rationem meriti non consistere in eo, quòd qui behè operatur habet gratiam, &c. Et infra, *quam sententiam, inquit, sæpius repetis, & probat toto sermō libro*: non enim id docet libellus, sed tantùm in utramque partem disputat; sicut etiam in fine libri prioris, & principio posterioris spertissimis verbis præfatus est. Verba prioris libelli sic habent: Expeditâ quæstione, de quâ dubitare fas non est, sumpto alio exordio, ad eas transeamus, de quibus inter fideles, salvâ pace Catholicâ, variè disputatur. Posterior verò liber sic inchoatur: *Inter eas quæstiones quæ de meritis operum etiam à Catholicis variè disputantur, prima occurrit, &c.* Sed nisi Collector per calumniam finxisset libellum dicere & asserere, quod tamquam incertum disputat; forsitan Sedi Apostolicæ non obrepisset, quam latere non puto, quod in Enchir. cap. 17. apud Augustinum legitur; errorem esse non tantùm quando verum putatur, quòd falsum est, aut falsum quod verum; sed etiam quando certum pro incerto habetur, aut incertum pro certo. Quia igitur errare nolebam, ideo quæstiones posteriore libro contentas tamquam incertas disserui, ut potui; nec volui temerariè asserere, quod non poteram rectâ ratione docere, sed potius temeritatem affirmandi amovere à lectore, ubi non valebam præbere sententiæ firmitatem: sicut dicit Augustinus lib. 12. de Gen. ad litt. in principio. Nam opinio certi nihil habens, ait Bernardus de consid. cap. 5. lib. 5. si habet assertionem, temeraria est.

Unde etiam mirari non possum satis, quomodo in his litteris multa, quæ à quadringentis aut quingentis annis, tamquam dubia in utramque partem disputata sunt, sic in alteram partem definiantur, ut altera sub pœna excommunicationis lætæ sententiæ prorsus aboleatur; cum apertè dicat Augustinus de verbis Apostoli, serm. 14. quòd ferendus sit disputator errans in aliis quæstionibus nondum plenâ Ecclesiæ auctoritatè firmatis. Et lib. 3. cont. Donat. cap. 3. tractans illud Cypriani, quòd Episcopus ab alio Episcopo judicari non possit: opinor utique in illis quæstionibus, inquit, quæ nondum eliquatissimâ (a) perspectione discussæ sunt: quantò magis ferendus est de his dubitans, quæ non videntur satis certâ & evidenti ratione constare? Cùm de incertis certam assertionem exigere, nihil aliud sit, quàm in errorem pellere, & disputationes magna ex parte è Scholis tollere. De quo idem Augustinus epist. 147. ad Optatum, ubi res naturaliter obscura nostrum modum vincit, & apertè divina Scriptura non subvenit, temerè aliquid definire humana natura præsumit.

(a) Al.  
perspectione.



XVI. (a) *In eodem libro sapè repetit, quòd non est vera legis obedientia, quæ sit sine charitate.*

(a) Refertur inter sententias quæ à Catholicis variè disputantur: sed non asseritur hæc tantquam propria sententia. (b) Al. nota.

Primo capite hujus libri semel duntaxat respondendo cuidam argumento dicitur, forsitan non absurdè intelligi posse, quæcumque sunt sine charitate, non esse veras legis obedientias. Quæ sententia si tam sit absurda, ut sub tanta poena damnari mereatur, vereor ut & Christi verba non parum periclitentur, quibus ait: *qui non diligit me, sermones meos non servat*; non enim ait: *foris & non verè servat*, sicut habet libellus; sed simpliciter, *qui non diligit me, sermones meos non servat*. (b) Puto autem quòd in Scripturis Sacris, diligere, charitatem significet. Periclitabitur & id quod toties inculcat Apostolus. *Lex iram operatur; Lex propter transgressionem posita est: Littera occidit*. De quibus Augustinus lib. *de grat. & lib. arb.* cap. 18. *Lex sine gratia non nisi prævaricatores facit. Quia in eo quòd lex sine dilectione veram legis obedientiam præstat (sicut prætendit ista damnatio) non operatur neque transgressionem, neque prævaricationem, neque etiam iram, quæ soli transgressioni debetur. Periclitabuntur etiam verba Augustini, quibus ait, in Psalmum 118. tom. 7. non possunt custodiri verba Dei, nisi per fidem, quæ per dilectionem operatur. Item ad Bonif. lib. 3. c. 2. Qui (c) non iustificantur non possunt esse legi obedientes: quæ iustificatio sine charitate non est. Item ibid. Dicimus lege fieri, ut Deus quod fieri velit audiat; gratia verò fieri ut legi obediat. Item de grat. Christi cap. 26. Est Dei mandatum videatur aliquando non à diligentibus, sed à timentibus fieri; tamen ubi non est dilectio, nullum bonum opus imputatur, nec rectè bonum opus vocatur, quia omne, quod non est ex fide, peccatum est; & fides per dilectionem operatur: nam, ut idem docet lib. *de corrupt. & grat.* cap. 2. duobus modis non agitur quod agendum est; sive omnino non faciendo, sive non ex charitate faciendo. Item Fulgentius de fide ad Petrum cap. 32. Firmissime tene, & nullatenus dubites, posse quidem hominem, quem non ignorantia litterarum, nec aliqua prohibet imbecillitas, vel adversitas, verba legis & Evangelii sive legere, sive ex ore cujusquam prædicatoris audire; sed divinis mandatis neminem obedire posse, nisi quem Deus suâ gratiâ prævenierit; ut quod audit corpore, corde etiam percipiat, & accepta divinam bonâ voluntate atque virtute, mandata Dei facere & velit & possit. Nam bona voluntas ipsa est charitas. De quo tamen capitulo, sicut & de reliquis triginta novem, tandem cap. 44. subjicit: Hæc interim quadragesima capitula ad regulam veræ fidei firmissimè pertinentia fideliter crede, fortiter tene, veraciter patienterque defende; & si quem contraria his dogmatizare cognoveris, tantquam pestem fuge, & tanquam hæreticum abjice. Ita enim ista, quæ posuimus, fidei Catholica congruunt, ut si quis non solum omnibus, sed etiam singulis eorum contumaciter repugnat, & his contraria docere non dubitat, hæreticus, & Christianæ fidei inimicus, atque ob hoc ab omnibus Catholicis anathematizandus appareat. Quæ verba subjicere volui, non tantum ut ostendam, quâ necessitate compellat super isto capitulo Sanctissimum Dominum nostrum cum debitâ reverentiâ commonescere; sed etiam ut intelligatur, quanto periculo ista sententia damnetur; præsertim nihil aliud captantibus hæreticis, quàm ut Sacro-Sanctam*

(c) Al. qui iustificantur.

Sedem Apostolicam erroris aut initie possint arguere. Periclitabitur & illud Apostoli: *plenitudo legis est Charitas*, quā unā impletur in nobis. (Inquit Augustinus in epist. ad Julianum) si quid divinæ legis implemus; quia sicut qui diligit proximum totam legem implevit, nam non adulterabis, non occides, &c. sic qui non diligit, teste divo Augustino, nihil divinæ legis adimplet, quia plenitudo legis non est nisi charitas, epist. 89. Sed forsitan damnatio charitatem tantum intelligit eam, quæ est per Spiritum Sanctum inhabitantem post peccatorum remissionem; cum tamen ego intellexerim etiam bonam voluntatem, quæ præcedit remissionem peccatorum, sicut etiam intelligit Augustinus locis jam citatis.

(a) Ex c. 4.  
l. 2. de mer.  
oper. malè  
collecta &  
adulterata.

XVII. (a) *Dicit sentire cum Pelagio, qui dicunt esse necessarium ad rationem meriti, ut homo per gratiam adoptionis sublimetur ad statum Deificum.*

Hæc sententia est repetitio 12. sententiæ sub aliis verbis, à Collectore ad multiplicandas sententias excogitatis: de quâ ibi dictum est.

(b) Lib. 2.  
de mer.  
oper. c. 6.  
licet minus  
exacte  
collecta.

XVIII. (b) *Dicit (scilicet libellus) opera Catechumenorum, ut fidem & penitentiam, ante remissionem peccatorum facta, esse vitæ æternæ merita; quam vitam non consequentur Catechumeni, nisi prius præcedentium delictorum impedimenta tollantur.*

Istud in libello non asseritur, sed tamquam dubium vel incertum significatur, vel dici, vel impiam videri posse; quæ verò ad dubitandum inducunt, hæc videntur esse. *Deus reddet unicuique secundum opera sua*; &c. sicut ait Ecclesiastæ; *cuncta, quæ fiunt, adducet Deus in iudicium*. Ex quo sequitur, quod eleemosynæ Cornelii Senturionis, quæ leguntur ante remissionem peccatorum fuisse Deo acceptæ, adducentur in iudicium; &c. ut apparet, etiam aliquam retributionem accipient: sicut etiam Christus in Evangelio Marci 9. significasse videtur, quando loquens de eo, qui ipsum non sequebatur, ait: *quisquis vobis potum dederit calicem aquæ in nomine meo, quia Christi estis, non perdet mercedem suam.*

Quam sententiam confirmare videtur Concilium Arausicanum secundum iussu P. R. Leonis I. congregatum, dicens cap. 18. *Debetur merces bonis operibus si fiant, sed gratia, quæ non debetur, præcedit ut fiant.* Nam his verbis significare videtur, quod undecumque fiant bona opera, debetur eis merces; licet interim verum sit, quod non, nisi gratiâ Dei præcedente, fiant. Quam sententiam usque aded urget D. Augustinus de nat. & grat. cap. 2. ut palam asserat; quod si humana natura nunc sine peccato nasceretur, & propriis viribus abque Dei adiutorio perfectè legem impleret (sicut eam posse contendit Pelagius) de præmio deberet esse securo, hoc est, de vitæ æternæ, etiam si in aliqua gente, aut aliquo superiore tempore, fides eam lauit sanguinis Christi: *non enim injustus est Deus, inquit, qui justos fraudet mercede iustitiæ.*

Et tamen Augustinus loquitur de iustis, qui sine fide Christi, sine adiutorio gratiæ, Dei legem observarent, quales non quidem esse, sed posse esse, Pelagius

lagius contendebat. Cui etiam consonat, quod idem Augustinus lib. 4. cont. Jul. cap. 3. recusat agnoscere opera steriliter bona, sicut supra diximus: nam si sint opera bona, quæ neque in hoc sæculo, neque in futuro, quidquam mereantur, fatendum est esse aliqua opera steriliter bona.

Hanc sententiam etiam probasse videtur D. Thomas 1. 2. q. 21. docens, actum, quia bonus est, habere rationem meriti apud Deum. Ex quo sequi videtur, quod omnis actus bonus sit apud Deum meritorius; licet postea in questione de merito videatur ab hoc principio recedere, & ad actum meritorium non tantum bonitatem sed etiam altioris principii dignitatem requirere. Quæ altioris principii dignitas, licet in ejus operibus non inveniatur, quem D. August. *denat. & grat.* dicit, debere esse de præmio vitæ æternæ securum: quia loquitur de eo, quem Pelagius asseribat, sine gratiæ adjutorio posse ex propriis naturæ viribus totam legem implere: attamen invenitur in fide & poenitentia aliisque bonis operibus Catechumenorum, quæ licet nondum inhabitans, (a) attamen in eis operatur Deus; juxta illud Apostoli, *ne quando det illis* (a) Al. omit. ista. *Deus poenitentiam, ut respiciant à Diaboli laqueis.*

Hæc sunt, quæ me ad dubitandum movent, maxime quia neque scriptura aliqua, neque alicujus veterum mihi occurrit sententia, quæ probabiliter significet, opera bona Catechumenorum nullam eis mercedem allatura, cum ad regnum cælorum pervenerint. Si cui alteri forsan occurrat, oro, ut illius me faciat participem, & paucis etiam indicet, quid ad ea respondendum existimet, quæ me movent, ut possim ratione docere, quod video pluribus placere, licet id non possim ex Scripturis Sacris comprobare.

XIX. (b) *Videtur insinuare, quod opera justitiæ & temperantiæ, quæ Christus fecit ex dignitate personæ operantis, non traxerint majorem valorem.* (b) Ex. 7. c. lib. 2. de mer. oper. male collecta & adulterata.

### Collector malè refert.

XX. (c) *Nullum est peccatum ex natura sua veniale, sed omne peccatum meretur penam æternam.* (c) Non asseritur sed c. 7. l. 2. de mer. op. refertur inter sententias quo à Catholicis disputantur.

Libellus hanc sententiam recenset inter eas, quas dicit inter fideles, salvâ pace Catholicâ, variè disputari; addens, quod licet quidam Catholici, ut Staphilus, eam hæreticis erroribus annumeraverint, tamen eruditiores, ut gloriosus Christi Martyr & Episcopus Joannes Rossensis, illam inter opiniones habuerunt: nam art. 32. contra Lutherum, fatetur se in hac parte cum Luthero sentire. Ex quo intelligitur, quo candore hæc sententia tamquam in libello meo asserta sit, à Collectore summo Pontifici ad dampnandum oblata; cum ego eam tantum, ut, salvâ pace Catholicâ, disputabilem proposuerim, & sine omni assertionem disputaverim. Id quod quisquis improbat, necesse est, ut eam ad fidem Catholicam, aut ad hæresim aliquam pertinere existimet.

## LIBRO PRIMO

## DE PRIMA

## HOMINIS JUSTITIA.

Ex Lib. de  
prima hom.  
justitia.  
c. 14. male  
collecta,  
& adul-  
terata.

XXI.

**H**umana natura sublimatio, & exaltatio in consortium divinæ naturæ debita fuit integritati primæ conditionis; ac proinde naturalis dicenda est, non supernaturalis.

Collector more suo sententiam hanc longè aliis verbis, alioque sensu expressit, quàm in libello continetur: ibi enim tantùm dicitur, quòd primæ creationis integritas, cujus absentia est malum, non fuerit indebita humanæ naturæ exaltatio, sed naturalis ejus conditio. Ipse verò Collector de divinæ naturæ consortio adjunxit, quæ voluit, ut rem odiosam faceret. De quibus, quantà porui diligentia, disserui cap. 4. 5. 6. 7. 8. & 9. libri. Quæ, si quæm fortè non movent, potest suo frui judicio; cui etiam humiliter supplico, ut iis respondere dignetur, quæ me moverunt, & id docere, quod me fateor ignorare: nempe quomodo solidâ ratione, & non tantùm scholasticâ traditione doceatur; veram rectitudinem, in qua primus homo conditus est, & cujus absentia est malum, non naturalem esse, sed tantùm supernaturalem, cum malum nihil aliud sit, quàm naturalium privatio bonorum. Non enim dixi (quod me etiam dixisse calumniatur). humanæ naturæ sublimationem esse dicendam naturalem, & non supernaturalem: sed dixi, sic esse naturalem, ut tamen in nobis rectè supernaturalis dicatur: sicut visus diceretur supernaturalis in illis, quibus divinâ virtute per miraculum esset restitutus; ut patet ex cap. 10. ejusdem libelli: ubi etiam ostendi, quâ ratione à Cyrillo supernaturalis appelleretur.

(a) l. de  
prima hom.  
justitia.  
c. 6.

XXII. (a) *Com Pelagio sentiunt, qui textum Apostoli ad Rom. 2. GENTES, QUÆ LEGEM NON HABENT, NATURALITER EA QUÆ LEGIS SUNT, FACIUNT, intelligunt de gentibus fidei gratiam non habentibus.*

Sicut suprà ostendi, facile contingit, ut cum hæreticis aliqua sentiamus; etiam si hæretici non simus. Quòd verò inimici gratiæ Christi hunc locum Apostoli gentibus incredulis assignaverint, expressè testatur Fulgentius cum quatuordecim aliis Episcopis Africæ in lib. de Incarn. & grat. Domini N. J. C. cap.



C. cap. 27. his verbis: *Apostolus dicit; cum enim gentes, quæ legem, &c. Quem quidem Apostoli locum hi, qui gratia contradicunt, gentibus incredulis assignare contendunt. Ex hoc videlicet quod etiam illi, qui fidei gratiam non recipiunt, illa quæ ad bonitatem morum, & humanæ societatis vinculum pertinent, naturali quâdam lege servant, ut etiam illos, qui ea violare contendunt, iudiciorum æquitate ac severitate cœrceant.* Qui Fulgentii libellus, cum circâ tempora felicitis recordationis Honorii Papæ I. in tanto honore habitus sit, ut in Concilio Hispalensi II. citentur ex eo tres sententiæ de Incarnatione Domini N. J. C. sicut citantur ex Augustino, Leone, & aliis Patribus, mirum est, quomodo nunc vice versâ in libello meo ex eo damnari meruerit, quod dixerit Inimicos gratiæ Christi, id est, Pelagianos, jam supradictum Apostoli locum gentibus incredulis assignare; cum id ex epistola ad Demetriadem Virginem, quæ prima ponitur tom. 4. operum Hieronymi, evidentissimum sit: quam epistolam satis constet esse Pelagii, sicut infra ostenditur in explicatione sententiæ 32. licet non sine dedecore fidelium à multis legatur, tamquam sit Hieronymi, sicut benè notavit Beda lib. 1. super Cantica, ubi eam ex professo refellit tamquam hæreticam. Cæterum an aliqui veteres, ante natum Pelagium dictum Apostoli locum peculiariter gentibus incredulis assignaverint, invenire non potui: siquidem Chrysostomus & Theophilactus sic Commentarium suum temperant, ut neque incredulorum, neque fidelium peculiarem ingerant mentionem. Origenes legem in cordibus scriptam interpretatur; scriptam Spiritu Dei: & Oecumenius cogitationes excusantes in salvandis intelligit. Ex quibus videtur, quod Origenes & Oecumenius gentes, quæ ostendunt opus legis scriptum in cordibus suis, fideles intellexerint. Cæterum quid senserit Fulgentius, jam suprà dixi; quem ego hac in re sum secutus.

XXIII. (a) *Absurda est eorum sententia, qui dicunt hominem ab initio, donò quodam supernaturali & gratuito, supra conditionem naturæ suæ fuisse exaltatum, ut fide, spe, & charitate Deum supernaturaliter coleret.* (a) Ex l. de prima hom. iustitia. c. 7. malè collecta & truncata.

Hæc non sunt verba libelli; sed commenta alicujus æmuli, cui displicuit, quod solidis rationibus conarer ostendere, quod adhærere Deo, sic ad integritatem naturæ humanæ pertineret, ut necessariò homini, qualis conditus est, malum esset Deo non adhærere. Rectè enim videtur sequi, homini adhærere Deo bonum est, igitur malum est non adhærere Deo. Quæ ratio si cum iis, quæ libello continentur, convenienter dissolvatur, & verosimilioribus ostendatur quod possit homini, qualis conditus est, non esse malum à Deo recedere aut ab eo longè abesse; sicut à Deo longè sunt bestiæ, quæ illi neque per (b) notitiam, neque per amorem adhærent: (est enim malum naturalium privato bonorum: facillè rationi consentiam: sed non sufficit mihi nuda Scholasticorum Doctorem traditio sine verisimili testimonio veterum.

(b) Al. naturam.  
(c) Ex l. de prima hom. iustitia. c. 7. malè collecta, & adulterata.

XXIV. (c) *Avanis & otiosis hominibus secundum insipientiam Philosophorum excogitata est sententia; hominem ab initio sic constitutum, ut, per dona naturæ su-*

(a) Al. o-  
mitt. *peraddita, fueris largitate conditoris sublimatus, & in Dei filium adoptatus: (a) & ad Pelagianismum rejicienda est illa sententia.*

Capite 8. dicti libelli dicitur, quod naturalis beatitudo, quæ in Scripturis Sacris non invenitur, & quam Pelagius infantibus sine baptismo discedentibus promittebat, à vanis & otiosis hominibus ex Philosophia confingatur: sed quod libellus de jam dicta naturali beatitudine adversus Pelagium dicit; hoc Collectoris inanimadvertentia aut calumnia, de supernaturali humanæ naturæ beatitudine dictum proponit; quod ex ipso libello constat esse falsissimum.

## Ex Libro 2. De virtutibus Impiorum.

(b) c. 5. l. *XXV (b) Omnia opera infidelium sunt peccata.*

Miror, cur in antiquo problemate damnetur pars ea, quæ Scripturis Sacris & veteribus scriptoribus longè videtur esse conformior. Ait enim Apostolus ad Rom. 14. *Omne quod non est ex fide, peccatum est.* Item ad Tit. 1. *Omnia munda mundis, coinquinatis autem & infidelibus nihil est mundum.* Et ad Hebr. 11. *Sine fide impossibile est placere Deo.* De Patribus verò testatur gloriosus Christi Martyr Roffensis art. 36. cont. Lutherum, quod hæc sit sententia omnium Patrum his verbis: *Hoc dixi propter Patres, quorum sententiam sequi malui, quàm Scholasticorum, cum hac in remutud sibi pugnans: Patres enim asserunt neminem posse quidquam boni velle sine Dei speciali auxilio; nec sufficere generalem illum influxum: nonnulli contra Scholastici sic contendunt hunc sufficere, ut quis absque (c) alio auxilio benè moraliter agere, & bonum facere possit, non tantum ex genere, verùm etiam quod debitis undequaque circumstantiis ornatum sit, &c.* Hæc Roffensis. D. Ruardus Tapperus, Universitatis Lovapiensis, dum viveret, Cancellarius, & mihi præceptor, licet in alteram partem semper videretur nobis propensior, tamen art. 2. libri sui ingenuè fatetur, probabilius esse, quod divus Augustinus senserit, omnia Ethnicorum opera (d) esse peccata, his verbis: *Videtur probabilius & dictu ejus, Scilicet Augustini, contrafortius quod omnia Ethnicorum opera tanquam peccata damnaverit, quibus offenditur Deus propter circumstantia, maxime finis.* Unde & Hieronymus ad Heliod. *Sine Christo, inquit, vanum est quod vivimus.* Et Prosper sententia 106. *Omnis infidelium vita, peccatum est: & nihil est bonum sine summo bono: ubi enim deest cognitio æterna & incommutabilis veritatis, falsa virtus est etiam in optimis moribus.* Item contra Collatorem cap. 22. *Nihil, inquit, boni operis ex mortuis, nihil iustitia procedit ex impiis;* loquitur autem de infidelibus. Augustinus lib. 4. cont. Jul. cap. 3. tam apertè hoc dicit, ut non videatur negari posse. Idem docet lib. 3. cont. 2. Epistolas Pelagian. cap. 5. Item 8. Leo term. ult. de Epiphania.

(c) Al. nullo.

(d) Locus in editis prius corruptus.

Qui verò alteram partem sequuntur, videntur potissimum niti autoritate Philosophorum, de quibus Apostolus ait: *Perdam sapientiam sapientium, & prudentiam prudentium reprobo.* Et Hieronymus epist. ad Cresiphontem in in. tio:

tllo: *Pulchrè, inquit, quidam nostrorum ait: Philosophi, Patriarchæ Hæreticorum, Ecclesia puritatem perversâ maculare doctrinâ, &c. Et in finem rursus: Semper habui studio avarentibus loqui quod publicè in Ecclesia didiceram, nec Philosophorum argumenta sectari, sed Apostolorum simplicitati acquiescere, sciens illud dictum: Perdam sapientiam sapientium, &c. Et, quod stultum est Dei, sapientius est hominibus, &c. 1. Cor. 1. Coguntur autem hi suprà dictas scripturas, non ex aliis scripturis, sed ex rationibus Philosophicis ad alium sensum trahere, quàm præ se fert sermonis simplicitas: de quo genere interpretandi Scripturas, dicit Augustinus lib. 3. de Doctrina Christi. cap. 28. *ratione redditâ interpretari Scripturam, consuetudo periculosa est.**

XXVI. (a) *Et Philosophorum virtutes sunt vitia.*

(a) c. 5. de  
virtut. im-  
pugn. ali-  
qua ex  
Augustini  
l. 19. de  
Civ. Dei.  
c. 25. refe-  
runtur.

Hæc sententia de Philosophis impiis & incredulis intellecta, de quibus expressè loquitur libellus primùm est Hieronymi super cap. 3. ad Galat. dicentis: quod sine Christo omnis virtus in vicio est. Item ad Rusticum Monachum: *Philosophi sæculi vitium vicio, peccatum peccato medicantur.* Et Ambrosii, cum ait: *Quod sine cultu veri Dei virtus videtur esse, peccatum est.* Et Augustini lib. 3. contra duas epistolas Pelagian. cap. 5. & lib. 19. de civit. Dei cap. 25. ubi sic ait: *Licet virtutes à quibusdam tunc veræ & honestæ putentur, cum ad seipsas referuntur, nec propter aliud expetuntur; attamen etiam tunc inflatæ & superbæ sunt; & ideo non virtutes, sed vitia judicanda sunt.* Denique Properi de vita contemplativa lib. 3. cap. 1. *Virtutes si fuerint sine fide, non sunt aliqua bona credenda, sed vitia.* Et infra vocat eas virtutum simulationes. Unde Augustinus lib. 1. retract. cap. 3. retractat, quod dixerat Philosophos non verâ pietate præditos virtutis luce fulsisse.

XXVII. (b) *Integritas primæ creationis non fuit indebita humanæ naturæ exaltatio, sed naturalis ejus conditio: quam sententiam repetit & probat per multa capitula.*

(b) Est titulus c. 4. l. de primæ bon. justitiam.

Si probatio libelli deprehendatur non esse legitima, & pars opposita convenientioribus argumentis statuatur, meritò hæc sententia vetatur: sed quia hoc Dominus mihi nondum ostendit, ideo supplico Collectori, aliisque qui hanc sententiam damnandam obtulerunt, ut suâ eruditione me aliosque, quibus hæc sortè persuasa fuerunt, in hac parte, & aliis pluribus, suo studio juvare dignentur; non tantùm asserendo quod videtur per manus duntaxat tradi à Doctoribus Scholasticis; sed scripturis tandem verisimilibus, & veterum scriptorum testimoniis ostendendo quod sentiunt; & quæ nos movent, convenienter dissolvendo.

XXVIII. (c) *Liberum arbitrium sine gratia Dei adjutorio non nisi ad peccandum valet.*

(c) Est titulus c. 1. l. de virtutibus im-

Si Collector ex cap. 8. lib. 2. de Virtutibus impiorum attendisset, quos

Docto-

Doctores Sanctos in sententia damnandos propinabat: puto quòd hanc sententiam damnandam non obtulisset: ipsissima enim sunt verba Augustini lib. 3. ad Bonif. cont. duas epist. Pelag. cap. 8. dicentis: *liberum arbitrium captivatum non nisi ad peccandum valet.*

Nisi quòd illud, *captivatum*, exposuerim, *sine gratia Dei adjutorio*, sicut ipse Augustinus in sequentibus exponit. Item de spirit. & litt. cap. 3. *Nam neque liberum arbitrium*, inquit, *quicquam, nisi ad peccandum valet, si lateat veritatis via: & cum id, quod agendum, & quòd vitandum est cæperit non latere; nisi etiam deleat & ametur, non agitur, non suscipitur, non benè vivitur.* Eandem sententiam tenent plures alii, quos ibidem citavi. Accedit Bernardus serm. 1. de Annunciatione his verbis: *Nos, qui de nihilo creati sumus, constat quia si nobis ipsis relinquimur, in peccatum, quòd nihil est, semper declinamus, &c. Quibus, licet recentior, tamen propter eruditionis & martyrii gloriam, addendus est Joannes Episcopus Rossensis, sicut patet ex verbis ejus suprà, sententia 25. recitatis, ubi dicit hanc esse sententiam omnium veterum Patrum, quos (si res ita habet) necessarium est propter me similiter condemnari.*

XXIX. *Pelagianus est error dicere; quòd liberum arbitrium valeat ad ullum peccatum vitandum.*

Hæc sententia in libello non habetur: nec est Catholica si intelligatur, quòd liberum arbitrium adjutum à Deo non valeat ad ullum peccatum vitandum: si verò Collector intenderit damnare, quòd liberum arbitrium sine Dei adjutorio ex se non valeat ad ullum peccatum vitandum; sicut significare videtur mentio Pelagii, quem (a) non ignorat negasse divinum adjutorium: (b) metuo ne Catholicam sententiam damnare voluerit; sicut forsitan intelligi utcumque potest ex his sententiis & rationibus Patrum, quæ cap. 9. ejusdem libelli referuntur.

(a) Al.

consist. (b) Al. additur esse necessarium.

(c) Prima pars habetur l. de virt. imp. c. 9.

(d) superetur.

XXX. (c) *Non solum fures hi sunt & latrones, qui Christum viam & ostium veritatis & vitæ negant; sed etiam quicumque aliunde, quam per Christum in viam justitiæ, hoc est ad aliquam justitiam conscendi posse dicunt; aut tentationi ulli sine gratiæ ipsius adjutorio resistere hominem posse, sic ut in eam non inducatur, aut ab ea (d) non superetur.*

Prior hujus sententiæ pars, ad verbum desumpta est ex fine capituli 9. ejusdem libelli, *De virtutibus impiorum*; quam puto non improbari, quia nihil aliud est, quam clarus sensus Evangelii. Sed posterior pars, videlicet: *aut tentationi ulli sine gratiæ ipsius adjutorio resistere hominem posse, sic ut in eam non inducatur, aut ab ea non superetur.* Hæc, inquam, pars est à Collectore dolose conficta: verba enim libelli sunt: *aut tentationes ullas sine ipsius gratiæ adjutorio superari posse contendunt.* Quam sententiam Catholicam, & à majoribus nostris contrà Pelagianos ex Scripturis sacris assertam, quia palam damnare non audebat, idèd verba confinxit, quibus significaret; quòd quisquis aliquà tentatione pulsatur, ut putà fornicationis aut homicidii, is necessariò in eandem



dem tentationem inducatur, nisi adiutorio gratiæ Dei liberetur: Id quod neque habet libellus, neque umquam sensit libelli author, sicut manifestum est ex libro ejusdem de libero arb. cap. 10. circa finem; ubi veluti spiritu prophetico occurrens futuræ calumniæ, ostendit eum, qui ad fornicandum tentatur, ex amore gloriæ aut pecuniæ sæpè ab hoc pernicioso affectu sine divino adiutorio revocari; addens ex D. Augustino, tunc victa vitia deputanda esse, cùm Dei amore vincuntur; non autem, cùm aliis vitiis vincuntur occultis. Sed tantùm sentit, quòd quisquis alià tentatione pulsatur, statim orare debeat, *ne nos inducat in tentationem*; & si sic ab eâ liberetur, ut neque in hanc, neque in aliam similem, aut etiam deteriorem inducatur; tunc statim debeat illi gratias agere, à quo se non debet dubitare esse liberatum, sicut in prima sua defensione sese à Domino liberatum confitetur Apostolus 2. ad Tim. 4. De quâ re latius disserui cap. 9. ejusdem libelli.

E X  
L I B R O  
D E  
C H A R I T A T E.

XXXI.

**C**haritas perfecta & sincera, quæ est ex corde puro, & conscientia bona, & fide non ficta, in Catechumenis, & pœnitentibus potest esse sine remissione peccatorum.

Ex lib. 4.  
charitate.  
& 7. malâ  
collecta.

Hoc non dixi, sed adversus eos, qui in Catechumenis & aliis pœnitentibus ante remissionem peccatorum, contra Concilium Tridentinum nullum omninò charitatis initium agnoscunt (quorum sententiam etiam nobis improperat Lutherus, dicens nos docere, quòd Christi passione non indigeamus, nisi in puncto remissionis peccatorum) quantâ potui diligentia conatus sum ostendere, bonum animi motum, qui ante remissionem peccatorum ex Christi dono in peccatoribus reperitur, etiam in Scripturis Sacris nomine dilectionis seu charitatis intelligi. Hæc etiam manifestè docet Augustinus l. 2. contra duas epistolas. Pelagianorum cap. 9. ubi loquendo de imperfectâ boni cupiditate, ait: QUID EST ENIM BONI CUPIDITAS, NISI CHARITAS? Quod quia Collector proponere damnandum non sudebat, licet fortè displiceret;

ided ut adversum nos aliquid dicere videretur, hanc propositionem, quæ & falsa est, & à nostro sensu prorsus aliena, per calumniam nobis affinxit; quasi videlicet unquam somniassemus, perfectam charitatem ex corde puro & conscientia bona profectam in iis reperiri, qui peccatorum remissionem nondum sunt consecuti: nam perfecta charitas foras mittit timorem, qui abesse non potest, quamdiu manet reatus æternæ damnationis; & ubi nondum est peccatorum venia, non potest esse bona & tranquilla conscientia. Non igitur hoc dicit aut sentit libellus, quod iste dolosè confinxit, sed tantum quod suprà diximus.

(a) Ex l. de  
thar. c. 7.  
male col-  
lecta.

XXXII. (a) *Charitas illa, quæ est plenitudo legis, non est semper conjuncta cum remissione peccatorum.*

(b) Ex  
eod. cap.  
male col-  
lecta.

XXXIII. (b) *Catechumenus justè, rectè & sanctè vivit, & mandata Dei observat, ac legem implet per charitatem ante obtentam remissionem peccatorum, quæ in baptisimi lavacro demum percipitur.*

Hæ duæ sententiæ in libello meo non habentur: sed si diligenter quæzatur, putò quoddam earum sensus satis clarè invenietur apud Thomam Waldensem tom. 2. de Sacramentis cap. 97. & 105. qui tomus per felicis record. Martinum V. in consistorio Cardinalium, post diligentem examinationem approbatus est. Quapropter non immeritò quis admiretur quomodo nunc meruerit sub tam gravi poena in censurâ reprobari & aboleri, nempe sub poena excommunicationis lætæ sententiæ. Sic enim habet capite 97. Scio ex lege Hieremiam Spiritum Sanctum accepisse, & sanctificatum ex utero: scio & Joanni Baptistæ cælitus promissum: SPIRITU SANCTO REPLEBITUR ADHUC EX UTERO MATRIS SUÆ: nec sic tamen deletum erat chiographum veteris delicti. Et infra: bonus Catechumenus charitate flagrans, justus probatâ justitiâ priusquam Ecclesiæ Christi jungatur, est de vi status adhuc ineptus ad capefcendum regnum Dei. Et iterum, pone nobis, inquit, Cornelium, teste Scripturâ, Spiritu Sancto repletum: & ipse non sufficit. Dicit Augustinus: neque enim, inquit, si sufficeret ad capefcendum regnum cælorum, ut ad Petrum mitteret, moneretur. Insuper, nec de Christi corpore erat, quousque per Sacramentum conjungebatur Ecclesiæ. Et rursus eodem capite: fortassis, inquit, difficilè quibusdam videtur, quomodo adultus susceptâ superinundantis Spiritus Sancti gratiâ, ita ut ante multos Christianos firmiter credat, oret fervide, opera justitiæ suppleat; jam non litætu consummatus in gratia, & ex hoc ipso apud regno Dei. Deinde respondet: habes gradus suos gratiâ Spiritus Sancti; in quibusdam, inquit, tanta est gratia fidei, quanta non sufficit ad capefcendum regnum cælorum; sicut in Cornelio, antequam per sacramentorum participationem incorporaretur Ecclesiæ. Hactenus ex cap. 97. Similia plura habet cap. 105. ex quibus hoc unum proferam, quod ait circa finem capituli: Scimus Catechumenos, aut competentes multos Sanctos, justos, orantes, differre baptismum. Scimus excellentiorem istis Cornelium, & eos qui cum ipso erant, Spiritu illustratos eximie. Scimus Joannem Baptistam Spiritu Sancto repletum ex utero matris suæ. Scio Hieremiam Prophetam sanctificatum priusquam exiret ex utero.

*Da mihi quotquot tales, qui tamen cum infectione decedant vitiatæ propaginis, & quantolibet gradu sanctitatis fulgeant, si non venati fuerint ex aquâ visibili, & Spiritu Sancto, regnum cælorum adipisci non possunt. Quodd autem is, qui admittendus est ad baptismum (ante quem saltem regulariter non datur remissio peccatorum) non tantum integram fidem habere debeat, sed etiam Dei mandata veraciter observare, imprimis manifestè probat ipse baptismi ritus; in quo non tantum exigitur ut credat qui baptizandus est; sed etiam, ut diabolo & omnibus pompis ejus abrenuntiet: quod sine obedientia mandatorum Dei præstari non potest, nisi solis verbis; sicut de quibusdam queritur Cyprianus, quod solis verbis sæculo renuntiet: & sicut non expectatur, quodd post baptismum credat qui baptizandus est, sed id ante baptismum exigitur: sic etiam non expectatur, ut quis post baptismum Diabolo renuntiet, & Dei mandatis obtemperet, sed id prærequiritur, sicut D. Augustinus tantâ evidentiâ toto libro de fide & operibus ostendit; ut opposita sententia videatur sanæ fidei contraria. Nam, ut ait lib. 2. retract. c. 38. In hoc libro disputavi, non solum quemadmodum vivere debeant gratiâ Dei regenerati, verum etiam quales ad lavacrum regenerationis debeant admitti.*

XXXIV. *Distinctio illa duplicis amoris: videlicet naturalis, quo Deus amatur ut Author naturæ; & gratuiti, quo Deus amatur ut (a) beatificator, vana est, & (a) Al. beatificator. commentitia, & ad illudendum sacris litteris ac plurimis veterum testimoniis, excogitata.*

In hac distinctione nihil aliud improbat, quàm quodd quidam contra D. Thomam 1. q. 34. 2. 3. asserunt, aliquem verum unius veri Dei amorem posse ex solo libero corrupti hominis arbitrio consurgere. (b) Quodd si cui non satisfaciunt testimonia & rationes, quas pro hac sententia in libello attuli, oro ut dignetur nos docere ex qua scriptura, aut ex quibus veterum testimoniis, pars altera solidius possit ostendi; nempe quodd ex solo libero arbitrio hominis, sine Dei adjutorio, possit Deus veraciter diligi. (b) In editis quædam erant male inserta.

XXXV. *Omne quod agit peccator, vel servus peccati, peccatum est.*

Hæc sententia apertè hæretica est, nec nobis, nisi per calumniam, affingitur. Sed Collector fortè respexit ad verba Fulgentii de Incarn. & grat. D. N. J. Christi cap. 19. quibus ait: *Quamdiu est peccati servus, non nisi ad serviendum peccato reperitur idoneus.* Sed, sicut ex (c) deductione patet, Fulgentius de (c) Al. distinctione. eo tantum loquitur, qui ita Diaboli servus est, ut ab auxilio gratiæ Dei sit prorsus alienus; quem cum Augustino existimat, quamdiu talis est, non posse nisi peccare. Hæc verò sententia etiam illum peccatorem comprehendit, qui à Deo juvatur ut credat, & de (d) præteritis sceleribus doleat; & ideo recipienda non est. (d) Al. peccatis.

(a) Exc. 5. lib. de char. male collecta. XXXVI. (a) *Amor naturalis, qui ex naturæ viribus exoritur; ex sola Philosophia per elationem præsumptionis humanæ cum injuria Crucis Christi defenditur à nonnullis Doctoribus.*

Hæc sententia neque ad verbum, neque ad sensum continetur in libello. Sed quia capite 5. ejusdem dicitur, quoddam prætextu Philosophiæ naturalis, circa ea, quæ Dei sunt, nullus est agnoscendus dilectionis motus, qui non descendat à patre luminum. In quo nihil aliud significatur, quam quoddam omnis Deum ex Deo sit; & quoddam nullus Dei amor sic sit naturalis, ut nunc ex solis (b) liberi arbitrii viribus oriatur sine Dei adjutorio. Idem Collector confinxit generaliter dictum; quoddam nullus sit amor naturalis, qui ex viribus naturæ oriatur; cum ego non nisi de vero amore unius Dei locutus sim; sicut ex ipso capite 5, manifestum est. Et ideo hæc sententia non est nisi mera calumnia.

(c) Ex cod. c. 5. male collecta. XXXVII. (c) *Cum Pelagio sentis, qui boni aliquid naturalis, hoc est, quoddam ex solis naturæ viribus ortum ducit, agnoscit.*

Hæc sententia eadem fide conficta est, quâ prior, nempe ex ea disputatione; ubi tantum de Dei amore differitur.

(d) Al. corda diffusa. XXXVIII. *Omnis amor creaturæ rationalis, aut vitiosa est cupiditas, quâ mundus diligitur, quæ à Joanne prohibetur; aut laudabilis illa charitas, quâ per Spiritum Sanctum in (d) corde diffusa Deus amatur.*

Hæc sententia magna ex parte ad verbum sumpta est ex cap. 6. ejusdem libelli: sed quia in posteriori parte verba libelli non satis videbantur reprehensioni obnoxia; ideo Collector placuit ea mutare dicendo: *aut laudabilis illa charitas, quâ per Spiritum Sanctum in corde diffusa Deus amatur*, ut videlicet statim de ea tantum charitate cogiteretur, quæ cum remissione peccatorum invenitur; cum tamen libellus habeat; *aut laudabilis charitas, quâ Deus amatur, quam nisi Deus ipse non donat.* Quæ charitas non tantum post remissionem peccatorum intelligitur. Hæc igitur sententiâ nihil aliud dicitur & significatur, quam quoddam omnis amor, ratione finis, in quem tamquam ultimum dirigitur, aut est amor mundi tamquam ultimi finis, qui vitiosus est, & prohibetur dum dicitur; *nonne diligere mundum*: aut est amor Dei, qui laudabilis est, quem mundus dare non potest, sed Deus. Et certè cum nullus finis reperiri possit, quin aut Deus sit, aut ad mundum pertineat; miror cur iste sensus reproberetur, maxime accedentibus pluribus veterum sententiis, quæ hoc significare videntur. Sed fortè displicet quoddam dixerim; unius veri Dei amorem haberi non posse, nisi ex Deo. De quo supra diximus sententiâ 34. inter ea, quæ à quibusdam Doctoribus minus probanda. Objeci aliquando cuidam Sancto & erudito Episcopo, totâ hâc regione, & forsitan etiam Romæ famâ laudabili benè noto: id quod contra D. Thom. 1. 2. q. 109. a. 3. quoddam homo, qualis nunc est, possit diligere Deum super omnia ex solis naturalibus, sine gratia: sed ille pro re absurd.



absurdissima ducens, quodd dilectio Dei super omnia ex solis naturæ viribus conurgeret; respondit eos sensisse, quodd homo, qualis nunc est, possit Deum diligere super omnia sine gratia, per quam est peccatorum remissio; sed non sine adjutorio gratiæ Christi, quo etiam antè remissionem peccatorum juvantur fideles. Quam solutionem libenter accepi, quia videbatur mihi à veritate non recedere, sive ita senserint, sive non.

E X

L I B R O

D E

LIBERO ARBITRIO.

XXXIX.

**Q**uod voluntariè fit, etiam si necessitate fiat, liberè tamen fit.

Ex cap.  
7. libri  
de Libero  
arb. malè  
collecta.

Capite 7. hujus libelli dicitur, quodd libertati à servitute peccati, quâ liber est Deus, & Angeli Sancti, etiam in iis, quæ sic volunt, ut ea non possint non velle; huic, inquam, libertati impertinens est, utrùm id, quod liberè fieri dicitur, etiam possit non fieri. Ex quibus verbis, quanto candore Collector sententiam hanc verbis à se excogitatis confecerit, facilè poterit à candido lectore videri.

XL. In omnibus suis actibus peccator servit dominanti cupiditati,

Hæc sententia aliis verbis repetit, quod supra sententia 35. continebatur, de qua ibi dictum est; neque enim in libellis meis invenitur.

XL I. (a) Is libertatis modus, qui est à necessitate, sub libertatis nomino non reperitur in scripturis, sed solum nomen libertatis à peccato.

Ex c. 7.  
lib. de  
Libero arb.  
confusa.

Fateor in Scripturis Sacris me nondum reperisse locum, in quo vox liber aut libertas propriè & signate significet libertatem à necessitate. Si alius repererit, proferat, & pax erit, quia rem modis omnibus probo, & similiter etiam vocem; etiam si eam nondum mihi videar in Scripturis Sacris in hac significatione reperisse.

E X

L I B R O

D E

J U S T I T I A.

XLII. **J**ustitia, quâ justificatur per fidem impius, consistit formaliter in obedientiâ mandatorum, quæ est operum justitia, non autem in gratiâ aliquâ animo infusa, quâ adoptatur homo in filium Dei, & secundum interiorem hominem renovatur, ac diviniæ naturæ consors efficitur, ut sic per Spiritum Sanctum renovatus, deinceps bene vivere & mandatis Dei obedire possit.

Hæc sententia nec ad sensum, nec ad verbum habetur in libello, sed est merè calumniosa, & contra sensum tam libri, quàm Authoris verbis Collectoris expressa, præcipuè quoad eam partem, quæ dicit justitiam non consistere in gratia animo infusa, &c. Nam licet libellus nomine justitiæ actum justum intelligat: sicut frequenter intelligit Scriptura Sacra; ut, *qui facit justitiam, justus est*. Et, *sancti per fidem operati sunt justitiam*; hoc tamen non facit, ut habitum gratiæ aut charitatis neget esse justitiam; sed tantum ut Hæreticis nostri temporis resistat, qui opera justitiæ contendunt nec merita esse, nec hominem facere meliorem. Id quod falsum esse ostenditur, quando juxta Scripturas Sacras demonstratur, esse justitiam nobis inhærens. Cui errori non ita resistunt, qui docent, & in libellis editis asserunt: justitiam, quam Scriptura commendat, non esse justitiam operum, sive ad operandum immediate inclinantem; sed esse formam, quæ dat esse divinum, & mentem transmutat, ut sit bene ad Deum disposita, Deiformis, & cælestis. Et rursus: *Fiducia fidei*, inquit idem, *non in actibus consistit, sed per modum habitus, vel status se habet*. Item: *ad justitiam operum nihil pertinet sermo de justificatione impij*. Item dixit alius quidam inherenter nobis justitiam, à quâ justî dicimur, tantum in habituali renovatione intelligendam esse; nec de bonis operibus aliter, quàm de fructibus & effectibus justitiæ loquendum. Quæ dicta, quia mihi displicebant, tamquam nimis vicina sententiæ Hæreticorum asserentium opera non esse merita, nec hominem facere meliorem, sed tantum esse fructus, & ad præ justitiæ testimonia. Ideò justitiam, quæ est in obedientia mandatorum Dei, commendavi; non ut habituaalem renovationem negare esse justitiam: de qua resciebam neminem dubitare; sed ut utrumque persuaderem ad justitiam fidei pertinere, sicut dictum est, nempe actum & habitum justitiæ.

XLIII.

XLIII. *In hominibus pœnitentibus ante Sacramentum absolutionis; & in Catechumenis ante baptismum est vera justificatio, separata tamen à remissione peccatorum.* Ex l. de justificatione, c. 7. male collecta, & adulterata.

Divus Augustinus epist. 105. habet, quodd homo justificatur non solum remissione peccatorum, sed prius etiam inspiratione fidei & timoris Dei. Similiter contra Donatistas lib. 4. cap. 21. *Sicut non debemus improbare justitiam hominis, inquit, quæ prius esse cepit, quam conjungeretur Ecclesiæ; sic non est improbandum Evangelicum baptismi sacramentum, etsi extra Ecclesiam fuerit susceptum.* Quæ verba secutus libellus cap. 7. dicit Catechumenum & pœnitentem ante remissionem peccatorum aliquid habere justitiæ. Sed quia hic sermo non videbatur Collectori satis esse reprehensioni obnoxius; idem sententiam, quam mihi impingeret, & Sedi Apostolicæ damnandam offerret, verbis suis expressit, dicens quodd in Catechumenis ante baptismum est vera justificatio, separata tamen à remissione peccatorum. Quam tamen sententiam hîc à se damnatam, infrâ sententiâ 60. manifestè comprobât, damnans eos, qui agnoscunt illam justitiam, quæ fit quidem ex inspiratione Spiritus Sancti, sed nondum corda inhabitantis; quia necesse est, ut justitia illius, quem nondum inhabitat Spiritus Sanctus, sit à remissione peccatorum separata; quam tamen justitiam hîc ex professio damnât.

XLIV. *Operibus plerisque, quæ à fidelibus fiunt, ut mandatis Dei pareant, ejusmodi sunt, obedire parentibus, depositum reddere, ab homicidio, à furto, à fornicatione abstinere, justificantur quidem homines, quia sunt legis obedientiæ, & veræ legis justitiæ; non tamen iis obtinent incrementa virtutum.* Ex lib. de justificatione.

Capite 5. hujus libelli dicitur expressè, quodd etsi bona cuncta, quæ facimus, culpas diluere, quas fecimus, certum est; (sub quo intelliguntur etiam incrementa virtutum.) Ex his tamen operibus, quæ à fidelibus non ob id fiunt, ut vel remissionem peccatorum, vel incrementa virtutum consequantur; sed solum ut Dei mandatis pareant; ex his, inquam, operibus dicimur in Scripturis Sacris justificari, quia sunt legis obedientia, & vera legis justitia, juxta illud: *qui facit justitiam, justus est*; non quia his obtinemus aut remissionem peccatorum, aut incrementa virtutum. Ex quibus verbis perspicuum est, intentionem libelli fuisse, quodd jam dictis operibus bonis obtineantur quidem & remissio peccatorum, & incrementa virtutum; sed quodd Scriptura Sacra dicens nos ex istis operibus justificari, ad aliud respexerit; nempe quodd non auditores legis justii sunt apud Deum, sed factores. Ipse autem Collector hunc sensum prorsus invertit, dicens; quodd his operibus non obtineantur incrementa virtutum. Quod quantum ablit à calumnia, eruditus lector consideret.

E X

## L I B R O

D E

## S A C R I F I C I O.

XLV. **S**acrificium Missæ, non aliâ ratione est Sacrificium, quàm generali illâ quâ omne opus, quod fit, ut sanctâ societate Deo homo inhæreat.

Ex hac sententia, quæ palam est hæretica, si bene consideretur, spero cuivis sensato lectori fore manifestum, quantus stupor, aut quantum calumniandi studium in eo fuerit, qui ex meo libello hanc sententiam confinxit. Cùm enim instituisssem disputationem non peculiariter de sacrificio Missæ, sed generaliter de sacrificio; statim initio secundi (a) capitis, posui definitionem generalem sacrificii ex Augustino; nempe quodd sacrificium dicitur omne opus, quod agitur, ut sanctâ societate Deo inhæreatur. Deinde dividendens sacrificia in typica, qualia maximè fuerunt tempore Veteris Testamenti; & non typica, qualia ab initio mundi fuerunt, & semper erunt: Tandem capite 5. ostendi sacrificium Corporis & Sanguinis Domini, præsertim si actionem externamque sacramenti speciem spectes, ad genus sacrificiorum Typicorum pertinere, & verè sacrificium esse: sicut olim verum sacrificium fuit ipsa immolatio Agni Paschalis. Ac denique capite 6. propositâ quæstione cur Sacra Eucharistiæ confectio præ cæteris, quæ etiam sacrificia rectè dicuntur, à piis fidelibus peculiariter nomine sacrificii celebretur: quatuor rationes assignavi, cur inter omnia sacrificia sic emineat, ut nomen aliqui commune sibi veluti proprium vindicare mereatur. Quarum rationum duæ apud D. Thom. habentur in 3. p. ubi ostendit, cur Christus in Sacramento Eucharistiæ dicatur immolari. Tertia additur ex doctrina Concilii Tridentini Sess. 22. licet libellus ante hanc sessionem editus fuerit. Ex quibus patet quantâ diligentia conatus sim ostendere sacrificium Missæ longè aliis rationibus sacrificium dici, quàm cætera, quæ tamen generaliter sunt sacrificia, sicut immolatio agni & vituli: & tamen Collectoris inadvertentia (ut nihil acerbius dicam) audent spectante mundo confingere quodd doceam Sacrificium Missæ non aliâ ratione esse sacrificium, quàm generali illâ, quâ omne opus, quod fit, ut sanctâ societate Deo inhæreatur, sacrificium dicitur. Facile esset hæreticos multos facere, si sicliceret de proximis hæreses fingere.

(a) L. 10.  
de Civ. c.  
6. quem  
secuti sunt  
Gabriel  
Biel Lect.  
85. in  
Can. Mis.  
Litt. D. &  
Alph. à  
Castro,  
Lib. adv.  
hæres.  
verbo,  
Missæ, hæ-  
res. 2.



E X

## L I B R O

D E

## PECCATO ORIGINIS.

XLVI.

**A**D rationem & definitionem peccati non pertinet voluntarium: Ex c. 7. l. de peccato originis male collecta & adulterata.  
 nec definitionis quæstio est, sed causæ & originis, utrum omne peccatum debeat esse voluntarium: Unde peccatum originis verè habet rationem peccati sine ullâ relatione ac respectu ad voluntatem, à quâ originem habuit.

Si perlegatur caput 7. libelli de peccato originis, etiam me tacente, videbitur, quantâ ortè, ut non dicam malitiâ, hæc sententia propriis verbis & proprio sensu ab ipso Collectore sit confecta. Ibi enim ostenditur peccatum originis infanti recens nato imputari, etiamsi non sit ex ejus voluntate profectum; atque verbis Augustini contrâ Jul. defenditur, non peccatum originis, sed tantum propriæ voluntatis debere ex ejus voluntate esse profectum, in quo tale peccatum invenitur. Ad quem finem etiam dicitur, quod disputatio contrâ Manichæos; utrum omne peccatum sit voluntarium, non sit definitionis quæstio, sed originis; sicut dicit Augustinus: quod sicuti peccati origo voluntas mala est; ita nisi voluntas mala, non est cujusquam origo peccati: non ut ullâ ratione improbetur quod dicitur, peccatum omne debere esse voluntarium; sed ut Pelagianis resistatur, qui parvulos negabant habere peccatum, quia nondum arbitrio voluntatis utuntur; sicut docet August. lib. 1. retract. cap. 15. Quasi videlicet in definitione peccati generaliter dicti, poni debeat voluntarium à propria voluntate peccatoris profectum. Additurque in libello, quod de actu aliquo differentes, an ex suo genere sit peccatum; non hoc inquire debemus an sit à voluntate, vel à qua sit voluntate profectum. Ex quibus verbis Collector primæ suæ sententiæ partem fabricavit, dicens ad definitionem peccati non pertinere voluntarium; quod non habetur in meo libello, sed tantum id quod dixi. De ea porro sententiæ parte, quâ dicit Collector: Unde peccatum originis verè habet rationem peccati sine ulla relatione ac respectu ad voluntatem, à quâ originem habuit; nullam fecit libellus mentionem. Nec scio undè Collector didicerit, quod peccatum originis præ cæteris peccatis debeat dici relativè peccatum: nisi fortè cum Alberto Pighio & Catharino existimet, peccatum originis, non verè, sed æquivocè (a) tantum esse peccatum; id est, idèd peccatum dici; quia pœna est ex peccato primi parentis, & ad il-

(a) Al.  
diſſa.

lud relatîve (a) dictum. Sic enim loquuntur quidam eorum, qui ſententiã illam tuentur. Quæ ſententiã mihi videtur olim in Conc. Arauſicano II. damnata; ſicut in initio libelli de peccato originis conatus ſum oſtendere.

(b) Exc.  
7. l. de pecc.  
orig. malè  
collecta,  
& adulte-  
rata.

(c) Al. erit.

XLVII. (b) *Peccatum originis eſt habituali parvuli voluntate voluntarium; & habitualiter dominatur parvulo, eo quòd non gerat contrarium voluntatis arbitrium. Et ex habituali voluntate dominante fit, ut parvulus decedens ſine regenerationis Sacramento, quando uſum rationis conſecutus (c) eſt, actualiter Deum odio habeat, Deum blaſphemet, & legi Dei repugnet.*

(d) Al. cor-  
ruptus lo-  
sus in  
edictis.

Ex his, quæ hæc ſententiã continentur, nihil ampliùs in libello dicitur, quàm quòd infans ex hoc naſcitur filius iræ, quia naſcitur cum vitio ex ſua ratione divinæ legi contrario, quod illi non quidem actu, ſed habitu dominatur, ſic ut non gerat contrarium mentis affectum: (d) quod quomodo negari poſſit nescio; quia ſicut Spiritus Sanctus & gratia habitualiter baptizato parvulo dominantur; ſic etiam peccatum originis habitualiter dominatur non baptizato. Ratione cujus, Job deplorans ſuæ conceptionis originem, & reliquias adhuc ex ea relictas: *Quare me, inquit, poſuiſti contrarium tibi, & factus ſum mihi metipſi gravis?* An verò ratione huius domini poſſit peccatum originis etiam voluntate parvuli dici voluntarium, ſicut videtur hæc damnatã propoſitione ſignificari, relinquois diſputandum, quibus ſic loqui placet. Porro qualis efficiatur parvulus, qui hinc ſine baptiſmo diſcedit; & quid agat, cum rationis uſum fuerit conſecutus, non diſputavi. Peto tamen à Collectore, ut dignetur explicare, quis infantem, qui non rectus ſed Deo contrarius naſcitur, ſi ſine baptiſmo diſcedat, poſt hanc vitam faciat rectum, & adverſario ſuo Deo & legibus ejus conſcientem. An Deus ſua miſericordiã, an parvulus ſua naturali potentiã.

(e) L. de  
peccato  
originis,  
c. 2.

XLVIII. (e) *Prava deſideria, quibus ratio non conſentit, & quæ homo invitus patitur, ſunt prohibita præcepto: NON CONUPISCES.*

Hæc eſt expreſſa ſententiã Hugonis à S. Victore ſuper epiſt. ad Rom. q. 156. his verbis: *Quæritur quid illud ſit quod lex prohibet, & Apoſtolus nolens faciebat? Sed iſti dicunt, quòd lex conſenſum prohibet: ſed conſtat quòd Apoſtolus non conſentiebat, quia ſi conſentiret concupiſcentiã, nulla modo legi conſentiret. Auguſtinus autem oſtendit aperte quid ſit, quod Apoſtolus volebat, & tamen faciebat; motum videlicet concupiſcentiæ ſentiebat, ſed tamen non conſentiebat, imò non ſentire volebat. Unde liquet, quòd motus primus concupiſcentiã Lex prohibet. Haſtenus Hugo. Et rurfus q. 159. Quæritur, inquit, quare Deus vel prohibuit, quod non poteſt vitari? Vel præcepit, quod non valet impleri? Videtur enim crudelis, & non æquus. Richardus verò de S. Victore ſic habet ſuper epiſt. ad Rom. Hic non immeritò quæritur, quã ratione illis imputetur, vel quomodo lex in eis iram operetur, quòd legem non impleverunt, qui eam implere non potuerunt? Et infrà clariùs: *Quod lex prohibet à carne annui hora peragitur: quod præcipis verò, nunquam à carne implentur.* Haſtenus Richardus. Quòd ſi quæras ubi Auguſtinus hanc ſententiã aſſerat,*

asserat, sicut testatur Hugo de Sancto Victore: Respondeo, quod licet merito tanto Authori credi deberet, etiam si locus non (a) proferretur; attamen si (a) *AL. posterior.* Collector caput secundum libelli de peccato originis (unde sententiam hanc damnandam sumpsit) attendisset loca, quæ ex Augustino citantur, facile verba ejus reperisset; nempe lib. 1. Retract. cap. 15. Et de nat. & grat. cap. 17. Nam lib. 1. Retract. sic habet: *Qui cogenti cupiditati bonâ voluntate resistere non potest; & ideo facit contra præcepta justitiæ; jam hoc ita peccatum est, ut sit etiam pœna peccati.* De nat. verò & grat. cap. 17. sic habet: *aliud est non curasse scire; aliud intelligere velle, nec posse; & facere contra legem non intelligendo, quid fieri velit.* Nam in priori testimonio dicit eum, qui cogenti cupiditati resistere non potest, facere contra præcepta justitiæ; in posteriori verò eum, qui vult intelligere, nec potest, dicit facere contra legem, non intelligendo quid Deus fieri velit. Existimo tamen utrumque, videlicet Hugonem & Richardum de Sancto Victore, potius respexisse ad sermonem quintum Augustini, de verbis Apostoli, quàm ad ea loca, quæ citavi. Augustinus enim eo sermone tractans verba Apostoli ad Rom. 7. *Mente servio legi Dei, carne autem legi peccati;* videtur loqui de eo, qui mente spiritualis est: *Si concupiscis,* inquit, *quod lex vetat, cum dicit: non concupiscis: servas autem aliud, quod item lex jubet;* post concupiscentias tuas non eas; *mente spiritualis es, carne carnalis: aliud est enim non concupiscere, aliud post concupiscentias suas non ire; non concupiscere omnino perfecti est; post concupiscentias suas non ire, pugnantis est:* ait enim de eo, qui post concupiscentias suas non it, id est, qui nullo modo consentit, quod concupiscat quod lex vetat: id quod in eodem sermone latè prosequitur. Nec mirum, sicut enim qui alienum abstulit, nec habet, unde restituat, per hoc factus impotens ad restituendum, non est liberatus ab obligatione restituendi: nam alioquin non teneretur habere voluntatem restituendi & propositum, si quando facultas daretur: sed voluntas tamdiu pro facto ei reputaretur, quamdiu factum excludit necessitas: sic, ut non sit reus transgressionis, quod de facto non restituit. Sic etiam unusquisque fidelium ex præcepto: *Non concupiscas;* teneretur non concupiscere; sed quamdiu id facto præstare non potest, tamdiu voluntas ei pro facto reputatur; et peccati reus non habeatur, etiam si hoc facto non præstet, sed tantum voluntate & desiderio, dicendo cum Apostolo: *Velle mihi adjacet; perficere autem bonum non invenio.*

XLIX. (b) *Concupiscentia, siue lex membrorum, & prava ejus desideria, quæ inviti sentiant homines, sunt vera legis inobedientia.*

(b) Libro de pecc. orig. c. 4. & 15. &

De pravis desideriis diximus sententiâ proximâ. Cæterum quid me moveat, ut existimarem concupiscentiam (c) habitalem divinâ lege prohiberi, dixi in libro de peccato originis cap. 11. proferens multa veterum Sanctorum testimonia. Quæ si alios non movent, oro suppliciter, ut dignentur me docere, & quomodo his testimoniis ad satisfaciendum hæreticis convenienter respondeatur; & quomodo concupiscentia apud Augustinum peccatum esse defendatur, si non sit contra præceptum; ne fortè obijciatur nobis ab hæreticis, quod Donatistis objecit Augustinus: *Quod volumus, sanctum est.*

16.

(c) A omit.

(a) Lib. de pecc. orig. c. 13. L. (a) *Omne scelus ejus est conditionis, ut suum auctorem, & omnes ejus posteros eo modo inficere possit, quo infecit prima transgressio.*

Miror si Adam de pomo non comedisset, sed aliud quodvis scelus commisisset; utrū se, & totam posteritatem non eo modo damnaſſet, quo damnavit comedendo de pomo? Id quod si verum est, quomodo negari potest omne scelus ejus esse conditionis, ut suum auctorem, & omnes ejus posteros eo modo inficere possit, quo infecit prima transgressio? Si enim quodlibet scelus primum hominem cum tota sua posteritate infecisset, si illud admisisset: ergo ex natura sua ejus est conditionis, ut eo modo inficere possit, quo infecit prima transgressio: sed quod nunc non inficit, provenit non ex alia conditione naturali peccati, sed ex dispositione subiecti. Sed Collector forsitan damnandam hanc sententiam obtulit, quia illam non aliquo discursu rationis, sed divinis testimoniis conatus sum adstruere. Nam cap. 11. libelli, ut ostenderem quodlibet scelus ejus esse conditionis, ut suum auctorem inficiat, protuli testimonium D. Petri dicentis: *Qui facit peccatum, servus est peccati*: id est, meretur esse servus peccati. Et ut ostenderem hanc servitutem debere ad posteros transire, adhibui rationem cum Scriptura Sacra, & dixi: quod servus servos generet, juxta illud: *Quod natum est ex carne, caro est*. Homo enim caro idem dicitur, quia servus est peccati; aded ut etiam mente liberatus, & serviens legi Dei, carne tamen adhuc serviat legi peccati. Fieri potest ut fallar: sed obsecro ut aliquis eruditus ante me conetur instruire, quā damnare; aut saltem ut hoc præjudicio non impediatur, quominus me conetur instruire.

(b) Ex lib. de pecc. orig. c. 6. malo collecta, & adulterata. (c) Al. vidi. L. I. (b) *Quantum est ex vi transgressionis, tantum meritorum malorum à generante contrahunt, qui cum minoribus nascuntur vitis, quā qui cum majoribus.*

D. Thomas; consentientibus omnibus Doctoribus, quos (c) de hac disputantes me videre contigit, docet peccatum originis in omnibus infantibus esse æquale: id quod ego volens juxta Augustini sententiam defendere, qui (testibus etiam Pighio & Catharino, qui ejus sententiam non recipiant) docet concupiscentiam & carnis libidinem esse peccatum originis: sic objeci in capitulo 6. libelli mei de peccato originis: *Peccatum originis est in omnibus æquale: concupiscentia & libido carnis non sunt in omnibus æquales: ergo non sunt peccatum originis*. Deinde respondi, quod licet concupiscentia non sit in omnibus actu æqualis, est tamen æqualis reatu: sicut in iis, qui prorsus sunt ejusdem voluntatis & conatus; sed alius propter impotentiam tantum furatur decem, alius vero furatur mille; diversus est actus, sed idem reatus. Et quia obiter dixi, quod is, qui ex Dei dono sortitus est animam bonam, quantum est ex vi transgressionis Adæ, tam male indolis justè nasci potuisset, quā nascitur alius, cui Deus tam bonam indolem non largitur. Idem Collector suæ sententiæ aliquid etiam de vi transgressionis inseruit. Et, ut sententiam admirabilem & damnandam fabricaret, humano capiti cervicem junxit equinam, quam tamen ad hoc spero protuturam, ut lectores illud caput sextum libelli attentius legant,



legant, & attentè legendo intelligant, quod Collector maluit damnanda proponere, quàm discere.

LII. (a) *Definitiva hæc sententia; Deum homini nihil præcepisse impossibile, falsè* (a) Ex c. 12. l. de pecc. orig. malè collecta, & adulterata.

Capite 12. ejusdem libelli conatus sum explicare, quo sensu verum sit, quodd Deus homini nihil præcepit impossibile: in qua explicatione, quia Collector nihil, quod damnaret invenit; idèd more suo aliquid suum addidit, significans me eo capite dixisse quodd definitiva hæc sententia: *Deum homini nil præcepisse impossibile, falsè tribuatur Augustino.* Cùm quisvis Grammaticus, qui partes orationis jungere novit, facile ex verbis meis intelligat, me dictum illud: *Deum homini nihil præcepisse impossibile:* nec sententiam definitivam vocasse, nec dixisse esse, aut non esse Augustini; sed tantùm de hac sententia definitiva esse locutum: nec impossibile aliquid potuit imperare Deus, quia justus est, nec damnaturus est hominem pro eo quod vitare nequit, quia pius est: hanc, inquam, vocavi definitivam sententiam, & de hac dixi, quodd non sit Augustini, sed Pelagii. Quid autem me moverit, paucis indicabo. Hæc sententia ad verbum desumpta est ex epistola ad Demetriadem Virginem, quæ prima ponitur tom. 4. operum Hieronymi, contra quam scripsit Augustinus & Alypius epistolam ad Julianam matrem Demetriadis Virginis, quæ apud eundem Hieronymum statim subsequitur. Hanc epistolam ad Demetriadem ex professo refellit Beda lib. 1. super Cantica, dicentem non esse Hieronymi, ut quidam putant, sed Juliani Pelagiani: Et nominatim etiam refellit definitivam sententiam, de qua sermo est, tamquam Scripturæ Sacræ apertè contrariam; quia in ea de homine corrupto dicitur, quodd Deus non sit eum damnaturus pro eo quod vitare non potuit. Ex quo sequitur, quodd nemo damnandus sit pro peccato originis. Ego autem hanc epistolam ad Demetriadem omnino existimo esse Pelagii, siquidem Augustinus lib. *de gratia Christi*, cap. 22. ad verbum longam satis sententiam ex hac epistola citat, sub nomine libri Pelagii ad Sacram Virginem. Cujus sententiæ rursus meminit cap. 27. ejusdem libri; quæ sententia adhuc hodiè ad verbum in illa epistola continetur. Item cap. 37. ejusdem libri introducit Pelagium dicentem: *Legant epistolam, quam ad Sacram Virginem Demetriadem in Oriente scripsimus.* Statimque subjicit se eam legisse; ac sententiam illam refert ex initio ejusdem epistolæ desumptam, quæ adhuc ad verbum in ea continetur. Si quis fortè poterit me in istis testimoniis errare; oro, ut teneat (b) ea refellere, & me veritatem doceat. Scio quidem hanc eandem definitivam sententiam, de qua quæstio est, in serm. 61. de tempore, qui fertur nomine Augustini, ad verbum reperiri: sed ego hunc sermonem apocryphum existimo, non tantùm propter illam à Pelagio profectam sententiam, quam Augustinus in suis sermonibus, opinor, ad verbum non referret; sed quia circa finem ejusdem sermonis dicitur: *In potestate nostra positum est qualiter in die judicii judicemur:* quod, putò, non tam libenter diceret Augustinus, præsertim post natum Pelagianismum, quàm ipse Pelagius: *Non est enim hominis via ejus, nec viri, ut dirigat gressus suos.* Ut utamen

(b) Al. ea refellit.

res ista se habeat, etiam si fortè hæc in re errassem, attamen ex eo viderer non damnandus, sed tolerandus & docendus, quòd in hac definitiva sententia Be-  
dam secutus fuerim, lib. 1. super Cantica; ubi eam numquam Scripturis con-  
trariam asseruisset, neque Juliano adscripisset, si eam Augustini esse pu-  
tasset.

(a) Ex l. 1. LIII. (a) *Deus non potuisset ab initio talem creare hominem, qualis nunc nas-*  
*ci potest. orig. citatur.*  
c. 5. male  
collecta.

Deus non potuisset ab initio esse author peccati originis, in quo, juxta fi-  
dem Catholicam, omnes concipimur. Sed si creasset talem hominem, qua-  
lis nunc nascitur (id quod cum puto facere potuisse, nec umquam docui con-  
trarium) tunc quod in eo, qui nunc nascitur, est culpa; in illo, quem Deus  
creasset, non fuisset culpa, sed natura. Non enim fas est cum Manichæis di-  
cere unum & idem naturale & originale peccatum esse, sicut Pelagiani dix-  
erunt, uti in libello suæ fidei refert Maxentius vir Dei. In quem errorem, an  
illi incident, qui dicunt concupiscentiam malam, & legem carnis in infante  
recens nato, qualitatem esse naturalem, quam Augustinus peccatum originis  
asserit, (b) videant studiosi.

(b) Al. in-  
dicunt.

E X  
T R A C T A T U  
D E  
O R A T I O N E  
P R O  
D E F U N C T I S.

LIV. **I**N peccato duo sunt, actus, & reatus: transeunte autem actu, nihil (a) *En* remanet, nisi reatus, sive obligatio ad pœnam. Unde in Sacramento *tract. de* baptisni, aut sacerdotis absolutione, proprie reatus peccati duntaxat *oratione pro* tollitur, & ministerium sacerdotum solum liberat à reatu. *defunctis.*  
c. 4. malè collecta & adultera-  
ta.

Capite 4. hujus Tractatus secutus Augustinum (cujus etiam verba recitavi) dixi quod in peccato duo continentur, actus, & reatus; sicut etiam docet Durandus: an verò præter hæc duo in peccato numeranda sit malitia ab actu & reatu peccati distincta, quæ actu transeunte, simul cum reatu remaneat, sicut contendit D. Thomas, ibi non disputavi; sicut nec Augustinus iis locis disputat, quos ibi citavi. Ipse verò Collector hanc sententiam ita confinxit, ac si contra D. Thomam dixissem, actu transeunte, non malitiam, sed reatum duntaxat permanere. Id quod ego ex professo intactum reliqui, licet non satis intelligam quomodo damnari possit, quod inter Scholasticos Doctores habetur controversum, nec videtur posse certo Scripturæ Sacræ Testimonio, autalicujus Concilii autoritate definiri. Sed, ut dixi, id nihil ad me. Deinde eodem capite dixi, quod quamdiu in hac vita sumus, non tantum in levioribus peccatis, sed etiam in sceleribus, & ab actu, & à reatu purgari possumus: Deus enim per semetipsum intus voluntates hominum ab actu peccati purificat; & per eos, quibus dictum est: *quorum remisistis peccata*, &c. etiam eos à reatu liberat. Ipse verò Collector suam sententiam damnandam sic confinxit, quasi dixissem, baptisni aut absolutionis nullum alium esse effectum, quam tollere reatum, non autem dari Spiritum Sanctum. Quod quam non possit verbis meis, nisi per calumniam affingi, facile quivis intelligit. Posui enim distinctionem inter actum & reatum peccati, quod actum peccati removeat Deus sine sacramento; reatum verò per sacramentum. An verò sacramentum plus removeat, quam reatum, eo loco non disputavi. Non igno-

o, D. Bonaventuram in 4. dist. 18. q. 1. & 2. docere quòd potestas clavium propriè non se extendit super culpam, neque super pœnam æternam; sed tantum super pœnam temporalem, partim relaxando, partim taxando.

Sed ego illam sententiam non probò; & idèd quod hîc refert Collector, non nisi per calumniam mihi & libello meo affingitur, ut dixi.

(a) Ex  
verbis Au-  
gustini  
confectâ  
relatis in  
cap. 4.  
tract. de  
oratione pro  
defunctis.

L V. (a) *Peccator pœnitens non vivificatur ministerio sacerdotis absolventis, sed à solo Deo, qui pœnitentiam suggerens & inspirans, vivificat eum & resuscitat: ministerio autem sacerdotis solus reatus tollitur.*

Sententia hæc, sicut ex 4. cap. ejusdem tractatus perspicuum est, non ex verbis meis confectâ est, quia nusquam usus sum verbis, *vivificatur, vivificat, & resuscitat*: sed ex verbis Augustini ibi prolixè citatis, quibus Collector, ut puto, per inadvertentiâ non sentiens esse Augustini, non minùs insidiatus est, quàm meis, addens & immutans quæ voluit: & sicuti præcedenti sententia per manifestam calumniam affingens, quòd ministerio sacerdotum solus tollatur reatus, cum ibi nihil aliud dicatur, quàm quòd Deus per seipsum ab operibus, & per ministerium Sacerdotum etiâ à reatibus peccatorum nos liberat. Ipse verò Collector pro voce, *etiam*, quæ in libello habetur, posuit in suâ sententiâ vocem, *solum*, quæ totam sententiam invertit.



E X  
T R A C T A T U  
D E  
I N D U L G E N T I I S.

LVI.

**Q**uando per eleemosynas aliaque pœnitentiæ opera Deo satisfacimus pro pœnis temporalibus, non dignum pretium Deo pro peccatis nostris offerimus; sicut quidam errantes autumant; nam aliquin essemus, saltem aliqua ex parte, nostri redemptores: sed aliquid facimus, *Ex c. 8. Libri de Indulgentiis: non accurate collecta.*

cujus intuitu Christi satisfactio nobis applicatur & communicatur.

Hæretici disputantes de satisfactionibus, nobis impropere; quod licet in baptismo universam peccatorum remissionem Christi passioni tribuamus, attamen in reconciliationis sacramento illum dividamus; remissionem culpæ Christo tribuentes; remissionem verò & (a) abolitionem pœnæ restantis, nobis duntaxat, & nostris Sanctorumque satisfactionibus arrogantes, contra Scripturam quæ dicit, quod Deus posuit in Christo omnes iniquitates nostras, & quod ipse est propitiatio pro peccatis nostris; non pro nostris autem tantum, sed etiam pro totius mundi. Et quod omnia instaurantur in Christo; & sine sanguinis effusione non fit remissio. *(a) Al. abolitionem.*

Ego igitur volens hanc hæreticorum calumniam latenter diluere, dixi verbis Leonis Papæ, quod quamvis multorum Sanctorum in conspectu Domini mors pretiosa fuerit, nullius tamen infantis occisio reconciliatio fuit mundi, nec alterius quisquam debitum suo sine seu morte persolvit: Id est, Sic nostris, & Sanctorum passionibus vim satisfaciendi attribui, ut tamen illam passionibus Christi non adimerem, cujus solius satisfactio sine cujusquam alterius subsidio, secundum Dei justitiam sufficit: sed cujusvis alterius satisfactio, sine illius passionis non sufficit.

Dixi igitur, quod nostræ, nec Sanctorum pro nobis satisfactiones non teneant locum passionis Christi, nec eò modo sunt justum pro peccatis nostris pretium, quomodo est Christi satisfactio, sicut hæretici nobis impingunt: sed quod innitantur satisfactioni Christi; seu, ut loquitur Concilium Tridentinum sess. 14. can. 14. quod pœnitentes satisfactionibus per Jesum Christum peccata sua redimant; seu, ut habet doctrina ejusdem sessionis c. 9. quod per Jesum Christum satisfacere valeant. Quam sententiam etiam expressè sequuntur Bonaventura, & Durandus in 4. sent. Sed Collector non intelligens ad quam utilitatem referrem, quod referrem, suâ arte effecit, ut etiam Sanctissimus

mus D. noster Hæreticorum calumniam, quam fidelibus imponunt, quoddè re-  
jectis Christi satisfactionibus, partem remissionis peccatorum suis Sancto-  
rumque satisfactionibus adscribant, suis litteris adversus eos, qui fidem Catholi-  
cam defendunt, defendere videatur: quod quàm scandalosum sit, nemo est,  
qui non intelligat. Tales fructus parit æmulatio.

(a) Ex c.  
s. l. de in-  
dulgentiis,  
male col-  
lecta, &  
adultera-  
ta.

L VII. (a) *Per passiones Sanctorum in Indulgentiis communicatas, non propriè re-  
dimuntur nostra delicta, sed per communionem charitatis nobis eorum passiones imper-  
tiuntur, ut digni simus, qui pretio sanguinis Christi à pœnis pro peccatis debitis libe-  
remur.*

(b) Al. o-  
mit. illa.

Ut Collector magis confirmaret, quod hæretici nobis impingunt, quoddè non  
tantum nostras, sed etiam Sanctorum satisfactiones in nostræ redemptionis  
parte, loco passionis Christi constituamus: etiam Sanctissimo Domino nostro  
obrepit, ut, damnando quæ diximus, apertè confiteri videretur, quoddè per  
passiones Sanctorum nostra delicta propriè redimantur; nempe directè con-  
tra verba Leonis suprà citata, quibus ait, Quoddè nemo Sanctorum alterius de-  
bitum suo sine, id est suâ morte persolvat. Ut tamen res plausibilior appa-  
reret, in finesententiæ damnatæ, pro eo quoddè libellus habet: *Ut digni simus,  
qui pretio Sanguinis Christi à peccatis (b) (redimeremur; ipse posuit, ut digni si-  
mus qui pretio sanguinis Christi à pœnis pro peccatis debitis liberemur.)* Videtur enim  
timuisse, ne nimis durum appareret, si damnando verba mea, sicut in libello  
habentur, palàm assereret, quoddè per passiones Sanctorum in indulgentiis  
communicatas, propriè redimantur nostra delicta, & quoddè per eandem pro-  
priè sine pretio Sanguinis Christi à peccatis liberemur; sic, ut sint justum pre-  
tium pro peccatis nostris, & passionis Christi locum teneant. Hæc enim sunt  
verba libelli mei, quibus explico quid sit propriè redimere delicta, sicut videre  
est capite ult. tractatus de Indulgentiis, unde istæ duæ sententiæ penè ad verbum  
desumptæ sunt.

L VIII. *Celebris illa Doctorum distinctio; divina legis mandata bisariam imple-  
ri; altero modo quantum ad præceptorum operum substantiam tantum; altero quan-  
tum ad certum quendam modum, videlicet secundum quem valeant operantem perdu-  
cere ad regnum æternum, hoc est ad modum meritum, commentitia est, & explo-  
denda.*

Hujus distinctio in libellis meis nullam mentionem fieri dico, nisi fortè  
Collector me existimet illam damnassem, quando dixi super sententiâ 16. forsi-  
tan non absurdè intelligi posse, quæcumque sine charitate fiunt (id est, bonâ  
voluntate, quæ esse potest ante etiam remissionem peccatorum, ut in Cate-  
chumenis; & post baptismum, in relapsis pœnitentibus) non esse veras le-  
gis obedientias. Ibi enim videtur unicus adstrui modus implendi mandata  
Dei, quem Christus in Evangelio posuit, cum ait: *si quis diligit me, sermonem  
meum servabit.* Et Apostolus dicens: *plenitudo legis est dilectio.* Et alterum mo-  
dum videtur excludere cum ait: *qui non diligit me, sermones meos non servat.*

L IX.

LIX. Illa quoque distinctio, quæ opus dicitur bifariam bonum; vel quia ex objecto & ex omnibus circumstantiis rectum est, quod moraliter bonum appellari consuevit: vel quia est meritum regni (a) æterni, eò quod fit à vivo Christi membro per Spiritum charitatis, rejicienda putatur. (a) Al. calcsii.

Hujus distinctionis non memini in libellis meis, nisi forte suprâ sententiâ 18. putetur rejici, ubi dicitur, cuiuspiam videri posse, quod opera Catechumenorum, etiam ante remissionem peccatorum, sint merita regni cælorum. De qua re ibi dictum est. Qui tamen hanc distinctionem tamquam rem certam asserere nituntur, videant, ne simul asserant quempiam esse steriliter bonum: quod Augustinus testatur fieri non posse, quia bonum non sumus quidquid steriliter sumus, inquit contra Julia. l. 4. c. 3.

LX. Similiter & illa distinctio duplicis justitiæ: alterius quæ fit per spiritum charitatis inhabitantem: alterius verò quæ fit ex inspiratione Spiritus Sancti cor ad penitentiam excitantis, sed nondum cor inhabitantis, & in eo charitatem diffundentis, quâ divinæ legis justificatio impleatur, odiosissime & pertinacissime rejicitur.

Hæc distinctio odiosè rejicitur, non quidem à libello, qui nullam ejus mentionem facit, sed ab ipso met sententiarum Collectore, qui suprâ sententiâ 43. damnandum putavit, quod ait libellus; Catechumenum aut penitentem ante remissionem peccatorum habere aliquid justitiæ; qui enim hoc damnat manifestè significat, ex inspiratione Spiritus Sancti cor nondum inhabitantis, nullam peccatori inesse posse justitiam, ac proinde posteriorem supradictæ (b) distinctionis partem, quâ dicitur esse aliqua justitia ex inspiratione Spiritus Sancti cor ad penitentiam excitantis, sed nondum cor inhabitantis, odiosè & pertinaciter reprobatur. (b) Al. sententia.

LXI. Denique & illa distinctio duplicis vivificationis: alterius, quâ vivificatur peccator, dum ei penitentia & vitæ novæ propositum, & inchoatio, per Dei gratiam inspiratur: alterius, quâ vivificatur, qui verè justificatur, & palme virum in Christo vitæ efficitur; commentitia judicatur, & Scripturis minime conveniens.

Hanc distinctionem, quæ verissima est, libellus, & libelli author usque adeo non improbat, nec adhuc improbat, ut etiam vehementer doleat, quod eam Collector suprâ sentent. 55. non attenderit. Si enim ibi eam attendisset, tunc ex verbis Augustini, quæ non de posteriore vivificatione, sicut ibi præterevidetur, sed de priore loquuntur, sententiam damnandam non confecisset. Et ideo quod fingit Collector, distinctionem hanc à nobis commentitiam judicari, mera calumnia est; cum hujus distinctionis nullam umquam fecerimus mentionem. Sed si querelam intellexissemus, quam supra rhovir ex verbis Augustini; tunc indubitanter hanc distinctionem adhibuissemus, & D. Augustini sententiam verissimam esse defendissemus.

Unde confictæ sint sequentes sententiæ nescio, nisi forte in quantum coin-

cidunt cum prioribus : conabor tamen eas , prout Deus dederit , explicare.

*L XII. Non nisi Pelagiano errore admitti potest usus aliquis liberi arbitrii bonus ; sive non malus ; & gratiæ Christi injuriam facit , qui ita sentit & docet.*

Si sententia accipiatur , sicut verba sonant , ut significet , quodd absolute nullus sit bonus usus liberi arbitrii , etiam cum adjutorio gratiæ Christi , tunc aperte hæretica est , quia significat omne opus liberi arbitrii esse peccatum : si verò intelligatur , quodd sine adjutorio Christi nullus sit bonus usus liberi arbitrii , sicut eam intelligendam significat mentio Pelagii & injuriæ gratiæ Christi ; tunc videtur esse regula Apostolicæ Sedis à Cælestino Pontifice in Epistola ad Episcopos Galliæ cap. 7. posita his verbis : *Nemo , nisi per Christum , bene utitur libero arbitrio.* Quæ regula quo sensu accipienda sit , videtur querendum ex fine primi libri D. Augustini contra duas Epistolas Pelagianorum , unde videtur esse desumpta. De qua regula dicit Cælestinus Pontifex in fine epistolæ suæ , quodd non opinetur Catholicum , quod apparuerit præfixis sententiis esse contrarium.

(a) Al.  
omnium.

Ex quo (a) conjici potest , quantum periculi habeat ista damnatio , saltem apud eos , qui sententiam posteriori sensu damnatam intelligent.

*L XIII. Sola violentia repugnat libertati hominis naturali.*

*L XIV. Homo peccat etiam damnabiliter in eo , quod necessarii facit.*

*L XV. Infidelitas purè negativa in iis , quibus Christus non est prædicatus , peccatum est.*

Hæ sententiæ meritò damnantur ; nec puto eas , nisi per calumniam , cuiquam eorum posse imputari , propter quos hæ sententiæ ab æmulis sunt constructæ.

*L XVI. Justificatio impii fit formaliter per obedientiam legis ; non autem per occultam communicationem , & inspirationem gratiæ , qua per eam justificatos facit implere legem.*

De hujus sententiæ calumnia suprà diximus sent. 42. quæ reipsa eadem est cum ista ; licet Collector eam verbis nonnihil distinxerit ad augendum numerum.

*L XVII. Homo existens in peccato mortali , sive in reatu aeternæ damnationis , potest habere veram charitatem ; & charitas etiam perfecta potest consistere etiam cum reatu aeternæ damnationis.*

Prior ejus  
par ex c.  
7. l. de  
char. malè  
collecta  
est.



Prior hujus sententiæ pars in libello meo *de charitate* cap. 7. sub his verbis disputanda proponitur: An is animi motus, qui charitas dicitur, remissionem peccatorum præcedere possit? Adducuntur multa Scripturæ sacræ, ac veterum scriptorum testimonia, quibus id ostendi videtur: inter quæ sunt etiam verba Concilii Tridentini, quæ puto à Sanctissimo D. nostro non damnari. Hanc igitur partem puto non damnari, nisi fortè quia verbis Collectoris incommodis proponitur, dum ait: quodd homo existens in peccato mortali possit habere veram charitatem: per quod vulgò intelligitur, quodd possit habere Spiritum Sanctum sibi inhabitantem, quod absurdissimum est. Cum tamen à nobis nihil aliud dicatur, quàm quodd homo existens in peccato mortali possit habere bonum animi motum, seu bonam voluntatem sibi à Deo inspiratam. De posterioris partis calumnia diximus suprà sent. 31. quam sententiam Collector hîc suo more aliis verbis refricat.

*LXVIII. Per contritionem etiam charitate perfectam, & cum voto sacramentum suscipiendi conjunctam, non remittitur crimen extra casum necessitatis, aut martyrii, sine actuali susceptione Sacramenti.*

In Provincia Flandriæ quidam fratres hanc traditionem servabant, ut siquando præsentem non haberent sui Ordinis Confessarium, etiam si palàm aut inebriati fuissent, aut fornicati, attamen sacra mysteria potius conficerent, & Eucharistiam sumerent, absque omni confessione & absolutione, quàm alicui seculari sacerdoti, quem præsentem habebant, confiterentur: contententes, & scripto etiam defendentes, confitendi propositum ad remissionem peccatorum sufficere; non tantum quando factum excludit necessitas, sed etiam quando factum excludit justa & probabilis aliqua ratio, qualem in præfacto casu subesse censebant, ne videlicet seculares sacerdotes infirmitates fratrum cognoscerent. Quam sententiam ex confessionibus comperi, etiam secularibus presbyteris ejusdem provinciæ esse persuasam, adeo ut admissio satis gravi crimine, licet haberent Sacerdotum copiam, attamen auderent bis terve Corpus Domini consecrare, & sumere sine prævia confessione, confisi in solo proposito confitendi simul omnia intrà paucos dies. Et magna ex parte sequentes eorum doctrinam, qui tradunt duos modos pœnitendi ad remissionem peccatorum: alterum difficiliorem, videlicet per solam contritionem: alterum autem faciliorem per sacramenti susceptionem. Adversus hunc gravissimum abusum, quibuscumque insinuavimus, & Deo cooperante etiam persuasimus, id fieri non debere, eò quodd veteres scriptores sacramentum baptismi & reconciliationis ad remissionem criminum regulariter traderent esse necessaria extra casum martyrii & necessitatis, quibus casibus voluntas pro facto reputatur, quia factum excludit necessitas. Non ignorabamus, siquis curiosius inquireret, posse plures casus inveniri, in quibus non absurdè posset de divinâ misericordia confidi, quod sine sacramento realiter suscepto accipi posset remissio peccatorum: nam casum unum indicat Cyprianus in epistola ad Jubaianum, respondens objectioni, quam sibi proponit; nempe si hæretici baptismum

non conferant, quid fiet de iis, qui in præteritum de hæresi ad Ecclesiam venientes sine baptismo admissi sunt? Deinde respondet: *potens est Deus misericordiâ suâ indulgentiam dare, & eos, qui simpliciter admissi in Ecclesiam dormierunt*, ab Ecclesiæ suæ muneribus non separare: loquitur enim de iis, quos præsupponit non esse baptizatos. Quam sententiam refert Aug. lib. 5. contra Donat. circa finem, nec improbat. Alterum casum indicat idem Augustinus epist. 122. ubi docet (a) [eos qui inter Infideles in captivitate positi Sacramenta percipere non possant, ut orantes Danielis socios imitentur dicentes, non esse locum percipiendi sacramenta, & orantes ut in corde suo contrito suscipiantur, sicut in holocaustis arietum &c. sed propter hæreticos hujus temporis qui sequentes doctrinam Wiclephi sic fidei omnia tribuunt ut] sacramentis nihil relinquant, & propter hunc abusum, qui apud multos invaluerat, docendo & disputando magis in eam partem propendimus, quæ negari non potest, & utilior esse in Ecclesia & tutior; nempe quòd regulariter extra præactos duos casus, non daretur remissio peccatorum sine actuali perceptione baptismi, aut reconciliationis; & quòd nemo de se præsumere deberet, quod extra duos illos casus haberet remissionem criminum sine sacramenti perceptione. Quas duas sententias audiui aliquando ex consensu omnium Magistrorum nostræ facultatis probari. Unde etiam scriptum reliquit D. Ruardus tomo 2. Articulorum, quòd præsumptio & temeritas esset expectare à Deo remissionem peccatorum sine his sacramentis, quando necessitas ea non excludit. Licet nunc non desint, qui confidentiâ litterarum Apostolicarum, de quibus agimus, audeant palam asserere, certum esse quòd quisquis diligit Deum super omnia, hoc ipso habeat remissionem peccatorum; quod quomodo consonet iis Doctoribus, qui definiunt quòd homo possit diligere Deum super omnia ex solis naturalibus sine gratia, studiosis discutiendum relinquo. Certè Thomas Waldensis extra duos prædictos casus, usque aded urget necessitatem sacramentorum, ut etiam Cornelium Centurionem, & alios charitate flagrantem dicat non habuisse remissionem peccatorum, nisi cum perceptione Sacramentorum; idque in eo libro, qui per Felicis Recordationis Martinum V. in Consistorio Cardinalium contra hæresim Wiclefi approbatus est, sicut supra (b) hæc professi sumus sent. 32. & 33. Quia igitur ad prædictas utilitates in hanc partem propensiores fuimus, idèd nostri æmuli hanc & plures alias sententias pro suo arbitratu cum verborum exorbitantiis confixerunt, quasi defendissemus contritionem etiam charitate perfectam non obtinerem remissionem peccatorum, aut quasi sententias aliquas (c) contentiosè disputandas proposuissemus, quod apertissimè falsum est. Licet non ignoraretur nos id sentire, quod diximus, sicut etiam doceri videtur in Actis; ubi Paulus sibi prius ingenti devotione converso dictum ab Anania dictum ab Anania fuisse refert: Et nunc quid moraris? exurge, & baptizare, & ablue peccata tua invocato nomine ipsius. Si enim Apostolus post tantam animi conversionem adhuc peccata sua debebat ablueri; miror quis extra casum necessitatis audebit sibi de remissione peccatorum ante sacramenti susceptionem blandiri. Augustinus etiam magnâ animi devotione ad Deum conversus erat, sicut refert in suis Confessionibus.

(a) de crant  
in editis.

(b) Al.  
dictum est.

(c) Al.  
crimameli-  
se.

tionibus, & tamen audacter pronuntiat peccata sibi in sacramenti susceptione demum remissa. Unde lib. 9. cap. 2. *Hoc peccatum, inquit, cum ceteris horrendis & funereis in aqua sancta ignorasti & remisisti mihi:* (a) (Item capite 4. ejusdem libri cum retulisset se mirabiliter curatum à dolore dentium; atramentum subdit de fide quam etiam cum suis sociis impetravit.) *Es ea fides me securum esse non sinebat de præteritis peccatis meis, quæ mihi per baptismum tunc remissa nondum erant.* Et cap. 6. *Baptizati sumus, inquit, & fugit à nobis sollicitudo vitæ præteritæ.* Item tractat. 13. in Joan. *Quantumcumque Catechumenus proficiat, adhuc sarcinam suæ iniquitatis portat;* non illi dimittitur, nisi cum venerit ad baptismum. Quæ autem baptismatis, eadem est reconciliationis ratio; ut habet idem Augustinus in fine prioris libri *de adulterinis coniugiis.* Ex quibus omnibus intelligimus, neminem relapsum in crimina regulariter posse præsumere, se extra casum necessitatis remissionem peccatorum accepisse, sine actuali reconciliatione: sicut etiam docet Hugo de Sancto Victore, & Bernardus ep. 77. Id quod si verum est, quam utilitatem habet illa doctrina, quæ per charitatem sine perceptione sacramenti tantopere urget remissionem peccatorum, nisi ut homines in suâ contritione confisi, aut negligant aut differant perceptionem sacramenti & semetipsos decipiant, sicut supra ostendimus? Nec puto ad alium finem peritam esse à Collectore damnationem hujus sententiæ, quàm ut præactum errorem latenter defenderet; quia mihi satis constat eum ex iis fratribus esse, qui Traditionem initio hujus disputationis positam urgebant, contra Decretum Concilii Tridentini, quo prohibetur sub pœna excommunicationis, ne quis doceat licere habitum sacerdotis copiam, post admissum crimen, sacram Eucharistiam sumere sine absolutione sacerdotis. Quod de contritione etiam charitate perfectâ additur, omnino fingitur, quia nihil tale umquam aut diximus aut sensimus; perfecta enim charitas foras mittit timorem; qui timor foras non mittitur, quamdiu is, qui conteritur, æternæ damnationis reus invenitur: nisi fortè ea charitas etiam perfecta intelligatur, quâ quis paratus est pro justitia aut pro fratribus animam ponere; majorem enim charitatem nemo habet, (b) quàm ut ponat animam suam pro amicis suis: Et tamen Catechumeni, qui talem habent charitatem, non cum ad mortem subeundam sunt parati, sed cum martyrium subeunt, & per martyrium quod subeunt dicuntur à peccatis suis liberari.

Fatemur tamen, Omnipotentis benignitatem id, quod ex baptismo deest, supplere, quando ad celebrandum baptismi mysterium, in angustiis temporum fidelibus & corde conversis succurri non potest, quia id docet Augustinus lib. 4. contra Donat. c. 24. & 25. Ambros. de obitu Valentiniani: & Bern. ep. 77. juxta Scripturam: *Non dereliquisti quærentes te Domine:* Item: *qui credis in eum non confundetur.* Quod verò Augustinus ep. 180. ad Honorat. dicit, perire eos, qui ministrorum defectu in extrema necessitate baptismi, vel sacramento reconciliationis destituuntur; quantum attinet ad scelus eorum, qui ministerium expetunt, dixisse intelligendus est. Sicut similia Cypriani verba interpretatur ipse Augustinus ep. 23. ad Bonifacium.

Sunt



(a) Al.  
dispositio-  
nis.

Sunt qui putant Dei misericordiâ in extrema necessitate per fidem & devotionem sine sacramento non salvari eos omnes, qui accedente sacramento salvarentur: quia existimant divinam misericordiam non supplere id, quod ex defectu Sacramenti deest, nisi ex merito cuiusdam eminentis contritionis sive (a) devotionis, quam etiam extra necessitatem sine sacramento sufficere arbitrantur. Sed quantum nobis videtur, hæc sententia neque satis consolatur eos, qui in necessitate positi non possunt consequi sacramenta; neque eos, qui sunt extra necessitatem, satis docet sacramenta necessaria honorare. In priori sua parte contradicit his & similibus scripturis: *Non dereliquisti quærentes te Domine: & capitulo, debiti, de baptismo & ejus effectu*: item D. Bernardo in serm. de Innocentibus. In posteriori autem parte contradicit his & similibus scripturis: *Nisi quis renatus fuerit ex aqua &c.*

Et certè si consideretur, quanta necessitatis ratio habeatur in humano tribunali, in quo relucet quædam divini judicii vestigia; facilè deprehendetur etiam rationi consonum esse quod diximus; nempe quodd apud supremum Judicem ad peccatorum remissionem sine sacramentis in necessitate valeat ea contritio, quæ extra necessitatem sine illis non sufficeret. Hanc sententiam etiam secutus est Magister noster Jacobus Latomus in lib. *de confessione secreta*, ostendens ex veteribus, quodd remissionem peccatorum in cælis præcedere debeat remissio quæ fit in terris.

LXIX. *Omnes omninò justorum afflictiones sunt ultiones peccatorum ipsorum: unde & Job & sancti Martyres, quæ passi sunt, propter peccata sua passi sunt.*

Collector sententiarum hîc more suo non prætermisit verborum exorbitantias, quibus sententiam hanc ita exprimeret, ut faciliùs damnationem obtineret, dicens; *omnes omninò justorum afflictiones &c.* Cùm nihil aliud umquam dixerimus, quàm quod dicit D. Thom. 1. 2. q. 87. a. 7. nempe quodd omnis poena sit propter culpam aliquam etiam propriam, ut habet in corpore: vel, sicut idem citat ex lib. 1. Retract. Sancti Augustini c. 9. quodd omnis poena justa sit, & quodd pro peccato aliquo impendatur: nam licet poena à Deo puniente propter varias causas finales inferatur, quas explicat D. Gregorius in præfat. Moral. in Job cap. 9. attamen semper præsupponit peccati meritum. Nec ponit D. Thomas aut Bonavent. (qui in 2. dist. 19. a. 2. q. 1. in hac re illi consentit) differentiam aliquam inter Martyres aliosque excellentes Sanctos, & inter communes fideles; quasi videlicet communes fideles semper pro peccatis suis puniantur; Martyres verò, & alii excellentes sancti, ut Job, aliquando sine aliquo peccati merito, sicut præterevidetur hujus sententiæ damnatio: sed de his omnibus, tam bonis, quàm malis uniformiter loquitur; sicut etiam de fidelibus generaliter loquitur Apostolus: *si Christus in vobis est, corpus quidem mortuum est propter peccatum*, id est, meritum peccati, inquit Augustinus lib. 1. de pecc. mer. cap. 6. *spiritus verò vivis* (vel, ut ipse legit) *vita propter justitiam*, id est, merito justitiæ.



Cæterum quia Collector hîc pro re absurda adducit; quodd Martyres omnia, quæ patiuntur, pro peccatis suis patiantur; miror an pro Martyribus non habeat tres pueros; qui in medio flammæ ignis sibi mirabiliter parentis, laudantes Deum confitebantur quodd Deus in veritate & iudicio induxisset omnia hæc propter peccata sua: similiter etiam septem fratres Machabæos, quorum sextus in mortis afflictione positus aiebat. *Nos propter nosmetipsos hæc patimur, peccantes in Deum nostrum.* Et septimus: *nos propter peccata nostra hæc patimur.* (a) [An verò putat eos adulando esse mentitos?] (a) decrant in edis.  
Non hoc sentit Augustinus epist. 122. ubi horum Martyrum dicta prosequitur. Sed de hac re latius diximus in eo scripto quod nuper Romam misimus Sanctiss. D. Nostro corrigendum.]

L X X. *Nemo præter Christum est absque peccato originali. Hinc B. Virgo mortua est propter peccatum ex Adam contractum, omnesque ejus afflictiones in hac vita, sicut & aliorum justorum, fuerunt ulsiones peccati actualis vel originalis.*

In hac sententia, quam Collector damnandam obtulit, ingeniosè convolvitur quæstio de Conceptione B. Mariæ Virginis; ut videlicet saltem in speciem per litteras Sanctissimi D. Nostri damnata videatur sententia dicentium B. Mariam in peccato originali conceptam. Nam licet à Fœl. record. Sixto IV. & Concilio Tridentino definitum sit, hanc quæstionem debere esse liberam: & licet non tantum universi Patres, sed & Scholastici Doctores, qui in scriptis suis hujus quæstionis meminerunt, sentiant B. Virginem conceptam in peccato originali; attamen qui hæc sollicitaverunt, non patiuntur ut quis ea de re dubitet; aded ut in ejus rei confirmationem per totam provinciam Flandriæ ordinaverint singulis diebus sabbathi per totum annum in suis cœnobiiis solemniter cantari Missam de Conceptione B. Mariæ Virginis: statimque datis litteris Apostolicis, quibus hæc sententia damnatur, quidam ex horum consortio litteris ad me missis, hoc unicum me cum exposulaverint, quodd ansus fuisset dicere B. Virginem conceptam in peccato originis; id quod licet verum non esset, quia ego hanc quæstionem numquam disputavi; attamen ostendit, quid Collector cum suo consortio in hujus sententiæ damnatione quæstiverit, & quàm dolosè Sanctissimo Domino Nostro obrepserit, ut hæc sententia non tantum per Concilium Basileense, sed etiam per Sanctissimum D. N. Pjum V. contra decretum Fœlic. record. Sixti IV. & contra determinationem Concilii Tridentini damnata putetur. Si igitur dicatur D. Virgo concepta in peccato originis, id quodd prohiberi non potest sine pœna excommunicationis, ut patet ex Decreto ipsius Sixti; nescio an absurdius sit dicere, quodd etiam si Christus in ea fuerit, tamen corpus ejus mortuum fuerit propter peccatum, quàm de aliis Sanctis: maximè quia hoc etiam nominatim dicere videtur Augustinus, sicut in scripto, cujus præcedenti sententiâ meminimus, latius ostendimus. Ego tamen antehac quæstionem hanc numquam disputavi.

(a) Ex c.  
ult. libri  
De pecc. orig.  
male col-  
lecta.

LXXI. (a) *Concupiscentia in renatis relapsis in peccatum mortale, in quibus jam dominatur, peccatum est, sicut & alii habitus pravi.*

(b) hic  
locus  
in editis  
omnino  
corruptus.

De hac quæstione nihil umquam ampliùs audivi: attamen cum habitus ille ex genere suo malus sit, sicut & proprius ejus actus; non satis assequor, quomodo plenus consensus in actum ipsius peccatum sit simul cum ipso actu, & non etiam peccatum sit plenus consensus in habitum simul cum ipso habitu? *Multum enim fallitur homo*, (b) inquit August. *de nupt. & concupisc.* lib. 1. cap. 28. *qui consentiens concupiscentia carnis suæ, putat sibi adhuc esse dicendum: non ego operor illud; ut videlicet à peccato excusetur. Nam si à peccato concupiscendi non excusatur, quisquis illi consentit, quomodo à peccato habitus mali excusatur, qui illi consensum præbere invenitur; & similis videtur de aliis etiam habitibus malis ratio.*

(c) Ex  
c. 2. de  
pecc. orig.  
collecta.

LXXII. (c) *Motus pravi concupiscentiæ sunt pro statu hominis vitiiati prohibiti præcepto: non concupisces: unde homo eos sentiens, sed non consentiens, transgreditur præceptum. Non concupisces; quamvis transgressio in peccatum non deputetur.*

Collector suggerens damnandum quòd motus pravæ concupiscentiæ sint prohibiti pro statu hominis vitiiati, satis significat se sentire quòd omnes motus concupiscentiæ malæ prohibiti fuerint pro statu hominis integri. Oro igitur ut explicet quomodo præceptum illud; *non concupisces*; quod naturale est & immutabile, sic immutatum sit per hominis lapsum, ut post peccatum non ampliùs prohibeat eos motus, quos ante peccatum prohibebat. Sed de hac re latius diximus sent. 48. quæ sine ulla necessitate hic aliis verbis iterum replicatur.

LXXIII. *Quamdiu aliquid concupiscentiæ carnalis in diligente est, non facis præceptum: Diliges Dominum Deum tuum ex toto corde tuo.*

Hæc sententia hæretica est, quia *qui diligit proximum legem implevit, & qui non diligit, manet in morte.* Sed quamdiu hîc vivitur, præceptum illud non impletur eâ perfectione, ut ampliùs non peccetur. Imò, ut ait Augustinus *de perfect. justitiæ*: cum adhuc aliquid est carnalis concupiscentiæ, quod vel continendo frænètur, non omnino ex tota anima diligitur Deus. Quam D. Augustini sententiam, an Collector alicubi reperram aut auditam, more suo omisis ac immutatis aliquot voculis damnari intenderit, ipse viderit. Nos enim nihil umquam tale aut diximus, aut sensimus; sed potius contrarium.

LXXIV. *Satisfactiones laboriosæ justificationum non valent expiare de con-* Ex c. 1.  
de Indulg.  
male col-  
lecta.  
*diguo peccatum temporalem restantem post culpam condonatam.*

(a) Hæc sententia continetur supra in sententia 56. de qua ibi diximus. (a) hæc  
Et videtur esse sententia Bonaventuræ, Durandi & Concilii Tridentini. decerant in  
editis.

LXXV. *Immortalitas primi hominis non erat gratiæ beneficium, sed naturalis  
conditio.*

Multi Doctores asserunt primum hominem conditum quidem rectum:  
nam hoc dicit Scriptura sacra: sed tamen in puris naturalibus sine beneficio  
gratiæ. Si igitur Deus eum talem reliquisset, qualem eum, secundum eo-  
rum opinionem, fecerat, & sine omni peccato se gubernasset, (hoc enim  
sine gratia fieri potuisse testatur Bonaventura) miror, an lege naturæ, sine  
ullius culpæ merito aliquando mortuus fuisset; præsertim cum dicat Augu-  
stinus lib. 13. *de Civit. cap. 15.* ipsam corporis mortem, non lege naturæ,  
sed merito peccati inflictam esse. Et lib. 1. *Retract. cap. 11.* Nullam ægri-  
tudinem corpora nostra pari possent ante peccatum. Et Bonaventura dicit,  
ordinem justitiæ non permittere punitionem sine prævia culpa. Ego qui-  
dem hanc quæstionem numquam disputavi, attamen cuperem doceri, qui-  
bus Scripturæ sacræ, aut veterum scriptorum testimonis moveantur, qui  
hanc sententiam tam absurdam putant, ut damnari mereatur.

LXXVI. *Falsa est Doctorum sententia, primum hominem potuisse à Deo  
creari, & institui sine justitiâ naturali.*

Doctores multi, imò ferè omnes, unico excepto D. Thoma, dicunt  
primum hominem non tantum potuisse creari sine gratia, sed etiam sic esse  
creatum, & postea beneficio gratiæ sublimatum; eo modo, quo Pelagius  
infantes nasci docebat; & postea Christi beneficio per baptismum in Dei  
filios sublimari.

Sed an creatus sit, an creari potuerit sine justitia naturali, nec umquam  
disputavi, nec apud ullum Doctorem disputatum inveni. Quapropter nescio  
quorum Doctorum sententia sit, quam Collector hic fingit reprehendi. Scio  
hominem à Deo rectum fuisse conditum, nec potuisse creari vitiosum ac  
injustum, qualis nunc nascitur. Sed an homo habens rationem & volun-  
tatem, talis à Deo fieri potuerit, ut ratio & voluntas ejus neque recta, ne-  
que curva esset aut vitiosa, sed inter utrumque media; alia quæstio est, quam  
neque umquam disputavi, neque ab aliquo disputatam inveni. Nam quod  
ait Augustinus lib. 2. *de pecc. mer. cap. 18.* Mirum si voluntas potest in medio  
quodam ita consistere, ut nec bona, nec mala sit; non de potentia, sed de actu  
tantum videtur dicere. Vellem tamen quæstionem, quam ex Scripturis sacris  
dissolvere non possum, prius invenissem ab aliquo ex professis disputatam,  
quàm damnatam.

Hæc breviter circa damnatas sententias adnotanda putavi, non tantum ut artes & calumnias eorum ostenderem, qui illas ex æmulatione confictas ad subversionem proximorum, longâ & diligenti instantiâ damnari curaverunt; sed etiam ut Sanctissimo Domino Nostro nonnulla eorum suggererem, quæ circa quarundam damnationem eruditos forsitan non sine scandalo movere possent.

REVERENDISSIMO

A T Q U E

I L L U S T R I S S I M O

D O M I N O

D O M I N O L U D O V I C O

S I M O N E T Æ C A R D I N A L I

T I T. S. C Y R I A C I

I N T H E R M I S.

(a) AL.  
urbas.

(b) AL.  
sed &.

**R**everendissime & Illustrissime Domine Cardinalis, non lubens inturbo densissimas gravissimarum occupationum (a) cûras, quibus non dubito Illustrissimam Gratiam tuam quotidie distineri. Sed quia id quod scribere constitui, non tantum meam existimationem, sed (b) etiam doctrinam pietatis, & sedis Apostolicæ reputationem contingere videtur, non me continui, quin illud paucis aperirem. Ante annos octodecim, cum primum cœpi publicè & quotidie sacram Theologiam in Scholis nostris profiteri, partim ob Hæreticos, qui nihil audire volunt, nisi Scripturam sacram & veterum dicta Sanctorum, partim etiam ob confortium cum optimo quodam & eruditissimo viro Joanne Hessels, Sacræ Theologiæ Professore, qui eandem docendi normam sequebatur in lectione, quam nunc plusquam octodecim annos continuos Deo me confortante quotidie profecutus sum; post lectionem Petri Lombardi & alicujus Docto-  
ris.



ris Scholastici, conatus sum sacræ Theologiæ studium statim revocare ad Scripturam sacram, & veterum scripta Sanctorum, Cypriani, Ambrosii, Hieronymi, Augustini, Leonis, Prosperi, Gregorii, & similibus, quos etiam Hæretici saltem aliqua ex parte venerantur. Sicut autem qui Secutorum sequuntur, nonnulla afferunt, quæ Beati Thomæ aut Bonaventuræ studio-  
sis minùs arident, sic etiam dum nostotos ad horum Veterum, & præsertim D. Augustini (qui in tractandis quæstionibus omnium diligentissimus fuit) imitationem formare conamur, & in lucem proferre, quæ in illis videban-  
tur abdita contineri; nonnulla occurrerunt, quæ aliter assuetis minùs pla-  
cuerunt, & iis potissimum, qui sine magno studio id potius sequendum pu-  
tabant, quòd apud plures receptum erat, quàm quòd ex solis Scripturæ sa-  
cræ fundamentis diligenti studio constituebatur; & suam reprehensionem  
interpretabantur, quidquid aliter, aut aliis verbis dicebatur, aut disputa-  
batur, quàm ipsi dicere, aut in suis summariis Doctoribus legere consue-  
verant. Hac occasione natæ sunt æmulationes, & à nonnullis (suppressis  
suis nominibus) in nostram reprehensionem excogitatæ, ac quibusdam Mag-  
natibus ante septem aut octo annos oblatae nescio quæ sententiæ, quas Ma-  
gistro nostro Joanni Hessels & mihi impingebant; licet nonnullæ essent à no-  
stro sensu alienissimæ, nonnullæ verò numquam à nobis neque in unam,  
neque in alteram partem disputatæ; omnes verò, vel saltem pleræque eo  
artificio ab eis excogitatæ & expressæ, ut vel ob solum sermonem suspectæ  
haberi possent, præsertim apud eos, qui ejusmodi quæstionibus ex professo  
non satis incubuissent. Respondimus tunc scripto, de quo hætenus adhuc  
nullam querelam audivimus; licet illud ante annos sex tradiderimus Reve-  
rendissimo atque Illustrissimo Domino Granvellano, qui sententias nobis  
tradiderat. Cùmque putaremus universa hæc jam dudum esse sopita, (nam  
à pluribus annis in universitate Lovaniensi nulla exitit hujus rei mentio)  
occasione quarundam contentionum, quæ circa id temporis inter quosdam  
Fratres Minores in Provincia Flandriæ exortæ sunt, quorum alii, nobis  
inseis, libellos nostros allegabant, alii verò eos improbant; pars una,  
nobis nihil tale suspicantibus, ad Confratres Hispanos cum sententiis non tam  
collectis, quàm in alterius partis accusationem à se excogitatis, & propriis  
verbis expressis recurrit. Per quos (a) primum præjudicia, deinde post multam  
& longam sollicitationem etiam tempore Pii IV. scilicet recordationis in-  
ceptam, ut intelligo, tandem à Sanctissimo Domino Nostro Pio V. obti-  
nuerunt Bullam datam Calendis Octobris anni 1567. in qua damnantur 76.  
sententiæ; quarum priores sexaginta aut circiter, tacito quidem nomine,  
attamen intelligentibus satis apertè significantur expressæ ex quibusdam libel-  
lis meis, sicut etiam palam, & nominatim in congregatione facultatis no-  
stræ testatus est, qui Bullam ex commissione Reverendissimi atque Illustris-  
simi Domini Granvellani nobis exhibuit, recipiens ad se libellos meos, qui  
adhuc apud impressorem restabant, ac scripta Domini Hessels jam defuncti,  
cum libello quodam, qui tunc imprimebatur: reliquæ verò sententiæ nescio  
unde sint desumptæ, in quibus colligendis quâ fide usi sint, qui eas sup-  
peditaverunt, poterit Illustrissima prudentia tua ex scripto hîc annexo, &

(a) Al.  
prius.

libello impresso, quem transmittō, inter se collatis consilcere. Designavi enim libellos meos ex quibus excerpuntur, & loca libellorum per numeros sententiis præmissos in margine descripsi, ut sine labore ab iis reperiri queant, qui relationis meæ veritatem excutiant. Erant plures sententiæ non satis fideliter excerptæ; sed has puro sufficere, ut demonstraretur sinceritas & vigilantia eorum, qui sententias damnandas suppeditaverunt. Scriptum istud nemini adhuc in hac regione tradidi describendum: sentio tamen multa in eo contenta à studiosis, qui sententias contentas in bulla habent, quotidie observari, & per totam hanc patriam rerum novarum plus satis avidam, paulatim dispergi, non sine detrimento existimationis sanctissimæ Sedis Apostolicæ, non solum apud vulgus & alios plures, qui erga illam male animari quidvis facile de eâ suspicantur; sed etiam apud multos eruditos, & sedis Apostolicæ strenuos aliqui defensores, quos ex hac re metuo, imò satis scio, in cordibus suis scandalum pati. Mei ac Domini Hessels, nec non libellorum nostrorum in re tanta forsitan exigua habenda est ratio, quia Dominus Hessels jam defunctus est, & ego non diu vivam, nec libelli nostri eo genio scripti sunt, ut diu superesse queant, etsi eos nemo violenter interimat, (ut interim taceam quoddam per hanc contradictionem apud multos veluti revixerunt:) sed maxima habenda est ratio veritatis, & veterum scriptorum, qui per hanc bullam multis videntur improbari. Magna etiam habenda est ratio existimationis Sanctæ Sedis Apostolicæ, ac Sanctissimi Domini Nostri Pii V. qui nunc in ea feliciter residet, ne per quorundam astutam obreptionem hoc pessimo rerum statu doctrinæ Sanctorum Patrum, ex qua fides Catholica defenditur, & viris Catholicis in aliquo præjudicasse putetur. Nam ejus rei suspicionem forsitan etiam augebit, quoddam licet penè per totam hanc regionem evulgatum sit, nescio an industriâ eorum, qui bullam sollicitaverunt, me & Dominum Hessels, tamquam novæ doctrinæ Authores, damnatis libellis nostris esse per Summum Pontificem excommunicatos ob hæresim, exultantibus hæreticis, qui ob officium Sanctæ Inquisitionis, quo usque ad turbationem patriæ hujus sum functus, & ob alia multa nos ex folis nominibus oderunt. Attamen negatur Bullæ copia, perinde ac si exsequentibus eam suscepta foret. Scripsissem de hac re Illustrissimo ac Reverendissimo Domino Granvellano, cujus erga me benevolentiam hæctenus in pluribus sum expertus; nam ejus discretionem commissa est Bullæ executio: sed metuo ne animus ejus sit ab iis præoccupatus, qui Bullam impetraverunt. Quapropter non existimavi meo muneri satisfactum, nisi rem totam, quantum exemplaris patiebatur angustia, alicui exponerem, de quo omnino considerem, quoddam illam Suxæ Sanctitati sincerè exponeret, saltem si id judicaret expedire; nam si id non expediat, possunt unversæ, quæ mitto, exigui chartæ detrimento aut supprimi, aut cremari: utcumque enim eveniat, conatus sum conscientiæ meæ satisfacere coram Deo, cui ego negotii successum relinquo; licet me & alios plures non parum exerceat. Mitto quod ante annos quinque Dominus Hessels & ego scripsimus; & primum per Reverendissimum & Illustrissimum Dominum Granvellanum; deinde etiam per Eximium virum Fratrem Petrum de Soto, qui

qui paulò ante adventum nostrum Tridenti defunctus est, foelicis recordationis Pio IV. misimus super una sententia, quam nunc in Bulla etiam damnatam reperiò; ut (si ita videatur) legi possit & discuti; nam ego hætenus illud nemini in hac regione tradidi. Scio horum omnium iudicium Sacrosanctæ Sedi Apostolicæ jure divino competere: cui etiam decrevi in his, & aliis omnibus obedire; at tamen non existimavi me ab obedientiæ officio recessurum, si per exonerationem conscientiæ meæ nonnulla eorum, quæ me movent, illi indicari curarem, ut ex illorum consideratione, si ita videretur, posset attendere, ne fortè sibi ab iis imponi permiserit, quibus ad statuendas suas opiniones, magis studio est quàm arte homines in hac vitæ miseria veritatem sollicitè quærentes vincere, quàm errores. Sin verò aliud videbitur, ego saltem in hac parte videbor mihi meo functus officio; nec aliud supererit, quàm ut me ad patientiam componam, & imminenti morti præparem. Deus Reverendissimam & Illustrissimam gratiam tuam diu Ecclesiæ suæ servet incolumem. Lovanii 16. Martii stilo Romano.

Reverendissimæ atque Illustrissimæ Gratiae tuæ  
addictissimus servitor.

Michaël du Bay.

*Cardinalis iste obiit Roma priusquam hæc  
littera ad manus ejus pervenirent.*

## MAXIMILIANI MORILLON

## EPISTOLA

## CARDINALI GRANVELLANO

MONSEIGNEUR,

Ex Cardi-  
nalis  
Granvel-  
lani Regi-  
stro pri-  
mum edi-  
ra.

(i) Mi-  
chael  
Baues.

(b) Breve  
Pii V. Mi-  
chaeli

Bisio : ut  
supra rela-  
tioni est.

(c) Mi-  
chaelem  
Baium.

(d) Baio  
etimini  
ducitur  
quod Apo-

logiam  
scripserit.

(e) Baii  
humilitas.

(f) ejura-  
tio ab eo  
exiguit.

(g) inde  
arguitur  
articulus

non fuisse  
damnatus  
in rigore  
& proprio

verborum  
sensu ab  
autore in-  
tento.

**C**omme (a) celui à qui s'adressoit le (b) Bref se trouva aujourd'hui cheants  
un peu après midi ainsi que s'estoit chez mon Beaufriere, je mandis au même  
instant Mr. le Curé de Sainte Goule, l'informant sommairement de ce que  
j'avois à négocier avec le susdit, le priant d'attendre au jardin jusques je l'appelle-  
roie: & passant outre en votre Maison j'allis trouver le dit (c) personnage, au quel  
après aucuns divins communs je declairis ma charge, lui présentant le dit Bref,  
& la lecture de votre lettre. Il trouva de prime face estrange que l'on le jugeoit  
avoir failli d'avoir recouru (d) vers sa Sainteté, & que pour cela il fust tombé en  
Censures & Irregularitez. Je lui remis au devant le point de l'obeissance qu'il avoit  
toujours fait profession porter au saint Siege Apostolique. Il me dist qu'il estoit prest  
d'obeir, & (e) se mist à genoux pour l'absolution. Je lui dis que je lui bailerois  
pourveu qu'il (f) abjura. Il me demanda qué chose il abjuroit. Je dis, les propo-  
sitions reprouvées par sa Sainteté. Il se leva & dist qu'il ne le pouvoit faire s'il na-  
voit copie de la Bulle, pour estre par icelle dit QUE (g) AULCUNES PROPOSITI-  
ONS SEROIENT SOUTENABLES IN RIGORE ET PROPRIO VERBORUM  
SENSU. Je dis que je ne la (h) pouvois donner, & qu'il sçavoit bien que ayant  
écrit à Rome pour les avoir, il ne les avoit secû obtenir, comme aussi n'avoient ses  
adversaires, pourceque le vouloir de sa Sainteté estoit de mettre tout sous les pieds.  
Il me dist que cela lui sembloit tres bien, priant que l'on donna ordre que l'on ne les  
disputa plus à Louvain, dont je parlerai à Mr. Tiletot; car il n'en peut bien venir.  
Il dist davantage que les dites propositions sont sentées par tout, même jusqu'à Pa-  
ris: dont je sçais que la faute vient dudit (i) Tiletot qui les a communiqué, com-  
me je pense avoir autrefois écrit à Votre Illustrissime Seigneurie, à Messieurs  
(k) d'Ypre & de Ruremonde, & eux à leurs amis. Et ajoûtoit le dit personnage qu'il  
y auroit lieu d'accorderement si les censures papales fussent jointes pour donner  
icelles la distinction & difference. Je lui dis que je remettrois cela à sa Sainteté, pour  
n'en avoir charge, & le sommis de sans autre replique satisfaire au dit Bref, le  
priant de le retirer & aussi votre lettre. Il lui echappa de dire qu'il estoit en opi-  
nion que votre Illustrissime Seigneurie avoit procuré le dit Bref. Je répondis que je le

(h) nullum Bullæ Pii V. exemplum ipsis Doctoribus Lovaniensibus datum. (i) Tiletanus articulosum censuram disseminavit contra Pontificis prohibitionem. Hinc novæ rixæ. k) Martino Rythovio & Guillelmo Lindano.



il avoie s'il confessa que lui aviez esté auteur de repliquer par lettres comme il avoit fait; & que c'estoit mal reconnoître ce qu'aviez fait pour lui afin qu'il ne fust traité avec rigueur: & requerant derechef de ne sortir de l'obeïssance qu'il devoit au Chief de l'Eglise; & que je lui avoie souvent oui dire estre le juge de la doctrine; & qu'il regarda de ne se perdre. Il relut le dit Bref & votre lettre: & l'ayant achevée, me pria de lui pardonner ce qu'il avoit dit contre votre Illustrissime Seigneurie, reconnoissant qu'il avoit tort; & adjouta qu'il estoit prest pour obeïr. & de jamais plus rien toucher quant aux dites propositions, & qu'il desiroit estre absous. Je lui dis que (a) l'ab-juration devoit preceder. Il repliqua que cela lui donnoit (b) grande perplexité, pour la diversité des propositions. Et comme je me commençoie à fâcher, d'autant qu'avions esté bien heure & demie ensemble, parce qu'il avoit entrelassé un monde de propos & raisons qui seroient trop longues à écrire, aux quelles (c) je ne lui pouvoie donner telle solution que seroit ung de sa profession. Je lui demandis s'il ne trouveroit bon que je fisse entrer (d) le dit Maître que j'avois mandé pour se nous en eussimes à faire. Il me dist qu'il le verroit fort volontiers. Venu qu'il fut, je lui fis entendre la difficulté que passoit sur l'abjuration des propositions, pour la diversité d'iceux. Le dit Curé commença par grande douleur, mais apres il lui lava fort bien la teste, disant puisque nôtre Saint Pere defendoit les dites propositions, ce n'estoit à lui d'en parler. & qu'il estoit plus tenu d'obeïr au Pape, que à lui les Bacheliers de Theologie aux quels il commandoit: desorte que le dit Curé par laid & moi par beau lui représentâmes l'evident dangier où il se mettoit, s'il ne s'accommodoit. Et pource que afin de l'appaiser j'avoie consenti lui donner vision de ladite Bulle, que je feignis estre chez mon Beaufrere, je heus le moyen les laisser tous deux ensemble, & retournis au bout d'ung quart d'heure disant que la dite Bulle n'y estoit. Lorsque le dit (e) personnage respondit que cela n'emportoit, & qu'il ne la vouloit voir, estant resolu & prest sans jamais vouloir repliquer, d'obeïr absolument à nôtre Saint Pere, & suivre le bon avis que lui avoit donné le dit Curé, qu'estoit (f) d'abjurer toutes les propositions contenues en la Bulle suivant le Decret, censure, & intention de sa Sainteté, & se prosterna à genoux. Je recus son abjuration tenant ses mains entre les miennes, & l'absolvit, & rehabilité selon que verrez par l'Acte. Esperant que pour la presence du dit Curé votre Illustrissime Seigneurie ne jugera que le secret qu'elle m'a tant enchargé, ne soit esté gardé, puisque le dit personnage s'en est tenu content. Aussi ay-je enjoint au dit Curé le secret: il est homme grave & confident: aussi servira l'Acte de plus grande preuve de mon devoir en ce que votre Illustrissime Seigneurie m'at de la part de sa Sainteté si expressement commandé, n'ayant perdu une minute de tems pour l'exécuter depuis votre lettre reçue. Je loïe dieu que ce soit avec s'bon succés, que je tiens m'avoir inspiré de prendre l'aide du dit Curé, sans laquelle je n'en fusse si tost venu à chief. MONSEIGNEUR, apres m'estre recom-mandé tres humblement à la bonne grace de votre Illustrissime & Reverendissime Seigneurie, je prie le Createur de lui donner ses desirs.

DE VOTRE ILLUSTRISSE SEIGNEURIE.

de Bruxelles ce 20. Juin 1569.

Le dit personnage retourne encore se soir se montrant content & à repos.

Tres humble & tres obeïssant serviteur

MAX. MORILLON.

R

Je

(a) à Baio

exiguit

ejuratio.

(b) Cur

Baius ejur-

rare refu-

git.

(c) Moril-

lon ite-

rum fate-

tur se non

esse Theo-

logum.

(d) Pleba-

num San-

ctus Gu-

dulx.

(e) Mi-

chael Ba-

ius.

(f) Baius

minis ter-

ritus ac

fallis cri-

mination-

ibus op-

pressus

tandem

ejurat Ar-

ticulos ad

mentem

Pontificis,

sed sine

ulla sub-

scriptio-

ne, & ab-

solvitur.

*Je n'ay heu temps de parler à M. le Confesseur, parceque je crains l'on voudra servir la male, & je ne la veulx laisser partir sans advertir le progres de mon besongne, du quel je ne faudray donner compte à son Excellence par le moyen du dit Confesseur s'il me procure aicez.*

(a) Michachem  
Baum.

(b) Littera  
B. in cifris  
Granvel-  
lani deno-  
rat Regem  
Catholi-  
cum.

(c) Ama-  
nucnis  
legere  
non potuit  
nomen  
quod hoc  
spatium  
implet.

*Le vrai seroit maintenant retraer (a) le personnaige de là où il est, y entremettant l'autorisé de (b) B. se sa Sainteté voulut donner la Prebende que pretendois (c) ... Monseigneur de Cambray luy donnera aussi sa Collation. Il ne duiet là où il est. Il at trop de gens aux oreilles.*

---

# EXTRACTUM ALTERIUS EPISTOLÆ MORILLONII.

(d) Baius  
ne suz  
ejurationi  
quidem  
subscri-  
psit.

(e) Baius  
in tantis  
angustis  
eger de-  
cumbit.

*L fut esté trop (d) difficile de faire sousigner celui qui at passé l'abjuration PROPTER PERPETUAM INFAMIAM. Je suis joyeux que sa Sainteté ait heu contentement de mon besongné, comme ont heu son Excellence & le dit Confesseur. (e) L'Abjurant est malade. Ce sera bien fait de le tirer hors d'icy, le pour-  
veant à Cambray, ou Tournay à ce que je penseray.*

*De Bruxelles le 14. Aoust. 1569.*

## B R E V I S

## A L T E R A

## MICHAELIS BAI

## A P O L O G I A,

## S I V E

Declaratio sententiarum ex libris per litteras Apostolicas designatis non benè excerptarum, ad Cardinalem Simonetam, cum præfixis numeris cujusque sententiæ, sicut ordine in declaratione (*ſeu Apologia*) ad Sanctiſſi. Patrem Pium V. ſunt poſitæ.

*Ex libro 2. de meritis operum.*

*In ſententiam 13.*

**H**Æc ſententia in libello non aſſeritur, ſicut prætendit hæc narratio: ſed contrario modo quàm hîc refertur. Tantùm proponitur diſputanda, hoc videlicet modo: utrùm bonis operibus, quia ſunt divinæ legis obedientia, an ſolùm ex prævia operantis dignitate, vita debeat æterna: diciturque in reſponſione quòd perſonæ dignitas tantùm augeat rationem meriti, quantum augeat rationem virtutis & boni operis: id quod Collector ſententiarum ſubticuit.

*In ſententiis 14. & 15.*

In libello de his ſententiis nihil aſſeritur; ſed tantùm oſtenditur quòd ſalvâ pace catholicâ poſſent diſputari: id quod videtur Collector diſſimulaſſe, ut ſedi Apoſtolicæ faciliùs obreperet.

*In ſententiam 16.*

Iſtud verum non eſt: quia in hoc libro (2. de mer. oper.) nulla fit hujus rei mentio niſi capite 1. ubi citatâ hæc Scripturâ: *qui non diligit me, ſermones meos non ſervas*: ſubinfertur non abſurdè intelligi poſſe, quæcunq; ſine

charitate sunt, non esse veras legis obedientias. Hoc enim videtur illa Scriptura significare: *qui non diligit me, sermones meos non servat*: nec de hac re amplius aliquid dicitur.

*In sententiam 17.*

Capite quarto libelli (2. de mer. oper.) dicitur quòd hi potius consentiant Pelagio, qui asserunt bona opera non esse regni cælestis merita, nisi ab eis facta qui prius in filios Dei adoptati digni sunt regno Dei: quàm qui dicunt ex eo esse merita quòd sint obedientiæ mandatorum Dei: id est, quòd illi. sint viciniore sententiæ Pelagii, quàm isti. Sed quod Collector in sua (à se conficta) sententia prætendit, hoc libellus non dicit.

*In sententiam 18.*

Dicit libellus (2. de mer. oper. c. 6.) ad quoddam argumentum hoc dici posse: sed tamen hoc non definit.

*In sententiam 20.*

Dicit libellus (2. de mer. oper. c. 7.) quòd licèt quidam Catholici, ut Staphilus, hanc sententiam inter hæreticas numeraverint: attamen eruditiores, ut Joannes Episcopus Rossensis, illam inter opiniones habuerint. Nam articulo 32. contra Lutherum, apertè confitetur se in hac parte cum Luthero sentire. Quamobrem libellus quæstionem hanc inter fideles dicit salvâ pace catholicâ posse disputari.

*Ex 1. libro de prima hominis justitia.*

*In sententiam 24.*

Capite octavo dicti libelli (de prima hom. just.) dicitur quòd naturalis beatitudo, quæ in Scripturis sacris non invenitur, & quam Pelagius suis infantibus sine baptismo decedentibus promittebat, à vanis & otiosis hominibus ex philosophia confingatur. Sed quod libellus de jam dicta beatitudine dicit, hoc Collectoris industria de supernaturali humanæ naturæ exaltatione dictum proponit, quod est apertè falsum.

*Ex libro de virtutibus impiorum.*

*In sententiam 29.*

Capite octavo (hujus libri) citatur Augustinus epistola 106. dicens quòd Pelagius definierit, Potestatem voluntatis aliquantulum ad non peccandum valere: sed libellus verbis in sententia positus non utitur: Quapropter sententia (hæc 29.) non tam ex verbis libelli, quàm ex verbis Augustini, quæ Collectori displicuerunt, videtur esse excerpta.

*In sententiam 30.*

Prior hujus sententiæ pars ad verbum sumpta est ex fine capitis noni (lib. de virt. imp.) sed posterior pars, videlicet an tentationi ulli sine gratiæ ipsius adjutorio resistere homo possit, sic ut in eam non inducatur, aut ab ea superetur. Hæc, inquam, pars est à Collectore & contra veritatem & contra Autoris sententiam manifestè conficta. Significat enim quòd quisquis aliquâ tentatione pulsatur, ut putà, fornicationis, aut homicidii, is necessariò in illam eandem tentationem inducatur, nisi adjutorio gratiæ Dei liberetur: Id quod neque habet libellus; verba enim ejus sunt: *aut tentationes ullas superari sine illius adjutorio posse contendunt*. Neque etiam verum est, quia qui

tenta-



tentatur ad fornicandum, is ex amore gloriæ aut pecuniæ sæpe ab hoc pernicioso affectu sine Dei adjutorio revocatur: sicut idem Autor expresse docet in libro *de libero arb.* c. 10. circa finem addens ex Augustino tunc recta vitia deputanda esse cum Dei amore vincuntur, non autem cum vitiis vincuntur occultis. Et ideo manifestum est quod Collector relictis verbis libelli quæ sententiam habent Catholicam, contra sensum Autoris posteriorem hujus sententiæ partem pro suo arbitratu confinxit, ob id forsitan quod non satis illi placuerit sententia Innocentii I. quam in sua epistola tanquam definitivam referre videtur Cœlestinus Pontifex; videlicet, *neesse est ut quo adjuvante vincimus tentationes, eo non adjuvante vincamur*: quam sententiam Autor libelli eo loco (c. 9.) quantâ potuit diligentiam profecutus est.

*Ex libro 1. De charitate.*

*In sententiam 31.*

Hæc sententia prout exprimitur, nec ad verbum nec ad sensum invenitur in libello (*De Charitate*;) nec etiam juxta intentionem libelli est vera: quia non potest esse bona conscientia, ubi non est peccatorum venia. Ideo dicitur inter calumnias reputari.

*In sententiam 36.*

Hæc sententia, quæ ad caput quintum hujus libelli alludit, nec ad verbum nec ad sensum in libello habetur: sed est à Collectore odiosè conficta & manifestè falsa, quia amor naturalis quo parentes ex viribus naturæ diliguntur, sine injuria Crucis Christi legitime defenditur: præsertim si altiori consideratione ad dilectionem Dei referatur. Sed quod libellus de Dei dilectione dicit, hoc parum attentus Collector, additis nescio quibus odiosis sermonibus de amore naturali qui ex viribus naturæ exoritur, generaliter dictum refert: quod aperte falsum est, nisi intelligatur de amore quo aliquid tanquam finis ultimus amatur.

*In sententiam 37.*

Hæc sententia est ejusdem farinæ cum prior: quia hoc tantum de fidei, spei & dilectionis Dei moribus dicitur: quod per inconsiderationem Collector addito etiam Pelagii nomine, suis propriis verbis de omni bono naturali dictum interpretatur. Vide caput quintum libelli *de Charitate*.

*In sententiam 38.*

Huic sententiæ ex capite sexto libelli (*De charitate*) desumptæ, ex solita sua liberalitate Collector adjecit verba hæc: *per Spiritum Sanctum in corda diffusum*; per quæ non tantum odiosa, sed etiam juxta intentionem libelli falsa redditur sententia. Quia licet is dilectionis motus, quo Deus ante remissionem peccatorum diligitur à Spiritu Sancto foris existente inspiretur, non tamen inspiratur per Sanctum Spiritum in corda diffusum seu inhabitantem. Et

ita hic motus sub neutra divisionis parte continetur: licet sit amor finis, de quo intelligitur sententia quæ proponitur.

*Ex libro de libero arbitrio.*

*In sententiam 39.*

Capite septimo hujus libelli (De libero arb.) dicitur quod libertati à servitute peccati, quæ liber est Deus & Angeli sancti, etiam in iis quæ sic volunt, ut ea non possint non velle; huic, inquam, libertati impertinens est utrum id quod fieri liberè dicitur, etiam possit non fieri. Ex quibus verbis quanto candore Collector absurdam hanc sententiam verbis à se excogitatis confecerit, consideret lector candidus.

*Ex libro 2. de justitia.*

*In sententiam 42.*

Hæc sententia nec ad verbum nec ad sensum habetur in libello; sed est merè calumniosa, & contra sensum tam libri quàm Autoris, verbis Collectoris expressa, præcipuè quoad eam partem, quæ dicit justitiam non consistere in gratia animo infusa. Nam licet libellus (2. de justitia) nomine justitiæ actum justum intelligat, sicut frequenter intelligit Scriptura sacra: hoc tamen non facit ut habitum gratiæ aut charitatis neget esse justitiam, sicut ista sententia prætendit; sed tantum ut nostri temporis hæreticis resistat, qui actum justitiæ contendunt nec esse meritum, nec hominem facere meliorem: quod falsum esse convincitur, quando ipsa juxta Scripturas sacras justitia etiam nobis inhærens esse demonstratur. Cui errori non ita resistunt qui justitiam, quæ ex fide est, expressè negant in actionibus consistere, sed in sola habitualirenovatione constituentes, de actibus non nisi tanquam de justitiæ effectibus loquendum existimant.

*In sententiam 43.*

Divus Augustinus epist. 105. habet quod homo justificatur non solum remissione peccatorum, sed prius inspiratione fidei & timoris Dei: & contra Don. libro 4. c. 21. sicut non debemus improbare justitiam hominis, quæ prius esse cœpit quàm conjungeretur Ecclesiæ; sic non esse improbandum Evangelicum baptismi Sacramentum, etsi extra Ecclesiam fuerit acceptum. Quæ verba secutus libellus capite 7. dicit Catechumenum aut poenitentem ante remissionem peccatorum aliquid habere justitiæ. Sed quia hic sermo videbatur Collectori non satis reprehensioni obnoxius; idè hanc sententiam verbis suis expressit, dicens quod in Catechumenis ante baptismum est vera justificatio, separata tamen à remissione peccatorum: Quam tamen sententiam hîc à se damnatam infra sententiâ 59. manifestè comprobatur, damnans eos qui non agnoscunt illam justitiam quæ sit quidem ex inspiratione Spiritus sancti sed nondum corda inhabitantis: quia necesse est ut talis justitia sit separata à remissione peccatorum, quam tamen hîc recusat agnoscere.

*Ex*

*Ex libro 3. De justificatione.  
In sententiam 44.*

Capite quinto hujus libelli (*de Justificatione*) dicitur expresse quòd et si cuncta bona quæ facimus culpas quas fecimus diluere certum est, sub quo etiam intelliguntur incrementa virtutum; ex his tamen operibus quæ à Fidelibus non ob id fiunt ut vel remissionem peccatorum vel incrementa virtutum consequantur, sed solum ut Dei mandatis pareant: ex his, inquam, operibus dicimur in Scripturis sacris justificari, quia sunt legis obedientia, & vera legis justitia, juxta illud: *qui facit justitiam justus est*: non quia his obtinemus remissionem peccatorum aut incrementa virtutum. Collector autem hæc non attendens in sententia sua (*à se conficta*) ponit quòd dictis operibus bonis non obtinentur incrementa virtutum: quod est verbis & sensui libelli planè contrarium. Hujusmodi enim operibus obtinentur quidem incrementa virtutum: sed Scriptura sacra dicens nos ex istis operibus justificari, ad illud respicit, quòd non auditores legis justi sunt apud Deum, sed factores: non autem ad hoc quòd per hujusmodi opera etiam meremur incrementa virtutum.

*Ex libro de Sacrificio.  
In sententiam 45.*

Legatur libellus (*de Sacrificio*) præsertim cap. 6. ubi assignantur quatuor rationes cur sacræ Eucharistiæ confectio præ cæteris sacrificiis generaliter dictis peculiariter nomine sacrificii celebretur: & deprehenditur quòd hæc sententia apertè hæretica, non sit nisi mera & aperta calumnia: ut libelli autor & alii qui nil unquam tale cogitaverant, per calumniam infamarentur: quod Collectori parum honorificum est.

*Ex libro de peccato Originis.  
In sententiam 46.*

De posteriori hac parte, videlicet unde peccatum originis verè habeat rationem peccati, &c. nulla fit in libello (*de pecc. Orig.*) mentio nec affirmativè nec negativè: sed videtur Collectori doluisse quòd libellus eorum sententiam non expresse, qui docent peccatum Originis relativè ad primi parentis voluntatem; id est idèd dici peccatum, quia in nascentibus est pœna ex peccaminosa primi parentis voluntate proveniens.

*In sententiam 47.*

De hac posteriori parte, videlicet, *ex habituali voluntate dominante*, &c. nullam mentionem facit libellus (*de pecc. Originis*): sed tantum est ipsius Collectoris commentarius.

*In sententiam 52.*

Collector valde dormitavit, quando hanc sententiam ex libello (*de pecc. orig*) collegit: videlicet quòd hæc definitiva sententia, Deum homini nil præcepisse impossibile, falso tribuitur Augustino: quia hanc sententiam neque definitivam vocavit, nec eam Augustini esse aut non esse dixit *libellus*: sed hanc duntaxat: *nec impossibile aliquid potuit imperare Deus, quia justus est; nec damnaturus est hominem pro eo quod non potuit vitare, quia pius est*: de hac, inquam, definitiva sententia dicit libellus (c. 12.) quòd non est Augustini, licet à quibusdam sub nomine Augustini citetur, sed Pelagii. Est enim sumpta ad verbum ex epistola ad Demetriadem Virginem, quam, si attendantur quæ in libello (*de pecc. orig. c. 12.*) dicuntur, evidens est Augustini non esse, cum Beda eam nominatim improbet, tanquam sit Juliani (*Episcopi Pelagiani.*)

*In sententiam 53.*

Hæc sententia in libello (*de pecc. orig.*) non habetur, nec ad verbum, nec ad sensum: sed potius indicatur contrarium.

*Ex tractatu de oratione pro defunctis.*

*In sententiam 54.*

Verba libelli (*hujus*) cap. 4. sic habent: Quoad in hac vita sumus, etiam in scelibus ab actu & reatu purgari possumus: Deus enim per semetipsum intrinsecus voluntates Fidelium ab actu peccati purificat: & per eos quibus dictum est: quorum remiseritis &c. etiam eos à reatu liberat. Et infra: Deus igitur per semetipsum ab operibus, & per ministerium Sacerdotum etiam à reatibus peccatorum nos liberat, &c. Ex quibus verbis Collector, pro suo arbitratu, non libelli sed suam confecit sententiam, addendo quod voluit, videlicet nihil, duntaxat, solum, &c. similia. Et ex istis intelligeretur libellus (c. 4.) docere quòd per ministerium sacerdotum consentientibus non daretur Spiritus Sanctus: sicut infra suâ sententiâ 65. manifestius significat: quod neque in libelli neque in Authoris intentione ullo modo reperitur.

*In sententiam 55.*

Sententia hæc sicut ex eodem capite 4. libelli (*de orati. pro defunctis*) manifestum est, non ex verbis libelli, qui non utitur verbo *vivificare*: sed ex verbis Augustini ibi recitatis, & per Collectorem, prout illi placuit, immutatis per inadvertentiam excerpta est, addendo *solum*, ex quo intelligitur quòd Collector non minus studeat abolere sensum Augustini, quam libelli.

*In sententiam 58.*

Hujus sententiæ nullam in libello mentionem invenio.

*In sententiam 60.*

Hæc



Hæc distinctio odiosè rejicitur, non quidem à libello qui ejus nullam facit mentionem, sed ab ipso met Collectore, qui suprà sententiâ 42. damnandum putavit quod ait libellus (de justitia c. 7.) Catechumenum aut poenitentem ante remissionem peccatorum aliquid habere justitiæ. Qui enim hoc damnat, manifestè significat ex inspiratione Spiritus Sancti nondum cor inhabitantis nullam peccatori inesse posse justitiam, ac proinde posteriorem suprà dictæ distinctionis partem odiosissimè & pertinaciter reprobatur.

*In sententiâ 61.*

\* Hanc distinctionem quæ verissima est, libellus & libelli Autor usque adeo non improbat nec adhuc improbat, ut etiam vehementer doleat quòd eam Collector suprà sententiâ 54. non attenderit: si enim eam ibi attendisset; tunc ex verbis Augustini, quæ de prioris vivificatione loquuntur, sententiam damnandam non confecisset. Et idè mera calumnia est, quando fingit Collector distinctionem illam in libellis designatis improbari: cum in illis nulla fiat istius distinctionis mentio.

Reliquæ sententiæ, quæ sequuntur, non videntur peculiariter ex aliquibus libellis excerptæ: sed vel ex relatu, vel ex fama, vel ex Collectoris conjectura: in quibusquâ fide usus sit ostendere non possumus, sed potest ex jam dictis conjici.

Porrò de veritate sententiarum nihil dico, tum quia nescio an id esset suæ Sanctitati gratum: tum quia videtur mihi in Bulla significari quòd illæ etiam sententiæ damnentur quæ in rigore & proprio sensu verborum veræ sunt. Id quod si ita habet, mirum est ad quid ista damnatio respiciat, an ad verba inordinatè posita, quæ Collector pro suo arbitratu in omnibus pene sententiis effinxit, an ad rem ipsam significatam. Si enim verba tantum damnentur; tunc ipse Collector culpatur, qui veritatem ab aliis, ut prætendit, asseritam, ejusmodi verbis expresserit ut damnari mereatur. Deinde poterunt sententiæ verbis aliis expressè doceri & defendi. Si autem veritas idèò damnatur, quia quibusdam Doctoribus aliter institutis displicet, tunc videtur Deo repugnari: sicut legimus in Actis: *Discedite ab hominibus istis, ne fortè & Deo repugnare inveniamini. Non enim possumus aliquid adversus veritatem*, inquit Apostolus, *sed pro veritate.* Et Christus in Evangelio, *Ego in hoc natus sum, & ad hoc veni in mundum ut testimonium perhibeam veritati.* Et, *omnis qui est ex veritate, audit vocem meam.*

## F I N I S.

DE his sententiis quarum hîc non sit mentio, sic breviter habet *Auctor libellorum.*

Sententia prima non habetur nisi in sententia 7. cum sua declaratione, & sententia 7. 8. & 9.

Sententia 2. est titulus capituli 2. lib. 2. *De meritis operum.*

Sententiæ tertiæ sensus habetur c. 4. 1. prioris de meritis oper. similiter & cap. 3.

In Mss. F. & K subjun-  
ciuntur  
quæ hîc  
non duxi  
emit-  
tenda.

Sententia 4. habetur in c. 2. ad secundam objectionem in priore libro *De merit. oper.* cujus posterior pars habetur sub finem ultimæ paginæ.

5. sententia statim sequitur in eodem cap. ejusdem libri.

6. sententia ponitur cap. 3. libri 1. *De meritis oper.*

*De sententia* 10. dicit: Subticer Collector declarationem.

*De sententia* 11. dicit, Collectorem in sua sententia substituisse, *proprie*, pro, *proposito*.

12. sententia est titulus capitis 4. l. 2. *De mer. oper.* & à quavis Pelagii sententia non statim quis Pelagianus debet intelligi.

*De sententia* 16. dicit: hujus non fit mentio. Et post adjecit sententiam Apostoli, & Augustini verba in psal. 118. conc. 7. *non possunt custodiri verba Dei nisi per fidem quæ per dilectionem operatur.*

*De sententia* 19. dicit: Collector malè refert.

*De sententia* 21. ait: Collector more suo sententiam longè aliis verbis & alio sensu expressit quàm in libello continetur.

*Ad sententiam* 22. dicit: facile contingit ut cum hæreticis aliqua sentiamus etiam si hæretici non simus.

*De sententia* 23. dicit: hæc non sunt verba libelli, sed commenta alicujus æmuli.

*Ad sententiam* 24. Collector malè refert: non hoc dico, vide c. 8. libri *De prima hom. just.*

*Ad sententiam* 25. miratur cur damnatur id quod Scripturis & sanctis Patribus longè videtur esse conformius.

*Ad sententiam* 26. dicit, eam esse Hieronymi, Ambrosii, Augustini & Prosperi.

*Ad sententiam* 27. Est titulus capitis 4. l. de prima hom. just. & attendendum an probationes libelli non sint legitimæ.

*De sententia* 28. Est titulus capitis 8. libri *De virtutibus impiorum*: & ipsissima sunt verba Augustini l. 3. ad Bonif. contra duas epistolas Pelag. c. 8.

*De sententia* 29. ait: Collector malè refert.

*De sententia* 31. falsa est sententia.

*In sententia* 32. & 33. Mirum quodd in iis sensus Thomæ Walsensis, cujus liber à Martino V. in consistorio Cardinalium post diligens examen approbatus est, modo damnetur sub poena excommunicationis latæ sententiæ.

*De sententia* 34. non satis rectè refert (*Collector.*)

*De sententia* 35. hæretica est.

*De sententia* 39. absurda.

*De sententia* 40. hæretica.

*De sententia* 41. Rem probo simul & vocem; sed eam in Scripturis nondum reperi.

*De sententia* 42. apertè falsa. Idem dicit de 44.

*De* 45. hæretica.

*De sententia* 47. Est Collectoris commentarius.

*Ad sententiam* 48. Attendantur loca quæ ex Augustino citantur.

Ad sententiam 49. Ad id existimandum me moverunt multa veterum Sanctorum testimonia.

Sententia 50. desumpta est ex lib. *de pec. exig.* c. 13.

Sententia 51. est desumpta ex c. 6. ejusdem libri.

*De sententia 52.* Collector malè refert.

*De sententia 55.* Collector malè refert & falsè.

*De sententia 56.* Collector suâ arte effecit ut Sanctissimus Dominus noster Hæreticorum calumnam quam Catholicis imponunt, suis litteris defendere videatur.

In sententiæ 57. secunda parte Collector dicit: *à pœniis pro peccatis debitis;* & liber habet: *à peccatis.*

*In sententia 58.* hujus distinctionis nullam mentionem feci.

In sententia 59. hujus sententiæ non memini.

*De sententia 60. dicit:* Distinctio legitima est. *Idem dicit de sententia 61.*

*De sententia 62. ait:* hæc sententia hæretica est: & addit in margine Cœlestinus can. 9. Nemo nisi per Christum libero benè utitur arbitrio.

*Et addit de sententia 63. & dicit:* Absurda.

*De sententia 64.* Absurdè sonat.

*De sententia 65.* falsa.

Sententia 66. apertè falsa.

Sententia 67. falsa.

Sententia 68. falsa & præsupponit falsum.

*De sententia 69.* Collector malè refert.

*De sententia 70.* Quæstionem hanc nunquam disputavi.

*De sententia 71.* falsa.

*De sententia 72.* idem quod de 48.

*De sententia 73.* falsa.

*De sententia 74.* idem quod de 56.

*De sententia 75.* hanc quæstionem nunquam disputavi.

*De sententia 76.* falsa.

*In Mss. Codicibus unde hæc ultima excipit nonnullæ ommissæ sunt sententiæ quas ex Apologia suppleri posse existimavi, ut nulla sit circa quam prolatus à Michaelo Baio judicium non habeatur.*

## B R E V E

P I I V. S U M. P O N T I F I C I S

## MICHAELI BAIO.

DILECTO FILIO MICHAELI BAIO.

DILECTE FILII, *Salutem & Apostolicam benedictionem.*

**Q**Uamvis ea quæ super libro & propositionibus ad nos missis per litteras nostras Apostolicas sub plumbo superioribus diebus decrevimus atque statuimus, non sine matura deliberatione & consideratione à nobis decreta statutaque fuerint, quemadmodum & ipsius causæ gravitas & hominum alioquin de hac Sancta Sede Apostolica bene meritum conditio postulabat, tamen nos omnem novarum querelarum causam auferre volentes, simulque postulatis vestris satisfacere cupientes mandavimus ut & libri & ipsa propositiones & scripta vestra, proximè ad nos missa, diligentissimè & accuratissimè iterum considerarentur & perpenderentur; quibus omnibus maturè admodum consideratis, quæ super hoc ipso jam decreveramus, nisi antè à nobis decreta fuissent; eadem, prout facimus, de integro decernenda statuendaque esse judicavimus. Itaque tibi & cæteris prædictarum propositionum assertoribus ac defensoribus pro earum assertione & defensione perpetuum silentium imponimus. Vosque tanquam nostros hujusque Sanctæ Sedis obsequentissimos filios in Domino hortamur ut his quæ nunc vestra atque omnium Christi Fidelium Mater ac Magistra præcipit & jura decernunt, sine ulla recusatione obtemperetis, eaque omnia faciatis, quæ dilectus Filius Maximilianus Atriensis Ecclesiæ præpositus, Venerabilisque fratris nostri Archiepiscopi Mechliniensis Generalis Vicarius vobis facienda proponet. Erit hæc vestra erga nos, Sanctamque hanc Sedem, reverentia dignum obsequium, nobisque præterea gratissimum. Datum Roma apud Sanctum Petrum, sub annulo Piscatoris, die 13. Maii 1569. Pomificatus nostri anno quarto.

ALDOBRANDINUS.

EXPLI-



E X P L I C A T I O  
ARTICULORUM A PIO V. DAMNATORUM,  
A B I P S O  
MICHAELE BAIO  
LOVANII IN SCHOLIS THEOLOGORUM  
FACTA. ANNO 1570

**A** Nno 1570. decimo Septimo Aprilis horâ decimâ in Scholis Theologorum hoc Ex Codice G. scripto eodem tempore, modo declaravit se Eximius M. N. Michael Bay. nunc primum edita.

Dicam vobis aliquid quod nunquam antea dixi. Ante duos propemodum annos scitis missam fuisse Bullam ex Urbe (Roma) in qua damnantur articuli, quorum quidam sunt falsi, & rectè damnantur: Alii male intellecti: Aliqui à Collectoribus non rectè collecti: Aliqui verò tantum odiosi, eò quòd in eis servatus non sit consuetus usus loquendi Scholæ, videlicet secundum Scholasticos receptos; quum tamen aliquoties Patres reperiantur eodem modo loquuti.

De qua re nihil antea vobis dixi, nec dicere volui ob certas causas. Prima est, ut res ista silentio sopiretur, & non nasceretur major contentio aut turbatio, dum aut Collectores viderentur insimulari falsitatis & calumniæ; aut sedem Romanam negligentæ & præcipitis sententiæ; quam nunc vel maximè, propter turbatissima tempora, in summa veneratione, autoritate & dignitate esse docet. Secunda: eò quòd multa essent quæ ad me non pertinerent, & de quibus ne cogitaverim quidem; per circiter quadraginta articulos. Tertia: ne quem exasperarem aut exagitarem magis; quum potissimum in diluendis criminibus, quæ falso objecta sunt, non possit se homo omnino modeste continere, & affectibus temperare. *Qui enim non offendit in verbo, hic perfectus est vir.* Tamen temperavi mihi quantum potui. Nam Jac. 3. 2. tractata hæc fuerunt in Collegio Theologorum (videlicet in Sabbathinis disputationibus à Cuncero.) Tractata fuerunt etiam in concionibus (videlicet à F. Godefride Leodio in Quadragesima apud Minores;) & semper tacui & adhuc tacuissim, nisi Reverendissimis Dominis aliter visum fuisset expedire.

Consolatus autem sum me hæcenus illâ sententiâ Leonis, quam habet de Passione Domini: *Dominus elegit tacere; Quando enim non potest utiliter respondere, tunc præstat tacere.* Et cogitabam hoc quoque pertinere ad afflictionem justorum & dicebam mihi: si benè fuit, debeo habere patientiam; si malè, Dominus remunerabit: si fortè Dominus pro hac maledictione, reddat mihi (ut ait David) benedictionem.

Nunc autem (videlicet undecimo Aprilis) visum est Reverendissimis Dominis (videlicet Martino Rythovio Iprensi Episcopo, Francisco Sonnio Buscioducensi, & Cornelio Jansenio Gandavensi) expedire ut aliquid hæc de re vobis dicerem, & meisum explicarem, ut hæc infamiz nota à me amoveretur. Nam dicebant quodd ubique constantissimè fama deferretur me post obitum Magistri Nostri Tilerani omnia denud turbare & innovare, & hujusmodi articulos docere; quodd quàm falsum sit scitis, quin & unico argumento vobis manifestissimè declarabo.

Scriptis mihi quidam Licentiatas, me propemodum annis decem senior, ex Gandavo, passim illic hoc proclamari: ego autem diligenter inspectis litteris, & tempore quo scriptæ erant, cum prima lectione quam post mortem *Judoci Ravesteyn* Tilerani feceram, collato, compèri tantum tres dies intercessisse. Ex quo videris non potuisse istud nuncium tam subitò illinc transferri, & litteræ illinc ad me transmitti.

Plùs minus viginti annis in hæc Schola *Lovanienfi* docui: nunc propter hunc tumultum decreveram & à lectione & à disputationibus in totum abstinere, ne major contentio nasceretur. Hinc etiam quando positiones disputandæ mihi exhiberentur, si quid hujusmodi haberent, jussu deleri; vel si quid hujusmodi inter disputandum tractaretur, tacui; ut silentio tandem sopiretur. Qui enim præsidet Disputationibus, sedet quasi lepus canibus expositus: alius trahit hinc, alius illinc vellicat: nec semper fieri potest ut homo tam consideratè respondeat, ut omnibus placeat. Nam aliqui aut non rectè intelligunt, aut malè referunt: alii sunt zelantes pro alterius sententia. Hinc nascitur contentio & calumnia.

Ne tamen id facerem, aliæ me rursus rationes prohibebant: quia videlicet singuli de suo talento rationem sunt reddituri: nec ille excusatur, qui talentum in terra foderat, dicens: *sciebam quia austerus esses & durus*, &c. secundò, quia, sicut dicit Augustinus l. 22. de Civit. c. 23. *justus non debet ob maledicta aut calumnias ab impartiendis beneficiis retardari.*

*Hic ista præmissis jam ad Articulos progreditur; à quibus turbato ordine hinc inde quibusdam lectis; ad falsos articulos sic dicit: Hæc sine dubio falsa sunt, & rectè damnantur; sed non sunt mea: hæc nunquam cogitavi; nec in libris meis invenietis. Ad articulos dubios & obscuros, qui non sunt in sensu ab ipso intento intellecti, dicit: Si tamen scivissem eorum occasione propter inconsonum modum loquendi, aliquos offensum iri, tacuisssem; & vellem me non sic scripsisse.*

*Sequitur nunc quorundam Articulorum declaratio  
per ipsum M. N. Michaelem Bay.*

*Ad Articulos de Gratia.* Primus, tertius, septimus, nonus qui de Gratia loquuntur, coincidunt. *Nec Angeli, nec primi hominis gratia, &c.* Alia est gratia, quæ datur peccatoribus per Christum Redemptorem: alia est gratia, & paulò alterius conditionis, quæ data fuisset hominibus si in statu puræ integritatis perseverassent. *Dicit itaque se intellexisse de gratia Christi; quia nec Angeli nec primi hominis merita rectè vocantur gratiæ, per Christum videlicet mediatorem & redemptorem factæ.*

*Ad Articulos de naturali & supernaturali.* Naturale aliquando vocatur id quod homo habet à nativitate, sicut nunc nascitur, videlicet corruptus: & sic homini sunt naturalia non solum corpus & anima, sed etiam peccatum. Hinc Apostolus, *eramur naturâ filii iræ.* Si sic loquimur de naturali, fides, charitas, & aliadona sine dubio sunt supernaturalia. Aliquando verò Augustinus vocat naturale, quod habet homo in primo statu. *Es sic dicit Michael Bay se aliquando cum Augustino locutum; ut appellaret ea dona naturalia, quæ homo habebat ex ordine nature à Deo instituta.*

*In redemptis per gratiam Christi* nullum inveniri potest bonum meritum, quod non sit gratis indigno collatum. *Dicit M. N. Michael Bay se hoc dicere non quod homo tunc sit indignus quando gratia confertur; sed considerando statum nostræ corruptionis in quo antea fuimus.* Expedit enim hoc semper cogitare, & pro eo Deo gratias agere, quod ex illo statu per Christum non solum liberati sumus, sed etiam in statum filiorum Dei translati. Sic Apostolus se dicit minimum Apostolorum, indignum qui vocetur Apostolus, respiciendo statum in quo antea fuerat. Sic enim maxime docet Paulus commendare & exaggerare Dei gratiam & beneficium: quod dilexit nos cum inimici essemus, & tradidit semetipsum pro nobis.

*Sacrificium Missæ non aliâ ratione dicitur Sacrificium, quàm generaliter, quâ ratione opus quod fit ut sanctâ societate inhereatur Deo.*

*Dicit Michael Bay se hoc nunquam docuisse, imo ne cogitasse quidem: nec aliud magis dolere quàm quod hoc ei tam falsò imponatur.* Dicit duobus modis aliquid homini offerri. Primò, quando aliquid simpliciter homini dono datur: ut, offero aliquid, id est, do alicui, pomum, nummum, vel aliquid aliud. Secundò, quando aliquid ad alterius honorem, utilitatem, gloriam, vel ad ipsum reficiendum, recreandum, vel consolandum, consumitur: utpote cum Maria Magdalena ad gloriam Christi, & ad ipsum reficiendum & recreandum effudit pretiosum unguentum super caput ejus, ex cujus odore tota domus bene redolebat; Judas quidem voluisset ut priori modo obtulisset Domino: id est, ut simpliciter Domino dono dedisset, & non consumpsisset; ut ex eo vendito potuisset postea aliquid furari. Sed ipsa obtulit posteriori modo, quia consumpsit ad ejus honorem & gloriam. Et sic distinguuntur oblatio & sacrificium; quia quando res quæ offertur, non immutatur, est oblatio; ut pote dum in Altari offeruntur vinum, poma, uræ &c. Quando verò consumitur res, est sacrificium: ut cum offerimus incensum, & adolemus thus ad Dei gloriam & honorem. Sic in Sacrificio Missæ si respicias terminum à quo, videlicet panem & vinum quæ Deo offeruntur; est oblatio, sive munus, donum, quæ Deo offeruntur. Unde dicitur in Canone Missæ: HÆC DONA, HÆC MUNERA. Si verò respicias terminum ad quem, videlicet corpus & sanguinem Christi, in quæ panis & vinum transsubstantur; est propriè dictum Sacrificium, & vero nomine

propitiatorium; quia offertur is, qui est propitiatio pro peccatis nostris. Si verò loquimur generaliter de Sacrificio, quatenus id dicitur sacrificium, quod fit ut sancta societas inhaereatur Deo: sic respiciendo ipsam actionem, etiam verè dicitur generali ratione sacrificium, quia est opus ad honorem Dei factum, ut ei sancta societas inhaereatur.

circa Ar-  
tic. 31. 32.  
67.

De Charitate: an possit consistere cum peccato mortali. Dicit M. N. Michael Bay hic erratum esse in modo loquendi scholæ. Quod in Catechumenis fit bona voluntas, dilectio, amor, apud omnes est extra controversiam. Sed difficultas ex eo nascitur quod non distinxerim inter bonam voluntatem, & charitatem, secundum consuetum modum loquendi scholæ. Charitas enim à schola non aliter accipitur, quam quomodo Paulus accipit 1. ad Timoth. 1. Charitas de corde puro &c. hoc est, de charitate perfecta, quæ est actus vel habitus, quem operatur Spiritus inhabitans & propitiatus. Et talis charitas non est in eis qui nondum habent remissionem peccatorum. Habent quidem dilectionem, quæ incipiunt Deum amare, ut loquitur Concilium Tridentinum; habent bonam voluntatem, amorem & inchoatam charitatem, licet nondum perfectam. Augustinus quoddam in loco inter ista non distinguit, sed dicit bonam voluntatem, dilectionem, amorem & charitatem in Scripturis indifferenter accipi. Peccatum est igitur in eo quod secutus Augustinum non servaverit consuetum usum loquendi scholæ. Sic responsum est tribus istis articulis: homo existens in peccato mortali &c. art. 67. Charitas perfecta &c. artic. 32. & Catechumenus justè, rectè, &c. artic. 33.

Artic. 12.

Pelagii sententia est; opus bonum citra gratiam adoptionis factum, non est regni cælestis meritorium. Dicit Michael Bay se semel tantum, ut putat, id dixisse esse Pelagianum, aut sententiam Pelagii. Et dixit hoc non quasi velit dicere hoc esse hæreticum, sicut Collectores hoc forsitan intelligunt. Sed dicit quod Pelagius istud senserit, non quod in eo malè senserit. Sicut Augustinus contra Julianum, ubi agit de multiplici sanctificatione, tractans illud Apostoli 1. Corinth. 7. NUNC AUTEM FILII VESTRI SANCTI SUNT, citat unum commentarium ex sensu quem habet Pelagius, qui tamen verus & bonus est, non sic intelligens: hoc est Pelagii: id est hæreticum; sed, Pelagius sic sentit. Hoc igitur non est benè intellectum, vel est nimis odiosè & dure dictum.

Artic. 19.

Opera quæ Christus fecit non habere majorem valorem ex dignitate Christi operantis.

Dicit hoc falsum esse, & rectè damnatum: & se semper docuisse opera bona quæ Christus fecit, ex dignitate tantæ personæ infiniti esse valoris.

Art. 30.

Non solum fures &c. hoc verum est: sed additur aliquid quod debet adjectum esse: nec in suo libro inveniri; videlicet quod liberum arbitrium absque Dei adjutorio non valeat ad resistendum ulli tentationi, sic ut in eam non inducatur vel ab ea superetur. Hoc falsum est, quia liberum arbitrium absque gratia Christi potest alicui tentationi resistere. Nam possumus superare tentationem libidinis per agriculturam, vel per ambitionem, videlicet, unum vitium per aliud; aut per aliquod aliud opus naturale: sicut dicit Augustinus l. 21. de Civit. Dei c. 16. occultis vitiis sepe apertè vinci & superari.

Altero die, videlicet decimo nono Aprilis: Absolvamus, inquit M. N. Michael Bay, quod restat. Si quam unquam habuimus inter nos turbationem, curavi



curavi quantum potui ne veniret in publicum: quia vitiosum est quod de Herode in Evangelio dicitur: *turbatus est Rex & omnis Ierosolyma cum eo: & nisi, ut dixi, quibusdam visum fuisset expedire ea de re non nihil dicere, maluisssem cum mei nominis honore tacere.*

Math. 23

Articuli qui sequuntur sunt ferè omnes falsi, & rectè damnantur; sed ad me non pertinent.

*Definitiva hæc sententia: Deum homini nihil impossibile præcepisse falsò tribuitur Augustino, cum Pelagii sit. Artic. 52. 53. Per illud conabatur Pelagiusexcludere peccatum originale: & in eo sententia optimè damnatur.*

Art. 52.

*Deus non potuisset ab initio talem creare hominem, qualis nunc nascitur: est absolutè falsum: sed potest dici quòd si talem creasset, non creasset peccatorem; quia talis fuisset ex Dei ordinatione. Quòd autem nunc tales sumus, nobis imputatur rectè in peccatum, quia contra ejus ordinationem tales sumus. Sicuti si cui Deus ordinasset habere plures uxores, non esset illi peccatum; si tamen alius sine speciali dispensatione contra ejus ordinationem vellet etiam plures habere, sine dubio peccaret.*

Artic. 55.

*Peccator penitens non vivificatur ministerio Sacerdotis absolventis, sed à solo Deo. . . ministerio autem Sacerdotis solus reatus tollitur. Item:*

Art. 55.

*Denique & illa distinctio duplicis vivificationis &c.*

Optimè hæc damnantur: estque bona distinctio, atque in Scripturis sacris satis fundata. Prima vivificatio est, quando cor immutatur. Sic dicit Augustinus: *qui peccata confitetur, vivit: littera occidit, spiritus vivificat:* quia littera non facit legi obedire, quod facit Spiritus. Altera vivificatio est, quam operatur vel baptismus, vel absolutio. Etiam addi potest & tertia vivificatio, de qua dicitur: *vivificabit mortalia corpora nostra propter inhabitantem spiritum.* Tertio die vivificabit: ut in Adam omnes moriuntur, ita in Christo omnes vivificantur, videlicet in extremo judicio.

2. Cor. 5.

6. Gal. 3.

21.

Rom. 8.

11.

Ozeæ 6.3.

1. Cor.

15. 22.

Artic. 60.

*Similiter & illa distinctio duplicis justitiæ &c. est optima; & idèd qui improbant illam, rectè damnantur: quia apertè repugnant Augustino, epistola 105. vel 106.*

*Non nisi Pelagiano errore admitti potest usus aliquis liberi arbitrii bonus, sive non malus, &c. Illam quæstionem solvit eleganter Cælestinus Papa in epistola ad Episcopos Galliæ c. 7. Infidelitas purè negativa in his quibus Christus non est prædicatus, peccatum est: falsum est, & est contra Evangelium: si non venissem, peccatum non haberent. Sed est illis peccatum, quòd non credunt in unum Deum creatorem cœli & terræ; cum illis hoc tota mundi fabrica prædicet & doceat.*

Art. 62.

Artic. 65.

*Justificatio impij fit formaliter per obedientiam legis, non autem per occultam communicationem & inspirationem gratiæ, &c. utrumque est: & spiritus inhabitans, per quem primò fit justus in habitu: deinde opera bona requiruntur, per quæ fit bonus in actu.*

Artic. 66.

*Homo existens in peccato mortali sive in reatu æternæ damnationis potest habere verum charitatem: & charitas etiam perfectà potest consistere cum reatu æternæ damnationis: falsum est, & contra Scripturam. Perfecta charitas foras mittit timorem; qui autem est in reatu, non potest non timere.*

Artic. 67.

Art. 73. *Quandū aliquid concupiscentia carnalis in diligente est, non facit præceptum: diliges Dominum deum tuum ex toto corde tuo. Absolutè falsum est. Si diceretur, non facit totum quodd in præcepto est; verum dixisset: sed non propterea dici potest: non facit mandatum.*

Art. 75. *Immortalitas primi hominis &c. fuit magna gratia, sed non per Christum facta.*

Art. 76. *Falsa est Doctorum sententia: primum hominem potuisse à Deo creari vel institui sine iustitia naturali. Multum laboravi priusquam intelligerem quid sibi hæc sententia velit. Thomas dicit: in prima gratia: sed illa distinguitur à iustitia naturali. Disputare autem de Dei potentia, non est utile: nam potuisset Deus creare hominem stupidum sine iustitia.*

Hactenus de Articulorum declaratione. Insuper adjecit *M. N. Michael Bay* & hæc sequentia.

*Fateor se aliquando disputasse in alteram partem certè definitam; & insuetas difficultates aliquando tractasse, & contra consuetum modum & usum loquendi scholæ loquutum. Et dolet se hoc fecisse; & si servisses per hoc aliquem turbatum aut offensus iri, abstinuisset: sicut nunc edoctus facturus est.*

*Reliquos articulos dicit vel non esse suos, vel malè collectos, vel non esse eo sensu intellectos, quem ipse intendit. Malè autem ipsum habebat primò quodd multi Articuli, videlicet circa quadraginta, (præter malè collectos) ipsi imputarentur, de quibus ne cogitaverit unquam. Secundò quodd multi sibi persuaderent omnes istos articulos, qui in hac Pii V. Bulla damnantur, esse falsos & hæreticos: quum aliqui falsi esse non possint; sed damnentur tantum quia offensivi sunt & scandalosi seu odiosi, ut in Bulla dicitur: sic enim habet: DAMNANTUR TANQUAM RESPECTIVE ERRONEI, HÆRETICI, SCANDALOSI, VEL PIARUM AURIUM OFFENSIVI; QUANQUAM NONNULLI SINT, QUI JUXTA SENSUM AB ASSERTORIBUS INTENTUM VERI SINT: &c. Et dixit mihi, inquit ipse, Reverendissimus Buscoducensis Episcopus Sonnius, qui eo tempore erat Romæ quando catalogus librorum prohibitorum colligeretur, multos libros ob hoc prohiberi & damnari, non quia hæretici, sed quia propter aliquam novitatem offensivi & scandalosi. Sicut solet alicubi moris esse, ut publicè in templo disputaretur aliqua quæstio in concione; quod ne rei novitate turbaretur populus, Romæ prohibitum est in ordinationibus. Item dicit Michael Bay; si quadam non satis rectè explicuerit, aut nimis obscure, propterea non infimulandum hæreseos: quia aliud est ignorare, aliud hæreticum esse. Sicut quidam eum malè intellexerat; postquam verò ei sententiam suam explicuisset, consensus ille, & falsus est se antea nunquam eum intellexisse, precatusque est veniam, si quid durius aliquando in eum dixisset: cujus testimonium dixit se adhuc domi in scripto habere.*

*Hæc, inquit M. N. M. Bay, est mea apud vos excusatio; si tamen excusatione sit opus; quam puto sufficere. Hanc mecum feram non solum in charta; sed etiam coram iudice Deo in memoria mea. (Hæc ait modestè:) Vivamus in pace, & abstinemus ab his quæ vel nos vel alios perturbare possint. Dixit.*

## D E C R E T U M R. P.

J U L I A N I D E Q U E R C U

M I N I S T R I F F. M I N O R U M

P R O V I N C I Æ F L A N D R I Æ P R O C E N S U R I S

S S. D. N. P I I. V.

I N Q U O S D A M A R T I C U L O S.

V E N E R A B I L E S P A T R E S E T F R A T R E S,

*Gratia vobis & pax à Deo patre per Jesum Christum Dominum nostrum.*

**C**Um mihi ex pastoralis officio necessitas incumbat vigilandi super gregem meum & vineam in solo Flandriæ plantatam, mihi ad custodiam commissam, ne vulpeculæ eam demoliantur, visitandi; quod personaliter propter novas & urgentes causas quotidie accidentes non possum, per litteras facere contendo. Porro cum nuper emanaverint in septuaginta quinque articulos certæ Censuræ S S. D. Pii Papæ V. licet in Comitibus Nivellensibus ann. 1568. Patres illos Articulos abjuraverint pro se & pro tota Provincia; judicavimus necessarium eosdem Articulos cum suis Censuris ad vos mittere, ut iterum vestrum quilibet eos abjuret. Itaque tam Sacerdotibus & Clericis, quàm Laicis, Capitulariter congregatis, legantur præfati Articuli cum suis Censuris, quibus lectis pater Guardianus (postquam prior ipse abjuraverit) jubebit ut quilibet publice & altâ voce abjuret, promittatque traditurum ante viginti quatuor horas post abjuratorem factam, omnia scripta, si quæ penes se vel alibi habeant, M. Michaelis Baii, nullam denique se facturum querelam propter defensionem dictorum Articulorum, aut eorum qui eos quandoque docuerunt aut defenserunt; sed operam daturum paci provinciae, quæ aliquoties turbata fuit propter illam doctrinam. Et postquam singuli abjuraverint & hæc promiserint, Guardianus conficiet litteras hæc & singula omnia continentes, quas muniet sigillo Conventus & syngraphâ suâ cum annotatione anni, mensis, & diei: Sicque clausas tradet nobis quò citius poterit omni fraude seclusâ. Necessum autem fuerit ut sibi quisque prospiciat, ne post hæc acta ullo modo recidat in illam doctrinam, aut in aliquem ejus articulum: haberetur enim pro relapso, & dignus esset panis juris & in

Bulla SS. D. contentis, quæ tales sunt ut propter crimen hæresis mereatur proijci ab Ordine omni Ecclesiastico præsidio spoliatus, & tradi Justitiæ sæculari multandus extremo supplicio. Et quoniam non solum is qui recidit in doctrinam damnatam & abjuratam; sed etiam qui favet personæ hæreticæ, eam recipiendo, mittendo munera, defendendo quomodo libet, singularem amicitiam ostendendo, censetur esse relapsus; vigilandum erit ne quid horum per vos vel per aliquem vestrum committatur: ne, quod absit, in notam relapsus veniatis. Ad hoc enim laboramus ut restituamus Provinciam in eo statu, in quo erat ante has doctrinas in eam introductas, & vos & singulos vestrum servemus integros in Ecclesia & Ordine nostro, absque ulla hæreseos aut peregrinæ doctrinæ suspitione, ut liberi ac liberati omni tali sorde serviatis Domino Deo in unitate fidei, & spiritus libertate. Lectis bis Litteris curabit Pater Guardianus eas remittere ad proximi Conventus nostræ Provinciæ Guardianum, ut etiam faciat respectivè quæ hic intendo. Et quia sorores habent etiam propter hanc doctrinam aut eos qui eam tenuerunt, inter se nonnullas etiam graves querelas; Guardianus exponet illis harum tenorem, & præcipiet omnium querelarum propter huiusmodi doctrinas aut personas abjuratorem, sub gravissimis pœnis etiam usque ad relapsus, si iterum incipiant ejusmodi contentiones sive querelas movere, ut in pace possint servire Deo juxta quod illi promiserunt. Datum Nivellæ sub mei Officii sigillo, meoque syngrapho Anno 1569. mensis septembris die primo.



MARTINI RYTHOVII  
 IPRENSIS EPISCOPI,  
 ET  
 CORNELII JANSENII  
 EPISCOPI GANDENSIS  
 LITTERÆ FACULTATI  
 THEOLOGICÆ LOVANIENSI,  
 PRO SUBSCRIPTIONE  
 BULLÆ P-II V.

*hæc Jansenius  
 inedita.*

EXIMII DOMINI, & colendissimi magistri Nostri.

**L**itteris suis nobis exposuit D. Vicarius Morillanius quod apud Vestras Dominationes accusetur, ut qui privato facto suo alienum nomen prætexere voluerit, dum nuper tanquam ex Commissione eorum Patrum, qui Mechlinia Provincialis Concilii causâ congregati erant, in scholis Theologicis publicationem fecit ejus Rescripti Apostolici, quod de quibusdam propositionibus ad se missum acceperat; à qua suspitione vehementer liberari cupit. Nos verò ingenuè fatemur hanc Commissionem ei datam fuisse, tum ut fidem nostram liberaremus apud Ducem Albanum, cui id ante menses aliquot promiseramus; tum etiam quod res antea quidem solis Magistris Facultatis Sacra Theologia indicata, & ut tum sperabatur, silentio premissa, jam longè latèque innotuisset, & non pauci obloquerentur & agrè ferrent non proponi publicè quod omnes ex æquo concerneret, quodque Censurarum comminationem conjunctam haberet. Unde nobis videbatur occultatio ultra cætera incommoda etiam Facultati indignationem & mali nominis periculum allatura. Approbationem autem & subscriptionem existimamus nihil difficultatis habituram esse. Nam cum solenne sit Sacra Theologia Professoribus in omni resolutione difficiliori promittere apertam protestationem obedientiam erga eos quorum est errantes in viam

veritatis reducere; quid promptius erat, quàm ut Summi Pontificis etiam iteratæ definitioni acquiesceretur: præsertim dum satis constaret eos qui occasionem quarere dicuntur, dilationem interpretaturos esse recusationem, & inde traducendimajorem occasionem accepturos. Accedit quòd cum Eximio D. M. N. Michaeli seniori Facultatis hæc tota res antea fuit communicata, & inde relata ad Suam Excellentiam, cui sic placuit, ut conceptam indignationem pro maxima parte ei exemeris, placuit & præfidi Viglio. Patribus autem quorum consilio Lovanium veneramus, imprimis verò Reverendissimis Dominis, Archiepiscopo Comeracensi, piæ mem., & Episcopo Atrebatensi, usque aded grata fuit, ut nos optimam operam navasse testarentur. Quod igitur tanto applausu ab omnibus probatum fuit, nescio an sine gravi causa posset omitti. Dominus Morillonius scribit quosdam esse, qui ex subscriptione æstimant relapsus insidias alicui strui posse, & ob id tardiores esse ad subscribendum. Nos verò ne lapsum quidem agnoscendum jam putamus si bonâ fide probetur, & in signum candidioris mentis, etiam subscriptione corroboratur decisio Sæ Sanctitatis, ad cujus sententiam & definitionem ex more Lovaniensis scholæ semper omnia referunt. Proinde nisi aliis & gravioribus de causis Dominationes Vestræ moveantur, rogamus ut quod tantorum virorum judicio adlopiendam odiosissimam causam visum fuit utilissimum, & tam concorditer decretum non differatur propter vanum metum: nostraque monitio ex candore animi & sincero affectu procedens boni consulatur. Benignissimus Deus Vestras Dominationes conservet nostri memores. De-  
semb. vigesima tertia: 1570.

Vestris Dominationibus

Addictissimi

MARTINUS RYTHOVIUS.  
CORNELIUS JANSENIUS.

# B U L L A

## G R E G O R I I XIII.

In qua declarat se Pii V. Bullam in ejus Registro reperisse, ac præcipit ut exemplo quod huic inserit, fides integra habeatur.

**G**REGORIUS EPISCOPUS, Servus Servorum Dei, ad futuram rei memoriam. Provisionis nostræ debet provenire subsidio, ut ea quæ à Prædecessoribus nostris emanarunt, suadente maxime fidei catholicae conservatione, ubicunque ipsis opus est, producantur. Quare Nos tenorem Litterarum felic. Record. Pii PP. V. prædecessoris nostri in ejus Registro repertum describi, & præsentibus annotari fecimus, qui talis est.

Pius Episcopus, servus servorum Dei, ad futuram rei memoriam. Ex omnibus afflictionibus &c. ut supra eam retulimus. Cæterum volumus ut earundem Litterarum tenori sic inserto illa ipsa omnino fides adhibeatur ubicunque & quando-  
cunque sive in judicio sive alibi ille fuerit exhibitus vel ostensus, sicut illius originalibus Litteris prædictis adhiberetur, si ipsæ exhiberentur vel ostenderentur. Nulli ergo omnino hominum liceat hanc paginam nostræ voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei ac Beatorum Petri & Pauli Apostolorum ejus se noverit incursurum. Datum Romæ apud Sanctum Petrum, anno Incarnationis Dominicæ millesimo quingentesimo septuagesimo nono, quarto Kal. Februarii: Pontificatus nostri anno octavo. Sic Subscriptum: JOANNES BAPTISTA CANOBIUS. In plica scriptum fuit: A. de Alexiis. In dorso verò: Rota apud M. Datar.

# CONFESSIO

## MICHAELIS BAI.

**E**GO MICHAEL DE BAY, Cancellarius Universitatis Lovanien-  
sis, & in eadem professor Sacrae Theologiae, agnosco & profiteor  
me ex variis colloquiis & communicationibus habitis cum R. P. D.  
Francisco Toletio, Concionatore Suae Sanctitatis, & ad hanc rem specia-  
liter misso, super diversis sententiis & propositionibus jam olim à Sanctis-  
simo D. N. Pio V. foel. record. sub data Kal. Octobris 1567. & nuper à  
Gregorio XIII. moderno Pontifice Max. sub data quarto Kal. Februarii,  
anno 1579. iteratò damnatis & prohibitis, ita motum & cò perductum esse  
ut planè habeam mihi persuasum earum omnium sententiarum damnationem  
atque prohibitionem jure meritòque, ac non nisi maturo judicio, ac diligen-  
tissimà discussione praemissis factam atque decretam esse. Fateor insuper plu-  
rimas ex iisdem sententiis in nonnullis libellis à me olim & ante emanatam Sedis  
Apostolicae super eis censuram, conscriptis & in lucem editis contineri &  
defendi, etiam in eo sensu in quo reprobantur. Denique declaro me im-  
praesentiarum ab iis omnibus recedere, & damnationi à Sancta Sede factae  
acquiescere, neque posthac ullam earum docere aut defendere velle. Actum  
Lovanii die 24. Martii, anno 1580.

MICHAEL DE BAY.



# A B R T E S V I E

## G R E G O R I I XIII.

DILECTO Filio Michaeli Baio, Cancellario Universitatis Lovaniensis, & in eadem Sacra Theologiae professori;

**D**ILECTE FILI, Salutem & Apostolicam Benedictionem. Mittimus exemplum publicam Litterarum sanctae memoriae Pii V. quas tu per litteras tuas per dilectum filium Franciscum Toletum postulasti. Quicquid autem acciderit in quo possimus tuae charitati gratificari, nunquam commitemus ut ullum à nobis amantissimi parentis munus desiderari possit, hocque certum te habere volumus. Te quoque vicissim tuae pietati optimique filii officio summaeque bonorum omnium expectationi omnibus in rebus cumulatissime satisfacturum esse persuasum habemus. Quo nomine omnem tibi à Domino Deo nostro tam in hac tum in futura vita felicitatem precamur. Datum Romae apud S. Petrum, sub annulo Piscatoris, die 15. Junii, anno 1580. Pontificatus nostri anno nono. Subscriptum erat: ANTONIUS BUCAPADULIUS.

## E P I S T O L A

D. in S. T.

L I C E N T I A T I

FRANCISCO SONNIO

E P I S C O P O

SYLVÆ-DUCENSI:

S E U

NARRATIO EPISTOLARIS eorum quæ Lovanii  
contigerant circa Articulos M. N. Michaeli Baio  
impositos, & à Pio V. damnatos, eo præsertim  
tempore quo R. P. Franciscus Toletus ex com-  
missione Apostolica ad Facultatem Sacræ Theo-  
logiæ destinatus, Breve quoddam (Bullam)  
Gregorii XIII. publicavit 21. Martii anni 1580.

Ex Ms. L.  
primum  
edita.

**I**Terata ista articulorum Domino Cancellario impositorum condemnatio, R. D. per  
quosdam Facultatis Theologicæ Magistros & intercessione summorum aliquot vi-  
rorum apud Romanum Pontificem procurata est; idque ex ea potissimum occasio-  
ne quod D. Cancellarius post priorem quæ à Pio V. facta fuerat condemnationem,  
inter disputandum in scholis ea nonnunquam objecerit argumenta quibus plerique arti-  
culi olim ab ipso asserti ac docti statui viderentur, & opposita aliorum sententiæ in  
omnium Academiarum scholis receptæ convelli ac dilui: quod tamen si credibile videre-  
tur illud non eo fecisse animo ac studio, ut reprobatos ab Apostolica sede articulos as-  
sereret aut doceret, sic enim Censuram Bullæ Pontificiæ jam pridem & frequenter  
incurrisset; sed ut rei veritas argumentorum inter se collisione & dissolutione innot-  
esceret, uti fieri solet in illis etiam nostræ Religionis controversiis quæ inter Catholicos

& Hæreticos disputantur; secus tamen ab iis hoc est acceptam, qui apud Pontificem illum deferri curaverunt & tanquam in pristinis relapsum errores accusaverunt. Itaque res educta est, ut sua Sanctitas cum ea de re litteras quoque à Regia Majestate accepisset, R. P. Franciscum Toletum, sumum Ecclesiastem, qui inter alios ad Articulorum istorum examen atque judicium adhibitus fuerat, ad Academiam hanc nostram destinaveris eâ potissimum de causâ, ut in Facultate sacre Theologiae Gregorianæ Bullam, cui Pii V. Bulla ad verbum inserta est, & quam confirmat, publicaret. Quâ publicatione vigesimo primo mensis Martii coram toto Auditorio factâ, ad D. Cancellarium, & deinde ad reliquos Magistros, Licentiatos & Auditores comitatus, quærebatur ab iis num lectos in Bulla Articulos condemnarent; quibus omnibus anuuntibus, & schola discessum est. Et quamquam res ista cum multis privatis accusationibus & calumniis, quæ à Commissario Apostolico jam satis innotuerunt atque detectæ sunt, D. Cancellarii animum non parum affligeret; nihilominus tantâ ille fortitudine, tantâque modestiâ hæc omnia devoravit, ut dictus Apostolicus Commissarius diceret se hæc viri istius modestiâ, humilitate & mansuetudine plurimum edificatum & recreatum fuisse; hæc etiam adjiciens, quod quantum in se esset, honorem ipsius, quem alii labefactare conati fuerant apud Ro. Pontificem, esset reparaturus. Adjecit quoque Pontificem mox Regi Hispaniarum rescripturum esse. Porro inter alia colloquia quæ D. Cancellarius cum Apostolico Commissario interceperunt, hæc etiam objecta sunt, quod adversarii D. Cancellarii dicerent, cum privatim discipulos suos istis opinionibus imbueret. At Cancellarius respondit: isti sunt testes dormientes quales erant custodes Dominiæ Sepulchri. Audias si places sub juramento eos qui supersunt discipulos, & qui hæc dicunt, se merelapsum esse probari posse suggerunt, ponant rem in judicio. Ex eo non mihi sum conscius: quod si me convincant, paratus sum omnem penam subire. Et ut Goudanus vel Gravius, quos hæc suggestisse puto, incipiant injure agere, rogo, rem etiam mihi pergratam facturi sunt qui apud Judicem me urgebunt. Mihi præterea per D. Commissarium ad Pontificem litteras D. Cancellarius, in quibus inter alia ita scribit: [ Possent Vestra Beatitudinî exponere quantas & quàm iniquas calumnias duodecim abhinc annis occasione horum Articulorum passus sum: sed ad patriam properanti, ubi omnia clara & manifesta erunt, alia cogitanda videntur. ] Et in calce earundem litterarum, se suæque omnia Sanctæ Sedi Apostolicæ commisit & subjecit. Quod verò ad libellos olim à D. Cancellario editor attinet, declaravit D. Commissarius illorum lectionem non esse interdictam, quæ etiam adversariorum fuerat sententia. Mihi verò, ut ingenuè loquar, etsi judicium mihi nolim de Præceptoribus aut Majoribus meis distrahere, nimis intempestiva fuisse videtur Bullæ istius imputatio, hoc præsertim rerum nostrarum statu, tum quod magnam hinc veteret ansam fuisse datam luxuriæ violatæque inter Theologos nostros si non prorsus extincta charitatis: tum etiam quod metuendum valde sit quod hi qui in fide sunt infirmi, & Religionis nostræ adversarii, ex ista publicatione, & veteris dissidii renovatione, sacra Theologia professionem elevare studebunt. Non velim etiam illud R. Gratiam Tuam lastere, non omnes qui in Bulla continentur articulos à D. Cancellario assertos ac doctos fuisse, tamen si per calumniam hoc ei adversarii imputant; nam ipse ante complures annos, quorundam hujus Provinciæ Episcoporum hortatu in schola publica, me audiens, Articulos omnes recensuit, & plures inter illos fuisse pronuntiavit hæreticos, pestilentes, falsos & quos ipse nunquam opinatus

fuerat. Accedit quòd in Bulla articuli isti tanquam heretici, scandalosi, & pia-  
 rum aurium offensivi, sed respectivè tantum, damnantur: quòdque sicut Bulla lo-  
 quitur, PLERIQUE ILLORUM IN RIGORE VERBORUM, ET JUXTA SEN-  
 SUM AB AUTORIBUS INTENTUM, VERI SUNT; nec prohibitum sit propter  
 istam respectivam damnationem quosdam ex illis veros esse existimare & credere:  
 sed tantum propter offensam docere, scribere vel disputare: sic enim Bulla loquitur.  
 Ideoque maluissimè in iterata ista prohibitione, maturiori judicio veros à falsis as-  
 que hereticis selectos & discretos fuisse, sublata istà respectivà, & nimis, ut ap-  
 paret, confusà anathematizatione. Hæc ego candidè & libere pro meo more ad  
 Tuam Gratiam scribenda esse duxi, non quòd articulorum istorum, qui mihi nun-  
 quam probati fuerunt, aut Domini Cancellarii patrocinium suscipere velim; sed ut  
 veritate intellectà & habità eà oportunitate eadem R. Gratia Tua aliquando des  
 operam ut discordes isti dissidentesque Articuli inter se conciliantur & ad amicam con-  
 cordiam revocentur: tum etiam ut ex tua testificatione intelligant alii viri boni &  
 Christiana pacis & concordie studiosi Bullam istam non tantum editam fuisse adver-  
 sus D. Cancellarii opinionem, sed contra Ariminensem & quosdam Scholasticos, apud  
 quos plerique istorum articulorum ita tractati & disputati inveniuntur. Præterea  
 adversus quosdam qui Cancellarii scripta malè intellexerant, & contra Gosvorum  
 de justitia scribentem, & similes scriptores. Deum enim mihi testis est, me nihil ita  
 ex animo optare atque ut infirmis & fidei hostibus hoc præsertim infelici sæculo om-  
 nis calumniandi via præcludatur; & inter Catholicos omnes, maxime verò inter  
 Theologos, charitas illibata atque illasa servetur. De Oratio non est opus multa  
 scribere; non enim dubito quin R. Gratia Tua scriptum illud vidis quòd adversus  
 Cancellarium Colonie excusum in lucem emissis, quin illud cum D. Commissario Apo-  
 stolico & Doctoribus, editione & scriptione indignum judicet. Bene vale. Lovanii,  
 mense Aprili anni 1580.



NARRATIO  
BREVIS VERBORUM  
QUÆ  
LOVANIÏ IN SCHOLA  
S. THEOLOGIÆ INTERCESSERUNT  
INTER MAGISTROS  
NOSTROS  
MICHAELEM  
ET GOUDANUM: 12.  
NOVEMBRIS 1580.

Ex Mss.  
L. pri-  
mum edi-  
ta.

**D**isputatio erat de meritis operum, cujus disputationis Præses erat Dominus Michael. Et primæ Conclusionis initium istud: JUDÆI IGITUR LEGE ET ORDINATIONE DEI &c. Argumentans verò tertiæ Conclusionis partem istam impugnabat: QUAM ILLI QUI CREDUNT &c. Cui argumento cū D. Michael respondisset in hæc verba: CREATUS EST HOMO UT BONA OPERA FACIAT, QUEMADMODUM AVIS UT VOLET: ET SICUT AVIS VOLARE NON POTEST FRACTIS ALIS, ITA NEC HOMO BENE OPERARI POTEST CONFRACTIS VIRIBUS: subjecit Goudanus istam interrogationem: Anigitur quemadmodum avi volatus, ita justitia primo homini fuerat naturalis? Ad quam interrogationem si affirmativè respondisset, in articulum per Bullam Pii V. condemnatum impigisset, cum scilicet qui primo homini justitiam asserit fuisse naturalem. Cujus rei periculum simul & interrogantis intentionem & studium persentiscens Dominus Michael respondit se hoc non dicere, sed tantum in eo similitudinem statuere, quòd quemadmodum avis fractis alis volare non potest, ita nec homo destitutus Spiritu Sancto, qui & ei adinstar alarum est, & quo in sublime ferebatur, bene operari potest. Insiit ulterius D. Goudanus hisce ferè verbis: Dicitis in primo articulo tertiæ Conclusionis: EADEM LEGE ET ORDINATIONE &c. an ergo justitia & ejus meritum fuerunt homini naturalia in

primo statu? Cujus interrogationis hæc videtur fuisse causa, quòd M. N. Michael ante publicatam Bullam dicere solitus fuerat, meritum primi hominis descendere ex lege naturali & non à gratiâ Dei ordinatione. Id quod etiam in dictis verbis 1. Conclusionis Michaelem latenter insinuare voluisse opinabatur Goudanus, cujus opinionem irrationabilem declarare volens, in hæc verba interrogavit Magnificus D. Rector Joannes Lensæus Belliolanus: SEQUITUR BENE, EADEM LEGE: ERGO NATURALI? NUNQUID ENIM RECTE DICERETUR: EADEM LEGE, QUIA SICUT TUNC LEX MERITI GRATUITA DEI ORDINATIONE CONSTITUTA FUIT, ITA ET NUNC INCONVULSA PERSISTIT? Sed ab ipsis inter se altercantibus D. Rector auditus non fuit: Ad instantiam verò D. Goudani Respondit Michael ipse, de Responsali more scholæ loquens, non respondebunt tibi, quia timent sibi ab insidiis. Respondit Goudanus: si dicas veritatem, non est tibi periculum ab insidiis. Tum Michael: qui multa expertus est, meritò timet & cavet. Ad quæ Goudanus: non oportet hoc solemne auditorium celare veritatem. Contra Michael: vos estis Magistri nostri, Doce tu; non enim tenetur Responsali ad quævis interrogata respondere, sed ad ea tantum quæ ad præsentem positionem pertinent. Ipsa autem interrogatio est extranea positioni & captiosa, quæ trahit eum ad illud dicendum quod non vult dicere. Si tu esses tam diligens in docendo, quàm es in carpendo, melius faceres. Ordinatio Facultatis habet, quòd quando occasio harum controversiarum in disputatione sese offert, omnino taceatur de iis, & ad alia transferatur. Ad hæc Goudanus: cum venia, Domine Magister noster, ordinatio Facultatis habet ut veritas explicetur. Subjecit Michael: scilicet veritas, quam vos præscribetis. Ac deinde ad alia transitum est. In quibus verbis Magistrum nostrum Michaelem nihil contra Bullam Pii V. deliquisse manifestum est consideranti Bullam ante in ea contentorum scriptionem, prælectionem, ac disputationem, tantummodo prohibere & non ad contrariorum articulorum assertionem adigere. Spectabat autem prædicta Goudani interrogatio non ut D. Michael ab articuli damnati, de quo quæstio erat, assertionem supersederet, quod solum Bulla requirit; sed ut contrarium assereret, ad quod Bulla non adstringit. Nec solum in hac disputatione Magistri N. Goudani, & alterius cujusdam Magistri nostri eò contendit studium. Id ipsum enim per artes ab Apostolica Sedis Commissario qui fuit, obtinere conatus fuit, sicut & librorum ejus condemnationem seu prohibitionem: sed ille pro sua modestia commissionis suæ limites excedere nolens, solo M. N. Michaelis in posterum promisso silentio contentus & gavius fuit.

# EXACTIS

## UNIVERSITATIS

# LOVANIENSIS

ANNO 1585. IN NOVEMBRI,

jam pri-  
mum edi-  
tum.

**L**ovanium hoc anno 1585. venit Reverendissimus ac Illustrissimus Vercellensis Episcopus Sedis Apost. Nancius, qui & scholæ nostræ disputationes suâ presentia honorare dignatus est, & Præsidentem earundem disputationum cum plerisque Magistris ac Professoribus ad prandium secum abduxit. Post disputationem sub mensis hujus Novembris finem in scholis Theologorum habitam, retulit Decanus (Henricus Gravius) vocatum se ab Archiepiscopo Mechliniensi, qui ei declaravit à Nuncio Apostolico mandatum se accepisse ut Theologicæ facultati per ejus Decanum proponendum & insinuandum curaret, quomodo pro Officii sui ratione & singulari erga ipsam affectu totus in hoc incumbat, ut extinctis atque abolitis damnatis à Pio V. nuper opinionibus, certa stabilisque pax & concordia inter scholæ tum professores tum auditores coalescat & confirmetur: Videri autem sibi fieri non posse, nisi unius ejusdemque doctrinæ consensione, neque etiam ad solidam perpetuamque satis esse pacem, si à damnatis sententiis concorditer abstinere, sed opus præterea esse, ut de certa aliqua doctrinâ ratione in commune conveniat, quæ ex adverso tenenda & reprobata opponenda sit. Quare petere se uti brevem aliquam hujusmodi doctrinæ formulam seu explicationem concipere velint, quam eis suprà dictorum Articulorum damnatio (salvo semper Apostolicæ Sedis judicio) postulare videatur. Daturum se operam ut eam Ro. Pontifex cognoscendam suscipiat, & approbatam aut sicuti videbitur limatam, tenendam hic omnibus suâ autoritate proponat atque confirmet. Quâ Decani relatione auditâ, judicaverunt Domini negotium hoc uni alicui committendum esse, qui ejusmodi formulam conciperet ac reliquis deinde Facultatis Magistris communicet, censuram judiciumque singulis suum, si quid fortè addendum, demendum, mutandumve existimarent, scripto comprehensuris, ut ex communi tandem sententia placitoque concepta doctrinâ petitiæ formula Archiepiscopo Mechliniensi ac per illum Nuncio Apostolico tradatur.

Rogatus autem à Dominis M. N. Lensæus est, ut id operæ suscipere dignaretur, qui pressus tandem se facturum promisit; ac intra dies paucos confectum reddidit:

*didit: Moxque Decanus quod ab eo scriptum acceperat in plura exemplaria diffundi  
jussum, singulis Dominis communicavit, censuram eorum judiciumque deposcens. Ve-  
rum supervenientibus variis diversisque impedimentis res ea longius protracta est;  
nec sub hoc Decanatu absolvi potuit; quare eam ad successorem suum præsens De-  
canus perficiendam transmittere coactus est.*

---

E X T R A C T U M  
E X  
A C T I S D E C A N A T U S  
D O M I N I W A L L I I.

*S*tatim in initio concepta est doctrina forma per D. M. N. Balliolanum (id est  
Lenseum) communi ceterorum Magistrorum ad hoc requisitorum judicio probata  
est, & ad manus Illustriss. Nuncii Apostolici tradita.



D O C T R I N Æ  
E J U S Q U A M  
-CERTORUM ARTICULORUM  
DAMNATIO POSTULARE  
V I S A E S T.

Brevis & quoad fieri potuit ordinata & cohærens explicatio, à Veneranda facultate sacræ Theologiæ in Lovaniensi Academia, Reverendissimi Illustrissimique D. Johannis Bonhomi, Vercellensis Episcopi, & Apostolici per utramque Germaniam Nuncii voluntate ac jussu concepta.

P R Æ F A T I O.

**D**E consequentibus articulis quos (a) rectè atque ordine ab Apostolica sede damnatos esse non dubitamus, quid nobis videatur; quidque sentiendum arbitremur, brevi quadam explicatione demonstrandum esse censuimus, nostram interim sententiam atque judicium Sedis Apostolicæ censuræ, eâ quâ par est obedientiâ submittentes. (b) Si quis autem est qui doctrinæ hîc comprehensæ, vel uberiores explicationem, vel probationem (c) operosiores, locupletioresque desideret; aut majorem etiam in judicando severitatem, acrimoniamque in refellendo requirat: is cogitet non aliud nobis fuisse in hoc studio genere propositum, quàm ut Doctrinæ formula, quæ in hisce rebus Sedis Apostolicæ judicio congrueret, damnatisque sententiis ex adverso consisteret, proponeretur. Quam quidem formulam eò commodiorem aptioremque, quò brevior ac moderatior esset, futuram esse judicavimus.

(a) Al. rectè ac bono ordine.

(b) hæc omittuntur in Mf. D. L.  
(c) Al. ampliores.

(d) Al. judicabimus.

## ARTICULI DAMNATI.

1.  
7.

**N**Ec Angeli, nec primi hominis adhuc integri merita rectè vocantur gratia. Primi hominis integri merita, fuerunt primæ creationis munera; sed juxta modum loquendi Scripturæ Sacræ non rectè dicuntur gratia: quo fit ut tantum merita, non etiam gratia debeant nuncupari.

9.

Dona concessa homini integro & angelis, forsitan non improbandâ ratione possunt dici gratia; sed quia secundum usum Sacræ Scripturæ, nomine gratiæ ea tantum munera intelliguntur, quæ per Jesum Christum malè merentibus & indignis conferuntur; ideo neque merita, neque merces, quæ illis redditur, gratia dici debet.

## CAPUT PRIMUM.

lib. 12.  
de civi.  
Dei cap.  
9.

**D**Eclaramus igitur videri nobis, & angeli & primi hominis adhuc integri merita rectè gratiam vocari: ut quæ ab eâ gratiâ fluxerunt, in qua conditi erant, juxta nobilissimam illam D. Augustini sententiam, quâ Deum asserit in Angelis simul & naturam condidisse, & gratiam esse largitum. Eam porro gratiam in sancto amore, & divinitus per Spiritum Sanctum infusâ charitate præsentique Dei adjutorio positam interpretamur; sine qua gratia, neque hominis, neque Angeli eæ liberi arbitrii vires esse potuerunt, quibus beatificæ illius visionis Dei ullum meritum compararent: quoniam, ut ait (a) idem Augustinus, de primo etiam homine loquens, *liberum arbitrium ad malum sufficit, ad bonum autem parum est, nisi adjuvetur ab omnipotenti bono*; ideoque nec primum hominem sine sua gratia esse voluit, sine qua (b) (inquit) nec ullum meritum tunc esse potuisset. Quocirca primi hominis adhuc integri merita sic primæ creationis munera fuisse fatemur, ut non tantum merita, verum etiam gratiæ deberent nuncupari, idque eâ loquendi ratione & modo, qui non sit à divinis Litteris alienus: in quibus gratiæ vocabulo significatum esse (c) perspicitur gratuitum hoc munus, quod supra naturæ facultatem, nullius meriti præcedentis intuitu ad spiritualem hominum utilitatem datur. Unde & Christum secundum humanam naturam gratiâ plenum legimus, & in membris ejus divisiones gratiarum, unumque interim earum largitorem spiritum, qui dividit singulis prout ipse vult, non prout accipientium quisque meretur. Frequenter tamen specialior illa, planeque eximia & singularis divinæ miserationis gratia commendatur, quâ propter Mediatorem Dei & hominum Jesum Christum peccatores justificantur, non solum nullis præcedentibus meritis bonis, verum etiam multis malis, quibus Dei gratiæ beneficio reddebantur indigni. Quam gratiam locis quidem variis asseruit, sed luculenter admodum explicavit B. Apostolus, cum epistolæ ejus, quæ apud Titum capite tertio scriptum reliquit: *eramus aliquando & nos insipientes, increduli, errantes, servientes desideriis & voluptatibus variis in malitia & invidia agentes, odibiles, odientes invicem; cum autem benignitas &*

(a) lib. de  
correp. &  
gratia  
cap. 11.  
(b) ench.  
cap. 106.

(c) Al.  
videtur.  
Joan. 1.  
1. Cor. 12.  
Rom. 12.

humani-

*humanitas apparuit Salvatoris nostri Dei, non ex operibus justitiæ, quæ fecimus nos, sed secundum suam misericordiam salvos nos fecit per lavacrum regenerationis & renovationis Spiritus Sancti, quem effudit in nos abundè per Jesum Christum Salvatorem nostrum; ut justificati gratiâ ipsius, hæredes simus secundum spem vitæ æternæ. Major ergo hæc quidem gratia, quâ tantum boni præstatur indignis: sed & illa gratia tamen fuit (quia gratuitum munus & indebitum naturæ beneficium) quâ primus homo (a) usque aded in naturæ divinæ consortium evectus est, ut Dei per adoptionem filius esset, ideoque & illius beati ac cælestis regni hæres.*

(a) Al. in tantum.

## ARTICULI.

**H**umanæ naturæ sublimatio & exaltatio in consortium divinæ naturæ, debita fuit integritati primæ conditionis, & proinde naturalis dicenda est, & non supernaturalis. 21.

Absurda est eorum sententia, qui dicunt hominem ab initio dono quodam supernaturali & gratuito supra conditionem naturæ suæ fuisse exaltatum, ut fide, spe, & charitate Deum supernaturaliter coleret. 23.

A vanis & otiosis hominibus secundum insipientiam Philosophorum excogitata est sententia, quæ ad Pelagianismum rejicienda est, hominem ab initio sic constitutum, ut per dona naturæ superaddita, fuerit largitate Conditoris sublimatus, & in Dei filium adoptatus. 24.

Integritas primæ creationis non fuit indebita humanæ naturæ exaltatio, sed naturalis ejus conditio. 26.

## CAPUT SECUNDUM.

**N**am neque id verum arbitramur humanæ naturæ sublimationem & exaltationem in divinæ naturæ consortium, debitam fuisse primæ conditionis integritati, proindeque naturalem dicendam fuisse, non supernaturalem, tantum abest ut absurdam censeamus illorum esse sententiam, qui hominem asserunt dono quodam supernaturali & gratuito, supra naturæ suæ conditionem fuisse initio exaltatum, ut fide, spe, & charitate Deum supernaturaliter coleret: aut à vanis & otiosis hominibus secundum philosophorum insipientiam excogitatum esse quod dicitur, hominem sic ab initio constitutum, ut per dona Dei naturæ superaddita, fuerit largitate Conditoris sublimatus, & in Dei filium adoptatus: neque enim tantum honoris & gloriæ aut humanæ naturæ ratio postulabat, aut simplicis cujuscumque innocentiae requirebat integritas: quasi videlicet aut non potuerit esse homo, nisi tam divinâ esset sapientiâ præditus; aut nequiverit esse rectus, atque ab omni vitio liber, nisi tam præclaris esset animi dotibus exornatus, tantæque similitudinis ac societatis excellentiâ suo Conditori propinquus. Itaque supra eum sensum quem habere naturaliter de suo Conditore potuit, quia mente ac ratio-

ne præditus erat; supraque eum affectum, quo de naturæ viribus in suum benefactorem valuit assurgere, sapientiæ diviniore infusum est lumen, quo illustrata mens hominis, non cognitione modò sublimiore, verùm etiam præstantiore dilectione suo Conditori tanquam parenti & amico, velut unus cum eo spiritus, arctissimo societatis vinculo jungeretur. Ad eum verò finem ultimum, qui in Dei clara visione positus est, quo nihil homini contingere possit aut sublimius ad gloriam, aut efficacius ad exuberans & inamissibile gaudium, quando suis natura viribus enitri aut pertingere potuisset, nisi magnâ dignatione Dei, & munificâ, planeque liberali ejus benignitate, eò fuisset destinata, ordinata & evecta? Nam & servili conditione facere hominem (a) potuit, qui pro suis obsequiis aliam nullam mercedem expectaret; ac tamen non potuisset alicujus suæ felicitatis finem (b) frustrari, longè minoris tamen beatitudinis inferi potuit appetitus, ut sublimiore illâ, nullâ molestiâ careret. At nunc hominem Deus tanto honore & gloria coronare dignatus est, ut non servus tantùm esset, sed & filius; nec vulgarem sibi finem haberet propositum; sed eum quo excellentior, bonisque ad felicitatem pertinentibus cumulator ne fingi quidem posset. Eam autem institutionis humanæ dignitatem etsi non improbandâ quâdam ratione possemus dicere naturalem, tum quia cum ipsa natura exorta est, quomodo & hæc communis originis vitia naturalia esse dicuntur; tum quia naturæ humanæ apprimè conveniunt, eamque & perficiunt & exornant; rectissimè tamen supernaturalem quoque dixerimus, dicendamque arbitramur, quòd humanæ naturæ longè exuperans facultatem singulari beneficio & virtute Conditoris ei superaddita sit; quo factum est ut utroque sermone veteres uterentur, & quam S. Leo Pontifex naturalem hominis appellavit dignitatem, (c) Athanasius & cum secutus (d) Cyrillus supernaturalem dicerent.

(a) Al.  
potuisset.  
(b) Al.  
potuisset.

Sap. 12.  
Ephes. 2.

Serm. 1.  
de jeju.  
(c) oratione 1.  
contra  
Arian.  
paulò post  
initium.

(d) lib. 1. in Joan. cap. 13. & 14. l. 10. c. 23.  
& l. 122. cap. 51.

## ARTICULI.

3. **E**T bonis Angelis & primo homini, si in statu illo perseverassent usque ad ultimum vitæ, felicitas esset merces & non gratia.
4. Vita æterna homini integro & Angelo promissa fuit intuitu bonorum operum: & bona opera ex lege naturæ ad illam consequendam per se sufficiunt.
5. In promissione facta Angelo & primo homini, continetur naturalis Justitiæ constitutio, quia pro bonis operibus sine alio respectu vita æterna justis promittitur.
6. Naturali lege constitutum fuit homini, ut si in obedientia perseveraret, ad eam vitam pertransiret in qua mori non posset.
2. Sicut opus malum ex natura sua est mortis æternæ meritorium, sic bonum opus ex natura sua est vitæ æternæ meritorium.

CAPUT



## CAPUT TERTIUM.

EX quibus non difficulter intelligi potest ipsam æternam vitam, quæ Angelo & homini in perseverantiæ suæ præmium promissa fuit, non tantum mercedem justitiæ, sed & gratiam dici (a) debuisse: quemadmodum enim jam post hominis lapsum vita æterna ab Apostolo dicta est Gratia, propterea quod, interprete D. Augustino, justitia, cui redditur, magno divinæ gratiæ beneficio tribuatur; ita etiam integro homini vita æterna futura fuerat gratia, quod ea divini consortii filiationisque dignitas, ex qua jure quodam tantæ hæreditatis capescendæ pollebat (juxta id quod ab Apostolo Paulo expressum est: *si filii & hæredes*: ) planè gratuito, sicuti antea dictum est, indebitoque divinæ erga hominem dignationis beneficio, homini cum crearetur fuerit attributa: quamvis interim inficiari nemo queat, propriâ quâdam peculiarique ratione homini jam perditò & damnato eamdem vitam æternam cœpisse gratiam esse, quam B. Apostolus commendare voluerit, cum scriberet; stipendium quidem peccati esse mortem, gratiam verò Dei vitam æternam: cujus singularis gratiæ contemplatione dictum ab Augustino est, homini integro & Angelo si perseverarent, vitam æternam mercedem meriti fuisse futuram, quæ perditò per lapsum bono merito, in his qui liberantur, donum gratiæ facta est: alioqui ne tunc quidem lege naturali debita fuisset homini beata in Dei visione vita: quasi tantum tamque sublime bonum ita humanæ fuisset naturæ debitum, ut eo nisi interveniente peccato carere non posset. Supernaturalem omnino legem gratuitamque ordinationem, è munificentia divinæ erga creaturam suam fonte manantem asserimus eam, quæ effectum initio est, ut homini ad tam ineffabilem tamque eximiam suæ mercedis excellentiam aspirare liceret. (b) Quod si tamen naturalem dici posse putet legem, quia sit ab initio ita constituta, non ei censemus pugnaciter esse resistendum: præsertim cum dicat Augustinus naturalem esse legem, quâ boni beatam, mali miseram vitam mereantur. Porro si potuit homo ab authore suo ita fieri naturaliter bonus, ut tamen ei supernaturale à Deo præmium minimè deberetur, multò minus est in natura boni operis constituenda meriti ratio, quo ad vitam veniretur æternam. Etenim etsi esset opus malum suum ex natura mortis æternæ meritum, non tamen consequens foret tanti præmii meritum ex boni operis natura profluere, cum possit ad defectum dejectionemque natura sibi sufficere, non autem ad provectionem tantam & gloriam. Itaque nisi & hominem Deus eâ personæ qualitate exornasset, quâ cælesti regno dignus esset, & hoc ei suâ liberalitate in justitiæ præmium promississet, nulla ejus meriti potuisset constare ratio, cui vita æterna justitiæ lege deberetur; non enim ob boni operis naturam æterna vita bene operanti est debita, sed sic honorabitur quem rex voluerit honorare.

(a) Al.  
potuisse.  
Rom. 6.  
Epist. 105.  
& lib. de  
gra. & lib.  
arb. cap. 6.  
& sequi.  
Rom. 8.

l. de cor.  
rep. & gra.  
cap. 10. &  
11. &  
ench. cap.  
7. & 106.  
4.  
6.

(b) Al.  
hæc omit-  
tuntur.  
Por. l. 1. de  
lib. arb.  
c. 6.

## ARTICULI.

53. **D**eus non potuisset ab initio talem creare hominem qualis nunc nascitur.  
 75. *Immortalitas primi hominis non erat gratiæ beneficium, sed naturalis conditio.*  
 76. *Falsa est doctorum sententia, primum hominem potuisse à Deo creari & institui sine iustitia naturali.*

## CAPUT QUARTUM.

- C**UM autem explicatum sit qualem quantumque Deus hominem suæ gratiæ beneficio, primâ ejus conditione reddiderit: non magnum jam fuerit concipere, qualem alioqui, hoc est, quanto inferiore gradu, forteque  
 53. minore, facere eundem potuisset. Talis enim fieri potuit, qualis nunc nascitur, non quoddam peccator aut vitiosus, pravusque qualis modò nascitur institui à Deo potuerit, sed quia corpore quidem fragili & mortali, quod necesse esset temporum lapsu veterascere, infirmari ac emori; animo verò tardo, hebeti, atque ad percipiendam veritatem difficili, facili autem ad errorem, & in voluptatem seu oblectamenta sensuum (a) pendulo, pronoque. Tamen si enim mori nunc pœna peccati sit, neque naturæ necessitate (quoddam Pelagiani volebant) in hominum genus irrepserit; sed ob transgressionis culpam, quæ vitari ab homine integro potuisset, inflicta sit: potuit tamen sic natura hominum institui, ut ea in parte distaret à pecore, & esset ei mortis molestia nullo præcedente peccato subeunda. Verum quoniam gratuito Dei beneficio immortalis creatus est, tantoque præ cæteris animantibus honore donatus, ut posset si vellet nunquam mori: jure nunc ad suæ culpæ reprehensionem audit, *homo cum in honore esset non intellexit; comparatus est jumentis insipientibus, & similis factus est illis.* Itaque mortalitas per quam mori necesse est nunc quidem hominis est pœna damnati, propter non conservatam primæ conditionis dignitatem, quæ si ita Conditori visum esset, natura esse institui potuisset: *ignorantia quoque & difficultas, quemadmodum Augustinus ait, etiamsi essent primordia hominis naturalia, nec sic culpandus, sed laudandus esset Deus.* Denique præterquam quoddam offensionem habet generalis illa doctorum insimulatio, cum (c) falsa eorum esse dicitur sententia; non satis etiam circumspicere negari arbitramur fieri potuisse, ut sine iustitia naturali homo primus institueretur: sive iustitiam intelligant naturalem eam ipsam, quam nos (d) verè supernaturalem fuisse statuimus; sive aliam quampiam in habitibus sitam virtutum moralium. Cur enim fieri nequiverit, uti sicuti neque sapiens neque insipiens; ita neque iustitiæ habitus præditus, neque iniustitiæ vitio laborans; sed utriusque capax crearetur? Magister quidem sententiarum, opinionem eam commemorat: quâ existimeretur à nonnullis angelos in ipso creationis initio bonos extitisse, id est sine vitio, justosque, quod est, innocentes fuisse; sed non justos, id est, virtutum exerci-

lib. 3. de lib. arb. cap. 22. & 22. lib. de dono persever. cap. 11. lib. 1. retrat. cap. 9. (c) Al. cum dicitur: falsa est Doctorum sententia; non. (d) Al. ycrat.

exercitium habentes: nondum enim præditos fuisse virtutibus, quæ stantibus in confirmatione appositæ fuerint: Quam quidem opinionem, quamquam in eo quoddam asserat contigisse, minus vero consentaneam existimamus; tamen in eo quoddam fieri potuerit, à vero non censemus aberrasse.

## ARTICULI.

**L**iberum arbitrium sine gratiæ Dei adjutorio non nisi ad peccandum valet. 27.  
 Omnia opera infidelium sunt peccata, & Philosophorum virtutes sunt vitia. 25.

Distinctio illa duplicis amoris, naturalis videlicet, quo Deus amatur ut author naturæ; & gratuiti, quo Deus amatur ut beatificator; vana est & commentitia, & ad illudendum Sacris Litteris & plurimis veterum testimoniis excogitata. 33.

Amor naturalis qui ex viribus naturæ exhauritur, ex sola Philosophia per elationem præsumptionis humanæ, cum injuriâ crucis Christi, deffenditur à nonnullis Doctioribus. 35.

Omnis amor creaturæ rationalis, aut vitiosa est cupiditas quâ mundus diligitur, quæ à Joanne prohibetur; aut laudabilis illa charitas, quâ per Spiritum Sanctum in corde diffusâ, Deus amatur. 37.

Cum Pelagio sentit qui boni aliquid naturalis, id est, quod ex naturæ solis viribus ortum ducit, agnoscit. 36.

Non nisi Pelagiano errore admitti potest usus aliquis liberi arbitrii bonus sive non malus: & gratiæ Christi injuriam facit, qui ita sentit & docet. 62.

Pelagianus est error dicere, quoddam liberum arbitrium valet ad ullum peccatum vitandum. 28.

Non soli fures hi sunt & latrones, qui Christum viam & ostium veritatis & vitæ negant; sed etiam quicumque aliunde quàm per ipsum in viam justitiæ, id est, ad aliquam justitiam conscendi posse docent, aut tentationi ulli sine gratiæ illius adjutorio resistere hominem posse, sic ut in eam non inducatur, aut ab ea non superetur. 29.

Omne quod agit peccator, vel servus peccati, peccatum est. 34.

In omnibus suis actibus peccator servit dominanti cupiditati. 39.

## CAPUT QUINTUM.

**H**æc autem quæ hætenus quàm brevissimè fieri potuit absolvimus, ed pertinent ut magnitudo gratiæ ejus, quâ in prima sui constitutione hominum donata natura est, cogitur: à quâ gratiâ propriæ voluntatis electione discedens & corruens, licet in miserandam peccati servitutem semel præcipitaverit, graviterque vulneraverit, atque infitas liberi arbitrii vires permulctum debilitaverit: non sic tamen omnia boni principia evulsâ sunt, ut liberum ejus arbitrium sine gratiæ Dei arbitrio non nisi ad peccandum valeret, multa quippe

Al. brevissimè  
absolvimus.



quippe sunt quæ vel ad humanos usus utiliter, vel ad excolendos ornandosque vitæ mores laudabiliter, vel ad respublicas constituendas industriè prudenterque ex primi honoris reliquiis protulit; neque ea in quantum hujusmodi sunt, peccata esse censerì ullo modo rectè possunt. (a) Quò fit ut vel eo nomine non rectè dicendum sit, liberum arbitrium non nisi ad peccandum valere, sive id in hominibus fidelibus, sive in infidelibus spectetur.

(a) Mf.  
D. L. hæc  
omittit.

Sed neque solùm infidelium (b) opera omnia peccata simpliciter esse, aut Philosophorum virtutes vitia (c) dicenda judicamus: cùm supersit in hominum ejusmodi quoque pectoribus, præter indicium de multis vitæ officiis incorruptum, etiã amor naturalis recti atque honesti, qui de naturæ non funditis depravatæ viribus exoritur. Si quidem omnino hoc à vero abhorrere censemus, omnem creaturæ rationalis amorem aut vitiosam cupiditatem esse, quâ mundus diligitur, quæque à D. Johanne prohibetur; aut laudabilem illam, quâ per Spiritum Sanctum in corde diffusâ Deus amatur, charitatem. Est indubiè medius quidam amor, quem naturæ Author inseruit, quo non modo beatitudinem omnes expetimus, sed & parentes, & amicos, liberos, & conjuges, & quâcumque aliâ ratione propinquos irreprehensibiliter ipsaque naturâ impellente, diligimus: qui etsi (d) longè ab illius excellentia charitatis, quam Deus per Spiritum Sanctum in eorum qui justificantur corda diffundit; tamen neque ita degener est, ut vitiosa debeat cupiditas æstimari: hæc ex Deo non est, ille Deum habet auctorem: hæc damnanda atque prohibita est, illum naturæ lex omnisque honesti postulat ratio ac requirit: hanc charitas divinitus infusa destruit atque evertit, illum firmat ac perficit.

(d) Al.  
multum.

Quocirca qui boni aliquid naturalis, id est, quod ex solis naturæ viribus, non ex illa per Christum speciali gratia ortum ducit, agnoscit; minime is cum Pelagio ea in parte sentire, seu Pelagianâ hæresi errare & labi, dicendus est; sed perspicuè acquiescere veritati.

Quis autem putet liberum arbitrium non valere ad ullum vitandum peccatum, quandoquidem & per gratiam adjutum valet omne vitare peccatum, & sine gratia etiã multa sæpe declinet? sive quia naturali quodam amore honesti melioremque indole nonnulla etiã suggesta repudiat: sive quia aliâ quâpiam occupatione, quæ plus oblectet, teneatur.

Nec verò sentiendum est omne id quod agit peccator aut peccati servus, peccatum esse: nec sic peccatum, quamvis dominetur ac regnet, vitæ sibi totius obnoxias habet actiones, ut inquinat ac polluat universas: nam foeda licèt omnia sint quæ à dominante cupiditate proficiuntur atque imperantur, non tamen in omnibus actibus suis dominanti peccator servit cupiditati, sed quædam naturalis amor atque affectus, quem peccati quamvis magna tyrannis non prorsus obruit, sibi vendicat; quædam in his qui Christiani sunt, fides operatur; quæ tamen per charitatem operari dicatur, neque ea in peccati servo inesse possit; tamen & per affectus quosdam bonos, quos etiã in peccatoribus Dei spiritus exsuscitat, sese exerit (e) profertque in opus: quemadmodum enim charitas in homine justo non sic regnum obtinet,

(e) Al.  
proferturque.



obtinet, quin aliquos sibi motus atque actus carnis concupiscentia suffuretur, propter quos si dixerimus quia peccatum non habemus, nosmetipsos seducimus, & veritas in nobis non est: ita etiam nec in peccati mancipiis sic regnat cupiditas, ut omnes affectus animi bonos, sive de natura sive de gratia venientes, exterminet; neque ex iis quidquam boni operis existeret patiatur: quemadmodum ut iustus non omnia iuste, nec fidelis omnia fideliter; ita neque peccator omnia vitiose, neque infidelis omnia infideliter operatur.

1. Joa. 1.

## ARTICULI.

**S**ola violentia repugnat libertati hominis naturali. Quod voluntariè fit, etiam si necessariò fiat, liberè tamen fit. 63.

Homo peccat etiam damnablem in eo quod necessariò facit. 38.

Definitiva hæc sententia, Deum homini nihil impossibile præcepisse, falsò tribuitur Augustino, cum Pelagii sit. 64.

Cum Pelagio sentiunt qui textum Apostoli ad Rom. 2. GENTES QUÆ LEGEM NON HABENT, NATURALITER QUÆ LEGIS SUNT FACIUNT, intelligunt de Gentibus fidei gratiam non habentibus. 52.

Is libertatis modus, qui est à necessitate, sub libertatis nomine non reperitur in Scripturis, sed solum nomen libertatis à peccato. 22.

## CAPUT SEXTUM.

**N**ullo verò modo sentiendum est ita peccato extinctam esse libertatis naturalis facultatem, ut libertatis ejus ratio in solo nunc voluntario sita sit, solaque violentia repugnet libertati hominis naturali; ut quod voluntariè fit, etiam si necessitate fiat, liberè tamen fieri dicendum sit. Neque enim libertas esset naturalis, nisi quod ex ea fit, ita susciperetur, ut id posset non fieri: usque adeo ut per liberum arbitrium peccet nemo in eo quod necessariò faciat, sive in eo quod vitare non possit: ac sicuti per naturalem hanc (a) libertatem inest homini facultas vitandi peccatum; ita etiam adest possibilitas implendi præceptum: falsumque est Pelagio peculiariter adscribendum quod dicitur, Deum homini nihil impossibile præcepisse; cum & Augustini Catholicæque Ecclesiæ ea certissima doctrina sit. Sed idè verissimam hanc sententiam familiariùs Pelagiani usurpabant, suoque prætexebant errori, ut per solas liberi arbitrii vires impleri posse crederetur, quod sine gratia impleri non posse Catholicis statuebant. Hinc Venerabilis Beda Juliani quædam scripta reprehendens, quod dicit (inquit) Dominum non impossibile aliquid præcepisse, quia iustus est; verum profectò dicit, si ad ejus respicit auxilium cui catholica vox supplicat, DEDUC ME IN SEMITAM MANDATORUM TUORUM. Si verò viribus animi sui fidit, refellit eum (b) veridica ejusdem iusti Conditoris sententia, quia dicit: SINE ME NIHIL POTESTIS FACERE. 40.

(a) Al. facultatem.

lib. 1. in cant. cant. de gra. Dei contra Jul. cap. ult.

(b) Al. veridica Conditoris.

Tametsi autem gratiæ solius auxilio possit ab homine divina lex veraciter impleri, non pauca tamen quæ legis sunt, etiam ab iis præstari possunt, qui solam sequuntur naturam ducem, ut ad Pelagianismum nequaquam rejicienda eorum interpretatio sit, qui textum Apostoli ad Rom. 2. Gentes quæ legem non habent, naturaliter quæ legis sunt faciunt: de Gentibus fidei gratiam non habentibus, intelligunt. Quamquam enim ea quoque vetus interpretatio sit, ut de Gentibus ad Christi gratiam conversis apostolicus ille accipiat locus: tamen & alium illum sentium, qui de Gentibus est infidelibus, Veterum catholicorum commentariis reperimus approbatum. (a) Quod verò ad ipsum pertinet libertatis vocabulum; neque id verum est, eum libertatis modum, qui à necessitate est, non reperiri in Scripturis sub nomine libertatis; sed solum à peccato libertatis nomen. Ubi enim Paulus ait subintroisse falsos fratres ad explorandam ipsorum libertatem, quam habebant in Christo Jesu, etiam libertatem significat quæ est à necessitate, nec tantum libertatem à peccato, quæ interior & coram Deo est: sed exterior illam à necessitate observandæ circumcisionis cæterorumque servilium operum Mosaicæ legis: quemadmodum eum locum Veteres & Græci & Latini interpretati sunt; usque adeo ut præter eam libertatem, quæ est à necessitate naturæ, ex qua liberum arbitrium propriè nominatur, & illam quæ est à violentia seu coactione, agnoscenda sit non solum libertas à peccato, quæ Sanctis Dei hominibus veteris legis tempore non defuit, sed etiam libertas quædam evangelica à jugo tam gravium tamque multiplicium cæremoniarum: quâ libertate & ii nunc per Christum fruuntur, qui tamen peccato servire non desinunt.

(a) hæc  
omittit  
M. D. L.

ad Gal. 2.  
1. Cor. 9.  
& 1. Cor.  
10.

## ARTICULI.

10. **O** Mne scelus est ejus conditionis ut suum authorem & omnes posteros eo modo inficere possit quo infecit prima transgressio.

38. Quantum est ex vi transgressionis, tantum meritorum malorum à generantē contrahunt qui cum minoribus nascuntur vitiis, quam cum majoribus.

45. Ad rationem & definitionem peccati non pertinet voluntarium: nec definitionis questio est, sed causæ & originis, utrum omne peccatum debeat esse voluntarium.

46. Unde peccatum originis verè habet peccati rationem, sine ulla relatione ac respectu ad voluntatem, à qua origiem habuit.

47. Peccatum originis est habituali parvuli voluntate voluntarium, & habitualiter dominatur in parvulo, ed quod non gerit contrarium voluntatis arbitrium; & ex habituali voluntate dominante fit ut parvulus discedens sine regenerationis sacramento, quando usum rationis consecutus erit, actualiter Deum odio habeat, Deum blasphemet, & Dei legi repugnet.

70. Nemo præter Christum est absque peccato originali: hinc Beata Virgo mortua est propter peccatum ex Adam contractum, omnesque ejus afflictiones in hac vita, sicut & aliorum justorum, fuerunt ultiones peccati actualis, vel originalis.

Ommes.

*Omnes omnino justorum afflictiones sunt ultiones peccatorum ipsorum: unde & Job 69.  
& Martyres quæ passi sunt, propter peccata sua passi sunt.*

## CAPUT SEPTIMUM.

**C**Æterùm etsi non ita est hominum peccato labefactata natura, ut non aliud sit quàm vitiorum seminarium, nihilque aliud parere ex se possit quàm peccatum: est tamen in nascentium singulis ex sua origine vitiosa infectaque labe peccati: idque ex illius hominis transgressione prima, de quo scriptum est, *per unum hominem peccatum intravit in mundum.* Et iterum: *per unius inobedientiam peccatores constituti sunt multi;* quod non idèd propriè accidisse putandum est, quia gravis esset illius inobedientiæ culpa, sed quidd ejus esset personæ, quæ tanquam generis universi parens ac princeps non pro se modo, verùm etiam pro suis posteris originalem justitiam accepisset: quâ proinde dum se privavit per inobedientiam, non eam sibi modò, verùm etiam posteris amisit universis, seque in uno tanquam radice omnes de se prodituros infecit: quem unà cum natura oportebat naturæ transmittere vitium, sicuti integritatem ejus atque justitiam transmississet. Unde perspicui potest non omne scelus ejus esse conditionis, ut suum authorem & omnes posteros eo modo inficere possit, quo prima infecit transgressio. Neque verò plura quisquam de suis parentibus mala merita contrahit, sed uno originali peccato propter unius hominis delictum, de suo quicque parente prodit infectus. Neque sic est inæqualis hæc originalis infectio, ut alius alio pravior seu nequior, atque injustior nascatur: nec si ita esset, fieri posset, ut non plus in uno mali meriti graviorisque damnationis, quàm in alio reatus inesset. Ex quo apparet nec circumspèctissimè nec sine offensione dici, quantum ex vi transgressionis est, tantùm meritorum malorum à generante contrahere, qui cum minoribus nascuntur vitiis, quàm qui cum majoribus. Porro hoc quod dicitur originàle peccatum, nèque peccatum esset, nisi voluntarium foret, (a) quòd ad rationem definitionemque peccati voluntarium pertineat: neque tamen voluntarium est proprià ipsius parvuli voluntate seu habituali seu actuali, qui hanc sibi ipsi labem non contraxit, sed voluntarium est primi parentis voluntate. Ut autem habeat (b) verè peccati rationem sine ulla relatione aut respectu ad voluntatem, à quâ originem (c) sumpsit, fieri nullà ratione potest. Voluntarium quippe hoc propriè est quod à voluntate procedit, (d) & in voluntatis situm est potestate; nec peccati habere rationem quidquam potest, nisi habeat & voluntarii. Sed neque tantæ plena malitiæ recens nati voluntas esse parvuli censenda est, ut in ea secundum occultos habitus tantùm vitiorum infedisse putandum sit, quantum se postea profert, cum ad annos perventum fuerit ratione utentis ætatis: tanquam videlicet ex habituali aliqua voluntate dominante fiat, ut parvulus discedens sine regenerationis sacramento, quando usum rationis consecutus erit, actualiter Deum oderit, blasphemet, legique Dei repugnet; sed magis existimandum communi parique in omnibus aversione mentis à Deo

Rom. 5.

(a) Al.  
cum ad.(b) Al.  
veri.(c) Al.  
habuit.(d) Al.  
procedit  
nec pec-  
cati.

(a) Al.  
illis.

seu iustitiæ, privatione ingenitam (a) illam parvulis pravitatem & maculam contineri. Quod autem ad ipsam pertinet generalitatem eorum qui hoc peccato oriuntur infecti, tamen si constet communi lege humanam originem hoc subire contagium, possitque eâ lege B. quoque Virgo comprehensa videri, nec ulli Sedis Apostolicæ Constitutioni repugnet, si quis opinetur aut etiam cum modestia asserat, eam in originali peccato fuisse conceptam; quis tamen non intelligat falsò hoc statui, neminem præter Christum esse sine originali peccato? renatos quippe parvulos catholica tenet fides ab originali peccato liberos esse, ut (b) qui Christum novumque hominem induerint, veterem exuerint, qui abluti, sanctificati & iustificati sint: sed priusquam id fiat, tenet communiter omnes damnationis æternæ reos originis labe: unde etiam veluti à fonte quodam generalis hæc ærumnosæ vitæ miseria manat, cum dicat B. Apostolus, corpus mortuum seu moriendi necessitati addictum esse propter peccatum. Verum tamen non sic ex peccato communis ista mortalitas, miseraque vitæ conditio exorta est, ut omnes justorum afflictiones, ac quidquid omnino iusti perpeffi sunt ad ultionem pertineat originalis actualisve peccati. Neque enim quoties Deus temporalibus quemquam premit incommodis, ulcisci ei propositum est, ac de peccato vindictam expetere: sed hoc interdum modo ad sui nominis gloriam servos reddit suos clariores, erigitque; ac proponit exempla patientiæ.

Rom. 8.

(b) Al.  
ut Christi-  
sum.

## ARTICULUS VIGESIMUS.

**N**ullum est peccatum ex natura sua veniale, sed omne peccatum meretur poenam æternam.

## CAPUT OCTAVUM.

(c) Al.  
neque  
poterit.

**P**ræter originis vitia, alia sunt propriæ actionis vitæque peccata, quæ passim actualia nominantur: in quibus eatenenda distinctio est, ut quædam venialia, quædam mortalia esse judicentur: usque adeo ut quod à nonnullis asseritur, nullum esse peccatum naturâ suâ veniale, sed omne illud poenam mereri æternam; non sine gravi ratione repudiandum damnandumque videatur: Neque enim, (c) ut cæteras causas prætereamus, poterit cum eis peccatis quæ venialia dicuntur, quibusque nec sanctissimorum hominum mortalem hanc vitam agentium conversatio caret, vera consistere iustitia, si omnia digna sunt morte.



## ARTICULIS 65.

**I**n fidelitas purè negativa in his quibus Christus non est prædicatus, peccatum est.

## CAPUT NONUM.

**A**dversus peccati perniciem unum in Christo mediatore remedium est; neque enim aliud est sub cælo nomen datum hominibus, in quo oporteat eos salvos fieri à peccatis suis. Ideoque præter unius Dei fidem, etiam illa quæ in Christum est fides, omni tempore post generis humani lapsum, ad (a) justitiam salutemque recuperandam necessaria fuit. Magnâ autem Dei misericordiâ cepit hæc fides novissimis temporibus toto terrarum orbe manifestè clarèque prædicari; ut & prodesset pluribus; & ii, qui non ignoratam hanc salutis parandæ rationem respuissent, inexcusabiles essent. Hæc enim demum infidelitas est culpabilis, convenientem de Christo prædicationem audisse, nec credere voluisse. Infidelitas verò purè negativa, quâ in Christum non creditur, in his quibus non est Christus prædicatus, peccatum esse non potest. Quomodo enim credent sine prædicante? quomodo autem prædicabunt, nisi mittantur?

(a) AL.  
justifica-  
tionem.

## ARTICULI.

**J**ustificatio impii fit formaliter per obedientiam legis, non autem per occultam 66.  
communicationem & inspirationem gratiæ, quæ per eam justificatos faciat implere legem.

Justitia, quâ justificatur per fidem impius, consistit formaliter in obedientia 41.  
mandatorum, quæ est operum justitiæ, non in gratia aliqua animæ infusa, quâ adoptatur homo in filium Dei, & secundum interiorem hominem renovatur, ac divina naturæ consors efficitur, ut sic per Spiritum Sanctum renovatus, deinceps bene vivere, & Dei mandatis obedire possit.

In hominibus pœnitentibus ante sacramentum absolutionis; & in catechumenis 42.  
ante baptismum, est vera justificatio; separata tamen à remissione peccatorum.

Sed & illa distinctio duplicis justitiæ: alterius, quæ fit per spiritum charitatis 60.  
inhabitantem; alterius, quæ ex inspiratione quidem Spiritus Sancti, cor ad pœnitentiam excitantis, sed nondum inhabitantis, & in eo charitatem diffundentis, quâ divine legis justificatio impleatur, similiter rejicitur.

Item illa distinctio duplicis vivificationis: alterius, quâ vivificatur peccator, 61.  
dum ei pœnitentia & vitæ novæ propositum & inchoatio per Dei gratiam inspiratur; alterius, quâ vivificatur qui verè justificatur, & palme vitæ in vite Christo efficitur; pariter commentitia est, & Scripturis minime congruens.

55. Peccator pœnitens non vivificatur ministerio sacerdotis absolvertis, sed à Deo solo, qui pœnitentiam suggerens & inspirans vivificat eum & resuscitat; ministerio autem sacerdotis solus reatus tollitur.

54. In peccato duo sunt, actus & reatus: transiente autem actu, nihil manet nisi reatus, sive obligatio ad pœnam: unde in sacramento baptismi aut sacerdotis absolutione, proprie reatus peccati dumtaxat tollitur, & ministerium sacerdotis solum liberat à reatu.

## CAPUT DECIMUM.

**C**Hristi igitur piâ fide recepti gratiâ justificatur impius: quæ justificatio per occultam fit communicationem & inspirationem gratiæ Dei, quâ fit ut justificati legem impleant; quemadmodum scriptum est, *de peccato damnavit peccatum, ut justificatio legis impleretur in nobis, qui non secundum carnem ambulamur, sed secundum spiritum.* Nec verum est, imò etiam divinarum Litterarum doctrinæ contrarium est, justitiam, quâ per fidem justificatur impius, ita consistere formaliter in obedientia mandatorum, quæ operum justitia est, ut non in gratiâ aliquâ animæ infusâ, quâ adoptatur homo in filium Dei, & secundum interiorem hominem renovatur, ac divinæ naturæ confors efficitur, ut sic per Spiritum Sanctum renovatus, deinceps benè vivere, & Dei mandatis obedire possit. Gratiâ siquidem infusâ divinitus, quâ interior ille homo noster renovetur, peccatorem justificari declarat ille ad Titum Pauli locus, ubi ait. *Quum apparuit benignitas & humanitas Salvatoris nostri Dei, non ex operibus justitiæ quæ fecimus nos, sed secundum misericordiam suam salvos nos fecit per lavacrum regenerationis & renovationis Spiritus Sancti, quem effudit in nos abundè per Jesum Christum Salvatorem nostrum, ut justificati gratiâ ipsius hæredes simus secundum spem vitæ æternæ.* Quomodo autem hæredes nisi filii? & quomodo filii, nisi divinæ effecti consortes naturæ? Si igitur per id hæredes, per quod justificati; profectò per quod justificati, per id ipsum filii divinæque naturæ consortes effecti sumus. Quocirca cùm nos gratia Dei per Spiritum Sanctum infusa justificet, verissimè dicitur justificari hominem intrinsecè atque formaliter per eam gratiam quâ adoptatur in filium Dei, & secundum interiorem hominem renovatur, divinæque naturæ confors efficitur. Hæc autem veræ justificationis gratia, neque in pœnitentibus ante reconciliationis sacramentum, neque in Cathecumenis ante baptismum inest, separata interim à remissione peccatorum. Nemo quippe ante remissionem peccatorum justus est, sed per fidem & orationem peccatique detestationem justificanti gratiæ animus præparatur, eamque præparationem sequitur justificatio, quæ ut Tridentini Concilii Patres rectè definiunt, non sola est peccatorum remissio, sed etiam renovatio. Non est interim odiosè pertinaciterque illa duplicis justitiæ rejicienda distinctio; alterius, quæ fit per Spiritum charitatis inhabitantem; alterius quæ fit ex inspiratione quidem Spiritus Sancti cor ad pœnitentiam excitantis, sed nondum inhabitantis, & charitatem in eo diffundentis, quâ divinæ legis justificatio impleatur: uti nec illa commentitia, Scripturisque minimè congruens judicanda est dupli-

duplicis vivificationis distinctio; alterius, quâ vivificatur peccator, dum ei pœnitentia & vitæ novæ propositum & inchoatio per Dei gratiam inspiratur: alterius, quâ vivificatur is qui verè justificatur, & palmes vivus in vite Christo efficitur. Etenim ante remissionem peccatorum atque inhabitantem Spiritum, & justificationis & vitæ quædam inchoationes, dumtaxat sunt conceptionibus (ut loquitur Augustinus) similes: at non solum spiritaliter <sup>quæst. 2. ad Simpl.</sup> concipi, verum etiam nasci opus est, ac tum demum cœptum justificationis ac vivificationis opus infusione vivificæ charitatis absolvitur: ut tum primum homo simpliciter justus esse, & vitam habere in Christo dicendus sit. Quo fit ut falsò quoque statuatur, non vivificari pœnitentem absolventis ministerio Sacerdotis; sed à Deo solo, qui pœnitentiam suggerens & inspirans vivificat eum atque resuscitat; sacerdotis autem ministerio solum resolvi reatum. Quis enim vivificari neget eum cui Spiritus ille, quem peccata fugaverant, qui inhabitat, agat, regat, Sacerdotis ministerio divinâ redditur potestate? Quapropter D. Chrysostomus attributam Sacerdotibus remittendi peccata potestatem, vivificandi esse dicit potestatem: *non hoc (inquit) tantum mirabile est, quod vivificat Christus; verum etiam, quod aliis quoque præstat id faciendi potestatem.* Accipite (inquit) Spiritum Sanctum, quorum remisistis peccata remissa sunt. Denique nec ea vera sententia est, cum in peccato duo insint, actus & reatus; transeunte actu, nihil nisi reatum sive obligationem ad pœnam remanere: ideoque in baptismi sacramento aut Sacerdotis absolutione propriè reatum dumtaxat peccati tolli, Sacerdotumque ministerium ad reatu nos tantum exsolvere. Neque enim propter nudam reatus solutionem, regenerationis renovationisque lavacrum esse baptismum diceretur, aut per id abundè effusus in hominem Spiritus Sanctus esset: <sup>ad Th. 9.</sup> cumque utroque sacramento verè justificentur homines, justificatio autem non sola sit peccatorum remissio, sed sanctificatio etiam, renovatioque interioris hominis; fieri non potest ut nuda reatûs solutio divino Sacramento Sacerdotisque ministerio relinquatur.

## ARTICULI.

**P**ER contritionem etiam cum charitate perfectâ & cum voto suscipiendi sacramentum conjunctam, non remittitur crimen extra casum necessitatis aut martyrii, sine actuali susceptione sacramenti. 68.

Homo existens in peccato mortali, sive in reatu æternæ damnationis, potest habere charitatem: & charitas etiam perfectâ potest consistere cum reatu æternæ damnationis. 69.

Charitas perfectâ & sincera, quæ est ex corde puro & conscientia bonâ, & fide non ficta, tam in Cathecumenis, quam in pœnitentibus potest esse sine remissione peccatorum. 70.

Charitas illa, quæ est plenitudo legis, non est semper conjuncta cum remissione peccatorum. 71.

31. *Carthecumenus iuste, rectè & sanctè vivit, & mandata Dei observat, ac legem implet per charitatem, ante obtentam remissionem peccatorum, quæ in baptismi dum lavacro percipitur.*
16. *Non est vera legis obedientia, quæ fit sine charitate.*

## CAPUT UNDECIMUM.

Quamvis autem nemini de sua à mortali peccato justificatione, non adhibito baptismi aut reconciliationis sacramento, concipienda facillè præsumptio sit: tamen non solum in casu necessitatis aut martyrii, verum etiam extra hos casus, per contritionem charitate perfectam, & cum voto sacramentum suscipiendi conjunctam, (a) remitti peccata sentiendum est, etiam sine actuali susceptione sacramenti: falsumque est hominem in peccato mortali, sive in reatu æternæ damnationis existentem posse veram habere charitatem. Etsi enim ante suam justificationem insit in pœnitente amor aliquis justitiæ, eaque dilectio, quâ Deum diligere incipit tanquam totius justitiæ fontem; is tamen amor, qui charitatis (b) naturam assequitur, seu (c) vera illa & sincera charitas, quæ est ex corde puro, conscientia bona, & fide non ficta, cum æternæ damnationis reatu non consistit, semperque illa charitas, quæ legis est plenitudo, quâque Deus ex toto corde totâque animâ diligitur, cum peccatorum est remissione conjuncta. Quod si dixerit quispiam veram agi pœnitentiam non posse sine obedientia legis, hanc autem ipsam legis obedientiam à charitate non posse esse sejunctam: Respondetur ei ne id quidem verum esse, non esse veram legis obedientiam quæ sine charitate sit: neque enim eandem vim habent obedientia legis & ejusdem plenitudo; siquidem legi obediens est, qui voto saltem desiderioque animi ac sincero conatu legi obsequitur, etiamsi ipsa nondum ab eo legis plenitudo præstetur.

(a) Al. interdum.

(b) Al. præstantiam.

(c) Al. perfecta.  
1 Timoth.  
1. 3. 1. 3. 2.  
Rom. 1.

## ARTICULI.

41. *Præva desideria quibus ratio non consentit, & quæ homo invitus patitur, sunt prohibita præcepto, NON CONCUPISCES.*
49. *Concupiscentia, sive lex membrorum; & præva ejus desideria, quæ inviti sentiunt homines, sunt legis inobedientia.*
72. *Motus pravi concupiscentiæ sunt pro statu hominis vitiiati prohibiti præcepto, NON CONCUPISCES, quamvis transgressio in peccatum non debeat.*
73. *Quamdiu aliquid concupiscentiæ carnalis in diligente est, non facit præceptum: DILIGES DOMINUM DEUM TUUM EX TOTO CORDE TUO.*
71. *Concupiscentia in renatis relapsis in peccatum mortale in quibus jam dominatur, peccatum est, sicut & alii habitus pravi.*



## CAPUT DUODECIMUM.

**N**ullo autem pacto vera esset renatorum justificatio, si motus ii carnis, quos inviti adversus spiritum rebellantes sentimus, eandem, quàm priùs eùm voluntarii essent, retinerent peccati rationem: nec possent tamen veram propriamque peccati rationem exuere, si veram legis transgressionem & inobedientiam continerent: quocirca statuendum est motus concupiscentiæ pravos pro vitiati hominis statu, prohibitos non esse præcepto: *non concupisces*: hominemque eos sentientem, sed non consentientem, legis prædictæ pronuntiari non debere transgressorem. Quemadmodum enim Deus homini non præcipit ut faciat quod facere non potest; ita neque prohibet, quod vitare, etsi maximè velit, non valet: nec quicquam omnino sub præceptum aut prohibitionem cadit, nisi in quantum humanæ possibilitati subjicitur. Quantum itaque efficere homo potest ne hujusmodi carnis motus exurgant, tantum ut id fiat obligatur: quod autem præstare non potest, quantumvis id sibi suâ culpâ ut non posset accersierit, nemo sapiens lege propositâ exigendum putet. At impediunt quidem hi motus, ne omni modo ex toto corde diligatur Deus; non tamen efficiunt, ut ea quæ de diligendo lex est, non veraciter impleatur: charitas enim quam secum consistere patitur violenta quantumvis carnis rebellio, idcirco etiam legis dicta plenitudo est, quòd per eam divina lex impleatur. Unde perspicitur nec id ferendum esse quod sic expressum est, quamdiu aliquid concupiscentiæ carnalis in diligente inhæreat, non fieri præceptum, *diliges Dominum Deum tuum ex toto corde tuo*: quæ autem inest concupiscentia in iis renatis, qui in mortale peccatum relapsi sunt, tamen peccatum esse verè dici queat, quia voluntaria sit atque dominetur; (a) tamen non de nihilo offendit quod adjungitur: sicut alii habitus pravi: tanquam videlicet omnes pravi habitus peccata esse dicendi sint: quod falsum esse Sanctorum convincit experientia, qui gravi sæpe contra pravos habitus susceptâ luctâ, à peccati consuetudine ægrè se abstrahunt, regnumque cælorum, sicut scriptum est, violenter rapiunt.

Aug. de  
peric. A.  
justit. cap.  
8.

(a) Al.  
tamen  
offendit.

Matt. 11.

## ARTICULI.

**O**pera Catechumenorum, ut fides & penitentia, ante remissionem peccatorum facta, sunt vitæ aeternæ merita; quam vitam ipsi non consequuntur, nisi priùs præcedentium delictorum impedimenta tollantur. 12.

Opera bona à filiis adoptionis facta, non accipiunt rationem meriti ex eo quòd fiunt per Spiritum adoptionis inhabitantem corda filiorum Dei, sed tantum ex eo quòd sunt conformia legi, quòdque per ea præstatur obedientia legi. 13.

Ratio meriti non consistit in eo quòd qui benè operatur, habeat gratiam & inhabitantem Spiritum Sanctum; sed in eo solùm quòd obedit divinæ legi. 15.

Opera justitiæ & temperantiæ, quæ Christus fecit, ex dignitate personæ operantis non traxerunt majorem valorem. 19.

12. Pelagii sententia est; opus bonum citra gratiam adoptionis factum non est regni celestis meritorium.
17. Sentiant cum Pelagio, qui dicunt esse necessarium ad rationem meriti, ut homo per gratiam adoptionis sublimetur ad statum deificum.
18. Illa Doctorum distinctio, divinæ legis mandata bisariam impleri; altero modo, quantum ad præceptorum operum substantiam tantum; altero quantum ad certum quemdam modum, videlicet secundum quem valeant operantem perducere ad regnum æternum, id est, ad modum meritorium; commentitia est & explosenda.
59. Illa quoque distinctio, quæ opus dicitur bisariam bonum; vel quia ex objecto & omnibus circumstantiis rectum est & bonum, quod moraliter bonum appellare consueverunt: vel quia est meritorium regni æterni, eò quod sit à vivo Christi membro per Spiritum charitatis; rejicienda est.
11. Quod pie & iuste in hac vitâ mortali usque in finem conversati vitam consequimur æternam, id non proprio gratiæ Dei, sed ordinationi naturali statim initio creationis constitutæ iusto Dei judicio deputandum est, neque in hac retributione bonorum ad Christi meritum respicitur; sed tantum ad primam institutionem generis humani, in qua lege naturali constitutum est, ut iusto Dei judicio obedientia mandatorum vitæ æterna reddatur.
1. In redemptis per gratiam Christi nullum inveniri potest bonum meritum quod non sit gratis indigno collatum.
43. Operibus plerisque, quæ à fidelibus sunt solum ut Dei mandatis pareant, cujuscumque sunt, obedire parentibus, depositum reddere, ab homicidio, à furto, à fornicatione abstinere, justificantur quidem homines, quia sunt legis obedientiæ; non tamen iis obtinent incrementa virtutum.
14. Opera bona iustorum non accipient in die judicii extremi ampliorem mercedem, quam iusto Dei judicio mereantur accipere.

## CAPUT 13.

**I**ustificacionis fructus, bonum opus est regni celestis meritorium: nam ante justificationis gratiam licet rectè bona vocentur catechumenorum opera, quæ à fide & poenitentia profiscuntur, non tamen regni celestis sunt meritoria, propterea quod ad tanti meriti rationem non satis sit, opus quod agitur legi esse conforme; verum etiam requiratur ea personæ dignitas atque præstantia, quæ per adoptionis spiritum divinæ naturæ consors, dignaque Deo effecta sit. Quæ quidem personæ operantis qualitas sicuti hominem Deo conjunctiorem melioremque reddit, quam prius fuerat; ita etiam in opus transiens, ipsum afficit ac perficit æternæque vitæ retributione dignum reddit. Etenim personæ operantis dignitatem nihil conferre ad operis præstantiam vel Christi redemptoris exemplo, à vero alienissimum esse docetur: cujus opera justitiæ, temperantiæ, fortitudinis, cæterarumque ejus virtutum ex personæ ipsius dignitate, majorem multò, quam alioqui habitura fuerant, traxere valorem. Ac sicuti (a) pretiosiora illa fuerant opera, quod opera essent filii Dei naturalis; ita etiam Deo digniora sunt, quæ à filiis ejus.

ejus spiritu adoptionis effectis, per infusum charitatis (a) donum producuntur. Itaque licet Pelagius tollens originale peccatum, cuidamque naturali parvulorum innocentiae vitam promittens etiam sine baptismo Christi beatam, hoc colore sit usus, quo doceret baptisari oportere ut ad regni possessionemque adeptarentur: non tamen Pelagianismus est, si quis dicat, opus bonum citra gratiam adoptionis factum non esse regni caelestis meritum; aut si quis dicat, necessarium esse ad meriti rationem, ut homo per gratiam adoptionis ad statum deificum sublimetur: praesertim cum jam post ruinam illam generis nostri communem ante hanc adoptionis gratiam, non innocens quisquam ac sine peccato, naturalique iustitiae dote locuples (quod Pelagius (b) errore suo fingeat) sed peccator ac mortis reus quilibet nostrum reperiatur: nec possint aeternae vitae merita cum mortis damnationisque meritis esse conjuncta. Nec verò hic obstitit quoddam Catechumeni ante adoptionis gratiam bene vivant, moresque ad divinae legis normam & conformitatem exigant. Non enim commentitia & explodenda celebris illa Doctorum sententia est: divinae legis mandatum bisariam impleri; altero modo, quantum ad operum quae praecipuntur substantiam; altero, quantum ad certum quemdam modum, secundum quem videlicet operantem valeant ad regnum aeternum perducere, id est, ad modum meritum: uti nec illa repudianda distinctio est, quae dicitur opus bisariam bonum; vel quia ex objecto & omnibus circumstantiis rectum & bonum est, quod moraliter bonum appellari consuevit: vel quia regni est aeterni meritum, eo quod sit à vivo Christi membro per spiritum charitatis. Porro quia, quod pie & iuste in hac mortali vita in finem usque conversamur, Christi proprie adscribendum est gratiae, idè quod ejus conversationis intuitu vitam consequimur aeternam, quamvis iustae retributionis retineat rationem, non ordinationi deputandum est naturali, sed gratiae Dei per Christi meritum, quemadmodum illa praefert Pauli notissima sententia, *gratia Dei vita aeterna in Christo Jesu Domino nostro*. Non sic tamen in hominum justificatorum meritis Christi praedicanda est gratia, ut statuamus in redemptis per gratiam Christi nullum posse bonum meritum inveniri, quod non sit gratis indigno collatum: siquidem & ipsis iustitiae merentur incrementis, quae non indignis tributa sunt, sed ipsius in qua se exercebant iustitiae intuitu. Sicut enim dignum est ut qui in sordibus est, sordescat adhuc; ita dignum est, ut qui iustus est justificetur adhuc. Ideoque suis operibus fideles quae faciunt ut Dei mandatis pareant, cujusmodi sunt, obedire parentibus, depositum reddere, ab homicidio, à furto, à fornicatione abstinere, non solum justificantur, quia legis obedientiae sunt, verumque legis iustitiae; verum etiam iidem obtinent incrementa virtutum: nec vitam tantum aeternam, sed & gratiae augmentum promerentur, quemadmodum id est à Concilii Tridentini Patribus sub anathemate definitum. Postremò etsi in retributione vitae aeternae iustae mercedis, secundum Dei cum homine conventionem, redditio est; non ea tamen debet esse nostrae assertionis temeritas, ut opera bona iustorum ampliores in die iudicii acceptura negemus mercedem, quam iusto Dei iudicio accipere mereantur: quod hoc & Patres quidam ita senserint, & non

(a) Al. inuus.

(b) Al. ore suo.

Rom. 6.

Apoc. 11.

Sess. 6. can. 32.

sit à divinæ munificentiae ratione profusissimaque in suos filios bonitate & liberalitate alienum.

## ARTICULI

10. *Solutio pœnæ temporalis, quæ peccato dimisso sæpe remanet, & corporis resurrectioni propriè non nisi meritis Christi adscribenda est.*
74. *Satisfactiones laboriosæ justificarum non valent expiare de condigno pœnam temporalem restantem post culpam condonata.*
16. *Quando per eleemosynas aliæque pœnitentiæ opera Deo satisfacimus, pro pœnis temporalibus, non dignum pretium Deo pro peccatis nostris offerimus, sicut quidam errantes autumant; nam aliqui essemus saltem aliqua ex parte nostri redemptores; sed aliquid facimus, cujus intuitu Christi satisfactio applicatur & communicatur.*
67. *Per passiones Sanctorum in Indulgentiis communicatas, non propriè redimuntur nostra delicta; sed per communionem charitatis eorum nobis passiones impertinunt, ut digni simus qui pretio sanguinis Christi à pœnis pro peccatis debitis liberemur.*
44. *Sacrificium Missæ non aliâ ratione est sacrificium, quàm generali illâ, quâ omne opus quod fit ut sanctâ societate Deo homo inhaereat.*

## CAPUT DECIMUM QUARTUM

UT autem æterna vita beataque justorum immortalitas sic Christi mediatoris accepta ferenda est meritis, ut eam tamen propriis sibi quisque meritis, quæ à Dei gratia profecta sint, tanquam suæ perseverantiæ mercedem acquirat: ita etiam pœnarum temporalium, quæ culpâ remissâ plerumque supersunt, abolitionem mereri satisfactione suâ potest; ideoque verum non est quod sic asseritur: solutionem pœnæ temporalis quæ peccato dimisso sæpe remanet, & corporis resurrectionem propriè non nisi Christi meritis adscribendam esse. Tamen enim bona hæc ad instaurationem reparationemque nostrî pertineant; nihil tamen prohibet quominus ipsis nostræ instaurationis initii, quæ à Spiritu Sancto inhabitante procedunt, reparationis perfectionem consummationemque mereamur, præsertim cum ipsum Dei in nobis regnum, quod Sanctorum constat esse mercedem, & ipsa justitiæ (a) pacisquæ plenitudo, in quibus Dei regnum à B. Apostolo consistere declaratur, ad perfectam absolutamque naturæ nostræ restitutionem pertinere noscantur. Quocirca & pœnam temporalem culpâ (b) condonatâ restantem laboriosè justificarum expiare de condigno satisfactiones valent: & quando per eleemosynas aliæque pœnitentiæ opera pro temporalibus Deo satisfacimus pœnis, non aliquid solum facimus, cujus intuitu Christi nobis applicetur & communicetur satisfactio: verum etiam dignum Deo pro peccatis nostris pretium offerimus. Neque id (c) repudiandum tantopere arbitramur, (d) ut per ea quæ Christi in nobis spiritus tanquam in vivis suis membris operatur, aliquâ dicamur ex parte nostri esse redemptores: non quia cum

Christo

(a) Al.  
pœnitentiæ  
que.

Rom. 14.  
(b) Al.  
expiatâ.

(c) Al.  
refugien-  
dum.

(d) Al. si



Christo in nostræ redemptionis munere dividamus, ut ille nos ex parte unâ, nos verò ex altera nosmetipsos redimamus; sed quia tota perfectaque nostrî à peccatis liberatio, sic pretio Christi assignanda sit, ut tamen per ejusdem (a) pretii virtutem, offerre & ipsi aliquid Deo dignum, istoque modo ad nostrî liberationem & salutem cooperatores (b) Deo esse, valeamus. Et quia *pretiosa est* (sicut psalmista testatur) *in conspectu Domini mors Sanctorum ejus*; nobis virtutem. (a) Al. pretii in nobis virtutem. (b) Al. Christi. (c) Al. passionibus. (d) Al. quibusque. (e) Al. additur. dicitur sacrificium.

fatemur non per communionem modò charitatis eorum nobis (c) passionibus Christi à pœnis restantibus liberemur; verùm etiam par easdem passiones nobis communicatas & applicatas, delicta nostra propriè redimi: usque adeò sanè ut sive in nostris, sive in alienis pro nobis passionibus non generalem tantùm mediî rationem, per quod meritorum (d) Christi reddamur participes, verùm etiam nihil obstante plenissimâ satisfactione Christi, satisfactionis, quâ divinæ justitiæ satisfiat, agnoscere proprietatem debeamus. Sicut etiam in Missa propriam sacrificiî rationem in oblatione Dominici corporis constitutam agnoscimus; damnautes omnino detestantesque, si quis asserat Missæ sacrificiû non aliâ sacrificiû esse ratione, quàm illâ generali quâ omne opus quod fit ut sanctâ societate Deo inhæreamus (e). Quia, si ita sit, tunc Sacerdotium speciale nullum relinquitur, quod non sit Christianis omnibus perinde commune. Si enim idè tantùm sacrificiû est, quia opus bonum est; cur Sacerdos quisquam est, aut quare sacrificare dicendus est, nisi quia sanctè benèque operetur? Ex quo conficitur Sacerdotiû Novi Testamenti non quibusdam peculiariter ad hoc consecratis & inunctis esse proprium; sed bonis omnibus Laicis esse commune. Denique jam cesset oportet inter nos & Christianæ ecclesiæ adversarios mota de sacrificio missæ controversia, quod nemo eorum sit, qui in suâ novitate non prorsus insaniunt, qui actionem Dominicæ cœnæ, quàm Missam veteri vocabulo Catholici nuncupant, non bonum opus agnoscat, quod idè fiat, ut sanctâ societate Deo inhæreamus.

*In Codice Ms. D. qui a. 1607. scriptus est, hæc adduntur:* Composuit hanc Articulorum explicationem nomine Facultatis Theologicæ Eximius D. M. N. Joannes Lensæus Belliolanus, cujus memoria in benedictione sit. Amen.

F I N I S.

## INTERROGATORIA

A B Æ M U L I S

## MICHAELIS BAI

S U P P E D I T A T A

P R O I N S T R U C T I O N E

D. C O M M I S S A R I I

I N N E G O T I O

A R T I C U L O R U M

P E R

B U L L A M P I I V.

A C G R E G O R I I X I I I.

P R O H I B I T O R U M.

hactenus  
inedita.*An verum sit.*

1. **Q**uod D. ac M. N. Michael de Bay, non ita multò post exhibitam, lectam, publicatam atque receptam per totam Theologicam Facultatem Lovaniensem, in qua ipse tunc erat Legens & Regens, Bullam S. D. N. Pii Papæ V. super certis articulis seu sententiis in eadem Bulla specificatis, damnatis & prohibitis, parvum quoddam scriptum composuit directè & ex professò contra ejusdem Bullæ censuram, illudque permiserit in multorum manus exire. An testis scriptum illud aut ejus transsumptum viderit, legerit, aut legi audiverit? an habeat? Si sic, exhibeatur.

2. Quod idem aliud quoddam scriptum circa idem tempus composuit multò majus pleniusque ejusdem argumenti, quod ipsum quoque fuit in varia exemplaria descriptum,

ptum, atque etiam ad Urbem missum cùm epistola ipsius D. Baii ad Summum Pontificem. An testis viderit, legerit, audiverit &c. ut suprâ. An fuerit.... An testis viderit resp.... (hîc pauca aliquot verba detrita sunt in Ms.)

3. Quodd idem iussus plerasque Sententias confutare, ac in aliis seipsum declarare publicè in Scholis Theologicis, duobus diebus continuis, ea dixit quæ auditores graviter offenderunt, conformia duobus Scriptis, de quibus præcedit, per quæ in summa magis visus sit Collectores prædictarum sententiarum insimulare falsitatis & calumniarum, ipsamque sedem Romanam notare negligentia & præcipitis sententia, quàm errores suos ingenuè confiteri atque confutare. Quoddque ea ab auditoribus ex dicentis ore conscripta per multorum manus transierunt, non sine gravi scandalo legentium. An testis dicentem audiverit: an scriptum ex ore dicentis excerptum viderit &c. ut suprâ?

4. Quodd idem in Congregatione quadam Facultatis Sacrae Theologiae, cùm de Articulis ac sententiis prohibitis ageretur, dixit esse in illis quædam, pro quibus deberemus forsitan mori potius quàm ea dammare. An testis fuerit præsens: an dixerit hoc de partibus aliquarum Sententiarum, an verò de integris sententiis seu articulis?

5. Quodd idem diversis vicibus susceperit publicè in scholis Theologicis defendere positiones continentes clausulas offensivas, & signanter de Conciliis generalibus, quasi ea à Romanis Pontificibus contingeret aliquando non liberè, non constanter, non canonicè approbati, & ob id etiam essent approbata per Romanum Pontificem, non prius tamen eorum definitiones essent fidei tenenda quàm ab Ecclesiis Catholicis jam susceptæ fuerint. An testis habeat aliquas tales positiones? Si habuerit, exhibeantur.

6. Quodd idem publicè in scholis Theologicis in promotione ad gradum Licentiæ in sacra Theologia recitavit orationem de potestate Romani Pontificis & aliorum Episcoporum, in qua plurimi graviter fuerunt offensi, quoddque eandem postea ostenderit Reverendissimo D. Lindano, quasi consideret eâ lectâ ipsum in suam sententiam descensurum. Qua in re non tantum non consequutus fuit quod optabat, sed etiam sibi ipsum contradicentem sensit. Cùmque perlatum esset etiam ad D. Morillon de eadem oratione, is adeò fuit commotus, ut cùm postea electus esset in Decanum Sancti Petri, responderit se non confirmaturum electionem, nisi prius attestacionem Facultatis exhiberet super duobus istis. Quoddque non potuit obtinere Facultatis attestacionem, ac ne privatim quidem ullius Magistri.

7. Quodd idem conatus sit inducere Facultatem Theologicam, ut consentiret in omissionem clausulæ cujusdam positæ ex ejusdem Facultatis conclusione ad juramenta Promovendorum ad Gradus: quæ clausula declarat articulos in Bulla Pii V. notatos habendos esse pro talibus à quibus oporteat studiosos abstinere. An testis tunc fueris in Facultate: quid eum moverit? & quid Facultas responderit?

8. Quod idem majus illud Scriptum, cujus supra fuit mentio in interrogatorio secundo, diligentissime recognovit, manuque propria assumptas habens diversis locis varias additiones, partim minuo partim atramento delineatas, exhibuit Januarii 8. an. 1579. Gandano & Molano; præsumens, ut apparet, quod sic eos traheret in suam sententiam, & persuaderet quod clausula illa ad juramenta Promovendorum addita, de qua in interrogatorio immediatè præcedenti, deinceps omitteretur, ac tandem deleteretur. An testis viderit, &c?

9. Quod idem etiam post ipsi exhibitam ac consignatam Originalem Bullam Apostolicam per Reverendum Patrem Franciscum de Toledo buc directam, rursus Facultatem Sacre Theologie contristavit, nec voluit, cum id ei ex officio incumberet, prælegere, promovendo ad gradum Licentia, clausulam ad juramenta additam, de qua præmittitur. An testis fuerit præsens?

10. Quod idem cum suscepisset positionem publicè in Scholis Theologicis defendendam de meritis operum, in cujus prima propositione erat clausula suspecta; & Repetens interrogaretur ut sensum illius clausula explicaret: non expectatâ responsione Repetentis, animo commoto erupit in verba scandalosa, dicendo quod ipse non vellet ad hoc respondere; cur esses responsurus, eo quod timeret accusationes, vexationes & calumnias &c? An testis audiverit &c?



## E X T R A C T A

## E X A C T I S

## FACULTATIS THEOLOGICÆ

## LOVANIENSIS CIRCA

## MICHAELIS BAII

## N E G O T I U M

**A** Nno Domini 1570. 16. Novembris, Dominus Morillonus, Vicarius R. D. Cardinalis Granvellani Archiepiscopi Mechliniensis, post decimam horam ingressus scholam Theologorum cum Notatio Universitatis publicavit, & publicè legi fecit litteras summi Pontificis, rogavitque DD. Magistros NN. an vellent litteris Apostolicis obtemperare; cui omnes annuerunt. Nota tamen quòd Domini nihil de subscriptione audiverunt, sicut nec discipuli qui ei proximè assidebant.

*Ex libro ab  
An. 1555  
usque ad  
An. 1572.*

Eodem die, vesperi, sub tenebras, misit Rector Bedellum suâ auctoritate, in scio Decano, ad singulos Magistros Facultatis cum chartâ his verbis inscriptâ: Nos Cornelius Goudanus Almæ Universitatis studii generalis oppidi Lovaniensis Rector pro tempore, Decanus ac Magistri Facultatis S. Theologiæ ejusdem Universitatis infra scripti, fatemur nos reverenter amplecti resolutionem S. Sedis Apostolicæ in propositis Articulis juxta ejus Bullam Kal. Octobris 1567. desuper editam, & quòd in disputationibus, lectionibus publicis, & omnibus resolutionibus sententiam nostram illi per omnia accommodabimus, & conformem reddemus: in cujus rei fidem hic nomina & cognomina nostra subscripsimus, Anno Domini 1570. mensis Novembris die 16.

His præscriptis verbis petebat à singulis subscribi; quod fecerunt quidam: sed cùm ad me res pervenisset, ego (\*) Decanus restiti; tum quòd displicebat verbum *resolutionem*, quo nec Pontifex ipse utitur; tum quia Bulla à nullo requiratur subscriptionem: maximè verò eò quòd intellexeram Minoritas jactitare sententiam & Doctrinam D. Thomæ Aquinatis de Conceptione M. V. esse in præfata Bulla damnatam & definitam hæreticam; cui sententiæ eorum favere videbatur verbum *resolutionem*. Convocavi igitur

(\*) Decanus tunc erat Balthasar Textor Ordini Prædicatorum.

Facultatem sequenti die in Collegio majori Theologorum horâ 7. manè, & habitâ deliberatione, Facultas ei respondit in hæc verba: *Facultas petit copiam Bullæ, vel vidimus ejusdem, ut plenius possit intelligere, quomodo debeat se circa censuras & alia regulare. Quantum ad subscriptionem attinet, nescit ad quem finem petatur, & putat per id, quod heri publicè coram Notario factum est, satisfactum esse intentioni Reverendissimorum Episcoporum. Quod si habeant causas, propter quas judicent omnes qui sunt in Facultate, debere subscribere, illis cognitis non decrevit Facultas se reddere difficilem.*

Anno 1571. 17. Aprilis horâ 10. ante meridiem in Capitulo minori S. Petri, Facultate sub juramento congregatâ, & præsentibus omnibus Magistris, præter D. ac M. N. Michaëlem, deliberatum fuit super Articulis nuper primâ die Aprilis propositis, & ex conformibus omnium deliberationibus fuit conclusum.

1. Articulos, quorum in prima propositione fit mentio, omninò habendos esse pro suspectis & damnatis, & talibus quales per Bullam Apostolicam declarantur; atque hanc Facultatis conclusionem esse omnibus Facultatis suppositis intimandam, seorsim quidem in promotionibus ad gradus, publicè verò in Congregatione Facultatis apud Prædicatores postridie D. Dionisii, quando statuta publicari consueverunt, ut omnibus constet esse ab illis abstinendum, eosque qui secus fecerint, secundum statuta Facultatis & promovendum juramenta atque promissiones, ad Facultatem esse defendendos.

2. Libro & tractatus in quibus dicti Articuli ex professo docentur & asseruntur esse à manibus studiosorum auferendos; alios autem unâ cum Manuscriptis, quæ studiosorum diligentia collecta sunt, permittendos quidem esse, sed ita ut moneantur studiosi, defensiones & assertiones eorumdem Articulorum, ubicumque occurrant, esse expungendas & delendas: quod ut fiat diligentius, deputati sunt aliqui ex Magistris ad repurganda scripta sub D. ac M. N. Hessels in sententiis collecta, quorum repurgationes Facultas vult omnes postea imitari, qui ea scripta habere voluerint.

3. Facultatem acceptare D. ac M. N. Michaëlis declarationem, quam ante dies aliquot fecit in scholis Theologicis post disputationes, dicendo quoddam benè velit, imò quoddam benè velle debeat Facultatis judicium in hac re subire, & quoddam non recordetur se verba in tertia propositione mentionata dixisse; si tamen dixerit quoddam respexerit fortè ad partes quasdam in nonnullis articulis comprehensas, & non ad integros articulos.

Denique judicatum fuit, etiam ex conformibus omnium Dominorum deliberationibus, utile futurum ut de nonnullorum articulorum partibus modesta fiat & amica Dominorum inter se Collatio, quatenus se mutuo plenius intelligant, & cum majore concordia semper deinceps omnes unum dicant doceantque: cujus etiam collationis capita & modum scripto comprehendendum Domini commiserunt (\*). Decano Facultatis pro tempore.

(\*) Deignus erat  
Cornelius  
Reynert,  
Ordinarius.

*Articuli qui erant per Decanum scripto propofiti primâ Aprilis, ut præmittitur, sic tradebantur.*

1. Quid Domini judicent per Facultatem statuendum de Articulis per Bullam S. D. N. Pii Papæ V., etiam iteratò Facultati lectam & publicatam, notatis: an verè habendi sint pro damnatis & suspectis, ac ob id suppositis nostræ Facultatis mandandum sit, quod deinceps ab iis tamquam talibus abſtineatur & caveatur, quòdque si quos noverint Facultati subjectos eidem Articulis adherentes, eos secundum juramentum suum aut saltem secundum promissionem suam Facultati deferant, an non? non solum propter censuras in eadem Bulla expressas, verum etiam propter conscientiam suppositorum nostræ Facultatis, & ut omnes Magistri de hac re interrogati conformiter respondeant.

2. Si articuli sint pro talibus habendi, an conveniat supposita Facultatis monere, quòd libros & scripta in quibus illi docentur & afferuntur, debeant à se abdicare?

3. Ut D. ac M. N. Michael ingenuè declaret, an paratus sit secundum jusjurandum sæpe per ipsum præstitum & renovatum, judicium Facultatis in hac re subire, & si velit, ut imprimis declaret quinam sint illi articuli, de quibus aliàs publicè in Facultate dixit, quòd pro illis deberemus forsitan mori potiùs, quàm eos damnare?

Die Augusti 29. congregata fuit Facultas in S. Petro, in qua omnes Magistri fuerunt præsentés, excepto M. N. Michaël, idque ad requisitionem D. Rectoris, occasione litterarum à Duce Albano acceptarum, super iisque scripta fuerant ex Urbe, potissimum de primario Professore, &c. quod concernere putabatur nostram Facultatem: & post longam ac maturam deliberationem communibus omnium votis conclusum fuit, prout latiùs habetur in alio libro majore folio 54. & conclusioni subscripserunt omnes & singuli Magistri, & fuit eadem Conclusio postea ostensa M. N. Michaëli, qui & ipse dixit se eandem approbare & velle subscribere, & etiam eidem subscripsit.

*Ex libro ab Anno 1572. ad Annum 1616.*

Anno 1572. Julii die 4. ante meridiem sub horam decimam, Facultate ad parvum capitulum S. Petri sub juramento convocata omnibusque congregatis, secundum conclusionem superiori Anno mensis Maii die 7. captam, concorditer conclusum est, & iteratò firmatum, sub doctrina suspecta & certò prohibita in statutis nostræ Facultatis comprehendi articulos in Bulla Pii V. nuper nobis intimata prohibitos, estque constitutum illam conclusionem (ut semel iterumque in scrutiniis Licentiandorum factum fuerat) in posterum accepturis in Theologia gradum diligenter recitandam esse, iisque severè præcipiendum, ut à supradictis articulis docendis, defendendis, &

disseminandis abstineant. Quam Facultatis conclusionem Decanus in Licentiae scrutinio, quod à meridie illius diei factum fuit, (cùm M. N. Du Bay, Hunnæus, Goudanus, Maelcorius, cæterique omnes Legentes & Regentes nemine excepto adessent) sedulò executus est, neque quispiam omnium vel verbulo contradixit.

Anno 1580. sub medium Martii, venit Lovanium R. P. Franciscus à Toletò socius nominis Jesu. S. T. D. & SS. D. N. Greg. XIII. Ecclesiastes, ab eadem Sua Sanctitate admissus: qui post dies aliquot vocato ad se Facultatis nostræ Decano, declaravit ei habere se litteras Sux Sanctitatis ad Facultatem nostram, quas ei coram cuperet tradere, simulque legationis suæ causam aperire: Petere se itaque ut Facultatem ad certum aliquem diem & horam convocaret: quâ postriedie per bedellum sub juramento vocatâ in horam secundam post meridiem, & in Collegio Soc. Jesu, ubi præfatus R. P. hospitio exceptus erat, congregatâ & cubiculum ejus ingressâ, cùm post mutuas salutationes omnes confedisent, protulit R. P. Breve Apostolicum ad Doctores Theologos Universitatis Lovaniensis inscriptum, quod fidem ei juberet adhiberi in iis omnibus, quæ ex Sedis Apostolicæ nomine eis esset dicturus, quibus per Decanum lectis, narravit idem R. P. meminisse Dominos præfentes, quomoddò ante annos aliquot Bulla quædam, in quâ certi articuli quidam damnarentur à felicis record. Pio V., emanavit sub data Anni 1567. Kal. Octob. quæ sit quoque in scholis hîc Theologicis publicata. Cùmque Sua Sanctitas, Gregorius XIII. existimaret huic Bullæ reverenter ab omnibus, ut par erat, obediri; ad ipsius aures à fide dignis perlatum aiebat; non deesse inter Theologos, non modò studiosos, sed & Professores, qui articulis in præfata Bulla damnatis auderent adhuc adherere, eisque non privatim tantùm favere, sed coram aliis quoque eosdem asserere & pertinaciter defendere; imò persuasum non paucis esse præfatam Bullam etiam ad ipsâ sede Apostolica aliquando retractandam esse & revocandam; quo accepto Sanctitatem Suam non parvo animi dolore affectam fuisse, proque officii sui ratione, simulque pro charitatis affectu, quem gerat erga Lovaniensem Academiam, imprimis autem S. Theol. Facultatem, non potuisse eam quorundam temeritatem atque audaciam ad totius etiam Ecclesiæ periculum pertinentem, contemnere atque dissimulare, neglectumque habere. Quare ad coërcenda hujuscemodi ingenia, simulque ad eximendam vanam illam istorum futuræ aliquando retractationis spem ac expectationem, statuisset præfatam Pii V. Bullam suâ quoque auctoritate confirmare, articulosque ibidem comprehensos iteratò damnare, & sub gravibus pœnis ac censuris prohibere; & ne quis hac in re constantem Sedis Apostolicæ voluntatem ac sententiam ignorare posset, suam hanc confirmationis Bullam, in qua altera illa Pii V. comprehensa esset, in scholis hîc Theologicis coram omnibus publicandam & promulgandam esse, atque ab omnibus Professoribus & studiosis S. Theologiæ requirendum, ut propriâ confessione eam se reverenter accipere fateantur, eique se parituros promittant. Quibus dictis protulit R. P. Bullam Gregorii XIII. de quâ dixerat, ejusque inspicendi facultatem Dominis dedit. Quo facto addebat se in hoc à Suâ Sanctitate per



per maxima pericula non sine gravissimis sumptibus & expensis missum ut superiora exequeretur, atque ad effectum perduceret; cupere itaque à Facultate certum diem & horam indicari, quā omnes tum Professores tum Licentiati & Baccalaurei, cæterique S. Theologiæ studiosi ad scholas Theologicas convocarentur, ut quæ in mandatis habebat exequeretur.

Quæ cum dixisset, egresso (postquam pro sui purgatione nonnulla locutus esset) D. Michaële Baio Universitatis nostræ Cancellario, Facultas suæ Sanctitati pro paternâ erga suam filiam charitatē & sollicitudine gratias egit; quod autem ad Bullam ejus attinet, eam se gratissimè & obedientissimè, uti par est, recipere & amplecti, orareque ne sinistram aliquam de ipsâ suspicionem concipere velit, neve sibi persuadeat aliam ei unquam mentem & voluntatem fuisse erga Bullam Pii V. quin & illam semper reverenter habuerit, eique in omnibus parverit. Existimare nihilominus vera esse, quæ ad Suam Sanctitatem essent perlata: quare ad iis malis occurrendum, vehementer sibi placere ut nova hæc Gregorii XIII. Bulla in scholis Theologicis proponatur & promulgetur. In quam rem constitutus est Martii 21. dies horâ 10. ante meridiem: in quod tempus ex mandato Facultatis jussit Decanus per bedellum omnes & singulos Facultatis nostræ Dominos, plebrosque Licentiatos, Baccalaureos, & quotquot supererant Collegiorum bur-sarios sub juramento convenire: quibus ibidem frequentissimo numero congregatis ingressus est præfatus D. Franciscus, comitantibus eum honoris causâ DD. Cancellario, Goudano & Gravio: consensâ autem Cathedrâ cum eadem ferè narrasset, quæ prius coram Facultate dixerat, jussit per Conrardum Sylvium Universitatis Notarium publicum, qui ad hoc ibi vocatus aderat, litteras primùm credentiæ ad S. Theol. Doctores datas, deinde ipsam Bullam clarâ & intelligibili ab omnibus voce recitari: quibus lectis convertit sese ad D. Michaëlem de Bay Universitatis Cancellarium, petiitque ex eo, Anne agnosceret in ea Bulla multos Articulos damnari, qui in Libellis quibusdam ejus prius editis continerentur, etiam in eo sensu qui in Bulla damnarentur? quo agnoscentē & respondente quoddam sic: Rogavit ex eo deinde, anne eosdem & reliquos omnes ibi comprehensos & lectos damnaret; tum ille, damno, inquit, secundum Bullæ ipsius intentionem & sicut Bulla damnat. Dehinc præfatus D. Franciscus ad reliquos Doctores Theologiæ conversus interrogavit, anne eosdem articulos omnes damnarent & Bullam reverenter susciperent. Qui omnes uno ore responderunt, eos articulos simpliciter se damnare, & Bullam religiose habituros & observaturos. Eadem fuit vox omnium Licentiatorum, Baccalaureorum & studiosorum, ex quibus idem interrogaverat prædictus D. Franciscus, omnesque consonâ voce conclamarunt, *Articulos damnamus, Bullam reverenter suscipimus, atque obedientiam pollicemur.* Quibus feliciter peractis D. Cancellarius de copia Bullæ, ut hîc relinqueretur, mentionem suggessit. Ad quod respondit præfatus Dominus Franciscus non habere se in mandatis ut copiam ejus hîc relinquat, sed acturum se apud Suam Sanctitatem, mox ubi Romam redierit, ut ea transmittatur. Post quæ cum præfatus Dominus ad obedientiam Sedis Apostolicæ & mutuam concordiam paucisset Audito-

(a) Liber  
iste jam non  
reperitur.

rium cohortatus, quemque dimisit. Extat horum Actorum in scriptis re-  
dactorum per Conrardum Sylvium Universitatis Notarium copia in (a) mag-  
no libro Facultatis nostræ transcripta folio 63. cui addidimus exemplar Bre-  
vis Apostolici ad Facultatem, cujus fecimus mentionem. Scriptum item quod-  
dam manu D. Michaëlis quod tradidit præfato D. Francisco; Postremò co-  
piam litterarum ad Gregorium XIII. quibus Facultas ad ejus Breve respondit.

Die quartâ Augusti Facultate in S. Petro post vespervas convocatâ congre-  
gatâque retulit D. ac M. N. Goudanus binas se Litteras ex Urbe atcepisse;  
alteras à R. P. ac D. Francisco à Toletò, alteras à Reverendissimo ac Illu-  
strissimo D. Cardinali Sabello ad se scriptas, quibus significabant mittere se ad  
ipsum Bullam Pii V. felicitis recordationis, quibus certi quidam articuli dam-  
narentur ac prohiberentur, ut eam D. Doctori Michaëli Baio (cui in publico  
hic nuper auditorio exemplar ejus à præfato D. Francisco à Toletò promif-  
sum fuerat) exhiberet ac consignaret, & quòd hac in re cum ipso egisset,  
certiores eos per litteras faceret. Quibus lectis Bullam ipsam protulit, eam-  
que D. Michaëli in manus dedit ac consignavit: quâ ille acceptâ explicatâ-  
que, & aliquousque lectâ, protulit & ipse ejusdem argumenti epistolam à  
præfato R. P. D. Francisco de Toletò ad se missam, imprimis verò & Breve  
Apostolicum Gregorii XIII. multam erga ipsum charitatis & benevolentie  
significationem præferens; quæ omnia ubi prælegisset, petiit à Facultate præ-  
fatæ Apostolicæ Bullæ copiam, quam ei Facultas per suum vel Universitatis  
Notarium describendam annuit; salvo ut originales litteras ac instrumentum  
ad manus Decani transcripto exemplari deponat atque restituat, ut in arcâ  
Facultatis deponatur, ibique ad perpetuam rei memoriam conservetur. Quod  
se is facturum promisit ac reipso præstitit. Porro litterarum, de quibus  
in superioribus facta est mentio, copię & exemplaria inveniuntur in majore  
libro Facultatis fol. 63.

Ex libro 3. ab Anno 1608.

Anno 1628. die 3. Aprilis proposuit Decanus inter alia 3. loco, An pla-  
ceret imprimi aliquot exemplaria Articulorum prohibitorum Pii V. Pontifi-  
cis: ad 3. conclusit non placere ut imprimantur. . . . . Insuper ex justis  
causis animum Facultatis moventibus conclusit in mutatione statutorum Fa-  
cultatis quæ brevi fieri debet, placere ut ex juramento Baccalaureorum, aut  
etiam aliunde si forsan reperiantur, tollantur illa verba: *sub quâ declarat Fa-  
cultas articulos in Bulla Pii V. &c.*

## NARRATIO CHRONOLOGICA

## C A U S Æ

## MICHAELIS BAI,

## CELEBERRIMI IN LOVANIENSI

## ACADEMIA THEOLOGICA

**A**Nno reparatione salutis 1513. Melini in territorio Atheni apud Belgas, natus est Michael de Bai, seu Baius; qui cum primum ei per ætatem licuit, Lovanium venit ut se daret studiis.

Anno 1533. (ætatis suæ vigesimo) ad Philosophiæ studium admissus, ei per biennium operam dedit in Collegio Porcensi.

Anno 1535. inter philosophos tertium locum obtinuit, ac Magister Artium est renunciatus.

Hinc anno 1536. factus est Collegii Pontificii alumnus. Ibique quinquennium in studiis Theologicis explevit, quâ modestiâ ac morum gravitate, ut qui Domus Standonicæ, in qua ipse priora studia perfecerat, præficeretur dignior nemo inventus sit.

Itaque anno 1541. datus est in præsidem Domus Standonicæ, quam per triennium rexit.

Anno 1544. die 29. Martii ex Facultate Artium ad Consilium Universitatis admissus est.

Ab anno 1544. ad annum 1556. hoc est, sexennium Philosophiam cum multa laude ac plurimo Auditorum profectu docuit.

Interea anno 1545. Laureâ Theologiæ decoratus est, hoc est, promotus ad Sacræ Theologiæ Licentiam.

Anno 1550. die decimâ quintâ Julii, sacræ Theologiæ purpurâ insignitus fuit: ac inter Sacræ Theologiæ Magistros sive Doctores annumeratus. Eodemque anno assumptus in Collegii Adriani VI. Præsidem.

Anno 1551. à Carolo V. Sacrarum Litterarum Professor est institutus in locum Joannis Leonardi Hasselenfis, qui ad Concilium Tridentinum, hoc anno in mense Maio reassumptum, fuerat delegatus. Eidem Concilio eo ipso tempore intererant Ruardus Tapperus, & Judocus Ravestyn, Doctores Theologi ex Academia Lovaniensî pariter à Carolo V. missi.

Quandoquidem verò Michael Baius animadverterat quoddam tam Lutherani quam Calvinistæ, qui eo tempore per Belgium grassabantur, nihil nisi Scripturam Sacram, & dicta Veterum Patrum vellent auscultare, ipse cum Joanne Hesselio, altero Sacræ Theologiæ in eadem Academia Magistro, hanc docendi Theologiam methodum sibi præscripsit, quâ Sacræ Scripturæ & Sanctorum Patrum, ac, præ cæteris, Augustini, quem hæretici se speciatim revereri profitebantur, sententias ac verba discuteret, explanaret ac traderet. Insuper multos noverat, qui se Theologos ac nostræ fidei adversus Hæreticos defensores profitebantur, ab antiqua Apostoli & Augustini circa Christi gratiam doctrina, quam Ecclesia Romana suam fecit, deficere, & ad Pelagiana dogmata declinare: quales fuere inter alios quidam Bartholomæus Camerarius, qui circa annum 1558. librum scripsit in quo prædestinationem ex præviis meritis defendendam ipsiusmet. ut jactabat, Augustini testimonio susceperat: Albertus Pighius, qui ita pressè Pelagianorum sectabatur vestigia, ut opera ejus cautè legenda merito censuerit Cardinalis Bona: Alius quidam Theologus Parisiensis, qui, ut in quodam Ms. Codice observatum vidi, eo tempore dicere non erubescere quæ sequuntur: *Non rectè tractat Augustinus de prædestinatione, nec de gratia. Nec prædestinavit Deus quemquam absolute, seu pro mero suo beneplacito, sed ex præscientia operum bonorum. Non habet quosdam specialiter electos, quos speciali seu peculiari gratiâ prævenit ac gubernat: sed omnibus offert auxilium sufficiens ad volendum credere & bene vivere: atque ita discrimen est ex solis hominum voluntatibus, auxilium illud vel acceptantibus vel rejicientibus.*

Non potest Deus ex nolentibus facere volentes, nisi cogendo voluntatem, seu libertatem violando: unde consequitur non posse eum plures convertere quam convertantur.

Deus improprie dicitur in nobis operari velle & perficere. Non est aliquod speciale donum perseverantia præter illud commune auxilium, quod qui vult acceptat. Deus dat omnibus fidem & gratiam operantem & cooperantem; sed idè non omnes habent, solum quia non accipiunt. Non est proprie liberum arbitrium in Deo & Beatis.

Non est inscrutabile, neque ad occulta judicia Dei pertinet, cur ex duobus infantibus Christianorum parentum, alterum perducatur ad baptismum; alterum non itidem: cur ex duobus justis alterum permittat vinci, alterum non.

Quidam Franciscus Horantius, Minorita Hispanus, his jurè adnumerandus est, qui & in Belgio tum temporis adversus Hæreticos scripsit, in sancti Augustini doctrina tam parum versatus, & in Pelagiana dogmata adeò propendens ut, præter ea quæ de eo infra referentur, veluti veram catholicam Sancti istius doctoris sententiâ hanc traderet: *Si non es prædestinatus, fac ut prædestineris.*

Mitto Tapperum & alios ex ipsa Academia Lovaniensi, qui ut à Calvinismo caverent, ad Pelagianos errores non nihil deflexerant. De his omnibus Cardinalis Baronius videtur sapienter monuisse: *Videant quanto periculo quidam ex recentioribus, dum in Novatores insurgunt, ut eos confutent, à Sancti Augustini sententiâ de prædestinatione recedant.*



Anno 1552. Cùm die 28. Aprilis Tridentina Synodus propter bellorum tumultus suspensa fuisset, Lovanium repetunt Ruardus Tapperus, & Judocus Ravesteyn Tiletanus, Sacræ Theologiæ in Lovanicensi Academia Magistri. Hi Lovanium reduces cùm intellexissent Michaellem Baium non vulgari scholarum more de rebus Theologicis differere, sed sacræ Scripturæ verbis ac genuinis veterum Patrum, præsertim Augustini, sententiis firmiter adherere, in ipsum insurrexerunt, ac adeo vehementer sunt investiti, ut Tapperus, quem Michael Baius in Theologia Magistrum se habuisse profitebatur, sed cujus opiniones jam non defendebat, semel zelo furens de eo dixisse feratur: *Quid diabolus ista dogmata in scholam nostram nobis absentibus invexit &c?* Hinc gravis in Michaellem Baium cœpit excitari procella ab iis qui suis imbuti opinionibus, ac suis definitionibus assueti magis quàm Sacræ Scripturæ ac Sancti Augustini sententiis, impium, blasphemum & hæreticum censebant quicquid extra scholæ suæ usum tradebatur.

Anno 1560. Cuneris Petri Zelandus, cujus non semel meminimus, purpurâ Doctorali in Lovanicensi Academia decoratus est.

Eodem hoc anno inter Fratres Minores Belgii fervebant contentiones de sententiis, quas Michael Baius tenere ac docere ferebatur. Idcirco duo ex illis qui Michaeli Baio adversabantur, nimirum P. Petrus de Quercu, Guardianus, ut vocant, Conventus Nivellensis, & P. Ægidius de Querceto, Guardianus Athenis, octodecim articulos ad Facultatem Theologicam Parisiensem miserunt, enixè rogantes ut super iis censuram ferret: quod die vigesimo septimo Junii hujus anni 1560. præstiterunt Parisienses aliquot Theologi, qui ex articulis illis quindecim hæreticos esse, alios autem falsos, ac Sacræ Scripturæ repugnantes definierunt.

Statim atque Censuram hanc recepit Michael Baius, in eam doctas ac breves annotationes scripsit, quas decreverat curare ut alicui è Doctoribus Sarbonicis exhiberentur. Verùm cùm quævisset ut unum istius Censuræ exemplum sibi mitteretur, quod certò scire posset, an illa à Sorbonæ Theologis verè exiisset; nihilque responsi obtinere potuisset; suam, in hanc Censuram Annotationes cum Epistolio misit P. Antonio Sabbonio, Fratrum Minorum in partibus Flandriæ Provinciali, iis quibus fore proficuas judicaret communicandas. Censuram hanc cum istis Annotationibus suprà prodidimus. Plures epistolæ Michaelis Baii ad P. Sabbonium, & P. Sabbonii ad ipsum asservari apud Fratres Minores Leodii & in Provincia Flandriæ, fidem fecit P. Mathias Hauzeur in Anatomia Sancti Augustini. Quidam quoque Superior Franciscanorum, teste Palavicino in l. 5. c. 7. Historiæ Concilii Tridentini, eos severissimè ac durissimè excipiebat, qui propugnabant Michaelis Baii sententias, quas ut hæresim sapientes insipienter damnabat, minatus se earum censuram à Pontifice postulaturum. Baii verò sectatores, ut sententias quas defendebant, non tam illius quàm Sancti Augustini esse cunctis notum fieret; cœperant Opera Prosperi in Gallia typis dare. Verùm ne id perficeretur impedivit Cardinalis Granvellanus, fratris sui in Gallia Legati operâ. Romam pariter scripsit ut à Papa Pio IV. facultas si concederetur præcipiendi utrique parti quod expediret. Id concessum per

Breve scriptum Granvellano qui antequam eo uteretur, Hesselium & Baium sibi devinxit, eos in suum adsciscendo consilium cum pingui pensione. Interim majora dissidia multæque anno 1561. confictæ propositiones ab æmulis Baii, qui eas Cardinali Granvellano, Belgium regenti, eo anno 1561. exhibuerunt, ipsas Michaeli Baio ascribere non veriti, licet nonnullæ ipsarum ab ejus sensu omnino essent alienæ; nonnullæ ab eo nunquam in unam aut alteram partem disputatæ; denique ferè omnes eâ arte confictæ & expressæ, ut vel ob solum loquendi modum suspectæ de errore vel de hæresi possent censerî. Granvellanus eas tradidit Michaeli Baio, qui ad eas scripto respondit, suamque responsonem Granvellano porrexît. Hæc desideratur. Romæ circa hujusce anni initium de hocce negotio scriptum est Patri (fortè Horatio) qui Regi erat à Confessionibus.

Cardinalis Commendonus, per Belgium tum temporis transiens, ut cum Margareta & Granvellano de resumenda Tridentina Synodo ageret, aures plus æquo faciles præbuerat criminatoribus Michaelis Baii, à quibus circumventus die nonâ Junii hujusce anni 1561. litteras scripsit Cardinali à Mantua, in quibus ei expendendum proponit, an expediret Michaellem Baium & Joannem Hesselium, à Theologorum Lovaniensium collegio jam delectos, ad Tridentinam Synodum mitti: simul tamen adjiciens, se nolle infaustum de iis viris præsagium præcinere. Idem fertur Pio IV. consuluisse, ut utrique parti silentium indiceret, quo hujusmodi disputationum motus componerentur. Die decimâ octavâ Octobris Cardinalis Granvellanus de hujusmodi negotio litteras Regi Philippo scripsit, quas cum Regis responso, ex Vefontiana sancti Vincentii Bibliotheca depromptas, suprâ protulimus.

Michael Baius suâ Responsione os æmulorum suorum ita obturaverat, mandatis Granvellani, qui utrique parti virtute prædicti Brevis silentium imposuerat, ita parebat, ut his de quæstionibus nulla jam querela audiretur.

Itaque pacatis omnibus anno 1563. ineunte, priora Michaelis Baii Opuscula, de libero arbitrio, de Justitia, de Justificatione, & de Sacrificio, cum Francisci Sonnii, Buscoducensis Episcopi, & F. Joannis Hentenii, Professoris Theologi, Approbatione, Regisque Catholici Privilegio, dato in mense Februario anni 1563. in lucem prodire Lovanii. Tumque Michael Baius à Rege Catholico delegatus Tridentum ivit, ibique interfuit Concilio, quod eodem anno abeunte completum est.

Eo absoluto Michael Baius Tridento reversus Lovanium alia sua opuscula, videlicet libros De meritis operum, de prima hominis justitia, & de virtutibus Impiorum, nec non De Sacramentis in genere, & de forma Baptismi, luci publicæ dedit, cum Regis Catholici privilegio, quod mense Februario anni 1564. concessum est. In prima quidem paginâ primùm prodidiisse dicuntur anno 1565. licet anno 1564. abeunte in lucem exierint; ne scilicet annus 1564. abiens Typographo pro anno integro ex iis qui pro editione concessi erant, computaretur.

Per id temporis graves inter Minoritas provinciæ Flandriæ denuð exortæ sunt contentiones circa Contritionem ac necessitatem peccata confitendi;  
&c

& circa Beatissimæ Virginis conceptionem. Quidam ipsorum hanc pro lege habebant consuetudinem, ut si ipsi ad manum non haberent aliquem de suo Ordine Sacerdotem cui peccata sua possent confiteri, sacra nihilominus conficerent ac fumerent absque prævia confessione, etsi publicitus inebriati fuissent aut fornicati. Contendebant etiam scriptis, quòd confitendi propositum junctum contritioni ad obtinendam peccati remissionem sufficit, ubi excusat probabilis aliqua ratio, qualem putabant esse, si aliquis ex Ordine Sacerdos non adesset. Hinc multa morum corruptela, magnaque erga Christi Sacramenta irreverentia consequebantur. Ii vehementer repugnabant sententiæ, quâ Michael Baius docebat non nisi in singulari aliquo casu, & extrema necessitate urgente, peccata à Deo remitti absque sacerdotis ministerio.

Nec minùs ei indignati sunt, eò quòd non probaret cum tanto ardore defendi sententiam de immaculata Conceptione Virginis, quæ in nullo SS. Patrum legitur, imò quam eorum doctrinæ adversari arbitrabatur. Nonnulli Minoritarum contrà pro Confessionis & absolutionis necessitate, etiam cum contritio adest, firmissimè stabant, Michaelis Baii libros ipso infcio allegantes, quos rejiciebant alii. Hæc inter dissidia aliqui non ex Minoritis modò, sed & ex ipsa Academia Lovaniensi, Michael Baio nihil tale suspicante, articulos quosdam ex ipsius Tractatibus malâ fide decerpserunt ac confinxerunt; ac de iis conquesti apud Regem Catholicum, postulaverunt ut sententiæ istæ configerentur.

Die enim vigesimâ Novembris anni 1564. Judocus Ravesteyn Hispano cuidam Patri Laurentio Villavicentio, Academiæ Lovaniensis Doctore Theologo, Ord. Eremit. Sancti Augustini in Hispania tum degenti, iniquissimè scripsit de Michaelis Baii sententiis, quas suo more referebat & exprimebat. Quæsitque ab eo, an non expediret Michaelis Baii libros simul ac propositiones ad Regem transmittere, & opem ab eo implorare ut hujusmodi articuli censuris Academiarum Hispaniæ proscriberentur: quod facili negotio perficiendum suggerit curâ P. Francisci Horantii, qui Regi erat à confessionibus.

Equidem Judocus Ravesteyn libros à Joanne Hesselio & Michael Baio in vulgus editos, eorumque, ut dicebat, sententias misit ad Theologos Complutenses & Salmaticenses, qui Censuras suas tandem, aliis æmulis Baii post Judoci mortem urgentibus, dederunt tempore Gregorii XIII.

Complutensis enim Academia duas Censuras in novem hujusmodi sententias tulit, unam breviorē, proluxiore alteram. Sed quo anno non mihi constat: attamen post Pii V. Bullam & Apologiam Michaelis Baii, ut ex propositione 6. & 8. liquet. Academia Salmaticensis, quo anno suam in easdem novem propositiones Censuram tulerit, pariter ignoro: eodem, quo Complutensis data est, hanc esse latam facillè crediderim.

Idem Ravesteyn à Tiletio, seu Tiletanus, censuit ad summum Pontificem simul esse recurrendum; & circa annum 1564., operâ cujusdam P. Godetridi Leodii Minoritæ, alios plures articulos, veluti ex Michaelis Baii libris collectos, misit Pio IV. Pontifici, ac ejus super iis Censuram ac judicium

urfit. Anno 1566. dum ista adversus Michaelē Baiū in Belgio, in Hispania & Romæ clanculum movebantur, excessit è vivis Pius IV. in cujus locum Pius V. eodem anno successus est.

Hoc ipso anno Michael Baius iterum typis dedit libros *De libero arbitrio*, *De Justitia*, *De Justificatione* & *De Sacrificio*, qui an. 1563. Lovanii primum editi fuerant; eisque adjunxit libros *De peccato originis*, *De Charitate*, *De Indulgentiis*, & *De oratione pro Defunctis*.

Eodem anno Parisiis prodierunt *Loci Catholici* F. Francisci Horantii, Hispani Minoritæ, qui cum ad Pelagianos propius accederet, ut liquet speciatim ex l. 1. c. 20. 24. 25. 26. & 28. ubi naturæ bonum singulariter commendat; non mirum si Michaeli Baio summopere insensus fuerit. Huic Operi præfixa est Autoris epistola Regi Hispaniarum scripta Venetiis idibus Quintilibus anni 1544.

Eo ipso tempore Patres Societatis bellum indixere Academix Lovanienfi. Et die 4. Julii hujus anni 1566. P. Provincialis Jesuitarum per Belgium, unâ cum P. Rectore Collegii Lovanienfis, Facultati Theologicæ, quam illius Magistris in invicem pugnantibus divisam, & aliis negotiis intentam cernebat, primum exhibuit Litteras Indulti, quo à Romanis Pontificibus fuerat Societati concessa Facultas eos, qui student in Jesuitarum gymnasiis, creandi Baccalaureos, Licentiatos ac Magistros ceu Doctores, si contingerit quoddam eos gratis admittere nollent Rectores Academicarum. Hujus virtute privilegii Provincialis & Rector postulaverunt à sacra Facultate Lovanienfi ut nonnullis, qui lauræ donandi tunc temporis erant, ea gratis concederetur. Facultas id. repulit, & Decanus tot tamque urgentia protulit pro Facultatis juribus, ut Provincialis & Rector nihil habuerint quod opponerent.

Interim æmuli Michaelis Baii, qui priores sententias Pio IV. denunciaverant, alias plures addidere, quas tam ex posterioribus quàm ex prioribus ejus Opusculis excerptas & collectas asserebant: easque omnes, numero septuaginta sex Pio V. qui in Pio IV. locum novissimè successerat, exhibuerunt, instantes vehementissimè ut eas proscriberet. Et ad id promptius obtinendum, Minoritas delatores non parum adjuvisse existimaverim Patrem Montaltium, quem Pius V. Fratrum Minorum recens fecerat Generalem, & qui postea fuit Xistus V. Imò Minoritæ Belgii, quos Sablonius eorum Provincialis represserat, duos è suis, videlicet P. Petrum le Roy, qui Mariæ Austriacæ, Reginae Poloniæ fuerat à Confessionibus, & P. Theodorum à Leodio, qui apud Ducem d'Alve gratiam invenerat, ad Regem delegavere, qui ab iis circumventus rogavit Pontificem ut turbas componeret quas disputationes istæ in Belgio excitaverant.

Itaque anno 1567. Kal. Octobris, Michaelē Baio nihil istorum sciente quæ in ipsum agebantur, & ejus libris, ex quibus extractæ dicebantur hujusmodi sententiæ, malè consultis vel intellectis, Pius V. Bullam dedit (a) quâ eas omnes conglobatim ut hæreticas, erroneas, suspectas, temerarias, scandalosas, & in pias aures offensionem immittentes, respectivè damnavit: ita tamen ut nonnullas ipsarum declararet defendi posse in rigore & in proprio verborum sensu ab assertoribus intento, ac Michaelis Baii nomen, sicut & titulus.

(a) Ista alteram Granvella- ni Epistolam die 13. Novemb. 1567. Melviliano scriptam; & relictam superius.



titulus libri ex quo dicebantur collectæ, reticeretur. Hanc Bullam suprà ex integro relata habes.

Sed nec visum est Pontifici Constitutionem hanc Romæ affigere aut promulgare. Satis esse ratus est, si Michaeli Baio, ac strictæ Facultati Theologice Lovaniensi in privatis ædibus intimaretur.

Quamobrem Papa suæ Bullæ executionem commisit Cardinali Granvellano, primo Archiepiscopo Mechliniensi, qui tum Romæ commorabatur. Ipse verò ad id operis delegavit Maximilianum Morillon, suum in Dicecesi Mechliniensi Vicarium Generalem; simulque die 13. Nov. 1567. binas ei litteras scripsit, in quibus significabat se, ut Michaelis Baii honori ac famæ consulere, egisse apud Pontificem ut ejus nomen in Bulla non exprimeretur, & ut in ea declararetur quòd multæ ex his sententiis sustineri possent in rigore & aliquo sensu.

Hanc Pii V. Bullam cum Cardinalis Granvellani litteris statim ac accepit Morillonus, Baio scripsit ut Bruxellas die 22. Decembris veniret, & ipsum accederet. Die 20. ejusdem mensis Baius rescripsit Morillono se indictâ die venturum, simulque Pastori Ecclesiæ S. Johannis Mechliniæ, suam erga Sanctæ Sedis Decreta observantiam obtestatus. Die 21. Decembris Morillonus ea omnia scribit Cardinali Granvellano, adjungens sibi videri Bullam Patri Pepin, Provinciali Minoritarum in Flandria, & Guardianis Namurcensi, Atheniensi, & S. Audomari intimandam, quia Baio adhærebant. Has Morilloni litteras habes suprà.

Tandem die vigesimâ nonâ Decembris Maximilianus Morillon, Ecclesiæ Sancti Petri Arienſis Præpositus, ac Cardinalis Granvellani Mechliniensis Archiepiscopi Vicarius Generalis, tanquam ab eo delegatus Lovanium venit, ac Cornelio Jansenio, qui Sacræ Facultatis pro tempore Decanus erat, Judoco Ravestyn, Michaeli Baio, Hunnæo, Gosio, & Cunero Petri, qui de stricta Facultate erant, privatis in ædibus Judoci Ravestyn Tiletani, significavit Litteras Apostolicas Romæ datas esse Kal. Octobris hujus anni, quibus, dicebat, *certaines sententia damnantur respectivè tanquam hæreticæ, erroneæ, scandalosæ, & pium aurium offensivæ*, QUANQUAM EARUM NONNULLÆ ALIQUO FACTO SUSTINERI POSSENT IN RIGORE ET PROPRIO VERBORUM SENSU AB ASSERTORIBUS INTENTO. Deinde eas Litteras distinctè legi, eos ad pacem & concordiam cohortatus. Subdidit sibi seriò præscriptum, ut & libros excusos, ex quibus articuli isti ferè omnes desumpti ferebantur, prohiberet. His auditis Decanus nomine omnium Magistrorum dixit, quòd quâ par erat reverentiâ reciperent Litteras Apostolicas, ac eis essent obtemperaturi. Et ut eas meliùs observare possent, petiit ab isto Delegato ut ipsarum exemplum eis traderet: subjungens gravibus ex causis nullatenus expedire ut libri Michaelis Baii inhiherentur. Quapropter nec illi prohibiti fuerunt: Nullum verò Bullæ exemplum Delegatus porrigere voluit, sed duntaxat Articulos suâ manu transcriptos, & eâ quidem lege ut nullis aliis communicarentur.

Tum Sacra Facultas Morillonio tradidit scripto Declarationem, quâ Magistri suprà recensiti testantur, ut extat in Tabulis istius Facultatis, exhibitas

sibi fuisse Litteras Apostolicas, quibus certæ sententiæ & scripturæ, prologia, & Disputationes damnantur respectivè tanquam erroneæ, scandalosæ & piarum aurium offensivæ; QUANQUAM EORUM NONNULLÆ ALIQUO FACTO SUSTINERI POSSINT IN RIGORE ET PROPRIO VERBORUM SENSU AB ASSERTORIBUS INTENTO.

Cætera quæ ea in re peracta sunt, descripsit Morillonus in litteris quas retuli suprâ: & habentur in Attestatione seu Declaratione Jansenii superiùs adducta.

Hoc anno ad ea quæ in Conventu sive Synodo Cameracensi circa Hæreticorum baptismum ac matrimonium, nec non violatores Reliquiarum fuerant deliberata, sententiam suam protulit Michael Baius cum Cornelio Jansenio & Rithovio in Theologia collegis, qui unâ cum ipso ad hanc Synodum vocati fuerant.

Anno 1568. incunte, Morillonus rursum Cardinali Granvellano scripsit litteras, quibus ei significabat se Confessario Ducis Albani seriem ac modum intimationis Bullæ narrasse, & istum Duci retulisse, qui cuncta probavit.

Interim ipse Morillonus Patrem Angelo Aversa Minoritarum Flandriæ Commissarium advocavit, & ei intimavit Bullam, inhibens ne quis Ordinis istius de his controversiis ampliùs disputaret: ei insuper jussit ut Patrem Ministrum qui brevi venturus expectabatur, ad se adduceret, ut ei Bulla pariter intimaretur. Die decimâ Januarii eam intimavit Patri Petro Lupi, ac ejus Lectori. Postridie ea omnia scripsit Cardinali Granvellano in litteris suprâ suo ordine relatis; ubi ei proponit Patrem à Leodio Baii insectatorem, instituendum Provincialem in locum Patris Pepin Baio adhærentis. Mense Maio, vel circiter, multa cum Baio egit ac locutus est Morillonus, cum non urgens ut articulos in Bulla proscriptos ejuraret, quia nimio dolore oppressum eum videbat. Hæc & alia habes in litteris à Morillono die 20. Junii hoc anno scriptis, quas superiùs retuli.

Eodem hoc anno, die vigesimâ sextâ Novembris, in Sabbathina disputatione Theologica, in quâ Mathias Hovius, Bursarius Collegii Pontificii, responderebat, Michael Baio præside, actum est de ratione Sacrificii. In fine autem disputationis Cunerus Petri exprobravit Michaeli Baio, quoddam sententia inter novissimè damnatas quadragesimâ quintâ non recederet: quod & Judocus Ravestyn palam confirmare ausus est. Ipsos ut scriptis convinceret, suamque adversus eorum contumelias vindicaret fidem Michael Baius, die proximâ, hoc est, vigesimâ septimâ Novembris Collationem cum ipsis per litteras instituit, ac primam ea de re epistolam scripsit Cunero Petri. Integra hæc Collatio superiùs edita habetur.

Quandoquidem verò contentiones de Baianis, ut dicebantur, sententiis maximè inter Fratres Minores Belgii efferbuerant, idcirco eorum Præpositi in suis, quæ hoc anno Nivellæ habita sunt, Comitibus, istos 76. articulos suo totiusque Provinciæ nomine ejuraverunt.

Anno 1569. octavâ Januarii die, Michael Baius Summo Pontifici scripsit, conquestus quoddam nullum Bullæ, quæ sibi ac aliis Theologis exhibita fuerat, exemplar posset obtineri neque Romæ neque Lovanii: & quoddam nihilominus

ominus per Belgium circumferrentur septuaginta sex articuli à Sua Sanctitate damnati. Huic epistolæ adjunxit Apologiam, in qua demonstrat 1. quàm mendaciter ac calumniosè ipsi tribuantur hi septuaginta sex articuli. 2. Quo sensu plerique ipsorum veri sint & ad mentem Sancti Augustini.

Apologiam hanc cum suis litteris ac altera breviori eorundem articulorum explicatione direxit ad Cardinalem Simonetam, quem in Concilio Tridentino noverat. Verùm dum hæc essent in via, Cardinalis Simoneta humanis exemptus est. Nihilominus Michaelis Baii Litteræ & Apologia Pio V. summo Pontifici redditæ sunt.

Et Pius V. die tertiâ Maii ejusdem anni 1569. Michaeli Baio rescriptit quoddam causâ maturè discussa fuisset, eum adhortans ut se ipsius Censuræ subjiciat: adeò rarum his temporibus quoddam Judices, præsertim supremi, ea quæ ab ipsis quantumcumque delusis semel judicata sunt ac definita, ad examen revocari patiantur.

Die vigesima Junii hujusce anni 1569. Morillonus prædictum Breve Pontificis Michaeli Baio tradidit cum Litteris Granvellani. Summopere autem miratus est Baius secum agi ac si suas vindicias & Apologiam scribendo Pontifici, in eum fuisset rebellis, ac Excommunicationis & Irregularitatis censuras incurrisset: à quibus cum peteret absolvi, Morillonus absolutionis beneficium ei impertiri noluit, quin prius Articulos per Bullam confixos ejuraverit. Has & alias tanti viri molestias & quomodo nullum Bullæ exemplar quo se tueri posset, obtinere potuerit, intelligere est ex litteris quas ea de re Morillonus eadem die 20. Junii scripsit Cardinali Granvellano; & quas suprà adduximus.

Jam post illam Censuram & istud Breve fit cuius liberum in Michaellem Baium, ac si hujusmodi sententias docuisset, palam invehi. Nec Fratrum Minorum Præpositis in provincia Flandriæ satis fuit istos articulos in Comitibus Nivellenibus anno superiori ejurasse. Quidam P. Julianus à Querco, istius provincie Minister, hoc anno 1569. primâ die Septembris, Decretum tulit quo omnibus ac singulis Guardianis sibi subditis mandat, ut hujusmodi articulos cum eorum Censuris in Capitulo legant, ejurent, & à singulis non modò Sacerdotibus & Clericis, sed & Laicis curent ejurari, omniaque Michaelis Baii scripta, si quæ habent, Præposito tradi: imo ut ab ipsis Sororibus, quæ ab ipsis regebantur, sui Decreti tenorem exponerent, eis sub gravissimis pœnis præcipiendo, ut omni contentione ac querelâ, super his doctrinis aut propter eos qui eos defenderunt, in posterum abstinerent.

Hoc anno 1569. Michael Baius duarum curationum, quæ miraculosè contigerant, testimonia comprobavit, exhortans ut ad Dei gloriam evulgarentur: simulque scripsit Virgines Cirenenses ad clausuram non teneri, nec posse cogi.

Anno 1570. ineunte, septimâ videlicet Februarii die, vitâ functus est Judocus Ravestyn, unus è præcipuis Michaelis Baii æmulis.

Nihilominus junior quidam Theologus, de quo jam non semel feci mentionem, nimirum, Cunerus Petri, in Sabbathines scholæ exercitationibus, &

& quidam F. Godefridus Leodius Minorita, in concionibus quas hoc anno 1570. per Quadragesimam in Templo Fratrum Minorum Lovanii habebat, Michaellem Baium denuo exagitare cœperunt, tanquam qui Judoco Tiletano mortuo novos motus excitaret, ac proscriptos articulos audaciori animo defenderet.

Has calumnias Michael Baius in modesto silentio sustinebat, donec tandem Martinus Richtovius, Episcopus Iprensis; Franciscus Sonnius, Sylva-Ducensis Episcopus; & Cornelius Janfenius, Episcopus Gandensis, iniquiis ferentes tam exquisitæ eruditionis ac tam humilis patientiæ virum hujusmodi æmulatorum dentibus sic discerpi, ipsi die undecimâ Aprilis prætercurrentis hujusce anni 1570. consulissent, ut se ab iis calumniis publicitûs vindicaret, suamque mentem palam exponeret circa istos Articulos.

Ipsorum itaque consilio ac suasu Michael Baius, die decimâ septimâ Aprilis ejusdem anni 1570. horâ decimâ, cœpit in Scholis Theologorum quid circa hujusmodi Articulos sentiret, cum multa humilitate ac modestia aperire: declarans nonnullos ipsorum esse falsos ac jure confixos, sed à se nunquam traditos: alios esse arte ac dolo confictos, qui pravum sensum pati possunt, quem nunquam tenuit, licet & in sano intelligi quoque faciliè possent.

Die decima nonâ ejusdem mensis, explicationem, quam die decimâ septimâ susceperat, in publicis Scholis profecutus est: nec prætermisit dicere quodd quidam, cujus nomen tacuit, qui ejus sententiam non capiebat, duriora fuisset de ipso locutus: sed postquam ipse suam mentem ei aperuisset, veniam ab eo supplex petierit, & scripto quidem testimonio. Verùm neque his sedati sunt animi in Michaellem Baium improbè commoti.

Quidam enim apud Ducem Albanum, Belgii eo tempore Præfectum, quem Michaeli Baio infensum suis calumniis reddiderant, conquesti sunt quodd ipse Pontificiæ Constitutioni, quâ ejus, ut dicebant, errores fuerant proscripti, impunè morem non gereret eo obtentu, quodd ista Constitutio non-solenni ritu fuisset promulgata, sed duntaxat privatis in ædibus Doctoris Tiletani aliquot Theologis Doctoribus prælecta: institeruntque apud Ducem ut in publicis Lovaniensis Academiæ Scholis promulgaretur, eique subscriberent Michael Baius cæterique Sacræ Theologiæ Magistri.

Cùm itaque eodem hoc anno 1570. die undecimâ Junii, Mechliniæ Synodus haberetur omnium Episcoporum Belgii, cui Martinus Rithovius, Episcopus Iprensis, Cardinale Granvellano, Archiepiscopo Mechliniensi absente, præter; Dux Albanix ad eos de isto negotio scripsit, urgens ut Pii V. Bulla adversus 76. articulos lata solemniter publicaretur Lovanii, ac ei ab omnibus subscriberetur Lovaniensis Academiæ Theologis Doctoribus & Professoribus. Id se præstituros Duci Albano polliciti sunt; licet per priorem, quæ anno 1567. contigerat, Bullæ intimationem mandato Pontificis adeo plenè fuisset satisfactum ut à Pontifice nihil ulterius requireretur. Ut igitur fidem suam liberarent hi Episcopi, in Synodo constituerunt præter præscriptum Papæ, qui suæ Bullæ executionem Cardinali Granvellano nominatim commiserat, Lovanium denuo mittendum esse eundem Maximilianum



tianum Morillon, qui Pii V. Constitutionem ibi publicitûs ac more solemniori promulgaret, ac Theologos induceret ad subscribendum.

Id antequam exequerentur visum est istius Synodi Patribus, ut ex ipsis duo, nimirum Martinus Rithovius & Cornelius Jansenius, Episcopus Gandensis, istud Synodi propositum Michaeli Baio communicarent, qui Sacræ Facultatis Lovaniensis erat senior. Illi itaque venerunt Lovanium, rem Michaeli Baio communicaverunt, quem ad omnia præstanda quæ ad pacem salvâ veritate conducebant, invenerunt paratissimum. Indeque recedentes Duci Albano promptum ad obediendum testificati sunt Michaelis Baii animum, quod Ducem summo opere mitigavit.

Cùm igitur consilium hoc omnibus istius Synodi Episcopis & Belgii Præfecto probaretur, memoratus Morillon Lovanium iterum venit, ibique decimâ sextâ Novembris die præterlabentis anni 1570. Pii V. Rescriptum seu Bullam in scholis publicis ritu solemnî promulgavit, nullo tamen istius Bullæ exemplo relicto: Instititque ut Theologiæ Magistri huic Censuræ subscriberent. Deinde petiit ab omnibus Theologis, an Litteris Apostolicis ab ipso præbitis vellent obtemperare: ad id se esse paratos clamaverunt omnes: sed de subscriptione cuncti siluerunt.

Eodem die, vespere, Rector, inscio Decano P. Balthasare Textore, Ord. Prædic., Bedellum Facultatis privatâ suâ autoritate misit ad singulos Doctores Theologos cum quadam formulâ, quâ profitebantur se reverenter amplecti Sedis Apostolicæ definitionem circa recensitos 76. Articulos, seque in omnibus Disputationibus, Lectionibus ac responsionibus sententiam huic definitioni conformem fore secuturos. Statim ac Decano exhibita est ut ei subscriberet, ipse se hujusmodi subscriptionibus strenuus opposuit; ac postridie Facultati Theologicæ in Majori Collegio convocatæ declaravit istius Formulæ subscriptionem à Theologis exigî. Hoc audito, Sacra Facultas respondit 1. se postulare exemplum Bullæ ut plenius intelligere valeat quomodo se debeat circa has Censuras gerere. 2. Quod subscriptionem attinet, se existimare quodd per solemnem Bullæ promulgationem menti sit satisfactum Episcoporum Synodi Mechliniensis.

Igitur nulla subscriptio obtineri potuit à Theologis, qui fraudes & insidias in novo isto subscribendi mandato subolfaciebant. Imò statim ac Maximilianus Morillon Lovanio discessit; ferebatur alteram hanc proprio nutu, sub ementito Episcoporum nomine, Pianæ Bullæ evulgationem suscepisse; novamque illam exegisse subscriptionem, ut qui illi subscripsissent, veluti erroris ac relapsûs convicti haberentur ab iis qui eos criminabantur, etsi mendaciter, recensitos tenuisse articulos, etiam postquam Pontificio Diplomate fuissent proscripti.

Ubi hujusmodi querelæ pervenerunt ad Morillonium, Martino Rythovio & Cornelio Jansenio per litteras significavit quàm molestè ferret suspicionem hanc de ipso haberi, & quàm vehementer ab ea liberari cuperet.

Eam ob causam ambo hi Episcopi, die vigesimâ tertiâ Decembris hujus anni 1570. Sacræ Facultati Lovaniensi scripserunt litteras, quibus illam certiorera faciebant quodd Maximilianus Morillon non privato suo nomine, sed ex

commiffione, quam graviffimas ob caufas ei dederant Patres Synodi, Bullam Pii V. in Scholis Lovanienfibus noviffimè promulgaffet, & præfcriptæ Formulæ fubfcribendum propofuiffet. Deinde ipfi Sacræ Facultatis rogant & hortantur ut vanâ fraudis alicujus fufpitione depofitâ, Pontificiæ fubfcribant Cenfuræ, ad odiofiffimam, ut aiunt, caufam confopendam. Atfruftra id ipfos poftulaffe, ac Lovanienfes Theologos nunquam potuiffe ad id adduci ut Piam Cenfuram fuâ fubfcriptione firmarent, facilis crediderim. Id enim ab eis præftitum nullibi reperio.

Anno 1571. incunte, Commentarius à Cunero Petri (qui anno fuperiori ad Epifcopatum Leuwardienfem provectus fuerat) Leuwardiæ in 76. articulos à Pio V. damnatos fcriptus & abfolutus eft. In ipfa operis iftius valde prolixi præfatione declarat, quòd recensitæ fententiæ à Sede Apoftolica, prout anno 1567. ipfi ac Facultati Theologicæ à Morillonio exhibitum fuerat, fub hac verborum forma damnatæ fint: *Quas quidem fententias ftrictò coram nobis examine pofideratas, QUANQUAM EARUM NONNULLÆ ALIQUO FACTO IN RIGORE ET PROPRIO VERBORUM SENSU AB ASSERTORIBUS INTENTO SUSTINERI POSSENT, tanquam erroneas tamen, & hæreticas, & quæ scandalum & offenfionem in pias aures immittant, damnamus & abolemus &c.* Deinde ibidem hic Baii æmulus ingenuè difertèque fatetur, quòd inter hujusmodi fententias quædam reperiantur, quarum fensus ab authoribus intentus, quem præ fe fert rigor & proprius verborum fensus, fi aliter exprimerentur, poffet fufineri.

Post præfationem referuntur omnes illi articuli per ordinem, quibus hic titulus præfixus eft; *Sententia quædam à Sede Apoftolica damnatæ & abolitæ, ita ut QUANQUAM EARUM NONNULLÆ ALIQUO FACTO IN RIGORE ET PROPRIO VERBORUM SENSU AB ASSERTORIBUS INTENTO, SUSTINERI POSSENT; erroneæ tamen, hæreticæ, & quæ scandalum & offenfionem in pias aures immittant, refpectivè prohibeant.* Quæ omnia totam de famofo commate litem dirimunt.

Toto hoc Opere Cunerus Petri nititur demonftrare quòd fingulæ iftæ fententiæ jure merito damnatæ fint ac prohibitæ tanquam vel hæreticæ, vel erroneæ, vel scandalofæ, vel immittentes offenfionem in pias aures.

Primâ die Aprilis Cornelius Reyneri, Gaudanus, Facultatis Theologicæ Lovanienfis pro tempore Decanus, eam convocavit, eique convocatæ propofuit 1. an memorati Articuli pro damnatis verè ac certò habendî fint, aded ut fuppositis Facultatis fit mandandum quatenus iis deinceps tenendis ac defendendis abftineant. 2. An non confultum fit eadem Facultatis membra monere, ut libros & fcripta abjiciant, in quibus ifti Articuli docentur. 3. Ut Michael Baius declaret an fincerè paratus fit, juxta jufjurandum ab eo fæpe præftitum ac renovatum, fubire hac in re judicium Facultatis: & quinam fint articuli, de quibus etiam publicè in Facultate dixit, quòd pro illis deberemus forfitan mori potiùs, quàm eos damnare.

Die Aprilis decimâ tertiâ Facultas congregata, Michaele Baio excepto, fuper articulis à Decano die prima ejufdem mennis propofitis, refpondit 1. prædictas 76. fententias effe pro damnatis ac fufpectis habendas, illique abfti-

abstinendum ab omnibus Facultatis membris; & id ipsis publicitus intimandum eo tempore, quo Facultatis statuta solent palam prælegi; & seorsim, quando quis ad Gradus Theologiæ promovetur.

2. Libros & Tractatus in quibus istæ sententiæ defenduntur, esse Theologiæ candidatis auferendos. 3. Se recipere declarationem, quam Michael Baius nuper in Scholis Theologicis post disputationes fecerat. Ipse verò declaravit se non meminisse quodd id dixerit quod ipse dixisse fertur, nisi forte de aliqua parte alicujus Articuli. Denique omnium votis judicatum est expedire ut de nonnullorum Articulorum partibus modesta instituitur inter Doctores collatio, ut unanimes deinceps id ipsum loquantur ac sentiant; cujus Collationis capita & modum disponendum commiserunt ipsi Cornelio Reyneri qui Decanus erat.

Anno 1574. Michael Baius inter disputandum dixisse fertur, quodd homo in actuali voluntate existens aliquod mortale peccatum perpetrandi, peccet dando etiam elemosynam; ut si aliquem persecutus ut occidat, pauperi occurrenti det denarium; etiam si ei dicat: *ora pro me*; peccet imprimis peccato hyprocrisis, quia simulat se odisse iniquitatem, & amare Dei legem, quam reapse odit: unde præstaret tunc non dare elemosynam.

Anno 1575. mendacijs, imposturis ac calumnijs, quæ de Michael Baio & ejus doctrina sparsæ fuerant, Censurisquæ à varijs Academijs & ab ipso Pontifice in sententijs quæ ipsius esse dicebantur, latis, nihil obstantibus, ipse rehunciatus est Cancellarius Academiæ Lovanienfis, & Ecclesiæ Collegiæ Sancti Petri Decanus.

Eo ipso anno singularem Orationem in scholis Theologicis habuit: in qua demonstrat, quodd omnes Episcopi suam jurisdictionem à Deo absque medio recipiunt. Et cum in quadam Academica exercitatione dixisset, quodd ex his Christi verbis: *Ego pro te rogavi, Petre*, &c. non clarè consequitur Romanum Pontificem in suis definitionibus non posse errare: Laurentius Westerhove, Moderator Majoris Collegii, dubitationem hanc adeo iniquè tulit, ut eam non absurdam modò, sed & scandalosam pronunciaverit. Utigitur se suamque hanc dubitationem ab hujusmodi censura vindicaret Michael Baius, confestim scripsit Tractatum circa Quæstionem hanc: Utrùm ex præcitatjs Christi verbis clarè ac certò arguatur Romanus Pontifex in definiendo quæ sunt fidei errare minime posse. Westerhovius quasdam authoritates ei opposuit: quas Baius veluti ineptas & quæstionem non tangentes rejecit in Responsione, quæ in prima parte primùm edita extat, licet non integrâ.

Eodem anno 1575. quorundam de vera Christi Gratia minùs catholicè sentientium curâ ac studio excusus Antuerpiæ prodit antiquus liber, quem inscripserunt: *Sancti Xisti Tertii, Pontificis Martyris*: cum Censura Ariæ Montani. Totum illud opus est Pelagianum, & creditur esse non alicujus Sancti Xisti Martyris aut Pontificis; sed illius Xisti, de quo Sanctus Hieronymus loquitur in suâ ad Cresiphontem contra Pelagianam hæresim epistolâ.

Circa idem tempus quidam Doctor Parisiensis docuisse fertur 1. quodd

Augustinus de prædestinatione & gratia non rectè tractaverit. 2. Quòd nulli sint specialiter electi; sed omnibus impensum auxilium sufficiens, quo qui bene erunt usuri, prædestinati erunt. 3. Deum minùs propriè dici in nobis operari velle; & dare cor novum. Adeò ut mirum minimè sit multos istis temporibus Michaelis Baii sententiis contradixisse.

Anno 1577. cœpit singularis disputatio per litteras, Michaellem Baium inter & Philippum Marnixium Sanct-Aldegondium, Calvinistam. Istius enim anni 1577. die Octobris decimâ quartâ Philippus Marnixius famâ motus profundæ eruditionis Michaelis Baii, misit ei per Dominum de Wignacourt varias Quæstiones de Ecclesia ac ejus autoritate in definiendis controversiis fidei; simulque Quæstiones de Sacramento Altaris: & ad eas responsum poscebat Michaelis Baii.

Die ejusdem mensis Octobris vigesimâ secundâ Michael Baius ad priores Marnixii Quæstiones, quæ erant de Ecclesia, respondit. Die quintâ Novembris Marnixius rescripsit Baio litteras, quas non nisi die decimâ quintâ istius mensis destinavit, cum epistolio quo se excusat. Iis autem in litteris declarat sibi circa primam Quæstionem à Baio satisfactum: innuens tamen se optasse ut quæ de Ecclesiæ Constitutionibus respondit, paulò dilucidius exposuisset. Deinde rogat Michaellem Baium, ut suam ad Quæstiones de Eucharistia responsionem quamprimùm mittat. Decimâ nonâ die Novembris hæ Marnixii litteræ Bruxellis datæ, Michaeli Baio redditæ sunt. Die verò ejusdem mensis vigesimâ sextâ Michael Baius misit Marnixio sua responsa ad Quæstiones de Eucharistia: & iis paulò post adjunxit dilucidiorum de Ecclesiæ Constitutionibus explicationem, per litteras die vigesimâ octavâ Novembris datas.

Philippus Marnixius Antuérpiâ Bruxellam reversus accepit Michaelis Baii, ad Quæstiones de Eucharistia, Responsa: quibus multa opposuit per litteras Bruxellæ datas die undecimâ Decembris.

Die decimâ octavâ ejusdem mensis Michael Baius demonstravit quomodo ea quæ responderat, & quæ sibi mutuò repugnare dixerat Marnixius, perfectè simul cohærerent.

Anno 1578. Alia, quæ Marnixius Sanct-Aldegondius responsionibus Michaelis Baii circa Eucharistiam opposuerat, Baius fuscè dissolvit per litteras die septimâ Januarii ineuntis hujusce anni 1578. Verùm hæ litteræ Marnixio qui in Frisiam iverat, tardiùs redditæ sunt. Et quoniam statim atque ex Frisia rediit, in Germaniam denuò ablegatus est, nihil potuit nisi post annum ultimis his Baii responsionibus reponere.

Interim hoc anno 1578. Michael Baius in Conservatorem Privilegiorum Academiæ Lovanienfis assumptus est; ejus æmulis indubiè freudentibus.

Die decimâ Decembris anni 1577. proximè elapsi Belgæ confœderati, cum Catholici tùm A Catholicis, arctioris unionis fœdus pepigerunt. Et hoc anno 1578. Ordines Belgii edixerunt ut ipsi quoque Monachi & qui de Clero., fidem ac obedientiam Mathiæ Archiduci, & defectionem à Joanne Austriaco Præfecto Belgii, jurare compellerentur. Id tacitus ferre non potuit Michael Baius; imò litteras scripsit Ambrosio Lootsio, Abbati Parcensis;

in:



in quibus eum Christianâ libertate corripit, quod huic unioni consensisset, demonstratque quantum Religioni ac Regi injuriosa esset hujusmodi jurjurandi exactio & ista unio.

Die Julii decimâ nonâ hujus anni 1578. scriptus & absolutus est Tractatus *De Communionem sub utraque specie*, quem à Michaelae Baio dictatum hæc suadent: nimirum illum invenio in Ms. Codice scriptum esse in Collegio Pontificio, ubi Michael Baius præerat, ac docebat. 2. ex istius Tractatus initio non obscure innuitur Autor interfuisse conclusioni Tridentini Concilii: cui constat Michaellem Baïum adfuisse.

Eodem hoc anno scriptum puto à Michaelae Baio Tractatum *De Ecclesia*, quem in eodem Codice eadem manu Michaeli Baio adscriptum reperio.

Dum in his detinebatur, ac fidem & Ecclesiæ adversus hostes ipsius defenderet Michael Baius; ejus æmuli suas in eum calumnias clanculum prosequiebantur. Scripserunt enim ad Regem Hispaniarum & ad ipsum Pontificem, quod Michael Baius articulos à Pio V. reprobatos teneret adhuc ac defenderet. Non levis quidem in Belgio erat contentio de veritate Bullæ Pii V. Nonnulli enim eam supposititiam esse ex eo suspicabantur quod nulla ipsius exempla haberi poterant. Aliqui eam contendebant obreptione obtentam, & brevi revocandam. Alii verò ipsam acerrimè defendebant. Ut hæc disputationes compecerentur, Rex Catholicus per suum Legatum, ac aliqui ex Academia Lovaniensi Theologi per P. Franciscum Toletum, institerunt apud Gregorium XIII. qui Pio V. successerat, ut his malis effcax & opportunum remedium adhiberet.

Itaque anno 1579. inchoante, die nempe vigesimâ octavâ Januarii, Gregorius XIII. Constitutionem à P. Francisco Toletto conceptam edidit, in qua Litterarum Pii V. tenorem sic inferuit, ut eas tamen nec approbare nec confirmaret, nec articulos in iis recensitos iterum damnaret: sed declararet solummodò se hujusmodi Litteras in Pii V. Registro invenisse, jubens ut ipsis sic insertis fides integra habeatur.

Ut verò de his quæ de Michaelae Baio dicta fuerant, accuratius inquireretur; motusque ac tumultus, qui propter hæc continuò audiebantur in Academia Lovaniensi, potentiùs sedarentur, Gregorius XIII. Societati Jesuitarum impense addictus, P. Franciscum Tolet, qui ei erat à Concionibus, misit Lovanium.

Iste sub anni 1580. initium Lovanium venit Brevi Apostolico ad Facultatem Theologicam Lovaniensem directo munitus, ac novâ Pontificis Bullâ. Convocatâque & congregatâ Facultate ipse suas litteras fiduciarias dedit istius Facultatis Decano, qui eas cæteris audientibus legit. Deinde P. Toletus palam dixit quod à viris fide dignis (nempe Michaelis Baii æmulis, qui eum tanquam in suos errores relapsum tam apud Regem Hispaniarum, quam apud Summum Pontificem accusaverant) ad aures Summi Pontificis perlatum esset inter Lovanienses Theologos non deesse qui Articulos in Pii V. Bulla proscriptos clam palamque defenderent, ac sibi aliisque persuasum vellent Bullam hanc à Sancta Sede revocandam. Adjunxit quod ad coercenda hujusmodi ingenia & ut omnis spes revocationis adimeretur, Pontifex statuisset prædictum

Pii V. Diploma confirmare & articulos in ea prohibitos, iteratò damnare, ac prohibere sub poenis gravioribus. Hæc ubi P. Toletus privatim coram Doctõribus Theologis præfatus est, requiivit ut, ne quis Sedis Apostolicæ mentem ignoraret, Gregorij Bulla in scholis Theologicis Lovaniensis Academix solemniter promulgaretur, & ut indiceretur dies & hora, quâ omnes Theologiæ Professores, Licentiati, Baccalaurei, ac auditores in scholis Theologicis convenirent, ut quæ in mandatis habebat exequeretur. Hunc in finem Sacra Facultas diem indixit vigesimum primum Martii, horamque decimam matutinam.

Igitur anno 1580. die Martii vigesimâ primâ, statutâ horâ, P. Franciscus Tolet, Jesuita, tanquam à Pontifice delegatus, eum deducens Michael Baio, Cornelio Reyneri, & Henrico Gravio, S. T. Magistris, Scholas Theologicas Academix Lovaniensis ingressus, cathedram conscendit, ac in omnium confessu Sacræ Theologiæ Professorum, Licentiatum, Baccalaureorum, cæterorumque Theologiæ candidatorum, jussit Litteras suas Fiduciarias à Conrado Sylvio, Academix Notario, legi, deinde Bullam Gregorij XIII.

His perlectis ipse se ad Michael Baio convertit, & ab eo quæsit an non articulos in Bulla recensitos damnaret: cui Baius modestè prudenterque respondit: *damno secundum intentionem Bullæ, & sicut Bulla eos damnat.* Tum P. Toletus ad reliquos Doctores Theologos conversus petiit, an non susciperent Bullam, & articulos in ea relatos damnarent: Qui uno ore omnes responderunt se eos damnare ac Bullam reverenter suscipere. Idem Licentiati, Baccalaurei ac cæteri Theologiæ auditores unâ voce clamarunt. Et ita è Scholis discessum est, nullo tamen Theologis aut aliis concessò Bullæ exemplo.

His peractis P. Franciscus Tolet privata cum Michael Baio colloquia habuit, in quibus cum exprobraret isti Doctõri quoddà suis æmulis accusaretur suos discipulos his sententiis, etsi à Pio V. proscriptis, clanculum imbueret: respondit se hujus rei non esse conscium, & quoddà si à Cornelio Reyneri Gaudano, & Henrico Gravio ejusdem Theologicæ Facultatis Doctõribus, quos ista suggessisse suspicabatur, horum convinci possit coram Judice ac secundum ordinem juris; se esse paratum ad omnem poenam subeundam. Cum autem eorum qui Michaeli Baio ista imposuerant nemo auderet ea in judicio legitimo asserere; Pater Toletus intellexit ea quæ adversus Michael Baio scripta & dicta fuerant, mera mendacia esse ac putas calumnias, miratusque summam tanti viri innocentiam, patientiam ac modestiam, pollicitus est se illius honorem, quem alii labefactare studebant, apud Romanum Pontificem reparaturum, imò effecturum ut ipse Pontifex quantocius Regi Hispaniarum in Baii gratiam ita scriberet, ut de Baio malè præconcepta sententia è Regis animo penitus deleteretur. Quandoquidem verò ejus æmuli vehementer contendebant ipsius libros esse proscriptos: P. Toletus declaravit lectionem Operum Michaelis Baii nullatenus esse prohibitam. Verum etsi Michael Baius nihil nisi catholicæ fidei ac pietati Christianæ valde consonaneum unquam tenuisset ac docuisset; P. Toletus, tam ut Romanæ Sedis hono-

honori confuleret, quàm ut ejus æmulis aliquid concederetur; ei præscriptis quandam Confessionis formulam, in qua fateri debuit multos ex damnatis 76. Articulis à se esse traditos, ac eo sensu proscriptos quo eos docuisset; cui formulæ optimus hic Doctor undique, læcessitus ac calumniis obrutus, ut tandem pace aliquâ frueretur, subscripsit die vigesimâ quartâ Martii hujus anni 1580.

Sic cum Theologo Lovanienfi quantumvis tam in doctrina quàm in moribus irreprehensibili, non mirabitur qui in Historia legerit quomodo idem Papa paulò ante, anno videlicet 1576. ipsummet Caranza, Archiepiscopum Toletanum, primate Hispaniæ, pluribus titulis illustrem, coëgerit nonnullas ejurare propositiones, licèt solemni istius Pontificis sententiâ eas declaravisset nunquam tenuisse saltem in sensu falso & hæretico qui ipsi adfingebatur.

Vide Varrillas to. 5. Histor. Revolut. in Monito.

Antequam P. Toletus Lovanio discederet, Michael Baius litteras scripsit Summo Pontifici, in quibus ei exposuit quantas calumnias à duodecim annis sustinisset occasione hujusmodi Articulorum, cuncta Dei, supremi Judicis, committens arbitrio. Deinde precatus est Pontificem ut Bullæ exemplum ei juberet transmitti. Has litteras Baius Toletum confestim Romam reverfuro contradidit, ut eas summo Pontifici porrigeret: quod & ipse sine morâ præstitit.

Igitur decimâ quintâ Junii die prætercurrentis hujus anni 1580. Gregorius XIII. Michaeli Baio Breve rescripsit multæ benevolentiæ testimoniis plenum, simul ipsi mittens Bullæ Pii V. exemplum, quod tam per litteras, quàm per P. Toletum postulerat.

Die duodecimâ Novembris ejusdem anni 1580. Michael Baius cuidam præfuit disputationi de meritis operum, de quibus ipse eum librum ediderat ex quo plurimi ex proscriptis Articulis ferebantur extracti. Cùm verò ad Impugnantis argumentum Baius sapientissimè dixisset: *creatus est homo ut bona opera faciat, quemadmodum avis, ut volet; & sicut avis volare non potest fractis alis; ita nec homo bene operari potest, confractis viribus.* Cornelius Reyneri, ut eum in verbo caperet, cœpit quærere: *An igitur quemadmodum avi volatus, ita justitia primo homini fuerat naturalis:* quæ vigesima septima sententia erat inter 76. damnatas.

Interrogantis mentem ac artem intelligens Baius respondit se hoc non dicere, sed tantùm in eo instituere similitudinem, quòd quemadmodum avis fractis alis volare non potest, ita nec homo, si non ei adsit Spiritus Sanctus, qui ei instar alarum est, & quo in sublime fertur & valet bene operari. Cornelius Reyneri institit his verbis: *an ergo justitia & ejus meritum fuerunt homini naturalia in primo statu:* ut si Michael Baius respondisset, meritum primi hominis non à gratuita Dei ordinatione descendisse, sed ex lege naturali: hoc uno convinceretur in Pianam Bullam impigisse, quæ sententiam hanc damnaverat. Tum Joannes Lensæus, dictus Belliolanus, Aca-

etiam.



etiam post lapsum naturali constitutione fiant meritoria: cum lex naturalis eadem & inconvulsa persistat. Baius infidias æmulatorum advertens, nihil ad captiosa hæc, quæ extra Theſum erant, respondit, etsi Cornelius Reyneri variis eum tricus vexaret: aded sua phantasia seducti æmuli Baii in eum fremebant, ut ejus sententias perversè intelligentes ac exponentes, nullam eum calumniandi occasionem non quærent ac arriperent.

Denique hoc anno 1580. die Februarii decimâ quintâ Colonizæ obiit Cunerus Petri, Episcopus Leuwardizæ, de quo multa hinc mentio facta est.

Ut ad ea revertamur quæ Michaellem Baium Philippo Marnixio scripsisse vidimus: P. Horantius, cujus jam suprà meminimus, Michaeli Baio ita ad-versabatur, ut quid in ejus scriptis morderet, studioſè quæritans, ea reprehenderet quæ laudem magis merebantur quàm vituperium. Æquo animo ferre non potuit quòd Baius humaniori stilo suas ad Marnixium scripsisset epistolas. Hinc exacerbatus Horantius quandam sub hujusce anni 1580. initium scripsit epistolam, in qua postquam Michaelis Baii Responsa ad Marnixii Quæstiones de Eucharistia non potuit non commendare: ejus Responsiones ad Quæstiones de Ecclesia reprehendit, conquerens 1. quòd ejus epistolæ Marnixio scriptæ nimis benignæ fuissent. 2. quòd Baius Augustinum secutus dixisset judicium de Ecclesia esse ex sola Scriptura petendum. Horantius epistolam hanc Antonio Ghennart, Canonico Leodiensi, ac Censori librorum, approbandam ac Leodii edendam obrulerat. Verùm cum nec ab isto nec ab aliis librorum Censoribus suæ epistolæ approbationem obtinere potuisset, eam Colonizæ mense Februario typis dedit: etsi Lindano, Episcopo Ruremundano, se eam non editurum in lucem promississet, quin prius eam misisset Baio, & iste se explicare recusasset. Id Lindanus per litteras die octavâ Februarii anno 1580. datas significavit Baio, qui continuò se explicuit. At ista Baii explicatio desideratur, nec ullum illius exemplum comperire potui, ided fortè quia ipse Baius, ut ipse innuit, nullum sibi exemplum illius servavit.

Hoc eodem anno 1580. Philippus Marnixius suam ad posteriores Michaelis Baii litteras die 18. Decembris anni 1577. & die 7. Januarii anni 1578. datas, Responsem valde prolixam absolvit ac publici juris fecit, simul cum iis quæ tam ab ipso quàm à Michaeli Baio disputata hæctenus fuerant. Et Michael Baius tam oblocutionibus Horantii per Epistolam Apologeticam memorato Antonio Ghennart scriptam respondit, quàm ultimæ Marnixii Responsei per Apologiam eorum quæ ipsius Quæstionibus ac Objectionibus hæctenus responderat.

Anno 1581. Lovanii edita prodit ista Michaelis Baii adversus Marnixium Apologia, cui præfixa est ejusdem Epistola Apologetica contra Horantium.

Anno 1582. Marnixius in lucem misit suam ad Apologiam Michaelis Baii Responsem.

Anno 1583. die decimâ Martii ad Michaellem Baium perlata hæc Marnixii Response, eam ipse statim confutavit scripto ac edito libro, cui titulus: *Defensio Apologiæ ad Responsem Michaelis Baii ad Quæstiones & Objectiones Marnixii.*



Anno 1584. Joannes Franciscus Bonhomus, Episcopus Vercellenſis, à Gregorio XIII. tanquam Legatus in Flandriam miſſus eſt. Statim ac Bruxellas advenit, intellexit Bullis Pontificum pacem Academicæ Lovaniënſi non eſſe redditam, imò iſtius Scholæ ſchiſmata, quæ ab æmulis Baii fovebantur, in dies invaleſcere.

Ipſe igitur anno 1585. Lovanium ivit, ac nonnullis Diſputationibus Scholaſticis voluit intereſſe. Eâ occasione æmuli Baii, ac præ cæteris Cornelius Reyneri, novas adverſus eum inſtituerunt criminationes, de quibus poſtulat ab iſto legato interrogaretur. Ipſi idcirco articulorum indicem exhibuerunt, de quibus ut Michael Baius diſtinctim reſponderet, inſtanter urgebant; ſed fruſtra, ut exiſtimo: ea enim in re aliquid à Legato actum fuiſſe nullibi reperio, præter id quod ſum relaturus.

Joannes Franciſcus Bonhome cùm Lovanio Bruxellas rediit, nihil ad vereres illas contentiones componendas, & ad concordiam in iſta Academia ſtabiliendam conſultius arbitratuſ eſt, quàm ſi Facultas Theologica brevi aliquâ expoſitione ſuam circa Articulos à Pio V. damnatos mentem declararet; hancque explicationem, poſtquàm Pontifici eſſet probata, tenerent ac ſequerentur omnes Sacræ Theologiæ Profeſſores.

Itaque ſub menſis Novembris finem Archiepiſcopus Mechlinienſis Henricum Graviuſ, Sacræ Facultatis pro tempore Decanuſ, vocavit ad ſe, eique declaravit ſe à Pontificis Legato recepiſſe mandatum procurandi ut iſta explicatio quamprimùm ſcriberetur. Cura illam concipiendi Joanni Lenſæo, ejuſdem Academicæ Doctori Theologo, demandata; & poſtquàm deſcripta & reliquis S. T. Magiſtris ad id requiſitis prælecta probataque eſt, tradita fuit huic Pontificis Nuncio. Ea inter Baiana ſuperiùs integrâ habetur ex Miſſ. Codicibus emendata. Hic Nunciuſ obiit a. 1587. Quantum autem faveret Jeſuitis liquet ex ipſorum Hiſtoria de Cenſura Lovaniënſi, quæ reſertur in Juſtificatione iſtius Cenſuræ.

Annis 1586. & 1587. pervenit ad Academicæ Lovaniënſis Theologos quòd Jeſuitæ, qui Theologiam Lovanii in ſuo Collegio docebant, nonnulla de Sacris Scripturis ac de Gratia Chriſti traderent catholicæ fidei minus conſentanea. Eapropter ut de rei veritate penitiùs inquirent hi Theologi, Dictata iſtorum Profeſſorum ſerid ac diligenter excuſſerunt: & ex iis ita diſcuſſis quaſdam ſententias cenſorio ſuo calculo conſiſerunt in laudem divini Verbi ac Gratia Chriſti gloriam.

Cenſuræ Lovaniënſi ſuam Facultas Theologica Duacena adjunxit anno 1588. die vigeſimâ Januarii. Nihilominus Jeſuitæ, nullâ interpoſitâ morâ, ſuæ doctrinæ vindicias contra huiuſmodi Cenſuras ſcripſere; quæ tamen non niſi menſe Julio in manus venerunt Doctorem Lovaniënſium, qui iis adhuc magis offenſi, anno 1588. ſuæ Cenſuræ Deſenſionem, juſſu Episcoporum Belgii, edidit.

Anno 1589. dum Catholici gloriabantur Philippum Marnixium ita fuiſſe à Michaele Baio convictum, ut quod Baio reponeret nihil ipſi ſupereſſet; ipſe tandem hoc anno ſcripſit ac edi juſſit ultimam ſuam Reſponſionem, quæ abſque reſutatione ideò remanſit, quia hoc anno die Septembris decimâ

sextâ omnium bonorum luctu extincta est lux Academiæ Lovanienfis, & humanis exemptus est Theologorum hujus temporis facilè princeps, MICHAEL BAIUS.

---

V I N D I C I Æ  
ECCLESIAE ROMANÆ  
IN QUIBUS ADVERSUS

Tam Protestantes quàm Arminianos, cæterosque renascentes Pelagianos hîc demonstratur quòd ex Pontificiis adversùs septuaginta sex articulos, qui Michaeli Baio perperam adfiguntur, Diplomatis, malè arguitur Ecclesia Romana à prisca sua fide ac à tutis inconcussisque Sancti Augustini dogmatibus de Gratia Christi recessisse, aut sententias tenere quæ ab Arminianis & à Ludovici Molinæ Schola docentur ac defenduntur.

**T**Risti lugendoque experimento comperimus, quàm verax fuerit eorum vaticinium qui multo cum animi sensu non semel dixere ea quæ primò in Michaelem Baium, deinde in Cornelium Jansenium agi ac decerni intelligebant, non levia Ecclesiæ Romanæ hostibus adversùs eam arma suppeditare. Ipsi perspicaci mentis oculo præviderunt una ex parte redivivas Pelagianorum reliquias ex his ansam gloriandi aliquando accepturas, ac si Romana Ecclesia ad ipsorum castra convolasset, ac jam staret ab ipsorum partibus: & ex altera parte Calvinii Sectatores ex iisdem occasionem sumpturos eandem Romanam Ecclesiam conviciandi, ei exprobrando quòd priscam suam fidem, ac Apostoli Augustinique doctrinam circa Christi Gratiâ, non modo abjecerit, sed damnaverit ac veluti hæreticam proscripserit.

Istius vaticinii veritatem probavit exitus. Nemo enim nescit quantā cum audacia hæretici Arminiani cæterique renascentis Pelagianismi vindices jactent suam de divina prædestinatione subsequente hominum merita, ac de gratia omnibus communi, humanæque voluntati subdita sententiam, ita esse Ecclesiæ Romanæ doctrinam, ut oppositam pro erronea ac pro hæretica habeat. Frustra immorarer locis omnibus hîc referendis in quibus rediivi isti Pelagiani, aut, si malis, semipelagiani, sibi de Ecclesia Romana secum, ut putant, in his sentiente applaudunt. Unus sufficiat in quo Arminius ipse dicere ausus est, quia *res ipsa loquitur Ecclesiæ. . etiam Papistarum doctrinam* In declaratione sententiæ suæ. hanc, scilicet, de prædestinatione merita hominum antecedente, *pro hæretica habere*: & quod *nullum sit doctrinæ caput quod Papistæ acrius oppugnent*. Eadem jactare non desinunt qui eadem dogmata profitentur, quocunque titulo eos insignire placeat.

Quis etiam nesciat quanto impetu Calviniam in Ecclesiam Romanam invehantur, ei exprobrantes quòd ipsa, ejuratâ Apostoli ac Sancti Augustini doctrinâ, à fide defecerit ac in Pelagianismum turpiter prolapsa sit? Omnia quæ ea de causa in Ecclesiam Romanam ipsi evomunt, ut suam ab ea fæctionem multo jure factam fuisse demonstrant, huc adducere nimis prolixum foret. Satis sit audire id quod hisce temporibus duo inter ipsos non ignobiles Scriptores in ipsam protulere.

Melchior Leydeckerus, in Academia Ultrajectina Theologiæ Professor, hæc scribit quæ vel cogitare horret animus: Ecclesiam Romanam à principio fides habuit: at ista casta olim virgo facta est fornicatrix perfida, ubi cum Judaismo ac Gentilismo impudens commisit adulterium, dignaque evasit, quæ ad exemplum Israeliticæ accepto repudiî libello *caeleste divorcium* pateretur. Pristinæ illius Ecclesiæ fidei & fidelitatis Pauli ad Romanos Epistola apertissima demonstratio est. Etenim gratuitam edocta pridem justificationem ad tempus professâ fuit gratiam Christi unicam, uti in origine, sic in progressu & consummatione, salutis causam, donec Antichristi passâ constuprationem, Pelagianismo, qui Judaismi ac Gentilismi incrementum est, suos foetus enutrivit. Sic verò cœpta Christi unici Mediatoris, solis justitiæ, gloria obscurari, ac gratia in naturam verti, imò aboleri substitutis liberi arbitrii viribus, vel propriis atque alienis operum meritis. Id quàm maximè fuit evidens proximis sæculis; neque aliunde (Nota bene) Reformatio sua sumpsit initia atque incrementa, nisi ex sancto Christi justitiâ & gratia zelo. Ardorem adauxerunt Jesuitæ, qui recentioris exortus non certio rem sibi viam ad suæ Societatis gloriam putaverunt, quàm vehementem Calvinismi oppugnationem per laudes naturæ & humanæ libertatis. Ita enim Pelagianis ex principiis conversione & fide in liberum arbitrium refutis, vera apparebat methodus propagandi justitiæ propriam nec non bonorum operum quævis merita, quæ Papatus omnis fontem ac fundamentum constituunt.

His exorditur Leydeckerus primam suam de Jansenistarum fato Disputationem, quam claudit istis: *Non quidem nos agrè ferimus has Jesuitarum* Ibid. Thesi 12. *artes* (quibus in Jansenium tanquam in Baianum ac Calvinistam Vaticanam

fulmina excitaverant) quod patefceret amplius insanabilem esse Babelem, jure factam à nobis ex ea secessionem, Pelagianismum esse Papatûs fidem, nec posse coli cum Italica sede communionem ab illis, qui quodammodo gratiæ gustum habuerunt.

Ipse in altero opere, quod inscripsit: *Demonstratio Evangelica*: demonstrasse se putat quod quibus sapit vera Christi gratia, ab Ecclesia Romana discedere debeant, cum dixit quod ipsa à fide exciderit, hoc est, ut ipse se explicat, à doctrina quæ propugnat gratiam quâ Deus peccatorem ad salutem perducit. In ista enim Societate seu Ecclesia hæresis Pelagiana verè sedet in throno.

Jurieu Gallus Calvinianæ Sectæ Minister, in libello, quem contra Antonium Arnaud scripsit, & cui titulus est, *l'Esprit de M. Arnaud*; observandum vult quod Ecclesia Romana doctrinam Sancti Augustini de Christi gratia damnaverit: ut inde ostendat quàm jure merito ipsi eam semipelagianismi insinulaverint, & eam dixerint doctrinæ Apostoli & Sancti Augustini esse inimicam. Verba ejus hæc sunt: *Cecy desole l'Eglise Romaine, & confirme l'accusation dans laquelle nous la traitons de Semipelagienne, & d'ennemie de la doctrine de Saint Paul & de Saint Augustin touchant la grace.*

Unde in suis adversus Ecclesiam Romanam præjudiciis; inter ea ex quibus consequi pro certo tradit, quod Ecclesia Romana jam non sit Ecclesia Christi, sed synagoga Diaboli, recenset speciatim Theologiam illius, ut vocat, superbam ac plusquam semipelagianam, quæ gratiam ac æternum Dei propositum circa hominum salutem nutui humanæ voluntatis subjicit.

Primum autem caput, ex quo Protestantes arguunt Ecclesiam Romanam à prisca fide ad Pelagianismum deflexisse; & ex quo Remonstrantes aliique horumce temporum Pelagiani jactitant ac gloriantur hanc Ecclesiam secum sentire: illud est; videlicet quod Pius V. cedens malevolentiae æmulorum Michaelis Baii, qui ex ejus scriptis ac dictatis varias propositiones collegerant & eas sollicitis precibus Romæ instabant, ut autoritate Pontificiâ condemnarentur, Bullam confecerit anno 1567. quâ omnes oblatas prohibuit, seu hæreticas & erroneas, seu suspectas, temerarias, scandalosas ac piarum aurium offensivas. Et quod Gregorius XIII. anno 1579. in Baium censuram strinxerit, cum prior tumultuantibus videretur parum profecisse.

Hæc habet Leydeckerus suprâ memoratus, qui postquam plures ex his propositionibus retulit, subjungit: *Ecce invisas Romæ propositiones, &c. & tandem Pontificiam censuræ conclusionem sic adducit: Quas quidem sententias stricto coram nobis examine ponderatas, quanquam nonnulla aliquo pacto sustineri possent, in rigore & proprio verborum sensu ab assertoribus intento, hæreticas, erroneas, suspectas, temerarias, scandalosas, & in pias aures offensionem immituentes respectivè, & quæcunque super his verbo scriptoræ emissæ, præsentium auctoritate damnavimus, circumscribimus & abolemus &c.*

Post hæc addit: *Pium V. secutus est Gregorius XIII. suum prædecessorem. Vidit enim non desuisse suo tempore Theologos & Professores qui articulos in præcedenti Constitutione damnatos asserere & defendere pergerent. Igitur eorumdem temeritatem & audaciam ad totius Ecclesiæ scilicet periculum pertinentem minime dissimulandam censuit; sed verò ad coercenda hujusmodi ingenia, quarto Cal. feb. 1570.*

(per

Propter  
legem, con-  
tra le Pa-  
pisme.

1. partie  
c. 20. pag.  
258. &  
259.

Dissert.  
Historico-  
theologica  
2. de vario  
Janсени-  
itarum  
sago: Th.  
13. 14.

Thesi 15.



(per errorem Typographi, loco 1579.) editam Pii Bullam confirmavit, articulosque ibidem notatos iteratò condemnavit, referente Urbano VIII. in suo contra Jansenistæ seu Baianos decreto.

His enarratis eâ veracitate, quam postea discutiemus, Romanos istos Pontifices sic inflit: *Atqui non sic PIUS egit ex devota in veritatem, gratiæ Th. 16. gloriæ, & Christi meritâ, pietate: Non se ostendit Gregorius Pastorem verè veragutia pro sancta fide, resumente suas vires in dies Pelagianismo... Sed & datus erat Ecclesiæ Romanæ jam libellus repudii, & debuit illa deserta PALAM FACERE SE PLANE EXCIDISSE EX GRATIA, PELAGIANISMUM AM- plexam, QUI ANTICHRISTI FIDES ESSE DEBUI, UTI SUBRUIT CHRISTIANISMI FUNDAMENTA.*

Tum ex historia demonstrat Pontificiam Bullam Jesuitarum consilio con- Th. 17. sectam esse atque evulgatam. *Motus ergo, ait, per M. Baium controversis acta omnia fere per Jesuitas.. Franciscanorum secutos vestigia, Dominicanis æmulos atque invisos.*

Et refert, quia missus est Lovanium Bellarminus magnus Jesuita, qui de quæstionibus cognosceret, remve omnem componeret, vel ad Papale Tribunal deferret; & quia Hic suâ benè usus est legatione, auditoque Baio, Romam recessit indignandus, quòd plurimas Scholasticorum, etiam suas opinioniones, ab ipso ut Pelagianas perstringi audivisset. *Conficitur ergo, concludit Leydeckerus, Decretum Michaelis Baii, &c.*

Denique totis viribus contendit certum esse Baianas propositiones quovis modo ut scandalosas, falsas & erroneas, eòque condemnatas in Romana Ec- In tertia Disput. historico-Theologica de facto Jansen. Thesi 24. clesia fuisse habitas. Et cùm hujusmodi propositionum censuræ opposuisset Theses, ut vocat, in libro Domini Bossuet, cui titulus: *Exposition de la Doctrine Catholique &c.* à Cardinalibus & ab ipso Papa a. 1679. die 4. Januarii approbatas, dicit quia ipsæ *Veterem Romam ut Apostaticam condemnant, Bullam contra Baium reddunt evanidam, Papatus horrorem tegunt &c.* Nec inde demonstratum putat injustam esse ipsorum ab Ecclesia Romana secessionem. Imò iterum vehementiori impetu instat his verbis: *Adhuc dico, justa fuit Patrum nostrorum ex Babel secessio, æquum manebit nostrum in Roman odium, frustra invitabimur ad regressum, qui novimus Pontificiæ Curie solitas artes, dolos, fraudes. Si hæc (quæ in relatis propositionibus Domini Bossuet docentur) Romana Ecclesiæ fides est; condemnentur antè evulgatæ Bullæ contra Baium & Jansenium, anathemate percutiantur statim omnes Jesuitæ, quibus Condomensis (modò Meldensis Episcopi) hypotheses opponuntur; agnoscant Romanenses suam Ecclesiam antè à fide aberrasse, & opus habuisse Reformatione, &c.*

Ista satis superque sunt ut constet, quòd Calviniani Ecclesiam Romanam Apostoli ac Sancti Augustini doctrinam ejurasse ac à prisca fide in Pelagianismum fuisse delapsam; suamque proinde ab ea secessionem justam esse: Arminiani verò & alii novi Pelagiani Ecclesiam secum sentire in his quæ Gratiæ spectant, eo maximè argumento demonstrent, quòd Pius V. Gregorius XIII. & Urbanus VIII. Michaelis Baii propositiones proscripserint.

Ut ergo tanta injuria ab Ecclesia Christi removeatur, & hujusmodi cohibeantur insultus; evertenda imprimis est communis hæc tam Calvinianorum, quàm Arminianorum aliorumque hujusce ætatis Pelagianorum machina: demonstrando scilicet hujusmodi Censuris ac Bullis nihil veritati, nihil priscæ fidei, nihilque Apostoli & Augustini, imò nec ipsiusmet Michaelis Baii doctrinæ fuisse detractum. Id apertum fore puto ex iis quæ citra omnem adulationis fucum, & absque iniquo partium studio, juxta historię fidem ad hujusmodi censuras observanda veniunt.

## OBSERVATIO I.

A Theologis aliquot Parisiensibus latam esse anno 1580. Censuram in octodecim sententias suprâ recensitas, nemo inficias ierit. At de ista Censura quàm immeritò gloriantur Pater Stephanus Deschamps, & P. Joannes de Ripalda, alique è Molinæ Schola Theologi, ac si suæ sententiæ & aliorum qui gratiæ operationem libero subjiciunt arbitrio planè faveret; eorumque doctrinam confixisset, qui cum Augustino & Ecclesia medicinali Christi gratiæ subjiciunt liberum voluntatis arbitrium, facilè percipiet qui adverterit primò quæ fuerit occasio octodecim hujusmodi articulos denuntiandi Theologis Parisiensibus.

Cùm inter Minoritas Belgii nonnulli doctrinæ, quam in Academia Lovaniensi tum temporis absque fūco docebant Michael Baius & Joannes Hefselius, firmiter adhærerent; aliis, qui futilibus scholarum tricis ac vanis disputationibus magis erant addicti, quàm Sacræ Scripturæ ac Sanctorum Patrum studio, visi sunt nova & hæcenus inaudita sequi dogmata. Inde graves inter Minoritas Belgas exortæ sunt contentiones, quas ut sisterent eorum Præpositi, singulariter Guardianus Conventus Nivellensis, & Guardianus Conventus Athenis, consulendos duxerunt Theologos, non Lovaniensis Academiæ qui eorum fraudem vel inscitiam faciliùs deprehendissent à quibus aliorum sententiæ minùs sincerè fuerant expositæ; sed Parisiensis Universitatis, quibus imponere facilius erat, & inter quos quidam ab Augustino aversi tripiter pelagianizabant: ut ex superiùs in historica Narratione relatis liquet.

2. Ab hisce æmulis conflati sunt octodecim Articuli, & Theologis Parisiensibus ad censuram denunciati, quorum quidam ut 2. 4. 5. 6. 7. 8. 9. 10. 11. 12. 15. 16. 17. & 18. sunt manifestè catholici, nec nisi à Pelagianis & in Sancti Augustini doctrina peregrinis poterant reprobari: quidam, ut primus, 3. & 14. apertè hæretici, quos nemo defendebat; & quos proinde iis falsò adscribebant, qui Sancti Augustini doctrinam sincerè profitebantur.

3. Censura, quam in hos Articulos tulerunt Theologi Parisienses, subreptione obtenta ex multis arguitur. Nam 1. nulla fertur demandata selectis ex ista Academia Theologis cura excutiendi hujusmodi Articulos, & referendi sacræ Facultati Tuum de illis, post diligentem inquisitionem, judi-

cium. 2. Nullæ dicuntur præmissæ preces, antequam Theologi suam circa istos articulos sententiam pronunciarent. 3. Nulla facta invenitur in sequentibus Facultatis Comitii Censuræ istius confirmatio : quæ tamen Theologica Facultas Parisiensis in condendis suis Censuris non solet omittere.

4. Licet plerique ejusmodi articulorum obscuro & ambigui ; censura tamen in illos fertur absque ulla discretionis sensum : adeo ut novis contentionibus exciendis, quàm iis sedandis quæ subortæ dicebantur, aptior esset. 5. Falsum & hæreticum absolute censet quod Liberum arbitrium ex se, seu de suo, hoc est, sibi dimissum, omnique destitutum divinæ gratiæ adjutorio, non possit nisi peccare ; seu de suo non habeat nisi peccatum : & (quod eundem habet intellectum) hominem facientem quod in se est, peccare : Item, quod posse peccare non sit de ratione liberi arbitrii hominis : hæc, inquam, tanquam falsa & hæretica reprobatur, quæ tamen tanquam veritates Catholicas fides nos edocet, ab Augustino, Concilio Arausicano & aliis Sanctis Patribus traditas.

Demum, quod integram istius Censuræ auctoritatem elevat, in ea hæreseos arguuntur qui solum Christum dixerint fuisse absque peccato originis. Hac enim definitione non solum omnes Sancti Patres qui id asseruere, hæretici pronunciantur : sed & isti Censores ac Parisienses Theologi incurrunt excommunicationis poenam à Xisto IV. paulò ante in eos latam, qui aliquà erroris notâ sententiam hanc afficere præsumperint. Adde quod Michael Baius nullum unquam Censuræ istius exemplum ab ista Facultate obtinere potuerit ; quia Censura hæc fœtus adeo deformis erat, ut ejus ipsam matrem puduerit.

## O B S E R V A T I O 2.

Censuras ab Academiis Hispanicis in novem sententias, quas Michaeli Baio tribuebant, emendicasse Judocum Ravestyn, vulgò Tileranum, cum quibusdam Minoritis, fidem faciunt litteræ ab eo scriptæ Laurentio Vilavicentio, quas simul cum Censuris ex quodam Collegii Malderi in Academia Lovaniensi Ms. Codice, in lucem primùm emisimus. Et circa illas

*Advertendum* 1. has Academiæ Complutensis Censuras nonnisi post Pii V. tempora latas esse. Nam in sexta propositione Michaelis Baii Apologia dicitur scripta Gregorio XIII. Summo Pontifici ; quam Pio V. Gregorii XIII. prædecessori scriptam constat. Hic autem error manifestè arguit, Pium V. decessisse, antequam sexta ista propositio conficta fuisset, & ad Censuram exhibita. Sed & simul demonstrat quâ fide Opera Michaelis Baii protulerint hi delatores, qui quam ille Pio V. scripserat Apologiam, dixerunt Gregorio XIII. scriptam.

*Animadvertendum* 2. quòd in iis Censuris Michael Baius has sententias tenuisse asseritur in sola ejus æmulorum fide, qui nec testes adhibuerunt, nec loca adduxerunt ubi illas docuisset. Sic in solo istorum calumniatorum verbo, absque ulla veri inquisitione, hæreticæ in sensu authoris pronunciantur ;

clantur; quod quàm temerè & quàm iniquè definitum sit, iudicet qui vel primas naturalis æquitatis regulas novit.

Animadvertendum 3. ab his Theologis in secundi Articuli censura confidenter definiri quodd error sit ac sapiat hæresim, non agnoscere in sanctis hominibus merita, ut vocant, supererogationis; quoniam Ecclesia (si Theologis fides est) & Catholici semper senlerunt Job & Tobiam Deo plus satisfecisse, quàm deberent. Verùm si ab iis quæreretur quis sanctorum Patrum vel quod Concilium in hominibus etiam sanctitate præclaris, quandiu in corpore mortis huius fuerunt, aliqua supererogationis sic intellectæ merita agnovit; certò mihi constat quodd ne unum quidem proferre possent. Dolendum sanè tales in Ecclesia inveniri Theologos, qui novitia nescio quæ commenta pro fidei dogmatibus ac Ecclesiæ sententiis venditare non erubescunt.

Animadvertendum 4. propositiones quartam & quintam esse malà fide relatas. Nusquam enim Michael Baius in terminis, dixit quodd in illis verbis: *Ego pro te rogavi, Petre, ut non deficiat fides tua*; Petrus gestaverit personam Electorum, sicut Judas est caput Reproborum: sed inter disputandum & in Tractatu de hujusmodi verborum intellectu & alibi protulit varia Sancti Augustini loca, ubi Petrus asseritur Ecclesiæ gestasse personam: & inter alia indicavit Sancti Augustini enarrationem in Psal. 108. in qua sanctus iste Doctor sic loquitur: *Sicut enim quædam dicuntur, quæ ad Apostolum Petrum pertinere videntur; nec tamen habent illustrem intellectum, nisi cum referuntur ad Ecclesiam, cujus ille agnoscitur in figura gestasse PERSONAM, propter primum quem in Discipulis habuit, sicuti est: Tibi dabo claves regni cælorum, & si quæ hujusmodi: ita Judas PERSONAM quodammodo sustinet inimicorum Christi Judæorum.* Quæ sanè Censores non ausi essent reprobare, si cauciores fuissent, & magis in Sancti illius scriptis versati, ubi & ista verba adhuc expressiora legissent: *Si in Petri PERSONA significati sunt in Ecclesia BONI: in Juda PERSONA significati sunt in Ecclesia MALI:* quæ habentur in tract. 50. in Joannem.

In sua quoque Oratione de jurisdictione Episcoporum, ex qua malè collecta est quinta propositio, non negavit Baius Summum Pontificem jure vocandum vocatumque esse Universalem Patriarcham; sed non fuisse appellatum Episcopum Universalem asseruit; quod qui Orationem ipsius legit, nequaquam debuit reprehendere.

Animadvertendum 5. quàm falsa & calumniosa sit octava propositio, quâ Michael Baius assebeatur etiam post Bullæ Summi Pontificis promulgationem, has & alias à Sancta Sede prohibitas sententias docuisse ac defendisse; ex suprâ (a) relatis satis innotuisse: ubi, juxta MSS. fidem, annotavimus ejus æmulos & criminatores nihil potuisse adversus eum proferre, unde ea legitimè probare possent quæ de ipso dixerant: ac Toletum à Pontifice delegatum inde intellexisse mira esse mendacia, quæ de Michael Baio dicta ac Summo Pontifici scripta fuerant.

Animadvertendum 6. quodd Censura Academicæ non *Salvatorum*. quia nulla eo nomine appellatur in Hispania, sed Salmaticensis, quam Exscriptor

Sal-

(a) Narrat. Epistolari & in Narrat. historica ad an. 1581.



*Salvatorem*. corruptè scripsit pro *Salmaticen*. Authorem non minùs iniquè quàm temerè damnat absque ullis testimoniis & in solo Delatorum verbo. Deinde secundum Articulum in eo sensu veluti temerarium & hæresi proximum reprobatur, in quo eum damnari minimè posse Academia Complutensis censuit: aded concordēs sunt istarum Academicarum Censuræ. Hæresim quoque sapere declarat ista Academia, si quis dixerit Sanctos Martyres à Christo habere omnia. Quibus autem id hæresim sapiat nisi Pelagii discipulis, planè ignoro. Idcirco Censuram hanc non ab ipsa Academia, sed à nonnullis in ea Pelagii errores sectantibus latam crediderim.

Præterea ex Articulo sexto, qui totus à mente & verbis Michaelis Bati alienissimus est, facile potest intelligi quantà calumniandi libidine hunc & alios conscripserint ejus æmuli, & ad censuram exhibuerint. Ex octavo autem Articulo, & ex relatis Narrationibus conicere licet, Gaudanum & Gravium, ejusdem Theologicæ Facultatis Lovaniensis Doctores, veluti acerbos Michaelis Bati æmulos, ejusmodi Articulorum censuram urfisse. Immeritò ergo Jesuitæ queruntur, ac si Academicæ Lovaniensis Censura adversus errores Societatis scripta fuerit in vindictam confixionis propositionum Michaelis Bati: Cùm Cornelius Reyneri Gaudanus, & Henricus Gravius, qui inter præcipuos Censuræ Lovaniensis authores recensentur, acerbi fuerint Michaelis Bati æmuli.

Porrò quandoquidem Academici Doctores non sunt arbitri fidei, nec judices controversiarum; eorum Censuræ non sunt definitiones credendum, sed duntaxat declarationes mentis ipsorum, quæ ab aliis Theologis ad examen possunt revocari, imò & rejici, si ab æqui verique regulis deflexerint. Præmissarum itaque Censurarum non ea est autoritas cui refragari non liceat, maxime cùm sanæ doctrinæ ac naturali æquitati adversari deprehendantur.

## OBSERVATIO 3.

*Circa eos qui primarii fuere Michaelis Bati æmuli.*

*Animadvertendum* 1. inter eos ex ipsa Lovaniensi Academia recensendos esse Ruardum Tapperum; Judocum Ravefyn à Tileto, sive Tiletanum; Cornelium Reyneri à Gauda, sive Gaudanum; Henricum Gravium, & Cunerum Petri: & extra Academiam, Joannem Strienum, Episcopum Middelburgensem, P. Franciscum Horantium, & alios nonnullos ex eodem FF. Minorum Ordine. Hos autem viros, qui eruditione ac zelo catholicæ fidei sibi nomen fecerant, Michaeli Bato adversatos fuisse nemini mirum videbitur, qui noverit quantum isti Pelagiano fursure conspersi fuerint, & à Sancti Augustini doctrina alieni, cujus Opera imbuti suorum Præceptorum opinionibus legerant non ut ejus mentem assequerentur, sed ut eum in suum sensum pertraherent, quem unice tenendum putabant. Ruardus Tapperus, qui Driedonis fuerat auditor, æmulorum verò Michaelis Bati caput ac Magister, tam procul ab Augustino recedebat, & tam propè

accedebat ad sectatores Pelagii, ut in Articulo septimo contra Protestantē disputans de libero arbitrio, apertè doceat *sine gratia ex viribus naturæ multa bona ab hominibus fieri posse*: imò quòd *Impii & Infideles per solam naturæ legem, sicut Deum cognoscere, ita eum solum adorare & glorificare potuerunt*: & quòd *Impius & Infidelis solis naturæ talentis naturalibusque viribus relictus possit vitare peccata*: quia, inquit, *discernit inter multa licita atque illicita, ita pro tempore & loco potest non peccare, nolle fornicari, ex eo quod judicat illa esse illicita*. OMNE ENIM QUOD MALUM ESSE NOVIT, ODISSE ATQUE ABO- MINARI POTEST.

Et de Gratia postea differens ait, quòd *proxima causa cur unus sit altero san- ctior & iustior, est ejus industria & conatus in usu Gratiæ Dei*: Item, quòd *ex similiter tractis & interior in corde vocatis unus credit & convertitur, & alius manet incredulus nec convertitur, contingere potest ex SOLA arbitrii divinitus præparati libertate*: nec aliter contingere potest si similiter sunt affecti, & vocan- tur secundum quod apti sunt ad sequendum; Insuper, quòd homo fidelis non indigat actuali aliquo supernaturali auxilio ad utendum habitibus divinarum virtutum fidei, spei, & charitatis &c: *Homo enim, inquit ipse, fidelis potest credere & cogitare Deum Trinum quando vult; nec opus est ibi motione aliquâ spe- ciali, & SIMILITER OPERARI OPERA SALUTIS, &c.*

Divina autem prædestinatio ab eo definitur *efficax ordinatio & directio Ele- ctorum per media congrua ad salutem æternam*. Noluit cum Augustino dicere quòd prædestinatio est præparatio beneficiorum Dei quibus certissimè libe- rantur quicumque liberantur. Nec magis consentit huic Sancto Doctori in de- finitione liberi arbitrii, quod ipse sic describit: *Liberum est facultas, quâ positis omnibus requisitis ad eligendum & agendum, possumus non eligere & non agere: à qua facultate dicitur causa aliqua libera & agens liberum*. Et ex his à se ita as- sertis manifestum dicit quòd, *Libertas, quâ possumus ex nobis in opposita, sit naturalis proprietas sequens naturam intellectivam, & inseparabilis ab ea*: & quòd *non sit liberum arbitrium, in quibus solum determinatum est judicium*. Ex qui- bus principiis Augustini doctrinæ omnino repugnantibus, ac Pelagianò er- rori consentaneis ipse sic infert: 1. *Si igitur deest gratia, quâ opus est, ut ad Deum cor converti possit; NEC PECCATUM EST quòd quis non convertitur; quia non potest pro tunc ad Deum converti, & necessariò non convertitur, & per con- sequens non liberè*. 2. *Quòd ea quæ per ignorantiam secundum quid invincibilem committuntur, non sunt peccata*. Idem est, addit, *judicium de universis operibus, quæ sunt supra hominis facultatem, qualia sunt, credere Evangelio, super omnia Deum diligere, in eo sperare, & similia, quorum omisso NON EST PECCA- TUM, quando præter nostram propriam culpam non sunt in nostra potestate*: hoc est, non nobis adest gratia quâ ista implere valeamus. Quàm Pelagiana & justitiæ Christianæ regulis adversa hæc sint, nemo non intelligit qui Au- gustini contra Pelagianos disputationes legit.

Porrò in eodem articulo septimo Tapperus asserit non derogari Dei Gra- tiæ si quis dixerit, hominem ex solis ingenitis naturæ stimulis sese modo quo- dam præparare aptumque facere ad quem juvandum veniat Deus. Et ut quantum Pelagianis faverit, neminem lateret, Faustum Regiensē Episcopum,

pum; qui Semipelagianorum fuit antesignanus, & cujus libri à Sancto Gelasio Papa in Concilio Romano è Catholicorum albo deleri sunt, passim commendat & inter Patres adducit. Qui cum Pelagianis, qui Augustinum dixerunt diabolum, ita sentiebat ac docebat Tapperus, nihil mirum est quòd cum Michaelè Baïum intellexisset mera Sancti Augustini sententiam in scholis Lovanienfibus tradere, exclamaverit: *quis diabolus hæc zizania seminavit?*

Judocus Ravefryn, qui Tapperi auditor fuerat, non minùs ægrè ferebat sententias quas à Tappero didicerat; à Michaelè Baïo tanquam catholicæ Sancti Augustini doctrinæ adversas rejici: & speciatim eas, quibus admittebat vires naturales ad morale aliquid bonum in homine remanuisse post peccatum: ut in ejus Apologia contra Illirinum & in Apologia Concilii Tridentini contra Kemnitium videre est.

Cornelius Reyneri, qui Judoco Ravefryn in Præbenda Majori Ecclesiæ Sancti Petri Lovanienfis subrogatus fuerat, non minùs durè ac iniquè egit cum Michaelè Baïo, ut ex disputatione liquet cujus narrationem primùm protulimus, & ex sollicitudine quâ apud Summi Pontificis legatum institit, licet conatu irritò, ut lectio librorum Michaelis Baïi prohiberetur. Unde colligere fas est, ipsum Augustinianis sententiis, quas in suis operibus docebat Michael Baïus, non minùs adversatum fuisse, quàm Judocus Ravefryn ac Ruardus Tapperus. Cum enim ipse nihil scripsisse feratur, non mihi conceditur ex ejus libris explorare quare & quantum ad partes Pelagii deflexerit.

Quid Henricum Gravium moverit ad falsò conquerendum quòd Michael Baïus nullâ habita ratione Censuræ Pontificiæ suos Auditores iis sententiis imbueret, quas ab Apostolica Sede damnatas dicebat: non est unde intelligam. Ab ipso quidem conscripta est Censura Lovanienfis anno 1586. Verùm non paucos reperi inter ipsosmet Doctores Theologos, qui dum gratiæ efficaciam propugnãnt ac gratuitam prædestinationem; alia Doctrinæ Augustinianæ principia, de libero arbitrio, de natura integra, & de virtutibus impiorum, reprobant, non intelligentes adeò strictam ipsorum cum reliquis de Gratia & prædestinatione veritatibus esse concatenationem, ut si unus ex ejus annulis dissolvatur, totam doctrinæ Augustinianæ catenam dissolvi necesse sit. Quòd ergo à Facultate Theologica Lovanienfis cura conscribendi Censuram Henrico Gravio commissâ sit, non mihi argumento est ipsum primaria illa Augustinianæ doctrinæ capita cum Michaelè Baïo tenuisse. Sic Joannes Lensæus, ejus Collega, & in concipienda memorata Censura socius, nihilominus ab Augustiniana doctrina in multis capitibus deflexisseprehenditur tam in sui de libertate Christiana libri c. 3. ubi non adeò collapsam vult in homine corrupto libertatem ut ad virtutes non valeat suis viribus derelicta assurgere: quàm in toto hoc primo libro, ubi oracula quibus Augustinus, Fulgentius & Concilium Araucanum desinierunt cum peccato perisile liberam benè vivendi facultatem, ita contorquet ut non nisi de libertate à peccati reatu & à miseria intelligenda velit; ut præconcepta de libertate idea, quæ illam in potestate ad opposita essentialiter consti-

tutam imaginatur, integra permaneat. Imò in toto ejusdem instituti libro decimo quinto, confutandam suscipit Michaelis Baii, tacito tamen ejus nomine, sententiam de malis hujus vitæ, quæ Michael Baius post Augustinum censuit esse peccati penas. Denique in explicatione 76. articulorum, quam suprà retulimus, Augustino & Michaeli Baio totus adversatur circa statum hominis integri & Angelorum, circa libertatis naturam, & circa meritum operum.

Cunus Petri his Michaelis Baii æmulis se adjunxit, nec solum in multis opposita Doctoris istius vel potius S. Augustini sententiis tenuit; sed eis palam contradicere ac eas confutare cepit tam in tractatibus de peccato originis, de libero arbitrio, de charitate & justificatione & de Indulgentiis, quos libris à Michaele Baio iisdem de rebus scriptis opposuit; quàm in suis in articulos à Pio V. damnatos animadversionibus. Nam circa finem sui Tractatus de peccato Originali, tanquam imaginationem rejicit Michaelis Baii aliorumque Sancti Augustini discipulorum sententiam, qui censent Concupiscentiam, quæ in renatis manet, prohibitam esse præcepto, non concupisces, licet ad peccatum non imputetur, ejus reatu, sed non vitio, per baptismum sublato. Et in Tractatu de Gratia Christi c. 13. communem asserit adultis omnibus sufficientem dari gratiam, quæ ad Deum possunt converti. *Hanc, inquit, generalem esse super omnes filios Adæ misericordiam Dei in Christo Jesu, ut quibus hujus lucis & rationis usum concedit, prorsus NEMINEM OMNINO RELINQUAT, quin saltem paulatim seu gradatim ad verum bonum attolli queat, quod equidem auxilium in divinis instinctibus, pulsibus, inspirationibus & illustrationibus positum esse, & omnibus pro tempore & loco sufficienter adesse crediderim; ut ex illis, cooperante Deo, homo converti & ad cor redire queat.* Sed nec in c. 14. ferre poterat à Michaele Baio & aliis Sancti Augustini discipulis dici, quod nulli tentationi ex veræ virtutis amore, resistere sufficimus absque Christi auxilio: quod omnia in gloriam Dei referre teneamur; *Quemadmodum, ait Cunus, potest homo sine speciali gratia pro dicto comparando laborare, & in hoc non peccare: sic etiam absque simili gratia potest honestâ ratione ductus nolle furari, vel latrocinari. Hæc est enim lex naturaliter scripta in cordibus hominum, quam ne ipsa quidem delet iniquitas, quæ furtum improbat. Quis enim æquo animo furem patitur? Quamvis autem in singulis actibus homo finem aliquem ultimum habeat in quo quiescit, & impii non in Deo finem hunc constituent; NON EST TAMEN IS RIGOR SENTENTIÆ DEI, ut omnia & singula in verum ultimum finem, qui Deus est, referre teneamur.* Nam nimis angusta, dura, & absurda reputatur sententia, quod omnia justî hominis opera vel peccata sunt, vel vitæ æternæ meritoria; utpote qui multa ex naturæ necessitate vel civili ac politicâ ratione facit; & quibus hoc studium & hæc intentio sufficit ne quid admittant quo vel offendatur Deus, vel scandalizetur proximus.

Cum igitur quædam in natura honestatis semina & rectæ rationis lineamenta remanserint, & non necesse sit ut singula in determinatum aliquem finem referantur: non rectè statuitur quod homo nullum opus sine gratiæ adjutorio præstare potest, in quo non delinquat.

Hæc Concilii Arauscani verba: *Homo non habet de suo nisi mendacium & pecca-*



*peccatum*, sic vult intelligenda, ut homo sine Dei donis naturalibus nihil valeat: non quòd sine gratia nihil possit: *Ad verba Concilii*, inquit ibidem, *dicendum est, aliud esse quippiam habere de suo, aliud sine gratia Christi. Nam quisquid ex naturæ talentis, sine peccatis facimus, Dei cooperatione ex naturalibus ejus donis præstamus: unde verè in nullo gloriandum est.*

Deinde illud Apostoli: *Omne quod non est ex fide, peccatum est*: ab Aug. non vult ita intellectum, ut omnia Infidelium opera quæ ad Deum verum non referuntur, sint peccata, sed ea solùm quæ infideli & impiâ voluntate fiunt: *Ab Apostolo quoque dictum est*, (ait in fine sui Tractatus de Gratia) *OMNE QUOD NON EST EX FIDE PECCATUM EST, quia quicquid ex infidelitate vel malâ fide peragitur, verè peccatum est.*

Hæc quantum Pelagianis faveant, & Augustini sententiis repugnent novit vel inter istius Sancti Doctoris discipulos tyro. Porro in Tractatu de lib. arb. c. 9. hæc docet: [ideoque rectè dici potest discrimen istud quo alter reluctatur, alter verò acquiescit, proximè tribuendum esse libero arbitrio: quoniam uterque quod facit, cum libertate facit, ut diversum vel contrarium facere potuerit. &c.]

Et c. 10. *Notanda est*, ait, *profunda quædam propositio D. Ruardi, Cancellarii Lovaniensis, quòd ex similiter tractis & internè corde vocatis, unus credit & convertitur, & alius manet incredulus, nec convertitur, contingere potest ex sola arbitrii divinitus præparati libertate, nec aliter contingere potest, si similiter sunt affecti, & vocantur secundum quod apti sunt ad sequendum.*

In prolixiori autem commentario quem Cunerus Leuwardiæ anno 1571. scripsit in 76. articulos à Pio V. damnatos, & quem ipsius vel cujuspiam alterius manu descriptum evolvi, magis adhuc mentem suam aperit Semipelagianâ tinctam fuligine: Ex quibus omnibus colligas quàm rari fuerint etiam tum temporis in ipsa Academia Lovaniensi Doctores Theologi, qui Sancti Augustini sensum planè assecuti sint; ac ita secuti, ut à sancti illius Doctoris mente in multis non aberraverint: Et quòd Michael Baius, qui unicuique S. Augustini dogmata ita pressè sectabatur ut in nullis ab eo defligeret, non alios in sua Academia æmulos habuerit, nisi qui ipsi Augustino in multis adversarentur, ac cum Semipelagianis in multis sentirent.

Sed nec mireris extra Academiam Joannem Strienum, Episcopum Midelburgensem, qui se Ruardi Tapperi ac Judoci Tiletani auditorem fuisse gloriabatur, ac Censuræ Lovaniensî ita repugnabat, ut eam Episcopis probari iniquissimè se ferre, dissimulare non potuerit in quadam Epistola quam Lindano Episcopo Ruremondensi anno 1587. scripsit; insensum fuisse Michaeli Baio imbutumque Pelagianis Ruardi Tapperi, Judoci Ravekyn, & Cunei Petri opinionibus, dixisse in alia ad Archiepiscopum Mechliniensem Epistola, quòd ut *Africa semper aliquid monstri, ita hæc Theologica Lovaniensis Facultas novæ doctrinæ aliquid gignit*: his enim, quæ sola vera putabat, dogmatibus assueto nova videbatur Sancti Augustini sententia quam non audierat.

Quod Franciscum Horantium attinet, quisquis ipsius Locos Catholicos attentè perlegerit, facîle comperiet quàm peregrinus fuerit in Sancti Augustini doctrina.

doctrina; quantumque familiaris ei fuerit sententia Pelagianorum; mirumque proinde non esse quoddam Michaeli Baio contradixerit.

Ipse l. 1. c. 24. nullam interiorum gratiam vult tentationibus vincendis esse necessariam; sed hanc Philosophorum sententiam laudat ac defendit: *humani intellectus ratio gubernationi morali rectæ & studiosæ satis sufficit: voluntas verò illi subjacens à sensu quidem ad mala sollicitatur: sed ut liberam electionem habet, impediri nequaquam potest quin rationem ducem per omnia sequatur, si velit.*

Et c. 25. postquam retulit quæ quorundam antiquorum Philosophorum incredibilis probitas fuerit: ipse sic arguit; *Id verò, nempe quoddam quorundam philosophorum incredibilis pietas sit, nos manifestè docet multorum qui in illo sæculo vixerunt, & sub illa luce innocenter & honestè transacta vitæ: omnibus sanè sæculis existerunt, qui naturâ duce ad virtutem intenti totâ pene vitâ fuerunt: &c.*

C. 26. dicit in Camillo exemplum mirabile haberi naturam si studio excitetur, nimium bonitate præstare; & naturæ non deesse ad virtutis studium non parvam liberamque facultatem. Et ad Augustinum l. 4. contra Jul. c. 3. respondet non eum sentire quoddam Paganorum facinora, quæ in Deum non relata sunt, fuerint peccata; sed quoddam excellentissimo gradu virtutis fuerint privata.

Imo in c. 28. temeritatis arguit eos qui pronunciarent antiquos illos Philosophos esse ab æterna salute exortes. Unde hoc capitulum sic inscripsit: *Sicut indecorum est antiquorum Philosophorum opera omnia obelo notare: sic temerarium est de eorum salute certi quicquam affirmare.* Et in textu Capituli ait: *Multum tamen hujusmodi actibus Ethnicorum naturam nostram excelluisse, nimiumque ad bonum valere, si quidem excolatur, intrepidè cum eodem Augustino dicere audeo* Et pauld pòst: *De Philosophorum salute æterna neque rei causa neque tempus agere permittunt. Secretiora sunt ista & majora, quàm quæ brevi ac simplici sermone nunc ego persequar. Tantum id dicam.. crimen esse & scelus quoddam solum longâ penitentiâ expiari possit, sic in universum tantorum sapientum & sapienter enunciata, & religiosè summaque cum virtute gesta bilioso stomacho, tanquam peccata & quasi scelera reprehendere. Magisne unquam ipse Pelagius naturam commendavit, quàm iste Philosophorum Ethnicorum laudator? Istum aliosque similes habuisse æmulos satis est vindicandæ Michaelis Baii fidei.*

#### OBSERVATIO 4.

Circa sententias quæ Michaeli Baio ab ipsius æmulis adscriptæ sunt, ac Piò V. ad censuram exhibitæ.

Advertendum 1. sententias illas in omnibus tam manuscriptis quàm excusis Codicibus, præterquàm in Bulla Urbani VIII. quæ incipit, *In eminenti*, numeris distinctas quidem haberi; sed in his numerandis multam esse variationem: alii enim duntaxat septuaginta quinque computant, alii & quidem emendatiores computant septuaginta sex, alii septuaginta novem, & alii octoginta: non quoddam aliæ vel plures aut pauciores fuerint in uno exemplo quàm in

in alio, sed quòd eadem diversis modis distinctæ sint, unâ nonnunquam in duas divisâ, vel duobus aliquando in unam contractis, seu recensitis sub eodem numero: exempli gratiâ, duæ illæ sententiæ: *Omnia opera Infidelium sunt peccata: Et virtutes Philosophorum sunt vitia*, in nonnullis exemplaribus tanquam duæ, videlicet 25. & 26. computantur; in aliis tanquam una, scilicet vigesima quinta, numerantur. Ego verò emendatiores Codices secutus eas in septuaginta sex distribui.

Advertendum 2. non paucas in Codicibus variationes circa ipsum textum hujusmodi sententiarum reperiri, quarum præcipuas ad marginem annotavi in Bulla Pii V. ubi integræ referuntur.

Advertendum 3. illas omnes Michaeli Baio fuisse attributas. Licet enim nullius auctoris nomen expressum sit, libri tamen prænotati sunt, ex quibus extractæ dicebantur, & quos à Michaele Baio scriptos constat ac in lucem editos.

Advertendum 4. quòd ex illis septuaginta sex sententiis, quæ Michaeli Baio adscriptæ sunt, plus quàm sexaginta falsò sint ipsi impostæ: ac vix quatuordecim, nimirum 2. 4. 5. 6. 8. 12. 18. 22. 27. 28. 48. 49. 50. & 56. (iis inter eas computatis quæ non sunt nisi tituli capitulorum videlicet 2. 12. 28.) in ejus operibus assertæ legantur. Imò inter eas, quæ ipsi calumniose ascriptæ sunt, decem numerantur scilicet 30. 35. 40. 42. 45. 63. 64. 65. 66. & 73. quæ à Michaelis Baii mente prorsus alienæ sunt, & tanquam falsæ ac hæreticæ ab ipsomet reprobantur.

Non tamen dissimulandum quòd ex his quæ in ejus libris non leguntur, sed adulteratæ sunt vel malâ fide ex eis excerptæ; quadraginta sex vel septem, videlicet 1. 3. 7. 9. 10. 16. 21. 22. 24. 25. 26. 27. 28. 29. 30. ex parte, 31. 32. 33. 34. 36. 37. 38. 39. 41. 43. 44. 46. 47. 51. 52. 53. 54. 55. 56. 57. 58. 59. 61. 62. 67. 68. 69. 70. 74. 75. & 76. sensum terre possunt qui ab eo non abhorret, quem Michael Baius post Sanctum Augustinum docuit, & qui extra omnem censuram est: sed non propterea ejus dici possunt. Quæ ut facilius discernantur indicem illarum ob oculos hic ponere visum est, discernendo quæ ejus sunt.

## S E N T E N T I Æ 76.

## P I O V. E X H I B I T Æ,

## E T A B E O D A M N A T Æ

A N N O 1567.

Ex libro primo *De meritis operum.*(a) Al.  
*gratia.*

1. *Nec Angeli nec primi hominis adhuc integri merita rectè vocantur* (a) *gratiæ.* Non est Michaelis Baii, sed ex c. 4. libri primi *De meritis operum*, malè excerpta.

2. *Sicut opus malum ex natura sua est mortis æternæ meritorium; sic bonum opus ex natura sua est vitæ æternæ meritorium.* Est duntaxat titulus capituli 2. l. 2. *De mer. oper.*

3. *Et bonis Angelis & primo homini, si in statu illo perseverasset usque ad ultimum vitæ, felicitas esset merces & non gratia.* Non est Michaelis Baii, sed ex ipsiusmet Sancti Augustini sensu & verbis à Michaele Baio relatis in c. 2. 3. & 4. l. 1. *De mer. oper.* malè excerpta.

(b) Al.  
omit. per  
se.

4. *Vita æterna homini integro & Angelo promissa fuit intuitu bonorum operum: & bona opera ex lege naturæ ad illam consequendam* (b) *per se sufficiunt.* Est Michaelis Baii l. 2. c. 2. *De mer. oper. in terminis & in sensu catholico.*

5. *In promissione facta Angelo & primo homini continetur naturalis iustitiæ constitutio, quæ pro bonis operibus sine alio respectu vitæ æternæ iustis promittitur.* Est Michaelis Baii l. 1. c. 2. *De mer. oper. in terminis, & in sensu valde catholico.*

(c) Al.  
*persever-*  
*tanti.*

6. *Naturali lege constitutum fuit homini, ut si in obedientia* (c) *perseverasset, ad eam vitam pertransiret, in qua mori non posset.* Est Michaelis Baii l. 1. c. 3. *De mer. oper. in terminis & sensu catholico.*



7. Primi hominis integri merita fuerunt primæ creationis munera; sed juxta modum loquendi Sacræ Scripturæ non RECTE vocantur (a) gratiæ: quo fit ut tantum merita, non etiam gratiæ, debeant nuncupari. Non est Michaelis Baii, sed ex c. 4. l. 1. De mer. op. malè excerpta. (a) Al. gratia.

8. In redemptis per gratiam Christi nullum inveniri potest bonum meritum, quod non sit gratis indigno collatum. Est Baii l. 1. c. 4. De mer. oper. in terminis & sensu catholico.

9. Dona concessa homini integro & Angelo forsitan non improbanda ratione (b) possent dici gratia: sed quia, secundum usum Sacræ Scripturæ, nomine gratiæ (b) Al. ea tantum munera intelliguntur quæ per Jesum Christum malè merentibus & inpossunt dignis conferuntur: idè neque merita neque merces quæ illis redditur, gratia dici (c) debet. Non est Baii, sed ex c. 4. l. 1. De mer. oper. malè fide excerpta. (c) Al. potest.

10. (d) Solutionem pænæ temporalis, quæ peccato remisso sæpe remanet, & (d) Al. corporis resurrectionem non nisi Christi meritis adscribendam esse. Non est Baii, sed ex c. 9. l. 1. De mer. oper. malè excerpta. solutio., resurrectio adscribenda est.

11. Quidpiè & justè in hac vita mortali usque in finem conversati vitam (e) consequimur æternam, id non propriè gratiæ Dei, sed ordinationi naturali (e) Al. statim in initio creationis constitutæ (f) justo Dei judicio deputandum est: neque in hac retributione bonorum ad Christi meritum respicitur, sed tantum ad primam institutionem generis humani, in qua lege naturali constitutum est ut justo Dei judicio, obedientiæ mandatorum vita æterna reddatur. Non est Baii, sed ex c. 9. l. 1. De mer. oper. malè excerpta. (f) Al. merito. & justa.

(g) Ex libro 2. de meritis operum.

12. Pelagii sententia est: opus bonum citra gratiam adoptionis factum non (h) est regni cælestis meritum. Est duntaxat titulus capitis 4. l. 2. De mer. oper. (g) Al. omit. (h) Al. esse.

13. Opera bona à filiis adoptionis facta non recipiunt rationem meriti, èd quòd fiunt per spiritum adoptionis inhabitantem corda filiorum Dei: sed tantum ex eo quòd sint conformia legi, quòdque per ea præstetur obedientia (i) legis. Non asseritur à Michaelis Baio, sed inter quæstiones salvà pace disputatas refertur in l. 2. legi. c. 2. De mer. oper. (i) Al.

14. Opera bona justorum non accipient in die judicii exteriorem mercedem, quam justo Dei judicio merentur accipere. Non asseritur à Baio, sed inter quæstiones salvà pace disputatas proponitur in c. 9. l. 2. De mer. oper.

(a) AL. 15. (a) *Docet rationem meriti non consistere in eo quod qui bene operatur habet gratiam & Spiritum sanctum inhabitantem; sed in eo solum, quia obedit legi divinæ.* (b) *Quam sententiam sæpe repetit, & multis rationibus probat toto fere libro.* Non asseritur à Baio, sed inter sententias quæ salvâ pace disputantur, refertur in c. 1. l. 2. *De mer. oper.*

(c) AL. 16. (c) *In eodem libro sæpe repetit quod non est vera legis obedientia, quæ sit sine charitate.* Non asseritur à Baio, sed inter eas quæ salvâ pace possunt disputari, refertur in c. 1. l. 2. *De mer. oper.*

(d) AL. 17. (d) *Dicit sentire cum Pelagio qui dicunt esse necessarium ad rationem meriti, ut homo per gratiam adoptionis sublimetur ad statum deificum.* Non est Michaelis Baii, sed ex l. 2. c. 4. *De mer. oper.* malè excerpta.

(e) AL. 18. (e) *Dicit opera Catechumenorum, ut fidem & poenitentiam, ante remissionem peccatorum facta, esse æternæ vitæ merita; quam tamen non consequuntur Catechumeni, nisi prius præcedentium delictorum impedimenta tollantur.* Est Mich. Baii l. 2. c. 6. *De mer. oper.* licet minus accuratè collecta.

(f) AL. 19. (f) *Videtur insinuare quod opera justitiæ & temperantiæ, quæ Christus fecit, ex dignitate personæ operantis non traxerint majorem valorem.* Non est Mich. Baii, sed ex c. 7. l. 2. *De mer. oper.* malè excerpta.

(g) AL. 20. *Nullum est peccatum ex natura sua veniale; sed omne peccatum meretur poenam æternam.* Non asseritur à Mich. Baio, sed inter eas quæ salvâ pace disputantur inter Catholicos, refertur in l. 2. c. 7. *De mer. oper.*

(h) Ex libro 1. de prima hominis justitia.

21. *Naturæ humanæ sublimatio & exaltatio in consortium divinæ naturæ debita fuit integritati primæ conditionis; ac proinde naturalis dicenda est, & non supernaturalis.* Non est Mich. Baii, sed ex ejus c. 4. l. 1. *De prima hominis justitia*, malè excerpta.

22. *Cum Pelagio sentiunt qui textum Apostoli ad Rom. 2. Gentes quæ legem non habent, naturaliter ea quæ legis sunt faciunt; intelligunt de Gentibus fidei gratiam non habentibus.* Est Mich. Baii l. 1. *De prima hom. just.* c. 6. in terminis & sensu catholica.

23. *Absurda est eorum sententia qui dicunt hominem ab initio dono quodam supernaturali & gratuito supra conditionem naturæ suæ fuisse exaltatum, ut fide, spe & charitate Deum supernaturaliter coleret.* Non est Baii, sed ex ejus c. 7. l. 1. *De prim. hom. just.* malè excerpta.

24. *A vanis & otiosis hominibus, secundum insipientiam Philosophorum excogitata est sententia: hominem ab initio sic constitutum ut per dona naturæ superaddita fuerit largitate Conditoris sublimatus, & in Dei filium adoptatus: & ad Pelagianismum rejicienda est ista sententia.* Non est Baii, sed ex ejus c. 8. lib. De prima hom. just. malè excerpta.

(a) Ex libro 2. De virtutibus Impiorum.

(a) Al.  
omittun-  
tur ista.

25. *Omnia opera infidelium sunt peccata.* Non est Baii: sed collecta ex S. Augustini testimonio relato in c. 5. l. 1. De virtutibus Impiorum.

26. *Es Philosophorum virtutes sunt vitia.* Non est Michaelis Baii; sed ex iis quæ ex Augustino profert l. De Virtutibus Impiorum, c. 7. collecta.

27. *Integritas primæ creationis non fuit indebita humanæ naturæ exaltatio, sed naturalis ejus conditio: (b) quam sententiam repetit & probat per multa capitula.* Est duntaxat titulus Capituli 4. l. De prima hom. just.

(b) Al.  
omittun-  
tur ista.

28. *Liberum arbitrium sine gratiæ Dei adjutorio nonnisi ad peccandum valet.* Est duntaxat titulus capituli 8. l. De virtut. Impiorum.

29. *Pelagianus est error dicere quòd liberum arbitrium valet ad ullum peccatum vitandum.* Non est Baii; imò eam in aliquo sensu hæreticam ipse in sua Apologia declarat, sed est ex S. Augustini sententia adducta à Baio in c. 8. l. De virtutibus Impiorum, malè excerpta.

30. *Non (c) solum fures ii sunt & latrones, qui Christum viam & ostium veritatis & vitæ negant; sed etiam quicumque aliunde quam per Christum in viam solæ justitiæ, hoc est, ad aliquam justitiam conscendi posse dicunt: Aut tentationi ulli sine gratiæ ipsius adjutorio resistere hominem posse, sic ut in eam non inducatur aut (d) ab ea non superetur.* Non est Baii, licet prima ejus pars habeatur in ejus c. 9. l. De virtut. Imp. & altera sit Innocentii 1. & Cœlestini 1. in sancto & vero sensu.

(c) Al.  
ab ea su-  
peretur.

(e) Ex libro De Charitate.

(e) Al.  
omittun-  
tur ista.

31. *Charitas perfecta & sincera, quæ est ex corde puro & conscientia bona, & fide non ficta, tam in Catechumenis, quam in penitentibus potest esse sine remissione peccatorum.* Non est Baii, sed ex ejus l. De Charitate, c. 7. malè excerpta.

32. *Charitas illa, quæ est plenitudo legis, non est semper conjuncta cum remissione peccatorum. Non est Baii, sed ex ejus l. De Char. c. 7. malè excerpta.*

33. *Catechumenus justè & rectè & sanctè vivit, & mandata Dei observat, ac legem implet per charitatem ante obtentam remissionem peccatorum, quæ in baptismi lavacro demum percipitur. Non est Baii, sed ex ejus c. 7. De Char. & ex c. 7. De justitia, malè excerpta.*

(a) Al. *inensector.*  
34. *Distinctio illa duplicis amoris, videlicet naturalis, quo Deus amatur ut autor naturæ; & gratiuit, quo Deus amatur ut (a) beatificator, vana est & commentitia, & ad illudendum sacris litteris ac plurimū Veterum testimoniis excogitata. Non est Baii, sed ex ejus c. 4. De Charitate, collecta.*

(b) in suo opte contra Baianos.  
35. *Omne quod agit peccator, vel servus peccati, peccatum est. Nullatenus est Baii; imò ipse eam ut hæreticam abominatur in Apologia. Et ipse (b) Ripalda fatetur eam non esse Baii.*

36. *Amor naturalis, qui ex naturæ viribus oritur, ex sola philosophia per elationem præsumptionis humanæ cum injuria Crucis Christi defenditur à nonnullis Doctoribus. Non est Baii, sed ex c. 5. l. De Charit. malè excerpta.*

(c) Al. *bonum ali-*  
*quod natu-*  
*rale.*  
37. *Cum Pelagio sentit qui (c) boni aliquid naturalis, hoc est, quod ex solis naturæ viribus ortum ducit, agnoscit. Non est Baii, sed ex ejus c. 5. l. De Char. malè excerpta.*

(d) Al. *corda. dis-*  
*sum.*  
38. *Omnis amor creaturæ rationalis aut vitiosa est cupiditas, quæ mundus diligitur, quæ à Joanne prohibetur; aut laudabilis illa charitas, quæ per Spiritum Sanctum in corde diffusa Deus (d) amatur. Non est Baii, sed ex S. Augustini & S. Leonis sensu & verbis adductis in l. De Char. c. 6. malè excerpta.*

(e) Al. *omittuntur ista.*  
(f) Al. *necessarii.*

(e) Ex libro *De libero arbitrio.*

39. *Quod voluntariè fit, etiamsi (f) necessitate fiat, liberè tamen fit. Non est Baii, sed ex ejus l. De libero arb. c. 7. malè excerpta.*

40. *In omnibus suis actibus peccator servit dominanti cupiditati. Nullatenus est Baii: imò ab eo tanquam hæretica rejicitur in sua Apologia. Et ipse Ripalda fatetur eam in Baii operibus non haberi.*

41. *Is libertatis modus, qui est à necessitate, sub libertatis nomine non reperitur in Scripturis; sed solum nomen libertatis à peccato. Non est Baii, sed ex ejus l. De lib. arb. c. 7. malè excerpta.*

Ex:



(a) Ex libro *De justitia*.(a) Al.  
omittuntur  
ista.

42. *Justitia, quâ justificatur per fidem impius, consistit formaliter in obedientia mandatorum, quâ est operum justitia; non autem in gratia aliqua animo infusa, quâ adoptatur homo in filium Dei, & secundum interiorem hominem renovatur, ac divinæ naturæ consors efficitur, ut sic per Spiritum Sanctum renovatus, deinceps bene vivere & mandatis Dei obedire possit. Nullatenus est Michaelis Baii; imò ipse eam execratur in sua Apologia.*

43. *In hominibus pœnitentibus ante Sacramentum absolutionis, & in Catechumenis ante baptismum, est vera justificatio, separata tamen à remissione peccatorum. Non est Baii, sed ex ejus l. De justitia, c. 7. malè excerpta.*

44. *Operibus plerisque, quæ à Fidelibus sunt ut mandatis Dei pareant, cujusmodi sunt, obedire parentibus, depositum reddere, ab homicidio, à furto, à fornicatione abstinere, justificantur quidem homines quia sunt legis obedientiæ, & veræ legis justitiæ, non tamen iis obtinent incrementa virtutum. Non est Baii, sed ex ejus l. De justitia, c. 5. & ex l. De justificatione c. 5. malè excerpta: unde & ipse eam, ut concepta est, hæreticam declarat in sua Apologia.*

(b) Al.  
obedientiæ.  
(c) Al.  
incrementum.(d) Ex libro *De Sacrificio*.(d) Al.  
omittuntur  
ista.

45. *Sacrificium Missæ non aliâ ratione est Sacrificium, quàm generali illâ quâ omne opus quod fit ut sanctâ societate Deo homo in hæreat. Non est Baii: imò ipse eam simpliciter hæreticam declarat, & ex l. De Sacrificio, c. 6. pessimè excerptam.*

(e) Ex libro *De Peccato Originis*.(e) Al.  
omittuntur  
ista.

46. *Ad rationem & definitionem peccati non pertinet voluntarium: Nec definitionis quæstio est, sed causæ & originis, utrùm omne peccatum debeat esse voluntarium. Unde peccatum Originis verè habet rationem peccati, sine ulla relatione ac respectu ad voluntatem, à qua originem habuit. Non est Baii, sed ex ejus l. De pecc. Originis, c. 7. malè excerpta.*

47. *Peccatum Originis est habituali parvuli voluntate voluntarium: & habitualiter dominatur parvulo, eò quod non gerat contrarium voluntatis arbitrium. Et ex habituali voluntate dominante fit, ut parvulus decodens sine Regenerationis Sacramento, quando usum rationis consecutus (f) est, actualiter Deum odio habeat, Deum blasphemet, & legi Dei repugnet. Non est Baii, sed ex l. De pecc. Orig. c. 7. malè excerpta.*

(f) Al.  
omittuntur  
ista.

48. Prava desideria quibus ratio non consentit, & quæ homo invitus patitur, sunt prohibita præcepto: *Non concupisces. Est Michaelis Baii l. De pecc. Orig. c. 11. in terminis & sensu catholico.*

49. Concupiscentia sive lex membrorum & prava ejus desideria, quæ inviti sentiunt homines, sunt vera legis inobedientia. *Est Baii l. De pecc. Orig. c. 4. 15. & 16. in term. & in sensu catholico.*

50. Omne scelus ejus est conditionis, ut suum autorem & omnes ejus posteros eo modo inficere possit, quo infecit prima transgressio. *Est Baii l. De pecc. Orig. c. 13. tam in terminis, quam in sensu catholico.*

(a) Al.  
prima  
transgres-  
sionis.

51. (a) *Quantum est ex vi transgressionis, tantum meritorum malorum à generante contrahunt qui cum minoribus nascuntur vitiis, quam qui cum majoribus. Non est Baii, sed ex ejus l. De pecc. Orig. c. 6. malè excerpta.*

52. *Definitiva hæc sententia: Deum nihil homini præcepisse impossibile, falsò tribuitur Augustino, cum Pelagii sit. Non est Baii, sed ex c. 12. l. De pec. Orig. malè excerpta.*

53. *Deus non potuisset ab initio talem creare hominem, qualis nunc nascitur. Non est Baii, sed ex l. De pec. Orig. c. 5. malà fide collecta. Ipse pater Ripalda fatetur eam non haberi in Michaelis Baii operibus.*

(b) Al.  
omittun-  
tur ista.

(b) Ex tractatu *De Oratione pro Defunctis.*

54. *In peccato duo sunt, actus & reatus: transeunte autem actu, nihil remanet nisi reatus, sive obligatio ad pœnam. Unde in sacramento baptismi aut Sacerdotis absolutione propriè reatus peccati duntaxat tollitur; & ministerium Sacerdotum solum liberat à reatu. Non est Baii, sed ex ejus Tract. De orat. pro Defunct. c. 4. malè excerpta.*

55. *Peccator pœnitens non vivificatur ministerio Sacerdotis absolventis, sed à solo Deo, qui pœnitentiam suggerens & inspirans, vivificat eum & resuscitat: ministerio autem Sacerdotis solus reatus tollitur. Non est Baii, sed ex S. Augustini verbis relatis in c. 4. Tract. De orat. pro Defunct. collecta.*

(c) Al.  
omittun-  
tur ista.

(c) Ex tractatu *De Indulgentiis.*

56. Quando per eleemosynas, aliaque pœnitentiæ opera, Deo satisfacimus pro pœnis temporalibus, non dignum pretium Deo pro peccatis nostris offerimus; sicut quidam errantes autumant: nam alioquin essemus saltem aliqua ex parte nostri redemptores: sed aliquid facimus, cujus intuitu  
Christi

Christi satisfactio nobis applicatur & communicatur. Est Baii c. 8. Tract. De Indulg. etsi minus accurate collecta.

57. Per passiones Sanctorum in Indulgentiis communicatas, non propriè redimuntur nostra delicta; sed per communionem charitatis nobis eorum passiones imperiuntur. ut digni simus qui pretio sanguinis Christi à pœnis pro peccatis debitis liberemur. Non est Baii, sed ex c. 8. Tract. De Indulg. malè excerpta.

58. Celebris illa Doctorum distinctio: divinæ legis mandata bisariam impleri; altero modo, quantum ad præceptorum operum substantiam tantum; altero, quantum ad certum quemdam modum, videlicet, secundum quem valeant operantem perducere ad regnum æternum, hoc est, ad modum meritorium: commentitia est & explodenda. Non est Michaelis Baii.

59. Illa quoque distinctio, quæ opus dicitur bisariam bonum; vel quia ex objecto & ex omnibus circumstantiis rectum est, quod moraliter bonum appellari consuevit; vel quia est meritorium regni æterni, eo quod sit a viro Christi membro per Spiritum charitatis, rejicienda putatur. Non est Baii.

60. (a) Similiter & illa distinctio duplicis justitiæ; alterius, quæ fit per Spiritum <sup>(a) Al.</sup> charitatis inhabitantem; alterius verò, quæ fit ex inspiratione Spiritus Sancti cor <sup>Sed &</sup> ad penitentiam excitantis, sed nondum cor inhabitantis, & in eo charitatem disfundentis, quæ divinæ legis justificatio impleatur; odiosissime & pertinacissime rejicitur. Non est Michaelis Baii.

61. (b) Denique & illa distinctio duplicis vivificationis; alterius, quæ vivifi- <sup>(b) Al.</sup> catur peccator, dum ei penitentiæ & vitæ novæ propositum & inchoatio per Dei <sup>Iterum &</sup> gratiam inspiratur; alterius, quæ vivificatur, qui verè justificatur & palme vitæ in Christo vitæ efficitur, commentitia (c) judicatur, & Scripturis minimè <sup>(c) Al. est.</sup> conveniens. Non est Baii; & ipse P. Ripalda agnoscit eam in ejus libris non haberi.

62. Non nisi Pelagiano errore admitti potest usus aliqui liberi arbitrii bonus, siue non malus: & gratia Christi injuriam facit, qui ita sentit & docet. Nullatenus est Baii, ut fatetur ipse Ripalda. Imò Baius eam, ut jacet, hæreticam pronunciat in Apol. licet in alio sensu sit Sancti Augustini.

63. Sola violentia repugnat libertati hominū naturali. Nullatenus est Baii: imò ipse eam damnat in Apologia.

64. Homo peccat etiam damnabiliter in eo quod necessariò facit. Nequaquam est Baii, ut ipse Pater Ripalda fatetur. Imò Baius eam detestatur in sua Apologia.

65. Infide-

65. Infidelitas purè negativa in iis quibus Christus non est prædicatus, peccatum est. Non est Baii, ut agnoscit ipsemet Ripalda. Imò Baius eam damnat in sua Apologia.

66. Justificatio impij fit formaliter per obedientiam legis: Non autem per oculicam communicationem & inspirationem gratiæ, quæ per eam justificatos facit implere legem. Non est Baii: imò ab illo rejicitur in sua Apologia.

67. Homo existens in peccato mortali, siue in reatu æternæ damnationis, potest habere veram charitatem: & charitas etiam perfectæ potest consistere cum reatu æternæ damnationis. Non est Baii, sed ex ejus Tract. De charitate, c. 7. truncatim excerpta.

(a) Al. cum charitate perfecta. 68. Per contritionem etiam (a) charitate perfectam, & cum voto sacramentum suscipiendi conjunctam, non remittitur crimen extrà casum necessitatis aut martyrii, siue actuali susceptione Sacramenti. Non est Michaelis Baii.

69. Omnes omnino justorum afflictiones sunt ultiones peccatorum ipsorum: unde & Job & Sancti Martyres quæ passi sunt, propter peccata sua passi sunt. Nequaquam est Baii, & ipse P. Ripalda fatetur eam in ejus operibus non inveniri.

70. Nemo præter Christum est absque peccato originali. Hinc B. Virgo mortua est propter peccatum ex Adam contractum, omnesque ejus afflictiones in hac vita, sicut & aliorum justorum, fuerunt ultiones peccati actualis vel originalis. Nullatenus est Baii, & eam in ejus libris non reperiri ultro agnoscit P. Ripalda.

71. Concupiscentia in renatis relapsis in peccatum mortale in quibus jam dominatur, peccatum est, sicut & alii habitus prævi. Nequaquam est Baii, ut agnoscit Ripalda: sed ex c. ultimo l. De pecc. Orig. malè excerpta.

72. Motus prævi concupiscentiæ sunt pro statu hominis vitiatum prohibiti præcepto: NON CONCUPISCES: Unde homo eos sentiens & non consentiens, transgreditur præceptum: NON CONCUPISCES: quamvis transgressio in peccatum non deputetur. Non est Baii, sed ex ejus c. undecimo l. De pecc. Orig. collecta.

73. Quandiu aliquid concupiscentiæ carnalis in diligente est, non facit præceptum: DILIGES DOMINUM DEUM TUUM EX TOTO CORDE TUO. Non est Baii: Imò ipse tanquam hæreticam illam execratur in sua Apologia.



74. *Satisfactiones laboriosæ Justificatorum non valent expiare de condigno peccatam temporalem restantem post culpam condonatam.* Non est Baii, sed ex cap. 8. 1. *De Indulg.* malè excerpta.

75. *Immortalitas primi hominis non erat gratiæ beneficium, sed naturalis conditio.* Non est Baii, sed ex c. 8. lib. *De Indulg.* malè excerpta: imò P. Ripalda fatetur eam in libris Baii non legi.

76. *Falsa est Doctorum sententia, primum hominem potuisse à Deo creari & institui sine justitia naturali.* Nullatenus est Baii, & Ripalda fatetur eam inter Baii opera non haberi.

Ex quibus nemo non intelligere valet quanta fuerit eorum qui hujusmodi sententias collegerunt ac Summo Pontifici exhibuerunt adversus Michaellem Baium æmulatio, audacia ac nequitia, imò & erga Sanctam Sedem irreverentia; ut eximio huic Doctori tot sententias, quarum aliæ erant hæreticæ, aliæ magis Augustini quàm ipsius, aliæ adulteratæ & ex ipsius scriptis malâ fide excerptæ, adscriberent; ac ipsi per summam imposturam adscriptas Summo Pontifici exhiberent ad censuram.

## OBSERVATIO 5.

Animadvertendum nihilominus 1. quòd isti Delatores ac impostores suis fraudibus ac mendaciis Pium V. ita circumvenerunt, ut tandem ab eo Censuram ac Diploma adversus has sententias extorserint, Michaelle Baio non solum non audito nec vocato; sed nullâ, quæ sciatur, nisi levissimâ institutâ disquisitione, & absque librorum Michaelis Baii examine, quos si vel aperuissent, fraudem Delatorum comperissent ac nequitiam.

Animadvertendum 2. hâc Pii V. Bullâ articulos in quibus vix aliquis prævus sensus potest deprehendi, & qui intellectum fidei ac catholicæ Sancti Augustini doctrinæ planè consentaneum præ se ferunt, nudè ac simpliciter proscribi, in multam Sedis Apostolicæ injuriam, ac grave omnium Eruditorum scandalum.

Ibi enim damnatus legitur tertius articulus, qui non nisi verba Sancti Augustini habet & sensum. Ibi proscribitur octavus, cujus verba ac sensus obvius nos edocent, omnia nostra merita esse Dei dona, ac divinæ misericordiæ munera. Ibi damnatur decimus sextus, qui planissimum Sancti Augustini sensum præ se fert, passim adversus Pelagianos docentis, quòd qui non ex amore justitiæ seu ex charitate facit quæ lege præcipiuntur, non legem verè & ut debet observat: quod prorsus idem est ac si diceret, non veram esse legis obedientiam, quæ fit sine charitate.

Ibi configuntur articuli vigesimus quintus & vigesimus sextus, quibus non nisi sensus Sancti Augustini exprimitur. Ibi censurâ notatur articulus vigesimus octavus, qui catholicam S. Augustini, seu potiùs Ecclesiæ, veritatem præ se fert.

Ibi damnantur, in trigésimo articulo, qui cum Ecclesiâ adversus Pelagianos

nos corde credunt ac ore confitentur hominem nulli tentationi absque gratiæ adiutorio resistere posse.

Ibi denique, præter alios, in articulo septuagesimo censuræ subjiciuntur qui senserint cum omnibus antiquis Patribus, quòd nemo præter Christum est absque peccato Originali: quod quo sensu censuram eo tempore meruerit, nemo verè Theologus intelligit.

Animadvertendum 3. plures ex proscriptis in isto Diplomate articulis esse valde ambiguos seu æquivocos, adeò ut in sensu vero & catholico æquè intelligi valeant ac in falso & hæretico. Nihilominus verò Censura in illos ita absolutè ac indistinctè lata est, ut discerni minimè possit in quem sensum cadat, an in falsum & hæreticum, an in eum quem verum credimus ac catholicum. Exempli gratiâ, articulus quinquagesimus tertius, quo dicitur Deus non potuisse hominem ab initio talem creare, qualis nunc nascitur: vel ita intelligi potest, ut Deus non potuerit hominem ab initio creare filium iræ ac vindictæ, qualis nunc nascitur: vel ita ut Deus non potuerit hominem creare ab initio morti obnoxium, qualis modò nascitur; & adhuc istud duplicem potest habere intellectum: quòd videlicet hoc Deus non potuerit ratione potentiae, vel ratione justitiæ suæ ac sapientiæ: & tamen absque ulla distinctione sensum articulus iste, sicut & alii, simpliciter in Pii V. Diplomate damnatus est.

Animadvertendum 4. In istas sententias, quarum aliæ sunt hæreticæ, aliæ simpliciter falsæ dicuntur, aliæ temerariæ ac scandalosæ; censura ita indiscriminativè fertur, ut ex ea nullatenus intelligi possit quænam reprobandæ sint ut hæreticæ, quæ ut simpliciter falsæ, & quæ duntaxat ut temerariæ vel scandalosæ. Et inter Theologos quidem multum disputatur in quo sensu proscripti sint à Pio V. isti articuli. Vasquez enim & aliqui alii nonnullos in uno sensu defendunt, in quo Ripalda & alii eos à Pontifice contentendos esse damnatos. Cunctus Petri eos vult juxta hunc intellectum, Belarminus juxta istum, Torrez juxta alium, Steyaert juxta alterum, Autor Doctrinæ per Belgium manantis juxta Theologorum Lovaniensium mentem esse à Pio V. confixos. Alii cum Toletò & Vasque plurimos ipsorum non propter doctrinam, sed duntaxat propter censuræ acerbiteriam, prohibitos asserunt; alii cum Ripalda singulos dicunt ob doctrinam damnatos à Pontifice. Deinde alii cum Ripalda eos volunt in sensu Michaelis Baii censuram subisse Pontificis: Alii cum Steyaertio eos esse Pontificis censurâ notatos, ut erant à delatoribus descripti & Papæ oblati. Porro quâ censurâ afficiantur singuli articuli, hoc est, quinam ut hæretici, quinam ut simpliciter falsi, quinam ut duntaxat temerarii ac scandalosi, à Pio V. disjuncti sunt nondum constat inter Theologos, adeò ut vaga Pontificis censura, dum quid circa unumquemque hujusmodi articulorum sit sentiendum non definit, nihil definitivè videatur.

Ex quibus æquiores arbitri deducunt non inutilem modò, sed fovendis & augendis, quàm sedandis ac componendis contentiõibus aptiorem: Imò magis in catholicæ veritatis perniciem, quàm in errorum extirpationem latam esse arbitrantur Censuram hanc, quæ sensum verum & catholicum à falso

falso & hæretico non discernens, istum æquæ ac illum indiscriminatim damnat. His adde quodd cum tanta oscitantia istud Pii V. Diploma conscriptum sit, ut contra ipsas Latinæ Grammaticæ leges peccet, usurpando in multis articulis verbum, *dicis, docet, repetis, probat, &c.* licet nullum nomen præcesserit, quo indicetur quis dicat, doceat, reputat & probet, &c.

Sic N. Le Bossu ex Regali Monasterio Sancti Dionysii propè Parisios, Doctor Sorbonicus, dum Congregationibus *De Auxiliis* sub Clemente VIII. interesset, continere se non potuit, quin de iis conquereretur, quos honori Sanctæ Sedis parum consuluisse dicebat evulgando Pii V. Bullam, cujus dispositio seu contextus tam indiligenter, inquebat, ordinatus est, ut major pars articulorum sensum contineat qui vix intelligi potest, & multi possint sensum habere saniori doctrinæ consentaneum; adeò ut non nisi cum summo rigore & in sensu violento videantur aliquà censurâ digni. Imò, addebat iste Doctor, nec Grammaticæ leges in eo contextu observantur. Nam postquam in exordio Bulla in numero plurali locuta est de his qui falsos articulos defendebant, & non paucos sine numerum mutatione recensuit, nonnullos inserit cum verbo, *dicis, docet, repetis, probat*, etsi in toto præcedenti contextu nullus nominativus reperitur. Hæc in Collectaneis D. Pegna referuntur. Non minùs æquum, nec magis favens de ista Bulla iudicium ferebat Cardinalis à Sancto Clemente circa annum 1643. ut ipse Joanni Sinnichio Academiæ Lovaniensis Doctori Theologo, ad Pontificem delegato, significavit.

Animadvertendum 5. ita damnatas fuisse à Pio V. istas septuaginta sex sententias, ut nonnullæ teneri possent ac defendi in rigore & proprio verborum sensu ab assertoribus intento, ut idem Pontifex in eadem Bulla disertè declaravit his verbis: *quoniam nonnullæ aliquo pacto sustineri possent in rigore & proprio verborum sensu ab assertoribus intento.* Ista Pontificis declaratio summè premebat recentiores doctrinæ Michaelis Baii æmulos, qui eam à Censura in tuto hæc declaratione positam molestissimè ferentes, nihil non commenti sunt ut hæc Pontificis verba non modò non favere Baio, sed magis eum damnare demonstrarent. Excogitaverunt post hæc verba: *quoniam nonnullæ aliquo pacto sustineri possent*; comma esse interjiciendum, ut ista verba, *in rigore & proprio verborum sensu ab assertoribus intento*, ad præcedentia non referrentur; sed ad hæc quæ sequuntur, *hæreticas, erroneas, suspectas, &c.* & sensus sit illas omnes sententias esse à Papa proscriptas, *ut hæreticas, erroneas, &c. in rigore & in sensu ab assertoribus intento; quoniam nonnullæ aliquo pacto possent sustineri.* Imò Vasquez, aut is qui Bullæ exemplum, quo ipse usus est, descripsit, ipsius textum corrumpere non dubitavit, non solum inserto hujusmodi commate, sed & additâ voce, *tamen*, ut sic legeretur: *quoniam nonnullæ aliquo pacto sustineri possent, in rigore TAMEN & proprio verborum sensu ab assertoribus intento hæreticas, erroneas, &c. damnamus, &c.* Natæ inde sunt inter Theologos graves de famoso illo commate contentiones. Verùm illud comma in antiquioribus genuinisque Censuræ Pii V. exemplis non reperiri, proindeque non nisi à quibusdam Michaelis Baii æmulis in posterioribus istius Bullæ exemplaribus appositum, manifestè demonstratur.

1. Ex adductis superius ipsiusmet Cardinalis Granvellani litteris, cui Pius V. suæ Bullæ commisit executionem. In his enim postquam ipse significavit se ad avertendam Articulorum censuram apud Pontificem plurimum allaborasse, nec id potuisse consequi, eò quod concepti essent terminis à scholastica locutione alienis; scribit se tamen id à Pontifice obtinuisse, ut Bani nomen subiceretur; imò declarat quod nonnulli huiusmodi Articulorum *sustineri possent in rigore ac aliquo sensu*. Idem confirmatur ex litteris Morillonii die 20. Junii 1569. scriptis, quas superius protuli, & in quibus verba ista leguntur: *pour estre par icelle Bulle dit, QU'AUCUNES PROPOSITIONS S'EROIENT SOUTENABLES IN RIGORE ET PROPRIO VERBORUM SENSU*.

2. Quia ipse Cunerus Petri Doctor Lovaniensis, Michaelis Bani æmulus, in prolixo Commentario, quem anno 1571. scripsit pro hac Pii V. Bulla, verborum formam sub qua ista Censura Pontificis ipsi ac cæteris Doctoribus Theologis Lovaniensis Academiæ anno 1567. exhibita fuerat refert; & ut egomet in antiquo Ms. Codice legi, suam præfationem sic incipit. Quod „ad præsentis sententias attinet, Sedes Apostolica iis omnibus commemo-  
„ratis, de iis sub hac verborum forma decrevit, prout anno Domini 1567.  
„nobis legitime exhibitum est: *quas quidem sententias stricto coram nobis exa-  
„mino ponderatas, quanquam earum nonnulla aliquo pacto & in rigore & proprio  
„verborum sensu ab assertoribus intento sustineri possent, erroneas, hæreticas &  
„etiam quæ scandalum & offensionem in pias aures immittunt respectivè damna-  
„mus & abolemus*. Cum enim, addit Cunerus in istius Declarationis expli-  
„cationem, numero circiter 76. inveniantur, quædam sine dubio reperiun-  
„tur, *QUARUM SENSUS AB AUTORIBUS INTENTUS, QUEM RIGOR ET  
„PROPRIUS VERBORUM USUS ADMITTIT, fialiter exponerentur, ALIQUO  
„PACTO SUSTINERI POSSENT, &c.*

Post præfationem prægit hunc titulum: *sententia quedam à Sede Apostolica damnata & abolita, ita ut, QUANQUAM EARUM NONNULLÆ ALIQUO PACTO IN RIGORE ET PROPRIO VERBORUM SENSU AB ASSERTORIBUS INTENTO SUSTINERI POSSENT, erroneæ TAMEN, hæreticæ, & quæ scandalum & offensionem in pias aures immittunt, respectivè prohibita.*

3. Ex litteris, quas quidam Licentiatu Lovaniensis anno 1580. scripsit Episcopo Sylvæ-Ducensi, suprà adductis: in his apertè scribit, quod *sunt Bulla loquitur, plerique illorum Articulorum in rigore verborum, & juxta sensum ab Authoribus intentum veri sunt.*

4. Ex authentico Instrumento, quod Facultatis Theologicæ Lovaniensis jussu scriptum est sigilloque munitum anno 1567. refert, quâ ratione Pii V. Bulla adversus 76. articulos ipsi intimata est. In eo sic habetur: *Notum vobis facimus quod die datæ præsentium indictâ ad hoc specialiter Congregatione dictæ Facultatis comparuit coram nobis R. D. Maximilianus Morillonius, ... qui ibidem exposuit brevi se accepisse Bullas Apostolicas S. D. N. Pii Papæ V. expeditas Romæ Calendie Octobris ultimè præteriti, Pontificatus sui anno secundo, quibus certæ SENTENTIÆ, & Scripturæ, proloquia, & disputationes DAMNANTUR RESPECTIVE tanquam erroneæ, hæreticæ, scandalosæ, & piarum aurium offensivæ, QUANQUAM EARUM NONNULLÆ ALIQUO PACTO SUSTINERI*  
POSSENT,



POSSENT IN RIGORE ET PROPRIO VERBORUM SENSU AB ASSERTORIBUS INTENTO. Hoc Instrumentum habui non solum ex Codice Ms. Jansonii; sed & ex altero Codice manu ipsiusmet Gaudani, acerrimi inter Baii æmulos, exarato.

5. In eodem Codice eadem manu eodemque tempore exarato recensentur omnes illæ sententiæ cum Pii V. Censura his verbis expressa: *Quæ quidem sententiæ in Bulla Apostolica damnatæ sunt respectivè tanquam hæreticæ, erroneæ, scandalosæ, & piarum aurium offensivæ, quæcumque nonnulla aliquo modo sustineri posse ibi dicantur, in rigore & proprio verborum sensu ab Authoribus intento.*

6. In Codice, qui anno 1571. scriptus est, & quem notavi litterâ A. referuntur hæ sententiæ cum explicatione abbreviata Michaelis Baii, quibus præfixus hic titulus legitur: *Articuli Calendis Octobris anni 1567. à Pio V. per Bullam plumbeam damnati, tanquam respectivè erronei, hæretici, scandalosi, vel piarum aurium offensivi, quæcumque, ut ait (Bulla) NONNULLI SINT QUI JUXTA SENSUM AB ASSERTORIBUS INTENTUM VERI SUNT, quos prohibuit doceri, &c.*

7. In alio Codice, eodem tempore scripto, & quem notavi litterâ B. eadem sententiæ recensentur cum eodem planè titulo qui in præcedenti illis præfixus est: *Articuli Calendis Octobris... offensivi, QUÆCUMQUE, UT AIT, NONNULLI SINT QUI JUXTA SENSUM AB ASSERTORIBUS INTENTUM VERI SINT &c.*

8. In alio Codice, qui anno 1570. scriptus est, & quem dono dedit D. Loos, pastor Xenodochii Antuerpiensis, habentur iidem articuli cum eadem hac epigraphe: *Sequuntur articuli Calendis Octobris anni 1567. à Pio V. per Bullam plumbeam damnati, tanquam respectivè erronei, hæretici, scandalosi, vel offensivi, QUÆCUMQUE, UT AIT (Bulla) NONNULLI SINT QUI JUXTA SENSUM AB AUTHORIBUS INTENTUM VERI SINT, &c.*

9. Eandem prorsus inscriptionem præferebant isti Articuli in Ms. Monasterii Parcensis, propè Lovanium siti, quo continebatur explicatio, quam Facultas Theologica Lovaniensis anno 1585. super iis Articulis dederat Nuncio Apostolico; & cujus exemplum à se descriptum Adrianus Estius, istius Cœnobii subprior, ad Guillelmum Estium, fratrem suum, Duacum miserat anno 1586. unde minimè intelligitur quâ fide Theologi quidam Duaceni, in libro quem adversus Jansenium anno 1649. ediderunt inscriptionem, *Veritas & æquitas Censuræ Pontificiæ, &c.* & in quo istam Explicationem ex isto exemplo inseruerunt, hanc inscriptionem sustulerint; imò in suo ad Lectorem monito audenter affirmaverint istos Articulos in rigore & proprio verborum sensu ab Assertoribus intento esse Bullâ Pontificiâ damnatos: *Scimus, inquit, docti Bullâ eadem (Urbani VIII.) Articulos eorum nonnullos aliquo pacto sustineri posse, ut sustinent Vasquez, Suarez, Bellarminus, aliique Catholici, à quibus etiam discimus acerbitatem censuræ in illis esse damnatam à Pontificibus: sed cum iisdem Orthodoxis credimus definitum esse Bullâ Pontificiâ nullas ex his propositionibus non esse hæreticas, suspectas, temerarias, & scandalosas respectivè... in rigore & proprio verborum sensu ab asser-*

toribus intento, totis libris ac maxime obvio, quem Facultas ipsa Lovanienſis affecta eſt olim luculentâ ingenuâque Explicatione Illuſtriſſimi D. Vercellenſis Episcopii & Apoſtolici per utramque Germaniam Nuncii voluntate ac juſſu conceptâ. Si enim in iſto exemplo Adriani Eſtii deſcripti habebantur iſti Articuli cum titulo, quem in Codice Parcenſi præferebant, non niſi ſummâ nequitia ac fraude, Autores iſtius libri, qui Jeſuitis quibuſdam magis tribuitur, quàm memoratis Theologis Duacenſis, ſubducere potuerunt hujusmodi inſcriptionem, ac profiteri iſtos articulos in ſenſu ab Aſſertoribus intento fuiſſe Bullâ Pontificiâ proſcriptos: cùm oppoſitum ex iſta inſcriptione liquidò conſtet.

10. In Codice Mſ. H. qui eandem explicationem continet, & cujuſſcriptor animus in multis prodiit à Michaelæ Baio valde averſum, reſertur Bullâ Pii V. in Gregorii XIII. diplomate inſerta; & clauſula hæc, *quanquam nonnullæ aliquo pacto ſuſtineri poſſent in rigore & proprio verborum ſenſu ab aſſertoribus intento*; clauditur parentheſi, quam tamen fateor recentiore manu videri delineatam.

11. Valerius Andræas in Faſtis Academicis ſtudii Generalis Lovanienſis, 2. edit. pag. 365. de Pii V. Bulla hæc dicit: *quâ damnantur certæ ſententiæ ſeu propoſitiones, uti hæreticæ, erroneæ, ſuſpectæ, temerariæ, ſcandaloſæ, & in pias aures offenſionem immittentes reſpective: QUANQUAM NONNULLÆ, UT EADEM LOQUITUR BULLA, ALIQUO PACTO SUSTINERI POSSENT IN RIGORE ET PROPRIO VERBORUM SENSU AB ASSERTORIBUS INTENTO.*

12. In tribus Mſſ. Codicibus, quos Johannes Sinnichius, Lovanienſis Academiæ Docteur Theologus anno.... Sacræ Facultati exhibuit, eadem proferretur Pii V. cenſura cum commate non poſt verbum *poſſent*, ſed poſt verba hæc, *in ſenſu ab aſſertoribus intento*: eodem planè contextu ac in Mſſ. quos ſuperius protuli, & qui alii ſunt ab iſtis. Id liquet ex authenticò ejusdem Facultatis instrumento. Porro etſi in multis Codicibus antiquis articulos legi qui à Pio V. confixi ſunt, in nullo reperi comma poſitum poſt verbum *poſſent*. Ut autem Mſſ. his Codicibus fides habeatur, ſciendum quòd ab ipſo Morillonio, qui Bullam intimavit Theologis Lovanienſibus, primum exemplar hujusmodi articulorum traditum fuit, ex quo alia ſtatim tranſſumpta ſunt; quibus proinde eadem debetur fides quæ primo exemplo, quod Morillon, qui Bullæ iſtius fuerat promulgator, Facultati Theologicæ porrexerat.

13. In ipſa Urbani VIII. Bulla, quæ anno 1642. in Janſenii librum & Theſes Jeſuitarum typis Cameræ Apoſtolicæ evulgata eſt, inſertum habetur integrum Pii V. Diploma adverſus 76. articulos, cum iſta interpunctuatione, *quas quidem ſententias, ſtriſto coram nobis examine ponderatas, quanquam nonnullæ aliquo pacto ſuſtineri poſſent in rigore & proprio verborum ſenſu ab aſſertoribus intento, hæreticæ, erroneæ, &c.* ut teſtatur Ludovicus à Sancto Amore, Docteur Sorbonicus, qui iſtius Bullæ typis Cameræ Apoſtolicæ primum excuſæ exemplum idcirco ſtudioſè ſervabat. Si ergo in poſterioribus Bullæ Urbanianæ exemplis comma poſt verbum *poſſent* invenitur, illud ibi fraude poſitum eſt. Nec dicant illud reperiri in exemplo quod à Notariis excuſi-

exscriptum est, ac Sinnichio à Lovaniensi Academia Delegato traditum. Si enim Albizzi tot falsa inseruit in ista Bulla, dum illam composuit, ut Sinnichius demonstravit ipsis Cardinalibus; multò faciliùs apponere potuit istud comma, quamvot Jesuitæ, quibus divenditus erat, adverterunt id suæ causæ conducere. Cardinalis Lugo, Jesuita, diè 26. Octobris anni 1644. testatus quidem est se vidisse in ipso Francisci Toleti autographo comma post verbum *possent*; sed id contra alia tot testimonia nihil probat, nisi quòd post Toleti mortem comma ibi in Toleti autographo ab iis insertum sit, quorum intererat ut eò loci infereretur. Si Bellarmini & ipsiusmet Toleti opera multis in locis adulterata sunt, ut norunt qui varias eorum editiones consuluerunt; sique in istius Bullæ exemplari quod Vasquez legit, post verbum *in rigore* addita est vox *tamen*, quâ expressiùs in sensu Bati damnatæ intelligerentur 76. sententiæ: quidni ab iisdem in Toleti autographo inseri potuit famosum illud comma?

14. Ipse Mathias Hausfeur in sua Anatomia doctrinæ Augustinianæ Bullam Pii V. refert cum ista interpunctione: *quas quidem sententias, stricto co. n. ex. ponderatas, quamquam nonnulla aliquo pacto sustineri possent in rigore & proprio verborum sensu ab assertoribus intento, hæreticas, erroneas, &c.*

Animadvertendum 6. Pii V. Bullam adversus 76. articulos nunquam fuisse Romæ affixam aut promulgatam; ut in Congregatione De Auxiliis prudenter observavit suprâ memoratus N. Le Bossu, Sorbonæ Doctor; & ut faciliè intelligitur ex ipso Gregorii XIII. Diplomate, in quo hanc Bullam referens fidem facit se illam reperisse in Registro sui Prædecessoris; ad quod non recurrisset, si solemniter Romæ affixa fuisset ac promulgata. Unde nec uspiam ista Bulla reperitur, nequidem in ipsis Bullarum Archivis, nisi in Gregorii XIII. Diplomate. Significata quidem fuit Doctoribus sacræ Facultatis Lovaniensis, sed privatim in ædibus Doctoris Tilerani, ut suprâ relatum est. Anno 1570. ipsa solemnitus ab eodem Morillonio in scholis Lovaniensibus publicata est; sed non mandato Pontificis aut Cardinalis Granvellani, cui Pontifex istarum Litterarum executionem commiserat, sed jussu Præfecti Belgii ac quorundam Prælatorum, qui Synodo Mechliniensis aderant. Deinde quæque sit ista promulgatio, non sufficit ut cæteris Academiis & aliis Theologis promulgata censeatur ista Pii V. Constitutio, nec ut illos alliget.

Ipsam Gregoriano Diplomati insertam nemo nescit ab Urbano VIII. fuisse confirmatam in Bulla, *In eminenti*: quæ quidem solemnè ritu Romæ affixa est. Verùm Urbanus VIII. non propterea istam Pii V. Censuram approbasse existimandus est, nisi quia illam cum debitis juris solemnitatibus exiisse, & à Gregorio XIII. fuisse confirmatam ei suggestum est ab Albizio & aliis: Sienim hujusmodi solemnitates huic Censuræ novisset Urbanus, eam sanè suæ Bullæ non inseruisset; cum ipse se nihil aliud in sua Bulla intendisse declaraverit, quam suorum Prædecessorum Constitutiones, debito scilicet ritu ab eis emanatas, renovare: Quandoquidem ergo Urbanus eas non confirmaverit, nisi supponendo quæ falsa sunt; ex ista confirmatione nullum robur accedit istis suorum Prædecessorum Constitutionibus: quod enim

W. de Reg.  
Jur. & G.  
Decret.  
cod. tit.

enim in sua origine vitiosum ac nullius roboris est, rati-habitione non sit validum, vel, ut jura loquuntur, *quod initio vitiosum est, non potest tractu temporis convalescere: nec firmatur tractu temporis, quod jure ab initio non subsistit.*

Animadvertendum ultimò quoddam et si Pii V. Diploma Lovaniensibus Theologis fuerit à Morillonio prælectum; nullum tamen istius Diplomatis exemplum Lovanii aut alibi affixum fuit; imò nec ipsi traditum, quantumvis id requisierint: quod omnibus legibus repugnat quibus præscribitur, ut Judicum sententiæ scripto iis concedantur quorum interest, maxime si id requirant.

Qui igitur memoratam Pii V. Bullam, juxta Juris regulas expendere voluerit, ipsam profectò censebit nullius planè roboris, sed prorsus evanidam, sive materiam spectet, sive formam. Comperiet enim 1. eam esse inutilem, quia judicium profert in sententias quas nemo tenuit aut docuit sive in terminis, sive in sensu in quo aliqua dignæ erant censuræ. 2. Eam in destructionem & Ecclesiæ perniciem, magis quàm in ejus bonum & ædificationem Fidelium latam esse: quoniam magis excitandis ac fovendis, quàm sopiendis aut compescendis contentionibus nata est; ac amaro zelo turgentibus vel minùs eruditis occasionem præbuit vehementius invehendi in Theologos catholicæ veritatis per omnia tenacissimos. Deinde quia in intricatos & ambiguos articulos indiscretam & absque ulla explicatione sententiam pronunciat quæ æquè in verum ac in falsum hujusmodi articulorum intellectum cadere potest. Demum quia articulos, quorum alteri verissimi sunt ac piissimi in sensu quem verba præ se ferunt, alteri verò falsi & hæretici, promiscuè ac sine discrimine dispungit. 3. Eam esse injustam, eò quoddam eandem excommunicationis poenam, quæ extremum in Ecclesiæ supplicium reputatur, infligit tam iis qui opinionem, cui aliqua inesset temeritas, aut ex qua nonnulla oriretur offensio, teneret vel doceret; quàm iis qui planè hæreticas sententias assererent.

4. Eam esse obreptitiam, non solum quia peccat in Grammaticæ latinæ leges, in multis articulis, videlicet 15. 16. 17. 18. & 19. ubi verba ista: *dicit, docet, repetit, probat, insinuare videtur*, in singulari numero leguntur, licet nullum nomen in tota Bulla præcesserit, ad quod ista verba referri valeant: sed maxime quia fraudibus obrenta est ac mendaciis, quibus suggestum est Pontifici plus quàm septuaginta articulos doceri Lovanii, ac in Michaelis Baii operibus contineri: etsi vix ac ne vix quidem quindecim illorum in Michaelis Baii scriptis possunt reperiri, ut ex suprà annotatis liquet. Ripalda ipse fatetur saltem decem ex illis non inveniri in Operibus Baii, & alios dicit à Michaele Baio in privatis colloquiis, & in disputationibus fuisse assertos: verum id gratis ac falso dicitur; cum eorum quæ Michael Baius inter disputandum vel colloquendum dixerit nulla, quæ sciat, facta fuerit inquisitio, nullique de iis legitime auditi testes. Deinde ipsemet Baius omnes istos articulos veluti à suis libris excerptos, ut eorum indicant tituli istis articulis passim præfixi, intellexit fuisse ad censuram summo Pontifici exhibitos; In sua enim Apologia ad eisdem sub iisdem titulis recensitos, sub quibus fuerant damnati, respondit.



5. Istam Pii V. Constitutionem nunquam legitime promulgatam fuisse: quippe quæ ne Romæ quidem unquam affixa inveniatur: aliàs Gregorius XIII. ut eam declararet non esse fœrum supposititium, non recurrisset ad sui prædecessoris Registrum, in quo se illam invenisse profitetur, sed Chartophylacium consulisset in quo Bullæ quæ affixæ sunt ac promulgatæ, diligenter asservantur: ut sapienter advertit memoratus Sorbonæ Doctor, Le Boslu, tempore Congregationis *de Auxiliis*, ubi istius Bullæ vitia non dissimulavit.

In Congregatione de Auxiliis nulla indefinitæ Pii V. in 76. articulos Censuræ habita est ratio: etsi enim inter damnatas assertiones ista vigesima tertia sit: *Virtutes Philosophorum sunt vitia*: nihilominus die 20. Martii anni 1602. Papæ præside de ista quæstione disputatum est, utrum veræ virtutes in Infidelibus reperiantur, Jesuitis affirmantibus, & negantibus Dominicanis, quorum sententia omnibus Censoribus probata est.

Die 4. Decembris 1643. Doctores Sinnichius & Paepius ab Academia Lovaniensi Romam delegati. Francisco Albicio sancti Officii Assessori, qui, ut ipse fatebatur Urbani VIII. Bullam adversus librum Jansenii conceperat, dixerunt: *Miramur unde sit confictum quod in hac Bulla de Gregorio XIII. narratur; eum nimirum suâ Constitutione Pianam Constitutionem confirmasse, articulosque ibidem comprehensus iteratò damnassee. Extat apud nos Gregoriana Constitutio, ex cujus tenore manifestum est legitibus, quicquid bti [in Bulla Urbani VIII.] de Pianæ Constitutionis confirmatione, & iterata articulo- rum damnatione asseritur, esse fictitium. Cum enim à quibusdam in dubium revocaretur utrum verè à Pio V. prædicta Constitutio emanasset, Gregorius suâ Constitutione dubium hoc sustulit, fidem faciens & attestans se in registro Pii prædecessoris sui reperisse diploma, cujus tenorem continuò subinserit, nullam prorsus faciens mentionem novæ Confirmationis, aut iteratæ damnationis. Quibus Albicius nihil habuit quod opponeret.*

Die quintâ Februarii anni 1644. iisdem Sinnichio & Paepio Cardinalis à Sancto Clemente dixit, magnam Pio V. injuriam fuisse illatam ab illis qui sub ejus nomine BULLAM TAM FRAUDULENTER EXTORTAM EVULGARUNT: & quodd hæc Bulla à Lovaniensibus fuerit in dubium revocata.

Die 28. Aprilis ejusdem anni 1644. in Congregatione Cardinalium, qui ad examen causæ Jansenianæ erant electi, ab iisdem Delegatis demonstratum est, adductâ Gregorii XIII. Bullâ, id esse falsum, quod in Bulla Urbani VIII. adversus Augustinum Jansenii asseritur de Confirmatione Constitutionis Pii V. & de iterata articulo- rum in ea recensitorum damnatione, factâ à Gregorio XIII. qui merè declarat se in Pii V. Registro reperisse literas tenoris sequentis; hoc est Pianam Bullam quam ex integro inserit. His auditis Cardinalis Pamphilius (qui paulò pòst Innocentius X. fuit) assensu- tiens, subjunxit Bullam Pii V. videri sub Gregorii XIII. Pontificatu in dubium fuisse revocatam. Hæc omnia Joannes Sinnichius vir animi per omnia sinceri, refert in suo Diario, ubi singula descripsit quæ in sua delegatione contigerant.

Circa Bullam quam Gregorius XIII. ea de re edidit,

Animadvertendum 1. Bullam hanc urgentibus Michaelis Baii ex ipsa Academia æmulis, ac P. Francisco Toletio Jesuita procurante, esse eo tempore editam, quo Lovaniensem Academiam inter & Jesuitas, quibus Gregorius XIII. addictissimus fuit, graves exortæ erant discordiæ pro Academiæ istius juribus, quæ Jesuitæ invadere cupiebant: ut in Fastis Academicis 2<sup>a</sup>. editionis habetur, & in Tabulis istius Academiæ.

Animadvertendum 2. Gregorium XIII. idcirco hanc Bullam condidisse, quia cùm Lovanienses Theologi nullum Bullæ Pii V. exemplum obtinere potuissent, nonnulli ipsorum dubitare cœperant ac disputare an Pius V. Censuram hanc verè tulisset. Ut igitur novas has contentiones de Bullæ Pii V. veritate compesceret Gregorius XIII. Constitutionem istam condidit, in qua duntaxat declarat, se Pii V. Bullam in ipsius registro invenisse qualem in suis litteris inserit: & id unum præcipit, nimirum, ut eadem fides isti exemplo in sua Constitutione inserto, ac Originalibus Litteris habeatur.

Animadvertendum itaque 3. Eâ Constitutione Bullam Pii V. nullatenus confirmari aut innovari: & articulos in ea prohibitos nullâ ratione denuò reprobari aut damnari: cùm in ea ne verbum hujuscemodi confirmationis vel alicujus Censuræ legatur. Hinc manifestus fit eorum error, qui passim ac perperam dicunt ac scribunt Pii V. Bullam adversus memoratos articulos à Gregorio XIII. fuisse confirmatam, & ab eo rursum proscriptos esse istos articulos.

Animadvertendum 4. istam Gregorii XIII. Constitutionem nec Romæ affixam esse aut promulgatam: sed in Lovaniensibus scholis duntaxat à Francisco Toletio publicatam. Itaque nullam Pontificiæ Constitutionis vim habere potest Diploma istud, nisi fortè Lovanii.

Animadvertendum 5. quòd etsi Gregoriana illa Constitutio Lovanii publicata ac solemnî ritu prælecta est, ut superiùs retulimus; nullum tamen ipsius exemplum concedere voluit Pater Toletus; licet, ut juxta præscripta legum, exemplum authenticum ipsis daretur, insisterint Theologi Lovanienses, qui proinde ipsam Gregorii XIII. Bullam minùs legitimè etiam Lovanii promulgatam dicere possunt.

Animadvertendum est 6. quòd Urbanus VIII. in Bulla superiùs memorata enuntiaverit quidem à Gregorio XIII. confirmatam fuisse Pii V. Constitutionem, articulosque in ea confixos denuò fuisse damnatos. Verùm hæc Urbani VIII. Bulla apertè falsi ea saltem in parte convincitur, sicut & ab Joanne Sinnichio Lovaniensis Academiæ delegato Romæ convicta est, ex ipsomet Gregorii XIII. Diplomate, in quo nihil de ista confirmatione, aut de iterata hujusmodi articulorum disputatione habetur. Ne autem id innotesceret, Albizzius, Jesuitarum stipendiarius, qui Bullam Urbani VIII. conscripsit, in ea quidem Pii V. Bullam integram inseruit, sed non Gregorii XIII. Constitutionem, ex qua singulis patuisset ejus mendacium, & quàm

quàm falsò in Bulla Urbani dicatur Pii V. Bulla à Gregorio XIII. confirmata, proscriptique in ea articuli, iterum à Gregorio XIII. prohibiti: cùm Gregorius XIII. duntaxat testificetur tenorem Bullæ quam inserit, esse planè conformem tenori Bullæ quam in Pii V. registro invenit; & isti tenori eam fidem adhibendam, quæ ipsius Bullæ protographo debetur.

His omnibus attentè animadversis manifestum sit 1. Arminianos, Melanistas, aliosque hujus temporis Semipelagianos, ac liberi arbitrii inflatores ex memoratis Pontificum Bullis, quibus recensiti 76. Articuli confixi sunt ac prohibiti, non posse nisi valde ineptè deducere, quòd Ecclesia Romana ipsorum sententiæ faveat; ac Baii opiniones damnando, ipsiusmet Augustini assertiones vel reprobaverit vel saltem mitigaverit.

2. (a) Leydeckerum cæterosque Protestantés ex iisdem Censuris non potuisse nisi iniquissimè & cum enormi calumnia Romanam Ecclesiam arguere, ac si catholicam Pauli & Augustini doctrinam per hujusmodi Censuras in Baio ejurasset & in Pelagianismum esset prolapsa.

(a) locis  
suprà cit.  
& novissi-  
mè in sua  
historia  
Janse-  
nismi.

Nam ex suprà relatis animadversionibus liquiddò constat, 1. Quòd illæ Censuræ hujusmodi articulos, eos maximè qui Christi gratiam spectant & liberum hominis arbitrium, non proscripterint in sensu Baii & Augustini: cùm Bulla Pii V. disertè declaret nonnullas ex recensitis assertionibus, hoc est, eas præsertim quæ de Christi gratia ac libero hominis arbitrio juxta Augustinum loquuntur, in rigore & proprio verborum sensu ab Assertoribus intento esse veras ac posse sustineri. 2. Quòd (juxta ipsiusmet Joannis de Turiscremata regulam, innuentis inter Apostolicas sanctiones ea non esse recensenda quæ occultè & inconsultè à Romano Pontifice proferuntur; ac istà ratione cum Archidiacono distinguendis inter sanctiones Apostolicas, & sanctiones Apostolici) omnes illæ Censuræ non habendæ sint tanquam Ecclesiæ Romanæ judicia, sed ne tanquam sedis Apostolicæ definitiones; cùm per obreptionem obtentæ sint, ac plures in eis defectus deprehendantur, qui efficiunt ut vim Constitutionum Apostolicarum non obtineant. Unde nec Bulla Pii V. quæ tamen cæterarum fundamentum est, inter Pontificia Diplomata quæ Romæ asservantur in Archivis reperiri dicitur, nisi in aliis Constitutionibus inserta.

Juxta enim præmissas observationes certo certius est ac luce clarius, 1. Pii V. & Urbani VIII. Censuras non nisi fraudibus ac mendaciis fuisse extortas. 2. Bullam Pii V. à Gregorio XIII. nullatenus fuisse confirmatam, & Articulos à Pio proscriptos nequaquam à Gregorio fuisse iteratò confixos; ut falsò à Leydeckero & aliis pluribus etiam Catholicis hæctenus creditum est, & in ipsa Urbani VIII. adversus Janseii Augustinum Bulla enunciat. 3. Ipsas Pii V. & Gregorii XIII. Bullas superius adductas, ne Romæ quidem promulgatas fuisse aut affixas, multoque minùs publicatas & receptas in aliis Ecclesiis aut Universitatibus Catholicis, si Lovaniensem exceperis.

Itaque his omnibus Censuris inconcussa illibataque manet, perpetuumque manebit in Ecclesia Romana Sancti Augustini, nec non Michaelis Baii, ubi hunc sequitur, doctrina: nec nisi per mendacium & calumniam potèst Ecclesiæ Romanæ exprobrari, quòd per hujusmodi Censuras Semipelagianis er-

roribus in ullo consenserit, vel quod à Pauli & Augustini vel latum unguem deflexerit unquam.

# A P P A R I T I O

## D O M I N I

### MICHAELIS D. E. BAY.

**D.** M. N. MICHAEL DE BAY sacræ Theologiæ Doctor & Professor, S. Petri Lovanii Decanus, Universitatis Cancellarius, & Privilegiariorum Conservator, Præses Collegii Pontificis piè in Domino quievit in eodem Collegio 16. Septembris 1589. in cujus animæ à corpore separationis momento, quasi Columna ignea directè supra locum in quò recumbebat ter ex infimo aëre in cælum usque ascendere pluribus fide dignis Religiosis Dominicanis simul eo momento in suo horto congregatis visa est, qui jure jurando se paratos esse confirmare ita se vidisse mihi infrascripto fidem tecerunt: ac post ejusdem exequias me procurante solemniter in Octobri celebratas, verum esse declaro, quòd initio Novembris immediatè subsequēntis inter tertiam & quartam matutinam, dum de surgendo cogitarem, ut ad templum S. Jacobi, in quo Decanus eram, me conferrem, audivisse repēntē quemdam in cubiculo meo fortiter cum pedum dispoſitione ambulāntem, quo sono commotus dixi, quis est ibi? quò nihil respondente, sed ab ostio cubiculi usque ad lectum deambulante, secundò rogavi, quis est ibi? ac tertià peractā deambulatione usque ad lectum venit, ac ibi immotus consistens cortinas lecticæ levi motu agitans paululum aperuit, motuque æneorum circuloꝝ & apertione nonnihil attonitus, dixi quis es tu? Neminem nec umbram quidem vidi aliquam, sed responsum leni voce audivi: ego sum, vocemque Domini Patruī mihi notissimam ac familiarem optimè agnoscens, correptusque subitā admiratione dixi: unde Dominus hic est? quomodo cum eo agitur? Respondit non benè. Mox intuli: Dominus est in statu salutis? Respondit, ita sum. Subiunxi, cur Dominus luit pœnas, an propter doctrinam? Respondit non, sed propter neglectum Decanatus officium: non putabam quòd ibi sic acciperetur. Quibus dictis, cortinas meas  
latius



latius aperuit & evanuit. Ego porrò attonitus hæc audiens mox surrexi, ac pro ejusdem salute oravi, & sacrificium obtuli, interea nihil audiivi nec conspexi. Sed mox de abdicando Decanatus officio, quo multis annis in S. Jacobo Lovanii perfunctus eram, cogitare corpi, quod etiam re ipsa dimissi, non parum hæc ratione commotus. Ita esse hæc gesta & dicta eisdem verbis aut æquivalentibus declaro, Jacobus de Bay, S. Theologiæ Doctor & Regius Professor anno ætatis 58. Præfidentie collegii Sabaudie trigésimo primo, professionis in Theologia inchoatæ anno 29. Infrà habebatur; Hanc copiam ego infrà scriptus declaro esse verbotenus ex originali ab eximio Domino Jacobo scripta desumptam 28. Aprilis 1657. & erat signatum J. Billou, & in aversa parte primæ paginæ habebantur hæc: Hanc Copiam Copiæ à R. D. Billou quondam Collegii Baii Procuratore & modo Canonico Aëriensi scriptæ, Ego infrà scriptus Pastor loci de Wyers declaro esse verbotenus desumptam, sub signatum Franciscus de Thuin 5. Junii 1683. Inferiùs habebatur: Concordat Copia Copiæ supradicta, quod attestor I. B. de Vaddere Notarius Publicus.

*Dum Baiana hec sub prelo erant, ab Ex. Martino Steyaert, Lovaniensi Doctore Theologo, proditum est alterum ejusdem Apparitionis exemplum, quod licet ab alio in nonnullis discrepet, neminum fidem alteri detrahit, sed aliqua tantummodo supplet que in altero omissa sunt. Et facile quidem contingere potuit ut Jacobus Bayus, vir integerrime fidei, non semel Apparitionem hanc sit testificatus, & nonnulla in uno testimonio distinctius declaraverit, quàm in altero. Unde ne quid desideretur, secundum hoc priori duximus subjiciendum.*

# A L T E R U M E J U S D E M A P P A R I T I O N I S E X E M P L U M.

**D**ominus M. N. f. r. MICHAEL DE BAY, Sacræ Theol. Doctor & Professor, S. Petri Lovanii Decanus, Universitatis Cancellarius, nec non Privilegiorum Conservator, Præsesque Collegii Pontificis, in eodem Collegio piè placidèque in Domino quievit die xvi. Septembris 1589. in cujus animæ à corpore separationis momento directè supra locum in quo recumbebat quasi columna ignea ter ex infimo aëre in cælum usque ascendere pluribus fide dignis Religiosis Dominicanis simul eo momento in suo horto congregatis visa est, qui jurejurando se paratos esse ad confirmandum ita se vidisse, mihi infra scripto retulerunt; atque post mortem usque ad aliquot dies corpus reservatum flexibilia omnia membra retinuit, cujus rei testes oculati plurimi supersunt. Ac post ejusdem exequias me procurante in Octobri solemniter celebratas, initio Novembris immediatè subsequente, manè inter secundam & quartam, audivi repente quemdam in cubiculo meo fortiter cum pedum dispendione incedentem, quo sono commotus, dixi: Quis est ibi? Suspiciabar enim Famulum subintrasse ad porrigendum lumen nimis citò ut apparebat ex somno: quare nullo respondente, nec lumine conspecto, sed ab ostio cubiculi usque ad lecticam in angulo cubiculi existentem iterum deambulante, secundò rogavi. Quis est ibi? Ac nullo respondente, sed tertio à janua usque ad cortinas deambulante, audivi quemdam ante cortinas meas consistentem, qui proximè accessit, & cortinas meas aperire (levi excitato sono motu zeneorum circulo- rum) cœpit: quo sono & apertione cortinarum nonnihil attonitus, ambi-  
gens

gens an forsitan aliquis per fenestras intrasset qui mihi vim inferre tentaret, dixi: (diligenter prospiciens an aliquem conspicerem qui arma haberet) Quis es tu? loquere. Neminem verò ne quidem umbram notans, audiui suaviter respondentem: Ego sum. Vocemque Domini Patruī Michaëlis paulò ante defuncti mihi notissimam agnoscens, correptusque subitò admiratione, intuli: Unde Dominus hic est? Quomodo cum eo agitur? Respondit: Non bene. Subintuli. Saltem Dominus est in statu salutis? Respondit: Ita sum. Subjunxi. Cur Dominus luit poenas? Propter Doctrinam? Respondit: Non; sed propter negligentius administratum Decanatus Officiū: non putabam quod ibi sic acciperetur. Quibus dictis cortinas meas latius aperuit ac evanuit. Nec ab ea hora quidquam aliud audiui, nec tunc plura vel pauciora verba à me, vel ipso, dicta recorder. Sed mox surrexi & pro ejus salute Deum precatus sum, & sacrificium deinde obtuli, atque per alios varios idipsum fieri procuravi. Quem spero brevi postea in Beatorum cœtum evolasse, Deique conspectu frui.

*Hæc ita esse dicta, facta & gesta, eisdem verbis aut equivalentibus declaro,*  
JACOBUS DE BAY, Sacræ Theol. Doctor, Regiusque Professor, propria manu scripto.

Concordat cum Originali in Collegio Baiorum reservato: edi potest. Lov.  
28. Martii 1696.

M. STEYAERT V. A. S. D.

F I N I S.



C O R R I G E N D A

I N I. P A R T E.

Fig. 14. linea 17. respondendum. Lange, dele punctum.

57. l. 21. Cassianum, lege Cassianum.

66. l. 3. concludens, l. concludens.

68. l. penult. totum, l. ratum.

111. l. 18. ex legis, l. ex legu.

127. l. 6. futuro, l. futura.

130. l. 31. vercor, l. verbar.

162. l. 34. exuntur, l. leguntur.

176. l. 20. quam, l. qua.

181. l. 23. Melchisedech, l. Melchisedech.

217. l. 6. Item, l. Ite.

250. l. 24. conservavit, l. consecravit.

264. l. 1. veniri, l. inveniri.

l. 3. sine, l. sine.

294. l. 37. invidiose, l. invidiosè.

303. l. 34. sest, l. sed.  
 306. l. 35. curruer, l. curruet.  
 309. l. 36. Cena, l. Cena.  
 312. l. 40. quicquam, l. quisquam.  
 322. l. 52. hos etiam, l. dele etiam.  
 335. l. 27. Siolesia, l. Eclesia.  
 337. l. 12. forte, l. forte.  
 345. l. 17. divisim, l. divis.  
 369. l. 12. espondere, l. espondere.  
 391. l. 12. quidam, l. quidem.  
 397. l. 2. fuire, l. fuire.  
     in mte. 8. l. 3.  
 404. l. 33. ib, l. ibi.  
 405. l. 25. seria, l. serie.  
 406. l. 20. Tappardi, l. Tapperi.  
 414. l. 23. capitibus, l. capitibus.  
 435. l. 26. spiritaliter, l. spiritaliter.  
 440. lin. ult. delinear, l. pertinet.  
 448. l. 9. reverti, l. reverti.  
 457. l. 30. confractum, l. confractum.  
 476. l. 30. Episcopus, l. Episcopus.  
 479. l. 29. Augustinus, l. 4. lege Augustinus, l. 3;

## IN 2. PARTE.

22. l. 29. erudo, l. nascendo.  
 32. l. 13. aviamus, l. aviamus.  
     l. 15. abstinuissent, l. abstinuissent.  
     l. 24. exendo, l. exendo.  
     l. 25. el qua, l. el qua.  
     l. 27. guerra, l. guerra.  
     Perdiessemus, l. perdiessemus.  
 34. l. 2. fo nio, l. la nio.  
     l. 11. mesina, l. misino.  
     l. 24. confessionibus est, adde per Ministrum Generalem.  
 45. l. 31. venerandi, l. lervandi.  
 50. l. 19. fit, l. fit.  
 55. l. 26. ut sumus, l. ut sumus.  
 76. l. 10. Basiliaducensis, l. Basiliaducensis.  
 82. l. 10. perducant, l. perducant.  
 90. l. 2. nieta, l. infesta.  
     l. 4. inducium, l. inducium.  
 94. l. 30. circumstantia, l. circumstantiam.  
 105. l. 11. quanta à arte, l. quanta à arte.  
 141. l. 21. docet, l. docet.  
 168. l. 10. inducium, l. inducium.  
 193. ubi legitur Sabbonius, Sabbonius, Sabbonius.  
     l. Sabbonius, Sabbonius, Sabbonius.  
     l. penul. is, l. et.  
 199. l. ult. Sabbathines, l. Sabbathines.  
 202. l. 3. Facilitatis, adde Adagisitas.  
 207. l. 8. reprehensibilis, adde aliam.  
     l. 12. declarasset, l. declaratus fuisset.  
 216. l. 45. mira, l. lege mira.  
 218. l. 24. Liberum, adde arbitrium.  
 219. l. 5. mira, l. mira.  
     l. 12. Ultrinum, l. Ultrinum.  
 239. l. 40. Conferat, adde desuisse.



